

《續修四庫全書》編纂委員會編

續修四庫全書

上海古籍出版社

三七〇・史部・編年類

東華錄一百九十四卷東華續錄二百三十卷(康熙二十至康熙一百十)

王先謙撰……………一

臣王先謙敬編

臣周濟蕃恭校

秋七月丁丑原任廣東廣西總督金光祖奏臣前窺察眾情多有猜疑隨將臣總督兩廣關防暫行祕藏託言失去今雖用原藏關防緘輯人心然受兩粵重寄不能豫籌保固一旦被陷貽誤封疆臣罪難追得旨金光祖身膺兩粵總督重任不能保守封疆致地方陷賊前奏關防已失今又稱收藏如果收藏前具題失印之時何不以此情密奏觀此明屬巧飾本應革職從重治罪念其與平南王尚之信密謀反正復定粵東著革職仍留原任戴罪圖功○甲申子故盛京工部侍郎敖色祭葬○江甯巡撫幕天顏奏定例凡侵盜錢糧人犯限一年追納不完者本犯本身妻及未分家之

子流徙財產入官今請於冊報之後發解之前有能全完者免其罪部議不准得旨侵盜錢糧人犯於冊報之後發解之前全完者免罪著為令○乙酉揚威大將軍簡親王喇布奏江西各屬招撫偽官一千九百餘員兵丁家口三萬七千四百餘名下部知之○奉命大將軍康親王傑書奏偽將軍樂燦呈繳偽印札率眾投誠○江西總督董衛國奏偽總兵謝鎮國等率偽官三百餘員兵丁一萬三千餘名投誠○丁亥調張士甄為吏部右侍郎由禮部調○揚威大將軍簡親王喇布奏聞吉安逸賊韓大任等屯甯都樂安諸處臣調兵三路進剿仍行文招撫今韓大任等意欲歸誠啟請轉奏得旨前王輔臣等投誠俱已免罪復用近又特詔傳諭被脅從賊官吏自拔來歸赦罪議敘簡親王即以此意曉諭韓大任等○辛卯揚威大將軍簡親王喇布等奏偵得吳三桂所屬偽將軍七

人率賊三萬至宜章欲犯樂昌又欲分兵犯南安得旨逆賊至宜

章屯駐復欲分兵犯南安勢必窺伺南韶簡親王宜豫為守禦之策以固疆圉又潮州劉進忠劉炎等俱已歸誠粵省官兵無東顧之憂平南王尚之信將軍莽依圖即親統滿漢官兵速赴韶州協剿湖南逆賊將軍舒恕領兵守南安南雄諸處為韶州聲援或舒恕未便身離贛州亦當量遣官兵馳赴粵舒恕奏據副都統穆承格報逆賊於本月初五日攻韶州甚急臣即與巡撫佟國楨總兵哲爾肯等會商遣署副都統赫勒布率滿漢官兵赴援得旨韶州江粵咽喉必爭之地尚之信莽依圖等以文到日即率兵赴韶州舒恕亦相機應援簡親王仍分兵赴贛以資防禦○壬辰御史魏雙鳳奏先是直隸各省重案如在京秋審例俱豫期繕冊送京師命九卿科道會同覆覈分別情實緩決矜疑三等嗣以三逆變亂

部議暫罷今請復舊制刑部覆侯慎黔蕩平然後舉行得旨秋審事關人命直隸各省重案定限送京覆覈如舊制行○甲午加浙江總督李之芳兵部尚書銜以恢復地方調度有功也○河道總督靳輔奏河道敞壞已極修治刻不容緩謹條列八疏以奏一挑清江浦以下歷雲梯關至海口一帶河身之土以築兩岸之隄一挑洪澤湖下流高家堰以西至清口引水河一道一加高幫闊七里墩武家墩高家墩高良澗至周橋開殘缺單薄隄工一築古溝翟家壩一帶隄工並堵塞黃淮各處決口一閉通濟開壩深挑運河堵塞清水潭等處決口以通漕艘一錢糧浩繁須豫籌畫以濟工需一請裁併河工冗員奏調賢員赴工襄事一請設巡河官兵奏入命議政王大臣九卿詹事科道掌印不掌印各官會同詳確議奏尋議黃河關繫運道民生固應急為修理但目今需餉維艱

且挑浴役夫每日需十二萬有餘若召募山東河南等處不惟貧民遠役途食無資亦恐不肖官役借端擾民應先將緊要之處酌量修築俟事平之日再照該督所題大為修治得旨河道關繫重大應否緩修並會議各本內事情著總河靳輔再行確議具奏○丙申以鄂善為甘肅巡撫降級留任○丁酉原任高雷總兵官祖澤清奏罪臣束兵無術臨難偷生蓄恨兩年始得乘機斬賊率屬歸誠靜聽處分 上諭祖澤清先雖被脅從逆仍感恩歸正其加都督同知仍管總兵官事○定遠平寇大將軍安親王岳樂等奏臣等兩軍同駐日久糧芻甚艱宜分兵令穆占率往岳州水路夾攻得旨大將軍貝勒尚善等前奏須得鳥船始可破賊已命江甯巡撫慕天顏督造今將軍穆占即統兵到岳州亦必俟鳥船告竣然後進取度鳥船到彼正當隆冬水涸難以前進若俟來年水長東華錄 康熙二十

進兵勢必坐守岳州虛糜日月穆占宜勿赴岳州以兵會簡親王規取衡永諸處遏賊後路如此則粵東得以寬緩而粵西欲降者亦可乘間來歸穆占等其即率岳州官兵速赴茶陵攸縣與簡親王兵合協力進取衡永諸處○廣西巡撫傅宏烈奏臣前請大兵接應力任進取兩廣今廣東全省已定廣西乃臣專責無可他談臣與將軍莽依圖等議欲進兵廣西緣敕印未至無以為信且臣兵寡弱必得尙之信官兵同臣進取庶克有濟又收復廣西雲貴須招集土司土司官員專取憑於印信若以廣西雲南各土司印信頒發招撫一處即給一新印以杜反覆則逆賊可不煩大兵而滅矣臣標官兵經年缺餉兼少馬匹請量撥給以資進剿得旨覽奏詞意忠懇傅宏烈可仍以廣西巡撫為撫蠻滅寇將軍給以敕印尙之信速遣所屬官兵與傅宏烈同定廣西土司印信禮部鑄

給其官兵錢糧令總督金光祖給銀十萬兩俟秋涼再發馬匹尋又命戶部撥銀十萬兩解赴傅宏烈軍前○御史郝浴奏冊立皇后大禮將行請停今歲秋決以廣 聖慈下部知之○戊戌加鄭陽提督佟國瑤太子少保以安撫難民有功也○予故大學士伊圖祭葬諡文僖○刑部等衙門議覆差往河工吏部侍郎折爾肯等奏原任河道總督王光裕莅任以來不將隄岸修築堅固以致新舊隄岸屢屢衝決淹沒民田房產至屬員侵蝕冒銷又不題參王光裕應革職杖一百原任淮陽道今升浙江按察使張登選原任管河同知管盡忠俱擬斬監候從之○庚子加封 慈和皇太后之父原任都統精奇尼哈番佟圖賴一等公世襲妻覺羅氏為公夫人○以 世祖章皇帝乳母朴氏保育 先皇克昭敬慎上幼時復殫心調護封為奉聖夫人頂帽服色照公夫人品級東華錄 康熙二十

○平南王尙之信奏原任鎮守瓊州總兵官佟國卿舉城歸正下部議敘又奏海賊劉國軒踞惠州先從陸路窺新安已被官兵殺敗又從水路抵東莞縣石龍地方希圖順流直薄省城臣統水陸官兵分路夾剿劉國軒棄城奔竄偽總兵陳璉等以惠州歸正得旨嘉獎下部議敘○辛丑以富鴻基為禮部右侍郎由內閣○予福建死事歸化縣知縣黃易官廕○甲辰 上御便殿召大學士等入賜坐論經史大義因及前代朋黨之弊論曰人臣服官惟當靖共匪懈一意奉公如或分立門戶私植黨與始而蠹國害政終必禍及身家歷觀前代莫不皆然在結納植黨者形迹詭密人亦難於指摘然背公營私人必知之凡論人議事間必以異同為是非愛憎為毀譽公論難容國法莫違百爾臣工理宜痛戒若夫汲引善類不矜己長同寅協恭共襄國事是又不可以朋黨論也○

大學士巴泰乞休得旨卿以年邁請休情辭懇切准原官致仕以遂爾志念爾效力有年清端勤慎將朕所御衣冠帶鞵特賜與卿用旌老臣以昭朕始終眷戀至意○以吏部尚書明珠戶部尚書覺羅勒德洪為內閣大學士○以董國興為河南巡撫原任湖廣巡撫八月丁未定遠平寇大將軍安親王岳樂等奏保保總兵官陸道清請還雲南相機勦土司 上遣陸道清回雲南宣布寬大德意曉諭土司儻未便舉事亦聽其還鄉使彼父母妻子得以完聚其布政使周昌黃九疇仍留安親王所俟有機會題明遣往招撫○江西總督董衛國奏逆賊朱統錫復犯江右已破貴溪瀘溪諸縣臣請親率所部官兵前往撲剿 上命董衛國便宜進剿○己酉 上奉 太皇太后幸南苑○丙辰 上奉 太皇太后還宮○丁巳廣東廣西總督金光祖奏撫臣傅宏烈已統兵西行又楚東華錄 康熙二十 五 逆方偏韶城與我兵對壘乞多遣滿兵以資勦禦 上諭逆賊吳三桂分遣賊兵侵犯廣東韶州廣西桂林諸處皆由大將軍安親王岳樂將軍穆占等擁兵坐守長沙不即破賊平定湖南所致岳樂等其以文到日即分兵令穆占率赴樂昌諸處以斷來犯韶州賊兵後路夾而攻之度未可行穆占即會同大將軍簡親王喇布進取衡永諸處以斷侵犯兩粵賊兵後路其撫蠶滅寇將軍巡撫傅宏烈既統兵赴援廣西聽其相機堵剿平定地方○戊午轉吳達禮為吏部尚書由禮部轉○以李天馥為內閣學士由少詹事選○加靖逆將軍侯張勇少傅並太子太師以敘梨川殺賊功也○己未上御經筵○癸亥先是鎮南將軍莽依圖奏臣自省城抵韶州見城北陸路逆賊掘壕數重與官兵對壘請發大兵星馳赴援至是平南王尚之信又奏粵地土寇尚多潮惠人心未定且高州四府

屢報賊警臣屬官兵不得留鎮省會得旨今將軍喇哈達賴塔等大兵至潮州劉進忠等俱已歸順海寇敗遁粵境悉平而尚之信又以土寇為辭不離省城則逆賊各路來犯粵東又復可虞不但廣西難復楚賊難滅而廣東勢亦難保尚之信其以文到之日即親統官兵速赴韶州與將軍莽依圖等併力勦賊○廣西巡撫傅宏烈奏臣率官兵進取廣西偽將軍趙天元等擁眾萬餘踞守梧州出城迎戰我兵水陸奮擊敗之遂復梧州趙天元等僅以身遁得旨嘉獎下部議敘○丙寅冊立公遏必隆女 妃鈕祜祿氏為 皇后封佟氏為 貴妃李氏為 安嬪王佳氏為 敬嬪董氏為 端嬪馬佳氏為 榮嬪納喇氏為 惠嬪郭羅洛氏為 宜嬪何舍里氏為 信嬪○奉命大將軍康親王傑書奏潮州府同知仇昌祚自齋奏還潮遇賊作亂即引錐刺項自稱瘖啞堅不從賊請加旌敘得旨仇昌祚克篤忠貞堅守臣節殊為可嘉可從優授為僉事道留粵東遇缺補用○戊辰 上御太和殿受賀頒詔天下○辛未轉伊桑阿為戶部尚書由工部轉塞色黑為禮部尚書由兵部轉○甲戌鎮南將軍莽依圖奏投誠總兵黃四標逃奔入山投誠總兵薛起龍叛率賊眾四千屯駐江口擄掠民間子女臣調兵省城今尚未至韶州官兵又不可動乞調附近之兵以資撲剿得旨駐守南安署副都統赫勒布就近領兵前往會同南雄總兵官宋四箴等協力速滅叛賊黃四標薛起龍等以靖地方九月丙子命山西提督周卞世公溫齊等赴湖廣協剿○先是上諭內大臣覺羅武默納侍衛費耀色等曰長白山乃 祖宗發祥之地今無確知之人爾等前赴鎮守烏喇將軍處選熟識路徑者導往詳視明白以便酌行祀禮爾等可於大暑前馳驛速去至

是武默納等自長白山還京復命 上曰長白山發祥重地奇蹟甚多山靈宜加封號永著祀典以昭國家茂膺神貺之意著禮部會同內閣詳議以聞○子故左副都御史覺羅碩博會祭葬○奉命大將軍康親王傑書奏漳泉諸處平定臣等隨投都統賴塔平南將軍印選前鋒護軍二千餘名暫守潮州其內府佐領兵及喀喇沁土默特兵令將軍喇哈達率赴會城靖南王下官兵亦留守潮州令耿精忠但攜其護衛親軍與喇哈達偕來 上命耿精忠仍駐潮州復敕諭傑書及尚書介山侍郎吳努春等曰今當勦滅吳逆招攜撫順之時不宜遽調耿精忠還會城以疑眾心王及大臣等不將茲事豫行請旨即撤耿精忠殊為失計嗣今凡此等大有關繫之事務熟籌請旨毋得徑行○戊寅福建總督耶廷相奏鄭逆偽監軍侍郎陳俞侯攜帶家口人丁自海上投誠○己卯福建總督耶廷相奏長泰縣天柱山最為險要山海賊寇多聚於此臣調兵搜勦同原海澄公標總兵魏茂等殺賊三百餘名生擒偽提督中軍副將孫公等其偽總督林鳳等俱帶重傷逃遁天柱山已經蕩平又進勦東塔潭等處擊殺偽將軍吳田賊眾遠遁下部議敘○撫遠大將軍都統大學士公圖海奏臣自平涼親閱秦州清水隴州寶雞一帶隘口酌撥滿漢官兵防守今據諸路報稱副將紀魁元等敗賊於五盤山生擒偽參將等夸蘭大姜都納等敗賊於喬家山恢復塔什堡巡撫鄂善率領官兵敗賊於塘坊廟副都統鄂克濟哈率領官兵敗賊於芭蕉園並擒斬甚多獲器械不可勝計下部議敘○庚辰 上御懋勤殿諭講官喇沙里陳廷敬張英曰爾等每日進講啟導朕心甚有裨益嗣後天氣漸寒特賜爾等貂皮各五十張表裏段各二匹○福建總督耶廷相奏總

兵黃藍擊敗海賊於小盈提督段應舉等生擒偽將軍李復貴偽軍師林日向等下部議敘○辛巳 上御製詩二首及衣服等物賜撫遠大將軍都統大學士公圖海○癸未揚威大將軍簡親王喇布等奏臣等或進取衡永或救援韶州必厚增兵力始克有濟乞多撥就近官兵星馳前至 上諭和碩額駙華善學士薩海率江甯所有盛京兵三百自京撥往漢軍兵三百徽州駐防滿兵五十蒙古兵六百速赴江西抵南昌日合多諾等兵多選有馬者率赴簡親王軍前以聽調遣華善所佩平寇將軍印留付署副都統科爾科代管理江甯事務至安慶見有撫標兵提督王永譽可量所部兵往守徽州○甲申 上視 仁孝皇后山陵啟鑾○丙戌 上謁 孝陵○戊子 上巡邊○乙未征南將軍穆占奏臣等於本月初二日赴袁州察訪進兵道路即赴樂昌如有未便則會合簡親王進取衡永又前議留臣兵每佐領四名於安親王所適兵部咨以文到日即分兵赴樂昌用是悉師以往未獲分留長沙得旨穆占不進取樂昌又不赴茶陵攸縣徑回袁州以會同簡親王為辭又自違本議將荆岳所帶官兵盡攜赴袁州不分留長沙殊屬不合穆占其速如前議分每佐領兵四名留安親王軍前其或進取樂昌或由茶陵攸縣進取衡永作速定議一面前進一面奏聞○戊戌先是 上諭議政王大臣等逆賊吳三桂憑江湖之險抗拒大兵為日已久不速勦滅湖南民困無有已時聞逆賊多備鳥船戰艦死拒我師我師亦宜倍製鳥船沙船更令鹽船多載糧米由江入洞庭盡占江湖斷賊糧道夾攻岳州如事屬可行應遣賢能大臣官員會同督撫剋期造船多設水師營兵同大兵齊進期於一舉滅賊但增船破賊事關緊要大將軍順承郡王勒

爾錦貝勒尚善等身在地方與賊逼近應否舉行著速議以聞至是勒爾錦等議若令舟師入洞庭盡占江湖斷賊糧道即合新舊船艦亦不敷用久泊風濤我船不利若泊於南潯港一帶非並設陸路重兵則我船不得傍岸勢不能久占江湖阻賊餉路也但逆賊造船未已長江關繫最重當賊舟漸增之時我舟又非可驟得若豫行添造甚屬有裨烏船沙船可載數月之米其鹽船似應停止 上命添造烏船六十艘戶部尚書伊桑阿赴江南同該撫速行督造俟船將告竣更添發綠旗官兵鹽船著停止○壬寅 駕過達蘭蘇墨地方見一人臥道旁遣侍衛塞勒等往視之回奏言民王四海從邊外傭工還家因食盡餓臥不能起 上曰誰非朕赤子此人飢餓僵臥深為可憫爾等往噉以粥救之甦可攜以來既至命大學士索額圖詳問其由令喜峯口駐防遊擊杜昇等

東華錄 康熙二十 九

善養之送回原籍○江西巡撫佟國楨奏招撫偽副將羅復彪等一百一十七員所部兵萬餘俱各還田里下部議敘○是月免江南泰州宿遷水災及定遠等四州縣荒地賦

冬十月乙巳福建總督郎廷相奏逆賊朱寅突犯安溪縣城署縣事李鉦同千總張文福率兵奮擊斬偽提督林蕙徐化等並賊兵千餘餘潰遁下部議敘又奏按察使吳興祚招撫光澤山寇偽都督陳龍施建宇等二百十四員兵丁一萬九千五百餘名下部議敘○撫蠻滅寇將軍廣西巡撫傅宏烈奏臣閩門被難自幼子幼女暨家屬一百四十餘口盡為逆賊李迎春執送吳三桂分散殺戮鎮臣楊國泰全家被害及各將士眷屬慘戮情形不得不造冊報部以請優卹用慰忠魂得旨卿為國忘家志圖滅寇不意逆賊李迎春將卿全家並鎮臣楊國泰閩門解送誅戮朕心深為憫惻

作何優卹著議政王大臣會同議奏尋議俟該將軍查明優卹從之○鎮南將軍莽依圖奏廣西巡撫傅宏烈遣臣書言傅宏烈僅以兵五千獨當西路恐力不能支請滿洲將軍一人率騎兵千餘來至粵西以壯聲勢得旨傅宏烈進定粵西獨當一路宜以重兵自隨可照廣西經制兵額便宜召募汛守新復地方兼剿賊寇又將軍穆占見領兵赴廣東夾勦韶逆俟穆占抵粵破賊之後與將軍莽依圖等會議作何分兵赴梧接應傅宏烈聽酌量以行○撫蠻滅寇將軍廣西巡撫傅宏烈奏揚武營總兵官曾大職進剿逆賊於五屯所殺獲甚多復南平縣得旨嘉獎下部議敘○丁未福建巡撫楊熙奏逆賊朱統錫以前明宗室名號糾集黨羽盤踞山谷流毒三省臣已招撫偽總兵陳龍等隨遣按察使吳興祚星赴光澤率兵勦撫吳興祚設計遣投誠總兵蔡淑伴回賊營以作內

東華錄 康熙二十 十

應禁淑隨差人密報投誠總兵陳龍復首先率眾斬開奪路官兵分道斫寨勦殺偽弁兵丁四千五百餘名獲朱統錫子朱義潛姪朱義質偽總兵馮珩等勢窮計迫執獻朱統錫並銀印一顆兵丁三千餘名又逆賊許志遠恃朱統錫犄角之勢屢抗我師今朱統錫被擒聞風膽落率眾投誠計偽官一百有八員兵九千一百餘名下部議敘○撫蠻滅寇將軍廣西巡撫傅宏烈奏平樂府昭平縣離省不遠為賊犯梧出沒之地臣遣標下後營參將周光裕率兵進取擊敗賊眾斬殺無算恢復縣城得旨嘉獎下部議敘○靖南王耿精忠遣子顯祚入侍○庚戌以胡一璉為廣西布政使

任左江 ○癸丑 上還京師○奉命大將軍康親王傑書奏漳州龍溪縣班山泉州南安縣五都同安縣三保谿等處地方逆賊立營結寨盤踞山谷騷擾百姓為害已久臣遣前鋒參領都克納侯

馬三奇副將馮北京副都統紀爾他布等分率官兵於班山等處地方進剿賊眾屢次擊敗並招撫偽副將黃邦漢等下部議敘○平南王尙之信奏招撫偽將軍楊鎮邦下部議敘○撫蠻滅寇將軍廣西巡撫傅宏烈奏臣遣標下參將李士文等率領官兵於賀縣擊敗賊眾恢復縣城但逆賊馬雄尙在臣以孤軍無援且桂林圍困日久臣欲親統全營往應又恐梧州有事滿兵不至難以接應桂林一省關係甚重儻有不測慮寒投誠之心擬請敕鎮南將軍莽依圖或甯海將軍喇哈達等分兵接應庶可早奏蕩平得旨嘉獎下議政王大臣會同速議具奏傅宏烈又奏招撫偽監軍道周遜元總兵張宏參將侯鎮國等恢復鬱林等一州四縣得旨嘉獎下部議敘○甲寅諭議政王大臣等今韶州路通宜速發官兵接應粵西可移檄將軍莽依圖等分滿兵每佐領三名付統領江東華錄

康熙二十

甯兵額楚率赴梧州與廣西巡撫傅宏烈併力勦禦至兩廣兵餉及馬關緊要宜速給發以慰軍心所撥餉銀已至贛州今遣戶部員外郎莫羅馳驛赴贛隨都統勒貝兵以餉銀送往南雄到日令駐韶州將軍等遣兵迎取分發兩廣其遣撥馬匹令江西督撫選官押送總督金光祖軍前○靖逆將軍甘肅提督侯張勇四川陝西總督哈占涼州提督孫思克等奏厄魯特濟農等為噶爾丹所敗逃至沿邊違禁闖入塞內奪番目馬匹及居民牲畜守汛官兵驅之使出濟農等言我等鄂齊爾圖汗之子姪窮無所歸故至此聞噶爾丹復逞兵未已或來追我或趨喀爾喀俱未可知臣等竊思噶爾丹乃北厄魯特之首長兵馬眾多如果與兵即內地亦宜嚴飭守汛官兵防護並驅逐濟農等出境又理藩院奏據張家口報稱厄魯特來使博瑞額葉圖等不敢歸言來時鄂齊爾圖汗

喀爾喀土謝圖汗會夾攻我台吉近又聞歸化城來貿易人言喀爾喀色楞達什台吉率三百餘人將邀劫我等於汛界我等得在邊塞之內即如金城之固請暫居此俟本地使來同歸 上諭大學士等聞厄魯特喀爾喀交惡與戎雖虛實未確朕統御寰區一切生民皆朕赤子中外並無異視厄魯特喀爾喀儻因細故交惡至於散亡朕心大為不忍伊等向相和好貢獻本朝往來不絕若交惡果實當遣使評其曲直以免生民於塗炭如仰副朕一視同仁之意仍前和好相與優游太平朕大嘉悅焉但天寒路遠若遣使往回無飼馬馳驛之所或致有誤今厄魯特喀爾喀使至其令理藩院明白備檄交發來使傳諭之○廣東廣西總督金光祖奏臣已遣標下兵二千赴韶州俟大兵擊敗賊酋後臣即撤回官兵率赴高州同總兵官祖澤清直取南甯等府得旨部賊已為我兵東華錄

康熙二十

擊敗宜乘此時速平廣西金光祖可撤回赴韶官兵同祖澤清進取南甯柳州諸處○鎮南將軍莽依圖奏偽將軍胡國柱馬寶等於九月二十四日率賊萬餘犯韶州渡河至蓮花山薄江甯大兵營統領江宜兵額楚等奮勇拒戰臣復自城中遣兵夾擊破其四營斬獲甚多賊敗走帽峯山下部議敘○奉命大將軍康親王傑書奏續順公沈瑞為海寇執往臺灣其官兵家口散處無依應令會集一處 上命彙駐潮州以副都統張夢吉宋文科統之同將軍賴塔等協守地方其官兵俸餉令侍郎達都如舊撥給○丙辰安南將軍覺羅舒恕奏撫臣傅宏烈遺書於臣請滿洲大兵駐守梧州即可親統官兵進定廣西今韶逆為我兵擊敗機誠難得且南安有滿兵駐守平南王官兵復守南雄宜及此機會令都統勒貝率所部赴韶州協剿逆賊如此則傅宏烈請兵亦可便宜策應

得旨頃已令統領江甯兵額楚率滿洲大兵往援傅宏烈勒貝兵不必發往廣西但韶州所關甚要儻詔逆未平令勒貝星馳往赴同將軍莽依圖等協力剿滅○丁巳救諭安南國王黎維禧曰逆賊吳三桂值明季聞賊之變委身從賊以父死賊手窮竄來歸世祖章皇帝念其投誠從優漸進王爵授之軍旅委以事權異數殊恩振古未有爰及朕躬特進親王倚任等於腹心恩禮加於勳舊方期其感恩圖報殫竭忠誠詎意吳三桂以梟獍之資懷狙詐之計陰謀不軌自啟釁端藉請撥移輒行叛逆煽惑奸宄荼毒生靈極惡窮兇神人共憤連年遣發大兵各路征剿秦隴底定閩粵蕩平惟吳三桂竊踞一隅苟延旦夕日今大兵雲集指日授首恐其窮迫逃竄滇南倚恃險阻致稽天討茲以王累世以來扞誠進貢恭順有年誼屬屏藩忠盡素著亂臣賊子諒切同仇今已遣撫東華錄 康熙二十 三

講究文義但伊等各供厥職且往城外不時宣召難以即至著於內城撥給閒房俾其升轉在內侍從數年之後酌量優用再如高士奇等能書者亦著選擇一二人同伊等入直爾衙門滿漢大臣會議具奏○乙丑鎮南將軍莽依圖奏韶州無警撫臣傅宏烈兵力單薄已遣副都統額赫納赴梧州協剿得旨寇犯韶州將軍莽依圖同額楚夾剿既大敗賊眾復行追擊仁化諸縣指顧悉平可謂智勇兼擅凡為將者統兵滅賊底定疆圉不必一一俱俟中旨惟應機適變盡乃心力即克副委任至意莽依圖當逆賊甫遁即遣副都統額赫納等往援傅宏烈深可嘉尚頃已令統領江甯兵額楚赴梧州今既遣額赫納行即令額赫納母稽留肇慶疾赴梧州與傅宏烈同定廣西額楚赫勒布等仍留莽依圖軍○諭議政王大臣等將軍莽依圖等所遣大兵尚屬單弱今粵東已定韶湖東華錄 康熙二十 四

莽依圖可留勒貝額楚守韶州親統大兵速赴梧州同巡撫傅宏烈平定廣西廣西定後或進取湖南衡湘諸處或徑取貴州斷賊後路聽便宜從事○庚午以喀代為兵部尚書由左都馬喇為工部尚書○撫蠻滅寇將軍廣西巡撫傅宏烈奏賊犯梧州臣遣總兵官楊國泰分布官兵水陸並剿前後夾擊大敗賊眾於昭平等處陣斬偽總兵張元乘勝逐北本月初三日復得州府獲賊船器械無算得旨嘉獎下部議敘○辛未轉祁通額為工部左侍郎以溫代為工部右侍郎由內閣學士選○免江西新建等十三州縣旱災額賦

十一月乙亥戶部議准平南王尚之信奏粵省之廣肇南韶惠潮等府陷賊時遭逆賊派加兵餉橫征害民今地方已經恢復請禁革橫征私派以蘇民困從之○丙子調吳努春為吏部左侍郎由兵部

東華錄

康熙二十

五

○奉命大將軍康親王傑書等奏夸蘭大杜巴等率兵敗賊朱寅等於泉州關口總兵官侯馬三奇等敗賊於和平橋草蒲港地方副都統伯穆赫林副都統倭申巴圖魯總兵官侯馬三奇三路進兵敗賊於石井清寺等處恢復石井清寺等處得旨嘉獎下部議敘○丁丑以鳴爾圖為內閣學士由詹事○福建總督郎廷相奏署遊擊韓六合敗賊吳萬勝於崇安縣界擒偽總兵副將等二百餘員殺賊二千九百餘級下部議敘○已卯以金珙為廣東按察使由廣東學政○逆賊韓大任擁眾踞萬安縣梁口坐塘筆帖式以其事聞得旨逆賊韓大任自甯都敗遁窮踞萬安必且與楚賊合勢護軍統領哈堯山副都統席三雖已統兵前往恐兵力尚少簡親王其速調滿漢官兵與哈堯山等併力進剿務期剪滅毋仍前疏縱俾賊逸入湖南○子廣東死事遊擊侯進學文天壽官廡○

先是揚威大將軍簡親王喇布奏據報韓大任等欲渡河前遁楚賊來迎應乘其未合豫行剿滅但護軍統領哈堯山等部兵甚少若剿逸賊則無兵以遏楚逆若拒楚逆則追剿逸賊又復無兵今吉安無可調之卒臣等議分將軍穆占兵之半暫守永新安福令其半赴泰和萬安諸處遏禦賊寇得旨簡親王喇布自到江西並未建尺寸之功宴坐會城虛糜糧餉迨赴吉安以重兵圍城逆賊韓大任奔逸不能擊滅致韓大任竊踞甯都雖遣副都統布舒庫等率兵前往究未大創賊眾今韓大任等自甯都竄突延及萬安泰和諸處不能撲剿又以兵少具奏計喇布所轄滿漢官兵為數不少一韓大任未能剿除任其出入宜即嚴加處分念見在與賊相持姑俟事平日議罪其令將軍穆占率兵急赴梁口務速剪滅勿使蔓延至是穆占奏言聞吳三桂遣偽帥三人由永新犯吉安

東華錄

康熙二十

六

臣身在地方洞悉情形偽帥來犯非迎擊不可臣是以率兵前進於本月初三日已抵永新俟後軍一至即剿除永新百里外所屯賊寇進取茶陵其逆賊韓大任應令簡親王喇布或和碩額駙華善率兵堵禦 上復諭簡親王速調副都統布舒庫提督趙賴等所轄之兵亟滅韓逆將軍穆占身歷賊境必悉情形或先赴梁口協剿逸寇或已進取茶陵遏禦楚賊即乘機平定湖南其詳悉籌度無失事機○轉郭丕為兵部左侍郎以黨務禮為兵部右侍郎由內閣○甲申平南王尚之信奏粵東平定臣請量留標下兵守廣東省城盡率餘兵赴廣西圖賊從之○撫遠大將軍都統大學士公圖海奏署副都統覺和托等敗賊於沙窩斬獲甚眾下部議敘○丙戌以屯泰為內閣學士由太常寺卿選○已丑子故河南巡撫佟鳳彩祭葬諡勤儉○辛卯大學士等遵旨選擇翰林內廷侍直列

名請旨始設南書房命侍講學士張英加食正三品俸供奉內廷其書寫之事一人已足止令高士奇在內供奉加內閣中書銜食正六品俸伊等居住房屋交內務府撥給又令大學士傅諭張英高士奇選伊等在內供奉當謹慎勤勞後必優用毋得干預外事其恪遵朕諭○庚子 上幸南苑行圍○廣東廣西總督金光祖奏江右道布政使司參議陳上年故請賜卹典部覆參議乃從四品官不及卹例得旨陳上年不受僞職病故可憫其給卹銀一百兩○禮部等衙門遵旨議覆長白山係本朝發祥之地祀典從崇但民舍遠遠不便建廟請封為長白山之神初次往封遣大臣詣山擇地設帳幄立牌致祭其每年春秋二祭道遠路滯或雨水阻隔應交甯古塔官員在烏喇地方望祭凡遇恩詔差京官往祭者亦如之得旨是○壬寅贈死事江西上饒縣縣丞陳貞廣東合浦

東華錄

康熙二十

七

縣知縣金世爵官廕○免江南徐州山陽等十一州縣去年水災及江西浮梁安仁萬年旱災賦

十二月癸卯朔以廣東總兵官嚴自明為鑾儀使○乙巳奉命大將軍康親王傑書奏海賊圍泉州府屬小營地方副都統楊鳳翔提督段應舉領兵往援擊敗賊眾生擒偽總兵黃忠等百餘水陸共殺賊三千餘人下部議敘○丙午征南將軍穆占奏十一月十四日臣等領兵至茶陵州知賊眾已遁隨令都統宜理布等領兵追剿賊眾奔入攸縣據河岸迎敵我兵奮勇前進奪取城門陣斬賊兵四千餘生擒百餘餘賊遁去茶陵攸縣均已恢復得旨嘉獎下部議敘又奏茶陵攸縣新復請調副都統龔圖率往長沙之兵及袁州總兵官趙應奎等來此戍守臣即赴梁口剿賊 上諭會剿大兵為數已多簡親王等其併力殺賊務即殄滅穆占當以恢

復茶陵攸縣事啟聞安親王而親統大兵底定湖南已而穆占又奏逆賊吳三桂堅守衡州茶陵相去甚近水陸兼通臣部兵戰守未足乞調安慶提督王永譽率標下官兵前來併力得旨前以徽州要地遣王永譽率兵駐守不便隔省調遣安親王軍前益以副都統龔圖之兵為數頗眾今將軍穆占已復茶陵攸縣將進兵湖南安親王其速遣提督趙國祚盡率所部兵復量加滿兵往守茶陵攸縣俾無誤穆占進剿安親王穆占更宜互為聲援同心協謀以期破賊○丁未 上還宮○庚戌 上親製日講四書解義序曰朕惟天生聖賢作君作師萬世道統之傳即萬世治統之所繫也自堯舜禹湯文武之後而有孔子曾子子思孟子自易書詩禮春秋而外而有論語大學中庸孟子之書如日月之光昭於天岳瀆之流峙於地倚與盛哉蓋有四子而後二帝三王之道傳

東華錄

康熙二十

六

有四子之書而後五經之道備四子之書得五經之精意而為言者也孔子以生民未有之聖與列國君大夫及門弟子論政與學天德王道之全修己治人之要俱在論語一書學庸皆孔子之傳而曾子子思獨得其宗明新止至善家國天下之所以齊治平也性教中和天地萬物之所以位育九經達道之所以行也至於孟子繼往聖而開來學息邪說以正人心性善仁義之旨著明於天下此聖賢訓辭詔後皆為萬世生民而作也道統在是治統亦在是矣歷代聖賢勅業守成莫不尊崇表章講明斯道朕紹 祖宗丕基孳孳求治留心問學命儒臣撰為講義務使闡發義理裨益政治同諸經史進講經歷寒暑罔敢間輟茲已告竣思與海內臣民共臻至治特命校刊用垂永久爰製序言弁之簡首每念厚風俗必先正人心正人心必先知明學術誠因此編之大義究先聖之

微言則以此為化民成俗之方用期夫一道同風之治庶幾近於唐虞三代文明之治也夫○辛亥廣東廣西總督金光祖奏海逆楊彥迪糾夥黨犯欽州遊擊劉士貴率兵追殺賊眾又遊擊高應臣會同參將薛保擊敗逆賊斬殺甚多下部議敘○癸丑廣東廣西總督金光祖奏請就近調撥滿兵馳赴粵東以為後援 上責之曰進征廣西合計將軍莽依圖平南王尚之信巡撫傅宏烈並金光祖所轄之兵為數已多金光祖正宜乘此機會效力先驅以贖前罪况傅宏烈當時未任封疆尙能募兵破賊直入粵西恢復梧州諸府鼓勵將弁為國宣力金光祖本應總督重寄曾奏請同總兵官祖澤清取南甯柳州至今無意前進遷延時日反請濟師以為後援殊屬不合其遵前旨速取南甯柳州○揚威大將軍簡親王喇布奏護軍統領哈堯山等啟云欲與逆賊韓大任戰而山東華錄 康熙二十 九

路險狹騎兵難請調遣綠旗官兵相機剿殺否則分兵守隘斷其餉道賊即可破臣隨令總督董衛國酌調戍兵可緩者協力往剿 上諭護軍統領哈堯山副都統布舒庫席山雅秦提督趙賴等所統官兵頗多且將軍穆占擊敗楚賊收復茶陵攸縣逆賊韓大任已無外援宜乘此時即行掃蕩乃稱山路險狹騎兵難用欲調兵守隘延引時日使賊得乘間固守殊誤機宜簡親王量調附近官兵並嚴檄哈堯山等乘賊勢蹙亟行剿滅未幾韓大任遁入興國寶石砦安南將軍覺羅舒恕以聞得旨簡親王前擁大兵圍韓大任於吉安未能殄滅致令遁出迫韓大任竊踞梁口而護軍統領哈堯山副都統布舒庫提督趙賴等又不能撲剿復使奔竄簡親王其嚴檄哈堯山等併力窮追務即翦除若縱賊入楚從重治罪總督董衛國亦宜統兵協力進剿○甲寅征南將軍穆占奏

賊帥馬寶率眾赴衡州又賊二千餘屯踞宜章 上諭今賊盡赴衡州宜乘此時令粵東官兵就近由樂昌取宜章郴州則逆賊自難持久平南王尚之信不必赴梧即速趨韶州同都統勒貝及統領江南兵額楚進取宜章郴州永州穆占又奏安仁縣所屬高石地方有偽韶南將軍及監軍道駐紮茶陵州所屬石井地方有偽知縣駐紮即遣官兵前往生擒逆賊譚文度偽知縣譚敦錫獲偽韶南將軍及偽監軍道關防下部議敘○乙卯江西總督董衛國奏恢復銅鼓營城斬殺賊眾三萬有餘招撫偽總兵袁菊茂等一千三百餘員兵丁五萬餘得旨嘉獎下部議敘○福建總督郎廷相奏建甯遊擊韓六合馬登瀛會同浙江湖標守備曹象恒等率兵抵桐木源大敗賊眾陣斬偽副將林秀卿盡平賊巢下部議敘○丁巳諭兵部廣東韶州地屬緊要一切軍務額楚若啟簡親王轉奏慮多遲誤其令額楚以江南將軍印統轄兵馬都統勒貝參贊軍務凡事許得專奏○辛酉太白晝見○甲子增內閣侍讀三員專管記載旨意並票籤翻譯磨對謄真等件○乙丑江西總督董衛國奏江西省城已有副都統多諾鎮守請身赴吉安會同大將軍簡親王喇布商酌剿禦機宜得旨董衛國親率標兵赴吉安與大將軍簡親王共圖殄滅逆賊綠旗官兵聽便宜調遣滿洲將軍毋得干預○撫蠻滅寇將軍廣西巡撫傅宏烈奏逆賊吳三桂偽總統馬寶取道宜章郴州隘口臣同將軍莽依圖進取平樂桂林則逆賊不能兼顧湖南可立下矣得旨頃命平南王尚之信將軍額楚都統勒貝等已統大兵速平宜郴等處傅宏烈可同莽依圖亟定平樂桂林諸處○丙寅刑部左侍郎董安國以疾求

罷允之○予四川陣亡將士世職○予故陝西巡撫賈漢復祭葬

○己巳 上恭進 太皇太后錦衣親撰表文○以馮甦為刑部

右侍郎金僑為廣東巡撫由左副都御史遷○以廣東高雷總兵官祖澤

清為鑾儀使○辛未靖逆將軍侯張勇等奏甘涼近南山一帶

西海墨爾根阿喇奈多爾濟台吉等廬帳數千餘肅州境內游牧

番人頭目有濟農布第巴圖爾厄爾德尼和碩齊等廬帳萬餘皆

為鳴爾丹所敗自西套來奔 上諭大將軍圖海身在陝西其沿

邊流番或令提督等率兵往逐或嚴飭邊汛官兵各固守汛地選

幹練人員至番人頭目處開誠曉諭令彼退回著大將軍圖海酌

量指授而行毋致生釁○壬申征南將軍穆占奏署前鋒統領塔

爾代率兵擊敗偽副將王科於鄜縣所屬二都村復擊敗偽總兵

黃士標於鄜縣城下復鄜縣得旨嘉獎下部議敘○免直隸任縣

東華錄 康熙二十

陝西甯夏被災額賦○是歲朝鮮來貢○人丁戶口一千六百二

十一萬六千三百五十七田地山蕩畦地四百九十八萬三千四

百六十二頃五十三畝徵銀二千一百一十二萬六千四百三十

六兩五錢有奇米豆麥六百一十八萬八千七百六十四石二斗

有奇草二百四十二萬二千六百一十九束茶一十五萬五千三

百六十五引行鹽三百五十九萬八千七百六十引徵課銀二百

二十六萬二千三百六十五兩八錢有奇鑄錢二萬三千一百三

十六萬五千三百六十有奇

東華錄 康熙二十一

康熙十七年戊午春正月己卯定遠平寇大將軍安親王岳樂奏

都統覺羅晝特等率兵於十二月十四日大敗賊眾於平江復縣

城得旨嘉獎下部議敘○庚辰鎮南將軍莽依圖奏臣前抵梧州

聞吳三桂之孫吳世琮等來桂林誘殺孫延齡據其城吳三桂率

眾於十一月初六日來衡州令馬寶由宜章入粵西臣以梧州桂

林之間平樂最為要地非亟取不可因留總督金光祖駐梧州任

轉輸防守之寄又遣官兵駐潯州以禦柳州南甯之寇撫蠻滅寇

將軍巡撫傅宏烈於十二月十八日發自梧州臣於十二月二十

日率師由封川趨賀縣會同傅宏烈進取平樂未幾金光祖奏逆

東華錄 康熙二十一

賊馬雄死於雒容柳州賊心惶怖臣欲仍遵前旨乘機進取橫州

南甯以分賊勢率師於十二月二十日自梧州起行得旨梧州兩

粵之界又為將軍莽依圖等進兵後路頃將軍巡撫傅宏烈自梧

州率兵會莽依圖等由賀縣進取平樂今總督金光祖復進取橫

州南甯恐梧州兵單力少莽依圖等身在地方情形緩急當所稔

知應戰應守熟計而行務期萬全且平定廣西掃蕩雲南關繫緊

要其同心協意共相圖度毋致疏虞○征南將軍都統穆占奏聞

逆賊吳三桂自失茶陵攸縣等處饋餉不給軍士胥怨民多遠避

且茶陵等地方新復亟須堅守臣惟俟安親王所遣滿兵及提臣

趙國祚抵茶陵日並韶州滿兵平南王下綠旗兵何時由樂昌進

取宜郴等處知會到時方可相機前發進取湖南逆賊韓大任等

逸入楚境江西大兵宜追躡至湖南庶賊可撲滅新復地方亦可

無虞得旨前命平南王尙之信前赴韶州會將軍額楚等由樂昌進宜章郴永其進兵可否尙之信等尙未奏知穆占所領陝西荆岳諸處將士皆經簡擇平定湖南惟此精兵是賴茲當逆賊窮蹙之時卽宜速赴湖南殄滅兇醜不可待尙之信等兵坐失事機至江西大兵見在征討韓大任平賊之後自有措置豈可懸揣卽行指示穆占亦不必待江西兵至湖南卽鼓行滅賊亟靖疆場安親王亦宜速遣提督趙國祚赴茶陵其逆賊土地失守軍怨民遁情形可移會荆岳長沙大將軍王貝勒等知之又奏臣遣發官兵大敗賊眾於鄱縣斬獲偽副將總兵等十餘員下部議敘○江西總督董衛國奏逆賊韓大任李懋珠陳堯元等敗竄永慶廬陵間復奔閩川洞白楊坳 上諭頃將軍舒恕奏韓大任等敗走與國寶石砦已嚴飭護軍統領哈堯山等速行追躡殲滅爲期今韓大任

東華錄 康熙二十一年

等復竄閩川洞白楊坳董衛國其疾往追勦務期撲滅○癸未諭傳宏烈齋奏官劉曉將軍傳宏烈爲國忘家黽勉效力所奏諸事俱係當今急務區畫周詳朕甚嘉納爾歸傳諭傳宏烈此後亦當整頓師旅速滅賊寇以副朕出民湯火至意○甲申命內閣傳諭平南王尙之信齋奏人曰爾等先王在時貢獻方物靡不竭誠二年以來粵東事變道路塞阻信使不通每念及爾先王素日忠貞不貳爲國忘家罔不憫傷今王克承先志恢復粵東使人遠來請安兼進橙子可嘉但用兵之秋非比無事之時况見此物不勝思念爾先王其安戢地方恢復粵西湖南以繼爾先王未盡之志朕心甚爲期望此等細務勞人費事勿復爲念以後著暫止○以張仲德爲廣東布政使由貴州鹽道遷○浙江總督李之芳奏江西偽總兵林爾瞻等竊據石壠地方臣遣都司王國賢等前往招撫林爾瞻

等率僞官百餘員兵丁二萬三千八百餘名投誠下部議敘○江西巡撫佟國楨奏僞總兵賴榮盤踞江廣交界九鄉地方出沒流毒已非一日臣與安南將軍舒恕南贛總兵官哲爾肯遣官招撫賴榮率僞官十七員兵丁一萬一千二百餘名投誠下部議敘○乙酉河道總督靳輔遵旨覆奏臣前將河工事宜分別條奏蒙皇上以河道關係重大應否緩修命臣再議臣謹逐一再議題覆一用驢馱土可以節費前擬每日用夫十二萬有奇今改用夫三萬餘名驢三萬餘頭前限二百日完工者今改限四百日完工再於兩岸遙隄內築縷隄以束水築格隄以防決庶可不至潰決矣一洪澤湖下游高家堰西北一帶卽爛泥淺等處臣前奏因河工淺阻請於河身兩旁各挑引河一道今因正河全淤臣已興工挑濬通流今止須挑引河一道庶伏秋水漲准行有路可無他虞一

東華錄 康熙二十一年

運河既議挑深若不束准入河濟運而仍留黃流內灌則不久復淤臣見在於高家堰臨湖一帶地方決口上緊築塞而隄工單薄之處惟幫修坦坡一法爲久遠衛隄之計若不及早幫修伏秋水漲勢必衝潰祈敕部照前估費卽行興工一運河以西臨湖一帶自武家墩至周家閘大小決口三四十處自周家閘至翟家壩其中成河九道之處若不乘時併行堵塞則清水潭萬難修治不特高寶等七州縣常經水患卽重運經過決口亦危險非常急宜堵築斷難議緩一挑濬運河並堵清水潭等決口於立春後興工限一百日完工請將康熙十七年漕運過淮之期畧爲寬限俟挑河成工開壩放船一開捐納事例以助河帑願捐銀者照例款上納願築隄者自行認地修築完工日咨部註冊統俟大工完日停止一中河分司向駐宿遷今缺裁歸併准徐道應令該道駐紮宿遷

以統轄漕運咽喉又山旰同知已歸併山清同知應改名山清旰
貽同知以兼職掌至一切工程凡用監理官一員必用分管佐雜
官六員查江南佐貳雜職閒員甚少臣請於東豫二省內擇其職
閒才幹者調用一前奏請設兵丁駐隄防守今思不若設立兵丁
協同築隄每兵一名管隄四十五丈保固三年從優拔補且令每
兵自募幫丁四名將黃河兩岸近隄荒地令幫丁耕種或有納糧
之地即令業主爲幫丁庶人力益眾而防護更密奏入下議政王
大臣九卿詹事科道會議尋議政王大臣等議覆並如所請得旨
治河大事當動正項錢糧捐納事例候旨行其所稱沿河地畝撥
給兵丁又令地主作爲幫丁是否相合著再議餘如議○丙戌逆
賊吳三桂下僞總督董重民等自廣東解至京師 上諭大學士
等逆賊吳三桂背恩倡亂其荼毒生民肆行逆惡罪在賊渠吳三

東華錄

康熙二十一年

四

桂與脅從之人無涉彼所部人員如能悔罪投誠概行寬免屢經
有旨今僞總督董重民宜卽正典刑但朕已屢降旨寬宥爾等會
同兵刑二部堂官將董重民免死釋放同解罪人亦俱寬釋並交
與兵部俾各得所○己丑以金鉉爲左副都御史由太常寺卿遷○江西
巡撫佟國楨奏逆賊韓大任等竄走萬安臣會同安南將軍舒恕
南贛總兵官折爾肯遣標下遊擊楊以松等於鷓鴣寨等處屢次
擊敗賊眾斬副將等十餘員殺獲賊兵六千餘人餘孽遁走汀州
下部議敘○壬辰以郭四海爲左都御史由倉場侍郎遷○乙未諭吏部
自古一代之興必有博學鴻儒振起文運闡發經史潤色詞章以
備顧問著作之選朕萬幾餘暇游心文翰思得博學之士用資典
學我朝定鼎以來崇儒重道培養人材四海之廣豈無碩彥奇才
學問淵通文藻瑰麗可以追蹤前詒者凡有學行兼優文詞卓越

之士不論已仕未仕令在京三品以上及科道官員在外督撫布
按各舉所知朕將親試錄用其餘內外各官果有真知灼見在內
開送吏部在外開報督撫代爲題薦務令虛公延訪期得真才以
副朕求賢右文之至意爾部卽通行傳諭於是大學士李蔚等薦
原任副使道曹溶等七十一人 上命俟各員赴京齊集之日請
旨其在外見任者不必開缺○丁酉征南將軍穆占奏臣遣發官
兵屢敗賊眾於富茂灘斬獲無算復永甯縣得旨嘉獎下部議敘
○戊戌諭議政王大臣等逆賊吳三桂等背恩倡亂荼毒生靈擾
亂疆宇朕念切除兇志安民社仁育義正恩威並行大將軍等既
承簡任當厲忠貞之誼早奏戡定之勳以副朕愛民之意乃自用
兵以來大將軍王貝勒將軍大臣等固有盡心王事已著勞績者
亦有觀望逗留不思振旅邁進竟營私適己希圖便安或諉兵甲
之未全或託舟楫之未具借端引日坐失事機者甚而干預公事
挾制有司貪冒貨賄占踞利藪更有多方漁色購女鄰疆顧戀私
家信使絡繹尤可異者新定地方亟宜安集乃於所在攘奪焚掠
種種妄行殊乖法紀本宜嚴察職名從重治罪但時當進剿姑免
處分策勵後效各路大將軍王貝勒將軍大臣等宜乘時進取恢
復封疆拯救民命一切違法之事嚴加禁止如有不遵許督撫指
參繩以重典兵丁廝役犯者其將領家主均行連坐官員犯者除
本官重治外將帥分別議處地方官逢迎饋獻一併嚴懲如督撫
不糾或被言官劾奏或爲被害首陳該督撫以徇庇論督撫提鎮
等官自違禁條加倍究治其以此傳示內外嚴加曉諭俾一體遵
行○庚子以戶部郎中王士正詩文兼優改授翰林院侍講○辛
丑揚威大將軍簡親王喇布奏護軍統領哈堯山於本月初二日

東華錄

康熙二十一年

五

丑揚威大將軍簡親王喇布奏護軍統領哈堯山於本月初二日

領兵分路進剿大破賊渠韓大任陳堯元李茂珠等於老虎洞等處燒毀賊寨陣斬賊兵六千餘級擒殺偽總兵副將等三百餘名賊勢窮蹙詣康親王軍前投誠下部議敘

二月壬寅朔溫郡王佛永輝薨輟朝二日○甲辰諭兵部廣東兵變時被掠男婦子女可令平南王尙之信總督金光祖等嚴行察出令人民識認悉皆發還俾其父子夫妻完聚粵西平定之日將軍莽依圖傅宏烈等亦並察明被掠人口遣還原籍○江甯將軍額楚奏總督金光祖自潯州進攻失利得旨金光祖不守梧州希圖立功輕進失利梧州不無可慮萬一梧州失守則進取平桂大兵後路亦阻向調將軍莽依圖等速赴梧州因平南王尙之信不急發兵至韶州致誤軍行不可謂非王失機也梧州乃兩廣接壤要地不可不增遣重兵駐韶將軍額楚都統勒貝等即率兵前往

東華錄

康熙二十一年

六

駐防尙之信亦多遣精兵協守駐劄將軍覺羅舒恕率兵往守南雄兼顧韶州大將軍簡親王量遣官兵與巡撫佟國楨總兵官哲爾肯等同守贛州尋傅宏烈奏吳逆悉其驍銳俱向廣西乞遣附近官兵星馳應援得旨額楚等速赴廣西與將軍莽依圖傅宏烈等共籌攻守之策兩兵既合可著莽依圖總統額楚勒貝等參贊尙之信親率將士速進廣西接濟大兵若尙之信必難離會城宜多揀精銳速往應援額楚等兵既進廣西將軍舒恕不必俟簡親王所遣之兵即率師迅赴南雄尋尙之信奏臣奉命進取宜章郴永行至清遠以總督金光祖及高州等處報警遂還會城今潮陽諸處又報海賊突犯臣所屬官兵有限不能分應得旨潮州惠州既有將軍賴塔靖南王耿精忠提督王可臣等鎮守勦禦海寇不為不足今將軍莽依圖等深入廣西事機所繫甚重且廣西早定

則湖南之寇不敢自存尙之信其以沿海地方付賴塔等親往接濟廣西大兵毋誤軍事○乙巳諭將軍穆占爾所密奏事宜朕已知悉前議政王大臣所議因無接濟之兵令爾前進今賊韓大任窮蹙來歸諸處俱已剋復江西兩省將士皆有餘暇故著簡親王與爾會同酌議移文尙未至爾是以先為陳奏耳在廷所議乃合諸路情形統籌全局覽爾將軍等所奏各執己見者甚眾此皆無濟於事嗣後須當同心協力無負委任將軍身體如何彼處諸將士好否原奏發回特諭○丙午戶部議覆奉天府府尹金鼎奏遼東生聚未眾且旗民錯處今欲清丈隱地必同盛京戶部履畝逐一查看萬一奉行稍有不善必致民人驚擾伏乞軫念窮黎不拘年限聽民自首令地方官每年清查毋論多寡隨查隨報庶幾國賦日增人民漸集從之○己酉 太皇太后聖壽節 上親撰

東華錄

康熙二十一年

七

表文率王大臣等詣 太皇太后宮上表行禮恭獻玉壺金爵等件○庚戌子故溫郡王佛永輝祭葬立碑諡曰哀○先是定遠平寇大將軍安親王岳樂奏提督趙國祚奉調茶陵理宜即遣但趙國祚所駐乃邊疆要地日與逆賊礮火相加實難遣赴而他處等兵又不可撤今就近以守醴陵兵每佐領二人付署副都統公倭赫率赴茶陵駐守至是征南將軍都統穆占奏茶陵攸縣安仁永興鄱縣幅員遼闊與賊逼近臣等雖擊敗賊首郭應輔等而餘賊大半仍匿鄱縣山谷中且吳三桂盤踞衡州江之東岸有偽將軍馬寶等立營獨令倭赫控制諸地兵力殊單得旨穆占著俟簡親王至湖南日會同定議如協力同進則量留簡親王兵守茶陵攸縣等處若分路而行江西袁州已屬內地總兵官趙應奎可率標兵與倭赫併力趙國祚仍留長沙今江西已平簡親王進取湖南

其江西綠旗官兵聽隨宜調用○辛亥以邵甘爲倉場侍郎由左
○乙卯裁陝西綏德衛歸併綏德州管理○戊午以喀爾圖
爲左副都御史由詹事遷○左副都御史金鉉奏向因用兵各省需員
甚急故令督撫坐名題補原爲一時權宜嗣因外題日多部議停
止題補之例惟地方最緊要者聽其保舉題請近見各省每一缺
出卽保舉一人不曰輕車熟路則曰人地相宜既有保舉字樣吏
部不得不從臣恐從此效尤奔競徇情弊竇百出請嗣後湖南粵
西見在用兵省分仍聽督撫保舉外其不用兵省分凡保舉題補
之例應行停止至於保舉武官之例亦應一體分別酌定奏入下
吏部議尋議凡非用兵之地督撫無得保舉題補其用兵之地保
舉之官如不稱職仍治督撫濫舉之罪從之○己未 上御經筵
○先是撫遠大將軍都統大學士公圖海奏今諸路勦賊之際亦
東華錄 康熙二十一年 八
宜進取漢中興安但臣欲三路進兵而在秦之兵若留守諸處要
害則僅可遣發一路請自京增遣大兵 上諭在陝滿兵爲數不
少將軍侯張勇將軍王進寶王輔臣提督孫思克趙良棟總兵官
高孟部兵尤多可與張勇等公同詳議以聞至是圖海等奏言臣
等公議以將軍席卜臣西安副都統翁愛陝西巡撫杭愛領兵鎮
守省城將軍畢力克圖副都統恰塔領兵守隴州寶雞關山等處
內大臣坤巴圖魯侍衛副都統馬一豹領兵守潼關甘肅巡撫鄂
善領標兵同副都統席第郎中拉篤祜等領蒙古兵守秦州將軍
侯張勇駐莊浪以防邊四川巡撫張得地仍留延安鎮守延綏總
兵官高孟統標兵備棧道諸隘賊寇臣親率將軍佛尼勒署副都
統吳丹鄂克濟哈都統海爾圖西安副都統木成額副都統佟世
德將軍王進寶王輔臣陝西總督哈占以滿洲漢軍綠旗兵一萬

三千餘人爲一路將軍阿密達率護軍統領傑殷副都統覺和托
覺羅夸代四川總督周有德副都統吳國楨署副都統張所養涼
州提督孫思克漢中總兵官費雅達以滿洲漢軍綠旗兵一萬三
千餘人爲一路剋期前進提督趙良棟統標兵繼大兵之後鎮守
西和禮縣得旨進勦逆賊固守秦中皆大將軍公圖海將軍侯張
勇將軍王進寶等是賴應作何留兵固守秦地使無他虞作何進
取漢興諸處規定四川圖海等協謀熟計相機而行○辛酉福建
總督郎廷相奏海賊水師偽總督林英等犯泉州界提督段應舉
遣標下參將朱起龍等率兵撲勦大敗之於日湖等處生擒偽總
兵林耀偽副將黃宏等下部議敘○乙丑奉命大將軍康親王傑
書奏逆賊韓大任陳堯元李懋珠等率僞官九百五十四員兵一
萬三千三百一十九名投誠 上命遣兵驛送韓大任等來京○
東華錄 康熙二十一年 九
丁卯巳時 皇后鈕祜祿氏崩於坤甯宮 上輟朝五日諸王以
下文武官員及公主王妃以下八旗二品命婦以上齊集舉哀持
服二十七日○以軍興免直隸各省文武官齊集舉哀制服及遣
官進香○諭大學士等凡出征王貝勒及各官爲國討賊平定地
方效力行閒今令伊等妻服喪服朕心不忍其穿孝服摘耳環散
髮俱著免○己巳奉移 大行皇后梓宮於武英殿○辛未鎮南
將軍莽依圖奏臣等抵平樂圍其城賊水陸來援將軍巡撫傅宏
烈都統王國棟率綠旗官兵與戰不勝臣等孤軍難以久留退至
中山鎮乞罷臣將軍職任以警眾傅宏烈亦奏損兵失壘臣罪實
無可寬但滿漢官兵各自調度非臣所得指揮備益臣標兵專臣
平定廣西之責而以金光祖堅守潯梧後路再令滿洲大兵或從
韶州進湖南或仍駐肇慶以壯聲援庶可濟事得旨河水泛漲大

兵不能相援賊眾我寡以致失利莽依圖傅宏烈等皆著免罪傅宏烈既以兵少請濟師平南王尙之信可發精銳萬人多備火藥火礮速赴廣西應援將軍賴塔會同靖南王耿精忠率藩下兵千人並劉進忠標兵五千人付與都統馬九玉亦令疾趨廣西從莽依圖傅宏烈等併力破賊莽依圖傅宏烈以謀勇兼備並見倚任宜其相和協同心協衷謀濟國事滿漢官兵務令輯睦俟尙之信馬九玉兵及前所調將軍額楚等兵至或一路進發或滿洲綠旗兵分二路進發公同詳酌定議以聞總督金光祖已留官兵守潯身回梧州或即駐梧州接濟糧餉或莽依圖等檄赴軍前並候酌行○是月免江西豐城等九縣去年水災賦

三月癸酉福建總督郎廷相奏海澄為漳泉門戶今海逆登岸據有玉州等寨復分路侵犯石碼江東橋諸處臣已同副都統胡圖東華錄

康熙二十一年

海澄公黃芳世酌議發滿漢官兵前往應援但漳屬地方兵少防禦難周得旨海賊分路侵犯不可不亟發援師大將軍康親王速增大兵與郎廷相黃芳世協力固守漳泉海澄諸處勦滅海寇○乙亥征南將軍都統穆占奏大將軍簡親王所遣護軍統領哈堯山之兵來自長途馬多疲憊臣若俟之同行將值炎暑今當於署副都統公倭赫總兵官趙應奎至日委以地方即行前進但茶陵諸處闊廣兵力未敷請先調江西兵內馬肥者每佐領二三人遣大臣一員率之速赴茶陵鎮守度簡親王兵必由茶陵進發臣等移兵候於耒陽郴州協謀以行得旨哈堯山等之兵長途馬憊不能疾馳穆占若俟彼同行徒稽進剿之期且茶陵諸處所繫亦屬重要理宜固守簡親王可就兵丁內擇馬健堪用者每佐領選二人授和碩額駙華善定南將軍印與學士薩海領之速赴茶陵與

倭赫等協同駐鎮哈堯山等至吉安稍休士馬即繼簡親王進兵湖南共圖滅賊尋定南將軍額駙華善奏簡親王付臣每佐領兵二名但茶陵諸處止有倭赫一人其分汛防守實為未足上復諭之曰江西通省所繫惟在茶陵大兵前進初無接濟之師將軍穆古簡親王等公同商酌選良將精兵留之茶陵保固江西務俾萬無一失○丙子湖廣提督伯佟國瑤奏官兵進剿楊洪諸逆於房縣擊敗賊眾斬獲甚多生擒偽副將等五十二名復房縣得旨嘉獎下部議敘○戊寅諭兵部頃因江西底定因命大將軍簡親王進取永州寶慶遣將軍舒恕防守韶州南雄相機而行又令平南王尙之信發兵赴廣西調將軍額楚等自肇慶赴梧州今諸路並進滅寇恢疆正在今日總督金光祖又稱賀縣開建乃粵東門戶最為要地守此二縣則兵餉可由封川輓運今閱報文將軍莽

東華錄

康熙二十一年

依圖傅宏烈自平樂回軍儻莽依圖等還至肇慶德慶俾賊得據賀縣開建為死守計則復圖進取殊屬不易梧州諸處將不可保即恐東粵亦至動搖莽依圖等宜固守賀縣開建諸處遇有機會可乘即行前進金光祖督運糧餉以給大軍毋致有誤○兵部遵旨議敘海澄公黃芳世之弟黃芳泰應授為參將俟海澄公標下缺出補用得旨黃芳泰冒險請兵全家殉難忠貞可嘉著凡有總兵缺出一同開列具奏○壬午諭吏部戶部兵部朕統御寰區孜孜圖治期於朝野安恬民生樂業共享昇平乃副朕宵旰勵精之意不意逆賊吳三桂背恩煽惑各處用兵禁旅征勦供應浩繁念及百姓困苦不忍加派科斂因允諸臣節次條奏如裁減驛站官俸工食及存留各項錢糧改折漕白二糧顏料各物增添鹽課鹽丁田房稅契牙行雜稅宦戶田地錢糧奏銷浮冒隱漏地畝嚴行

定例處分用過軍需未經報部不准銷算以上新定各例不無過嚴但爲籌畫軍需早滅逆賊以安百姓之故事平之日自有裁酌各省督撫提鎮大小文武等官俱宜上體朕意下念民生潔己奉公愛惜物力務期早奏蕩平與民休息以稱朕乂安海宇至意○癸未平南王尙之信奏前奉旨命臣統兵親進廣西臣慮賊窺我兵既撤必肆犯潯梧且高雷廉三郡新定人心尙未甯戢恐復爲逆賊煽惑再四熟籌不得不駐省會以圖肆應得旨尙之信藩下兵著精選萬人遣赴廣西停其親往仍駐守廣東省城兼顧惠潮毋致疏虞○奉命大將軍康親王傑書奏前令臣分發兵守湖州今海逆侵犯海澄諸處大兵不便分遣得旨平南王尙之信已停赴廣西見令兼顧惠潮而靖南王耿精忠將軍賴塔仍鎮守惠潮諸處大將軍康親王其速遣精兵剿滅侵犯海澄賊寇不必應援

東華錄 康熙二十一年 三

廣東○甲申先是 上諭議政王大臣等岳州前後船艘多於賊數倍合此船破敵何難之有乃尙善統兵駐岳已經數年未一大創賊寇今大將軍安親王岳樂既克平江江西湖廣道路已通俟公溫齊等兵與陝西調往之兵到岳州日尙善可率所部大臣及每佐領兵五人赴長沙駐守令安親王率所部大臣選每佐領兵五人取岳州進取岳州時應遣將軍鄂內率舟師前進陸地則令滿漢官兵實土蘆固排列鹿角進逼賊壘晝夜火攻俾賊水陸應援不暇江之南岸石首縣城卽宜攻取水陸兵連營江岸或另立一營扼湖之險更於南漳港地方水陸立營斷賊後路安親王總統官兵相機剿援庶爲有濟不必令舟師往泊君山無用之地若準此而行斷賊餉道必能克取岳州至是尙善奏臣等數年與賊對壘並無寸效仰慰 聖懷今臣等仍願統率舟師務克岳州

以贖前罪得旨尙善等願率舟師自效可仍留岳州務痛懲前非滅賊收疆勉贖前罪○乙酉先是 上諭議政王大臣等韓大任既抵福州其江西追剿官兵度已回汛大將軍簡親王宜乘此機會統率大兵亟勦湖南逆賊一應機宜可與將軍穆占定議或併力會勦或分道進發相機速行一面奏報至是征南將軍都統穆占奏請令簡親王兵與其所部兵會合一路自茶陵取郴州未陽諸處卽自永州渡江向衡州得旨簡親王整頓兵馬速與穆占會合詳加籌畫令江西萬無他虞保固茶陵諸處及大將軍安親王後路然後會師一路進發平定湖南其護軍統領哈堯山追剿韓逆直抵福建軍士馬匹贏乏可將見在南昌馬一千解至簡親王軍前均給缺馬軍士○丙戌初祭 大行皇后 上親臨舉哀是日 上除服○諭撫遠大將軍都統大學士公圖海卿前奏言秦地遼闊畱守兵單今當進取漢中興安之期度果萬無一失有易復之機仍行進取但秦地所繫重大卿等親率大兵前進而王進寶孫思克等倚任諸臣俱在戎行脫行後更有他虞殊難遏禦宜暫停漢興之役固守所在要害廣布恩威從事招撫俟後有可取之機再行奏聞其謹祕之○諭議政王大臣等今逆賊侵犯潯州諸處梧州高州所關最要將軍莽依圖可駐鎮梧州若遇高州諸處有警卽行應援將軍巡撫傅宏烈整頓士卒俟進兵平樂桂林與將軍楚額都統勒貝署副都統穆承格同行如兵力未足許於莽依圖等兵內量調前進又諭議政王大臣等自逆賊吳三桂叛變以來大兵諸路征勦方平南王尙之信歸正之時將軍巡撫傅宏烈思念國恩密約反正所領官兵從未支領俸餉輒奮勇入粵西收復梧州等處殲戮渠帥屢奏捷功嗣以進取平桂規定滇黔

東華錄 康熙二十一年 三

奏請迅發大兵以相助援因遣將軍莽依圖等協力恢取平桂本
期莽依圖與傅宏烈併力平定廣西克濟大事不意莽依圖等兵
抵平樂寸步不前藉口綠旗營壘失陷遠奔還中山鎮仍復畏縮
退至賀縣又託言糧餉不繼徑回梧州德慶以傅宏烈恢復如許
城池盡棄與賊今若梧州乏糧必將退回肇慶肇慶乏糧必將退
回廣州儻廣州乏糧當復棄廣州而還耶如此懦弱多端託諉不
惟誤西征之事即粵東恐亦可虞頃有旨令莽依圖駐鎮梧州兼
顧高州諸處嗣今宜痛改前轍鼓勵軍士勉圖後效相機剿賊底
定封疆爾等其嚴行申飭○撫蠻滅寇將軍廣西巡撫傅宏烈奏
粵西地方僅存梧州一府滿漢兵馬芻糧浩繁力難供應得旨大
兵糧餉關繫殊急不可但取給廣西宜令廣東協濟平南王尙之
信可支餉銀二十萬兩解赴廣西並令廣東督撫運致糧草俾無
東華錄 康熙二十一年 西

誤軍需○子陝西死事商南縣知縣盧侯官廕○丁亥釋祭 大
行皇后 上親臨舉哀○諭撫蠻滅寇將軍廣西巡撫傅宏烈覽
卿所奏安人心固內地勦賊之策一一悉備但所云頒旨及部議
不甚如意又一時更換撫院藩司心甚疑畏等語以後朕自有裁
酌奏內請將河南綠旗兵二千北邊綠旗馬兵一千福建藤牌手
一千或江西贛州鎮標挑兵一千著前營遊擊管天祥帶領迅赴
臣營臣得此精兵五千便可獨力前征等語但調北邊綠旗官兵
路途遙遠不能無慮其廣東布政司一事高州官兵一事滿洲大
兵一事已有密旨著部議卿爾忘家勦馘素著恢復潯梧斬賊
渠魁屢屢有功因賊負固據險一時不能即效卿宜愈加勤力勦
撫粵西埽蕩逆氛以副朕倚任至意○辛卯以朱之弼爲工部尙
書原任兵部尙書○癸巳平南王尙之信奏僞水師將軍杜輝之子杜國

臣向在廣東臣於本月初六日遣人送赴岳州 上諭杜輝原係
雲南永北總兵官儻思念國恩傾心歸正於事甚有裨益杜國臣
抵岳州日大將軍貝勒選賢能人員密遣至杜輝所曉以伊子來
岳招令反正或杜輝實心歸化潛約何地乞遣其子或畏遣洩漏
答以他言貝勒應審察情狀若杜國臣可遣度萬無可慮則遣之
務俾有濟大事如稍有可疑切勿輕畀俟有機會布朕德意移書
招致爾宜加意慎密勿致洩漏○乙未福建水師提督海澄公黃
芳世奏海逆自敗遁之後集其餘夥數萬負嶠石碼城於三月初
六日僞提督吳淑等率賊眾二萬有餘上岸副都統孟安等同臣
標副將楊壯猷等率兵極力追勦擊沈賊船賊眾敗退下部議敘
○丙申奉移 大行皇后梓宮往鞏華城與 仁孝皇后同安於
享殿內 上親臨送○丁酉撫遠大將軍都統大學士公圖海奏
東華錄 康熙二十一年 五

臣等遣馬拉祜轉傳 上諭令流番各歸故巢已遵旨陸續出口
但番情叵測宜遣重臣一員駐紮蘭州以西地方固守三邊得旨
將軍張勇駐紮邊地年久深知地方情形著自蘭移駐甘州固守
沿邊地方○庚子 上還宮○安遠靖寇大將軍貝勒尙善奏岳
州原有烏船又奉旨派造烏船一百艘沙船四百三十八艘官兵
自陸路分布外餘配入烏船沙船兵數不敷須再調綠旗兵五千
人臣等茲役入湖務期破賊得旨公溫齊等率往陝西所調滿漢
兵以及船數乃尙善所備知宜早爲通計如有不足豫當奏請今
各路赴調之兵俱抵岳州船艦營造已完乃始奏請添兵殊屬不
合但尙善等既稱茲役入湖務期破賊其令蔡毓榮率標兵三千
並荆州隨征綠旗兵二千馳赴岳州與尙善協力擊破湖賊攻取
岳州如荆州彝陵防禦兵少大將軍順承郡王參贊大臣總督蔡

州傅宏烈金光祖早已棄地明諉過於傅宏烈而巧飾妄奏殊屬不合宜立行處分但見在行聞其仍留將軍任圖功贖罪○征南將軍穆占奏江西長甯縣偽昭陽將軍下總兵謝聘等三十二員率領兵丁投誠○庚申兵部理藩院會題撫遠大將軍圖海奏厄魯特噶爾丹將攻西海厄魯特若來或入大草灘亦未可定又陝西總督哈占移臣部云西套厄魯特台吉等聞噶爾丹有三月內舉兵之語應遣人知會達賴台吉備兵待之得旨噶爾丹與兵往攻西海厄魯特如遠從達布素圖瀚海而去則無庸置議若來至近邊欲經大草灘前往則將軍侯張勇提督孫思克等務須令其堅立信誓不許騷擾人民仍整飭我軍嚴加防護一面放噶爾丹過一面奏聞儻或肆橫疆欲入邊將軍提督等固守地方一面堅拒奏報尋命拉篤祐前赴甘州一帶地方偵探消息○撫蠻滅寇

東華錄

康熙二十一年

六

將軍廣西巡撫傅宏烈奏濬協副將林大忠思南副將張文玉等率兵剿賊於容縣西山等處大敗賊眾擒斬無算復北流縣得旨嘉獎下部議敘○辛酉冊諡 大行皇后曰 孝昭皇后○癸亥湖廣總督蔡毓榮奏楊洪二逆既經剿除餘孽未靖臣遣襄陽總兵官劉成龍招撫偽官兵丁共五千八百餘人下部議敘○甲子上至鞏華城○乙丑月祭 孝昭皇后 上回宮○丙寅諭兵部朕巡視京畿見八旗亡故軍士葬地窄狹墓壘亦竟無塋地者皆因郭外近地價值騰貴故不易得本朝軍士奕世效力行間殞命疆場或身被重傷在家老死皆家業貧窮至不能營辦葬地朕每觸目甚深憫惻作何撥給地土俾八旗貧苦兵丁俱獲葬所令議政王貝勒大臣詳議以聞○先是甯南靖寇大將軍順承郡王勒爾錦奏前旨令總督蔡毓榮率兵五千至岳州但彼標

兵自荊州以至彝陵諸路俱設汛防而大江賊船不時出沒滋陽逆賊復渡江置壘若蔡毓榮率兵赴岳則荊州諸處不無慮得旨攻取岳州事機重大且大將軍貝勒尚善稱此番進湖必期破賊蔡毓榮之兵不可不遣順承郡王仍遵前旨行荊州兵既未足可令河南南汝總兵官周邦甯率標兵一千五百人赴襄陽既至順承郡王等量調襄陽總兵官劉成龍標兵赴荆防禦尋勒爾錦復奏劉成龍標下及援剿兵俱應留守各汛 上諭劉成龍標兵既與地方相習可仍留襄陽周邦甯率兵徑赴荊州巡撫張朝珍於武昌諸處兵內調足二千代援剿兵與蔡毓榮偕往其援剿兵仍留荊州○丁卯定遠平寇大將軍安親王岳樂奏吳三桂偽親軍水師右翼將軍林興珠自湘潭遣偽官楊廷言等詣臣軍前投致降書隨遣副都統甘度海阿進泰以兵往迎又遣參領沙納哈

東華錄

康熙二十一年

九

率兵收取彼處船礮詎林興珠部下官兵潰散甘度海阿進泰不守湘潭將見獲之船盡行燒毀率領林興珠來至軍前沙納哈還亦並無船艦收獲得旨林興珠不忘國恩率其所屬人員傾心歸正深為可嘉其從優封侯爵授建義將軍留安親王軍前勦撫賊黨楊廷言等亦與議敘伊等妻子該督撫安插撫恤務令得所副都統甘度海阿進泰貽誤軍機情罪可惡著革職逮至南昌收繫○福建總督郎廷相奏逆賊蔡寅擁眾數萬駐紮天寶山截我糧道臣遣發官兵會同海澄公黃芳世於本月初一初二兩日連敗賊眾陣斬偽提督楊甯等三十六員擒賊弁一百二十餘員斬兵二千九百餘人奪營寨二十四所下部議敘○己巳征南將軍額駙華善奏茶陵為江西門戶重地將軍穆占留兵甚少恐吳逆乘閒自衡州出犯安仁攸縣諸處請增設大兵為防禦計得旨茶陵

攸縣關繫江西全省將軍穆占因聞安親王渡江故率兵深入乃安親王實未渡江儻逆賊聞道來侵江省可慮簡親王其與將軍華善前鋒統領希福將軍薩海等共商鎮守茶陵諸處以兵付護軍統領哈堯山由穆占進兵之路急行追及併力破賊穆占軍前聲息及逆賊情形簡親王不時奏聞

夏四月庚午朔漳州安塘筆帖式報副都統伯穆赫林海澄公黃芳世等師次灣腰樹與賊蔡寅戰失利平和失陷賊偏潮州立營得旨大將軍康親王兵既分援諸路蒙古兵復撤回閩中兵力似單今浙江平靖可於杭台衢三府滿洲蒙古漢軍兵內選六百名令副都統雅塔理率赴福建到日聽康親王調遣並檄將軍喇哈達賴塔靖南王耿精忠等交相計議剿滅漳潮間賊寇○甲戌海澄公黃芳世奏閩省變亂時臣叔黃梧弟黃芳度所部官兵並已

東華錄

康熙二十一年

干

離散臣抵漳之後頗復收集請減兵額為三千付臣弟黃芳泰統轄總督郎廷相奏海逆勢焰日盛句連山賊互相應援臣標兵止二千五百所在告警不能分應請增臣標兵二千五百設立五營今韓大任投誠之兵見給糧餉即以此兵補入臣標可不煩別糜糧餉上諭海澄公黃芳世收集之兵往時遭亂堅守孤城效力勞苦今逆氛未靖不當令其分散宜如所請以三千人隸籍支給糧餉黃芳泰已授京口左路總兵官其令黃芳世標員分轄此兵總督郎廷相奏增兵二千五百設五營亦如所請但韓大任之兵新經招撫不宜聚處一軍大將軍康親王及參贊大臣將軍耿昭忠及該督撫提等詳議將撫標舊兵與新附之兵相參配合以足兵額統轄官員該督選擇題補○諭兵部逆賊祖澤清背叛已調平南王尚之信副都統額赫納等率兵進剿復遣將軍傅宏烈

都統勒貝等率兵攻取鬱林諸處今聞逆賊自高州句連山海諸寇來犯電白尚之信及將軍額楚等速行剿滅○丙子諭撫遠大將軍都統大學士公圖海卿向在機密重任澡德浴身志節高潔奉命西征早清巨寇宣布德意兵過之地秋毫無犯舊德老成可謂社稷之臣前者拉篤祜來知卿平安朕心良足慰也今因拉篤祜回汛故示朕意○己卯征南將軍都統穆占奏官兵恢復郴州桂陽興甯宜章諸處其地為通粵要路幅員遼闊不可不駐兵防守欲留臣等之兵恐進剿力弱苟不設防則新復之地又復可虞乞別調官兵駐守得旨頃因茶陵攸縣地屬要區已敕大將軍簡親王不必繼穆占前進與和碩額駙華善協同鎮守仍令護軍統領哈堯山等會同穆占併力進剿今穆占既恢復郴宜諸處當增兵防守若粵東無虞鎮守南韶將軍舒恕之兵可調來駐防若粵

東華錄

康熙二十一年

主

東可慮則勿調舒恕兵或應於簡親王兵內通融分撥或量留哈堯山兵增防並聽穆占斟酌以行尋穆占招撫偽總兵王育民等收復臨武藍山嘉禾桂陽桂東五縣因奏言臣以兵抵永興渡河進剿移文將軍華善遣兵赴永興以續我兵之後華善謂茶陵諸處留兵甚少不即遣兵臣因將郴州永興桂陽興甯諸處令都統伯宜理布前鋒統領碩岱護軍統領喇賽副都統託岱祖澤瀆宜思孝等率兵分汛防守但新復地方不可不增兵駐鎮茶陵有滿兵每佐領四人及總兵官趙應奎與臣等所留湖廣綠旗兵又留簡親王兵一半為數不少請於此兵內遣往郴州桂永興諸處以資防守得旨頃有旨將軍舒恕之兵應否調守郴州諸處或酌分簡親王兵或應留護軍統領哈堯山兵聽穆占酌行穆占身在地方宜悉緩急作何調兵防守仍遵前旨相機從事○辛巳以溫哀郡

王佛永輝弟延壽襲爵○奉命大將軍康親王傑書奏副都統胡圖海澄公黃芳世等於閏三月初十一日連破漳州海賊陣斬偽提督總兵等焚毀賊營獲偽印劄船隻器械無算下部議敘○戊子諭兵部吳三桂背恩倡亂所部人員向沐國恩甚久其中不無被脅者韓大任等既經投誠仍令議敘加恩其同來護軍甲兵皆國家素所養之人若輩父母妻子俱陷賊中可遣發令歸漢中俾得完聚其續至者爾逐一問明或有願歸者奏聞並發○己丑以王新命為江西布政使由郎中遷○庚寅漳州安塘筆帖式報海逆環圍海澄我兵失利於灣腰樹賊勢益張聞海澄城中糧已匱乏賊復日犯漳州總督郎廷相奏海賊猖獗閩省兵單請調江南浙江廣東三省滿漢官兵赴援漳泉又請調三省水師戰艦並於福建召募水卒規取廈門得旨江南舟師調發岳州諸處京口亦

東華錄

康熙二十一年

三

為濱海要地廣東之兵進剿祖逆鎮守潮州官兵及劉進忠所部官兵又調往廣西梧州署副都統孟安等已率兵往援漳州副都統雅塔理亦已率浙江大兵前赴福建此三省之兵既隨在分遣不可復行調發且目下事機救海澄為急郎廷相乃奏請調募舟師規取廈門不合俱不准行大將軍康親王等身受全閩重寄宜將雅塔理率往之兵並黃芳世郎廷相標下增設之兵隨宜調遣務急解海澄之圍撲滅犯漳賊寇○撫遠大將軍都統大學士公圖海奏閏三月二十四日振武將軍佛尼勒參贊軍務署副都統吳丹等大敗賊眾於牛頭山香泉等處二十六日四川總督周有德參贊軍務署副都統覺和託等大敗賊眾於秦嶺等處恢復潼關堡五寨下部議敘○辛卯撫蠻滅寇將軍廣西巡撫傅宏烈奏故撫臣馬雄鎮當康熙十三年春逆賊孫延齡反叛時誓死抗賊

又密遣其子馬世濟從間道赴京師請兵孫逆覺之囚馬雄鎮於別室及康熙十六年十月吳逆偽將軍吳世琮破桂林殺孫延齡令兵士擁馬雄鎮至營偏降馬雄鎮大罵遂為吳世琮所害並殺其幼子三郎四郎及家人等其妻妾女媳皆投繯自盡闔門殉節世所罕有而馬雄鎮幕友舉人孫成儒士陳文煥等周旋患難冒險來歸忠君信友兩全其美伏乞敕部優卹馬雄鎮一門忠義以勵臣節敘錄孫成陳文煥等以鼓義士之氣得旨據奏原任廣西巡撫馬雄鎮抗詞罵賊精忠報國並家口殉難忠貞慘烈深可憫惻作何恩卹著議政王大臣等會議具奏陳文煥等冒險來歸可嘉著一併議奏尋議原任廣西巡撫馬雄鎮俟廣西平定後查明殉難人員一併議敘其子馬世濟從間道赴京請兵殊為可嘉應從優議敘加恩以通政使司左右通政大理寺少卿先用其幕友

東華錄

康熙二十一年

三

舉人孫成以同知用儒士陳文煥以知縣用從之○壬辰諭吏部等衙門國家設法定例原期章程盡善垂之久遠上裨軍國下益民生必期內外臣工精白乃心恪恭詳慎實心奉行方克永遵而無弊近見各處奏章凡於見行之例或借端營私巧為掩飾或推諉卸過冀免處分或徇庇情面曲為彌縫凡行一事每滋弊端以致良法美意澤未下究而累己及民揆諸立法初意殊為未符此等情弊科道官雖有風聞因無確據難以指參朕雖洞悉緣由期其自行改悔不加深求遂爾因循以為僥倖之路以後在內部院等衙門在外督撫各官俱宜滌慮洗心痛改積習於有益國家民生事務籌畫擔當不避嫌怨務期法行無弊恩被閭閻以副朕立法定制愛養斯民至意如視為故事仍蹈前轍事經發覺定行嚴加處分著通行申飭遵行○乙未靖逆將軍甘肅提督侯張勇奏

逆賊吳三桂餽遺達賴台吉等交相連結欲圖入掠且逆賊已知松潘茂州番中有通西甯大路恐乘隙侵我茶馬之利得旨甘肅提督舊時原駐甘州後因川賊犯秦州故移駐蘭州若吳逆圖擾邊境不可不加固守今張勇自蘭州移鎮甘州著嚴加提備仍與大將軍公圖海等便宜籌畫○丙申諭兵部提督九門步軍統領費揚武自任事以來夙夜勤勞殫心料理緝獲賊盜搜捕奸宄使里巷甯謐輦轂肅清向來效力有年今尤克稱厥職應行議敘以示鼓勵著議奏尋議覆應加一級授為正一品支一品官俸得旨費揚武再加一拖沙喇哈番餘如議

五月庚子朔先是諭兵部一等護衛雅塗侍讀學士格爾古德來自長沙奏言投誠偽將軍林興珠向安親王言前岳州舟師再戰林興珠皆在今我船甚多宜分其半泊君山以斷常德之道餘船東華錄 康熙二十一年 志

泊香爐峽扁山布袋口諸處沿九貴山陸路立營以斷長沙衡州之道則岳州賊路阻塞縱有糧米而薪芻器用必致乏絕賊可不戰而斃矣王令以此奏聞可即移文詹事宜昌阿知之至是宜昌阿奏我兵進湖後於高家廟君山扁山九貴山九馬髻諸處聯絡泊舟以斷賊路九貴山復設陸營使水陸相望我船相去不遠縱岳州賊兵出犯可以併力攻擊即長沙衡州常德諸賊來援亦可合勢剿禦賊內外阻絕勢必窮蹙如得岳州後宜進取何地乞豫示機宜得旨宜昌阿所奏水陸大兵進攻岳州貝勒尙善等宜熟計萬全以期速克既克之日即乘虛速取常德澧州諸處勿令賊得為備尙善等前以所在逗遛貽誤大事今宜殫心竭力勉圖自效毋得仍蹈前轍玩日稽時○奉命大將軍康親王傑書奏海澄危急臣已檄駐守廣東潮州將軍賴塔率所部兵之半及綠旗兵

來援餘兵令副都統倭申巴圖魯統領同靖南王耿精忠駐守潮州得旨海澄被圍日久勢在危急將軍賴塔可率兵速往救援潮州亦屬要地康親王更檄倭申巴圖魯等嚴加固守但海逆勢甚猖獗不可不增發官兵浙江既有將軍總督巡撫總兵官足以固圍應選綠旗精兵三千令提督石調聲統之速往應援如或稽遲從重治罪○海澄公黃芳世病篤奏言臣叔黃梧弟黃芳度全家殉難不遺一孤臣止一男甫及九歲臣弟總兵官黃芳泰久歷戎行備嘗險阻乞令承襲公爵尋福建總督郎廷相奏報黃芳世故

上命贈芳世少保以總兵官黃芳泰襲封海澄公○癸卯諭兵部速給陣亡將士卹銀○軍前病故貝子傅喇塔覲回京師遣大臣一員侍衛十五員往奠茶酒○甲辰左副都御史劉樞奏連年以來因軍興旁午將大計暫停並停兩年舉劾一次今漸次蕩平東華錄 康熙二十一年 志

又屆二年舉劾之期請嚴飭各該督撫將兩年舉劾之例作速舉行更請凡督撫題補與保舉各官其中或有改行易節者該督撫一體嚴察不得徇容縱下部議行○乙巳 上至鞏華城行孝昭皇后百日致祭禮○丙午 上回宮○征南將軍都統穆占奏桂東桂陽山中賊首偽總兵張得恩等率領文武偽官九十餘名兵丁八千餘人投誠○鄖陽撫治楊茂勳奏偽鎮郝一經同偽監軍高維藩率偽文武等官四百七十名賊兵三千七百餘人投誠○戊申撫蠻滅寇將軍廣西巡撫傅宏烈奏臣同都統勒貝等統領官兵於四月初十三十五等自北流陸川博白進剿累敗賊眾偽總統饒一龍等各棄城遠遁恢復鬱林州及北流興業陸川博白等四縣得旨嘉獎下部議敘○以鄂愷為甘肅布政使○福建巡撫楊熙以年老休致○己酉先是 上諭吏部兵部

向以閩省海疆要地雖經恢復海逆未平民生凋敝撫綏防禦惟在文武大吏相與殫心料理方於兵民有裨今總督郎廷相提督段應舉自簡任以來為時已久山谷之伏莽未靖閩閩之困苦未蘇吏治未見激清營伍漫無整頓寇警頻聞地方躡擾更有甚者海賊侵犯內地事前不能豫防事後不能勦禦皆由該總督提督庸懦無才職業不修所致殊負簡任之意豈可仍令在任貽誤封疆大將軍康親王參贊大臣等會同嚴加確議具奏至是康親王傑書等奏郎廷相等應嚴加處分 上諭郎廷相段應舉俱著解任江甯提督楊捷謀勇兼優著以原銜加少保兼太子太保調補福建全省水陸提督總兵官一切勦禦賊寇保固地方戰守機宜全資殫心籌畫展布壯猷以副朕簡擢倚任至意○庚戌撫蠻滅寇將軍廣西巡撫傅宏烈奏偽總兵梁子玉賴天錫聞大兵已到東華錄 康熙二十一年 美

鬱林把守白米嶺岫特險負隅我兵進剿於四月十六日黎明占據逆營斬偽總兵梁子玉生擒其兄弟二人斬賊兵五百二十餘級生擒二十一名賴天錫拔營遁走下部議敘○壬子以炎暑命大學士等清理刑獄○癸丑以姚啟聖為福建總督由布政使遷吳興祚為福建巡撫由按察使遷○甲寅 上幸西郊觀禾顧大學士明珠等曰朕觀古來帝王如唐虞之都俞吁咈唐太宗之聽言納諫君臣上下如家人父子情誼浹洽故能陳善閉邪各盡所懷登於至治明朝末世君臣隔越以致四方疾苦生民利弊無由上聞我太祖 太宗 世祖相傳以來上下一心滿漢文武皆為一體情誼常令周通隱微無有閒隔一遊一豫體恤民情勗作艱難立萬世不易之法朕雖涼德上慕前王之盛事懷遵 祖宗之家法思與天下賢才共圖治理常以家人父子之誼待臣僚罔不兢業以

前代為明鑒也大學士明珠等奏曰 皇上所行事事上追聖帝仰法 祖宗宵旰勤政日御宮門親理萬幾與大臣講論治道民情隱微洞悉 聖衷臣等濫叨隆遇或掌機密或侍左右日見皇上留心政治遊幸之際未嘗不以天下為念臣等雖驚劣不堪敢不勉思往代良臣以盡愚蘊仰副 聖明孜孜求治之心○丁巳 上駐蹕南苑○戊午 上御南苑前殿講官進講 上以講章內言敬者德之聚因諭曰誠敬一理敬又為誠之本○議政王大臣會議江南省原止提督一員統轄因江西饒州等處地方變亂以安慶與江西接壤特添設提督一員今江西底定安慶徽州已屬內地江西提督楊捷員缺俾其推補應將安慶提督王永馨調為江南提督統轄全省移駐松江從之○辛酉 上回宮○浙江總督李之芳奏偽都督李日生等盤踞玉山縣屬八仙洞老巢東華錄 康熙二十一年 毛

臣標參將蔣懋勛等會江西官兵深入夾剿於四月十六日連破三關攻克八仙洞十七日連破四關攻克老鼠洞共斬賊三千餘級陣斬偽遊擊都司等員焚毀賊巢下部議敘○甲子先是厄魯特濟農遣人至靖逆將軍甘肅提督侯張勇所言我祖願實汗以來職貢不絕今為噶爾丹所敗窮迫來此欲赴西海往會我叔達賴台吉兄墨爾根台吉若由邊外繞出則行月餘中途數日乏水如由內地行則限於 主上邊境不敢徑度祈准由內地過邊張勇以由水泉出邊竟日可到墨爾根台吉處五日可到達賴台吉處奏請令其由水泉過邊 上允之乃濟農逗遛月餘復北向遊牧未由水泉過邊至是濟農以布隆吉爾地方見有火光探聞噶爾丹追迫已近竟由雙井闌入內地提督孫思克奏請率兵逐之得旨將軍張勇見赴甘州即著親身驗看驅逐濟農部落過邊赴

伊叔兄處所加意防護勿使擾民尋將軍張勇奏報驅逐濟農等
出邊○乙丑以梁鉉為倉場侍郎原任工部侍郎○平南王尚之信奏臣
同副都統額赫納等親統大兵自肇慶啟行於四月十一日抵電
白逆賊祖澤清盡選精銳據守外設五營臣等分兵攻擊連破賊
營斬賊首偽總兵江瓊等並賊黨四千餘級追殺二十餘里城中
賊黨閉門堅守臣分兵合圍一面招撫十七日夜城內原任雷協
都司王得功等率眾投誠臣料此一戰已足寒祖逆之膽因星馳
一百八十餘里即抵高州而祖逆已挈家屬遁去十九日復高州
得旨嘉獎下部議敘○戊辰子吉安陣亡千總侯朝卿廕○是月
免江西萬安縣去年水災賦

六月庚午朔諭議政王大臣等康親王傑書用兵甚為選悞自至
浙江安居無事之地及屢降嚴旨督趣始破衢州之賊進定福建
東華錄 康熙二十一年 天

福建既平不事豫防固守俾海賊登岸遂因海澄我國家軍法嚴
明無敢輕忽浙江福建失機將士傑書未嘗察取供詞糾劾有負
委任其會議以聞尋議政王大臣等議奏傑書庸庸忽軍紀宜
並參贊大臣嚴行處分但見在出征破賊俟師旋察議海澄被困
之處應令盡力救援從之○諭議政王大臣等福建所有之兵汛
守沿海訖於潮州勢分力弱而解海澄之急又屬最要頃平南王
尚之信已擊敗高州逆賊令其速還會城即率官兵馳赴潮州鎮
守其在潮州滿兵及靖南王並其所屬官兵令赴將軍賴塔喇哈
達所併力剿賊以援海澄如尚之信不能親行則速遣官兵至潮
同總兵官馬三奇防守○以高翼辰為福建布政使由湖北按察使遷于
成龍為福建按察使由湖廣下江防道遷○辛未福建總督即廷相奏閏三
月十六日山賊蔡寅擁眾萬餘突犯安溪知縣李鈺同駐防千總

王國棟等率兵役丁壯士庶親身督戰殺傷賊眾無算賊遁去仍
在山立木城踞守署泉州城守營參將甯維國署提標後營遊擊
王昶等各帶兵及該道府廳調發鄉壯民兵並在籍侍讀學士李
光地募發丁壯令弟姪等統領併力進剿殺敗賊眾燒毀賊營保
全縣城興發鎮標遊擊劉應祥亦攻開倉嶺賊敗逃竄下部議敘
○癸酉諭戶部浙江江山西安等十九縣溫衝各衛所偏近閩中
首先被陷百姓困苦其康熙十六年錢糧概從蠲免併令該督撫
多方招徠避賊黎庶各還故土俾事耕墾○子貝子傅喇塔祭葬
諡惠獻○征南將軍都統穆占奏副都統托代漢軍副都統祖澤
瀉等率領官兵自桂陽州起行於四月二十八日至藍山縣大敗
偽副將王臣等於梁路堡陣斬偽副將于成民併賊兵三百餘級
餘賊敗遁下部議敘又奏萬巖山內賊首偽總兵何興等六員副
東華錄 康熙二十一年 天

將等三百餘員兵丁二萬餘名投誠○廣東廣西總督金光祖奏
惠州甲子港賊船出沒總兵官苗之秀督兵於五月二十六日與
賊戰三晝夜沈賊船一百餘隻陣斬及淹沒者二千餘人生擒二
十餘人獲偽劄船隻器械甚多海賊臭紅肉等於五月初三夜率
領賊眾突犯潮州團山等處總兵官馬三奇夸蘭大護喇等分路
堵剿斬賊七百餘級餘賊敗遁下部議敘○丁丑撫遠大將軍都
統大學士公圖海奏慶陽地方有賊首袁本秀受吳逆偽劄糾合
兇徒盤踞山林一月之間聚集千餘人窺隙作亂隨發慶陽宜君
延安三營官兵並移咨奮威將軍王進寶派撥標兵協力合剿四
月二十二日追至衛遠溝地方斬偽總兵袁本秀及偽副將參將
等並賊二百餘級餘賊潰敗下部議敘○己卯先是撫蠻滅寇將
軍廣西巡撫傅宏烈欲進兵南甯以向田州泗城至是將軍莽依

圖奏竟入南甯非策宜令將軍額楚取平樂桂林傅宏烈取南甯
兩路齊舉 上諭將軍莽依圖等向因規定廣西調遣滿漢官兵
甚多今進征田州泗城若俟他路諸軍齊集必稽時日若孤軍獨
進恐難有濟平粵事宜所繫甚重將軍莽依圖額楚傅宏烈及參
贊諸臣與總督金光祖等俟克復潯州俱赴梧州面議何路進兵
先取何地務期和衷為國勿各圖自便○壬午諭禮部朕惟天人
感召理有固然人事失於下則天變應於上捷如影響豈曰罔稽
今時值盛夏天氣亢陽雨澤維艱炎暑特甚禾苗垂槁農事堪憂
朕用是夙夜靡甯力圖修省躬親齋戒虔禱甘霖務期精誠上達
感格天心爾部即察例擇期以聞○甲申征南將軍都統穆占奏
偽將軍胡國柱致書於郴宜參將陳武亨不敢發函羈執賊使自
首訊知桂東桂陽降將于賢何興所賊亦致書恐彼等為賊所煽

東華錄

康熙二十一年

辛

惑得旨將軍穆占所守地方遼闊而永興見被賊侵儻降將于賢
輩復為賊所煽惑則疆圉深屬可虞宜章地處最要若駐兵防守
其間西可以固臨武藍山嘉禾而東至桂東桂陽降人不至搖動
宜令平南王尙之信速調鎮守韶州綠旗官兵馳赴宜章固守參
將陳武亨出首逆書忠誠可嘉該部議敘以聞○丁亥 上步禱
天壇是日大雨○先是揚威大將軍簡親王喇布奏茶陵攸縣
安仁諸處實為江西咽喉且與賊密邇將軍穆占謂前所遣援兵
尙少更須增發臣思茶陵攸縣安仁諸處兵力甚單若再遣發如
逆賊分路出犯則大兵之路被賊阻塞而江西亦甚可虞且永興
介在茶陵安仁郴州桂陽之間急宜擊卻永興之賊不當撤兵還
郴州請敕穆占先剿滅此賊至是穆占奏自寇侵永興臣遣駐防
郴州諸處護軍統領哈堯山喇賽前鋒統領碩岱等領滿洲蒙古

漢軍綠旗兵陸續往援並無撤兵還郴之事如果撤兵則署副都
統雅秦所豈無臣印信文書此皆妄奏耳且簡親王奏云請敕臣
先滅永興之賊是簡親王知臣不為 皇上盡心而請耶抑知臣
之盡心故不樂而為此奏耶臣所在勦賊恢復疆土 皇上洞鑒
但郴州甚要臣未便輕離若遣一良將來守郴州諸處俾臣率兵
討永興之寇或進取未陽必能成功得旨將軍穆占既言郴州甚
要必難輕離穆占可駐守郴州酌調官兵撲剿逆賊穆占既未撤
兵還郴署副都統雅秦前何所據竟以撤兵啟報大將軍簡親王
簡親王何以竟不詳察即行具奏其令簡親王明白回奏又諭兵
部將軍穆占大將軍簡親王總統師旅受將帥之任宜求濟大事
彼此和衷若爾各懷嫌隙恐誤疆場嗣今務相輯睦爾部即行傳
諭○海澄總兵官黃藍奏五月初五日夜半海賊四路攻海澄官

東華錄

康熙二十一年

壬

兵力戰眾寡不敵致城外木柵礮臺俱陷賊復從高埠瞰城中火
攻不絕臣以勢迫請援於將軍總督恐援兵稍遲則海澄難保得
旨總兵官黃藍死守孤城忠貞懋著大將軍康親王其速檄將軍
賴塔喇哈達等赴援海澄密遺書副都統伯穆赫林總兵官黃藍
等如有隙可乘即率滿漢官兵棄城突出來會漳州大軍○征南
將軍都統穆占奏郴州等九州縣幅員遼闊設有賊出犯無兵可
遣因檄駐守廣東南雄將軍舒恕分兵馳赴郴州今逆賊倡永興
宜調江西提督趙賴往守攸縣昇和碩額駙華善將軍印即率署
前鋒統領薩克察巴圖魯滿兵總兵官趙應奎標兵由安仁進發
斷未陽賊後路毀其浮橋如不可毀則遣赴永興與副都統雅秦
雅哈喇額思赫等協同固守臣盡撤所部還郴州整兵前取耒陽
則逆賊自潰得旨前特授穆占為將軍統率大兵由秦入楚自荆

州起行以來凡兵將或攜或留及調遣守禦事宜無不如奏允行
即今破賊收疆亦皆穆占是賴此等調度俱如所請行○安遠靖
寇大將軍貝勒尚善奏臣等公同會議將烏船沙船分撥令大軍
進湖隨據討逆將軍鄂內湖廣總督蔡毓榮等報六月初三日黎
明逆賊見我兵船泊柳林背君山二處乘風齊來即令各路兵船
分道迎擊礮沈賊船擒斬偽官兵丁獲烏船偽劄器械等又水師
營總兵官萬正色標下守備陳勞等在君山看守火藥船見賊與
我兵對敵即率看守火藥官兵迎殺賊復奔岸隨即追擊斬偽副
將遊擊及賊兵千餘人生擒偽守備千總暨賊二百餘人下部議
敘○戊子以佟康年為湖北按察使由江南淮揚道遷○己丑揚威大將
軍簡親王喇布奏賊偪永興茶陵攸縣諸處防兵已經調援守禦
力弱請濟師 上諭議政王大臣等簡親王喇布自抵江西未能
東華錄 康熙二十一年 三

先等八員下部議敘○辛卯子故太子大保海澄公贈少保黃芳
世祭葬諡忠襄○兵部議覆撫蠻滅寇將軍廣西巡撫傅宏烈奏
臣家子女僮僕共一百四十四口標下官兵老幼約計一千八百
餘口悉陷桂林應令大將軍安親王等恢復湖南桂林之時將傅
宏烈家口並標下官兵家口查明收留給還從之○壬辰揚威大
將軍簡親王喇布奏吳逆以大隊侵永興犯我河外營都統伯宜
理布前鋒統領碩岱護軍統領哈堯山等禦之失利宜理布哈克
山戰及賊遂據我河外營環攻永興臣移文安親王令發每佐領
兵二三人來援安親王遣夸蘭大塔爾拜畢力克圖率醴陵守兵
每佐領一人有半馳援 上諭兵部覽大將軍簡親王等奏逆賊
以大隊犯永興有必死之形由我軍每佐領一二人或數百人
在道防兵勢大分以致失利將軍穆占大將軍簡親王其速收可
東華錄 康熙二十一年 三

剿除逆賊克復疆土而於失機將士復不嚴責軍狀及遣守茶陵
攸縣諸處已收復地方又不能鎮防屢以力單奏請益兵凡所題
奏率過其實此皆喇布庸劣不能效力之故俟事平旋師之日嚴
加議處大將軍安親王兵見駐長沙無論護軍甲兵每佐領選一
二人遣赴簡親王軍前且大軍既鎮守茶陵攸縣安仁諸處則吉
安已為內地吉安署副都統尼滿等之兵亦聽簡親王隨宜調用
尋復諭兵部長沙茶陵郴州地勢及逆賊情形久未知悉大將軍
安親王將軍穆占大將軍簡親王各遣熟識情形具諳始末奏事
傳旨不至貽誤者一人馳驛赴京安親王仍遣護衛雅塗偕來○
庚寅江西巡撫佟國植奏興國知縣黃惟桂等招撫浪川洞偽總
兵邱興佑等五員兵七千一百人鯉公等寨偽鎮軍夫人楊氏偽
總兵曾靈等六十七員兵六千三百餘人寶石寨偽藍軍道黃捷

緩之地所有防兵還之要害會合羣力大創永興賊兵務期剪滅
凡摧寇破賊必審量己力可擊則擊之如賊眾我寡即宜調集諸
路合為一軍壯其聲威以圖攻剿儻株守新復城池以已經駐鎮
憚於旋師遲留疑畏於大事殊無所濟爾部明白移文速傳示穆
占簡親王知之○平南王尙之信奏賊首張荒偽總兵謝琅等及
海賊杜起龍環攻廉州署總兵官班紹明宋思徵領兵擊敗之解
廉州圍下部議敘○癸巳子廣東陣亡都司僉書朱鴻祚官廕○
甲午揚威大將軍簡親王喇布奏前鋒統領薩克察巴圖魯於本
月十三日自安仁率師前赴永興賊於是夕渡河環據故營揆賊
奸計虛作聲勢用偏師立營而以大隊潛赴郴州又臣等前得米
百石已令遣赴永興以道路阻塞復行撤還得旨逆賊如果併力
郴州永興前鋒統領薩克察巴圖魯護軍統領喇賽等共議酌量

留兵守城統率餘卒開道馳救簡親王量所存糧米撥遣官兵相續轉運速達永興○乙未征南將軍穆占奏前鋒統領碩岱副都統託岱宜思孝等營壘被衝河之南岸失陷於賊退至郴州碩岱等奔往永興即宜拘禁但臣軍既已深入郴州兵力甚單而碩岱復遠在永興是以未行速繫統候裁奪目今賊之大隊及有名偽將皆併力郴州請就近發滿漢官兵守藍山嘉禾桂陽永甯諸處得旨今逆賊既併力郴永將軍穆占可盡撤開地防兵擊敗犯郴賊寇保固廣東江西勿致疏虞並令大將軍安親王速遣兵赴大將軍簡親王軍至日簡親王等大振軍威勦除郴州永興之賊更令廣東韶州總兵官尙之瑛遣副將一員率樂昌綠旗兵二千速赴郴州聽穆占隨宜調遣授和碩額駙華善將軍印馳至永興總統鎮守以署副都統多諾參贊軍務至於碩岱等失利即宜速繫

東華錄 康熙二十一年 五月

嚴加處分但因穆占調大臣官兵所在分防致兵力單薄遂爾失機其誤事之罪穆占及碩岱俱不可辭碩岱等各暫留原任立功贖罪復諭穆占曰爾勿因永興兩次失利遂不計大事有裨與否冒昧妄動亟宜鼓舞人心振揚軍威以圖克濟果能併力破賊前罪自當渙釋○先是諭兵部海澄官兵所關甚重非尋常可比急宜奮力救援其檄趣大將軍康親王將軍賴塔喇哈達等內外夾攻務期拔出城內官兵既而報至大兵四路進攻賊以火器拒戰我師退賊又用礮偏攻海澄 上諭康親王傑書等頃聞海澄援師退朕心甚為被困官兵憂之此非尋常事宜奮力急為救出切勿遲疑畏難滿漢官軍間散人及厮役有能倡率衝敵直過潮溝抵於海澄救出被困官兵者准克復上等府城例從優議敘給以官職將軍以下將士即從前屢有失利退縮之罪俱從寬宥不必

顧戀城池但使被困官兵得出即為克奏膚功也大將軍康親王將軍賴塔喇哈達總督姚啟聖提督石調聲等概行曉諭滿漢官兵期慰朕懷○丁酉諭兵部朕御極以來孜孜圖治欲使天下治安兵民富庶共享雍熙不意逆賊吳三桂背恩反叛擾亂地方數年以來遣兵征討尙未授首以致出征將士披堅執銳盛暑祁寒備極勞苦且興師日久滿洲蒙古漢軍或器械朽壞馬匹倒斃借貸置辦者或年幼未經分給田畝軍資器用悉稱借貸置辦者種種疾苦朕深為憫惻但逆賊未滅不得已而用兵諸路官軍其奮勇勦除底定疆土凱旋之日一切稱貸俱令該部代償諸處調集之兵遣還汛地咸令得所朕詔諭昭如日月將示大信於天下斷不食言至於從征官兵戰陣被創尤堪軫恤勿俟大兵到齊所有應得銀兩速察給其家爾部即傳示內外俾諭朕恤兵酬勞至意○

東華錄 康熙二十一年 五月

戊戌揚威大將軍簡親王喇布奏署副都統尼滿啟臣云萬安泰和諸處逆賊不時出沒吉安最為要地而防兵甚少臣觀吉安泰和諸處正當廣東贛州水陸之衝請調可緩地方綠旗官兵赴吉安協守得旨頃已調將軍阿密達總漕帥顏保率兵前赴江西今簡親王既請遣發綠旗官兵宜令總督董衛國酌量撥遣馳赴吉安與署副都統尼滿等協力固守至於江西綠旗官兵屢經調赴湖南見在兵力亦屬單弱董衛國可募有資力精銳兵五千人以備調遣○是月免江南徐州水災額賦

王先謙敬

周潤蕃恭校

秋七月己亥朔安塘筆帖式報海賊攻陷海澄長泰二縣署前鋒統領希佛陣亡副都統穆赫林提督段應舉似自縊 上諭海澄長泰既陷賊必猖獗閩省大兵無幾宜就近調發以資剿禦將軍華善所留江南京口漢軍兵四百人及京口將軍王之鼎所屬漢軍兵六百人令副都統馬思文率之馳赴福建聽大將軍康親王調遣京口地方亦關重要宜發京師漢軍兵一千令副都統關保率往協守至日聽將軍王之鼎統轄又諭康親王傑書等官兵失援海澄恐因之自沮將軍大臣當時加鼓勵果能滅賊恢復則前罪自釋仍予議敘其通行曉諭尋傑書奏海澄糧盡六月初十日

官兵委城突出海澄遂陷將軍賴塔喇哈達等所統官兵甚眾卒不能解海澄之圍致虧損將士宜即從重擬罪但見在禦賊俟軍務稍暇另行察議臣既身任調遣之責罪亦難追得旨海澄何以不能救援其令將軍賴塔等明白具奏康親王俟事平日察議至於海澄突出官兵久被圍困勞瘁已甚該督撫其支取正項錢糧辦馬匹鎧仗給之○先是前鋒統領薩克察巴圖魯請援兵擊退永興之賊將軍穆占謂永興軍事已付大將軍簡親王凡事宜請於王簡親王喇布以聞得旨防守江西全省及湖南茶陵永興諸處凡有敕旨皆署穆占名於前簡親王名於後蓋倚穆占實甚初未分別汛守也今穆占因永興兩次失利輒思巧脫概稱永興為簡親王之地於往者屢次詔旨殊屬違戾穆占簡親王自今以往毋得互分彼此所有閒地汛兵悉行撤回無論郴州永興遇逆賊

來犯即大振兵力以期盪滅○庚子諭宗人府貝子傅喇塔係宗室懿親為國宣力躬履行間勦禦賊寇撫綏兵民平定地方勦猷茂著積勞薨逝深為可憫理應優卹以示朕酬庸之意不拘定例著封其子傅善仍為固山貝子次子福存為鎮國公○諭奉命大將軍康親王傑書近聞海澄被陷大臣提督俱各自盡殊為憫惻前以初至兵力即當削平山海諸寇因爾等輕視賊眾止知休養士卒有失遠謀以至於此今勢不可緩緩則賊可據守地方積蓄糧草固其深壘所關非細或有匪類乘此蠢動亦未可定王其悉心籌度謀出萬全速滅賊氛慰朕懸切行間諸事王應統為陳奏特此密諭○諭征南將軍都統穆占爾等近來行兵致有大臣陣亡聞之不勝傷悼兼之兩將軍彼此推諉以非己汛為辭恐於事機有誤深為憂之爾等爭執雖屬細事但爾前此欲將簡親王兵

與爾相繼前進止留將軍額駙華善副都統希福鎮守陳請前來朕未允之蓋以江西地方所關甚鉅且無接續之兵此將軍等所悉知爾將軍向惟務令江西不生事變屢有諭旨何至尙塵朕懷今簡親王爾鎮在彼尙有此事爾復藉口非己汛地儻如所請遣簡親王繼爾進兵今此賊眾又將何兵禦之滿兵之勢貴聚聚則處處攻戰始克有濟若無用空城使滿兵分駐以寡力而遇賊輕戰有志氣者盡沒行陣無賴之徒俱行敗北如此則實為可慮滿兵關繫極為重大利戰則戰利守則守宜合全力以破賊眾若徒分守恢復之空城似乎不可今福建廣東情形亦不甚妥爾等當同心協力保固地方特此密諭○辛丑撫蠻滅寇將軍廣西巡撫傅宏烈奏吳逆調各路賊兵數萬渡河與我兵對壘六月初十日我兵失利退守鬱林屢請援師竟無應者今惟望臣舊標惠

潮兵至合力齊舉庶可成功得旨鬱林關繫最重將軍莽依圖額楚總督金光祖速遣官兵馳往應援備賊勢盛我兵難以拒守將軍傳宏烈都統勒貝等應退至要害之地會同莽依圖等協力守禦都統馬九玉行已兩月逗遛不進甚屬不合宜檄令速赴梧州平南王尙之信總督金光祖速備夫船以濟傳宏烈舊標惠潮官兵毋誤前進○甲辰諭議政王大臣等據福建所報海賊劉國軒等攻取同安水陸犯泉州前大將軍簡親王奏永興諸處賊勢稍退已救將軍穆占撤閒地之兵鎮防險要而大將軍安親王所遣援師已抵攸縣岳州大兵復水陸齊舉賊欲深入能不懼歸路阻絕耶向以永興警急江右可虞因令署副都統岳爾多率師赴江西今閩中事迫岳爾多仍率師赴福建並移文江浙督撫將軍等速各撥馬千匹給岳爾多兵俾兼程馳往副都統馬思文自京率東華錄 康熙二十二年 三

往漢軍兵四百名亦與岳爾多同行移文大將軍康親王備夫船於浦城迎取大兵勿致有誤將軍王之鼎標兵六百名不必率往福建可仍留京口見今所發漢軍兵一千令副都統關保率赴江西南昌俟陝西所遣兵至江西視何處當用即協力從事並移會將軍穆占大將軍簡親王知悉○戊申以宋德宜為刑部尚書由都御史○安遠靖寇大將軍貝勒尙善奏我兵既水陸攻岳請敕順承郡王量畱鎮兵於彝陵荆州諸處速撥每佐領兵各五名綠旗兵五千名馳赴岳州軍前得旨擊破逆賊規定湖南在此一舉今逆賊大勢偏注於廣西鬱林湖廣郴州永興諸處順承郡王等其勿以彼此異視務裨國事酌量畱兵以守荆州彝陵諸處餘兵悉發岳州○議政王大臣議覆奉命大將軍康親王傑書密奏討逆將軍劉進忠總兵官劉炎見在臣軍但伊等獲罪殊重深自疑懼

今值調兵前進而山海醜類蜂起恐伊等中懷叵測殆不可定請旨定奪查將軍劉進忠總兵官劉炎久歷海疆於逆賊情偽地方形勢在所熟悉應移文大將軍康親王令彼等馳驛來京臣等詳詢明白再議具題從之○予江西陣亡遊擊趙璟官廕○乙卯工部議覆河道總督靳輔奏臣前奏高家堰石工高有七尺其土隄應加高三尺今石工再加三尺與土隄平然後另加土隄三尺再高家堰高良澗一帶因水沒隄根隄身單薄必須加築餞隄一道方為萬全從之○工部議覆河道總督靳輔奏臣前奏黃河兩岸將挑河之土分築遙縷格隄今勘有舊遙隄貼近河身擬以舊隄為縷隄於舊隄之外另築遙隄又前奏挑土築隄須十夫工程者今因逐層夯杵非易擬用夫十五六名又前奏用驢運土今因各夫不諳喂養議用車運又前奏離隄二十丈內不許取土今因宿東華錄 康熙二十二年 四

遷桃源等縣人力弱而工程多改令二十丈以外隨便取土又前奏河之兩旁各挑引河一道今因工費浩繁除清河北岸等處必須挑挖者仍相機挑挖外其餘俱用鐵掃帚濬深河底又前奏造濟河船二百九十六隻因不敷用今議添造三百餘隻從之○征南將軍都統穆占奏臣履啓大將軍簡親王請令和碩額駙華善等援永興迄今未遣華善等既未嘗往破浮橋又不赴永興宜調來代臣守郴州俾臣往取耒陽或擊來犯之賊其在永興諸臣於賊來攻城時竟不拒截坐令三面受圍且永興所有滿兵每佐領八名有餘綠旗復及三千未嘗一戰應請處分得旨前授和碩額駙華善為將軍署副都統多諾為參贊敕令遣往永興何以至今不遣其於急要軍務貽誤非淺賊寇情形本令不時報聞此來並無所報殊屬不合簡親王俱明白回奏華善可否應往郴州穆占

可否來永興簡親王與穆占詳議至於永興兵力不為不足護軍
統領喇賽等不行退賊之故簡親王嚴密以聞○丁巳轉張士甄
為吏部左侍郎以劉捷為吏部右侍郎由左副都御史遷○撫蠻滅寇
軍廣西巡撫傅宏烈等自容縣退駐藤縣奏言廣西事不可問梧
州亦復可虞請遣大臣一員令觀臣營進止並請馬九玉與臣合
營效力得旨廣西軍務已委任將軍莽依圖額楚傅宏烈都統勒
貝副都統額赫納等自宜殫心籌畫和衷協謀期濟大事不必更
遣大臣莽依圖等務相度機宜可進則進否則暫守要地整飭軍
馬待時而動其馬九玉原令將軍等隨宜調遣不必合營○戊午
福建總督姚啓聖奏設兵捍守本期有裨實用鎮將各官多以食
餉兵丁充伴當書記軍牢等役至臨陣十不得七臣標亦有軍牢
等役俱經全革另募入伍以足兵額 上諭兵部總督姚啟聖革
東華錄 康熙二十二年 五

州著靖南王耿精忠侍郎達都等自潮州率官兵馳赴福建與喇
哈達等協力勦除海逆以解泉州之圍既而傑書復奏閩省地方
失陷所在道路梗塞更屬堪虞惟望署副都統岳爾多統兵來至
上諭兵部岳爾多自出征以來初無寸效今令率兵往援泉州
復不倍道疾馳稽延時日殊屬不合著嚴催速進○已未先是
上諭詹事宜昌阿曰我水陸大兵並進攻岳州今或宜戰克或
宜困取何時何日可以恢復其確探明白速行奏聞至是宜昌阿
奏今水陸圍岳州而九貴山至今未獲駐兵故賊得往來此地以
通樵採如岳州不下長沙無船可用而荊州大兵亦不能渡江宜
固守長沙荊州調餘兵以困岳州俾內外不通斷其樵採賊勢困
窮則十日內外似可克復然軍機朝夕有變今賊勢窮蹙心惶
懼如有機可乘即旦暮克取亦不可定得旨岳州為湖南咽喉要
東華錄 康熙二十二年 六

都統尼雅漢堅壁河南岸永興內外一切軍機令與喇賽薩克察
巴圖魯合謀而動但郴州諸處廣遠遼闊鎮守乏兵請遣江西贛
州總兵官哲爾肯並其標下官兵速赴臣軍得旨平定湖南剿除
逆賊俱委任將軍穆占大將軍簡親王等穆占宜親赴永興撲滅
賊眾頃者都統王國棟率兵往鎮宜章與郴州相近總兵官
哲爾肯不必赴穆占軍前也○撫馮浞寇將軍廣西巡撫傅宏烈
奏偽總兵何興久踞桂東桂陽上猶崇義江楚交界地方臣遣隨
征知縣王世諾招諭隨率兵丁一萬餘投誠下部議敘○庚申予
故刑部尚書姚文然祭葬諡端恪○吏部題各省題薦人員原令
其作速起程今陝西李容王宏撰江西南汪琬張九徵周慶會彭桂
潘耒嵇宗孟張新標吳元龍蔡方炳直隸杜越范必英浙江應揚
謙山西范鄆鼎江西魏禧並以疾辭陝西李因篤以母老辭相應

東華錄

康熙二十二年

七

咨催赴京得旨李因篤等既經諸臣以學問淵通文藻瑰麗薦舉
該督撫作速起送來京以副朕求賢至意○先是平南王尚之信
奏臣弟尚之孝向蒙授平南大將軍之職藩下鎮將曾經統領今
與臣共居一城體統難施每每引嫌心不自安請調尚之孝赴京
師別用 上允其來京至日給一品頂帶食正一品俸已而尚之
孝奏臣請闕請罪分當誅戮過蒙寬宥臣願募兵三千赴王及將
軍軍前剿賊報效得旨尚之孝既請募兵效力以報國恩可授宣
義將軍暫駐江西南昌聽募兵三千俟兵數募足軍械完備赴大
將軍簡親王軍前征剿逆賊○安遠靖寇大將軍貝勒尚善奏舟
師敗賊於岳陽湖偽將軍杜輝等乘船犯柳林背我師迎敵君山
扁山舟師亦來合擊賊敗走斬獲甚多沈其賊船方進戰時夸蘭
大薩爾海鈞杜輝船賊擲火薩爾海之船被毀署護軍統領查喇

克圖以舟助戰救薩爾海及兵百餘人並奪賊船而還 上諭署
護軍統領查喇克圖助戰奪賊船可嘉事平議敘嗣後我舟進與
賊戰有鄰近舟艦能助奪賊船者記名待敘其移知貝勒尚善俾
通行傳諭○壬戌 上詣翠華城○以魏象樞為左都御史
○甲子 上回宮○遣兵部侍郎郭不員外郎舒恕赴湖南
按問軍中事宜諭之曰將軍穆占屢奏言大將軍簡親王援師不
應機遣發致事不克濟簡親王何故不遣官兵其穆占前報逆賊
全力偏注郴州果會偏犯郴州否如未嘗來犯則郴州永興之間
相距甚近穆占何故不勦滅永興逆賊以至若是此等事由可明
確察訪至地方形勢永興前後兩戰及逆賊侵犯情形一併察明
嚴取供詞以奏今羣賊肆犯永興其郴州宜別委大臣量留官兵
鎮守穆占身率大兵前赴永興爾等至彼或應調穆占前赴永興

東華錄

康熙二十二年

八

或應仍留郴州其與穆占簡親王詳確定議一面進發一面奏聞
復令傳諭穆占曰穆占不量地方緩急不遣重兵鎮守致賊犯永
興及請濟師又不迅速精銳官兵併力而往我朝諸將遇敵雖兵
力單弱亦不退縮必奮勇攻擊是以都統宜理布護軍統領哈克
山等陷歿於陣夫為將者當以朝廷大事為念徒為身計獨留精
兵自護軍機坐失職此之由况穆占陛辭時曾面諭凡有分遣必
厚兵力頃永興兩次失利朕心深為榮慮蓋緣穆占不厚兵力不
調發精銳之所致耳如近者大兵圍困長沙岳州豈不可使併力
平濠拔肉薄而攻破毀其城但朕心憫惻不忍官兵慘罹鋒鏑
故令大隊舟師並進其諭穆占知之○戊辰安遠靖寇大將軍貝
勒尚善奏吳逆於水陸要路在處固守套河峽係洞庭湖要口我
兵進剿門戶賊設椿木攔阻兵船總兵官萬正色兩次進兵砍倒

椿木從此舟師直進逆賊旦夕可平下部議敘又奏討逆將軍都統鄂內敗賊杜巴姜等於柳林背殺賊千餘名下部議敘

八月己巳朔以朱斐為左副都御史由太常寺卿遷○以葉映樞為陝西

按察使由郎中遷○庚午奉命大將軍康親王傑書等奏海澄公黃芳

泰年少柔懦不勝兵事得旨海澄公黃芳奏功臣之嗣既年少不

能軍而仍授以兵儻至失律恐反為彼罪且於地方無益可令黃

芳泰及黃芳世之子並其家屬俱赴京師務安置得所以副朕始

終保全至意其標下官兵督撫等察其可用者補入各營罷老不

堪者量行安插得所○諭兵部向因靖南王耿精忠勦賊外出遣

鎮平將軍耿昭忠赴閩暫理旗務今耿精忠還省城耿昭忠可攜

其祖父骸骨來京○靖逆將軍甘肅提督侯張勇奏臣與提督孫

思克及理事官拉篤帖選擇通事密行遠探噶爾丹情形據回報

東華錄 康熙二十二年 九

云有鄂齊爾圖汗屬下達爾漢哈什罕會為噶爾丹擄去今往西

海遇而問之彼言噶爾丹既殺鄂濟爾圖汗今歲二月內令其屬

下兵丁殷實者各備馬十匹駝三隻羊十隻窘乏者馬五匹駝一

隻羊五隻自其地起兵不知何向臣向聞甘屬番人素與僧額輸

租僧額歿屬與噶爾丹臣召其頭目永柱等訊之言噶爾丹居西

北金山距嘉峪關兩月程即古大宛國也臣聞噶爾丹遣喇嘛萬

春來召番人頭目至河套議事臣密遣人誘問之萬春言噶爾丹

鄰近諸番有從之者亦有從之而復去者噶爾丹尚有侵西海之

意因人心不一西海路遠恐一動而本地有事不敢輕舉臣復遣

人至墨爾根台吉所審視之眾皆寂然安居第番情難以豫料謹

疏奏聞得旨噶爾丹雖無起兵聲息應仍檄該將軍等不時偵探

加意防守邊境○西洋國王阿豐素遣陪臣本多白墨拉進表貢

獅子表文曰謹奏請 大清皇帝萬安前次所遣使臣瑪訥撒爾

達聶叨蒙 皇帝德意鴻恩同去之員俱沾柔遠之恩聞之不勝

懼悚時時感激隆眷仰觀大清國龍光因諭凡在西洋所屬永

懷尊敬大清國之心祝 萬壽無疆俾諸國永遠霑恩等日月之

無窮今特遣本多白墨拉齋獻獅子天主降生一千六百七十四

年三月十七日奏○甲戌轉于可託為戶部左侍郎調田六善為

戶部右侍郎由工部調○乙亥子故倉場侍郎嚴沆祭葬○戊寅上

幸南苑行圍○湖廣總督蔡毓榮奏逆賊窺伺糧艘復犯大營官

兵合力會剿屢敗之斬首千餘下部議敘○己卯安遠靖寇大將

軍貝勒尚善於四月初四日以疾薨於軍貝子章泰以聞 上命

貝勒察尼代為安遠靖寇大將軍赴岳州統其軍○壬午 上還

宮○平南王尚之信奏高雷廉三府經臣恢復後令副都統金榜

東華錄 康熙二十二年 十

選等駐防雷州府有海賊楊二等在沿海地方肆行搶掠金榜選

等率官兵攻奪礮臺三戰三捷斬賊千餘大獲賊船礮火軍械下

部議敘○癸未 上御經筵○福建總督姚啓聖奏平和失陷臣

會商海澄公黃芳泰遣參將呂孝德等進剿大敗海寇復平和縣

得旨嘉獎下部議敘○甲申 上復欲親征議政王大臣等諫止

請敕大將軍察尼等詳籌方略從之○乙酉裁長蘆運判所管事

務歸青州分司兼理○丙戌福建提督楊捷奏福建水陸進兵勢

不能兼顧得旨提督楊捷可專轄陸路兵水師提督別行補授當

此海寇鴟張之會統轄水師非才畧優長諳練軍事之人不可總

督姚啓聖提督楊捷巡撫吳興祚其遴選保奏楊捷又奏臣向在

山東深悉山東河南兵熟習交槍鳥槍者甚多乞各發千人江南

行陣雖經召募無裨實用若得久習營伍之士隨到即可成功總
 河靳輔山東巡撫趙祥星其各發標下兵善交鳥槍者千人河南
 巡撫董國興發河南兵善鳥槍者亦千人前赴福建所遺兵缺速
 行募補○奉命大將軍康親王傑書奏請簡旗下老成歷練總兵
 官調補潮鎮以代馬三奇其潮州鎮標見在委署各偽員宜速改
 調至將軍劉進忠標員宜分布各標或發廣西將軍軍前效力又
 如續順公沈瑞降賊受其候爵結為姻婭恐其鈎連起釁宜黜其
 公爵所屬旗兵分隸督撫提鎮各標家口宜徙山西諸省得旨康
 親王會言馬三奇人甚精強行間懋著勞績因擢潮州總兵官且
 潮州將士已發援泉州今無故妄有猜疑輒行改調使效力者且
 至心寒續順公沈瑞及標下官兵素懷忠義緣眾寡不敵為賊所
 脅向者副都統張夢吉等言伊等身在行間請發家口入京朕以
 東華錄 康熙二十二年 十一

道路遼遠不必遷徙來京令暫駐潮州已有成命所奏請黜沈瑞
 公爵分其標兵徙其家口俱不准行○壬辰以董安國為工部左
 侍郎原任尚書○癸巳廣東廣西總督金光祖奏祖逆敗竄廣西
 收集餘黨勢必糾合大隊肆行侵擾况賊既陷鬱林必乘勢犯高
 州所關甚鉅亟宜豫籌得旨頃命將軍莽依圖等整頓軍械以俟
 機會今既不急進廣西如賊犯高州平南王尙之信將軍莽依圖
 額楚傅宏烈總督金光祖等或增遣滿漢官兵赴高州協力剿賊
 或遣兵攻北流鬱林以分賊勢俾不得侵高州其公同酌議務令
 高州諸處勿有疏虞○甲午以出征江西湖廣陣亡及病故官兵
 骸骨還京遣內大臣侍衛往奠之○乙未揚威大將軍簡親王喇
 布奏吳三桂初病中風噎膈有犬登其案而坐因病甚口不能張
 且下痢於本月十七日遂死賊黨閉衡州城門潛調偽將軍胡國

柱馬寶等於永興諸處取吳三桂孫於雲南越四日胡國柱等自
 永興至衡州始啓城門通行旅征南將軍穆占亦奏據護軍統領
 喇賽前鋒統領薩克察巴圖魯報賊自本月初二以至二十日屢
 倡永興滿漢官兵晝夜堅守屢退賊眾二十一日賊焚營遁上
 諭議政王大臣等覽大將軍簡親王等奏逆賊吳三桂已死渠魁
 既殞賊必內變諸路將軍宜乘時各統大兵分路進剿克復疆圉
 永興賊既遁去簡親王宜由茶陵赴安仁進逼衡州其永興官兵
 勞苦已久可駐茶陵諸處暫息自陝西調來副都統夸代所領每
 佐領兵二人不必遣赴茶陵即留岳州軍前大將軍貝勒察尼等
 務水陸夾擊速取岳州○禮部議欽天監治理麻法南懷仁進康
 熙永年麻係接推湯若望所推麻法應交翰林院仍著該監官生
 肄習永遠遵行從之○丙申論諸路王貝勒大將軍將軍督撫提
 東華錄 康熙二十二年 十一

鎮等茲據大將軍簡親王等報吳三桂頃已身斃吳三桂數年以
 來搆兵倡亂荼毒生靈罪大惡極故天命殛之當日許其遷移本
 欲保全安插始終眷寵不意其包藏禍心輒行反叛背累朝家養
 之恩逞一旦鴟張之勢橫肆兇逆擾亂疆土元兇既伏天誅習從
 宜施寬典凡在賊中文武官員兵民人等皆朕赤子素受國家恩
 養必非甘心從逆或志存忠義不能自拔或勢被驅迫懷疑畏罪
 陷身逆黨朕甚愍焉其各體朕好生之心翻然悔悟爭先來歸朕
 必優加恩賚論功敘錄爾等即宣布德意廣示招徠務使懷忠抱
 義之士順天命以圖全審事機而建績撫綏戡定早奏蕩平以副
 朕嘉與維新至意○是月免江南高郵州水災賦
 九月己亥朔諭兵部向以江西可虞因調總漕帥顏保前往今南
 昌已為內地其令帥顏保赴吉安鎮守○癸卯 上御弘德殿講

官陳廷敬等進講尚書啓乃心沃朕心四節 上曰朕觀高宗命傳說諄諄以納誨輔德爲言可見自古君臣必一德一心至誠感孚爲上者實心納聽以收明目達聰之益爲臣者實心獻替以盡責難陳善之忠然後主德進於光大化理躋於隆平後世君臣之間徒尙虛文中鮮實意治不逮古職此故耳陳廷敬等奏曰 聖諭及此誠社稷萬年之福也○諭議政王大臣等將軍花善署副都統多諾自六月調遣永興乃迄今未至殊負厥職其集議以聞尋議政王大臣等議奏花善多諾俱宜革職披甲令赴大將軍和碩簡親王軍前效力得旨我國家將士凡遇調遣俱即馳赴從無若此遲延觀望者使花善等兵未事而至未必無功今已事畢至將安用花善多諾宜如議處分但正值討賊之際免其革職披甲俱委署夸蘭大發與將軍穆占令軍前效力○戊申 上奉 太

東華錄 康熙二十二年 三

皇太后幸湯泉○子廣東殉難遊擊李成功官廕○己酉先是議政王大臣等議令大將軍安親王岳樂順承郡王勒爾錦貝勒察尼等將作何進兵之處詳議敷陳至是勒爾錦奏以守兵餘力並入行軍復多增槍手五路渡江齊力大舉庶可滅賊岳樂奏臣親赴岳州仍舊布置舟師調諸路大礮急攻陸營勢必克復察尼奏舟師入湖三月餘雖未大挫賊鋒賊亦不敢公然出戰近聞逆賊糧餉將絕將軍林興珠又獻策謂湖水涸後宜圍以木筏立木椿列火礮俾小船巡警可乘之機正在此時然湖水之涸爲期尙遲兩三月間賊中安知無變今乘水勢未退立一營於南靖港俟水涸酌撥舟師營於君山高家廟絕其糧道賊勢窮蹙不難撲滅又一議九貴山雖經立營而圍猶未而若水涸則君山高家廟諸處俱涸賊於石首華容澧州常德陸路皆通君山高家廟不以大隊

立營則圍賊難徧風浪之中船不可泊徒致損壞若於舟師分撥立營萬無餘力 上覽三奏因諭兵部吳三桂已死諸逆潰亂之際宜急取岳州動支如許錢糧營治舟艦入湖三月餘况將軍林興珠獻策甚明俟湖水盡涸我船與賊船俱無所施彼時多掣舟師無不足用我之船艦兵卒頗屬有餘豈可推諉使大事中阻今宜於南靖港君山高家廟諸處俱立營壘斷賊糧道務須困取岳州至於君山高家廟諸處既需大隊應令副都統關保所率之兵毋往江西改赴岳州聽貝勒察尼調遣如舟師必難久頓湖中以狀聞貝勒察尼等既圍取岳州安親王順承郡王所奏俱不必行○甲寅 車駕至湯泉率從官謁 孝陵○福建總督姚啓聖奏八月十五日官兵復漳平縣得旨嘉獎下部議敘○乙卯征南將軍都統穆占奏官兵敗賊於未陽縣擒偽守備胡起龍等下部

東華錄 康熙二十二年 四

議敘○丁巳奉命大將軍康親王傑書奏遣署副都統禪布等統兵進剿海賊兩路夾攻復惠安縣解泉州圍福建巡撫吳興祚奏官兵敗賊於白鶴嶺復永春德化等縣賊渠劉國軒等遁追敗之於赤灣諸處沈燒賊船六十餘艘殺賊兵六千餘級得旨嘉獎下部議敘○甲子 上還京師○先是將軍鄂內等奏賊乘船自岳州赴湘陰取糧米火藥副都統德業立提督周卜世等駐扁山不行擒獲俾賊逸出尋賊船由扁山入岳州伊等又不邀擊縱之入城 上諭以如許錢糧造成船艦調集諸路官兵水陸並進以圍岳州乃賊船衝出既不行阻禦竟致逸出及其入城以如許舟師何以不行邀擊任意縱入大將軍貝勒察尼其嚴察明白具奏至是察尼奏德業立周卜世等率一百三十船截剿茲賊賊僅二十餘船未能獲其一船長縮怯懦縱賊入城議政王大臣等議德業

立周卜世等應革職充伍令軍前效力得旨德業立周卜世等本
 宜如議處分但值勦賊之際可俱革職畱任效力贖罪鄂內總統
 舟師身為主將乃用庸懦之徒致誤大事事平之日從重議處○
 丁卯先是鎮南將軍莽依圖奏進定廣西亟須厚集兵力見在綠
 旗之兵有名無實臣思平南王尙之信練習戎行器械整備請調
 赴梧州統轄官兵委以平粵之責與臣等協謀而行實於大事有
 濟 上命尙之信會同將軍額楚總督金光祖巡撫金僑等定議
 以閩至是尙之信奏臣向以逆賊偏注永興恐都統王國棟不能
 制敵擬於九月初旬親往策應頃聞吳三桂已死永興賊遁今湖
 南勢如瓦解取之甚易臣當進定廣西 上諭乘此逆賊驚擾之
 時大兵亟宜前進勦撫並用綏定疆圍授平南王尙之信為奮武
 大將軍統兵赴永興郴州諸處會合大將軍簡親王將軍穆占等
 東華錄 康熙二十二年 五
 併力同心以圖進取將莽依圖額楚傅宏烈總督金光祖等各駐
 本汛相度機宜規定廣西應給尙之信敕印准滿洲大將軍王等
 例遣內閣官員齎往
 冬十月己巳工部議覆安徽巡撫徐國相奏本年七月二十一日
 黃水泛漲將碭山縣石將軍廟蕭縣九里溝二處衝決查本年二
 月總河靳輔請銀二百五十餘萬兩大修河道動工已及九月未
 知所修工程何如今又衝決多處應請遣大臣前往查勘得旨著
 戶部尙書伊桑阿右侍郎田六善前往查勘○庚午 上幸湯泉
 ○壬午福建總督姚啓聖奏遣子姚儀率領官兵敗海賊於同安
 縣擒斬偽副將林欽等五員復同安縣得旨嘉獎下部議敘○癸
 未 上巡視北邊○甲申改廣西梧州分巡道為分守蒼梧道照
 舊兼理驛鹽事務○丙戌次三屯營率從官射○丁亥次灤河岸

閱三屯營軍資將士○福建總督姚啓聖奏海賊劉國軒犯泉州
 官兵擊卻之賊退據長泰臣會同將軍賴塔等率滿漢官兵進討
 九月十九日大敗賊於蜈蚣山破其七營斬偽總兵以下四千餘
 級復長泰得旨嘉獎下部議敘○辛卯 上還次湯泉○河道總
 督靳輔奏黃河自徐州而下南北兩岸隄並清河縣南岸自洋河
 以下兩岸各隄見在酌量攢修委官設兵防守當此伏秋大水幸
 皆保固無虞惟是徐州以下雖在大修而上流漫衝以致宿徐等
 州縣處處被災秋成失望臣擬建減水大壩一十三座則水不湧
 漲其原估隄工亦可量減且告成之後不特無奪河阻運之虞而
 沿隄田畝水災亦可永止下部議行靳輔又奏准揚運河出口之
 處是為清口離淮黃交會之處甚近黃漲即灌進運河以致河底
 墊高歲須挑淺今臣往來相度必須將清口閉斷從文華寺挑新
 東華錄 康熙二十二年 共
 河至七里開以七里開為運口由武家墩爛泥淺轉入黃河如此
 則運口與黃淮交會之處隔遠運河不為黃水所灌自無墊高之
 患矣下部議行○丁酉 世宗皇帝生 上之第十一子也 母
 曰吳雅氏
 十一月己亥鎮東將軍喇哈達奏海賊斷江東橋等處阻截援兵
 泉州守制在籍翰林院侍讀學士李光地遣人至臣軍中為大兵
 鄉導由漳平縣朝天嶺小路入安溪縣李光地復遣人修通險道
 接濟軍需又躬迎大兵文臣為國盡勞請加議敘得旨李光地當
 閩地變亂之初不肯從逆具奏密陳機宜殫竭忠貞今又遣人迎
 接大兵指引道路平險隘治浮橋餽食物餉軍率兵民備辦糧米
 供給兵眾口糧矢志滅賊實心為國深為可嘉著從優升投為學
 士○甯南靖寇大將軍順承郡王勒爾錦奏先後投誠偽官及屏

縣來歸之偽總兵何以敬等雖授劄以示鼓舞而止食兵糧生計難給得旨何以敬等募化來歸宜令得所以勵來者其悉予半俸

○辛丑 上還京師○于甯夏陣亡守備王標官廕○乙巳舊威將軍平涼提督王進寶奏臣子王用子蒙恩授副將職銜隨征效力又功加署都督同知父子同在秦中例應回避或准入侍禁旅或赴湖廣江西軍前自備戰馬力圖報效得旨陝西有事之時王進寶父子率領官兵勦殺賊寇保守地方著有勞績今秦省仍屬緊要王用子著留伊父處同守地方○丙午 上幸湯泉○庚戌諭內閣學士噶爾圖屯泰曰遵化所屬有附近湯泉之婁子山袁格莊啓新莊石家莊梁家莊此五莊供辦徭役其一年地丁錢糧俱令蠲免如今歲已經徵收准於來歲蠲免至鮎魚關城內外居民七十一家免其一年正供外仍每戶賜銀二兩爾等從戶部支

東華錄 康熙二十二年 七

取親閱分給所蠲錢糧令州官卽徧諭婁子山等莊及鮎魚關居民務使均霑實惠○先是諭議政王大臣等吳逆既殞賊心震動宜遣吳三桂原屬人員前往招撫山東按察使何毓秀等十員內擇數人量加職銜給與敕書發大將軍安親王簡親王順承郡王貝勒察尼公圖海將軍穆占莽依圖軍前或徑令彼等親往招撫或聽其遣人先通音問然後身往招徠其公議發遣儻有濟於事仍量功大小從優議敘於是議政王等列何毓秀等名具奏 上命加山東按察使何毓秀太常寺卿工部郎中張光岳太僕寺卿奉天府治中佟啓聖通政使司左通政安邱縣知縣胡瑞通政使司右參議行人司行人崔啓元鴻臚寺卿武鄉縣知縣齊漳通政使司左參議各齎敕諭往諸路大將軍軍前招撫陷賊官員兵民敕曰自逆賊吳三桂煽亂以來所在官兵多被誘惑故陷身賊中

莫能自拔朕已洞悉情形屢頒敕諭廣示招徠開其自新之路今逆首吳三桂已伏天誅念在彼脅從文武官員兵民人等皆朕赤子素受國家恩養必非甘心從逆或志存忠義遲回待時或勢被驅迫無由歸化朕甚憫焉茲特命爾等齎敕往陝西大將軍長沙大將軍岳州大將軍征南將軍揚威大將軍荊州大將軍等軍前特行招撫爾等曩在滇黔素多親識易於開導必相信從須宜布德音相機勸諭務令陷賊人員翻然悔悟爭先來歸有密謀內應擒斬賊渠及率領兵民獻城納款者俱赦其前罪論功敘錄加恩安插俾令得所煌煌諭旨朕不食言爾等奉茲委任務須殫心籌畫勿失事機或親身徑前招撫或先遣人曉諭後乃親往俱同各將軍等酌量而行若招撫成功量功大小從優議敘加恩爾等其勉圖報效以副朕定亂安民至意○安遠靖寇大將軍貝勒察尼

東華錄 康熙二十二年 六

奏十月二十二日偽將軍杜輝巴養元姜義乘二百五十艘犯陸石口將軍鄂內等率師分擊大敗之二十九日署副都統葉儲赫等復率師進擊岳州破賊眾萬餘斬首甚眾下部議敘○乙卯 上謁 孝陵○辛酉 上奉 太皇太后回宮○壬戌揚威大將軍簡親王喇布移師進取郴州○是月免江南宿壽霍邱等十入州縣及河南上蔡遂平廣東南海縣水災賦

十二月甲戌兵部尚書王熙丁父憂翰林院掌院學士陳廷敬丁母憂吏部奏聞 上諭大學士等滿大臣有喪特遣大臣往賜茶酒滿漢大臣俱係一體漢大臣有喪亦應遣大臣往賜著大學士明珠翰林院掌院學士喇沙里等攜茶酒往賜○奉命大將軍康親王傑書奏都統賴塔等率領滿漢官兵於十月二十七日敗賊於柯經山萬松關副都統紀爾他布總督姚啓聖提督楊捷等敗

賊劉國軒於江東橋又敗之於湖溝之間副都統胡圖敗賊吳淑於石衛寨斬獲無算盡奪賊寨打沈賊船得旨嘉獎下部議敘○乙亥以郭四海為兵部尚書由左都御史遷○丙子調宋德宜為兵部尚書由刑部調○庚辰以金鉉為兵部督捕右侍郎由左副都御史遷○辛巳頒日講四書解義於滿漢文武大臣○予故原任禮部尚書王崇簡祭葬諡文貞○壬午以劉健為刑部尚書由吏部右侍郎遷○乙酉以葉方藹為翰林院掌院學士兼禮部侍郎由翰林院侍講學士遷○丁亥鎮南將軍莽依圖奏十二月初三等日逆賊來犯將軍額楚傅宏烈率兵接戰失利營壘俱陷藤縣失守見存兵力甚薄梧州勢危得旨今梧州可虞大將軍平南王尙之信不必往湖南徑赴梧州與莽依圖等商酌調遣官兵併力剿賊以靖地方如王斷不可離省卽速選精兵馳赴又韶州南雄已為內地將軍舒恕可率領每佐領東華錄 康熙二十二年 九

兵二人急赴梧州至將軍額楚傅宏烈等見在討賊俟事平旋師日察議○庚寅先是偽將軍杜輝遣偽參將林爾等奉書請降安遠靖寇大將軍貝勒察尼等慰諭約期遣回至是詹事宜昌阿奏偽總兵陳華李超率文武官並兵丁等投誠據稱杜輝等事泄同謀諸人俱被吳應麒殺死得旨陳華李超等感戴國恩與偽將軍杜輝共約歸正事泄杜輝被殺陳華李超仍來投誠殊屬可嘉俱授為都督同知總兵官支全俸畱大將軍貝勒軍前俾招徠賊黨所屬官弁按原品支俸家口隨彼等所欲安插得所○先是 上命江西總督董衛國率兵往防銅鼓營至是董衛國奏銅鼓營地方甯靖無事增防逆賊盤踞岳長臣願親領標兵五千更調江西各營兵數千赴楚效力得旨董衛國以銅鼓營無虞願親率標兵赴楚效力可嘉宜如所請統所屬官兵馳赴岳州多備火器挨牌

鹿角攜往擇賢能官畱守江西酌調本省兵接續前進其標下官兵勿令分撥他處聽自統全部以行○詹事宜昌阿奏見今賊糧已絕偽屬官兵相繼歸誠搜獲逆賊往來文書俱係調諸路逆賊援兵之事今並賊書密咨兵部得旨逆賊食盡勢窮調取援兵大將軍貝勒等宜約會鎮守諸要路將軍大臣嚴緝奸細俾賊內外音問不通固我營壘以禦來援之賊務期克取岳州並檄趣江西總督董衛國速行馳赴○予福建殉難南安縣知縣宋煜官廕○辛卯調董安國為吏部右侍郎由工部調○乙未撫遠大將軍都統大學士公圖海奏今秦省諸要隘守禦已固省城備有援師臣欲輕騎赴京面奏事宜得旨圖海攜大將軍敕印前來吳丹佩將軍印暫統大兵○是月免直隸任縣河陽汝陽江西甯州等十七州縣早災江南海州湖廣興國二十州縣水災額賦○是歲朝鮮西洋東華錄 康熙二十二年 辛

入貢○人丁戶口一千六百八十四萬五千七百三十五田地山蕩畦地五百六萬四千七百九十二頃八十七畝徵銀二千一百九十五萬三千五百四十四兩二錢有奇米豆麥六百二十萬九千三百四十五石二斗有奇草二百二十四萬二千六百一十九束茶十五萬五千三百六十五引行鹽三百九十三萬二千六百三十三引徵課銀二百二十九萬五千六百七十五兩八錢有奇鑄錢二萬三千一百三十六萬五千三百六十有奇

臣王先謙敬編

臣周瀚著恭校

康熙十八年己未春正月癸卯以楊雍建為左副都御史由太僕寺卿遷

○平南王尚之信奏康熙十七年十二月初三日瓊州水師副將

王珍奇率兵大破海逆楊二等於山墩下部議敘○乙巳發常平

粟賑山東災○湖廣提督桑峨奏招撫岳州偽遊擊劉鵬等文武

官七十五員下部議敘○戊申諭戶部山東河南二省被災民致

饑饉深軫朕懷若不亟行賑救則百姓恐致流離侍郎察庫前往

河南省侍郎薩穆哈前往山東省會同該巡撫等確查被災輕重

之處無論正項錢糧或漕糧或一應雜項錢糧酌動賑給饑民務

使得所勿致流離以副朕軫恤百姓至意○安遠靖寇大將軍貝

勒察尼奏岳州調發兵六千名請設隨征左右前後四營總兵官

分轄從之○己酉賑安徽鳳陽旱災○辛亥廣東廣西總督金光

祖奏廣西藤縣失陷賊三路僞犯梧州 上命大將軍平南王尚

之信將軍舒恕遵前旨親統官兵倍道往梧州應援○先是議調

總兵官高登科率標兵協守茶陵攸縣諸處至是巡撫佟國楨奏

逆孽攻陷德興侵偏樂平該府縣官力請留鎮臣駐守饒郡 上

命高登科及部下官兵不必調遣湖南仍留饒郡與該督撫提督

等速復德興務滅逆寇○平南王尚之信奏副都統金榜選等率

兵剿雷州土寇於康熙十七年十一月十四日攻開草塘關二十

一日敗僞副將陳奇等復徐聞縣追賊至海安僞副將葉可昌等

棄城登舟二十三日復錦囊城斬賊一百七十餘名救回難民萬

餘瓊州路通得旨嘉獎下部議敘○乙卯以朱裴為工部右侍郎

由左副都御史遷○丁巳甯南靖寇大將軍順承郡王勒爾錦奏新增兵

一萬二千名請設隨征前後左右四營總兵官分轄從之○己未

安遠靖寇大將軍貝勒察尼詹事宜昌阿等奏逆賊吳應麒等竊

踞岳州堅壘死守前奉 聖諭命臣等多調舟師水陸圍困斷其

糧道逆賊勢蹙偽總兵王度冲偽將軍陳珀等於本月十八日各

以其舟師來降吳應麒等棄城遁遂復岳州 上諭大兵取岳州

逆賊震動之際其令諸路大將軍王貝勒等剿撫兼施賊有悔過

投誠者免罪敘功錄用將此恩意概行曉諭○復設廣東潮州水

師總兵官○壬戌賑河南陳留等二十一州縣饑○諭兵部朕聞

大將軍順承郡王以提督佟微年侵剋兵餉八百兩遂羈繫之提

督乃國家大臣王何得私行羈繫況佟微年原係世家豈肯私行

侵剋此事當詳察之○奉命大將軍康親王傑書奏逆賊劉國軒

等率賊兵八千至郭塘歐溪頭地方立營欲斷江東橋以犯長泰

都統賴塔與總督姚啟聖提督楊捷等統兵直逼賊營令副都統

紀爾他布巡撫吳興祚等領兵擊之大敗逆賊劉國軒吳淑何祐

等追至江邊斬首二千餘級生擒偽總兵一名偽副將二名獲器

械無算下部議敘○甲子諭兵部頃筆帖式馬爾泰去時令其傳

諭諸將軍今岳州既經克復應發兵一支從荊河口渡江立營於

華容石首之地以為根基若由華容石首前往常德澧州一路水

潦難行且諸將軍亦會奏此路水澤甚多艱於前進今在岳州滿

漢官兵甚多宜乘賊未及固守湘陰之先水陸並進乘機急取湘

陰即望長沙進發若少遲疑觀望則賊堅守城池湘陰江中有洲

恐賊立營其上豫備火器我舟師欲過甚難不可不乘其未及堅

守城池江洲之先急取湘陰也岳州地最險阻偏師足守其取湘

陰往長沙應令貝子章泰署前鋒統領杭奇率每佐領滿洲甲兵
十名提督桑峨總兵官萬正色全率所部兵並多發綠旗兵整備
大礮烏槍火器水陸夾攻著行文大將軍貝勒及安親王等知之
○乙丑 皇子萬福薨○是月免浙江西安等五縣旱災江南宿
遷等七縣水災額賦

二月丙寅朔鎮南將軍莽依圖奏逆賊吳世琮等犯梧州臣同傅
宏烈等率兵拒戰大敗之賊棄營夜遁下部議敘○丁卯以馬汝
驥為左副都御史由宗人府○撫遠大將軍都統大學士公圖海
自陝西軍中來京陛見 上遣禮部侍郎額星格齎茶酒出德勝
門迎勞之○戊辰定遠平寇大將軍安親王岳樂等奏岳州恢復
長沙逆賊震恐於正月二十九日棄城遁我師入城安撫人民

上諭岳樂乘機取衡州貝勒察尼等速發大兵多撥船礮迅赴長
東華錄 康熙二十三年 三

沙尋岳樂等奏賊離衡山縣二十里許水陸立營 上復諭宜乘
賊寇驚動之際速取衡州此剿滅衡州賊眾較諸處不同所調岳
州舟師火器早至一日於大事有一日之益調遣船礮官兵如或
稍遲使賊江中置樁豫為堅守阻我舟師致遲進取衡州事機則
皆貝勒察尼誤之也諭到貝勒察尼即撥舟師火器速發安親王
軍前於滅賊機宜勿致有誤其大將軍簡親王等亦已率兵進取
衡州兩軍相合之後總用大將軍安親王印信協力剿滅逆孽恢
復衡州諸路如有分兵之處仍各用大將軍印信施行○己巳諭
戶部江西舊欠錢糧屢經督撫及科道等官奏請蠲免朕已洞悉
但當逆賊煽亂之時各省地方與賊接壤者被其侵犯迫而從逆
情非得已故於平定之後其舊欠錢糧悉行蠲免江西於賊未到
之先地方奸徒輒行倡亂廣信南康饒州奉新甯州宜黃安仁永

新永豐彭澤湖口瀘溪玉山鉛山等處所在背叛忠義全無紳矜
兵民人等或附和嘯聚抗拒官軍或運送糧米助張賊勢或布散
偽劄煽誘良民或窩藏奸細潛通消息輕負國恩相率從逆以致
寇氛益熾兵力多分遲延平定之期勞師費餉揆厥所由良可痛
恨即今田廬蕩析家室仳離皆其自作之孽通賦未蠲職此之故
但思逆寇漸經殲除地方凋敝舊欠追比民困愈深朕心殊為不
忍其康熙十六年以前舊欠錢糧著盡行蠲免爾部行文該督撫
通行曉示務使小民均沾實惠以昭朕愛養百姓至意○禮部題
朝鮮國貢使失火燒毀布疋應行文令該國王察議其布疋下次
補進得旨使臣免察議布疋亦免補進○癸酉先是海逆鄭錦乘
耿精忠叛竊據漳泉諸郡後耿精忠降諸郡以次收復鄭錦屢敗
仍遁入海而廈門金門猶為所據 上欲乘勝蕩平海逆乃厚集

東華錄 康熙二十三年 四

舟師規取廈門金門二島以圖澎湖臺灣又以曩時征取廈門金
門會用荷蘭國夾板船特諭荷蘭國王令其夾板船二十艘載勁
兵協力攻取二島至是奉命大將軍康親王傑書等議奏戰艦水
師未備荷蘭國舟師又不能豫定來會時日海賊見據海澄廈門
之固勢難急圖 上諭征剿海寇調發滿洲綠旗官兵甚多福建
經制兵外又增兵數萬授水陸提督為將軍以統之宜乘此兵力
速行進討若如大將軍康親王所奏需以歲月則供億煩費必將
撤還大軍海寇何由殄滅其令康親王會同將軍總督巡撫提督
等詳議以聞○安遠靖寇大將軍貝勒察尼等奏賊渠吳應麒等
從岳州遁去輔國公溫濟等率兵追殺三百餘里斬賊甚多我兵
因未攜糈具而還 上責之曰逆賊吳應麒等迫於饑餓徒步敗
遁我騎兵追躡二百餘里因未攜糈具遂爾還師並未大敗賊眾

岳州雖得不過賊所棄之空城而窮寇吳應麒究未擒斬朕心未
愜今以追殺賊眾地方里數度之虛實即立見矣○平南王尙之
信等奏臣等共議將軍莽依圖舒恕等同將軍傅宏烈守梧州臣
駐封川縣總督金光祖肇慶府將軍額楚等駐德慶州如有機
會一面奏聞一面舉行 上諭今長沙岳州諸處俱已恢復偽將
軍總兵文武官員船艦兵卒來歸者甚眾又彝陵州對岸之鎮荆
山盤踞賊寇盡行潛遁分逐諸路潰敗之賊多所斬戮大將軍順
承郡王等已渡江平定湖南安親王又進取衡州諸處宜乘此各
路賊寇渙解之際平定廣西大將軍平南王尙之信將軍莽依圖
舒恕額楚傅宏烈總督金光祖等勿失事機速定廣西○安遠靖
寇大將軍貝勒察尼奏都統覺羅朱滿等率兵抵湘陰環城立營
正擬攻取賊眾棄城遁我軍分二隊追擊擒斬賊兵無算復湘陰
東華錄 康熙二十三年 五
縣得旨嘉獎下部議敘○湖廣提督桑峨奏臣與撫遠將軍貝子
章泰各領兵進取華容石首二縣賊眾望風棄城奔竄我兵入城
○乙亥 上率王大臣詣 太皇太后宮補行慶賀禮親撰表文
詩篇書 萬壽無疆扁額恭進○ 上御經筵○命江西總督董
衛國率標兵速赴大將軍安親王軍前聽王調度協力進取衡州
諸處○奉命大將軍康親王傑書等奏據福建總督姚啟聖等啟
進取廈門金門須發江浙巨艦二百艘增閩省兵二萬迅調荷蘭
舟師來會方可大舉進剿之期必俟入秋北風起後彼時戰艦師
旅一切不誤自能奏功得旨翦滅海寇事甚重要其令江南浙江
總督京口將軍發江浙戰艦各百艘於進剿期內送至福建仍許
福建增兵二萬大將軍康親王等並檄荷蘭國迅調舟師務令如
期而至○丙子定遠平寇大將軍安親王岳樂奏前鋒參領沙納

哈等率兵至湘潭賊望風遁復縣城得旨嘉獎下部議敘○戊寅
以余三級為山東按察使由湖廣驛○辛巳甯南靖寇大將軍順
承郡王勒爾錦奏臣聞岳州賊潰即遣署副都統多莫克圖等率
師前進於正月二十七日渡江太平街虎渡口諸賊悉皆潰遁臣
率大兵於二十九日渡江次建始於是前隊官兵分路進剿松滋
枝江宜都諸縣及澧州以次恢復守百里洲偽將洪福率舟師繳
偽印劄降得旨嘉獎下部議敘○諭議政王大臣等今岳州彝陵
之賊以舟來降長沙之賊焚舟潰遁諸處賊寇困蹙逃竄無有舟
楫宜固守荆襄乘機速滅賊黨貝勒察尼酌留官兵於岳州水陸
齊進速會順承郡王軍合力亟取常德沅州鎮遠諸處至恢復常
德諸郡之後順承郡王勒爾錦貝勒察尼等會同安親王簡親王
等作何進取雲貴定議具奏其大兵進討雲貴宜設將軍總督巡
東華錄 康熙二十三年 六
撫提督隨大兵進剿吏部兵部開列應補者以聞尋吏部兵部以
應補官列名具奏 上諭雲南將軍不必添設可調湖廣提督桑
峨為雲南提督湖南提督趙賴為貴州提督四川總督周有德為
雲貴總督以原任雲南巡撫李天浴為雲南巡撫副都御史楊雍
建為貴州巡撫○壬午諭吏部朕以萬幾之暇留心經史思得博
學鴻儒備顧問著作之選故特頒諭旨令內外諸臣各舉所知膺
薦人員已經陸續到部欲行考試因天寒暑短恐其難於屬文弗
獲展厥蘊抱今天氣已漸融和應定期考試所有應行事宜爾部
會同翰林院詳議具奏○癸未予吳逆下投誠事洩被戮偽將軍
杜輝祭一次○甲申撫遠大將軍都統大學士公圖海仍赴陝西
上遣禮部侍郎楊正中齎茶酒送之於廣甯門外○乙酉 上
諭刑部民間鬻身為廝養者多藉口投充營伍挾制家長勒索身

契及妻子財物又有桀黠之徒乘戎馬往來之際發人墳墓或利
所有或挾私仇其情罪尤屬可惡著嚴議具奏尋議背主投營勒
索身契及妻子財物者照光棍例治罪其無挾制勒索等情者枷
責給還家長乘機發冢見棺毀棺見屍索財取贖者論流徒絞斬
如律又營將知其背家長而不舉發者分別專管兼轄統轄調
鐫級有差不知而不舉發者奪俸從之○丙戌安遠靖寇大將軍
貝勒察尼奏提督桑峨遣守備吳榮進取安鄉縣賊眾悉遁偽員
外郎等三員詣軍前投誠○于肇慶陣歿守備程永昌官廕○庚
寅 上至鞏華城行 孝昭皇后期年致祭禮是日回宮○壬辰
甯南靖寇大將軍順承郡王勒爾錦奏本月十四日臣抵澧州遣
貝子準達等進取常德未至之先賊縱火焚城中廬舍並江中船
艦而遁偽按察使陳寶鑰等迎降我師於十八日入常德府城又

東華錄

康熙二十三年

七

奏慈利石門二縣九溪永定一衛偽總兵黃志功偽巡撫李益陽
等率眾投誠○癸巳吏部議覆左都御史魏象樞奏學道考試十
弊一童生府考無名徑取入學二額外溢取童生撥發別學三私
查印簿某卷某號即某人以便賄賣四解部冊籍遲延更改等第
五先開六等草單嚇詐保等銀兩六將文童充武童入學後黃綠
改武為文七將生童遠調考試入縱容教官包攬通賄九徇徇情
面孤寒棄斥十將額外溢取童生混附生員冊內報部以上十弊
允當嚴禁應如所題嗣後考覈學道俱注剔除十弊具題從之○
甲午吏部議覆江西巡撫佟國楨奏楊梅土城被賊眾圍困焚殺
巡檢宋來奮身拒賊夫婦子姪並僕六人同被焚死應照例贈主
簿從之○揚威大將軍簡親王喇布奏臣遣前鋒統領希佛等進
取衡州是月十三日夜半抵城下署前鋒參領戴屯等奪門入城

逆賊吳國貴夏國相等驚遁遂復府城得旨嘉獎下部議敘○廣
東廣西總督金光祖奏廣西舊設提督標下官兵四千六百餘人
自馬雄變後未及復設當此用兵之際必仍設提督總統水陸之
兵方於戰守有賴其提標應設官兵即於廣西見在各營抽撥補
入經制從之○乙未 皇子生逾期年而薨未命名

三月丙申朔試內外諸臣薦舉博學鴻儒一百四十三人於體仁
閣賜宴試題璿璣玉衡賦省耕詩五言排律二十韻○丁酉 上
幸保定縣行圍○吏部議覆御史范承勳奏定例降調官員果係
清廉良吏許督撫題請留任原為愛惜人材起見故雖降調以示
懲而又題留以示勸至革職與降調雖稍有重輕同一誣誤請將
誣誤革職之員果有潔己愛民者督撫覈實許與降調官員一體
題留嗣後誣誤革職官員內果有清廉愛民者未經離任許督撫

東華錄

康熙二十三年

八

保留若離任具題者不准從之○安遠靖寇大將軍貝勒察尼奏
偽總兵王度冲等統官兵船艦投誠宜從優議敘伊等願改陸路
效用 上諭偽總兵王度冲偽將軍陳珀可為總兵官俱兼右都
督偽總兵龍韜張宣柯喬棟可為總兵官俱兼都督僉事令彼等
俱入陸路同大兵效力○揚威大將軍簡親王喇布奏偽總兵卓
英率偽官八員兵丁四千名投誠下部議敘○征南將軍都統穆
占奏偽總兵李魁等文武官七十餘員率領兵丁家口投誠下部
議敘○戊戌再發帑賑安徽鳳陽○裁湖南提督仍設湖廣提督
一○昭武將軍福建提督楊捷奏臣會同平南將軍賴塔等於下
坑山等處擊敗逆賊擒斬甚多部議敘○揚威大將軍簡親王
喇布奏夸蘭大阿進泰等進取祁陽縣直逼城下賊眾惶懼登舟
我兵奮擊擒斬無算偽總兵都督同知董世興等迎降恢復縣城

得旨嘉獎下部議敘○丙午予湖廣陣亡遊擊傅桂芳官廕○征南將軍都統穆占奏臣等追擊甯甯縣賊眾偽將軍郭應甫等迎敵我兵奮勇前進陣斬八百餘級餘賊悉遁復縣城總兵官李國樑至新田縣賊眾敗遁復縣城得旨嘉獎下部議敘○揚威大將軍簡親王喇布奏二月初七日遣署副都統雅哈喇等進取未陽縣十五日復調提督趙賴標兵前往夾攻賊眾敗遁恢復縣城得旨嘉獎下部議敘○丁未甯南靖寇大將軍順承郡王勒爾錦奏二月十九日副都統莽奕祿進取桃源二十一日偽知縣張文明等投誠永定營偽副將楊達武率標下官七員兵五百名下崗宣撫司向日葵等土官十七員俱呈繳偽印投誠下部議敘○己酉上還宮○免陝西新復州縣康熙十四年賦○庚戌諭議政王大臣等今湖南賊寇悉已敗遁順承郡王勒爾錦與貝勒察尼等

東華錄

康熙二十三年

九

合兵一處簡親王方在衡州穆占已至永州進取廣西事屬最要順承郡王等所部兵為數甚多可撥每佐領護軍二人驍騎二人令貝子章泰率往安親王軍前安親王親統大兵前赴衡州進取寶慶諸處簡親王可與穆占等合兵自永州進定廣西○奉命大將軍康親王傑書等奏臣等已將徵調舟師救諭令荷蘭國人齋往因趕塘石碑洋諸地為海寇所阻不得行故未達而還上諭頃因定海舟師少已特增兵今荷蘭國人為寇所阻何以不行撲滅俾得前行音問既未能通舟師必不能如期而至如此則我兵遇有機會可不俟荷蘭舟師即進剿耶抑必俟彼船至日方舉事耶茲以剿蕩海寇增調師旅修理戰艦糜費軍餉甚多大將軍王等宜規取廈門金門速靖海氛不必專候荷蘭舟師○甲寅福建總督姚啟聖奏偽總兵廖瑄黃靖等率眾踞水晶坪聯絡山海賊寇為害地方臣遣官招撫廖瑄等率偽官三百餘員兵一萬二千餘人詣軍前降下部議敘○丙辰諭兵部我國家開闢大業軍法最為嚴明凡擊斬賊眾攻取城池必據實奏報復行確駁功罪昭著從無虛偽冒功之弊今自用兵以來每覽各處奏捷章奏其中固有實建功績者亦有虛詞妄報者如擊敗賊兵動稱斬殺甚多或云數千或云萬餘或云不計其數甚至賊棄空城尚云如何攻取如何恢復妄行虛報微功小寇任意鋪張議敘之時冀幸濫邀升賞殊非人臣事上勿欺實心為國之誼嗣今諸領兵大將軍將軍督撫提鎮等務期洗心滌慮勿蹈前轍凡報捷必確覈功績據實上聞如因循陋習冒濫軍功定以軍法從重治罪必無寬貸爾部即通加嚴飭並曉諭官兵一體遵行○征南將軍都統穆占等奏賊渠吳國貴等遁往永州為守城計臣遣官兵追及之於白水

東華錄

康熙二十三年

十

郡王勒爾錦奏彝陵後營遊擊許嘉謨等於二月二十二日率兵至青石渡賊首潘龍等迎敵我兵左右夾剿追至平峪鋪斬首及落崖死者無算復興山縣二十六日進取歸州賊首廖進忠等率賊數千於馬黃山迎敵我兵三路夾攻賊眾向巴東逃遁二十七日看守巴東偽副將金勒等投誠守備于騰雲等領兵前往正遇金勒等與賊對壘我兵衝擊追至西壤大敗賊眾歸州巴東相繼恢復得旨嘉獎下部議敘○甲子諭吏部薦舉到文學人員已經親試其取中一等彭孫適倪燦張烈汪彰喬萊王頊齡李因篤秦松齡周清原陳維崧徐嘉炎陸榮馮勛錢中諧汪楫袁佑朱彝尊湯斌汪琬邱象隨二等李來泰潘耒沈珩施閏章米漢雯黃與堅李鎧徐欽沈筠周慶會尤侗范必英崔如岳張鴻烈方象瑛李澄中吳元龍龐垿毛奇齡錢金甫吳任臣陳鴻績曹宜溥毛升芳曹東華錄

康熙二十三年 上

禾黎騫高詠龍變邵吳遠嚴繩孫著纂修明史其見任候補及已仕未仕各員作何分別授以職銜其餘見任者仍歸原任候補者仍令候補未仕者俱著回籍內有年老者作何量給職銜以示恩榮爾部一併詳議具奏告病者不必補試

夏四月丙寅以鄖陽撫治楊茂勳為四川總督仍駐鄖陽俟四川恢復日赴任○戊辰以早命大學士清理刑獄並遣法司官會直隸各省撫臬察審重犯○湖廣岳州水師總兵官萬正色奏閩海情形水陸戰守機宜 上諭萬正色剿寇洞庭著有勞績今岳州長沙諸處悉已恢復無煩水師且萬正色閩人稔知水性茲剿滅海寇之際從優加太子少保調為福建水師總兵官率所部官兵剋期速赴閩中其標下兵有不諳水性者仍留岳州以見在投誠兵內習水性者補額攜往至閩之日即以所條奏事宜與大將軍

康親王等會議酌行旋以萬正色為福建水師提督統轄全閩水師營務○刑部尚書劉捷以病乞休允之○庚午貴州提督趙賴奏逆賊胡國柱郭壯圖吳國貴吳應麒輩嫌隙已生勢不兩立宜乘渙散之會指名招徠 上諭諸路大將軍等乘逆賊互相猜疑之際其明諭以投誠人員寬貸前罪從優恩擢賊中渠帥分路遣人指名招撫○辛未安塘筆帖式報偽將軍王鳳岐等三人選船艦兵卒水陸齊下截禦巴東諸處以乘不備又有劉李楊王諸賊帥率眾屯踞巫山及草毛諸處 上諭逆賊至巫山潛生奸計或俟江水泛漲之時乘虛突犯彝陵荆州殆未可定今回山貝子準達都統根特等已率兵前赴荆州而彝陵又有大兵及提督徐治都在彼宜悉錄報文移貝子準達等提督徐治都令於荆州彝陵諸處水陸密防賊果來犯即行剿禦○甯南靖寇大將軍順承郡東華錄

康熙二十三年 上

王勒爾錦奏都統覺羅巴爾布啟稱二月初二日分兵二隊攻金頂山及灘內所立之營兵鋒一至賊皆遁走署護軍統領董吉等率兵由陸路追之及於南津關口江北岸之賊列陣迎拒我兵敗之斬殺甚眾 上諭國家軍令本甚嚴明凡攻逐賊寇大臣身先士卒是以官兵鼓舞奮勇野戰必勝攻城必克所向無敵都統巴爾布統兵駐彝陵大兵既復岳州不於賊方震動之時偵察虛實即行剿滅乃稱二月初二日分兵二隊攻取金頂山及灘內所立之營兵鋒一至賊悉遁走身統兵眾偪賊而營對壘之賊已遁尚爾不知又不自思贖罪率官兵疾追殄殲賊醜止遣董吉等前往巴爾布自率兵赴荆以來會未奮力報效遲誤觀望其罪良多既至彝陵與賊對壘不躬親抵敵反云初二日撥兵前進作戰之形明屬欺罔且鎮荆山之賊遁於何處踞於何地並未察明以報

著順承郡王等一一嚴取供詞以聞○戊寅征南將軍都統穆占
奏臣自辰州啟行追賊二十日會大雨泥濘馬斃甚多致兵士乏
騎得旨穆占與大將軍簡親王進定廣西宜速撥武昌馬千匹送
至穆占軍前以給乏馬兵士○己卯早甚 上親步禱於 天壇
應時大雨○甯南靖寇大將軍順承郡王勒爾錦等奏偽將軍胡
國柱在辰龍關偽將軍吳應麒等在辰州以木塞隘口而營 上
責之曰順承郡王勒爾錦等當逆賊驚遁之際宜亟遣賢能將帥
追剿乘賊不備速行撲滅乃明知巴爾布怯懦令率官兵進取辰
州巴爾布遲滯觀望延引時日不疾驅而進致辰龍關復為賊守
勒爾錦巴爾布等宜即行議處但見統大兵征剿俟事平凱旋之
日再行察議○庚辰調邵甘為兵部督捕左侍郎由倉場調○轉禪塔
海為刑部左侍郎以宜昌阿為刑部右侍郎由詹事遷○辛巳 上出
東華錄 康熙二十三年 三
德勝門觀禾路經固倫端順長公主及輔政大臣一等公索尼墓
遣內大臣武默納各以酒奠之○以覺羅舒恕為左都御史由吏部左
侍郎 焦毓瑞為左副都御史由通政使遷○壬午諭議政王大臣等覽
學士孔郭岱等報廣西悉已底定宜速移文令簡親王及穆占等
之兵不必進廣西但莽依圖舒恕額楚等兵力稍單簡親王及穆
占等兵內選有馬精兵每佐領三人或四人遣前鋒統領希佛率
赴莽依圖等軍前於通雲南要路宜從何路協力前進公議進發
至於廣西見無官兵平南王或宜同大兵前進或宜駐廣西適中
要地亦同將軍大臣等共議而行其彝陵兵徒爾坐守似屬無用
宜整繕甲兵自歸州巴東作進兵狀以制之巴爾布本在彝陵即
遣彼往歸州巴東效力並令都統噶爾漢等率兵同總督楊茂勳
提督佟國瑤等前進宜由何路協力撲滅山賊或規取興安聽其

酌便而行○福建總督姚啟聖奏木武鎮偽總兵陳士愷率偽文
武官五十五員兵一千四百三十一名投誠下部議敘○河道總
督靳輔奏清水潭屢塞屢衝山陽高郵等七州縣田畝淹沒臣築
東西長隄二道工竣七州縣田畝全行涸出運艘民船永可安瀾
報聞○福建總督姚啟聖奏海逆偽總兵鄭奇烈率偽官五十三
員兵丁千餘投誠下部議敘○乙酉救諭雲南貴州大小文武官
員軍民人等逆賊煽亂以來爾等被其迫脅陷身賊中莫能自拔
地方百姓久遭荼毒誅求苛擾困苦日深在彼情形朕已洞悉每
一念及深為惻然故屢頒敕諭廣示招徠開以自新之路今湖南
悉皆平定廣西亦已納款獨爾滇黔一隅民生尙在水火之中朕
以仁覆天下為心豈忍西南萬姓顛連無告莫之拯救且當時倡
叛罪止吳三桂一人所屬人員均係脅從情可矜恕今特頒敕諭
東華錄 康熙二十三年 四
再行招撫爾等其各體朕寬大好生之心翻然悔悟爭先來歸於
各路大將軍將軍等軍前投誠皆赦其前罪論功敘錄加恩安插
令之得所爾等勿得仍懷疑畏坐失事機有負朕嘉與維新至意
○揚威大將軍簡親王喇布奏偽副總兵周嘉貞率偽文武六十
一名兵丁九千三百四十餘名家眷六千五百餘名口投誠下部
議敘○廣東廣西總督金光祖奏逆賊吳世琮等踞潯州府聞大
兵前進即焚營棄城遁副將林大忠入城撫定人民○丙戌諭兵
部湖南廣西已經底定滇黔指日蕩平凡在京在外大小文武官
員內有家口陷於賊中者有子身投誠家口仍在彼地者有前以
抗賊被害而家口尙有遺留者大兵到日一一清察務加保全俾
之得所聽其家屬完聚爾部即通行傳諭各路大將軍將軍督撫
提鎮等遵行○諭兵部逆賊吳三桂煽亂以來各處大小文武官

員其或勢窮力竭迫而從賊朕久已洞悉其悔罪來歸者概行寬宥惟祖澤清父子兄弟向受國家恩養甚厚前祖澤清叛時意其必係被賊迫脅不得已而從逆及其既降復叛則甘心附賊可知情罪重大國法難容不許招撫亦不許其投誠爾部即密諭各路大將軍將軍督撫提鎮等遵行○丁亥以魏象樞為刑部尚書由大理寺卿遷○征南將軍都統穆占奏臣遣右營遊擊張德恩等復灌陽縣都督僉事純輔弼等復興安縣投誠偽總兵陳邦賢復全州得旨嘉獎下部議敘○戊子轉哲爾肯為吏部左侍郎以屯泰為吏部右侍郎由內閣學士遷○以喀爾圖為倉場侍郎由左副都御史遷○庚寅免江南康熙十二年以前逋賦○壬辰甯南靖寇大將軍順承郡王勒爾錦奏將軍鄂內等啟稱遣署副都統圖爾度渾等偵探辰龍關賊情形賊跨路連設五營力為堅守山險林深前鋒未得擒獲東華錄 康熙二十三年 五

生口距辰龍關二十里止行一馬且不能轉旋辰龍關一帶山俱峻險林木森密徒步亦不易至且時值盛暑淫雨雖大兵前進亦不能行不如暫留為便 上諭辰龍關乃通雲貴孔道眾皆知之甚悉據奏辰龍關相距二十里止行一馬且不能轉旋辰龍關一帶山俱峻險林木森密徒步亦不易至俟復辰龍關時必於此路明白丈量苟與所奏不符圖爾度渾等從重治罪今當廣西全定敗賊逃竄之際宜分路前進底定疆宇前鋒屬在顏行捕獲生口乃其專責順承郡王委無能之圖爾度渾為副都統俾之前行致前鋒不能捕一生口圖爾度渾等乃又急行退還順承郡王勒爾錦可率其王府佐領之兵還赴荊州率巴爾布等進定歸州巴東圖爾度渾可革去署副都統職以參領隨順承郡王還荆貝勒察尼仍用其原大將軍印統兵平定地方○是月免宿遷水災逋賦

五月乙未左都御史升刑部尚書魏象樞奏請仍留左都御史任庶得勉竭愚悃激濁揚清為朝廷振肅綱紀得旨魏象樞著加刑部尚書銜仍留左都御史任○丁酉以佛倫為內閣學士由大理寺卿遷○征南將軍都統穆占奏千總陳有聲等領兵進取恭城縣偽知縣張魁臣以城降下部議敘○己亥轉田六善為戶部左侍郎調朱裴為戶部右侍郎由工部調○辛丑以解佛為內閣學士由內閣侍讀學士遷○壬寅 上出阜成門觀禾○癸卯遣官封洞庭湖神○丁未征南將軍都統穆占奏廣西投誠偽將軍劉彥明徐洪貞線成仁等仍為都統副都統令其總轄原管之兵及綠旗之兵頗於事有益得旨劉彥明等所領投誠綠旗兵內有願歸農者皆令歸農願入伍者撥入廣西經制兵內其定南王下舊兵有老弱者裁去不必足從前三千之額數年以來定南王官兵分散各處收聚甚難宜東華錄 康熙二十三年 六

令督捕理事官麻勒吉前赴廣西暫行統轄定南王下藩兵有分散者令其察訪料理一切調度軍務會同將軍莽依圖等商議舉行其廣西文武各官並定南王下各官職名麻勒吉俱察明繕冊以聞劉彥明等為都統副都統之處俟冊到日再議○己酉揚威大將軍簡親王喇布奏偽將軍全鉞偽總兵馬隆興熊天章率眾投誠下部議敘○庚戌授薦舉博學宏詞邵吳遠為侍讀湯斌李來泰施閏章吳元龍為侍講彭孫適張烈汪彩喬萊王項齡陸棻錢中諧袁佑汪琬沈珩米漢雲黃與堅李鎧沈鈞周慶會方象瑛錢金甫曹禾為編修倪燦李因篤秦松齡周清原陳維崧徐嘉炎馮勛汪楫朱彝尊邱象隨潘耒徐鉉尤侗范必英崔如岳張鴻烈李澄中龐壇毛奇齡吳任臣陳鴻績曹宜溥毛升芳黎騫高詠龍燮嚴繩孫為檢討○以馬汝驥為倉場侍郎由左副都御史遷○奉命大

將軍康親王傑書奏海賊偽總統劉國軒等侵犯江東橋平南將軍賴塔等統官兵迎擊賊敗走太平寨追殺千餘下部議敘○揚威大將軍簡親王喇布奏吳三桂偽侍郎范思徵偽總兵會大捷等投誠○辛亥命加副將徐升耀都督僉事齋敕招撫王屏藩等敕曰自吳逆煽亂以來所在官民多被誘惑陷身賊中莫能自拔朕已洞悉情形屢頒赦諭廣示招徠開以自新之路念爾等素受國恩必非甘於從逆或心存忠義遲回有待或勢被驅迫歸化無由朕深憫焉茲湖南廣西俱經恢復各路兵馬齊進滇黔爾所悉知四川一隅皆朕赤子久罹兵燹不得早見太平每一念及殊用惻然特遣副將加都督僉事徐升耀前往宣布朕意爾其翻然改悟勿失機會率先來歸朕必赦其前愆論功敘錄爾無懷疑畏勉圖後效以副朕定亂安人至意○癸丑吏部議覆揚威大將軍簡親王喇布奏原任湖廣益陽縣知縣授參議道劄付徐瑞齋論招撫吳三桂偽將軍胡國柱夏國相馬寶等被殺請救議敘今奉旨議得徐瑞齋險招撫捐軀盡忠應照例贈湖廣按察使司僉事予祭葬廕一子入監讀書從之○子故原任兵部右侍郎李贊元祭葬○甲寅直隸各省督撫遵例自陳得旨江西巡撫佟國楨著降二級調用甘肅巡撫鄂善著解任廣東巡撫佟養鉅著革職○先是湖南用兵令江南造烏船百艘送岳州軍前至是岳州既復無須舟艦 上諭議政王大臣等萬正色赴閩時即令其領在岳烏船並水手以行至江南浙江更選戰艦共百艘攜往以資征剿○丙辰贈廣西陣亡都司吳錫綬官廕○己未命內閣學士徐元文為明史監修總裁官掌院學士葉方藹右庶子張玉書為總裁官○以穆臣為左副都御史由山西按察使遷王日藻為浙江按察使由河南管

河道○安遠靖寇大將軍貝勒察尼奏臣等前進靈貴荆岳彝襄諸處相隔漸遠調遣防守事宜必致有誤 上諭大將軍貝勒察尼等親總大兵前往進剿自澧州以南軍務聽大將軍貝勒察尼調度荆州岳州彝陵襄陽等處軍務聽大將軍順承郡王調度○辛酉鎮南將軍莽依圖奏桂林相近之兵請速調一支往駐桂林以張聲勢臣俟副都統額赫納兵至貴縣即前赴橫州以絕柳州南甯之路 上命簡親王及穆占等兵內撥每佐領三人或四人遣一副都統率赴麻勒吉所令麻勒吉統轄鎮守桂林○壬戌上出朝陽門觀禾○轉馮魁為刑部左侍郎以焦毓瑞為刑部右侍郎由左副都御史遷○丙寅廣西巡撫馬雄鎮之子馬世濟奏請赴粵西取父骸骨得旨馬雄鎮當地方叛亂之時不肯從逆克篤忠貞捐軀殉難深為可憫其骸骨並家口令馬世濟馳驛前往搬取仍著麻勒吉等豫為察明料理交與馬世濟到日從優議卹○庚午命吏部尚書黃機以吏部尚書管刑部尚書事○以安世鼎為江西巡撫由湖南布政使遷巴錫為甘肅巡撫由陝西布政使遷李為霖為雲南按察使由湖北糧道遷○辛未諭戶部民生以食為天必蓋藏素裕而後水旱無虞自古耕九餘三重農貴粟所以藏富於民經久不匱洵國家之要務也比以連年豐稔粒米充盈小民不知積粟恣其狼戾故去年山東河南一逢歉卽以饑饉流移見告雖議蠲議賑加意撫綏而被災之民生計難遂良以地方有司各官平日不以民食為重未行申明勸諭之故近據四方奏報雨澤霑足可望有年恐豐熟之後百姓仍前不加撙節妄行耗費著各該地方大吏督率有司曉諭小民務令力田節

用多積米糧俾俯仰有資凶荒可備以副朕愛養斯民至意○揚威大將軍簡親王喇布奏偽總兵姜繼向彭萬里鍾爾宏等率領將弁兵丁家口投誠○壬申平南王尚之信奏粵東之變起自新會江門江門水師之叛由於逆弁趙天元一人請以趙天元賜臣使得明正其罪立置典刑 上諭趙天元不思圖報國恩乘粵西逆賊侵犯粵東首獻江門背叛致粵東變亂及粵東歸正後又從逆賊數犯疆圉今度不能免脫窘困至極方始來降情罪重大趙天元本係平南王所屬之人王其立誅之○甲戌安遠靖寇大將軍貝勒察尼等取都統巴爾布供辭以聞 上命議政王大臣等集議尋議奏都統覺羅巴爾布自率大兵往湖南以來並未前進效力因其怯懦削去參贊令其贖罪圖功乃身率大兵坐駐彝陵大兵既復岳州不乘賊中震駭之時探其虛實力行剿滅以贖前

東華錄 康熙二十三年 九

德鎮荆山對壘之賊迄於逃遁竟未之知乃誑云分布官兵進攻巧為飾辨又不親身追殺逸寇止遣夸爾大二人前往其後令巴爾布率領官兵攻取辰州又遲回瞻顧遷延時日竟不速進致賊復踞辰龍關得為守備巴爾布怯懦退縮一步不能前進貽誤大事失機甚多今奉旨取供巴爾布又不即行認罪據實供招反為巧飾殊失大臣之體宜將巴爾布都統阿達哈哈番佐領及所加之級盡行削去羈繫荆州彼所襲拜他喇布勒哈番與應襲之人承襲從之○丁丑廣東廣西總督金光祖奏欽州遊擊劉世貴於四月二十三日進取靈山縣偽將軍郭義以城降下部議敘○戊寅平南王尚之信奏五月二十六日偽將軍馬承蔭總兵齊人龍等來降○己卯以柯鼎為貴州布政使李輝祖為貴州按察使俱

鄧中 ○江西提督許貞奏饒南總兵官高登科等及浙省官兵會

剿玉山賊連次奏捷生擒偽總兵會文瑞陣斬偽總兵柯伯龍等十員偽都督陳輝投誠下部議敘又奏臣率兵進剿洪山詹源江許山賊巢前後陣斬偽官二十五員賊兵二千四百有餘下部議敘○庚辰以郝浴為左副都御史由左僉都御史遷 ○壬午鎮安將軍噶爾漢奏臣等率領官兵備臨賊境見山高路狹草木叢塞今值六月時多霖雨若山水暴下則魚貫之兵必致斷絕不能相顧且輓運亦難是以暫撤兵眾俟木落水涸更率官兵先滅山寇續取與安 上諭噶爾漢自任將軍以來初無勞績惟閒住襄均諸處今當逆賊震動之時遣噶爾漢會同總督提督等剿滅山寇或有克取與安之機酌便而行乃不率兵破賊以圖報效反稱草木叢塞竟以兵還若此當草木未盛之先亦會效力前進否噶爾漢不行努力以贖前愆反規避退兵殊屬不合即應嚴察議處但見在統

東華錄 康熙二十三年 十

兵進剿俟大兵旋日察議又近日陝西大將軍圖海奏稱四川逆賊出寶雞立營則與安之地已空噶爾漢其統兵而前擊破賊寇恢復與安諸處毋失機宜○以崔維雅為湖北布政使由江南按察使遷 ○甲申先是馬承蔭郭義等尚未投誠 上命簡親王喇布及將軍穆占等撥每佐領兵或三人或四人遣一副都統率往桂林至是喇布奏稱分兵發往桂林鎮守永州則臣等所部進剿之兵力殊單弱 上諭今馬承蔭郭義等俱已投誠則平南王及莽依圖等兵皆可達桂林簡親王等不必分兵發往仍與安親王約剿殺賊寇○以趙璟為工部右侍郎由通政使遷 ○戊子先是提督趙良棟奏湖南已經平定應復漢中與安臣願獨當一路竭忠自效 上命大將軍圖海等確議至是圖海等奏棧道益門鎮各口逆賊率眾來犯據險為營今

令提督趙良棟進臨武寨相機而行俟臣等擊破益門鎮諸處賊壘如有進取之機酌量分道而行 上諭湖南逆賊大敗困蹙遁走大將軍安親王簡親王等三路進發平定武岡新甯諸處剿殺賊寇貝勒察尼等進取辰州順承郡王及將軍噶爾漢等亦從鄖陽彝陵規定蜀賊又馬承慶郭義等並皆薙髮廣西盡平平南王將軍莽依圖等亦統兵進剿今逆賊震懾正當剿撫並用之時大將軍圖海與將軍總督提督等共議亟殲侵犯寶雞之賊恢復漢興以平蜀地○以舒淑布為陝西布政使

由甘肅按察使遷

東華錄

康熙二十三年

十一

東華錄

康熙二十四

臣王先謙敬編

臣周瀚蕃恭校

秋七月甲午河道總督靳輔奏淮河東岸自翟家壩至周橋閘乃淮揚運河上游門戶山鹽等七州縣民生關鍵也當黃河循禹故道之時淮流安瀾直下此地未聞水患迨黃流南徙奪淮淮流不能暢注於是壅遏四漫山陽寶應高郵江都四州縣河西低窪之區盡成澤國者六百餘年矣明萬曆初河道廢壞雖不若今日之甚而清口淤高堰決與今日情形相似彼時河臣潘季馴築隄堵口治效班班可考然此處不議加高蓋明代祖陵在西故停河東之障以洩水殊不知如慮淮漲西侵何難兩岸並築而願留患門庭歷年既久遂致成河九道使淮揚疊受水災臣不能不憾潘季

東華錄

康熙二十四

一

馴以善治河稱而亦有此失者也 皇上軫念運道民生大發帑金命臣徧為修治今翟家壩成河九道之處計共寬一千三百二十三丈二尺今已合龍更查山陽寶應高郵江都四州縣河西諸湖亦逐漸涸出擬設法招墾庶幾增賦足民下部知之○乙未以索爾遜為甘肅按察使由郎中遷○吏部等衙門議奏殉難首領佐貳等六品七品官之子以縣丞錄用八品九品官之子以縣主簿錄用未入流之子以州吏目錄用著為例從之○子殉難江西廣昌縣巡檢舒學文官廕○戊戌征南將軍都統穆占奏招撫偽總兵路奇遇等文武各官共一百七十九員下部議敘○己亥撫蠻滅寇將軍廣西巡撫傅宏烈奏奉頒招撫救諭當即會同平南王尙之信委僉事職銜王繩武通判職銜俞音齋往吳世琮營被害應賜恩卹從之○庚子戶部郎中布魯等奉差浙江巡海 上諭之

曰浙江沿海地方關繫緊要爾等前往詳察設立巡海官兵如額兵單弱即酌議增設至於奸惡兵民販賣糧米因內地利少出海利多冒死越界勾連貿易者有之欲滅海寇必斷內地私販爾等宜加巡察如將軍督撫提鎮所屬人員有犯禁者即鞠審以聞務期不時訪緝杜絕往來販賣庶奸宄屏迹海氛可靖矣○辛丑以科爾坤為左副都御史由大理寺卿遷金鎮為江蘇按察使由分巡江蘇道遷○癸卯諭刑部向來死罪重犯因有論功免死之例以致惡人希圖倖免臨陣退縮殺人劫財恣肆愈多以後死罪人犯不得論功議免著照其應得之罪議擬具題候旨定奪○平南王尚之信奏臣先因患痔由橫州還封川今病日加有事醫療故臣於六月十八日還會城 上諭今正進討逆賊剿撫並施之會尚之信所部往定廣西官兵令學士孔郭岱等盡率赴將軍莽依圖軍前聽莽依

東華錄 康熙二十四 二

圖統攝調遣孔郭岱等即同莽依圖進剿其奮武大將軍印敕仍留於尚之信○丙午先是輔國公溫齊等圍困岳州時賊遁不追且妄報殺賊之數 上令嚴取供詞以聞至是大將軍貝勒察尼等取供具奏 上諭我國家由來軍法嚴明會無虛偽多報首功之事溫齊乃有罪之人不思效力自贖岳州徒步奔逸之寇不即窮追且殺賊不過三百餘人與原奏迥異彼時一等台吉格勒爾圖尙欲追剿賊寇乘勝復城乃溫齊反稱道隘馬疲不可前進選便退怯大誤軍機可削去溫齊公爵罷其參贊副都統達賴削去阿思哈尼哈番佐領及所加之級喀住削去副都統麻尼削去護軍參領佐領及所加之級○定遠平寇大將軍安親王岳樂奏招撫偽知府金世正等二百八十六員下部議敘○宣義將軍尙之孝奏招撫偽總兵林興隆等二十員偽兵六千五百一十二名

下部議敘○丁未純親王隆禧疾篤 上親詣王第視之立傳醫調治午時還宮以王疾奏聞 太皇太后 上復詣王第視之以王疾筋還奏 太皇太后申時王薨 上聞赴痛悼傳諭輟朝三日隨以王赴奏聞 太皇太后驚慟欲親臨其喪 上奏曰 太皇太后痛念亡孫洵屬至情但恐 聖體萬一勞頓深為未便再三勸諫方止 上欲詣王弔復奉 太皇太后諭曰爾日親萬幾若再悲哀則爾身益瘁可勿往 上敬遵 慈諭遂留 太皇太后宮中勸慰竟夕未還宮○定遠平寇大將軍安親王岳樂奏招撫偽總兵王熙忠等十二員兵丁二千名下部議敘○己酉 上臨純親王隆禧第舉哀○辛亥定遠平寇大將軍安親王岳樂奏六月初七日漢軍都統釋迦保等於寶慶府嚴溪大敗逆賊偽楊總兵斬首七百餘級獲賊船四十餘艘下部議敘又奏漢軍都統

東華錄 康熙二十四 三

釋迦保招撫偽副將陳起鳳偽知縣廖新等及兵丁五百名下部議敘○壬子遣官祭純親王隆禧命發帑派內務府官監修墳塋立碑加祭一次○建義將軍侯林興珠奏投誠偽總兵王度冲偽將軍陳珀標兵各一千人見留軍前其父母妻子俱在雲南恐乘間逸去宜洩軍情請調內地補伍 上諭投誠官兵見隨大兵進剿若盡撤往內地則此後歸誠者將瞻顧不前大將軍貝勒察尼等身在常德洞悉情形其有家口在滇實屬可疑者酌量設法撤至內地補入營伍○癸丑甯南靖寇大將軍順承郡王勒爾錦等奏湖南各大將軍麾下所有蒙古兵已盡遣還其在彝陵襄陽等處蒙古兵一千七百餘人亦應撤回京師得旨彝陵襄陽諸處蒙古兵准令撤回於荊州諸處滿洲綠旗官兵內酌量抽撥鎮守地方○甲寅湖廣提督徐治都奏設五板船一百艘令彝陵鎮臣胡

世英統之以備水路臣親調官兵偕襄陽鎮臣水陸並發前赴歸州興安巴東形勝之地剿撫逆賊得旨所用戰艦督撫等委官速造毋誤軍需徐治都即偕彝陵襄陽總兵官赴歸州諸處討賊剿撫並用速奏膚功○乙卯兵部議奏外委千總魏士會齋札往招偽將軍吳應麒被殺應贈千總廕子弟一人以衛千總用得旨著加贈守備○鎮南將軍莽依圖奏偽將軍吳世琮等圍南甯日久城中食盡旦夕且陷投誠馬承蔭請救總督金光祖遣總兵官譚昇楊國泰等率兵往南甯援之吳世琮率眾渡江越嶺於新村西山之巔列鹿角逆戰臣與將軍覺羅舒額楚都統勒貝等分路撲剿殺賊甚多吳世琮負重傷遁遂解南甯之圍又太平偽知府林輔世新泰偽參將何應魁率城內文武官投誠得旨嘉獎下部議敘○丙辰江西提督許貞奏玉山常山德興一帶地方逆賊偽

東華錄 康熙二十四 四

英義將軍程碧於五月二十三日被臣標守備鄭武等所擒下部議敘○丁巳撫遠大將軍都統大學士公圖海奏益門鎮逆賊既敗即遣兵追剿而賊毀偏橋無路可通俟提督孫思克趙良棟到日會議進兵得旨逆賊既敗所在震動自宜努力窮追收復疆土前稱逆賊屯踞寶雞圖海等欲調各路之兵進剿及賊敗之後又不乘機撲滅反藉稱賊毀偏橋無路可通竟爾卻還如此懦弱易退何時乃得破賊圖海等速調提督孫思克趙良棟等平定漢中四川諸處剿殺逆賊毋失機會○鎮南將軍莽依圖奏南甯地方險隘輓運維艱議令將軍額楚都統馬九玉帥兵屯駐永淳上諭今當賊逆震盪搖動之時凡為將帥者各宜不失機會努力疾行滅賊以定疆圉莽依圖等既大敗南甯逆賊吳世琮等自當乘勢直取雲南乃稱南甯險隘輓運艱難令額楚等往駐永淳備怯

東華錄 康熙二四

如此逆賊何時得滅滇南何日得平今粵西底定乘賊大敗之後莽依圖等速調都統希佛等兵自南甯取路進剿直抵滇中○戊午發漕米五萬帑銀二萬賑山東沂州等十三州縣饑○庚申京師地震詔臣工修省在京部院三品以上官及科道在外督撫等言政治得失○辛酉諭戶工二部軍民廬舍傾圮及死傷者著發帑銀十萬兩酌量賑卹○壬戌集廷臣於左翼門遣侍衛費耀色齋諭旨仍口傳 上諭曰頃者地震示警實因一切政事不協天心故召此災變在朕固宜受譴爾諸臣亦無所辭責然朕不敢諉過臣下惟有力圖修省以冀消弭茲朕於宮中勤思召災之由力求弭災之道約舉大端凡有六事爾等其詳議舉行勿仍以空文塞責傳諭畢宣讀 上諭曰朕薄德寡識愆尤實多邁此地震大變中夜撫膺自思如臨深淵兢惕悚惶益加修省朕意中素有數

東華錄 康熙二十四 五

事使爾諸大臣總督巡撫司道有司各官咸共聞知務期洗心滌慮實意為國為民斯於國家有所裨益即爾等亦並受其福庶幾天和可致若乃虛文掩飾致負朕意詢訪得實決不為爾等姑容也一生民困苦已極大臣長吏之家日益富饒民間情形雖未昭著近因家無衣食將子女入京賤鬻者不可勝數非其明驗乎此皆地方官吏諂媚上官苛派百姓總督巡撫司道又轉而饋送在京大臣以天生有限之物力民間易盡之脂膏盡歸貪吏私囊小民愁怨之氣上干天和以致召水旱日食星變地震泉涸之異一大臣朋比徇私者甚多每遇會推選用時皆舉其平素往來交好之人但云辦事有能並不問其操守清正如此而謂不上干天和者未之有也一用兵地方諸王將軍大臣於攻城克敵之時不思安民定難以立功名但志在肥己多掠占小民子女或借名通賊

五一

將良民廬舍焚毀子女俘獲財物攘取名雖救民於水火實則陷民於水火之中也如此有不上天和者乎一外官於民生疾苦不使上聞朝廷一切為民詔旨亦不使下達雖遇水旱災荒奏聞部覆或則蠲免錢糧分數或則給發銀米賑濟皆地方官吏苟且侵漁捏報虛數以致百姓不沾實惠是使窮民而益窮也如此有不上天和者乎一大小問刑官員將刑獄供招不行速結使良民久羈囹圄改造口供草率定案證據無憑枉作人罪其間又有衙門蠹役恐嚇索詐致一事而破數家之產如此有不上天和者乎一包衣下人及諸王貝勒大臣家人侵占小民生理所在指稱名色以罔市利干預詞訟肆行非法有司不敢犯其鋒反行賄賂甚且身為奴僕而鮮衣良馬遠勝仕宦之人如此則貴賤倒置所關非細以上數條事雖異而原則同總之大臣廉則督撫有所畏懼不敢枉法以行私督撫清正則屬下官吏操守自潔雖有一二不肖有司亦必改心易慮不致大為民害此事朕非不素知但以正在用兵之際每示寬容今上天屢垂警戒敢不昭布朕心嚴行戒飭以勉思共回天意作何立法嚴禁務期盡除積弊著九卿詹事科道會同詳議以聞○是月免山東新泰雹災長山等縣旱災額賦

八月癸亥朔諭議政王大臣等攻擊海賊營壘宜用火礮內造西洋礮甚利且輕便易運可令湖廣巡撫張朝珍以湖廣所有西洋礮二十具委官遞送福建總督姚啟聖軍前用資剿禦○福建總督姚啟聖奏海逆鄭錦以臺灣為巢穴志必不降斷不可遣人招撫其偽武平侯劉國軒乃賊中渠帥頗能用兵請赦其前罪授以公爵偽將軍吳淑本無反志由部將迫脅請赦其前罪授以侯爵

東華錄 康熙二十四年 六

主偽總兵陳昌林陞江欽吳潛均請畀以總兵官實授管事此數人若解體投誠則鄭錦勢孤海寇根株立可芟滅 上諭凡逆賊有率眾來歸及獻城納款者必俟投至之日方論功議敘豈有未經投順先爵以公侯之理劉國軒等果輸誠立效率眾來歸當赦其前罪仍行論功該督可遣人以此意往諭之○先是總督姚啟聖奏平南將軍賴塔久鎮潮州兵民俱已心服今在漳州宜令兼轄潮州 上允之命賴塔兼轄潮州至是賴塔奏臣身在漳州與賊對壘且滿洲大兵係大將軍康親王傑書統轄潮州地處遙遠實難兼轄 上諭成命已頒仍令將軍賴塔兼轄潮州如須用滿洲大兵許一面酌量調遣一面申報大將軍康親王○先是海澄公黃芳奏題請暫駐汀州為其殉難兄黃芳度營葬至是總督姚啟聖奏汀漳二郡多有冒稱海澄公家人者即有奸宄有司不敢問且偽將軍吳淑吳潛等會害黃芳度因黃芳泰在汀不敢來漳歸順黃芳泰不宜久留汀州 上命黃芳泰攜家赴京師○甲子撫蠻滅寇將軍廣西巡撫傅宏烈奏賊范齊韓踞柳城融縣窺伺桂柳接應南甯臣檄永甯遊擊鄧林才會合馬承蔭兵協剿擒斬甚眾恢復柳城融縣二縣桂柳路通得旨嘉獎下部議敘○己巳定遠平寇大將軍安親王岳樂奏臣等率兵自寶慶起行七月二十日抵紫陽河見對岸有賊營令建義將軍侯林興珠提督趙國祚副將尼滿率兵渡河進擊鑲黃旗署護軍統領瓦代提標遊擊牛鳳翔渡河繞出賊營後夾擊賊棄營遁追殺賊二百餘人生擒偽都司一名下部議敘○庚午原任廣西提督馬雄之子馬承蔭奏請效力贖罪 上諭議政王大臣等馬承蔭不忘國恩誠心率眾齋繳偽敕印投誠可嘉應投馬承蔭伯爵給與將軍敕印隨大

東華錄 康熙二十四年 七

1872 冊 續修四庫全書 史部 編年類

兵進剿其標下應設官兵等處令理事官麻勒吉等與總督金光祖同馬承蔭確議以聞其餘兵丁有願歸農者安插得所願為兵者選撥入伍至同來歸附文武官員酌量給劄以示鼓勵○辛未以施維翰為山東巡撫由左副都御史遷○癸酉轉趙璟為工部左侍郎以張問政為工部右侍郎由通政使遷○福建巡撫吳興祚奏招撫偽總兵蔡冲瑀等三員偽官八十五員兵丁一萬二千五百一十七名招回島民三千一百九十餘名共獲大小船六十七隻分撥水師營用下部議敘○甲戌諭吏部等衙門凡為臣子者同寅協恭自古皆然今各部院辦理事務大小漢官凡事推諉滿官事之得當則歸功於己如事失宜則卸過於人至於入署不待事畢諉於滿官止圖早歸宴會遊嬉不為國家盡力擔當料理公務自此以後各宜協力同心務盡厥職不可仍前推諉至科道各官平日章奏內將一二可行之事隱附私情希圖作弊凡有條議鮮非無因閱覽奏疏多以己為至公至廉其屬託公事肆行妄為外播威勢挾制多端地方督撫等官莫不畏懼小民困苦未必不由於此作何懲戒著九卿詹事科道詳議具奏尋九卿等議覆嗣後漢官推諉滿官瞻徇延挾者革職科道條奏有屬託挾制等弊者革職拏問至大臣科道官員原籍子弟有挾勢妄行者照律處分父兄不約束督撫不題參者皆革職從之○九卿議覆給事中李宗孔奏一江西總督董衛國不能料理政務致失民心浙江巡撫陳秉直察吏無能賢否溷淆俱應解任一良民男婦子女身陷賊營官兵敗賊後應令親屬認識酌量給價取贖一大計停止已經六年應行令各省督撫於文到一月內將所屬官員秉公舉劾如舉劾不當將督撫藩臬等官從重處分俱應如所請得旨董衛國著留任

東華錄

康熙二十四

八

軍前戴罪圖功陳秉直著解任餘依議○乙亥鎮南將軍莽依圖奏當逆賊圍困南甯時郭義齊人龍悉力固守數與賊戰非他處投誠者可比今聞左江總兵官缺員以湖北總兵官傅魁調補備念邊疆要地乞以郭義或齊人龍補授茲缺用開歸誠之路上諭郭義原係左江總兵官率眾歸誠勤勞昭著仍復原任齊人龍亦有勞績如有應補之缺聽該將軍題補其湖北總兵官員缺向未補人令傅魁仍回原任○奉命大將軍康親王傑書奏偽總兵楊彩黃柏偽水師三鎮總兵吳定方偽副將陳化甲等各率偽官兵丁投誠下部議敘○兵部議奏投誠吳應昌係逆賊吳三桂之姪不便留在廣西應令將軍傅宏烈撥發官兵沿途護送來京得旨吳應昌係賊親支傾心投誠可嘉著送至大將軍簡親王軍前酌給劄付令其招撫餘賊○撫蠻滅寇將軍廣西巡撫傅宏烈奏偽總兵左旌王定邦等投誠偽總兵史自安等獻城投誠參議道劉曉招撫偽總兵李贊唐良等下部議敘○己卯吏部左侍郎董安國以自陳革職兵部右侍郎孫光祀以自陳降三級調用○庚辰遣官賑通州三河諸路災民瘞暴骸○揚威大將軍簡親王喇布奏臣遣將軍穆占於本月初一日復新甯縣今與大將軍安親王岳樂剋期進剿武岡逆賊上諭屯聚新甯賊寇已遁走武岡簡親王等速總大兵即會合安親王等兵克復武岡楓木嶺諸處以定靖沅其由鎮遠進平雲貴應行事宜確議以聞儻逆賊不支屢致遁逃安親王等乘其無措隨行追躡以期蕩平如賊由武岡遁去烏喇甯古塔之兵可遣還京師○定遠平寇大將軍安親王岳樂奏賊首吳國貴盤踞武岡率偽將軍胡國柱等以餘賊二萬逆戰隘口將軍侯林興珠提督趙國祚等率兵奮擊大敗之吳國

東華錄

康熙二十四

九

賁中礮死餘賊棄武岡遁貝子章泰等復率兵追及於木瓜橋又大敗之遂復武岡州城及楓木嶺得旨嘉獎下部議敘○予故左都御史穆臣祭葬○癸未轉陸穆哈爲戶部左侍郎以達都爲戶部右侍郎原任○丙戌給事中姚締虞奏科道乃朝廷耳目之官原期知無不言有聞則告已故憲臣艾元徵有請禁風聞條奏從此言官氣靡中外無顧忌矣試觀世祖章皇帝時諸臣奏議何如鯁直卽未禁風聞以前諸臣奏議亦猶有可觀伏乞敕下在廷諸臣會議嗣後如有矢志忠誠指斥奸佞者卽少差謬亦賜矜全如或快己恩讐受人指使者縱彈劾得實亦難免於徇私之罪如此則言官有所顧忌而不敢妄言中外諸臣有所顧忌而不敢妄爲矣得旨九卿詹事科道會同確議具奏○丁亥予故平寇將軍原任兵部尚書科爾科代祭葬○戊子諭九卿詹事科道自古設立東華錄 康熙二十四

臺省原係朝廷耳目之官上之則匡過陳善下之則激濁揚清務期知無不言言無不盡乃稱厥職近見直言讜論者不過幾人徇私好名者不可勝數朕自臨御以來略知此情每期言路諸臣化其偏私實陳得失輔登上理頃有以風聞言事請者試約略論之如今之章奏已見施行者雖不明言爲風聞何嘗不是風聞今若開風聞之條使言事者果能奉公無私知之既確見之當理卽當敷陳何必名爲風聞方入告也儻生事之小人恃爲可以風聞但徇己之好惡必致擅作威福以行其私彼言之者既無確見聽之者安能問其是非故曰無稽之言勿聽弗詢之謀勿庸正所以誠言之無據謀之自專也况天下之大臣民之眾導之以理曉之以法待臣下須寬仁有容不因細事而卽黜之所以體羣臣也用人則隨才器使無求全責備之心蓋以人材有不齊也若關天下之

重朋黨徇私之情皆國家可參可言之大事不但科道而已有志之臣民概可以言之何在區區風聞之言能斂戢奸貪之志氣哉治國家者在有治人不患無治法爾○己丑諭大學士等自古帝王治天下之道因革損益期於盡善原無數百年不敝之法果屬不可行者自應參酌事宜歸於可久至於制度既定事可遵行不宜議論紛紜朝更夕改近閱奏章亦有不思事之可否但欲徒爲更張或粗識數字卽爲大言準之事理殊屬茫昧如逞空言無補實用其誰不能且明末一切事例游移不定上無道揆下無法守以致淪亡此皆爾等所親見亦眾所共知今後凡條奏本章爾大學士等務加詳酌○諭議政王大臣等今我大兵數路並進深入剿賊轉運糧餉殊爲重要聞今歲湖南亢旱所運糧餉一時不前殆未可定令學士佛倫侍郎金鉉並遴選部院賢能官員前往湖東華錄 康熙二十四

廣同督撫商酌總理諸路大兵糧餉○靖逆將軍甘肅提督侯張勇奏噶爾丹遣其寨桑莽奈致書於臣云我向欲通使因地方有事未暇今特遣人獻馬三匹貂裘一襲又云西北一帶地方皆得之矣惟西海向係我祖與伊祖同奪取者今伊等獨據之欲往索取因係將軍所轄之地不敢輕舉臣念彼遠餽受其裘馬厚賞來使而遣之前此噶爾丹會遣人調集甘州南山一帶番目赴西套臣因遴選通事密探噶爾丹年紀性情並與兵往侵西海之故歸復云噶爾丹申年所生年三十六歲爲人兇惡耽於酒色去歲舉兵欲侵西海行十一日撤歸今夏又兩次出兵至纏頭回子之地而還見近邊諸將統兵駐紮不敢輕犯臣查近者入邊行劫皆係噶爾丹擊敗來奔貧無所依之人詳視噶爾丹情形尙無興兵之舉河西地方似無可慮謹將噶爾丹原書一併呈覽奏入命檄知

大將軍圖海○庚寅撫遠大將軍都統大學士公圖海奏進取漢中興安兵分爲四路臣與將軍佛尼勒等由興安進總兵官程福亮爲後援駐守舊縣關諸處將軍畢力克圖提督孫思克等由略陽進西甯總兵官朱衣客爲後援駐守西河諸處將軍王進寶漢中總兵官費雅達等由棧道進延綏總兵官高孟爲後援駐守寶雞甯夏提督趙良棟由徽州之巴都山進臣等於九月初八日四路並發奏入 上諭今將軍莽依圖等大敗逆賊吳世琮平定粵西進取雲貴大將軍安親王恢復武岡州楓木嶺擊殺賊渠吳國貴大將軍貝勒察尼由常德進取辰州將軍噶爾漢等自鄖陽進取興安宜乘賊處處敗衄逃遁震動之時分路撲滅大將軍公圖海亟統大兵乘機剿滅漢中諸處賊寇速定四川如賊敗走卽亟躡其後直搗窮追勿使占踞險要○辛卯召滿漢九卿詹事科道東華錄 康熙二十四 三十一

有徇私作弊之人將不肖寡廉者薦之因一人而其法遂壞自朕親政以來如鹽差關差數行更換以後條陳不知又改幾次也又如戶部銷算錢糧一事因督撫所報不合時價故部議駁回而科道輒有言者以爲督撫地方大臣斷無虛估價值肥己行私凡有銷算皆不應駁查及部議徑准督撫之銷算不行再駁則科道又以督撫冒銷錢糧一束草原價若干開銷若干一石豆原價若干開銷若干不特草豆爲然凡馬匹等項事事皆有虛冒部中不行詳查概聽督撫開銷以徇情面由此觀之部議不行駁回則以爲徇督撫之私情駁回則以爲督撫地方大臣不宜疑其有所私冒又恐衙役往來騷擾生事或應駁不應駁何者爲是兩說俱無定論是皆大者餘難悉述今日而論尙有未盡之言故先以上諭使曉朕意隨命九卿詹事科道各官至 御榻前 上問曰科臣姚東華錄 康熙二十四 三十一

等官集中左門 上先召吏部侍郎哲爾肯屯泰至內殿諭曰朕親決淺務十年餘矣科道爲朝廷耳目之官每覽奏疏實能爲國有裨政事者甚少草率塞責者甚多爾可傳諭九卿各官並將朕諭旨宣示少頃進見朕將面詢得失各據所懷直陳勿隱哲爾肯屯泰出至中左門向各官先宣 口諭訖隨讀 上諭曰今將科道兩衙門本章情弊無益國計民生之處一一講究卿等必有至公之眾論以佐朕意卿等但有所見卽直言不可隱諱卽如科道條陳一事部議准行又有科道官言其不可者今日之所謂是明日又轉而爲非朝更夕改茫無成憲難取信於天下豈治道至理哉姑舉其大概如舉才能一事是因人材不一有能理繁者有有操守者有練習其事者自古選賢任能爲治之大道與論俸不同其法未嘗不善卽 世祖章皇帝時亦曾有論常行選擇之條偶

締虞所奏風聞言事疏爾等如何定議吏部尙書郝惟訥戶部尙書梁清標等奏言官奏事原不禁其風聞但風聞參奏審問全虛者定有處分之例今若不加處分恐有借稱風聞挾私報怨者亦未可定仍應照定例行兵部尙書郭四海左都御史魏象樞戶部侍郎田六喜等奏見行例科道奏事全虛者處分一款得實者卽免議人人原可盡言但要虛公體訪不宜又開風聞之例 上顧科道諸臣問曰風聞言事爾等以爲可行否如有欲言可悉陳奏吏科掌印給事中李宗孔禮科掌印給事中余國柱等奏言官風聞言事 皇上原未禁止但徑開風聞之例恐有未便 上曰此係明末陋習若此例一開恐有不肖官借端挾制罔上行私顛倒是非誣害良善等弊 上問姚締虞曰爾云言官風聞言事爾意如何姚締虞奏 皇上從不會處分言官但有處分條例在言

官皆生畏懼 上曰人臣為國不擇利害有志之士雖死不畏况降級乎爾等皆以風聞為言朕亦何曾無風聞姑舉一二端言之君臣分義休戚相關當吳逆初叛時諸臣中有一聞變亂即遣妻子回原籍者此屬何心視國如家之誼當如是耶又有占人田土受人賄賂徇情行私大為不法者爾言官何會一言參奏言官奏事宜將國家重大事務確加敷陳今爾等所言多舉細事無關治要嗣後慎勿草率塞責如有大奸大貪參劾得實朕法在必行決不姑貸 上又諭曰滿漢論事往往不能和衷漢官每謂滿官偏執若漢官肯實心為公據理辨論滿官豈有不從之理若滿官堅意偏執漢官即當奏聞 上又諭曰從來有治人無治法為政全在得人人臣事君全在辨心術之公私今爾諸臣之才皆能料理政務但徇私利己者多公忠為國者少若諸臣肯洗心滌慮公爾

東華錄

康熙二十四

西

忘私國爾忘家和衷協恭實盡職業庶務何患不就理國家何患不治平哉爾諸臣其勉之○調楊永甯為吏部左侍郎由兵部調○是

月免山東莒州江南徐州等十州縣旱災賦

九月甲午安塘筆帖式報大將軍貝勒察尼遣署前鋒統領蘇虎濟偵視辰龍關賊勢蘇虎濟還言辰龍關路徑煙塞甚固賊與民一無所見河渠畢涸大兵不可立營 上諭今賊勢大敗正在摧破凡為將軍大臣者各宜盡心效力乘賊無措即行追剿速靖地方武岡州楓木嶺係辰龍關後路逆賊必自震動貝勒察尼等遣蘇虎濟偵視蘇虎濟不探聽賊中確音據報賊與民一無所見復云大兵不能立營規避退縮殊為不合貝勒察尼等其速取辰龍關前至鎮遠與大將軍安親王等兵會共議進定雲貴事宜以聞○戊戌以李本晟為浙江巡撫由大理寺卿遷○庚子涼州提督孫思克

奏漢中興安未便進取 上諭議政王大臣等孫思克奏稱賊多步行踰嶺登山如履平地小路曲徑賊所稔知我兵前進恐賊由紆徑潛躡我後以絕餉道為害滋甚朕思秦地綠旗之兵為數甚多其中步兵不少且各省綠旗兵向推秦兵精銳賊能跋涉山嶺我兵豢養有年何獨不能況漢中興安秦省內地滿漢大兵徑行熟悉何得視同絕域輒妄誕其辭凡將帥用兵前進衝鋒後顧餉道務詳度以合機宜乃一定之道也儻以賊間道潛來斷絕餉道為憂怯懦不前則永無破賊之日矣又奏言大將軍公圖海分滿漢兵為四路雖分賊勢終憂兵單綠旗兵每人止有一馬且未必皆強壯可用之兵惟滿洲大兵堪任第為數無多雖欲另調又恐秦地三邊番夷甚眾當此秋高馬肥思逞之後實無兵可調不若俟來春二三月間塞外草尚未生水泉猶涸之時多調邊兵以資

東華錄

康熙二十四

五

戰守各路進發朕思秦中滿兵不少綠旗兵較各省更多今稱兵力單弱顯屬畏縮憚於進兵且各省綠旗兵亦止一馬會無多給而且越境征剿粵東粵西閩楚諸處今又進定滇黔較之平定境內漢興勞逸何如耶向者凡將軍提鎮官募兵時必選精壯勿使濫收充數定例嚴明今若以秦兵皆非強壯難以應用則孫思克職任何事觀此則欺蔽之情更顯然矣且有將軍公圖海在彼乃妄議大兵多寡殊屬狂妄又云番夷馬肥思逞欲俟來春二三月間草尚未生水泉猶涸之時進取設或二三月間進取之後四五月間番夷馬肥思逞將若之何正值秋成涼爽各處賊寇大敗震驚之餘不速行蕩平反欲於來春青黃不接之時進取是又何以意耶又奏稱秦省大半皆山地瘠民貧不產秬稻所種惟麥豆之屬向有捐納一事稍裨用兵今例已停罷民受採買之苦且山路

險阻必資負戴馱運其履賃之價數倍於應輸之賦今各路需餉甚多山徑狹隘輓運維艱時當初冬草枯葉落畜收無資欲俟春調集官兵務期兵強糧足共圖進取者職此之故朕思粵東粵西諸省山嶺亦多何曾豫備糧餉官兵豈有止食稻米不食他粟之理至於捐納各省俱停止留粵西事例以資平滇軍需之用自定秦省數年以來未會勞民轉運且漢興雖多險阻乃陝西內地非隔省百姓轉輸可比今恐輓運累民至春又誰爲轉送耶當逆賊敗遁之時急令進兵者正爲早定地方以安百姓耳採買恐累於民巡撫杭愛題奏已經改定今以請開事例轉運維艱爲辭其規避進兵明甚又奏稱八旗出征官兵今年七月二十八日京師地震房屋傾壞壓斃人命聞之各懷內顧之憂臣所以暫停進取以回天意俟人心稍定再議進兵未晚朕思八旗官兵世受豢養東華錄 康熙二十四 六

不引領望諸將軍早靖逆氛爾等陝西將士駐紮善地馬無傷斃人無疾病不思速滅賊寇枝梧推諉進取無期又有何人代爲爾等破賊耶爾在朕左右稔知朕意應勇果任事參贊大將軍機宜以立功勳頃大將軍奏言來京陛見面奏軍國大事比至陳奏並無成算有失眾望此固軍前將士所悉知也若失此機會可乘之時萬一賊據四川貴州雲南以爲巢穴致歲月相持彼時悔無及矣宜速行籌畫○丙午諭刑部國家設立法制原以禁暴止奸安全良善故律例繁簡因時制宜總期合於古帝王欽恤民命之意向因人心滋僞輕視法網及強暴之徒陵虐小民故於定律之外復嚴設條例俾其畏而知儆免罹刑辟乃近來犯法者多而奸宄未見少止人命關繫重大朕心深用惻然其定律之外所有條例如罪不至死而新例議死或情罪原輕而新例過嚴者應去應存東華錄 康熙二十四 七

子少保餘依議○庚戌 上以地震率王大臣詣 天壇祈禱○辛亥命簡親王喇布率師守桂林莽依圖進師雲南○壬子工部議覆河道總督靳輔奏請將南旺夏鎮北河分司分管諸務俱歸濟甯道兼轄從之○甲寅諭大學士等朕每日聽政一切折出票籤應商酌者皆國家切要政務得失所繫今後起居注官除照常記注外遇有折本啟奏俱令侍班記注惟會議機密事情及召諸臣近前口諭記注官不必侍班○廣東廣西總督金光祖奏官兵分路搜山於八月十七日擒獲祖澤清並其子祖良棟 上諭逆渠祖澤清背負國恩屢行反叛情罪重大命平南王總督巡撫遣官械送祖澤清父子及家人來京○丁巳以于成龍為福建布政使由按察○是月免江南宿遷前年水災額賦

冬十月癸亥予故刑部尚書劉樾祭葬諡端敏○湖南巡撫張朝

東華錄 康熙二十四 九
珍甘肅巡撫巴錫遵諭自陳吏部察議俱擬降調 上曰督撫係封疆大臣凡有旨下部院察議者爾等務將其人事迹據實詳察若爾等真見為堪用之人即應舉出奏明至各省舉劾官員亦應據實詳察若有真見為循良者亦即指實奏明傳諭滿漢諸臣知之張朝珍巴錫俱著留任○諭兵部內大臣坤巴圖魯侍衛都統畢力克圖侍衛覺和託等出師日久年已衰邁不能馳驅左都御史舒恕患病果真此等實係衰病大臣官員可察明撤還京師至副都統博濟等兵見駐南雄今南雄已為內地博濟甫往未經效力且大將軍簡親王兵少博濟可率其眾前赴廣西吉安所駐滿兵亦令前赴大將軍安親王軍前如有非要地而駐兵者俱察遣用兵所在俾之進剿可移文諸路大將軍將軍等各案所部列名以聞大臣官員稱病留止城邑者亦令察明具奏尋大將軍圖海

奏坤巴圖魯侍衛覺和托二人遵旨令其還京師外臣於十月初二日四路並進已近賊境畢力克圖別率一軍亦由略陽一路進偪賊境或仍撤彼還京或俟恢復漢中與安之日遣還伏候 睿裁得旨畢力克圖俟恢復漢中與安之日遣還京師○丙寅以李仙根為左副都御史由鴻臚寺卿遷○戶部等衙門會議錢法十二條一順治錢初重一錢復改鑄重一錢二分五釐又改鑄重一錢四分今應仍鑄一錢四分行使二因銅少以致錢貴查鹽課與關差一體應將兩淮兩浙長蘆河東課銀俱交見出差御史督各運司官照部定價買銅解送三關差官員所辦銅斤應買廢錢舊器皿等銅解送或將紅銅六十斤鉛四十斤折作銅一百斤解送不許解送毀化板塊之銅如此則無毀錢之弊四關差官員買銅應慎選殷實老成人役買辦五寶泉寶源二局鑪頭匠役包攬買交者柳

東華錄 康熙二十四 九
責並妻子流向陽堡官員徇庇者革職六各關官員差滿回部所欠銅斤應嚴立限期限內不完者革職所欠銅斤變產追完辦銅人役仍照前定例治罪七查戶部寶泉局有滿漢侍郎管理今亦應令滿漢侍郎親身帶領監督等公同秤收發鑄八開採銅鉛凡一切有銅及白黑鉛處所有民具呈願採該地方督撫即選委能員監管採取九查定例凡民間必用之銅器五斤以下者仍許造賣外其非必用之器不許製造應再行嚴禁照例治罪十化錢為銅已經禁止定有處分之例未定有鼓勵擊獲之例嗣後有出首擊獲者審實將所獲之銅一半入官一半給賞十一京城錢少價貴應頒發制錢式樣行令各省巡撫鼓鑄十二寶泉寶源二局土砂煤炭灰內有滴流之銅應專差官會同該監督召人淘取所得淘取之銅照部定價收買從之○戊辰賑鳳陽臨淮饑○鎮安將

軍鳴爾漢等奏臣等率兵至白河縣偵知前路山徑狹隘馬匹難行因復商酌簡選兵馬從上津路進發 上諭將軍鳴爾漢總督楊茂勳提督修國瑤身臨賊境深知其地險要可從上津一路進師視陝西大臣進剿之會與大將軍公圖海等夾攻與安賊寇迅復疆土可移咨圖海知之○己巳諭大學士等朕比見中外章奏尤長非徒浮泛無益且令閱者厭倦又見直隸各省奏讞獄詞其中多改飾口供未必皆得情實朕愛惜生民惟恐一夫有傷自吳逆叛亂以來命將出師慮其在外騷擾莫不諄切告誡前歲江西大軍擄掠民間朕殊為痛恨嗣後嚴加飭諭聞諸路禁軍已無敢蹈前轍矣○辛未賜羅淇等一百一人武進士及第出身有差○遣內閣學士希佛郎中倭黑齋敕往陝西諭將軍張勇王進寶提督趙良棟孫思克曰自逆賊吳三桂背恩反叛遣發大兵各路征東華錄 康熙二十四年 壬

勦平定疆宇撲滅賊寇湖南廣西福建諸處以次恢復餘賊逃潰盤踞水陸險隘冀圖抗拒此等殘寇雖無煩速剿不久自當殄滅但朕軫念民生急於拯救令其得所故欲掃除餘孽以靖土宇今賊既敗遁負險無容專恃馬兵若用綠旗步兵之力於滅賊殊為有濟况我綠旗兵較之賊兵甚強爾等素受國家厚恩勦力行間樹績邊疆甚多殫矢忠貞圖報恩眷朕所悉知爾當各率所屬綠旗兵平定漢中興安恢復四川宜分幾道進兵作何調度始能恢復其詳議具奏如爾盡力報效恢復漢中四川朕必不拘成例優與加恩爾等官兵前進則滿洲大兵亦即相繼進剿接運糧餉不致匱乏茲事所繫甚為重大速詳加酌定以聞又令希佛等傳諭張勇等曰自古漢人逆亂亦惟以漢兵勦平彼時豈有滿兵助戰哉今逆賊大敗乘此逃散之際理宜速定四川天下綠旗兵無如

陝西強壯而其數較各省倍眾在陝西大臣官員又皆具有才能將滅之寇何難剿除爾等不即平定四川豈綠爾等名位事權輕歟儻謂地屬險隘自古以來險隘之地若不攻取豈有自定之理作何調度官兵幾路進剿事宜確議以聞又遣給事中莫羅等齎敕赴廣西其敕諭與諭陝西諸將大指略同○左都御史魏象樞奏舉清廉十人原任戶部侍郎雷虎原任戶部侍郎班迪原任兵部督捕侍郎達哈他原任刑部侍郎高珩原任大理寺卿胡密色原任吏部郎中內升宋文運原任國史院侍讀蕭惟豫原任湖廣布政使未任告病畢振姬原任直隸內黃縣降調知縣張沐原任江南嘉定縣革職知縣陸隴其得旨雷虎朕亦素聞其清因補授戶部侍郎凡事偷安督修 孝陵又造冊不明革退今既經魏象樞特薦著授為內閣學士兼禮部侍郎班迪為戶部侍郎聞其清慎因差往江西審事不明降級令其隨旗上朝非係未悉其人餘下所司詳議○癸酉諭大學士等逆黨吳應麒夏國相等俱吳三桂族戚同謀叛逆本非脅從今招撫敕書中若加脅從等字反令生疑不如聲明其罪許以革面歸誠王者之言昭如星日一以至誠相感庶可招徠遠人若王屏藩傾心向化則西蜀不血刃而定矣其中有二大事關繫最要如賊黨中有素受吳逆厚恩不忍加害其孫能幡然悔悟挈之來歸者非惟免罪且當敘功又有心切歸誠繫念妻子在滇不忍分割者許其一面密通聲息一面撤兵回滇潛為內應功成之後一併議敘庶可速其來歸耳爾等即以

此意撰擬○甲戌冊封嬪吳雅氏為 德嬪○丙子廣西提督折爾肯奏泗城土知府岑繼祿歸誠○長沙陣亡將士喪至遣侍衛奠之○丁丑吏部議覆奉天府尹梁拱辰奏奉天所屬一府二

州七縣正印佐貳雜職等官三十餘員有劾無舉恐賢能者不知所勸應照直隸各省之例遇薦舉之年酌薦一員從之○戶部議覆奉天府尹梁拱宸奏奉天錦州等處旗下荒地甚多民欲耕種旗下指為園地如橫册未經圈給而妄稱為園地者察出從重治罪應如所請將被圈之地概行查明除旗下額地之外俱退與州縣官員勸民墾種得旨旗下額地之外其餘未墾之地著嚴加詳察具奏○己卯廣東提督侯襲曾奏海逆盤踞井洲諸島臣與潮州鎮臣馬三奇等率兵水陸夾擊攻破井洲島焚燒賊船賊巢斬殺甚多生擒偽參將等員獲器械偽札無算下部議敘○撫蠻滅寇將軍廣西巡撫傅宏烈奏粵西進雲貴有二道一由甯甯將軍莽依圖已遵旨統滿漢大兵前進臣願親率官兵由慶遠一路直取雲貴 上諭粵西初經恢復傅宏烈仍駐會城同理事官麻東華錄 康熙二十四 三

勒吉等平定境土撫綏百姓供應大兵糧餉其傅宏烈標下官兵可選精銳聽王與將軍進剿調用○庚辰免湖北康熙十三年至十七年賦○辛巳增五城流民賑濟銀米○壬午靖逆將軍甘肅提督侯張勇奏時屆嚴冬堅冰載路轉餉維艱祈暫止陝西兵進征漢中興安及進取荊州常德衡州永州廣西諸路兵馬俟明春再行齊發 上曰近閱大將軍公圖海奏分兵四路進取漢中興安而諸路大將軍各領大兵相機剿賊平定疆圉將軍侯張勇所請不准行○諭議政王大臣等背恩反叛之罪在吳三桂其吳應麒胡國柱等咸係附和之人今雖諸路賊寇敗遁破滅在即朕俯念黎民早欲使疆圉平定其吳應麒胡國柱夏國相王屏藩馬寶郭壯圖各書敕一道分發各路大將軍將軍總督提督巡撫等招撫救日諭王屏藩胡國柱馬寶郭壯圖夏國相吳應麒爾等本係

吳三桂藩下之人會授世職當吳三桂反叛時爾等率同逆黨抗拒大兵其後力窮敗遁今復竊踞一隅遲回觀望荼毒生民茲湖南廣西漢中俱經底定賊勢摧敗殄滅可期爾等所明知也每念滇黔皆朕赤子久罹兵燹不得早見太平朕心殊為惻惻今特降專敕詳加開諭爾等若悔罪歸誠其從前抗拒之罪悉為赦免仍論功敘錄至爾等標下將士如同心歸正亦概從寬宥酌量加恩但念繫戀父母妻子人之常情或因父母妻子尚在滇黔心懷贖願爾等皆掌握兵柄之人非微末將弁若即率所部兵徑還雲南誰能阻遏一路先退諸路亦必相率遁逃誰能自立大兵到日相機接應不特保全家口亦可建立功名或能開導吳世璠共來歸順厥功尤懋煌煌諭旨炳如星日朕不食言近日歸正各員朕皆赦其前罪論功錄用亦爾等所知爾等其盡釋疑衷勉圖後效以東華錄 康熙二十四 三

副朕懷遠矜全至意又諭兵部今茲招撫與往者不同因彼情實昭然故特頒敕書令各大將軍將軍加意曉諭以革其心勿得視為泛常○癸未福建總督姚啟聖奏雙頭洞係浙閩交界賊首陳起萬等嘯聚臣會同提臣楊捷撫臣吳興祚於五月初九日至流江地方水陸夾擊大敗賊眾殺傷無數獲其船隻器械下部議敘○轉焦毓瑞為兵部左侍郎以項景襄為兵部右侍郎由內閣學士遷甲申兵部議覆奉命大將軍康親王傑書請題參將會承補授興化總兵 上曰總兵封疆要職自當遴選總督既未列名豈可遽將參將超補況地方漸次平定必須遴選得人庶不至貽誤軍機也○諭奉命大將軍康親王傑書曰自數年用兵以來所費錢糧不貲以致民力疲困今大破湖南賊寇餘孽遁入雲貴扼據險要抵死支持其勢且夕殄滅惟福建海賊竊踞海澄倚廈門金門為

營宿騎兵無所用其力性藉水師樓櫓攻取甚屬緊要王等會言今歲荷蘭國船若到於八月內進攻海寇儻荷蘭國船愆期當內徙邊海人民堅壁清野以待其困今歲因荷蘭國之船未至故前議不行近者福建綠旗兵丁較取廈門金門時漸增數倍卸滿兵止以綠旗兵丁剿滅賊寇未為不足見在福建滿兵甚多應即撤一半以省糧餉以甦民困但耿精忠尚在閩中虞有意外之變故暫為停止朕思即令耿精忠來京此輩惶恐疑畏或生他故如留耿精忠在彼王親率滿兵一半回京似屬不可設必候諸處底定則福建需用糧餉較之他省不啻什百為今之計王當開諭耿精忠令其陳奏請安詣京陛見儻耿精忠因王之言具奏止可令其自來若耿精忠未能即行王獨率滿兵一半先回則勢更有所不可也此事關繫甚為重大王當詳細籌畫具奏○乙酉以張所

東華錄

康熙二十四

志

志為福建按察使由山西冀甯道遷○戊子先是吏戶兵刑四部會議私採人濫條例請旨上曰採濫本以養人定例過嚴則無知小民動罹法網反致傷生其令議政王大臣九卿詹事科道會同詳議以聞至是議政王大臣等議為首者較為從者柳貴上曰邇來採濫必越佛阿喇地方較前稍遠是以價日貴而盜者愈多不若令佛阿喇駐防官兵中途察緝則法不待嚴而弊自可絕矣○吏部議覆左都御史魏象樞舉清廉一疏查原任侍郎雷虎班迪巴經奉旨無庸議外原任督捕侍郎達哈他京察降級原任大理寺卿胡密色京察革職隨旗上朝俱無庸議原任刑部侍郎高珩原任吏部郎中內升未補宋文運俱告假回籍應移咨該撫給文赴部候補原任國史院侍讀蕭惟豫終養回籍俟伊事完之日該撫給文赴部候補原任湖廣布政使畢振姬年老告病回籍無庸議

東華錄 康熙二四

原任內黃知縣張沐降調回籍原任嘉定知縣陸隴其革職回籍俱移咨該撫給文赴部補用得旨依議補用原任知縣張沐陸隴其係保舉廉能之員如直隸清苑江南無錫等縣最稱繁劇難治必用之此等地方庶其才可以表見○以高珩為刑部右侍郎原○于湖廣陣亡遊擊杜英佟大年守備韓壘聖于守印化嘉誥等官有差○奮威將軍平涼提督王進寶奏臣率兵進取四川與賊戰於利橋紅花鋪諸處大敗之復鳳縣兩當縣得旨嘉獎下部議敘○己丑先是河道總督靳輔奏請於節省河工錢糧內動支銀十四萬餘兩另開運河於駱馬湖之旁以便挽運命九卿詹事科道會議至是九卿等議覆應如所請上曰諸臣意見若何左都御史魏象樞奏曰河臣動用錢糧二百餘萬為一勞永逸之計前奏隄壩已修築七分今又欲復開河道所為一勞永逸者在臣等恐將來漕運有阻故議從其請耳上曰以朕揆之憲臣之言為是漕運關繫自應從其所請但河道雖開必上流浩瀚方免淤滯今歲雨少水涸恐未必有濟即目前河工告竣亦因天旱易修豈得遽恃為永固耶○庚寅除江西兵荒賦○陝西提督趙良棟奏臣率領大軍由密樹關進取徽州復遣兵於黃渚關以牽賊勢及抵密樹關連戰敗賊賊不能支遂棄徽州遁走恢復州城得旨嘉獎下部議敘○奉命大將軍康親王傑書奏都統喇哈達遣副都統倭申巴圖魯於十月二十六日進抵東石擊敗賊眾殺偽參將林英擒偽總兵陳深等及賊兵一百六十三名下部議敘○辛卯諭九卿詹事科道等邇來諸事爾等全不擔當或遇事有疑難即以前未經與聞不同啟奏或託言他事及病不赴會議在部辦事或推諉不肯列名或有過卸於司屬意圖僥倖若果應坐罪豈推

東華錄

康熙二十四

志

原任內黃知縣張沐降調回籍原任嘉定知縣陸隴其革職回籍俱移咨該撫給文赴部補用得旨依議補用原任知縣張沐陸隴其係保舉廉能之員如直隸清苑江南無錫等縣最稱繁劇難治必用之此等地方庶其才可以表見○以高珩為刑部右侍郎原○于湖廣陣亡遊擊杜英佟大年守備韓壘聖于守印化嘉誥等官有差○奮威將軍平涼提督王進寶奏臣率兵進取四川與賊戰於利橋紅花鋪諸處大敗之復鳳縣兩當縣得旨嘉獎下部議敘○己丑先是河道總督靳輔奏請於節省河工錢糧內動支銀十四萬餘兩另開運河於駱馬湖之旁以便挽運命九卿詹事科道會議至是九卿等議覆應如所請上曰諸臣意見若何左都御史魏象樞奏曰河臣動用錢糧二百餘萬為一勞永逸之計前奏隄壩已修築七分今又欲復開河道所為一勞永逸者在臣等恐將來漕運有阻故議從其請耳上曰以朕揆之憲臣之言為是漕運關繫自應從其所請但河道雖開必上流浩瀚方免淤滯今歲雨少水涸恐未必有濟即目前河工告竣亦因天旱易修豈得遽恃為永固耶○庚寅除江西兵荒賦○陝西提督趙良棟奏臣率領大軍由密樹關進取徽州復遣兵於黃渚關以牽賊勢及抵密樹關連戰敗賊賊不能支遂棄徽州遁走恢復州城得旨嘉獎下部議敘○奉命大將軍康親王傑書奏都統喇哈達遣副都統倭申巴圖魯於十月二十六日進抵東石擊敗賊眾殺偽參將林英擒偽總兵陳深等及賊兵一百六十三名下部議敘○辛卯諭九卿詹事科道等邇來諸事爾等全不擔當或遇事有疑難即以前未經與聞不同啟奏或託言他事及病不赴會議在部辦事或推諉不肯列名或有過卸於司屬意圖僥倖若果應坐罪豈推

卸便可脫免乎又有臨事全無一語及既退之後輒云我會如此立論而某官不肯見從朝廷不會允此豈臣子靖共之道乎至部院衙門司官亦多偷安廢弛各堂官宜將此等司官指名題參九卿會議處有規避者著都察院及科道官糾參嗣後爾等當直據所見陳奏審酌可否自在於朕爾等勉之○是月免山西遼州文水壽陽霍災額賦

十一月壬辰朔以徐元文為內閣學士原任學士○諭大學士等內閣與翰林官不妨互為調用其行坐之處照進衙門先後以定次第○兩廣總督金光祖奏今自粵西進取雲貴雲貴督撫提督俱在湖南請於諸臣中酌分一二來粵以資彈壓 上諭雲南巡撫李天浴前往廣西同王將軍等進剿並撫定新復地方○癸巳命安徽巡撫徐國相親往盱眙滁州等五州縣賑濟饑民○乙未諭

東華錄

康熙二十四

天

議政王大臣等鄂爾多斯多羅郡王古魯當榆林總兵官遣使請兵不及候旨即調兵應援及聞神木變叛又即遣其子統兵先行嗣復力疾親往為國效力撫降神木縣古魯可封和碩親王○丙申奮威將軍平涼提督王進寶奏十月二十二日進兵武關三面夾擊陣斬賊千餘人生擒偽總兵羅朝興等遂奪其關下部議敘○戊戌以薛柱斗為湖南布政使由安徽按察使遷○奮威將軍平涼提督王進寶奏十月二十七日追剿賊眾入雞頭關抵漢中賊首王屏藩引賊兵自青石關走廣元恢復漢中府復遣官兵追擊直抵青石關得旨嘉獎下部議敘○庚子湖廣提督徐治都奏請調發撫標官兵及武昌漢陽各營官兵進剿蜀寇 上諭將軍王進寶統率官兵於棧道險峻之地屢敗賊寇直前恢復漢中逆賊王屏藩所部之賊不及千人已經敗遁今當逆賊敗奔震動之時進定

四川最為重要可如徐治都所請令巡撫張朝珍調標兵千人並武昌漢陽營兵一千二百人速行遣發如或稽延治巡撫以貽誤軍機之罪儻徐治都遲滯不進亦以貽誤軍機之罪罪之○陝西提督趙良棟奏臣帥兵敗賊於打火店王家臺追抵白水江賊對岸拒守十月二十五日臣師始渡江追擊賊眾過入堵山斬獲甚多二十七日抵略陽偽吳將軍等棄城遁恢復略陽但大將軍等三路官兵不知近遠而臣以一旅尾擊而前似已深入儻少遲延萬一蜀糧得至賊心一堅復出守險則再進甚難 上諭曩者大將軍圖海奏言親率將軍佛尼勒等由興安路進兵將軍畢力克圖提督孫思克等由略陽路進兵將軍王進寶等由棧道進兵提督趙良棟由徽州路進兵今王進寶擊敗棧道之賊直前恢復漢中趙良棟擊敗賊眾恢復徽州直抵略陽惟圖海畢力克圖等兩路之師如何擊賊已抵何所迄今尚未有確報且畢力克圖等未至所指之地而趙良棟已抵略陽彼等所行者何事當此逆賊搖動之時圖海畢力克圖孫思克等可速統兵剿賊進定疆圍各路之兵宜令互通音問又王進寶趙良棟等統兵深入畢力克圖孫思克等應速以兵繼其後儻若遲緩不前致有隔絕即以遲誤軍機之罪罪之○宣義將軍尚之孝奏大將軍康親王咨稱福建江西接壤之地尚有逆賊江機楊一豹擾害建甯邵武諸處令臣速進兵剿滅臣星夜至汀州整頓甲兵進剿 上諭尚之孝速先平建甯諸處之賊仍遵前旨率兵赴江西與總督巡撫提督等共商剿撫江西餘寇○辛丑諭戶部前者大兵進剿四川已破朝天等關直至保甯恢復在邇因周有德張德地席卜臣駐廣元不將糧餉極力轉送軍前陝西總督巡撫亦不將糧餉極力運送以致大

東華錄

康熙二十四

天

兵糧餉不繼難於久駐遂爾退回貽誤軍機關繫重大此數年以來使逆賊逋誅封疆未復兵民苦累休養無期皆周有德張德地席卜臣陝西總督巡撫怠玩遲延之故每念及此深可痛恨今大兵分路進取已恢復漢中不日前抵蜀疆相機期撫底定可期軍前糧餉最為緊要其令陝西督撫諸臣殫心經理設策輸運務使士馬飽騰捷音早奏以副朕定亂安民至意如督撫諸臣漫不經心泄泄從事致饋餉缺乏有誤軍機俱以軍法從事決不姑恕爾部速傳諭遵行○免廣東廣州肇慶二府康熙二十三年逋賦

○癸卯 上聞翰林院掌院學士喇沙里病故諭大學士等曰喇沙里侍從有年小心勤慎翻譯經書明白精詳咸稱朕意即翰林諸臣亦皆稱其賢今一旦溘逝朕心惻惻隨遣一等侍衛對秦三等侍衛二格齋銀三百兩賜喇沙里之子三等侍衛俄爾濟圖仍

東華錄 康熙二十四 天

傳諭曰爾父喇沙里自任講官以來在內則經筵盡瘁在外則扈從勤勞會無一時一事少曠厥職居官勤慎內外諸臣罕有其匹方欲畀以大任倏聞奄逝不勝痛惜初不知病勢危篤未遣使視疾心甚悼焉念爾父家無餘貲賜銀三百兩為治喪之費其議卹典禮俟禮部具題再加優給○甲辰諭議政王大臣等將軍王進寶副朕超擢顯用之意親統官兵冒險前進首先恢復漢中提督趙良棟亦副朕優擢之意親統官兵恢復徽州隨取略陽彼等皆報朕之恩實心效力今乘此破賊之勢即恢復保甯平定四川亦有何難進取漢中各路官兵王進寶趙良棟等作何調遣前取保甯平定四川可詳加定議知會大將軍酌量而行大將軍公圖海率領大兵之半屯駐鳳翔防守陝西通省以護軍統領吳丹為將軍率大兵之半繼王進寶趙良棟後務俾糧餉無或斷絕與總督

哈占等會議而行提督孫思克止率其所部兵駐防原守汎地湖廣提督徐治都速統舟師乘茲勝勢沿江直取重慶將軍噶爾漢總督楊茂勳提督佟國瑤等已進興安迄今尚未奏捷怯懦已甚俟恢復興安之日噶爾漢等俱撤還原守地方前所有功績盡行削去該部嚴察議處噶爾漢佟國瑤令防守鄖陽諸處楊茂勳率所部官兵速自鄖陽啟行由荆門當陽迅至彝陵與徐治都直從江路而進奮力平定四川以贖其罪○以麻爾圖為陝西布政使

由按察 ○裁浙江水師提督並提標中軍參將守備千把等員設使遷

○丙午奮威將軍平涼提督王進寶奏偽將軍楊永祚偽總兵孫啟耀等投誠○庚戌福建總督姚啟聖奏臣以進攻廈門金門等島酌撥兵一萬四千名赴水師提督萬正色軍前第沿海諸汎地兵力單弱請召募新兵補額得旨進取廈門

東華錄 康熙二十四 天

金門諸處事關重要該督調發兵丁聽萬正色統領剋期破賊其所請募兵補額俟大將軍康親王題明滿兵應撤留之處再議

○壬子諭議政王大臣等今將軍王進寶等率領官兵直入漢中諸處逆賊王屏藩等分道敗遁當此蜀賊震動之際速由重慶夔州進兵則恢復蜀省不難今湖廣船艦已成前雖有旨令提督徐治都等率舟師溯江而上直取重慶又令總督楊茂勳速往會徐治都協力進剿恐復觀望遲延亦未可知著差郎中蘇赫臣赴楊茂勳軍前趨兵速赴彝陵剋期前進並令與楊茂勳同行不時偵探軍情以聞○安南國王黎惟禎慶賀大捷奏言逆賊吳三桂變亂數年阻臣國入貢之路又屢差偽官多方脅誘令臣服從臣區區忠悃不敢從逆乃有本國逆臣莫元清背恩從賊與吳三桂密相締結領兵馬萬餘潛入臣國高平圖為掩襲今幸仰仗 天威

滇南逆黨指日成擒臣請繕修貢儀一面遣陪臣赴京朝賀一面遣兵擒逆黨莫元清明正其罪得旨著議政王大臣等會議尋議覆該國王不忘 皇恩竭盡忠誠不肯從逆今又慶賀進貢應交與禮部照安南國王進貢舊例遵行至該國王既稱莫元請撥順逆賊差兵追擒應無庸議從之○甲寅陝西提督趙良棟奏臣攻取略陽隨發兵三路進剿數次擊敗賊眾共擒斬六千餘人恢復陽平關 上諭議政王大臣等陽平關逼近甯羌係入蜀之路沔縣亦與漢中相近今提督趙良棟恢復徽州直取略陽陽平關其意或欲進定四川儻不及與將軍王進寶等共議乘機徑往定蜀則滿洲大兵不可不為後繼茲事最關重大其檄趣將軍吳丹偕總督哈占速統大兵為進定四川官兵後應運致糧餉相繼不絕毋使軍機有誤○昭武將軍福建提督楊捷奏江西賊首偽都東華錄 康熙二十四年 三

督呂貴等率賊三千餘人犯崇汛建甯城守遊擊李英破賊於岑陽山悉殲其眾下部議敘○乙卯定遠平寇大將軍安親王岳樂奏臣等遵旨公議每佐領留十二人防守武岡州諸處其每佐領八人前鋒二百人護軍每佐領三人驍騎並漢軍每佐領五人俱行遣還令固山貝子章泰內大臣阿密達護軍統領桑遏署護軍統領伯郎肅輔國將軍宗室瓦山前鋒統領碩岱副都統伊巴漢署副都統穆森雅雅哈喇等率之而行其留守之兵令實授都統品級穆占等統領於是議政王大臣等議奏頃者大將軍貝勒察尼每佐領發回兵八人奉旨每佐領撤還六人今安親王軍前所有滿兵亦宜每佐領撤還六人大臣官員留者與發回者俱如王奏上諭安親王自統兵以來各處立功甚多隨往官兵亦多效力如王所題令其親率每佐領兵八人還京固山貝子章泰授為定

遠平寇大將軍以王敕印留與章泰令章泰穆占同心協意商榷而行但見在與賊對壘所撤之兵數雖不多初經底定投誠之兵甚眾乘此撤兵之時恐姦宄竊發亦未可定章泰等宜熟計防守其間有可行之機務乘時進取毋失事會○以王國泰為江南安徽按察使由福建驛傳道題○己未奉命大將軍康親王傑書奏靖南王耿精忠平南將軍都統賴塔等遣兵敗海寇於鰲頭山下部議敘○是月免山東鄒平等十州縣及長蘆地旱災賦

十二月壬戌朔先是湖廣總督蔡毓榮奏大兵進取辰龍關必由楓木嶺一路齊進請專責一人總統之至是議政王大臣等以蔡毓榮周有德二人請旨簡用 上命蔡毓榮為綏遠將軍賜敕諭曰大兵進剿雲貴各路綠旗官兵必須專責一人總轄調遣始克允濟特授爾為綏遠將軍總督常德武岡等處所有各省調撥官兵及湖廣全省綠旗兵馬聽爾酌量調度前進底定疆圍總督董衛國周有德提督桑峨趙賴周卜世俱聽爾節制商酌而行一切平定雲貴及剿撫事宜惟爾專責至楚中見任文職官員聽爾遴選賢能攜赴軍前調用如有能備芻糧克濟軍機及官兵有能首先奪關冒險直入擊賊眾者爾即開列勞績具疏奏聞論功加等議敘如有臨陣退縮運糧違誤者副將知府以下各官即以軍法從事其以上各官指名飛章參劾從重治罪水陸兵將不相習者爾即具奏酌行更調爾定期進取恢復地方將破賊事宜密行知會廣西等處王將軍提督等齊乘機會而行爾須嚴督兵將相機前進力行剿除毋得遲延坐失時會仍嚴加偵探毋致疏虞大兵一到抗拒不順者戮之有先被賊脅從即時迎降者俱免誅戮有能擒殺賊渠投誠者分別升賞須嚴禁兵將申明紀律經過地

方毋得騷擾百姓歸順良民加意撫恤爾膺茲重任宜據忠竭力籌畫周詳勦撫兼施早奏膚功以副朕簡擢至意○癸亥以葉穆濟爲陝西按察使由郎中遷○甲子 太和殿災肆赦○撫遠大將軍都統大學士公圖海奏十月十五日臣等率大兵至鎮安縣探賊在梁河關分路進剿令署理西安將軍事務佛尼勒等爲頭隊臣親率護軍統領吳丹等爲二隊行至火神崖僞總兵王遇隆領兵拒戰佛尼勒等滿漢官兵奮勇衝殺渡乾玉河奪取梁河關臣等乘勝追剿僞將軍韓晉卿遁入四川臣等於十一月初二日至興安州僞將軍謝四僞總兵王永世等並僞文武官共三百八十二員兵丁一萬四千三百餘名至軍前投誠恢復興安州平利紫陽石泉漢陰洵陽白河諸縣及湖廣竹山竹溪上津等縣得旨嘉獎下部議敘又奏平逆將軍畢力克圖等於十月十四日復成縣僞

東華錄

康熙二十四

聖

一身上受 祖宗之付託下繫臣民之瞻仰爲任匪輕甯不自愛惟是今秋有地震之變又各處饑饉洊臻寇盜未息此朕早作夜思中心惶懼寢食靡甯者至於殿廷告災乃 上天致警敢不夙夜祇畏修省厥愆然其所關止屬朕躬臨御之所但得海宇清晏置斯民於衽席之上則朕今所居較諸前代茅茨土階尙或過之豈至以露處爲慮哉朕自五齡卽知讀書入齡踐阼統莅萬方太皇太后嘗問朕何欲朕敬對曰臣無他欲惟願天下乂安生民樂業共享太平之福而已當時左右實共聞之自茲迄今謹持此心兢兢業業恒如一日可以質諸寤寐儻有政治失宜皆朕躬之咎從不諉過臣下惓惓之意茲與爾等悉之爾等可傳諭九卿詹事科道等官仍繕寫諭旨頒示各衙門○丁卯 上幸南苑行圍○免福建海澄等十三縣被兵逋賦○己巳福建水師提督萬正

東華錄

康熙二十四

聖

東華錄 康熙二四

六五

乎夫師行既勞民力重困若能一舉滅賊地方速平則大兵無野處之苦民困亦自此甦矣○辛未諭安親王爾率領林興珠來京○癸酉福建水師提督萬正色奏臣標前後二營已設官兵尙餘新募水師萬人請增置援剿左右前後四鎮各設總兵等官即以投誠總兵林賢等補授下議政王大臣等集議行○甲戌定遠平寇大將軍安親王岳樂奏擒獲偽太子朱慈燦或在軍前正法或解送京師 上諭朕曾以此事問之在內舊太監據云彼時朱慈燦年甚小必不能逸出今安得尙存大約是假朕思歷年已久至今始出自然近僞但事跡未明不便即在軍前完結今王不日回京可將朱慈燦帶來俟到日請旨定奪○撫蠻滅寇將軍廣西巡撫傅宏烈奏先遣參將溫紹賢等從小路斷賊楓木嶺糧道請親統官兵進剿 上諭應如所奏命傅宏烈親率所屬官兵恢復滇

東華錄

康熙二十四

五

黔諸處與大將軍平南王尙之信將軍莽依圖等協力同心酌量以行其粵西巡撫事務著麻勒吉署理○丙子 上問戶部尙書伊桑阿曰各省災荒共蠲免錢糧幾何伊桑阿奏曰見今所報江南等省約五十萬尙有數省未經報到 上曰被災省分若不蠲免錢糧民生可憫應將該省所報逐一查明使百姓獲沾實惠○戊寅 上還宮○庚辰 上以譚宏之叛或由迫脅所致令其姪前副將譚天敘齎敕往撫救曰爾譚宏昔自蜀中率眾來歸優加侯爵久受國家養當吳三桂反叛之時爾被其迫脅爲賊固守抗拒有日茲者湖南廣西漢興諸處已經底定各路兵馬奮力齊進賊勢摧敗殄滅可期諒爾亦所悉知爾乃深達時命之人豈肯玉石俱焚朕念爾宿將舊勳夙沐厚恩必非甘心從逆特降專敕詳加開諭恐爾尙懷猶豫特遣爾姪副將譚天敘前往宣布朕意

爾若果能翻然悔悟棄逆效順爾之前罪俱行赦免仍優加敘錄至爾標下將士如同心歸順亦一概寬宥酌量加恩若能獻地輸誠厥功尤懋近日各處歸正人員朕皆赦其前罪論功錄用亦爾所知爾其勉勵忠忱無懷疑懼以副朕矜宥保全至意○敕諭松潘土司番民朕撫御寰區恒期中外臣民各得其所綏乂之懷遐邇初無異視爾等俱係世守疆土之臣尤當鼓勵忠義報效朝廷自吳三桂叛亂以來吳之茂盤踞松潘荼毒肆虐蹂躪地方困苦已極念爾等皆係國家赤子今被其迫脅雖素懷忠藎莫能自伸朕心深爲憫惻茲湖南廣西漢中興安諸處俱經底定各路兵馬奮力齊進賊勢摧敗立見蕩平正爾等出離水火之日不宜坐失機會今特降專敕詳加開諭爾果能感戴國恩倡義聯絡執擒吳之茂以獻建功樹績朕即優加敘錄寵以封爵撰給敕命以酬爾

東華錄

康熙二十四

五

勳庸大兵到日爾等若相機策應協同剿寇亦爾等之功爾等宜速乘時會早奏膚功以副朕懷遠矜全至意○壬午陝西提督趙良棟奏臣所屬兵勢單弱請調興安一路兵及副將楊三虎兵簡選進定四川 上諭平定四川事關重大其所請調興安進征之兵及楊三虎兵俱如所題調發提督趙良棟與將軍王進寶分兵兩路前進趙良棟授爲勇略將軍給之敕印不拘陝西通省及各處官兵凡係王進寶趙良棟兩將軍所調大將軍公圖海以身任之速爲遣發務至彼等所指之地勿致有誤若漫不經意調遣遲延恐誤進定四川重務○贈陝西陣亡守備杜進才官○甲申吏部請補科員 上曰近來科道官山東獨多何也科道爲耳目之官各省均用皆能周知地方利弊可令確議以聞○諭大學士等科道內升外轉關繫勸懲在外道員職掌甚要科道外轉以道員

用殊爲太過應以在外小品官用五部郎中俸深者以道府兼升吏部司官外轉以道員用殊爲太過亦應以在外小品官用令九卿詹事會同議奏○命純親王隆禧子富爾祜倫襲爵○丙戌命孫思克官兵暫駐莊浪防守河東河西諸處○是月免直隸江南山東湖北河南等屬旱災額賦災甚者仍發粟賑之○免浙江黃巖等六縣旱災賦○是歲朝鮮琉球安南來貢○人丁戶口一千六百九十一萬四千二百五十六田地山蕩畦地五百十三萬六千三百五十三頃四十一畝徵銀二千二百一十三萬四千六十八兩八錢有奇米豆麥六百二十三萬一千四百六十一石五斗有奇草二百二十四萬二千六百一十九束茶十五萬五千三百六十五引行鹽三百九十五萬七千二百八十三引徵課銀二百三十九萬九千四百六十八兩有奇鑄錢二萬三千一百三十六萬五千三百有奇

東華錄

康熙二十四

庚

東華錄

康熙二十五

臣王先謙敬編

臣周澐著恭校

康熙十九年庚申春正月甲午勇略將軍陝西提督趙良棟奏臣率兵從白水壩浮水渡江擊賊大敗之追至青川石峽溝復敗其伏兵龍安府偽總兵姜應熊等降遂復龍安府得旨嘉獎下部議敘○丙申諭奉命大將軍康親王傑書王所奏據實指參事已經覽悉朕思凡行一事必前後計慮果有裨於國家始可舉行若輕率妄動必致舛錯今廣西湖南漢中興安等處俱已底定逆賊餘黨引領以冀歸正者不止百千若將耿精忠即行正法不但已經投誠之人以爲後日亦必如此聲明其罪即未經投誠之人睹此寒心亦未可知關繫實重前朕手諭欲令耿精忠來京者蓋撤回東華錄

康熙二十五

福建一半滿兵之意非欲即行處決俾其先來也如王善能勸諭令至京師諸事皆得平安王但加意開導之不可輕舉彼如必不赴京再行詳悉密奏候旨○壬寅勇略將軍陝西提督趙良棟奏招撫偽知州蔡廓偽副將郝俊龍等七員偽遊擊知州知縣等官五十七員兵丁三千三百餘名又生擒賊兵二百六十七名下部議敘○甲辰勇略將軍陝西提督趙良棟奏偽總兵潘九蘭偽知州田大有等三百一十六員投誠下部議敘○乙巳奮威將軍平涼提督王進寶奏康熙十八年十二月二十七日臣率官兵至神宣驛聞朝天關有賊踞守臣即飭令官兵奮勇撲剿過關二十九日馳至廣元縣分途追擊擒斬賊兵無算恢復縣城得旨嘉獎下部議敘○丁未諭議政王大臣等將軍趙良棟攻克白水壩青川招撫龍安成都指日可復將軍王進寶亦分兵三路於正月初旬

近信保甯逆賊王屏藩等困迫必各潰遁其移檄嚴飭楊茂勳徐治都等乘機急取重慶夔州勦禦逆賊如遲延觀望誤此事機嚴治其罪○招義將軍伯馬承應標兵以餉置鼓譟大將軍簡親王喇布即撥餉給發兵遂甯戡理事官麻勒吉等奏馬承應黃明葉秉忠在賊中俱係偽將軍今同來歸誠馬承應投為將軍伯而黃明葉秉忠未授職銜致兵眾肆行葉秉忠已年老乞休無復異志惟黃明強悍為柳州官兵所懾服若不調用他所恐終為患上諭授黃明為援勦總兵官率馬承應標兵一千赴將軍莽依圖軍前隨大兵進勦雲貴葉秉忠授總兵官職銜許其休致○庚戌先是命昭義將軍伯馬承應設立五營會勦雲貴至是揚威大將軍簡親王喇布奏五營兵少應增援勦二營共為七營營各一千人上諭凡將軍標下無設七營之例馬承應所屬官兵黃明率二

東華錄 康熙二十五年 二

千隨征雲貴外廣西省城甚重其更撥一千赴大將軍簡親王軍前馬承應標下仍立五營兵五千參將守備各官聽馬承應選擇具奏○辛亥以庫勒納為翰林院掌院學士由詹事遷○以安親王岳樂班師抵武昌遣使臣慰勞賜橐駝良馬○諭九卿等科道官內升外轉原以示勸懲也今見才優者猶知憚於外轉其或才力不足不稱言職之人安於外轉道員者甚多是但以示勸非所以示懲也故令九卿詹事科道會議務期得當魏象樞等奏稱恐天下不肖之輩不識朝廷慎重道員之意疑為厭薄言路之端等語邇年以來姚文然李之芳施維翰等內升未久即任以大僚督撫亦因其克盡言職才能素著之故也此無論天下智愚不肖當亦知朝廷無厭薄言路之意矣其外轉者或係素無建白或係昧於事理或係任臆妄言或係才力不及原非因其條奏而外轉也又稱

近年外轉之科道並無貪污溺職之一人而五部郎中俸深升道如范永茂高恆豫盧元培程汝漢等賊私累累步蹟彰彰不知凡幾等語科道外轉者豈並無溺職之一人乎五部俸深升道員者甚多豈盡係貪劣之人乎如陳丹赤等優者匿而不言獨舉范永茂等四人不辨賢否而概言之可乎魏象樞去歲七月內會於朕前面奏科道官所行皆係徇私有負朝廷耳目之任罪皆應死今甫數月復言外轉者並無溺職之一人前後參差何其速耶爾等所奏理不宜批答因疏語內有以存國體之語故令諸臣知之至若外轉科道以小品官員用遂至有傷國體朕殊不解故特諭諸臣示以朕意○壬子 上幸鞏華城道經西山之麓遣內大臣致奠昭勳公圖賴○贈故翰林院掌院學士兼禮部侍郎沙喇里禮部尚書予祭諡文敏○癸丑調杭愛為四川巡撫由陝西調○乙卯

東華錄 康熙二十五年 三

上回宮○勇略將軍陝西提督趙良棟奏臣率官兵自龍安進勦追至舊州明月江賊斷橋守江臣督兵浮水渡江擊賊令總兵官王進才等分兩路直取成都而親率大兵繼進至綿竹偽勁武將軍汪文元迎降本月十一日至成都二十里鋪偽巡撫張文德等率文武偽官二百餘人迎降遂復成都得旨嘉獎下部議敘○奮威將軍平涼提督王進寶奏臣等既復朝天關廣元縣遂分三路趨保甯去城二十里據孔道而軍是月十三日賊二萬餘來犯臣分遣官兵大敗之追勦至錦屏山破賊四壘賊退保橋我兵又擊之奪橋斬關入城賊渠王屏藩偽將軍陳君極自經死生擒偽將軍吳之茂張起龍偽總兵郭天春等十七員遂復保甯得旨嘉獎下部議敘○戊午以趙良棟為雲南貴州總督加兵部尚書銜仍兼管勇略將軍事務○己未奮威將軍平涼提督王進寶奏原

任關南道胡昇猷被難數載未受偽職請令四川督撫酌量另用上諭胡昇猷人品甚優身陷賊中數年百計偏辱守節不屈可嘉川省見在用兵應即於其地要缺補用

二月辛酉朔諭議政王大臣等今成都保甯皆已恢復宜乘此機會速定雲貴四川既平湖廣已屬內地其令順承郡王勒爾錦貝子準達都統范達禮等盡率所部兵沂江而上規取重慶順承郡王等即於重慶駐守將軍吳丹鄂克濟哈與趙良棟等同進取雲貴吳丹鄂克濟哈於順承郡王軍中簡精銳馬兵將之前行總督楊茂勳提督王之鼎駐守成都王進寶駐守四川徐治都還軍守彝陵荆州諸處○命總督楊茂勳等赴四川招撫流亡○廣西巡撫金僑奏海賊謝昌李積鳳等不時侵掠沿海地方請調平南王藩下都統王國棟等前往勦禦得旨都統王國棟等身在省會不宜縱賊猖獗著同副都統向之璋總兵官甯天祚等率藩下舟師速圖勦禦賊退之後更有侵犯內地者即與巡撫金僑會商撲滅○奮威將軍平涼提督王進寶奏右路總兵官楊宗道等於正月初四日率兵進取昭化縣大敗賊眾恢復縣城隨於初六日率兵至劍州偽彭總兵等望風逃竄我兵入城初八日蒼溪縣偽知縣王璋等獻城降得旨嘉獎下部議敘○叛將祖澤清及其子良棟械送至京命俱凌遲處死諸子家口籍沒入官○甲子以鄂愷為陝西巡撫由甘肅布○乙丑 皇子允祚生○丙寅奮威將軍平涼提督王進寶奏臣與將軍吳丹遣鎮守西安將軍佛尼勒總兵官王朝海等率兵取順慶我兵前進沿途招撫鹽亭潼川中江南部諸州縣悉下之正月十八日抵順慶偽知府彭天壽等率眾降於是達州廣安州合州西充岳池營山渠縣隣水儀隴遂甯蓬溪

諸州縣相繼悉定得旨嘉獎下部議敘○丁卯諭戶部前因各省地方多有饑饉已經遣官賑濟今見京師附近之地四方饑民流移在道朕心深為憫惻若不急行安插令其得所將來必至鬻賣子女難以生全作何設法令其各歸原籍著該地方官加意撫綏安集復業以免流離九卿詹事科道詳悉具奏○諭議政王大臣等成都保甯順慶諸府今已恢復四川底定湖廣大兵今正分道進定雲貴其廣西滿洲綠旗大兵休息日久亦當乘機速進大將軍簡親王雷每佐領兵一人於桂林其餘官兵王盡帥之往屯柳州大將軍平南王可駐守貴縣將軍莽依圖馬承蔭都統馬九玉總督金光祖等可各率所部官兵並酌調平南王藩下官兵分道進取雲貴○己巳 上幸南苑行圍○直隸巡撫金世德以病乞休允之○以胡昇猷為四川按察使原任南道○乙亥以于成龍為

東華錄 康熙二十五年 四

東華錄 康熙二十五年 五

王等協力勦賊夸札至廣西卽令參贊軍事○癸卯福建水師提督萬正色奏我師既攻復海壇逆賊朱天貴遁據南日湄州等嶼臣咨會撫臣吳興祚陸路聲援臣親率水師於二月十四日自海壇進勦逆賊南遁我師尾至平海嶼與撫臣會師朱天貴復合偽將軍林陞駕舩三百餘隻踞崇武嶼臣於二十日乘風自平海南下賊率舩迎戰臣揮兵掩擊大敗賊眾沈賊舩二十餘隻陣斬偽總兵吳丙偽副將林勳等擒殺甚眾克復湄州南日平海崇武諸嶼得旨嘉獎下部議敘○奉命大將軍康親王傑書奏海中大定小定地方逼近廈門金門係我師必由之道逆賊鄭錦遣偽將軍張志屯糧聚眾欲踞此地以與我師相拒臣遣駐防杭州副都統吳申巴圖魯率滿洲綠旗官兵齊進大定地方奮勇勦殺賊不能支皆逃往小定我兵尾追賊眾不得船者淹入海中焚毀賊巢遷東華錄 康熙二十五年 八

遠靖寇大將軍貝勒察尼奏是月十三日我兵取辰龍關抵辰州賊潰遁偽知府傅祖祿等以城降偽將軍楊有祿周楨楊寶蔭祖述舜等各率兵投誠綏遠將軍湖廣總督蔡毓榮亦奏復銅仁府瀘溪滋浦麻陽三縣得旨嘉獎下部議敘○諭議政王大臣等今楓木嶺辰龍關俱已恢復四川廣西悉皆底定雲貴不日可平若行招撫更可速定雲貴人民亦得早安其生張起龍本吳三桂屬下之人宜使招撫雲南可冀其罪捧救前往○甲寅浙江總督李之芳奏海逆連舩飄突臣密飭定海舟師操練精熟遇警卽行勦滅二月十八日遊擊衛聖疇等於孝順洋曉有賊船率領官兵血戰沈賊船十四隻燒毀五隻陣斬偽參將童耀等一十九員擒獲偽官兵一百餘名下部議敘○丁巳九卿會推江西按察使左通政張可前大理寺少卿張永祺合詞保舉福建副使道張仲舉畫東華錄 康熙二十五年 九

回百姓大定小定悉行恢復得旨嘉獎下部議敘尋又奏二月二十三日大兵水陸分進規取玉洲賊首劉國軒向石馬海澄奔竄我兵追勦甚急劉國軒復走廈門偽總兵蘇堪等守海澄隨遣官諭以投誠蘇堪卽開西門迎接官兵入城玉洲石馬海澄等地方悉行恢復得旨嘉獎下部議敘○福建總督姚啟聖奏臣等見水師提臣萬正色孤軍獨下於二月二十三日同總兵趙得壽黃大來平南將軍賴塔分統水陸官兵七路進勦將弁俱各奮勇攻破陳州馬州灣腰山觀音山展旗等寨一十九處殺賊甚眾下部議敘○乙巳福建巡撫吳興祚奏二月二十六日臣同甯海將軍喇哈達總兵王英等由同安進勦逆賊至泗州灣尾等地方宣諭偽將獻城投降隨分兵三路徑渡廈門逆賊潰敗二十八日進廈門城安撫人民卽遣官兵進取金門得旨嘉獎下部議敘○丁未安

題時御史唐朝彝曰我閩人也知張仲舉爲官平常不應保舉九卿因不復保舉都察院及六科給事中合奏公參下吏部議尋議覆唐朝彝當九卿會推時並無一言畫題時乃言張仲舉居官平常又不明指其過身爲言官殊負職掌應革職 上曰廷推事關重大或舉或否原係各據所見備眾口附和而無一人爭執豈能無黨同之弊今若將唐朝彝議處將來推舉之人或有徇私請託者誰肯直言指摘耶著從寬免○以吳毓珍爲湖北按察使由武選柯永昇爲江西按察使由禮道選○己未命五城賑廠再展兩月期○是月免江南山陽山東淄川等二十四州縣去年被災額賦有差

夏四月辛酉以早詔大學士會法司錄囚矜疑者奏減○壬戌上御懋勤殿講官進講畢 上曰觀尙書內古來君臣無不交

相勸勉如此何憂天下不治葉方藹奏曰 皇上念及此真四海蒼生之福○定遠平寇大將軍貝子章泰等奏參贊軍務都統穆占會同總督董衛國率官兵進取沅州擊敗偽將軍吳應麒等恢復沅州又遣官兵恢復靖州通道縣黎平府偽知府劉應偽副將周鼎等率偽文武官及土司等來降得旨嘉獎下部議敘○丙寅復設四川永甯總兵官○丁卯諭吏部朕萬幾之暇留心經史雖遜志時敏夙夜孜孜而研究闡發良資講幄之功日講起居注各官俱以學行優長簡備顧問講解明晰奉職勤勞所纂講義典確精詳深裨治理侍讀學士張英供奉內廷日侍左右恪恭匪懈勤慎可嘉高士奇杜訥學問淹通居職勤慎供奉有年應授為翰林官爾部一併從優議敘具奏以後著益殫心職業佐助典學以副朕崇儒重道稽古右文至意○戊辰 上御懋勤殿講官進講畢

東華錄 康熙二十五年 十

上曰律與例不容偏廢律有正條自應從律若無正條非比例何以定罪總之用律用例俱在得人○己巳 上御懋勤殿講官進講畢 上曰堯舜禹湯以來心法治法俱在尚書爾等每日悉心講解朕孜孜典學雖不能媲古帝王而此心朝夕懋勉未嘗稍懈也庫勒納奏曰書經應講者已畢自明日始當以易經進講

上曰朕思經史俱關治理自宜進講爾等可進講易經將通鑑講章陸續送入著張英在內每晚進講通鑑○以王新命為湖廣巡撫由江西布○辛未諭吏部比來言官言事鮮非無因意所不欲即行彈劾儻遇勢要之人縱知其貪穢亦不肯糾參總由心術不正之故若言官正則外吏自不敢肆行貪婪矣○丙子 上躬詣 天壇禱雨○戊寅靖南王耿精忠奏請陛見得旨耿精忠著來京○己卯刊尚書講義頒行天下○定遠平寇大將軍貝子章

泰奏恢復沅州之後偽義勝將軍吳有蛟偽參將徐國楨偽按察使謝龍等並貴州黎平府龍里蠻夷長官司楊勝締等各率偽官兵投誠下部議敘○奮威將軍平涼提督王進寶以疾求罷命回固原任調理標下官兵著伊子王用予暫行統領駐紮保甯進勦雲貴之時隨征前進○遣侍郎薩穆哈再賑直隸○兵部議覆奮威將軍平涼提督王進寶奏見在恢復重慶所有招撫偽總兵路之嵩江有倉偽將軍楊來嘉等望風向化應否議敘查恢復重慶係逆賊投順之後非係攻克應毋庸議至其傾心歸誠情有可矜應行令該將軍酌量給劄令其效力得旨路之嵩江有倉楊來嘉俱著來京引見酌用○甲申 上幸西山觀禾是日還宮○戊子福建水師提督萬正色奏閩省之患海甚於山防守之宜水重於陸海澄廈門浯嶼金門圍頭海壇平海定海烽火門日湖獺窟永

東華錄 康熙二十五年 十一

甯銅山南澳等十四處或孤懸海上或濱海要衝若以兵三萬人設鎮分防不時巡緝則賊不能肆犯我兵得以乘機滅寇矣 上諭海防設兵所關最要令兵部侍郎溫代前往會同尚書介山侍郎吳努春及總督巡撫提督親詣諸處詳閱定議

五月庚寅飭步軍統領司坊街道巡捕營等官懲貪蠹禁科欵○壬辰命甘肅巡撫自鞏昌移駐蘭州○議敘講官翰林院掌院學士葉方藹等加銜進秩有差○乙未諭大學士等嗣後投誠官員不必令隨大兵進勦督撫提督酌遣來京候缺敘用○戊戌予故直隸巡撫金世德祭葬諡清惠○庚子以王日藻為江西布政使由浙江按察使遷○諭兵部移文各路大將軍督撫提鎮等凡有平定雲貴恢復城池者俱令察訪吳三桂與達賴喇嘛相通書札隨得隨繳○癸卯諭大學士等向以亢陽齋居虔禱雖雨澤薄降四野田

曠尚未霑足今茲不雨朕甚懼焉意者政事之失宜者多歟不然天心仁愛下民何其宜雨而久不雨也日者以政理之故求言而言者文繁無益其集九卿詹事科道掌印不掌印各官問今有何事當行何事當革悉意以陳毋有所隱於是大學士傅諭旨同九卿等入見戶部尚書伊桑阿等各以所見陳奏上曰爾等所奏尙屬庸詞儻大小臣工俱能秉公奉法則天下何難治平凡在朕前所言似乎公正退而種種行私徇情作弊爾等撫衷自問能無內愧乎至於科道官瞻顧私情罔克糾舉內外官員恣行無忌職此之由爾等意中若尙有未盡事宜可一併親寫來奏諸臣出復命大學士持上諭徧諭諸臣曰朝廷致治惟在端本激源臣子服官首宜奉公杜弊大臣爲小臣之表率京官乃外吏之觀型大法則小廉源清則流潔此從來不易之理如大臣果能精白乃心

東華錄 康熙二十五年 十一

恪遵法紀勤修職業公爾忘私小臣自有所顧畏不敢妄行在外督撫各官自應慎守公令潔己愛民乃大臣等每自謂清正無私粉飾空言至其所行往往營私作弊有玷官方深負委任之意科道係耳目之官凡有弊端自當據實參奏且居處甚近如此情弊豈無見聞乃瞻徇情面緘默不言卽有條奏多係繁文官職掌殊爲未盡如從公糾舉孰敢恣行無忌朕以爲目今之弊莫大於此近因天氣亢旱朕夙夜焦思慮所及無不舉行感格之道猶恐未盡故特詔爾等各面陳所見因宣諭朕意令爾等知之○甲辰平南將軍都統賴塔奏四月二十一日臣會同提督侯襲爵大敗海寇於潮州府大濠堡磊石等處下部議敘○乙巳山東巡撫施維翰奏河道總督靳輔丁憂得旨河工漕運事關重大見今工程未完不便卽准守制俟工成之日著靳輔自行題請○丙午奉

命大將軍康親王傑書奏平南將軍賴塔等遣發官兵追剿海賊劉國軒等於三月十二日克取銅山焚毀賊巢得旨嘉獎下部議敘○丁未以教化新爲浙江按察使由陝西○奉命大將軍康親王傑書奏甯海將軍喇哈達等陸續招撫偽總兵楊祿張輝等大偽官共二千五百餘員兵丁二萬五千九百餘名下部議敘○己酉戶部請於山海關設官收稅從之○丁巳綏遠將軍湖廣總督蔡毓榮奏原任宜都遊擊嚴宏身被賊擒堅拒偽職乘間來歸應行議敘得旨嚴宏當逆賊初叛時獨守宜都後被賊擒不受偽職保守原受敕書乘間來歸忠貞可嘉著從優議敘尋部議應加都督同知卽以總兵官補用從之○卹贈福建殉難總兵吳萬福知府王之儀同知俞三畏知縣劉嘉猷李垣等官爵諡廕○是月免江西甯州南昌等六十六州縣衛所去年旱災額賦有差

東華錄 康熙二十五年 十二

六月癸亥勇略將軍雲南貴州總督趙良棟奏四月初八日賊以勁卒犯永甯官兵鏖戰彌日賊猶不卻投誠總兵官李芳述等奮勇衝擊斬偽總兵毛有貴等賊始大敗逃遁陣斬千餘人下部議敘又奏李芳述前旣率眾來降今復固守永甯不爲賊誘請破格加恩上命李芳述爲隨征總兵官隸趙良棟標下隨征效力○甲子諭格純長公主公主被反叛所累屢年困頓朕每念及未嘗不爲惻然不意深染時證適乳媪及親近侍衛往視及回轉奏公主之語不勝感歎又聞病勢危篤卽命該部院衙門將服飾執事等項星夜製辦今公主體中大愈將此各項盡送公主處以示朕眷眷注念之意○綏遠將軍湖廣總督蔡毓榮奏投誠偽總兵李者祿會同隨征總兵官鄧秉志等攻取思南府與賊兵酣戰兩晝夜斬賊千餘復府城得旨嘉獎下部議敘○廣東廣西總督金光

祖奏官兵進取武宣縣逆賊范齊韓等宵遁黃明等猶據縣城抗拒水師總兵官譚昇等奮擊大破之斬獲無算恢復縣城得旨嘉獎下部議敘○丁卯先是以雲南貴州提督桑峨總兵官周邦甯等自常德澧州退還 上命大將軍察取供詞至是安遠靖寇大將軍貝勒察尼取供具奏兵部議覆桑峨職任總統調度全省官兵一聞賊警不即直赴常德以扼要害乃遷延日久始自荊州進發致常德為賊所踞又不入守澧州但於城外駐營六日復致澧州被陷且稱彝陵一路賊警甚急託故引還應行革職周邦甯偕桑峨赴常德時託病留澧州迨桑峨還自常德又不入澧州防守即同桑峨奔還應削去所加五級仍降一級調用得旨桑峨革職周邦甯革去所加五級仍降一級俱留原任戴罪圖功○甲戌奉命大將軍康親王傑書奏偽將軍江機等聚眾恃險通連海寇為東華錄 康熙二十五年 丙

福建江西浙江三省之害已久今福建巡撫吳興祚等宣示招撫江機等率領偽官一千一百三十八員兵丁四萬三千六百二十九名投誠各分別歸農補伍下部議敘○丙子廣東巡撫金僑奏逆賊流言欲分調尚之信所部兵往雲南安置各營於是藩兵入千人聞之盡恐五月十三日夜遂鼓譟拔營遁歸 上命將軍賴塔特郎宜昌阿總督金光祖巡撫金僑都統王國棟等設策安撫逃兵發回廣西○丁丑命五城粥廠再展三月遣太醫三十員分治饑民疾疫○安親王岳樂奏故平南王尚可喜妻舒氏胡氏首告孽子尚之信罪逆當誅乞轉諭官吏密圖擒擊請旨正法得旨尚之信並原告干證著侍郎宜昌阿等押解來京質審○庚辰鎮南將軍莽依圖奏報進勦柳州路經賓州陶登地方有賊二萬突來侵犯都統希福副都統馬世泰率兵攻擊逆賊大敗拋棄盔甲

器械走入深山下部議敘○揚威大將軍簡親王喇布奏官兵復雒容縣得旨嘉獎下部議敘○廣東巡撫金僑奏委署虎門副將張瑜進勦逆賊謝昌等五月十二日於大鴻海面分兵三路與賊船三百餘接戰我兵奮勇衝擊賊敗走乘夜窮追十三日早至鳳頭港又有賊船百我兵復擊敗之生擒偽將軍洪元懿毀賊船二百餘斬賊二千餘級溺死者萬餘人謝昌等由外洋遠遁下部議敘○福建總督姚啟聖奏臣前任藩司時親抵澳東招撫征逆將軍劉進忠等獨有偽總兵馬興龍從中梗阻臣多方勸諭方肯從眾就撫詎意受撫後密挈眷口復叛入海臣偵馬興龍逆踪往來銅山南澳等處臣密遣總兵官朱光祖招撫偽將軍朱天貴等諭以如遇馬興龍用心糜繫今朱天貴已暗拘馬興龍父子及弟五人沈死海中各偽鎮始隨朱天貴投誠朱天貴於未經投誠之先東華錄 康熙二十五年 壬

能誅已撫叛賊實心報國功不可泯下部議敘○壬午刑部題兵丁陳德擅殺雷元伯應斬監候 上諭曰凡大兵經過之地將弁宜嚴加約束務令秋毫無犯屢經降旨申飭今兵丁陳德任意逗遛擾害小民殺死人命該管將弁所司何事爾等不思嚴察竟置不議殊屬不合可一併嚴加議處尋議該管官夸爾大馬順德署副都統馬爾齊哈約束不嚴各擬降罰得旨馬爾齊哈等縱所管兵丁擾害地方殺傷民人深為可惡嗣後大兵陸續回京若不嚴加懲創則將卒無所警戒所議尚輕馬爾齊哈著降四級仍留參領馬順德著革職○揚威大將軍簡親王喇布奏臣與將軍莽依圖總督金光祖等率滿漢官兵分路進勦馬承膺五月初四日金光祖統兵敗賊於武宣復縣城初八日莽依圖兵敗賊於陶登乘勝前進遂定象州臣兵於初四日至雒容縣進取柳州十七日馬

承廕率僞文武官弁六百六十餘員兵七千三百餘名詣軍門降
柳州平得旨嘉獎下部議敘○甲申 上以御書大軸賜大學士
索額圖勒德洪明珠李蔚杜立德馮溥諭曰朕萬幾餘暇畱心經
史時取古人墨蹟臨摹雖好慕不衰未窺其堂奧歲月既深偶成
卷軸卿等佐理勤勞朝夕問對因思古之君臣美惡皆可相勸故
以平日所書者賜卿方將勉所未逮非謂書法已工也卿等其知
朕意又以 御書卷軸賜學士庫勒訥葉方藹詹事格爾古德沈
荃侍讀學士牛紐常書崔蔚林蔣宏道侍講學士張玉書嚴我斯
侍講董訥王鴻緒各一諭曰爾等日侍講筵夙夜匪懈啟沃之暇
每以朕書爲請朕萬幾餘閒研精典籍間取古人墨蹟臨摹爾既
爲文學侍從之臣卽有成就德業之責故因所請輒以頒賜朕意
其悉之

東華錄

康熙二十五年

六

東華錄

康熙二十六年

臣王先謙敬
臣周澗蕃恭校

秋七月辛卯諭兵部初馬承廕及所部官兵背叛蹂躪疆土擄掠
生民罪惡已極後見湖南平定廣西恢復窮迫請降朕欲生民早
獲甯息悉賞前罪封以伯爵授以將軍仍令管兵標員亦分營補
用及大兵規取雲貴無故背恩復叛致誤征討大事今因兵敗勢
蹙復窘急來歸令內閣學士薩穆哈速往檢滿漢官兵押解馬承
廕及標下守備以上官來京其標兵令督撫提鎮等分隸各營汰
其老弱回兵亦宜散置切勿令其黨聚廣東諸處被難人民詳察
遣還故土提督哲爾肯可屯駐柳州○甲午御史張志棟奏各部
主事不係正途出身者請令各部堂官保舉方許升轉九卿議不
准行 上曰各部主事日後皆升道府與其俟爲道府後令督撫
保舉何如爲主事時卽令堂官保舉之爲愈耶今後應令不係正
途出身之主事歷俸三年果能勝任該衙門堂官保舉方許升轉
○吏部議覆左副都御史郝浴奏考選科道官應將正途加捐者
仍照例考選其非正途出身之員雖係保舉止照常升轉不准考
選從之○丁酉先是左都御史覺羅舒恕以病還京 上諭議政
王大臣等左都御史覺羅舒恕當進定廣西之時奏稱病劇乞還
肇慶調治朕以舒恕身爲將軍病篤必實令其暫回肇慶後又以
敕印私繳將軍莽依圖莽依圖代爲題請朕以舒恕之病危篤欲
其生還召回京師今觀舒恕全無病狀神色如故舒恕前在高州
奔回肇慶復自廣州敗還不據韶州南雄諸要地竟還贛州江西
全省因而震動及在江西又復擄掠大擾百姓以巡撫金僞之言

東華錄

康熙二十六年

一

盡洩於平南王又恐嚇將軍巡撫傅宏烈云汝若題請進兵我必殺汝舒恕身為將軍負如許重罪不思勤力以贖罪愆反詐稱患病凡為將帥者儻皆如此肆行欺罔軍法何以得申舒恕應羈禁宗人府俟旋師之日嚴察議奏至是革舒恕左都御史佐領及世職○戊戌贈福建殉難浙閩總督范承謨太子少保兵部尚書子祭葬加祭一次諡忠貞廕一子入監讀書巡海道陳啟泰通政使司通政使並妻劉氏子祭葬廕一子入監讀書○己亥貴州巡撫楊雍建奏撫標見有二營請再設一營以備戰撫部議不准行得旨貴州係新經恢復之地最為緊要應准該撫所請設立三營後不為例○甲辰吏部議覆左副都御史郝浴奏各部院司官賢否不一請令各堂官留心查驗每歲終各舉劾一人舉者照薦舉註冊劾者照例處分以昭懲勸從之○置奉天金州營○四川石砫

東華錄 康熙二十六年 二

宣慰司馬萬年酉陽宣慰司冉永沛率眾內附○乙巳以折爾肯為左都御史由吏部侍郎遷○戊申贈廣西殉難巡撫馬雄鎮太子少保兵部尚書並妻李氏子祭葬加祭一次諡文毅廕一子入監讀書○己酉先是 上命甯南靖寇大將軍順承郡王勒爾錦率兵赴重慶勒爾錦不能前進半途自返至是具奏自劾請解大將軍任發往沅州軍前效力得旨勒爾錦既託故還荆州又奏請發沅州效力不合其攜大將軍敕印率所屬護衛各官王府佐領兵同沅州官兵還京○庚戌調薩穆哈為吏部左侍郎由戶部調○壬子 皇子允祐生○癸丑廣東廣西總督金光祖奏尚之信藩下鼓譟逃亡之兵聚眾妄行臣見與賊對壘請發兵助剿 上諭近將軍賴塔都統王國棟報遣總兵官甯天祚等率兵勦撫鼓譟之兵若甯天祚等力不能勦著將軍賴塔巡撫金僑提督侯襲爵都統王國

棟公同酌議增兵速行勦撫以靖疆圉○乙卯轉達都為戶部左侍郎調覺羅沙賴為戶部右侍郎由盛京工部調○是月免山東益都等五縣蠲災直隸廣平縣去年水災額賦有差

八月丁巳朔敘招撫逆賊功加福建總督姚啟聖兵部尚書銜○己未詔盛京滿洲自墾地畝毋入官○辛酉諭兵部臺灣澎湖暫停進兵令總督巡撫等招撫賊寇如有進取機宜仍令明晰具奏○壬戌勘盛京未墾地畝分給旗民設立邊界○以慶巨為盛京工部侍郎原任工部侍郎○甲子先是令大將軍貝子章泰等由沅州取貴州大將軍簡親王喇布等由廣西取雲南將軍吳丹趙良棟會兵取遵義後亦進貴州至是章泰奏貴州地方褊小難以得糧上諭吳丹等得遵義後毋經貴州即進取雲南大兵進剿之期定議奏聞後即檄湖廣廣西大將軍將軍等如期會舉○殺遠將軍

東華錄 康熙二十六年 三

湖廣總督蔡毓榮奏請特降敕旨招撫逆賊吳世璠兵部議從其請 上諭大學士等吳世璠為賊渠魁恃其險阻抗拒官兵殘害生民罪惡重大朕敕炳如日星豈可輕頌且賊勢迫自行納款如未至窮促雖招撫何益况前招撫賊將吳應麒胡國柱救內俱有曉諭吳世璠歸誠之語蔡毓榮將此處並不揆度不圖早滅逆寇乃欲降敕招撫率意妄奏兵部竟准議行均屬不合此奏可付兵部令該部密行嚴飭○建威將軍吳丹奏土司副將加都督僉事銜徐升耀往保甯招撫賊首王屏藩等遇害請加恩卹得旨徐升耀係土司官員乃克篤忠貞捐軀殉難深為可憫作何恩卹著從優議敘尋部議照陣亡總兵官例贈左都督侯克復雲南之日查伊子弟一人授以管土兵守備給卹銀從之○戊辰 上御經筵○福建總督姚啟聖奏偽將軍楊彪卽楊一豹率領偽官兵三萬

一千餘員名投誠下部議敘○綏遠將軍湖廣總督蔡毓榮奏逆賊馬承廕下偽總兵劉應龍擁眾駐梅寨貴州提督趙賴遣官招撫劉應龍率所部降下部議敘○己巳諭兵部前因尙之信屬員張永祥等首尙之信諸不法事朕欲明其虛實故令尙之信來京非以張永祥所言皆實必欲治尙之信以法也平南藩下官兵本朝養養四十餘年世受國恩最爲深厚初無欲行解散之心且諸官兵宜常念國恩釋去嫌疑各保身家妻子以副朕恩養保全至意其令將軍賴塔侍郎宜昌阿等宣布朕意咸使聞知○壬申諭揚威大將軍簡親王喇布聞南甯距雲南邊界路僅七站尙因逆賊尙之信馬承廕背叛或未可輕進今若輩皆已無濟復何所瞻願而遲延也見在廣西滿兵每佐領幾三十人宜精選強壯有馬者各十人益以綠旗官兵協力進剿賊可立破矣王其速圖之進

東華錄

康熙二十六年

四

兵之時令巴爾堪哈爾哈齊爲夸蘭大賚以軍前報效○癸酉以李光地爲內閣學士由翰林院侍讀學士遷○戊寅保和殿大學士索額圖以病求罷命於內大臣處上朝○己卯諭吏部科道爲耳目之官關繫最要必選用得人方能稱職漢官皆由行取考選補授惟滿官論俸敘升著吏部都察院將見在滿洲給事中監察御史會同選擇堪用者仍留原任不稱職者對品調於部院衙門用○壬午鎮南將軍莽依圖卒於軍以都統勒貝代之○山西巡撫圖克善以病求罷允之○甲申先是吳三桂反尙之信欲其父尙可喜從賊迫之不已尙可喜憤死尙之信遂降吳逆及其歸正仍懷兩端上數命進兵潮州湖南尙之信不行永興危急亦坐視不救後雖出師輒自引退總兵官時應運水師遊擊張瑜出勦賊尙之信俱密止之令頓兵不進及尙之信協勦廣西復與尙之璋等謀令

以計調還廣州冒兵餉擅殺無罪人甚至希邀異數毀訕乘輿於是藩下人張允祥張士選來京告其諸不法事尙之信母舒氏胡氏都統王國棟廣東廣西總督金光祖廣東巡撫金備亦相繼奏列其罪 上遣刑部侍郎宜昌阿與王國棟等謀密檄總督金光祖提督哲爾肯總兵官班際盛副都統金榜選等執之於武宣尙之信具奏抗辨 上不忍遽置於法命至京對簿尙之信謀益急令其弟尙之節等陰糾黨與誘殺王國棟欲爲亂將軍賴塔急率兵圍之尙之節就擒賴塔等訊鞫悉得其狀而舒氏胡氏復飾言尙之信無謀叛逆前告變奏皆王國棟僞爲也事聞下議政王大臣等集議於是議政王大臣等議尙之信當依謀反律母弟凡同謀者俱棄市家產籍沒其諸弟尙之孝尙之璋尙之隆等雖不同謀法應革職枷責得旨平南王尙可喜航海歸誠效力行間

東華錄

康熙二十六年

五

鎮守粵東著有勞績及吳逆叛堅守臣節不肯從逆爲逆子尙之信所迫憤恨殞命朕每念及深爲憫惻其妻舒氏胡氏從寬免死並免籍沒尙之孝尙之璋尙之隆等俱從寬免革職枷責尙之信不忠不孝罪大惡極法應立斬姑念會授親王從寬賜死其餘逆黨尙之節李天楨等悉按律正法○丙戌諭侍郎宜昌阿等爾等所行事宜俱各得當甚爲嘉悅朕意所及數事特行密諭一尙之信雖經犯法伊等妻子不可令卑賤小人陵辱應查明嚴禁遣人護送來京一廣東所有大市小市之利經藩下諸人霸占者無算可會同巡撫詳察應歸百姓者題明仍歸百姓則廣東人民得霽無窮之惠矣一聞藩下所屬私市私稅每歲所獲銀兩不下數百萬當盡充國賦以濟軍需一各省商販人等欲藉藩下行勢投入者甚多皆須查明應斷出者卽行斷出其不應斷出者宜盡行遣

發來京勿致逃亡隱漏一尙之信等所有貨財用充軍餉已有諭旨務須詳行稽查毋致有遺漏侵剋等弊

閏八月丁亥朔九卿議覆河道總督靳輔奏山陽清河等五縣河水衝決隄岸請將臣嚴加處分應令靳輔將河隄決口即行修築俟工竣之日遣大臣往閱如修築不堅固另行議處從之○己丑勇略將軍雲南貴州總督趙良棟奏偽將軍海潮龍投誠繳送劄印欲聯絡迤西一帶身任前驅請敕諸路將軍大臣速發官兵糧餉以爲接應 上諭今進取雲南爲期已近將軍吳丹率兵進瀘州取合江仍兩路進取雲南湖廣大將軍將軍總督等宜速取貴州大將軍公圖海等趣所調陝西兵往四川海潮龍感戴國恩率眾獻地先機效順可嘉授爲懷忠將軍令統所部爲前導破賊至賊帥張國柱李本深王會高啟隆俱係舊臣或一時迫脅降賊亦未可定宜加招馬寶等例書赦罪敕馳檄發趙良棟相機招撫陝西四川督撫速運糧餉毋誤兩路大兵進剿機宜○壬辰以穆爾賽爲山西巡撫由布政使遷○甲午四川總督楊茂勳奏逆賊偽將軍胡國柱王會等領賊兵戰象突犯納谿瀘州總兵官謝泗等兵力單弱退保隆昌得旨進勦雲貴各路大兵雲集四川據奏瀘州納谿二處乃爲賊破其領兵將軍該督撫提鎮各官防禦何事殊屬怠玩著嚴議具奏○丙申定遠平寇大將軍貝子章奏蔡毓榮奉有調遣漢軍之旨今進取貴州滿漢既已合兵若各自調遣彼此不相知會恐於事機無濟 上諭蔡毓榮進取貴州凡屬軍機俱關白大將軍商酌行之○丁酉 上幸南苑行圍○癸卯 上還宮○戊申工部侍郎張問政以疾乞休允之○是月免直隸武清等十四縣衛山西大同遼州山東濟甯等州縣被災額賦有差

東華錄 康熙二十六年 六

九月丙辰朔以金龜爲工部右侍郎由宗人府府丞遷○子故原任兵部尙書喀代祭葬○庚申以那爾爲山西布政使由給事中遷○戶部題尙之信等有私行收稅之項已令督撫嚴查題明豁免今耿精忠在福建恐亦有私行收稅之處應行文督撫查明報部一體豁免從之○壬戌勇略將軍雲南貴州總督趙良棟奏李芳述鄒九疇係投誠後遵旨設立領兵之總兵也值仁懷合江失守瀘州復陷賊正鳴張勢在危急逆孽狡謀乘隙搖惑該總兵等矢心報國不爲餌誘擒綁逆差鎮靖人心又隨征之副將蔣榮德及投誠偽總兵未經受職之瞿洪等同心協力保守孤城奮志滅賊請加恩典以示獎勵下部議敘○癸亥先是綏遠將軍湖廣總督蔡毓榮奏臣已統兵入貴州境恐大兵進征之後內地兵單請調提督徐治都駐常德防守 上從之至是徐治都奏瀘州永甯敘州諸處俱

東華錄 康熙二十六年 七

陷譚宏等復叛夔州民變 上諭今譚宏復叛夔州民變將軍噶爾漢都統范達禮副都統塞格簡荆州大兵每佐領三人率之提督徐治都毋往常德亦率綠旗兵俱速赴夔州諸處勦滅叛賊餘兵署副都統諾敏率之鎮守荆州仍檄貝子準達率兵前來兩路夾勦毋失機宜尋復諭常德要地亟宜堅守令襄陽總兵官劉成龍往鎮常德河南南汝總兵官周邦甯往駐襄陽○勇略將軍雲南貴州總督趙良棟奏湖廣大兵已集沅州永甯一路兵應直進雲南今將軍吳丹兵啟行將及一月猶未渡江如永甯不保賊勢愈張請嚴飭湖廣兵取貴陽分兵以取遵義令吳丹擊敗永甯賊即乘勝進取雲南 上諭大將軍貝子章奏等可率兵速取貴陽分兵以取遵義將軍吳丹往取瀘州行及一月逗留猶未渡江不合其速令取瀘州勦除來犯永甯諸處賊寇今湖廣四川大兵各

路分進廣西將軍大臣不得以兵士無馬為辭將軍勒貝體朕擢用之意速率大兵乘機由南甯進定雲南○乙丑諭議政王大臣等據將軍噶爾漢等奏逆賊譚宏率眾至巫山譚宏小醜耳我兵但奮力進擊彼自漸滅將軍噶爾漢提督徐治都等其溯江而上速定疆圍大將軍貝子章泰等果如前奏訂期亟進克復貴陽賊勢何至滋蔓今宜令章泰同將軍蔡毓榮等於文到日速進取貴陽以圖遵義四川諸將若能奮擊雲南貴州出犯之賊則譚宏無所逃匿自當摧陷今宜令專意進剿勿復觀望前此會命總督哈占馳赴將軍吳丹軍今宜令由保甯江直進破譚宏以會吳丹並行文大將軍公圖海酌發軍中滿漢兵為之聲援以分賊勢至運餉四川不由彝陵江俱自陝西轉運敘州兵糧度可無虞頃令護軍統領佟佳等率增發四川滿兵赴原指之地其漢軍官兵一千

東華錄

康熙二十六年

八

率之前行○以阿喇尼為理藩院右侍郎由一等侍衛○戊辰諭兵部覽安塘筆帖式蘇擺報九月初六日副都統塞格率每佐領兵一人往守彝陵夫譚宏向在保甯屢經奔敗仗全無今乘黔賊侵犯瀘州招集無賴持挺肆行劫掠將軍噶爾漢等不親身馳赴巫山夔州剿除小醜乃遣副都統塞格率每佐領兵一人往鎮彝陵殊屬不合如此遲延觀望儻此寇與黔賊合勢彼時破之不恭難乎噶爾漢等聞命即統率官兵星夜馳赴巫山夔州扼其要害俾遊行羣醜不至滋蔓速為剿除若仍逗留致逆賊與黔賊合勢至於猖獗將噶爾漢等治以失誤軍機之罪爾部其速行檄知○戊寅建威將軍護軍統領吳丹等奏臣統領官兵進取瀘州八月十八日署西安將軍事佛尼勒領頭隊官兵至豹子山瀘州賊渡江遁前鋒參領博鼎駐防西安夸蘭大倭黑追擊之賊大敗擒斬溺水死者無算恢復瀘州得旨嘉獎下部議敘○刑部議覆撫遠大將軍都統大學士公圖海奏據投誠總兵楊勇祖之子楊廷卓城固縣民戴時坤舉首偽朱三太子廣散割付行文漢中興安等州縣又據漢中通判孫世哲報於三河口地方拏獲賊首朱道士有偽安國大將軍木印割付及兵械等道士供稱原名朱次門後改名楊起隆於康熙十二年間到京見吳應熊招集黨羽期十二月二十三日五更放火舉事二十一日事洩逃竄復改姓任為道士本年七月至漢中糾黨舉事聞事洩欲逃入山於三河口被獲查偽朱三即楊起隆於康熙十二年通行緝拏獲日與已獲之楊起隆妻馬氏親隨小廝小六兒並原夥鄭得勝等認識審理伊等見在監禁相應將楊起隆解部與馬氏等認識審理從之○辛巳詔將軍王進寶馳赴保甯兼守漢中○乙酉免廣西通賦○是月免

東華錄

康熙二十六年

九

直隸武清等十四縣衛山西大同遼州山東濟甯等州縣被災額賦有差

冬十月戊子彗星見於翼○己丑 上幸南苑行圍○癸巳署廣西巡撫右理事官麻勒吉奏七月十四日逆賊攻陷養利州新太參將昂三等於閏八月十一日敗賊於養利州之大橋賊棄城遁又逆賊鄒總兵等踞天河縣副將熊經等於九月初二日連破賊眾恢復縣城得旨嘉獎下部議敘○甲午 上還宮○勇略將軍雲南貴州總督趙良棟奏賊寇侵犯仁懷失守將軍吳丹擁重兵二萬不及赴援以致永甯復陷得旨成都去永甯路不過七八百里吳丹不及赴援遲至六十餘日貽誤已甚可速解將軍任還漢中同大將軍公圖海鎮守其四川官兵俱付將軍鄂克濟哈與趙良棟會商進剿蜀中情形不時奏報○丙申以大理寺少卿王繼東華錄

貞為太僕寺卿○丁酉奮威將軍平涼提督王進寶奏臣標兵除調征湖廣外其餘臣子王用子統領進剿又陝西總督哈占調去二千餘名臣今無兵可統不得不於臣標帶回及畱守步兵內姑為抽選並於固鎮營中量行調撥以足千餘之數更請敕督臣以固鎮官兵發還付臣統轄得旨逆賊既侵犯四川譚宏彭時亨復叛保甯最屬要地今將軍王進寶速調固原各營官兵兼程馳赴保甯規定四川陝西總督哈占兩次所調之兵仍令王進寶統領○蕩寇將軍貝子準達奏逆賊譚宏彭時亨等陷涪州 上諭將軍噶爾漢等選每佐領兵三人提督徐治都親統漢兵速赴夔州諸處剿滅叛賊○己亥禮部題奉命大將軍康親王傑書凱旋應在蘆溝橋行拜 天禮畢即赴鞏華城 仁孝皇后 孝昭皇后梓宮前行禮然後遣大臣告以王母妃之喪始歸私第得旨王出

征後有母妃之喪在王亦屬大故蘆溝行禮畢應即歸私第臨喪盡哀後再詣鞏華城○命陝西總督哈占率兵赴保甯討譚宏○庚子諭大學士等各旗差遣家人或往外省索債或令隨官赴任或以情面干求外省者甚多借端營私小民最為苦累此皆不察之故今若詳加察究則各旗不遺家僕出外者能有幾人此等累民之事應行禁止令吏兵刑三部及都察院會同定例嚴禁尋議旗人私往外省地方借端挾詐屬託行私犯擾小民等弊者係平人柳號三月鞭一百係官革職鞭一百不准折贖失察佐領罰俸三月驍騎校罰俸六月其差遣家僕之人係閒人鞭一百係官革職差去之僕柳號一月鞭一百從之○辛丑試漢科道官於體仁閣降不稱者三人○鎮安將軍都統噶爾漢奏副都統塞格於十月初六日復巫山縣水師遊擊劉進朝等敗賊於跳口擒偽總兵

東華錄 一員得旨嘉獎下部議敘○壬寅大將軍康親王傑書凱旋 上郊勞之○甲辰命給事中莫羅等傳諭大將軍圖海曰爾前奏暫停諸路進兵其說雖是但恐停止進兵賊愈滋蔓前爾面請緩兵朕下詔督戰始復岳州湖南逆賊悉潰後又請暫停入川之師朕趣進兵遂平四川今賊以全力偏犯四川若從廣西南甯湖廣沅州進取貴州則寇蜀之賊自潰從此諸逆漸平地方悉定諸軍可以凱旋矣至投誠官員豈可深信宜畱置左右時加防範朕前屢次密諭今譚宏彭時亨等果復叛亂朕向謂此輩俱在爾軍中不意竟置之別所此等反叛之賊受爾何恩而乃輕信如是也嗣後宜密防之○丁未 上御懋勤殿親講易經噬嗑卦辭講官庫勒納葉方藹等進所撰乾坤二卦總論 上覽畢曰卦爻之義原各不同即如噬嗑一卦中四爻主用刑者言初二爻主受刑者言

每文各有取義必得總論發揮方覺全卦之義了然諸卦可俱備此撰進○戊申諭大學士等居官者宜以清廉爲尚官皆清廉百姓自得遂其生矣今朝臣有如于成龍之清者否馮溥奏曰願天府府尹宋文運亦有清名其家甚貧 上曰清廉不在貧富謂富者必貪而貧者必廉可乎亦視其人居心何如耳○刑部右侍郎高珩以老乞休允之○定遠平寇大將軍貝子章泰奏臣自平溪衛與征南將軍穆占綬遠將軍總督蔡毓榮等領兵前進於十月十一日抵鎮遠府逆賊僞將軍張足法楊應選等夜遁恢復府城江西總督董衛國追賊於石巷口及大巖門抵油閣關穆占追勦逆賊復偏橋衛興隆衛得旨嘉獎下部議敘○鎮南將軍都統噶爾漢奏臣等統領大兵自巫山克捷進取夔州賊望風奔潰遂復夔州本月十四日又敗賊譚宏標下僞楊總兵於錯開峽殺溺東華錄 康熙二十六年 三 賊眾無算得旨嘉獎下部議敘○諭兵部將軍噶爾漢提督徐治都等恢復夔州但不知重慶消息可否相通令噶爾漢等速行奏聞至萬縣在萬山之中噶爾漢等防禦諸路其熟計保全今夔州既復宜令總督哈占速從保爾追勦哈占速進則賊不日撲滅至兩路分兵恢復鎮遠夔州事宜應移會在蜀大臣並檄知廣西大將軍賴塔等乘此機會速定雲南○辛亥議政王大臣等議奏順承郡王勒爾錦貝勒察尼出師湖廣罪案 上諭大學士等勒爾錦察尼統領大兵不能竭力底定地方但欲取督撫司道等官財物希圖肥家貽誤國事疲敝兵馬困苦民生失機之罪最爲重大前屢旨申飭竟置不聞安坐軍中致失大計一切罪犯孰有重於此者乎朕嘗揆度事務幸因修造船圍困岳州賊勢窮蹙爲我兵所敗故地方以次勘定否則不知作何景象矣我 太祖 太

宗時軍令極嚴今議政王大臣等因事已平定不復經意所議之罪不協事情概從輕典可乎王貝勒等輒言從前未經戰陣凡行間皆以未經領軍爲言則誰當領軍者王與貝勒俱朕至親朕本欲寬釋但貽誤國家大事罪實難逭其餘尙可從寬王貝勒決不容姑貸也爾等可傳諭議政王大臣等知之○王子勇略將軍雲南貴州總督趙良棟奏參西甯總兵官朱衣客率官兵八千往援建昌於大王廟失利棄越嶺衛渡河退回 上命革朱衣客職擬罪以聞○是月免福建泰甯縣去年水災江南泰州清河等二十三州縣衛水災額賦有差 十一月丙辰朔彗星見西方○戊午御史張志棟奏參刑部尙書黃機年老大理寺少卿張永祺國子監祭酒馮源濟物望不孚均應議處 上諭大學士等張志棟參張永祺馮源濟二人品行不端甚當又參刑部尙書黃機年老宜罷此言太過當國家用人正須老成練達之輩從來才德難以兼全聞黃機居鄉謹飭安靜是一老成人也○命旗下從征僕人得功牌二次者許令出戶○辛酉議政王大臣等議覆順承郡王勒爾錦貝勒察尼帥師討賊不速扼要害乃退縮不前老師糜餉坐失事機幾至誤國應革去王貝勒並議政及宗人府之職籍其家屬財產仍行拘禁貝勒尙善公蘭布不速勦賊寇恢復疆土退縮貽誤俱宜從重議處但既卒於軍應革其多羅貝勒鎮國公都統朱滿不速據岳州前驅破賊退縮不前幾至誤國應革都統拜他喇布勒哈番佐領及所加之級立絞籍其家其妻與未分家之子並交內務府都統鄂內不速據要地渡江破賊坐守彝陵聽賊渡江竊踞要害退縮不前幾至誤國應革去都統一等阿達哈哈番兼一拖沙喇哈番佐領及



所加之級鞭一百不許折贖本身及妻未分家之子沒入官家產交內務府護軍統領伊爾度齊棄太平街不守不勦滅虎渡口賊寇致太平街失陷應革職正法但已身故宜革去一等阿達哈哈番兼一拖沙喇哈番籍沒家產其妻及未分家之子並交內務府護軍統領額司泰不渡江速據要害長驅勦賊又不攻取岳州退縮貽誤宜從重議處但已身故宜籍沒家產給予本主散秩大臣多謨克圖身為參贊率蒙古兵前往不即協力渡江恢復疆圍得賊空營冒為已功復不力拒虎渡口出犯之賊致已獲之太平街復陷於賊宜革去散秩大臣拜他喇布勒哈番及所加之級副都統巴喀得賊空營亦冒為功不力拒虎渡口出犯之賊致太平街復陷宜革去副都統佐領及所加之級公圖納黑不速勦賊延時日應行察議但賊已固守之後伊始至軍且屢有渡江擊賊之

東華錄

康熙二十六年

古

請應免察議署前鋒統領噶爾弼係貝勒尚書參贊坐延時日寸步不前及奉諭申飭仍不思殫力破賊推諉巧飾執意退縮希冀全身不取岳州亦應察議但已身故無庸議奏入 上諭勒爾錦不渡江勦賊平定疆圍遷延瞻顧貽誤國家大事情罪重大削去郡王並議政宗人府之職仍令羈禁察尼應如議處分但既克岳州且從前有效力之請著從寬免羈禁籍沒革去貝勒並議政宗人府之職為閒散宗室尚善革去貝勒蘭布革去鎮國公朱滿從寬免死著革職鞭一百不許折贖籍沒其家鄂內屢戰湖中又恢復岳州從寬免籍沒鞭責著革職伊爾度齊多謨克圖巴喀等俱革職餘依議○召大學士九卿詹事科道諭曰白氣見於西方天象垂戒必有徵驗爾等各抒所見奏聞工部侍郎趙璟等奏近聞陝西轉餉入蜀人民滋困押運官又不知軫恤請敕議作何

休息兵部尚書宋德宜奏陝西四川不必各設總督宜以一人統理兩省庶人民勞逸可以酌劑均平 上諭吏部改陝西總督哈占為川陝總督其四川總督楊茂勳令解任隨大軍進取雲南○甲子鎮安將軍都統噶爾漢奏臣等相繼進勦聞敗遁之賊與四川雲陽賊合浚濠築壘水陸相拒臣念巫山夔州乃大兵後路須兵固守 上諭將軍噶爾漢提督徐治都率兵恢復四川巫山夔州更進取雲陽諸處賊方合力嬰城拒敵可移檄守荊州副都統諾敏發紅衣礮八位礮手各二人星夜送至軍前備攻城之用徐治都所增標兵五千招募不免遲緩其以均州房縣所裁鎮標之兵及內地綠旗兵調往至巫山夔州諸要地宜速發兵鎮守副都統得爾德可率兵往彝陵彈壓地方○定遠平寇大將軍貝子章奏奏臣等恢復鎮遠即分遣官兵進取貴陽十月十七日復平越

東華錄

康熙二十六年

古

府並復新添龍里二衛二十一日直抵省城逆渠吳世璠偽將軍劉國柄吳應麒等率眾夜遁遂復貴陽府其餘安順石阡都勻諸府亦以次收復貴州全定得旨嘉獎下部議敘○發帑金十萬濟常熟縣白茆港武進縣孟濱河○丙寅撫遠大將軍都統大學士公圖海奏瀘州逃散綠旗官兵不敢還營近永甯失陷建昌路阻若不速行收撫將來或投入賊營或相聚為亂其害匪細宜招撫還營仍給糧補伍得旨著總督哈占將軍王進寶速招逃兵入伍俾贖罪圖功○丁卯振武將軍鄂克濟哈等奏臣等於閏八月十八日率兵復瀘州九月十二日進兵至托川呀與賊遇自午至酉我師奮勇攻擊賊大敗棄營宵遁下部議敘○庚午四川陝西總督哈占奏臣於十月二十四日抵保甯一面酌兵防守昭化蒼溪諸隘一面揀選精銳付總兵官高孟一路由順慶蓬州進取營山

一路由南部進取營山復由營山會取渠縣侯勦滅彭時亨平定川北後再進剿川東逆賊譚宏得旨保甯關緊重要總督哈占暫駐鎮守侯將軍王進寶到日哈占即率大兵勦譚彭二賊○吏部議覆直隸巡撫于成龍奏凡州縣被劫者例經府道揭報督撫訪聞乃州縣於參後復摭拾往事詳揭府道風不可長請定反噬訐告處分之例查定例京察大計降革官員有架言控告者將所告不准行有冠帶者革職無冠帶者送刑部治罪嗣後被參官員將上司訐告者照此例一體處分從之○癸酉轉黃機爲吏部尚書由刑部轉○甲戌振武將軍鄂克濟哈奏吳丹解將軍任後兩路官兵俱臣統領但建昌永甯相去千餘里一身不能兼顧請分設一帥進取永甯 上命署西安將軍佛尼勒爲建威將軍調遣永甯一路滿漢大兵與總督哈占會商勦賊○乙亥予廣東陣亡縣丞陶東華錄
康熙二十六年 六
之後官廕○丙子四川陝西總督哈占奏川北總兵官高孟敗賊於南溪橋等處復營山縣得旨嘉獎下部議敘○戊寅以魏象樞爲刑部尚書由左都御史遷○辛巳以陳一炳爲刑部左侍郎原任吏部侍郎○壬午純親王富爾祜倫薨 上輟朝三日○癸未四川陝西總督哈占奏川北總兵官高孟進兵羅石橋大敗賊兵斬獲甚眾又圍逸賊於靈鷲寨殺僞總兵魏仰武等下部議敘○甲申綏遠將軍湖廣總督蔡毓榮奏山西提督周卜世等於本月十四日進兵攻奪塘頭隘口十五日復思南府得旨嘉獎下部議敘○定遠平寇大將軍貝子章泰奏僞侍郎郭昌邱元僞總兵臧世遠齊聘金文臺等率僞文武各官一百七十五員兵一千二百餘名投誠○乙酉刑部等衙門議覆大將軍圖海擊解來京之僞朱三卽楊起隆又名朱慈瑞與康熙十二年擊禁之楊起隆妻馬氏及原夥鄭得

勝等並不認識且面有刺字疤痕明係旗下逃人入楊起隆夥內知其緣由遂借楊起隆之名於陝西造反應照律凌遲處死其馬氏等仍監禁俟緝獲楊起隆另結從之
十二月庚寅湖廣巡撫王新命奏逆賊譚宏侵犯夔州掠取糧艘得旨夔州乃運糧要地令護軍統領佟佳署副都統張庚率兵速取夔州並令王新命速發徐治都新添標兵前往更檄副都統得爾德總兵官嚴宏加意防守彝陵諸要害○壬辰以徐元文爲左都御史由內閣學士遷○癸巳署廣西巡撫右理事官麻勒吉奏撫蠻滅寇將軍傅宏烈於貴陽陷賊賊授以僞職不屈十月初六日遇害得旨傅宏烈自投誠以來效力粵西著有勞績陷賊不屈捐軀殉難忠節可嘉深爲可憫應得卹典著從優議奏○甲午四川陝西總督哈占奏川北總兵官高孟大敗逆賊彭時亨於渠縣復縣東華錄
康熙二十六年 七
城得旨嘉獎下部議敘○乙未定遠平寇大將軍貝子章泰奏雲南提督桑峨援剿左路總兵官陳珀等自貴陽進剿十一月初十日大敗賊於永甯復其城追至雞公背鐵索橋賊焚橋遁得旨嘉獎下部議敘○丁酉給事中額倫奏言各省漕糧應令道員押運上諭大學士等此言極當自宜允行運糧爲國家要務今河道狹淺恐誤運務著遣大臣一員將通州以南水淺處察勘挑濬爾等可傳諭工部○定遠平寇大將軍貝子章泰奏十一月初九日僞總兵蔡國昌率所屬弁兵一千一百餘名及平遠府僞知府鄭開樞等投誠獻平遠府城隨令蔡國昌仍統原兵鎮守平遠僞文武官員各給劄付照舊供職下部議敘○戊戌以勒爾錦子勒爾貝襲順承郡王○庚子 上幸南苑行圍○辛丑定遠平寇大將軍貝子章泰奏普安州土官龍天祐永甯州土官沙起龍禮廷試

等傾心向化各率土兵勦賊眾造盤江浮橋以濟大軍得旨嘉
 獎下議政王大臣等議敘○揚威大將軍簡親王喇布奏偽將軍
 饒一龍總兵劉晉文尹泰蔡琦等率文武偽官三十九員兵五百
 三十八名投誠獻慶遠府城下部議敘○敘恢復鳳縣兩當武關
 漢中保甯功授奮威將軍左都督王進寶為三等精奇尼哈番准
 襲十次陝西固原總兵官右都督王用子為左都督給一拖沙喇
 哈番○四川陝西總督哈占奏川北總兵官高孟追逆賊彭時亨
 於十一月二十五日大敗賊眾復廣安州得旨嘉獎下部議敘○
 戊申 上還宮○庚戌以郝浴為廣西巡撫由左副都御史遷○是月免
 直隸唐縣等十三州縣衛旱災額賦有差○是歲朝鮮琉球來貢
 ○人丁戶口一千七百九萬四千六百三十七田地山蕩畦地五
 百二十二萬七千六百六十六頃八十七畝徵銀二千二百一十

東華錄

康熙二十六年

支

五萬五千六百七兩三錢有奇米豆麥六百二十五萬三百四十
 五石七斗有奇草二百四十五萬二千六百一十九束茶十五萬
 五千三百六十五引行鹽三百九十八萬三千七十二引徵課銀
 二百三十九萬九千四百六十八兩三錢有奇鑄錢二萬三千一
 百三十六萬五千三百六十有奇

東華錄

康熙二十七年

臣王先謙敬編

臣周澂著恭校

康熙二十年辛酉春正月辛酉定遠平寇大將軍貝子章泰等奏
 雲南土司龍天佑迎降請身率土兵防守要隘 上命以龍天佑
 為都督僉事管領土司總兵官○丙寅諭議政王大臣等貝子章
 泰等若乘逆賊敗走雲南之際即行追躡則雲南早已蕩平乃先
 借秣馬逗留今復以逆賊肆犯推諉殊屬不合目前逆賊困迫已
 極旦夕滅亡若不乘機剪除恢復滇土更需何日且大將軍賴塔
 等兵抵田州即進定雲南為日已久章泰等於論旨到日即率滿
 州綠旗大兵之半速進雲南至於貴州亦屬重要可選賢能大臣
 及總督提督等統所留之兵令其固守章泰等若仍前逗留不疾
 東華錄 康熙二十七年

馳進定雲南旋師日從重治罪○辛未理藩院議覆給事中雅齊
 納奏外藩蒙古入貢每有奸惡通事詭計騙誘宜加嚴禁 上曰
 此奏極為中理光棍人等每指稱通事豫往邊外竊占外藩貿易
 之事情罪可惡應令理藩院嚴行禁止○壬申定遠平寇大將軍
 貝子章泰等奏原任貴州提督從逆李本深及大小文武官悉繳
 偽印劄歸誠 上命解送李本深來京餘員量行安插俾其得所
 ○癸酉定遠平寇大將軍貝子章泰等奏雲南提督桑峨招撫偽
 總兵徐朝慶劉大壽及偽文武官員羅應鳳等投誠○四川陝西
 總督哈占奏川北總兵官高孟復鐵山關後至達州賊棄城遁追
 殺賊兵百餘獲器械無算得旨嘉獎下部議敘○甲戌鎮安將軍
 都統噶爾漢奏逆賊譚宏已於康熙十九年十二月十一日死臣
 等率兵進剿敗賊眾於雲陽縣擒偽總兵向旭輝等復縣城譚宏

子譚天祕震懼焚萬縣巢穴而遁萬縣開縣建始梁山忠州悉平得旨嘉獎下部議敘○廣西提督哲爾肯奏大桂山賊寇黃明等投誠○乙亥命兵部右侍郎溫代濬通州運河○丙子諭兵部今譚宏黨與俱已就戮萬縣諸地悉經收復將軍噶爾漢其簡選士馬疾赴重慶盡統貝子準達軍速定遵義副都統得爾德等兵亦聽調萬縣地處狹隘難以飼馬可趨至重慶秣馬而進噶爾漢軍中效力有年困乏無馬者悉令準達率還荆州至於夔州要地令提督徐治都率標兵暫駐防守總督哈占可率所屬兵馳赴叙州府與大兵協力前驅剿滅○丁丑子故原任工部右侍郎張問政祭葬○辛巳撫遠大將軍都統大學士公圖海奏逆賊併力來犯四川叙州諸處臣請親率兵赴援 上諭大將軍公圖海既調副都統翁愛率所部官兵自成都往援叙州總督哈占總兵官高孟東華錄 康熙二十七年

身陷法網或由教化未孚或為飢寒所迫以致習俗日偷皆不戾法每念及此深為惻惻在外督撫臬司及問刑各官審理重案有律例未定擬失當草率完結者有膠執成見改竄供招深文羅織者有偏私索詐受屬徇情顛倒是非者有一於此民枉何以得伸以後著嚴加申飭內外大小問刑各衙門洗心滌慮持廉秉公務期原情準法協於至當不得故縱市恩亦不得苛刻失入痛改積習加意詳刑以副朕尚德好生欽恤民命至意○癸未以劉汝漢為左副都御史由大理寺卿遷○贈殉難撫蠻滅寇將軍太子太保廣西巡撫傅宏烈太子太師子祭葬加祭一次諡忠毅廕一子入監讀書○贈陣亡遊擊陳瑤都司蕭萬奇守備高有功馮俊等官有差

二月乙酉朔吏部都察院遵諭開列各衙門堂官具題得旨禮部尚書塞色黑戶部左侍郎田六善右侍郎朱裝俱著原品休致○己丑直隸巡撫于成龍來京陛見 上召至懋勤殿問曰爾為今時清官第一殊屬難得聞爾昔黃州土寇嘯聚爾往招之即時投順解散何以致之于成龍奏曰此皆藉 皇上威德臣有何能上因問屬吏亦有清廉者否于成龍以知縣謝錫衮同知何如玉羅京對 上曰爾前所參知縣趙履謙甚當于成龍奏曰趙履謙過而不改臣不得已而參之 上曰為政之道當知大體小聰小察不足為多且人貴始終一節爾其勉之○庚寅理藩院左侍郎達哈塔以病乞休允之○兵部題恢復海壇及廈門金門地方係提督萬正色密遣人至偽總督朱天貴處豫定投誠然後率兵進取以致各島敗遁恢復空地並無殺賊攻克之處應俟提督萬正色巡撫吳興祚明白回奏之日再議得旨進剿海賊一案原係吳

興祚萬正色會同定議不俟荷蘭國船隻即奮勇前往志靖海氛
萬正色領水師先行出洋吳興祚率陸兵互為聲援驅除海逆克
奏膚功爾部乃稱萬正色與朱天貴密約投誠任意妄奏以為濫
冒軍功殊屬不合著遵前旨即行議敘○辛卯福建總督姚啟聖
巡撫吳興祚奏請開邊界俾沿海人民復業得旨廈門金門諸處
已設官兵防守應如所題照舊展界如有奸民借此通賊者仍令
嚴行察緝○蕩寇將軍貝子準達奏正月初二初三兩日我師水
陸進剿大敗賊眾於牌華洞等處斬獲無算復長壽墊江等縣得
旨嘉獎下部議敘○癸巳諭戶部直省清察隱占田畝州縣有司
或利其升敘虛報田糧攤派民間致滋苦累亦未可定爾部可檄
行直省督撫著嚴行察覈以除其弊○甲午 皇子允禩生○

東華錄 康熙二十七年 四
上以逆賊尚之信在廣東令其部人私充鹽商據津口立總店逆
賊耿精忠在福建橫征鹽課擅設報船苛派夫驛勒索銀米久為

民害命該部檄各督撫悉革除之又逆賊吳三桂在雲南會以沐
氏莊田賜給為藩莊其藩下官兵侵占民田擅為己利命戶部檄
該督撫事平之日察出給還小民○以格爾古德為內閣學士
○九卿議覆奉差盛京查議鹽政戶部侍郎達都奏盛京地方
係招徠安插之民其烏喇以內居住之人並新滿洲邊外蒙古等
盡屬窮苦自康熙十八年召募商人呂進寅等領引行鹽徵課無
幾而鹽價騰貴將及二倍窮民難以資生請停止銷引民人有情
願煎鹽發賣者聽其自行貿易不許豪強霸占敕奉天將軍並戶
部侍郎查緝嚴禁從之○乙未重修 奉先殿成○丙申諭學士
庶勒納等直隸巡撫于成龍自起家外吏即以廉明著聞歷升巡
撫益勵清操自始至終迄無改轍凡在親戚交遊相請託者概行

峻拒所屬人員並戚友間有餽遺一介不取朕甚嘉之知其居官
廉潔家計涼薄茲特賜內帑白金一千兩朕親乘良馬一匹于成
龍既膺寵賚想當益加砥礪朕又親製詩一章嘉其廉能當更賜
之○戶部題故平南王尚可喜子尚之隆請給其父在日所賜海
州房地得旨平南王忠誠勞勩堅守臣節其房地遣司官一員速
往撥給○丁酉 上御經筵○遣左副都御史科爾坤等前往陝
西察審甯夏道柏成棟揭甘肅巡撫巴錫貪賄一案諭曰屬官訐
告上司原無此例爾等前往務期虛公詳審若巴錫等負朕擢用
果有貪穢之迹可嚴加議罪若柏成棟等自知有罪懼禍誣告其
情可惡應從重定罪以聞○四川陝西總督哈占奏川北總兵官
高孟等至東鄉縣偽總兵李正國帶賊四千有餘盤踞縣城我兵
分路夾剿奪門而入殺賊千六百餘復縣城得旨嘉獎下部議敘

東華錄 康熙二十七年 五
○戊戌廣西巡撫郝浴陛辭 上諭曰為外官者以愛養百姓懲

貪獎廉為要不必以苛察為明務使德勝於才始為可貴若專徇
情面不顧公事則恃理甚矣又廣西乃出米之地爾宜多方設法
廣儲糧米以應軍需○增欽天監滿監副一○己亥調郭四海為
禮部尚書由兵部調○以李天馥為戶部左侍郎由內閣學士遷李仙根為戶
部右侍郎由大理遷轉阿喇尼為理藩院左侍郎以明愛為理藩
院右侍郎由大理遷○辛丑四川陝西總督哈占奏總兵官高孟進
剿逆賊彭時亨於月城寨大敗賊眾擒斬無算下部議敘○壬寅
上如翠華城○鎮安將軍都統噶爾漢奏彝陵總兵官嚴宏招
撫偽總兵趙克禮復施州衛下部議敘○癸卯 仁孝皇后 孝
昭皇后梓宮啟行 上親臨送○山西巡撫穆爾賽奏請發帑銀
二十萬賑濟饑民戶部議給其半 上曰聞太原大同處百姓

甚饑朕心甚為惻惻亟宜賑濟俾各得所著照該撫所請發銀二十萬兩遣郎中明額禮等速往分行賑給○甲辰征南大將軍都統賴塔奏偽將軍何繼祖等擁眾萬餘距安籠所三十里堅據石門坎隘口拒敵臣等至西隆州先令都統勒貝希福馬緝護軍統領額赫納等率前隊官兵進剿臣與副都統洪世祿赫勒布總督金光祖分兵二隊繼其後本年正月初二日大敗賊眾斬殺甚多奪石門坎隘口復安籠所城偽總兵陳義魁率眾降得旨嘉獎下部議敘○丁未敘克海壇廈門金門功給福建巡撫吳興祚拜他喇布勒哈番又一拖沙喇哈番水師提督太子少保左都督萬正色拜他喇布勒哈番餘升敘有差○己酉 上謁 孝陵○庚戌 仁孝皇后 孝昭皇后梓宮至 陵奉安於享殿○辛亥 上率王大臣祭 孝陵○貴州巡撫楊雍建奏貴陽省會尚有未毀東華錄 康熙二十七年 六

漢中同大將軍公圖海守漢中諸處以都統覺羅紀哈里為宣威將軍統其所部官兵馳赴將軍總督趙良棟軍前會商剿賊○丙辰以軍興停貴州本年鄉試○定遠平寇大將軍貝子章奏奏臣等統兵於二月初五日至安南衛偽將軍線絨等率眾萬餘據江西坡臣令總兵官白成功等進擊抵沙子哨賊列陣驅象下山拒戰自午至酉我軍分三隊奮擊斬獲無算賊帥夜遁初十日遣副都統翼圖署副都統達漢泰等自臘茄坡追賊再戰復敗之復新興所普安州二城得旨嘉獎下部議敘○建威將軍佛尼勒奏副將李常輔遊擊周應鳳等於二月十九日復五龍縣城得旨嘉獎下部議敘○辛酉葬 仁孝皇后 孝昭皇后於 昌瑞山陵上回鑾○壬戌建威將軍佛尼勒奏偽將軍胡國柱等率賊二萬餘犯寶壩大溪口諸處臣率兵進擊大破之乘勝復馬湖府得旨東華錄 康熙二十七年 七

民居宜令流散人民復其本業量減徭役俾得補葺室廬至貴陽南北大路居民皆新經招集亦應量減差徭其供應夫役私派並請禁止得旨該撫速行設策招集流民還業務令得所除供應大兵諸正役外有以私事借端多索人夫擾民者即指名劾奏兼檄在黔將軍提鎮令嚴加禁緝○征南將軍都統穆占等奏偽大將軍高啟隆偽將軍夏國相王會王永清張足法楊應選儂朋等擁眾二萬餘人踞平遠西南山上臣與提督趙賴於正月二十二日進擊連敗之高啟隆等遁王會率其兵詣軍前降復平遠府得旨嘉獎下部議敘

三月甲寅朔宣威將軍鄂克濟哈等以建昌官兵棄城突出自劾不能救援乞嚴加處分 上諭將軍鄂克濟哈久駐成都既不能退敘州諸處來犯之賊復不馳援建昌以致失陷著解將軍任還

獨先諸路大敗逆賊調度有方將士奮勇殊屬可嘉有功人員俱著從優議敘○征南將軍都統穆占等奏二月初八日遣副都統莽奕祿遊擊王成功等領兵四千追剿賊將張足法拒敵我兵連奪三山賊敗走高家橋再戰又奪其橋陣斬千餘墜崖死者無算

下部議敘又奏二月十八日復黔西大定府城擒偽巡撫張維堅等斬之水西土司安勝祖等效順助餉率其屬阿五等協力勦賊得旨嘉獎下部議敘○乙丑 上還京師○丙寅甘肅巡撫巴錫奏慶陽所屬地方有賊渠耿飛僭稱王設偽總兵副將等官 上命大將軍公圖海將軍侯張勇提督孫思克等即速遣官兵赴勦○子福建殉難知府張瑞午高天爵同知高舉官廕武舉胡守謙卹廕○己巳征南大將軍都統賴塔奏大兵自黃草壩前進二月十二日抵曲靖府偽總兵尹士元偽道員劉世忠率各偽官投誠臣即於是日遣兵進取交水城斷賊中路據守中路偽將軍線絨等皆遁走十五日都統希福馬緝等自曲靖府起行復馬龍州易龍所十六日復楊林城聞賊於渾水塘嵩明州等處立營遣夸蘭大碩塔等先勦嵩明州賊奪門入城賊皆遁走追殺甚多生擒偽東華錄 兩康熙二十七年 八

遊擊一人守備二人賊兵百餘是夜渾水營屯賊亦遁得旨嘉獎下部議敘○定遠平寇大將軍貝子章泰征南大將軍都統賴塔綏遠將軍湖廣總督蔡毓榮等奏臣等統兵先後至雲南省城營於歸化寺二月二十一日賊吳世璠遣偽將軍胡國柄等率馬步兵萬餘人出城列象陣拒戰臣等率滿漢兵分隊進擊自卯至酉大敗賊眾追至城門陣斬偽將軍胡國柄劉起鳳及偽總兵九員生擒六百餘人得旨嘉獎下部議敘○庚午諭倉場侍郎等近聞各倉發米多雜塵土有賄賂者給好米經營之人種種作弊上下串通侵欺盜取者甚多此米係人生命朕一經體察務將始末澈清爾等應知此等情弊若不加嚴察永行杜絕是知而自取戮矣○以張玉書為內閣學士由翰林院侍講學士遷○壬申以折爾肯為兵部尚書由左都御史遷○癸酉 上奉 太皇太后幸湯泉○諭內大臣等

今當田禾發生之候駐紮車馬應擇荒野之地以避田禾可令戶部司官隨後稽察犯者嚴加議處回鑾時仍即從原路行朕將親察之○調達都為吏部左侍郎由戶部調○先是諭兵部佛尼勒報瀘州江岸屯賊敗走今大將軍貝子章泰賴塔等兵已抵雲南省城大敗賊眾其城旦夕可下度敘州賊將胡國柱等聞之必將逃遁佛尼勒趙良棟等可即臨追勦滅至是賴塔等奏大兵已逼雲南省城下掘壕圍之吳世璠嬰城死守又陰調在蜀賊將馬寶胡國柱夏國相等歸援將軍佛尼勒等復奏敘州賊將胡國柱等悉遁上諭逆賊胡國柱等退援雲南事關重大將軍佛尼勒趙良棟等於文到之日即各統官兵速行躡擊勿令得援雲南將軍噶爾漢紀哈里等到日亦與佛尼勒等協同追勦如有遲延觀望者治以失機之罪○御史常錫布奏貝勒以下降封至輔國公者請停東華錄 兩康熙二十七年 九

其降封將一子世襲公爵從之○乙亥吏部尚書吳達禮以病乞休允之○丙子諭大學士等國家事務關繫重大必當敬慎詳審今自京所奏政事三日彙送一次朕恐一時有不及檢爾其詳閱學士亦公同理事之官如有意見亦應陳說毋謂大學士閱畢即緘默不言舊例批紅本發出之事內有不合尚令啟奏今雖已發本章爾等務加公同詳閱○戊寅以宋文運為左副都御史由順天府遷○庚辰 上奉 太皇太后幸湯泉○辛巳 上謁 孝陵夏四月甲申朔建威將軍佛尼勒奏固原總兵官王用子復納溪江安仁懷合江偽將軍何德成等率所屬投誠得旨嘉獎下部議敘○丁亥裁江南安徽驛傳道江甯船政同知○定遠平寇大將軍貝子章泰奏偽將軍韓天福等擒防守武定偽總兵王來吉何興祚獻武定府城投誠下部議敘○壬辰建威將軍佛尼勒奏三

月十五日偽將軍宋國輔陸道清等率偽弁兵投誠獻永甯城下
部議敘○丙申湖廣提督徐治都奏逆賊譚宏之子譚天祜勢窮
力蹙遁入山麓臣率官進剿因轉餉維艱臣已留兵扼守要地並
相機招撫於三月初十日自萬縣還駐夔州 上諭巡撫王新命
郎中范承勳等乘川峽未漲速運糧米用濟軍需苟有稽延俱以
貽誤軍機治罪○殉難雲南貴州總督甘文焜檄回京師遣大臣
侍衛奠茶酒加贈兵部尚書子祭葬諡忠果廕一子入監讀書○
辛丑以劉如漢為江西巡撫由左副都御史遷○壬寅削原任山西巡撫
圖克善兵部尚書銜以捏報平陽府蒲縣開墾地畝故也○戊申
命征南將軍都統穆占留鎮貴州○己酉定遠平寇大將軍貝子
章泰等奏臣等率大兵圍雲南省城宣布 皇上好生之仁遣使
招撫諸路今有大理府偽定遠大將軍東平公張國柱臨安偽總
東華錄 康熙二十七年 十一
兵徐衷明李三柳羅文獻永順鎮偽總兵郭壯興范應泰姚安府
偽親軍車騎後將軍劉漢章偽總兵謝文明自蜀遁回偽親軍鐵
騎左將軍楊洪德及偽將軍趙玉楊開運高啟隆劉魁白起昇儂
朋邵文魁劉培吾偽總兵高攀喜楊斌等各率所屬偽弁兵相繼
降○壬子 上奉 太皇太后回鑾○轉覺羅沙賴為戶部左侍
郎以科爾坤為戶部右侍郎由左副都御史遷
五月癸丑朔山西提督周卜世奏遵義賊兵肆亂臣遣總兵官李
師膺遊擊張所元等率兵往剿有真安州偽知州金仕俊仁懷縣
偽知縣吳逢聖投誠遂復真安州仁懷綏陽桐梓三縣得旨嘉獎
下部議敘○陝西巡撫鄂愷奏慶陽土寇耿飛投誠○河道總督
靳輔奏臣前請大修黃河限三年水歸故道今限滿而水猶未歸
一應大工細冊尚未清造請下部議處得旨靳輔著革職令戴罪

督修○乙卯 上奉 太皇太后還京師○己未諭理藩院蘇尼
特等旗被災今雖賑以銀米止可供一歲之用又聞別旗亦皆罹
災甚是饑饉儻秋草不肥何以爲生此事重大應豫爲久遠生全
之計等語速遣司官前往相閱情形以聞○庚申調介山爲吏部
尚書由刑部調以帥顏保爲工部尚書由漕運總督遷○以石琳爲浙江布政
使由河南按察使遷○贈陣亡副將李國柱署都督僉事參將李心廣官
子祭葬○辛酉以余國柱爲左副都御史由左僉都御史遷○江西巡撫
劉如漢丁父憂准回籍守制○壬戌諭戶部比年以來宣府大同
疊罹饑饉而邊外蒙古亦復凶荒故發宣大二府存貯米石盡用
賑濟朕思邊境糧儲所關最重古稱三年九年之蓄蓋合侯甸藩
畿通爲之計豈僅調公廩之充盈已也養人足食道貴變通可發
京倉米二十萬石運往宣大備用其運送米石用就近地方驛站
東華錄 康熙二十七年 十一
車夫不至糜費爾部派才能官一員前往會同該撫確議以聞○
癸亥以薩穆哈爲左都御史由吏部左侍郎遷○甲子諭戶部宣府太原
大同等處近罹災傷人民困苦所徵房稅銀兩著悉與除免○隨
內大臣班尙之孝奏請迎其父尙可喜喪 上曰尙可喜當通城
皆叛時矢志不移臨歿猶被服 太宗皇帝所賜朝衣言雖死必
葬於海州儻有知覺必效力於 先帝其忠誠之心始終無二今
尙之孝前往可令其將還京之日豫行啟奏遣官往德州前後迎
其骸骨○乙丑諭大學士等科道官職司耳目行取知縣內如有
曾經從賊並會受僞職及身在賊中之人名義已壞科道不當選
用爾等識之○以蘇拜爲左副都御史由內閣侍讀學士遷○丙寅以李士
楨爲江西巡撫原任浙江布政使 郎廷樞爲廣東按察使由陝西平慶道遷○廣
東巡撫金僑奏海賊楊二等犯瓊州據海口所城又陷澄邁定安

二縣總兵官蔡璋等於三月十五日督舟師渡瓊賊分兵迎敵我兵奮勇夾擊於十六日克復縣所三城楊二等勢窮逃竄擒斬偽總督周勝偽總兵陳會等焚毀賊船一百餘隻見獲三十餘隻得旨嘉獎下部議敘○給雲南殉難筆帖式亞圖華珊世職○庚午廣西提督哲爾肯奏逆賊黃明馬承烈等於三月十八日走湖廣靖州或赴楚界投誠或入猗峒負固俱未可定 上命巡撫韓世琦總兵官和山等就近速行勦撫務盡根株○兵部題殉難雲南巡撫朱國治喪櫬家屬請令大將軍貝子章泰等察明送京得旨吳三桂反叛以來地方官有從逆者亦間有逃歸者如朱國治仗節不屈罵賊身死殊可嘉尙如議速行○辛未調覺羅沙賴爲吏部左侍郎由戶部調○以邵甘爲漕運總督由督捕侍郎遷○癸酉以遲日巽爲河南按察使由陝西榆林道遷○甲戌刑部題立決人犯請交六月節

東華錄 康熙二十七年 五
 停刑得旨六月節若在五月內即以交節日停刑若六月方交六月節即以六月初一日停刑至立秋雖在六月內必俟交過七月初一日方令行刑○乙亥以阿蘭泰爲內閣學士由光祿寺卿遷○轉科爾坤爲戶部左侍郎以額庫禮爲戶部右侍郎由內閣學士遷○丁丑召進貢土默特台吉達賴等問曰蘇尼特等旗蒙古甚饑近來如何台吉巴雅禮奏曰前者蒙古饑荒殊甚蒙 皇上軫念運米賑濟皆獲更生目今得雨青草已長馬畜漸肥不至流散矣 上曰朕以蒙古饑荒深切焦勞今聞爾奏大慰朕懷○予故吏部尙書吳達禮祭葬○戊寅諭大學士等宣府大同諸處今雖得雨田禾長盛但三月中大風壞麥不得收刈雖行賑恤猶未能蘇前撫臣奏稱饑民因得賑濟又得雨澤不至流離各圖生業以今觀之殊爲不然著將應徵康熙二十年諸項錢糧及歷年帶徵錢糧概行蠲

免戶部仍遣賢能司官往同巡撫設法賑濟務使均霑實惠又諭戶部前因大同等處地方自去歲饑荒百姓無食流離失所已經發銀二十萬兩遣使賑濟又將應徵房稅悉與豁免除務期小民家室復完不失故業今差官各處察看閭閻尙多逃亡田土仍然荒棄耕種無資衣食奚賴朕心深爲憫惻雖已將本年應徵地丁各項正賦並歷年帶徵拖欠錢糧盡行蠲免猶恐小民困苦已極無濟目前此外有何應行事宜可以速拯災黎俾得存活者爾部即行詳議具奏以副朕軫恤百姓至意○贈四川殉難副將楊三虎都司陳先鳳守備劉應科陳田伊隨征官何成德王永世劉魁傳汝友等官○辛巳定遠平寇大將軍貝子章泰等奏大兵抵雲南會城偽將軍李發美舉首逆賊吳世璠與達賴喇嘛僞書以鶴慶麗江二府降下部議敘

東華錄 康熙二十七年 五
 六月壬午朔大學士等奏追贈諸王諡號查前明時親王諡號係用一字郡王以下護國將軍以上皆用二字 上曰以後追諡郡王滿漢文亦俱用一字○癸未調溫代爲督捕左侍郎由兵部調○丙戌差往大同賑濟戶部員外郎穆稱額蘇赫等奏請訓旨 上諭曰前爾等奏饑民因賑濟又得雨澤不致流離各安生業頃朕復徧及矣前此姑置不問爾毋自護前罪朕知之最悉今往同撫臣賑濟務令饑民得遂其生及作何設法拯救著確議奏聞○戊子給事中孫蕙奏陝西遭賊蹂躪又運入川兵餉民生艱苦請將通省房號銀兩著通行蠲免○定遠平寇大將軍貝子章泰等奏將徵房號銀兩著通行蠲免○定遠平寇大將軍陳光祿等復叛臣等

擬令都統希福等率兵往剿如又量撥官兵付穆占率回黔中則圍城兵力不支况諸路賊勢悉向雲南請就近令常德滿兵進貴州遣貴州薩克察巴圖魯等兵赴雲南則攻圍調遣似有裨益得旨平定滇中最高要計將軍穆占不必遣還貴州令署前鋒統領薩克察巴圖魯率所部每佐領兵三人速赴雲南常德署副都統諾敏率所部兵速往貴州與總督董衛國提督趙賴周卜世等固守貴州荊州副都統莫達率所部每佐領兵三人赴常德鎮守○福建總督姚啟聖奏逆賊鄭錦已於正月二十七日死其長子為眾所殺偽侍衛馮錫范立鄭錦次子克塽克塽即馮錫范壻也得旨鄭錦既伏冥誅賊中必乖離擾亂宜乘機規定澎湖台灣總督姚啟聖巡撫吳興祚提督諾邁萬正色等其與將軍喇哈達侍郎吳努春同心合志將綠旗舟師分領前進務期剿撫並用底定海疆毋誤事機○辛卯廣東巡撫金僑奏平南藩下都統王國棟職居藩屬心在朝廷每恐向之信恣肆橫行與臣密商參奏逆藩就繫禍患削平詎逆黨李天植誘脅不從反將王國棟攢殺支解報國孤忠臨難不屈允宜賜卹以慰忠魂得旨王國棟矢志忠貞臨難不屈乃被逆害深為可憫作何恩卹著議奏尋給王國棟拜他喇布勒哈番又一拖沙喇哈番世職子祭葬諡恪愍○壬辰以禮佛為兵部右侍郎由內閣學士遷○以王繼文為雲南巡撫田啟光為雲南布政使由中選○癸巳免雲南新復地方本年夏稅○甲午予故工部尚書陳鼐永祭葬諡文和○丙申諭禮部奉聖夫人朴氏保育 先皇恭勤素著護朕冲幼淑惠彌昭提抱之殷靡間於夙夜恩勤之篤久歷夫歲時朕眷念前勞已錫封典茲聞奄逝軫悼良深應得恩卹宜從優厚爾部即詳察定例以聞尋禮部議照公夫

東華錄

康熙二十七年

西

東華錄

康熙二十七年

辛

人例給與祭葬得旨加祭一次餘如議○工部議覆河道總督靳輔奏請於徐州長樊大壩之後砌築月隄長一千六百八十九丈從之○乙巳以席柱為內閣學士由內閣侍讀學士遷○丙午吏部議覆御史房廷禎奏捐納歲貢終非正途不應考選科道應如所請又督撫子弟應照在京三品京堂子弟例亦不與考選應不准行得旨漢軍漢人捐納歲貢俱不准作正途考選京官三品以上子弟既不與考選總督巡撫子弟亦不准考選○除偏沅平溪清浪偏橋鎮遠四衛房號稅○辛亥諭大學士等行取官員吏部已經引見其各部主事等漢官朕尚未知其人科道為耳目之司選擇不可不慎爾等即傳諭九卿詹事科道令各舉所知將居官潔清辦事才能者從公保舉不可以同年同鄉親黨徇情私保即總督巡撫所舉有不當亦著指陳勿隱

東華錄

康熙二十八年

臣王先謙敬編

臣周潤著恭校

秋七月癸丑轉陳一炳為刑部左侍郎以杜臻為刑部右侍郎補

○丁巳諭大學士等刑部關繫民命必擇精敏才幹者始克勝

任禮部尚書郭四海向在兵部具有才能今令其以禮部尚書銜

管刑部事○湖廣提督徐治都奏逆賊譚天祕已離桃花洞於六

月二十四日前赴四川陝西總督哈占軍前投誠○庚申戶部議

覆四川巡撫杭愛奏蜀省久為賊踞百姓逃亡所存惟兵各弁兵

竟有強占民田抗賦不納者今逆孽漸平若不急行清理勢必仍

踵故轍查四川通省地方向係肥饒而所徵錢糧甚少良由文武

官員兵丁占種民田今逃亡漸歸如有承認原田者應令退還給

東華錄 康熙二十八年

民如仍行強占者照例治罪惟開墾年久無主承認者許令自首

輸課免其從前隱漏之罪從之○辛酉定遠平寇大將軍貝子章

泰等奏都統希福提督桑峨率兵往楚雄追剿逆賊馬寶至烏木

山賊據險以拒我兵奮擊大敗之擒斬甚眾馬寶越山而遁僅以

身免下部議敘○壬戌大學士等以三法司奏讞盜案請旨上

曰朕常於刑部人命事情冀其尚有可生之路細加詳閱奈求其

生而不得耳明珠奏曰此乃皇上好生之仁也○甲子諭吏部

兵部凡官員祖母並妻緣事者即議鞭責折贖於大體不合如

果事犯重大不妨削其封誥治罪若鞭責折贖小過或將伊夫或

伊子孫品級俸祿議罰爾等會議定例具奏○乙丑兵部議覆廣

東將軍王永譽奏尚之信所屬人員請編為十五佐領撥入上三

率兵追剿逆賊胡國柱等敗走復建昌得旨嘉獎下部議敘○丙

寅諭大學士等近來投誠守備千總等官或帶偽總兵副將劄付

卽照伊偽劄反加優敘先用其綠旗官兵於軍前效力顯著者並

不得表見淹滯者頗多所在統兵將帥知悉此情者已經回京在

彼無人代奏此等官員甚為屈抑其特行宣諭以示獎勵○丁卯

以余三級為廣東布政使由山東按察使遷○戊辰定遠平寇大將軍貝

子章泰等奏偽國公馬寶偽將軍巴養元等繳印投降於本月初

五日俱至軍前上諭逆賊馬寶所在抗拒大兵今無地可遁力

窮勢迫始來投誠殊屬可惡所犯情罪重大斷不可宥大將軍貝

子章泰等其執馬寶撥官兵嚴解來京其餘偽屬官兵大將軍如

常發落尋章泰等又奏馬寶等背叛國恩臣事吳世璠屢次招撫

不卽悔罪投誠反奔尋甸攜妻子赴楚雄糾集逆黨蹂躪疆圍為

東華錄 康熙二十八年

大兵所敗窮蹙已極方率眾不滿百人往姚安投誠非首先向化

歸誠可比偽將軍巴養元趙國祚鄭旺李繼業偽總兵郎應璧等

亦與馬寶同在一所若輩宜作何發落一併請旨上命將巴養

元等亦同馬寶執送京師○安塘筆帖式報偽將軍胡國柱王敘

等所部賊眾自姚安逃散過半胡國柱等俱遁入山中上命以

此事移知將軍紀哈里噶爾漢趙良棟總督哈占令速行進剿○

諭兵部大將軍圖海年老有疾今四川雲南漸次平定可令攜大

將軍敕印回鄂克濟哈還京師留將軍吳丹守漢中將軍王輔臣

著同圖海來京陛見○庚午以王守才為內閣學士原任○壬申召

大學士以下各部院衙門員外郎以上官員至瀛臺命內大臣佟

國維等傳諭曰內閣及部院各衙門諸臣比年以來辦事勤勞今

臣共食之又賜綵段表裏大學士率諸臣叩謝各依次坐 上命內大臣等以金尊賜飲一巡宴畢諸臣各謝恩出○諭吏部兵部大同地方連年旱荒百姓困苦以致流離失所就食他方因而田地荒蕪生計不遂今已履行賑濟蠲免各項錢糧又聞雨澤霑足秋成有望但饑饉之後安養生全須廉能官吏方能加意招徠留心撫字見任府州縣衛所等官貪劣不職者照常參處外其才具平常者該撫酌量更調本省簡僻之缺仍於通省見任官員內選擇清廉愛民者調補大同所屬地方若果能撫循使戶口充實田地開墾著有成效該撫特行舉薦該部從優敘錄以副朕獎勵循良愛養百姓至意○予故雲南巡撫伊爾圖祭葬○己卯諭議政王大臣等今諸路逆賊俱已殲除應以見在舟師破滅海賊原任右都督施琅係海上投誠且曾任福建水師提督熟悉彼處地利海東華錄 康熙二十八年 三 寇情形可仍以右都督充福建水師提督總兵官加太子太保前往福建到日即與將軍總督巡撫提督商酌剋期統領舟師進取澎湖臺灣其萬正色改為陸路提督諾邁還京候補 八月辛巳朔日有食之○甲申理藩院侍郎明愛等以奉遣往遷蘇尼特等被荒蒙古駐近邊八旗蒙古地方請訓 上諭曰此等蒙古饑饉殊甚故令遷移當聽其徐來不可促之恐斃於道路見今所給牲畜必當節省以備來年之用恐今歲食盡來年禾稼不登又致饑饉爾等前往詳視先所給米穀今年足用則已如不足再行議奏遷移到日交與八旗蒙古分駐善為撫恤務令得所若不善養以致死亡必將本旗總管議罪朕亦不時遣官往察爾等將此旨傳諭○丁亥以張仲舉為山東按察使由福建興泉道遷○戊子福建總督姚啟聖奏臣軍前所轄舟師乃平陽總兵官朱天貴舊

部若令他人統轄恐一時未能馴習且朱天貴聲名素為海寇所憚來歸之時已與賊相攻成仇今若令將原軍必能竭力圖報請敕下浙江總督速發朱天貴並原帶部下精兵三百人至福建同臣等協力進剿從之○己丑勇略將軍雲南貴州總督趙良棟奏建昌衛土司安泰甯招聚賊眾逆跡顯然請行剿滅 上諭建昌地關重要川陝總督哈占將軍王進寶四川巡撫杭愛等多方招撫土司安泰甯勿致生事若抗拒不服該將軍酌撥官兵速行剿除○丙申諭刑部商民領吳逆贖本者甚多隱匿者亦或有之若據告追究恐無賴之徒借此詐害富民有累百姓商人為四民之一富民亦國家所庇藏富於民不在計此錄兩以後有首告者應不准行○丁酉諭刑部凡重案悉歸爾部擬罪關繫緊要早完一日牽連者得早安一日如遇齋戒不能審結犯人拘繫日久甚苦東華錄 康熙二十八年 四 亦應於齋戒前速行完結再犯人各有應得之罪今聞爾部柳孔大小不一板有厚薄賄屬者板薄而孔大否則板厚而孔小所帶項鎖亦有輕重又聞爾部發在各門罪婦輒為門軍污穢恐嚇詐分外苛擾此等情弊爾等宜親行嚴察禁止○戊戌改貴州平大黔威道為分巡貴西道轄貴陽安順平大黔甯等處駐安順添設分守貴東道轄鎮遠平越黎平都勻思州銅仁思南石阡等處駐平越○辛丑先是順治十二年間設立喀爾喀八扎薩克每歲獻納年貢羅卜藏台吉其一也康熙元年右翼扎薩克圖汗與羅卜藏台吉等內自相亂扎薩克圖汗旗破身亡而羅卜藏台吉避入厄魯特噶爾丹部下康熙九年特旨以扎薩克圖汗之子襲為扎薩克圖汗而封阿海台吉之子阿海戴青為遵義彭楚克台吉授為扎薩克各賜以敕印獻納年貢至是噶爾丹送羅卜藏台吉

歸扎薩克圖汗扎薩克圖汗以羅卜藏台吉向係扎薩克仍令循舊制入貢奏至 上允之○乙巳 上御經筵○丙午 上幸南苑行圍○戊申以原任福建巡海道陳啟泰全家殉難其子陳汝器赴漳扶柩被劫下海幽囚兩載冒險逃歸父子忠義優贈陳啟泰工部右侍郎旌其妻劉氏各予祭葬如例陳汝器以通政使司左右通政大理寺少卿用○是月免直隸保安霸州山西榆社被災額賦有差

九月辛亥 上巡幸畿甸○先是順治七年定例禁民間房地售與旗下違者房地並價入官至是戶部題查出康熙十七年以前犯禁鬻地之民應追價銀六萬四千餘兩 上命悉豁免之○癸丑故平南王尚可喜喪來自廣東停泊丁字沽遣大臣覺羅塔達等往奠傳諭尚可喜眾子曰王素篤忠貞若人人盡能如王天下

東華錄 康熙二十八年 五

安得有事朕每念王至老懷誠克盡忠盡心甚眷注殊為傷悼王停柩處若近行在朕當親臨酌酒因相去尚遠故特遣大臣塔達學士庫勒納親隨侍衛敦柱往奠○左副都御史余國柱奏各部院衙門歲終舉劾者照例處分舉者註冊但既行五年京察又有不時指參之例應將每歲年終舉劾之例停止從之○戊午召霸州知州吳鑑保定縣知縣李文英問曰朕巡幸霸州見地土為水淹沒被災若何民生若何吳鑑奏曰今年渾河水決東北三十餘里西南二十餘里俱被水淹 上曰決口在何處被災幾分爾將被災之處申報巡撫幾次吳鑑奏曰決口在南孟地方被災十分九月會報巡撫一次 上曰隄若不修民生必不得安著速為修治問李文英曰爾縣內報過巡撫被災幾分李文英奏曰臣縣內南境幸無水患北境約有四分已報巡撫 上曰朕昨過縣南

境親見尚有積水爾反云未曾被淹何也李文英奏曰境南窪下向有積水今年並無被災之處 上曰知州知縣最為親民之官必忠勤守法愛惜百姓方為稱職若肆其貪殘貽害地方國家自有定法也○庚申直隸巡撫于成龍詣行宮請安 上召入密詢百姓生業地方事宜賜以御衣○癸亥卹贈宜山知縣王坤官廕○丙寅 上還京師○靖逆將軍甘肅提督侯張勇奏蒙古訴稱邊內番人火其經卷祠廟戮其人民以此舉兵犯邊 上諭大學士等朕聞吳三桂反叛時我邊內住牧番人於蒙古多爾濟台吉處附從供應後吳三桂既平地方安定番人竟將多爾濟台吉祠廟拆毀經卷焚燒殺戮蒙古人口蒙古以此弄兵若果如此則蒙古之來蓋亦有故應遣官嚴察如曲在番人將番人嚴懲曲在蒙古遣使嚴加譴責使邊人心服邊疆無可乘矣可即遣兵部理藩院官前往○丁卯兵部議覆撫遠大將軍都統大學士公圖海奏將軍王輔臣自漢中來至西安於八月二十九日病故其婿薛英等請攜骸骨家口往平涼其標下官兵作何區處乞敕部定議查王輔臣所轄官兵原係多事之時添設今四川陝西俱已平定兵宜裁去其官弁聽該督酌量題補王輔臣骸骨家口應送至京師從之○己巳詔停今年秋決○辛未增協理蒙古旗務官○壬申諭戶部積貯為國家大計歲運漕米充實京倉最為緊要旗丁人等挽運勤勞宜加存恤朕頃巡幸近畿至通惠河一帶見南漕船旗甲人丁資用艱難生計窘迫深為可憫若不豫為籌畫恐其苦累難支以致沿途遲滯貽誤倉儲所關匪細前以軍需浩繁漕運額設錢糧節經裁減今應作何酌復款項爾部詳議具奏尋戶部議覆應復運丁工食銀十五萬兩從之○甲戌議政王大臣等議

東華錄 康熙二十八年 六

議覆應復運丁工食銀十五萬兩從之○甲戌議政王大臣等議

奏原任總兵官馬寶身受國恩不思報效值逆賊吳三桂反叛首先從逆於各處抗敵官兵及大兵平定貴州圍困雲南省城馬寶尚不迎降後在楚雄大敗無處可奔窮迫已極始行來歸應凌遲處死梟示從之○丁丑兵部題耿昭忠等呈稱家口甚多難以養贍乞照漢軍例披甲食糧既可當差效力又可均贍老幼家口應如所請編爲五佐領合在京佐領管轄每佐領下設驍騎校一員小撥什庫各四名馬甲各五十四名步軍撥入庫兵各十三名此五佐領俱係耿昭忠耿聚忠等屬下不便分晰應將伊等本身一併俱歸入正黃旗漢軍旗下從之○是月免直隸武清等十四縣衛山西大同遼州山東濟甯等州縣被災額賦有差

冬十月癸未偏沅巡撫韓世琦奏臣與鎮臣和山盧崇耀等於九月十三日會剿古州八萬搖地方逆賊黃明大敗之陣斬偽總兵

東華錄

康熙二十八年

七

蘇養雲等八員兵二千餘名擒偽副將李貴元等九員兵二百九十七名下部議敘○甲申定遠平寇大將軍貝子章泰等奏中甸諸處從來皆隸麗江原爲內地吳逆陰蓄異志於康熙九年割給蒙古此地遠在金沙江外我朝從未遣兵駐守且逆賊胡國柱等復奔鶴慶麗江而雲南省城尚未恢復不便即議遣發官兵駐守上諭兵部中甸最爲緊要從前鶴慶麗江雖設總兵官一員令其兼轄中甸但無專汛官兵似猶可慮其移文大將軍貝子章泰賴塔將軍總督趙良棟巡撫王繼文提督桑峨酌量遣撥綠旗官兵前往鎮守俟達賴喇嘛使至理藩院以遣兵鎮守之故移文曉諭○乙酉撫遠大將軍都統大學士公圖海還朝上召見乾清門嘉勞之○丁亥賑甯古塔災○壬辰宗人府以和碩純親王應否襲爵請旨得旨王以冲年薨逝其子已繼襲爵旋復薨逝朕心

深切軫悼但既無繼嗣不必再議襲封○撤耿精忠尙之信所屬人員還京○癸巳議政王大臣等議奏貝子準達率蒙古兵前赴荊州不即與順承郡王勒爾錦詳議渡江討賊失誤機會又賊犯鎮荆山不能攻擊致鎮荆山爲賊所據遺棄陣亡兵屍骸副都統蘇虎濟遣人請援不即遣兵往助屢命進剿逆賊譚宏彭時亨等託故逗遛不行前進準達宜解宗人府左宗正任降貝子爲鎮國公從之○癸卯禮部議覆吐魯番貢物請照康熙十二年例進貢得旨吐魯番地處僻遠犬馬等物嗣後免其進貢○甲辰調陳一炳爲兵部右侍郎由吏部調○乙巳上幸南苑行圍○丙午理藩院題盜馬罪犯阿畢大等五人應立決家產妻子請給失馬之人上曰朕念人命關繫重大每於無可寬貸之中示以法外得生之路書所謂罪疑惟輕也阿畢大等家產妻子既給失馬之人若本

東華錄

康熙二十八年

八

犯免死給與爲奴則失馬者得人役使於法未爲不當嗣後著爲定例○福建水師提督施琅奏督撫均有封疆重寄今姚啟聖吳興祚俱決意進兵臣職領水師征勦事宜理當獨任但二臣詞意懇切非臣所能禁止且未奉有督撫同進之旨相應奏聞得旨總督姚啟聖統轄福建全省兵馬同提督施琅進取澎湖臺灣巡撫吳興祚有刑名錢糧諸務不必進勦○是月免福建泰甯縣去年水災江南泰州清河等二十三州縣衛水災額賦有差十一月庚戌朔轉杜臻爲刑部左侍郎以葉方藹爲刑部右侍郎由翰林院奉○辛亥諭大學士等近日言官參奏原任太僕寺卿王繼貞原任總兵官郭義朕念從賊者前既有旨寬宥今又加誅戮於前旨未符若大惡如馬寶夏國相胡國柱王永清等朕決不如其餘若盡論誅則金光祖等諸人亦皆誅之不太甚乎其失節

從賊者令革職放回原籍以示寬典○丙辰諭吏部兵部總督哈
 占蔡毓榮率兵勦賊直抵雲貴勞績懋著可復其原官○辛酉諭
 大學士明珠朕頃駐固安任邱聞戶部官員將各州縣均派草豆
 其為擾民工部向民間私借柴炭亦多擾累又聞部院各官藉稱
 豫備差遣傳集窮民跟隨苦累俱宜嚴禁每次巡幸騷擾百姓者
 多係部院各官可傳諭嚴飭以後毋得再蹈前轍○癸亥定遠平
 寇大將軍貝子章泰征南大將軍都統賴塔等奏十月初八日臣
 等統率滿漢官兵進薄雲南省城下併力環攻賊勢惶迫無措二
 十八日夜偽將軍線絨吳國柱吳世吉黃明原任都統何進忠原
 任巡撫林天擎等謀擒逆首吳世璠郭壯圖以獻吳世璠聞變自
 殺郭壯圖及其子郭宗汾皆自刎死二十九日線絨率眾出城降
 遂擒首謀獻計之偽大學士方光琛及其子方學潛姪方學範至
 東華錄 康熙二十八年 九

軍駕次薊州○琉球國中山王世子尙貞遣陪臣毛見龍等表貢
 方物奏言臣父尙質於康熙七年十一月十七日卒謹遵舊典請
 封○甲子 上謁 孝陵○丁卯行告祭禮○辛未命章泰趙夏
 棟來京陛見○乙亥 上聞居民有為虎傷者是日圍獵南山
 上親殪二大虎並一小虎民絕虎患○丙子予故原任理藩院左
 侍郎達哈塔祭葬○己卯 上回鑾○是月免直隸霸州湖廣江
 陵監利被災額賦
 十二月壬午 上還京師○甲申予雲南安邱縣知縣胡端官廕
 ○戊子諭大學士等賞罰乃國家之大柄忠逆實臣節之大防從
 古帝王敷治戡亂未有忠不賞而逆不罰者但其中情有輕重故
 法有寬嚴必功罪分明予奪精確始稱允協前總兵官王永清身
 膺重任甘心從賊及大兵抵滇圍困省城為日甚久猶不歸順乃
 東華錄 康熙二十八年 十

軍前磔之戮吳世璠屍傳首京師偽官弁一千五百八十餘員兵
 五千一百三十餘名俱投誠雲南平得旨覽貝子等奏統領滿漢
 官兵遵奉成命恢復雲南省城疆宇蕩平具見籌畫周詳調度有
 方勦撫並用克奏膚功朕心深為嘉悅著從優議敘具奏又奏偽
 將軍夏國相等敗遁廣南臣檄令土官儂朋及防守臨安總兵官
 李國樑率師追勦直抵西板橋環圍之塞其去路夏國相與偽將
 軍王永清黃福李攀龍楊松魁率偽屬官兵至軍前各繳偽印割
 降臣等公議斬李攀龍等於軍前夏國相為吳三桂婿乃賊渠著
 名者宜送京師正法又都統希福追勦逆賊胡國柱等至雲龍州
 之青里屋胡國柱度不能脫遂自縊偽帥王敘李匡皆自焚死偽
 將軍王公良等率餘眾來降下部議敘○ 上詣 太皇太后
 皇太后宮奏捷羣臣朝賀於乾清門○是日以賊平昭告 孝陵

與夏國相隨在奔竄追計無復之始來投誠故擊禁其子封其家
 產今文武官員見在雲南仍不投順者可察出如王永清之例一
 併封拏其應作何結案曾經議政王等議俟雲南省城克復之後
 再議今議此案時應將從賊受職歸順後未經定議官員品秩稍
 大者通行察出具奏其從賊官員前已歸順曾經奉旨從寬免罪
 者不必概行察議此內有原為大吏視顏從逆又受偽職者名節
 棄滅大玷人臣之誼若輩不合仍令居官應俱革任著議奏儻其
 間有效力真確功績甚著之人應酌量留任仍於各名下明白開
 著勞績見在候缺者俱停其錄用至明歲以後文武各官舉行大
 計軍政凡屬從賊受職歸順者俟督撫提鎮開造計冊到日吏兵
 二部應行察示罷黜著議政王貝勒大臣會議具奏○設滿洲將
 軍駐荊州漢軍將軍駐漢中○敘恢復海澄廈門金門十九寨功

授福建提督楊捷三等阿達哈番○辛卯工部侍郎祁通額以病乞休從之○戶部議覆貴州巡撫楊雍建奏貴陽等七府漢土司錢糧若歸併附近知縣管理恐呼應不靈請仍令該土司管理責令知府督催從之○癸巳召議政王大臣大學士學士九卿詹事科道等官至乾清門命大學士勒德洪等傳諭曰頃九卿等以大憝既除寰宇底定奏請上朕尊號朕思曩者平南王尚可喜奏請回籍時朕與閣臣面議圖海言斷不可遷移朕以三藩俱握兵柄恐日久滋變馴致不測故決意撤回不圖吳三桂背恩反叛天下騷動偽檄一傳四方響應八年之間兵民交困賴上天眷佑祖宗福庇逆賊蕩平儻復再延數年百姓不幾疲敝耶憶爾時惟有莫洛米斯翰明珠蘇拜塞克德等言應遷移其餘並未言遷移吳三桂必致反叛也議事之人至今尙多試問當日曾有言吳

東華錄

康熙二十八年

十一

伊桑阿左都御史徐元文侍郎李天馥學士噶爾圖等論曰頃九卿等以逆首既除四方底定奏請上朕尊號朕自御極以來日夜孜孜以安生民爲念乃逆賊吳三桂一倡變亂遂致塗炭八年當吳三桂初叛時散布偽劄煽惑人心各省兵民相率背叛此皆德澤素未孚洽吏治不能別釐所致幸賴上天眷佑祖宗威靈滿洲兵士之力逆渠授首奸黨悉除地方平靖獨念數年之中水旱頻仍災異疊見師旅疲於征調被創者未起閭閻敝於轉運困苦者未甦且因軍興不給裁減官員俸祿及各項錢糧並增加各項銀兩仍未復舊每一軫念甚歉於懷若大小臣工人人廉潔俾生民得所風俗醇厚教化振興天下共享太平之福雖不上尊號令名實多如一切政治不能修舉則上尊號何益朕斷不受此虛名也朕自幼讀書覽古人君行事始終一轍者甚少嘗以爲戒惟恐幾務或曠鮮克有終以故宵衣旰食祁寒盛暑不敢少間偶有連和亦勉出聽斷或中夜有機宜奏報未嘗不披衣而起朕非不知燕息自怡蓋所愛不在一身總爲天下生靈之計政事務求當理官職務在得人期於家給人足百姓樂業而已今吏鮮潔清之效民無康阜之休君臣之間全無功績可紀儻復上朕尊號加爾等官秩則徒有負愧何尊榮之有至於太皇太后皇太后加上徽號詔赦天下理所宜然其上朕尊號之事斷不可行乃朕實意非粉飾之詞也自今已往大小臣工宜各洗心滌慮砥節勵行休養蒼黎培復元氣爾等可向九卿各官悉諭朕意不必再行陳請○裁陝西甘肅靖邊衛同知○予廣東殉難都司白虎官廕○乙未調帥顏保爲禮部尚書由工部調○丁酉上以滇逆蕩平遣官祭告天地太廟社稷○以薩穆哈爲工部尚書由左都御史遷

東華錄

康熙二十八年

十一

轉黨務禮為工部左侍郎以蘇拜為工部右侍郎由左副都御史遷○戊

戌遣大學士勒德洪明珠詣 慈甯宮奏請加上徽號凡三奏乃

允行○太子太傅都統大學士圖海卒命大臣侍衛奠茶酒賜銀

三千兩及蟒段鞍馬○己亥 上御太和殿羣臣行慶賀禮頒詔

天下○冊封貴妃佟氏為 皇貴妃鈕祜祿氏為 貴妃惠嬪納

喇氏為 惠妃宜嬪郭羅洛氏為 宜妃德嬪吳雅氏為 德妃

榮嬪馬佳氏為 榮妃○辛丑調李士楨為廣東巡撫以佟康年

為江西巡撫由福建布政使遷○壬寅裁直隸各省添設驛站並加增協

濟夫馬○癸卯加上 太皇太后徽號曰 昭聖慈壽恭簡安懿

章慶敦惠溫莊康和仁宣弘靖太皇太后 皇太后曰 仁憲恪

順誠惠純淑端禧皇太后御門受賀頒詔天下賚宗室以及外藩

子內外官封贈廣解額舉隱逸旌節孝恤孤獨罪非常赦所不原

東華錄 康熙二十八年 三

者咸赦除之○以吳興祚為廣東廣西總督由福建巡撫遷于成龍為江

南江西總督由直隸巡撫遷余國柱為江甯巡撫由左副都御史遷○是月免江

南六合直隸文安及江西新建等十四州縣衛所浙江黃巖等十

二縣衛被災額賦有差○是歲朝鮮琉球來貢○人丁戶口一千

七百二十三萬五千三百六十八田地山蕩畦地五百三十一萬

五千三百七十二頃六十畝徵銀二千二百一十八萬三千七百

六十兩有奇米豆麥六百二十七萬一千一百八石四斗有奇草

二百四十五萬五千七百五十束茶十五萬五千三百六十五引

行鹽三百九十八萬三千七十二引徵課銀二百二十九萬九千

四百六十八兩有奇鑄錢二萬三千一百三十九萬八千六百有

奇

東華錄 康熙二十九年 臣王先謙敬編

臣周翰蕃恭校

康熙二十一年壬戌春正月壬戌以上元節賜外藩王貝勒貝子

公台吉及內大臣大學士上三旗都統副都統尚書侍郎學士侍

衛等宴 上御乾清宮宴大學士都院卿寺翰詹科道諸臣九十

三員 上命學士張英侍講高士奇傳諭曰向來內殿筵宴諸臣

未與今因海內乂安時當令序特於乾清宮賜宴君臣一體共樂

昇平同昭上下泰交之盛諸臣當懼惟暢飲以副朕懷大學士李

蔚奏曰 皇上特恩曠典千載一遇臣等不勝感激奏畢分左右

班以次序進樂合各就位叩頭坐 上進膳諸臣乃飯 上命各

飽飲盡量少選徹饌更設肴核酒觴既陳大學士勒德洪至 御

前跪進酒上壽畢 上命大學士尚書都御史侍郎學士以次至

御座前親賜飲以下諸臣俱命至 御前賜飲又命學士張玉

書張英傳諭曰今日內殿嘉宴特敕諸臣笑語無禁諸臣奉詔暢

飲極歡樂奏二闕 上復命張玉書張英傳諭曰宴畢時諸臣可

近 御座前觀鏡朕更賜以卮酒於是大學士尚書都御史以次

至 御座旁觀鰲山燈又命侍郎以下諸臣俱至 御前賜飲特

命光祿寺卿馬世濟右通政陳汝器至 御座前親賜飲以馬世

濟為殉難巡撫馬雄鎮之子陳汝器為殉難副使陳啟泰之子也

既撤筵諸臣以次出 上命羣臣有霑醉者令內官扶掖而行

上召張玉書陳廷敬張英諭曰每見漢唐以來君臣同樂有廣和

之詩今朕雖不敢效古先聖王亦欲紀一時之盛可做柏梁體賦

詩進覽陳廷敬奏言臣等草野賤士得親 天家景物蒙 聖恩

深厚真明良喜起之休且百工熙庶事康皆君臣交儆之辭自是唐虞盛事臣等身際休明受恩愈深但愧報稱愈難於是陳廷敬等出宣旨羣臣奏曰臣等敢不歌詠太平但恐不能廣慶 聖德大學士李蔚言柏梁體詩首一句當恭請 皇上御製陳廷敬復入奏 上曰明日早發○遣中使至大學士杜立德第賜酒饌諭曰卿弼亮老臣久任機密端醇恪恭勤慎素著茲海宇蕩平時當令序內殿賜宴廷臣念卿臥病不克同此歡譙特遣中使慰問賜以醴饌卿其加餐珍攝以副朕惓惓至意○癸亥翰林院掌院學士陳廷敬內閣學士張玉書至乾清門候旨侍衛捧 御製詩序出 御製首句云麗日和風被萬方羣臣集太和殿下以次各賦詩九十三韻序云朕於宣政聽覽之餘講貫經義歷觀史冊於書見元首股肱慶慶喜起之盛於詩見鹿鳴天保諸篇未嘗不慕古東華錄 康熙二十九年

明珠奏曰此輩罪犯已極應正國法似無可議又逆賊耿精忠等十人應凌遲處死其逆黨黃國瑞等十九人應立斬 上曰耿精忠身造罪孽應當極刑其子等俱行凌遲亦有可憫可改為斬否明珠奏曰耿精忠之罪較尙之信尤爲重大尙之信不過縱酒行兇口出妄言耿精忠負恩謀反且與安親王書內多有狂悖之語甚爲可惡 上又曰賊黨官員內尙有可矜者否明珠奏曰此內有陳夢雷金鏡田起蛟李學詩四人犯罪固應處死然尙有可宥之處 上曰耿精忠等事關重大著議政王大臣九卿詹事科道會同詳議其吳三桂骸骨分發各省及吳世璠首級懸示夏國相凌遲巴養元等梟示等事亦示九卿等知之明珠奏曰春正雖不用刑但此輩罪惡重大與尋常不同應於兩三日完結○戊辰議政王大臣會議逆賊耿精忠等分別凌遲處斬具題得旨耿精忠東華錄 康熙二十九年

效力不得仍前草率疏忽○封安親王岳樂子岳希為億郡王○調董衛國為湖廣總督裁江西總督歸併江南○礫從逆貴州提督李本深於市伊孫李象乾李象坤及民籍親弟之子李濟祥李濟民並立斬○辛未諭戶部漕糧定例官收官兌獨浙江民兌另立私截之名困苦百姓著檄巡撫嚴禁違者即行參劾○壬申鑄御製昇平嘉宴詩序及詩於石貯翰林院敬一亭○乙亥以格爾古德為直隸巡撫由內閣學士遷○復直隸軍政○丙子以馬世濟為左副都御史由光祿寺卿遷

二月庚辰以達都為左都御史由吏部左侍郎遷○議政王大臣等議都統根特不請旨擅拘禁提督佟徽年又不進重慶輒以山大路險題請又令進剿譚宏彭時亨復推諉規避應削職得旨根特才具頗優人亦勇健情罪不甚重大即行削職似屬可惜著降級從寬

東華錄

康熙二十九年

四

留任○辛巳裁郎陽提督設副將一中軍都司一左右二營守備二留兵一千六百名○壬午以達岱為內閣學士由詹事府遷○以馬斯良為福建布政使由偏沅按察使遷○子故太子太傅都統三等公議政大臣中和殿大學士兼吏部尚書圖海祭葬加祭二次諡文襄○先是左副都御史余國柱請釐正郊廟燕享樂章 上曰饗祀樂章一代制作所繫禮部翰林院集議以聞至是部臣等議自古廟樂原以頌述祖宗功德本朝郊祀 天地各 壇廟樂章曲名曰平見今遵用已久况 太祖 太宗 世祖同在 太廟致祭不便分廟另撰宜如舊惟朝會燕饗等樂會典所載曲調風雅未備宜敕下所司酌古準今求聲律之原定雅奏之節進呈請定嘉名以昭盛典從之○癸未以滇省蕩平遣官祭嶽鎮海瀆歷代帝王陵寢先師闕里○宗人府題開散宗室勒爾錦贈朱方旦至人里

聖人堂扁額原任湖廣巡撫張朝珍贈聖教帝師扁額應行文巡撫王新命查其果有憑據否或係朱方旦自行標榜俟問明具題到日再議 上諭大學士等此事毋庸行查前勒爾錦領兵在荆州時朕已聞此等事會論彼時差去之人朕知朱方旦係狂妄小人軍機大事萬不可聽其盡惑又對秦遣往軍前回時路經武昌原任巡撫張朝珍向對秦云朱方旦果一奇異神人爾宜相會遂接見以賓禮優待由此觀之勒爾錦等所贈扁額是真著即議結尋議勒爾錦見在羈禁張朝珍已經病故俱無庸議得旨張朝珍所贖世襲官革去○甲申 上御經筵○裁江西饒州總兵官設參將一○乙酉轉覺羅沙賴為吏部左侍郎調科爾坤為吏部左侍郎由戶部調○丙戌調董國興為福建巡撫以王日藻為河南巡撫由江西布政使遷○丁亥以王定國為安徽按察使由浙江嘉善縣知縣遷○己丑予

東華錄

康熙二十九年

五

四川殉難知州徐盛通判薛人鳳知縣廖士貞王質典史劉廷臣卹贈有差○辛卯 上為 太皇太后祝釐居景山齋戒祭星遣近御侍衛關保偕慈甯宮首領太監牛之奇乾清宮首領太監顧文興祭星三年○議政王大臣會議原任布政使成額筆帖式巴席書舒從賊應立斬得旨伊等情罪法難寬宥且巴席係滿洲人與巴三綱聯為兄弟情罪甚為可惡依議立斬成額書舒改立絞○敘恢復海澄廈門金門功給福建總督姚啟聖拜他喇布勒哈番又一拖沙喇哈番○壬辰諭學士張英爾素性醇樸侍從有年朝夕講筵恪共盡職茲因爾父未葬具奏請假朕念人子至情忠孝皆出一理准假南旋特賜白金五百兩表裏二十疋旣旌爾勤勞兼資墓田之用爾其欽悉朕惓惓至意○直隸巡撫格爾古德陛辭 上諭凡為官者承貪吏之後名譽甚易承廉吏之後名譽

甚難金世德子成龍居官有聲爾繼其後得名必遲爾毋欲速以求名遠則恐致貽害直隸旗下莊頭與民雜處朕聞所在兇惡莊頭自以旗下倚恃其主甚為民害爾到任後加意嚴查務期懲創即皇莊亦毋寬宥○轉額庫禮為戶部左侍郎調宜昌阿為戶部右侍郎由刑部調○癸巳 上以雲南蕩平祭告 永陵 福陵 昭陵 皇太子允礽從是日啟鑾○裁山東提督○外藩王貝勒貝子公台吉等請上 尊號不許○九卿詹事科道等議覆翰林院侍講王鴻緒奏參楚人朱方旦詭立邪說妄言休咎煽惑愚民誣罔悖逆經湖廣巡撫王新命審實具題朱方旦應立斬願齊宏陸光旭翟鳳彩甘稱弟子造刻邪書傳播中外俱應斬監候從之○乙未 上謁 孝陵○戊戌 上遣領侍衛內大臣舅舅佟國維大學士明珠往伯夷叔齊廟行禮諭伯夷叔齊古之聖人清風可東華錄 康熙二十九年 六 仰爾等前往可焚香展敬○庚子偏沅巡撫韓世琦奏料理廣西軍務督捕右理事官麻勒吉移稱逆賊黃明已被苗人殺死應撤兵回楚下部知之○辛丑 上出山海關○是月免廣西柳州貴州慶遠康熙十八年逋賦及江南海州沐陽等三州縣去年被水額賦

段浸以羊脂者一種鹽醃者一種星馳遞送心期奉到之日儻得味仍鮮美庶可稍見微誠山中野燒自落榛實及山核桃朝鮮所進柿餅松子白菓栗子附候 安奏啟同往伏乞 俯賜一笑不勝欣幸○諭戶部刑部朕承 祖宗丕緒撫御區宇日以子育元元為念自逆賊吳三桂倡亂滇南多方煽動軍興入載中外驛驛仰賴 祖宗在天之靈默垂眷佑殄滅兇渠民生又安疆宇底定特行徧祀 山陵之禮用告成功茲恭詣 福陵 昭陵謁祭禮竣惟盛京為國家肇基重地朕躬親幸宜沛大澤以示殊恩山海關以外及甯古塔等處地方官吏軍民人等除十惡死罪不赦外其餘已結未結一切死罪俱著減等發落軍流徒杖等犯悉准赦免奉天錦州二府屬康熙二十一年地丁正項錢糧著通行蠲豁其官役墊補包賠等項應追銀兩察果家產盡絕亦並豁免用稱東華錄 康熙二十九年 七 朕加惠根本優恤黎民至意○齊守 陵官及盛京諸臣年老致仕甲士傷廢退閒者咸賜予有差○己未 上謁 永陵行大祭禮○庚申 上幸烏喇行圍○辛酉望祀長白山○予故兵部侍郎項景襄祭葬○乙亥 御舟泛松花江至大烏喇

三月己酉朔以張所志為江西布政使由福建按察使遷 范時秀為湖南按察使由雲南承 ○庚戌 上漁於遼河賜從官魚○壬子 上謁 福陵又謁 昭陵是日駐蹕盛京○甲寅 上謁 福陵行大祭禮○丙辰 上謁 昭陵行大祭禮○ 上途間屢次奏請

太皇太后 皇太后聖安至是附奏 太皇太后書曰臣自山海關至盛京水土皆佳獸多魚鮮每當食頃輒念不能馳奉 太皇太后聖祖母甚歡於懷到盛京後身親網獲鱧魚鱮魚設法成

隨逆賊胡國柱逃匿勢窮始來歸誠應行文將軍馬緝等即凌遲處死並王公良等首級懸示伊等十六歲以上子亦俱在彼處處斬家產籍沒其妻並未及年歲之子查交內務府其餘微員該督撫等分發山東河南湖廣江西省安插投誠偽總兵以下人等應歸入凱旋官兵六起內赴京從之○兵部題原任經略中軍總兵官吳石珊係留軍前效力贖罪之人今雲貴恢復應令吳石珊同六兵來京到日再議得旨吳石珊係包衣佐領下舊人順從王輔臣深為可惡著拏送來京○兵部題逆賊胡國柱王緒李匡等各處抗拒大兵及恢復雲南潛身逃竄屢次招撫不即投誠被大兵迅追緝拏情急始行自縊蹈火而死情罪重大伊等子弟法難寬宥應行文將軍總督等悉行處斬妻女家口財物籍沒交送內務府從之○兵部議覆廣西巡撫郝浴奏安南都統使莫元清同弟

東華錄

康熙二十九年

八

莫敬光為安南鄭祚攻偏投奔內地並無從逆助惡擾害地方之迹但先經原任將軍莽依圖奏稱莫元清棄高平敗奔富州又安南國王黎維正奏稱吳三桂變起莫元清同惡相濟為賊辦糧莫元清蒙 皇上鴻恩封為都統使駐防高平不圖報恩吳三桂反叛即從賊助惡理應從重治罪但已身故應免議處革去都統使之職莫敬光既經帶領家眷繳印投誠免其應擬之罪係外國之人不便居於內地應行該督撫將莫敬光及伊帶來家眷一併發回安南移咨國王將莫敬光等毋致殘害務令安插得所從之○辛卯命翰林院檢討汪楫為正使內閣中書舍人林麟焜為副使往封琉球國世子尚貞為琉球國中山王○甲午先是福建提督施琅奏賊鯨久泊澎湖悉力固守當此冬春之際颶風時發我舟驟難過洋臣見在練習水師又遣閒謀通臣舊時部曲使為內應

請俟明年三四月間進兵可獲全勝 上允之至是施琅奏夏至南風盛發不可進兵請至十月大舉 上命議政王大臣集議僉謂師期不便屢遷應檄總督姚啟聖提督施琅刻期於夏至後進取臺灣得旨進剿海寇關繫重大總督姚啟聖提督施琅身在地方將海面形勢賊中情狀審察確實如有可破可剿之機著協謀合慮酌行勦撫毋失機會○丁酉諭大學士明珠朕巡行沿邊地方見設立界限處墳墓毀損枯骨暴露者甚多著盛京將軍安珠護徧察瘞埋○戊戌兵部題懷忠將軍海潮龍咨稱吳逆叛時偽總兵劉芝林將伊舉家擒拏俱行分散賞財鈔洗應行文鎮安將軍馬緝並雲貴督撫將所鈔海潮龍見貯家財及家口查還其入在來京六起之內者亦查明發還從之○己亥 駕過海城縣遣內大臣公坡爾益往平南親王尚可喜墓奠酒○乙巳尚陽堡流

東華錄

康熙二十九年

九

犯王廷試子德麟叩關稱伊父以窩逃充發今年老懇發回原籍願以身代督捕議不准行 上曰王德麟控稱伊父年老願以身代罪情實可憫且遇朕來此得以陳情叩關此亦伊難得之遇其父子又俱係讀書人著一併發回原籍後不為例○丁未 車駕入山海關○是月免湖北沔陽潛江等縣衛去年水災賦十之三五月戊申朔于廣西閩門殉難平南縣知縣周岱生官廕○辛亥 上還京師○壬子諭大學士等流徙甯古塔島喇人犯朕向者未悉其苦今謁 陵至彼目擊方知此輩既無房屋棲身又無資力耕種復重困於差徭况南人脆弱來此苦寒之地風雪凜冽必至顛踣溝壑遠離鄉土音信不通殊可憫惻雖若輩罪由自作然發遼陽諸處安置亦足以蔽其辜矣彼地尚有田土可以資生室廬可以安處且此等罪人雖在烏喇等處亦無用也○廣西巡撫

郝浴奏撫標官兵不應裁去九卿會議山東江甯河南山西直隸兵丁俱應留一千名其餘各省俱留一千五百名得旨巡撫舊制營兵至輔政諸臣時始行停止朕思裁兵一事關係最爲緊要必措置得宜地方始得安甯每見武弁額兵有名無實虛冒錢糧又徇情將年老有疾者存留強壯者反行裁去則老弱徒然充伍虛糜兵餉強壯棄置不用豈能安靜若將此情弊清除則兵丁自俱心服而地方亦保甯謐矣可將此本交議政王大臣九卿詹事科道會議具奏○癸丑以李世昌爲湖廣按察使由廣西蒼梧道遷○甲寅御書清慎勤三大字頒發各省督撫○乙卯遣尙書伊桑阿副都御史宋文運給事中王曰溫御史伊喇喀勒江南河工○贈死節雲南巡撫朱國治戶部右侍郎子祭葬廕一子入監讀書○丙辰鴻臚寺卿陳壽奏臣兄原任陝西提督陳福頊命行營妻子淪東華錄

康熙二十九年

十

陷川中蒙恩授世襲三等精奇尼哈番暫令臣子世怡承襲今臣兄之子世琳等已尋獲應仍還陳世琳襲替允之○丁巳以庫勒納爲刑部右侍郎由翰林院掌院學士遷○戊午遣侍郎庫勒納等奠故刑部右侍郎葉方藹賜白金二百兩○以宋文運爲刑部左侍郎由副都御史遷○議政王大臣等議逆賊彭亨譚天祕投誠復叛抗拒大兵情急歸降罪惡重大應交刑部卽凌遲正法梟示從之○己未保和殿大學士杜立德以病乞回籍調理得旨卿輔弼重臣端醇恪慎簡任機務效力有年勤勞素著倚任方殷覽奏年邁患病情詞懇切准解任調理乘驛回籍著差官護送以示眷懷○乙丑候補布政使崔維雅奏呈所輯河防芻議兩河治略二書上曰治河之道順水性以治之易於成功古之治黃河者惟在去其害而止今則不特去其害並欲資其力以輓漕糧較古更難崔維

雅所奏著差往勘閱河工大臣將伊帶往會同總河靳輔確議具奏書並發○丙寅諭甯古塔將軍巴海副都統薩布素瓦禮帖等朕幸吉林地方訪詢民隱見兵丁役重差繁勞苦至極此等情由回鑾之日將軍以下至於兵丁教諭大意已有特旨朕自至京師復爲思繹不將各種無益差徭顯與革除兵丁人等終無裨補且不得霑實惠矣一鷹鷂窩雛於三月尋覓四月內捕取最妨農事兼屬無益况所得鷹鷂不諳呼飼難至京師徒勞人力應行停止一自八月放鷹原欲令之熟習以便齋送數年以來並無名鷹貢至京師在烏喇地方兵丁於冬寒之時尋覓山雞人馬勞頓應行停止一圍獵以講武事必不可廢亦不可無時冬月行大圍臘底行年圍春夏則看馬之肥瘠酌量行圍令貧人採取禽獸皮肉須豫先傳明日期以便遵行所獲禽獸均行分給圍獵不整肅者照東華錄

康熙二十九年

十一

例懲治不可時加責罰苛求瑣屑遇有猛獸須小心防禦以人爲重勿致誤有所傷一打鱖鯉等魚既有專管西特庫等烏喇兵丁所停差役其搬移新滿洲採取造房並船隻桅木等項及偵探巡邏等差俱係軍務乃駐防官兵專責不可寬假應照常行此外偶爾差遣大臣侍衛督看採取東珠砍伐木植尋覓鷹鷂不涉每歲定例所行之事似無過勞此後將軍以下撥什庫以上應念兵丁遠居邊境無市貿易身冒嚴寒往採山木妻子汲水操作備極艱辛時加憐憫吉林烏喇田地米糧甚爲緊要農事有誤關係非細宜勸勉之使勤耕種朕軫念滿洲人民生理欲遣人專往以驛遞疲弊故因筆帖式來奏特諭○福建將軍馬九玉奏請罷職得旨馬九玉於耿精忠叛時會哭勸再三及歸正後又甚效力非他人可比著以原官解任來京○丁卯以牛紐爲翰林院掌院學士

事○戊辰以王熙為保和殿大學士原任兵部尚書○庚午 上御乾清宮講官牛紐等進講朕卦象畢 上曰講義云一國非之而不顧天下非之而不顧此必認得道理真乃為無弊否則反為乖戾矣牛紐等奏曰誠如 聖諭○以熊一瀟為刑部右侍郎由順天府尹○內閣學士李光地以送母回籍乞假允之○辛未左副都御史馬世濟條陳吳三桂尚之信耿精忠屬下為外官者咸宜罷黜回京 上諭大學士等前大兵進剿時有本身陷在賊中其子弟仕宦各省亦有備辦草料轉輸糧餉者今事平輒行追論奪其官爵撤回殊覺煩擾况漢官如曹申吉羅森等亦有子弟親戚若皆不許仕宦應鄉會試可乎照此旨傳諭將原本給還○壬申以李輝祖為湖廣布政使由貴州按察使遷○甲戌吏部題編修杜訥呈請復勵姓允之○三法司議偽大學士方廣琛之弟方廣揚反叛情實東華錄 康熙二十九年 十一

應立斬從之○乙亥安塘筆帖式報稱大兵進取臺灣以風大不得前總督姚啟聖尚駐銅山提督施琅移泊雲霄聞海賊劉國軒等扼守澎湖諸隘矚我兵前進即鈔襲其後於是議政王大臣等會議請檄總督姚啟聖提督施琅若目前風大未便進剿即統官兵回汛整飭舟師相機再舉從之○丙子諭大學士等朕觀部院衙門大小官員俱分班啟奏甚或一部分作數班朕與爾等皆每日曉起部院官員分數班啟奏殊非上下一體勵精圖治之意嗣後滿漢大小官員除有事故外凡有啟奏事宜俱著一同啟奏都察院衙門及科道官員無逐日啟奏本章著每日黎明齊集午門如滿漢部院官員有怠惰規避者即行察參又大小各衙門滿漢官員雖該衙門無啟奏事宜亦著每日同啟奏官員黎明齊集午門俟啟奏事畢同散有怠惰規避不於黎明齊集者亦著都察院

及科道官員察出參奏

六月丁丑朔議政王大臣等奏已薨簡親王喇布於螺子山對敵退回一案前議將隨從王護衛散騎郎及在陣失靈長史護衛等率禁侯同事大兵到日再行議罪後議將護衛散騎郎等停其鞫禁餘俱照前議 上曰簡親王敗回是實軍法應嚴此前議甚當後議顯係徇情殊為不合著嚴飭○己卯諭部院諸臣朕因天氣炎熱移駐瀛臺今幸天下少安四方無事然每日侵晨御門聽政未嘗暫輟卿等各勤職掌時來啟奏會記宋史所載賜諸臣於後苑賞花釣魚傳為美談今於橋畔懸設罾網以待卿等遊釣可於奏事之暇各就水次舉網得魚隨其大小多寡攜歸抵舍以見朕一體燕適之意誰謂東方曼倩割肉之事不可見於今日也特諭

○以王國安為內閣學士由內閣侍讀學士遷吳瑛為左副都御史由太僕寺卿遷東華錄 康熙二十九年 十二

○予故原任吏部侍郎楊永甯祭葬○乙酉以胡簡敬為內閣學士由翰林院侍讀學士遷○丁亥諭刑部尚書魏象樞等今天氣炎熱可將爾部事件次第速行審結勿得遲延使犯人於應得罪外更受餘辜○己丑諭大學士等日來天時亢暘猶望雨澤之降今觀亢旱已甚天行之愆人事之失也如有應行革去事宜令九卿詹事科道官員會議於是九卿諸臣會議請清理刑獄並敕刑部督捕直隸各省督撫於應結事件速行結案又漢科道官員請暫釋江西吉安出征官拘禁者俟同事大兵還日議罪大學士等轉奏 上曰清理刑獄等事可如所奏其所議省釋拘禁人員亦寬政之一端也見在拘繫者俱令暫釋俟大兵還日再行議罪○壬辰以李國亮為貴州按察使由陝西糧道遷○癸巳贈湖南殉難四品官董重民官○乙未命順承郡王勒爾貝弟楊起襲順承郡王○吏部議覆

給事中李迥奏河南等六省學道督撫皆以公明尤著保舉此等
希圖內升不無奔競之弊請敕部確議定額嗣後各省學道合督
撫於三年報滿日以公明尤著者保題吏部開列 欽定一員以
京堂用其餘升一級以道員先用未經保題者仍照見行例行從
之○丙申給事中孫蕙題參原任廣東提督今升鑾儀使嚴自明
任廣東提督時甘心從逆反正之後 皇上寬恩待以不死且授
以將軍升為鑾儀使自應聞命馳赴乃嚴自明遲至二年後始行
到任莅任未幾又奏請往雲南找尋眷口行至揚州託疾逗遛日
肆聲歌且縱其子嚴愈在泰州地方肆虐殃民請斥革究擬下部
議尋兵部議嚴自明應革職並革三等阿達哈哈番妻子家產交
內務府伊子知州嚴愈交吏部議得旨嚴自明著革去鑾儀使三
等阿達哈哈番從寬免交內務府著入旗餘如議○甲辰文華殿
東華錄 康熙二十九 古

大學士馮溥以老乞休得旨卿輔弼重臣端敏練達簡任機務效
力有年勤勞素著倚毘方殷覽奏以年邁請休情詞懇切准以原
官致仕乘驛回籍著差官護送以示眷懷○以王國安為浙江巡
撫由內閣○乙巳命奮威將軍王進寶來京陛見

東華錄

康熙三十

臣王先謙敬編
臣周綸蕃恭校

秋七月己酉諭吏部圖治首在安民勸善莫先懲惡必咨詢廉訪
責有專官而後民隱得以上聞奸頑為之斂戢近聞直隸各省地
方多有紳衿勢要土棍豪強及旗下兇惡人員並莊頭等縱暴恣
行武斷鄉曲有司畏威而不敢問大吏徇隱而不能糾非特遣大
臣巡察難以祛除積弊直隸為畿輔重地尤宜首先激清今應遣
大臣一員前往會同該撫巡歷地方有勢要豪強旗人莊頭大為
民害者廉訪確實惡蹟指名題參重加懲處以儆奸徒用安良善
副朕移風易俗愛養民生至意應遣大臣爾部開列具奏○庚戌
以杭艾為左都御史由盛京刑部侍郎遷○壬子以金世鑑為內閣學士由
東華錄 康熙三十
閣侍讀○乙卯以三逆蕩平遣內大臣奇塔特等分賚厄魯特噶
爾丹博碩克圖汗喀爾喀左翼土謝圖汗等部○丙辰予故江西
巡撫劉如漢祭葬○戊午平郡王羅可鐸薨 上輟朝一日子祭
葬諡曰比○辛酉以噶爾圖為盛京刑部侍郎由內閣學士遷○甲子召
岳州投誠新補南汝總兵官王度冲至瀛臺門 上問曰岳州陸
路兩次攻戰並湖中對敵情形爾在岳州知之宜悉逐一詳奏王
度冲奏曰岳州初戰賊眾被吳三桂誑稱滿洲兵力衰弱無知者
信從遂敢對敵以致被殺幾盡及滿兵二次攻取岳州賊兵藏在
鹿角樁牌內死拒被殺被傷者又甚於前故畏懼滿洲鋒銳再不
敢出賊戰船高大火器甚多必待順風始行出戰然每戰受傷失
船且吳應麒驕惡運道斷絕饋運不至屬下俱思離散又畏 皇
上天威遂率兵來投吳應麒無以自存故即逃遁 上諭曰汝到

南汝任必須安輯兵民協和文武愛惜兵丁不可扣剋錢糧及生
 事地方負朕任用之意○丙寅以喇巴克為內閣學士由內閣侍
 ○戊辰子故左都御史達多祭葬○己巳彗星見井宿度尾長二
 尺餘○辛未以郎廷樞為廣東布政使由按察 ○癸酉諭大學士
 等天道關於人事彗星上見政事必有闕失其應行應革者令九
 卿詹事科道會議以聞於是尚書介山侍郎沙賴科爾坤等奏請
 安插裁汰各省兵丁令其得所尚書魏象樞奏請察裁兵中或有
 效力行閒者不令裁汰尚書梁清標奏今天下太平凡事不宜開
 端當以安靜為主左都御史徐元文奏請暫停臺灣進勦侍郎杜
 臻奏請全復浙省運丁裁扣錢糧漢給事中御史等奏請謹關收
 稅免差少詹事及滿給事中等奏大同宣府宜設滿洲官兵則無
 田產滿兵皆有裨益 上曰裁兵務使所得所慎勿汰及效力之人

東華錄

康熙三十

二

另降諭旨梁清標所言凡事不宜開端當安靜甚得為治之要近
 總督姚啟聖奏稱十月進勦臺灣可暫行停止俟十月後再行定
 奪復運丁錢糧及免差撞關收稅令各所司議奏大同宣府設滿
 洲官兵事宜令該部於議覆凱音布噶爾泰等條奏時一併確議
 以聞又諭近觀凡事不論是非大小滿官則徇親戚朋友情面漢
 官則徇同年門生情面相為鑽營奔競者甚多從之則已拂之則
 妄議謗訕然此皆存乎其人尤甚者科道官員條奏事宜原期除
 弊及行其言後反滋弊爾等可將此傳諭九卿詹事科道官員
 八月丙子朔諭大學士等學士乃內閣參贊政事之官如有所見
 應行啟奏近來並無與議者若惟送本接本用一筆帖式足矣何
 必設立學士此後各有所見俱令敷陳○戊寅 上幸玉泉山○
 翰林院奏經筵講章得旨經筵所以講學修德大典也講章須有

勸戒箴規之意乃稱啟沃今講章內有道備君師功兼覆載二語
 太過其易之○御史拉塞奏天下已定除陝西近邊及沿海地方
 外其別省火器應概行禁止毋許存留得旨朕思治天下之道在
 政事之得失於火器無與夫火器孰有多於吳三桂者乎因其所
 行悖逆即致滅亡觀此則火器之不足恃可知矣所奏不必行○
 奉使侍衛多爾濟扎卜台吉額林辰等至張家口外空郭爾鄂波
 之地遇厄魯特噶爾丹貢使薩拉巴圖爾問羅卜臧台吉為喀爾
 喀扎薩克圖汗所執果有此事否其同來有布庫班第者係扎薩
 克圖汗之人對曰羅卜臧欲與鄂羅斯合謀攻我汗我汗遣其子
 率兵萬人於今歲二月終旬夜乘羅卜臧所履執之其屬下人俱
 為俘擄財物及馬駝牛羊俱為我軍所獲我曾執羅隨行此目擊
 之事也多爾濟扎卜等據此奏報得旨羅卜臧台吉被執既真爾

東華錄

康熙三十

三

等攜賞物即回○壬午 上還宮○癸未 上御經筵○召講官
 牛紐陳廷敬至乾清宮諭曰大學士杜立德贊襄機密積有歲年
 敬慎公忠實多勞績今請還鄉朕念老臣遠去親製詩章揮灑翰
 墨為一卷軸又書唐詩二軸及怡情洛社篆章一方墨刻二冊汝
 等齋物以昭朕優禮眷顧之意又召牛紐等近御榻前指示所臨
 法帖諭曰此黃庭堅書朕喜其清勁有秀氣每於暇時輒一臨摹
 隨命取晉唐宋元明人字畫真蹟卷冊置榻上 上手自指點開
 示或誦其文句至於終篇或詳其世代爵里事實論其是非成敗
 美惡之迹至顏真卿書 上曰此魯公書嚴氣正性可想見其臨
 難風節也○甲申 上幸玉泉山○乙酉御史戴玉縉奏 太祖
 高皇帝 太宗文皇帝 世祖章皇帝聖訓應行纂修及比年以
 來凡係用兵詔命密旨征勦機密並應編輯成書以垂不朽內閣

翰林院會議准行得旨 太祖 太宗 世祖聖訓垂法萬世關繫重大理應纂修至朕所行之事編纂成書古人雖有其例尚於朕心有歉爾等可將此意述與九卿確詢再奏○先是厄魯特噶爾丹巴台吉之子鄂齊爾圖汗之孫羅卜臧滾布奏我祖父向會往來入貢後以內亂往依達賴喇嘛今幸得稍甯伏乞 皇上俯鑒我等饑渴撫而恤之請率所轄居龍頭山之地理藩院轉奏得旨此龍頭山在邊關何處自邊關行幾日可到與內地有關繫否或向係邊外無用之地否著卽檄拉篤祜察明原委作速奏報至是拉篤祜覆奏蒙古稱龍頭山謂之阿喇克鄂拉乃甘州城北東大山之脈絡綿衍邊境山之觀音山口卽邊關也距甘州城三十里距山丹城三里其夏口城距山口而建自夏口城至湟川堡相去五里山盡爲甯遠堡此在邊外龍頭山與甯遠堡相去里許其

東華錄

康熙三十

四

聞有長甯湖界之蒙古所謂鄂爾通也甯遠堡有內地人民種植輸賦沿途有兵民牧養今諸蒙古俱於龍頭山北游牧羅卜臧滾布之意欲占長甯湖耳邊汛要地似不宜令不諳法紀之蒙古居住理藩院兵部議以羅卜臧滾布所請應不准行從之○丙戌上還宮○戊子大學士明珠等奏臣等奉旨傳集九卿將前戴玉縉疏奏逐一與閱九卿等言 祖宗聖訓固應編輯至逆賊變亂以來 皇上宵旰憂勤運籌決勝八年之間殲滅賊寇克奏膚功復見昇平皆 皇上神明獨運指授方畧所致若不纂輯成書恐鴻功偉績或有遺漏况古來帝王武功告成必將所行之事逐一記載今宜如御史所請勒成一書以垂永久得旨眾議如此可著編纂成書○庚寅初鄂羅斯所屬羅利時肆掠黑龍江邊境又侵入淨溪里烏喇諸處築室盤踞 上命大理寺卿明愛等諭令撤

回猶遷延不去而特雅克薩城爲巢穴於其四旁耕種漁獵數擾

索倫赫哲飛牙喀奇勒爾居民掠奪人口 上遣副都統郎談公彭春等率兵往打虎兒索倫聲言捕鹿以覘其情形將行諭曰羅利犯我黑龍江一帶侵擾虞人戕害居民昔發兵進討未獲窮除歷年已久近聞蔓延益甚過牛滿恒滾諸處至赫哲飛牙喀虞人住所殺掠不已爾等此行除自京遣往參領侍衛護軍外令畢力克圖等五台吉率科爾沁兵百人甯古塔副都統薩布素等率烏喇甯古塔兵八十人至打虎兒索倫一面遣人赴尼布潮諭以捕鹿之故一面詳視陸路近遠沿黑龍江行圍徑薄雅克薩城下勘其居址形勢度羅利斷不敢出戰若以食物來饋其受而量答之萬一出戰姑勿交鋒但率眾引還朕別有區畫爾等還時須詳視自黑龍江至額蘇里丹行水路及已至額蘇里其路直通甯古塔

東華錄

康熙三十

五

者更擇隨行之參領侍衛同薩布素往視之賜郎談彭春 御衣弓矢隨行者亦量加賞賚○子故刑部右侍郎加禮部尚書銜葉方藹祭葬加祭一次諡文敏○以胡戴仁爲廣東按察使由湖廣○辛卯諭講官牛紐陳廷敬大學士馮溥效力有年請老歸里今特賜詩一章適志東山篆章一方墨刻一冊爾等傳諭朕意朕聞山東之仕於朝者大小固結彼此援引凡有涉於己私之事不願國家往往造爲議論彼倡此和務使有濟於私而後已又聞其居鄉多擾害地方朕皆稔知其弊馮溥久在禁密之地歸里後可教訓子孫務爲安靜故大學士衛周祚居鄉謹厚在閭里中若未嘗任顯秩者必如此人方副朕優禮之意爾等偕侍衛二格往宣朕旨○壬寅禮部議覆欽天監治理厯法南懷仁奏新法照各省北極之高度另有推算日月交食表名爲九十度表惟盛京無本地

之表今春隨 駕測得盛京北極之高較京都多二度應照各省製九十度表以憑推算從之○福建總督姚啟聖奏閩省有綠旗兵又有漢軍甲兵進取臺灣防守地方業已足用大兵似宜撤回上命將軍喇哈達等盡率福建大兵還京師○刑部題逆賊譚宏案內譚天倫等九人應即伏法得旨逆賊之子弟應照定例正法但其中有身與其事行惡者亦有無知牽累者若概置於法尙覺可憫譚天倫既係譚宏之子可即正法陳樸等八人乃無知連累俱從寬免死撥與盛京披甲新滿洲為奴○是月免直隸元城廣宗等十八縣旱災賦

九月乙巳朔諭內閣王進寶趙良棟當逆賊竊據漢中四川等處地方悉力固守在外領兵諸將咸以恢復為難因特遣學士禧佛馳往傳諭從來漢將所轄地方猝有變亂即用漢兵戡定原無待東華錄 康熙三十 六

借力於滿兵之事爾等皆封疆大臣久歷戎行應各率所隸部曲將士相機進取時趙良棟既首先倡議應行恢復隨允趙良棟議剋期進剿於是二人協力克取漢中王進寶自蘭州失守遂率兵乘筏渡河恢復蘭州鞏昌等處勦禦賊寇所向奏功及同取漢中之後二人意見不合嫌隙漸生遂爾分路進兵趙良棟直取成都王進寶恢復保甯若成都不下雖攻保甯未易即拔若保甯未克則雖下成都難以固守勢必復退是伊等二人功績俱著封疆使能公爾忘私和衷共濟即統士卒乘勝長驅則滇黔賊寇可以計日殄滅何復遷延歲月遲至一二年之久耶且二人既克成都保甯賊眾膽落遂悉其精銳入川抗拒雖中路空虛大兵得乘機進取沅州鎮遠貴陽等處而川中賊勢復張已恢之疆土幾至再陷此皆由不能和衷之所致也二人賦性鹵莽不諳大體各懷私忿

互相攻訐屢奏求勝交圖陷害朕當二人訐奏之初即已洞悉情事念二人功績並茂惟欲保全絕無深究之意且一切投誠人員有免其前罪者有仍加錄用者况似此建功之臣耶今二人俱至京師如欲治罪何難逮問重處但朕意終以保全為念特將二人互訐奏章俱行發還概不究問其遲於救援失陷地方關繫軍機等事者仍照例察議此非為二人調解朕深維國家大體務欲保護勞臣用全終始故茲申諭自今以往其洗心滌慮各改前愆消釋私嫌共矢忠盡以副朕優待功臣至意且傳集議政王大臣九卿詹事科道等官先行宣示然後傳諭○戊申賜蔡升元等一百七十六人進士及第出身有差○已酉諭福建將軍佟國瑤國家設立督撫提鎮原以為民向來駐防鎮江杭州福建等處漢軍官兵皆恣意妄為侵占廬市擅放私債多買人口如哈喇庫諾邁等東華錄 康熙三十 七

止知營私罔遵法紀買人至盈千百此等匪人用之何益昔孟喬芳總督陝西李率泰總督福建時能潔己奉公愛民恤士秦閩人至今思之爾到地方宜恪遵國憲安戢兵民毋負朕委任至意○甲寅 上幸南苑行圍○京師地震○大理寺司務趙時楫奏皇上宵旰精勤命部院全班奏事日集午門兢兢業業咨做誠太平萬世之基但諸臣每夜三更早起朝氣耗傷未免日間辦事反難精密不若分班啟奏俾其精神遞相節養至於官員中有居住僻遠者有拮据輿馬者有徒行策蹇者及抱病勉行者或令滿漢正佐輪流或將朝期比前量為增益以立不刊之典且 聖躬亦宜節勞平日本章但須封進其緊要事宜必須面陳者分班啟奏得旨著九卿詹事科道會議具奏○己未 上自南苑幸玉泉山駐驛○議政王大臣等議覆綏遠將軍雲南貴州總督蔡毓榮奏中甸

在金沙江之外舊係麗江土府所轄從未安兵設汛自吳逆謀叛將地方割與蒙番爲交好之計通商互市今互市雖經禁止而蒙番所設喇嘛營官尙未撤回欲設兵撥防必驅其人復其地而後可據土知府木堯議稱願遣土人進藏致書達賴喇嘛宣示皇上德威說令歸還原地且藉此往回之閒寢彼番目前之狡謀備我師進取之實計應如所請遣土人宣示令歸還中甸地方再行奏聞從之○壬戌諭大學士等自用兵以來百姓供應煩苦朕前屢言俟天下蕩平將錢糧寬免爾等可同戶部先將天下錢糧出納之數通算啟奏至陝西一省供應較他省苦累加倍錢糧尤宜寬免○癸亥巴圖爾額爾克濟農奏厄魯特時值敗壞饑餓來歸蒙 皇上帡幪之庇得居邊境不意屬下人等不知法紀妄行盜竊悔罪無及除將厄爾德尼和碩齊所掠人口追還上納外其餘竊馬人等窮困已極不能償還臣與眾屬極力捐輸共得馬百匹解送交納伏乞 聖主睿鑒又臣之屬裔貧苦無聊甯夏地方與臣相近伏懇 天恩許在甯夏貿易理藩院議應檄諭巴圖爾額爾克濟農將盜竊鄂爾多斯馬羣人等照彼例治罪缺解馬匹補償完日將巴圖爾額爾克濟農一併從重議處見解馬匹交發額爾多斯旗下其甯夏地方向無厄魯特喀爾喀貿易之例所請不准行得旨巴圖爾額爾克濟農等自本地敗奔來至邊境因不諳法紀迫於饑困盜竊牲畜等物今陳其苦情諄諄奏請可將追償缺解馬匹並議處之處俱行寬免仍移文嚴禁嗣後毋得違法妄行生事此文卽發拉篤祜轉行曉諭之○甲子大學士等遵旨議覆大理寺司務趙時楫奏部院奏事或令滿漢正佐輪流或將朝期量爲增益一疏臣等公議九卿詹事科道官員 皇上不時

東華錄

康熙三十

八

召問議事應仍令每日上朝其餘無事官員及閒散衙門官員停其每日上朝照舊一月三次上朝又查自古人君從未嘗每日親御聽政卽定期視朝亦未有甚早者今因 皇上宵旰勤勞每早聽政故啟奏官員唯恐遲誤必四五鼓趨朝難免夜行風寒之苦若 皇上於辰刻視朝則遠居大小各官黎明而入亦不致遲誤上曰朕每日聽政自不可已若定時視朝可免庶僚早起風寒之累此言亦是黃機魏象樞皆年踰七旬不堪逐日趨走故具奏乞休已經留任伊等或遇勞頓及有恙時可令報知本部免其啟奏其餘官員如有疾病不能上朝啟奏者亦著報部爾等可傳諭九卿詹事科道官員觀眾意如何再行具奏○裁廣西桂林城守營守備一千總一增泗城營副將一左右二營守備各一○乙丑大學士等奏宣諭九卿各官皆云 皇上洞悉下情慮及下僚風寒欲限時聽政卽同天地之心無不懼忭 上曰朕御朝太早各官於三四鼓趨赴朝會殊爲勞瘁自今以後朕每日御朝聽政春夏以辰初刻秋冬以辰正初刻爲期啟奏各官從容入奏九卿詹事科道原係會議官員仍每日於啟奏時齊集午門如有年力衰邁及偶患疾病俱回本衙門說明免其入奏齊集此外各衙門及部院司屬官員俱停其每日齊集著各赴本衙門辦事每月常朝仍應照舊行爾等可卽傳諭○丙寅 太宗文皇帝實錄成○安南國王嗣黎維正奏臣親兄黎維祚於乙卯年三月內違世臣俯仰輿情權理國事以中國適有外警下情難以上達茲值貢期備因陳奏得旨安南國王嗣黎維祚會進貢克效惻誠遠爾奄逝深可憫惻應得恩卹著察例議奏○戊辰諭刑部朕閱三法司會奏人命事強盜罪案甚多按律凡強盜情實務行梟示強盜情罪

東華錄

康熙三十

九

固為可惡較之反叛重案猶屬稍輕向來反叛牽連之人尙有擬死罪而不行梟示者此等關係人命大辟朕每欲得良策激清本源使遠近清平永行遵守近見光棍事案較前差少惟強盜一事常屢朕懷未能即得良法夫人非至窮迫孰肯甘為盜賊每見盜案有獲賊甚少牽連多人此類若不置之重典則匪人不知畏懼無以儆戒將來若概置重典朕心又復惻然此皆不得激清本源之道故致如此耳今如何使盜賊屏息良善獲安爾等會同三法司詳議以聞○癸酉 上以翰林院學士張英內廷供奉敬慎勤勞今告假回籍營葬伊父張秉彝命照張英見在學士品級賜卹致祭○戶部保舉關差官員蘇赫臣等辦事有才 上曰凡部院司官果能謹慎奉職方不僨事如蘇赫臣等及科臣莫羅董俱狂妄自恃雖有才幹亦無足取可另行保舉以聞○是月免浙江富東華錄

陽等十一縣所旱災江南沈陽宿遷江西甯州進賢等五州縣衛湖廣黃梅廣濟蘄州山東長山新城水災額賦有差

冬十月乙亥裁江南分守鎮江道分巡徽甯道山東分巡驛傳道陝西分守關西道關南道分巡驛傳道浙江分巡杭嚴道江西分守湖西道湖東道廣東分守嶺西道嶺東道羅定道分巡雷廉道嶺南道廣西分守蒼梧道江左道分巡桂平道江右道鬱林道四川分守督糧道貴州分守桂東道雲南分守臨元道洱海道○丁丑大學士等奏臣等遵諭同三法司會議強盜係劫掠良善為惡之徒如不置之重典則匪類無所畏懼欲求激清本源之道又無良策惟厚風俗崇節儉庶幾盜風可息得旨強盜罪案關係人命爾等會同九卿務求甯息盜賊以安良民之處詳議以聞○廣西提督趙應奎以疾乞休得旨前吳三桂叛逆時各處乘勢震動是

時趙應奎以一副將孤身堅守袁州於是眾心始定袁州係緊要城池儻或失陷江西全省恐亦難保此人功績甚大朕聞其病勢危篤深為憫惻著趙應奎子督捕理事官趙衍祥馳驛往省其父以見朕優恤至意○己卯福建提督施琅奏臣於水師營中簡精兵二萬餘戰船三百艘已足破滅海寇請令督撫趕辦糧餉給臣軍而獨任臣以討賊無拘時日臣整理舟師時加操練但遇風利即可進兵得旨進剿海寇關繫緊要著該督撫同心協力催趨糧餉勿致遲誤前姚啟聖具題功罪定例交與施琅遵行海寇固無能為鄭錦在時猶苟延抗拒鄭錦死首寇既除餘黨彼此稽疑各不相下眾皆離心乘此撲滅甚易施琅相機自行進剿極為合宜○庚辰賜王繼先等一百八人武進士及第出身有差○甲申定遠平寇大將軍貝子章泰征南大將軍都統賴塔凱旋 上率羣東華錄

臣郊勞之○乙酉勘閱河工戶部尚書伊桑阿等奏臣等奉命前往黃河將兩岸隄工逐段丈量所築隄工及減水壩等處有不堅固不合式者俱一一註明冊內聽工部查覈外查河道關繫運道民生軍需浩繁之際該督題請大修河道一勞永逸 皇上特允所請給銀二百五十一萬餘兩令其修治一切事宜俱照該督所題准行今限期已逾錢糧俱已用過見在蕭家渡決口九十餘丈宿遷沈陽等處田地淹沒黃河不歸故道本年糧艘雖已北上將來運道尙屬可虞至所修工程多有不堅固不合式之處與一勞永逸之言大不相符應將該督並監修各官交與該部從重治罪其不堅固不合式等處責令賠修得旨九卿詹事科道會議具奏伊桑阿等又奏臣等帶領崔維雅將黃河兩岸隄工並歸仁隄高家堰運河阜河等處看畢回至徐州會同河道總督靳輔公議

將崔維雅條陳二十四款隨問靳輔靳輔逐款登答兩人各執己見靳輔係專管治河之人限期已滿迄無成效其言難以再信若照崔維雅所議另行修築亦難保必能成功河道關繫重大兩人所議懸絕臣等難以定議因將崔維雅靳輔所議之處逐款對寫繕奏具題得旨九卿詹事科道會議具奏○丁亥綏遠將軍雲南貴州總督蔡毓榮奏滇省漢土交錯最稱難治自吳逆搆叛悉徵土兵濫加品秩迫我大兵深入大將軍等鼓舞招徠各照偽銜換給劄付係一時權宜今已廓清請將所給銜劄追繳各照應襲職銜量加一等服色下部議行○河道總督靳輔奏江南河道在康熙十五年以前敝壞至極蒙 皇上俯念運道關繫民生當軍興需餉之候特奮乾斷不惜正帑命臣大為修治臣欽遵竭蹶經今五年原估續估工俱次第告竣不意又有蕭家渡民隄坐陷一事東華錄 康熙三十 十一

以致黃流旁洩者十居其七仍未歸還故道此皆臣無識無才綢繆不善悔恨靡甯者也但河道全局已成十之八九止有楊家莊以下一百四十五里河身未經大通蕭家渡新決口未經堵塞見在一面繕奏估計一面設法興舉據臣之愚必可無誤乃候補布政使崔維雅將臣數年來請旨建築如許工程紛紛議拆議毀臣驚駭恐懼萬難緘默除崔維雅條議二十四款登答明白移送欽差大臣科道聽其覆旨外復念蕭家渡雖有決口而海口大關下流疏通河道腹心之患已除堵塞此口其事實易斷不宜有所更張以隳成功而釀後患得旨九卿詹事科道會同一併議奏○戊子議政王大臣九卿詹事科道等奏會議強盜分別首從一案刑部尚書郭四海奏曰 皇上好生如天故欲將強盜分別首從以寓哀矜至意諸王及臣等皆以為可行惟漢戶部尚書梁清標等以為強盜原係兇惡不良之徒若從寬典恐盜案滋多故後議諸臣再行面奏伏候 聖裁 上曰爾等後議之意若何梁清標奏曰 皇上法外施仁原屬至美之事但臣等以強盜皆係兇惡難分首從若行分別有司反得上下其手或罪果可矜 皇上聞行寬免則伊輩自感再生之恩若豫定一例則伊輩將僥倖於不死而愈恣為盜 上曰論理本無可寬第朕見每歲盜案處決甚多而究其所劫之物甚微豈盡甘於為盜或亦飢寒所迫朕心深為憐憫思立一法以弭盜源故與爾等商之耳左都御史徐元文奏曰此等古來原不待教而誅按律竊盜三次者比照強盜例處絞而強盜行劫或兩三次後發覺者甚眾今若從寬是竊盜反重於強盜矣 上曰爾等所言極是九卿出 上顧學士牛紐曰直隸各省盜案每歲處決甚多朕心不忍故止傳口諭與諸臣商議原東華錄 康熙三十 十二

河身高於岸施工甚難先是崔維雅條奏二十四款朕初覽時似有可取及覽靳輔回奏則崔維雅所奏事宜甚屬難行爾等可有定見良策否戶部尚書伊桑阿奏曰靳輔身任河工已經五六年必有確見似宜令其回京面奏再行詳議定奪 上曰此本姑留內閣俟靳輔來京爾等會同再行確議具奏○以杭艾為兵部尚書由左部○辛卯重修 太祖高皇帝實錄○纂修 三朝聖訓及平定三逆神武方略○議政王大臣等議吳丹遲延失救永甯應革去護軍統領佐領籍沒家產鞭一百不准折贖其未分家之子一併入辛者庫鄂克濟哈既失救永甯又將建昌失陷應革一等侍衛籍沒家產趙良棟應革將軍總督得旨吳丹鄂克濟哈之罪相同無甚分別吳丹所議稍過吳丹著免入辛者庫鞭責與鄂克濟哈一例定罪趙良棟首先進取漢中四川著有功績著寬免

東華錄 康熙三十 古

革職補鑾儀衛鑾儀使至趙良棟之罪不止於此伊每參人搶劫良民卻自縱兵掠民又擅責滿洲護軍若此等事深究其罪尚重但朕欲始終保全功臣故寬赦耳○壬辰 上啟鑾謁 孝陵○丙申 上謁 孝陵○丁酉調宋德宜為吏部尚書由兵部以沙澄為禮部尚書原任喀爾圖為左都御史由倉場○兵部奏議敘應升京堂刑部郎中姚儀奉有才幹素優准改武職之旨查郎中與參領對品參領既以總兵官用郎中姚儀應授為都督僉事以總兵官推用從之○是月免山東鄒平江南安東水災山西清源縣平定州旱災額賦有差

十一月丁未 上還次湯泉○發大同宣府粟賑四子部落蘇尼特饑○庚戌 上回鑾○辛亥禮部奏安南國王嗣黎維正進貢金銀器皿與本內數目缺少不符得旨外國貢獻其物本無足重

特以傾心向化誠意可嘉耳金銀器皿短少乃是細事其餘各種物件爾部亦酌減定例尋部議嗣後免其進白絹降真香白水香中黑綾香等物從之○壬子 上還宮○甲寅以李之芳為兵部尚書由浙江○命吏部侍郎覺羅沙賴以原銜管倉場侍郎事○乙卯四川巡撫杭愛奏康熙十一年分前任撫臣羅森報開墾地共五千六百一頃四十畝查係羅森希圖議敘捏報非實在開墾應徵錢糧仰請豁免部議不准得旨這捏報墾地錢糧著照該撫所題豁免○丙辰河道總督靳輔而奏蕭家渡工程至來歲正月必可告竣其餘隄工須銀一百二十萬可以全完 上曰爾從前所築決口楊家莊報完復有徐家溝徐家溝報完復有蕭家渡河道衝決爾總不能豫料今蕭家渡既築之後他處爾能保其不決乎前此既不足憑將來豈復可信河工事理重大乃民生運道所關自當始終酌算備收成效不可恃一己之見靳輔奏云總之人事未盡若人事盡則天意亦可回 上曰前崔維雅條奏等事亦有可行者否靳輔奏云所奏起夫挑濬每日用夫四十萬自各省遠來尤為不便必不可行又稱河隄以十二丈為率亦不便行河隄須因地勢高下有應十五丈者有應七八丈者豈能一概定其丈尺 上曰崔維雅所奏無可行者靳輔退 上諭大學士等靳輔胸無成算僅以口辯取給執一己之見所見甚小其何能底績大學士勒德洪等奏云誠如 聖諭 上曰海運可行與否再著九卿科道議○賜雲南陣亡把總傅應龍卹廕○戊午轉科爾坤為吏部左侍郎調禧佛為吏部右侍郎由兵部○吏部奏王輔臣雖經投誠但曾從逆受偽職應革去原有之三等精奇尼哈番不准承襲從之○命立雙忠祠於廣西祀殉難巡撫馬雄鎮傅宏烈

東華錄 康熙三十 古

○庚申大學士等同戶部尚書伊桑阿等覆奏海運事宜伊桑阿奏曰黃河運道非獨有濟漕糧卽商賈百貨皆賴此通行實國家急務在所必治至海運先需造船所需錢糧不貲而膠萊諸河停運年久諒已淤塞若從事海運又當興工開濬其費益大據臣等之意似屬難行得旨是九卿等會議尚書伊桑阿察勘河工一疏查冊開不堅固不台式隄工共一萬五千餘丈漏水隄工四千餘丈及減水壩二座不堅固之處應將河道總督靳輔卽行從重治罪但康熙二十年四月內已將靳輔革職戴罪督修且該督奏稱蕭家渡雖被衝決海口大闢下流疏通此口堵塞亦易應暫停處分將監修各官俱行革職戴罪賠修若仍踐前轍將該督並監修各官加倍從重治罪不得濫派民間限六箇月修竣得旨靳輔仍著革職戴罪督修築各官俱著革職戴罪監修勒限將蕭家渡

東華錄

康熙三十

十六

決口堵塞但河工關係重大所需錢糧浩繁若責令賠修恐致貽誤仍准動用錢糧勿得借端科派擾累小民又議崔維雅所議修築需用錢糧甚多而河道難保其必能疏濬應將崔維雅條奏二十四款毋庸議從之○裁山東沂州鎮總兵官改鎮標左營爲膠州營後營爲沂州營各設副將一前營爲臺莊營設遊擊一將右營裁去共裁遊擊二千把總各二○戊辰調庫勒納爲兵部右侍郎由刑部調○以施維翰爲浙江總督由山東○命左副都御史塞克德馬世濟督造漕船○已巳以崔維雅爲廣西布政使原任湖南○庚午 上御乾清宮講官進講夫卦畢 上顧講官曰從來君子得志猶能容小人小人得志必不肯容君子講官等奏曰誠如聖諭○壬申兵部以問取長沙軍罪口供啟奏得旨康熙十六年三月初一日長沙攻戰朕知之甚悉度其勢安親王官兵與穆

占官兵互相樹敵前穆占詣長沙於三月初一日率兵逼近長沙城池逆賊出城擺列挨牌烏槍迎敵我軍前鋒殺敗逆賊直抵城下其護軍驍騎官兵已尾隨前進彼時報知安親王官兵不暇甲胄或十或二十不成隊列隨到亟進我軍陣所去長沙城其間有一小河我軍臨戰時已被損傷在河溺水陣亡者甚多其故如此此兩路應分晰問取口供

十二月乙亥轉金鼎爲工部左侍郎以金世鑑爲工部右侍郎由內閣學士遷○以鄂哈爲刑部右侍郎由光祿寺卿遷○以李天浴爲山東巡撫原任雲南○已卯 上幸南苑行圍○庚辰議政王大臣等議原任廣西巡撫陳洪明從賊應革職立絞得旨陳洪明前赴任時朕召至乾清門奏稱臣一介草茅蒙 皇上簡任務期勉效愚誠以報知遇及粵東被陷朕尙意此人未肯從賊且彼並無父母妻子牽制之情隻身何難自拔而乃深負國恩受賊僞職又具啟與吳三桂情殊可惡理應正法姑從寬免死著流徙甯古塔籍其家○大學士等奏安親王岳樂以軍機議罪 上曰安親王遭護衛雅圖來奏將三月初一攻取長沙我兵受傷情節曾經口奏其石匣失機緣由亦未隱諱據實奏聞勒德洪明珠阿蘭泰可詣會議處將安親王並護衛雅圖傳來問明具奏○辛巳子故兵部尚書折爾肯祭葬○壬午諭兵部國家撫定寰區削平逆亂必資將士之力我 太祖 太宗訓誥戎兵申嚴紀律信賞必罰懲勸維彰其時行間將帥爭自奮勵所向奏功後因歷年既久奉行少寬人情不無怠弛朕御極以來恪守 祖宗成憲每於戎政兵機加意整飭自逆賊叛亂各路將帥統兵征勦行間功罪屢經奏報朕念我國

東華錄

康熙三十

十七

家軍法自昔嚴明稽覈殿最務從詳確頻頒詔旨炳如日星今逆

賊殄滅武功告成振旅班師正分別功罪昭示懲勸之時因思軍法固不可寬功罪自宜相抵必酌量重輕情法允協庶俾羣心悅服激厲將來凱旋大兵將帥內見在應議者有直抵雲南建立功績人員應詳察功過准其相抵雖未至雲南果立有大功亦應准抵其未至雲南及並無大功者仍照軍法處分爾部即遵諭行○兵部議覆雲南貴州總督蔡毓榮奏請禁民人及土司攜藏兵器並不許漢人將鉛硝硫磺貨與夷人應如所請得旨眾土司人等全賴弩弓長槍捕獵以為生計今概行禁止則土司俱失其生業治民惟在所司官撫綏安戢若不愛惜兵民肆其殘虐民操白挺亦可為非九卿詳議以聞○癸未九卿會議雲南貴州總督蔡毓榮條奏土司事宜諭大學士等此內土司承襲事宜似屬有理昔吳三桂未叛時構怨征討水西曾滅土司安坤其妻率所屬奔於東華錄 康熙三十 九

烏蒙地方後生子安世宗今此子尚幼朕觀平越黔西威甯大定四府土司原屬苗蠻與民不同以土司專轄方為至便又諭大兵進取雲南此土司會前來接濟著有勤勞爾等可傳出征大將軍貝子章泰都統賴塔等詢問情形來奏○以金汝祥為內閣學士由內閣侍讀學士遷○甲申戶部會同內務府議山海關外大凌河地方展拓牧場事宜 上問曰爾等所看牧地內有民田否管牧御馬侍衛馬錫奏曰圈內亦有民田 上曰民居村落若何可有墳塋否馬錫奏曰每村或十數家或二三十家共有六十餘村居住年久亦有墳塋 上曰小民居住年久邱墓已成今若圈為牧場遽令遷移必致失所朕心不忍應將民地盡行開除○子廣東殉難千總何亮卹廕○子故禮部侍郎史大成祭葬○戊子 上問大學士等達海巴克什子孫有登仕籍者否大學士明珠奏曰聞有一

孫見在鴻臚寺官其餘不知 上曰達海始作滿書大有裨於文治其子孫理應錄用爾等詢明來奏尋吏部將達海巴克什親孫參領陳布錄等十二人引見得旨陳布錄著以刑部郎中用○辛卯裁江西提督廣信總兵官仍設南瑞總兵官一○壬辰諭大學士勒德洪等國子監乃國家養育人才之所近聞司教之官不將監生嚴加約束教誨縱之游戲又其甚者開雜之徒任行出入竟以國子監為游戲之地矣爾等祭酒司業等官嚴行申飭○癸巳議政王大臣等奏安親王岳樂軍機議罪得旨和碩安親王岳樂身係主將賊自長沙出戰不能摧鋒致陣亡七十餘人骸骨未收失陷造船物件但功罪相抵從寬免革議政宗人府罰俸一年○議政王大臣等奏康親王傑書軍機議罪得旨和碩康親王傑書率領大兵前往浙江不能剿滅賊寇平定地方以慰朕懷但於杭東華錄 康熙三十 九

州金華優游駐紮數年徒費糧餉著削去軍功罰俸一年○議政王大臣等奏簡親王喇布軍機議罪得旨和碩簡親王喇布身為大將軍征勦江西不知豫為調度以致螺子山等處失利著削去王爵○江南巡撫余國柱奏江鎮道已經奉裁但地方緊要與其裁江鎮道無甯裁蘇松道以常州一郡並隸江鎮道其蘇松二郡比江安糧道帶管池太道之例令江蘇糧道帶管庶江鎮得彈壓之官蘇松無廢事之慮下部議行○子故禮部尚書管刑部尚書事郭四海祭葬諡文敏○甲午副都統郎談等自打虎兒索倫還以羅刹情形具奏諭議政王大臣等據郎談等奏攻取羅刹甚易發兵三千足矣朕意亦以為然第兵非善事宜暫停攻取調烏喇甯古塔兵一千五百並製造船艦發紅衣礮鳥槍及演習之人於黑龍江呼馬爾二處建立木城與之對壘相機舉行所需軍糧取

諸科爾沁十旗及席北烏喇之官屯約可得一萬二千石可支三年且我兵一至即行耕種不至匱乏黑龍江城距索倫村不遠五宿可到其開設一驛俟我兵將至淨溪里烏喇令索倫接濟牛羊甚有裨益如此則羅刹不得納我逋逃而彼之逋逃者且絡繹來歸自不能久存矣其命甯古塔將軍巴海副都統薩布素統兵往駐黑龍江呼馬爾○是月免直隸唐山等十一縣湖北沔陽等十州縣衛江西宜春等十縣衛所被災額賦有差○是歲朝鮮安南來貢○人丁戶口一千九百四十三萬二千七百五十三田地山蕩畦地五百五十二萬三千五百六十八頃八十四畝有奇徵銀二千六百三十三萬一千六百五十八兩有奇米豆麥六百三十四萬一千三百九十四石八斗有奇草二百二十九萬八千一百六十三束茶十五萬九千二百一十五引行鹽四百三十五萬六千一百五十引徵課銀二百七十六萬一千二百五十八兩有奇鑄錢二萬九千四百八十五萬一千四百八十有奇

東華錄

康熙三十

年

東華錄

康熙三十一

臣 王先謙敬編
臣 周濟蕃恭校

康熙二十二年癸亥春正月乙卯召大學士九卿翰詹科道等官賜上元節宴於 乾清宮宴畢諸臣謝恩出復召大學士明珠學士張玉書牛紐陳廷敬諭曰今日因上元令節特賜卿等宴以示優眷尙有馴馬內幣令於掖門外頒賜朕念諸臣中有年力衰老不能久坐者故夜漏未闌遂爾罷講恐口諭未悉朕懷茲書諭旨一道示卿等可傳諸臣知之諭曰從來君臣之分雖甚尊嚴上下之情貴相浹洽嘗觀唐宋盛時堂廉不隔以成交泰之治卿等朝夕勤勞出入奏對朕心時切嘉念今將內廄馬匹及滇中新到馬匹擇其馴良易於控御者頒賜卿等加以內紵卿等其各承受示

朕優眷之懷大學士各表裏六疋馬一疋尙書左都御史各表裏五疋馬一疋侍郎學士副都御史各表裏四疋馬一匹通政使大理寺卿詹事日講官各表裏三疋科道官各表裏二疋○己未上幸演武場閱射○壬戌敘平定察哈爾功以札魯特二等台吉根都西希布爲輔國公○癸亥以席蘭泰爲盛京禮部侍郎由通邊○左都御史徐元文奏三年大計藩臬兩司並令赴京朝覲蓋將以閭閻之利病上陳而 皇上因以鑒察其才能爲進退之地舊例藩臬入覲俱許條奏地方事宜但僅得由通政司投遞引見後即行臣請各省藩臬朝見之後即將所屬地方應行事務各具本面奏 皇上鑒其才具優劣於察吏用人之典不爲無補下部確議○丁卯以徐旭齡爲山東巡撫由左僉都御史遷○禮部尙書帥顏保以疾乞休允之○命翰林院侍讀明圖爲正使編修孫卓爲副使

東華錄

康熙三十

年

往封安南國王嗣黎維正為安南國王○己巳 上幸南苑行圍

○以平比郡王羅可鐸之子納爾都襲平郡王○先是安南國王

黎維禧故因廣西用兵未經遣祭其後王嗣黎維祚復故至是來

告哀遣翰林院侍讀郎赫為正使禮部郎中周燦為副使前往諭

祭○吏部議覆左都御史徐元文奏藩臬入覲例有條陳請敕令

面奏應如所請其代藩臬入覲道員亦照藩臬面奏條陳事宜得

旨朝覲各官面奏時令通政使司堂官引奏科道官侍班○壬申

上還宮○以四川建昌永甯夔州用兵免前年額賦○是月免

廣西平樂藤縣水災賦十之三

二月癸酉朔翰林院奏康熙二十一年起居注冊應照例會同內

閣諸臣看封貯庫 上日記注起居事迹將以垂之史冊所關甚

要或在朕前原未陳奏乃在外妄稱如何陳奏如何奉旨私自緣

東華錄 康熙三十一年 二

飾開寫送起居注館且每日止該直官二員記注或因與己相善

特美其辭與己不相善故抑其辭皆未可知起居注官能必其皆

君子乎記注冊朕不欲親閱朕所行政事即不記注其善與否自

有天下人記之爾等傳諭九卿詹事科道等官會議應作何公看

如以所無之事誣飾記注者將嚴懲焉○以喀爾圖為刑部尚書

由左都御史遷○大學士明珠等奏奉 上諭以起居注檔冊事問九卿

僉云起居注皆記載機密事宜垂諸史冊所關重大臣等不敢閱

且滿漢起居注官共二十二員直日記載俱係公同校閱凡九卿

官員所奏之事無私自繕寫送進史館記注之例如有繕寫送進

者起居注衙門必進呈 御覽方敢入冊向來定例如此得旨著

仍照舊例○乙亥議政王大臣等會議貝子章泰身領大兵在岳

州相拒未能前進坐延歲月應議罪但恢復岳州雲南等城在歸

化寺勦賊功罪相抵得旨所議章泰功罪相抵甚當其歸化寺殺

賊恢復雲南省城之功仍著議敘○丁丑調介山為禮部尚書

由吏部右○敘勦平川東逆賊功

加四川陝西總督哈占兵部尚書銜○辛巳 上御經筵○壬午

山東巡撫徐旭齡陛辭諭曰爾任言官時素稱能言凡民生利弊

言之殆盡今爾巡撫一方必實心任事言行相符斯不負朕委

任至意○癸未諭大學士等閱朝覲布按各官條奏於治民弭盜

非不鋪張累牘然如何綏戢則盜源可靖如何儲備則凶歲無饑

未見確實敷陳裨於實用惟麻爾圖所稱陝西積欠錢糧應分四

年帶徵其言頗當朕軫念陝西地方連年寇警輓運艱苦每欲蠲

除宿負以兵革未息時方需餉未及豁免冀佳育言江邊蘆田坍

塌無常應五年一丈量其在內田地原無增減請免丈量等語亦

東華錄 康熙三十一年 三

屬可行餘皆諸司瑣事若概令議覆徒煩章奏爾等於朕出巡之

後傳九卿詹事科道將各朝覲官奏疏同閱會議如有益於國計

民生者始下所司確議否則擬旨報聞足矣九卿詹事科道既全

見伊等所奏本章則將來會抵亦易知其賢否至所頒諭旨原為

察吏安民若伊等各自收藏無益其令刊刻頒發府州縣衛所使

兵民一體通知不肖官員雖欲欺檢虐民亦知所忌憚不敢恣意

以逞矣○議政王大臣等會議原任都統覺羅巴爾布因不渡江

致誤軍機擬革職立絞籍沒家產妻及未分家子編入包衣佐領

又副都統託岱宜思孝於永興河濱交戰既不能克敵又不能固

守營壘以保永興棄營奔辰州擬革職立絞籍沒家產妻及未分

家子編入包衣佐領又精奇尼哈番碩塔不守吉安棄城奔回法

應處死因前奉有免死效力之旨擬革職鞭一百籍沒家產本身

並妻及未分家子編入包衣佐領又原任尚書哈爾哈齊將突出
吉安屯割螺子山賊眾不能攻克擬立絞籍沒家產妻及未分家
子編入包衣佐領又和碩額駙華善原任左都御史多諾不行疾
救永興擬革職籍沒家產 上曰巴爾布情罪重大理宜正法但
念伊伯札布海曾勦力行開陣亡著免死發往烏喇地方託岱宜
思孝著從寬免死並碩塔發往甯古塔地方哈爾哈齊之伯王喇
嘛亦曾效力行開陣亡著從寬免死並免交內務府華善雖不疾
救永興但亦未嘗失利著革職免其籍沒多諾情罪與華善同著
依華善例處分餘依議○兵部等衙門會議原任總兵官朱衣客
不能破賊救援建昌失利敗回擬斬隨征總兵官王好文在天王
廟被賊圍困因朱衣客救兵不至糧絕失守免死枷責得旨朱衣
客著從寬免死給與該主為奴餘依議○諭大學士等察議軍罪

東華錄

康熙三十一年

四

時若將鎮守永興都統喇賽等議處似屬冤抑因係滿洲官兵故
能拒守二十餘日不分晝夜保全倒塌之城伊等尙屬有功不應
議罪又諭凡在永興地方及都統宜理布護軍統領哈克山被陷
之處所有官員兵丁俱應寬恕爾等識之○甲申 上幸五臺山
啟鑾○已丑廣西巡撫郝浴奏原任潯州府知府劉浩於逆賊孫
延齡叛時抗賊不屈全家殉難應請恩卹得旨著贈太僕寺卿廕
一子入監讀書○壬辰 上駐蹕五臺山○福建巡撫董國興以
病乞休允之○丙申 上回鑾○丁酉贈陝西殉難西安府知事
張文選衛經歷司獄周勝驥典史趙煥文官廕○是月免廣西河
池州去年蟲災賦十之二
三月丁未免福建侯官等二十六州縣逋賦○戊申 上還京師
○已酉議政王大臣等會議坤巴圖魯在軍前令其開通棧道往

救漢中違約不進雖有效力功績未足相抵仍應將其一等阿思
哈尼哈番及巴圖魯名並內大臣太子太保佐領俱革去 上曰
此巴圖魯之名 太宗文皇帝時所賜著仍留其世襲官職著留
一半革去一半又議原任護軍統領莽依圖統領大兵不能誅討
逆賊恢復地方因有效力功績可抵應籍沒家產一半革去恩詔
所得拜他喇布勒哈番 上曰莽依圖在行開頗有勞績且伊屬
下兵丁俱稱其善凡經過地方亦不擾害百姓著從寬免籍沒將
恩詔所得拜他喇布勒哈番革去○庚戌諭議政王大臣等心裕
素行懶惰屢次空班朕交與伊親兄索額圖議處乃止議罰俸一
年又法保係懶惰革職隨旗行走之人並不思效力贖罪在外校
射為樂索額圖亦不教訓且索額圖巨富通國莫及朕以其驕縱
時加戒飭並不悛改在朝諸大臣無不懼之者索額圖心裕法保

東華錄

康熙三十一年

五

科爾琨著嚴加議處具奏等議政王大臣等議覆索額圖應革去
議政大臣太子太傅內大臣佐領心裕應革去鑾儀使佐領其所
襲伯爵與應襲之人承襲法保應革去太子太保公爵不准承襲
科爾琨應鞭一百不准折贖得旨索額圖著仍留佐領心裕著仍
留伯爵罰俸一年餘依議○遣噶爾圖瓦禮祐等閱視遼河及伊
爾門河以通軍餉置伊屯口倉○議政王大臣等會議宗室公瓦
山在長沙與賊交戰不能取勝遂爾退回擬革公爵又太子太保
都統公倭赫用雲梯往攻長沙城時抵賊鹿角挨牌不能攻破遂
爾退回擬革職 上曰瓦山才具甚優況其公爵乃伊父願爾瑪
渾貝子效力年久恩賜之爵著革去宗人府右宗人從寬留其公
爵倭赫為人尙優其所襲公爵原係其祖之職即革去亦應子弟
承襲著從寬留其都統公爵革去太子太保又議原任都統覺羅

畫特在石匣地方交戰不曾收取官兵骸骨並失職位擬革職籍沒家產編入包衣佐領又原任精奇尼哈番署副都統穆承格在藤縣不能禦賊未曾收取官兵骸骨擬革職籍沒家產編入包衣佐領 上曰覺羅畫特失誤軍機甚多無甚效力之處理應依議但係覺羅編入包衣佐領為奴似屬不便著免其編入包衣佐領穆承格亦著從寬免其編入○辛亥調色赫為吏部右侍郎由京戶部○乙卯 上御乾清宮講官進講易經萃卦講章中有六二惟有中德其忠君報主之念出於至誠未嘗稍變初志故能薦賢為國而誠可格君等語 上首肯良久曰所講極是人惟不忘其初心始終克盡忠愛乃為人臣之善道講官牛紐陳廷敬等奏曰誠如 聖諭○丙辰以莽色為盛京戶部侍郎由左副都御史遷○以金鉉為福建巡撫由督補右侍郎遷○贈雲南殉難按察使李興元官廕○江東華錄 康熙三十一年 六

南江西總督于成龍等奏江蘇布政使丁思孔歷任既久因多參罰既不敢違例以入卓異之列又不敢拘例以蹈蔽賢之愆請破格獎勵得旨丁思孔供職勤慎著准為卓異○丁巳復設廣西蒼梧守道一管轄桂平梧三府右江巡道一管轄柳慶田三府○戊午議政王大臣等會議提督孫思克凡事不加詳審搖惑進剿軍心種種巧飾虛誕具奏應將三等阿思哈尼哈番及提督總兵官盡行革去 上曰孫思克身任封疆不思速滅賊寇當進兵之際種種造言搖惑軍心妄行入奏理應從重議處但聞其頗善養兵且有微勞伊所有阿思哈尼哈番及提督銜著革去仍留總兵任○辛酉復設直隸阜平縣知縣典史教諭各一○癸亥 上幸南苑行圍○調熊一瀟為督捕右侍郎由刑部調○甲子諭刑部國家設立問刑衙門期於明罰敕法弼教化民必審鞠精詳讞決平允而

後民情悅服冤抑畢伸近見爾部審理大小事件每多草率因循瞻徇舛錯全無振刷省改如聽訟之時兩造是非自應分別定案因意有偏私往往不問曲直勒令和息或偏徇原狀含糊完結以致奸頑倖免良善含冤又如入官財物奉差籍沒官員不能廉潔自持據實冊報乃恣意侵盜竟飽私囊貪黷成風警不畏罪殊非人臣奉公守法之誼至於審事官員膠執己見聽斷不公或更改口詞圖遂私意或恐嚇犯證不令直供或妄肆株連稽延日月或怠玩疏忽苟且告竣此等弊端種種難以枚舉嗣後堂司各官俱著洗心滌慮痛改前非一切刑名事務必令情法允協無枉無縱恪遵法紀持廉秉公以副委任之意又傳諭前朕知工部情弊逐一釐剔今少覺整理爾刑部弊端朕無不悉知嗣後永行改革則已儻仍因循如故將爾等弊端摘發一事毋望倖免亦毋望止於東華錄 康熙三十一年 七

罷斥已也伊等又每云身為堂官筆帖式胥吏所作弊端焉能悉知止因才力不及未能察出伊等暨禪塔海豈非筆帖式出身乎斷難以不知情弊為辭朕時加諮訪諸事尚且知覺伊等諉為不知可乎朕已洞鑒故爾申飭務將夙弊盡行除革毋忽○乙丑以雅思哈為左副都御史由甘肅布政使遷○貴州貴西道楊大觀奏貴州平大黔威四府原係永西一隅吳逆務張其功設立四府並設流知府通判經歷各四員及三鎮一協其實民少官多請將四府酌改二府其糧差各務仍設土官分掌至協鎮官兵亦行裁併量留二鎮得旨著差兵部侍郎庫勒納會同該督撫提督一併議奏○丁卯福建提督施琅奏進剿臺灣選派水陸官兵已足辦賊平陽總兵官朱天貴所部之兵似不必更留福建虛糜糧餉請發回原汛議政王大臣議如所請得旨提督施琅進剿臺灣深入海島朱

天貴及原帶官兵仍留福建在後策應聽施琅調遣○己巳諭差往貴州酌議土司事宜兵部侍郎庫勒納等曩時逆賊吳三桂見土司富厚因起兵收服之今既歸順議者往往不同或云土司係外夷即令土官管理易於行事不可遂取其地或云土司與以大職令其管理事務恐有權柄不為我節制或云我所取之地何復令彼管理仍取之為便或云設流官管理可多得錢糧朕思土司地方止有大定黔西威甯平遠四府錢糧亦不甚多今遣爾等前往務善為區處使可永遠遵行爾等即定議來覆毋得游移兩可○議政王大臣等議正黃旗蒙古都統穆占行閒情罪應即行處絞籍沒家產 上曰穆占在保甯詭稱糧米已經運到在秦州交戰時不臨陣指揮遠立觀望在辰州推諉不救永興以此坐罪固宜但伊勞績約有二百六十處他人勞績四五十處尚行抵罪伊東華錄 康熙三十一年 八 有如許勞績獨不可相抵乎這所議稍過著再議尋議覆穆占應革去都統阿達哈哈番籍沒家產妻及未分家子交內務府得旨著革職餘俱從寬免○以簡親王喇布弟雅布襲簡親王○庚午議政王大臣等會議原任正紅旗都統今升西安將軍希福與長沙出城拒敵之賊交戰失利應革去將軍及恩詔所得拜他喇布勒哈番至伊父所有二等阿達哈哈番仍令應襲之人承襲 上曰希福勞績甚多著革去拜他喇布勒哈番從寬仍留將軍及伊父二等阿達哈哈番又議鑲藍旗蒙古都統喇賽在永興時賊兵來犯尙未立營不能攻破應革去都統佐領 上曰喇賽在永興固守甚力頗有勞績為人亦優著革去佐領仍留都統○以高爾位為刑部右侍郎由奉天府尹遷

夏四月癸酉朔 上幸玉泉山○甲戌議政王大臣等議將軍噶

爾漢既聞賊信不即親統官兵赴房縣救援以功抵罪應革將軍免籍沒 上曰噶爾漢原因其人堪用簡授將軍著降五級留任○乙亥命添造京倉殿八十一座○兵部議覆左都御史禧佛奏海內大定命提鎮諸臣宜次第入覲以重閭寄 上曰在外提督總兵官等或地方緊要亦有不可離任者若俱令來朝則遠離汛地必致曠職如有應陛見者奏請候旨定奪又諭大學士等邊疆提鎮久據兵權殊非美事兵權久握心意驕縱故每致生亂常來朝見則心知敬畏如吳三桂耿精忠尙之信輩亦以不令來朝心生驕妄以致反叛此等事關係甚大況邊陲將士惟知其統轄之主不習國家法度曩者朕曾降敕於廣西將軍馬承慶馬承廕跪受其下諸人皆驚曰我將軍亦跪人耶即此觀之兵權不可令久擅也○兵部議覆貴州巡撫楊雍建奏平溪清浪鎮遠偏橋四衛東華錄 康熙三十一年 九 地土錢糧隸於湖南驛站夫馬則屬黔省以楚屬之衛弁管黔省之驛站甚為不便其平清二衛原係湖南地方應將驛馬總歸湖南驛道管轄鎮偏二衛地土錢糧歸於黔省每年夫糧馬料即在黔省撥給實為兩便從之○丁丑諭西安將軍希福陝西地方甚為緊要因爾效力行閒練習軍務特簡此任爾到西安須嚴約兵丁加意操演不得騷擾百姓督撫布按俱封疆重臣地方大吏乃有駐防防禦等官公然騎馬入伊衙門平行抗禮者大失體統儘知縣等官與爾將軍副都統平行爾等之意若何近見浙江福建將軍都統督撫彼此不睦題請坐見禮儀豈不負朕視文武一體之意乎又漢中地方必揀選精兵發往戍守不得以強壯兵丁留留本標止以疲弱者發往爾其識之○河道總督靳輔奏蕭家渡合龍大溜直下七里溝等處逐漸坍塌險汛日加應行修理共有

四十餘處並黃河之天妃壩王公隄運河之一切開座修防約需工料銀十五六萬兩查原額河道錢糧有二十六萬兩因捐除荒災止有十八萬餘兩內除夫食歲修等項止存八萬餘兩請照原額撥補務於每年三月內盡行解足則工程永固運道永通民生亦永遂矣得旨蕭家渡決口堵塞黃河大溜直下七里溝等處逐漸坍塌險工甚多關繫緊要應速行修築務令隄岸堅固不致再有衝決所需銀兩著將就近見在錢糧先行動用後以河銀補項

○戊寅議政王大臣等會議都統席卜臣副都統翁愛原任副都統擴爾昆等出兵功罪 上曰席卜臣尚有勞績翁愛同大兵平雲南亦有微勞俱革職免籍沒家產擴爾昆無甚大罪陣亡可憫著議敘又議敘固山貝子章泰功查貝子以上從無議敘之例惟信郡王勦滅察哈爾曾以功績寫入冊內頒賞應否亦遵此例請

東華錄 康熙三十一年 旨定奪 上命照例入冊賜黃金二十兩白金千兩○庚辰先是令烏喇甯古塔兵往黑龍江呼馬爾尙未啟行尋尙書伊桑阿以造船赴甯古塔 上命傳諭巴海兵抵黑龍江應駐何地其詳議以聞至是巴海等奏黑龍江呼馬爾距雅克薩城遠若駐兵兩處則勢分道阻難於防禦且過雅克薩有尼布潮等城羅剎儻水陸運糧增兵救援更難為計宜乘其積儲未備速行征勦俟造船畢度七月初旬能抵雅克薩即親統大兵直薄城下宜諭招撫否則駐紮墨克頂諸地即遣官兵與奉命赴羅剎甲士宜番馳至雅克薩宜諭兼觀其形勢若何再議進止機宜令宜番一併奏聞烏喇官兵乘往馬匹恐長途疲羸不任馳驅索倫近墨克頂宜令選肥馬五百匹送呼馬爾河口酌量給用議政王大臣等議如巴海等所請 上諭所議進征羅剎軍務殊為疏略烏喇甯古塔兵未

歷征戰不諳行陣紀律將軍巴海及副都統官兵又彼此不合巴海著留守烏喇薩布素瓦禮帖及副都統領兵前往不必投為將軍至所議七月兵到即行攻戰亦屬未可俟抵彼相度形勢奏請可進之時京城每旗精簡五十人參以軍前獲罪人員委授夸爾大參領別遣將軍由陸路直趨五旬可達我兵至冬時攻戰乃能有濟若今冬不便克取來夏令烏喇甯古塔兵仍駐彼地或令撤還至期酌行又即談言取馬蒙古不能即得可選兵部上駟苑肥馬二千匹於本年七月內豫發索倫地方牧放俟禁旅到後留其羸馬更以所備肥馬乘往其傳集即談彭春再行確議於是議政王大臣等奏 上諭深中事宜固應祇遵但前奉暫停攻取相機舉行之旨尤為切當烏喇甯古塔兵不須往墨克頂勘得黑龍江呼馬爾之間額蘇里地方可以藏船且有田隴舊迹即令大兵建

東華錄 康熙三十一年 立木城於此駐紮宜番回自羅剎再議派京師兵或撤烏喇甯古塔兵至巴海留守烏喇薩布素瓦禮帖統兵以行及豫備馬匹於索倫悉應遵旨額蘇里索倫村莊之間應設四驛令赴索倫理藩院大臣董其事從之○以拔錫為甘肅布政使由鄂○辛巳諭戶部黔省為滇南孔道地瘠民貧大兵凱旋輓輸糗糧供應人夫極其浩繁且起解吳逆家口絡繹運送不無苦累恐小民竭力供億生計艱難朕心深為憫惻所有本年秋冬及來年春季夏應徵地丁正項錢糧盡行蠲免以示朕軫恤民隱至意○癸未議政王大臣等會議署副都統雅哈喇在螺子山地方失利又屢經退卻擬革職立絞籍沒家產妻及未分家子交內務府又署副都統額思黑在永興地方不能擊敗迎拒之賊反率兵退回亦擬革職立絞籍沒家產妻及未分家子交內務府 上曰雅哈喇從寬免死其妻

子亦免交內務府所有二等阿達哈番佐領俱著革去額思黑從寬免死革去一等侍衛妻子一併交與內務府○乙酉 上幸南苑行圍○己丑禮部右侍郎富鴻基以病免○庚寅諭大學士等大凡貪生惡死人之常情朕見旗下僕婢往往輕生投河自縊必因家主責治過嚴難以度日情極勢迫使然朕心深為憫惻應如何教誡此風可絕明珠奏曰此等事往日極多蒙 皇上軫念立法禁止邇來此風較前差息至殉葬一事多屬偏迫 皇上憐其無辜再四嚴禁今亦不聞有此等事矣○辛卯添設工部滿洲主事八筆帖式十六○壬辰鑾儀使左都督趙良棟奏臣於康熙十八年四月奏請進兵不十日而取徽州十一月奏請兩路進兵不十日而取成都奉有 上諭趙良棟若不克取成都保甯如何而得若不得保甯成都如何能守是保甯成都兩路官兵功勞我

東華錄

康熙三十一

十一

皇上無不知之而部議保甯一路官兵功加十等成都一路官兵功加一等若是懸殊伏乞照例議敘又言臣於康熙二十年九月內抵滇在總督金光祖營內會議令臣進重關下營取得勝橋翌日章泰改令蔡毓榮取得勝橋而蔡毓榮之兵在重關已十四日未能取橋二十日又公議令臣破南壩之賊取雙塔臣隨於二十二夜破南壩奪玉皇閣安營二十五夜奪新橋等處賊兵見我兵扼吭人心始亂郭壯圖自縊吳世璠自盡二十九日城開此臣親率官兵不三日而奏捷者也今蔡毓榮官兵議敘加十三等而臣下官兵直入取城竟未議敘乞敕部查敘得旨著議政王大臣等會議○癸巳 上幸玉泉山○以安徽布政使龔佳育為太常寺卿○乙未以陳廷敬為禮部右侍郎由翰林院掌院學士遷○己亥議政王大臣等會議都統喇哈達自到浙江並不前進剿賊及降諭嚴

趣方進衢州閩省初定又不能攻破海澄縣賊眾功罪相抵應革去都統及恩詔所得拜他喇布勒哈番佐領其父兄之三等阿達哈哈番與應襲之人承襲 上曰喇哈達不能攻破海澄賊眾以致賊眾圍困海澄其後賴塔雖至亦不能救援情罪頗重但隨康親王平閩有功又歷任年久能勝都統職任且多有勞績從寬降五級畱都統任並所襲阿達哈番革去拜他喇布勒哈番佐領○庚子戶部議覆山西巡撫穆爾賽奏太原大同二府屬地畝荒蕪人丁逃亡無徵錢糧二萬四千四百餘兩均請蠲免應自康熙二十一年起准其豁免三年得旨依議人民逃散皆由地方巡撫以下及有司各官平日不能撫養百姓督勸力田於常平等倉不行積穀備荒以致猝遇凶年小民失業該撫以下各官本應從重處分今姑寬免著嚴飭行○是月免湖南華容平江安鄉三縣水

東華錄

康熙三十一

十一

災賦十之三 五月壬寅朔 上還宮○以柯永昇為安徽布政使由江西按察使遷張仲舉為湖南布政使由山東按察使遷何毓秀為四川按察使原任山東按察使○議政王大臣等議覆鑾儀衛使趙良棟奏攻克成都雲南省城二次功績未經優敘兩疏查趙良棟因不急敘建昌以致建昌等處陷賊功罪相抵無庸再敘其標下官兵交與兵部仍令照例議敘從之○丙午調張玉書為翰林院掌院學士由內閣學士調○左僉都御史陳汝器奏每旗應設一營操練火器 上曰所奏甚是漢軍兵丁不能騎馬者甚多每旗應設一營操練火器議政王大臣等集議以聞○戊申 上幸南苑行圍○辛亥以章欽文為江西按察使由湖北楊大鯤為山東按察使由貴州貴西道遷○癸丑以孫在豐為內閣學士由翰林院侍讀學士遷○乙卯諭大學士等部院堂官惟故慎

廉潔方可無玷厥職今觀各部侍郎內雖辦事有才而操守不足者有之應將伊等改授武職向來副都統員缺有將侍郎改授之例自後副都統缺出可將侍郎職名一併開列朕將酌而用之○丁巳改甘肅慶陽府同知為捕盜同知○辛酉刑部議覆直隸巡撫格爾古德奏凡賣身旗下之人仍居本地地方肆行詐害應盡令歸旗如有容隱者分別多寡將地方官議處 上曰朕因旗下人雜居民地倚勢妄行欺壓百姓前于成龍格爾古德陸見時俱經面諭令其嚴察究處故格爾古德有此條奏今部議分別容隱多寡以定處分條例殊為未當善良之人安處地方雖多亦不為害若兇惡之徒恃強逞勢恣行不法雖一人亦為地方之累其原有田產家口素不為害於地方者若盡令歸旗又恐致其失業其確議以聞○壬戌 上問兵部尚書杭艾曰近議行閒情罪如何杭

東華錄

康熙三十一年

西

艾奏曰大案俱已完結見今所議皆細小情罪 上曰行閒功罪

相抵難以允當即如螺子山失利人員其後效力功績應得世職者亦有之侍郎郭丕奏曰凡行閒情罪以敗績為重議處最嚴是以勞績多寡未行分晰 上曰螺子山石匣祖山頭等處較他處更甚若概行處分不加分晰似屬冤抑此後功過相抵務須妥確○甲子先是福建總督姚啟聖奏海賊劉國軒遣偽官黃學齋書至請照琉球高麗等外國例稱臣進貢不雜髮登岸應否如所請請旨定奪 上曰臺灣賊皆閩人不得與琉球高麗比如果悔罪雜髮歸誠該督撫等遴選賢能官前往招撫或賊聞知大兵進剿計圖緩兵亦未可料其審察確實儻機有可乘可令提督即遵前旨進兵至是姚啟聖奏遣福州副將黃朝用往諭劉國軒等仍如前言 上乃趣施琅速進兵

六月乙亥子故盛京禮部侍郎哈爾松阿祭葬○丁丑 上幸內庫賜大學士勒德洪明珠李蔚王熙黃機吳正治金杯盤各一副段各二疋紗各三疋學士薩海等段各二疋紗各一疋詹事沈荃等段各一疋內閣侍讀蒼柱等紗各一疋○工部議覆河道總督靳輔奏康熙二十一年以前江南決口未堵上流不至壅滯今決口全堵除減水壩之外更無旁洩之途江南運道費如許金錢甫有頭緒若河南亦有疏失則前功盡棄其開封歸德兩府隄工通長一千餘里或照往例撥歲修人夫興築或照近例動帑金興築查前經原任河撫佟鳳彩具題停止派夫今應動河庫錢糧修理總河豫撫會同詳定務須修築堅固得旨河工關係緊要蕭家渡決口築塞方完河南隄岸工程專令河南巡撫暫行署理如有應會同總河事情仍移文商權勿致貽誤○戊寅調伊桑阿為吏部

東華錄

康熙三十一年

五

尚書由戶部調○庚辰議政王大臣等遵旨議覆開散宗室十五歲以

上及未滿歲數無父幼子俱給以拖沙喇哈番俸至革職開散宗室俱不准給內革退微職章京等或貧不能度日聽其具呈宗人府察明具奏月給銀四兩從之○癸未 上奉 太皇太后出古北口避暑啟鑾○調杭艾為戶部尚書由兵部調○以廣東嶺東守道事務歸併嶺東巡道改為惠潮道嶺南巡道事務歸併南韶巡道改為廣南韶道併肇高廉三府羅定一州於嶺西巡道改為分巡肇高廉羅道併雷州一府於瓊州道改為分巡雷瓊道○甲午禮部侍郎吳努春以買良為奴復行掠死革職並劾佐領○是月免江西萍鄉旱災賦 閏六月戊申兵部議覆綏遠將軍雲南貴州總督蔡毓榮題參湖廣總督董衛國不聽調度任意抗違貽誤軍機應行議罪但董衛

國奉 上指授從鎮遠間道前進殺賊恢復鎮遠府應免議 上
曰軍機最要不容稍緩董衛國能遵指授勦殺賊寇恢復鎮遠甚
為可嘉蔡毓榮何用題參且自恢復黔省以後蔡毓榮亦無甚勞
績董衛國勞績甚多此直蔡毓榮妬董衛國之功故耳蔡毓榮董
衛國俱係敵體大臣而以不聽調度違誤軍機題參軍令至嚴若
罪坐董衛國必罹重罰陷人於死反坐自有定例著另議尋部議
降二級得旨蔡毓榮著削去所加五級○己酉予故內閣學士達
岱祭葬○甲寅以安世鼎為江西巡撫原任○戊午福建總督姚啟
聖奏報提督施琅進剿臺灣克取澎湖○庚申諭刑部人命關繫
重大凡見審人犯自應早取口供速行完結庶不致無辜久禁囹
圄淹滯斃命其中有應行詳審及等候質對者或暫行監候或羈
禁各門該管官員亦當嚴加稽察不時照管毋令獄卒及守門人

東華錄 康熙三十一年 六

等借端需索恣行陵虐且各犯雖有應得之罪若未死於法先死
於獄既非憲典亦干天和朕心尤為不忍向來在外各衙門審理
人犯或係監斃或在路物故凡一起內至三人以上者定有處分
之例今思內外刑獄事屬一體嗣後在內各衙門及各門監禁人
犯一起至斃幾人以上者作何處分九卿詹事科道詳議定例具
奏○癸亥諭大學士等一切政事皆國計民生所關最為重大必
處置極當乃獲實效朕每詳覽章奏內有所疑或折五六本七八
本咨詢爾等者務欲得至當耳今爾等不各以所見直陳一切附
會迎合朕意則於事何益朕從來不憚改過惟善是從即於乾清
聽政時雖朕意已定之事但視何人之言為是朕即擇而行之此
爾等所共知也堅執己見獨持議論之人朕素所不悅觀今之大
臣甚不如昔之大臣今之政事亦甚不如昔日部院無事無弊大

臣無人無私外間之弊較內更多朕知之久矣欲嚴治之則其人
甚多難於盡處所以朕數年來屢下嚴旨加意剔釐今雖較前差
善而弊常未除且部院堂官止圖己身安逸辦事不勤堂官推諉
司官司官推諉筆帖式早歸私家詭稱終日在署此何理也阿蘭
泰奏曰臣等蒙 皇上拔用惟是識見淺陋不達事體如果確有
所見敢不陳諸 皇上之前 上曰爾等俱自筆帖式遞遞為大
僚云不達事體可乎但恐開罪於人故緘默不言耳聞爾衙門滿
洲大學士等每當票擬及與學士議事時某某如此票擬某某如
此持論惟恐爾衙門中書輩漏洩致部院大臣懷憾漢大臣亦然
內閣最為機要之地爾等亦議政之臣宜各抒胸臆直言無隱但
求事當於理互相商酌即小有得失亦復何傷朕焉有因議事而
加罪者乎且人資稟不齊不可云事事盡知此人所知而彼不知

東華錄 康熙三十一年 七

者有之彼所不知而此或知者亦有之譬如京官不知外州縣之
事八旗人員惟知本旗之事不知別旗之事必云彼盡知之己所
知者置而不言不可也爾等其益勉之○以白應科為雲南按察
使由陝西調○甲子 上奉 皇太后駐蹕拜察○己巳以王定
國為湖廣布政使由安徽按察使遷○福建水師提督施琅奏報臺灣逆
賊劉國軒知臣等將乘南風進剿傾巢而來堅守澎湖凡沿海之
處小船可以登岸者盡築短牆安置腰銃臣總統舟師於六月十
六日進發署右營遊擊藍理等以烏船首先攻敵時值潮水正發
前鋒數船被賊圍困臣親駕船衝入殺退賊艘興化鎮臣吳英繼
後夾攻焚殺偽將軍沈誠等大小賊目七十餘員賊兵三千餘名
十八日進取虎井桶盤嶼二十二日遣總兵官陳蟒魏明等領船
五十隻為奇兵直入雞籠嶼四角山夾攻又遣隨征總兵官董義

康玉等駕船五十隻為疑兵直入牛心灣牽制又將大鳥船五十
六隻居中分為八隊每隊駕船七隻各作三疊雷船八十隻為後
援臣指揮督率直進撲勦賊船齊出迎戰總兵林賢朱天貴等繼
進夾擊自辰至申我師奮不顧身勦力殺賊擊沈大小賊船一百
九十四隻焚殺偽官三百餘員賊兵一萬二千有奇劉國軒力不
能支乘快船從吼門潛遁偽將軍楊德等一百六十五員率賊兵
四千八百餘名倒戈投降是役也以七日夜破數十年盤踞之賊
抵滬之後海不揚波進師之時潮漲四尺以佐成功此皆 皇上
天威所致至各將士勦力用命督臣姚啟聖親來廈門餉運不置
併請議敘又總兵官朱天貴遊擊趙邦試陣亡亦請優卹得旨據
奏總統舟師分配將士將年久盤踞海逆深入進勦屢次擊敗賊
眾斬殺甚多燒毀打沈賊船克取澎湖招降偽官兵丁得獲確位
東華錄 康熙三十一年

等項具見卿籌畫周詳調度有方官兵奮勇攻拔海洋險要重地
深為可嘉在事有功人員從優議敘姚啟聖親至廈門彈壓殫心
催餉糧運鼓勵將士克奏捷功亦從優敘朱天貴等從優議卹

東華錄

臣王先謙敬

臣周潤蕃恭校

秋七月庚午朔 上奉 太皇太后自拜察回鑾○辛未 上召
科爾沁達爾漢親王額駙班第阿祿科爾沁多羅郡王額駙色楞
翁牛特多羅杜楞郡王畢禮袞達賴喇沁多羅杜楞郡王札什
及公台吉官兵等諭曰人生以道理為重人為情慾所牽恣意妄
為以致喪身者皆由不明道理故耳朕見其無知陷罪甚為惻惻
即今阿祿科爾沁翁牛特二旗盜賊甚眾為盜賊而致富者能有
幾人身受惡名被獲則死凡貧富皆由天命遵理妄求能必得乎
爾等若遵法守分有一二牲畜者擇水草善地畜牧能耕田者勤
於耕種則各得生理天亦佑之如此豈不善乎儻有貧困至極無
東華錄 康熙三十二年

以聊生者該管之主宜加撫恤使之得所坐視其迫於飢寒以致
離散爾等之心何安朕本內外一視並無分別爾外國遇年歲荒
歉朕即運糧米賑濟或有困乏即賜牲畜段匹無非慮爾等失所
之意況此番巡幸爾等或有過犯朕並不執法治罪且頻加賞賚
優待爾等於此可見嗣後爾等宜遵守教諭革除惡習以副朕好
生之意額駙班第等奏曰 皇上憐憫訓誡臣等惟有銘刻肺腑
竭力遵行眾官兵俱鼓舞踴躍合詞奏曰 皇上聖明於我等生
理歷歷洞悉此後我等當盡改前非共遵國法以無負 皇上聖
心也○己卯 上奏 皇太后書曰臣隨侍 聖祖母臨幸烏喇
岱興安拜察地方朝夕欣奉 慈顏今已回鑾將至京師但還宮
日期未便豫定凡所經過皆大山茂林並無土產佳物惟畋獵所
獲鹿尾鹿脯因時當盛暑醃曬成乾曾經進奉未知到日其味何

如蒙加餐否臣自拜違漸及兩月欲表思念 聖母之心將臣鳥槍所得鹿尾親手法製併揀榛令坐塘筆帖式等馳送伏冀垂鑒少賜七著○甲申理藩院奏鄂爾多斯貝勒松阿喇布等報稱厄魯特巴圖爾濟農於黃河崖駐牧議遣司官二員諭使歸部 上諭學士等此事朕知其故初厄魯特鄂齊爾圖汗為噶爾丹博碩克圖所殺其國被奪其子衮布喇卜坦其姪巴圖爾濟農敗遁求達賴喇嘛指授所居之處達賴喇嘛令衮布喇卜坦住居阿喇克山自此遂居彼地先是巴圖爾濟農於我國邊界緣邊駐牧會移文噶爾丹博碩克圖言此乃爾厄魯特之人爾若收取則取之若不收取我自自有處置噶爾丹覆云且過來年俟後年收之今聞衮布喇卜坦取喀爾喀土謝圖汗之女為妻兩處互相犄角噶爾丹博碩克圖欲以兵向衮布喇卜坦巴圖爾濟農則恐喀爾喀土謝圖汗躡其後欲以兵向喀爾喀則恐衮布喇卜坦等躡其後蓋斷不能收取巴圖爾濟農者也且噶爾丹眾最貧苦有一馬者即稱為富饒勢必內生變亂此事暫留俟回京再奏○戊子以盧崇興為安徽按察使由湖北武○壬辰 皇子生周歲薨未命名○癸巳廣西巡撫郝浴奏投誠安南國都統使莫敬光等併帶來家眷先經奉旨發回安南國安插除莫敬光續經病故族眷百姓陸續逃故外共計三百五十名口於本年五月二十四日押出南關交該國差員申公才等領回安插下部知之○甲午 上奉 太皇太后還京師○乙未以薩海為禮部右侍郎由內閣學士遷○吏部奏正一真人張繼宗奏請恩詔誥命及父母祭葬查正一真人故從無賜卹致祭之例應不准行其恩詔誥命應如所請得旨張繼宗見號真人即著照所襲銜名給與誥命一切僧道原不可過於優崇

若一時優崇日後漸加縱肆或別致妄為爾等識之○丙申海逆鄭克塽遣偽官鄭平英等齎降表至提督施琅軍前總督姚啟聖轉奏請頒赦招撫 上命撰敕發姚啟聖同施琅酌行敕曰 皇帝敕諭鄭克塽劉國軒馮錫范等帝王撫御寰區仁覆無外即海隅日出之邦無不欲其咸登衽席共享昇平爾祖父自明季以來出沒海洋盤踞嶼本朝定閩之後爾祖鄭成功竊據一隅甘外王化以及爾父鄭錦苟延歲月假息偷生勾引奸徒窺伺內地屢經剿撫仍執迷不悟頑梗怙終至爾年方童穉惑於黨類之言妄思效爾前人竄伏臺灣恃為窟穴倚險負固飄突靡常以致沿海地方里閭不甯時遭兵燹之厄朕念中外兵民皆屬赤子何忍聽其久罹兵災不加拯救故特命提督施琅選將練兵整飭戰艦揚帆進剿直入大洋旋據奏報已克澎湖爾抗拒大兵者殲滅殆盡餘眾敗遁臺灣目今舟師進剿指日蕩平近據總督姚啟聖奏爾等具奏請降又據來使呈乞恩赦朕體 上天好生之心薄海內外率俾安全特頒敕旨前往開諭爾等果能悔過投誠傾心向化率所屬偽官軍民人等悉行登岸將爾等從前抗違之罪盡行赦免仍從優敘錄加恩安插務令得所煌煌諭旨炳如日星朕不食言儻仍懷疑畏猶豫遷延大兵一至難免鋒鏑之危傾滅身家噬臍莫及爾等其審圖順逆善計保全以副朕宥罪施仁至意○丁酉贈澎湖陣亡左都督平陽總兵官朱天貴太子少保准一子為廕生○戊戌以麻爾圖為內閣學士由陝西布政使遷○出使厄魯特內大臣奇塔特等還奏臣等於十二月二十八日至噶爾丹所居帷幕噶爾丹跪受敕書及賞賚諸物隨請 皇上起居臣等答曰 皇上萬安既坐噶爾丹問曰聞中國有寇賊今已平定信乎臣等

答曰比年曾有寇盜竊發我 皇上仁慈恐用兵擾民故漸次收服者有之剿滅者有之今已盡皆底定矣正月初九日臣等召其車臣寨桑吳爾占扎卜以部發查訊厄爾德尼和碩齊巴圖爾額爾克濟農之文授之曰此項事情先已檄行兩次並無回文故因我等此來之便令定議如厄爾德尼和碩齊巴圖爾額爾克濟農係爾屬下人當限日收捕照例治罪齎贖送部若非爾屬下人或不能收捕我朝另有裁奪車臣寨桑等來覆曰我汗言前所行兩檄第以為部文所以未答既係 聖旨敢不以覆厄爾德尼和碩齊巴圖爾額爾克濟農皆我所屬此二人已歸達賴喇嘛我當遣人往召之儻如命而至我治其罪若復他遁則無如彼何也臣等令彼約期以丑年四月臣等曰厄爾德尼和碩齊等向來邊境作亂但念汝等職貢年久所以姑待今約期遠其聞未必不又作

東華錄

康熙三十二

四

亂也彼稱噶爾丹之言曰其聞或又作亂惟 上處分臣等又問

去年七月有稱為汝汗之姪丹津鄂木布之使者並無符驗前來進貢汝處何項人等給之符驗何項人等不給符驗彼復稱噶爾丹之言曰我遣使請安進貢必有印文至我屬下之人各處貿易潛至中國冒稱我使亦未可定自今以後我若遣使當用印文開註年月日期正月二十七日臣等起行噶爾丹博碩克圖汗遣其額爾克格隆察漢溫卜盆楚克等四人貢馬四百匹橐駝六十頭貂皮三百銀鼠五百狝狝孫皮三張沙狐皮一百黃狐皮二十活雕一隻貼金牛皮五張厄魯特烏槍四桿隨臣等來謝恩奇塔特等又疏奏曰臣等去年十二月初至噶爾丹地方有歸化城都統古睦德所屬班達爾善之子巴朗來投臣等告曰我 康熙十八年正月自歸化城歸途遇厄魯特所使阿卜都拉額 兇寨桑同

入貢之格楚爾者將我細綽帶至此地今聞大人至此特來相投臣等召其車臣寨桑等問之車臣寨桑來覆我汗言我國一切罪犯從無殺之之例可罰格楚爾以五十九牲畜乞諸大人稍候帶歸臣等言我等奉差頒恩賞而來並非來取罰贖不便等候俟有貢使之便將罰贖附解得旨令議政王大臣等逐一詳議尋議政王大臣等議噶爾丹博碩克圖汗累代進貢往來通好今將敕書賞物照彼蒙古禮接受恭請 聖安又稱嗣後遣使俱給用印符驗填註年月日期應無庸議其厄爾德尼和碩齊等事約以丑年四月為期約期之內如仍復作亂悉聽 皇上處分應俟所期之年再議攜回之巴朗交都統古睦德其格楚爾應俟彼國例治罪將罰贖牲畜解送到日所司再議從之○己亥工部議覆總河靳輔大修清水潭蕭家渡等口並歲修工程共二十八本奏銷錢

東華錄

康熙三十二

五

糧 上曰河道關繫國計民生最為緊要前見靳輔為人似乎輕

躁恐其難以成功今聞河流得歸故道深為可喜以後宜嚴加勅諭勿致疏防方為盡善其各本俱依議○是月免甘肅靖遠衛旱災額賦

八月庚子朔諭大學士等近觀厄魯特噶爾丹博碩克圖來使較前漸多每一次常至數百人聞其沿途遇邊外游牧蒙古肆行擾害外國之人若行痛懲又恐失柔遠之意彼處遣來人員當有定數不可聽其意為多寡嗣後正使頭目酌量數人令進關口其餘人等或令在張家口外或在歸化城交易事畢應即遣回此事著議政王大臣會同確議具奏○諭講官朕每旦未明求衣坐待部院奏事奏事既畢然後入講不惟遲延唇刻亦且稽誤工夫自後於未啟奏前進講方得從容議論多所發明自是講官待漏宮門

甫辨色 上已御講筵矣○辛丑諭經筵講官等經筵關繫大典自大學士以下九卿詹事科道俱侍班所講之書必君臣交做上下相成方有裨於治理向來進講俱切君身此後當兼寓訓勉臣下之意庶使諸臣皆有儆省○以圖納為內閣學士由詹事遷○壬寅諭大學士等朕觀靳輔所繪黃河圖准黃交會之處形勢頗相脗合其河北一帶與所題本章矛盾者甚多應令工部行文總河詳加繪圖送進其各省地圖應行文該地方官繪送兵部以備披覽至塞外地名或為漢語所有或為漢語所無應察明編入一統志○癸卯議政王大臣等會議內大臣奇塔特奉差頒賞蒙古擅娶寨桑之女為妻辱罵博碩克圖汗箭射引導之人乘醉刃刺其弟諸罪論死得旨奇塔特從寬免死減等發落○戊申以哈占為兵部尚書由四川陝西總督遷○己酉刑部題發掘故明廢藩墓盜案 上諭東華錄 康熙三十二 六

處從寬降三級留任罰俸一年方額革去所加級留任○壬子戶部議覆山西巡撫穆爾賽巡鹽御史馬爾漢奏前撫圖克善清查鹽丁將老少病廢盡行開報迨鹽池水患仍責鹽丁修築以致力役交困里甲包賠今通計包賠一萬七千一百餘丁銀一萬五百餘兩請行豁免從之○工部給事中許承宣奏請修葺天下學宮以崇文教從之○復廣西賑濟貧生學租銀米○先是 上以八旗貧兵養贍不給命議政王大臣等會議資生之策至是議政王大臣等議旗下兵丁貧無妻室者官給貲婚娶無房室者令八旗王以下官員人等以上有房屋四十間者分撥一間給與居住無田土者以戶部所存未分撥田土撥給並丈量王以下官員人等以上戶內田土有較原數浮溢者令存留候撥 上曰所議尚未盡善每四十間撥一間如在住室牆垣之內恐有未便或別所房屋或空地築室撥給庶不涉於強派其皇莊地土未經議及亦非公私一體之誼應令一併丈量若親王以下富戶以上有空閒園地房屋情願捐輸入官者著該部奏聞分別議敘○福建水師提督施琅奏七月十五日鄭克塽遣偽官馮錫珪等齎降表文稟詣臣軍伯馮錫范遣其弟偽副使劉國昌馮錫韓等齎降表文稟詣臣軍前請繳偽冊印率眾登岸以求安插臣隨遣侍衛吳啟爵筆帖式常在同馮錫珪等持榜示往臺灣曉諭偽官兵民驗視雜髮即令鄭克塽等繕寫降表並偽冊印一併齎送以便代奏至臺灣雖在海外地方千餘里戶口數十萬或棄或守伏候 上裁得旨海洋遠徼盡入版圖積年逋寇悉皆向化具見卿籌畫周詳剿撫並用克奏膚功朕心深為嘉悅在事有功人員該部一併從優議敘餘令議政王大臣會議以聞尋議臺灣應棄應守俟鄭克塽等率眾

登岸令侍郎蘇拜與該督撫提督會同酌議具奏從之○乙卯以席格為陝西布政使由中選○諭大學士等近見刑部事件延挨稽遲不作速完結者甚多因一人犯法遺累眾人徒受縲紲之苦朕心深為不忍凡事雖皆有限期而一遇齋戒又復扣除齋戒雖不用刑若尋常聽斷及審取口供有何不可如何速令完結犯人致苦累著九卿詹事科道會議以聞○丙辰大學士等遵旨議覆刑部事件遇齋戒日雖不動刑仍令取供定罪以便速結 上曰朕於刑部事件所以念念不忘者特以別部事件雖少遲延不過牽累一二人而已不致大害若刑部事件遲延太久則正犯暨無辜牽累者身家性命受害無窮朕念及此每為惻然其借行提兩造干證故意稽遲時日應作何立法盡除弊端著再議具奏又諭刑部不獨人命大事遲延日期即杖笞鞭責之罪亦復延挨雖都

東華錄 康熙三十二

察院及該科衙門每月稽察檔案不過虛名而已何益實事嗣後照熱審例十日內所結事件造冊奏報則事不致稽延而定罪之當否亦可盡知此等小事朕不應苛察但刑部事務漸至頽廢恐人犯無辜受害故爾頻加稽察爾等可傳諭此意令一併會議○戊午以禧佛為四川陝西總督由左都○庚申翰林院奏覆給事中許承宣奏請刊刻 御製詩文臣等詳考經史自古帝王制作煥然可紀者莫著於詩書嗣後西漢文最近古史稱孝文詔令有三代遺風唐宋明歷代各有刊刻帝王文集典例昭然我 皇上聖德神功卓越千古道統治法兼總百王而猶日御講筵學不倦睿思所及發揮理道迥出諸臣意表聞以手詔申誠羣下辭旨淵深同符典謨萬幾之餘留心著作或發為文章或形諸篇什鎔鑄六經包蘊萬象為歷代帝王所未及允宜刊刻頒布用昭典冊

之極觀文明之盛事伏乞俯允科臣之請簡發 御製詩文敕下臣衙門鳩工鑄梓頒示中外流徽億禩得旨歷代帝王詩文俱造詣精工堪以傳布朕萬幾餘暇留心經史雖聞有著作較之往代自覺未能媲美本不欲遽行刊布今既援據典例懇請勉從所議刊行○壬戌 上御乾清宮講官進講易豐卦三節彖傳講章內云驕心一生何所不至故聖人急急惕之以憂以為安者危之伏也治者亂之機也 上曰此所發明極是滿招損謙受益聖人久安長治之道止在能持滿而已牛紐等奏曰 皇上此言真保治之宏謨也○諭吏部凡職官宜論俸次升用若越次用之則倖得者必多況希圖速遷者豈安常守分之人耶○調韓世琦為四川巡撫由偏○癸亥以科爾坤為左都御史由吏部左○丙寅 皇子允禔生○丁卯 上問學士牛紐張玉書湯斌等爾所修明史

東華錄 康熙三十二

如何牛紐等奏曰嘉靖以前已纂修過半萬歷朝事迹甚多天啟朝實錄有殘缺崇禎朝無實錄今就所有邸報編纂事蹟方可分作紀傳所以萬歷以後成書較難 上曰時代既近則瞻徇易生作史昭垂永久關係甚大務宜從公論斷爾等勉之○戊辰 上幸南苑行圍○刑部等衙門遵旨議覆歷代帝王名臣先賢墳墓令地方官不時查看儻有會被發掘者量為修葺其發掘開棺見屍為首者立決為從者立絞發掘見棺為首者立絞為從者監候絞發掘未至棺槨為首者監候絞為從者充發著為令從之○福建水師提督施琅奏臣於八月十一日率領官兵自澎湖進發十三日入鹿耳門至臺灣十八日鄭克塽及偽文武官俱已薙髮宣讀敕詔鄭克塽等歡呼踊躍望闕叩頭謝恩所有鄭成功之子偽輔政公鄭聰等六人鄭錦之子鄭克塽及其弟偽恭謹侯鄭克舉

等九人偽武平侯劉國軒偽忠誠伯馮錫范等子弟及明裔朱桓等十七人並續順公下官兵家口海澄公家口俱撥船配載官兵陸續護送移入內地並移咨侍郎蘇拜及督撫聽其安插其餘偽文武各官家口見在趣令起行兵丁有願入伍及歸農者聽其自便至於江浙閩粵各省被獲男婦臣仰體 皇仁已悉令回籍其冊印劄付已次第追繳倉庫人民戶口冊籍船艘軍器俱令巡海道線一信等察收下所司知之○是月免甘肅莊浪所雹災慶陽衛安化縣旱災額賦十之三

九月庚午轉色赫為吏部左侍郎調額星格為吏部右侍郎由禮部調

○癸酉以丁思孔為偏沅巡撫由江蘇布政使遷 ○丙子轉薩海為禮部左侍郎調鄂哈為禮部右侍郎以佛倫為刑部右侍郎由內閣學士遷 ○吏部奏原任雲南府知府高顯辰同知劉崐抗逆不從被賊酷刑

東華錄 康熙三十二 十一

遣戍高顯辰服毒死劉崐在戍所始終不渝高顯辰應贈太僕寺卿廕一子入監讀書劉崐仍以原官補用從之○丁丑諭理藩院尙書阿穆瑚琄朕統一寰區無分中外凡有人民皆吾赤子惻然憐憫皆欲使各樂其居各安其業鄂羅斯國羅剎等無端犯我索倫邊疆擾害虞人肆行搶掠隱匿根特木爾等逃人過惡甚多朕不忍即遣大兵剿滅屢行曉諭令其自釋過愆速歸本地送還隱匿逃人前次所差彼使尼過來已經曉諭但羅剎尙執迷不悟反遣其部下人於飛牙喀奇勒前等處肆行焚掠又誘索倫打虎兒俄羅春之打貂人額提兒克等二十人入室盡行焚死此曹雖行曉諭藐不畏法因特遣將軍統兵駐守黑龍江呼馬爾等處不許羅剎仍前恣意妄行遇即擒殺頃者羅剎諸人經過黑龍江地方遇我將卒降其三十餘人奏至朕體好生之德未戮一人皆加象

養使各得其所今雅克薩尼布潮羅剎等若改前過將根特木爾等逃人送來急回本地則兩相無事於彼為益不淺儻猶執迷不悟留我邊疆彼時必致天討難免誅罰如路遠難歸傾心投誠者朕亦納之必加恩恤使各得其所爾院即遵旨明白具文遣招降羅剎內尼番米海羅對執書曉諭彼有何言令其回奏○戊寅諭吏部兵部向來海寇竄踞臺灣出沒島嶼窺伺內地擾害生民雖屢經剿撫餘孽猶存沿海地方烽煙時警邇者黔滇底定逆賊削平惟海外一隅尙梗王化爰以進剿方畧咨詢廷議咸謂海洋險遠風濤莫測長驅制勝難計萬全朕念海氛未靖則沿海居民勿獲休息特簡施琅為福建水師提督前往相度機宜整兵進征該提督忠勇性成韜鈴夙裕兼能洞悉海外形勢力任剋期可奏蕩平遂訓練水師整頓戰艦揚帆冒險直抵澎湖鏖戰力攻大

東華錄 康熙三十二 十二

敗賊眾克取要地立奏膚功餘眾潰遁臺灣懾服兵威乞降請命已經納土登岸聽候安插自明朝以來通誅積寇始克殄除濱海遠疆自茲甯謐此皆該提督矢心報國大展壯猷籌畫周詳布置允當建茲偉伐宜沛殊恩施琅著加授靖海將軍封為靖海侯世襲罔替以示酬庸前進剿雲南官員會各加一級兵丁賞賚一次頃因該提督所統官兵出海進剿勤勞堪念已經照雲南例加級賞賚復思官兵遠抵海疆冒險剿寇非瀕黔陸路用兵可比著再各加一級兵丁再賞賚一次以示特加優渥至意○己卯 上奉 太皇太后啟鑿幸五臺山○予故吏部尙書郝惟訥祭葬諡恭定○庚辰以席特納為內閣學士由左通政遷 ○壬午福建巡撫金鉉題參屬官七員 上諭學士等總督巡撫一到地方即題參屬員甚多及到任既久反無糾劾官員賢否必須日久體訪方能悉知

其入境即參無非欲屬員畏己之意積習相沿殊為未當爾等識之○癸未敕諭厄魯特噶爾丹聲教既一以來爾歷世相承虔修職貢聘問有年朕嘉爾盡心敬順往來不絕俱准放入邊關前此來使無多且頭目人等善於約束是以並無妄行作亂者比年爾處使來或千餘人或數千人連綿不絕沿途搶奪塞外蒙古馬匹牲畜任意放牧牲畜踐食田禾細縛平民搶掠財物妄行者甚多邊外蒙古與內地百姓非不能相拒報復止以懷遵朕之法度耳朕俯念爾等素行恭順不將若輩照內地律例究處遂至妄行殃民日以益眾用是限定數目放入邊關嗣後爾處所遣貢使有印驗者限二百名以內放入邊關其餘俱令在張家口歸化城等處貿易其向來不用爾處印驗另行納貢之厄魯特噶爾馬戴青和碩齊和碩特之博洛庫濟台吉杜爾伯特之阿爾達爾台吉圖爾東華錄 康熙三十二 主

古特之阿玉奇台吉等所遣貢使放入邊關者亦不許過二百人爾噶爾丹博碩克圖汗尙無違朕視四海一家中外一體至意敬慎遵行嗣後遣使必選賢能頭目嚴行約束若仍前沿途搶掠殃民作亂即依本朝律例傷人者以傷人之罪罪之盜劫人財物者以盜劫之罪罪之特此先行曉諭爾其知之○丁亥以王業興為四川按察使由甘肅平慶道遷○戊子 上途次遇村民負米豆等物詢之云備臨幸之用隨傳諭學士阿爾泰曰 太皇太后駕臨五臺一切應用之物皆出內帑豫備原無絲毫取給小民此所備物件何處應用可察明具奏隨詢五臺縣知縣繼晉及村民等皆云五臺地方偏僻恐 太皇太后駕到物用不敷故給價小民令豫備以待用原非出於科派 上曰因公事豫備可免究處但云知縣曾經給價未可深信今一切物用內廷既備此後 太皇太后駕

臨俱不必再行齎送可傳諭直隸山東沿途居民知之○辛卯 上自龍泉關行二十里迎 太皇太后聖駕請安畢隨行抵龍泉關 上以長城嶺雖經修治而地勢阻絕恐 鑾輿登陟維艱特赴長城嶺用輦親試每至斗峻處步履欹側不能徑上 上還奏明 太皇太后 太皇太后曰予以積誠瞻禮五臺今行至此邊爾中止予心未安明日至長城嶺如萬不能登可再酌行止於是上諭校尉及隨侍內監等務勤加演習小心扈行○壬辰 上詣 太皇太后行宮候 駕發隨行至長城嶺 上侍左右親督校尉及隨從人等前後扶行歷嶺路數盤山勢巉嶮險隘殊甚 太皇太后曰嶺路實險予及此而止積誠已盡五臺諸寺應行虔禮者 皇帝代我行之猶我親詣諸佛前也 上下馬謹受 太皇太后命遂躬導 鑾輿還龍泉關仍命裕親王福全扈 太皇太后聖駕前發○諭工部明歲甲子年一切工程俱宜停止○癸巳發白金三百兩棉四百斤命山西巡撫穆爾賽分給所過地方貧民○甲午 上承 太皇太后慈諭代禮諸寺○乙未 上回鑾駐龍泉關○戶部議覆羅利歸順人機里郭禮等應交與正白旗編入佐領下 上曰羅利歸順人頗多應令編為一佐領令其彼此相依庶有資藉○是月免山東新城縣水災賦之十三免甯夏平羅所水坍田賦

冬十月己亥 上奉 太皇太后回鑾○于澎湖陣亡平陽總兵官左都督贈太子少保朱天貴祭葬諡忠壯○丙午 上奉 太皇太后還京師○丁未九卿詹事科道以海寇底定請加 尊號 上曰加上尊號典禮甚大臺灣屬海外地方無甚關繫因從未向化肆行騷擾濱海居民訖無甯日故興師進剿即臺灣未順亦

不足為治道之闕朕觀古來史冊盛世無屢赦之事此時雖頒赦
加恩小民未必均霑實惠治天下之道但求平易宜民而已何用
矜張粉飾且吳三桂剿滅後頒赦未久今又以昇平行赦殊覺太
煩但願以平治之道圖久安長治不願煩擾多事可將此意傳諭
九卿科道詹事知之尋大學士奏臣等遵旨傳諭諸臣言臺
灣雖在海外乃海賊歷年占踞憑恃其險侵擾沿海居民今皇
上指授廟略剿撫兼施海賊遂爾嚮化 皇上威德加於海外自
古以來未有能及臣等非不知 皇上以易簡之道治天下不尚
粉飾惟 皇上功德實越古昔帝王非加上 尊號無以慰臣民
仰戴之願 上曰海賊乃癘疥之疾臺灣僅彈丸之地得之無所
加不得無所損若上 尊號頒恩詔即入於矜張粉飾矣不必行
○戊申 皇子允禔生○子殉難陝西經略武英殿大學士莫洛
東華錄 康熙三十二 古
祭葬諡忠愍○以張欽文為江蘇布政使由江西按察使遷○己酉以施
天裔為廣西巡撫由山東布政使遷○辛亥 上御懋勤殿召大學士學
士等入酌定在京秋審情實重犯 上取各犯罪案逐一親閱再
三詳審其情罪斷無可恕者始定情實又諭人命事關重大故召
爾等入內殿共相商酌情有可原即開生路以事繁時久賜諸臣
飯○以張汧為貴州按察使由陝西按察使遷○甲寅調庫勒納為戶部右
侍郎以阿爾泰為兵部右侍郎由內閣學士遷○乙卯調薩海為戶部左
侍郎轉鄂哈為禮部左侍郎調溫代為禮部左侍郎管右侍郎事
由督調○設奉天錦州二府屬各州縣教官一○丙辰左副都御史
吳璵丁父憂命回籍守制○鑾儀使趙良棟以病乞解任命回籍
調理病痊起用○丁巳 上幸南苑行圍○庚申吏部等衙門以
尙之信名下應入官婦女為都統賴塔帶回請取口供 上曰賴

塔自福建直抵廣東雲南係效力勤勞樹立大功之人帶回婦人
事甚微細無大關係因此遂同眾犯一同取供覺有未當如事有
牽連應取口供爾等親詢勿因取供遂以無禮加之致失朕眷顧
功臣之意○以達哈他為兵部督捕左侍郎由左通政遷○辛酉 上
御乾清宮講官進講畢 上問理學之名始於宋否張玉書奏曰
天下道理具在人心無事不有宋儒講辯更加詳密耳 上曰日
用常行無非此理自有理學名目而彼此辯論朕見言行不相符
者甚多終日講理學而所行之事全與其言背謬豈可謂之理學
若口雖不講而行事皆與道理脗合此即真理學也○以阿哈達
為內閣學士由詹事府遷○以黃元驥為山西布政使由廣西按察使遷○以孫
蘭為江西按察使由江南鹽運使遷○改宿桃同知為分管宿虹河務同
知添設同知一分管桃源河務添設睢甯縣安東縣管河縣丞各
東華錄 康熙三十二 五
一山陽縣外河縣丞一裁高家堰大使改設主簿一○乙丑福建
提督施琅奏舟山等處偽總兵有兵丁船隻在海島者俱遣人招
撫令聚集一處以杜奸宄 上曰施琅所奏招積各島船隻籌畫
周詳甚為可嘉此等見在海島船隻及偽官兵丁著施琅嚴加確
察俱行收撫務盡根株毋貽後患○命吏部侍郎杜臻等往閩粵
江浙勘沿海邊界招墾荒地復諸遷民業○丙寅禮部議覆國子
監祭酒王士正奏明代南北兩雍皆有十三經注疏二十一史刻
板今國學所藏漫漶殘缺宜及時修補至南監板請飭該督撫查
明行令學臣收貯儒學尊經閣中毋致遺失從之○丁卯 上幸
南苑行圍○以李世昌為雲南布政使由湖廣按察使遷
十一月戊辰朔湖廣總督董衛國陸辭諭曰爾在外任二十餘年
地方事宜民生利病知之已悉何待朕言第總督為一省大吏惟

以秉公奉法潔己愛民為要從前用兵之際未免騷擾閭閻今天下承平休養民力乃治道第一義何利當興何弊當革俱宜從實詳酌舉行惟時當承平而常若民生未遂民困未蘇則地方自然受福若謂地方已經甯謐不復時加體恤則所失多矣至一切事務本可速結者自應速結每見在外官員故意遲延致滋民累爾宜申飭所屬各官實心任事又在外官員行京師無不悉知爾從前在任所行朕皆洞曉爾在軍中克有勞績朕即下旨褒獎嗣後務加砥礪爾為部院官已久在京部院大臣何須結納爾行事無疵何畏人言若行失當雖結納大臣亦復何益董衛國奏曰臣惟知敬奉朝廷實不敢與諸大臣私相交結 上曰前事不必復言惟嗣後實心秉公斯為盡職耳○王申喀爾喀土謝圖汗車臣汗額爾克戴青台吉墨爾根濟農各遣子弟請安入貢並口奏

東華錄 康熙三十一年 大

云去歲蒙 皇帝諭令各牧地設立汛哨以警寇盜但我等就水草遊牧居止不定難以置哨 皇上限以何處為界請遵旨而行隨賜敕曰爾喀爾喀等向來不越爾喀爾拜瀚海之地遊牧康熙三年七月內爾等越界而來朕念亂之所生皆此之故特頒敕旨曉諭爾等部下屬眾嗣後喀爾喀間有一二違禁來近境遊牧以致逃盜紛紛不絕故令爾等設哨立界今爾等既稱就水草遷徙居止不定難以置哨請限以何地為界可停其置哨限以噶爾拜瀚海為界不得越此遊牧噶爾拜瀚海之地距我邊界有三日程其瀚海盡界之東亦離我邊境三日之地不得入內朕視天下為一體率土之人靡不撫恤我邊境地方芻牧美好朕亦知之若喀爾喀遇災旱芻草不生必不得已具奏請旨方可向內遊牧俟草生時仍回原處如不請旨擅入內地即令我邊地官兵驅逐○癸

酉先是雲南貴州總督蔡毓榮奏土司世相承襲不由選舉罔識禮義嗣後土官族屬子弟內有通曉經義志圖上進者請就郡邑一體應試至是差往區畫土司事宜侍郎庫勒納奏請如蔡毓榮言尋禮部議雲貴二省應各錄取土生二十五名其土司隸貴州者附貴陽等屬府學隸雲南者附雲南等屬府學不准科舉亦不補廩出貢從之○丁丑 上召入大學士等問曰所修明史若何李蔚奏曰草本已有大畧自萬曆以後三朝事繁而雜尚無頭緒方在參酌 上曰史書永垂後世關係甚重必據實秉公論斷得正始無偏諛之失可以傳信後世夫作文豈有一字一句不可更改者當彼此虛心互相推究即如朕所製之文亦常有斟酌更定之處今觀翰林院所撰祭文碑文亦俱不樂改易若不稍加更定恐文章一道流於偏私矣爾等將此諭傳示修史各官知之○調

東華錄 康熙三十二年 七

蘇拜為禮部右侍郎由工部調○以趙士麟為左副都御史由右通○己卯以金維藩為廣西按察使由廣東南○庚辰議政王大臣等尚之孝隨兄尚之信反叛後復投誠授以一品官職銜乃不思自效止圖安逸前赴海州久住又躲避效力奏請欲守 陵寢應革去職銜並子弟交內務府得旨尚之孝革去職銜隸旗下免交內務府○壬午以湖南布政使薛柱斗為光祿寺卿○丙戌命改雲南省平遠黔西二府為州○丁亥以巴錫為工部右侍郎由甘肅○戊子以平定海寇 上親往 孝陵祭告○庚寅 上謁 孝陵○癸巳 上巡幸邊界○改宿桃河營守備為宿虹河營守備增桃源河營守備一裁徐州北岸安東北岸山陽外河南岸千總各一增山陽雲梯關外海口千總一

十二月庚子 上還次湯泉○辛丑 上回鑾○壬寅轉陳廷敬

為禮部左侍郎以張玉書為禮部右侍郎由翰林院掌院學士遷 ○丙午九卿詹事科道議覆左都御史徐元文奏外官丁憂候代其治理公事無異常日安有方寸憤亂之時而可責以政理者請自今丁憂之官無錢糧外誤即聽奔喪至近日士大夫鮮克由禮或衰絰婚娶或喪中聽樂或易衣從吉干謁遊玩此皆薄俗傷化宜嚴行申飭查凡丁憂官無未完錢糧盜案上司勒指遲延及服中娶妻喪服未終即行釋服等類俱有定例處分嗣後若服內有此等行事令督撫科道指名題參從之 ○丁未以葉穆濟為甘肅巡撫由陝西按察使 ○刑部議覆土司陸道清同王輔臣投誠給與總兵劄付令招撫吳三桂復受吳三桂偽將軍職銜後在永甯勢迫投誠陸道清應立決妻妾子女給功臣家為奴財產入官父母祖孫兄弟流徙二千里安置得旨陸道清著即處斬其妻子財產從寬免入官

東華錄 康熙三十二 大

父母祖孫兄弟俱免流徙 ○戊申吏部議覆差往貴州料理土司事宜兵部侍郎庫勒納會同雲南貴州總督蔡毓榮奏平遠大定黔西三處原係水西宣慰司安坤所屬威甯一處原係土知府安重聖所屬自康熙四年改為四府設立流官相安已久糧差諸務從未遲誤不便復設土官從之 ○庚戌調張在豐為翰林院掌院學士由內閣調 ○癸丑議政王大臣等會議青海地方墨爾根台吉之來使賽桑和碩齊等陳奏伊車臣鄂木布戴青台吉在時曾於西甯等處效力有功懇請黃成爾灘地方遊牧應不准行 上曰墨爾根台吉之父雖邊疆效力有功但黃成爾灘乃邊內之地蒙古與民人生計不同斷不可容其遊牧邊內以啟後日釁端今止應酌量獎賞至不宜在內地遊牧緣由可諭彼知之 ○甲寅吏部奏舊例按察司員缺由布政司參政升任如無參政方以按察使司

副使升任今會推時參政副使內合例之人少難以選擇嗣後按察使員缺將參政副使參議僉事四項道員不論歷俸已滿未滿有無罰俸一體會推從之 ○乙卯日講易經解義成 御製序文頒行天下 ○禮部奏元旦筵宴事宜諭議政王大臣等元旦賜宴布設滿漢筵席甚為煩瑣每以一時宴會多殺牲畜朕心不忍自後元旦賜宴應改滿席為漢席尋命禮部詳議酌定殺核酒醴之品悉有常制 ○以王鴻緒為內閣學士由左庶子遷 ○丙辰刑部奏在獄病故罪囚四十餘人 上諭大學士等人命關繫重大無辜枉死上干天和朕念獄中犯人自作孽理固應死但恐死於非命會命御醫給與醫藥療治有疾之人聞今歲獄囚患病者甚多何故不將見給醫藥調治秋決之時尚不及四十餘人今乃病死若干人豈皆命耶朕心甚為不忍此皆該部怠忽之故爾等傳刑部

東華錄 康熙三十二 九

堂官傳朕諭旨嚴加申飭令伊等不時親自巡視仍令該管官員加意存恤無致濫斃以副朕慎重人命至意 ○諭戶部陝西西安甘肅等處前當大兵征剿之時轉輸糧糗辦運芻茭一應軍需皆取給閩里小民由陸路供億勞費繁多今既經蕩平朕心特切軫念康熙二十三年應征地丁各項錢糧著蠲免三分之一以昭朕體念民生勞苦至意又山西崞縣忻州定襄五臺代州振武衛新經地震被災頗重雖經遣官賑濟仍應量行加恩以示賑恤其被壓身故民人所有康熙二十三年應征地丁錢糧著與全免其房舍倒塌力不能修者丁銀全免地畝錢糧著免十分之四爾部速行該地方官曉諭小民務俾各霑實惠如有司官役藉端蒙混私行重徵者或經參奏或被告發將經管各官從重治罪 ○工部尚書朱之弼左都御史徐元文以會推湖廣按察使員缺所舉非人

各降三級調用○調施維翰為福建總督由浙○以布喀為陝西按察使由御史○壬戌 上幸南苑行圍○癸亥 上還宮○是歲朝鮮琉球來貢○人丁戶口一千九百五十二萬一千三百六十一田地山蕩畦地五百六十一萬五千八百三十七頃六十八畝有奇徵銀二千六百三十九萬八百四十三兩有奇米豆麥六百三十五萬二千一百七十二石有奇草二百二十九萬一千五百四束茶十五萬九千二百一十五引行鹽四百三十五萬一千三百三十三引徵課銀二百七十五萬九千八百六十七兩有奇鑄錢二萬九千四百八十五萬一千四百八十有奇

東華錄 康熙三十三年 千

東華錄 康熙三十三年

臣 王先謙敬編 臣 周澂蕃恭校

康熙三十三年甲子春正月辛巳 上幸南苑行圍○癸未 上還宮○乙酉黑龍江將軍薩布素等奏牛滿羅利抵恒滾滾同來自北海之羅利與飛牙喀戰退居河洲若不速計剿撫則赫哲飛牙喀奇勒爾人民必被殘害且恐羅利復增發前來宜乘四月冰解時即遣夸蘭大二員率官兵三百人並發紅衣礮四具令附近恒滾口飛牙喀噶克當阿等嚮導抵羅利所踞地先行招撫不即歸降則進兵剿滅如羅利聞風先遁則所發之兵即乘機安輯赫哲等處人民未經來附者亦招撫之報聞○丙戌諭刑部禪塔海自為刑部侍郎以來並無效力處每緣事降級戴罪留任仍不悛改

東華錄 康熙三十三年

盡職凡事遣大臣往審者求其得實沈上達事發覺後朕知巡撫金僞行事污濫故遣禪塔海前往嚴審乃不將金僞污濫及致死沈上達滅口之處審出妄奏縊死是實朕面質其妄禪塔海堅稱縊死是實如有別情願甘受死即此觀之雖下等司屬亦不如矣此人不行懲治則污濫者不知畏懼著將禪塔海拘禁與此事一併嚴議具奏○封安親王岳樂子袁端為多羅勒郡王多羅貝勒魯克度子魯賓為固山貝子○以杜臻為工部尚書由吏部左國柱為左都御史由江甯○丁亥福建提督靖海將軍侯施琅奏請設臺灣鎮守官弁 上問大學士等曰爾等之意若何李蔚等奏曰據提督施琅奏云臺灣有地數千里人民十萬棄之必為外國所踞奸宄之徒竄匿其間亦未可料臣以為守之便 上曰臺灣棄取所關甚大鎮守之官三年一易亦非至當之策若徙其民

人又恐失所棄而不守尤為不可爾等可會同議政王大臣九卿
詹事科道再行確議具奏尋議政王大臣議覆行令福建督撫提
鎮詳議從之○于故原任禮部左侍郎楊正中祭葬○飭內外問
刑官毋非法拷訊○壬辰命整肅朝會筵宴禮儀○以張道祥為
湖北按察使由山西雁平道遷○諭大學士等各部院司官內才具庸劣
者曾經有不時糾參之旨然參處者甚少雖有一二糾參皆係末
員其實係庸劣無能者多徇情面不行參處其狂妄好勝專恣行
事者較庸劣無能之人為害更甚各部院中有朕所明知而徇情
不參者亦有之其飭諭部院衙門各該所屬司官內有庸劣無能
妄行好勝專恣行事之員即行指名題參○乙未調陳廷敬為吏
部左侍郎管右侍郎事由禮部調○丙寅諭大學士等副都御史塞克
德自簡任以來並未見陳奏一事才具庸劣且非醇良之人可令
東華錄 康熙三十三年 二

二月己亥諭翰林院掌院學士牛鈕孫在豐翰林院乃儲養人才
之地教習庶常當以品行文章為事一切交際禮文皆宜杜絕近
聞有餽送重禮者庶常等俱甚寒苦自翰墨外不宜別有所取前
拉薩禮在時待伊等甚善所以至今有感念者至庫勒納以來交
際之風寢盛爾等宜加洗剔毋負朕簡任之意○辛丑轉佛倫為
刑部左侍郎以鄂爾多為刑部右侍郎原任○于故四川巡撫杭愛
祭葬諡勤襄○乙巳 上御經筵○諭兵部步兵看守街道巡更
司警原以防閑匪類近見凡係貴顯之人多帶僕從夜行並不緝
拏惟微賤單身行走即行緝拏勒索財物甚而向負販索取所賣
薪炭等物以致民人咨怨似此必特加究治庶幾此風可息可將
步軍統領嚴行申飭爾等亦宜不時加意巡視○轉張玉書為禮
部左侍郎以胡簡敬為禮部右侍郎由內閣學士遷○丁未以席爾達為
東華錄 康熙三十三年 三

解任朕觀部院官員懶惰者甚多一遇苦差或有稱病規避者嗣
後部院官員或病或有事故俱著註冊以憑分別勤惰今觀尚書
薩穆哈勉供職部務漸覺整理且各處工程錢糧俱得節省著
察所降之級復還又諭督撫乃封疆大臣通省民命所關 世祖
章皇帝時所用者尚屬循良逮至輔臣時自用張長庚白如梅張
自德賈漢復屈盡美韓世琦等匪人以來擾害地方以致百姓困
苦已極今之督撫較前雖覺稍愈而相沿成習尚未盡改見在浙
江湖廣總督江甯巡撫員缺最為緊要必擇賢能補授方於地方
有濟如不得其人則百姓受害不可勝言矣此三缺爾等加意詳
審務得相宜之人補授為當尋大學士等遵旨公同舉出浙江巡
撫王國安湖南巡撫王新命安徽巡撫徐國相等得旨王國安升
補浙江總督徐國相升補湖廣總督王新命調補江甯巡撫

左副都御史由太常寺卿遷○己酉以趙士麟為浙江巡撫由左副都御史遷薛
柱斗為安徽巡撫由太常寺卿遷○庚戌內閣及各部院等衙門遵旨糾
參才力不及暨狂妄行事內閣侍讀王三省等三十八員分別降
革有差○壬子以湯斌為內閣學士由左庶子遷○癸丑 上巡幸畿
甸 皇太子允祜從○甲寅諭扈從大學士等朕凡理政事務得
其當故凡部院所上奏章雖小事未有不盡心詳究者近見戶刑
二部啟奏之事最為繁冗皆錢糧刑名所關若一時不加詳閱恐
有貽誤前此奏章俱三日一送此後令兩日一送○己未以慕天
顏為湖廣巡撫原任江甯巡撫○大學士黃機以老病乞休允之○乙丑
給事中王承祖奏請巡狩燔柴泰山即過孔林觀禮器九卿等議
應准行得旨著候旨行其合行典禮察明具奏○丙寅 上還駐
南苑

三月丁卯朔裁河南衛輝府管河同知將河務歸衛輝府通判兼理添南陽府同知分轄鄧州內鄉新野浙川鎮平五州縣駐浙川專理捕務○戊辰 上還宮○諭吏部州縣官遇易結之事曠日遲延竟不完結者甚多其違限三四月者即係不能稱職應行罷斥以疏進士出身之仕路令九卿詹事科道會同確議定例具奏尋議州縣官將易結之事遲延不結除違限一月二月者照舊例處分外違限三月者降三級調用違限四月者革職再查吏部定例知縣出有十缺除推升二缺外其大選八缺進士舉人貢監選授三缺捐納人員選授五缺嗣後大選八缺議將進士選授二缺舉人貢監以知縣用者選授三缺捐納人員選授三缺庶進士仕路疏通從之○辛未浙江巡撫金鉉奏海上烏洋舟山偽將軍黃錫鵬周雲隆偽都督阮繼先率偽官百員兵四千一百餘名投誠

東華錄

康熙三十三年

四

○壬申以張可前為左副都御史由太常寺卿遷○以福建投誠偽將軍劉國軒為直隸天津總兵官○癸酉諭大學士等戶部管理各省錢糧一時難以清楚地方督撫將在庫銀兩那移私用雖云補墊及題奏時多蒙混銷算部內無從稽察百姓深受其害即今原任廣西巡撫郝浴侵欺銀至十九萬兩由此觀之天下類此者不少朕日夜思維欲清查各省錢糧訪之外任官員及督撫等皆云清出存留錢糧則別項錢糧自然清楚朕思此事一行雖在外督撫司道不無被罪實於國家有益果錢糧充足更可為加恩百姓之用今九卿會為外官者多知之必詳爾等會同詳議以聞尋大學士會同九卿等詳議具覆一凡奏銷錢糧應將存留起運逐項分晰並報部年月明白造冊毋致蒙混駁查如有駁回者將該督撫照蒙混例處分戶部司屬不行詳查亦交吏部議處一支給各省

駐防官兵綠旗官兵米豆草束除折價地方不議外如支本色地方儘本省所屬支給如有不敷照時價給發官兵自行採買如有將價值浮折具題者將該管官並督撫照例處分一各省採買米石各項從前有價值浮多者有支領並無實據者應行令該督撫清查定限一年追完如不完將經催官並督撫之督撫俱照承催不力例處分一兵馬錢糧數目有舛錯者應令各省將軍督撫提鎮各將弁印領結狀按季送部以便清查如有不符照蒙混例處分一直隸各省奏銷錢糧凡有駁查者俱令具題完結不得以咨文塞責得旨本內第一款奏銷駁回事務著照見行例行餘如議○吏部兵部刑部會議廣東查看尚之信家產侍郎宜昌阿同巡撫金僑侵蝕兵餉及入官財物又乾沒尚之信商人沈上達財賄恐後告發將沈上達謀害滅口應立斬道員王永祚等分取財物

東華錄

康熙三十三年

五

又同金僑謀死沈上達應立斬郎中朱俄託員外郎卓爾圖等應擬斬秋後處決伊等共侵銀八十九萬餘兩並財帛等物應追入官差審金僑刑部侍郎禪塔海將沈上達事不行審出及 皇上問時又稱沈上達縊死是實應擬絞秋後處決都統賴塔私取入官之人亦應從重治罪得旨金僑居官本無善狀所行貪穢罪應如是宜昌阿事有不同一例問罪稍過此係大案仍令九卿詹事科道三法司衙門議政王大臣等會議使眾知之○ 上校閱入旗文武大臣官員騎射自是日始以次幸八旗演武場○丙子正陽門外民居火 上御正陽門樓遣內大臣侍衛撲滅之○癸未河南饑命有司開常平倉賑濟○丁亥諭大學士等朕前奉 太皇太后詣五臺山觀覽山川形勢一一親歷其地每臺各制碑文今錄出翻譯滿書與漢書並勒於石朕所撰碑文一時結構爾等

可與漢大學士等詳加斟酌近見漢人中有自負才高每一文出不
不容人點竄此習俗之可鄙文之所以不工也大學士明珠奏曰
聖上聖學天縱睿藻實絕出入經史臣等豈能仰窺萬一而謙
抑之懷尤爲古帝王所不及 上曰文貴於簡可施諸日用如章
奏之類亦須詳明簡要明朝典故朕所悉知其奏疏多用排偶蕪
詞甚或一二千言每積滿几案人主詎能盡覽勢必委之中官中
官復委於門客此輩何知文義謬舛必多奸弊叢生事權旁落此
皆文字冗穢以至此極也又諭爾等所修之書往日告成呈覽朕
萬幾之餘講求經史無多暇晷而書成盈帙堆積几案一時亟於
披閱未得從容研索體驗於身心政事今聞明史將次告成若將
已成者以次呈覽亦可徐徐緝閱考鏡得失不致遺漏○江甯巡
撫余國柱奏 上用段疋皆係寬機織造請增設機房四十二間
東華錄 康熙三十三年 六
得旨寬大段疋亦間時所用非常用物也何爲更勞民糜費余國
柱所奏不准行○壬辰命察宗室及八旗大臣官員緣事閒廢者
量予錄用○癸巳議賑直隸河南饑延臣請開捐例不許
夏四月丁酉遣官察賑河南○天津總兵官劉國軒陛辭 上諭
臺灣地方阻聲教者六十餘年爾素懷忠誠值施琅督兵進剿首
先歸命是以特授爲總兵官以示優眷但天津地方近在畿輔與
別省不同爾宜加意撫輯使兵民相安盜賊屏迹且爾從閩海來
並無親知故舊當盡職以副朕懷又諭朕嘉爾海外倡率歸誠且
孤身遠來今當赴任殊爲可念故於常例之外賜爾白金二百兩
表裏二十疋內廢鞍馬一匹以示異數○庚子 上御乾清宮親
講亢龍有悔一節講畢顧講官等曰亢龍有悔一節何以注在不
應講之例天道人事九則有悔易中所言無非此理正宜以此爲

戒不必避忌以後繁辭講章不分應講與不應講俱以次逐節進
講論大學士等凡爲臣子必實心任事興利除弊不苟且塞責俾
衙門事一切整頓無有廢弛斯不負職業若循分碌碌因人成事
雖小有勤勞殊無足取○禁各省駐防滿洲兵於成所置田產立
墳墓○予故原任江西巡撫佟康熙年祭葬○辛丑 上幸玉泉山
○甲辰刑部尚書喀爾圖以年老乞休允之○丁未 上還宮○
戊申大學士等奏臣等遵旨傳諭六部堂官應補各處關差將才
守俱優小心謹慎之人保舉開送今六部滿漢堂官俱云若保舉
辦事有才及謹慎者尙有其人至於操守知之實難 上曰清廉
節操如何可廢凡犯貪惡之人發覺後自有應坐之罪如郝浴在
廣西居官甚好然猶侵蝕錢糧數萬魏象樞會薦過郝浴此等情
事魏象樞安能豫知即如部院堂官朕皆信其清操而委任之堂
東華錄 康熙三十三年 七
官亦信司官而委任之各衙門官員或謹慎有守或生事奔競豈
有不知者但將有守之人舉出則被舉者自能效力爾等即行傳
諭○己酉差往福建料理錢糧侍郎蘇拜會同福建督撫提督等
奏臺灣地方千餘里應設一府三縣設巡道一分轄應設總兵官
一副將二兵八千分爲水陸八營澎湖應設副將一兵二千分爲
二營每營各設遊守千把等官從之○辛亥吏部奏據陝西督撫
咨稱原任刑部主事桑阿布隨經畧莫洛出征不知下落應暫註
冊俟其事白再議得旨桑阿布於亂軍中殉難是實若註冊以俟
事情明白則何時得明即著照例議卹尋部議桑阿布應給與拖
沙喇哈番世職從之○九卿等議准工部侍郎金世鑑奏 皇上
德威遐布海外悉甯浙江沿海地方請照山東諸處見行例聽百
姓以裝載五百石以下船隻往海上貿易捕魚豫行稟明該地方

官登記姓名取具保結給發印票船頭烙號其出入令防守海口官員驗明印票點明人數至收稅之處交與該道計貨之貴賤定稅之重輕按季造冊報部至海口官兵請於温台二府戰船內各撥二十隻平定臺灣所獲哨船撥入十隻令其分泊防守巡邏從之○壬子刑部左侍郎宋文運以病乞休命加太子少保致仕○癸丑以諾敏為刑部尙書由護軍統領遷○丙辰以王國泰為安徽按察使原任○工部奏請救諭直隸河南巡撫嚴飭所屬官員閉塞衛河水口勿使旁洩以濟漕運俟漕船過完照常聽其分流 上曰漕運所關雖係甚重但直隸河南之民多資衛河水利若水口盡行閉塞不使稍溉田禾一遇旱乾瀕河之民必致艱苦又部議俟漕船過後方聽照常通流耕種自有定時如漕船過完方許溉田則田禾究竟無濟朕聽理諸事必於民生關繫之處詳悉籌度而後

東華錄

康熙三十三年

八

施行該部所議但期不誤漕運初未嘗計及民生關繫處也○庚申諭大學士等朕觀部院衙門啟奏之事雖俱有關緊然有一事而經兩部啟奏方結者有不甚緊要亦經兩部啟奏方結者即如兵部議敘軍功之事必請下吏部及至吏部乃並無用察覈之處復行啟奏如吏兵二部議敘功牌可以會同一次題覆事既不繁且經兩部詳確會議不至舛錯再議至分編佐領事戶部奏過而兵部復行題奏兩部啟奏重複委屬繁冗以後如此等事俱著兩部會同啟奏爾等可傳諭知之○壬戌轉高爾位為刑部左侍郎以馬世濟為刑部右侍郎由左副都御史遷○癸亥靖逆將軍侯甘肅提督張勇病篤 上命其子大理寺卿張雲翼馳驛同御醫前往調治○乙丑諭講官牛鈕等講章辭取達意以確切明晰為尚如本文敷衍太多則篇末未免重複大約詮次本文原在了徹聖賢意

旨而篇末該括數語又貴闡明理道務去陳言朕閱張居正尙書四書直解篇末俱精實之義無泛設之詞今後所撰詩經講章亦須體要備舉期於盡善○調王守才為通政使以吳興祖為內閣學士由內閣侍讀學士遷

五月丙寅朝諭大學士等前輔臣時有包衣佐領下一人外作善狀內懷兇惡屢經懲戒全不知改卒為強盜於通州地方被擒有包衣大赴通領糧遇見之云爾不肯悔改今事發矣因歷數其惡以鞭鞭之後鞠審時遂銜恨扳陷包衣大同為強盜其同夥盜皆云勿妄陷無罪之人其人不聽此包衣大竟坐強盜正法包衣佐領下人無不知此事者由此推之天下如此等事不少朕常以此為念凡裁決政事遇有重罪雖應死必於死中求其生路反復推詳下部再議必無疑竇然後完結此甯失出入之意也○調

東華錄

康熙三十三年

九

王國安為福建總督裁浙江總督○己巳纂修大清會典○丙子諭九卿詹事科道等御史衛執蒲奏請御門聽政或以五日或以二三日為期其意蓋欲君臣之間政事餘暇稍得休息也朕自躬親庶政宵旰弗遑念致治之道務在精勤勵始圖終勿宜有間二十餘年以來於凡用人行政事無鉅細罔不殫心籌畫早夜孜孜有如一日 郊 廟禋享必躬執祀事間有不親詣之時皆甚非得已至於內殿齋居幾微悉謹左右暫御威所稔知在朕未明求衣辨色視朝日與大小臣工率作省成用熙庶績近念爾諸臣奏事勞苦少展御門曷刻俾得從容入奏非圖便安邇年海宇敕甯政事漸簡頃復諭部院事務應得歸併者酌量合奏期於簡要清省從此民生日康刑清政肅部院章奏當不期省而自省必豫定三日五日以為奏事常期非朕始終勵精之意也○丁丑以拉篤

祐為左副都御史由通政使遷○奮威將軍平涼提督王進寶以病乞

休 上命其子太原總兵官王用子馳驛同御醫前往診視○予

故江南江西總督于成龍祭葬諡清端○己卯以黃性震為廣西

按察使由直隸肅州道遷○予故左副都御史雅思哈祭葬○庚辰添設

山東濟南城守參將一裁臨清營都司安東營守備二○辛巳諭

大學士等凡居官以清廉為要今九卿若有所知者勿論內外大

小官員俱令舉出○以張鵬為左副都御史由右通政遷○壬午戶部

奏丈量過旗下大臣官員及投充民人溢額地畝暫留原主名下

需用時再行撥給 上諭大學士等田地為民恒產已經給與者

不便復取其旗下大臣官員既有溢額之地理宜註冊俟需用時

再行撥給民地不可輕動○九卿詹事科道遵旨舉出清廉各官

直隸巡撫格爾古德吏部郎中蘇赫范承勳江南學道趙崙揚州

東華錄 康熙三十三年 十

府知府崔華兗州府知府張鵬翮靈壽縣知縣陸隴其等 上曰

格爾古德居官本好近聞患病亦甚羸弱已差御醫前往調理陸

隴其向亦聞其居官甚好今諸臣俱各稱善想當不謬但從此以

後操守不改永著清名方為真實好官這舉出各官已悉○癸未

議政王大臣等議惠郡王博翁果諾庸懦懶惰祭 地壇時未曾

患病不行齋戒應削去王爵 上命勒德洪明珠奏聞 太皇太

后尋勒德洪明珠回奏奉 太皇太后懿旨博翁果諾身膺王爵

不盡力事上彼荷誰之恩而致此其爵自應削去 上曰博翁果

諾著削去王爵○議政王大臣等遵旨議覆廣東查看尙之信家

產侍郎宜昌阿及巡撫金備等分別定罪 上曰宜昌阿金備宋

俄託卓爾圖尙之璋甯天祚王瑜等俱依擬應斬王永祚依擬應

絞俱監候秋後處決凡差往各處大臣司官所帶筆帖式必揀擇

賢能帶往苟不預事何用選為既經預事其大臣司官妄行豈可

不行阻抑有利同取有害則於中脫免非法之平且各部院私作

弊端皆起自筆帖式本內伊色碩多禮情罪可惡著改為應斬監

候秋後處決禪塔海著革職都統賴塔征勦雲南著有勞績從寬

留都統任削去加級罰俸一年案內應追銀兩不必令內務府追

取著交戶部撥充兵餉餘如議○甲申 上出古北口避暑○諭

戶部民間田地久已有旨永停圈占其部存地畝分撥時或不肖

人員借端擾害百姓圈占民人良田以不堪地畝抵換或地方豪

強隱占存部良田妄指民人地畝撥給殊為可惡直隸巡撫可嚴

察此等情弊指名糾參從重治罪○以王新命為江南江西總督

由江南○阿達哈哈番馬喇等奏臣至索倫屢行密詢羅剎情形

皆云見在雅克薩尼布潮二城各止五六百人其得以盤踞多年

東華錄 康熙三十三年 十一

者惟賴額爾古納口至雅克薩十餘處雅克薩至布爾馬大河口

十餘處築室散居耕種自給因以捕貂尼布潮田畝不登但取資

納米雅爾諸姓貢賦喀爾喀巴爾虎人時販牲畜等物至尼布潮

尼布潮人亦捕貂與之交易得以生存臣請敕喀爾喀車臣汗收

其所部附近尼布潮者兼禁止交易再請救黑龍江軍水陸並進

作攻取雅克薩狀因取其田禾則羅剎不久自困量遣輕騎勦滅

似易 上諭兵部據馬喇等奏取羅剎田禾當不久自困又侍衛

關係來奏將軍薩布素等亦以取羅剎田禾為然則羅剎盤踞雅

克薩尼布潮惟賴耕種若田禾為我所取誠難久存其令薩布素

等酌議或由陸路進或水陸並進盡刈其田禾不令收穫由陸路

進以所刈之禾投江下流水陸並進以所刈之禾船載以歸於未

進兵時先遣人傳示羅剎云爾等據我雅克薩尼布潮多歷年所

屢令撤還遷延不去且收我逃人侵我邊民今大兵水陸進剿爾其遠退以保餘生並將馬喇等奏移文車臣汗知之

六月壬寅 上駐蹕蘇貝昂阿柏爾車爾論從臣約束備從毋踐

禾苗○丁未禮部議覆冊封琉球國王使臣翰林院檢討汪楫內

閣中書林麟焜奏中山王尙貞親詣館舍懇臣等轉奏願令陪臣

子弟四人赴京受業考之史冊唐貞觀中新羅百濟俱遣子入學

琉球自明初內附洪武永樂宣德成化間琉球官生俱入監讀書

今國王尙貞遠被 皇仁傾心嚮學應准所請聽其遣陪臣子弟

入監讀書從之○庚戌扈從諸臣奏 聖駕今往牧馬地方可乘

便經過烏蘭哈達等處彼處水草甚佳獸類繁多誠為勝地但無

柴薪今 御前所用柴薪已經豫備其餘官軍宜各帶柴薪前往

上曰此非為朕一人要當為眾人計朕所需用豈至有誤惟恐

東華錄 康熙三十三年 三

官軍不能攜帶柴薪以致窘急獸類雖多眾人不免愁苦朕有何

樂即今天下偶有一方以水旱見告朕必遣官支發倉廩即行賑

濟雖邊疆海島之遙朕尙惻然加念豈於近侍官軍令其忍飢行

走乎爾等另擇有柴薪地方來奏在爾等有管軍之責亦應體恤

羣下也○甲寅暹羅國王森列拍臘照古龍拍臘馬噶陸坤司由

提呀菩挨遣陪臣坤字述烈瓦提等奉表進貢疏言貢船到虎跳

門地方官阻滯日久迨進至河下將貨物入店封鎖候部文到時

方准貿易每致毀壞乞敕諭廣省地方官嗣後貢船到虎跳門於

具報之後即放入河下俾貨物早得登岸貿易又本國採辦器用

乞諭地方官給照置辦勿致攔阻又貢使進京先遣貢船回國次

年再差船來廣省迎接 聖敕歸國得旨覽王奏航海遠來進貢

方物具見惻誠可嘉餘著議奏尋部議應如該國王所請從之○

諭副都統巴圖一等侍衛阿南達等邊外八旗蒙古與在內八旗

一體朕未嘗分別內外今朕巡行之次見其衣食常乏朕心深為

惻然著通行曉諭所過地方蒙古人等有鰥寡孤獨老病不得其

所者令其來見加恩賞賚且因其來見朕亦可以悉其生計嗣後

每日諸蒙古人等各扶老攜幼至行宮前叩首 上命其中曉事

者進見詳問年齒生理又降溫旨均賜壺飧酌量給與銀兩布疋

○乙卯 上御額爾通阿拉所設黃幄閱視馬駝牛羊牧羣諭溫

郡王延壽曰朕雖未見先代幼時好與諸故舊老臣談論得悉

祖宗興隆時所行事宜昔 太宗皇帝凡閱視牧羣令諸王親於

羣內選取良馬今朕巡幸諸王並未扈從止汝一人在側可往視

朕親乘內殿之馬選取二匹溫郡王起立即親揀馬二匹扈從

內大臣都統前鋒統領護軍統領等賜內殿馬各一匹侍衛前鋒

東華錄 康熙三十三年 三

參領護軍參領以下及八旗前鋒護軍察哈爾蒙古官軍並執事

人等各賜馬一匹內正黃旗前鋒參領西圖鑲白旗前鋒參領塔

爾代因效力行間人材壯健於常賜外各賜內殿馬一匹以獎之

○刑部尙書魏象樞罷○丁巳諭大學士等凡所貴道學者必在

身體力行見諸實事非徒託之空言今漢官內有道學之名者甚

多考其究竟言行皆背如崔蔚林之好事居鄉不善此可云道學

乎精通道學自古為難朕聞學士湯斌曾與中州孫鍾元相與講

明道學頗有實行前典試浙江操守甚善可補授江甯巡撫○庚

申以下永譽為江蘇按察使 由陝西 右道遷

臣王先謙敬編

臣周瀚蕃恭校

秋七月丙寅以教化新為廣西布政使由浙江按察使遷○己巳予故福建總督施維翰祭葬諡清惠○乙亥奉差福建廣東展界內閣學士席柱復命奏曰臣往海展界福建廣東兩省沿海居民羣集跪迎皆云我等離舊土二十餘年已無歸鄉之望幸皇上威德削平寇盜海不揚波今眾民得還故土保有家室各安生業仰戴皇仁於世世矣上曰百姓樂於沿海居住原因海上可以貿易捕魚爾等明知其故前此何以不准議行席柱奏曰海上貿易自明季以來原未曾開故不准行上曰先因海寇故海禁不開為是今海氛廓清更何所待席柱奏曰據彼處總督巡撫云臺灣金

東華錄 康熙三十四

門廈門等處雖設官兵防守但係新得之地應俟一二年後相其機宜然後再開上曰邊疆大臣當以國計民生為念向雖嚴禁其私自貿易者何嘗斷絕凡議海上貿易不行者皆總督巡撫自圖射利故也席柱奏曰皇上所諭極是上問廣東督撫何如席柱奏曰據彼處人云總督吳興祚居官頗善巡撫李士楨較前任巡撫金僑為優上曰此言最是凡居好官之後者最難勝任善名亦未易得居不肖官之後者最易勝任百姓苦前官不肖後官稍有好處即易顯出前廣東巡撫內劉秉權居官稍優至盧興祖王來任金僑品行貪劣人民甚為受累後李士楨到任稍優所以稱善即今原任總督巡撫等或有貪婪積惡者今皆覆敗於己何益謂天報甚遠可乎又問爾到江南聞原任總督于成龍居官何如席柱奏曰臣過江南人俱說于成龍居官甚清但因輕信被

屬員欺罔上曰于成龍因在直隸居官甚善朕特簡任江南總督後聞居官不及前變更素行至病故後始知其居官廉潔甚為百姓所稱或于成龍素行鯁直與之不合者挾仇讒害造作屬下欺罔等語亦未可定是不肖之徒見嫉耳居官如于成龍者有幾又問總河靳輔爾曾見否河道近日如何席柱奏曰曾見靳輔顏色憔悴河道頗好漕運無阻臣來時見宿遷地方將水分排築隄共計五隄其二隄已完三隄正在修築水盛時開閘以殺其勢令其循隄四散分流無衝決之患上曰河道關繫漕運甚為緊要前召靳輔來京時眾議皆以為宜更換朕思若另用一人則舊官離任新官推諉必致壞事所以嚴飭靳輔令其畱任限期修築今河工已成水歸故道有裨漕運商民使輕易他人必至貽悔矣學士圖納奏曰臣曾數至江南亦稍識河道形勢必順水性修理始

東華錄 康熙三十四

能有益若逆其性則不能治也上曰順水性而治此自古常談也今則不然黃河不循故道渙散流決今倒轉一百八十里令其復還故道所以為難若但順水性修治有何難哉上又問沿途田禾若何席柱奏曰福建田禾甚盛江南浙江田禾亦好山東雨水調順彼處百姓皆謂豐收之年但德州至真定雨水不足田禾稍旱自此至京師又覺好矣上曰農事實為國之本儉用乃居家之道是以朕聽政時必以此二者為先務凡親民之官能仰體朕意在在竭力何慮不家給人足乎○以宋德宜為文華殿大學士由吏部遷○以吳毓珍為山東按察使原任湖北按察使○丙子召問學士席柱曰朕前日未曾問及提督萬正色施琅伊等品行若何席柱奏曰陸路提督萬正色為人忠厚和平居官亦優上曰萬正色前督水師時奏臺灣斷不可取朕見其不能濟事故將施琅替

換令其勉力進剿遂一戰而克萬正色施琅二人今相睦否席柱奏曰二人陽為和好陰為嫉妬 上曰施琅何如席柱奏曰施琅人材頗優善於用兵但行事微覺好勝 上曰粗魯武夫未嘗學問度量褊淺恃功驕縱此理勢之必然也

八月丁酉以佟國佐為浙江按察使由陝西潼商道遷 ○庚子以阿哈達為直隸巡撫由內閣學士遷 ○戊申 上還京師 ○戊申戶部右侍郎李

仙根工部左侍郎金甯右侍郎金世鑑各降四級右侍郎巴錫降二級俱調用以管理錢法失察弊端也 ○辛亥調李之芳為吏部

尚書由兵部調 ○以范承勳為內閣學士由郎中遷 ○壬子贈故少傅兼太子太師靖逆將軍侯甘肅提督張勇為少師仍兼太子太師子祭

葬加祭二次諡襄壯 ○癸丑以牛紐為內閣學士由翰林院學士遷 ○甲寅大學士李蔚卒遣大學士明珠同漢學士一員奠茶酒子祭

東華錄 康熙三十四 三

葬加祭一次諡文勤 ○乙卯刑部尚書魏象樞以病再奏乞休允之 ○宗人府議奏諸王之子減等冊封應將親王一子冊封為世子候襲親王其餘諸子皆授為貝子將郡王一子冊封長子候襲

郡王其餘諸子皆授為鎮國公貝勒以下皆有減等授封之例仍應照見行例行得旨親王諸子著授為貝勒郡王諸子著授為貝子餘如所議 ○以席特納為工部右侍郎由左副都御史遷 ○以黃桂為

福建按察使由江南驛道遷 ○戊午裁京口右路總兵 ○己未 上御經筵 ○以金汝祥為工部左侍郎由內閣學士遷 ○庚申以常書為翰林院掌院學士由翰林院侍讀學士遷 ○癸亥調焦毓瑞為戶部右侍郎以楊

雍建為兵部左侍郎由貴州巡撫遷 ○是月免直隸榆社縣水災額賦

九月甲子朔諭大學士等向令開海貿易謂於閩粵邊海民生有益若此二省民用充阜財貨流通各省俱有裨益且出海貿易非

貧民所能富商大賈懋遷有無薄徵其稅不致累民可充闡粵兵餉以免腹裏省分轉輸協濟之勞腹裏省分錢糧有餘小民又獲安養故令開海貿易今若照奉差郎中伊爾格圖所奏給與各關定例款項於橋道渡口等處概行徵稅何以異於原無稅課之地

反增設一關科斂乎此事恐致擾害民生爾等傳諭九卿詹事科道會議具奏 ○九卿等議覆御史李時謙奏今歲逢上元甲子請

停止秋審從之 ○乙丑轉胡簡敬為禮部左侍郎以嚴我斯為禮部右侍郎由少詹事遷 ○以王起元為內閣學士原任 ○丙寅以張士甄

為刑部尚書由吏部左侍郎遷 徐旭齡為工部右侍郎由山東巡撫遷 覺羅孫果為左副都御史由一等侍衛遷 ○九卿等議覆管理錢法侍郎陳廷敬等

奏民間所不便者莫甚於錢價昂貴定例每錢一串值銀一兩今每銀一兩僅得錢八九百文不等錢日少而貴者皆由奸宄不法

東華錄 康熙三十四 四

之徒毀錢作銅牟利所致銅價每斤值銀一錢四五分不等計銀一兩僅買銅七斤有餘而毀錢一串得銅八斤十二兩即今日

極貴之錢用銀一兩換錢八九百文銷毀可得銅七斤七八兩尚浮於買銅之所得何況錢價賤時乎欲除毀錢之弊求制錢之多

莫若鼓鑄稍輕之錢每錢約重一錢毀錢為銅既無厚利則毀錢之弊自絕錢價平而有利於民再查產鉛銅地方因地方官收稅

種種作弊小民無利不行開採此後停其收稅任民採取則銅日多而價自平相應俱照所請通行各省遵行得旨依議開採銅斤

聽民自便地方官仍不時稽察毋致爭鬪搶奪藉端生事致滋擾害 ○丁卯諭戶部尚書梁清標以原銜管兵部尚書事以余國柱

為戶部尚書由左都御史遷 ○庚午江甯巡撫湯斌陛辭 上諭曰以爾久侍講筵老成端謹江蘇為東南重地故特簡用居官以正風俗

為先江蘇風俗奢侈浮華爾當加意化導移風易俗非旦夕之事
從容漸摩使之改心易慮當有成效錢糧歷年不清亦須留意爾
在內閣閱章奏在外督撫所奏凡錢穀刑名大事多有乖錯致
令駁察爾到地方尤當留意近日江南吏治稍稍就理爾能潔己
率屬自然改觀湯斌出復傳諭曰湯斌在講筵年久今遠行其賜
白金五百兩表裏十端臨行之日仍令入朝更有諭旨○轉明愛
為理藩院左侍郎以喇巴克為理藩院右侍郎由內閣○以阿喇
尼為理藩院尚書由都統○癸酉以陳廷敬為左都御史由吏部左
○乙亥禮部遵旨議覆虞舜東巡至於岱宗燔柴致祭漢高過魯
以太牢事孔子俱係巡歷所至行致祭禮今 皇上聖德神功同
符堯舜做古之制爰事東巡經過泰山闕里亦應致祭泰山照祀
五嶽禮行孔子照闕里祀典行從之○諭戶部工部光祿寺堂司
各官朕凡巡幸一應動用之物皆從節儉此番巡幸戶部採買草
豆工部木炭光祿寺食物勿令地方官派取民間擾害百姓爾等
衙門前往官員按每程所用合其時價採買供給備有派取民間
者著令該督撫指名題參○厄魯特博碩克圖汗噶爾丹遣使古
爾班拜等攜夥伴三千人入貢理藩院奏請官驗其符信毋得過
二百人餘俱遣回 上曰來人浮於定額著理藩院尚書阿喇尼
前往酌量議遣○丙子兵部題原任福建總督姚啟聖修理兵船
兵器浮冒錢糧四萬七千餘兩應行追賠得旨姚啟聖攻取臺灣
著有勞績著免其追賠○戊寅調李天馥為吏部左侍郎由戶部○
調慕天顏為貴州巡撫由湖廣○已卯調胡簡敬為吏部左侍郎管
右侍郎事由禮部○以丹岱為內閣學士由內閣○禮部題磨勘
順天鄉試卷文體不正三卷文理悖謬一卷正考官左春坊左諭

德泰松齡副考官翰林院編修王沛恩同考官內閣中書王錚工
部主事張雄俱應照例革職候選主事張曾祚應照例革職交刑
部提問從之○庚辰調達哈他為吏部左侍郎管右侍郎事由吏部
○裁廉州總兵官改設遊擊一○辛巳調庫勒納為兵部督
捕左侍郎由戶部○以張鵬為山東巡撫由左副都○癸未諭大學
士等近見凡朕諭令議奏之事部院諸臣皆首以上諭極是回奏
朕命諸臣會議者但欲事得其理與眾意相符否耳並非必以朕
言為是令諸臣遵議也爾等可將此旨曉諭諸臣嗣後宜各抒所
見勿復因循陋習○甲申轉焦毓瑞為戶部左侍郎以王鴻緒為
戶部右侍郎由內閣轉嚴我斯為禮部左侍郎以董訥為禮部右
侍郎由翰林院○丙戌調鄂爾多為戶部右侍郎由刑部○丁亥
詔曰帝王誕膺景命統御萬邦道重觀民政先求莫朕撫茲兆庶
東華錄 康熙三十四 六

期底時雍猶慮部屋艱難罔由上達故於直隸郡縣周覽巡行勤
施補助更念山左等處土宜俗尚不加循省曷克周知矧歷逢甲
子乘時命駕咨彼民依更昭公普之仁以奏誠和之治車駕所過
賜復一年江南浙江江西湖廣自用兵以來供應繁苦其明年漕
糧免三之一官吏軍民人等死罪以下咸赦除之○己丑以崔澄
為左副都御史由大理○兵部等衙門遵旨會議續順公沈瑞於
康熙九年襲伊叔沈永興公爵康熙十三年逆賊劉進忠反沈瑞
被擄臺灣雖受偽印但其時沈瑞年纔十二尚在幼小且不忘國
恩協謀內應以待我大兵至康熙二十年十一月為同謀偽鎮朱
友出首全家被害此公爵仍應世襲俟查明應襲之人具題承襲
從之○庚寅以蔣宏道為內閣學士由少詹○辛卯 上啟鑿東
巡○以石琳為湖廣巡撫由浙江○是月免湖廣江夏等四縣

衛水災賦有差

冬十月庚子 上幸濟南府○壬寅 上至泰安州登泰山○癸

卯 上祀東嶽○侍臣請往觀捨身崖 上曰愚民無知惑於妄

誕之說以捨身為孝不知身體髮膚受之父母不敢毀傷故曾子

有臨深履薄之懼且父母愛子惟疾之憂子既捨身不能奉養父

母是不孝也此等事處處有之正宜曉諭嚴禁使百姓不為習俗

所誤觀之何為○丁未先是一應本章俱三日遞到一奏是日

上坐待至二鼓數問本章到否諭大學士等奏章關繫國政最為

緊要朕凡在巡幸之處奏到隨即聽覽未嘗有一稽留前此遞本

官員因其遲延已經議處此番本章何又來遲今日奏章不拘時

刻一到爾等即行呈進朕宵興省覽是夜四鼓本章遞到呈進

上即起詳覽徹曙○庚戌 上駐蹕郊城河道總督靳輔迎駕諭

東華錄 康熙三十四 七

靳輔曰黃河屢次衝決久為民害朕欲親至其地相度形勢察視

隄工即於今日前往○辛亥 駕發宿遷夾道叩關者甚眾 上

諭侍衛等曰此斷不可收覽民人果有冤抑地方督撫等官儘可

申訴今因朕巡幸紛紜控告不過希圖倖准快其私怨一經發審

其中事理未必皆實地方官奉為欽件展轉駁訊則被告與原告

皆致拖累以小忿而破身家後悔無及矣有天下者惟貴以德化

民使之無訟即賢能官吏亦當求訟簡刑清與民相安於無事若

以多訟為喜開爭競之風俗疲民困皆由於此○ 上臨閱黃河

北岸諸險工諭河道總督靳輔曰朕向來留心河務每在宮中細

覽河防諸書及爾屢年所進河圖與險工決口諸地名時加探討

雖知險工修築之難未曾身歷河工其河勢之洶湧漶漫隄岸之

遠近高下不能了然今詳勘地勢相度情形如蕭家渡九里岡崔

家鎮徐升壩七里溝黃家嘴新莊一帶皆喫緊迎溜之處甚為危

險所築長隄與偏水壩須時加防護大略運道之患在黃河禦河

全憑隄岸必南北兩隄修築堅固可免決齧則河水不致四潰水

不四潰則濬滌淤墊沙去河深隄岸益可無虞今諸處隄防雖經

整理還宜培薄增卑隨時修築以防未然不可忽也又如宿遷桃

源清河上下舊設減水諸壩蓋欲分洩漲溢一使隄岸免於衝決

可以束水歸槽一使下流疏洩可無淮弱黃強清河噴沙之慮近

來凡有決工處所皆倣其意不過暫濟目前之急雖受其益亦有

少損儻遇河水泛溢乘勢橫流安保今日減水壩不為他年之決

口乎且水流侵灌多壞民田朕心不忍爾當籌畫精詳措置得當

使黃河之水順勢東下水行沙刷永無壅決則減水諸壩皆可不

用運道既免梗塞之患民生亦無墊溺之憂庶幾一勞永逸河工

東華錄 康熙三十四 八

可告成也 上目擊隄夫作苦駐轡久之親加慰勞復諭靳輔曰

隄上夫役風雨晝夜露宿草棲勞苦倍常所領工食為數無幾恐

有不肖官役從中侵蝕必使人人得霑實惠始無負朕軫恤至意

○壬子 上臨視天妃閣水勢湍急指授河臣改為草壩另設七

里太平二閘以分水勢 上登舟是日過清河縣准安府○癸丑

諭江南江西總督王新命朕巡視直隸山東江南諸處惟高郵等

地方百姓甚為可憫今雖水涸民擇高阜棲息但廬舍田疇仍被

水淹未復生業朕心殊為不忍爾係地方大吏作何籌畫潛水通

流拯此一方民命以副朕軫恤黎元至意○甲寅 御舟過高郵

湖見民間田廬多在水中惻然念之因登岸巡行隄畔十餘里召

耆老詳問致災之故復諭王新命曰朕此行原欲訪民間疾苦凡

有地方利弊必設法興除使之各得其所昔堯憂一夫之不獲況

目視此方被水情形豈可不為拯濟耶○乙卯 御舟自儀真渡揚子江泊鎮江府西門外○丙辰 上幸金山乘沙船渡揚子江風浪恬靜舟行甚速 上顧侍臣曰自兵興以來恢復岳州長沙多得此船之力今海寓承平昔時戰艦僅供巡幸渡江之用然安當思危治不忘亂朕乘此舟未嘗不念艱難用武之時非以遊觀為樂也 上登金山遊龍禪寺○丁巳弛海禁惟不得以火藥軍器出洋○戊午 上駐蹕蘇州府○諭大學士等明太祖一代開勅令主功德並隆朕巡省方域將及江甯鍾山之麓陵寢斯在朕優禮前代況於其君寶賢可遣祀如禮○己未 上幸虎邱○庚申 上幸惠山○諭江甯巡撫湯斌朕欲周知地方風俗小民生計有事巡行凡需用之物皆自內府儲備秋毫不取之民間恐地方或有不肖官員借端妄派以致擾害窮民爾其加意嚴察如有

東華錄

康熙三十四

九

此等即指名題參從重治罪其治途供役繹夫及聞朕巡幸至此遠來聚觀百姓恐離家已遙不能自歸爾逐一詳察多方區畫令其還家爾巡撫率布政使即從此回任料理此等事不必前送湯斌再四懇奏送 駕渡江 上允之又諭吳中縉紳汪琬原係翰林為人厚重學問優通且居鄉安靜不預外事特賜 御筆手卷一軸爾遣人付與不必令其來見著即在家謝恩

十一月壬戌朔 上至江甯登雨花臺觀其城郭山川形勢駐蹕江甯府城○癸亥遣內閣學士席爾達祭明太祖陵○諭大學士明珠尚書介山明太祖陵已遣官致祭但朕既抵江甯距陵非遠其親為拜奠是日 上謁明太祖陵過明故宮慨然久之 御製過金陵論曰金陵禹貢揚州之域秦立郡縣為秣陵兩漢因之孫權時稱建業東晉及宋齊梁陳地號佳麗隋唐之間六朝舊迹漸

致湮沒南唐李氏始更築城名金陵府明有天下建都於此窺明太祖之意以為宅中圖大控制四方千百世無有替也歲在甲子冬十一月朕省方南來駐蹕江甯將登鍾山酌酒於明太祖之陵道出故宮荆榛滿目昔者鳳闕之鬼我今則頽垣斷壁矣昔者玉河之灣環今則荒溝廢岸矣路旁老民跪而進曰若為建極殿若為乾清宮階嶺陛級猶得想見其華構焉夫明太祖以布衣起淮泗之間經營大業應天順人奄有區夏頃過其城市閭閻巷陌未改舊觀而宮闕無一存者觀此興懷能不有吳宮花草晉代衣冠之歎耶昔人論形勢之地首推燕秦金陵次之然金陵雖有長江之險為天塹而地脈單弱無所憑倚六朝偏安弗克自振固歷數之不齊或亦地勢使然也明自文皇靖難之後嘗以燕京為行在宣德末年遂徙而都之其時金陵臺殿苑囿之觀聲名文物之盛

東華錄

康熙三十四

十

南北並峙遠勝六朝迨承平既久忽於治安萬厯以後政事漸弛宦寺朋黨交相構陷門戶日分而士氣澆薄賦斂日繁而民心渙散闖賊以烏合之眾唾手燕京宗社不守馬阮以鸞偽之徒託名恢復僅使私仇使有明艱難初造之基業未三百年而為邱墟良可悲夫孟子曰天時不如地利地利不如人和有國家者知天心之可畏地利之不足恃兢兢業業取前代廢興之蹟日加儆惕焉則庶幾矣○賜從官表裏○甲子 上幸江甯教場命各將軍副都統總兵等官及內大臣侍衛等射 上親射右發五矢五中左發五矢四中士民觀者以數萬計皆踊躍舞蹈歡呼動地○申命江南督撫護明太祖陵○乙丑諭大學士等朕於政事無論大小從未有草率完結者每在宮中默坐即以天下事經營籌畫於胸中簡任督撫之時又必詳加察訪蓋一方大吏賢能自能表率僚

屬今貪墨之風未必盡除然激勸激清正欲使之潛移默化也○命大學士明珠傳諭江甯府知府于成龍曰朕在京師即聞爾居官廉潔今臨幸此地確加諮訪與前所聞無異是用賜爾朕親書手卷一軸嘉爾清操以示旌揚但人靡不有初鮮克有終爾必自始至終毋有改操務倣前總督于成龍正直潔清無負朕優眷之意 上自江甯回鑾 御舟泊儀鳳門外督撫提鎮以下大小文武官員及地方縉紳士民數十萬於兩岸跪送 上停舟諭曰朕向聞江南財賦之地今觀市鎮通衢似覺充盈其鄉村之饒人情之樸不及北方皆因粉飾奢華所致爾等大小有司當潔己愛民奉公守法激濁揚清體恤民隱以副朕老安少懷之至意 上泊舟燕子磯讀書至三鼓侍讀學士高士奇奏曰 皇上南巡以來行殿讀書寫字每至夜分誠恐 聖躬過勞宜少自節養 上曰東華錄 康熙三十四 上

朕自五齡即知讀書八齡踐阼輒以學庸訓誥詢之左右求得大意而後愉快日所讀者必使字字成誦從來不肯自欺及四子之書既已通貫乃讀尚書於典謨訓誥之中體會古帝王孜孜求治之意期見之施行及讀大易觀象玩占實覺義理悅心故樂此不疲耳○丙寅以王國泰為浙江布政使由安徽按察使遷 ○丁卯命尚書伊桑阿薩穆哈往視海口諭曰朕車駕南巡省民疾苦路經高郵寶應等處見民間廬舍田疇被水淹沒朕心甚為軫念詢問其故具悉梗概高寶等處湖流原出海口以年久淤塞遂至壅塞今將入海故道濬治疏通可免水患自是往還每念及此不忍於懷此一方生靈必圖拯濟安全咸使得所始稱朕意爾等可往被水災州縣逐一詳勘於旬日內覆奏務期濟民除患縱有經費在所不惜爾等體朕至意速行○辛未 上黎明登岸臨閱高家堰隄工

諭河道總督靳輔朕觀高家堰地勢高於寶應高郵諸水數倍前人於此築石隄障水實為淮揚屏蔽且使洪澤湖與淮水併力敵黃衝刷淤沙關繫最重今高堰舊口及周橋壩壩修築雖久仍須歲歲防護不可輕視以隄前功 上至清口復閱黃河南岸諸險工諭靳輔曰這運口將來水緊難行應再添造一座又諭今年黃水壩倒灌運河爾須酌一至妥之策務令水不倒灌○壬申諭漕運總督邵甘朕時巡之舉原欲周覽民情察訪吏治爾身為大臣理應潔己率屬乃莅任以來並無善狀且多不謹處此朕得之輿情訪聞頗確邵甘奏曰臣庸劣菲材不知檢束負 皇上委任臣罪奚辭但以滿人官此土者惟臣一人不免為眾所忌豈能自致聲譽 上曰莫洛格爾古德皆為督撫歿後人猶思慕稱頌居官苟善豈有不致聲譽者乎邵甘伏地謝罪且乞扈從 上命隨至東華錄 康熙三十四 上

京候旨 上閱南岸煙墩險工過白洋河居人老幼數千跪迎隄畔其年老貧寒者各賜白金○甲戌予故直隸巡撫格爾古德祭葬諡文清○乙亥召河道總督靳輔入行宮諭曰爾數年以來修治河工著有成效勉盡力朕已悉知此後當益加勉勵早告成工使百姓各安舊業庶不負朕委任至意因以 御書閱河隄詩賜之○丁丑 上經泗水東境幸泉林寺 上瞻眺久之指示侍臣曰此相傳子在川上處○以于成龍為安徽按察使由江南江甯府遷 ○戊寅 駕幸曲阜○己卯 上詣 先師廟至奎文閣前降輦步入大成門至大成殿行三跪九叩禮四配十哲兩廡從官分獻御製祝文遣國子監祭酒阿禮瑚祭啟聖公 御製祝文幸詩禮堂選孔氏子弟講大學易經諭衍聖公孔毓圻等至聖之道與日月並行與天地同運萬世帝王咸所師法下逮公卿士庶罔不

率由爾等遠承聖澤務奉先訓以稱朕懷令衍聖公孔毓圻前引
上步至大成殿肅瞻 聖像顧問衍聖公孔毓圻曰像始於何
年孔毓圻奏曰相傳東魏興和三年兗州刺史李瑛始塑像 上
以次觀顏子曾子子思孟子像又觀禮器有犧象雲雷三尊 上
問何代法物孔毓圻奏曰漢章帝元和二年親祀闕里所畱祭器
又觀石刻吳道子畫魯司寇像詣聖蹟殿周覽圖書及憑几像行
教小影立像行像諸石刻顧問孔毓圻曰何像最真孔毓圻奏曰
惟行教小影顏子從行者爲最真乃當年端木賜傳寫晉顧凱之
重摹者 上問西偏是何處孔毓圻奏曰前爲金絲堂後爲啟聖
公祠 上斂容駐望久之 上復至大成殿前命大學士等宣諭
曰至聖之德與天地日月同其高明廣大無可指稱朕向來研求
經義體思至道欲加贊頌莫能名言特書萬世師表四字懸額殿
東華錄 康熙三十四 主
中非云闡揚聖教亦以垂示將來又諭歷代帝王致祭闕里或畱
金銀器皿朕今親詣行禮務尊崇至聖異於前代所有曲柄黃蓋
畱供廟庭四時饗祀陳之以示朕尊聖之意 上出殿問大成殿
榜孔毓圻奏曰宋徽宗飛白書至杏壇孔毓圻奏曰此先聖講道
之所 上覽金臣黨懷英篆杏壇二字碑宋臣米芾書檜樹贊碑
及宋真宗君臣所製孔子與七十二弟子贊觀先師手植檜孔毓
圻奏曰明宏治十二年廟毀於火檜在門殿之間經火枝葉盡脫
孤幹獨存今又二百年矣不枯不榮其堅如鐵色亦如之俗呼爲
鐵樹前至奎文閣孔毓圻奏曰此歷代藏書之所 皇上頒賜之
書皆藏其上 上問曰何處是先師所居之宅今尚有遺址否孔
毓圻奏曰 皇上所御講筵之後有魯壁遺址乃先聖燕居之所
上復入承聖門觀堂前太初石唐槐及銀杏樹升詩禮堂孔毓

圻奏曰此當日鯉趨過庭得聞詩禮之處 上於堂後觀孔宅遺
井命汲水嘗之顧問魯壁遺址孔毓圻奏曰昔秦始皇焚詩書臣
九世祖孔鮒豫藏尚書論語孝經諸書於壁中至漢魯恭王欲毀
臣祖故宅以廣其宮聞壁中有金石絲竹之聲發之得竹簡古書
故後世名其堂曰金絲云 上詣孔林於洙泗橋下馬步行至墓
前酌酒行三叩禮 上閱墓碑問墓上是何草木孔毓圻奏曰孔
林草木皆當年羣弟子各自其國徙植種類繁多不能悉辨 上
問孔林周圍幾許孔毓圻奏曰共地一十八頃今二千餘年族人
日繁耐葬無所 上曰何不開擴孔毓圻奏曰林外皆版籍民田
欲擴不能尙求特恩賜給 上曰卽具疏來孔毓圻等叩頭謝恩
○賜衍聖公孔毓圻五經博士孔毓圻顏懋衡等及曲阜縣知縣
孔興認日講四書易經書經解義各一部賜孔毓圻狐裘貂裘各
東華錄 康熙三十四 西
一孔氏及四氏子孫在仕籍者蟒服孔氏子孫進士舉人貢生監
生員襲衣白金免曲阜縣明年租稅 御製過闕里詩是日
上駐蹕兗州府○諭大學士明珠周公大聖人制禮作樂垂示萬
世今廟在曲阜應行致祭此係重大典禮其遣恭親王常甯及禮
部尙書介山偕往以示朕尊崇元聖之意 御製祝文○庚寅
上還京師○諭滿漢大學士九卿等奉差官員其特齋詔敕及出
使大臣御前侍衛等凡係經過地方官接見應有定體至部院衙
門差遣筆帖式等或有不肖之人要挾地方官以請安爲名恣其
需索外吏疲於供應致累小民奚以堪此且伊等官職微末何由
自達於上而有請安之舉應行禁止又諭大學士等部院大臣年
高者藉以料理政事不以筋力爲禮卽如勒德洪亦有足疾原無
礙於機務頃尙書李之芳齎捧本匣以衣裘厚重偶致失足此等

儻或至損傷朕心深為不忍以後本匣可令尚書侍郎內年少壯者捧送諭部院知之○講官常書等奏冬至後向有停講之例皇上聖學日新寒暑無間今易經講義已畢將進講詩經時值沍寒應否停講請旨 上諭天氣雖寒朕於宮中煖閣可以進講且機務少暇每日披覽經義於學問多所裨益不必停講○是月免河南磁州湯陰安陽縣雹災額賦有差

十二月壬辰朔以蘇赫為刑部右侍郎由通政使遷○贈故江南江西

總督于成龍太子太保蔭一子入監讀書○子故湖廣總督董衛

國祭葬○甲午子故致仕禮部尚書帥顏保祭葬○戊戌諭大學

士漕運總督邵甘人平常著革職查有無世職酌量給與應得之

官隨旗行走○庚子賜江南安徽按察使于成龍之父原任阿達

哈哈番于得水貂裘披領諭曰爾子于成龍居官清廉惟爾教子

東華錄 康熙三十四 五

有方特加賞賚爾其勛勉爾子殫心竭力始終如一朕不難頻加

顯擢苟末路不終孤負國恩定行懲治亦爾家門之玷也又召八

旗漢軍都統副都統侍郎等官諭曰國家自 祖宗定鼎以來委

任漢軍官員與滿洲一體其中頗有宣猷效力者如孟喬芳張存

仁輩朝廷亦得其用比年漢軍居官者大不如初每赴外任多攜

廉從汰侈糜費惟務贖貨累民恣肆放逸未能謹守法度如張長

庚賈漢復白色純等不可勝舉屢加申飭尚多因循未見改轍茲

者巡行江南見文武各官及軍民人等眾口一辭稱江甯知府于

成龍清廉愛民朕心喜悅已面加獎勵超遷為安徽按察使又特

召于成龍父賞賜以示褒美廉吏至意凡爾八旗漢軍人等自今

以後悉宜洗心滌慮痛除舊習或子弟官守在外宜各貽書訓勉

果有潔己愛民如于成龍者朕立行擢用如猶怙非不悛國有常

法不能為此輩貨也○九卿等議覆尚書伊桑阿等勘閱海口一

疏請敕下河臣親往車路串場等河並白駒丁溪草堰等口逐一

確勘作何挑濬深闊使高郵等州縣減水壩一帶運河水口引流

入海其所用錢糧細數題估到日工部確議具奏若興工之時見

任官員不足應聽該督題請委用庶協力分辦底績可期得旨新

輔見在督理黃河隄岸又令兼海口必致兩誤且黃河海口係在

兩處應令差官督理著再確議具奏○阿齊圖格隆等以達賴喇

嘛奏疏復命疏言喀爾喀左右翼議好之事曾遣扎爾布奈往盟

始則右翼不從繼則左翼不服是以未能協和但 皇上安集流

離使之和好誠善事也今仰遵 聖旨復遣參巴陳布胡土克圖

令於十二月到喀爾喀國定議謹遣拉木扎巴羅卜臧諾爾卜等

齋奏以聞○甲辰先是侍郎蘇拜等奏鄭克塽劉國軒馮錫範明

東華錄 康熙三十四 六

裔朱桓等俱令赴京其武職一千六百有奇文職四百有奇或願

回籍或願投職應聽部察例議敘兵四萬餘人願入伍歸農各聽

其便 上命鄭克塽家口親族及劉國軒馮錫範本身家口俱令

遣發來京其偽官並明裔朱桓等俱於附近各省安插墾荒餘如

議至是鄭克塽等至京 上念其納土歸誠授鄭克塽公銜劉國

軒馮錫範伯銜俱隸上三旗仍令該部撥給房屋田地○乙巳禮

部尚書介山以病乞休允之○調杭艾為禮部尚書以科爾坤為

戶部尚書由左都御史遷○丙午刑部議覆給事中楊爾淑奏直隸各省

軍流人犯請照流徙尚陽堡甯古塔例嚴寒盛暑之時宜停發遣

應不准行得旨軍流人犯甫離刑獄一綫僅存盛暑尚可嚴寒發

去恐致有死亡之患朕心不忍嗣後著過嚴寒之時發遣○以徐

旭齡為漕運總督由工部左侍郎遷○丁未吏部等衙門遵旨會議學政

關繫文教造就人才嗣後停其論俸補授順天學政缺應將侍讀侍講論德洗馬概行開列恭請簡用江南浙江學道缺停其補用郎中道府應將侍讀侍講論德洗馬中允贊善亦概行開列恭請簡用其餘各省學道缺將應升進士出身之五部郎中及參議道知府等官選擇開列恭請簡用從之○戊申九卿等遵旨議奏海口及下游河事務應差官專任安徽按察使于成龍才守堪委請給發關防敕書差往經理但黃河海口雖在兩處必彼此協同方能濟總河靳輔治河年久水勢地形其所熟悉應將一切事宜均申詳靳輔具題若工告成該部將靳輔一併議敘如無成效將靳輔一併議處其餘俱照前議從之○己酉以達哈他為左都御史由吏部左侍郎遷○庚戌予故詹事加禮部侍郎沈荃祭葬諡文恪○予故正白旗滿洲都統賴塔祭葬加祭二次諡襄毅○工部遵旨

東華錄 康熙三十四 七

議奏黃河運河隄岸衝決河流遷徙者照舊例處分止於漫決河流不移者若在限年之內令經修官賠修如過年限令防守官賠修永為定例從之○丙辰 上以歲除親祭 孝陵啟鑾○丁巳 上謁 孝陵是日駐蹕湯泉賜守 孝陵官兵及護軍牛羊○戊午 上回鑾○己未 上還京師○是月免江南宿遷縣及江西分宜等十七縣衛所旱災賦有差○是歲朝鮮暹羅琉球來貢○人丁戶口二千三十四萬六百五十五田地山蕩畦地五百八十九萬一千六百二十三頃三十七畝有奇徵銀二千七百二十一萬六百四十三兩有奇米豆麥六百九十一萬二千二百一十三石四斗有奇草二百二十九萬八千一百三十六束茶十五萬九千三百一十五引行鹽四百三十五萬六千一百五十引徵課銀二百七十六萬一千三百八兩有奇鑄錢二萬九千四百八十

五萬一千四百八十有奇

東華錄

康熙三十四

六

東華錄

康熙三十五

臣王先謙敬編

臣周潤著恭校

康熙二十四年乙丑春正月癸酉享 太廟祭畢顧內閣學士席爾達太常寺卿葛思泰曰往見贊禮郎宣讀祝版至朕名聲輒不揚父前子名禮經所載朕對越之次惟懼誠敬稍有未至無以昭格神靈為子孫者通名於祖父豈可涉於慢易嗣後俱應高聲朗讀無庸顧忌○乙亥 上幸南苑行圍○丁丑 上還宮○癸未 先是 上因將軍薩布素等不能及時進取羅利田禾有失機宜降旨責之薩布素等上奏引罪 上命都統公瓦山侍郎郭丕往黑龍江與薩布素等詳議應否攻取雅克薩城並作何舉行擇其有裨於事者奏聞至是瓦山等與薩布素會奏我兵於四月杪水東華錄 康熙三十五

陸並進抵雅克薩招撫不行納款則攻其城儻萬難克取即遵前旨毀其田禾以歸議政王大臣等議如所奏復請敕直隸山東山西河南巡撫每省派熟習火器兵二百五十人並選賢能官各四員豫備火器送京師至日增發薩布素軍前協攻雅克薩城 上諭議政王大臣等奏內不請發禁旅良是但直隸各省綠旗兵未歷戰陣且黑龍江火器甚多不須增用朕意選福建投誠善用藤牌官兵見在八旗及安插山山西河南者付臺灣投誠左都督何佑等率往薩布素一應咨題多屬枝梧借端延滯度四月進兵不過刈取田禾事必無成此皆謫譴黑龍江狂悖之人從中沮議不欲成事而薩布素出身微賤高視若輩無敢有違用兵所關甚鉅宜周詳籌畫期於必克儻謀事草率復似明安達禮等退兵羅利將益肆猖獗今自京城遣一賢能大臣總領軍事俟克取雅克

薩之日班師又發盛京兵五百人代黑龍江兵守城種地出征兵還亦令還盛京種地事宜遣戶部大臣一員督理所云早熟之穀即內地春麥今我兵亦多種春麥及大麥油麥於隕霜之前六月皆可收穫則不以出師之故致曠一年耕作矣又藤牌兵給馬二千匹帶往盛京盛京各佐領亦派馬二千照舊制嚴督飼秣候京城馬到更代北行至馬喇等所養馬皆豫備於齊齊哈爾屯此間催趨月杪可到聞此路間有缺水處不免貽誤今自盛京抵烏喇自烏喇經新設驛站路直且近當從此徑抵黑龍江沿途馬匹或有倒斃馬喇以所備者定數補送如此則我軍之馬不致缺乏矣藤牌兵各帶礮彈或十圓或二十圓以行其餉銀兵月給二兩官月給三兩又諭議政王大臣等兵非善事不得已而用之向者羅利無故犯邊收我逋逃後漸越界而來擾害索倫赫哲飛牙喀奇東華錄 康熙三十五

勒爾諸地不遑甯處剗劫人口搶擄村莊擄奪貂皮肆惡多端是以屢遣人宣諭復移文來使羅利竟不報命反深入赫哲飛牙喀一帶擾害益甚爰發兵黑龍江扼其來往之路羅利又竊據如故不送還逋逃應即翦滅今仰副天心大兵偪臨雅克薩城姑再以朕諭旨遣人宣布羅利諭之曰前屢經遣人移文命爾等撤回人眾以逋逃歸我數年不報反深入內地縱掠民間子女擄亂不休乃發兵截爾等路招撫恒滾諸地羅利赦而不誅因爾等仍不去雅克薩特遣勁旅徂征以此兵威何難滅爾但率土之民朕無不惻然垂憫欲其得所故不忍遽加殲除反復告誡爾等欲相安無事可速回雅庫於彼為界捕貂收賦毋復入內地構亂歸我逋逃我亦歸爾逃來之羅利果爾則界上得以貿易彼此寔居兵戈不與備執迷不悟仍然拒命大兵必攻破雅克薩城殲除爾眾矣如

此宣諭後羅利果能遵旨即回以雅庫爲界我兵即駐紮於黑龍江設斥埃於雅克薩令疆圍帖然儻仍行抗拒則大兵相機而行若不於此周詳區畫今縱克取雅克薩城我進則彼退我退則彼進用兵無已邊民不安可否舉行爾等其詳議之於是議政王大臣等奏 上諭周詳遵此奉行甚裨於事統兵督耕大臣恭候欽簡 上命都統公彭春統兵副都統班達爾沙偕佟寶等參贊戶部侍郎薩海仍令督耕彭春等抵黑龍江後有移會雅克薩城文書用黑龍江將軍印○乙酉召試翰詹諸臣於保和殿 上親甲乙之其不稱者改官○丙戌河道總督靳輔遵旨陳奏河道善後事宜查徐州以上河道甚寬迨至徐州僅寬六十八丈東水不能暢流是以徐州迤上歲歲漫溢必須於毛城鋪地方添建減水閘一座王家山十八里屯添建減水閘三座北岸太谷山添建減水閘二座並將便民閘改深五六尺以資分洩又攔馬河應再添石閘一座使河流由閘先進積水以養壩尾又南岸各閘壩不特可以殺黃河怒漲更可分引黃水注洪澤湖使助淮流但洪澤湖周圍數百里一時不能灌滿恐仍有黃水倒灌運河之患必須再於清河縣西建雙金門石閘一座並於閘下挑引河一萬餘丈至於清河縣運口添建石閘一座更屬保運濟漕要工以上各工伏乞敕部確議得旨九卿詹事科道會議具奏○調蘇拜爲吏部右侍郎由禮部調○授阿達哈哈番馬喇副都統銜參贊黑龍江軍務○丁亥給事中楊爾淑奏請自乙丑科以後會試及順天鄉試四

東華錄

康熙三十五

三

書題目俱乞 欽定下部議行○戊子諭大學士等總河靳輔所奏黃河南岸毛城鋪等處北岸太谷山等處宜建減水壩令水分流歸仁隄等處宜建石壩保護會命九卿等會議朕南巡時靳輔亦稱自白洋河引黃水下流入洪澤湖駱馬湖以助淮水其下清河縣黃淮合流之處因有洄渦自能洗逐淤沙朕思導流之水總會於清河縣水勢既強流湍激湧必致踰越隄岸愈損民間田廬此減水壩雖有益於河工實無益於百姓不可不爲熟計爾等以朕意傳示九卿務籌久遠詳明議奏○遣鑾儀使侯林興珠赴公彭春軍參贊軍務○左副都御史張可前奏昔明太祖將當日政事輯成一書名曰寶訓我 皇上勅守同揆文武兼濟超越明太祖萬萬臣請敕內閣翰林諸臣備輯睿謨聖政彙成一書刊布寰宇以昭法守得旨朕御極以來孜孜圖治勤政愛民日理萬幾常懷兢業雖海宇底定漸致昇平但風俗人心未臻上理這所請歷年政事彙集成書是否可行著內閣翰林院會議具奏○己丑上幸玉泉山

東華錄

康熙三十五

四

二月壬辰調馬世濟爲兵部右侍郎由刑部調○以崔澄爲直隸巡撫由左副都御史遷○癸巳以額星格爲禮部右侍郎由副都御史遷○吏部右侍郎蘇拜以前任工部時管理錢法不覈減耗費用原品隨旗行走○乙未 上還宮○以張汧爲福建布政使由貴州按察使遷○丙申工部等衙門遵旨會議河道總督靳輔題修減水諸壩惟有益河道恐致淹沒房田民人受累應否建造減水壩應令該地方官督撫等會議具題請旨得旨該督撫等會議具題必致遲誤此事著差會經看閱河道諳練河工司官一員速往與靳輔詳議若建壩分水不致多損民田著一面興工一面具題備水無所歸多致淹

沒民田著會同該地方官督撫等官確議具奏○己亥調阿蘭泰為吏部右侍郎由兵部調○以胡昇猷為左副都御史由左僉都御史遷○庚子以張可前為刑部右侍郎由左副都御史遷○以周公承接道統繼往開來功德茂著命九卿議授後裔五經博士撥給祀田修葺廟宇○癸卯 上御經筵○廣東提督許貞陞辭 上諭曰爾在江西著有戰功朕嘉爾勞故簡任提督近聞廣東盜賊未靖爾宜加意緝捕以安民生許貞奏曰廣東地方多有溪水盜賊出沒其中最難捕治臣今設法打造小船安設水路塘兵晝夜巡哨庶盜賊可息 上曰爾此去務加意緝捕使兵民兩安斯無負職掌○以李之粹為貴州按察使由浙江驛道遷○甲辰調佛倫為兵部左侍郎管右侍郎事轉蘇赫為刑部左侍郎以席柱為刑部右侍郎由內閣學士遷○吏部題廣西巡撫施天裔將康東華錄 康熙三十五年 五

熙二十一年存貯倉庫銀米捏稱民欠具題應照蒙隱例革職從之○予故太子少保原任刑部侍郎宋文運祭葬諡端愨○乙巳 上巡幸畿甸啟鑾○丙午諭大學士明珠 太祖實錄先以小本兼滿漢字迅速繕寫送進朕將恭覽焉若待白鹿紙騰寫大本 實錄同進則為時太遲矣○以趙之鼎為左副都御史由太常寺卿遷○庚戌以禪布為內閣學士由翰林院侍講學士遷○辛亥諭大學士明珠朕觀今古文章風氣與時遞遷六經而外秦漢最為古茂唐宋諸大家已不能及凡明體達用之資莫切於經史朕每披覽載籍非徒尋常摘句採取枝葉而已正以探索源流考鏡得失期於措諸行事有裨實用其為治道之助良非小補也又諭財賦出於閭閻凡查覈錢糧必徹底徵清不至以完作欠額外科派方於小民實有利益朕於正供所入毫無濫用正以愛養物力使國有

三年九年之蓄縱遇水旱民生亦不至苦累朕所以留意清覈正欲加惠元元也○癸丑轉王鴻緒為戶部左侍郎調董訥為戶部右侍郎由禮部調○戊午命大學士明珠等傳諭天津總兵官劉國軒曰朕撫御寰區聿臻治理止臺灣餘孽一綫尚存雖屬小島未平猶慮海濱弗靖爾劉國軒身為渠黨乃能仰識天時勸令鄭克塽納土來歸朕心嘉悅授爾總兵官之任聞爾家口眾多棲息無所京城房舍人有定業况價值不貲爾安從得之今賜爾第宅俾有甯居以示優眷○己未 上還次南苑○以范承勳為廣西巡撫由內閣學士遷○庚申 上還宮

三月辛酉朔諭大學士等光祿寺估計價值等項頭緒甚多各物俱照時價須詳察估計使公私俱便釐剔諸弊逐一為條款以便永久遵行則國課不至妄費戶部儲有餘財凡有旱澇可以酌量賑濟蠲免無所顧慮民間不致困苦大有裨益王熙等奏曰此皇上以節儉治天下足國足民至意凡有急需自無虞匱之矣

○壬戌以蔣宏道為禮部右侍郎由內閣學士遷○癸亥詔曰孔子聖集大成道隆德備朕躬詣曲阜志切欽崇應勒廟碑朕親行撰寫以昭景行尊奉至意○以 御書萬世師表四字勒石並頒天下學宮○詔修賦役全書○乙丑諭大學士等議政所關殊為機密重要今見凡所議之事方經議訖即已宣露又滿洲蒙古都統本以人材勇健授為都統非以其練達事務而授之也都統中不克曉達事務者甚多諸若此者宜罷其議政至於兵事乃都統之專責仍照常豫議爾等以此意降旨於議政諸臣又諭戶部工部光祿專司錢穀關繫緊要今聞招買書辦人等與本衙門官私自通賄作弊甚至有官員承認事務代為包攬此種情弊永行革除於事

方有裨益○左都督張琳等叩閭請議敘部議不准 上諭大學士等朕觀張琳等人材健壯效力行間俱至左都督有得拜他喇布勒哈番者亦有得拖沙喇哈番者其控額若不允行何以鼓舞後之效力者可令該部議敘○正黃旗漢軍公鄭克塽題請敘鄭聰等投誠功部議不准 上諭大學士等大兵進剿鄭聰等同鄭克塽即獻臺灣投誠久踞海島之寇盡行消滅伊等著准其議敘○丙寅詔修南巡所過地方城垣圯壞者○戊辰 上考試滿洲官員繙譯召大學士明珠提督麻勒吉學士常書至養心殿令閱卷 上顧麻勒吉問曰爾會閱性理大全否其中意義亦能通曉耶麻勒吉奏曰臣雖會看閱至皇極經世篇茫然不得其解 上曰皇極經世乃邵堯夫以數合理之書所推先天卦畫元會運世之數言之甚悉非淺學所能窺測其全書卷帙尚多程朱恐其流東華錄 康熙三十五 七

於數學摘取大要著之此篇朕嘗細加研究畧識其義因出手批性理大全以示 上又顧常書曰爾會讀何書常書奏曰文選離騷諸書亦會看過但其用字僻奧比物連類多所未喻 上曰讀離騷當識其大義所在屈原以忠君愛國之心原本山川極命草木微文見志一篇之中三致意焉遂為千古風騷之祖三百篇之後以此為最且讀離騷者於作文深有裨益非獨拾其字句而已此學者所當知也○以徐乾學為內閣學士由詹事選○己巳戶部以纂修賦役全書擬滿郎中蒼柱等漢員外郎王之麟等六員引見 上曰賦役全書一定將來永為定例爾等必須精心詳慎務求要當編纂成書朕思田地一畝之外亦有零星不足畝者若將毫忽俱為一釐雖目下易於辦理誠恐有累小民爾等尤宜詳加確議尚書余國柱奏曰臣等以為毫忽以下民間無物可以稱量賦役滿釐者固一釐完納即毫忽之微亦必以一釐為斷如此改定想亦不至累民 上曰此事關係民間休戚爾等不可不博訪詳議○賑直隸順德廣平真定府屬饑○壬申議政王大臣等議覆左都御史陳廷敬奏官員士庶冠服衣裘飾用之制婚喪之禮祈敕下廷臣博考舊章斟酌損益務合於中查順治九年已定婚喪之制康熙九年復定服飾之制見在遵行毋庸更議得旨如議凡服飾等項久經禁飭近見習俗奢靡服用僭濫者甚多皆因該管各官視為具文並未實行稽察以致不遵定例嗣後必須著實奉行時加申飭務期返樸還淳恪循法制以副朕敦本務實崇尚節儉至意○甲戌講官常書孫在豐等奏恭逢 皇上萬壽請自十五日至二十一日暫停進講 上諭講書深有益於學問朕愛聽不倦前偶爾違和輟講數日心尚歉然朕欲將詩經速講完不東華錄 康熙三十五 八

為有益爾等會同戶部議奏○癸未賜陸肯堂等一百二十一名進士及第出身有差○丁亥福建提督侯施琅奏請卹賞進勦澎湖傷亡兵丁部覆毋庸議 上諭大學士等凡軍功議敘卹賞俱關緊要如遲延日期往返咨查恐奸宄之徒舞文作巧易生弊端朕思此等貧兵早給一日卹賞使得早受一日實惠此後著一概速行議卹

夏四月辛卯諭大學士等從來道德文章原非二事能文之士必須先明理而學道之人亦貴能文章朕觀周程張朱諸子之書雖主於明道不尚辭華而其著作體裁簡要晰理精深何嘗不文質燦然令人神解意釋至近世則空疏不學之人借理學以自文其陋如崔蔚林本無知識文義荒謬岸然自負為儒者真可鄙也○授宋儒周惇頤後裔五經博士世職○九卿等議覆差往閩河郎東華錄 康熙三十五年 九

中杭靄奏毛城鋪等處建造閘壩有益黃河隄岸運道民生等語應令總河靳輔乘時建造從之○壬辰轉鄂爾多為戶部左侍郎調蘇赫為戶部左侍郎管右侍郎事由刑部調○癸巳議政王大臣會議今海內一統寰宇甯謐滿漢人民俱同一體應令出洋貿易以彰庶富之治得旨開海貿易原欲令滿漢人民各遂生息儻有無藉棍徒倚勢橫行借端生事貽害地方反為不便應嚴加禁飭如有違法者該督撫卽指名題參○乙未甘肅巡撫葉穆濟奏甯夏靈州民隱官地萬一千餘畝應追其價及所漏地稅 上特免之○丙申敘恢復江山常山功授浙江總督李之芳拖沙喇哈番世職○戊戌大學士會同戶部遵旨議覆直隸永順保河等處圈占地方應徵康熙二十一年地丁錢糧已經奉詔蠲免所有直隸入府康熙二十三年未完地丁錢糧應盡豁除其永順保河未經圈

占地方及真順廣大等處康熙二十四年地丁各項正賦俱免三分之一 上問曰康熙二十三年直隸八府未完地丁錢糧其數幾何戶部尚書科爾坤奏曰約有六十餘萬 上又問曰康熙二十四年所免三分之一其數幾何科爾坤奏曰約有五十餘萬 上曰朕御極以來早作夜思惟以愛養民生為急邇來四方大定猶恐民氣未復時廛朕懷今軍國之需撙節制度自可足用必使百姓樂業家給人足無一夫不獲其所始慰宵旰况畿輔重地頻年旱災尤可憫恤這所奏著候諭旨行○轉席柱為刑部左侍郎以傳臘塔為刑部右侍郎由通政使遷○吏部等衙門奏禮部尚書杭艾原係宗室額奇屬下之人乃巧稱不係屬下控告又伊前任戶部尚書撥給地畝時檢取附近關廂園池善地殊屬不合應將尚書佐領拜他喇布勒哈番又一拖沙喇哈番俱革去從之○戶部

東華錄 康熙三十五年 十 議覆順天府府尹張吉午奏請自康熙二十四年始凡民間開墾田畝永免圈取應不准行 上諭大學士等凡民間開墾田畝若圈與旗下恐致病民嗣後永不許圈如旗下有當撥給者其以戶部見存旗下餘田給之○副都統馬喇等奏臣等今年正月二十八日遣打虎兒副頭目倍勒爾率三十餘人往雅克薩城北務擒其生口並詳勘情形以報三月初五日倍勒爾等生擒羅刹七人回言雅克薩城垣廬舍如故又據生擒羅刹噶瓦力喇等云去歲雅克薩城內設立重木中實以土聞大兵至額蘇里卽遣人各處求援援兵千人今年二月前隊已至後隊未來去歲新到頭目額里克舍傳諭人眾大兵來此皆爾等殺掠所致自後再聞有擾索倫打虎兒者定行誅戮是以我等往來不敢持軍器前者釋回二人已送往國主處迄今未得主命雅克薩兵眾不滿千人後增發

者未知其數等語生擒羅利逸去一人見在六人遞送入京上諭倍勒爾等直抵雅克薩探其情形生擒羅利可嘉所司如例獎賞其送至六人各給時服一襲送將軍薩布素處俟大兵進剿時示以寬大之意悉行釋放○諭兵部人材不一有騎射精熟者亦有長於別技者若概考以弓馬恐淹沒人材况從來為將之道全恃謀略不僅在武藝嗣後凡投誠官員但視軍功為殿最其無軍功者試以弓馬若既無軍功又不嫻弓馬以文官不及例引見處分彼亦心服無怨矣○授厄魯特伊拉古克三胡土克圖為歸化城掌印扎薩克大喇嘛○己亥 上幸玉泉山○辛丑諭戶部朕撫馭方夏愛養黎元早作夜思勤求治理閭閻疾苦無時不深軫念欲使民生樂業比屋豐盈惟當已責蠲租萬姓得霑實惠直隸地方頻遇旱災小民匱乏宜加恩恤順承保河等處圍占地方應

東華錄 康熙三十五 主

徵康熙二十一年地丁錢糧已經通行蠲免所有直隸八府康熙二十三年未完地丁錢糧盡與豁免其順永保河未經圍占地方及真順廣大等處康熙二十四年應徵地丁各項正賦俱著免三分之一爾部速行該地方官遵行曉諭務使人人得被膏澤以副朕勤恤民隱至意如有不肖有司借端蒙混私行重徵者或經參奏或被告發定行從重治罪爾部即遵諭行○諭大醫院官朕研究經史之餘披閱諸子百家至黃帝素問內經諸篇觀其義蘊實有惻隱之心民生疾苦無不洞矚其後歷代醫家雖多著述各執己見若難經及痘疹諸書未能精思極論文義亦未貫通朕甚惜之當茲海宇昇平正宜懷保吾民踏春臺而登壽域爾等可取醫林載籍酌古準今博採羣言折衷定論勒成一書以垂永久副朕軫恤元元至意○調哈占為禮部尚書由兵部調○甲辰 上還宮○

丁未翰林院奏 皇上聰明天縱好學敏求洵從古所未有臣等會同詹事等官正在晝夜撰擬日講講章伏乞 皇上少緩進講俾得陸續撰擬進呈得旨仍著按日進講其講章爾等撰擬後節次進呈○戊申命旗人戶絕者別旗近支承祀○禮部議准福建總督王國安奏外國進貢船隻請抽稅令其貿易 上諭大學士等外國進貢船隻若行抽稅殊失大體且非朕柔遠之意王熙等奏曰大哉王言非臣等所能見及也○庚戌諭內務府今見內府佐領人員善射及讀書善文者甚少可專設學舍選可教之人令其學書習射優者錄用劣者罷出學舍應立於朕常見之處俾習學之人勉力肄業○丙辰命廣東花山設立縣治○丁巳 御製檜樹賦勒碑闕里孔廟○是月免山東濟甯海豐霑化水災江南徐州江西宜春等四縣衛前年被水額賦有差

東華錄 康熙三十五 主

五月庚申朔戶部議准即中塞楞額奏福建設鎮二十座鑄錢將明代舊錢悉行銷毀 上諭大學士等舊錢流布不止福建一省他省亦皆有之止可聽其從容銷去若驟為禁止恐不肖之徒借端生事貽害平民亦未可定所奏不准行○丙寅 皇子允祘生○己卯遣官賑阿霸垓部眾○庚辰四川北總兵官趙宏燦奏保甯地氣溼熱臣生長西北水土最不相宜以致抱病乞調臣邊方寒苦之地得以盡力報效部議不准行得旨趙夏棟父子效力行間勤勞素著准趙宏燦所請以原銜調補直隸總兵官王秉耀以原銜調補四川總兵官○癸未諭大學士勒德洪明珠巴圖爾額爾克濟農違離彼土嚮化而來宜加愛養經理其居處彼等原為鄂齊爾圖汗所屬累世進貢誠懇恪恭鄂齊爾圖汗之孫羅下臧滾布與巴圖爾額爾克濟農當使聚合一處於所宜居之地

為之經理令其居處賜之封號給以金印冊用昭朕繼絕舉廢之至意焉可遣賢能台吉與理藩院堂官侍衛曉諭巴圖爾額爾克濟農云以爾等搶奪毛明安及三吳喇忒之故本宜遣兵征剿悉行剪滅但念鄂齊爾圖汗累世進貢誠懇格恭特加矜恤爾等罪戾盡皆寬宥羅卜臧滾布乃鄂齊爾圖汗之孫爾等皆屬一國為親近兄弟今令爾等皆與羅卜臧滾布等聚合封以名號與羅卜臧滾布等可以如此措置願朕諭旨其宜居之地亦與羅卜臧滾布巴圖爾額爾克濟農等公同相視令所遣台吉等還奏此事於今年八月即宜舉行爾等議政王大臣蒙古大臣會同詳議以聞

○皇子允祚薨○九卿議准左僉都御史姚締虞奏凡大朝之期 皇上視朝最早回宮進講後仍御門聽政恐 聖躬太勞今四海昇平政事簡少請以後大朝之期及大雨大雪俱停止啟奏

東華錄 康熙三十五年 三

或遇大寒大暑之日亦當酌定間幾日一御門聽政 上諭大學士等朕御極以來孜孜圖治罔有暇逸惟期裨益國家又安兆庶用臻上理非不自知其勞但念庶政叢集一日萬幾若從所請未免始勤終怠且恐不及詳察致有疏略外錯於政事得失所關非細自後大朝之期一切章奏交送內閣遇大雨雪臨時請旨其祁寒盛暑之時各部院果無應奏事宜方許暫止啟奏朕始終不欲一念倦怠晏安自便也○免追隨征四川兵長支月餉○命大學士勒德洪王熙等修政治典訓○甲申諭戶部原任廣西巡撫郝浴前差兩淮巡鹽潔己奉公恤商裕課後經簡任廣西巡撫清廉愛民克稱厥職其所動錢糧非係入己從寬悉免追取以昭朕優恤廉吏至意○丙戌工部議覆湖廣巡撫石琳浙江巡撫趙士麟奏柁木杉木不能如期運至特請寬限應不准行 上諭大學士

等朕聞明時採運柁木從山至河民力告竭地方苦累今運各省所備柁木杉木若程限太迫恐山路崎嶇轉運艱難地方雖有良吏不能不苦累百姓其令部臣詳議緩運勿致累民○丁亥宗人府等衙門議安親王岳樂違例將外藩喇嘛留住伊廟奉旨查通醫喇嘛隱瞞不行舉出又偽稱喇嘛瘋魔耳聾擬革親王爵得旨從寬免革王爵將掌宗人府事及議政革去罰俸三年○戊子考試漢軍官員於太和門○諭大學士等九卿咸有條奏之責科道亦為耳目之官凡有見聞及應行事宜當不時入告以明盡忠補過之義今天下雖已昇平而兵刑禮樂之大國計民生之繁豈皆事事允釐無一可言者耶爾等其以此旨徧諭廷臣焉○諭大學士等今歲雨暘時若二麥已登他穀亦皆沃茂秋成可望黎民不致阻饑但豪強富室田土既多收穫亦豐往往用之釀酒又輕值

東華錄 康熙三十五年 四

糴藏以待重價貧民田少收穫有限更不節用效尤釀酒亦甚糜費雖遇豐年僅免饑饉備遭荒歲何以自贍朕巡省閭閻歷親親每一念及惻然於懷應作何禁止使家給人足爾等可籌良策以待秋期舉行○己丑調伊桑阿為兵部尚書○是月免山東臨清等二州旱災湖廣沔陽州水災田租及湖廣黃岡等十一州縣去年旱災賦

六月庚寅朔 上巡幸塞外啟鑾○辛卯御史錢瑛奏陋弊相沿厲民為甚者莫如山西火耗臣訪聞太原府諸州縣每經徵錢糧有司既收入己之耗而司道府廳又復多方需索有司不得不加派於民以致各州縣收銀每兩有加至三錢四錢不等者近聞晉撫穆爾賽曾經刊示傳諭禁止是知火耗之重而申飭也然露章糾劾者寂然無聞又何怪州縣之視為具文而貪饕成習耶臣欲

指名入告則在在皆然不勝枚舉但採訪至確不敢不仰願 宸聰急請禁止以甦一方之困得旨九卿詹事科道會同嚴加確議具奏○癸巳 車駕出古北口是日理藩院尚書阿喇尼奏侍郎明愛遣撥什庫席納爾圖馳報都統公彭春等帥師進發五月二十二日抵雅克薩城下遵旨將 皇上不忍加誅洪恩悉著於書致羅利羅利恃巢穴堅固不肯遷歸於是二十三日分水陸兵爲兩路列營二十四日夜將神威將軍等火器移置於前二十五日黎明並進急攻城中大驚羅利城守頭目額里克舍等勢迫詣軍前稽顙乞降都統公彭春黑龍江將軍薩布素等復宣 上恩德羅利頭目額里克舍所部夷兵皆垂涕望闕稽首於是遵 皇上諭旨將羅利所部官兵及婦女童稚立視遷歸收回逃人恢復雅克薩城 上顧阿喇尼曰征勦羅利眾皆以路遠爲難朕獨斷與東華錄 康熙三十五年 五

師致討今荷天眷遂爾克之朕心嘉悅爾以捷音傳知諸王大臣既至行宮恭親王常甯等及文武官員請慶賀 上遣阿喇尼偕兵部侍郎佛倫傳諭曰治國之道期於久安長治不可圖便一時當承平無事朕每殫心籌度即今征羅利之役似非甚要而所關最鉅羅利擾我黑龍江松花江一帶三十餘年其所竊據距我朝發祥之地甚近不速加剪除恐邊徼之民不獲甯息朕親政之後即留意於此細訪其土地形勝道路遠近及人物性情以故酌定天時地利運餉進兵機宜不徇眾見決意命將出師深入捷伐然兵貴相機而動變化無窮惟恐諸將不遵朕指授致失機宜今收復雅克薩地得遂初心至於撫綏外國在使之心服不在震之以威近遣親隨侍衛關保等往軍前諄諭之曰兵凶器戰危事古人不得已用之朕以仁治天下素不嗜殺爾其嚴諭將士毋違朕旨

以我兵馬精強器械堅利羅利勢不能敵必獻地歸誠爾時勿殺一人俾還故土宜朕柔遠至意茲一一奉行朕甚嘉焉諸王大臣等奏征勦羅利眾皆難之我 皇上爲根本計獨斷與師今羅利歸誠雅克薩城收復悉如睿算不爽毫髮誠非臣等淺近之人所能仰窺萬一也且前獲羅利不加誅戮迨大兵壓境又遣關保等嚴諭將士誠以勿殺 皇上好生之德覆被天下匪獨羅利戴恩海外諸邦莫不傾向 聖化臣等合行慶賀阿喇尼等進奏畢復出傳諭曰朕思凡事必周詳審度方獲實效不可輕率從事向者尙書明安達禮輕進致糧餉不繼將軍沙爾呼達巴海等失計半途而歸遂致羅利驕恣而索倫奇勒爾鄂羅春等心懷疑貳朕詢其失機情由一一詳計今始奏功兵法云多算勝少算不勝詎可忽視且兵貴神速前逆賊吳三桂等叛朕思岳州係湖廣門戶遣人指示速戰始克岳州遂一面進取四川以分賊勢一面密諭大將軍賴塔從廣西趨雲南於是諸省底定兵革休息然亦在將軍等奮勉效力耳儻怠忽不奉行雖有良策亦何益焉所以平定雲南賴塔之功最大縱有他過爲人控告朕究不加罪諸王大臣等奏三逆叛時在外將士皆與賊相持進取無期賴 聖上神謀內運決勝萬里恩威並用勦撫兼施所以負固巨孽剋日誅鋤又俯念賴塔有功曲賜保全凡效力行間者皆歡欣鼓舞臣等亦莫不感戴殊恩 上復諭曰前關保奏云我兵擬於四月二十八日水陸進發先期雷雨大作至二十六日江水泛溢又風逆舟不得前及二十七日天晴水落二十八日平旦忽轉順風我兵揚帆溯流直上三日之程一朝而至陸路之兵雖疾行不及也又駐紮黑龍江兵丁適當肉食匱乏忽有鹿數萬自山趨下騎者馳射步者挺

擊及駕船後於江中截獲者計五千有餘朕觀此二事深知可以奏功因事未就祕而不發今既蕩平故傳諭爾等知之諸王大臣等奏 皇上仁政上合天心故顯垂鑒佑國祚綿永萬年無疆之休於此可卜 上允行禮於是王等及文武官員行三跪九叩頭禮尋彭春等捷奏至得旨覽奏官兵星馳直逼雅克薩城下示以威德招撫羅利免死放歸克復其城深為可嘉在事人員從優議敘投誠羅利巴西里等安插盛京其被擄之索倫打虎兒人眾仍各發回原地有喀爾喀厄魯特人口俱察送到部給發本主○丁酉 上覽太醫院奏知 皇四子偶爾患痢體中違和即命回鑾○戊戌 上還京師親視 皇四子疾命醫療治遂愈○以蔣寅為雲南按察使由浙江○庚子復各省廩生餼糧三之一○癸卯諭大學士勒德洪學士麻爾圖納鄂羅斯入我邊塞擾害鄂羅

東華錄 康熙三十五 七

春索倫赫哲飛牙喀等處人民搶掠其家口雖屢肆兇暴朕不忍遽興兵革故未即遣發大兵征討數遣使曉諭鄂羅斯恃其遼遠仍復抗拒益侵犯我邊鄙之人肆虐不止用是遣大兵直抵雅克薩之城後因困迫已甚而後歸降爰遵朕命宥其困而後降之罪釋之使還大兵迅速征行破四十年盤踞之鄂羅斯於數日之間獲雅克薩城克奏厥績薩布素向來逗遛不進兵之罪應概從寬免又雅齊納鄂山本獲罪發遣之人其所互告之事仍行察議今進勦官兵殊屬勞苦令伊等暫回吉林烏喇地方於盛京打虎兒之兵酌量派往防守至雅克薩城雖已克取防禦決不可疏應於何地永駐官兵彈壓此時即當定議著大學士勒德洪學士麻爾圖圖納同郎談關保與議政王大臣等會議具奏○吏部奏漢軍官員筆帖式及候補官員監生內曳白卷八百人俱應革職得旨

此輩毫無學問何可居官俱著解任令其讀書俟學習之後考試補用內有弓馬嫻熟願就武職效用者應於各旗酌量補用○乙巳 上巡幸塞外啟鑿○己酉諭扈從諸臣朕喜觀書史徧閱聖賢經傳而通鑑一書關於治道尤為切要雖不時繙閱恐有闕略故將資治通鑑綱目大全諸書皆以硃筆手自點定以通鑑綱目卷帙繁多未攜至此攜綱目彙纂用備披覽朕雖時時檢閱然不能盡記爾等職司文翰其各以所攜書籍進覽於是內閣翰林院詹事府諸臣以通鑑文選諸書呈進 上覽竟復諭曰凡文武各官皆須讀書於古今得失加意研究爾等各攜諸書以備問答甚善朕所點定之書爾等亦試觀之內閣學士圖納翰林院學士常書等恭閱奏曰 皇上萬幾之暇經傳悉加博覽又於通鑑諸書御筆點定自古帝王好學者遠不能及而諭旨猶謂不能盡記

東華錄 康熙三十五 六

仰見 皇上聖不自聖至意○裁浙江杭嘉湖道甯紹道二缺温台運副一缺改巡台道為分巡甯台道甯紹運副為甯紹温台分司○丁巳卸台州等處陣亡兵○是月免山西刑臺等二十州縣去年旱災賦

臣王先謙敬編

臣周瀚蕃恭校

秋七月壬申先是郎中包奇等奏自吉林烏喇至黑龍江計丈量共一千一百九十五里應設十四驛諭驛遞關緊要凡丈量當以五尺為度今程途大遠令包奇等再馳驛前往詳加丈量至是包奇等奏自吉林烏喇城至黑龍江城以五尺細丈共一千三百四十里應設十九驛 上命如議行復令每驛設壯丁並撥什庫三十名馬二十四匹牛三十頭壯丁自盛京甯古塔所轄各驛柳條邊派出馬牛令盛京戶部照數採買送往○癸酉理藩院郎中蘇巴泰差往蒿齊忒地方稽察蒙古饑民還向書阿喇尼引奏曰蒿齊忒蒙古被災者約三千人皆以荒野草根為食一聞遣官稽察

東華錄 康熙三十六

賑救皆環跪舉手加額曰我等殘喘自分旦夕就死今幸天使至我屬得生矣 上顧阿喇尼曰食為民天朕先有諭旨各處設立常平倉令其儲積以備賑饑今歲歲內秋成大熟正宜詳酌舉行至救荒之道以速為貴儻賑濟稍緩遲誤時日則流離死者必多雖有賑貸亦無濟矣朕每聞水旱災傷即遣官動支正項錢糧賑濟以此故也今欲救蒿齊忒蒙古若以畿內粟轉運至彼恐不能待可速以拜察地方儲備之粟措支一千石遣爾院賢能官晝夜兼馳運往賑濟○乙亥四川巡撫韓世琦丁母憂命回旗守制○贈貴州殉難守備卜世儼官廕○丁亥頒四書易尚書講義於白鹿洞書院

八月庚寅以姚締虞為四川巡撫由左僉都御史遷○丙申 上駐蹕伊瑪圖命理藩院尚書阿喇尼等傳諭入旗察哈爾官兵曰爾等自

太宗皇帝時皆編旗分佐領愛養有年今朕巡行邊外講習武

備見爾等人材壯健頗諳體制與京師八旗無異朕所以獎勵爾等不分內外一視同仁嗣後各宜善為畜牧力勤農事謹守成法勿為盜賊如此不特人皆得所即朕任使亦有裨益矣爾等其謹誌之○戊戌以孔興洪為福建按察使由直隸口○己亥九卿等議准御史錢珏奏參山西巡撫穆爾賽屬官多收火耗不能察駁應降三級調用得旨穆爾賽居官何如著大學士九卿從公詳議將眾論寫明具奏尋大學士九卿回奏山西巡撫穆爾賽為人樸實不生事得旨著原參之人指實陳奏○庚子賜翁牛特巴林科爾沁敖漢諸王貝勒額駙台吉襲衣緯帶及官兵銀幣○辛丑宿遷縣士民陸爾謐等叩閭言縣有暫加三餉缺額丁銀缺額糧地及曠土虛糧四項包賠之苦籲請豁免戶部以載在賦役全書徵收已久應毋庸議得旨朕過宿遷見小民窮苦情形此事爾部再確議以聞尋議暫加三餉一款徵收與各州縣同不便獨獨至缺額糧地續報曠土悉予蠲除其缺額丁銀應暫停徵以待招徠之後起徵從之○丙午 上駐蹕拜巴哈昂阿○賜翁牛特官兵治道者銀幣○乙卯 上駐蹕烏爾格蘇台○丙辰賜喀喇沁杜稜郡王扎什及所屬官兵冠服銀幣

東華錄 康熙三十六

九月戊午朔 上至博洛和屯裕親王福全遣人奏 太皇太后還和奏甫至 上即星夜回鑾○己未午刻 上還京師趨視太皇太后慈體已安尚在服藥 上親視進藥侍奉至夜半自是遂康甯如常○丙寅 上御經筵○戊辰命戶部侍郎蘇赫察賑淮揚被災地方○己巳命大學士等傳問宗人府左宗正貝子章泰曰爾衙門既無刑名錢穀要務何以保舉之官甚多章泰引咎

上諭宗人府衙門既無事務且官員甚少著停保舉章泰品行不端著解任○辛未諭吏部督撫藩臬官資相近請託易行每逢大計各省督撫多以藩臬舉報卓異不無結納徇情之弊著通行禁止○壬申九卿等議准御史錢珪遵旨陳奏山西巡撫穆爾賽多加文水等縣火耗嫁女時索屬官禮物革職通判張謙交結該撫家人妄詐屬官財賄布政使那爾收兌多徵銀兩事請將穆爾賽那爾及本內有名官役俱提至京師嚴審 上命依議行因問尚書科爾坤曰前者謂穆爾賽為人樸實不生事孰倡此語耶科爾坤奏曰穆爾賽為人樸實眾人皆知左都御史陳廷敬敬山西人也先言穆爾賽不生事 上問陳廷敬陳廷敬奏曰臣等同內閣諸臣會議時人止言穆爾賽平常並未言其不生事 上復問科爾坤是誰為此言者科爾坤奏曰侍郎蔣宏道亦有此言 上問

東華錄 康熙三十六年 三

曰蔣宏道爾所見若何蔣宏道奏曰臣離家年久並不知穆爾賽行迹 上曰凡人臣事君以竭盡忠誠為本爾等皆朕信用之人既已同議今又推諉陳廷敬等是何理也即今居官者更有如穆爾賽貪污者乎如此之人尚謂其不生事嗣後九卿何可信用○癸酉戶部進呈修成簡明賦役全書體式得旨著九卿從公詳看議奏○甲戌河道總督靳輔奏康熙二十三年冬臣隨 駕閱河 皇上面諭臣看河南工程臣前赴河南確勘黃河兩岸工程目前至急之務如考城儀封等縣應築隄工共長七千九百八十九丈又封邱縣荊隆口應築大月隄三百三十丈又榮澤縣應修築埽工二百一十丈此工告成不特河南無虞實可為江南保障下部議行○乙亥 上遵 太皇太后諭往白塔寺進香適大雨如注近侍請俟少霽 上曰近因 聖祖母偶爾違和朕心深切憂

慮今已痊愈何憚此一往以慰 慈顏乎遂冒雨行○丁丑以 入代為內閣學士由翰林院侍讀學士遷 ○己卯以達哈他為吏部尚書由吏部 ○庚辰諭大學士等九卿詹事科道令其會議會推本期至公至正務得真實今聞九卿會議之事間或不據實具議草率苟且因循而行有此一次立論爭勝以冀下次不與相拂而從之者或有此一次將彼意中之人薦出冀下次將其親朋薦出以相報者或有薦其門生者有薦其同年者有薦其同鄉親友者夫九卿會議會推理宜虛公持論豈可一二人專擅以行且設立科道本欲其凡事從實建言有執拗護庇者即為指參也其專擅執拗護庇之人何未見糾劾耶眾議之時亦有一同具議後因其事不當復云彼時我原如此說者如果原議時眾論與伊意不合即宜將己見明白敷陳另立一議既不另立一議同列職名又稱我曾如

東華錄 康熙三十六年 四

此說是斷斷不可者且今誰可以擅處誰耶即如張志棟近將九卿題參亦誰如彼何也朕於康熙十八年因此等事曾經有旨申飭可察前旨一併復行傳諭凡事會議不必詢問本省大臣官員若每加詢問或致不肖之人益在地方生事橫行本省督撫地方官無不畏懼且將凡屬會議之事無不屬託本省大臣官員矣政務何由得乎今會議山西巡撫穆爾賽因係滿洲恐致敗露意欲從平易歸結耳若是不於事前豫為勸戒令其公廉乃不為豫戒徒於事發之後欲如此結案可乎爾等齊集滿漢九卿大臣傳諭申飭之○辛巳贈故奮威將軍陝西提督王進寶太子太保子祭葬諡忠勇○九卿會議廣東雲南秋審犯人 上曰凡別項人犯尚可寬恕貪官之罪斷不可寬此等人藐視法紀貪污而不悛者祇以緩決故耳若法不加嚴不肖之徒何以知儆此內貪官

耿文明等正法外其餘正犯俱照爾等所議完結○壬午大學士九卿等同奏御史張志棟參九卿因循成風一疏奉旨令臣等明白回奏伏念 皇上激清吏治愛養民生諄諄以砥礪廉隅禁絕積弊告誡臣工即會議穆爾賽一事奉旨問其居官賢否臣等愚昧無知不能稔其貪劣確蹟據實直陳臣等罪無可追伏乞敕部嚴加議處得旨未與會議九卿詹事科道會同察議具奏○甲申議政王大臣等遵旨議准查墨爾根地方最為緊要應築城設兵令將軍薩布素及副都統一員駐紮於此黑龍江設副都統一員其駐防五省兵以烏喇甯古塔兵參用先流徙甯古塔烏喇罪人俱入兵數發往既於墨爾根設兵自須增驛令戶部兵部理藩院各遣官一員自吉林烏喇至墨爾根自墨爾根至黑龍江宜增幾驛定議具奏駐防黑龍江副都統鑄印信給之副都統溫代納奏

東華錄 康熙三十六 五

欽簡 上允行令溫代納奏駐防黑龍江副都統博定築城兵丁外再量增夫役兼令種地○乙酉九卿等議准總漕徐旭齡條奏漕糧派索諸弊應令徐旭齡將歷年派索官員指名題參 上諭大學士等此等弊端相沿已久必令指名題參則後來督撫難於條奏矣可著該督嚴加禁飭務在遵行○丁亥以圖納為山西巡撫由內閣學士遷○吏部議准江蘇巡撫湯斌奏常州府降調知府祖進朝請留原任應不准行得旨設官原以愛養民生巡撫湯斌保奏祖進朝清廉地方百姓莫不聞聲懇留可從所請仍留原任以勸廉吏○是月免江南邳州山西徐溝河南太康等十八州縣水災江西上饒等九縣旱災額賦有差

冬十月戊子朔命廣東開鑪鼓鑄○庚寅以馬齊為山西布政使

東華錄 康熙三六

由內閣侍讀學士遷○吏部議准左都御史陳廷敬奏督撫保舉舉府州縣官須令第一條實填無加派火耗字樣第二條實心奉行上諭十六條每月吉聚鄉村鄉約講解字樣餘條仍照舊例開具實蹟應如所請嗣後督撫保舉舉府州縣官員將此二條添註冊內如保舉不實別經發覺者照徇情薦舉卓異例督撫各降二級調用申詳之司道府等官各降三級調用從之○甲午賜徐憲武等九十六人武進士及第出身有差○丙申吏部等衙門察議奉旨問山西巡撫穆爾賽居官賢否時諸大臣不將穆爾賽貪劣據實陳奏應將大學士勒德洪等各降二級調用九卿科爾坤等各降三級調用加級紀錄俱不准抵銷得旨勒德洪降二級科爾坤等降三級從寬留任漢大學士九卿等俱著寬免尋吏部再議大學士勒德洪應削去太子太傅抵降一級留任從之○丁酉 上

東華錄 康熙三十六 六

幸南苑行圍○戊戌 上還宮○以布雅努為山西按察使由刑部郎中○理藩院等衙門題厄魯特噶爾丹博碩克圖汗下沙里巴圖台吉來使伊特木根於北館中毆死正白旗西圖佐領下商人王治民應論死 上命將伊特木根立決並傳諭厄魯特爾等進貢來使沿途往返擾害民生搶掠牲畜以致邊境內外百姓困苦者甚眾朕雖稔知以爾乃遠方之人本不諳中國法紀無知妄行未遽加罪屢從寬免嗣後貢使往來如有擾奪為非者爾等率領頭目並犯法之人皆依中國律令治罪會經頒旨曉諭今爾進貢頭目並不嚴束儉從任其擾害將內地人毆死干紀甚矣先以爾等愚昧頑蠢凡細微攘奪之罪知而宥之乃屢邀寬免頻加曉諭全不欽遵竟至毆死內地之人今若不按法抵罪日後漸益恣肆大起爭鬪未可定也用是將毆死人命之伊特木根依律處斬令爾

等識之觀之此後爾等其謹遵成法嚴戢從人毋得肆惡妄行也
 ○己亥以穆稱額為內閣學士由太常少卿遷○庚子諭大學士等今年
 所擬秋決貪官甚多若盡行處決朕心不忍若不行處決貪劣之
 徒何以知儆且或有贓犯雖多而情有可矜者或贓犯雖少而情
 有可惡者若一律議罪殊屬未便爾等將貪官所犯之情罪分別
 輕重朕當酌量定罪○癸卯諭大學士等今見外藩蒙古王貝勒
 貝子公台吉等有因徵收年貢羊酒借端多派殊屬累民可酌量
 大加裁減歸於至約令其進獻爾等會同該部確議具奏尋議外
 藩王以下每歲止貢羊一隻酒一瓶從之○丙午五色慶雲見○
 戊申吏部議准原任四川巡撫韓世琦題參西陽土司運解柎木
 遲延查土司無俸可罰應免議 上諭大學士等韓世琦前任江
 蘇巡撫居官狼藉後任偏沅巡撫時採辦柎木則稱四川西陽土
 東華錄 康熙三十六 七
 產柎木合式請令蜀省督撫勸諭捐輸及調任川撫又題稱西陽
 地方柎木數目丈尺路遠不便察看請行湖廣督撫就近察明經
 部駁察今始委過土司稱大木難運等語前後題奏參差不合著
 吏部嚴加議處尋議革職從之○乙酉九卿議覆總河靳輔奏高
 寶等七州縣下河築隄高過海潮於沿海口地方挑河白駒場等
 處建開諸工需銀二百七十八萬餘兩請先發銀一半償工俟涸
 出額餘官田取佃價償還又高家堰應加密排椿丁頭小埽再於
 隄裏挑小河築束水隄共需銀五十三萬餘兩請先撥銀三十萬
 兩又黃河兩岸築隄工銀一百五十八萬餘兩請先撥銀五十萬
 兩俱應准行 上諭大學士等靳輔題請治下河之法在築隄束
 水以注海其工費將涸出田畝取佃價償還等語九卿會議准行
 朕思田畝涸出便當與民墾種納糧若取佃價償還恐致累民九

卿等特不敢自為主張故議准行耳至高家堰幫築工程實為緊
 要朕舊歲南巡量度水勢見前人幫築高家堰以捍洪澤諸湖頗
 有深意今此堰若或潰決則黃河亦難保固至黃河兩岸隄工似
 在可緩況三工兼舉需費錢糧甚多儻他處或有水旱災荒恐國
 用不敷難供賑濟之用此事關繫最重爾等當詳議具奏○庚戌
 兵部議都統公彭春等招撫雅克薩城羅剎應作頭等軍功 上
 諭大學士等此番軍功與明安達禮等不同以歷年不能勦除之
 寇不久奏績尤屬可嘉此等招撫之功議作頭等尚輕著為頭等
 第一軍功將軍薩布素亦著議敘具奏○命南河總督靳輔按察
 使于成龍馳驛至京師與九卿詹事科道詳議河工事務○諭大
 學士等近見工部凡於交送物件皆耽延時日抑勒不收弊端滋
 多此後其嚴禁之可傳諭工部○諭掌膳等官天下之物力有限
 東華錄 康熙三十六 八
 當為天下惜之今酥油乳酒供給有餘爾等會同慶豐司酌量收
 取足用則已不可過多蒙古甚窮乏取者減少則彼貧人日用可
 以恒足矣○壬子先是議政王大臣等議巴圖爾額爾克濟農但
 奏請敕印彼欲永居何地未經聲明應遣大臣曉諭巴圖爾額爾
 克濟農問明到日定議 上命理藩院尙書阿喇尼前往至是阿
 喇尼還奏曰臣至巴圖爾額爾克濟農所宣諭 聖旨巴圖爾額
 爾克濟農曰 皇上以我兄弟族屬離散欲使合處乃係非常殊
 恩何敢違近者達賴喇嘛亦謂羅卜臧滾布阿喇布坦所居布隆
 吉爾之地地隘草惡難以容眾不若與濟農同居臣因問濟農欲
 居何地彼曰欲環居阿喇克山之陰以遏寇盜不使紛擾邊疆令
 部眾從此地而北當喀爾喀畢馬拉吉里第諾顏之地由噶爾拜
 瀚海額濟內河姑喇耐河雅布賴山巴顏努魯喀爾占布爾古忒

空廓爾俄壠以內東倚喀爾喀丹津喇嘛之部眾西極高河而居之則咸沐 皇上恩澤而各得安生矣 上命俟遣往達賴喇嘛官員到日再議○癸丑 上幸南苑行圍○乙卯 上還宮

十一月丁巳朔日有食之○給事中楊周憲奏纂修簡明賦役全書無益於民請停止 上諭大學士等楊周憲奏纂修簡明賦役全書將銀之尾數收入釐內糧之尾數收入勺內所增銀米豆麥爲數不多在部議所收者乃州縣之尾數州縣所收者則各圖各里各甲之尾數殊爲繁多不無滋弊且歲造冊籍書吏需索恐致擾民伊言似是不知戶部初題時是何意見果能永久無弊否此事關繫國計民生須求確實方可永久遵行勿以一人以爲可而輒行勿以一人以爲不可而輒止宜虛心公議從容確定務期可垂久遠儻急遽議行不過數年又議更改豈可爲法爾等再公同

東華錄

康熙三十六

九

確議具奏○設浙江滿洲理事同知一○戊午諭大學士等穆爾賽身爲大吏貪酷已極穢迹顯著非用重典何以示懲且九卿會議穆爾賽事瞻顧徇庇並未詳明議罪真有彌天之術朕不行立斷誰肯執法耶治天下以懲貪獎廉爲要廉潔者獎一以勸眾貪婪者懲一以儆百爾等將此意傳問九卿回奏○己未諭吏部往者康熙十八年曾諭九卿詹事科道一同奏事期於政治得失互相討究雖微員亦得於朕前各抒己見前阿蘭泰於九卿啟奏時言諸大臣跪列於臣之前故未說出則非朕令一同奏事之意矣爾等將此再行曉諭九卿等○戶部議准侍郎蘇赫往勘准揚水災奏請免被災百姓錢糧將運丁所餘米麥賑濟諭大學士等今國用亦云充足曾令詳察各省錢糧於來歲蠲免夫欲使民被實惠莫如蠲免錢糧朕南巡時觀宿遷邳州百姓生計今年尙可支

持准揚等處饑民已經被災不能辦納錢糧今僅免本年錢糧百姓霑恩有限須將明歲錢糧一併蠲免庶於民大有裨益至直隸各省遇災錢糧亦欲蠲免爾等會同戶部將被災地方蠲免錢糧數目一併察明詳議具奏○庚申諭戶部朕惟自古帝王統一寰區懋宣德化必子惠黎元勤求民瘼俾幹止甯成家給人足而後世躋雍熙治登上理朕御極以來宵旰圖治未敢即安念切民依思培邦本雖編氓漸得遂生而閭閻正資惠養欲使羣生樂利比戶豐盈惟頻行減賦蠲租庶萬姓得霑實惠前用兵以來河南湖北兩省民人轉輸供億勞費繁多特沛仁恩以昭軫恤所有康熙二十五年應徵地丁各項錢糧著予蠲免一半其康熙二十四年未完地丁錢糧亦著盡予豁免又直隸獻縣河間縣河間衛江南宿遷興化縣邳州高郵州鹽城縣山東鄒縣魚臺縣地方今年

東華錄

康熙三十六

十

重罹水災小民艱苦亦應加恩軫恤所有康熙二十四年下半年二十五年上半年地丁各項錢糧俱予豁免爾部速行該地方官通行曉諭務使人人均霑恩膏以副朕愛育蒼生至意如有不肖有司官役借端蒙混反私行重徵者該督撫指名題參從重治罪如該督撫徇隱不行糾舉或被告發定行一併從重治罪爾部即遵諭行○庚午九卿等議准原任山西巡撫穆爾賽應立絞得旨穆爾賽所承認贓數不符姑改爲監候秋後處決○壬申禮部尙書哈占以病乞休得旨哈占前任川陝總督不能實心盡職後值大兵進剿屢經奉旨催促始隨他人之後前往並未著有勞績乃稱捐軀思效晝夜拮据等語妄行陳奏殊屬不合著嚴飭行仍留任殫力供職以贖前愆○癸酉命扎薩克喇嘛垂木珠爾拉木扎木巴得木齊商南多爾濟副都御史拉篤祐等齎敕往諭達賴喇

喇尼轉奏曰臣等以朝貢而來聞 皇上大閱甲兵遠方之人幸逢盛典願一睹軍容 上曰從來撫綏高邦在德教不在威武故兵者不得已而用之今四海昇平偃兵不用然訓練士卒簡閱軍器所以修武備昭法制也喀爾喀台吉既請往觀可允具奏又有厄魯特固魯木錫台吉鳴爾丹博碩克圖汗來使塔西薩和卓等亦請往觀 上亦命隨往至是 上由午門出宣武門八旗都統各率所部將士擐甲胄佩弓矢建旗幟自灣子裏夾道分列至拱極城前鋒官軍自蘆溝橋夾道分列至王家嶺山麓其東則有排槍官軍其西則紅衣巨礮皆次第陳列 上乃登王家嶺升 御座軍中吹螺角者三發巨礮三既而排槍並發前後相繼聲絡繹不絕者久之且無不中的又命將士發紅衣巨礮於是入旗所列紅衣將軍及諸火器一時盡發凡二次聲震天地巨礮所擊樹侯

東華錄 康熙三十六年 十一

喇尼轉奏曰臣等以朝貢而來聞 皇上大閱甲兵遠方之人幸逢盛典願一睹軍容 上曰從來撫綏高邦在德教不在威武故兵者不得已而用之今四海昇平偃兵不用然訓練士卒簡閱軍器所以修武備昭法制也喀爾喀台吉既請往觀可允具奏又有厄魯特固魯木錫台吉鳴爾丹博碩克圖汗來使塔西薩和卓等亦請往觀 上亦命隨往至是 上由午門出宣武門八旗都統各率所部將士擐甲胄佩弓矢建旗幟自灣子裏夾道分列至拱極城前鋒官軍自蘆溝橋夾道分列至王家嶺山麓其東則有排槍官軍其西則紅衣巨礮皆次第陳列 上乃登王家嶺升 御座軍中吹螺角者三發巨礮三既而排槍並發前後相繼聲絡繹不絕者久之且無不中的又命將士發紅衣巨礮於是入旗所列紅衣將軍及諸火器一時盡發凡二次聲震天地巨礮所擊樹侯

東華錄 康熙三十六年 十一

喇尼轉奏曰臣等以朝貢而來聞 皇上大閱甲兵遠方之人幸逢盛典願一睹軍容 上曰從來撫綏高邦在德教不在威武故兵者不得已而用之今四海昇平偃兵不用然訓練士卒簡閱軍器所以修武備昭法制也喀爾喀台吉既請往觀可允具奏又有厄魯特固魯木錫台吉鳴爾丹博碩克圖汗來使塔西薩和卓等亦請往觀 上亦命隨往至是 上由午門出宣武門八旗都統各率所部將士擐甲胄佩弓矢建旗幟自灣子裏夾道分列至拱極城前鋒官軍自蘆溝橋夾道分列至王家嶺山麓其東則有排槍官軍其西則紅衣巨礮皆次第陳列 上乃登王家嶺升 御座軍中吹螺角者三發巨礮三既而排槍並發前後相繼聲絡繹不絕者久之且無不中的又命將士發紅衣巨礮於是入旗所列紅衣將軍及諸火器一時盡發凡二次聲震天地巨礮所擊樹侯

喇尼轉奏曰臣等以朝貢而來聞 皇上大閱甲兵遠方之人幸逢盛典願一睹軍容 上曰從來撫綏高邦在德教不在威武故兵者不得已而用之今四海昇平偃兵不用然訓練士卒簡閱軍器所以修武備昭法制也喀爾喀台吉既請往觀可允具奏又有厄魯特固魯木錫台吉鳴爾丹博碩克圖汗來使塔西薩和卓等亦請往觀 上亦命隨往至是 上由午門出宣武門八旗都統各率所部將士擐甲胄佩弓矢建旗幟自灣子裏夾道分列至拱極城前鋒官軍自蘆溝橋夾道分列至王家嶺山麓其東則有排槍官軍其西則紅衣巨礮皆次第陳列 上乃登王家嶺升 御座軍中吹螺角者三發巨礮三既而排槍並發前後相繼聲絡繹不絕者久之且無不中的又命將士發紅衣巨礮於是入旗所列紅衣將軍及諸火器一時盡發凡二次聲震天地巨礮所擊樹侯

東華錄 康熙三十六年 十一

喇尼轉奏曰臣等以朝貢而來聞 皇上大閱甲兵遠方之人幸逢盛典願一睹軍容 上曰從來撫綏高邦在德教不在威武故兵者不得已而用之今四海昇平偃兵不用然訓練士卒簡閱軍器所以修武備昭法制也喀爾喀台吉既請往觀可允具奏又有厄魯特固魯木錫台吉鳴爾丹博碩克圖汗來使塔西薩和卓等亦請往觀 上亦命隨往至是 上由午門出宣武門八旗都統各率所部將士擐甲胄佩弓矢建旗幟自灣子裏夾道分列至拱極城前鋒官軍自蘆溝橋夾道分列至王家嶺山麓其東則有排槍官軍其西則紅衣巨礮皆次第陳列 上乃登王家嶺升 御座軍中吹螺角者三發巨礮三既而排槍並發前後相繼聲絡繹不絕者久之且無不中的又命將士發紅衣巨礮於是入旗所列紅衣將軍及諸火器一時盡發凡二次聲震天地巨礮所擊樹侯

東華錄 康熙三十六年 十一

喇尼轉奏曰臣等以朝貢而來聞 皇上大閱甲兵遠方之人幸逢盛典願一睹軍容 上曰從來撫綏高邦在德教不在威武故兵者不得已而用之今四海昇平偃兵不用然訓練士卒簡閱軍器所以修武備昭法制也喀爾喀台吉既請往觀可允具奏又有厄魯特固魯木錫台吉鳴爾丹博碩克圖汗來使塔西薩和卓等亦請往觀 上亦命隨往至是 上由午門出宣武門八旗都統各率所部將士擐甲胄佩弓矢建旗幟自灣子裏夾道分列至拱極城前鋒官軍自蘆溝橋夾道分列至王家嶺山麓其東則有排槍官軍其西則紅衣巨礮皆次第陳列 上乃登王家嶺升 御座軍中吹螺角者三發巨礮三既而排槍並發前後相繼聲絡繹不絕者久之且無不中的又命將士發紅衣巨礮於是入旗所列紅衣將軍及諸火器一時盡發凡二次聲震天地巨礮所擊樹侯

尙未允協著內閣會同禮部察頒錫外國之例酌量增益所賞儀
物確議具奏○丙子大學士等奏河道總督靳輔按察使于成龍
來京臣等遵旨問河工事宜靳輔議開大河建長隄高一丈五尺
東水一丈以敵海潮于成龍議開濬海口故道兩人各執己見議
不盡一臣等與九卿俱從靳輔議通政使司參議成其範科道王
又且錢珏等從于成龍議 上曰朕聞自宋以來河道不甚爲害
明隆慶間諸口故道始至淤塞近自康熙七年桃源隄潰決遂爲
七邑之患今兩人各持一說亦俱有理似皆可以建功但不知其
孰於民有益無害爾等可傳問高寶興鹽山江泰七州縣見任京
官此兩說孰是伊等係本地人所見必確若因產業有礙或徇私
不以實對雖掩飾一時將來朕必知之務令直言無隱○丁丑
上御懋勤殿大學士等以處決重囚疏請旨 上曰茲事重大人
東華錄 康熙三十六 三
命所繫雖經廷臣詳訊朕已矜減多人而情實各犯苟可生全姑
令緩死朕與爾等詳議之賜諸臣坐 御案先設招冊 上一一
詳閱諭大學士等爾等攜有招冊節畧摺子各取出比對因命大
學士王熙學士牛紐執筆於應句者先句於摺子內有擬議未定
者姑點之俟再議重犯六十六人讞詞一一覽畢 上諮詢詳慎
至三乃命牛紐韓葵於 御案傍批紅所句者凡二十有九人
上召大學士學士起居注官等至懋勤殿 上問學士徐乾學起
居注官喬萊河工事喬萊奏曰從于成龍議則工易成百姓有利
無害若從靳輔議則工難成百姓田廬墳墓傷損必多且隄高一
丈五尺東水一丈比民間屋簷更高伏秋時一旦潰決爲害不淺
矣 上諭大學士等朕聞河工一注作形自巨豐之言家
堰之水減入高郵寶應諸湖由湖而至運河河隄決始入民田今

兩人建議皆係洩水以注海雖功皆可成畢竟于成龍之議便民
且開濬下河朕欲拯救民生耳實非萬不可已之工也若有害於
民如何可行于成龍所請錢糧不多又不害百姓姑從其議著往
興工不成再議未遲○戊寅大學士等以翰林院侍讀喬萊等公
議摺子進呈 上覽畢諭曰鄉紳之議如此但未知百姓如何濬
河原以救民靳輔所請既與于成龍不同或有累百姓亦未可知
宜遣滿漢大臣有識見者往詢土人詳閱形勢必期允洽民情有
利無害方可舉行遂命工部尙書薩穆哈學士穆爾額速往淮安
高郵等處會同徐旭齡湯斌詳問地方父老期於兩旬內回奏○
刑部題叛犯侯滿英家奴僕應交內務府 上命發與戶部入官
因諭曰嗣後反叛旗丁仍如例交該管衙門其奴僕俱發戶部入
官著爲例○己卯諭領侍衛內大臣舅舅佟國維伯費揚古曰原
東華錄 康熙三十六 古
任都統鄂內內大臣坤巴圖魯皆 太宗時舊臣效力年久前雖
軍中獲罪事非由己今罷職閒居朕心深爲憫惻俱授爲散秩大
臣二人俱年老衰邁能步履令其上朝如不能則聽其家居勿強
也爾等可即宣召示朕優恤耆舊至意○乙酉諭大學士等今月
朔日食十六日月食且比日積陰無雪朕思天象稍有愆違即當
儆戒修省或施行政事有未當敷或下有冤抑未得伸敷爾等傳
諭九卿詹事科道詳議以聞九卿詹事科道因入奏曰 皇上寬
仁御下勵精圖治凡於用人行政吏治民生莫不精詳周至民皆
遂生樂業乃猶有日月薄蝕積陰不雪之象是皆臣等才識闇淺
弗克稱職以上干天和今惟洗心滌慮實圖修省仰副我 皇上
都承天刑至意○大學士等奉命撰擬蠲免河南湖北及直隸山
東被水州縣錢糧諭旨進呈中有海宇昇平等語 上曰今四方

雖定民生未盡悅安朕宵旰不遑勤求閭閻疾苦每遇有利民生之事惟恐行之稍遲致民生失所孜孜不已庶幾漸見太平且古帝王已治益求其治已安益求其安朕深自省惕惟慮始勤終怠不克底於化成若遽謂昇平而泰然自足非朕勤求上理之初意也自後諭旨中凡此矜張盈滿之言勿復擬入

十二月丁亥朔四川提督何傳奏請武官亦應丁憂 上諭大學士等孝者治天下之本理應丁憂且武官久任非善事在昔唐朝藩鎮驕蹇跋扈皆由久典兵權之故耳丁憂之例既定自不致久任矣著九卿議奏○戊子諭大學士等朕昨召靳輔于成龍至廷將河圖一一詳詢又令二人各出己見互相論難朕又問以淮安揚州等地原係低窪積水遂致成湖彼處百姓儻遇年旱仍資湖水灌溉況地既屬窪下縱盡力決導能令水盡涸乎二人俱奏稱

東華錄 康熙三十六年 五

不能盡涸朕意水勢稍減即有益於民應依于成龍所言挑濬海口俾所滯之水得以流通其有無利益之處不久便見但不知所需錢糧若干始可敷用王熙奏曰據于成龍奏稱錢糧不能豫行估計想從故道挑濬似不大費經營○九卿等議覆給事中楊周憲奏錢糧絲忽以下細數不應刪去其簡明賦役全書當停其刊刻應毋庸議 上顧吏部尚書達哈他等曰爾等之意皆同否達哈他奏曰錢糧事件臣不能洞悉但微細之數刪去則檔冊簡明似易查覈臣等今議將忽以下細微刪去所刪之銀不過數千兩數目不多臣等故同一議 上曰朕原不從所刪些微錢糧起見但論有益於民否達哈他奏曰臣等議將絲以上之數仍存忽以下之數刪去如此則便於查覈吏胥不得作弊實有益於民九卿等出 上又顧問曾任有司科道錢珪任辰旦等奏言臣等任知縣

時頗有錢糧細數繁多檔案尤雜由部駁至藩司由藩司駁至州縣展轉駁查滋累民間吏胥藉此作弊若刪去忽以下細數實於民有益 上命如九卿議行○庚寅 皇子允禩生○內閣禮部遵旨議覆賞賚外國例朝鮮西洋荷蘭賜物素厚不必復增及暹羅王妃賞賜亦仍如常遵行嗣後琉球國王應增段三十疋安南國王增段二十疋暹羅國王增段十六疋凡表裏各五十疋吐魯番亦增段六疋從之○甲午宗人府禮部遵旨議覆土等應用金黃色馬韉其紫色馬韉原非定例當用應禁止得旨郡王之長子貝勒貝子著用紫色馬韉餘如議○戊戌山東巡撫張鵬奏曲阜縣顏氏地畝照孔氏例從輕徵糧以昭朝廷優恤聖賢後裔之意從之○己亥 上以歲暮致祭 孝陵啟鑾○庚子 上謁 孝陵至 仁孝皇后 孝昭皇后陵奠酒○辛丑 上詣 孝陵於

東華錄 康熙三十六年 六

陵 上回鑾○癸卯 上還京師○甲辰以佛倫為左都御史 兵部左侍郎 ○刑部題旗人史書等辱罵順天府府丞王維珍經王維珍舉首應將史書等枷一月鞭一百 上諭大學士等旗下惡棍辱罵職官如此輕處何以儆戒眾人著查康熙十八年定例呈奏於是大學士等奏康熙十八年曾經九卿定議諸王及大臣僕人有干預詞訟索取財物者其主知情從重議處僕人枷三月鞭一百其主不知情僕人以光棍治罪 上曰此情最為可惡著從重治伊主一併察議此等事甚多舉首者少王維珍不顧情面舉首可嘉著議敘勒德洪奏曰其主乃康親王傑書也 上曰朕止論事之是非不論其為何人也○是月免湖南武陵邵陽湘鄉旱災山東濟甯州水災田租○是歲朝鮮琉球來貢○人丁戶口二千

一頁 2 頁之內

三十四萬一千七百三十八田地山蕩畦地五百八十九萬一千六百二十三頃三十七畝有奇徵銀二千七百二十一萬六百四十九兩有奇米豆麥六百九十一萬二千二百一十三石四斗有奇草二百二十九萬二千二百八十七束茶十五萬九千三百一十五引鹽四百三十五萬六千一百五十引徵課銀二百七十六萬一千三百八兩有奇鑄錢二萬九千四百八十五萬一千四百八十有奇

東華錄

康熙三十六

七

東華錄

康熙三十七

臣王先謙敬編
臣周澐著恭校

康熙二十五年丙寅春正月戊辰先是理藩院奏厄魯特巴圖爾額爾克濟農攜其屬七百八十人將至遣官往迎上曰巴圖爾額爾克濟農所屬亦限以二百人入關餘者留歸化城則見在噶爾丹之貢使可無辭矣茲當嚴冬之際行李牲畜盜賊可虞歸化城都統古睦德見以年節來覲可令速回監視著遣戶部理藩院司官各一員前往宣化府優給供應至是巴圖爾額爾克濟農至京朝見筵宴畢上以御服貂裘賜之○辛未上幸南苑行圍○壬申遣副都統馬喇等往督黑龍江屯田○甲戌諭大學士勒德洪學士麻爾圖曰者大兵往征鄂羅斯破雅克薩城釋鄂羅斯不誅赦之使生還其時不並取尼布潮地者蓋以尼布潮地畫為疆索使鄂羅斯不得越尼布潮界外聽其捕牲也今薩布素等奏言鄂羅斯復來城雅克薩地今當即往征而滅之耶抑或緩之以待黑龍江墨爾根地將士移家定然後進兵為宜耶令議政王貝勒大臣及與鄂羅斯之役彭春佟寶班達爾沙郎談同爾等會議以聞○雲南貴州總督蔡毓榮奏逆苗王騰龍等聚眾劫掠應行征剿上諭大學士等苗蠻賦性樸實不敢生事止以地方該管官不克平情撫恤反需索馬匹金銀誅求無已不能供應遂生弊端耳前逆賊吳三桂亦因需索水西不遂貪欲捏造水西反叛竟自發兵剿滅盡取其利以為己有今苗蠻之事恐亦類此○乙亥厄魯特巴圖爾額爾克濟農入見上召近前諭之曰爾祖願實汗於太宗文皇帝朝輸誠進貢是時同達賴喇嘛來通款爾叔

鄂齊爾圖車臣汗當 世祖章皇帝時竭抒忠悃每年進貢請安其土產白鷹以時來貢朕猶及見之夫貢物何足珍貴正鑒其誠敬之心耳及爾等厄魯特內亂噶爾丹攻滅鄂齊爾圖車臣汗並吞其眾遣使獻俘朕念前此鄂齊爾圖車臣汗勉效忱悃聞其破亡且加憫恤何忍受之因諭來使卻其所獻俘獲頃者爾為噶爾丹擊敗奔來邊境將沿疆附近居民牲畜等物偷盜侵奪朕即應正爾犯邊之罪何難遣兵剿除但念爾昔時頗竭誠款爾復引罪自首以迫於飢窮瀕死妄行等情奏請朕即寬宥今若徒爾於邊境內外不拘何地居之爾敢不懍遵特念爾祖願實汗爾叔鄂齊爾圖車臣汗素效恭謹故俾爾絕者復繼散者復聚欲使鄂齊爾圖車臣汗之孫羅卜臧滾布阿拉布坦與爾聚處爾等宜相與輯睦善自安業至於爾等聚否在朕本無損益惟是朕為天下

東華錄

康熙三十七

二

主凡在函蓋咸欲使之共樂太平朕茲諭旨自爾身及爾子孫當世世念之勿替○封安親王岳樂子吳爾占為貝勒鎮國公蘇努子富爾金為輔國公○壬午調傅臘塔為兵部右侍郎由刑部調二月丙戌贈陝西陣歿驍騎校馬喇希四川陣歿參贊副都統擴爾昆世職○九卿遵旨議覆四川提督何傳請武官照文職丁憂一疏嗣後提鎮以下如奉特旨留任者應令在任守制其副將參將以下等官如係緊要地方缺該督撫提鎮題留者准其在任守制餘俱令解任守制得旨依議守制關乎孝道人子之心各宜自盡文武一體極為合理閒有應留者候臨期酌定○丁亥以丹岱為刑部右侍郎由內閣學士遷○禮部議准差往朝鮮國審事護軍統領佟寶奏朝鮮國王李焯前屢次獲罪俱蒙 皇上宏恩寬宥理應益加恪慎乃平日不將人民禁飭以致韓得完等二十八人違禁

越江採獲復擅放鳥槍將欽差繪畫輿圖官役打傷殊干法紀請將該國王罰銀二萬兩以儆疏縱從之○庚寅引見直省朝覲官上詳問各省條奏事宜及職銜履歷諭科道等官頃浙江按察使佟國佐奏飢民為盜請寬減其罪天下焉有不飢不寒而為盜者若以飢寒所迫為辭將為盜者竟可不坐罪乎藩臬條奏應以地方利弊關繫重大者入告今伊等所言大都皆職司之內平等事務非關緊要於地方亦未有裨益○辛卯吏部等衙門會奏直隸巡撫崔澄於康熙二十四年大計卓異永平府知府佟世錫查佟世錫聲名不好應照例革職該撫以應去之員反舉卓異應降四級調用從之○先是九卿等議准工部尚書薩穆哈學士穆稱額等往勘下河議海口暫停開濬得旨海口不行開濬則泛溢之水無歸濬之使水有所洩高郵等處淹浸田畝可以涸出令于成

東華錄

康熙三十七

三

龍薩穆哈穆稱額同九卿集議之至是九卿奏奉差大臣及該督撫親歷河干問河濱百姓僉謂挑濬海口無益應行停止 上問大學士等曰于成龍云何大學士等奏曰于成龍言欲開濬海口必修治串場河其費約百餘萬臣等議以此工果有裨益即費至千萬亦所不惜今以百萬帑金嘗試於未必可成之工不若留此以備各處賑濟 上曰海口關繫民生自應開濬今九卿及于成龍等僉議停止且視今歲水勢如何再酌之○癸巳 上御保和殿直隸各省朝覲官員行禮鴻臚寺官宣讀 上諭諭曰國家三載考績原以崇獎廉善擯斥貪殘必吏治激清庶民生安樂今當大計已嚴飭所司重懲貪酷餘俱如例降革其有眾論不孚是非失實者特黜一二以儆積玩姑准爾等仍服原官爾等平日官評賢否公論昭然若值會推輒鑽營奔競以圖僥倖居心先已不自

何以率屬蒞民且凡朝覲之期每因仍陋習借端科派大小相循私通交際是察吏本以安民而反以擾民甚非朕激揚清濁至意嗣後務須洗滌肺腸勉圖自新毋貌承心違蹈常襲故國憲具存決不爾貸○甲午理藩院左侍郎明愛以老疾乞休允之○減廣東海關徵收洋船額稅十之二○丁酉以于成龍為直隸巡撫理下河事務原任安徽按察使遷 副爾宸為甘肅布政使由兵部中遷○理藩院郎中滿丕奏遣索倫副頭目烏木布爾代等抵雅克薩城生擒羅刹鄂克索木果訊之云去歲尼布潮頭目宜番令大兵釋歸之額禮克謝率五百餘人復至雅克薩依舊址築城訊以糧米可食幾月云所獲足支二年 上諭今羅刹復回雅克薩築城盤踞若不速行撲剿勢必積糧堅守圖之不易其令將軍薩布素等姑停遷移家口如前所請速修船艦統領烏喇甯古塔官兵馳赴黑龍江城至

東華錄

康熙三十七

四

定爾等將此諭旨傳示九卿詹事科道令其詳議具奏尋九卿等會議土司劫掠應救該督撫剿撫並用請頒 上諭通行曉諭從之○轉喇巴克為理藩院左侍郎以穆稱額為理藩院右侍郎由閣學○癸卯以傅拉塔為陝西布政使由御史李國亮為江蘇按察使原任貴州○甲辰纂修 太祖高皇帝實錄聖訓告成○丙子賑山東郊城等五州縣饑○丁未諭吏部兵部我國家掃除逆孽平定遐荒即負山阻箐之苗民咸輸誠供賦封疆大吏自宜宣布德意動其畏懷俾習俗漸馴無相侵害庶治化孚於遠邇近見雲南貴州廣西四川湖廣等處督撫提鎮各官不惟不善加撫綏更爾恣行苛虐利其土產珍奇貨藏饒裕輒圖入己意所未遂因之起釁職為厲階蠢爾有苗激成抗拒即擅殺一二誑稱累百盈千始贖貨以生端即邀功而逞志藐玩因循殊負委任朕思土司苗

東華錄

康熙三十七

五

日酌留盛京兵鎮守止率所部二千人攻取雅克薩城並量選候補官員及見在八旗漢軍內福建藤牌兵四百人令建義侯林興珠率往○庚子論大學士等近雲貴督撫及四川廣西巡撫俱奏請征剿土司朕思從來控制苗蠻惟在綏以恩德不宜生事騷擾今覽蔡毓榮奏疏已稔悉其情由蓋因土司地方所產金帛異物頗多不肖之人苛求剝削苟不遂所欲輒以為抗拒反叛請兵征剿在地方官則殺少報多希冒軍功在土司則動生疑懼攜志寒心此適足啟釁耳朕惟以逆賊剿除四方底定期於無事如蔡毓榮王繼文哈占等身為督撫不思安靜撫綏惟誅求無已是何理也前出征雲南趙良棟將彼等過端幾至發露穆占之家人舉首朕寢其議若此等尚多朕無不洞悉但事係已結朕不復究置之寬宥至雲貴督撫居官殊無善狀或地處遠邇朕不悉知亦未可

欽授官輸賦悉歸王化有何机隄互相格鬪無有甯居嗣後作何立法務令該地方督撫提鎮等官洗心易慮痛改前轍推示誠信化導安輯各循土俗樂業遂生亦令苗民恪遵約束不至侵擾內地居民以副朕撫馭遐方至意著九卿詹事科道會同逐一詳議具奏○以敦多禮為內閣學士由太常寺卿遷○戊申 上幸南苑行圍於傳心殿或 皇上親詣行禮或遣官恭代請旨 上曰經筵大典於文華殿初次舉行先聖先師道法相傳昭垂統緒炳若日星朕遠承心學稽古敏求效法已漸近自然然後施之政教庶不與聖賢相悖其躬詣行禮以彰景仰之意○辛亥九卿等議覆入覲四川松威道王隲條奏四川柘木採運艱難應行停減 上曰蜀中屢遭兵燹百姓窮苦已極朕甚憫之豈宜重困塞外松木材大

可用者甚多若取充殿材即數百年可支何必相木著停止川省
採運○工部右侍郎席特納以老乞休允之○壬子 上詣傳心
殿告祭 先聖先師○癸丑 上御經筵○甲寅裁陝西隴右道
臨洮府同知平涼府通判布政使司都事按察使司知事行都司
司獄平涼府照磨固原州同靜甯州州判甯州州同慶陽衛經
厯鞏昌府照磨三岔驛驛丞西津驛驛丞殺賊驛驛丞摩雲驛驛
丞

三月己卯朔直隸巡撫于成龍陛辭諭曰爾自居官以來廉慎端
方朕所素知今直隸地方關繫緊要一切利弊應興應革者甚繁
如何釐舉于成龍奏曰直隸地方以弭盜為第一要務為盜者倚
仗旗下名色或嚇詐或劫掠無所不為有司明知而不敢深究嗣
後旗下有如前不法者臣當執法究治 上曰直隸旗下各莊人

東華錄

康熙三十七

六

戶不守法度爾須執法嚴治不得瞻徇顧忌朕留心民瘼外事無
不周知即如工部所用車輛係發價見雇今俱派取州縣如此積
弊不止一端爾到任逐一查明奏聞爾固宜正己率屬廉潔愛民
亦宜寬以濟猛勿過刻也且居官不善縱或漏網亦將禍及子孫
爾須有始有終實心實事從國計民生起見盡力為之于成龍辭
出隨賜白金一千兩表裏二十端○丙辰戶部議覆入覲江蘇布
政使章欽文奏國家首重錢糧藩司一省總匯起解批收若非釐
剔有法則百弊叢生臣到任後即將解批一項具詳撫臣撥行各
屬凡州縣起解錢糧銀批同解銀存司堂批投撫署登記之後發
司限日收掣當堂驗兌出具實收同批一併呈繳撫臣驗銷即從
撫臣衙門遞發該州縣存案其有批無銀並款項不符者詳請提
究是以解支清楚並無纖毫淆濶臣思江蘇賦額繁重重行之而效

則他省易行可知祈敕部通行各省一例舉行以清批收夙弊應
如所請直隸各省一應起解錢糧俱照江蘇例舉行從之○禮部
議准入覲廣西布政使教化新奏粵西土司僻處邊裔不識詩書
不明禮義很悍成性請敕該撫諭令各土司官有願送子弟就近
府州縣讀書者命該教官收納訓誨從之○戊午命巡城御史修
理五城棲流所安插就賑流民○己未命纂修一統志○吏部議
覆入覲廣東按察使胡戴仁奏粵東向逆舊兵編入將軍上三旗
者與粵民夙有恩讐訟獄迭起每委官審理兩造爭執不服若不
設立專官鮮能彈壓惠州府郡小事簡見有同知通判二員請酌
改一官為理事廳查廣東原無理事員缺應毋庸議得旨旗兵駐
防江甯杭州俱設理事廳官其西安荆州鎮江福州廣州等處均
有旗兵駐防應將本省事簡地方官員內酌量改設理事廳官一

東華錄

康熙三十七

七

員○壬戌工部右侍郎金汝祥以不稱職解任○以丁煒為湖北
按察使由江西調○甲子調沙賴為工部右侍郎由倉場調○丙寅
上幸玉泉山○丁卯禮部議准入覲湖南布政使張仲舉奏朱儒
程顥程頤張載邵雍朱熹各有專祠祈賜 御書匾額得旨前哲
有功聖學允宜表章著依議行○子故原任工部侍郎高辛傅祭
葬○戊辰轉陳一炳為工部左侍郎以孫在豐為工部右侍郎由翰林院掌院
學士選○庚午召刑部都察院大理寺大小諸臣面諭曰刑曹
人命攸關國典所繫今見法司讞鞠刑獄或恐不得其情專事苛
刻夫人命關繫重大必以中正之心行平恕之道使法蔽其辜毋
縱毋枉必得真情始免屈抑若惟以深文為能事銀鍊為盡職及
獄詞既具奏牘既成即反復推詳欲求其更生之路亦甚難矣朕
於爾諸臣所上章奏有情可矜疑罪未允協者皆駁令覆審嗣後

其各體朕懷殫竭心慮矢慎矢明以副朕祥刑之意朕批閱史冊採擇歷代賢臣慎刑事蹟書之簡牘內閣三法司官其詳加省視又諭刑法者專以禁戢兇暴若豪強奸慝固難寬宥其貧賤愚昧者畧施寬貸亦未嘗不可耳○癸酉調蘇赫為總督倉場侍郎戶部○以田慶會為福建按察使山河南河○甲戌諭吏部江甯巡撫湯斌在講筵時素行勤慎朕所稔知及簡任巡撫以來潔己率屬實心任事允宜拔擢大用風示有位特授為禮部尚書管詹事府事○乙亥 上幸玉泉山○以張英為翰林院掌院學士兼禮部侍郎由翰林院學士遷○禮部奏 皇上御門聽政嗣後令滿漢科道官各一侍班糾參失儀官員從之○丁丑調傅臘塔為戶部右侍郎由兵部右調○戊寅 上幸南苑駐蹕○庚辰 上還宮○吏部等衙門議覆左都御史佛倫奏三年大計令各省藩臬齋冊入覲即將東華錄 康熙三十七年 入

地方情形及興革利弊具疏陳奏查藩臬專理一省錢穀刑名伊等來京朝覲之後委員代理或致錢穀刑名款項舛錯稽遲亦未可定雖有條奏不過細事塞責況道途供應或不肖官員借端私派嗣後大計請將各省藩臬及各府佐貳官員入覲之例通行停止照慶賀 萬壽表章例每省委道官一員齋冊入覲至官員賢否去留止以督撫文冊為憑造五花冊三本分送吏部都察院吏科其藩臬二司所造冊籍分送各部院科道司等項亦請停止以省無益繁費均應如所請從之○甲申調丹岱為兵部右侍郎由右調

夏四月乙酉朔命尚書阿喇尼等往喀爾喀七旗泣盟賜喀爾喀七旗汗濟農台吉等敕曰朕統御寰區中外一體務使交相輯睦共享昇平乃爾右翼扎薩克等內自相亂兄弟人民多歸左翼其

左翼扎薩克兄弟人民亦有歸於右翼者爾等以兄弟之親互相吞併異日必致交惡生亂朕心惻焉康熙二十三年會頒敕於達賴喇嘛議共遣使諭和爾等而達賴喇嘛亦謂朕俯念道法慈憫眾生有如父母意甚善也特遣噶爾丹西勒圖前來朕亦命尚書阿喇尼台吉巴忒馬什畢力克圖喇嘛阿齊圖綽爾濟等與之偕往爾汗濟農台吉等當仰體朕意及達賴喇嘛之心盡釋舊怨將兄弟人民各歸本扎薩克令其和協照舊安居不但仰副朕命與達賴喇嘛之意即爾七旗永無離散之苦爭鬪之害福祿所綬亦且無疆矣是時喀爾喀右翼扎薩克圖汗歿其子噶爾且台吉請襲父職允之並命阿喇尼因便致祭○丙戌免江南徽州廬州鳳陽府屬通賦○丁亥調趙士麟為江甯巡撫金鉉為浙江巡撫由福建調○己丑調噶爾圖為刑部右侍郎由盛京刑部侍郎調○朝鮮國王李焯東華錄 康熙三十七年 九

奏臣忝守外藩奉職無狀從前邊民屢越疆界觸犯憲典輒蒙恩宥恒懷感懼時加嚴飭不意邊地奸民見利忘生冒禁探邊其罪已不容誅況將繪畫輿圖官役放槍傷害致煩遣官降敕嚴加儆責臣惶恐震越無地自容謹遵旨會同敕使將各犯韓得完等二十八名嚴行鞫訊並按律擬罪恭候 聖裁得旨三法司覈擬具奏○庚寅諭吏部兵部封疆文武大吏當用兵征剿時固在智勇兼優亦重清廉律已原任鑾儀衛鑾儀使趙良棟前值逆賊盤踞漢中首先倡率入川於漢中成都等處效力剿賊勞績昭著復領兵直抵雲南攻克省城之後獨能恪守法紀廉潔自持深為可嘉今已衰老解任著復其勇畧將軍兵部尚書兼都察院右副都御史總督原銜以示眷注之意○諭兵部副都統郎談班達爾沙馬喇諳悉地形令赴黑龍江軍前參贊軍務○癸巳以張仲舉為福

建巡撫由湖南布○添設盛京戶部員外郎二漢字主事一○贈陝西死事平逆將軍都統畢力克圖參贊副都統阿爾瑚世職○甲午諭禮部翰林院自古帝王致治隆文典籍具備猶必博採遺書用充祕府蓋以廣見聞而資掌故甚盛事也朕留心藝文晨夕披覽雖內府書籍篇目粗陳而裒集未備因思通都大邑應有藏編野乘名山豈無善本今宜廣為訪輯凡經史子集除尋常刻本外其有藏書祕錄作何給值採集及借本鈔寫事宜爾部院會同詳議具奏務令搜羅罔缺以副朕稽古崇文之至意○丙申吏部奏陝西巡撫鄂愷於陝西大計冊內將不謹之布政使席格註入優等應將鄂愷降四級調用從之○丁酉予故原任文華殿大學士兼吏部尚書黃機祭葬諡文僖○辛丑以阿禮瑚為盛京刑部侍郎由祭酒遷○壬寅直隸巡撫于成龍奏直隸每辦解狐皮改為折東華錄康熙三十七

色 上曰地方採買狐皮一倍費至十倍故百姓困苦此後俱著停止應用狐皮令戶部在京採買○癸卯以圖爾宸為陝西巡撫由甘肅布政使遷○改四川松威道為松茂道移駐茂州○戊申吏部奏翰林院掌院學士缺開列詹事尹秦等補授 上曰翰林院學士職任關係最重必學行兼優方為允當滿漢學士得人則詞林觀摩興起咸勤學砥行人材成就有裨治道匪淺曩喇沙里居是官學問品行詞林至今追述之後來者俱不能及朕觀尹秦品有餘而才不足任以詹事則相宜若用為學士恐辦事不甚敏捷庫勒納任此職時較他人為優通政使葛思泰似亦可用可將此二人酌議來奏○以李輝祖為四川布政使原任湖北○己酉裁四川成都營都司僉書二把總二示甯城守中營遊守把總八○辛亥上幸玉泉山○調庫勒納為禮部左侍郎管翰林院掌院學士

事由督捕侍郎調○兵部等衙門議准直隸巡撫于成龍奏順永保河四府旗民雜處盜警時聞非力行保甲不能甯謐向例地方各官無管轄屯撥什庫之例各旗都統等官又遠在京城竊恐屯撥什庫不能嚴束旗丁及本身窩盜為盜不法等項難以稽察應將各莊屯旗丁同民戶共編保甲令屯撥什庫與保甲鄉長互相稽察如旗丁居民犯法許地方各官一體申報該撫該都統究治從之○壬子裁河南河北守道○癸丑禮部奏頃朝鮮國陪臣鄭載嵩等以察議奸民韓得完一案為伊國王辨冤具呈臣部查朝鮮僻處東服蕞爾一隅當念累朝興復殊恩撫循至德恪守藩翰庶免隕越顧其君懦弱其臣恣肆積有重愆應加嚴治 皇上悉從矜宥去年更有奸民韓得完等違禁採獲擅放鳥槍殺傷官役一案皇上始遣大臣嚴訊猶念小民犯法其主或未之知僅以約束不東華錄康熙三十七

嚴罰錐示儆乃陪臣鄭載嵩妄為其主求寬無禮已甚臣等詳閱情詞指摘謬戾不止一端濫引經史尤多狂悖果有冤抑該王分屬外臣應上章自明乞哀祈請豈有卑賤不告其君而輕弄筆端橫開禍始法在有司必無可赦相應將鄭載嵩等嚴拏發與該國王從重治罪並將此情一一傳與該國王知悉得旨鄭載嵩等免其嚴拏餘依議

閏四月丙辰 上幸南苑行圍○戊午諭大學士明珠等居官清廉如于成龍者甚少世閒全才未易得但能於性理一書稍加觀覽則愧怍之處甚多雖不能全依此書以行亦宜勉強研求明晰義理若止泥辭章字句有何裨益○調席柱為督捕侍郎由刑部○以塞楞額為甘肅布政使由中憲○己未諭翰林院掌院學士庫勒納張英等爾等每日將講章捧至乾清門豫備詣講進講

為時良久妨朕披覽功著暫停止春秋禮記朕在內每日講閱其詩經通鑑講章俱交與張英令其齎至內廷○贈湖廣陣歿二等侍衛勒德善世職○庚申增設黑龍江將軍衙門滿字筆帖式二
○禮部等衙門遵旨議覆購求遺書應令直隸各省督撫出示曉諭如得遺書令各有司會同儒學教官轉詳督學及該督撫酌定價值彙送禮部其無刻板者亦令各有司雇募繕寫交翰林院進呈有願自行呈送者交禮部彙繳得旨自古經史書籍所重發明心性裨益政治必精覽詳求始成內聖外王之學朕披閱載籍研究義理凡厥指歸務期於正諸子百家泛溢詭奇有乖經術今搜訪藏書善本惟以經學史乘實有關繫修齊治平助成德化者方為有用其他異端說概不准收錄○壬戌以黃性震為湖南布政使由廣西按察使遷○癸亥轉囑爾圖為刑部左侍郎以敦多禮為刑部右侍郎由內閣學士遷○甲子浙江提督陳世凱奏 上諭十六條訓飭臣民周詳盡善普天率土應一體講讀以昭一道同風之盛令各省文職已於月吉宣講獨武臣未有講讀定例臣思 皇上以孝治天下培植倫常特允武職丁憂以端風化臣請敕直隸各省將軍提鎮諸臣率所屬營伍照文職例一體講讀庶荷戈將士咸知名教綱常永無匪行至各省土司亦屬武職尤宜亟為講讀更徵遠邇同風教化大行之治下九卿議尋九卿議如所請得旨自古武職名臣如郭子儀李靖等皆讀書明理熟諳經史乃能保守功名克全臣節嗣後武職官員應閱覽書籍講明忠孝大義著該管官勤加勸諭○倉場侍郎馬如驥緣事革職○乙丑禮部左侍郎鄂哈以病乞休允之○刑部等衙門奏朝鮮國韓得完等二十人入犯禁探淺鳥槍打傷繪輿圖官役應將為首韓得完等六人

及為從金大成等二十二人俱擬立斬其約束不嚴失於覺察之咸鏡道節度使尹時達平安道觀察使朴尚咸鏡道觀察使李秀彥三水郡守李觀國等應各降革調用有差得旨韓得完等六名著處斬立決金大成等二十二人俱從寬免死減等發落餘如議○丁卯戶部左侍郎王鴻緒以本生母故奏請回籍治喪允之○戊辰以葛思泰為內閣學士由通政使遷○庚午調穆稱額為禮部左侍郎由理藩院調○辛未以蔡毓榮為倉場侍郎范承勳為雲南貴州總督由廣西巡撫遷○雲南貴州總督蔡毓榮奏威甯逆苗王騰龍等擄兵劫殺經臣題明撲剿迨兵圍攻時彼棄寨宵遁臣即檄令土官拏獲應請正法懸示得旨這案著新任總督范承勳詳審確議具奏○甲戌禮部尚書管詹事府事湯斌陛見 上曰天下官有才者不少操守清謹者不多見爾前陛辭時自言平日不敢自欺今在江蘇潔己率屬實心任事克踐此言朕用嘉悅故行超擢爾其勉之 上歷詢吳中年歲風俗並地方吏治民生縉紳居鄉若何又問下河開海口事如何湯斌奏曰 皇上命尚書薩穆哈侍郎穆稱額等與總漕徐旭齡及臣詢問下河民情臣等徧歷海口各州縣人眾言雜不能盡一即州縣水道海口亦不相同大約其言以開海口積水可洩但今年歲荒歉四分工銀恐不足用惟高郵興化之民間築隄開河恐毀其墳墓廬舍甚言不便部臣公議以築隄取土艱難工必不成且毀人墳墓廬舍非 皇上軫念民生之意而工程浩大恐多費帑金不能奏績不如暫停為便臣與徐旭齡議以目下徧地皆水工力難施暫停未為不善遂同具題但念此事乃 皇上巡狩江南親見民間房屋淹沒水中痾瘵念切隨命大臣相視海口簡選賢能開口洩水真堯舜之心今議暫停

則可若竟中輟非臣子所敢擅議且上流之水滔滔而來下流無
 一去路不但民間田地水無涸期且恐城郭人民將有不測之患
 如去年興化城內水深數尺萬一再遇水災一城付之巨浸臣等
 何所逃罪若云開海口則水遂盡涸臣固不敢為此言但水有去
 路開一丈則有一丈之益開一尺則有一尺之益使泛溢之水漸
 去則舊日湖河之形可尋再加疏濬築防工夫自有次第然舉事
 當念民生尤當重國計若多費帑金而水不能盡涸非長策也請
 毋多發帑金止於七州縣錢糧中酌量款項暫停一二年起解留
 為修河之用此外再行設法總之以本地民力本地錢糧開本地
 海口心既專一工不誤用不作大舉不多設官漸漸作去當有成
 效此意向會與薩穆哈等言之○乙亥召禮部侍郎穆稱額問曰
 昨湯斌奏稱前會議開濬下河時會向薩穆哈等言若將下河高
 東華錄 康熙三十七 五
 處挑濬使積水漸歸於海於民亦稍有益等語爾等回京時何以
 並不奏聞穆稱額奏曰臣等至江南地方與總漕徐旭齡巡撫湯
 斌同至河干看視又傳問七州縣民皆云此水漫決日久今欲開
 濬海口其事甚難故臣等公議暫停其挑濬下河高處使積水漸
 歸於海等語湯斌並未向臣言之又召問尚書薩穆哈奏曰臣等
 與徐旭齡湯斌會同踏看海口傳集七州縣民間時百姓各就地
 方情形而言臣等因其語言不一遂令每州縣派出通曉事體者
 十人於淮安集問皆言不便挑濬臣等以開濬下河所費不貲事
 關重大故議暫停至湯斌等挑濬下河高處使水歸海於民亦稍
 有益等語間談時誠有之並非公同商榷時之語也 上又問曰
 今爾等意謂此河可以開濬否薩穆哈奏曰大隄恐不能築若將
 下河高阜處陸續挑濬使水漸入於海似亦可行 上曰著再議

○諭大學士等學士徐乾學張英學問淹通文章事務著留辦理
 以後開列巡撫不必列名○轉董訥為戶部左侍郎以胡昇猷為
 戶部右侍郎由左副都御史遷○吏部等衙門遵旨會推廣西按察使缺
 據吏部侍郎胡簡敬保舉江南淮揚道高成美擬正湖廣下荆南
 道沈志禮擬陪得旨凡職任緊要官員奉旨會推原期從公保舉
 務得真才有裨官守且官評賢否關係吏治民生若以本地人
 推舉本省官員必致瞻徇滋弊前已經屢諭申飭甚明今胡簡敬
 以淮安府人推舉淮揚道高成美殊屬不合著嚴加議處九卿等
 不加詳慎草率擬推亦屬不合著通行申飭○丙子以王起元為
 廣西巡撫由內閣學士遷○賑江南鳳陽徐州饑○戊寅子故致仕刑部
 尚書喀爾圖祭葬
 東華錄 康熙三十七 五
 五月甲申朔諭三法司衙門朕惟自古帝王撫御羣臣百姓政教
 修明治化洽暢與其繩以刑罰使人苟幸無罪不如感以德意俾
 民蒸蒸向善不忍為非書稱協和萬邦黎民於變時雍又稱臨下
 以簡御眾以寬唐虞盛時從欲風動其效章章如是朕嘗心慕隆
 古力行教化冀以感發天良偕之蕩平正直之道但為風俗頹弊
 明罰敕法國憲不可以已雖嘗屢行矜恤絕去煩苛終思尚德緩
 刑迺為至治之極軌自康熙元年以來中外臣民習染澆風爭事
 詐偽公行賄賂貪冒營求因緣請託作奸犯科頑鈍者恬弗知恥
 奸黠者督不畏法以致是非乖謬綱紀凌弛朕親政以後洞悉奸
 弊加意釐剔振飭憲章務使飲律干紀之眾莫能匿隱法無旁貸
 人無遁情庶幾禁遏頑豪杜塞僥倖近見罹於罪罟者漸覺減少
 但革面未能革心畏罪不如知恥原夫立法之意本欲使人難犯
 今因法令嚴密輒思苟免苟免之心切則彌縫之弊深羣心日夕

恐懼不甯巧偽滋多亦未可定今欲崇尚德化務存惇大蕩滌邪穢一切令之自新除前審擬完結各案及關繫宮殿 陵寢河道工程侵欺正項錢糧不議外內外見經發覺一應枉法得贓行賄與受人員仍革職止免擬重辟照例定罪追贓其此等未經發覺免罪有以諭前事參奏訐告者一概不准自諭以後中外臣民須洗心易慮省改前非守法奉公敦厲廉恥以副朕使人寡過之至意再有干犯白難曲宥至於旗下閒散官員人等及民間豪惡黨類並無職任乃攬說公事交結衙門妄行訛詐賄屬通實繁有徒朕皆稔悉嗣後益當恪遵法紀勿蹈故轍如怙終不悛發覺之時從重治罪決不寬貸爾法司即通飭內外大小各衙門八旗及內府佐領曉諭知悉一體遵行○乙酉以徐元珙為左副都御史由通政使遷徐廷璽為內閣學士由內閣侍讀學士遷○丙戌以覺羅孫果為理

東華錄

康熙三十七

七

藩院右侍郎

由左副都御史遷

○以張永茂為廣西按察使

由江甯江安糧道遷

丁亥敕直省嚴禁淫祠濫祀從禮部尚書湯斌請也○吏部右侍郎胡簡敬以違例舉准揚道高成美降二級調用○辛卯諭新授

廣西巡撫王起元前任巡撫郝浴范承勳居官有聲爾繼其後殊難見長但於伊等善政便於民者踵而行之其錯誤處亦當改正

勿得紛更成法至苗蠻未嫻禮法尤宜撫循得宜向日武職各官因彼愚蠢妄加操切或致生事邀功爾須訪察情弊嚴行禁止○

甲子以席珠為左副都御史由御史遷○丁酉調董訥為吏部左侍郎

管右侍郎事由戶部左調○給浙江福建江西湖廣陝西陣歿副都統阿

喀尼等五十二員世職○宗人府奏鑲藍旗佐領委署參領覺羅

薩克素出征浙江陣亡應照例贈以拖沙喇哈番世職得旨薩克

素堅守黃巖因參將武灝私通逆賊城陷陣亡深為可憫著加贈

拜他喇布勒哈番○己亥 上幸玉泉山○辛丑子故原任太子太保保和殿大學士兼禮部尚書加贈太子太傅魏裔介祭葬○癸卯調胡昇猷為禮部左侍郎蔣宏道為戶部右侍郎○丙午御史敦拜奏關差缺額處分例輕以致拖欠日重應嚴定處分則例並賠補限期 上曰關差缺額處分自有定例若法令太嚴必致苦累商賈所奏無益不准行○己酉以徐乾學為禮部右侍郎由

關學士遷

士遷

六月乙卯吏部以湖北布政使王定國故員缺開列湖南按察使

范時秀廣東按察使胡戴仁得旨胡戴仁升補湖北布政使范時

秀著來京以旗缺用○澤卜尊丹巴胡土克圖遵諭覆奏曰臣自

幼皈達賴喇嘛之教叨澤卜尊丹巴之名普度為心闡揚佛法息

列辟之爭救生民之苦扎薩克圖汗之子孫屬裔前已陸續給還

東華錄

康熙三十七

七

餘者正在察覈今蒙 聖慈念喀爾喀七旗不睦遣使於達賴喇

嘛而達賴喇嘛亦遣噶爾寶西勒圖為使赴盟諭臣亦至盟壇共

議其事臣當遵旨同赴盟所竭誠公議以仰副 聖懷奏入 上

命移文尚書阿喇尼噶爾寶西勒圖等知之○丙辰諭大學士等

目今天早有蝗恐政事或多缺失民間疾苦有不能上達者即傳

集九卿問之俾各抒所見奏聞九卿等皆曰政事以愛民為本愛

民莫大於蠲租今 皇上凡遇直隸各省水旱饑荒蠲免賦雖

數百萬亦所不惜小民霑實惠矣愛民莫要於恤刑 皇上每遇

關繫人命之事其難其慎詳審再三務得實情期於平允亦無有

冤抑之人矣至於用人尤行政要務 皇上每用一人必加詳慎

務使人與職稱黜陟賞罰無不允當政事豈有闕失聞有水旱亦

天行時令使然皆由臣等奉職無狀所行未當致干天和今公議

在京重囚 皇上特遣大臣清理在外重囚亦宜分遣大臣會同督撫一體清理又各省常平一倉須多積米石以備賑救之用洵為救荒良策 上曰朕自即位以來二十餘年凡民間之事留心體訪稍知情狀古人不言救荒而言備荒故三年有一年之蓄九年有三年之蓄雖閒值水旱小民不致失所去歲可謂豐年設今年歲不登即致饑饉總由素無蓄積耳即常平一倉積米太多亦易朽爛若臨時令有司捐貸則又不可縱有良法奉行不得其人終屬無益苟得良有司視民如一家痛癢相關始克有濟耳○丁巳以郭棻為內閣學士由詹事遷○戊午先是 上命大學士等以開濬海口事傳問九卿及淮揚所屬之在京官員至是大學士等覆奏臣等遵旨問九卿及淮揚等處見任京官喬萊等據喬萊等云積水須有去路開一尺有一尺之益開一丈有一丈之益雖低窪之地未必盡涸而諸壩所減之水淹沒田地斷能涸去儻得實心任事為國為民之人自然成功七邑錢糧有限又因災傷蠲免畢竟皇上發帑金救民更速等語據九卿云先薩穆哈穆稱額前往相度海口以水勢甚大難以開濬因議暫停湯斌原任江甯巡撫所見必確今稱開海口有益故復議應開 上曰眾議共稱應開薩穆哈穆稱額何以為不可彼但憑信高成美之言自己全不會詳察耳此事必須委用人方可成功孫在豐有才著發內帑二十萬兩前往督修功若可成再酌量動支正項錢糧○戶部議覆四川巡撫姚締虞奏四川鄉紳應回原籍得旨所奏甚是四川土廣人稀若居官者盡留他省則川中人益稀少愈致荒蕪矣著如所請行○己未命直隸督撫錄囚○辛酉工部奏參河道總督靳輔修理河工已經九年並無成功虛糜錢糧應交該部嚴加議處

上曰河工重大一時不能成功即行處分或另差人修理恐致貽誤且俟一二年後看其若何著九卿會議具奏○甲子贈死事合浦知縣金世爵官廕○丙寅吏部奏故廣西巡撫郝浴先因那用錢糧革職康熙二十四年五月會奉特恩寬免今伊子進士郝林援例呈請開復原官應無庸議得旨郝浴准追復原官○戊辰革工部尚書薩穆哈禮部左侍郎穆稱額職以差往河工詢問挑濬海口回奏失實也○以沈志禮為廣東按察使白湖廣下荆南道遷○癸酉賑江西上饒等八縣饑○甲戌九卿遵旨議覆河道總督靳輔應革職留任 上曰為人臣者議論國家之事當執中公論據朕觀之與靳輔善者為之稱美與靳輔不善者言其過失大臣等似此挾私意縱偏論朝廷大事欲望其修舉得乎靳輔一人去留有何關係但河務甚要若另補一人必塞減水壩減水壩一塞則河隄萬不能保爾等可有兩全之良法否九卿等奏曰 皇上不惜數百萬金錢原為運道民生起見自修築以來運道無阻止因減水壩所洩之水民田稍有淹沒今 皇上又發帑修築河上遙隄幫築高家堰復遣部臣前往疏濬下河民生自可樂業若目前竟開減水壩恐一時潰決受害重大俟河底漸漸刷深之後減水壩方可不用此外並無別法可行 上曰爾等意見皆同否禮部尚書湯斌奏曰臣原不知河道情形因舊年奉旨往徐州一帶看視河形見減水壩太多舊時止有四處今增至三十餘所目前若竟行堵塞恐黃河衝決隄岸民田仍受其害若不行堵塞恐水勢分散河流緩弱則河底漸高運道有礙臣愚欲將減水壩稍築加高若水大仍可分洩水小俱使歸道則河底日逐刷深水無泛溢之患減水壩亦漸可堵塞矣工部尚書杜臻奏曰築隄開減水壩原

東華錄 康熙三十七年 文

東華錄 康熙三十七年 九

是古人成法但古人先開引河使有所歸不至漫溢民田今靳輔

但開減水壩未開引河此民田所以淹沒也尋大學士等奉 上

諭河務甚難靳輔易視之若邊議處恐後任者益難為力今暫免

其革職仍責令督修○乙亥以佛倫為工部尚書由左都御史遷○刑部

左侍郎高爾位丁母憂令離任守制○敘浙江福建江西湖廣陝

西廣東廣西雲南軍功授征南將軍賴塔都統趙璉副都統馬錫

泰等七百六員世職有差○丁丑以柴望為湖南按察使由陝西

遷○戊寅以阿蘭泰為左都御史由吏部左侍郎遷○辛巳先是陝省用

兵時以漢中地方緊要撥西安滿洲漢軍官兵各一千名戍防後

四方蕩平部議將所撥官兵撤回其半仍留一千名輪班戍守至

是西安將軍希福等以漢中棧道崎嶇行走不便更番往返民人

遞送勞苦請一併撤回部議不准 上曰蕩平以來漢中駐防原

屬無益朕不忍使兵民交困其輪班戍守及永遠駐防俱令停止

東華錄

康熙三十七

二十

東華錄

康熙三十八

臣王先謙

周周恭恭校

秋七月癸未朔轉張可前為刑部左侍郎以王日燾為刑部右侍

郎由河南巡撫遷○以正白旗故一等阿思哈尼哈番賴塔長子費華冷

襲職○乙酉戶部議覆御史戴通奏坐糧廳監督員缺應將清廉

賢能官員保舉差往 上曰各部院官員不稱職者許堂官不時

參奏傳諭已久未見舉行至於保舉揀選不過特旨偶一行之若

以此為定例則資俸深者既有壅滯之患而奔競之端亦即由此

而生保舉著不准行○丙戌督修下河工部右侍郎孫在豐及帶

往司官鄭都等陛辭 上諭孫在豐曰朕前因巡幸江南見高寶

興鹽山江泰等處積水汪洋民罹昏墊朕甚憫之應行開濬下河

東華錄

康熙三十八

二十

疏通海口俾水有所歸民間始得耕種特發帑金拯救七邑災民

屢集廷議兼詢輿情允協僉謀事當釐舉茲命爾前往淮揚所屬

下河一帶車路等河並串場河白駒丁溪草堰場等口挑濬事務

專屬於爾監修爾宜往來親歷多方經畫講求源流脈絡次第興

工督率帶去司官等務實心任事毋得怠忽擾害其司道府廳州

縣等官如有違玩貽誤及土豪紳衿妄行干預包攬生事阻撓工

程者指名參奏濬過工程丈尺用過夫料數目造冊畫圖貼說具

奏爾受茲專委須竭忠盡力悉心區處速竣大工使海口疏通水

消田壅蒸黎復業以副朕救民至意如因循怠忽虛費財力責有

所歸爾其慎之諭鄭都等曰爾等雖經部院辦事但治河非所熟

練今將爾等差往必當同心協力務期有成毋得各執己見侍郎

孫在豐將應修地方派與爾等須各遵所派料理不得圖易辭難

互相推諉○轉薩海為吏部左侍郎調傅臘塔為吏部右侍郎由戶部
調部○轉額星格為禮部左侍郎調覺羅孫果為禮部右侍郎由禮部
調部○己丑以麻爾圖為戶部右侍郎由內閣拉篤祐為理藩院右
侍郎由左副都御史遷○辛卯改廣西山寨山角二驛丞為巡檢裁常平
廣盈二倉大使北山寨巡檢建武火煙州門左江四驛丞○癸巳
達賴喇嘛遣使奏曰 皇上俯鑒鄂齊爾圖汗職貢有年不忍其
後人骨肉分散靡所止居惻然垂照欲巴圖爾額爾克濟農羅卜
臧滾布阿拉布坦集居一處特降恩綸甚盛德也第此青海之地
各有分屬若使居天朝境內又恐厄魯特或有異言其阿喇克山
之旁亦屬狹隘乞 大君矜憐擇水草寬闊處安插一隅茲已遣
車齊克他賴堪布羅卜臧令於十月內至阿喇克山伏乞遣使往
會 上諭理藩院右侍郎拉篤祐一等侍衛文達爾等可與達賴
喇嘛使者同往召集巴圖爾額爾克濟農羅卜臧滾布阿拉布坦
等相度伊等可以游牧之地指而與之仍會同提督孫思克將地
之界限令伊標下官弁認記如巴圖爾額爾克濟農等因給地安
插欲來謝恩則許之來達賴喇嘛使人欲來請安亦許之來否則
給以廩餼而遣之其額爾德尼和碩齊等欲與巴圖爾額爾克濟
農等一同游牧亦許之爾等可與彼定沿邊為盜作亂之罰前巴
圖爾額爾克濟農來覲時已自誓不復令屬下為非其羅卜臧滾
布阿拉布坦亦須嚴禁所屬兄弟既已完聚從此和睦安居儻再
致流亡他往殊負朕歸併眷恤之意朕所以不憚諄切訓諭者亦
以其先世恭順有年不欲令其子孫失所也其一傳諭之○丙
申禮部題荷蘭國王奏請定進貢限期五年一次又貢船例由廣
東進路但廣東路雖稍近泊船之地甚險福建路雖稍遠泊船之

處較穩嗣後進貢准由福建進路應如所請從之○丁酉以章欽
文為河南巡撫由江蘇布政使遷○戊戌以舒淑為左副都御史由大理寺卿遷
○己亥諭刑部刑獄民命攸關聽斷雖貴精詳而案牘務無留滯
庶事得速竣民免株累向來凡月朔一二日及齋戒等期不理刑
名爾衙門一切奏章俱行停止因而案件間有停積恐聽審人犯
久候拖累覆覈事件遷延滋弊嗣後遇前項日期除循例不行刑
外其餘照常章奏事件仍行審理啟奏務期獄無稽緩案得早清
以副朕明慎用刑之至意又諭大學士等每月朔初二日及凡齋
戒日刑部所上常事照常發科刑戮重罪事關人命者勿發可併
數日章奏於齋戒畢發之或留中或發內閣者皆如之○以李光
地為額外內閣學士原任○于故內閣學士牛紐祭葬○以吳拉岱
齊禧俱為內閣學士俱由內閣侍讀學士遷○丁未 上御經筵○戊申賜
東華錄 康熙三十八年 三
荷蘭國王敕諭曰朕惟柔遠能邇盛代之嘉謨修職獻琛藩臣之
大節輸誠匪懈寵賚宜頒爾荷蘭國王耀漢連氏甘勃氏屬在遐
方克抒丹悃遣使齎表納貢忠盡之忱良可嘉尚用特降敕獎諭
並賜王文綺白金等物王其祇承益勵忠貞以副朕眷欽哉○諭
議政王大臣等向者羅利侵犯雅克薩尼布潮諸地戕我居民邊
境騷然會諭鄂羅斯察漢汗來使尼果齊等撤回其眾自後竟不
覆奏反在在侵犯肆行擾害意尼果齊未達前旨於察漢汗復令
被擒羅利持書喀爾喀地宣諭之亦不覆奏因遣發官兵往雅克
薩招撫羅利不戮一人令其頭目額禮克謝等持書歸去羅利聞
我師言旋復回雅克薩築城以居朕思本朝頻行宣諭會未一答
而雅克薩羅利又死守不去或尼布潮諸地阻隔前書未達或雅
克薩羅利皆彼有罪之徒不便歸國俱未可知今問荷蘭國貢使

稱伊國與鄂羅斯接壤語言亦通其以屢諭情節備悉作書用兵部印付荷蘭國使臣轉發鄂羅斯察漢汗處收雅克薩尼布潮羅利於何處分立疆界各毋得踰越則兩界人民均得甯居不失永相和好之意察漢汗覆奏時令其使由陸路直來若陸路難通即以來奏付荷蘭國代表再依此作書發西洋國轉達之○吏部奏翰林官請照例外轉 上曰翰林官員內或有不善書法者或有不能撰講章者或有不能句讀通鑑者甚有以飲酒宴會爲事博奕爲戲者以讀書立品思副委用裨益國事者甚少今若依部議以道缺調用恐伊等登第之後未經敷歷驟任監司則無才之人反爲僥倖何所懲創應以學問不及者分別一二人降謫庶眾皆知做著吏部翰林院學士再議尋吏部等衙門議覆翰林院侍讀詹事府庶子以下各官外轉道員例相應停止嗣後侍讀庶子以

東華錄

康熙三十八年

四

下各官有外轉者應以同知運判提舉等缺補用從之○以劉鼎爲江蘇布政使由蘇松○辛亥 上巡幸塞外啟鑾○是月免江南沛縣雹災賦

八月辛未 上駐蹕烏爾格蘇台賜翁牛特喀喇沁王台吉等冠服銀幣有差○壬申 上回鑾○乙亥以正黃旗佐領索額圖爲領侍衛內大臣○裁雲南英武關土巡檢歸併鎮南州管理○丙子 上還京師○丁丑諭黑龍江將軍薩布素等今天時漸寒河冰台後船艦若何收藏馬匹若何飼秣敵兵來援若何撲滅勿令入城爾等其詳加籌畫密以奏聞尋薩布素等奏臣等慎遵諭旨已於城三面掘壕築壘壕外置木椿鹿角分汛防禦城西對江另

設一軍若截江之東西以泊船水險難停恐未流漸時江路有羅利逸去尼布潮來援復派勦禦之兵於東西兩岸泊船備之離城六七里上流有港流漸時即藏船於內另設一軍守護兼令堵尼布潮援兵至軍中馬匹有疲瘦者一半發黑龍江一面發墨爾根令駐彼盛京官飼秣得旨發墨爾根處之馬匹如交駐彼盛京官兵則更費食糧可令索倫總管洪吉等飼秣盛京官兵仍行道還其發黑龍江之馬匹即令黑龍江官兵飼秣○先是副都統博定請率築城官兵二百人進勦事下將軍薩布素等議至是薩布素等奏臣等統率二千一百人所在防禦兵力尙單得博定增兵前來殊有裨益 上因命博定精選築城及種地官兵二百人齎二月食糧速赴薩布素等軍前令其參贊軍務○戊寅詔釐定天下學宮崇祀賢儒位次○庚辰詔增孔林地十一頃有奇免其稅糧

東華錄

康熙三十八年

五

○是月免湖廣興國通山崇陽通城浙江西安等九縣水災額賦有差
九月甲申 上幸玉泉山○庚寅諭戶部自古帝王撫馭九有軫念民依凡鞠謀生養爲計甚周猶以賜復蠲租爲布德行仁之要務朕嘉與海內元元共圖樂利弛征減賦時慮於懷惟煩渙恩施俾萬姓得霑實惠念直隸畿輔重地天下根本寬租之詔屢沛但順保禾河較之畿南諸府差役倍多供億尤劇應加軫恤又湖南福建四川貴州地方昔年爲賊竊踞民遭苦累今雖獲有甯宇更宜培養以厚民生應一體蠲免用昭愷澤直隸順永保河四府及四川貴州兩省所有康熙二十六年應徵地丁各項錢糧俱著蠲免二十五年未完錢糧亦著悉與豁免除湖廣福建兩省所有康熙二十六年下半年二十七年上半年地丁各項錢糧及二十五年

未完錢糧亦與盡行豁免爾部速行該地方通行曉諭務使人民均被恩膏以副朕愛育蒼生至意如有不肖有司官役借端蒙混及私行重徵者該督撫指名題參從重治罪如該督撫徇隱不行糾舉或經參奏或被告發定行一併從重治罪○調諾敏為禮部尚書由刑部調○乙未以禧佛為刑部尚書由四川陝西總督選○己亥禮部題朝鮮國王李焯遣使謝罪進貢方物應交內務府收貯 上曰朝鮮國因謝罪進貢理宜不收但恐發還不惟齎送人役勞苦亦且驛遞騷擾可將此項准作年貢嗣後謝罪貢物著停止○予故廣西巡撫郝浴祭葬○庚子諭大學士等爾等職任朝廷重務豈可專為一身一家之計古有詔旨既下大臣封駁之例今滿大學士凡有所言漢大學士惟唯諾諾並不辨論是非如此則劉正宗陳名夏之例具在學士等誠能各抒己見共相參酌事務豈致舛

東華錄 康熙三十八年 六

錯今爾等諂媚大學士緘默不言以為保身之計吳格塞卓靈阿之例具在至翰林院撰擬文章俱關要務今翰林撰擬不堪漢掌院學士漢大學士俱不改正誠恐改正一字即為終身之仇掌院學士畏懼翰林大學士畏懼六部此皆尸位素餐患得患失之所致也○辛丑禮部等衙門議覆朝鮮國王李焯奏陪臣鄭載嵩等具呈禮部飾詞巧辨蒙恩寬免嚴擊令臣自行處分今已將鄭載嵩等概其官職依律定罪應如所議得旨鄭載嵩等本當依議處分但念係愚昧無知姑從寬免其革職發配著各降四級調用○工部尚書杜臻丁母憂令回籍守制○癸卯理藩院題厄魯特土哈爾台吉噶爾丹台吉等遣使互市 上曰厄魯特部落如噶爾丹等四大台吉應令來京互市其餘小台吉俱於張家口互市著為定例○乙巳以圖納為四川陝西總督由山西巡撫選○丁未以陳廷

敬為工部尚書由左都御史選○以馬齊為山西巡撫由布政使選○己酉鄂羅斯察漢汗遣使奏言 皇帝所賜之書下國無通解者及尼果賚歸問之述 天朝大臣以不還通逃根特木爾等騷擾邊境為辭近者下國邊民構釁作亂 皇帝遣師辱臨境上恭請察明作亂之人發回正法除遣使議定邊界外先令米起佛兒魏牛高宜番法俄羅瓦等星馳齋誓以行乞撤雅克薩之圍詳晰作書曉諭下國 上諭大學士等鄂羅斯察漢汗以禮通好馳使請解雅克薩之圍朕本無屠城之意欲從寬釋其令薩布素等撤回雅克薩之兵收集一所近戰艦立營並曉諭城內羅利聽其出入毋得妄行攘奪俟鄂羅斯使至後定議○庚戌以董訥為左都御史由吏部選○辛亥禮部尚書沙澄以會推四川學道徇情爭論命原品休致○免直隸武清文安保定水災賦有差

東華錄 康熙三十八年 七

冬十月壬子朔 上幸玉泉山○ 皇子允祥生○丙辰調張士甄為禮部尚書由刑部調○丁巳 上幸南苑行圍○戊午調胡昇猷為吏部左侍郎管右侍郎事由戶部左調○以布雅努為山西布政使由察使選○理藩院尚書阿喇尼奏臣等於八月十六日召集喀爾喀兩翼汗及濟農台吉等宣示 聖諭令其同歸於好色冷阿海台吉等跪言曰我七旗喀爾喀向皆和好自羅卜臧肇亂以來互將人民隱占是以蓄怒交惡今 皇上遣大臣使我等和睦安樂我等不勝懼怖土謝圖汗之弟西地西里巴圖爾台吉跪言曰我兩汗相惡俱係小人獻譏所致今使兩汗納忠言斥譏佞我竭力諫諍自當言歸於好兩翼汗曰 聖意諄復所以開示愚昧者甚至我等敢不祗遵臣等遂令兩汗及濟農台吉等於本月二十三日檢選所屬才能素桑六十餘人俱至噶爾賈西勒圖澤卜尊丹巴

一冊 270 冊 續修四庫全書 第 2 卷 537

胡土克圖前設立重誓兩翼互相侵占之台吉人民令各歸本土一切應結事件俱審擬完結仍令濟農台吉等設立重誓自今以往當永遠和協此皆 皇上非常威德所致謹以狀聞噶爾賈西勒圖亦以諭和事竣具疏陳奏得旨喀爾喀左右兩翼汗及濟農台吉等俱遵朕諭旨即行設誓和睦可嘉該部院知道○庚申以胡昇猷為刑部尚書由吏部左○壬戌 上自南苑幸玉泉山○轉蔣宏道為戶部左侍郎調王日藻為戶部右侍郎由刑○乙丑上還宮○調馬世濟為吏部右侍郎由兵以張鵬為刑部右侍郎由山東○工部議覆監修下河工部右侍郎孫在豐等奏疏濬之法開濬不如循舊築高不如就低因勢利導逐節疏通一由廟灣迎流而下約洩水十分之一由天妃石礎順流而下約洩水十分之二一由白駒丁溪諸場分流而下約洩水十分之三其餘一分由芒稻河導之入江至若串場一河綿亘范公隄一帶既為鹽艘利涉又會諸引河之水傳送各場以出海口最為關鍵而河身淤墊亟宜開濬上而徑河黃浦子嬰之間舊有通湖開減水閘下而海口舊有各場諸閘並應修建使上下相應隨水消長以時節宣水得常流潮無內灌永杜淤墊之虞則旱潦無憂田疇不病臣等議孫在豐身在河干相度形勢既稱若者宜先濬若者宜後濬俟挑完之日改滾水壩為閘座將串場河合鹽商挑濬並不必挑濬等處俱係詳審的確均應如所請速行挑濬又稱興工之日管理官員最要合將內外候補病痊降調等官有情願赴工者速往工所具呈揀用工成之日酌量議敘得旨如議改滾水壩為閘座著孫在豐等會同靳輔確議具奏○調蔡毓榮為兵部右侍郎以張集為倉場侍郎由左僉都御史遷○壬申諭大學士勒德洪等鎮國

公哈爾薩為人鑽營有玷公爵應將此公爵令伊兄六格襲替蘇努雖係宗室其行事乃如人之奴僕在安親王及素額圖家詔媚行走至在議政處但遇勢要之人發一議論伊輒唯唯聽從不敢更有論說其阿順之態與家奴無異爾等將此旨傳諭哈爾薩蘇努二人○革哈爾薩之子海青輔國公爵○丙子以薩弼圖為山西按察使由吏部中遷○戊寅諭大學士等人命關繫最重各省所審錄強盜人命事件文致周密無隙可窺故閱之最難此等事皆深宜詳慎○庚辰吏部議覆左都御史董訥奏參中書科掌印中書托爾將俸次在後之中書王緝植咨送考選查王緝植係原任左都御史徐元文子壻顯有情弊據徐元文供王緝植並非子壻咨送事並不與聞但如無營求之處托爾豈肯將王緝植越次咨送應將托爾王緝植徐元文俱革職得旨徐元文寬免革職著降四級調用餘如所議○雲南巡撫王繼文丁母憂命回籍守制○是月免直隸霸州寶坻甘肅歸德所保安堡屯地水災賦有差十一月癸未以郎永清為山東巡撫由河南布政使遷○己丑山西巡撫馬齊陛辭 上諭曰爾見在居官好聲名亦佳但朕觀各督撫其始末有不善旋即改轍爾若始終如一毋改其操則善矣○諭大學士等爾等所進平定三逆方略四冊朕已覽畢其中舛錯頗多如王輔臣為馬鶴子當年隨經略洪承疇去時並無此號且朕記其由雲南援剿總兵官授為廣西提督今謂由陝西總兵官升任竟未詳察至論贊中援宋太祖杯酒釋兵權事吳三桂等非宋功臣可比乃唐藩鎮之流耳大學士等奏曰 聖見至當宋臣時在釐下釋其兵權甚易豈可與諸逆久在邊陲者比 上曰平逆始末阿蘭泰知之甚詳是非得失天下自有公論豈譽之而增高不

譽而加損也耶大抵記事欲得其實而已其謬誤處以籤標識者爾等其酌改之○壬辰轉麻爾圖為戶部左侍郎以賽弼漢為戶部右侍郎由內閣學士遷○禮部等衙門奏浙江提督陳世凱奏請令武臣陪祀 文廟查見行事例 文廟春秋二季武官雖不陪祀但康熙八年 皇上幸學武官二品以上亦令陪祀應照此例凡遣官春秋二丁致祭 文廟武官二品以上並令陪祀其各直省府州縣等學春秋二丁祭應令協領及副將以上照例以文左武右行禮其致祭仍令地方正印官主祭從之○兵部奏自吳逆反叛以來各省綠旗人議敘軍功者甚多此內不無匪人並未身赴軍前實緣假冒之事嗣後功加各官內除經制見任官與部准效用官及題帶征勦並詳明報部帶去人員仍照例錄用其餘功加各項官俱停其錄用從之○癸巳理藩院侍郎拉篤祜等奏臣等出

東華錄

康熙三十八

十

甯夏阿喇克山閱視地形得遇巴圖爾額爾克濟農約其在東大山北聽候宣旨於九月十二日在嘉峪關外得遇達賴喇嘛使者車齊克他賴堪布隨遣人召羅卜臧滾布阿拉布坦對曰蒙 皇上洪恩賜我等地方當即偕諸大人往赴約會之地但我姊阿奴乃噶爾丹之妻聞率兵千人聲言往謁達賴喇嘛從此而過或中懷詭計襲我亦未可定不得不整力待之請即於此地宣旨可乎臣等隨同車齊克他賴堪布宣旨訖羅卜臧滾布阿拉布坦回奏曰 聖上俯念臣祖鄂齊爾圖汗使臣兄弟完聚給以土地臣不勝權怵即當遷至濟農所居一同游牧但正值冬月屬下人民散處使之遷移貧人牲畜少者難以度冬請俟來年草青時遷之本月二十三日臣等至東大山北令巴圖爾額爾克濟農跪宣旨畢臣等又謂巴圖爾額爾克濟農曰爾所請喀爾占布爾古忒空廓

爾俄龍巴顏努魯雅布賴噶爾拜瀚海等地方給汝游牧外自甯夏所屬玉泉營以西羅薩喀喇山背後至賀蘭山陰一帶布爾哈蘇台之口又自西甯所屬倭波嶺塞口以北奴渾努魯山後甘州所屬鎮番塞口以北沿陶蘭秦薩喇春濟雷渾希里等地西向至阿濟納河俱以離邊六十里為界隨與巴圖爾額爾克濟農屬下達爾漢噶卜楚喇嘛波克寨桑及提督孫思克標下遊擊李本善等畫地為界臣等又與巴圖爾額爾克濟農定議罰例蒙古如殺邊內之民不論幾人俱斬其妻子牲畜入官偷盜人民牲畜者為首二人絞仍將妻子牲畜入官餘者罰以三九牲畜仍鞭一百其不為盜而私入邊游牧者合吉則罰以三九牲畜寨桑等罰以一九牲畜平人則鞭五十外仍將所騎馬匹入官其攜帶家口牲畜入邊游牧者不論幾戶俱入官至民人往邊外伐木刈草蒙古有

東華錄

康熙三十八

十一

奪其食物者不論幾人將所乘馬匹盡行改還民人仍鞭三十其屬下每犯一次並罰濟農五九牲畜俟羅卜臧滾布阿拉布坦來會之時將此項情節亦明告於彼其額爾德尼和碩齊亦須嚴禁毋使妄行竊盜又厄魯特胡土克圖之子噶爾直多爾濟者亦係鄂齊爾圖汗之嫡孫應令與巴圖爾額爾克濟農等附牧 上曰噶爾直多爾濟既係鄂齊爾圖汗之孫應令其與巴圖爾額爾克濟農等一同游牧其拉篤祜等所定地界並嚴禁盜竊之例理藩院其移文督撫提鎮通行曉諭○乙未贈湖廣陣歿護軍校赫圖瓦爾達世職○丙申 御書學達性天額爾宋儒周敦頤張載程顥程頤邵雍朱熹祠及白鹿洞書院以長沙府嶽麓書院為宋儒張栻朱熹講學之所一體給額並頒日講解義經史諸書○丁酉調石琳為雲南巡撫由湖廣調以田啟光為河南布政使原在雲南○

以額爾黑圖為內閣學士由內閣特請學士遷○己亥 上謁 孝陵啟鑿
○庚子 上謁 孝陵至 仁孝皇后 孝昭皇后陵奠酒○兵
部左侍郎楊雍建奏請終養允之○丙午 上出龍井關駐蹕攔
羊口西○己酉 上還謁 孝陵至 仁孝皇后 孝昭皇后陵
奠酒○是月免直隸玉田豐潤水災江南徐州六合沛蕭蝗災額
賦有差

十二月癸丑 上還宮○丙辰命吏部侍郎薩海等督耕鳳凰城
地其前遣吉林烏喇黑龍江種地官易地巡課穫多者優敘○以
張汧為湖廣巡撫由福建布政使遷○戊午調張可前為兵部左侍郎轉
張鵬為刑部左侍郎以趙之鼎為刑部右侍郎由左副都御史遷○以張
英為兵部右侍郎翰林院學士遷○予臺灣殉難續順公沈瑞暨妻
鄭氏及拖沙喇哈番沈珽各祭葬○癸亥以鄭重為左副都御史

東華錄 康熙三十八年 十一
由通政使遷 ○禮部等衙門遵旨議覆 壇 廟陪祀文武官品秩禮
儀 上曰這所議妥當著如議凡祭祀時特遣御史監禮專以糾
劾今觀御史不過左右顧盼聊以充數未嘗糾參且非特諸臣而
已即朕設有不敬處亦當舉奏也○丙寅福建提督張雲翼奏水
師提督施琅於泉州公廨建立 御書碑亭各官不便行走得旨
朕賜御書原以褒施琅之功榮寵其一身一家於伊家左右猶可
立碑今乃於公所建立不獨張雲翼一人出入未便即合省文武
大僚亦皆震悚回避此特借端招搖該部嚴飭施琅不得於公所
立碑○大學士等奏監修下河侍郎孫在豐與河道總督靳輔會
議改滾水壩為閘座之處俟黃河刷深之日再議又孫在豐等題
先從海口石礎等處興工請敕河臣如遇水勢稍減即將滾水壩
盡行閉塞以便開濬下河 上曰頃郎中鄭都至京奏稱伊回時

即行挑濬下河朕諭曰此事恐未能即便興工今孫在豐等果如
此具題其不能與靳輔抗明矣今若不閉塞滾水壩等口則下河
一面挑濬上河一面放水何日方有成功若即閉塞日後運河潰
決則靳輔借以為辭欲籌兩全之道實為甚難然靳輔前曾啟奏
築隄以東下河之水使之歸海此奏內有無閉塞滾水壩等口之
語爾等即會同九卿詳看如向欲閉塞今孫在豐修理下河又云
不可閉塞可乎是日大學士等會同工部尚書侍郎等奏曰臣等
與九卿查前靳輔于成龍會議疏通下河奏內欲將高郵州北小
閘小隄俱行閉塞於高郵州南邵伯鄭南二處修造大石閘兩座
等語今值寒冬非大修時又且孫在豐尚未興工此二人應俱令
來京其滾水壩諸處應否閉塞令在九卿前各陳已見候 皇上
親行詳詰裁定然後興工似乎有裨 上曰此下河決宜開濬斷
不可止孫在豐不必令其來京堵塞隄閘之處孫在豐何敢輕言
若日後上河決潰渠能任其咎乎孫在豐所請不過上河不放水
耳假使靳輔治理下河不塞水口能於巨浸中從事乎令靳輔為
之必欲閉塞諸口令孫在豐為之又云不可豈非有阻撓之意耶
王熙等奏曰 聖諭誠然靳輔前奏欲將諸口閉塞今又云不可
閉塞前後之言自相矛盾 皇上聖明且親歷河干洞見河形若
召靳輔詳問自不得有所隱蔽矣 上曰依爾等所議召靳輔來
京朕有面問之處○翰林院編修勵杜訥奏 皇上檢閱綱鑑大
全綱目全編二書自康熙二十四年三月起至康熙二十五年十
二月而竣臣恭侍左右仰見 睿照精深參稽詳切凡歷代興衰
昔人得失一經 聖諭煥若典謨大義標新動關建極綏猷之至
計片語居要必殫格物窮理之精思所有記注 聖諭伏望頒付

史館宣示來茲以發凍水所未詳補紫陽之弗逮得旨勵杜訥朝夕侍從勤勞可嘉所奏著禮部翰林院會同議奏行○戊辰諭戶部朕念切民依鞠謀生養欲使羣生樂利幹止甯成惟頻行減賦蠲租庶萬姓得霑實惠前念直隸順天永平保定河間四府差役繁多已免明年正賦比慮兵餉或有不敷畿南未行蠲免今聞此四府人民間有艱苦朕心深為軫念著將真定順德廣平大名所屬明年額賦一體蠲免○先是侍衛納爾泰於內大臣前首告兵部右侍郎蔡毓榮在雲南時侵沒逆藩吳三桂入官家財人口因伊奉差雲南恐致發露送銀八百餘兩蔡毓榮之子蔡琳在京時亦經送銀一百兩當時不即行出首罪實難辭應聽處分舅舅修國維等改奏事下吏刑二部將蔡毓榮並子蔡琳革職鞫問上諭刑部尚書禧佛等蔡毓榮居官貪酷品行污穢伊恃財勢籠絡東華錄 康熙三十八 西

人心內外無不周到得雲南城時吳逆家貨等物理應給賞兵丁蔡毓榮將珍奇財貨悉侵入私囊餽送大臣官員如此大惡之人若不加懲創何以其餘儆戒爾等詳加嚴審務將情弊盡行察出又內務府奏正黃旗薩哈廉所管文定國首告蔡毓榮隱逆吳逆嫡孫女郭壯圖之媳占據為妾並受逆黨胡永賓重賄釋放回籍等事下吏戶刑三部一併察審至是三部題奏蔡毓榮給送侍衛納爾泰銀八百餘兩及恢復雲南城得金二百兩銀八千兩將應入官之吳氏為妾俱實胡永賓係吳逆同謀起事要犯蔡毓榮蒙混造入微員冊內報部釋放則得賄欺隱情弊亦實查蔡毓榮前任湖廣總督失陷城池蒙 皇上不即加誅從寬免復授以封疆重任不思效死贖罪反負國恩侵沒逆藩家財人口行賄請託受財縱犯罪惡莫大應擬立斬將所欺隱金銀照追入官吳逆

家口除孫女吳氏已故外俱應追取入官伊子蔡琳照以財行求例枷五十日鞭一百納爾泰受蔡毓榮父子銀兩因伊自首應免擬罪所得銀兩照追入官胡永賓已經釋放應免查議 上諭大學士等蔡毓榮當日棄常德退回以致湖南被陷徐治都死守故葬陵僅存後大兵進剿恢復雲南蔡毓榮不過隨大兵行走並未建尺寸之功且董衛國攻取楓木嶺蔡毓榮方進辰龍關弄巧奪董衛國之功兵部利伊財物屢敘伊功甚屬愚昧且此案所議缺略更甚胡永賓為何不令解京部臣之意以若提胡永賓未免延受累人眾今且交三法司覈擬具奏納爾泰著革職胡永賓著解京照例發落餘依議○己巳以張永茂為福建布政使由廣西按察使遷○甲戌 上幸南苑行圍○己卯 上還宮○是月免江南甌壁縣蝗災賦○是歲朝鮮安南荷蘭吐魯番來貢朝鮮入貢者二

東華錄 康熙三十八 五

○人丁戶口二千三十四萬一千七百三十八田地山蕩畦地五百九十萬三千四百三十八頃六千七百七畝有奇徵銀二千七百二十四萬一千八百九十九兩有奇米豆麥六百九十一萬二千二百九十三石二斗有奇草二百二十九萬二千二百八十七束茶十五萬九千三百一十五引行鹽四百三十五萬六千一百五十五引徵課銀二百七十六萬一千三百八兩有奇鑄錢二萬八千九百八十六萬九千八十有奇

臣王先謙敬編

臣周濟蕃恭校

康熙二十六年丁卯春正月戊子諭黑龍江將軍薩布素等自雅克薩城解圍以來聞軍士間有患疾者此皆屬滿洲精兵朕甚憫焉今特遣太醫院官二人齎藥前往治之至於羅利雖與我兵對壘但我兵攻雅克薩城從未肯誅戮其人如城中有患疾之羅利亦應聽其就醫使還彼國傳布德意○丙申大學士等遵旨覆奏臣等詳問靳輔開濬下河塞減水壩之處據云高郵州之南兩大減水壩自正月可塞至五月其三小減水壩自正月可塞至三月高郵州之北其壩亦有可塞之處惟高家堰之壩斷不可塞其應塞之處前與孫在豐會議時並未議出殊屬不合應將靳輔交與東華錄

康熙三十九

該部議處 上曰開濬下河其要不在高郵州之壩惟在塞高家堰之壩今不塞高家堰之壩止塞高郵州之壩何益之有 上召問靳輔九卿問爾之言與朕所問有不同處否靳輔奏曰有一處不同大臣云爾若堵塞淮水入黃河之口令其流入七州縣則下河修理必致遲誤臣謂修理正河錢糧尙憂不足安得更有錢糧堵塞無用之口且黃水強則流入淮河淮水強則流入黃河並非人力所能禁止者臣若阻撓挑濬下河能逃國法乎湯斌奏曰今雲梯關與前不同若塞高家堰之壩則淮水盡入黃河黃水無倒入淮河之理從前河隄單弱不築減水壩則黃河必致潰決今隄既高堅若塞隄壩使水歸一路則沙不停壅河身漸深今靳輔惟恐黃河潰決於南岸毛城鋪等處築減水壩令黃河之水入洪澤湖洪澤湖不能容又於高家堰築減水壩令入運河運河不能容

又於高郵州等處築減水壩令入七州縣七州縣之水無所歸不但七州縣之民被災二三年間黃水淮水及三十六湖之水並皆停蓄泛濫則漕運亦甚可慮今 皇上令堵塞高家堰之壩修理下河不止七州縣之民漸安生理即漕運亦永受其益此臣據理而言似屬可行靳輔奏曰挑濬下河使積水入海雖云善策然下河既濬恐海水倒灌可慮 上曰挑濬下河海水斷無倒灌之理今若將黃河南岸毛城鋪等處減水壩閉塞則黃河之水不入洪澤湖洪澤湖止有淮水則高堰隄可以暫塞一年挑濬下河方能成功爾等會同九卿再詳議以聞○喀爾喀土謝圖汗察罕車臣汗訥爾布及七旗濟農台吉等合奏請上 尊號不許○大學士等遵旨覆奏開濬下河應塞減水壩 上問靳輔曰黃河南岸毛城鋪一帶開壩可以閉塞否靳輔奏曰永塞不便可以暫塞一年東華錄

康熙三十九

上曰閉塞此等開壩水勢可減幾分靳輔奏曰春夏可減十分之四秋冬止減二分臣仰體 皇上愛民之心故議閉塞一年若黃河南壩永塞不惟淮水弱不能引入清河黃水發反灌入淮河 上曰淮水原不弱或恐河南等處水少以致淮弱若將高家堰減水壩堵塞則淮水自不弱黃水豈能逆入耶靳輔奏曰臣議將高家堰之古溝塘埂兩壩自正月閉塞至四月初一日開其餘四壩亦自正月閉塞至六月初一日開 上曰塞此六壩可無患否靳輔奏曰五月以前猶可無患六月以後不可必矣 上曰欲開下河須塞上流若但塞高郵州之五壩不塞高家堰所謂不揣其本而齊其末於事何益靳輔奏曰前孫在豐止議高郵州未嘗及高家堰故臣亦止云高郵州等壩宜閉耳今 皇上所見最爲洞悉臣何敢欺隱高家堰之壩亦當如 聖諭閉塞也○辛丑諭工

部下河工程今年著止將高郵州大小壩及高家堰開壩照新輔等所奏定限堵塞令孫在豐等挑濬海口其黃河南岸開壩著於來年堵塞一年其高郵高家堰等開壩既限期堵塞著孫在豐速備工料人夫自今年十二月興工挑濬下河勿致違誤○癸卯以圖爾宸為禮部右侍郎由陝西巡撫遷○乙巳太子太傅禮部尚書武英殿大學士吳正治以老乞休允之

二月己酉朔以布雅努為陝西巡撫由山西布政使遷 盧崇興為廣西按察使原任安徽按察使 ○庚戌刑部等衙門會審蔡毓榮隱藏逆女貪取逆財種種不法上背國恩應仍擬斬立決得旨從寬免其處斬籍沒家產著枷號三箇月鞭一百並分家子發往黑龍江○辛亥調伊桑阿為禮部尚書由兵部調 ○壬子內閣學士郭棻緣事革職○癸丑上大閱於蘆溝橋○甲寅以余國柱為武英殿大學士由戶部尚書遷

東華錄 康熙三十九年 三

○乙卯 上御經筵○以錢珏為山東巡撫由順天府尹遷 ○丙辰以盧琦為內閣學士由少詹事遷 ○革刑部尚書禧佛左侍郎噶爾圖右侍郎敦多禮職以宗人府題參正黃旗少詹事覺羅僧參失盜一案審理失實故也○戊午調陳廷敬為戶部尚書由工部調 ○庚申命八旗都統副都統更番值禁城五門○都察院議覆原任刑部尚書禧佛審禁毓榮一案不秉公研訊律擬失當顯係徇庇禧佛已經別案革職應枷號兩月鞭一百刑部尚書胡昇猷侍郎張鵬趙之鼎敦多禮不嚴加審訊俱係徇庇應各降二級調用敦多禮已經別案革職應將佐領降二級調用得旨禧佛著照部議完結後發往黑龍江披甲效力贖罪敦多禮亦著發往黑龍江胡昇猷補授刑部以來並無效力處照議降二級調用張鵬莅任未久免罪趙之鼎從寬免調用著降二級留任○辛酉調佛倫為刑部尚書

以阿蘭泰為工部尚書由左都御史遷 葛思泰為刑部左侍郎由內閣庶珠為刑部右侍郎由左副都御史遷 ○壬戌以鄂爾多為兵部尚書由內務府總管遷 ○癸亥 上幸南苑行圍○甲子九卿議覆給事中劉楷奏請禁淫詞小說 上曰淫詞小說人所樂觀實能敗壞風俗蠱惑人心朕見樂觀小說者多不成材是不惟無益而且有害至於僧道邪教素悖禮法其惑世誣民尤甚愚人遇方術之士聞其虛誕之言輒以為有道敬之如神殊堪嗤笑俱應嚴行禁止○丙寅贈永甯陣歿守備席豹官廕○丁卯 上幸玉泉山○以張玉書為刑部尚書由原任侍郎遷 王日藻為工部尚書由戶部右侍郎遷 ○以布喀為山西布政使由陝西按察使遷 ○戊辰以宋犖為山東按察使由直隸通判遷 ○己巳內閣學士韓菼以病乞假允之○庚午以塞楞額為內閣學士由甘肅布政使遷 覺羅舜拜為左副都御史由大理寺卿遷 ○壬申戶部奏請

東華錄 康熙三十九年 四

墅關監督桑額任內除徵收正額外溢銀二萬一千二百九十六兩零得旨設立權關原欲稽察奸宄照額徵收以通商賈桑額徵收額課乃私封便民橋以致擾害商民著該衙門嚴加議處關差官員理應潔己奉公照例徵收嗣後有不肖官員希圖肥己種種強勒額外橫徵致害商民亦未可定爾部通行嚴飭○癸酉以廖巨為左都御史由盛京工部侍郎遷 張鵬為戶部左侍郎管右侍郎事由工部侍郎遷 ○三月庚辰以李振裕為內閣學士由翰林院侍講遷 ○禮部題請停天下歲貢生廷試其中有情願入監讀書者該學起文送部到監肄業至於舉人就教者亦免廷試具呈吏部照次補用允之○辛巳調圖爾宸為盛京工部侍郎由禮部侍郎遷 ○轉趙之鼎為刑部左侍郎以王國安為刑部右侍郎由福建總督遷 ○以吳赫為陝西按察使由郎中遷 ○乙

西大學士等奏臣等遵旨傳諭九卿等集議應行應改事務諸臣
僉云 皇上夙夜孜孜勤求治理政務俱已全備寰宇已極昇平
並無應行應革事件前輔政大臣時各省皆有總督自 皇上親
政以來酌裁總督員缺惟設江南江西一總督廣東廣西一總督
雲南貴州一總督湖南湖北一總督四川陝西一總督福建浙江
一總督後將浙江福建總督缺改為福建總督然浙江福建皆係
近海地方請仍改福建總督為浙江福建總督似屬有益從之○
以顧八代為禮部右侍郎由內閣學士遷○調王新命為浙江福建總督
由江南江○己丑以董訥為江南江西總督由左都御史遷○以噶爾薩
西總督遷○庚寅以覺羅舜拜為內閣學士由左副都御史遷
○翰林院掌院學士李光地以母病請假歸省得旨李光地准其
歸省俟伊母病稍愈即來供職不必開缺○癸巳以王鴻緒為左
東華錄 康熙三十九 五
都御史由原任戶部侍郎遷○乙未以傅拉塔為左副都御史由陝西布政使遷○
以慕天顏為漕運總督由貴州巡撫遷○己亥以魯超為河南按察使由江
南淮揚道遷○辛丑諭大學士等與孫在豐同往修河諸員未嘗留心
河務惟事圖利孫在豐以漢人不能約束若輩原任淮揚道高成
美乃罷職之人今猶不赴京必與往修河工諸員串通妄為河工
事關緊要須與江南江西總督總漕總河會同商酌修理方克有
成著交九卿議○癸卯九卿遵旨議覆 皇上軫念高寶七州百
姓久罹水患特遣大臣挑治下河甚盛心也今所差司官便已懷
私不聽侍郎孫在豐調度請敕下江南總督巡撫及總漕總河公
同孫在豐監修庶無阻撓原任淮揚道高成美係降調之官乃淹
留彼地行事不端實為可惡應移文地方官勒令回京 上曰朕
特頒內帑濟治下河原為救民起見今國計非絀設錢糧不敷何

妨再請頒發聞差往各官初欲派之民間後又中止仍復按引派
加鹽課是未嘗救民先已害民豈不大負朕之初意乎此事斷不
可行著停止通行曉諭差往各官著撤回餘依議○大學士等遵
旨議奏 皇上勵精圖治加惠黎元比年以來將各省錢糧屢行
蠲免民皆得所至如刑罰 皇上念及人命所關惟矜恤務期
平允故天下無冤抑之民國家政事豈有闕失今畿輔地方雖雨
澤愆期而山東河南山西等處雨澤應時有年可望臣等再三酌
議見今政務實無可更改釐定者 上曰堯舜之世方可稱無闕
失然兢兢業業不敢謂已治已安漢文帝亦古之賢主賈誼猶指
陳得失直言切諫今但云主聖臣賢政事無闕豈國家果無一事
可言耶况求言原屬要事無論智愚皆當各陳己見以備採擇始
於政務有所裨益大小臣工宜各盡職業視國事如家事方副委
東華錄 康熙三十九 六
任之意今每部滿漢堂官各有六員其間任事者但一二人餘則
隨眾署名而已即如各部啟奏本章每日不過數件其中情節如
漢侍郎等未必了徹設朕問之諒有不能對者朕觀今世之人專
務逢迎諂媚鮮能直道而行且己不勤而每謂人為惰己無能而
每嗾人為劣此不過徒工浮議耳何益之有○以馬世濟為貴州
巡撫由吏部右侍郎遷○丁未調熊一瀟為吏部右侍郎由督穆禮布為
陝西布政使中遷
夏四月辛亥諭吏部國家用人才優者固足任事然秉姿誠厚者
亦於佐理有裨比部院中亦有一二才優之人所以未即升擢者
因其有才又能循分故久任之朕聽政有年見人或自恃有才輒
專恣行事者思之可畏朕意必才德兼優為佳若止才優於德終
無補於治理耳○癸丑 上幸玉泉山○乙卯諭大學士等設官

分職原以為民所在得一良吏則民遂其生今觀各官雖有品行
清潔者但畏國法而然如直隸巡撫于成龍之眞實清廉者甚少
觀其為人天性忠直並無交游惟知愛民即伊木旗王等門上亦
不行走直隸地方百姓旗人無不感戴稱頌如此好官若不從優
褒獎何以勸眾可令九卿集議于成龍前因九卿推薦朕始擢用
若再有如此好官不拘大小亦令九卿保舉來奏○以趙士麟為
兵部督捕右侍郎由江甯○諭工部四川柵木多產於崇山懸巖
採取甚難必致有累土司且來京甚遠沿途地方亦恐滋擾著傳
諭四川巡撫免其解送○丙辰大學士等奏九卿遵旨會議直隸
巡撫于成龍實心任事並無勉強虛假之處應賜獎勵以勵官方
其優加宮保之處出自特恩至督撫各官內如雲南貴州總督范
承勳山西巡撫馬齊四川巡撫姚締虞居官皆優 上曰范承勳

東華錄 康熙三十九年 七

等居官果善但伊等尙有勉強之意于成龍則出自誠心毫無瞻
顧今人不往來大臣之家則恐其意有不悅如于成龍介然自守
無所交游為大臣者其柰于成龍何著加太子少保銜以為廉能
稱職者勸○丁巳以蔣寅為貴州布政使由雲南按察使遷○己未諭大
學士等爾等纂修明史會參看前明實錄否史事所關甚重若不
參看實錄虛實何由悉知他書或以文章見長獨修史宜直書實
事豈可空言文飾乎如明代纂修元史限期過迫以致要務多漏
且議論殊乖公正俟明史修成之日應將實錄並存令後世有所
考據從來論人甚易自處則難若不審己之所行而徒輕議古人
雖文詞可觀亦何足道朕嘗博覽羣書於古之聖君哲后未敢漫
加評騭也○予故漕運總督徐旭齡祭葬又加祭一次諡清獻○
壬戌命大學士勒德洪等同三法司清理刑獄○甲子以田雯為

江蘇巡撫由鴻臚寺卿遷柴望為廣東布政使由湖南按察使遷○庚午諭刑部
等衙門凡各省解送京城及京師解發各省人犯有解役中途陵
虐及教唆犯人於沿途搶奪者甚至有將犯人拷打致死者其所
犯之罪不至於死而陵弱拷打以致斃命殊為可惡爾部會同督
捕衙門定議條例以聞尋議覆凡解部及遞解外省各項犯人遵
恩詔計程給與口糧嗣後凡籤差官役遣有家產正役押發沿途
官員詳查有無解役勒捐拷打之處如或有之地方官即將解役
懲治若拷打致死地方官中報督撫嚴審從重治罪如有解役唆
教人犯通同搶奪者以光棍例治之其在中途患病者原解即報
地方官驗明出結如未取患病印結途中死者以死者之多寡名
數分別治罪永著為例從之○辛未裁雲南復設左右二衛及平
彝楊林等衛都司一守備八千總九經歷七教授一○壬申以許

東華錄 康熙三十九年 八

宏勳為雲南按察使由陝西糧道遷○癸酉諭大學士等聽政之時科道
侍班言官自恐失儀心切畏懼以致條奏者甚少凡啟奏官員果
有失儀朕自降旨或其人自為檢舉科道侍班罷之誠是且科道
官多起自疏遠進退周旋未經嫻習朕欲以其建言為要務雖有
小過朕亦不計也其宣旨於九卿詹事科道此後科道侍班其已
之○乙亥宗人府奏平郡王納爾都打死無罪人羅米又折楊之
桂菩薩保二人手足應革王爵監禁得旨納爾都著革去王爵免
其監禁○准福建臺灣府鄉試另編字號額中一名從陸路提督
張雲翼請也
五月己卯以鄭端為湖南按察使由陝西涼州道遷○庚辰詔曰朕統御
天下念切民生夙夜圖治罔敢少懈邇來歲每不登民食寡乏今
茲仲夏久旱多風陰陽不調災孰大焉朕用是靡甯減膳撤樂求

言省過齋居默禱雖雨澤溥降尙未霑足皆因朕之涼德不能上格天心茲特沛寬仁務崇惇大罷營建恤貧窮釋淹繫政令有不便於民者更之罪非常赦所不原者咸赦除之○轉丹岱爲兵部左侍郎調拉篤祜爲兵部右侍郎以吳拉岱爲理藩院右侍郎內閣學士高士奇德格勒侍講學士孟亮揆侍講徐元夢諭德徐潮中允徐嘉炎編修熊賜瓚勵杜訥等至 乾清宮內考試 上閱諸臣試卷畢諭曰朕政事之暇惟好讀書始與熊賜瓚講論經史有疑必問樂此不疲繼而張英陳廷敬等以次進講大有裨益朕從來不輕評論古人卽如明史一書朕亦不遽加論斷然評論古人猶易若評論時人更難如德格勒每評論時人學問朕心以爲不然故召爾等面試妍媸優劣今已判然總之人之學問原有東華錄 康熙三十九年 九

東華錄 康熙三十九

公監二代揆時立制有因有除禮明樂備體國經野成理萬彙集武之勳紹文以孝代成誠民並孔立教爲子爲臣是則是做宗邦綽歷忠厚所貽貞珉載鐫作頌致思臯繹同時億禩爲期○建孔子廟碑 上親製文 御書勒石文曰朕惟道原於天宏之者聖自庖犧氏觀圖書象闡乾坤之秘堯舜理析危微厥中允執禹親受其傳與湯文武周公遞承其統靡不奉若天道建極綏猷暨乎尙矣孔子生周之季韋布以老非若伏羲堯舜之聖焉而帝禹湯文武之聖焉而王周公之聖焉而相也巋然以師道作則與及門賢哲紹明絕業教思所及陶成萬世伏羲堯舜禹湯文武周公之統惟孔子繼續而光大之矣開嘗誦習詩書之所刪述大易之所演繫春秋之所筆削禮樂之所修明本末一貫根柢萬有殆與覆載合其德日月並其明四時寒暑協其序焉故曰仲尼之道一天道也朕教法至聖景仰宮牆嚮往之誠弗釋寤寐歲甲子十有一月時適東魯躬詣曲阜展修祀事復謁聖墓循撫松栝儀型在望優乎至德之親人也朕忝作君啟牖下民深惟夫子師道所建百王治理備焉舍是而圖邇隆曷所依據哉因勒文於石彰朕尊崇聖教以承天治民之意系以辭曰遐哉三五維辟之式於皇尼山師道允植天畀木鐸覺彼羣生百行以正六籍以明賢邁唐虞聖則河洛綏和動來文博禮約鳳衰雖歎麟德感祥學昌洙泗統歸素王炎漢崇儒少牢用饗厥後賢君高山是仰予懷至聖拉彼東方音徽云邈道德彌光鬱鬱瑩林峩峩祠殿企慕安窮奠牆如見泰岱匪高東海匪深敬揚懿軌終古是欽○建孟子廟碑 上親製文 御書勒石文曰自王迹熄於春秋聖人之道或幾於泯滅卒之晦而復明歷千百世而不敝者恃有孔子也孔子沒百有餘

八九

年浸假及於戰國楊墨塞路禍尤烈於曩時子輿氏起而闢之於是天下之人始知誦法孔子率由仁義斯道之有傳至於今賴之是以後世學者如韓愈蘇軾之徒咸推其功以配大禹而閩洛之儒咸遵為正學之宗傳於戲盛已夫洪水之禍止於人身已爾楊墨之禍隱然直中於人心不有孟子使楊墨濫觴於前釋老推波於後後之人雖欲從千載之下探尼山之遺緒其孰從而求之因推述厥義刻文於石俾揭於鄒之廟其詩曰尼聖既往夏矣音徽後百餘歲聖緒浸微尚異實繁楊墨競煽陷溺之禍酷於昏墊惟子輿氏距彼放淫以承先聖以正人心述舜稱堯私淑孔子正學修明百世以俟不有是者斯道孰傳宇宙晦霧萬物狂悖我讀其書曰仁曰義遺澤未湮聞風可企嶽嶽亞聖巖巖泰山功邁禹稷德參孔顏刻石茲文於祠之下誦烈揚休用告來者○以多奇為

東華錄 一 **康熙三十九** 十一

內閣學士 由翰林院侍讀學士遷 ○癸巳以貝子納爾圖襲平郡王寵寶襲順承郡王○刑部左侍郎趙之鼎以疾請假回籍允之○丁酉上素服詣 天壇祈雨出入西天門皆步行是夜雨○辛丑左副都御史徐元琪奏祀典所載致祭北海尚沿宋明舊制於河南懷慶府係在京之南於義未合況北嶽已改祀渾源州則北海應請改祀於混同江庶方位允協下部議行○命宋儒張載後裔世襲五經博士○癸卯轉王國安為刑部左侍郎以薛柱斗為刑部右侍郎 由安徽巡撫遷 ○甲辰免湖南去年額賦並今年明年額賦之半○是月免直隸豐潤縣水災額賦十之二

六月辛亥以楊素蘊為安徽巡撫 由順天府尹遷 ○庚申改貴州大定府為大定州○戊辰吏部議准雲南貴州總督范承勳奏貴州所屬十五衛十所請分晰裁改偏橋衛裁併施秉縣興隆衛裁併黃

平州移州治於衛治新添衛裁併貴定縣移縣治於衛治貴筑貴前一衛裁去改設貴筑縣鎮西威清二衛赫聲威武二所裁去改設清鎮縣平壩衛桑遠所裁去改設安平縣安南衛裁去改設安南縣定南所裁併普定縣普安衛裁併普安州安籠所裁併安籠廳敷勇衛修文濯靈息烽于襄四所裁去改設修文縣永甯衛普市所裁去改設永甯縣畢節赤水二衛裁去改設畢節縣烏撒衛裁併威甯府從之○乙亥轉徐乾學為禮部左侍郎調張英為禮部右侍郎 由兵部右侍郎右調

東華錄

康熙三十九

十一

臣王先謙敬編

臣周倫著茶校

秋七月癸未以成其範為兵部右侍郎由太常寺卿遷○贈故太醫院院

使加通政使銜馬之俊為禮部侍郎予祭葬○戊子先是喀爾喀

土謝圖汗奉 上諭偵探鄂羅斯分界使臣消息至是奏鄂羅斯

遣使請和已抵臣境 上命薩布素等統率官兵乘天時未寒還

至黑龍江墨爾根修整器械休息馬匹以度隆冬仍於要地嚴設

斥堠並以鄂羅斯遣使請和撤還大兵之故曉諭雅克薩城內羅

剎知之○辛卯刑部奏浙江民張遴叩關請發與該撫審理 上

諭大學士等此案若交與該撫審理豈肯將實情明白審出著刑

部擇賢能司官往審近見奉差審事司官多不明晰此皆瞻徇各

部院堂官不敢結怨耳大凡督撫無不與部院堂官營求結納分

樹門戶若司官與督撫相悖即結怨於堂官尚能保其職乎部院

堂官各援引親戚朋黨營求凡員缺未出之先其人豫定及會推

時惟贊揚援引而從公推擬者甚少又有為司官筆帖式時所行

貪婪至於大位偽稱清廉者若此居心深可鄙恥今部院官員亦

稍知更改若循此而行固善儻仍蹈前轍貪汗不悛是棄其身也

雖或傲倖苟免於刑鬼神豈肯宥耶○壬辰子故太子太傅文華

殿大學士宋德宜祭葬諡文恪○甲午諭大學士等馬哈達補授

都統以來凡咨補官員皆有情弊著將都統並所得世職俱行革

去發往黑龍江效力○乙未轉沙賴為工部左侍郎以傅拉塔為

工部右侍郎由左副都御史遷○丙申以阿山為左副都御史由通政使遷○

庚子禁八旗喪葬宴會踰制者○壬寅 上幸南苑行圍是日回

宮○丙午以黨愛為甘肅按察使由中選○大學士等奏戶部請裁

公費 上曰目下國計充裕所爭不在於此况貪官需此以資生

者甚多豈可盡裁著仍照見行例行

八月丁未朔禮部以順天鄉試同考官開列知縣等請旨 上曰

同考官十六員此奏內進士知縣止有十人若應試之人豫擬此

十人必為試官有所鑽營則作弊更易著將員外主事以下小京

官及知縣守部進士一併開列著為令○命武臣副將以上官員

丁憂參將以下官員在任守制從山西巡撫馬齊請也○戊申

上御經筵○己酉 上巡幸塞外啟鑾○癸丑 上駐蹕博洛和

屯行圍○甲戌 上還次博洛和屯賜喀喇沁翁牛特王台吉等

銀幣有差○乙亥 上駐蹕宜蓀畢喇行圍○是月免山西沁州

雹災賦

東華錄 康熙四十

九月己卯 上還宮○壬午以李之芳為文華殿大學士由吏部

○甲申調科爾坤為吏部尚書由戶部調○丁亥京師地震○以翁叔

元為內閣學士由少詹事○戊子調陳廷敬為吏部尚書由戶部調○調佛

倫為戶部尚書以廖旦為刑部尚書葛思泰為左都御史轉席珠

為刑部左侍郎以塞楞為刑部右侍郎由內閣○乙未大學士等

查江甯七府陝西全省應免錢糧共計六百萬兩有零亘古以來

未有蠲免如此之多者臣等因為數太多不敢遽議 上曰朕念

切民生即多蠲亦所不惜爾等擬諭旨來奏○丙申調王日漢為

戶部尚書湯斌為工部尚書由禮部調○以徐乾學為左都御史由禮

侍郎○庚子喀爾喀土謝圖汗戴青墨爾根台吉遣使奏言噶爾

丹書至我等會遣使致覆本意終不釋然且喀爾喀之在厄魯特

處者及厄魯特之向與喀爾喀通好者俱言噶爾丹分南北兩路

來攻喀爾喀右翼人等除扎薩克圖汗及得克得黑戴青台吉之外餘俱言噶爾丹與兵是實我界上人等驚惶屢促出兵赴彼應敵是以率兵起行再去年盟誓時扎薩克圖汗之情形非特尙書阿喇尼見之他人亦盡知之彼見今與厄魯特杜噶爾阿喇布坦台吉一處遊牧視其情狀恐屬窺伺爲此馳奏得旨著議政王大臣會議安親王素諳蒙古事宜亦令與議尋議覆厄魯特喀爾喀俱係本朝職貢之國應遣敕令其罷兵同歸於好仍敕達賴喇嘛令其遣使諭令罷兵從之賜噶爾丹敕曰據喀爾喀土謝圖汗奏稱厄魯特內向遊牧兩路來攻我界上人等屢請赴彼故出兵迎之等語朕統御宇內無分中外爾厄魯特喀爾喀兩部落若果互相殘害朕心大不忍焉會於康熙十六年檄諭爾等務期共相和好且爾噶爾丹博碩克圖汗累世恭順職貢有年如果舉事無不

東華錄

康熙四十

三

奏聞於朕者因道路遼遠眞僞難明朕向未之深信或不遲之徒兩地構煽亦未可定爾兩部落如果與兵必有一方至於敗亡不但重負朕向來一視同仁之至意羣黎之死亡離散朕心深爲憫惻敕書到日卽爲息爭修好則爾恭順之心朕實嘉之已敕諭土謝圖汗令其罷兵矣特諭又賜土謝圖汗及達賴喇嘛略同○甲辰轉張英爲禮部左侍郎以王鳳昌爲禮部右侍郎由原任○乙巳以凱音布爲內閣學士由通政○是月免山東博興水災賦冬十月戊申以王遵訓爲左副都御史由太常寺卿遷○己酉 上幸南苑行圍○特准順天鄉試浙江錢塘縣監生查嗣韓福建侯官縣貢生林文英五經中式○癸丑 上巡幸畿甸啟鑾○丁巳以宋犖爲江甯布政使由山東按察使遷○裁京通巡倉御史○己未賜直隸巡撫于成龍 上乘黃鞍馬一匹銀一千兩○庚申湖南巡撫張

汧奏參上荆南道祖澤深勒詐婪賊十二款枝江縣知縣趙嘉星私派殃民五款通山縣知縣邢士麟才短誤公請分別革職究擬得旨這所參著刑部右侍郎塞楞額前往察審○壬戌諭大學士王熙等鄉試爲掄才大典出題理宜詳慎今年鄉試主考朕未盡知於開列中酌量分遣今覽各省所進題名錄其題目多有未當如福建三場策問臺灣事宜一道於地方情形事勢毫未通曉乃茫昧命題殊爲悖謬其餘各省亦未盡當爾等將各省呈覽題目及題名錄詳加檢閱若有悖謬最甚者察出參奏於是察看福建雲南河南三省第三場策問命題詞義多有未當均屬悖謬部議主考王連瑛等分別降級調用從之○大學士等奏前總河靳輔奏稱高家堰之外再築重隄請停丁溪等處工程奉旨著問巡撫于成龍今于成龍覆稱挑下河有益於民若照靳輔之奏修理則

東華錄

康熙四十

四

民反受其害 上曰挑濬此河原欲有益七州縣生民靳輔奏稱高家堰等處築隄以爲屯田可獲百餘萬錢糧朕從利益民生起見非爲錢糧也此挑河關係緊要著戶部尙書佛倫吏部侍郎熊一瀟給事中達奇納趙吉士會同江南總督總漕確勘議奏○子故原任刑部尙書魏象樞祭葬諡敏果○甲子 上還京師○諭大學士等今當軍政之年聞直隸各省提鎮欽取兵丁餽送兵部此等情事朕不傳旨指明然亟應禁絕又聞每年奏銷兵馬錢糧冊不遵定規欽取兵丁餽送該部此皆勒索於軍民者也其弊亦宜永行禁止可傳諭兵部○以熊一瀟爲工部尙書由吏部右以王樸爲山東按察使原任雲南按察使○戊辰諭大學士等侍郎拉篤祜宜以武職用著解 上遇有副都統員缺卽行補用左副都御史舒淑昏庸亦著解任交與該王爲護衛○庚午調張鵬爲吏部左

侍郎管右侍郎事由戶部○辛未諭大學士等凡人之行莫先於孝

近者漢軍居父母之喪親朋聚會演劇飲酒呼盧鬪牌儼如筵宴

毫無居喪之禮至孝服鞍轡等類所用素帛皆異常華美喪禮止

當服用粗惡豈宜華美耶居喪演劇滿洲所無漢人亦未有特漢

軍為然耳百行以孝為大如此所行以為孝道其他又何足觀也

又漢軍外官赴任每借京債整飾行裝務極奇麗且多攜僕從致

債主抵任索逋復謀贖僕從衣食勢必苛斂於民以資用度且親

朋債主疊往任所請託需索不可數計是官雖一人實數人為之

以致朘削小民民何以堪又漢軍外官不能騎射乃自稱行獵多

帶鷹犬借宿村莊滋害於民禽獸本在田野豈在村耶又漢軍服

用多僭越非分終日羣居以馬弔飲酒為樂此等物力從何而出

有非苛取諸民者乎漢軍習尚之惡已至於極如原任總兵諾邁

東華錄 康熙四十四 五

原任提督哈喇庫祖永烈等於任所多買良民帶歸原任總督張

長庚原任巡撫張德地韓世琦等皆貪婪虐民居官甚劣今著漢

軍都統副都統等凡有居喪演劇飲酒呼盧鬪牌者照賭博例嚴

行禁止在外漢軍官員任所有親朋債主前往請託需索貽累小

民者亦令查訪指名題參朕此諭旨總為敦厚風俗陶淑人心而

起使漢軍居官者皆如總督范承勳巡撫于成龍之善朕又何諭

之有此旨令徐廷璽傳諭○壬申以禪布為兵部右侍郎由內閣

開首布為左副都御史由光祿寺卿遷○都察院奏商人楊國清等捐送

柁木日久未收應將工部堂司官降調 上曰阿蘭泰傅拉塔在

任未久傅拉塔居外任頗優俱免調用降級留任沙賴飲酒呼盧

陳一炳曠職無能俱著革去侍郎餘依議○乙亥以王遵訓為戶

部右侍郎由左副都御史遷

十一月戊寅轉孫在豐為工部左侍郎以徐廷璽為工部右侍郎

由內閣○己卯轉傅拉塔為工部左侍郎以伊爾格圖為工部右

侍郎○以趙山為內閣學士由翰林院侍講學士遷○庚辰以徐詒武為左

副都御史由順天府府尹遷○壬午吏部議覆左都御史王鴻緒奏參廣

東巡撫李士楨貪污不法年老昏憤各款除事在赦前及款無確

據者無庸議外李士楨年六十九歲昏憤是實應照年老例休致

從之○癸未以石文桂為內閣學士由內閣侍讀學士遷○予故工部尚書

湯斌祭葬○乙未諭大學士等近見支用修造等項奏銷錢糧時

該部不准駁回者甚多此等奏銷屢行駁回官員未必捐囊補給

亦止派取民間耳如此則百姓愈苦向因需用孔亟故奏銷者未

即准行今公帑並非匱乏時奏銷案件不必駁回即應完結此等

事不行駁回在官員既可省案牘而於百姓尤大有裨益也可傳

東華錄 康熙四十四 六

諭九卿詹事科道○諭凡參劾貪官其受賄作弊之處因未曾親

親無所憑據畏縮而不行參劾者甚多今間有彈章亦止據風聞

參劾耳豈有身與之通同受賄作弊而顧肯參劾之耶向者原有

風聞糾彈之例輔政大臣停止今再行此例貪官似有做懼若有

挾讐參劾者審明果係挾讐自有反坐之典在可傳諭九卿詹事

科道○丙申 太皇太后聖體違和 上在 慈甯宮侍疾親嘗

湯藥晝夜不離左右傳諭內閣非緊要事勿得奏聞○丁酉以朱

宏祚為廣東巡撫由直隸守道遷○辛丑免江蘇陝西明年額賦今年未

徵者並除之○壬寅諭刑部朕侍奉 太皇太后朝夕承歡祇遵

慈訓竭誠奉養今者 聖躬偶爾違豫朕夙夜滋懼寢食靡甯

仰冀 上天眷顧俯垂默佑惟思好生以迓 天庥寬大以延遐

壽所有內外問刑衙門見監重辟人犯除十惡死罪及貪官光棍

不赦外其餘已經奉旨監候死罪重犯概行減等發落以昭朕祈
 天永佑至意○癸卯吏部議覆左都御史徐乾學奏參江西巡
 撫安世鼎才守俱劣久尸厥位應照不謹例革職得旨安世鼎著
 革職布政使張所志係安世鼎同城之官巡撫科派營私必與布
 政使通同作弊布政使果能清正巡撫豈能獨自妄行張所志素
 行不謹有玷官方亦照不謹例革職○甲辰諭大學士等自太
 皇太后聖體違和以來多方醫治罔克奏效病勢漸增甚為可慮
 朕夙夜憂懼茲欲躬詣 郊壇虔行禱祀保佑 太皇太后慈躬
 和豫永獲康甯可將朕意傳示九卿九卿等奏曰 皇上至孝超
 越萬古 太皇太后違和 皇上朝夕在 慈甯宮席地奉侍親
 調藥餌寢食俱忘 聖孝之誠必當感格 穹蒼臣等愚見似不
 必詣 壇致祭 天心自為默佑大學士等轉奏畢復諭曰自

東華錄

康熙四十四

七

太皇太后違和以來朕在宮中無日不虔潔精誠默行祈禱乃
 太皇太后聖體大漸似無一分可以冀望矣如稍有望之機亦
 不敢起躬禱 天壇之念今竟毫無冀望何計可施惟有竭抒誠
 悃叩祈 上天之眷佑耳並非沾取虛名徒事粉飾為也皇皇
 上天其可欺乎將此諭旨向諸臣傳示之○禮部奏請擇齋戒告
 祭日期 上傳諭諸臣曰朕在宮中每日齋戒可即於明早步行
 茶祭祈禱○禮部左侍郎額星格理藩院左侍郎喇巴克緣事革
 職○是月免江西萬載等七縣旱災額賦有差
 十二月乙巳朔 上率諸王貝勒貝子公及文武官員等步詣
 天壇致祭 上親撰祝文曰嗣天子臣敢昭告於 皇天上帝曰
 臣仰承 天佑奉事 祖母太皇太后高年荷庇藉得安康今者
 疹患驟作一旬以內漸覺沈篤旦夕可慮臣夙夜靡甯寢食捐廢

虔治藥餌徧問方醫罔克奏效五內憂灼莫知所措竊思 天心
 仁愛覆幬無方矧臣眇躬夙蒙 慈養憶自弱齡早失怙恃承
 祖母膝下三十餘年鞠養教誨以至有成設無 祖母太皇太
 后斷不能致有今日成立罔極之恩畢生難報值茲危殆方寸憤
 迷用敢潔蠲擇日謹率羣臣呼籲 皇穹伏懇 憫念篤誠立垂
 昭鑒俾沈疴迅起遐算長延若大數或窮願減臣齡冀增 太皇
 太后數年之壽為此匍伏 壇下仰祈 洪佑不勝懇禱之至請
 祝版時 上涕淚交頤陪祀諸王大臣等無不感泣祭畢 上即
 詣 慈甯宮侍疾○己酉以王業興為江西布政使由四川按察使遷○
 壬子以席爾達為禮部左侍郎由太常寺卿遷多奇為禮部右侍郎由內
 務府○甲寅內閣及各部院衙門官員具奏公請 皇上少節憂勞
 上曰朕自 太皇太后違和以來心懷憂慮日侍左右檢方調

東華錄

康熙四十四

八

藥親視飲饌 太皇太后甯憇之時朕隔幔靜候席地危坐一聞
 太皇太后聲息即趨至榻前凡有所需手奉以進因此晝夜不
 能少離 太皇太后屢有慈旨命朕回宮少宜自愛朕念幼蒙
 太皇太后撫養教訓三十餘年罔極深恩難以報答今見病體依
 然五內焦灼莫知所措朕躬寢處何暇顧計覽奏具見大小臣工
 愛君誠悃但當此時不竭盡心力少抒仰報之忱異日雖欲依戀
 慈闈豈易得耶所奏已知之○以拜禮為內閣學士由內閣侍
 讀學士遷
 ○丙辰諸王貝勒貝子公內大臣大學士尙書侍郎侍衛等詣
 慈甯宮門跪奏請 皇上問一回宮稍為休息得旨 太皇太后
 病勢漸覺沈篤朕心憂灼片刻難離朕即回宮心亦不安所奏已
 知之○丁巳以興永朝為四川按察使由廣西蒼梧○戊午以王
 騰為江西巡撫由太常寺卿遷○乙丑以額爾黑圖為理藩院左侍郎由

閣學○御史陳紫芝奏參湖廣巡撫張汧任未久贖貨多端凡所屬地方鹽引錢局船埠等無不搜括甚至漢口市肆招牌亦按數派錢當日保舉之人必有賄屬情弊請一併敕部議處得旨張汧著革職所參各款著直隸巡撫于成龍山西巡撫馬齊左副都御史開音布馳驛前往提拏究擬具奏○奉差湖廣審事刑部右侍郎色楞額奏湖廣巡撫張汧所參上荆南道祖澤深婪贓款內得枉法贓金七兩銀四十兩是實枝江縣知縣趙嘉星私派款內得銀四百二十兩是實祖澤深趙嘉星俱應革職擬絞監候秋後處決其通山縣知縣邢士麟到任一月並無才短誤公之處應毋庸議巡撫張汧將邢士麟誤參應降一級調用原揭布政使胡戴仁按察使丁煒等各降二級調用得旨所審未當著于成龍等嚴加究擬具奏色楞額著嚴加察議○諭大學士等科道職任糾參

東華錄

康熙四十四

九

淮安寶應潤河等處亦應開濬引水由射陽湖達廟灣入海其高郵城東隄五座減水壩係下河水患之源今淮安府南北既經開濬此處俱應堵塞黃河兩岸仲家莊草灣等處建石閘三座分洩黃水入海仍照原議外惟安東縣五里墩建閘洩水由鹽河入海恐開閘之水逼近安東實屬危險應將石閘移建城東再看得下河形勢見在流通今既堵塞上流盡注清口則下河水勢自然漸減應將白駒丁溪草壩三口各工盡行停止其修築月隄並潤河等處開濬建閘所需錢糧應令河臣確估題請得旨九卿詹事科道會議具奏○己巳子時 太皇太后崩於慈甯宮遺詔曰予以薄德幼承 太祖高皇帝登聘獲奉 太宗文皇帝贊助內政越既育年不幸 龍馭上賓痛不欲生誓以身殉諸王大臣以世祖皇帝方在沖齡繼承大統保護靡託合辭堅請勉留此身撫育教訓未嘗少懈十有九年重遭不造世祖皇帝崩逝悲悼予懷益無意人世告 天籲眾冀中初志諸王大臣復以今皇帝沖齡踐阼正須鞠育懇請再四予顧此藐孤難忍捐棄勉抑哀衷相依歲月今皇帝至孝性成誠切肫懇視膳問安朝夕罔間備物盡志無所不周屢薦徽稱尊崇斯極終始惟一幾三十年予因茲敬養遂使兩世哀感之懷大為寬釋且 皇太后奉事勤恪予心甚安但念世際昇平皇帝純孝亘古所無予正可誕膺福祉奈年齒逾邁時用自傷頃當寢疾皇帝躬省藥餌寢食捐廢步禱 郊壇竭誠呼願乃數盡難挽遠至彌留予壽七十有五得復奉 太宗文皇帝左右愜予夙心夫亦何憾今皇帝勵精圖治愛育蒼生海宇乂安兆姓樂業天下臣民頌太平之庶者功歸啟佑予歿有榮施焉惟是皇帝大孝性成超越今古恐過於悲痛宜勉自節哀以萬幾為

東華錄

康熙四十四

十

重中外文武羣臣恪恭職勿負委任以共承無疆之福其喪制悉遵典禮成服後三日皇帝即行聽政其持服依世祖皇帝遺詔以日易月二十七日而除 天地 宗廟 社稷之祭不可以親躬之故致稽大典及百神祀事照常無停故茲誥諭其各遵行 上擗踊哀號呼天搶地哭無停聲 皇太后 上暨 皇妃 皇子俱成服親王以下文武大小官員外藩王以下及台吉等王妃公主以下八旗二品以上官員命婦俱齊集成服嗣是每日哭臨二次凡二十七日○諭諸王貝勒貝子公內大臣大學士九卿詹事科道等自漢以後帝王居喪持服以二十七月易為二十七日惟魏孝文帝欲行三年之喪朕平日讀史至此常稱贊之今非欲邁古賢君祇念朕入歲 世祖皇帝賓天十一歲 慈和皇太后崩逝全賴 聖祖母太皇太后鞠養教誨以至成立遠遭大故實東華錄 康熙四十 十 增痛傷哀疾靡盡今定持服二十七月少慰罔極之痛朕獨持於宮中幾政毫無曠廢不令臣民持服一切俱不禁止如此可以遂朕本懷諸王大臣各官其集議之諸王大臣等奏曰 皇上至德純孝自古無倫但帝王之孝與臣民不同願 皇上仰遵 遺誥博稽古制上思 天地 祖宗付畀之重下慰羣臣百姓仰賴之忱以禮節哀易月之典守而勿更得旨朕事 太皇太后三十餘年竭盡衷誠無稍違拂近者 聖體違豫三十餘日衣不解帶必誠必敬朕之此志期在必遂否則貴為天子富有四海亦奚以為諸王大臣等聞諭皆感悚嗚咽又奏曰 皇上一身為 宗廟社稷所寄託每當祭祀伏見 鑾輿親詣竭誠盡敬夫祭為吉禮必除服後舉行 皇上以 太皇太后之故若使 郊 廟神靈少有弗款即 太皇太后在天之靈亦必不安且君臣兆姓本屬

一體若 皇上持服宮中聽臣民即吉甚非一體之義况 皇上奉事 慈甯三十餘年晨昏侍養罔不承順意旨今於 慈闈遺命若不曲遵恐有虛 太皇太后倦倦之意臣等不揣愚見敢以固請得旨朕意已定不必更奏○禮部奏本朝后喪例不割辨又奉 皇太后傳諭 太皇太后不豫時曾向予云我病若不起皇帝斷勿割辨應謹遵行得旨 太皇太后教育恩深朕自盡其心仍行割辨 上遂割辨○諭禮部朕孝服用布舊制國有大喪自宗室公以上服素帛今孝服俱改用布○庚午 上在 大行太皇太后梓宮前晝夜號痛不止水漿不入口 天顏癯瘠以致憤迷諸貝勒貝子公等及外藩王貝勒貝子公等皆跪奏伏望 皇上少自節哀保護 聖躬得旨 親在則竭心力以盡孝歿則思報教育之恩終身不忘為子孫者誼所當然 太皇太后高厚之恩可一刻忘乎論畢復慟不已○禮部奏欽天監選擇十二月二十九日癸酉卯時 大行太皇太后梓宮發引得旨 太皇太后梓宮速行發引朕心不忍意欲久留 慈甯宮內爾諸臣議奏諸臣奏曰素無久留 寢宮之例應於二十九日發引得旨既如此朕意欲停喪三七另行選期諸臣奏曰我朝向日所行年內喪事不令踰年仍應於二十九日發引得旨爾等念朕躬勞苦朕豈不自知但二十九日發引為期太近兩皇后梓宮尚遲至多日若以太皇太后梓宮拘舊例謂踰年不便速行發引於大義不合舊例有可從者有不可從者朕意在正月十七十八日方可發引著另行選期具奏諸王大臣等又公同會議奏曰本朝向行之例踰年為忌似宜仍請於二十九日發引得旨爾等所云忌諱止為朕躬朕殊不避忌朕前禱 天壇尚欲減朕年以增 大皇太后之

壽豈以 梓宮踰年發引乃有避忌乎如有所忌朕躬當之否則
忌諱之說虛誕不足信亦可以破後人之疑使皆以朕爲法 太
皇太后梓宮可擇正月十一日發引○辛未 上在 大行太皇
太后梓宮前晝夜號慟不止水漿不入口如前內閣翰林院九卿
詹事科道等齊集 慈甯宮門外具奏請 皇上節哀保護
聖躬得旨朕忽遭大故五中憤迷非不知恪遵 遺誥守身爲重
勉自節哀強進飲食但悲從中來情實痛切莫由自主以至昏迷
即欲少餐饘粥亦不能下咽非故卻不御覽奏具見誠惻朕當強
支自愛卿等無須過慮○諸王貝勒貝子公文武大臣官員公同
具疏奏請 皇上恪遵 遺誥持服二十七日以上慰 列聖之
倚託下憐臣子之惻忱得旨朕從來一言一事必躬行實踐並無
故爲文飾邀取虛名今於宮中持服二十七月朕志已定屢旨甚
東華錄 康熙四十 三
明王等其體朕至意遵行○諭諸王大臣等 皇太后聖躬素弱
近者 太皇太后病篤朝夕奉侍 慈顏瘦減又因 太皇太后
上賓悲哀過甚晝夜不離 梓宮飲食不御愈加羸弱力爲勸慰
皇太后不允爾諸王大臣俱係骨肉至戚應公同奏勸諸王妃
郡主等舉哀時 皇太后慟哭幾至仆地眾所共睹今已三日矣
諸王大臣等隨奏請 皇太后節哀回宮暫息 皇太后諭曰皇
帝大孝事 太皇太后及子三十餘年承歡靡間敬禮兼隆 太
皇太后聖體違和皇上躬親侍奉三十餘日席坐冷地親奉湯藥
衣不解帶極其誠孝 太皇太后賓天內廷一切事務皆皇帝躬
親料理所以諸事各得詳善今已經三日皇帝痛哭不止容顏甚
爲瘦減予心殊覺不甯爾等宜勸皇帝節哀最爲緊要不必向子
敦請諸王大臣等復再三叩請 皇太后又諭曰諸王大臣所奏

請予回宮以少慰皇帝之心所言良是下午上食畢子即率眾同
散然雖散亦不過歸自己宮內仍率眾妃俱集於別宮自明日爲
始每日三次上食後即回別宮○諸王大臣等復跪奏 太皇太
后上賓已經三日 皇上晝夜號慟不止臣等惶懼不知所措伏
乞 皇上暫離喪次於乾清門內不拘何處少爲休息得旨朕遭
不幸 太皇太后賓天每思 高厚洪恩寸衷如割更何心緒回
宮以圖安逸况 太皇太后上賓以來至今飲食不能入口昨
皇太后再三勸進糜粥朕雖勉啜少許究不能下咽朕決意仍在
喪次以盡朕心諸王大臣復再三叩請 上不允○禮部以 大
行太皇太后常祭禮儀請旨得旨俱照祭 世祖皇帝例○壬申
上在 大行太皇太后梓宮前哀慟不止如前諸王大臣等跪
奏明日除夕請 皇上暫行回宮得旨除夕避忌果有此說否諸
東華錄 康熙四十 四
王大臣等奏曰元旦乃吉祥之日今 聖躬不離喪次臣等甚爲
不安叩請 皇上於除夜回宮元旦在宮中停止哭泣得旨數日
以來朕心甚覺憤迷今據爾等所奏稍有關繫元旦日 太皇太
后梓宮前令宮人照常上食 慈甯宮前院內諸皇子等所住帷
帳朕當於此暫居一日諸王大臣又再三叩請回宮 上不允○
諭大學士內務府總管等 太皇太后疾大漸時諭朕曰 太宗
文皇帝梓宮安奉已久不可爲我輕動况我心戀汝皇父及汝不
忍遠去務於 孝陵近地擇吉安厝則我心無憾矣諄諄降旨朕
何敢違伏思 慈甯宮之東新建宮五間 太皇太后在日屢會
向朕稱善乃未及久居遽爾升遐今於 孝陵近地擇吉修建
暫安奉殿即將此宮拆運於所擇吉處毋致缺損著揀選部院賢
能官員往敬謹料理天氣甚寒務期基址堅固工程完備爾等即

傳諭行○上於 大行太皇太后梓宮前行常祭禮哀慟如前
 內閣翰林院九卿詹事科道等公同具奏以元旦令節叩乞 皇
 上節哀並請回宮得旨據奏元旦請朕還宮人主宮殿原多可以
 因時移蹕若在庶民遭此大故所居止於一室又遷避何所回宮
 斷不可行卿等念切愛君恐朕哀毀過甚諄懇再三勉從所請強
 節哀情諸王大臣等叩首復奏曰 皇上俯鑒下情勉節哀痛臣
 等不勝慰藉但 皇上乃萬邦之主元旦乃歲首之辰特求 皇
 上於除夕回宮元旦後再詣 慈甯宮得旨朕自幼蒙 太皇太
 后教育之恩至為深厚方且仰報難盡何云回宮朕年正富安享
 之日方長報 太皇太后之日從茲已盡爾等諸王大臣再三奏
 請朕因於元旦日暫移前院此亦從爾等之請耳諸王大臣又再
 三叩首奏曰臣等焉敢求 皇上回宮休息但以元旦乃吉辰局
 東華錄 康熙四十 五
 閉 乾清宮所繫甚大得旨朕不幸當此大故設 太皇太后之
 變恰遇二十九三十日將若之何亦惟有聚集此處豈可他避也
 因爾等再三奏勸止於元旦暫移少忍哀慟是亦從爾等之所請
 矣今若瀆奏不止則並此言亦不聽從諸王大臣復叩請不已復
 傳旨曰朕意已定並無他說爾等如此執滯朕愈不允從著照前
 諭遵行○召集諸王大臣等將所請以日易月之奏發出諭曰三
 年之喪朕意在必行將欲手書諭旨而朕體疲憊願爾等諸王大
 臣共諒朕懷勉從前諭諸王大臣等奏曰 聖諭必欲行三年之
 喪臣等何敢違執但 聖躬 天地 宗廟及萬民生命所關三
 年斷不可行故自昔賢君皆從易月之制臣等所託命惟有 皇
 上若必令仰承即加臣等以罪亦所不辭斷不敢遵行得旨將
 本暫存閣中過初一日再行啟奏○甲戌 上在 大行太皇太

后梓宮前哀慟不止如前諸王大臣等奏、皇太后曰 皇上在
 慈甯宮明日元旦乃天地人協吉之辰 乾清宮不宜扃閉臣
 等昨者再三跪奏復具奏陳請 皇上未允故臣等復懇祈於
 皇太后 皇上至孝 皇太后敦諭庶冀勉從 皇太后諭曰予
 敦勸兩次 皇帝立意已定矣○是歲朝鮮來貢○人丁戶口二
 千三十四萬九千三百四十一田地山蕩畦地五百九十萬四千
 一百八十四頃八十四畝有奇徵銀二千七百二十六萬二千三
 百七十五兩有奇米豆麥六百九十萬一千四百二十二石六斗有奇
 草二百五萬七千九百六十四束茶十五萬九千三百一十五引
 行鹽四百三十一萬八千五百六十九引徵課銀二百七十三萬
 九千六百一十二兩有奇鑄錢二萬八千九百九十三萬六千七
 百有奇
 東華錄 康熙四十 六

臣王先謙敬編

臣周倫蕃恭校

康熙二十七年戊辰春正月乙亥朔諸王大臣等以元旦令節奏請 皇上節哀回宮不允羣臣復敦請再四 上於是暫住 慈甯宮前院幕次○丙子國子監奏太學生劉枝桂等五百餘人呈請 皇上節哀循古服制以日易月章下內閣○戊寅 上居

大行太皇太后喪次哀慟不止如前內閣以諸王大臣及士民等奏請以日易月之奏一併進呈公同奏曰 皇上欲行三年之喪

臣等再四思之實有難行之處請仍遵歷代定制 上曰朕凡事一本於誠行三年之喪朕意甚切非飾虛名仍宜遵照前旨行諸

王大臣等復再三懇請 上曰三年之喪朕意以為可行故有前

東華錄 康熙四十一 諭諸王大臣及百司士庶皆為阻止履行陳奏此際朕心甚煩俟

再思之○己卯王以下文武各官復奏請以日易月諭曰昨裕王

恭王亦勸朕從王大臣士民之請朕不得已勉如所請○辛巳諭

禮部 大行太皇太后聖德母儀昭示萬國昔奉我 皇祖太宗

文皇帝贊襄內政誕育我 皇考世祖章皇帝顧復劬勞受無疆

休大一統業暨朕踐阼方在冲齡仰荷我 聖祖母訓誨殷勤以

至成立晨昏依戀三十餘年方期游享遐齡茂膺繁祉詎意適遭

違豫奄忽上賓朕哀疚之深五中摧絕昊天罔極報德實難緬維

厚澤深仁信足炳傳簡冊非薦隆號莫展哀誠宜恪遵彝憲恭上

尊諡垂示無窮以慰朕尊親之意著內閣翰林院詹事府會同

擬奏其應行典禮爾部詳議以聞於是內閣等衙門即恭擬 尊

翊天啟聖文皇后諭 太皇太后升遐未久祭文內遽改稱 尊諡朕心深為不忍應俟 梓宮奉安昌瑞山後始稱 尊諡以祭

○癸未 皇子允禵生○乙酉奉移 大行太皇太后梓宮安設於朝陽門外殯宮發引時 上手攀 梓宮稽顙痛哭迨 梓宮

啟行後 上於 梓宮前步行沿途哭不停聲 梓宮更舁校時必跪於道左哀慟不已至 梓宮奉安之後號泣良久致奠行禮

諸王大臣等奏曰 梓宮已經奉安請 皇上還宮 上曰朕於

太皇太后無由復侍此乃慎終之時憔悴困憊皆所不恤此刻殊覺委頓胸臆煩熱欲於此尋一小室暫居之視體中如何尚未

知明日能還宮否爾諸臣愛朕誠惻朕知之矣○丁亥行初次致祭禮○戊子行釋祭禮諸王大臣固請 皇上還宮 上曰朕連

日居一小室意欲久駐於此爾等既再三奏請今仍暫回朕自幼

東華錄 康熙四十一 讀書稍知孝道豈忍遽圖便安茲雖暫回亦不入宮內姑設幕席

地而處少遲一二日當復來此是日 上遂幕居乾清門外之左

諸王大臣及外藩王台吉等請 上還宮不允九卿詹事科道等

亦具奏請還宮訓攝諭朕遭 太皇太后崩逝欲持服二十七月

立志甚堅諸王大臣及百官士民再三陳奏情詞懇切不得已勉

從所請中心歉仄因幕居乾清門外以盡哀誠今仍又請還宮不

過以朕躬為念朕身為天子豈不自愛但人孰無祖父母父母為

子孫皆當盡孝何分貴賤朕孝治天下思以表率臣民若致異日

稍留遺憾恐非諸臣愛君之意諸王大臣激切奏懇已有諭旨不

允卿等其仰體朕心勿復言○先是諸王大臣及士民等奏請以

日易月之奏俱未批答至是得旨朕以薄祜幼失 怙恃幸依

聖祖母膝下如見 皇考妣音容今遭遐棄痛念 慈恩悲哀並

集欲持服二十七月仰答 聖祖母鞠育深仁兼報 皇考妣劬勞大德諸王大臣及各官等援引歷代成例堅請再三並謂 郊廟祀典不宜久輟升祔大禮及時舉行且士民伏闕披瀝眾情謂國恤淹久有妨民業朕反復思維不得已以禮抑情勉從所請該部知道○甲午諸王大臣等奏明日行大祭禮釋服乞 皇上照定例還宮乾清門外所設幕請今日拆收之不允諸王大臣固請上曰爾等奏請懇摯朕於二十二日釋祭畢還宮是日亦欲遣外藩王等歸國乾清門外所設之幕至期拆收○乙未 上詣大行太皇太后梓宮前行大祭禮釋服傳諭內大臣曰科爾沁王貝勒貝子公台吉等馳至守服應加賞賚命出 太皇太后宮內白金綵段分賜之其先因出痘令回部落者亦令一體霑恩諭曰爾等皆 太皇太后姻戚齊至喪次克終其事殊為可憫因以

東華錄 康熙四十一 三

太皇太后所遺之物頒賜爾等眾皆感泣又諭爾等不必向朕謝恩可令詣 太皇太后梓宮前謝恩行禮是日 上仍居殯宮之側○丙申 上釋祭 大行太皇太后舉哀行禮畢回宮居乾清宮門內偏殿諭裕親王自 太皇太后違豫以來與朕同處殊為勞苦可著 皇長子及領侍衛內大臣等送王歸第○丁酉 上御乾清門衣青色布衣聽政江南道御史郭琇奏參靳輔治河無功聽幕賓陳璜阻撓下河開濬宜加懲處又戶部尚書王日藻等議靳輔奏請屯田一事有累於民請行停止至高家堰之外再築一隄應如靳輔所請 上曰河道必親歷其地然後可議其事爾九卿等俱未親歷徒然懸揣安有定論隨令郭琇跪近 御前願九卿等曰朕南巡時往勘河道高家堰南北及清口以南高郵等處朕俱浴隄步行親加詳覽河上情形頗深悉之今欲築重隄使

水由清口入海若果有裨益則當日何以不早築耶高郵等七州縣百姓苦累異常此朕目擊而傷心者今於隄外又築一隄是重困小民矣至於屯田有利於廷臣而害民實甚陳璜本一介小人通國盡知屯田之說江南人莫不嗟怨爾等甯不聞耶兵部梁清標奏曰屯田實有害於百姓斷不宜行 上以郭琇參本令九卿一併會同察議具奏○禮部奏本年二月初九日屆會試場期茲遇 大行太皇太后賓天典禮繁重應展期一月於三月初九日舉行會試 上曰會試士子貧寒者多展期一月不無苦累著展期十日○江西巡撫王臨廣東巡撫朱宏祚陛辭諭巡撫為地方大吏以操守為要大法則小廉百姓俱蒙福矣王臨奏曰臣向在四川時不取民間粒米束草惟帶一一家僮往家中取盤費不敢有私 上曰身為大臣尋常日用豈能一無所費若必分毫取給

東華錄 康熙四十一 四

於家勢亦有所不能但操守廉潔念念從愛百姓起見便是良吏督撫中如兩于成龍及范承勳誠良吏也為督撫者在朕前皆能言之及至地方與所言往往不符人貴始終如一朕特簡爾等當砥礪清操毋負朕擢用之意朕事事以百姓為念爾等到地方一切利害有關百姓者不妨事事奏聞王臨奏曰臣等嚴禁屬吏科派及詞訟賄賂諸弊 上曰為大吏者亦須安靜則為地方之福凡貪汙屬吏先當訓誡之若始終不悛再行參劾可也大學士等奏曰臣等瞻仰 天表迥異往時伏祈珍攝 上曰九卿所奏河工關繫重大兩巡撫陛辭赴任亦屬緊要朕所以力疾御門爾等所奏朕自知之是日 上回乾清門內偏殿諸王大臣等以喪事既畢請 皇上移駐瀛臺稍遣 聖懷 上曰凡事皆有不

並非好異沽名爾等勿復奏○戊戌諭大學士等自 太皇太后
違豫 皇太后盡孝侍奉甚為勞悴 太皇太后賓天復哀痛太
過 慈顏清減昨者朕詣 皇太后宮問安見癯瘦更甚積勞成
疾服藥調理 皇太后關繫甚大朕心深為憂慮明日 太皇太
后一月之祭爾等可奏請不必前往於是大學士等詣 皇太后
宮門遵旨奏請 皇太后諭曰予之服藥專為明日祭也今亦稍
安明日決意前往大臣等復行奏請 皇太后終不允○已亥
上詣 大行太皇太后梓宮前行一月致祭禮○癸卯以阿喇彌
為內閣學士由內閣侍讀學士遷○河南巡撫章欽文以庸劣革職
二月戊申漕運總督慕天顏奏前臣等會勘河工河臣靳輔議築
高家堰重隄臣等議修高家堰舊隄後尚書佛倫等奉命再行會
勘皆從靳輔臆說臣不敢附會且河臣倡舉屯田一事屯官丈占
東華錄 康熙四十一 五
民田百姓苦累臣據實奏聞得旨本內事情著九卿詹事科道察
議具奏○已酉以柯永昇為湖北巡撫由安徽布政使遷○琉球國中山
王尚貞遣使入貢請以子弟梁成楫等三人入監讀書允之○王
子先是御史郭琇奏參大學士明珠等疏題為特參大臣背公結
黨納賄營私仰請 乾斷立賜嚴譴以清政本事臣聞自古帝王
御天下之道舉直錯枉而已堯舜之世未嘗不有共鯀驩兜堯舜
始焉因其才而姑用之繼焉知其奸而誅殛之故堯舜之世稱為
極盛我 皇上至德純粹睿鑒淵深與放勳重華異世同揆臣竊
見 皇上用人行政孜孜求治惟恐一夫不被澤一物不得所私
竊歎誦千古難邁邇者畿輔之地奸邪逞詐植黨類以樹私竊威
福以惑眾日益縱肆 皇上灼知情偽於一切用人皆由宸聰獨
斷中外翕服無不踊躍思奮臣蒙 皇上破格超擢感激涕流莫

知所以為報竊自念職在糾彈仰體堯舜之心輒效鷹鷂之逐謹
將大學士明珠余國柱背公營私實迹臚列具呈一凡閣中票擬
俱為明珠指麾輕重任意余國柱承其風旨即有舛錯同官莫敢
駁正 皇上聖明時有詰責乃漫無省改即如御史陳紫芝奏劾
湖廣巡撫張汧奏內並請議處保舉之員 皇上面諭九卿應一
體議處乃票擬竟不之及則保舉之張汧原屬指麾即此可見矣
一明珠凡奉諭旨或稱其賢則向彼云由我力薦或稱其不善則
向彼云 上意不喜吾當從容挽救且任意增添以市恩立威因
而要結羣心挾取貨賄至於每日啟奏畢出中左門滿漢部院諸
臣及其腹心拱立以待皆密語移時 上意無不宣露部院衙門
稍有關繫之事必請命而行一明珠結連黨羽滿洲尚書則佛倫
葛思泰及其族姪侍郎傅臘塔席珠等漢人之總攬者則余國柱
東華錄 康熙四十一 六
結為死黨寄以腹心向時凡會議會推皆佛倫葛思泰等把持而
國柱更為之囊橐惟命是聽但知戴德私門一凡督撫藩臬缺出
余國柱等無不展轉販鬻必索及滿欲而後止是以督撫等官愈
事剝削小民重困今天下遭遇 聖主愛民如子而民間猶有未
給足者皆債官搜索以奉私門之所致也一康熙二十三年學道
報滿之後應升學道之人率往論價九卿選擇時公然承風任意
派缺缺皆豫定由是學道皆多端取賄士風文教因之大壞一靳
輔與明珠余國柱交相固結每年糜費河銀大半分肥所題用河
官多出指授是以極力庇護 皇上試察靳輔受任以來請過錢
糧幾何通盤一算則其弊可知矣當下河初議開時彼以為必委
任靳輔靳輔欣然欲行九卿亦無異辭及 皇上欲另委人則以
于成龍方沐 聖眷舉出必當 上旨而成龍官止臬司可以統

攝於是議題奏仍屬靳輔此時未有阻撓意也及靳輔張大其事與成龍議不合於是始一力阻撓皆由倚託大臣故敢如此 天鑒甚明當洞悉靳輔累累抗拒明詔非無恃而然也一科道官內升有出差者明珠余國柱率皆居功要素至於考選科道即與之訂約凡有本章必須先行請問由是言官多受其牽制一明珠自知罪戾見人輒用柔顏甘語百般款曲而陰行驚害意毒謀險最忌者言官恐發其奸狀當佛倫為總憲時見御史李時謙果奏稱旨御史吳震方頗有參劾即令借事排陷聞者駭然以上各款但約略參之明珠一人其智足以窺探 上旨其術足以彌縫罪惡又有余國柱奸謀附和負恩之罪書之罄竹難盡 皇上鼓舞臣僚實其實心報效臣受非常殊眷若捨豺狼而問狐狸即為孤負 聖恩臣罪滋大臣固知其黨羽實繁睚眦必報恃有 聖主當

東華錄

康熙四十一

七

陽何所畏忌伏祈 聖威立加嚴譴簡用賢能俾贊密勿天下人情莫不欣暢感戴 聖明無盡仰祈 皇上睿鑒施行至是 上諭大學士等曰國家建官分職經理庶政必須矢志精白大法小廉各守職業實心任事庶無負拔擢簡用之意朕親理萬幾歷有年所於爾部院大小官員行事無不深知為臣子者既僭爵受祿榮及父母庇其子孫家能自給便當自足無致隕越前已屢頒諭旨嚴行申誡又復諄諄面諭訓誨再三今在廷諸臣自大學士以下有職掌官員以上全不恪勤乃職惟知早出衙署偷安自便三五成羣互相交結同年門生相為援引傾陷商謀私事徇庇同黨圖取貨賂作弊營私種種情狀確知已久九卿詹事科道皆朕委任之員凡遇會議自當各出己見公同商酌及一二欲行倡率之人持議於前眾遂附和於後雷同草率一意詭隨又其甚者雖在

會議之班茫無知識隨眾畫題希圖完結廷議如此國勢何憑又有當集議時緘默自容及至債事巧於推卸朕深惡此等推諉苟容之輩亦屢加嚴飭至於用人關繫重大羣臣賢否難以周知故遇緊要員缺特令會同推舉原期為國得人實有裨益亦欲令被舉者做心易慮恐致溺職累及舉者因而勉自刻勵九卿諸臣宜體朕心從公選舉方為不負委任乃歷來所舉官員稱職者固有而貪黷匪類往往敗露此皆瞻徇情面植黨納賄所致凡茲情弊朕非不知前者班布爾善阿思哈等身為大臣所行悖亂致干憲典遂行正法至今猶耿耿於懷是以比來大小官員背公徇私交通貨賄朕雖洞見而不即指發冀其自知罪戾痛加省改庶可終始保全詎意積習深錮漫無悔悟如審擬蔡毓榮一案庇護挽救賄徇黨類百計營求因朕具悉其奸私謀未遂近差色楞額往密張

東華錄

康熙四十一

八

汗所參事情朕面諭色楞額張汗居官貪穢爾宜嚴行審出迨差回時詢問色楞額奏稱臣於此案盡心研鞫若有失實甘受誅戮及覽其奏案惟恐累及保舉張汗之人竟為庇護朕知內閣原擬票籤將保舉張汗官員並未議及業行折出又念張汗審結定罪之後自然發覺因仍用原籤票發又靳輔下河工程屯田之案朕早已察其情弊特遣佛倫等前往勘議今所議殊屬偏私且凡會議之時科爾坤佛倫等務執己見持論好勝苟非懷挾私情何以力排眾議朕亦曾面加誡諭未見畏悔如此情弊愈久愈深物議沸騰輿情憤激以致言官列款參奏本應發明其事以肅官方因不忍遽行加罪大臣且用兵之時有會效勞績者故免其發覺勒德洪明珠著革去大學士交與領侍衛內大臣酌用李之芳著休致回籍余國柱著革職科爾坤著以原品解任佛倫熊一瀟等著

解任於河工案內完結嗣後大小臣工各宜洗滌肺腸痛改陋習
潔己奉公勉盡職掌以副朕寬大矜全咸與維新之至意○諭宗
人府自古帝王展親睦族列爵錫封原欲選賢建能旌別淑慝俾
咸知勸勉慶流奕世此國家之常經獎勵之至意也朕篤念親親
恩禮罔替年至十五即行受封但誼屬本支必皆飭躬砥行端良
醇謹益自刻勵動不踰則始無忝於宗潢今親王以下奉恩將軍
以上年至十五不問賢否概予封爵以致視為故典罔知激勸嗣
後親王以下奉恩將軍以上子孫應俟其年至何歲作何辨其賢
否定其品級等第始應授封著議政王貝勒大臣及親王以下奉
恩將軍以上會同確議具奏○黃元驥以不職革任以衛既齊為
山東布政使由原任○以文達為理藩院右侍郎由副都統○癸丑
論大學士等朕躬不逮往時自 太皇太后聖體違和以來深覺
東華錄 康熙四十一 九
迷憤極切憂勞頃所言者旋即遺忘昨一二要事折票籤付與筆
帖式後竟遺忘反復思之不復記憶為何事展轉不甯至中夜忽
復憶得乃大驚惕謂已批發矣急呼筆帖式問之奏云已折票籤
尚未批發於是心始稍舒或念所及數欲降旨令召其人至而所
念及之事所思之言乃皆遺忘無如之何此所書敕諭乃朕所自
為而昨所更易者今日視之似有遺漏爰加增益更訂雖復更訂
仍覺未盡其意似有遺漏者以此之故因念凡諸奏事朕見所未
到者亦未可知凡部院事皆於國家關繫重要所奏聞之事大臣
庶官益當敬慎大學士學士亦宜詳加看閱爾等將此旨宣示九
卿此所書不必別騰有所更易即於此增入奏聞○戶部議覆四
川巡撫姚締虞奏蜀省每歲解京白蠟道路遼遠無腳價開銷之
項請嗣後停止解送令部臣就近採買又歷年抽稅生鐵積有一

萬一千六百斤有奇亦難於起運請變價充餉查鐵斤沈重解送
維艱准其變價至白蠟乃蜀產土物應令依例解送得旨白蠟仍
前解送恐致累民著一併免解○御史陸祖修奏河工屯田二事
奉有九卿會議之旨臣見總河靳輔身雖外任與九卿呼吸甚靈
會議之時吏部尚書科爾坤戶部尚書佛倫工部尚書傅拉塔左
都御史葛思泰等不顧公議左袒河臣竊思河屯利害惟直撫于
成龍首倡其說或暫停九卿之議俟于成龍等到京一一面奏明
確加之乾斷則國是定而邪謀破矣得旨河工屯田著暫停會議
俟董訥于成龍來京日將本內事情一併嚴察會議具奏○甲寅
以梁清標為保和殿大學士由兵部尚書伊桑阿為文華殿大學士由
書選○調廖旦為吏部尚書由刑部尚書以李天馥為工部尚書由吏部
書選○調丁思孔為河南巡撫由副都統○丙辰調鄂爾多為戶部尚書
東華錄 康熙四十一 十
阿蘭泰為兵部尚書由工部尚書○丁巳以麻爾圖為禮部尚書由戶部
書選○納納為刑部尚書由四川總督○轉張鵬為吏部左侍郎以翁叔
元為吏部右侍郎由內閣學士○己未刑部議覆翰林院奏參侍讀學
士德格勒私抹記注大干法紀侍講徐元夢與德格勒互相標榜
情罪可惡應將德格勒擬斬立決徐元夢擬絞監候得旨德格勒
著監候秋後處決徐元夢著免死枷號三月鞭一百入辛者庫○
庚申以蘇赫為工部尚書由倉場侍郎○停止九卿詹事科道會推各
省學道員缺○以鄭端為安徽布政使由湖廣按察使○辛酉宗人府
奏貝子星尼結交匪類行止乖張鎮國將軍白壽亦結交匪類有
玷宗室應革爵鎮國公吞珠為人庸懦應革公爵降鎮國將軍閒
散宗室勒爾錦係軍前獲罪監禁之人蒙恩寬釋理應謹慎守分
反結交匪類博戲鬪雞甚屬不合應交伊兄弟家中拘禁看守從

之○轉寶弼漢為戶部左侍郎以開音布為戶部右侍郎由左副都御史
 ○壬戌調張玉書為兵部尚書由刑部調○癸亥諭大學士等近見
 科道參奏甚多果有大貪大惡何不早為參奏有等人聲言糾參
 妄行嚇詐希圖利己以致各官不能自安此等嚇詐之人許即首
 告著吏部都察院通行曉諭○以洪尼喀為倉場侍郎由副都王
 封澤為內閣學士由少詹事遷○甲子宗人府議覆親王以下奉恩將
 軍以上子年十五概予封爵恐致視為故典罔知激勸嗣後應停
 止此例俟年至二十辨有文藝騎射之優者列名引見請旨授封
 惟親王以下奉恩將軍以上有薨逝者即准一子襲爵不俟歲滿
 得旨依議如人材超卓者不拘年歲特予封授○以葛思泰為四
 川陝西總督由左都御史遷興永朝為偏沅巡撫由四川按察使遷○乙丑以程
 憲為湖南按察使由廣東雷瓊道遷○丁卯命纂修 玉牒○宗人府議
 東華錄 康熙四十一 十一
 覆給事中高層雲奏參大學士王熙等以議持服事向康親王傑
 書跪語王等坐受俱屬不合請下部議 上曰朕召大臣議事如
 時久每賜墊坐語大臣與諸王會議即行跪語不合嗣後凡會議
 公事不必向諸王行跪傑書王熙等從寬免議○吏部奏通政使
 司右通政員缺請以太常寺少卿李紹聞擬補 上命問九卿又
 諭大學士等今用一人外人即曰某大臣薦舉故用之或有商議
 之事即聲言某大臣稱某官之優言某官之劣致躁進之徒營求
 奔競從此而起凡官之優劣若不問何由而知大臣雖有薦舉用
 舍旨出於朕閒用一二人亦朕所知而用者若但因大臣薦舉而
 用之朕所理者又何事耶雖有問九卿舉出之人亦得者半而不
 得者半皆倖遇耳原任尚書佛倫曾薦學士趙山原任大學士明
 珠曾薦學士齊穡及學士舜拜阿喇彌朕皆知而用之且屢次擢

用並非聽人之言朕曾以噶爾圖問詹事尹泰尹泰啟奏後即肆
 言於外伊曾將噶爾圖薦舉爾等豈不聞乎至侍讀學士德格勒
 曾向朕奏云有人問臣臣即云宮內門戶亦復不知後來即將某
 某優劣混行啟奏尹泰但粗識幾字凡事不堪任用誠微賤小人
 也又巡撫張汧亦係九卿薦舉之人今張汧所行貪穢發覺其保
 舉之人亦應議處原任侍郎塞楞額差審張汧徇私失實著將塞
 楞額看守議罪○以噶爾圖為左副都御史由通政使遷○戊辰原任
 大學士杜立德馮溥以赴謁 大行太皇太后梓宮畢辭歸原籍
 上念效力舊臣命禮部引見諭曰爾等俱暮年歸家宜加意調
 攝命賜茶各資帛五表裏○己巳以徐乾學為刑部尚書由左都御史遷
 ○庚午河道總督靳輔奏漕臣慕天顏等朋謀陷害阻撓河務
 上諭大學士等凡事俱有是非應據理直言今觀有言人之過者
 東華錄 康熙四十一 十二
 眾皆隨聲附和以為不善並不據理辨其是非近因靳輔被參議
 論其過者甚多靳輔為總河有年挑河築隄漕運並未遲誤謂之
 毫無效力亦屬不可但其屯田下河之事雖百喙亦難逃罪即欲
 將靳輔置之重典亦須留七八年俟繼用之人河工告成之日始
 可議罪靳輔將何往耶凡事有不可令其奏辨者亦有宜令其奏
 辨者語云人窮則呼天今若不令靳輔奏辨則定案矣靳輔不將
 情由陳辨朕前復何所控告耶且朕曾閱河防一覽於治河之事
 洞悉凡事皆慮永久不計目前此事著九卿一併察議以聞○以
 李之粹為浙江布政使由貴州按察使遷董安國為四川按察使由山東
 遷○子故欽天監治理麻法加工部右侍郎南懷仁祭葬諡勤敏
 ○辛未刑部侍郎薛柱斗以衰庸革職○壬申調傅拉塔為刑部
 右侍郎由工部調○癸酉轉伊爾格圖為工部左侍郎以齊穡為工部

右侍郎由內閣學士遷

三月甲戌朔工部左侍郎監修下河孫在豐奏前臣與佛倫等會勘河工時原議海口應行挑濬擬有奏稿後竟不以上聞雖係佛

倫主稿實靳輔陰謀也其幕賓陳瑣贖貨無藉法所不宥得旨九卿詹事科道一併察議具奏○河道總督靳輔奏中河工竣運道

新通請加高築遙隄以圖永保從之○乙亥以馬齊為左都御史由山西巡撫遷○以鄭重為刑部右侍郎由左副都御史遷○以兵部左侍郎丹

岱為杭州副都統○丙子以曹熙衡為貴州按察使由四川建昌道遷○戊寅以朱都納為內閣學士由內閣侍讀學士遷王承祖為左副都御史由太

常寺遷○庚辰轉禪布為兵部左侍郎以舜拜為兵部右侍郎由內閣學士遷○調葉穆濟為山西巡撫由甘肅調○辛巳上御乾清門召大學士學士九卿詹事科道及總督董訥總河靳輔巡撫于成龍原任

東華錄 康熙四十一 三 尚書佛倫熊一瀟原任給事中達奇納趙吉士等入奏河工事宜靳輔奏曰臣專管上河再四籌度惟有高家堰外再築重隄水不

歸下河庶有裨於淮揚七州縣至開濬下河臣恐有海水倒注之患上曰朕不忍淮揚百姓遭罹水患故令爾等公同詳議海水

倒注無有是理郭琇奏曰靳輔於上河派民之事甚多即如派車派驢在在騷動況屯田之事明係奪民產業江南田畝原有二畝

算一畝者因地勢窪下埤長不常若計畝重課實為累民上曰屯田害民靳輔縱百口亦不能辯開海口乃必然應行之事爾等

但論下河之當挑與否及重隄之築與不築耳靳輔奏曰高家堰修築重隄將水截住盡出清口不令水歸下河則七州縣被水之

田可出故特題請即今猶以修築重隄為是于成龍奏曰修下河開海口之事奉特旨而行今高家堰修築重隄停開海口縱上流

之水不來而秋霖暴漲天長六合等處奔赴之水洩歸何處臣愚以為海口仍應開濬上諭九卿曰此事爾等將孰是孰非及河

務作何區畫之處會同詳加議奏九卿出上顧大學士等曰河道實屬難知朕畱心已久深悉情形九卿各懷私意畏懼靳輔不

肯定議朕意且勿發若明示以朕意九卿等必將承望風旨而言矣此等大事須至公持議方有當於理耳○壬午上御乾清門

召大學士九卿等入奏河工事宜工部尚書李天馥奏曰臣等遵旨問靳輔于成龍皆堅執前說與昨日所奏無異臣等公同酌議

下河當開重隄宜停止修築上諭九卿曰靳輔舉行屯田之事因取民餘田小民實皆嗟怨此在靳輔當亦無可置辨靳輔奏曰

向者河道大壞處處衝決民田盡被水淹臣任總河將決口堵閉兩旁築隄仰賴皇上如天之福比年以來河流故道無有衝決

東華錄 康熙四十一 四 之患是以數年水淹之田盡皆涸出臣意將民間原納租稅之額田給與本主而以餘出之田作為屯田抵補河工所用錢糧因屬

吏奉行不善民怨是實此處臣無可辯惟候處分上問靳輔曰海口淤塞起於何年靳輔奏曰據土人云從明代隆慶年淤塞至

今每海潮來一次即增一葉厚之沙故漸至壅塞上曰爾云海潮每至即增一葉厚之沙此言甚屬虛妄凡內河遇海潮來時水

壅逆流及潮退則壅積之水其流甚疾即微有停蓄之物亦順流刷去倘何有沙之存積耶大抵所開河道久歷年所兩岸隄工為

雨水傾塌則河底漸淤勢所必至即如近水地畝或以傾塌成河河內或沙灘成地豈因海潮灌注而然據爾言開濬海口海水必

將倒入將來海口一開便有明驗朕記爾今日之言畱為後日之據又問于成龍曰減水壩可塞乎塞減水壩以開海口河隄可不

衝決乎于成龍奏曰不能保其不決臣於上河實未明曉焉敢妄對 上又問于成龍曰爾曾言崔維雅治河之論可行果可行乎于成龍奏曰崔維雅之論可行但聞人言如此臣實未甚明曉上諭九卿曰朕於河務留心甚久崔維雅治河書亦會細閱其勢必不能行即彼所云自蕭家渡直開至清口日用夫七萬期於五旬告成朕思夫役安得如許之多即夫役可得而飲食柴薪之類從何運濟凡立說實乎持平要在當理于成龍謂崔維雅治河之說可行則於理難通朕未之信也又諭九卿曰屯田害民朕已洞悉各省民田未有不溢於納糧之額數若以餘田作屯按畝定額豈不大擾民乎屯田不行無可復議至下河作何開濬重隄應否停築爾等公同詳酌確議具奏 上顧大學士伊桑阿等曰于成龍亦未洞悉河務朕以伊為直隸巡撫頗優故未深難耳總之有

東華錄

康熙四十一

五

治人無治法止在實心任事若徒以口舌爭亦何濟乎○甲申以伊圖為甘肅巡撫由光祿寺卿遷○乙酉九卿等遵旨會議下河海口宜開高家堰重隄宜停築各減水壩俟海口開通之後酌議緊要者留之不緊要者塞之至靳輔等應行議處之事俟孫在豐募天顏到京時問明再議 上曰不必等候董訥募天顏孫在豐等身為大臣凡有所見即當奏明乃事前並未題參於他人參奏之後始行具陳且今日之言如此明日又復如彼全無定見可謂大臣乎今下河海口應行挑濬其各開壩俟海口挑成或留或塞再行定奪○刑部等衙門議覆直隸巡撫于成龍原任山西巡撫馬齊原任左副都御史開音布奉差湖廣審湖北巡撫張汧借稱前任閩省藩庫虧空帑銀勒索屬員胡戴仁等出銀抵補又派收鹽商之銀共九萬餘兩入己上荆南道祖澤深勒索民人李二楊等銀共

八萬餘兩入己總督徐國相與張汧同城失察差往湖廣侍郎塞楞額審事不實請一併交部議處查侍郎塞楞額差審巡撫張汧徇情失實又回奏欺罔應論斬監候張汧祖澤深藐法受賄應論絞監候湖廣總督徐國相與張汧同城不行參奏明係徇庇應革職布政使胡戴仁按察使丁焯應降二級調用又查從前保舉張汧之人有大學士梁清標尚書熊一瀾保舉張汧為布政使戶部侍郎王遵訓內閣學士盧琦大理寺丞任辰旦保舉張汧為巡撫俱應革職 上曰塞楞額回奏時原有審事不實甘受誅戮之言張汧祖澤深皆係貪官著依議完結至保舉張汧之官俱議革職似無分別張汧事犯於巡撫任內其保舉為巡撫者俱著革職其保舉為布政使者著從寬免革職降三級留任徐國相著革職胡戴仁等著降二級調用○諭吏部總河靳輔總漕慕天顏侍郎

東華錄

康熙四十一

六

孫在豐互相訐參靳輔慕天顏不便留任孫在豐亦不便修河伊等員缺應速行更換差遣○丙戌以薩穆哈為內閣學士由郎中遷○己丑封貝勒昌阿岱孫星海為鎮國公○調王新命為河道總督由福建浙○命戶部左侍郎開音布督理下河○庚寅免康熙十七年以前江南江西漕糧○以馬世濟為漕運總督由貴州○戶部議准原任戶部尚書佛倫奏河工屯田累民業蒙 皇上洞悉承行停止請飭該督撫逐一清查有丈出民間之田悉令給還原主其暫設屯田同知縣丞等官應行裁汰赴部候補從之○辛卯裁湖廣總督○癸巳裁直隸真定總兵官○甲午議政王大臣等議准左都御史馬齊奏差往鄂羅斯大臣請不分滿漢一體差遣上曰此所議甚是著九卿選舉應遣者奏聞○以彭孫適為內閣學士由翰林院侍講學士遷○乙未以徐詒武為戶部右侍郎由左副都御史遷

○丙申諭內閣今時略旱而欽天監奏四月朔日食凡應行應革之事其令九卿詹事掌印不掌印科道官集議以聞○以王鵬爲福建浙江總督由江西巡撫遷○丁酉九卿等議覆河工一案將總河靳輔擬革職其奉差閱河之尙書佛倫熊一瀟給事中達奇納趙吉士督理下河之侍郎孫在豐會勘河工之總督董訥總漕慕天顏俱擬革職募寶陳璜革去職銜擬杖流 上諭大學士等凡爲臣者懷挾私意互相陷害自古有之不但漢官蹈此習俗雖滿洲亦然爾等宜竭誠秉公變此習俗以盡臣職此案著將靳輔革職佛倫任工部時極其勤勞凡奉差遣亦能勝任但議此事外錯殊甚著畱其佐領以原品隨旗行走董訥孫在豐在翰林時頗優從寬免革職降五級仍以翰林官用熊一瀟極其庸劣慕天顏居官不善俱著革職趙吉士行止不端亦著革職達奇納著降五級隨旗行走陳璜革去職銜解京監候○以線一信爲湖北按察使由江西巡撫遷○己亥增差督捕理事官張鵬副兵科給事中陳世安赴鄂羅斯定邊界○庚子諭從前詣 兩宮請安皆於起居注記檔今詣 甯壽宮請安朕因不忍過 慈甯宮故從啟祥門行走但此係宮禁之地外官無由得知此後每次請安著令太監傳諭敦住仍令起居注官記載其不忍由隆宗門行走之故亦令諭侍郎庫勒納知之○王寅賜沈廷文等一百四十六人進士及第出身有差○以李廷松爲左副都御史由宗人府丞遷○調田雯爲貴州巡撫由江蘇巡撫遷○以胡獻徵爲湖北布政使由直隸巡撫遷○停止河道總督坐名題補河員○諭兵部尙書張玉書刑部尙書圖納左都御史馬齊曰前李光地會奏德格勒徐元夢所學甚博作文甚優漢官亦不能及德格勒奏李光地用爲總督提督令同伊母赴任始肯就職

若用於別任必不來也朕因其互相陳奏欲辨虛實從前將德格勒親加考試其文見存今李光地已來京爾等可將德格勒試卷宣示九卿並以問李光地於是張玉書等傳集九卿公閱德格勒試卷奏稱德格勒之文詞語粗鄙毫無文氣詰問李光地亦自甘妄奏之罪請將李光地下部議處 上曰李光地本應治罪念其任學士時凡議事不委順從人臺灣之役人皆謂不可取李光地獨言可取此其所長除此事外別無妄奏之處姑從寬免令仍爲學士○兵部奏湖廣總督業經裁缺所有督標官弁兵丁俱應裁去其見任副將遊擊守備等員應赴部另補其裁兵內有仍願爲兵者准於通省各營中查明革退老弱逃亡等項兵缺速行頂補有願爲民者交地方官安插從之

夏四月癸卯朔日有食之○甲辰九卿等覆奏總河靳輔開濬中河果否可永通漕運應交新任總河再行查明詳議具奏 上曰中河糧船今年可行則每年亦可行此自然之理也但靳輔已經革職新河臣尙未到任見在河員或視河工與己無涉不盡心力以致運艘阻滯亦未可定其令學士凱音布侍衛馬武等前往看閱○轉徐廷璽爲工部左侍郎以王承祖爲工部右侍郎由左副都御史遷○丁未以宋犖爲江西巡撫由江蘇布政使遷○戊申以傅拉塔爲江南江西總督由刑部右侍郎遷○調胡獻徵爲江蘇布政使由湖北巡撫遷○己酉上啟鑿奉 大行太皇太后梓宮詣 山陵 上不勝哀慟親隨扶送步行三里餘方乘騎每昇校更換時必下馬旁跪哭不停聲遙見 享殿卽下馬步隨哭至 享殿奉安後仍哀慟不止○癸丑以傅感丁爲左副都御史由通政使遷○以洪之傑爲江蘇巡撫由左僉都御史遷○以佟國佐爲湖北布政使由浙江按察使遷○甲寅理藩院

奏據達賴喇嘛奏稱 皇上撫視人民中外一體聞厄魯特喀爾喀兩國相殘即遣人齋敕諭和今遵 聖諭遣卜克岡喇嘛去矣仍祈 皇上睿鑒或再頒敕諭另遣人前往令其無致相殘 上乃遣內閣學士拜禮喇嘛阿齊圖綽爾濟往諭噶爾丹○以阿喇彌為刑部右侍郎由內閣學士遷○丙辰以楊鳳起為河南按察使由福建道○丁巳 上謁 孝陵○戊午吏部尚書廖旦以老乞休允之○己未以胡什巴為內閣學士由內閣侍讀學士遷○庚申內閣學士凱音布侍衛馬武等奉差看閱中河回京繪圖進呈召大學士學士九卿詹事科道等入行宮諭曰前于成龍奏云靳輔開中河無所裨益甚為累民河道已為靳輔大壞矣今凱音布等往勘中河奏云中河內商賈船行不絕若塞支河之口則駱馬湖之水匯流中河水勢既大漕艘可通今數年以來河道未嘗衝決漕艘亦未至有

東華錄

康熙四十一

九

誤若謂靳輔治河全無裨益微獨靳輔不服朕亦不愜於心矣于成龍在直隸愛民緝盜居官頗優但懷挾私讐阻撓河務殊為不合朕非欲起用靳輔止以河務所關甚大耳今九卿已將靳輔議罪皆言其治河無益若王新命聞之亦順從于成龍之說以靳輔所治不善大壞河道將原修之處盡行更改是伊等各懷私忿遂致貽誤河工可乎且黃河自宿遷以下衝決猶可修治若宿遷而上或致泛濫則為害甚大前旨令馬齊往鄂羅斯今河工緊要停其前往著即同張玉書圖納往閱河工務將毛城鋪高家堰等地方徧閱就靳輔所修之處其甚善而斷不可改者有幾不善而應更改者有幾詳悉酌其漢軍漢人官員尚應添遣著開列具奏又凱音布等奏稱中河所行漕艘慕天顏勒令退回支河之口不許閉塞慕天顏如此阻撓深屬可惡爾等速回京將慕天顏提拏

夾訊問誰為唆使則情實畢露此等之人不重加懲治不可也朕素不食言亦不為異日無驗之語向者岳州洞庭進剿兵船眾議謂宜撤回朕獨以為為不可卒致成功靳輔以丈出民間餘地作為屯田及阻抑開濬下河其罪誠不可追至有言黃河沙底漸高此斷不可信譬之盆內貯水遇風尚且溢出使黃河沙底果高一有風濤其有不漫溢橫流決隄潰岸者乎○辛酉奉安 大行太皇太后梓宮於享殿○壬戌以下永譽為浙江按察使原任江蘇按察使○甲子 上詣 暫安奉殿內恭視 大行太皇太后梓宮封掩畢奠酒慟哭良久始出是日駐蹕薊州孫家莊西扈從王大臣等奏曰 太皇太后梓宮今已奉安喪禮告成自古人君居喪止二十七日 皇上極其純孝已閱四月矣請即日遵例除髮得旨俟明日至薊州除髮○戊辰 上還京師○庚午增差兵部侍郎成其

東華錄

康熙四十一

十

範工部侍郎徐廷璽閱河五月壬申朔 上幸瀛臺○尙書張玉書圖納左都御史馬齊侍郎成其範徐廷璽以奉差看河請訓 上曰爾等至彼處從公詳看是日是非日非據實具奏願張玉書曰凡是非可否爾當秉公陳奏不可如熊一滿託疾推諉又諭圖納等曰朕聽政二十餘年閱歷世務已多甚慄慄危懼前者凡事視以為易自逆賊變亂之後覺事多難處每遇事必慎密圖維詳細商榷而後定凡所行事起居注官無不記注歷年所奏河道變遷圖形朕俱畱內時時看閱朕素知河道最難料理從古治河之法朕自十四歲即反復詳考人皆云河道壞於靳輔放水淹沒民田朕意不然靳輔果能收放水則其人亦非平常必能成功何云河道自彼而壞即宿遷高家堰等處運河朕所深知他處未經親到未能明晰書云無稽

之言勿聽弗詢之謀勿庸爾等皆國家大臣此係國家公務爾等宜殫心盡力若果有異常大水隄岸衝決亦非爾等所能保爾等但據見在從公詳閱可耳前佛倫往勘回奏殊多錯誤今已處分爾等前往會同總河王新命將毛城鋪高家堰諸處從公詳看三分之中得其一二便可遣人將情形大略先行陳奏至公同看畢之後再行具奏其毛城鋪減水壩無益爾等將海口亦行看閱下河自有專遣之人爾等但觀其大略不必緝入奏內○九卿等覆奏臣等遵旨勘問慕天顏阻撓河工之處據慕天顏供稱于成龍曾寄伊書言河工之事不應順斬輔而言故將斬輔另行參奏以此問于成龍亦云寄書是實至挑濬中河無益得之傳聞並無指實自甘妄奏之罪 上曰于成龍巡撫直隸居官甚優仍著赴任慕天顏居官不善素行乖戾仍著羈禁俟看河大臣回時定奪凡

東華錄

康熙四十一

三

會議政事必詳察合理不可怠忽輕易朕每遇事之大者即與內閣大臣商酌而後定凡投大僚無不如此至吏部升補官員俱有一定之例或有不肖之徒賄求不已此皆習俗不良今當痛改前轍秉公而行朕聽政年久於人之善惡事之是非無有不知其事屬微眇每多寬恕若果詳究過愆當無人可免罪者且朕所理之事悉載記注日後必有可徵驗者當三逆變亂之時亦有徬徨畏懼者惟朕堅意主持大小事宜必詳審處斷始得平定今爾諸臣凡事應各抒己見一意秉公不可碌碌徇人且徇人何益孰優孰劣朕豈有不知者乎○癸酉諭領侍衛內大臣索額圖等羅剎侵我邊境交戰於黑龍松花呼馬爾諸江據我屬所居尼布潮雅克薩地方收納我逃人根特木爾等及我兵築城黑龍江兩次進剿雅克薩攻圍其城此從事羅剎之原委也其黑龍江之地最爲扼

要由黑龍江而下可至松花江由松花江而下可至嫩江南行可通庫爾瀚江及烏喇爾古塔席北科爾沁索倫打虎兒諸處若向黑龍江口可達於海又恆滾牛滿等江及淨溪里江口俱合流於黑龍江環江左右均係我屬鄂羅春奇勒爾畢喇爾等人民及赫哲飛牙喀所居之地若不盡取之邊民終不獲安朕以爲尼布潮雅克薩黑龍江上下及通此江之一河一溪皆我所屬之地不可少棄之於鄂羅斯我之逃人根特木爾等三佐領及續逃一二人悉應向彼索還如鄂羅斯遵諭而行即歸彼逃人及我大兵所俘獲招撫者與之畫定疆界准其通使貿易否則爾等即還不便更與彼議和矣是日索額圖等啟行尋以喀爾喀厄魯特交相爭戰報至 上遣侍衛夸塞關保往追索額圖等令其退駐汛界地方將遲滯緣由遣人曉諭鄂羅斯使臣於是索額圖等以前情作書

東華錄

康熙四十一

三

令前鋒參領索羅希等持送彼處鄂羅斯使臣答書稱已遣人由尼布潮赴京索羅希等以書奏覽 上乃召索額圖等還○乙亥大學士等以禮部具題山西省烈婦荆氏等照例旌表一疏請旨 上曰夫死而殉日者數禁之矣今見京師及諸省殉死者尙衆人命至重大而死者惻然之事也夫修短壽夭當聽其自然何爲自殞其身耶不甯惟是輕生從死反常之事也若更從而旌異之則死亡者益衆矣其何益焉此後夫死而殉者當已其旌表王以下至於細民婦人從死之事當永嚴禁之若有必欲從死者告於部及該管官具以聞以俟裁定議政王貝勒大臣九卿詹事科道官會同確議奏焉○己卯吏部尚書陳廷敬刑部尚書徐乾學各以疾乞休命原官解任○壬午調阿蘭泰爲吏部尚書由兵部調張士甄爲吏部尚書由禮部調李天馥爲刑部尚書由工部調

爾他布為兵部尙書由都統遷○甲午 上謁 陵啟鑾○丙申 上

謁 暫安奉殿 孝陵至 仁孝皇后 孝昭皇后陵奠酒○丁

酉 上復謁 暫安奉殿回鑾○庚子 上還京師

六月壬寅朔以噶爾圖為四川巡撫由左副都御史遷○甲辰荆州將軍

噶爾漢安徽巡撫楊素蘊等各奏報楚省裁兵夏包子等鼓譟搶

劫聚眾作亂巡撫柯永昇投井身故賊黨竊據武昌城 上命都

統瓦岱為鎮武將軍率兵往討之○丁未以噶世圖為左副都御

史由通政使遷○調丁思孔為湖廣巡撫以閩興邦為河南巡撫由順天府

遷尹○辛亥頒敕諭於都統瓦岱○諭吏部刑部所奏之事皆關

繫人命甚為緊要嗣後刑部滿員外缺出爾部除擬正陪引見外

將伊木旗見任員外盡令引見朕自行選用○諭大學士等近來

科道官無條奏者建言乃科道專職止在不存私心耳可傳諭科

道官有條陳事赴暢春園面奏○庚申尙書阿喇尼奏噶爾丹率

兵掠厄爾德尼招居民直抵喀喇卓爾渾之地距澤卜尊丹巴所

居僅一日程澤卜尊丹巴攜土謝圖汗妻與子媳及喇嘛班第等

夜遁喀爾喀通國各棄其廬帳器物馬駝牛羊紛紛南竄晝夜不

絕土謝圖汗不知存亡諭喀爾喀與厄魯特互相攻戰我邊塞地

方宜加防守翁牛特巴林克西克騰四子部落等旗共派兵二千

五百名暫駐蘇尼特一帶汛地防守○丁卯轉翁叔元為吏部左

侍郎調張集為戶部右侍郎由倉場調○戊辰以熊賜履為禮部尙書

原任大翁叔元為工部尙書由吏部左徐元文為左都史原○

庚午吏部奏本月二十四日臣等遵奉諭旨湖廣藩臬 官關繫

緊要其布政使缺令御史于養志補授按察使缺令御史李鈞補

授並令馳驛速往查見任湖廣布政使佟國佐按察使練一信應

請撤回赴部另補從之○是月免江西宜春等三縣去年旱災賦

東華錄 康熙四十四

東華錄

康熙四十二

王先謙敬編

周瀚蕃恭校

秋七月壬申澤卜尊丹巴胡土克圖遣使告急奏曰去年噶爾丹率兵三萬餘分道而來誘我扎薩克圖汗等叛去我土謝圖汗領兵追而執之以歸後噶爾丹之弟多爾濟扎卜等領兵來掠右翼班第戴青台吉卜圖克森巴爾丹等人畜而去土謝圖汗追殺多爾濟扎卜收回人口噶爾丹又領兵三路而來土謝圖汗及西海羅卜臧滾布領兵前至噶爾丹所駐之地遇達賴喇嘛使者所遣人宣示 皇上諭和之旨遂退駐楚克獨斯諾爾地方今噶爾丹自杭愛山後掠取左右翼台吉等至忒木爾地方土謝圖汗之子噶爾旦台吉與戰大敗僅以身免又聞丹津温卜等率兵來取厄

東華錄

康熙四十二

爾德尼招之地其地距我地僅二日程仰祈速賜救援又理藩院奏設站侍郎文達報稱喀爾喀人眾屯聚於蘇尼特汛界之地內有台吉數人率其屬裔來投守邊將弁禁之彼言我地被兵不得已始進邊汛 皇上聞之亦必憐憫逐之不去澤卜尊丹巴亦率眾來至近邊駐紮距設站之地僅半日程 上諭領侍衛內大臣舅舅修國維等見今窘迫來奔之喀爾喀等應否令其出我邊汛或將彼汛哨稍展就伊等所居之地另為設哨防守此事關繫重大其令議政王大臣詳議尋議喀爾喀人等窘迫來奔不便即令出邊若久留之又恐收地殘毀姑俟一月以內探得實音將來奔之喀爾喀作何措置再行確議從之○湖廣提督徐治都奏六月十四日官兵於應城縣地方遇夏包子賊眾二千餘人我師奮力攻擊陣斬偽副將二守備三把總一殺獲甚眾隨駐師應城縣內

東華錄 康熙四十二

嗣於十八日等日賊首夏包子率賊兵萬餘圍攻應城我師內外夾擊大敗之賊奔德安請救調南陽總兵出師安陸以資防守得旨嘉獎下部議敘○癸酉以石文桂為倉場侍郎由內閣學士遷○甲戌侍讀海三代往澤卜尊丹巴處途遇厄魯特因攜噶爾丹奏疏歸疏曰澤卜尊丹巴土謝圖汗違達賴喇嘛之教不尊禮西勒圖告之以禮法歸好為是而彼反以為非竟興兵而來我於此仗達賴喇嘛之靈來毀其居彼兩人者不為眾所許殆無所往即往亦不納也噶爾丹又屬海三代轉奏澤卜尊丹巴來投 天朝或拒而不納或擒以付之奏入 上命議政王大臣等集議尋議我 皇上俯視天下萬國為一體其職貢之國凡有困迫來投者無不受而養之澤卜尊丹巴以敗奔入我汛界豈有擒而畀之之理此等情節應撰敕遣使往諭 上遣一等侍衛阿南達喇嘛商南多爾

東華錄

康熙四十二

濟戶部郎中西拉工部員外郎穆朱瑚齋敕往諭敕曰朕統御萬內胞與為懷願率土共享太平無戰爭離散之苦彼此協和各得其所前聞爾厄魯特與喀爾喀交惡與兵朕思爾等向皆和好恐致滅亡以達賴喇嘛愛育眾生令同遣使諭和達賴喇嘛欣然遣齊緝克他賴堪布朕亦遣阿齊圖綽爾濟學士拜里前往諭和又前此遣爾貢使陶賴哈什哈等齋敕馳驛前去未知到否亦曾以此敕諭喀爾喀土謝圖汗矣今海三代歸奏始知汝至喀爾喀之地海三代非朕所遣乃奉差於鄂羅斯議好定界尙書阿喇尼所遣其言不甚明悉且與爾未經面見爾厄魯特喀爾喀俱遵行達賴喇嘛道法達賴喇嘛向來利濟眾生欲使同歸和睦不至敗亡是以皆遣人往諭道路遙遠汝等交惡之故所聞未明茲特遣使齋敕詰問情由其仍遵朕旨與達賴喇嘛之教議和或別有行止

一一一

亦明悉具本交此使來奏○轉張集為吏部左侍郎以王封滌為吏部右侍郎由內閣學士遷○禮部議覆御史梅錫奏 大行太皇太后違豫以來 皇上步禱 郊壇親調藥餌身不解帶目不交睫者歷數十日於居喪時則館粥不入席地露寢屏去服御者又數十日迨 梓宮啟行 皇上徒步悲號朝夕 行殿哭奠如初種種孝思臣愚不能述其萬一竊念會典一書乃聖子神孫所法守四海臣民所仰遵聞會典見在纂輯請敕編纂之臣取史官記注與諸臣章奏詳慎登載以光至治應如所請詳查起居日記及王大臣等本章凡關繫 皇上孝思懿行應載會典者編入會典應載政治典訓者編入典訓至恭上 大行太皇太后尊諡及升祔太廟 奉先殿典禮亦應一併載入則大禮始終俱備昭垂萬世無窮矣得旨依議○丙子裁真定鎮標遊擊一守備二把總一兵

東華錄

康熙四十二

三

九百十二名暫行分撥各營遇老弱逃亡事故停其頂補○丁丑巴林王納木達克台吉吉阿拉卜坦等奏喀爾喀兵敗於厄魯特土謝圖汗澤卜尊丹巴遁走其屬下台吉等入內奔竄來投者甚多 上命領侍衛內大臣津進郎中帕海侍讀學士馬拉速赴烏朱穆秦巴林科爾沁各駐汛界之地偵探情形又命侍衛關保傳諭侍郎文達令其往會阿霸哈納班第戴青車陵戴青公同派發兩戴青之兵於澤卜尊丹巴所居之地設哨防護其諭噶爾丹勅及海三代攜來噶爾丹奏疏俱令與澤卜尊丹巴視之巴林王所奏令與我邊汛駐紮大臣等視之○戊寅禮部奏四川巡撫姚締虞病故照例應給半葬致祭得旨姚締虞居官素優著給全葬○己卯以江有良董訥俱為內閣學士江有良由內閣侍讀學士董訥由翰林院侍讀學士遷○壬午兵部議覆侍郎多奇傳拉塔奏臣等奉差審雲南提督萬

正色虛冒兵餉貪賄賂是實應按律論死總兵官王珍誣擊皮破玉等以良為盜例應發邊衛充軍因熱審減等革職杖徒准收贖應如所奏得旨萬正色前陷賊時抗志不屈行間血戰勞績甚多從寬免死著革去提督留伊所得拜他喇布勒哈番王珍著革職○福建提督靖海侯施琅陛見 上諭曰爾前為內大臣十有三年當時因爾閩人尚有輕爾者惟朕深知爾待爾甚厚其後三逆反叛虐我赤子旋經次第平定惟有海寇游魂潛踞臺灣尚為閩害欲除此寇非爾不可爰斷自朕衷特加擢用爾果能竭力盡心不負任使舉六十年難靖之寇殄滅無餘誠爾之功也邇來或有言爾恃功驕傲者朕亦頗聞之今爾來京又有言當留爾勿遣者朕思寇亂之際尚用爾勿疑況天下已平反疑爾勿遣耶今命爾復任自此宜益加敬慎以保功名從來功高者往往不克保全始

東華錄

康熙四十二

四

終皆由未能敬慎之故爾其勉之更須和輯兵民使地方安靜以副朕愛兵恤民並保全功臣至意施琅奏曰臣年力已衰封疆重大恐精神不堪 上曰為將尚智不尚力朕用爾以智耳豈在手足之力乎○丙戌 上巡幸塞外啟鑾○添設看守 孝陵千總二把總四兵四百名○復設陝省黃龍山捕盜同如○壬辰 上駐蹕喀爾必哈哈達是峯舊名納哈里狀如浮圖高百餘丈 上率文武諸臣以次仰射 上連發數矢皆過峯頂侍衛桑革納拉善二人射至其巔餘不能至 上更其名為喀爾必哈哈達○癸巳南陽總兵官史孔華奏七月初十日臣率師自雲夢進討夏逆賊據漢陽府城我師破門直入賊遁走武昌十八日恢復漢陽得旨嘉獎下部議敘○湖廣提督徐治都奏七月十五日逆賊夏包子親率賊眾駕舟至鯉魚潭近岸駐紮臣隨遣參將鄭興等奮力

勦殺槍礮並發賊船盡遭焚毀餘賊來犯大營者官兵擊走之陣
斬及溺水死者四千餘人生擒偽總兵一偽副將參將都司千總
把總二十餘僞兵三百餘人夏逆僅以身免得旨嘉獎下部議敘
又奏七月十八日武昌城內偽總兵胡耀乾及偽文武官弁獻城
投降齋獻偽軍師妖僧太原首級大元帥偽印一顆總督巡撫參
將關防三顆稱夏逆後帶餘賊數百逃回武昌在城偽官弁等閉
門不納夏賊復逃其妻子家口已收繫城內臣於十九日入武昌
安撫軍民二十二日振武將軍瓦岱移文內稱我師至武昌縣賊
聞風遁追勦至黃州偽總兵趙得等於二十日獻城投降黃岡縣
生員宜畏生等擒獻夏逆磔斬軍前得旨嘉獎下部議敘

八月辛丑朔盛京戶部侍郎莽色以老乞休允之○癸卯 上駐

蹕巴顏溝行圍○丙午以趙山為盛京戶部侍郎由內閣學士遷○丁未

東華錄 康熙四十二 五

湖廣糧儲道葉映樞奏言康熙二十七年五月初九日臣署理
湖北布政使忽於二十二日督標裁兵夏包子倡亂閉城造反劫
奪撫臣敕印分兵圍臣衙署百計脅從臣幼讀詩書粗知節義雖
白刃當前豈肯喪恥苟生臣此時微服匿影或可倖免以圖後效
伏念臣守土之官也城存與存城亡與亡義所當然臣於二十六
日朝服向闕九叩謝恩畢隨升衙門公座罵賊自刎勉盡一死以
報國恩 上覽畢集諸王大臣等諭曰凡地方官城存與存城亡
與亡者乃人臣之分近者武昌兵亂葉映樞守義不屈罵賊自刎
朕閱其遺奏五內傷悼王大臣等其共聽之因令展讀奏疏聞者
莫不感泣隨諭吏禮二部曰葉映樞值裁兵鼓譟抗志不屈捐生
殉難忠節可嘉今覽遺奏情詞慘烈朕心深為惻然不忍披閱應
從優賜卹以表忠貞○己酉以吳廷貴為江西按察使由樞道遷○癸

丑賑高齊忒部眾○以多宏安為江西布政使由安徽按察使遷○乙卯

以邁塗為內閣學士由光祿寺卿遷○兵部尚書張玉書等奏臣等勘閱

黃河水勢兩岸出水頗高河身漸次刷深數年來雖遇大水未經
出岸河身淤墊之說甚屬虛妄其海口兩岸二三里黃水汎溜入
海並無阻滯至黃河南岸減水各閘壩見在雖不過水但從前俱
酌量形勢建立以防異漲俱無庸更易北岸朱家堂等減水壩前
河臣靳輔因修中河有拆毀者亦有閉塞者應無庸議其王家營
西減水壩向未過水且在仲家閘下流相應仍留朱家堂等壩既
經閉塞應將北岸之大谷山減水閘壩並領口閘照舊仍留其減
水閘壩之引河既無常流之水必致淤塞除已經挑成引河者不
議外應將未挑引河者停止挑濬至白洋河之便民閘地勢視歸
仁隄較高八九尺見在之水俱可由歸仁隄五堡減水壩宣洩則

東華錄 康熙四十二 六

便民閘引河亦應停止挑濬其高堰等處有減水壩六座內因五
家墩高良澗等壩所減之水太甚今移設於茆家園等高阜之處
則流入高郵寶應等湖之水較前差少應將所移之壩仍留清口
流入運河之水一由太平閘一由七里閘兩道分行水勢平緩甚
便漕輓又使運口去黃稍遠亦無倒灌之虞此修建之處甚善無
庸更改至洪澤湖所洩之水由高郵寶應等處所有減水閘壩照
舊仍留其微山湖荆山口入裏運河之水由貓兒窩馬莊集萬家
莊等三座減水壩宣洩入駱馬湖仍應存留至於中河寬八九丈
至三十餘丈不等深五六尺至一丈四五尺不等若使中河安流
以濟舟楫免黃河一百八十里之險事屬甚便但中河逼近黃河
不便挑寬而裏運河及駱馬湖之水俱入此河河窄難以容納勘
閱蕭家渡楊家莊新莊口三處有黃河衝決入海舊河形應交與

河臣量建減水壩三座水小之時勿致漫流水大之時即行減洩其河形稍有淺窄之處亦另行酌量挑濬至駱馬湖進黃河之口應照靳輔原議建減壩二座今年水勢甚大俟水落時令河臣驗明建造支河口亦應照靳輔原議閉塞於鄰近處建板閘一座令隨時啟閉仲家閘出黃河之口太直如遇黃水泛漲必致倒灌應稍向東南斜挑於口西下埽以避黃流庶免黃河倒灌至中河既經挑濬其宿遷縣北攔馬河減洩黃水壩三座不便令更入中河應將此三壩閉塞又駱馬湖減水壩三座內二座所減之水雖注入中河但令中河建立閘壩減水相應將此二壩仍留其一座在遙隄外從舊河形入海而出水之口偏近遙隄亦應交與河臣幫修隄根保護遙隄毋致他虞至於運河內永安隄兩面受水勢甚危險又歸仁隄五堡減水壩被水衝壞並黃運兩河被刷坍塌之

東華錄

康熙四十二

七

處俱一併交與河臣修理堅固得旨九卿詹事科道會議具奏○辛酉盛京禮部侍郎席蘭泰以老疾乞休允之○癸亥喀爾喀洪俄爾戴青台吉等率其屬來朝 上諭爾等喀爾喀與厄魯特世世進貢朕心寵眷從無偏庇一體優待恩賚有加今聞喀爾喀厄魯特互相結怨亟遣使臣令其和睦使臣未至而喀爾喀敗遁悉至哨探地方居牧朕一體加恩今亂尚未定故留之未遣爾母達賴達熙納聞朕大兵往尼布潮地方豫備餼糧牛羊以待朕甚嘉之爾先眾人報厄魯特橫肆情形又先眾人請安進貢尤為可嘉諭畢 上取所帶珊瑚數珠賜之以示優眷○丁卯設站侍郎文達侍衛阿南達奏土謝圖汗與噶爾丹於八月初三四等日相遇於鄂羅會諾爾之地鏖戰三日厄魯特兵夜襲善巴額爾克戴青之營破之喀爾喀屬下諸台吉星散土謝圖汗力弱乃越瀚海奔

至澤卜尊丹巴所 上以喀爾喀厄魯特交惡作亂境上急宜防守派兵往駐張家口歸化城等處以聽調遣○以朱善為盛京禮部侍郎由通政使遷高夢說為安徽按察使由陝西潼關道遷

九月壬申諭兵部前者侍郎文達奏噶爾丹分兵三路追土謝圖汗將近我汛界朕以邊疆事關重大故頒諭旨派京師大兵以備之今聞噶爾丹於我朝所遣使臣待之有加禮殊為恭順且又聞其遣使與我阿齊圖拜禮等偕來請安應將京城大兵暫且停其起程仍令各自豫備候旨大同宣府總兵官之兵亦暫停起行令其候旨行在所有之兵每佐領派護軍二名前鋒派二百名火器營兵全派令赴安親王軍前其存留官兵揀選肥壯馬匹給發前去之兵將青城運來之米計口投之此去之兵署都統諾敏彭春護軍統領托倫惠惠蘭副都統康哈拉尙圖酌量派章京統率前

東華錄

康熙四十二

八

往○丁丑先是巴林烏朱穆素高齊忒克西克騰科爾沁阿霸哈納蘇尼特阿霸孩扎魯特歸化城土默特之各旗蒙古王台吉等節次奏報喀爾喀戴青台吉等共二十八人各率所屬人眾入邊請降奉旨令來降之喀爾喀准於汛界以內遊牧至是土謝圖汗與其弟西地西里巴圖爾台吉率左右兩翼台吉等又澤卜尊丹巴胡土克圖亦率其弟子等偕入汛界乞降沿邊一帶阿霸哈納諸台吉皆願從之內附理藩院以聞下議政王大臣集議尋議喀爾喀國破土謝圖汗澤卜尊丹巴胡土克圖等誠心請降應受而養之俾其得所即令尙書阿喇尼前往汛界面見澤卜尊丹巴胡土克圖土謝圖汗等備宣諭旨從之○己卯雲南鶴慶劍川等屬地震 上命速發銀米賑濟○甲申噶爾丹遣使進貢請安並乞照常貿易下議政王大臣集議尋議噶爾丹訴其始終誠心敬

上之意又虔恭貢獻請准其貿易遣使往諭但目今喀爾喀俱奔入我汎界 皇上已令尙書阿喇尼往議安插俾令得所應俟阿喇尼前往汎界查明後作何遣使齎敕往諭噶爾丹之處另行奏請從之○丁亥吏部議覆偏沅巡撫興永朝奏楚省舊設驛道一員駐紮武昌管理全省驛務但湖南湖北道里遠遠以湖北之道遙制湖南事多貽誤請改湖南驛站事務歸湖南糧道兼理從之○廣東布政使柴望以年老廢事革職○辛卯 上還京師○壬辰吏部題殉難原任湖廣糧儲道葉映榴請加贈通政使廕一子入監讀書得旨葉映榴應予旌表著贈工部右侍郎餘依議○癸巳吏部尙書阿爾泰兵部尙書紀爾他布工部尙書蘇赫奏湖廣地方遼闊統制兵馬應復設總督於地方有益報可○命臺灣文職員缺准該撫於閩省見任官內揀選調補○丙申以于三賢爲

東華錄

康熙四十二

九

冬十月辛丑刑部等衙門會議原任漕運總督慕天顏沮撓河工應杖一百徒三年不准折贖直隸巡撫于成龍陳奏失實應削去官保銜降三級調用得旨于成龍從寬免降調慕天顏從前造船有效力之處亦從寬免罪○壬寅九卿等議覆兵部尙書張玉書等奏公閱河工請將原任河道總督靳輔修築之閘壩引河隄埝及建造挑濬工程有應留應止閉塞增添之處又黃運兩河有受衝被刷應修築者一併交與河臣修理堅固得旨攔馬河洩黃水之壩應否閉塞著河道總督詳看議奏○癸卯調楊素蘊爲湖廣巡撫由安○以薩弼圖爲陝西巡撫由山西按察使遷○甲辰盛京刑部侍郎阿禮瑚坐誣良爲盜革職○乙巳尙書阿喇尼等奏臣等於九月二十九日至喀爾喀問土謝圖汗澤卜尊丹巴曰汝等入汎界而居之意何也今又將何往告曰我等爲厄魯特所敗奔進汎界永歸 聖主乞救餘生作何安靜一惟 上裁又曰我等敢遁盡棄部落牲畜而來雖少有所攜難以自存伏祈 皇上俯賜宏恩臣等遂令土謝圖汗澤卜尊丹巴等將彼從降台吉等名字及喇嘛班第部落人口數目查送計開見在借來台吉三十餘人喇嘛班第六百餘人戶二千人二萬在後未到者尙多俟到時另行開送 上命議政王貝勒大臣集議尋議宜准土謝圖汗澤卜尊丹巴之降命尙書阿喇尼侍郎文達查明見在不能度日人等將副都統阿毓璽所運歸化城米糧均散賑濟土謝圖汗等宜給以名爵但各路請降喀爾喀首領甚多應俟到日再議從之○丙午賜王應統等九十四人武進士及第出身有差○戊申以吳什巴爲盛京刑部侍郎由內閣學士遷○以江有良爲安徽巡撫由內閣學士遷特爲山西按察使由中選○裁涿鹿永平眞定河間保定等衛守備

東華錄

康熙四十二

十

千總○辛亥 上謁 陵啟鑿○裁廣西陀陵土知縣歸永康州
 轄○癸丑 上謁 暫安奉殿 孝陵至 仁孝皇后 孝昭皇
 后陵奠酒○乙卯恭上 大行太皇太后尊諡曰 孝莊仁宣誠
 憲恭懿翊天啟聖文皇后 上回鑾○丁巳 上還京師○己未
 以郭世隆為內閣學士由御史遷○兵部侍郎成其範緣事降調○庚
 申兵部奏杭州防守尉陳廷章將承襲管佐領之子攜之任所應
 罰俸一年 上曰陳廷章免罰俸此等承襲官及管佐領之員年
 幼未滿歲者若不隨父之任無人教育勢必流為匪人且生計困
 乏矣向來上朝俱有一定年歲嗣後未滿歲之幼子皆許其隨父
 任所滿歲後送入京師著為令○以索諾和為內閣學士由大理寺卿遷
 ○辛酉 孝莊文皇后升祔 太廟○壬戌頒詔加恩中外○甲
 子以董訥為兵部右侍郎由內閣學士遷○賑江南邳州等五州縣水災
 東華錄 康熙四十二 十一
 十一月庚午朔 上幸南苑行圍○癸酉以郭琇為內閣學士由太常寺卿遷
 ○丙子工部議覆尚書蘇赫等奏臣等遵奉諭旨帶領原任
 河道總督靳輔往閱沙河南北兩河水勢據靳輔奏稱沙河城東
 呂閣莊土溝莊葛渠莊及通州兩河進流之處建立蓄水閘可蓄
 水四百萬方其通州以下東岳廟等處水勢散漫南營等處因河
 中淤高水分兩道應於散漫分流之所築建小隄將水攔束其所
 蓄之水放洩時可增兩捺以濟漕運應如所請從之○丁丑 上
 幸涼鷹臺大閱○戊寅以王維珍為左副都御史由太僕寺卿遷○己卯
 以原任尚書胡昇猷為太常寺卿○甲申侍衛阿南達喇喇商南
 多爾濟等奏噶爾丹謂七旗喀爾喀非吾讎也但土謝圖汗澤卜
 尊丹巴殺扎薩克圖汗及得克得黑墨爾根阿海盡俘其國又侵
 掠我境殺我弟多爾濟扎卜棄好構難誠無地可容之人也臣等

令商南多爾濟滾楚克達爾漢囊素轉說之噶爾丹曰汝等諭我
 以禮法我甚悅我並無自外於 中華皇帝達賴喇嘛禮法之意
 又噶爾丹以貿易事遣滾楚克達爾漢囊素來告曰厄魯特從來
 進貢貿易各自分行今概不得往來我國之人殊為憂苦今請照
 常行走候旨定奪奏入下議政王大臣議尋議 皇上軫念兩國
 原無異視今土謝圖汗等背棄盟誓殺扎薩克圖汗及得克得黑
 墨爾根阿海又先犯厄魯特殺噶爾丹之弟多爾濟扎卜實係伊
 等之過應遣人救達賴喇嘛命遣一有名大喇嘛同本朝所遣大
 臣前往召集噶爾丹土謝圖汗等令土謝圖汗等自陳其過大集
 會閱承議和好於未遣使之前以此等情節先曉諭土謝圖汗如
 皆允服願行則約期於來年會閱如別有推辭俟到日再議噶爾
 丹奏請貿易之事應俟遣使大臣時再議從之○丙戌 上還宮
 東華錄 康熙四十二 十一
 ○刑部題審擬各案有律者引律無律者引例此舊制也今督撫
 及承審各官多有律例兩引候部臣定奪者或有失輕失重之處
 可以規避處分且恐受人屬託借此作弊請嗣後將律例兩引者
 概行停止從之○戊子兵部議准湖廣總督丁思孔奏武昌兵變
 地方官員有逃避及投偽職者請查明分別具題盡行革職得旨
 投偽職官員著革職革職革職革職從寬免○辛卯轉拜為兵部左侍
 郎以沙穆哈為兵部右侍郎由內閣學士遷○兵部議原任荊州將軍噶
 爾漢副都統郝佛於武昌兵變時率師進剿不能即行撲滅藉稱
 戰船未備糧餉不給自行退回應將噶爾漢革職革職革職郝佛
 革職革職 上曰噶爾漢著革職革職革職革職郝佛
 佛著革職免其鞭責○己亥倉場侍郎石文桂丁父憂命離任守
 制○是月免貴州黃平州江南亳州興化等四州縣水災湖廣崇

陽等七州縣旱災額賦有差

十二月庚子朔以星安為內閣學士由內閣侍讀學士遷○兵部奏禮部尚

書熊賜履奉差浙江審事適丁母憂應回籍守制請另遣部院大

臣一員前往得旨著兵部尚書張玉書前往審理○癸卯以李廷

松為倉場侍郎由左副都御史遷○乙巳上謁陵啟鑿○以線一信

為湖南按察使原任湖北按察使○兵部奏武進士推選守備舊例分別

名次在前半者候選營缺在後半者候選衛缺查營缺多而衛缺

少甚有偏枯請嗣後不拘營缺衛缺將武進士挨次補用以免壅

滯從之○戊申上謁暫安奉殿○己酉上謁孝陵至

仁孝皇后孝昭皇后陵奠酒○調張玉書為禮部尚書李天馥

為兵部尚書以徐元文為刑部尚書由左都御史遷○以衛執蒲為左副

都御史由通政使遷○壬子上駐蹕蘭河崖行圍○戶部尚書王日

東華錄 康熙四十二 志為江蘇布政使由湖北調○丙辰上駐蹕龍井關行圍○戊午調

徐元文為戶部尚書由刑部調○庚申以沈志禮為湖北布政使由廣東按察使

遷○刑部議覆御史趙廷珪奏律載子報父仇不告官而擅殺

行兇之人者杖六十蓋為未經審抵冤抑無伸者言之也如仇家

已經審擬或遇赦宥復有藉口報仇擅行殺害者不得概引輕條

治罪應如所請嗣後子復父仇於告官審抵之後仇家幸遇赦免

復藉口復仇者流三千里即著為令從之○辛酉上還謁暫

安奉殿○壬戌上謁暫安奉殿行期年致祭禮○甲子上

復謁暫安奉殿回鑾○丙寅上還京師○是月免江西宜春

等十二州縣及雲南開化府旱災賦○是歲朝鮮琉球入貢○人

丁戶口二千三十四萬九千三百四十一田地山蕩畦地百九十

萬四千一百八十四頃八十四畝有奇徵銀二千七百二十六萬
二千三百七十五兩有奇米豆麥六百九十一萬六百五十三石
有奇草二百二十五萬二千八百四十一束茶十五萬九千三百
一十五引行鹽四百三十五萬六千一百五十引徵課銀二百七
十六萬一千三百八兩有奇鑄錢二萬八千九百八十六萬九千
八十有奇

東華錄 康熙四十二 志

東華錄

康熙四十三

臣王先謙敬編

臣周瀚蕃恭校

康熙二十八年己巳春正月庚午諭吏部戶部兵部工部朕統蒞寰宇二十八年於茲早作夜思勤求治理務恤黎庶永圖乂安如黃運兩河運道民生攸繫朕日切心勞比年工役雖漸有緒而應修應塞議論紛紜歲巡幸曾允准揚士民所請疏濬下河前已興工尙稽底績屢經廷議請朕親行閱視今特諏吉南巡躬歷河道兼欲觀覽民情周知吏治所至沿途供億皆令在京所司儲備一切不取之民間卽有日用應需該衙門於所在地方照市估平買不許錙銖抑勒小民猶恐地方官吏不能悉體朕懷借名科派供應今特頒諭嚴飭如有悖旨借端私徵者察實卽以軍法從事

東華錄

康熙四十三

地方文武大小官員不許與扈從官員指稱交戚輒通餽遺違者餽送收受人員並以軍法從事其扈從大小官員及隨從僉役如有橫行生事擾民者一併從重治罪朕茲巡省原以軫恤編氓咨諏風俗凡經過地方百姓各安生業務令塵無騷市隴不輟耕毋得倉皇驚避輒滋煩擾其軍民人等懷奸挾詐希逞私憤擅於駐驛處所瀆行告訐者一概嚴禁儻有妄控除所告事不與准理外仍嚴加治罪爾部卽傳諭扈從大小官員人等並行令各該督撫於府州縣城市村莊窮鄉僻壤徧懸告示備行曉諭務令通知以副朕惠愛元元至意○丙子 上南巡啟鑿○丁丑諭左都御史馬齊等朕閱視河道巡察地方恐有司派民修路煩勞百姓朕不擇路而行何用修治徒勞民力應通行嚴飭禁止○命直隸巡撫于成龍扈從南巡其巡撫事著巡道程汲署理○庚辰 上過獻

縣民有進嘉禾一莖雙穗者 上諭侍郎庫勒納等自古聖王不

貴金玉而貴五穀穀者民之命也朕甚寶之○壬午諭山東巡撫錢珏朕軫恤民隱載舉時巡懋宣德化勤求疾苦比至山東所經城邑百姓扶老攜幼夾道歡迎朕問及連歲順成民生稍得安業第思百姓足則國家充裕若期比戶豐盈必以蠲租減賦除其雜派爲先邇年以來各省地丁錢糧已經節次豁免山東地丁正賦意欲來歲蠲除茲因巡幸至此特先諭該撫速行曉示日傳三百里遐村僻壤咸使聞知以副朕省耕問俗之意○甲申 上幸濟南府闔郡士民迎 駕以蠲免錢糧叩謝 皇恩懽聲雷動○上觀釣突珍珠二泉 御題作霖二大字○乙酉 上至泰山之麓率文武諸臣向岱宗行禮畢諭部院諸臣朕巡歷所至再經岱麓重瞻祠宇詢其廟祝知香火荒涼日用難給岱頂諸廟亦復如

之念泰山爲五嶽之長載在祀典有功社稷不宜使之漸就寥落合將每歲香稅錢糧內量給數百金使上下嶽廟與元君諸祠守祀者得有資賴曉夜盡心兼可時加修葺以壯往來觀瞻示朕崇祀之意○丙戌喀爾喀土謝圖汗察漢以奉旨令與噶爾丹會盟爲難具奏自陳 上諭議政王大臣等朕統御天下凡窮者救之絕者繼之離散者使之完聚交惡興戎者使之和協一切生靈無不欲其咸底於安樂也土謝圖汗澤卜尊丹巴胡土克圖等背棄盟誓殺扎薩克圖汗得克得黑墨爾根阿海又加兵厄魯特殺噶爾丹之弟多爾濟扎卜今爲厄魯特所敗奔入我汛界請降朕念

土謝圖汗向來職貢惟謹久在屬國之列是以受而納之留於邊境矜其困窮給以米粟車臣汗之子亦准其承襲但兩國相攻生民不得又安兵戎無日休息今土謝圖汗澤卜尊丹巴等又難於

會盟其以朕收養伊等中外一體不忍令人失所之德意並將土謝圖汗等背盟與戎之過一一申明遣使齎敕宣諭噶爾丹令達賴喇嘛亦遣使於噶爾丹則案可結矣其達賴喇嘛處著伊拉古克三胡土克圖商南多爾濟他巴克去噶爾丹處應遣之人俟草青時奏請賜達賴喇嘛敕曰朕統御寰區惟願中外息征戰之勞無敗亡之禍率土共享昇平前聞噶爾喀兩翼內自作亂兄弟人民互相吞併日後必成戰爭之禍特敕諭爾喇嘛同遣使人諭和爾喇嘛亦謂朕鑒恤眾生心如父母誠至善也遣西勒圖來朕特使台吉巴忒馬什尙書阿喇尼等與西勒圖偕往召集七旗噶爾喀會閱誓和意謂從此兄弟相親可永享安樂後土謝圖汗奏言聞厄魯特興兵兩路來伐臣是以出兵往迎朕軫念厄魯特噶爾喀兩國相攻必有一傷復遺書於爾喇嘛息其干戈仍敕諭噶爾喀土謝圖汗以爲厄魯特噶爾丹職貢恭順往來有年果似此大舉諒必奏聞朕心猶未深信未必非不良之徒從中離間爾等慎毋先啟兵端務體朕不忍生民死亡之至意爾喇嘛亦遣齊緝克他賴堪布偕朕所遣阿齊圖綽爾濟學士拜禮往厄魯特諭和朕與爾如此行事原不忍視噶爾喀厄魯特塗炭欲其相睦眾生得安之意也乃噶爾喀土謝圖汗澤卜尊丹巴胡土克圖等自取滅亡違旨與戎首先起兵殺扎薩克圖汗並殺噶爾丹之弟多爾濟扎卜噶爾丹遂起兵破噶爾喀此噶爾喀先舉召釁之過朕不以之責噶爾丹也朕之初念本欲率土之民皆獲生成原無樂他人敗亡以爲己利之意今噶爾喀敗汗及濟農台吉等率其通國之人決計歸降於朕朕爲天下主來歸之人不爲收養其誰收養之爰納其降安插於汎界之外發粟賑濟仍存其汗濟農台吉之號

東華錄

康熙四十三

三

嗣立車臣汗之子爲汗朕興滅繼絕之心非特於噶爾喀如是已也諸國有窮迫來歸者朕之愛養皆與之同不但朕之所行如此噶爾喀等如往歸爾喇嘛決不忍其死亡亦必如此愛養之也征戰非美事互相報復無有已時亦豈能保其常勝乎朕意欲使厄魯特噶爾喀盡釋前怨仍前協和各守地方休兵罷戰特遣使齎敕往諭噶爾丹噶爾丹向遵奉爾喇嘛道法爾喇嘛若遣使往諭務令兩國嗣後永息兵戎則朕與爾解紛恤難之本心亦可以慰矣爾喇嘛可即遣使與朕所遣之人偕往○庚寅 上駐蹕郟城縣○辛卯 上率扈從部院大臣及江南江西總督傅拉塔河道總督王新命漕運總督馬世濟等閱視中河至支河口下馬坐隄上出河圖指示諸臣諭曰河道關繫漕運民生若不深究地形水性隨時權變惟執紙上陳言或徇一時成說則河工必致潰壞且就目前觀之修治此處似乎有益然將來且連彼處受害矣朕雖屢遣大臣來視而河工是非終無定論朕夙念河道頻壞羣黎屢罹災害因詳閱河圖不離左右故地方隄岸河形朕衷深晰今朕躬特來觀閱試以朕意言之朕觀此河隄隘偏近黃河之岸且自徐州北鎮口開所出黃水及微山湖荆山口之水俱歸內運河必流入中河駱馬湖之水亦入此河若遇壅潦之年水勢愈漲萬一黃隄潰決失於防禦中河黃河必將混而爲一此中河開濬後小民商賈無不稱便者蓋由免行黃河一百八十里之險耳然此論徒知目前小利又安識日後長久有利無利也因問學士凱音布曰爾等從前如何看閱此河凱音布奏曰臣等但謂彼時可以行舟故云有益若水大堪虞見不及此又問尙書圖訥左都御史馬齊等曰爾等看河時如此險處何未慮及圖訥等奏曰臣等來看

東華錄

康熙四十三

四

河時正值水大目擊中河偏近黃河之岸且河身陘隘恐內運河與駱馬湖之水不能容受故議於迤北遙隄修減水壩三座令水由昔日黃河所衝河形以入於海 上顧原任河道總督靳輔曰爾當日如何籌畫開濬中河今又云何靳輔奏曰 皇上前東巡時曾諭云攔馬河減水壩所出之水如何方不致淹沒民田臣意開濬此河可以束水入海及濬畢觀之漕艘亦屬可行與其令漕艘行黃河一百八十里之險不若行此河之為便也今若將遙隄加增修築以保固黃河隄岸當不至有患 上問河道總督王新命曰爾意云何王新命奏曰以臣觀之支河口止修一閘鎮口開微山湖等處之水甚大儻又遇霍潦之年一閘不能支必至衝壞若下草埽隨時啟閉於駱馬湖口將竹篾盛石作減水壩以為捍禦令汎漲之水歸入黃河酌存其足用之水再將鄭城禹王臺修

東華錄

康熙四十三

五

築以禦流入駱馬湖之水令歸沐河則中河可無虞矣 上曰若重載與回空之船並行則中河窄狹且偏近黃河朕意猶以為可慮鎮口開微山湖等處水大可仍開支河口其黃河運道原自不廢仍並存之○壬辰 上御舟由中河閱視河道遂自清河縣渡黃河是日 御舟泊清口○癸巳諭江南江西總督傅拉塔江蘇巡撫洪之傑安徽巡撫江有良朕南巡以來軫念民依勤求治理頃至江南境上所經宿遷諸處民生風景較前次南巡稍加富庶朕念江南財賦甲於他省素切留心因尚有歷年帶徵錢糧恐為民累出京時曾諭戶部知全省積欠約有二百二十餘萬今親歷茲土訪知民隱無異所聞除江南正項錢糧已與直隸各省節次蠲免外再將江南全省積年民欠一應地丁錢糧屯糧蘆課米麥豆雜稅概與蠲除自此民免催徵官無參罰爾督撫務須切實奉

行俾均霑實惠副朕愛恤民生至意如有以完作欠侵收肥己等弊一經發覺定行從重治罪夫民為邦本足民即以富國朕平日躬行節儉一絲一粟未嘗輕費所以如此簡約者無非愛養物力為優恤元元之地在民間惟正之供軍國所需豈易驟言蠲免邇年國用少裕故能頻沛恩施總期藏富於民使家給人足則禮讓益敦庶漸臻雍穆之治著速行傳諭咸知朕意○乙未 上臨幸揚州○丙申諭江南江西總督傅拉塔福建浙江總督王隲江蘇巡撫洪之傑浙江巡撫金鉉等朕因省察黎庶疾苦兼聞河工巡幸江南便道至浙觀風問俗簡約儀衛函簿不設扈從者僅三百餘人頃經維揚民間結綵歡迎盈衢溢巷雖出自恭敬愛戴之誠恐致稍損物力甚為惜之朕視宇內編氓皆吾赤子惟使比戶豐饒即不張結綵幔朕心亦所嘉悅前途經歷諸郡邑宜體朕意悉為停止又見百姓老幼男婦奔走雜遝瞻仰恐後未免誼譁擁塞念此行原以為民不嚴警蹕但人眾無所區別高崖水次或有傾跌之虞一夫不獲其所足軫朕懷此後止於夾道跪迎勿得紊亂追趨致有諸患著即詳加曉諭使知朕愛民切實咸為遵行○丁酉 御舟泊鎮江府金山寺○是月免浙江宣平縣去年旱災賦

東華錄

康熙四十三

六

二月辛丑 上臨幸蘇州○丁未 上臨幸杭州○己酉諭扈從部院諸大臣朕稽古省方咨求治理閱視河道期底平成凡有利於民生必令羣露實惠茲行次浙省禹陵在望念大禹功德隆盛萬世永賴應行親詣以展企慕之忱其致祭典禮所司即察例舉行政治所先在崇文教江南浙江為人文萃集之地入學額數應酌量加增永昭宏獎著該督撫詳議奏請江甯鎮江杭州駐防滿洲漢軍兵丁鎮守要地入歷歲時深用軫念應作何恩賚以彰優

恤著該部議奏自南巡以來所經過地方官員除八法處分及列款糾劾外凡因公呈誤降級留任者俱准與開復降級調用者著帶所降之級留任其經過地方員在監禁人犯除十惡及詔款所不赦等罪並官員犯贓者不宥外其餘自康熙二十八年二月十一日以前死罪及軍流徒罪以下已結未結俱准寬釋以示朕赦罪宥過之意備辦船隻地方各官效力勤勞著該督撫會同奉差官員確查具題各加一級緯夫供役勞苦亦著該督撫察明人數量給恩賞朕庶念民依特蠲租賦總期實德潤澤蒼生近見民間有建立碑亭稱頌德意者雖出羣黎感戴之誠但恐各郡皆然未免致損民力誠使閭閻殷阜則裨益良多碑亭何與焉嗣後亦宜停止江浙錢糧既經蠲豁猶慮有不肖有司借端詞訟朕削民生著該督撫嚴行禁飭至各處權關原有則例朕舟行所至訪過東華錄

康熙四十三

關商民每不難於輸納額稅而以稽留關次不能速過為苦權關官員理宜遵奉屢頒諭旨恤商惠民豈可反貽之累自今應力除積弊凡商民抵關交納正稅即予放行毋得稽留苛勒以致苦累違者定行從重處分朕早夜孜孜惟冀官吏軍民士農商賈無一人不獲其所故於民生吏治圖維區畫務極周詳爾等可即傳諭俾一體奉行稱朕意焉○禮部遵旨議覆致祭禹陵典禮應照康熙二十三年致祭明太祖陵例遣官致祭後 皇上親詣奠酒諭堯舜禹湯皆前代聖君遣官致祭後方親詣奠酒未為允愜禹陵朕將親祭祭文內可書朕名又諭祭以敬為主禹陵僻處荒村恐致褻慢凡供獻菜蔬禮儀諸事令左都御史馬齊侍郎席爾達同往省視○賜扈從王大臣侍衛等銀幣○賜從官綵幣○庚戌賜杭州駐防八旗男婦年六十以上者金○辛亥 上渡錢塘江舟

泊會稽山麓○壬子 上親撰祭文詣禹陵致祭率扈從諸臣行三跪九叩禮祭文曰惟王精一傳心儉勤式訓道由天錫啟皇極之圖疇功在民生定中邦之井牧四載昔勞胼胝永賴平成九敘早著謨謀惟歌府事行其無間德遠益新朕省方東南道經吳越觀長江之浩渺心切湖洄瞻高嶽之嵯峨企深仰止幸矣松楸伊邇儼然律度可親特薦馨香躬修祀事惟祈靈爽尙克來歆○先是 上欲親視下河命侍郎徐廷璽巡撫于成龍先往閱視至是回奏往下河所經水路甚淺不通舟楫陸路亦甚難行且宿頓無所各口工程俱遵 皇上指畫今工已及半凡所修治無可疑者 皇上似可毋行報聞○癸丑 上還駐杭州○諭刑部尚書圖訥等朕茲行特為百姓閱視河道訪閭閻風俗因禹陵在邇躬往致祭歸時便道過西湖聊爾寓目非為遊觀也○甲寅諭福建東華錄

康熙四十三

浙江總督王鵬鵬巡行江表緬懷禹德躬率羣臣展祭陵廟願瞻殿廡圯傾禮器缺畧人役寥寥荒涼增歎愚民風俗崇祀淫祠俎豆馨香奔走恐後宜祀之神反多輕忽朕甚慨焉在昔帝王陵寢理宜隆重培護况大禹道冠百王身勞疏鑿奠甯率土至今攸賴特書地平天成四字懸之宇下令地方官即加修理畢備儀物守祀人役亦宜增添俾規模宏整歲時嚴肅兼賜白金二百給守祀之人此後益令敬慎守土之臣亦須時為加意稱朕尊崇遐慕之懷其各祇遵毋忽○ 御製禹陵頌並序文曰朕閱視河淮省方浙地會稽在望爰渡錢塘展拜大禹陵廟瞻眺久之敕有司修葺春秋蒞禋盛牲體必豐必虔以志崇報之意時康熙二十八年二月十四日也緬惟大禹接二帝之心傳開三代之治運昏墊既平教稼明倫由是而起其有功於後世不淺豈特當時利賴哉

朕自御宇以來軫懷飢溺留意河防講求疏濬漸見底績周行山澤益仰前徽爰作頌曰下民其咨聖人乃生危微精一允執相承克勤克儉不伐不矜隨山刊木地平天成九州始辨萬世永甯六府三事政教修明會稽鉅鎮五嶽靈茲惟其藏陵谷式經百神守護松柏鬱貞仰止高山時切景行○賜福建浙江總督王隲御衣涼帽諭爾任總督凡事實心辦理操守清廉浙江福建黎庶俱稱爾為清廉總督故有是賜○賜杭州將軍副都統以下及官兵等宴 上幸演武場閱騎射○乙卯 上自杭州回鑾○諭扈從部院諸大臣等朕巡省民生風俗行次浙江見省會兵民俱相和輯生齒蕃庶閭里乂安但觀民間習尚好為爭訟爭訟一興則不肖有司因緣詐索勢所必至縱或官員無所朘削而胥吏作奸究不能無私行勒索之弊小民之牽連苦累者多矣夫微忿不捐構

東華錄 康熙四十三 九

成嫌怨小則耗損物力大則傾隕身家其為蠹害不可勝言矜此愚民允宜深戒地方大小衙門官員亦應各簡詞訟勸導閭閻俾守分息爭共安生業又夙聞東南巨商大賈號稱輻輳今朕行歷吳越州郡察其市肆貿遷多係晉省之人而土著者蓋寡良由晉風多儉積累易饒南人習奢靡家無儲蓄目前經營僅供朝夕一遇水旱不登則民生將至坐困苟不變易陋俗何以致家給人足之風爾等可傳諭將軍總督等令家諭戶曉務使敦本興讓崇儉黜浮兵民日益協和風俗日益醇樸詞訟日益減少積儲日益豐盈則教化行朕心實嘉賴焉○丁巳 上駐蹕蘇州○戊午 松江府屬百姓以蠲免錢糧建亭立碑祈祝 聖壽齊集行宮門外獻所刻碑文 上諭民為邦本休養宜先年來蠲免江南正供兼及積逋惟望百姓家給人足以副嘉惠元元至意今閱所進碑

文足見汝等愛戴之忱第慮不肖有司指稱建亭立碑借端科歛猶慮朕懷其將碑刻發還眾民間論感泣伏地奏云聞郡公舉並無科歛 天心過慮堯舜憂民亦不能如此碑刻特少展微忱眾民不敢領去 上鑒其誠命將碑刻收入百姓皆呼萬歲○諭扈從部院諸臣楚省兵譁時湖廣糧道葉映榴盡節捐軀朕心深加憫悼特詔所司優贈亞卿兼予卹廕今巡行江南見其子葉勇迎伏道左彌增軫惻忠節之臣應特予諡以彰異數爾等其會議以聞諸臣擬諡忠節 上即親灑宸翰賜之○江南蘇松紳士軍民等叩請 聖駕暫留數日以慰萬姓瞻天觀日之私並獻本處所產土物 上曰國家之用雖盡出於百姓朕茲南行民間之物秋毫無擾爾等既各輸誠姑取米一撮果一枚以慰民懇懇來貢之意至朕時巡事畢已奏聞 皇太后矣明日發駕不必勉留臣民

東華錄 康熙四十三 十

復再三叩請繼以泣下 上勉俞其請命再駐一日○先是浙江巡撫金鉉以民杜光遇條陳兵丁擾民十款內稱自有駐防兵丁以來百姓生則倒懸死無安土等語批發藩臬兩司查訊布政使李之粹並不回同按察使查訊違移咨將軍出示禁約將軍郭丕據咨入告 上命兵部尚書張玉書等察審至是張玉書等奏徧查杜光遇並無其人明係金鉉捏造無影之款李之粹附合金鉉情罪可惡並擬絞立決得旨金鉉流徙奉天地方李之粹充發黑龍江○己未諭扈從部院諸臣大理寺少卿張鵬翮為人頗優前任兗州府時居官素善著從優升補浙江巡撫浙江按察使下永譽著升補浙江布政使江蘇按察使李國亮著升補江蘇布政使俱著明日即行赴任其先補江蘇布政使于養志仍回湖北布政使任○兵部議准湖廣總督丁思孔奏武昌荊州並控大江常德

岳州俱臨湖匯此四郡皆係陸營未設水師請各設水師三百名再湖廣見設辰州水師營額兵四百名戰船四十隻沅州水師營額兵五百零八名戰船四十隻宜都水師營額兵四百名戰船三十八隻除沅州重地仍應留戰船二十隻兵二百五十四名以備接應外餘兵二百五十四名應改為陸兵統入沅鎮陸營辰州既有副將其水師竟可裁去即以所裁兵分撥荆岳二營宜都水師亦應改為陸營其新設武昌水師應於督標兵內選用常德水師應於提標兵內選用至三處所餘戰船計九十八隻應於武昌常德各設二十五隻荆州岳州各設二十四隻再湖北驛道所管沙船五十隻請分四十隻於武荆常岳四府作為戰船每營設守備千總各一把總各二從之○庚申 上發蘇州○癸亥 上臨幸江甯府○甲子 上祭明太祖陵賜守陵人金○江南民王來能獻鍊丹養身祕書一册 上諭扈從諸臣朕於經史之餘所閱載籍多矣凡鍊丹修養生及師巫自謂前知者皆妄誕不足信但可欺愚民而已通經明理者斷不為其所惑也宋司馬光所論甚當朕有取焉此等事朕素不信其擲還之○諭扈從諸臣朕往者巡幸江甯地方情形既已熟悉茲以閱河之便復來至此頃謁洪武陵又過後湖見地方官裝飾舟船以待朕自出京以來緯夫之外所需一切皆出帑金採辦不許分毫派取民間所御沙船特發庫銀修造扈從人等需用小船俱備以官價故於今日地方官豫備之船非惟不御並未往觀欲爾等其悉此意並傳諭江南江西總督傅拉塔等朕回鑾後勿謂此船乃朕所御妄令存貯其將造飾物料俱行拆毀於應用處用之○賜江甯駐防八旗男婦年六十以上者金京口亦如之○江甯士民數萬人各捧土產米果食

東華錄 康熙四十三 十一

物奏稱 萬壽聖節在邇叩留 皇上駐蹕江甯使兆姓得遂頂祝之願 上諭朕定期二十七日賜宴二十八日啟行不必勉留爾等所貢方物但取米一撮即如全納士民攀留再三 上以其誠懇命再留二日於三月初一日啟行○乙丑 上幸演武場賜將軍以下及官兵宴閱官兵射○ 上幸觀星台召部院諸臣問漢臣中有知天文者否皆奏曰臣等未能通曉乃問掌院學士李光地爾所識星宿幾何李光地奏曰二十八宿臣尚不能盡識上因令指其所知者又問古厯皆參今為參其理云何李光地奏曰此理臣殊未曉 上曰以觀星台儀器測之參宿至天中確在紫宿之先觀此足信今厯之不誤矣又問堯時中星今移幾度李光地奏曰據先儒言已差五十餘度 上又問恒星動否李光地奏曰臣不能知惟新厯言恒星天亦動但其動微耳 上曰郭守敬儀器不可行於今由不知恒星天動故也自來史志厯法多不可信質之以理類空言無實如熒惑退舍之說天象垂戒理則有之若果退舍後來推算者以何積算 上又歷指三垣星座問李光地不能盡舉其名 上指示從官歷歷明析尚書張玉書圖訥等奏曰 皇上聰明天縱觀文察理誠非愚臣等所能仰窺也 上又披小星圖按方位指南方近地大星諭諸臣曰此老人星也李光地奏曰據史傳謂老人星見天下仁壽之徵 上曰以北極度推之江甯合見是星此豈有隱見也○丁卯以李燁為廣東按察使由山東東 三月戊辰朔 上發江甯府○以高承爵為江蘇按察使由揚州府知府 遷○賚江甯鎮江杭州駐防兵餉一月○己巳命開音布回京下河事務並交王新命管理○庚午諭扈從諸臣朕前閱中河初疑

東華錄 康熙四十三 十一

狹隘今行經丹陽閱視河道亦復狹隘又聞眾官民俱言中河挑
濟有益所關甚大爾等會同總河總漕確議以聞○河道總督王
新命遵旨議覆尚書張玉書等奉命看河奏稱攔馬河洩黃水三
壩原以宣洩黃河異漲之水似應仍留隨機開放再駱馬湖減水
壩三座議留二座減水入中河留一座於遙隄之外又以中河偏
近黃河而運河駱馬湖水俱入此河恐河窄不能容納令於中河
往東蕭家渡楊家莊新莊口有黃河衝決入海舊河形之處量建
減水壩三座減洩臣竊謂既以運河駱馬湖水俱入中河河窄不
能容納何必又留此二壩之水減入中河復於蕭家渡等處建壩
減出不若將此三座減水壩俱留遙隄之外令由舊河形入海於
蕭家渡舊河形三處量留缺口二處用竹絡裝入石塊酌水勢高
下堵塞宣洩以免衝漫又以支河口議令閉塞於鄰近處建板閘

東華錄

康熙四十三

三

一座查支河口乃北運河會同微山湖荆山口彭河沂河沭河白
馬等河並鎮口開之水流入黃河之口一板閘豈能宣洩不若仍
舊聽其流通如水勢淺阻則建草壩閉塞令其全入中河以濟運
道又駱馬湖入黃河之口令臣驗明建減水壩二座臣兩次親驗
隄外湖口水深二丈有餘難以建壩不若用竹絡裝石高出水面
二三尺成造堵塞再查駱馬湖原止匯沂河白馬河運河微山等
湖泛溢之水會入黃河至沭河本東流由沭陽入海郟城之東八
里許迎沭水之口有禹王臺相傳禹治水引沭水穿山而西恐其
害郟故築此臺遏水勢及明代毀臺取石修城以致數年來沭水
西流由郟城北會白馬河沂河等水入駱馬湖不惟沂郟宿嶧
各州縣歲受淹沒之害而駱馬湖黃河亦愈覺泛濫應於禹王臺
舊基處亦迎水用竹絡裝石堵塞內築土隄斷流令其仍舊由故

東華錄

康熙四十三

西

道入海非但駱馬湖黃河水勢得以減殺而郟沂宿嶧各州縣
亦可免淹沒再歸仁隄五堡減水壩被水衝壞議令修理臣查倒
壞漫溢之口不止一處若止修五堡減水壩仍然無益請暫停修
築得旨本內事情著扈從諸臣確議具奏○壬申 御舟次淮安
府○甲戌 上率扈從諸臣自七里開太平閘閱視高家堰一帶
隄岸閘壩願諸臣曰觀此隄岸頗為堅固此隄亦不可無減水壩
若將減水壩輕塞湖水勢大隄岸安無虞但舊隄之外更築重
隄實屬無益蓋湖面高隄勢卑若舊石隄果不能保以土新築之
重隄何足以遏之徒使石隄兩面皆受水耳凡事必親歷乃知爾
等其詳加閱視又諭諸臣曰前總河王新命奏言天長盱眙六合
等處雨水皆自洪澤湖入高郵諸湖湖水漸溢田廬往往淹沒聞
天長盱眙六合舊有河通江其形尚存今若疏濬此河使諸處雨
水歸之於江則淮流減而不溢隄岸不至衝決下河之水亦少而
易矣朕於治河之事究心年久蓋黃淮水勢相敵則清口刷而
海口開淮水弱則黃水倒灌湖底淤墊隄勢危而海口閉塞矣此
千古不易之定理先年因高家堰衝決淮水東流無敵黃之力黃
水倒灌湖底淤墊海口閉塞此其實驗也高家堰既有減水壩不
可又令分流使淮河水弱但遇大澇之年淮水盛漲出清口不及
則隄必受傷故朕意以王新命所奏亦有可行何則通江之河若
果挑濬必於淮水會合之處修置板閘苟淮水盛漲則啟閘以分
其流黃淮均敵則閉閘不令旁溢如此庶可無患矣○乙亥尚書
張玉書圖訥蘇赫左都御史馬齊侍郎賽弼漢席爾達張英徐廷
璽河道總督王新命等會議中河事奏言從前挑濬中河原避黃
河一百八十里之險且束散漫之水使不致淹沒民田止因黃河

偏近不便挑寬應將中河無庸另議其駱馬湖減水三壩應如張玉書等所奏將二壩之水令流入中河其一壩之水留在遙隄之外令流入海至張玉書等奏駱馬湖入黃河口建減水壩二座支河口建開一座中河北隄建修減水壩三座俱應停止如王新命所議行 上曰爾等奏言駱馬湖三減水壩以二壩水歸中河其一壩令水從遙隄外入海不致淹損民田否張玉書等奏曰遙隄外向有通流故道可無淹損 上曰所建諸壩爾等議用竹絡盛石可保永遠乎王新命奏曰若建石壩所費不貲不如竹絡費省易成且臣鄉川江泛濫亦常用此奏效 上曰中河之水取資於駱馬湖汝欲修禹王臺禦流入駱馬湖之水僅遇大旱之歲中河不至淺涸否王新命奏曰湖水甚大似可無慮 上又問諸臣曰中河偏近黃河水泛漲恐為中河害奈何圖訥奏曰清江浦諸

東華錄 康熙四十三 五 處隄岸與黃止隔一綫從來亦未有衝決 上又顧王新命曰中

河工尙未成善後事宜爾須留心隨處修治遙隄減水壩所關尤要天時旱潦不齊爾當相其緩急先時整理至於黃河險工靳輔修減水壩令水勢回緩甚善王新命奏曰 聖諭至當臣當竭力奉行○丙子叙平楚逆夏逢龍功給湖廣提督徐治都辰州副將郭忠孝各一拖沙喇哈番餘遷擢有差○贈湖廣陣歿守備孟泰官廕○庚辰以盛京旗民日增事繁員少添刑部郎中二員外四筆帖式十四○以馬如龍為浙江按察使由杭州府知府遷○乙酉 上

中監箭官及中式人一併從重治罪○馬世濟有疾休致以董訥為漕運總督由兵部右侍郎遷○戊子諭大學士等朕巡行南省閱視河道江南淮安諸地方自民人船夫皆稱譽前任河道總督靳輔思念念不忘且見靳輔濬治河道上河隄岸修築堅固其於河務既克有濟實心任事勞績昭然著復其原品○辛卯以王維珍為兵部右侍郎由左副都御史遷○壬辰以杜臻為刑部尚書原任工部尚書○先是兵部議御史錢三錫請定武闈條例一疏以馬箭中三箭步箭中二箭者為合式奉旨馬箭弓刀等項俱已合式惟因步箭中不及兩箭不准合式似屬屈抑著再議至是議步箭雖未中式其射法精善者亦准考取至比箭之時應令內大臣都統內閣大臣與臣部公同監試庶善射者不致遺漏得旨嗣後武鄉會考試馬箭以中四箭為合式步箭以中一箭為合式餘依議○丁酉以吳璵為左

東華錄 康熙四十三 六 副都御史原任○增設八旗火器營操練官各五員每旗副都統一員兼領之

閏三月戊戌朔以阿山為戶部右侍郎由左副都御史遷○吏部右侍郎王封滌丁母憂命回籍守制○乙巳 上御經筵○以郭琇為吏部右侍郎由內閣學士遷○丁未免河東今年鹽池課命江浙閩廣諸海關毋征漁人稅○戊申以舒恕為左副都御史由少詹事遷○壬子以顧汧為內閣學士由翰林院侍讀學士遷○予安親王岳樂祭葬立碑諡曰和○丙辰 上啟鑿謁 陵○戊午 上謁 暫安奉殿 孝陵至 仁孝皇后 孝昭皇后陵奠酒○己未 上復謁 暫安奉殿回鑾○辛酉 上還京師○壬戌 上御中和殿受玉牒○癸亥以早命阿蘭泰徐元文同三法司清刑獄

夏四月戊辰以李迥為左副都御史由通政使遷○乙亥頒 御製孔

子贊序及顏曾思孟四贊命翰林官繕寫國子監摹勒分發直隸各省序曰蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰溯前徽堯舜禹湯文武達而在「兼君師之寄行道之聖人也孔子不得位窮而在下秉刪述之權明道之聖人也行道者勳業炳於一朝明道者教思周於萬世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摘筆而爲之贊曰清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振

東華錄

康熙四十三

七

玉集厥大成序書刪詩定禮正樂既窮象繫亦嚴筆削上紹往緒下示來型道不終晦秩然大經百家紛紜殊途異趣日用無踰堯牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勛哉令圖溯源洙泗景躅唐虞載歷庭除式觀禮器摘毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱高萬仞夫子之堂孰窺其藩孰窺其徑道不遠人克念作聖顏子贊曰聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍藏王佐之器曾子贊曰洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂成統緒修明訓辭子思子贊曰於穆天命道之大原靜養

動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠孟子贊曰哲人既萎楊墨昌熾子輿闢之曰仁曰義性善獨聞知言養氣道稱堯舜學辟功利煌煌七篇並垂六義孔學攸傳禹功作配○己卯先是 上以雨澤愆期命大學士等傳問九卿政事得失令詳議陳明至是大學士伊桑阿等奏九卿言 皇上仁恩浩蕩蠲免錢糧慎重刑獄諸事盡善臣等實無可言 上復傳諭曰自去秋以來雨雪不能霑足聞直隸山西山東以至江南浙江皆旱心甚憂之屢諭九卿或有未當之事及應行之事令其陳奏會不得一朕思政事失於下則災患應於上如影響然尚書洪範曰僭恒暘若蒙恒風若去歲將舊任諸臣罷斥甚多擇其有品有守者用之至於在外督撫司道等官近亦頗有令聞似應風雨以時以此觀之所關必在於上非

東華錄

康熙四十三

九

由他故諸臣肯值言乎至祈雨一事朕非不留意前此屢率諸臣禱於 天壇幸皆遇雨此天愛蒼生於朕毫無與焉目今諸臣誠心祈禱與朕祈禱無異若能切直言事是即所以召甘霖也朕自幼過勞知慮所及弗復如前目力不能書寫細字諸疾時作不離灼艾今一身之識見精力不敢自恃惟爾諸臣之勤慎是賴明示朕懷與諸臣其悉之○遣理藩院尚書阿喇尼散秩大臣吳巴錫歸化城扎薩克大喇嘛阿齊圖綽爾濟一等侍衛阿南達使厄魯特諭曰噶爾丹必問及巴圖爾額爾克濟農之事爾等但述丑年四月之約並言達賴喇嘛向亦遣使至西海及我使者定議令羅卜藏滾卜阿拉布坦與巴圖爾額爾克濟農等同居一處至今尙未同居且巴圖爾額爾克濟農雖在我地駐紮並未受彼歸順分爲旗隊況厄魯特喀爾喀交惡之後巴圖爾額爾克濟農請曰乘

此機會欲復我營但我兵器已易粟而食乞賜我等兵器亦會諭而遣之曰厄魯特喀爾喀向俱誠心朝請職貢朕未嘗異視但欲使兩國罷兵安生而已豈肯給爾兵器使爾與戎耶其以是答之將此等案卷俱錄之以往爾等閒論時當以己意語濟爾噶爾寨桑曰噶爾丹儻不奉詔則絕爾等每年進貢貿易之路厄魯特人眾必大失利矣阿喇尼等又奏噶爾丹有請安進貢貿易等使欲與臣等偕發臣等應令其同來 上是之賜噶爾丹敕曰朕統御宇內率土生民皆朕赤子一夫失所朕心憫焉雖窮鄉異域之民亦必撫養俾以安和各得其所前聞喀爾喀右翼扎薩克內自作亂兄弟屬裔多歸左翼其左翼扎薩克兄弟屬裔亦有歸右翼者喀爾喀兩翼七旗汗濟農台吉等皆累世職貢與本朝通好今彼兄弟互相吞噬特敕達賴喇嘛約同遣使諭令和好其享安樂達

東華錄

康熙四十三

九

舉遂與兵破喀爾喀其過在喀爾喀不在爾也爾本敬奉佛教之人雖焚喀爾喀地方廟宇毀其佛像朕亦不深責爾今喀爾喀爲爾所敗其汗濟農台吉等率舉國之人前來歸朕朕矜其流離窮困雖向非屬國而隨屬國之例誠心職貢且追念彼爲元之苗裔窮而來歸即以所屬待之朕統御天下來歸之人若不收撫誰撫之乎故受而安插於汎界之外其窮困人民賑以米糧而嚴責其興戎之罪復其汗濟農台吉之號以車臣汗之子仍襲爲汗朕興滅繼絕之念非特於喀爾喀已也諸國有窮迫來歸者朕皆一體撫養不但朕所行如此卽達賴喇嘛養育眾生之心亦與朕同伊若歸達賴喇嘛亦必如是撫之戰爭非美事展轉報復將無已時譬敵愈多亦不能保其常勝是以朕欲爾等解釋前讐互市交易安居輯睦永息戰爭特遣使齋旨前來汝果遵朕諭旨自今以後

東華錄

康熙四十三

十

各守疆界不與兵戎既不失輯睦之道爾兩國人民亦免塗炭朕普恤羣生俯念爾素不違旨特遣尙書阿喇尼等諭意又令伊拉古克三胡土克圖商南多爾濟等與達賴喇嘛使人同往○江西布政使多宏安按察使吳延貴以徇庇屬員革職○甲申河道總督王新命奏臣詳勘下河形同側釜丁溪草堰白駒等海口誠洩水要道自開岡門白駒二口以來勢雖疾趨東下但深淺不等尙未一律深通應速行挑濬惟目今已屆孟夏伏水將至白駒一工去海不遠潮水甚大草堰一工挑過無幾應俟今冬明春水退潮消刻期興作丁溪一口去海稍遠臣相度形勢自沈家壩至撈魚港及丁溪開下未挑工程次第先行挑濬至串場河爲西來諸水匯歸下丁溪草堰白駒等河入海之要道所有應挑三十七里已乘時趨挑下所司知之○乙酉以王樑爲江西布政使

由山東按察使遷

○丁亥轉王維珍為兵部左侍郎以吳璵為兵部右侍郎由左副都御史
遷○以蔣毓英為江西按察使由按察司副使○壬辰鄂羅斯遣使費要多羅等至尼布潮地方請議分界事宜 上復遣領侍衛內大臣索額圖等赴尼布潮就議○命臺灣鑄錢○喀爾喀台吉岳蘇圖阿海率所屬內附○以許三禮為左副都御史由順天府府尹遷
○甲午先是喀爾喀土謝圖汗等以米糧將盡續到二萬餘人不能贍給奏請賑濟 上命領侍衛內大臣伯費揚古等齎銀兩茶布前往散給至是論大學士等朕聞喀爾喀乏食有至餓死者深為軫念頃雖令費揚古等齎茶布銀兩採買牲畜賑其乏絕但採買尚需時日若不速發糧以拯之則死者愈多澤卜尊丹巴胡土克圖見有貿易聚駝百餘在張家口並內駟廠及太僕寺聚駝共發一百並張家口倉米星速運到散給計支一兩月間費揚古等東華錄 康熙四十三 王

所買牲畜可繼之矣如此則喀爾喀可活也其令侍衛吳達禮侍讀學士西拉牧廠侍衛太僕寺堂官戶部賢能司官各一員前往經理
五月壬寅以旱停修葺工程○乙巳以阿蘭泰為武英殿大學士由吏部尚書遷徐元文為文華殿大學士由戶部尚書遷○轉鄂爾多為吏部尚書麻爾圖為戶部尚書以顧八代為禮部尚書由侍讀遷○丁未以郭琇為左都御史由吏部右侍郎遷王隲為戶部尚書由浙江福建總督遷○以楊廷耀為山東按察使由濟甯道遷○戊申諭大學士等翰林院掌院一官職任緊要必文學淹通眾所推服者始克勝任凡翰林撰擬之文亦須掌院詳加刪潤然後成章朕觀邇來皆草率從事衙門事務墮廢殊甚聞明代大學士有兼管掌院之例大學士徐元文著兼管翰林院掌院學士事○庚戌大學士九卿等奏近聞山東河南

大雨霑足直隸大名諸府皆有雨京城昨晚亦已得雨 皇上於宮中日日虔禱朝夕做惕茹素修省憂勞過甚請稍舒 睿懷以頤養 聖躬 上曰朕可與他人比耶先人而憂後人而樂理固宜然近因久旱無雨憂勞過甚以致羸弱人或可欺天亦可欺耶日前祈雨朕雖未躬往而每次祈禱朕皆竭誠齋戒荷天之眷得降雨澤此後雨澤霑足朕庶解焦勞也又命禮部侍郎張英傳諭諸臣曰朕從來覽觀載籍備悉古帝王遇災修省之道所以深加做懼遇有災變即小心兢業朕之憂慮恒在眾人之先今畿輔地方亢旱日久念係根本之地故朕心甚為憂惕寢食靡甯耳可傳諭諸臣知之○壬子以李振裕為吏部右侍郎由內閣學士遷○以興永朝為福建浙江總督由偏沅巡撫遷○癸丑禮部奏雨澤愆期先後祈禱皇上當致齋之日齋居殿右兩餐進粥朝夕靡甯本月十四日東華錄 康熙四十三 王

雷電大作繼以甘雨萬口歡騰皆謂天心默佑自此霑足有期請聖躬調攝起居服御一切如常又查祈禱之後遇有雨澤必行報祭應照例舉行得旨屢經虔禱雨澤雖降尚未霑足朕焦勞猶甚所奏辭語太過著飭行○丙辰以鄭端為偏沅巡撫由安徽布政使遷○戊午以孫在豐為內閣學士由翰林院侍讀學士遷○壬戌禮部右侍郎張英等以編纂孝經衍義告成進呈 御覽得旨孝經一書 皇考世祖章皇帝以孝為萬事之綱五常百行皆本諸此命儒臣博採羣書加以論斷名曰孝經衍義朕繼述 先志時命纂修今書已告成著刊刻頒發以副 皇考孝治天下至意○癸亥理藩院奏前因喀爾喀厄魯特於邊境構兵奉 上諭蘇尼特四子部落毛明安吳喇忒鄂爾多 等旗共派兵六千俱令於沿邊形勝之地駐防又令歸化城兩旗派兵一千屯駐城內以備緊急調遣今

既傳聞厄魯特發兵二支一支從阿爾泰之後攻昆都倫一支從

達爾漢親王旗分之北前進應較去歲所發之兵量減其半仍令

前所派領兵王貝勒台吉等照常備之八旗遊牧之地所有察哈

爾兵內不論護軍驍騎選人材健壯者一千備之得旨著各在家

豫備以俟調遣○乙丑工部尚書翁叔元以遷葬乞假允之

六月丁卯以佟國佐為安徽布政使原任湖廣○甲申御史李時

謙奏弭盜事宜諭大學士等李時謙以盜案令文官舉報緝拏則

責之武官如此而盜賊可弭朕就根本處言之若果家給人足孰

肯為盜然託之空言則易行之實難朕自聽政以來早夜孜孜惟

以吏治民生為務凡事之可行與否俱加詳審文官管民凡巡察

鄉村嚴緝奸宄是其專責今若置之不論獨責之武官則州縣兵

少不但不足以緝盜即使業已緝獲文官審訊時又謂其誣良為

盜此豈可行者耶朕欲即降旨申飭恐言官畏懼不言此本不准

行○戊子轉鄭重為刑部左侍郎以高爾位為刑部左侍郎管右

侍郎事原任○都察院遵旨議覆給事中錢晉陽御史王君詔奏參

廣東廣西總督吳興祚鼓鑄淨冒戶部不行稽覈一案查吳興祚

先經題請鼓鑄銀兩就本省司庫支銀三十萬兩於康熙二十六

七兩年止奏銷十二萬九千餘兩餘銀十七萬餘兩並未奏銷又

戶部據咨私撥江蘇銀三十萬兩未經具題並無著落應將吳興

祚降三級調用其據咨撥給不行稽覈之原任戶部尚書科爾坤

見在尚書今升吏部尚書鄂爾多原任侍郎今升總督董訥見任

侍郎傅臘塔俱降二級調用得旨鄂爾多董訥居官尚優著帶所

降之級留任餘依議○壬辰調阿喇彌為盛京戶部侍郎由刑部

調○甲午以索諾和為吏部右侍郎由內閣

東華錄 康熙四十四

秋七月丙申以噶世圖為刑部右侍郎由左副都御史遷○己亥以石琳

為廣東廣西總督由雲南○庚子諭兵部軍罪犯人身故無子其

孤寡之婦仍留配所情實可矜著令回籍○以王國昌為內閣學

士由內閣侍讀○壬寅諭禮部奉 皇太后慈諭皇貴妃佟氏孝敬

性成淑儀素著鞠育眾子備極恩勤今忽爾遘疾勢在瀕危予心

深為軫惜應即立為皇后以示寵褒欽此九卿諸臣屢以冊立

中宮上請朕心少有思維遷延未許今祇遵 慈命立皇貴妃佟

氏為皇后應行典禮爾部即議以聞○癸卯冊立 皇貴妃佟氏

為 皇后頒詔天下○甲辰申刻 皇后崩 上輟朝五日○丁

未奉移 大行皇后梓宮至朝陽門外享殿 上親臨送○乙卯

初祭 大行皇后 上親臨舉哀是日 上除服○丙辰釋祭

大行皇后 上親臨舉哀○諭朕巡幸江南凡所經歷於編氓疾

苦必詳加體察如傷念切每需恩膏朕過邳州親見彼處田地多

為水淹耕耘既無所施賦稅於何取辦其見在被淹田畝應納地

丁及漕項錢糧俱行蠲免歷年逋欠亦盡予豁除該督撫即行出

示徧曉窮鄉仍不時廉察儻有仍行私徵者題參從重治罪以副

朕愛恤民生至意○遣官察畿輔旱災○丁巳以博際為內閣學

士由翰林院侍單壁為左副都御史由通政○戊午以王繼文為

雲南巡撫原任○庚申封 大行皇后父內大臣舅舅佟國維一等

公世襲○是月免陝西涇州雹災田租

八月壬申滿月祭 大行皇后 上親臨舉哀○癸酉 上巡幸

邊外啟鑿○丙子 上駐驛恩格木噶山賜居民白金○諭扈從諸臣前請王大臣以朕因歲旱之故抑鬱靡甯兼遇喪事體加勞瘁再三懇請行幸郊外以養朕躬朕允所請而行內地荒旱已遣官往察今觀口外田畝亦因旱歉收朕於此處貧民悉行補助又聞此地馬斃甚多恐無知者罔識朕心乃謂朕以遊嬉而來也諸臣叩首奏曰天下所賴以生者 皇上耳 聖躬大安則臣等不勝歡欣若有謂遊嬉而來者必非人類臣等仍叩請行幸邊外以養 聖躬報聞○丁丑 上駐驛富爾堅噶山○諭內大臣大學士等朕自春至今緣茲旱災無日不殷憂軫念近出口閱視更不堪寓目當此仲秋之時即以山核桃作粥而食若時屆冬春何以存活且聞諸蒙古所在亦然如此情形躬親目擊憂懼不能自止前於口外積糧特為眾蒙古計今蒙古牲畜目前尚可支持若

東華錄

康熙四十四

二

不豫給米糧則牲畜羸瘦至極窮困之時雖再議給賑無論彼不能承領此閒亦無術可以運致矣今擇賢能官分遣諸處察其實不能存活極困窮者一面令帶人夫車輛繫駝而來何旗於何口相近即以就近口上所收糧食量給之則所需之糧不至萬斛而眾蒙古之困苦可救糧食足而牲畜存漸遇豐年庶可得濟其集議以聞尋議差理藩院官前往會同各扎薩克等令於喜峯口古北口殺虎口張家口獨石口相近之處領賑再行文戶部於五口上豫備米糧確查蒙古貧人每口給米以五斗為率 上曰爾等議人給米五斗誤矣應遣蒙古侍衛及通蒙古語滿洲侍衛前往會同該王協理旗下事務台吉等明白清察窮人數目若干應給米若干可以度日虛細加詳算交與王台吉等贍養則速而且易王台吉等皆朕所信任之人有何不可信散米時令王台吉等親

身來領以巴林翁牛特二喀喇沁為一起二土默特敖漢奈曼為一起蘇尼特察哈爾八旗為一起扎魯特阿祿科爾沁為一起詳查實數散給○戊寅 上駐驛博洛和屯賜西巴爾臺居民銀米○己卯賜張三營居民銀米○甲申子故內閣學士孫在豐祭葬○戊子原任福建浙江總督王鵬奏日本商船應令停泊定海山道官察驗方許貿易 上諭大學士等此事無益朕南巡時見沿途設有臺座問地方官及村莊耆老據云明代備倭所築明朝末年日本來貿易大船停泊海口乘小船直至湖州原非為劫掠而來乃被在內官兵殺盡未曾放出一人從此弊端滋長設兵防備遂無甯期今我朝凡事皆詳審熟計務求至當可蹈明末故轍乎且善良之民屢遭水旱迫於衣食亦為盜矣武備固宜豫設但專任之官得其治理撫綏百姓時時留意則亂自消弭否則盜賊蠶

東華錄

康熙四十四

三

起為亂者將不知其所自來不獨日本也○是月免湖北鍾祥等六州縣沔陽衛旱災賦
九月戊戌 上駐驛拜察和洛賑喀爾喀台吉信順額爾克戴青等六旗○諭大學士等滿濟思哈碩色朱布爾哈什哈等並從寬免死照定例完結至求入內地之喀爾喀等互相殺奪若不速為安插漸致流亡今宜專遣大臣收集喀爾喀散亡之眾又諭昔太宗文皇帝以次收定四十九旗蒙古後欲全收北邊喀爾喀未及行而 太宗文皇帝賓天後蘇尼特騰機思懷恨奢王反入喀爾喀喀爾喀欲殺騰機思所我國公主騰機思向喀爾喀哭云爾如何負 太宗文皇帝仁恩殺我妻耶爾等欲殺我妻將我一併加戮如此堅執故我國公主未曾遇害今聞喀爾喀國內饑荒互相殺擄朕欲普天萬國皆得其所故特遣大臣收集流亡使安

插得所伊桑阿等奏曰 皇上聖諭誠天地覆載之心也○癸卯

上還京師○庚戌戶部議准郎中殷特等會同直隸巡撫于成龍奏臣等察勘直屬被災地方宜化廣平真定等府所屬被災十分者共四十四州縣衛所請將本年未徵錢糧豁免並發各屬所貯倉糧通行賑濟若米穀不敷動正項錢糧折米支給又保定順德大名順天河間等府五十六州縣衛所被災七八九分不等請照定例按被災分數酌免錢糧 上諭大學士等小民生計最多苦辛今人動稱耕九餘三談何容易農家終歲勤動幸遇有秋而穀價又賤欲辦八口衣食與來歲耕種之資猶恐不足安得寬然有餘一遇歉歲不免顛連困苦矣惟富饒業戶陳陳相接賤買貴賣每獲厚利然賴有富戶居積猶得散糶民間以濟荒歉若使盡為災黎其何以堪自古帝王生長深宮少知稼穡艱難與民疾苦

東華錄

康熙四十四

四

朕軫念民艱時常巡省周諮博訪悉知窮簷困踣之狀實可哀憐直隸被災地方本年未徵錢糧及康熙二十九年上半年錢糧俱應蠲免著候諭旨行○予故原任吏部侍郎張鵬祭葬○辛亥諭戶部朕勤求治理篤念民依欲使婦子幹甯用是頻蠲租賦若遇荒歉倍切焦思今畿輔亢陽播種愆期年穀不登民艱粒食旱災情形朕軫念已久夙夜殷勞顧此熒熒之民餬口尚不能給若更責以輸將必致流移失業朕甚憫焉其直隸未徵稅糧俱予豁免仍著免明年額賦之半○壬子大學士伊桑阿等進纂輯政治典訓式樣得旨朕御極三十年來惟兢兢祇畏常存始勤終怠之虞孜孜不已每思滿損謙益之戒今閱此書增愧於懷况比年不登民生未遂地震星變往往頻仍正當君臣上下協心同慮撫綏萬邦夙夜黽勉尙且不暇豈容自矜自伐以重己過違道取譽以務

東華錄 康熙四十四

虛名欲將此書停止編摩卿等其議之○左都御史郭琇奏為特

參近臣植黨營私招搖撞騙罪有可誅仰請乾斷事如原任少詹事高士奇左都御史王鴻緒等試約畧一二為 皇上陳之高士奇出身微賤其始也徒步來京覓館為生 皇上因其字學頗工不拘資格擢補翰林令入南書房供奉不過使之考訂文章原未假之與聞國政為士奇者即當竭力奉公以報恩於萬一計不出此而日思結納諂附大臣攬事招搖以圖分肥凡外內大小臣工無不知有士奇之名夫辦事南書房者先後豈止一人他人之聲譽總未著聞何士奇一人而聲名赫奕乃至於此是其罪之可誅者一也久之羽翼既多遂自立門戶結王鴻緒為死黨科臣何楷為義兄弟翰林陳元龍為叔姪鴻緒胞兄王瑱齡為子女姻親俱寄以心腹在外招攬凡督撫藩臬道府廳縣以及在內之大小卿

東華錄

康熙四十四

五

員皆王鴻緒何楷等為之居停哄騙而資緣照管者餽至成干累萬即不屬黨護者亦有常例名曰平安錢蓋士奇供奉日久勢焰日張人皆謂之門路真而士奇遂自忘乎其為撞騙亦居之不疑曰我之門路真是士奇等之奸貪壞法全無顧忌其罪之可誅者二也光棍俞子易在東肆橫有年惟恐事發潛遁直隸天津山東洛口地方有虎坊橋瓦屋六十餘間價直八千金餽送士奇求託照拂此外順成門斜街並各處房屋總令心腹出名置買何楷代為收租打磨場士奇之親家陳元師夥計陳季芳開張段號寄頓各處賄銀資本約至四十餘萬又於本鄉平湖縣置田產千頃大興土木修整花園杭州西溪廣置園宅蘇松淮揚王鴻緒等與之合夥生理又不下百餘萬竊思以貧餬口之窮儒而今忽為數百萬之富翁試問金從何來無非取給於各官然官從何來非侵

一一三

國帑卽剝民膏是士奇等真國之蠹而民之賊其罪之可誅者三也 皇上聖明洞悉其罪止因各館史書編纂未完著解任竣事矜全之恩至矣極矣士奇乃不思改過自新仍怙惡不悛當 聖駕南巡時 上諭嚴誠餽送定以軍法治罪誰敢不遵惟士奇與王鴻緒暨不畏死卽准揚等處王鴻緒招攬府廳各官約餽黃金潛遣士奇准揚如此則他處又不知如何索詐矣是士奇等之欺君滅法背公行私其罪之可誅者四也更可駭者王鴻緒陳元龍鼎甲出身竟不顧清議爲人作壟斷而不以爲恥且依媚大臣卽人之所不屑爲者亦甘心爲之而不以爲辱苟圖富貴傷名敗教豈不玷朝廷而羞當世士哉總之高士奇王鴻緒陳元龍何楷王碩齡等豺狼其性蛇蝎其心鬼域其形畏勢者既觀望而不敢言趨勢者復擁戴而不肯言臣若不言負罪滋大故不避怨嫌仰請

東華錄

康熙四十四

六

立賜罷職明正典刑人心快甚天下幸甚得旨高士奇王鴻緒陳元龍俱著休致回籍王碩齡何楷著留任該部知道○冊諡 大行皇后曰 孝懿皇后

冬十月乙丑內閣學士拜禮以病乞假允之○辛未諭議政大臣等喀爾喀來降者飢困已極自相劫掠應速置扎薩克遣賢能蒙古王台吉等曉示法度收集離散爾等其確議以聞尋議喀爾喀扎薩克內有已至者有未至者除左翼土謝圖汗澤卜尊丹巴墨爾根濟農羅卜藏台吉等分編旗隊之處暫置不議外左翼車臣汗協理納木扎爾額爾德尼濟農益楚克伊爾登濟農車臣伊爾登濟農洪俄爾戴青台吉車卜登額爾克台吉信順額爾克戴青所屬敖巴額爾克阿海台吉右翼白蘇特察罕巴爾車臣台吉額爾德尼哈灘巴圖爾台吉等皆大台吉也俱宜授爲扎薩克仍存

其額爾克名號又陸續來降額爾沙布隆胡土克圖所屬阿爾達兒諾爾卜等扎薩克俱未到各隨彼所願歸旗分收附俟扎薩克到日再議至土謝圖汗所屬齊巴克台吉之夥伴等皆令併與土謝圖汗及信順額爾克戴青其車臣汗之信順額爾克戴青等俱照四十九旗編爲旗隊於陰山後各旗蒙古賢能都統副都統長史參領之中每一扎薩克選二人與派出之蒙古王等帶去令其駐紮彼地以來年草青時爲期指示法禁如四十九旗一例施行喀爾喀所居遙隔應以車臣汗爲兩路信順額爾克戴青爲一路敖巴額爾克阿海台吉察罕巴爾爲一路車臣台吉額爾德尼哈灘巴圖爾台吉爲一路遣行所遺蒙古王台吉與理藩院大臣官員候 皇上簡用至彼處明諭扎薩克等限來秋各將散失之人盡行收集若過期卽給與收養之旗分儻仍有應授扎薩克等

東華錄

康熙四十四

七

卽會同扎薩克列名奏聞該衙門注冊其車臣汗之信順額爾克戴青等向係扎薩克伊等所屬後授小扎薩克如有大事仍令稟聞完結右翼扎薩克察罕巴爾額爾德尼哈灘巴圖爾車臣台吉等其舊扎薩克未到伊等事件卽令伊等自行完結得旨車臣汗之兩路著爲一路遣土謝圖親王沙津台吉喇布坦台吉巴忒馬什侍郎文達去信順額爾克戴青敖巴額爾克阿海台吉爲一路遣達爾漢親王諾內台吉畢力克圖台吉德木楚克郎中布彥圖馬迪去察罕巴爾車臣台吉額爾德尼哈灘巴圖爾台吉爲一路遣台吉多爾濟思希卜台吉吳爾圖納蘇圖副都統馬錫侍講學士達虎郎中巴扎爾去賜喀爾喀曰朕統御宇內撫育萬邦率土人民皆我赤子儻一夫失所朕心惻焉雖窮荒異域之民亦撫養使人各得和樂此朕本意也前聞喀爾喀兩翼之汗濟農台

吉等互吞屬裔不相親睦恐兄弟不合異日必致有侵陵之禍特遣尙書阿喇尼台吉巴忒馬什等會盟令爾兄弟誓和後果以不和之故與厄魯特噶爾丹交惡相攻爾爲所敗棄其妻子土地屬裔牲畜迫而來歸朕念爾歷世誠心職貢不忍爾之散亡安插於汛界內外賑其窮餓令爾汗濟農台吉等安集如故以車臣汗之子襲其汗號朕暫留爾等收集散亡俟厄魯特事定之日仍歸故地駐牧今見爾等並無法度不能約束以強陵弱自相劫奪儻不速行曉諭定法督察則汝見在人民益至離散矣是以將車臣汗旗下納木扎爾額爾德尼濟農益楚克伊爾登車臣伊爾登濟農洪俄爾戴青台吉車卜登額爾克台吉信順額爾克戴青旗下敖巴額爾克阿海台吉右翼白蘇特察罕巴爾車臣台吉額爾德尼哈灘巴圖爾台吉等增設扎薩克收集離散之眾分爲旗隊以便

東華錄

康熙四十四

八

督察禁止盜賊妄行教以法度特令土謝圖親王沙津達爾漢親王諾內台吉多爾濟思希卜等齋敕諭扎薩克王等旗下都統副都統長史等官每扎薩克著一員駐至來年草青之時示以規模安插前去爾等自今以後果能欽遵朕旨謹守法度寇盜不興禍亂不作爾等遺民漸次得所庶副朕撫育歸降愛養羣生至意○以西拉爲內閣學士由內閣侍讀學士遷○吏部議左副都御史許三禮奏參原任刑部尙書徐乾學革職之後留戀長安以修史爲名與高士奇招搖納賄並其子徐樹穀違例考選奉有徐乾學回奏之旨今據徐乾學回奏臣從前具本辭職蒙 皇上隆恩留京充各總裁並非私行潛住臣子徐樹穀考選時亦係請旨准行非敢違例查徐乾學係奉旨留充各館總裁徐樹穀亦係請旨考授御史其與高士奇招搖納賄之處並無實據許三禮所奏不實應降二級

東華錄 康熙四十四

調用得旨許三禮著降二級從寬留任○癸酉先是御史張星法奏參山東巡撫錢珏貪惡穢迹 上命錢珏明白回奏錢珏奏臺臣所參諸款毫無影響不知何所從來後接御史盛符升寄臣書始知臺臣張星法所參皆左都御史郭琇吏部侍郎王鳳昌之指使蓋郭琇會以私書致臣屬薦山東知縣教諭等官臣概不允王鳳昌會以臣訪摺豪民手書求寬臣亦拒絕因而觸怒捏造虛款屬託臺臣以致無罪被糾事下吏刑二部及都察院嚴審至是刑部等衙門審據郭琇供稱並未屬託張星法奏參錢珏但會寄私書與錢珏屬薦知縣等官應革職擬杖折贖其私書同列名之太常寺少卿趙崙御史鹿廷瑛馬光郎中高啟元並應革職據張星法供稱並未聽郭琇私屬奏參錢珏但張星法差段惟永往山東訪問錢珏款迹據段惟永供稱會聞張星法有本堂郭琇令參錢

東華錄

康熙四十四

九

珏之語張星法亦應革職擬杖折贖御史盛符升自爲言官將糾參錢珏之處寄書錢珏不合應降三級調用王鳳昌所寄錢珏原書錢珏並未首送應俟交刑部之日再議得旨郭琇本當依擬處分念其鯁直敢言屢經超擢從寬免革職治罪著降五級調用張星法降二級留任凡言官理應各盡職業不得扶同結黨趙崙鹿廷瑛馬光高啟元居官無所表見乃依郭琇同致私書明係黨附殊爲可惡俱革職流徙奉天地方盛符升降三級調用錢珏既接私書彼時不行奏聞今被糾參始行舉出殊屬不合著以原品解任餘依議○大學士伊桑阿等奏政治典訓一書前奉諭停止編纂臣等再三集議自二帝三王迄明洪武歷代紀載皆有成書仰惟 皇上聖德神功超前軼後美不勝書懇賜仍行編纂昭示臣民得旨政治典訓朕欲停止編纂覽卿等奏歷代俱有成書懇請

一一三三

仍行纂修著依議行○甲戌奉移 孝懿皇后梓宮往山陵 上親臨送○戊寅諭大學士等山東紳衿最稱桀驁且好結朋黨巡撫宜簡用風力之人著以內務府總管佛倫補授○庚辰 上親謁 暫安奉殿 孝陵至 仁孝皇后 孝昭皇后陵奠酒是日

孝懿皇后梓宮至山陵奉安享殿○辛巳免盛京興京屯莊旱災田租發粟贍兵士食○壬午發帑金三十萬兩賑畿輔○諭直隸巡撫于成龍直隸地方朕屢蠲免錢糧百姓竟無起色今年亢旱比往年更甚朕在深宮俯念民生苦困衣食艱難宵旰焦勞時欲流涕業經遣官察賑復與蠲免正供地方大小各官遇此荒年束手無策於民何益爾等受國厚恩為民父母甯獨不愧於心當思良法使貧民不填溝壑以副朕軫念閭閻至意○甘肅岷州衛邊外生番黃高僧登燭堅錯率番目部眾內附○湖廣巡撫楊素

東華錄

康熙四十四

十

蘊以病乞休得旨楊素蘊居官並無善狀被災處所不親行察勘託病求罷殊為可惡著革職○癸未葬 孝懿皇后 上駐蹕湯泉○副都御史許三禮奏為特參大臣紊亂國制肇釁開端謹據實題參仰期嚴敕窮究以杜專擅之漸以垂永久之制事竊惟聖朝律例三品大臣子弟不許考選科道獨原任刑部尚書徐乾學瞻恃胞弟徐元文 欽點入閣勢燾成例遣子赴考見在補職臣屬堂官具奏題明蒙 皇上著乾學明白回奏乾學將自己潛住招搖穢迹欲以奉旨留京一語蓋之徐樹穀違例考選指稱吏部題請閣臣奏明等語鉗制言官要之 皇上之留徐乾學者留於史館辦事豈留於地方招搖物議沸騰閣臣之奏明者不過奏避閱卷之嫌疑豈有題破歷來之定例今乾學不引咎悔過反執吏部閱臣之請雕琢字眼粉飾要旨欲坐臣以指參不實之咎而

使樹穀仍居御史之職明欲肇釁開端紊亂國制專擅之漸不取不防更奇者徐乾學律身不嚴教子無方穢跡昭著有案可據尚敢肆口妄言好講忠孝大義希圖簧惑 聖聰不得不列款糾參懇乞窮究逐件刑訊並嚴敕吏部將題請徐樹穀與考之疏閣臣啟奏之疏檢發會議以服眾心所有贓款列於左一乾學於丁卯鄉試戊辰會試在外招搖門生親戚有名文士各與關節務期中式有蘇州府貢生何焯往來乾學門下深悉其弊特作會試墨卷序文寓言諷刺乾學聞知即向書鋪將序抽毀屬託江蘇巡撫訪拏何焯至今未結一乾學發本銀十萬兩交鹽商項景元於揚州貿易每月三分起利本年七月閒著伊孫塔史姓家人李相押同景元於八月二十四日到京算帳共結算本利一十六萬兩又布商陳天石新領乾學本銀十萬兩見在大蔣胡同開張當舖其餘

東華錄

康熙四十四

十一

銀號錢桌發本放債違禁取利怨聲滿道一乾學以門生李國亮為江蘇按察使代為料理國亮差劉管家送銀一萬兩交乾學管家吳子彥吳子章收遇節送銀四百兩小禮銀四十兩生日送銀一千兩吳子彥為張洪事發逃回俱子彥胞弟子章收伊弟元文入閣辦事國亮差劉管家送賀禮五千兩交吳子章收繳一乾學認光棍徐紫賢徐紫書二人為姪通同扯緯得贓累萬紫賢紫書見造爛面胡同花園房屋書辦之子一朝富貴胡為乎來乾學之贓半出其手一乾學伊弟拜相之後與親家高士奇更加招搖以致有去了余秦檜來了徐嚴嵩乾學似龐涓是他大長兄之謠又有五方寶物歸東海萬國金珠貢澹人之對京城三尺童子皆知若乾學果能嚴絕苞苴何以加此醜語耶一乾學遣弟徐宏基徧游各省名為抽豐獨於河南磁州彰德等處久戀一載有餘放賭

宿妓良民受苦怨聲載道一乾學實憲臣傳感丁在京房屋一所價銀五千五百兩買慕天顏無錫縣田一萬頃京城繩匠胡同半截胡同南橫街新造房屋甚多不能枚舉蘇州太倉崑山吳縣長洲常熟吳江等州縣俱係徐府房屋山地一乾學之子徐樹屏徐樹聲於甲子寅緣中式弊發黜革行止有虧莫此為甚以上各款百未盡一伏乞立賜處分云云得旨許三禮身為言官凡有糾參自應據實指陳前參徐乾學奏內不一併指出乃於部覆議處之後復行列款具奏明係圖免己罪著嚴飭行該部知道○乙酉禮藩院尚書阿喇尼自厄魯特歸奏臣等八月初七日抵厄魯特噶爾丹之地頒敕書賞物畢臣等與噶爾丹行抱見禮既坐問臣曰爾即來盟噶爾喀七旗之尚書耶曰然又問云爾去歲往包核碩地方以何事去亦有兵否臣答曰鄂羅斯察罕汗以東方邊境之

東華錄

康熙四十四

十一

覆奏疏授臣等語之曰達賴喇嘛使人及伊拉古克三胡土克圖等亦爲此事將至亦以此語覆之抑或有他語乎丹濟拉以其汗之言來覆曰達賴喇嘛所言之事若與 皇上敕諭相同我自無他說也二十四日噶爾丹西向游牧臣等於次日起行而歸得旨厄魯特噶爾喀皆職貢之國頃者兩國交惡相攻朕不忍見伊等無知爭殺不得安生特遣大臣開導曉諭仍前和好今噶爾丹稱聖上洪恩惠育眾生欲使和協共享太平我亦與其中聖上指

東華錄

康熙四十四

十一

事奏請會議 聖上遣我往諭所攜兵僅及二千而已中途值汝厄魯特與噶爾喀之亂 聖上聞之念厄魯特噶爾喀交戰我等經行汝等必各疑爲援兵故令駐境上今年復遭議此事語畢乃饗臣等本月十八日噶爾丹招臣等入其廬屏人言曰 聖上洪仁惠育羣生欲使協和共享昇平我亦與其中也我身安樂之策孰者爲善伏祈 聖上指示願得遵行但澤卜尊丹巴士謝圖汗等首亂無故起兵殺扎薩克圖汗及得克得黑墨爾根阿海達聖上之旨前此再三陳奏爲此兩人耳臣等答之曰澤卜尊丹巴士謝圖汗等窮迫亡命來歸我 皇上爲統馭天下中國之主此

十一月丙申 上還京師○辛丑諭大學士內務府總管等朕因 皇太后所居 南壽舊宮歷年已久特建 新宮比舊更加宏敞輝煌今已告成應卽恭奉 皇太后移居可傳諭欽天監敬謹選擇吉辰禮部詳考典禮以聞○乙巳 上幸南苑行圍○癸丑上還宮○甲寅諭戶部朕念小民衣食惟田畝是賴必年穀順成斯生計無乏若遭罹荒歉餽粥尚且艱難正賦安能輸辦今年湖北亢旱爲災已遣官會同該督察勘今據將武昌等府所屬二十九州縣八衛所災傷分數勘明具奏朕心深用軫念儻不亟蠲恤恐致流移失所武昌等四府今年錢糧前已全蠲其被災二十州縣四衛所康熙二十九年上半年地丁錢糧著與蠲免荆州安陸二府所屬被災九州縣四衛所本年地丁錢糧除已徵在官外其未經徵收及二十九年上半年錢糧亦盡行蠲免爾部迅行該督通行曉諭務使均沾實惠以副朕拯濟窮黎至意如民人或致

流散不肖官役蒙混侵蝕及仍行私徵者將該督撫一併嚴加處分○丙辰厄魯特額林台吉奏臣父楚虎爾吳巴錫乃厄魯特胡他蓋圖哈爾呼喇第三子也楚虎爾吳巴錫生子五人長子班第為噶爾丹所殺次子阿南達三子羅卜藏胡土克圖四子勞章俱歿五子額林臣即臣也臣親兄班第長子多爾濟塞卜騰在噶爾丹所次子即與巴圖爾額爾克濟農同居之愍都台吉也康熙十五年噶爾丹伐臣父楚虎爾吳巴錫執之殺臣親兄班第分取臣屬裔監守臣父子去歲厄魯特喀爾喀作亂交戰守臣之人乃臣屬下舊人為所分散者皆背噶爾丹而向臣臣得聞而攜臣子弟台吉十餘人弓箭手五百餘人計一千餘口來投 皇上臣父不能得脫見在噶爾丹所臣來至巴圖爾額爾克濟農額爾德尼和碩齊地方與臣兄子愍都台吉同居安插何地作何措置伏候

東華錄

康熙四十四

四

皇上加恩得旨額林臣台吉為噶爾丹所禁今逃出歸降其令與愍都台吉等暫且同居並令約束其下毋致盜竊生事○己未管理修書總裁事務原任刑部尚書徐乾學請假省墓並請以奉旨校讎之 御選古文會典明史一統志諸書帶歸編輯允之○庚申理藩院奏烏斯尼哈白塔住持喇嘛羅卜臧宜甯等稱伊師喇木占巴喇嘛復轉生於世祈請往聚議不准行 上曰蒙古之性深信謊言但聞喇嘛胡土克圖胡必爾汗不詳其真偽便極誠叩頭送牲畜等物以為可以獲福長生至破蕩家產不以為意而奸究營利之徒詐謂能知前生事惑眾欺人網取財帛牲畜敗壞佛教諸蒙古篤信喇嘛久已惑溺家家供養聽其言而行者甚眾應將此等詐稱胡土克圖者嚴行禁止○辛酉 孝懿皇后升祔奉先殿

十二月癸亥朔諭大學士等朕覽書籍邊外諸處各蒙古等在明代時屢侵邊境即伊各蒙古內亦互相戰鬪不得甯謐 太宗文皇帝統馭以來各蒙古皆安靜矣如朕所見三十年來各蒙古俱獲安生極其恬息彼等歡欣稱道謂從未聞有如此太平令朕諸蒙古安然共享昇平者皆出自聖恩所賜伊桑額等奏曰 皇上視天下百姓盡如赤子故使內外之民各得其所如此○乙丑諭戶部朕撫育烝黎務期休養閭閻疾苦時軫朕懷今總督范承勳奏雲南屯地錢糧自康熙二十一年至二十七年每歲拖欠懇請分年帶徵朕念雲南百姓前曾供億王師繼又遷移叛屬家口運送勞瘁本年正賦輸將尚屬艱難復令帶徵通租必致益滋困累著將歷年所欠屯賦銀七萬一千二百餘兩米麥等項十萬七百石盡行蠲免以示朕軫念民生至意○丙寅 皇太后移居 甯

東華錄

康熙四十四

五

壽新宮儀仗全設 上率王以下內大臣侍衛行禮○除長蘆新增鹽引課○戊辰以張英為工部尚書由禮部左侍郎遷○先是 上以江南儀真河開關繫運道命河道總督王新命江南江西總督傅拉塔漕運總督董訥詳閱議奏至是王新命等奏儀真河開為上江漕艘經由要道關外江口北新洲一帶俱係乾涸而北新洲之外又有沙漫洲平鋪於江中橫亘二三百丈難以築壩若自沙漫洲尾從北新洲復內向東北斜開引河以通四關不能保無坍塌似仍應挑北新洲舊河身直通四關一切糧艘令循沙漫洲尾轉入新河口可以通行其日久或有淤阻之處應聽河臣酌量挑濬下所司知之○辛未達賴喇嘛遣使善巴陵堪卜入貢請安且密奏言我起行時往達賴喇嘛所未見第巴出語我曰達賴喇嘛令奏 聖上但擒土謝圖汗澤卜尊丹巴胡土克圖昇噶爾丹則有

利於生靈此兩人身命我當保之奏入 上遣班雜爾喇木札木巴額木齊格隆等齎敕諭達賴喇嘛曰朕恭膺天命統御率土人民無分中外皆欲使之罷息征戰各享安樂以免散亡諸處之民有困窮來歸者必使之得所初無異視爾喇嘛承奉釋教濟度眾生朕與爾同一意也厄魯特喀爾喀向於朕為職貢之國亦供奉爾喇嘛為施主聞兩國交惡相攻朕與爾會同諭其罷兵使相和睦發敕遣使不啻再三此朕與爾念厄魯特喀爾喀相攻必有一家敗亡失所而欲止其戰爭同歸於好原非有偏徇一家之意也後厄魯特喀爾喀不從朕與爾之言竟至交戰喀爾喀敗窮極來歸朕受之安插邊塞內外給米糧牲畜以濟其困若等如往歸爾喇嘛想喇嘛亦必如是以養之也今爾喇嘛所遣使人善巴陵堪卜奏稱爾之言曰當擒土謝圖汗澤卜尊丹巴胡土克圖界噶東華錄 康熙四十四 六

爾丹伊等身命我當保之凡作君作師者濟窮繼絕乃不易之常經今如擒土謝圖汗澤卜尊丹巴胡土克圖而界噶爾丹是偏於一家矣朕與爾向來欲厄魯特喀爾喀相與和好之意安在乎朕與爾向來之意舉無所偏庇是以屢屢遣使往諭即今亦仍冀其和好也目下朕遣尙書阿喇尼使於噶爾丹據其所奏言噶爾丹敗於策妄阿喇布坦下人散亡畧盡又極饑窘至以人肉為食喇嘛使人亦曾到彼想亦聞之耶儻噶爾丹不得已而來歸朕亦當愛養之使其得所有執之以畀其讐者乎朕撫視萬邦有如一體意無偏徇者如此爾喇嘛行事利濟眾生想善巴陵堪卜所奏未必為喇嘛之言如果喇嘛之言何以不具疏來奏乎朕心疑之特撰敕遣諭著將此項原由明白具本回奏○壬申以李光地為兵部右侍郎由通政使遷○乙亥先是領侍衛內大臣索額圖等奏臣

等抵尼布潮城與鄂羅斯國來使費要多羅額禮克謝會議彼初猶以尼布潮雅克薩為所拓之地固執爭辨臣等以鄂嫩尼布潮係我國所屬毛明安諸部落舊址雅克薩係我國虞人阿爾巴西等故居後為所竊據細述其原委開示之因斥其侵犯之罪復宣諭 皇上好生德意於是費要多羅等及鄂羅斯國人眾皆歡呼誠服遂出其地圖議分界事宜共相盟誓永歸和好奏入 上命議政王大臣集議議政王大臣等奏應於議定格爾必齊河諸地立碑以垂永久勒滿漢字及鄂羅斯喇第訥蒙古字於上今雖與鄂羅斯和好邊界已定但各省有官兵駐防例應仍照前議於墨勒根黑龍江設官兵駐防至是遣官立碑於界碑曰大清國遣大臣與鄂羅斯國議定邊界之碑一將北流入黑龍江之綽爾納即烏倫穆河相近格爾必齊河為界循此河上流不毛之地有石大東華錄 康熙四十四 七

興安以至於海凡山南一帶流入黑龍江之溪河盡屬中國山北一帶之溪河盡屬鄂羅斯一將流入黑龍江之額爾古納河為界河之南岸屬之中國河之北岸屬於鄂羅斯其南岸之眉勒爾客之城盡行除毀雅克薩所居鄂羅斯人民及諸物盡行撤往察漢汗之地一凡獵戶人等斷不許越界如有一二小人擅自越界捕獵偷盜者即行擒拏送各地方該管官照所犯輕重懲處或十人十五人相聚持械捕獵殺人掠搶者即行正法不以小故沮壞大事仍與中國和好毋起爭端一從前一切舊事不議外中國所有鄂羅斯之人鄂羅斯所有中國之人仍留不必遣還一今既永相好以後一切行旅有准令往來文票者許其貿易不禁一和好會盟之後有逃亡者不許收留即行送還○以高起龍為安徽按察

使由貴州貴 ○戊寅以凱音布為倉場侍郎由內閣○轉王鳳昌

為禮部左侍郎以顧沂為禮部右侍郎由內閣○己卯諭大學士

九卿詹事科道等今歲京畿遇旱小民餬口維艱數經蠲免錢糧

散給賑濟而雨雪尚未及時朕心未安茲雖值新正上元令節朕

軫念小民生計彌切憂勤汝等亦宜體朕軫恤民生至意共加惕

厲時履乃心今當封印之時慎勿各圖逸樂每日皆齊集午門前

以救災恤民之道詳悉計議○戊子諭大學士等今歲直屬地方

亢旱穀未收穫民生困極被災九分十分之處錢糧俱經蠲免又

行賑濟惟七分八分被災者錢糧雖經蠲免恐有不能度日至於

窮困者一一賑恤可交與直隸巡撫于成龍速行察明以聞又諭

近直隸巡撫于成龍奏直隸地方被災之民蠲免錢糧又行賑濟

俱獲生計止有旗下莊頭度日維艱等語大臣官員及富家莊頭

東華錄 康熙四十四 大 其業主猶可給粟贍養若窮兵何能養及莊屯之人其被災州縣

居住旗人有不能贍養伊莊屯人口者亦應察明賑濟爾等可與

九卿酌議以聞○辛卯賑直隸蔚州廣昌等州縣饑○是月免江

西甯州等三十二州縣衛所旱災額賦有差○是歲朝鮮琉球來

貢○人丁戶口二千三十六萬三千五百六十八田地山蕩畦地

五百九十三萬一千八百一十三頃四畝有奇徵銀二千七百三

十七萬一千三百二十七兩有奇米豆麥六百九十五萬二百八

十一石有奇草二百二十五萬二千八百四十一束茶十五萬九

千八百一十五引行鹽四百三十五萬六千一百五十引徵課銀

二百七十六萬六千八百四十二兩有奇錢二萬八千九百九十

三萬六百五十有奇

東華錄

康熙四十五

臣王先謙敬

臣周潤蕃恭校

康熙二十九年庚午春正月辛丑諭內大臣等朕於國家政務竭

力勤求是非自任從不委於羣下如遷移吳逆之事索額圖奏稱

建議之人應請正法朕堅持獨斷必令遷移彼時十三省用兵數

載天下大事皆朕一人獨任亦曾推諉爾等乎前年湖廣兵叛眾

議紛紜朕謂此亦何難遂命綠旗兵丁即行勦滅又鄂羅斯之事

滿漢諸臣咸謂彼距中國道遠難以成功朕謂此事斷不可中止

即遣大臣前往遵朕指示而行鄂羅斯隨即款服朕未嘗自伐其

功但不似爾等稍有功績即有人代為表揚也朕乃萬姓之主惟

以兆庶未安此衷不能稍釋至於無知之人妄生議論朕毫不介

東華錄 康熙四十五 意也○癸卯諭大學士等戶部尚書麻爾圖為人甚懦不能如願

八代蘇赫各陳己見惟聽人之言而行著帶原降三級再降五級

隨旗效力○諭戶部朕撫御區宇夙夜孜孜惟期厚民之生使漸

登殷阜重念食為民天必蓋藏素裕而後水旱無虞曾經特頒諭

旨著各地方大吏督率有司曉諭小民務令多積米糧俾俯仰有

資凶荒可備已經通行其各省徧設常平及義倉社倉勸諭捐輸

米穀亦有旨允行後復有旨常平等倉積穀關繫最為緊要見今

某省實心奉行某省奉行不力著再行各該督撫確察具奏朕於

積貯一事申飭不啻再三藉令所在官司能俱體朕心實有儲蓄

何至如直隸偶罹旱災輒為補苴之術嗣後直省總督巡撫及司

道府州縣官員務宜恪遵屢次諭旨切實舉行俾家有餘糧倉庾

充物以副朕愛養生民至意如有仍前玩愒苟圖塞責漫無積貯

者將該管官員及總督巡撫一併從重治罪○甲辰諭戶部朕惟
阜民之道端在重農必東作功勤然後西成有賴畿輔地方去歲
荒歉已經蠲免錢糧特發帑金兼支倉粟賑濟雖小民餬口有資
其籽粒牛具恐多匱乏今時屆首春田功肇始若弗經營措給將
誤做載之期播種不齊倉箱何望直隸被災州縣衛所窮民有不
能自備牛種等項者該府督率有司勸諭捐輸及時分行助給務
令田疇徧得耕耨毋致稍有荒蕪八旗官兵皆倚屯莊收穫用以
資生若有被災貧乏耕作無力者該都統等通行各該佐領酌量
飲助牛種所有莊田勿致播種後時以副朕敦本勸農愛養兵民
至意○己酉大學士等奏前者 皇上以前明宮殿樓亭門名開
載一摺並 慈甯宮 甯壽宮 乾清宮妃嬪宮人及老嫗數目
摺子發出令臣等觀看並鈔錄存貯衙門又奉諭旨朕以天旱欲
東華錄 康熙四十五 二
省宮人及所用器物詳加查察因自來未嘗有餘故不能再減爾
等將前明宮中每年所用銀兩及金花鋪墊銀兩數目亦為察閱
臣等察前明宮內每年用金花銀共九十六萬九千四百餘兩今
悉已充餉又察前明光祿寺每年送內所用各項錢糧二十四萬
餘兩今每年止用三萬餘兩每年木柴二千六百八十六萬餘斤
今止用六七百萬斤每年用紅螺等炭共一千二百八十八萬餘斤
止用百萬餘斤各宮牀帳輿轎花毯等每年共用銀二萬八千二
百餘兩今俱不用又察前明宮殿樓亭門數共七百八十六座今
以本朝宮殿數目較之不及前明十分之一至前明各宮殿九層
基址牆垣俱用臨清甄木料俱用柞木今禁中修造房屋出於斷
不可已非但基址未嘗用臨清甄凡一切牆垣俱用尋常甄料所
用木植亦惟松木而已臣等以所察各條並 皇上發下摺子令

九卿詹事掌印不掌印科道官員徧觀諸臣皆曰 皇上凡百撙
節儉約臣等向所共知但未能詳悉今觀事減省至矣極矣又
禮云天子后立六宮三夫人九嬪二十七世婦八十一御妻此皆
有名數者至所使宮人婦女以數千計唐太宗乃有唐令主觀其
一次遣發宮人已及三千則其餘更有數千人可知今除 慈甯
宮 甯壽宮外 乾清宮妃嬪以下使令老嫗灑掃宮女以上合
計止一百三十四人可謂至少不獨三代以下所無雖三代以上
亦未有如此者 皇上節儉盛德誠超邁千古矣○調蘇赫為戶
部尚書以席柱為工部尚書由督捕○以王澤宏為內閣學士少
詹事○九卿等奏 皇上因天時亢旱宵旰焦勞 聖容清減恭
請調攝 聖躬以慰中外臣民之望得旨朕自臨御以來夙夜兢
兢勤求治理念切民依冀登安阜去歲畿輔旱荒雖經蠲租發帑
東華錄 康熙四十五 三
賑濟窮黎朕猶軫念未已卿等奏請調攝朕躬寬釋朕慮知道了
卿等職任俱關重要各宜恪體朕衷持廉秉公實心盡職毋得營
私結黨師生親友互相徇庇聽受屬託遇事推諉自圖便安務期
於國計民生實有裨益該部知道○庚戌以布彥圖為內閣學士
由郎中○兵部奏原任雲南總督趙良棟遵旨將隨征周應泰等效
力處察明咨部並求將隨征之人除周應泰等外其餘未經題敘
者亦許其察明具奏得旨趙良棟首倡進取四川又直抵雲南省
城止率伊標官兵奮勇克取得勝橋等要地偏近城郭立營勞績
茂著所屬官員亦俱同心隨征效力此奏內事情著九卿詹事科
道會議具奏○癸丑 上幸南苑行圍○以項一經為貴州按察
使由河南南○命賑山西太原大同饑○甲寅直隸巡撫于成龍
以井陘道員缺保舉湖廣武昌府知府武廷迺漢陽府知府戴夢

熊黃州府知府王輔請加採用部覆無庸議得旨用人之權關繫最爲重大于成龍收羅別省官員之心破壞定例將會經超擢歷年未久如許官員保題爾部不以爲非但稱無庸議殊屬不合且既云直隸好官甚多今並不能拯救饑民頻多流散如此則平日才能所辦何事武廷适等升轉著停止令其在任久遠效力○丙辰福建巡撫張仲舉奏宋儒朱熹祖籍江南徽州府之婺源其父朱松歷官閩土遂家於閩故有閩徽二派前明有世襲五經博士二員分主閩徽祀事今據朱濬呈稱係朱熹十八世嫡孫顯請承襲查舊典朱熹裔原有博士二員請將朱濬承襲五經博士以主閩派祀事下部議行○丁巳 上還宮○戶部議覆直隸巡撫于成龍奏直屬清苑等州縣賑濟饑民若米穀不敷請動正項錢糧賑濟應如所請又奏稱未報成災州縣間有饑饉民人請一體議賑應無庸議得旨未報成災州縣饑民著照該撫所題賑濟餘依議○己未調席珠爲督捕侍郎轉噶世圖爲刑部左侍郎以噶爾泰爲刑部右侍郎由通政使遷○以江西布政使王樑爲順天府尹○庚申喀爾喀土謝圖汗以所部六千餘人乏食請賑部議不准上命以獨石口倉粟每戶給以四斗遣理藩院戶部司官各一員會同土謝圖汗監視散給又車臣汗澤卜尊丹巴胡土克圖等俱以乏食來告前後千萬計 上皆命按口給之○ 上因噶爾丹肆掠喀爾喀命理藩院侍郎文達至喀爾喀墨爾根濟農所確覘噶爾丹情形

二月癸亥朔子故倉場侍郎洪尼喀祭葬○甲子議政王大臣等遵旨議覆安親王岳樂薨逝查順治八年岳樂襲封伊父郡王順治十四年恩封親王冊內並無世襲字樣今岳樂之子馬爾渾仍

應封爲安郡王得旨馬爾渾著襲封安郡王○以盧崇興爲江西布政使由廣西按察使遷○乙丑諭內閣九卿詹事科道等昨歲畿輔荒歉朕慮民食艱難或至流離失所既蠲除田租復特發帑金三十萬兩並動支常平等倉粟令該撫徧行賑貸蓋期災黎得所毋使離散也今聞通衢相近之民雖已獲霽恩澤而僻壤窮簷究不能以自存至於越鄉去土者甚眾夫小民流移若如此則司牧大吏所賑救者在耶前所發三十萬帑金未審如何散給所在人民有無轉徙應遣部院大臣往加詳察至於四方流民率多就食京師今年五城粥廠雖倍給銀米寬其日期但恐饑氓漸集無以備贍罔克均霑恩惠宜增設粥廠擇各部滿漢賢能司官俾親賑馬其會議以聞尋議覆遣部院堂官分爲四路察勘賑不實者參劾五城粥廠再添設五處各遣賢能司官親往散給每日給米二十東華錄

康熙四十五 五

石銀十兩並前五城原設粥廠俱令散至六月終止得旨著侍郎索阿和阿山席珠齊稽李振裕李光地王維珍徐廷璽分四路馳往巡察並遣滿漢賢能司官於五城增設粥廠賑濟○諭大學士等爾等所進明史朕已詳閱遠過宋元諸史矣凡編纂史書務宜考覈精詳不可疏漏朕於明代實錄詳悉披覽宣德以前尙覺可觀至宣德後頗多譌謬不可不察○丙寅 上啟鑾謁 陵○己巳 上謁 暫安奉殿 孝陵至 仁孝皇后 孝昭皇后 孝懿皇后陵奠酒○戶部遵旨議奏八旗不能贍養之莊屯人口及窮官護軍撥什庫兵等之莊屯人口共二萬二千四百二十八人每人給米一石至於孑身寡婦退甲護軍撥什庫及無馬甲止給一兩錢糧者其家口莊屯人口共六萬三千七百一十九人每人亦給米一石得旨此等人口俱應給米糧可令速給之○庚午

上謁 暫安奉殿 孝陵奠酒回鑾○先是直隸地方雨雪未敷
上軫念民生日夜焦勞沿途見耕種農民即遣人訪問是日自
早至夜半時雨大沛 天顏有喜顧扈從諸王大臣曰得此雨澤
既種之田固可發生未種之田亦可耕種朕甚喜慰諒爾等之心
亦同也○辛未命理藩院尙書阿喇尼左都御史馬齊爲議政大
臣舊例理藩院尙書左都御史皆不與議政至是著爲令○戶部
議准浙江巡撫張鵬翮奏定海山即古昌國縣原有富都金塘蓬
萊安期四鄉至明代去三鄉止存富都即今之定海山茲據民金
廷清等認墾金塘蓬萊二鄉田地應准其開墾成熟照例起科從
之○癸酉 上還京師○甲戌 上御經筵○內閣九卿詹事科
道等以雨澤霑足具奏稱慶 上曰諸臣稱雨澤霑足固當歡悅
但去年大旱民困未蘇其填溝壑者不知凡幾矣昔漢文帝爲三

東華錄

康熙四十五

六

代以下令主賈誼猶以處厝火積薪之上而謂無危爲喻以今較
之如火已然可無慮乎且今雖得雨不知夏秋若何其當遠慮深
思愈加軫恤何得稱慶○乙亥大學士等遵諭問九卿河工官員
應否揀選補授據九卿云河工事宜應用諳練人員向因河臣揀
選題補恐生屬託之弊故臣等議停今思河務甚爲緊要請仍令
河臣題補 上曰河工爲漕運民生所繫凡應修之處若不豫修
則河隄一決害民甚大或所修不固一經潰決監修官屬獲罪非
輕是職司河務官員所得者少所失者多爲利則輕爲害則重自
今河道官員可令該督揀選補用○調李鈞爲廣西按察使以王
毓賢爲湖北按察使由山西河○己卯江南江西總督傅拉塔奏
江南百姓感戴 聖恩起造龍亭建立石碑其碑文進呈 御覽
上曰蠲免錢糧原欲使小民物力稍舒漸登殷阜前已頒諭旨

民間建立碑亭頌揚德意雖出羣黎愛戴之誠但恐致煩民力嗣
後地方官員不得借端修葺碑亭以滋擾累○命發常平倉穀賑
濟江南邳州睢甯等八州縣並徐州衛被水饑民○壬午議政王
大臣等會議安親王岳樂之子馬爾渾已襲封郡王查定例親王
一子封世子其餘子封貝勒郡王一子封長子其餘子封貝子又
親王庶出子授爲輔國將軍郡王庶出子授爲奉國將軍岳樂所
封親王並非世襲其子岳希原封僖郡王袁端原封勤郡王吳爾
占原封貝勒塞冷額塞布禮原授輔國將軍塞冷額之子僧額原
授奉國將軍俱照岳樂親王之爵封授似屬太過今馬爾渾既襲
郡王應照定例將岳希袁端吳爾占封爲貝子塞冷額塞布禮授
三等奉國將軍僧額授奉恩將軍得旨岳希仍留郡王其子襲封
時應照貝子例封授袁端吳爾占著封爲貝子塞冷額塞布禮仍

東華錄

康熙四十五

七

留原職○甲申九卿等議覆原任雲南貴州總督趙良棟親領兵
馬在雲南地方攻取城池勞績顯著應作何加恩伏候 上裁其
所題白守仁等止稱隨征效力並未照例指名保題應移咨趙良
棟令其詳察俟保題咨送到部注冊錄用瞿洪升張友成等雖投
誠後有效力加功之處例不應用其所請注冊錄用無庸議得旨
趙良棟由四川進雲南時破賊取城效力甚多可給與拜他喇布
勒哈番瞿洪升張友成等亦同伊行走俱准其錄用餘依議○丁
亥轉李振裕爲吏部左侍郎調趙士麟爲吏部右侍郎由督捕調○戊
子以陳廷敬爲左都御史原任吏部尙書
三月壬辰朔戶部議覆直隸巡撫于成龍巡鹽御史江縈奏請蠲
新增天津鹽引課餉查康熙十七年御史傅廷俊條奏增加遵行
已久應無庸議得旨新增天津鹽引可如該撫等所題蠲免○禮

部右侍郎顧汧丁父憂命回籍守制○以許三禮為督捕侍郎由副都御史遷○諭理藩院尚書阿喇尼等今喀爾喀汗等率眾來降應令四十九旗與之會同大閱其令議政王大臣等集議尋議覆皇上聲教遠被喀爾喀土謝圖汗車臣汗及諸濟農台吉等皆傾心來歸應出臨大閱永使安輯其四十九旗會閱之事今歲暫停俟來年照例與喀爾喀會閱得旨著於七月舉行餘如議○乙未禮部等衙門議准御史徐樹穀奏請纂修 三朝國史得旨 太祖太宗肇造丕基永垂謨烈神功聖德千古莫倫 世祖統一寰區宏開景運治化綦隆光昭天壤且當時動舊翊贊勤勞若不及時彙輯成書恐歲久人湮諸臣事蹟致有闕畧依議即行編纂昭示奕禩應行事宜著內閣翰林院會同詳議具奏○庚子以王澤宏為禮部右侍郎由內閣學士遷王士正為左副都御史由少詹事遷○壬寅東華錄 康熙四十五年 八寅伊拉古克三胡土克圖奏臣等十二月初五日至他米爾之北齊勞圖河之兩岸俱有噶爾丹兵馬蹤迹與濟隆胡土克圖尾之前往令商南多爾濟歸奏求給行糧運至軍前 上命運殺虎口倉米三十石隨商南多爾濟前往○癸卯先是理藩院以大閱事奏遣司官二員乘驛赴阿南達文達所豫調俄僕土喇等處駐紮之喀爾喀台吉集兵設站以待至是商南多爾濟歸奏噶爾丹情形 上諭理藩院尚書阿喇尼爾等昨議遣司官二員尚未前往今著一員至鄂爾多斯發兵一千五百以貝勒松阿喇布率之一員至歸化城發兵五百喀爾喀達爾漢親王及四子部落共發兵一千以達爾漢親王諾內率之檄侍郎文達令豫發喀爾喀墨爾根濟農敖巴額爾克阿海蘇泰伊爾登台吉之兵共三千名以待以蘇泰伊爾登拖多額爾得尼率之偕調兵司官往文達所齎

三月糧隨文達赴土喇河仍自京遣大臣一員與文達阿南達偕統其軍爾同紀爾他布速赴阿南達所住之地先檄阿南達來京再詣文達所自屯軍之地至汛界酌派喀爾喀人等安設驛站○命都統額赫納護軍統領馬喇前鋒統領碩鼐等出征 上諭朕已遣侍郎文達往調喀爾喀親王諾內等兵共三千爾等至歸化城與文達即率其兵赴土喇與阿喇尼紀爾他布等會爾等習於兵事機宜無俟朕言其就水草善地將養馬駝前進仍各賜內廄馬駝以行○乙巳侍郎王維珍等奏遵旨查閱直隸地方未被災處已皆得雨收成可望其已被災者自沿途大路以至鄉僻山村徧行查勘賑過饑民萬萬均荷 皇恩兼以 聖誠格天雨雪時降農事漸徧可待麥秋並無流散饑斃之人所至村莊老幼男婦百十為羣望 闕叩謝感激歡呼難以言盡或立碑勒文或焚香祝 聖此則愚氓感恩激切出於至情者也報聞○辛亥戶部議准雲南巡撫王繼文奏雲南黑井鹽課前因官兵眾多吳逆題請加增今全滇恢復之後逆屬家口盡行遣發投誠人員安插各省食鹽甚少此項加增課銀懇祈豁免從之○壬子以田喜壽為內閣學士由少詹事遷○癸丑冊封和碩純禧公主下嫁科爾沁台吉般迪授般迪為和碩額駙○丁巳直隸巡撫于成龍奏前奉部撥賑濟銀三十萬兩尚不敷用請續發銀兩以備接賑部議不准行上命再撥銀五萬兩散賑○工部議覆漕運總督董訥奏運河沿北一帶淺阻漕艘不能速行請放南旺湖水以裨漕運 上諭大學士等南旺湖之水自來流入運河朕去歲南巡回鑾時沿隄而行細閱河勢知南旺湖之水至分水龍王廟分流俱入南北運河當日始建隄岸之人經營甚善今若使南旺湖之水盡入北流則

南運河將至水淺矣可傳從前勘河諸臣及靳輔問明回奏○戊午大學士等奏臣等遵旨問從前勘河諸臣暨靳輔等據勘河諸臣云我等恩恩行過所見不甚詳明靳輔云南旺湖水若使之偏入北河目前雖少有裨益及糧艘齊集時南運河必致水淺 聖見誠然 上曰此湖水可令總河詳議善後之圖以裨漕運應開應閉亦令酌行○庚申 上以康熙二十四二十五兩年內所閱通鑑 御製論斷一百有七則命贊善勵杜訥交起居注館記注○辛酉刑部左侍郎噶世圖以老疾乞休允之

夏四月癸亥賑察哈爾及八旗遊牧蒙古○甲子諭內大臣公舅舅佟國維等比聞厄魯特策妄阿喇布坦河奴與噶爾丹交惡情事未悉應頒敕書訊其故並量加恩賚令理藩院擇賢能司官一員送往嘉峪關交侍讀學士達虎即令其前往宣諭達虎事竣著東華錄 康熙四十五

乘驛來京此遣去官及達虎同事之主事奔璽仍留邊外偵取消息不時報聞賜策妄阿喇布坦阿奴敕曰朕撫育萬邦率土之人皆欲其協和安輯今聞爾等與噶爾丹不和致啟爭端爾厄魯特向修職貢恭順惟謹今乃內自交惡必有其因朕甚憐之遠聞之言虛實難據侍讀學士達虎齋御用各色段二十疋賜策妄阿喇布坦阿奴其以爾等交惡之由明告使臣毋隱○乙丑轉噶爾泰為刑部左侍郎以傅臘塔為刑部右侍郎由通政使遷○己巳察賑直隸營汛兵家口○乙亥諭大學士等此時亢旱米價騰貴八旗官兵秋季應支米石可豫給其半○諭刑部天時旱乾固圍重罪已令清理今所在祈禱望雨甚殷除死罪以外凡拘禁枷號鞭責等罪咸從寬釋之○戊寅諭倉場侍郎凱音布原任河道總督靳輔山東河道自分水龍王廟以南流入運河之水不一而足舟行無

阻分水龍王廟以北匯入運河者惟河南衛河而已並無別渠相濟南旺所蓄之水又不能多常致淤淺阻滯今將駱馬湖之水不令其自禹王臺流入沐河俾駱馬湖之水蓄貯無洩於運道有無裨益至駱馬湖與南旺等湖相距地勢高低如何山東東阿縣之鹽河及別河有可通入運河者否河南衛河之外有別河可資以疏入運河者否爾等訪其地諳練之人委曲諮詢若有可措施之處親加詳閱繪圖來奏○己卯左都御史陳廷敬奏言官建白不得摭拾細務 上曰設立科道原欲其建言也至條奏之事是否可行自有裁定若必大事始言則言官難分事之大小以致進言者少非所以集眾思廣忠益也○詔盛京錦州開平遼陽蓋州寶倉儲○甲申禮部議覆五經博士孔毓庭奏請建子思專廟應如所請照顏曾孟例於闕里孔廟西北隅建立專廟從之○丁亥

東華錄 康熙四十五
大清會典成 御製序文○戊子以郎赫為盛京刑部侍郎由大理寺遷○己丑先是京師雨澤未敷 上憂之是日大雨四野霑足上出正陽門至南苑觀禾諭大學士等保定等處未知雨足否可遣戶部司官善馳馬者即往察勘○庚寅賑甘肅靖遠衛旱災五月辛卯朔吏部以行取知縣事請旨諭行取知縣以科道用者甚多科道職任關繫緊要著九卿各以平昔所知學問優長品行可用者面同舉奏尋戶部尚書王鵬舉清苑縣知縣邵嗣堯清廉

慈惠兵部尚書李天馥舉三河縣知縣彭鵬靈壽縣知縣陸隴其居官有聲 上諭大學士等適九卿列薦有邵嗣堯陸隴其彭鵬三人其服官廉介朕所素知爾漢大學士亦有知者否梁濟標奏曰三人允稱廉吏徐元文奏曰以臣所聞湖廣麻城縣知縣趙蒼璧牧民有聲聞武昌兵譟時所在州縣官俱棄城潛去惟蒼璧安

撫百姓修城豫備 上曰彭鵬邵嗣堯陸隴其趙蒼璧俱准行取
 ○甲午禮部等衙門奏各省典試官命下後限五日起程如故遲
 不行者科道官題參交部嚴行處分從之○辛丑刑部等衙門議
 覆江南江西總督傅拉塔奏臣察審沐陽縣民周廷鑑叩閩告太
 常寺少卿胡簡敬父子兄弟一門濟惡霸占民人妻女田產誣良
 為盜等事俱係情實胡簡敬應革職徒三年胡旭胡敷世俱應絞
 胡簡尤等俱擬杖徒巡撫洪之傑奉旨交審事件不速行審訊反
 收胡簡敬訴詞明係徇情應降三級調用上曰胡簡敬等一門
 濟惡霸占民人妻女田產誣告盜情致斃人命閩縣之人遭其毒
 害種種惡蹟昭然有據督撫不行舉發科道漫無糾參無非畏其
 勢力瞻徇情面今已告發審實若不嚴加處分立置重典何以爲
 直隸各省不法紳衿積惡豪強之戒胡簡敬等應於彼處正法治

東華錄

康熙四十五

三

罪巡撫洪之傑爲地方大吏平日既不能體察糾參及經告發又
 不速行審治遷延徇庇殊負委任應革職著九卿詹事科道會同
 議奏○喀爾喀額爾克阿海巴郎奏臣父扎薩克圖汗喀爾喀七
 旗之長也爲左翼土謝圖汗所敗屬裔分散臣等又爲厄魯特所
 收棲於阿爾泰山之南今乘間得出來投伏乞 聖恩賑恤恩養
 俾得繼立下議政王大臣等議尋議覆扎薩克圖汗歷世恭順職
 貢有年似應繼立查今年眾喀爾喀來降已定期會閱其所請應
 於會閱處定奪從之○乙巳盛京刑部侍郎郎赫陸辭論聞盛京
 地方屬託之事甚多爾到任後須奉公而行○諭大學士等河道
 所關至爲重大一二年來雨水稀少管河官視河道爲常事今年
 雨水似多可馳諭總河嚴飭該管官晝夜防視務保河隄無虞○
 丁巳 上幸南苑行圍○戊午 上還宮○己未尙書阿喇尼等

奏郎中馬迪報稱自烏爾扎河前踰一日程有厄魯特列營狀
 上諭八旗兵及礮著卽擇日啟行阿南達等不必待額赫納卽載
 礮以往其額赫納及科爾沁巴林翁牛特兵俱星馳赴阿喇尼軍
 六月乙丑九卿遵旨議覆原任太常寺少卿胡簡敬一門濟惡種
 種不法胡簡敬應坐光棍爲首例立決其倚勢作惡之胡旭胡敷
 世應論絞洪之傑身爲封疆大臣不行參奏奉旨審理又不速結
 徇情護庇稽延時日應革職得旨胡旭胡敷世依擬應絞令監候
 秋後處決胡簡敬從寬免死並伊子弟俱發河南安插開墾荒地
 洪之傑著卽革職餘依議○癸酉江南江西總督傅拉塔奏參大
 學士徐元文原任刑部尙書徐乾學縱放子姪家人等招搖納賄
 爭利害民所行劣迹共十五款江蘇巡撫洪之傑趨附獻媚甚爲
 溺職得旨所參本內各款從寬免其審明徐元文著休致回籍○

東華錄

康熙四十五

三

調鄭端爲江蘇巡撫由偏沅調○山東巡撫佛倫奏東省累民之事第
 一賦役不均凡紳衿貢監戶下均免雜差以致偏累小民富豪之
 家田連阡陌不應差役遂有奸猾百姓將田畝詭寄紳衿貢監戶
 下希圖避役積習相沿牢不可破若不力爲禁革小民困苦何日
 得除請通限二月之內將從前詭寄田畝許其自首盡行退出嗣
 後凡紳衿等田地與民人一例當差庶積弊一清小民得免偏枯
 之累得旨紳衿等優免丁銀原有定例其鄉紳豪強詭寄濫免以
 致徭役不均偏累小民積弊已久今該撫所奏改正釐剔具見實
 心任事並不瞻徇直省應一體行九卿詹事科道會同確議具奏
 ○戊寅尙書阿喇尼等奏偵探厄魯特兵駐紮克魯倫之阿爾灘
 額墨爾地方臣等欲待大兵而行恐厄魯特兵進躡昆都倫博碩
 克圖沿烏爾順河至喀爾喀河地方烏爾順河距喀爾喀河甚近

喀爾喀河距汎界僅一日程臣軍若住波衣爾之地慮反出其後
以此竟赴波衣爾之南他奔他什海以禦之奏至 上諭噶爾丹
踰枯倫波衣深入事關緊要理宜豫備王沙津如未起行令率所
調科爾沁兵往前年紀爾他布等駐防之地備之若沙津已起行
著達爾漢親王班第率兵往備之其敖漢土默特貝勒厄爾德木
圖公烏忒巴喇等旗兵之未調者令住備達爾腦爾前所派出每
佐領禁兵二名作速遣行再每佐領下應派護軍驍騎各五名豫
備以待其以阿喇尼奏速檄額赫納知之著議政王大臣集議尋
議應如敕諭令理藩院遣官馳驛前往 上曰蒙古兵令攜兩月
行糧其敖漢奈曼科爾沁土默特兵令貝勒厄爾德木圖公烏忒
巴喇統之其率科爾沁兵往紀爾他布駐防之地令內大臣蘇爾
達率前次將校乘驛前往其再發之軍每佐領撥護軍五名驍騎
東華錄 康熙四十五 西
三名包衣佐領兵亦照此派發令都統宗室喇克達彭春護軍統
領苗齊納楊岱副都統扎木素海瀾塞赫康喀喇統之其副都統
邁圖署為前鋒統領前去再派去漢軍都統公舅舅佟國綱都統
諾邁凡派發火器營兵之事令彼請旨再派諸王從征軍行日期
交欽天監選擇令前所撥兵輕裝於初旬速行其輜重令每翼留
官校押往尋命康親王傑書恪慎郡王岳希從征○庚辰先是福
建安溪縣革職知縣孫鏞首告福建巡撫張仲舉布政司張永茂
等將藩庫錢糧侵蝕肥己一案奉旨差郎中吳爾泰等往福建審
理至是浙江福建總督興永朝奏郎中吳爾泰等將張仲舉等摘
印看守請開缺另補 上曰此事極為重大吳爾泰等乃一司官
將此事妄為張大亦未可定著內閣學士郭世隆前往察審○辛
巳諭兵部噶爾丹追喀爾喀已進汎界朕將親往視師從征諸王

出喜峰口公蘇努等所領之軍隨朕行令諸王先朕進發先檄知
尚書阿喇尼等理藩院遣司官星馳以往其令議政王大臣集議
尋議諸王軍以七月初四日起行其從征之兵每翼遣副都統一
員 駕發日期初六日為宜○癸未以于養志為偏沅巡撫由湖廣布
政使 卞永譽為福建巡撫由浙江布政使遷 ○甲申 上將出師遣使賜
噶爾丹敕曰朕統御宇內懷柔萬邦惟願率土生民咸得其所相
與協和無分中外夫兵凶器戰危事互相仇怨無有已時非計也
故遣尚書阿喇尼散秩大臣吳巴錫扎薩克大喇嘛阿齊圖綽爾
濟一等侍衛阿南達傳諭令罷兵息戰爾回奏云聖主施仁撫育
令共相協和以享康泰我亦與馬伏願指示安樂之策聞聖上將
盡驅出喀爾喀之人不勝懼怖不敢以殺我弟多爾濟扎卜為憾
所奏甚明今乃聞爾復興兵伐喀爾喀故遣尚書阿喇尼防境內
東華錄 康熙四十五 五
之不靖者今烏朱穆秦遣使至爾所爾言中華與我一道同軌我
不敢犯界內地方而又闖入汎界掠烏朱穆秦人畜是背前言而
嚮舊好也且朕前所遣伊拉古克三胡土克圖等至今不歸爾誠
何意耶今遣員外郎阿爾必特祐質賴齋敕諭爾爾尚可以改圖
爾既入邊我諸部王及貝勒台吉等行且與兵擊爾故亦遣來使
止之卹爾至矣其速給還所掠歸我使人爾其明白回奏是日即
以遣使諭噶爾丹事檄知諸軍○乙酉以張玉書為文華殿大學
士兼戶部尚書由禮部尚書遷 ○丁亥九卿議直隸各省鄉紳名下田地
應照山東省與民人一例差徭 上曰山東省清釐賦役可如議
行其直隸各省令各該督撫確議具奏○時噶爾丹沿喀爾喀河
而進追及昆都倫博碩克圖昆都倫不能禦僅以身免阿喇尼等
聞噶爾丹駐兵索約爾濟河連夜率兵往襲之至則噶爾丹已向

烏爾會河去矣具奏以聞 上命阿喇尼等仍躡厄魯特後偵其所至奏報額赫納等軍到且勿與戰俟達爾漢親王班第兵盛京烏喇滿洲兵齊集同夾擊之如噶爾丹潰敗令阿喇尼等窮追便宜行事檄諸軍量馬力疾行齊會形勝之地以俟禁軍○戊子諭議政王大臣等康親王傑書恪慎郡王岳希副都統海篤牛尼有率前所發驍騎每佐領各一名於初二日起行出張家口屯歸化城如大同兵可用聽王等隨宜調遣其厄魯特貿易人馬匹託言乘用盡收之直隸巡撫率兵一千駐遵化西安將軍尼雅翰副都統巴賽柏天都率滿洲兵二千漢軍兵一千屯甯夏綠旗兵亦令豫備○尙書阿喇尼等奏與厄魯特戰於烏爾會河地方厄魯特兵二萬餘掠烏朱穆素男女牲畜輜重徐行溯水上流遊牧臣等偵知之分兵二隊乘夜往襲二十一日昧爽於烏爾會河地方及東華錄 康熙四十五年 大 其營令所選蒙古勇士二百餘攻之喀爾喀兵爭取其子女牲畜陣動不能止遂退厄魯特分兩翼陣而立我軍次隊繼進厄魯特發烏槍軍退前隊兵及喀爾喀兵復進喀爾喀畏其烏槍先卻諸扎薩克兵力薄亦退厄魯特增兵從山上繞出我左右我軍因火器營未至不能進遂斂歸駐鄂爾折伊圖以俟諸軍 上以示議政王大臣尋部議阿喇尼紀爾他布等違命輕戰以致失利俱應革職同往官員俱革職得旨阿喇尼紀爾他布俱革去議政降四級調用紀爾他布仍留佐領餘如議○時噶爾丹歸我使商南多爾濟以其情陳奏 上起滿丕爲理藩院郎中鄂齊理爲員外郎往諭噶爾丹命之曰爾等往諭噶爾丹據商南多爾濟來奏言尙書阿喇尼等不請旨而卽擊汝非本朝意也阿喇尼防守地方汝闖入汛界肆行劫掠職寄所關不得不戰 皇上恐諸扎薩克擊

汝前已遣使諭止之今又遣我等來諭商南多爾濟奏汝言以中華一道同軌我但索土謝圖汗澤卜尊丹巴而已至邊境之內不敢纖芥犯而我尙書阿喇尼等遠加以兵甚爲過當其以此曉諭之○己丑喀爾喀扎薩克台吉額爾克阿海等率千餘人劫掠學士布彥圖以聞 上諭發察哈爾兵備之遣軍校檄阿喇尼令與額赫納阿南達兵會毋以前戰未捷遽懷退怯其收集兵馬嚴行警哨如各扎薩克之兵不足恃皆令內移喀爾喀有橫行者禁輯之自古北口至西巴爾臺令兵部遣坐驛筆帖式設站自西巴爾臺至阿喇尼所令蒙古設站學士布彥圖設站畢撤張家口驛其坐驛筆帖式軍校赴伊處酌用兵部侍郎沙穆哈前往安驛直至布彥圖所令巡撫于成龍星速來京整理近京驛站其標下所調之兵及天津鎮標兵俱選賢能將弁率往遵化兵部遣官疾馳往東華錄 康熙四十五年 七 論○是月免河南開封等四府旱災田租

臣王先謙敬編

臣周潤蕃恭校

秋七月庚寅朔調張英為禮部尚書由工部調○辛卯噶爾丹深入烏

朱穆秦地 上命裕親王福全為撫遠大將軍皇子允禔副之出

古北口恭親王常甯為安北大將軍簡親王雅布信郡王鄂扎副

之出喜峰口內大臣舅舅修國綱修國維內大臣索額圖明珠阿

密達都統蘇努喇克達彭春阿席坦諾邁護軍統領苗齊納楊岱

前鋒統領班達爾沙邁圖俱參贊軍務諸軍前發惟修國維索額

圖明珠畱京侯大將軍至陰山馳往會之○壬辰以李鈞為福建

布政使由廣西按察使遷李煒為湖南布政使由廣東按察使遷馬如龍為浙江

布政使由按察使遷張勳為福建按察使由湖南道遷○乙未撫遠大將

東華錄 康熙四十六 軍裕親王福全師行 上御太和門賜敕印出東直門送之○丙

申命阿密達阿喇尼阿南達等各率所部會裕親王福全軍○戊

戌以唐宗堯為廣西按察使由左江道遷劉元勳為廣東按察使由山西道遷

孫允恭為浙江按察使由金衢道遷○諭內大臣舅舅修國維等

朕夜來思及一事方欲傳諭適諾木齊岱來奏蘇爾達之語與朕

意相符朕觀噶爾丹退回二宿之地似欲潛逃如俟京城大兵至

始追之恐不及聞盛京烏喇兵俱已起行十日內即到矣其令阿

密達全軍及公蘇努軍中視有壯馬者選出即簡出征大臣一員

統領而往沿途擇水草善地剋期到彼如噶爾丹欲逃即行追剿

無失機會若彼來迎敵則我軍切勿亟行以待大兵姑遣人諭之

曰汝闌入我汛界尚書阿喇尼等不得不迎戰汝向與天朝修貢

通好此來追喀爾喀耳今喀爾喀劫奪我外藩肆行悖亂亦與我

朝相失聖上特遣和碩裕親王及皇子來與汝申明禮法自茲以

往永定盟好汝不聞前者我朝出兵至鄂羅斯以禮和好不戰而

歸乎汝其謹俟王及皇子之至如此往復遣使以羈縻之大兵可

至阿喇尼等所有扎薩克兵及阿南達兵其馬既不堪用著阿南

達親押火器速往與盛京烏喇科爾沁兵會阿南達所畱之兵著

一人管轄駐於見居之地不時探報蘇努所餘之兵尾此軍後聯

絡坐臺哨探其令議政王大臣集議尋議 上諭已極周詳其統

領此軍之大臣及管轄阿南達所畱兵之人員恭候特簡 上曰

著索額圖統領偕阿密達先往令阿密達及蘇爾達參酌而行索

額圖阿密達前去則攜前鋒參領石圖與俱並精選前鋒兵帶往

至則視其情形如彼能待則俟大軍而行不能待則遣人羈縻之

必不得已則明諭之曰聖上遣皇兄及皇子與汝相見非惡意也

東華錄 康熙四十六 汝乃不俟而去非汝之不軌乎雖聖上戒勿戰我不汝貸也往復

數四度盛京烏喇諸扎薩克兵且至力足以勝即便宜行事如彼

奔逃已遠不便往追則速奏以便撤兵蘇努及阿密達之軍俱令

蘇努率之而往除阿南達等押礮及馬壯者前去外其馬不堪者

酌畱令副都統扎木素噶爾瑪領之駐阿喇尼等原駐之地探噶

爾丹聲息及額赫納軍情不時報聞並防禦就近地方作惡肆行

之人其查努喀朱爾素亦酌量帶往調用索額圖取皇子允禔廢

馬百匹乘以前去○己亥以陳廷敬為工部尚書于成龍為左都

御史由直隸遷○壬寅噶爾丹遣達爾漢格隆奏喀爾喀吾營也因

追彼闌入汛界向在 中華皇帝道法之中不敢妄行 上因賜

來使筵宴賞資令齋敕歸諭之敕曰據爾使人達爾漢格隆陳奏

具見敬慎悃誠朕統御天下重信義而賤欺誑前以七旗喀爾喀

彼此構怨與達賴喇嘛共議遣大臣諭和不意左翼興兵妄動朕弗之直也後喀爾喀為爾所敗爾來歸朕念普濟眾生之意賜以米糧牲畜所全活者無算喀爾喀何利於朕而施恩若是皆朕不忍生民之顛沛故耳是年出盟方分別七旗曲直昭雪扎薩克圖汗之事欲仍前設立右翼議未及定爾兵已至乘虛驟入視守汛界者衣服出言不遜朕亦不深責六月二十五日遣員外郎阿爾必特祜等問故而阿喇尼等在邊以爾公然闖入汛界守邊責重不能容忍遂與爾戰朕甚非之六月二十九日復遣郎中滿丕齋敕諭爾豈有正事尚未議定即可言執土謝圖汗澤卜尊丹巴以畀汝乎此皆使臣設計脫身而為此言也汝謂與達賴喇嘛道法為一則當憐念眾生同心以安喀爾喀令七旗同享安樂以仰副朕意乃反肆殺戮拆人妻子離人骨肉闖入汛界掠及四佐領

東華錄 康熙四十六

之人揆之道法可若是行乎恐達賴喇嘛未必使汝為此也西甯報至聞策妄阿喇布坦以汝罪告之達賴喇嘛將興兵伐汝夫興戎非美事也朕且將與達賴喇嘛共議調和而聞汝已駐兵烏爾會河故朕遣和碩裕親王及皇子大臣量發滿兵而往非討汝也欲定議耳前者遣大臣往鄂羅斯議事亦發兵往議畢而回汝所夙知也為汝計其聽達賴喇嘛言罷兵息戰各享安樂既合眾心亦易畢事如仍以前事為辭妄行劫掠則壞敗名教自汝始矣○

癸卯 上巡幸邊外啟鑾○諭都統瓦岱等據關係奏噶爾丹於六月二十七日遣發其使人及我撥什庫次日潛師遁去般弟蘇爾達等遣人躡視之噶爾丹兵果已逃去朕之欲幸此軍者以躬近行間便指示也今噶爾丹雖退而喀爾喀方且橫行劫掠驛遞及諸扎薩克馬畜衣服乘此大兵集會朕乃親往視師以靖喀爾

喀之橫肆俾知所畏忌事可一舉而定也○以郭世隆為直隸巡撫由內閣○甲辰學士西拉奏員外郎阿爾必特祜簞賴奉使噶爾丹不終使事半路私歸請誅之 上可其奏隨又諭大學士伊桑阿等曰阿爾必特祜簞賴罪本應誅今暫免其死前遣去筆帖式巴查爾竟未見噶爾丹而歸今俱帶之前去出口後或有差遣之處亦未可定若能效力則貸其罪否則誅之○丙午 上駐蹕古魯富爾堅嘉澤鳴山○諭大學士伊桑阿尚書顧八代朕沿途閱視見所踐田禾過於朕初時諭旨部中文量者惟恩格木鳴山以南過此並未丈量何地非朕赤子可令侍郎賽弼漢即自口以北至波瀨鳴山凡所踐田禾作速明悉丈量○丁未命康親王傑書等率兵往會裕親王福全軍○戊申扈從大臣侍衛等合詞奏曰此地風高寒暑無定伏請 皇上回鑾移駐內地以養 聖躬

東華錄 康熙四十六

上諭朕躬雖覺違和留駐數日俟稍愈即往軍前相機調遣○命恭親王常甯帥師會裕親王福全軍○己酉 上駐蹕博洛和屯命簡親王雅布赴裕親王福全軍參贊軍務○庚戌內大臣伯費揚古前鋒統領班達爾沙奉命赴科爾沁至布爾哈蘇圖地方與科爾沁軍會費揚古等奏聞 上諭費揚古等不必與科爾沁兵齊來令速赴裕親王軍並檄蘇爾達等知之○辛亥 上夜間身熱心煩至黎明始得成寐諸大臣侍衛等不勝惶懼是夜俱集行宮前○壬子清晨諸大臣侍衛等合詞跪奏此地日中甚熱夜間甚涼寒燠不常兼以大風時至地方潮溼 聖體益覺違和此間難於調攝懇 皇上即日回鑾以養 聖躬 上猶未允諸大臣侍衛等於行宮前長跪不起再三懇請 上曰此地寒燠不常似難調攝爾等諄諄叩請朕暫且回鑾日間甚熱每日落後徐

行二三十里可耳又諭扈從諸臣侍衛等朕來此地本欲剋期剿滅噶爾丹以清沙漠今以朕躬抱疾實難支撐不獲親滅此賊甚為可恨至於歎息流涕隨命選擇肥壯馬匹分給隨駕火器營兵前鋒護軍令其馳赴大軍前是日回鑾駐蹕舍里烏朱○癸丑先是上以違和命皇太子允禩皇三子允祉馳驛前迎是日允禩允祉至行宮請安見聖體未甯天顏清減略無憂戚之意見於詞色上以允禩絕無忠愛君父之念心甚不懌令即先回京師○甲寅諭署理藩院事左都御史馬齊學士西拉朕問二等侍衛吳達禪云喀爾喀土謝圖汗澤卜尊丹巴胡土克圖屬下貧不聊生者甚多可遣爾衙門司官一員至土謝圖汗處將至窮乏者帶至張家口外相宜處同口北道動支張家口所貯之米日給飯食其食米人及所需米數俟進京時奏聞○先是上諭裕東華錄
康熙四十六年五月
親王等今兵漸與敵近斥堠宜嚴明噶爾丹處應作何羈縻以待盛京烏喇科爾沁之兵王等其遺之牛羊以老其銳氣疑其士卒商南多爾濟諸晰情形可與商也至是裕親王福全奏臣隨遣濟隆胡土克圖及噶爾丹之使偕驍騎校克實圖原任員外郎首賴遺以羊百頭牛二十頭持臣及皇子書語之曰我與汝協護黃教和好有年今汝追喀爾喀入我汛界聖上特命我等論決此事永久和好今汝使人言我汗已敬遵達賴喇嘛之諭夫講信修禮所關重大此役既就則一切皆宜矣今將於何地會議以決大事因貽書之便以牛羊為餽贈臣等不知諸軍至何地可待則待之如不可待則量力而進耳○予故盛京刑部侍郎吳什巴祭葬八月己未朔日有食之○庚申先是上遣阿爾必特帖等赴索額圖軍前使於噶爾丹至是索額圖奏阿爾必特帖等歸借濟隆

胡土克圖使人拉木扎木巴噶爾丹使人尊多伊格蘇爾至營問其情由阿爾必特帖等述噶爾丹之言曰所有情事已同滿丕等遣使上奏不復具奏但以書問王與皇子內大臣安請遵商南多爾濟所傳明旨以土謝圖汗澤卜尊丹巴界我述濟隆之言曰達賴喇嘛所以遣我者為聖上與噶爾丹向來和好急欲定此大事以早復命耳此事非王及皇子內大臣親身就我或我親身來面議不能定也又視來人形狀甚覺倉皇有窺探大軍意厄魯特見至烏蘭滾地方覓山林深塹倚險結營又聞其祭旗誦經距我軍僅四十里報聞○辛酉撫遠大將軍裕親王福全等奏七月二十九日臣等聞厄魯特屯於烏蘭布通即整列隊伍八月初一日黎明前進日中見敵設鹿角槍礮列兵徐進未時臨敵發槍礮擊之至山下見厄魯特於林內隔河高岸相拒橫臥驍駝以為障蔽自未時交戰至掌燈時左翼由山腰捲入大敗之斬殺甚多右翼進擊為河崖淖泥所阻回至原處而立本欲盡滅餘賊但昏夜地險收兵徐退其噶爾丹死於亂兵與否俟查明另奏疏入得旨嘉獎○壬戌撫遠大將軍裕親王福全等奏八月初一日擊敗噶爾丹薄暮收軍次日即前進剿殺餘寇見噶爾丹據險堅拒故使我將士暫息而噶爾丹適遣伊拉古克三胡土克圖來復理前說請以土謝圖汗澤卜尊丹巴界之且云一二日內濟隆胡土克圖即來講禮修好臣等悉遵聖諭數噶爾丹前後逆惡而遣之初四日濟隆果率其弟子七十餘人來言博碩克圖汗信伊拉古克三及商南多爾濟之言深入汛界部下無知搶掠人畜皆大非理聖上乃一統宇宙之主博碩克圖汗不過小部頭目何敢妄行但因索其仇土謝圖汗及澤卜尊丹巴致有此誤彼今亦無索土

謝圖汗之意但祈 聖上慨允以澤上尊丹巴遣送其師達賴喇嘛榮光莫大矣臣等謂之曰土謝圖汗澤上尊丹巴即有罪愆聖上自加罪責豈有因噶爾丹之言遂遣送達賴喇嘛之理且汝往來行說能保噶爾丹不乘間奔逸掠我境內人民乎濟隆言王及諸大臣仰體 聖上仁心休征罷戰彼馬敢行劫亦斷不遠去臣等謂之曰汝雖保噶爾丹不敢妄行但我各路兵分行進剿遇厄魯特即行掩擊必然之勢也今我等仰體 皇上好生許汝所請當發印文檄各路領軍諸王大臣即止勿擊隨給濟隆等蟒袍先遣其弟子馳報噶爾丹臣等思噶爾丹乃狡詐之人雖不可全信但戰之次日屢遣人來必多窘迫臣等欲即進剿則厄魯特據險堅拒俟其往來講解以待盛京烏喇科爾沁諸軍之至齊行夾擊如有可除之機斷不誤也 上命議政大臣集議尋議大將軍東華錄

康熙四十六 七

王等既大敗厄魯特乃不即行剿滅明知濟隆行說以誤我軍而故聽之豈不坐失事機請敕大將軍王等作速追剿得旨出征諸王大臣當同心效力大將軍王與皇子失誤機宜眾大臣不正言抗拒軍律甚明歸時斷不姑宥此役所關甚鉅今科爾沁烏喇盛京之兵初四五間可至達爾腦爾矣若又失機會不進偏之王與大臣此行何所事耶○乙丑 上還京師○丙寅命都統希福赴撫遠大將軍裕親王軍前參贊軍務○辛未諭大學士等允視聽信小人讒閒之言與裕親王不相和協妄生事端私行陳奏畱駐軍前必致債事著撤回京○癸酉先是撫遠大將軍裕親王福全奏噶爾丹迫於追襲自什拉穆楞河載水橫度大嶺山連夜遁走於剛阿腦爾臣等欲追而馬力不能前進又恐噶爾丹去遠因與濟隆胡土克圖約使噶爾丹近我而止以禮定好遣侍衛吳丹護

軍參領塞爾濟等偕濟隆往諭之至是裕親王等又奏吳丹塞爾濟與濟隆帶噶爾丹使人達爾漢格隆西達額爾克桑桑持書至告曰噶爾丹跪於威靈佛前稽首誓曰若違此書惟佛鑒之其書詞云達賴喇嘛明鑒遣濟隆額爾德尼來責以禮法今儻蒙 皇上惠好則自此不敢犯喀爾喀謹以印文為驗臣等閱書未載誓詞仍遣濟隆等歸開諭噶爾丹增書誓詞許其歸好奏入 上命議政王大臣集議尋議噶爾丹乃極狡詐之人屢遣人以立誓為詞今又劫掠克西克騰之三佐領矣誓好不可深信蘇爾達等軍已到應立行剿滅但王等親在軍中事皆目擊應准所奏命噶爾丹堅誓而釋之王等仍率大軍駐彼探噶爾丹出邊遠去實音令蘇爾達軍照常防守從之○丙子撫遠大將軍裕親王福全等奏十一日遣伊拉古克三赴噶爾丹十五日齎噶爾丹奏章還其詞東華錄

康熙四十六 八

曰伏蒙照鑒下情普使安全正在懽忭伊拉克古三來諭以禮法事永圖至信理所宜然未知如何可以贊襄王事伏冀 至仁皇帝鑒察謹上書為永遠不絕之信誓云又伊拉古克三云噶爾丹頂佛像設誓曰我自恃理直追索土謝圖汗澤上尊丹巴而深入汎界置佛天於前而不以己之罪為罪可乎佛天以仁恕為心聖上即佛天也乞鑒宥我罪凡有 諭旨謹遵行之今往界上租水草善地無人之處駐紮候旨尋又據濟隆持噶爾丹誓書來且述噶爾丹之言曰我蒙王及皇子大臣見憐我正懽忭伊拉古克三來諭以永遠歸好之意我思倚 皇上以為生今往界外駐候聖旨臣等思噶爾丹軍敗力窮觀其語不敢抗拒 皇上天威願請寬宥有倚我求生之意雖不可深信既恭順奏請伏祈睿裁奏至命議政王大臣集議尋議噶爾丹不敢抗拒 天威設誓請

罪既獻誓書適符 皇上好生之心請准所誓今出邊候旨再撤
裕親王內大臣蘇爾達等仍俟噶爾丹出邊另行請旨撤兵 上
許之隨遣侍郎額爾賀圖等同伊拉古克三齋教往諭噶爾丹敕
曰朕統御宇內率土人民皆欲使得其所雖窮壤異域之民亦必
撫育各享安樂此本願也前者喀爾喀爲爾所敗來歸於朕朕以
天下之人皆在朕覆育之中扶衰濟困乃元后當行之事故受而
育之並非利七旗喀爾喀之土地况朕興滅繼絕之意非第喀爾
喀爲然諸窮困來歸者一體撫而養之是亦諭爾敕中所有也爾
厄魯特喀爾喀兩相構怨何所底止必至塗炭朕與達賴喇嘛仁
愛爲心特欲使爾兩國和好罷戰共享安樂達賴喇嘛遣濟隆胡
土克圖朕遣伊拉古克三胡土克圖商南多爾濟往赴爾所爾乃
違達賴喇嘛之教及朕之旨以追喀爾喀爲名率兵入我邊汛行
東華錄 康熙四十六 九
劫烏朱穆秦朕雖問之尙未深信我朝用兵越險阻踰山海以關
疆土抗拒者誅之而已無有他人入犯我境者爾噶爾丹博碩克
圖豈不知之後聞汝深入騷擾朕仍念爾向來職貢通好是以遣
和碩裕親王及皇子等授之以兵與汝共議非令討汝也爾眾先
動我兵始舉是戰之後王及大臣奏請再戰而朕止之盛京烏喇
科爾沁軍又請與戰朕又以待爾回奏而止之今爾以誓書來請
罪求和王及大臣體達賴喇嘛及朕好生之素心按兵不行追殺
爾率爾兵出界而居不得擅犯我屬下部落喀爾喀一人一畜亦
不得有一人與眾部落往來通使爾儻有窘迫奏聞於朕朕必如
前旨撫養斷不念爾舊愆若再違誓言妄行劫奪生事朕厲兵秣
馬見俱整備必務窮討斷不終止○丁丑諭議政大臣等噶爾丹
雖認罪立誓上書請降但人殊狡詐難以深信我大兵撤後背盟

妄行亦未可定且諭噶爾丹敕內有厲兵秣馬見俱整備之語仍
宜發兵豫備萬一有悖畔之信則夕聞朝發即可撲滅若待有變
而後發兵緩不及事矣見在各佐領有喂肥馬匹著每佐領派護
軍七名甲兵五名六名整頓備之○壬午朝鮮國王李焯遵旨回
奏前請封側室張氏奏內有應避諱字樣不行避諱又稱德冠後
宮實屬違例惟候嚴加處分得旨李焯著從寬免議○癸未賑喀
爾喀諸旗饑○丙戌吏部等衙門議覆山東巡撫佛倫奏郭琇係
奉旨休致回籍之人今違旨不行回籍潛藏京城明係串通朋黨
黃緣生事希圖復職又稱郭琇父郭景昌即郭爾標原係明末賊
犯正法郭琇從前蒙蔽改名請封其郭琇本身並伊親祖親父嗣
祖嗣父所得誥封一併追繳應如所請嗣後革職解任漢官照旗
員例勒限五箇月起程回籍如不即行回籍仍在作官地方及或
東華錄 康熙四十六 十
在別處居住俱照旗員逾限例處分其地方官亦照容留旗員例
議處各京官革職解任休致臣部知照各原籍督撫仍移咨都察
院轉交五城官員嚴催起程日期報部外官回籍亦行令該督撫
將起程日期報部即知會原籍地方亦令該督撫報部著爲令從
之
九月癸巳內大臣都統公舅舅佟國綱以勦厄魯特陣亡靈輓將
至遣額駙尙之隆內大臣公坡爾益及侍衛等往迎之賜銀五千
兩尋賜祭葬加祭三次諭忠勇大臣官員陣亡者咸遣官祭奠並
賜卹有差○丁酉諭大學士等朕向聞蒙古臨陣初雖驍勇一敗
北即奔竄首尾不顧懦怯殊甚頃我兵討厄魯特厄魯特敗旋奔
高山頂遁於險惡處因我軍排列太密敵人亂放烏槍故有被傷
者且進退之際海螺未鳴此皆未熟於戰陣耳從古行兵未有不

豫操練者向時八旗兵丁每歲春秋校獵比者恐馬疲於行故暫
停止今春秋二季令八旗官兵集於寬做平原之地排列陣勢鳴
螺進退以熟操練○戊申停本年秋決○兵部議覆廣東廣西總
督石琳奏海賊方雲龍等聚集奸徒在安南國新安嶽山諸島劫
掠洋船偽稱將軍龍門副將葉昇帥兵進剿俱已擒獲應令該督
嚴審定罪具奏得旨擒獲各犯俱係熟諳水性之人著從寬免死
併伊妻子解送來京發往黑龍江充水手當差○壬子兵部奏民
間禁養馬既不便民馬亦希少嗣後請弛養馬之禁聽從民便著
為令從之○乙卯江蘇巡撫鄭端陞辭 上曰江蘇地方繁華人
心不古鄉紳不奉法者多鄭端奏曰若鄉紳肆行無忌自犯科條
臣惟有執法而已 上曰爾止須公爾忘私亦不必吹毛求疵在
地方務以安靜為善○裁大名府通判一改為保定府通判駐古

東華錄

康熙四十六

十一

北口管驛站事○是月免直隸所屬被災通賦及今年額賦之半
並免甘肅所屬被災賦有差

冬十月戊午朔撫遠大將軍裕親王福全等奏員外郎蒙古爾等
原解米一千二百石支給大軍外給雷後之兵扣至十月初十日
止但伊拉古克三胡土克圖侍郎額爾賀圖自八月起程月餘不
歸以此觀之噶爾丹似出邊遠遁矣駐軍以待糗糧不足請撤喀
喇沁王以車運致 上曰前王等奏言俟伊拉古克三等歸再請
旨撤兵今聞大兵前來哈嗎爾嶺以內此乃朕圍獵最熟之地距
有米之處止二百餘里離喀喇沁既遠而欲動其兵馬以車運米
此說甚謬著議政大臣等集議尋議大將軍福全等不行請旨擅
率大軍內徙俟歸日一併察議今伊拉古克三額爾賀圖等尚未
歸應以前鋒護軍共四百名畱大將軍處其餘兵卒及火器營兵

俱令撤回以車運米之請毋庸置議應將坡賴村之糧酌量足畱
後兵之用所餘橐駝運往得旨著裕親王及索額圖明珠費揚古
阿密達畱後其餘俱令回京餘如議○己未諭大學士部院大臣
等今朕躬已愈但因灼艾未御乾清門朕聽政三十年來無日不
見諸大臣共相諮議今處宮中雖日理奏章未嘗廢事而與諸大
臣懸隔思之如有所失且旗下引見題補諸事恐致壅滯向有大
臣奏事乾清宮之例自明日始仍如常進乾清宮啟奏○辛酉諭
大學士等盛京軍士皆能挽強但其地雖有筋與鯨而無牛角所
以軍士難得良弓盛京既有筋鯨及工匠戶部庫內見貯牛角今
年即發角二千對運至將軍公署將軍等可監視造弓散給軍士
自明年為始每年以角一千對給發盛京將軍○壬戌給事中何
全蘭奏請定御門之期或三日或五日事應面奏者仍面奏請旨

東華錄

康熙四十六

十二

至尋常奏章交內閣照例送進 上曰朕惟致治務在精勤久道
期於無斃朕躬親庶政早夜孜孜靡敢暇逸冀與大小臣工共圖
熙績據奏用人行政條例具舉尋常奏章日煩臨御臣誼難安請
酌定御門之期等語朕三十年來每晨聽政面見諸臣諮詢得失
習以為常今若行更改非勵精求治初終罔間之道且與諸臣接
見稍疏朕衷亦深眷念此奏不准行○癸亥發兵戍大同宣府沿
邊諸路○癸酉予陣歿黑龍江防守尉鈕莫舜世職○增盛京五
部理事官各一○甲戌刑部等衙門議准升任直隸巡撫郭世隆
奉差福建審孫鏞首告巡撫張仲舉等十案奏稱張仲舉侵蝕庫
帑擬斬監候布政使張永茂加派火耗擬絞監候按察使田慶曾
等收受屬員節禮擬杖徒援赦免罪仍革職永不敘用從之○辛
巳諭吏部盛京禮部侍郎朱善不能管束人員甚屬庸劣著革任

○諭大學士等凡擬撰文章係翰林官職掌理當加意詳慎文中
辭意務期克肖其人何可意為輕重今覽楊瑄所撰內大臣都統
公舅舅修國綱祭文引用王彥章事蹟極其悖謬且見所撰祭文
每於旗下官員多隱藏不美之言於漢人則多鋪張粉飾是何意
見爾等瞻徇情面不行改削朕豈容姑釋耶王熙等奏曰此文引
用王彥章事蹟果屬悖謬 皇上所見極當臣等但一時意見未
及何敢徇情 上曰此等撰文之人若不削籍流竄何以懲戒將
來爾等即可題參並傳張英及撰文者以從前姚文然魏象樞葉
方藹祭文與此祭文較看尋部議編修楊瑄革職發奉天入旗當
差禮部尚書兼管翰林院詹事府事張英應降四級調用得旨楊
瑄著依議張英著革去禮部尚書仍管翰林院詹事府事○甲申
時噶爾丹敗遁出汛界伊拉古克三胡土克圖侍郎額爾賀圖等
東華錄 康熙四十六 三
齋敕追及之噶爾丹具奏謝罪奏曰向以一道同軌通使請安貿
易往來間因喀爾喀變亂使人失詞遂生小釁兩胡土克圖來宣
布 諭旨使歸於好 神聖垂慈不勝懼忭嗣以遠來糧畜匱乏
妄行獲戾而伊拉古克三胡土克圖傳旨使全禮法仍歸和好既
已加恩又許陳情心甚喜悅惟有欽遵 諭旨奉行不違而已
上諭大學士等大將軍裕親王兵著撤回及防守遵化州綠旗兵
亦著各歸本汛○乙酉 上幸南苑行圍○以年遐齡為內閣學
士由宗人府王士正為督捕侍郎單壁為盛京禮部侍郎俱由左
史府丞遷

已近其應取口供之處爾等會同議政大臣等查看 實錄並兵
部檔案啟奏再此際兵部正在覈議功罪所關甚大侍郎覺羅舜
拜才力不及暫停其行走此缺令倉場侍郎凱音布署理都察院
理藩院兩衙門事少令左都御史馬齊署理理藩院尚書事務○
以胡昇猷朱都納俱為左副都御史胡昇猷由太常寺卿朱○己
亥以熊賜履為禮部尚書原任○庚子以南達為內閣學士由內閣
士○甲辰達賴喇嘛率西海諸台吉及噶爾丹等具奏請上 尊
號命議政王大臣會議王大臣議從所請納其貢物 上諭朕統
御宇內冀中外人民咸無戕賊共享昇平是以前聞喀爾喀七旗
兄弟不睦時遣使於達賴喇嘛欲使歸好達賴喇嘛遣噶爾丹西
勒圖朕遣尚書阿喇尼前往而伊等所行不能仰體朕心及達賴
喇嘛之意雖已和喀爾喀七旗而喀爾喀與厄魯特相仇之故實
東華錄 康熙四十六 四
從此起後交惡與戎即遣使於達賴喇嘛達賴喇嘛遣齊緝克他
賴堪布朕遣阿齊圖綽爾濟學士拜禮等止彼相攻乃伊等不行
宣諭止之聽其縱戰喀爾喀遂為所敗朕不忍坐視復遣使達賴
喇嘛相與同定兩國之好達賴喇嘛遣濟隆胡土克圖朕遣伊拉
古克三胡土克圖往說之詎意兩人見噶爾丹不行諭止與之偕
行闖入汛界搶奪人畜朕出兵問罪而兩人又不為諭止立視其
戰我軍不得已而擊之致厄魯特大敗遠遁請罪朕與達賴喇嘛
期於撫育眾生而使臣故違意旨遂至於此如能使厄魯特喀爾
喀兩國和好朕尚欲加達賴喇嘛嘉號此皆任人行事不能仰副
朕心是以喀爾喀殘破厄魯特喪敗朕心甚為隱痛有何可賀而
受尊號乎其以是曉諭達賴喇嘛諸汗眾台吉來使貢禮賀物其
併發還○己酉烏闌布通出征王大臣等回京命止朝陽門外聽

勘皇子允禔以議政王大臣等取供時應如何具供奏請 上諭
 裕親王係汝伯父議政王大臣等取供時汝若與裕親王稍有異
 同朕必實汝於法斷不姑容裕親王福全初亦錄皇子允禔軍中
 過惡欲於取供時告白至是議政王大臣等會同取供允禔云我
 與伯父裕親王供同裕親王聞之俯首良久流涕曰我復何言遂
 直引為己罪兩人全親親之誼皆 上德意所致也○信郡王鄂
 扎等奏 皇上深慮噶爾丹奸狡此役不行剿除必貽後患多派
 精兵盡發火器以裕親王福全為大將軍王大臣為參贊指授方
 略務期盡滅根株乃福全等調度乖方既經戰勝不能乘機剿滅
 收兵又不鳴笳賊敗不行追殺反行文禁止蘇爾達等進兵以致
 窮寇逃遁殊誤軍機且未經請旨率兵擅回哈嗎爾嶺內應將裕
 親王福全恭親王常甯簡親王雅布俱革去王爵福全撤去三佐
 東華錄 康熙四十六 五

領內大臣公舅舅佟國維內大臣索額圖明珠阿密達俱革職都
 統公彭春前鋒統領班達爾沙護軍統領楊岱苗齊訥俱解任都
 統宗室蘇努喇克達都統阿席坦諾邁俱不准敘功內大臣蘇爾
 達費揚古都統希福副都統塞赫羅滿色俱罰俸一年散秩大臣
 查努喀革職得旨噶爾丹於烏闌布通為我軍擊敗遁走而領兵
 諸王大臣不復追殺反信濟隆胡土克圖議好之誑詞遣人語內
 大臣蘇爾達等令盛京烏喇諸路兵勿與之戰是以噶爾丹奔竄
 過盛京烏喇科爾沁軍營竟不邀擊縱之使去其時蘇爾達欲羈
 縻噶爾丹與土謝圖親王沙津達爾漢親王班第等公同商議選
 遣公主之子阿拉善下人阿漆爾及郭爾羅斯台吉吳爾圖約蘇
 圖旗下佐領祈他邁往令噶爾丹且止將與之會語噶爾丹不少
 留倉皇宵遁如使蘇爾達等邀擊之則噶爾丹可以就擒矣伊等

不戰乃大誤也福全等俱應依議治罪但此舉已擊敗厄魯特兵
 噶爾丹遠遁諸王大臣概從寬免革福全常甯罷議政與雅布俱
 罰俸三年福全撤去三佐領佟國維索額圖明珠蘇努喇克達阿
 錫坦諾邁俱罷議政與阿密達彭春班達爾沙楊岱苗齊訥各降
 四級留任蘇爾達費揚古希福俱免罰俸塞赫羅滿色俱罰俸一
 年查努喀著革職火器營左翼戰功照常議敘尋兵部議敘以火
 器營官兵及左翼交戰將士為頭等軍功從之○丙辰予故原任
 中和殿大學士巴泰祭葬諡文恪○是月免雲南新興河陽二州
 直隸武清薊州五州縣浙江餘姚等五縣水災額賦有差
 十二月己未噶爾丹奏自喀爾喀變亂以來貿易不行願請恩賜
 白金以育眾庶理藩院及議政大臣議無賜白金之例 上曰噶
 爾丹願請懇切著賜白金千兩○庚申 上謁 陵啟鑿 上欲
 東華錄 康熙四十六 六

臨舅舅佟國綱堂舅舅佟國維率子姪奏曰臣兄效力陣亡乃人
 臣所當然亡者如果有知 皇上此臨不但臣兄之魂未安臣父
 母之魂亦必不安 皇上斷不可臨免冠再三叩請 上遂止遣
 皇子允祉奠酒○癸亥 上謁 暫安奉殿○甲子 上謁
 孝陵至 仁孝皇后 孝昭皇后 孝懿皇后陵奠酒○壬申
 上出龍井關駐蹕蘭陽口北○丁丑 上還謁 暫安奉殿率諸
 王大臣等行 孝莊文皇后三替致祭禮是日回鑾○庚辰 上
 還京師○是月免江南六合江都等十七州縣水災賦○是歲朝
 鮮來貢○人丁戶口二千三十六萬三千五百六十八田地山蕩
 畦地五百九十三萬二千六百八十四頃二十七畝有奇徵銀二
 千七百三十七萬五千二百八十九兩有奇米豆麥六百九十五
 萬二百八十一石有奇草二百二十五萬二千八百四十一束茶

十六萬五百九十八引行鹽四百三十五萬六千一百五十引徵課銀二百七十六萬六千九百九十七兩有奇鑄錢二萬八千九百九十三萬六百有奇

東華錄

康熙四十六

七

東華錄

康熙四十七

臣王先謙敬編
臣周瀚蕃恭校

康熙三十年辛未春正月戊申封阿祿科爾沁貝勒楚依為郡王以與厄魯特力戰受傷被執不屈也○論扎魯特阿祿科爾沁等十二旗陣亡台吉功俱贈一等台吉賜號達爾漢令其子承襲○噶爾丹復自俄僂向喀爾喀墨爾根濟農來犯上命瓦岱為定北將軍駐張家口都統郎談為安北將軍駐大同備之○庚戌內閣學士田喜霖丁母憂命回籍守制○辛未上幸南苑行圍○王子論大學士等聞噶爾丹劫掠墨爾根濟農巴圖爾額爾克濟農向青海而去著將陝西西安兵酌留守城外其餘兵丁命將軍親率之川陝督標綠旗兵命總督規率之甯夏鎮標兵命總兵官東華錄
康熙四十七
親率之俱於甯夏備噶爾丹致仕勇畧將軍趙良棟見在甯夏熟習軍務令與將軍總督酌議行事又諭宣府大同兵雖未嘗攻戰而兩次出邊修整器械亦已勞矣今又令將軍等於有事時便宜率之而行宜加恩賚每兵著賞銀四兩○癸丑上還宮○乙卯以馬齊為兵部尚書由左都御史遷班迪為理藩院尚書由內大○轉傳臘塔為刑部左侍郎以布彥圖為刑部右侍郎由內閣學士遷李元振為左副都御史由太常寺遷
二月丁巳朔日有食之○諭大學士等京師為輦轂重地人民商賈四方輻輳京城內外統轄必有專責俾稽察奸宄消弭盜賊然後商民得以安堵今城內地方既屬步軍統領管理城外巡捕三營又屬兵部督捕衙門管轄內外責任各殊不相統攝遇有盜案反難查緝嗣後巡捕三營亦令步軍統領管理京城內外一體巡

察責任既專則於芟除盜賊安輯商民庶有裨益其三營事務作何歸併管理著九卿詹事科道會同確議具奏○戊午以王尹方為內閣學士由翰林院侍讀學士遷○策妄阿喇布坦及阿奴等遣使達爾漢囊素奏與噶爾丹交惡始末理藩院以聞 上命厚加恩賜而遣之並令郎中桑額護其行其使人起行之先令見噶爾丹來使告以故○庚申以山東布政使衛既齊為順天府尹○乙丑上御經筵○以傅繼祖為內閣學士由內閣侍讀學士遷○丁卯諭大學士伊桑阿阿蘭泰尚書馬齊班迪等侍衛阿南達來奏噶爾丹去年敗走以來日以北徙人畜屢斃劫掠無所獲近者噶爾丹親率兵來劫喀爾喀至阿爾哈賴地方又無所得皆徒步而返困敝已極今應於見在此地噶爾丹使人內撥發數人令巴把爾齋救乘驛與之同往噶爾丹所至巴圖爾額爾克濟農墨爾根濟農善巴額爾克戴青處各遣官一員令伊等皆內徙速置哨探再語伊拉古克三胡土克圖令明告噶爾丹使人云汝輩厄魯特之人從噶爾丹而行失其生計主上憐之故遣汝等傳諭噶爾丹若降當厚加恩養若上果念汝等厄魯特前惡則不令策妄阿喇布坦使人見汝等矣巴圖爾額爾克濟農遣二郎保去墨爾根濟農善巴額爾克戴青著與阿南達議亦遣向日往來相識之人去○賜噶爾丹敕曰朕為天下一統主務使四海之內人民咸獲其所以享太平雖向與本朝抗拒之國如窮迫來歸必拯而養之無不使得其所者喀爾喀尚會與本朝交戰窮而來歸朕並不念其前罪受而撫養之朕濟困繼絕之心不但於喀爾喀為然也諸國有窮迫來歸者朕之撫養皆與此同前已有旨諭汝矣今聞喀爾喀逃來人等言汝厄魯特牲畜已盡無以為食極其窮困人被疾疫死亡相繼

東華錄

康熙四十七

二

東華錄

康熙四十七

三

朕重念天下率土人民之命聞此因敝有不惻然軫念者乎況前已有旨諭達賴喇嘛言噶爾丹如不得已而來歸朕亦受而養之使之得所今果窮困無食不能歸故土其移近邊汛朕當厚加恩賜如決計入降益從優撫養斷不至失所此朕俯視率土人民一體之實心勿貳勿疑汝亦曾誓不侵擾喀爾喀況我軍已在在設備矣若朕果有蹙汝窮困之事則不使策妄阿喇布坦使人見汝之人如此情事汝使亦皆知之自此以後汝之人無所劫奪不能歸故土眾庶益致死亡雖悔莫及汝當熟籌之其定計具本來奏○戊辰以楊廷耀為山東布政使喻成龍為山東按察使由鹽運使遷○九卿等遵旨議覆京師輦轂重地應將巡捕三營歸併步軍統領管轄督捕都察院五城所管事宜俱交步軍統領管理其三營一應拏獲逃盜等犯令該統領移送督捕刑部完結應換給提督

東華錄 康熙四十七

九門步軍巡捕三營統領印信從之○甲戌予故兵部督捕右侍郎許三禮左副都御史胡昇猷祭葬○乙亥予故昭武將軍江南提督贈少傅兼太子太傅楊捷祭葬諡敏壯○吏部等衙門議准給事中鄭昱奏凡內外文武官寄寓他省除革職提問者仍照例勒限驅逐回籍外其餘解任休致丁憂各官懇免驅逐聽其自便得旨奉天四川回籍官員仍照見行例行餘依議○是月免直隸保安州前年旱災賦

三月戊子繙譯通鑑綱目成 御製序文曰朕惟自古帝王御世大經大法莫備於史唐虞三代之史尚書所載典謨訓誥皆是也自仲尼因魯史作春秋始編年繫月紀載之中褒貶寓焉大要歸於扶植綱常闡揚道法後之言史者必宗之宋司馬光奉詔纂修資治通鑑論者以為博而得其要簡而周於事朱熹本之為綱目

綱倣春秋目倣左氏義例森嚴首尾條貫足以示勸懲而昭法戒煌煌乎典章之總會而治道之權衡也前編則上溯羲皇徵引經傳足備稽考續編則下逮於宋遼金元其中敘事雖間得其實然而議論偏私紀載乖舛往往有之視朱熹所撰綱目迥乎其不侔矣朕撫御宇內夙夜兢業每思說命之言曰學於古訓乃有獲朕於萬幾之暇潛心六經大義微言孜孜殫究以講求古帝王治天下之大道於綱目一書朝夕起居之時循環披覽手未釋卷以是考前代君臣得失之故世運升降之由綱紀法度之所以立人心風俗之所由純事有關於典常言有裨乎治體者靡不竟委窮源詳加論斷如是者有年矣爰於內廷設立書局命繙譯呈覽朕躬親裁定爲之疏解務期曉暢無遺歸於至當而後止立有程課自元旦以至歲除未嘗有一日之間即巡幸所至亦必以卷帙自隨

東華錄

康熙四十七

四

迄今三年有餘全集告竣將鈔梓頒行儒臣請序其端朕念是編所記述皆有關於治天下國家之務非等於尋常記載之書法戒昭然永爲金鑑凡我臣工其各殫心觀摩以體朕勉法古之意且垂之奕世使子孫臣僚莫不奉爲典型酌乎治理斯作君之道出其中而作師之道亦出其中矣是又朕惓惓此書之意也夫○乙未先是給事中博爾濟奏盛京府州縣俱設立學校考取士子盛京左右兩翼亦應各設官學酌選俊秀幼童設立滿漢官教習滿漢書馬步箭即於盛京各部衙門筆帖式烏林大缺出補用得旨京師八旗各佐領下幼童由各佐領內擇其優長之人令其教習讀書及馬步箭著九卿一併議奏至是九卿議覆盛京係發祥重地教育人材宜與京師一體應如博爾濟所題盛京左右兩翼各設官學二處將彼處俊秀幼童各旗選取十名每翼四十名滿

東華錄 康熙四十七

學各二十名教讀滿書習馬步箭漢學各二十名教讀滿漢書習馬步箭交與盛京禮部堂官不時稽查操演如盛京有各部衙門筆帖式烏林大缺出照例補用滿學設滿文助教各一員漢學設通滿漢文助教各一員俱由吏部考授其漢學令奉天府尹於盛京生員內擇其才學長者各二名令其教讀學舍由盛京工部撥給至京師八旗子弟讀漢書者考取生員舉人進士時仍令射馬步箭能者方准作文考試其餘幼童十歲以上者各佐領於本佐領內選優長者各一人滿洲旗分幼童教習滿書滿語蒙古旗分幼童教習滿洲蒙古書滿洲蒙古語漢軍幼童教習滿書滿語並習馬步箭仍令各佐領驍騎校稽查將此學名爲義學從之○庚子設盛京兵部衙門侍郎一理事官一郎中二員外郎六滿字堂主事一翻譯主事一滿字筆帖式八翻譯筆帖式四○辛丑以張

東華錄

康熙四十七

五

志棟爲福建按察使由山西調○兵部議覆甘肅提督孫思克奏肅州係邊疆要地請改設總兵官以壯邊勢應如所請肅州設立總兵官一增兵二千一十五名合協標舊兵立中左右三營每營設遊擊一守備一千總二把總四從之○己酉賜戴有祺等一百四十八人進士及第出身有差○甲寅調覺羅舜拜爲盛京兵部侍郎由兵部調○以孟卜爲浙江按察使由直隸調夏四月戊午轉沙穆哈爲兵部左侍郎以朱都納爲兵部右侍郎由左副都御史遷○先是革職縣丞譚明命叩閫控吏部主事朱敦厚前任淮縣知縣時婪贓四萬餘兩下山東巡撫佛倫勸佛倫奏朱敦厚加派婪贓經前任巡撫錢珏鞠審已得實據因朱敦厚跪求原任刑部尚書徐乾學貽書錢珏徇情檄行布政使衛旣齊銷案除朱敦厚依律擬罪外徐乾學等並請敕部議處事下吏部及三

一一五七

法司議至是覆奏朱敦厚應絃原任山東布政使今升順天府尹衛既齊照徇底例降三級調用原任刑部尚書徐乾學原任山東巡撫錢瑛並應革職譚明命係大計被參貪官仍不敘用得旨衛既齊著照見任降三級免其調用徐乾學錢瑛俱革職餘如議

○丙寅以多弼為左副都御史由光祿寺卿遷○丁卯 上欲巡察邊外蒙古等生計又以喀爾喀地居極北曩雖進貢未嘗親身歸順今土謝圖汗等親率所屬數十餘萬人來歸特往撫綏安輯是日啟鑾○戊辰諭所過勿踐麥田○庚午次古北口閱兵○乙亥以董安國為貴州布政使由四川按察使遷○辛巳以趙良璧為四川按察使由浙江甯台道遷○乙酉 上駐蹕多羅諾爾○是月免陝西吳堡等三縣逋賦

五月丙戌朔先是遣內大臣索額圖一等待衛吳達禪諭土謝圖汗澤卜尊丹巴胡土克圖曰是盟也朕躬與蒙古諸王貝勒貝子公七旗喀爾喀會集爾等可將殺得克得黑墨爾根阿海及在喀爾喀妄為之事於朕未至以前自行陳奏土謝圖汗澤卜尊丹巴胡土克圖等隨各具奏請罪至是馬齊等奏土謝圖汗澤卜尊丹巴胡土克圖等盡壞喀爾喀生計致起兵端其引罪之奏妄稱扎薩克圖汗得克得黑墨爾根阿海背喀爾喀依附噶爾丹博碩克圖因用兵擊殺之巧辭掩飾殊屬不合應將土謝圖汗削去汗號為閒散台吉澤卜尊丹巴胡土克圖削去名號為小喇嘛仍令土謝圖汗管轄 上曰土謝圖汗兄弟內相構怨託征厄魯特起兵

遂殺扎薩克圖汗使喀爾喀百姓流離皆其所致但伊會遣使來奏云我欲附天朝惟恐不蒙容納然歸附之意已決今果率眾來歸朕故不忍治罪馬齊等又奏扎薩克圖汗乃喀爾喀七旗之長

累世抒誠進貢扎薩克圖汗名號似應仍令承襲 上曰扎薩克圖汗在日抒誠進貢若其子巴朗額爾克海尙在即應襲封但今已亡故而見在之子幼穉扎薩克圖汗之親弟策妄扎卜眾皆稱其賢意欲封為親王明日以此意諭眾喀爾喀等至車臣汗我朝已經襲封可仍存其汗號○理藩院奏遵旨酌定喀爾喀坐次應令土謝圖汗澤卜尊丹巴胡土克圖扎薩克圖汗弟策妄扎卜車臣汗坐第一行餘分七行以次序坐從之尋命喀爾喀七旗與四十九旗同例○丁亥 上命土謝圖汗澤卜尊丹巴胡土克圖進行帳朝見土謝圖汗跪奏曰蒙 聖主殊恩臣等垂死之軀今得更生不能縷析敷奏惟願仰賴 聖主恩庇自此安樂得所澤卜尊丹巴胡土克圖跪奏曰仁德高峻養育羣生宏施利益者謂之佛臣等蒙 聖主大沛洪恩特加拯救是即臣等得遇活佛也惟

東華錄 康熙四十七年 七 祝 皇上萬壽無疆 上賜二人茶又賜土謝圖汗數珠一串隨命大學士伊桑阿等傳諭喀爾喀等眾曰爾等七旗喀爾喀兄弟不睦朕特遣大臣會閱令將互相吞噬之人民各行給還誓言已定土謝圖汗等自食其言託征厄魯特起兵將扎薩克圖汗等得克得黑墨爾根阿海執而殺之從此喀爾喀等心志攜貳以致國土敗亡生計遂失然雖窮困已極但能思朕夙昔愛養之恩來求歸附朕仍一體養育今土謝圖汗等將一切大過自行陳奏當此大閱之時若即懲以重罪豈惟朕心不忍爾等七旗能無愧於心乎若以輕罪處之目今生計全失俱賴朕惠養何從議罰故將伊等責其大過復原恕其情至扎薩克圖汗抒誠進貢業已有年無故為土謝圖汗等殘害殊為可憫今其親弟策妄扎卜來覲應即令承襲以示優恤諭畢喀爾喀汗大小眾台吉同奏曰土謝圖汗

等蒙 聖主寬恕其罪又念扎薩克圖汗所屬人民散失將伊弟策妄扎卜恩令襲封誠為曠典臣等不勝懼怖感激惟仰祝於天而已奏入 上御行宮前黃幄升座喀爾喀汗台吉等行三跪九叩禮畢以次序坐樂作大宴喀爾喀車臣汗及第二班次扎薩克之墨爾根濟農古祿西希等十四濟農台吉第三班次扎薩克之魏徵諾顏阿玉錫等十三大台吉俱令近 御座前 上親賜酒餘皆令侍衛等分賜之○戊子賜喀爾喀土謝圖汗澤卜尊丹巴胡土克圖扎薩克圖汗弟策妄扎卜車臣汗銀各千兩蟒段綵段各十五疋及銀器袍帽茶布諸物又賜濟農台吉等銀段諸物有差○復召喀爾喀土謝圖汗策妄扎卜車臣汗澤卜尊丹巴胡土克圖及濟農台吉等三十五人賜宴 上諭昨日雖已賜宴朕復欲熟識爾等故特召入俾各陳所欲言爾等舒懷共語以饗斯宴勿東華錄 康熙四十七年

東華錄 康熙四十七年

九

養汗台吉仍留如故車臣汗仍令承襲又因爾等互相偷奪故於各處添設管轄扎薩克以便稽察且念爾等素無法紀故頒示定例令各遵行自古以來未有如朕拯救愛養若此者也朕既加愛養更欲令爾等甦息繁育用是親臨訓諭大行賞賚會同之時見爾等傾心感戴故將爾等與朕四十九旗一例編設其名號亦與四十九旗同以示朕一體仁愛之意土謝圖汗車臣汗名號俱著仍舊存留扎薩克圖汗無辜被殺且所屬人民離散困苦已極深為可憫著將伊親弟策妄扎卜封為和碩親王其扎薩克之墨爾根濟農古祿西希扎薩克之崑都崙博碩克圖滾卜扎薩克之信順額爾克戴青諾顏善巴扎薩克之台吉色冷阿海扎薩克之額爾德尼濟農益楚克喇布坦伊等原係舊扎薩克著去其濟農諾顏之名皆封為多羅郡王其台吉噶爾旦係土謝圖汗之長子且從枯倫白爾齊爾期會以後屢來朝貢著封為多羅郡王車臣汗之叔扎薩克額爾德尼濟農納穆扎爾雖係新扎薩克而勸車臣汗領十萬眾歸順又身為之倡奏請照四十九旗一例殊為可嘉著照舊扎薩克例去其濟農之名封為多羅郡王車臣汗之族叔扎薩克額爾克台吉車布登當征厄魯特之際效力行走偵探信惠以馬匹助用於事不致有誤著授為多羅貝勒台吉西第西里土謝圖汗之親弟且所屬甚眾同土謝圖汗歸順著授為多羅貝勒車臣汗之叔祖車臣濟農車卜登達賴濟農阿南達額爾德尼濟農布達扎卜伊爾登諾顏達禮車臣汗之叔伊爾登濟農益蘇克皆去其濟農之名授為固山貝子白蘇特之察罕巴爾諾顏博貝布扎雖係新扎薩克當在喀爾喀地方時曾奏喀爾喀日後必敗敗時我來投歸天朝後喀爾喀國敗即踐前言歸順殊為可嘉

東華錄 康熙四十七年

九

亦著授為固山貝子洪俄爾戴青之佐理固山事台吉漢都歸順
在眾人之先效力行間被創著授為領國公土謝圖汗之同族台
吉蘇泰伊爾登額爾克戴青諾顏善巴之同族台吉托多額爾得
尼等誠心歸順效力行間此二人亦著授為領國公此外在事台
吉與眾台吉等著該部一一察明具奏各與以應得品級自今以
往爾等體朕愛養之恩各守法度力行恭順如此則爾等生計漸
蕃福及子孫世世被澤若違法妄行則爾等生計既壞且國法具
在凡事必依所犯之法治罪特諭○己丑 上出行宮御甲胄乘
馬徧閱隊伍回下馬樹侯 上親射發十矢九中次命十五善射
並硬弓侍衛等射 上御黃幄四十九旗王貝勒貝子台吉及喀
爾喀土謝圖汗台吉等跪奏云 皇上御甲胄發十矢九中洵神
武也隨大閱軍容八旗滿洲官兵漢軍火器營官兵又總兵官蔡
東華錄 康熙四十七

元標下官兵各依次列陣鳴角鳥槍齊發眾大呼前進聲動山谷
喀爾喀土謝圖汗台吉等悚懼失措有欲趨避狀 上笑諭曰此
不過示爾等以軍容耳何懼之有土謝圖汗奏曰 皇上軍威赫
濯如此臣等不禁徬徨失措矣事畢各賜茶 上還行宮○科爾
沁土謝圖親王沙津等率四十九旗王貝勒貝子公台吉等合奏
請上 尊號 上諭大學士等吳三桂既平之後諸王大臣請上
尊號未嘗准行今豈可許乎其以此諭王等知之○賜四十九
旗王貝勒貝子公台吉等冠服白金○庚寅 上親閱喀爾喀營
寨其窮困者賞以銀布又大賚喀爾喀貝勒貝子公台吉等牛羊
○辛卯遣原任尚書阿喇尼侍郎布彥圖索諾和文達學士達虎
等往編喀爾喀旗分佐領撥給遊牧地方○壬辰奉差議事兵部
尚書馬齊等奏阿霸垓台吉奔塔爾首告烏朱穆素親王蘇達尼

之妻順附噶爾丹一案查蘇達尼之妻及台吉車根阿穆爾充科
阿達里羅雷喇扎布等順附噶爾丹是實俱應即行處斬蘇達尼
之妻應革封號撤去所屬之人蘇達尼已故應革去親王不准承
襲二等台吉博託和喇扎布阿喇西博羅特及為嚮導綽克圖等
會送馬匹牲畜順附噶爾丹是實俱應即行處斬妻子入官撥什
庫阿爾塔等為噶爾丹指路往來問訊送驢駝馬匹皆實俱應即
絞其妻子應作何處治交與該部議奏博羅特乃應行正法之人
護衛巴扎爾伊白葛爾將博羅特明知故縱使之逃走應照律即
行處絞貝勒畢魯瓦將重罪之博羅特不交付的當之人嚴行看
守應罰俸一年博羅特應傳諭四十九旗嚴行查究獲日即行正
法得旨車根等應俱依議治罪從寬免籍沒家產及撤所屬之人
惟將本身正法蘇達尼並未知情從寬免革親王仍與伊子承襲
東華錄 康熙四十七

巴扎爾伊白噶爾俱從寬免死並籍沒著穿耳鼻示眾鞭一百畢
魯瓦罰俸一年餘如議○召土謝圖汗澤卜尊丹巴胡土克圖等
賜食並各賜金盤盞碗及 御用帳房等物又賜澤卜尊丹巴胡
土克圖鞍馬一匹 上回鑾留兵部尚書馬齊料理會閱事畢來
京○四十九旗王貝勒貝子公台吉等跪路左喀爾喀土謝圖汗
車臣汗及王貝勒貝子公台吉等跪路右 駕過喀爾喀土謝圖
汗車臣汗王貝勒貝子公台吉等皆依依戀不已伏地流涕 上諭
朕欲攜爾等至京師路遙天暑爾等生長北邊恐不習內地水土
朕再出邊時即召爾等來見也又諭四十九旗王貝勒貝子公台
吉等邊外無城郭牆垣故不肖之人易於偷盜聞比年以來此風
日熾馬牛牲畜多被擄竊邊外蒙古俱賴畜牧為業其家有牲畜
可以資生之人恐被偷盜各將牲畜圍繫不行放牧必致瘦斃如

此則雖可以資生之人亦必致窮蹙而貧富同歸於困苦矣爾等宜不時曉諭所屬之人嚴加禁止使盜賊永息各安生業以副朕中外一體至意○諭扈從諸臣昔秦興土石之工修築長城我朝施恩於喀爾喀使之防備朔方較長城更爲堅固○癸卯 上還京師○甲辰倉場侍郎李廷松以不職解任○乙巳吏部尚書張士甄降三級調用以考察雲南山西陝西湖南廣西四省學道駁查違例巧飾具奏也○丙午工部等衙門議准古北口總兵官蔡元奏古北口一帶邊牆傾塌甚多請行修築 上諭大學士等蔡元所奏未諳事宜帝王治天下自有本原不專恃險阻秦築長城以來漢唐宋亦常修理其時豈無邊患明末我 太祖 太宗統兵長驅直入諸路瓦解皆莫敢當可見守國之道惟在修德安民民心悅則邦本得而邊境自固所謂眾志成城者是也如古北喜峯口東華錄 康熙四十七 主

雖貢獻之使不絕於道而汗等恃其部族人民數十萬眾未嘗躬修臣節邇乃傾心臣服願列屬藩 皇上察其誠懇編立旗分與我四十九旗等量功授秩賞賚頻加懷柔遠人之道至斯極矣允宜誕膺 尊號式昭鉅典以愜輿情得旨喀爾喀原係進貢之國伊等不和知其必敗會特遣大臣諭令和好後乃淪約與厄魯特構兵窘迫來歸朕以好生之心撫綏養育曲盡周詳因此懇切抒誠願同四十九旗一例蓋理所必然且比年來旱澇頻仍民生猶未蘇息風俗猶未醇厚奢靡猶未盡止朋黨猶未悉除此援引陷害猶未屏絕理應時加勗勉殫心竭力尙恐不逮居然以爲至治遽受尊號斷爲不可卿等所奏已知之○癸丑以山西布政使布喀爲光祿寺卿

一帶朕皆巡閱概多損壞今欲修之興工勞役豈能無害百姓且長城延袤數千里養兵幾何方能分守蔡元見未及此其言甚屬無益諭九卿知之○辛亥禮部等衙門遵旨會議御史江繁奏科場事宜查會試之分南北中卷原爲因地取才起見行之既久其勢不能均平若不稍加變通恐遐方士子不能仰承 皇上廣興文教樂育人材至意嗣後應於南北中卷內再分江南浙江爲南左江西湖廣福建廣東爲南右直隸山東爲北左河南山西陝西爲北右四川雲南爲中左廣西貴州爲中右仍照定例合計卷數之多寡憑文取中既於科場條例並無更改又於各省中額不致偏枯至安廬鳳三府滁和徐三州改歸南卷並仍行分經之處俱照禮部原議從之○壬子大學士等奏 皇上聖德神功無遠弗屆喀爾喀素稱不馴自 太祖 太宗 世祖皇帝時以迄於今

六月乙卯朔諭大學士等喀爾喀厄魯特諭和之舉朕與達賴喇嘛同行之今喀爾喀已安插得所應遣使齎敕於達賴喇嘛使人所關緊要商南多爾濟既病著丹巴色爾濟去諭達賴喇嘛曰朕統御寰區以仁育爲本撫養是先雖未睡異域之民有困窮而歸命者必受而養之使各得其所爾喇嘛奉行佛法廣度眾生而救苦難其心亦猶是也前以七旗喀爾喀兄弟內相侵奪外與厄魯特交兵朕與爾喇嘛諭令罷兵歸好後噶爾丹又追侵土謝圖汗澤卜尊丹巴胡土克圖殺奪喀爾喀之人朕遣伊拉古克三胡土克圖爾喇嘛遣濟隆胡土克圖往諭噶爾丹爾使人不能仰副朕與爾之心噶爾丹稱兵大舉殺掠喀爾喀深入我邊汛之內朕稍發兵以問其故反與我兵拒戰至於大敗乘夜遠遁此彼來犯我非朕往伐之也彼所行違朕與爾好生善念自求窮困已喀爾喀土謝圖汗車臣汗諸濟農諾顏台吉決志內附朕既已受而養

之於本年四月躬親大閱喀爾喀之汗濟農諾顏台吉等皆執臣
 禮跪而稽顙諄請與四十九旗同列朕設大宴厚賜之照四十九
 旗編為旗隊給地安插土謝圖汗自以妄舉興戎陳情請罪朕發
 眾喀爾喀議之皆言加彼之罪則於眾無光朕是以宥免其罪仍
 留土謝圖汗車臣汗之號又念扎薩克圖汗被殺冤痛屬下裔民
 散亡可矜授其親弟策妄扎卜為和碩親王其餘各分等級授以
 郡王貝勒貝子公台吉之銜明其法度昭其典章矣爾喇嘛普濟
 生靈向以喀爾喀國破為憂今已安措得所遣使諭爾喇嘛知之
 爾喇嘛聞此必大歡喜也其左翼之喀爾喀無復可議至右翼扎
 薩克圖汗屬下人等被擄散亡有在爾喇嘛所者亦有在他處者
 爾喇嘛普濟生靈必能查明發歸原主也今厄魯特人等屢有歸
 降聞噶爾丹窮困已極無食而饑於此可見噶爾丹之獲罪於天
 矣未必不往歸爾喇嘛若果往歸作何措置惟爾喇嘛裁之噶爾
 丹遁去之時曾立誓而去儻違誓而稍犯喀爾喀降人朕必發大
 兵分路前進務期剿滅之其時地方遙遠不及遣人齎敕於爾喇
 嘛亦未可定是以豫遣教習唐古特文喇嘛丹巴色爾濟諭爾知
 之○先是喀爾喀扎薩克丹津額爾德尼台吉奏厄魯特巴圖爾
 額爾克濟農劫其屬畜馬畜等物下議政大臣等集議至是議政
 大臣等議奏巴圖爾額爾克濟農前被噶爾丹劫掠窮迫來歸我
 皇上加恩給地安插乃巴圖爾額爾克濟農不思報 皇上覆
 載之恩反要劫降人喀爾喀丹津額爾德尼人畜什物應將巴圖
 爾額爾克濟農等遷至四十九旗地方安插兵部理藩院各遣官
 一員諭將軍尼雅翰率領甯夏所備西安滿兵全軍並令總兵官
 一員酌率綠旗官兵會同前往巴圖爾額爾克濟農所將喀爾喀

丹津額爾德尼等被劫人畜什物俱照數追還尼雅翰等率兵押
 送巴圖爾額爾克濟農至歸化城交將軍即談押護內送如巴圖
 爾額爾克濟農等不還所奪人畜什物不肯內徙安插即令尼雅
 翰等率大兵剿滅之奏入 上從之隨遣兵部郎中格什理藩院
 員外郎二郎保前往○調李天馥為吏部尚書由兵部調以石文桂為
 倉場侍郎原在○壬戌封皇三女為和碩榮憲公主下嫁巴林鄂齊
 爾郡王子吳爾袞授吳爾袞為和碩額駙○癸亥調杜臻為兵部
 尚書陳廷敬為刑部尚書由工部調○以索諾和為左都御史由吏部
左侍郎
 遷○以郭洪為山西布政使由給事中遷○甲子內閣學士南達海以
 老疾乞休允之○辛未以高爾位為工部尚書由刑部左
侍郎遷○調布
 彥圖為吏部右侍郎由刑部右侍郎遷○以丹
 達禮為貴州按察使由陝西甯夏道遷○戊寅以邁塗為刑部右侍郎由
內閣學士遷
 東華錄 康熙四十七 主
 閣學士遷○庚辰子故原任保和殿大學士成克鞏祭葬○壬午增設
 理藩院員外郎八○以李迥為刑部右侍郎由左副都
御史遷

東華錄

康熙四十八

臣王先謙敬編

臣周瀚蕃恭校

秋七月甲申朔奉差兵部郎中格什等奏臣等至甯夏會同將軍尼雅翰等率領西安滿兵全軍總兵官一員領綠旗官兵四千往追巴圖爾額爾克濟農副都統柏天郁總兵官馮德昌等率兵出大威口追及巴圖爾額爾克濟農於阿里渾烏素之地再三諭令遷移巴圖爾額爾克濟農不從旋即遁去臣等隨報將軍將軍分兵為三隊追之至西喇布里圖將宿臣等言當乘夜追及誅之次日往追則難及矣將軍不聽次日追三十餘里第三日至庫克布里圖度不能及遂率兵還臣等度巴圖爾額爾克濟農必西去臣格什往甘州等處地方臣二郎保往涼州等處地方探視巴圖爾額爾克濟農駐牧之地奏入 上命刑部侍郎邁塗前往察審尋邁塗審取口供具奏下部議兵部議覆尼雅翰稽遲怯懦失誤軍機應革去將軍並拖沙喇哈番不准折贖鞭一百副都統柏天郁革去副都統郎中格什員外郎二郎保俱革職總督葛思泰係封疆重臣部檄到日應即會同將軍尼雅翰等速議乃遲誤軍機遣大臣往訊始云會諫將軍尼雅翰巧飾具奏殊為不合應將葛思泰降二級調用得旨柏天郁葛思泰俱降五級留任將軍尼雅翰著逮至京監候校格什二郎保革職尼雅翰等所率往官兵令總督葛思泰暫轄駐紮甯夏○戊子以圖納哈為內閣學士由祭酒遷○禮部奏朝鮮國使臣違禁私買一統志書應將內通官張燦革職發伊國邊界充軍正使李沈副使徐文重等失於覺察並應革職朝鮮國王李焯姑免議得旨李沈徐文重等從寬免革職餘如議

○甲午理藩院奏喀爾喀人等既與四十九旗同列則眾扎薩克自親王以下驍騎校以上凡請安進貢奏事或遣使或親來俱應照四十九旗例土謝圖汗車臣汗旗內自王以下驍騎校以上凡行事亦應與四十九旗同土謝圖汗車臣汗其身僅存汗號應令進九白之貢其來使仍令照前例行澤卜尊丹巴胡土克圖之使亦令照前例行奏入 上曰喀爾喀人等初降新行安插俟三年後依此議行澤卜尊丹巴胡土克圖亦著貢九白○戊戌諭兵部歸化城兵無事當撤著都統郎談副都統碩爾於在彼大臣內酌帶一員沿邊直至甯夏延綏西甯往勘大軍可行可止之地至於巴圖爾額爾克濟農前者來歸給地安插而養之助喀爾喀往征厄魯特竟不為效力且劫奪喀爾喀之事甚多灼知其必不能改故令遷徙居察哈爾之地奈彼素藏禍心是以遠遁朕以向加養

東華錄

康熙四十八

育初無困之殺之之意欲居何地惟其所擇但不得擾害邊塞地方可令達虎書此原由遣人往諭巴圖爾額爾克濟農著一併議奏尋議今歸化城兵無事應撤但畱在歸化城之厄魯特向未去應撥每佐領護軍二名火器營兵四百名照兵數派官在歸化城周圍暫駐餘俱撤回此所畱兵俟頭隊厄魯特起程後即回其調大同宣府綠旗官兵亦令各回汛地暫畱大臣伏候 上命應著達虎鈔謄敕諭遣發巴圖爾額爾克濟農俟彼作何回覆即令奏報得旨著都統喀岱李正宗副都統田象坤郎化麟畱後將軍印交與喀岱參領諾爾孫達米納夸塞蘇丹古爾哈著與郎談偕往勘視大軍可行可止之地事畢著郎談等一二緊要之人乘驛先來入奏○己亥以衛既齊為左副都御史由順天府尹遷○丙午土謝圖汗奏 皇上仁恩臣與子及所屬人民不勝歡忭臣思得膏腴

之地竭力春耕以資朝夕得旨來年春著理藩院遣官一員指授膏腴之地合其種植○己酉予故保和殿大學士杜立德祭葬加祭一次諡文端○諭大學士等杜立德在世祖皇帝時居官早著賢聲稟性厚重行事正大非若他人之徒務虛名也朕任用多年老成恪慎如遇事得其情理從不肯苟隨同列必於朕前直言敷奏從前在任時陳奏之處頗多可謂賢臣矣

閏七月甲寅朔盛京刑部侍郎郎赫以偷安溺職降五級以盛京武職效力○丙辰四川陝西總督葛思泰奏臣差甘肅副將陳祚昌等哨探至昌甯湖有巴圖爾額爾克濟農之弟博際遣親信喇嘛格隆等來言素蒙 皇恩不敢背負今詩在昌甯湖牧馬陳祚昌度其將往西海借名牧馬緩我軍機隨將格隆等監禁一面報臣及總兵官甘肅總兵官柯彩調遣遊擊李士達等領官兵四路

東華錄 康熙四十八

進勒大敗蒙古兵殺五百餘人博際遁走追躡百餘里所獲牲畜器械無算生擒蒙古十五人並前監禁之格隆額爾林臣索諾木等皆斬之下部議敘○庚申調蘇赫為吏部尚書以庫勒納為戶部尚書由禮部左轉阿山為戶部左侍郎以博際為戶部右侍郎由內閣學士○乙丑以明額理為盛京刑部侍郎由大理寺卿思格色為內閣學士由翰林院侍○己巳以尹泰為左副都御史由通政使楊鳳起為湖南布政使由河南按察使○癸酉諭大學士等副都御史衛既齊前議分南北卷時因邵遠平有江浙人盡奸詐之語遂信其為賢而保之邵遠平謂江浙人盡奸詐伊之祖父獨非江浙人乎父為子隱子為父隱直在其中果如邵遠平之言則伊祖父兄弟皆奸詐人矣賣祖父兄弟以沽直名乃奸詐中之第一人也豈得謂之直哉況從來賢才不擇地而生十室之邑必有忠信朱子徽州人

也紹洙泗道統之傳江浙中豈無賢者衛既齊一假道學耳認理不明中無定見是以為其所愚也○予故吏部尚書鄂爾多祭葬諡敏恪○乙亥 上巡幸邊外啟鑾○以胡介祉為河南按察使由山西河○喀爾喀西卜退哈灘巴圖爾來降授為輔國公○壬午以甘肅布政使噶爾遜薩為光祿寺卿○是月免江西南昌等五府逋賦江南海州桃源等七州縣旱災賦

八月甲午朔以吳赫為山西布政使由陝西按察使許宏勳為河南布政使由雲南按察使○子故戶部侍郎賽弼漢祭葬○乙未調吳赫為甘肅布政使以能特為山西布政使由按察使以佟世雍為雲南按察使由廣東雷○辛丑以納壘為陝西按察使由中選○乙巳以張志棟為江蘇布政使由福建按察使○戊申以巴錫為山西按察使由

東華錄 康熙四十八

陽等五州縣蝗災賦 九月癸丑以衛既齊為貴州巡撫由左副都御史王清賢為福建按察使由四川松○甲寅喀爾喀達拉瑪希里卓特巴來降授多羅貝勒○辛酉 上謁 暫安奉殿 孝陵至 仁孝皇后 孝昭皇后 孝懿皇后陵奠酒○甲子以線一信為湖北布政使由湖南按察使○乙丑 上還京師○丁卯達賴喇嘛遣使德木本爾囊素奏言前者敬遵諭旨曾遣噶爾爾西勒圖往和喀爾喀厄魯特因彼構兵不已復遣濟隆論和濟隆回報言喀爾喀厄魯特俱聽從立誓矣及見 皇上敕諭內有噶爾丹為大兵所敗認罪立誓之旨始知噶爾丹不聽訓飭是以此地所遣人員無知無識伏乞寬宥德木本爾囊素又述達賴喇嘛口奏云喀爾喀厄魯特交戰之前土謝圖汗噶爾丹等遣使於西海台吉各請助兵達賴台吉

來告於我我謂喀爾喀厄魯特等和睦我則喜悅不願有所偏助也四川打箭鑪地方令西海扎什巴圖爾台吉領兵駐防非有異念今俱已撤歸矣 上以達賴喇嘛向來恭順噶爾丹事必其使臣及屬下人通同蒙蔽非達賴喇嘛意因賜敕曰朕統御宇內以愛育黎庶爲本務使萬邦共享安樂前聞喀爾喀厄魯特交惡相攻屢遣使於爾喇嘛以和兩國爾喇嘛從來奉命不違敬順而行亦屢遣喇嘛說和奉差喇嘛諸人若能仰體朕與爾好生之意盡心行事則喀爾喀厄魯特和好早息戰爭矣但爾近侍與濟隆胡土克圖等皆有私意不體朕與爾之心濟隆胡土克圖身在噶爾丹營中並不說和噶爾丹藉追喀爾喀爲名闖入邊汛劫掠烏朱穆秦又不勸阻且噶爾丹與我軍交戰濟隆張蓋於山頂觀之而報爾以爲竭力說和聽從立誓濟隆之去朕面諭以告爾喇嘛之

東華錄

康熙四十八

五

言亦不行傳諭以前項事情揆之未必由濟隆一人之意亦爾近侍之人通同貪利而欺蔽爾徇庇噶爾丹之所致也爾豈有如是之心乎朕灼見與爾喇嘛無涉是以朕不責汝朕向來惟以實心待爾故將若輩行事違朕與爾之意遣敕諭爾知之至噶爾丹乞兵於達賴台吉而不許駐防四川打箭鑪之兵盡撤已具悉所奏矣○戊辰調傅繼祖爲翰林院掌院學士兼禮部侍郎由內閣以黃斐爲左副都御史使遷○庚午諭戶部朕孜孜圖治軫切民依閭閻耕穫時勤訪其有以荒歉上聞者或蠲或賑旋即施行務令得所念河南一省連歲秋成未獲豐稔非沛特恩蠲恤恐致生計艱難康熙三十一年錢糧著通行蠲免並漕糧亦著停徵至山西陝西被災州縣錢糧除照分數蠲免外其康熙三十一年春夏二季應徵錢糧俱著緩至秋季徵收用稱朕眷愛黎元撫綏休養至意○以劉標爲湖南按察使由廣東○甲戌諭大學士等河道關繫緊要著戶部侍郎博際兵部侍郎李光地工部侍郎徐廷璽前往查閱靳輔亦著同去靳輔於河務最爲諳練如黃河險工不能完固則運河中河俱壞著將黃河刷底深闊及所修險工之處從公閱看○以布喀爲內閣學士由大理寺卿遷冬十月庚寅四川陝西總督葛思泰奏前因謝爾素地方番人爲盜擅發弓箭射死參將朱震等部議令臣發兵勦殺隨飭西甯總兵官李芳述酌帶官兵馳赴謝爾素八月二十七日在棋子山殺死賊番六百餘名生擒三十名爲首之華木爾加等審明正法下所司知之○甲午以戴吞爲陝西布政使由御史遷○丙申賑阿祿科爾沁等七旗○丁酉諭大學士等朕聞陝西西安鳳翔等處年歲不登民艱粒食以致流移今遣學士布喀速往陝西凡被災地方親歷查看其作何賑濟之處會同總督巡撫速議以聞○丁未先是遣侍讀學士達虎等齎敕頒賞策妄阿喇布坦阿奴等歸至嘉峪關外被阿奇羅卜臧等劫去馬駝盔甲等物兵部檄令甘肅提督孫思克發兵征討至是孫思克奏阿奇羅卜臧經臣遣發官兵征討斬殺四百餘人獲馬駝牛羊千計下所司知之○戊申工部尙書席柱高爾位侍郎伊爾格圖齊稽王承祖各降五級調用以疏濬城河估費浮多故也○是月免河南陽武等二十三州縣旱災江南興化山西岳陽等九州縣蝗災額賦十一月丁巳以索諾和爲工部尙書由左都御史遷調凱音布爲工部左侍郎由倉部遷圖爾宸爲工部右侍郎由盛京工部調○以李振裕爲工部尙書由吏部遷年遐齡爲工部右侍郎由內閣學士遷○戊午喀爾喀扎薩克圖汗之妻布尼達喇奏 皇上出臨會閱我與子巴郎欲赴會

東華錄

康熙四十八

六

所訴先祖父名爵及扎薩克圖汗被害兩大事因子身故不獲赴會陳訴今特攜六歲之子克色克台吉而來寡婦孤兒惟 皇上鑒恤奏入下理藩院議尋議覆扎薩克圖汗之弟策妄扎卜已封親王克色克年幼未應受封所奏無庸議得旨扎薩克圖汗被殺殊為冤抑所存止此一子克色克從優授為輔國公○己未諭吏部從來致治之道在正人心人心偏私則詐偽日生而習俗滋敝人心公道則羣競自息而庶績允釐朕早夜孜孜崇尚德教獨深煩苛期與中外臣民共適於寬大和平之治凡大小諸臣素經拔擢咸思禮下趨曲全始終即或因事放歸或罹咎罷斥仍令各安田里樂業遂生惟爾諸臣亦宜奉職恪共絕偏私而襄國事乃近見內外各官間有彼此傾軋伐異黨同私怨交尋牽連報復或己所銜恨而反屬人代糾陰為主使或意所欲言而不直指其事

東華錄

康熙四十八

七

巧陷術中雖業已解職投間仍復吹求不止株連逮於子弟顛覆及於身家甚且市井奸民亦得借官陵侮蔑紀傷化不可勝言凡若所行雖迹甚詭祕朕總攬機務已三十年此等情態知之最悉儻因仍陋習益致蔓延殊非朝廷所以體恤臣工保全愛惜之意夫讒譖媚嫉之害歷代皆有而明末為甚公家之事置若罔聞而分樹黨援飛誣排陷迄無虛日以致釀禍既久上延國家朕歷觀前史於此等背公誤國之人深切痛恨自今以往內外大小諸臣應仰體朕懷各端心術盡蠲私忿共矢公忠豈獨國事有裨即爾諸臣亦復身名俱泰儻仍執迷不悟復踵前非朕將窮極根株悉坐以交結朋黨之罪爾部可即傳示中外使咸知朕意○壬戌轉趙士麟為吏部左侍郎以彭孫通為吏部右侍郎王挾為內閣學士由翰林院侍讀學士遷○以星安為盛京工部侍郎由內閣學士遷○癸亥以薩

海為左都御史由吏部左侍郎遷○甲子差往陝西勘災內閣學士布喀回奏地方荒歉情形 上諭戶部陝西西安鳳翔等處年歲不登民艱粒食朕心深切軫念若不大沛恩施無以徧甦疾苦其被災各地方康熙三十一年額徵銀米著通行蠲免又聞甘肅地方秋收豐稔米價較平著該督撫會同詳議作何購買轉輸速行賑濟務使比屋得沾實惠不致化離失所以副朕撫恤災黎至意○以伊圖為倉場侍郎布喀為甘肅巡撫由內閣學士遷○命山西省撥銀二十萬兩解赴陝西賑濟饑民○戊辰 上幸南苑行圍○以達虎為內閣學士由內閣侍讀學士遷○庚午轉布彥圖為吏部左侍郎調沙穆哈為吏部左侍郎管右侍郎事由兵部調○辛未 上還暢春園○兵部議覆湖廣總督丁思孔奏參均房右營守備張明令兵丁採取薪芻以致眾怨應將守備張明革職 上諭大學士等朕思貧窮

東華錄

康熙四十八

八

武弁家人必少細小事務差遣兵丁凡以小事控告專管官員朕從未准行若此端一開兵丁必致相聚各處控告汛守空虛將弁亦難以管轄此本著再議具奏尋議守備張明降一級留任罰俸一年從之○壬申以李柎為內閣學士由翰林院侍講學士遷○甲戌諭禮部自昔帝王敬天勤政凡遇垂象示做必實修人事以答天戒頃欽天監奏推算日食當在康熙三十一年正月朔日食夫日食為天象之變且又見於歲首朕兢惕靡甯力圖修省惟大小諸臣務精白乃心各盡職業以稱朕欽承昭格至意其元旦行禮筵宴俱著停止○乙亥以德珠為內閣學士由御史遷○丙子轉朱都納為兵部左侍郎以舒恕為兵部右侍郎由左副都御史遷○是月免陝西渭南州鎮原等二十三州縣河南蔡陽等二十六州縣湖廣沅州等三州縣雲南昆明等十州縣直隸霸州等二十四州縣被災額賦

十二月辛巳朔諭大學士等各省輓運京師糧米除一歲所需每年存餘幾何著查明具奏又諭治道以愛民爲要而利益民生務在均霑實惠朕屢蠲免地丁銀兩思完納漕糧一項小民良苦亦欲特賜蠲微此念已久每歲餘米若足供一二年之需則漕糧亦可酌量免徵其荊州江甯杭州等大兵駐防處所亦酌量裁留以爲儲備民既見霑實惠或遇水旱之年更有裨益至於運丁賴運資生若停輓運須使運丁不至困窮著一併議奏○壬午大學士等奏臣會同戶部確查米數見今倉內儲米七百八十萬石有奇足供三年給放 上曰有米如許朕意將三十一年起運之米於江甯京口杭州荊州等處酌量裁留將三十二年漕運盡行蠲免民生寬裕於國實有裨益其下九卿確議尋九卿議覆京師根本漕糧輸輓關係國計似難輕議全蠲况五方雜處人煙湊集需用東華錄 康熙四十八 九

孔多若一年停運米既不能北來百貨價值亦將騰貴臣等公議將漕米照省分府逐年輪免二三年間即可周徧無有不邀 聖恩者矣得旨朕急思軫恤民生於都城人民食用之需未曾計及九卿議是○甲申諭戶部朕撫馭區宇三十年以來早夜圖維惟以愛育蒼生俾咸臻安阜爲念比歲各省額徵錢糧業已次第蠲豁其歲運漕米向來未經議免朕時切軫懷所有京通各倉米穀樽節支給數載於茲今觀歷年儲積之粟恰足供用應將起運漕糧逐省蠲免以紓民力除河南省明歲漕糧已頒諭免徵外湖廣江西浙江江蘇安徽山東應輸漕米著自康熙三十一年始以次各蠲免一年至江甯京口杭州荊州大兵駐防地方亦應豫行積貯著將康熙三十一年起運三十年漕米各截留十萬石存貯倉廩令該地方官故慎守視以備需用○以佛葆爲左副都御史

捕理事 ○丙戌理藩院奏歸化城一帶地方耕牛八旗內佐領兩官遷 人共助一牛其耒耜等項俱移文山西巡撫豫備 上諭所用耕牛不必令其幫助即於御廠內牛取用耒耜等項若令巡撫製備將仍委之屬吏一委屬吏必致累民其鐵器著支用庫銀製造從驛遞運送邊外木植甚多其木器即於彼處製用夫農田者人生之根本朕凡所至之地先察其土田邊外耕種必培護穀苗使高其壟此皆由土性寒而風又凜冽之故不如此則穀苗不能植立矣內地之田其壟不高各處耕種不同者皆隨其地土之宜也○丁亥理藩院奏覆達爾河等種地積穀 上諭大學士等邊外積穀甚屬緊要達爾河地方著交內務府派各莊壯丁耕種呼兒河地方令五旗王等莊屯人前往耕種其籽粒耒耜耕牛皆令豫備著派諳練農事官員前往監管布種完時酌留耘田之人收穫其東華錄 康熙四十八 十

各農夫所食米穀著於古北口所貯米穀帶去其席喇穆倫地方仍照前議令盛京人役前往耕種秋收之時有收穫多者該部將監管官員議敘具奏朕觀各處地畝肥瘠不同朕巡視南方見彼處稻田歲稔時一畝可收穀三四石近京玉泉山稻田一畝不過一石又見古北口穀田豐收之年一穗約三千粒口外近邊地方豐收之年穗幾萬粒此皆土脈不同故收穫亦異以此觀之遼爾河等三處墾種所費無幾而所獲必多矣○戊子諭大學士等近因西安等處被災已令動支正項錢糧二十萬兩賑濟著戶部侍郎阿山內閣學士德珠前往驗給務使饑民均霑實惠○壬辰諭兵部武職官員任寄封疆關係甚重必得其人始有神益朕所簡閱素悉之員俱已次第拔擢今宜選材以備任用爾部行文各將軍總督提督巡撫及無提督省分總兵官於武職官員內副將以

下千把總以上有灼見人材勇健諳練軍務整飭營伍愛恤民卒
 及行間效力曾經立功者不論本省別省見任候補限文到三日
 內各舉所知保奏不必彼此會同其在內八旗漢軍官員有人材
 素優嫻於約束堪任要地者亦著都統副都統保奏○己亥 上
 啟鑿謁 陵○辛丑 上謁 暫安奉殿 孝陵至 仁孝皇后
 孝昭皇后 孝懿皇后陵奠酒○癸卯 上謁 暫安奉殿回
 鑾○丙午 上還京師○是月免直隸永清等五十三州縣衛旱
 災賦○是歲朝鮮琉球來貢○人丁戶口二千三十六萬三千五
 百六十八田地山蕩畦地五百九十三萬二千六百八十四頃二
 十七畝有奇徵銀二千七百三十七萬五千一百六十四兩有奇
 米豆麥六百九十五萬二千八百一十一石有奇草二百八萬三千四
 百六十五束茶十五萬七千四百五十三引行鹽四百三十三萬
 五千八百六十引徵課銀二百六十九萬七千七百五十一兩有
 奇鑄錢二萬八千九百九十二萬一千五百有奇

東華錄

康熙四十八

十一

東華錄

康熙四十九

臣王先謙敬編

臣周澐蕃恭校

康熙三十一年壬申春正月辛亥朔日有食之○甲寅 上御乾
 清門召大學士九卿等至 御座前 上取性理展閱指太極圖
 謂諸臣曰此所言皆一定之理無可疑論者又指五聲八音八風
 圖曰古人謂十二律定而後被之八音則八音和奏之天地則八
 風和而諸福之物可致之祥無不畢至其言樂律所關如此其大
 而十二律之所從出其義不可不知如律呂新書所言算數專用
 徑一圍三之法此法若合則所算皆合此法若舛則無所舛矣
 朕觀徑一圍三之法用之必不能合蓋徑一尺則圍當三尺一寸
 四分一釐有奇若積累至於百丈所差至十四丈有奇等而上之
 其為舛錯可勝言耶因取方圓諸圖指示諸臣曰所言徑一圍三
 止可算六角之數若圍圓則必有奇零其理具在目前甚為明顯
 朕觀八絳表中半徑句股之法極其精微凡圓者可以方算開方
 之法即從此出逐一驗算無不脗合至黃鐘之管九寸空圍九分
 積八百一十分是為律本此舊說也其分寸若以尺言則古今尺
 制不同自朕觀之當以天地之度數為準至隔八相生之說聲音
 高下循環相生復還本音必須隔八隨命樂人吹笛和瑟次第審
 音至第八聲復還本音 上曰此非隔八相生之義耶以理推之
 固應如是 上又曰算數精密即河道開口流水亦可算晝夜所
 流分數其法先量開口闊狹計一杪所流幾何積至一晝夜則所
 流多寡可以數計矣又命取測日晷表以 御筆畫示曰此正午
 日影所至之處遂置乾清門正中令諸臣候視至正午日影與

東華錄

康熙四十九

十一

御筆畫處恰合毫髮不爽諸臣等奏曰臣等今日仰承 聖訓得聞所未聞見所未見不勝懽慶之至○諭直省州縣廣積貯○己巳 上幸玉泉山○庚午 上幸南苑行圍○乙亥 上還宮○丙子差往閱視河工侍郎博際等以治河事宜並圖進呈 上諭黃河沙灘消長本無定所緩水處可以設立滾水壩至急流處則滾水壩斷不可設自朕觀之其至緊要者無過於險工將錢糧實用於險工之處使之堅固斯可永保無虞矣○先是欽天監奏本年正月初一日辛亥日食查占驗有大臣黜近臣有憂等語是日上諭大學士等朕觀自古帝王於不肖大臣正法者頗多今設有貪汙之臣朕得其實亦必置之重典此皆係於人事凡占候當直書其占語今欽天監往往揣度時勢附會陳說如去年視有旱狀則用天時亢旱之占講張殊甚可傳欽天監監正論之○丁丑

東華錄

康熙四十九

當蒐羅藏弄異日明史告成之後新史與諸書俾得並觀以俟天下後世之公論焉前曾以此旨面諭徐元文爾等當知之○戊寅以董延祚為福建按察使由廣西卷 ○己卯諭修明史諸臣朕自沖齡即在宮中披覽經史明實錄曾閱數過見其間立言過當紀載失實者甚多纂修明史宜加詳酌如宏治中太后思念崇王欲令人朝此亦情理之常且所封之地初不甚遠而一時大臣及科道官員交章爭執以為不可至云人民騷擾國勢動搖時已有旨召崇王矣竟因人言而止書言以親九族九族既睦若藩王就封必不可召見則自古帝王所云睦族之道謂何又正德實錄載午朝罷後於御道得匿名文簿一卷傳旨詰問百官皆跪於丹墀時仆而暴死者數人喝而病者尤眾夏月雖天時炎熱何至人多暴卒且行間將士每披堅執銳勦力於烈日之中未聞因暑而致死

東華錄

康熙四十九

三

豈朝堂之上病暍若斯之甚耶所云盡信書不如無書此之謂矣至於宦官為害歷代有之明如王振劉瑾魏忠賢輩負罪尤甚崇禎之誅鋤閹黨極為善政但謂明之亡於太監則朕殊不以為然明末朋黨紛爭在廷諸臣置封疆社稷於度外惟以門戶勝負為念不待智者知其必亡乃以國祚之顛覆盡委罪於太監耶朕於宮中太監止令供灑掃奔走之役一嘖一笑從不假借所以數十年以來太監皆極貧乏有不能自給者爾諸臣想亦悉知朕非信用太監之主惟朕可為此言作史之道務在秉公持平不應膠執私見為一偏之論今特與諸臣言之宜共知此意

二月辛巳朔吏部議覆山東巡撫佛倫奏原任運河同知陳良謨告河道總督王新命勒取庫銀王新命奏參陳良謨欠河庫銀兩今據陳良謨供王新命共勒取庫銀六萬七百兩請將王新命

調赴省城質審應如所請其河道總督事務暫交漕運總督董訥署理 上諭大學士等朕聽政以來以三藩及河務漕運為三大事夙夜靡念會書而懸之宮中柱上至今尚存儻河務不得其人一時漕運有誤關係非輕董訥為人性刻恐其債事靳輔熟練河務及其未甚老適用之管理亦得舒數載之慮靳輔著為河道總督王新命著解任遣戶部尚書庫勒納禮部尚書熊賜履前往會同該撫察審○癸未差往陝西賑濟戶部侍郎阿山內閣學士德珠自西安回入奏 上曰聞被災之民有流於襄陽者今情狀何如阿山奏曰民未會流至襄陽聞有流於河南者自賑濟以後人民安輯且因正月兩次下雪不致流散失所 上曰正月雖雪二月三月雨水不調麥田亦未可望人民流於襄陽者甚多爾未知之耳尋諭大學士等阿山為人庸劣奉差之事不能盡心凡事啟奏東華錄 康熙四十九 四

多涉兩可前同郭世隆遣往福建審事以病推諉奏內竟未列名著解任以郎中品級隨旗行走○賑山西浮山等十三州縣饑○甲申諭戶部陝西被災貧民轉徙四方者儻不加撫綏必致失所朕甚憫之其飭所在有司悉心賑濟並給貲遣還鄉里○乙酉再發山西庫銀十萬兩加賑陝西遣刑部侍郎傅臘塔督運襄陽米十萬石赴西安○丙戌轉年遐齡為工部左侍郎以李元振為工部右侍郎由左副都御史遷○丁亥 上巡幸畿甸啟鑾○轉博際為戶部左侍郎調凱音布為戶部右侍郎轉圖爾宸為工部左侍郎以沙納海為工部右侍郎由副都統遷○辛卯四川陝西總督葛思泰等奏西鳳二府被災饑民 皇上發銀二十萬兩賑濟又遣部臣阿山等親行驗給饑民均霑實惠正月初旬屢降雨雪麥苗將槁復甦災黎俱已得所得旨督撫係封疆大臣凡地方事宜俱應豫行

籌畫早為區處方有裨益去年西安鳳翔等處旱災若先有積貯米穀早行奏明賑濟小民必不至於饑荒流散葛思泰等不能先事豫防積穀備賑又不即行奏明及朕聞知遣官察看被災情形特諭蠲免錢糧復頒帑金遣官賑濟近聞饑民尚有流至襄陽等處者甚多葛思泰等不據實陳奏屢稱災黎俱已得甦不至失所過於粉飾具奏殊屬不合總督葛思泰革職留任巡撫薩弼圖革職○甲午以徐潮為左副都御史由通政使遷○戊戌 上還京師○庚子調庫勒納為吏部尚書由內閣學士遷○癸卯調布喀為陝西巡撫以吳赫不為理藩院右侍郎由內閣學士遷○乙巳調馬齊為戶部尚書索諾和為兵部尚書以沙穆哈為工部尚書由吏部左侍郎遷○以溫保為內閣學士由閣侍讀學士遷○己酉以嚴泰為甘肅布政使由給事中遷○是月免四川永甯縣去年水災額賦 東華錄 康熙四十九 五

三月辛亥 上幸玉泉山○壬子調傅臘塔為吏部左侍郎管右侍郎事由刑部左侍郎調○丙辰內大臣阿爾迪理藩院尚書班迪等奉差往邊外蒙古地方五路設立驛站請訓 上曰凡遇邊外事務皆用蒙古馬匹不但甚累蒙古且恐事亦有誤今設立驛站雖費用國帑日後於蒙古裨益良多亦不致遲延誤事最為緊要特遣爾等料理務加詳慎必將確然不易可垂永久之策籌畫而行○轉遞塗為刑部左侍郎以尹泰為刑部右侍郎由左副都御史遷○戊午湖廣總督丁思孔奏請將武昌等營水師船於洞庭湖操演 上諭大學士等武昌沙船甚少非全部之兵不必於洞庭操演朕觀京口船隻最為緊要有事可以調發肆應當不時操演且舟戰甚難彼此乘船對敵固難儻對敵之際倏爾登岸交鋒更難且險即如澎

湖大敗水賊克取臺灣事後人皆視以爲易當未得之先朕豈遽以爲易且舉一事與爾等言之當吳逆變亂聞在岳州湖中官兵與賊交戰扎喇克圖查庫等九船官員齊於將軍鄂內前言我等九船進則齊進同心破賊斷不相離不諳者聞其語遂以爲誠能奮勇效力若倣此而行未有不謀事者戰陣之道彼此爭先方爲有益若互相觀望特爲各保軀命而已此九船前進並未擒獲賊船一隻則其觀望可知矣此事止可欺鄂內輩其可以欺朕乎朕會以扎喇克圖等齊進之事詰問鄂內等俯首不能答一言朕洞悉扎喇克圖之爲人解其前鋒統領令隨征厄魯特又不冒死克敵以贖前愆反棄眾先奔立心奮勇之人豈如是乎○乙丑諭大學士等河工關繫運道民生非經歷諳練之人難以責成靳輔赴任之前朕召入內廷與之久語觀其奏對情狀大非昔比則其衰

東華錄

康熙四十九

六

病可知著順天府丞徐廷璽前往協理○先是 上諭大學士等頃有喀爾喀杜楞逃來言彼向在巴圖爾額爾克濟農弟博濟所博濟經我兵掩殺徒步逃去至伊巴賴之地遇巴圖爾額爾克濟農屬下祁齊克台吉等博濟取彼馬匹及糧糗往覓其兄食盡困極自相竊奪見在額濟內地方額濟內之地距嘉峪關四日程目下西安大兵正往成甯夏可令侍衛阿南達攜杜楞至甯夏會同將軍馬喇提督孫思克及總兵官等詳議確探聲息如巴圖爾額爾克濟農所居果近嘉峪關二郎保格什見在彼地可即遣伊等前往招撫如抗拒不降即選發滿洲綠旗兵剿除之至是阿南達等奏報巴圖爾額爾克濟農降 上諭議政大臣等覽侍衛阿南達等奏報巴圖爾額爾克濟農已降將遣其子來朝但其人未可深信或時序不宜馬匹羸瘦不得已而降令其子來朝往返之

東華錄 康熙四九

際馬匹休息又復連逃亦未可定將軍馬喇提督孫思克既身與相近目擊情形宜乘此機會共商徙入內地之策斷不可縱使復逸尋馬喇等奏巴圖爾額爾克濟農屬下人共二千二百餘口絕糧窮困已極揆其情形必不復逃 上命理藩院遣官一員至甯夏令巴圖爾額爾克濟農少攜僕從乘驛而來沿途酌撥綠旗兵遞送俟朝見後遣歸尋巴圖爾額爾克濟農率其子台吉雲木春來朝優資遣之○諭大學士等甘肅提督孫思克久歷邊地勞績素著著加太子少保給一拜他喇布勒哈番○壬申賑喀爾喀多羅郡王古祿西希旗貧戶○甲戌子故原任文華殿大學士馮溥祭葬諡文敏○丁丑修渾河隄○戊寅諭大學士等國家設立科道本諭令其陳奏得失近日不見一人條奏爾等可將科道等官傳集曉諭俾各抒所見陳奏勿隱○以噶爾薩爲左副都御史

東華錄

康熙四十九

七

理寺○改雲南永北協爲永北鎮設總兵官遊擊等員
夏四月甲申刑部等衙門議覆戶部尚書庫勒納禮部尚書熊賜履等察審原任河道總督王新命借用庫銀一案應將王新命照監守自盜律擬罪同知陳良謨侵盜庫銀應斬守備李文隆私借庫銀應絞濟甯道韓作棟私借庫銀已經還補應革職減等枷號得旨王新命等俱從寬免罪著革職○增雲南大理府城守遊擊一守備一千總二把總四○己丑發戶部帑銀一百萬兩賑陝西饑並給軍餉○癸巳命兵部尚書索諾和內閣學士德珠往查山西平陽府以西被災未報地方賑濟饑民○甲午 上巡視畿甸閱田禾○乙未 上還京師○丁酉諭大學士等陝西西安鳳翔饑荒朕夙夜軫念有從陝西往來人員必親加詢問頃四川巡撫噶爾圖來京陛見問所過陝西州縣情形噶爾圖奏稱西鳳二府

二七一

百姓流亡者多朕聞知不勝惻然應作何賑濟使饑民即徧霑實惠爾等與九卿等確議具奏尋議陝西賑濟事宜應再遣大臣會同該督撫不論撥解銀兩及運送米石於被災州縣酌量人民多寡作速通行散給事後奏銷務使均霑實惠隨命戶部尚書王騰工部尚書沙穆哈前往賑濟○戊戌 上幸瀛臺○己亥督捕侍郎席珠以啟奏逃人事件失查原案奏對不明降調○庚子以唐宗堯為河南布政使由廣西按察使遷○河道總督靳輔奏請復建新莊開以利運道又仲家閣下陶家莊地方應添造一閘使兩閘行運互相洩瀉尤於黃中兩河大有裨益下部議行○辛丑 上御瀛臺內豐澤園激懷堂召尚書庫勒納馬齊等入 上曰頃爾等進來時曾見朕所種稻田耶諸臣奏曰曾見過稻苗已長尺許矣此時如此茂盛實未有也 上曰朕初種稻時見有於六月時即成

東華錄

康熙四十九

八

熟者命取收藏作種歷年播種亦皆至六月成熟故此時若此茂盛若尋常成熟之稻未有能如此茂盛者朕巡省南方時將江南香稻暨菱角帶來此處栽種北方地寒未能結實一遇霜降遂至不收南方雖有霜雪然地氣溫暖無損於田諺云清明霜殺雨雪言不足為害也總之南北地氣不同節候各異寒暑之遲早全視太陽之遠近所以赤道度數最宜詳審欲定南北之向惟以太陽正午所到之處為準即指南鍼亦不能無偏設有鐵器在旁則鍼為所引亦復不準此是一定之理今將一片石以繩懸之使之旋轉俟其既定刻記所向南北復動如前其所向南北仍復不變即此可思其理所以凡物皆有自然一定之理庫勒納奏曰聞黑龍江日長夜短雖晚日落不至甚暗不知何故 上曰黑龍江即東北之地日出日入皆近東北方所以黑龍江夜短日落亦不甚暗

又命看激懷堂後院所栽修竹前院盆內所栽人蕩及各種花卉上指示曰北方地寒風高無如此大竹此係朕親視栽植每年培養得法所以如許長大由此觀之天下無不可養成之物也○乙巳調博際為督捕侍郎轉凱音布為戶部左侍郎以思格色為戶部右侍郎由內閣學士遷○戊申以法爾哈為左副都御史由通政使遷○五月庚戌朔諭戶部尚書馬齊侍郎凱音布聞山西平陽府等處雨澤霑足牟麥豐收其值必賤可遣賢能官員往彼購買豫為積貯不惟有益於民異日儻有需用時得所資矣隨命王維珍前往料理○以姜登高為廣西按察使由陝西臨洮道遷○辛亥飭所在有司積貯○以戴通為內閣學士由大理寺卿遷○以貴州布政使蔣寅為太僕寺卿○戊午以舒樹為山西布政使由郎中遷○丙寅陝西巡撫布喀奏輓運甯夏糧十萬石至今未到請敕下甘肅巡撫嚴催輓運

東華錄

康熙四十九

九

得旨凡積貯米穀總以備應急需支散賑濟西安鳳翔所屬被災朕心深切焦勞因令將甯夏糧石作速運往布喀前任甘肅巡撫時以甯夏道遠輓運艱難欲將長武附近州縣之糧運去自行陳請隨即允行經今數月乃布喀詐欺愚民輒稱百姓困苦邀取虛名總不竭力公事遷延推諉竟未運到頃調伊為西安巡撫又向西安之民巧示情面請敕甘肅巡撫速行輓運以陷人於罪專事奸巧希圖名譽耽誤委任稽遲急務莫踰於此理應即置重典以為邀虛名誤公事者之戒但伊尚有未完之事著將布喀革職戴罪留任甯夏等處糧石令其俱親身照數速行運至西安至散賑之事布喀停其管理總督葛思泰同差往大臣協力賑濟儻布喀仍不作速運到稍有耽延定置重典決不寬宥○庚午賑喀爾喀郡王善巴旗貧戶○癸酉兵部議覆廣東廣西總督石琳等奏黎

人地方丁田無多不便設立州縣總兵官吳啟爵所奏於黎人地方築建城垣添設官兵之處應無庸議 上曰閱瓊州輿圖周圍皆服內州縣而黎人居中如果此處應取古人何為將周圍取之而在內彈丸之地反棄而不取乎不入版圖必有深意初立州縣建築城垣有累百姓部議不准良是○以高啟龍為四川布政使

由安徽按察使遷

六月庚辰調宋榮為江蘇巡撫以馬如龍為江西巡撫

由浙江布政使遷

○丙戌以王興禹為安徽按察使

由浙江驛傳道遷

○己丑先是遣內閣

侍讀海三岱往西甯邊歸降之羅卜藏賽音台吉暫駐甯夏邊外

至是理藩院奏據海三岱報稱羅卜藏賽音台吉已至甯夏邊外

應遣臣衙門官一員將羅卜藏賽音台吉及其子女屬裔自甯夏

驛送至鄂爾多斯自鄂爾多斯驛送歸化城附近安插到日再議

東華錄

康熙四十九

十

授職從之○庚寅以蔣毓英為浙江布政使

由江西按察使遷

○乙未理

藩院奏科爾沁進獻席北卦爾察打虎兒人丁先經議政王大臣

等議每丁賞銀八十兩如不願領八十兩者每丁一年給銀三兩

今查可以披甲之丁共一萬一千八百五十餘名此內五千七百

十九丁情願每年領銀三兩其六千一百三十九丁情願領銀八

十兩其老病未及年歲者按戶各賞銀八十兩從之○戊戌以張

奇抱為江西按察使

由貴州貴西道遷

張四教為廣西按察使

由江西驛傳道遷

○辛丑先是貴州巡撫衛既齊奏黎平府屬古州司高洞苗人金

倒等隱匿罪犯拒捕殺死官吏至是衛既齊奏黎平府高洞苗拒

捕殺官一案臣誤信知府張激副將侯奇嵩之言會奏明發兵後

報稱進剿殺苗一千一百餘人亦經具奏今始訪聞因張激侯奇

嵩私遣兵目索財是以苗人拒阻致斃張激等畏罪誑飾實無拒

捕之事並無勦殺苗人之事知府張激副將侯奇嵩見在嚴審臣前輕信具奏亦難辭咎得旨凡事詳慎方善衛既齊於此事輕率發兵又稱將苗人殺敗伊自行具奏今乃云盡屬虛妄將人參劾果何為耶朕自臨御以來未見有如此錯誤者著遣部院堂官會同總督詳加察審如果係知府副將之罪即於彼處以軍法從事苗人果不遵約束亦酌量即行勦滅不必往返奏聞即行完結尋遣吏部尚書庫勒納內閣學士溫保前往察審○癸卯甘肅提督孫思克奏台吉怒都既與巴圖爾額爾克濟農同來降又與羅卜藏額林臣耶齊克等潛謀逃亡欲赴策妄阿喇布坦所隨發官兵追勦至庫勒圖地方怒都遠遁殺其所屬四十餘人擒獲男婦馬駝等耶齊克自稱台吉同謀逃遁應正法陣擒四十三人隨耶齊克之九人亦應正法其妻子應否解京所獲馬駝器械等物應否

東華錄

康熙四十九

十一

賞給有功官役請旨定奪下部議等議覆耶齊克宜正法宥其從

人妻子解京其駝馬等物賞給有功將士得旨耶齊克著免死其

妻子亦免解京令與巴圖爾額爾克濟農完聚餘如議○丙午賑

喀爾喀達爾漢親王諾內等六旗貧戶

東華錄

康熙五十

臣王先謙敬編

臣周澗蕃恭校

秋七月壬戌貴州巡撫衛既齊奏土官盧君龍擾害苗民肆行兇惡應請革職其長子盧大乾素行不法仍准承襲應以次子盧大晉承襲 上諭大學士等土司習俗各異必順其性而撫治之方為得宜衛既齊每拘泥書本辦事欲強土司屈從其性在山東居官時朕以其有守擢為巡撫今觀其於土司之事屢生齟齬此等人不可專任著俟庫勒納等查審完結一併察明議奏○先是伊拉古克三胡土克圖請自察罕托灰遷其父吳巴什及弟子往居松阿喇布貝勒地方 上不許令遷歸化城尋伊拉古克三以其父病故奏請安葬 上遣理藩院筆帖式常壽偕往至是常壽報云伊拉古克三渡黃河岔逸去理藩院以聞 上命大學士等議奏隨議覆伊拉古克三曾授總領喇嘛班第之職養已深理宜效力圖報而竟逃去大干法紀或逃往達賴喇嘛處或逃往青海處俱未可定應檄甘肅提督孫思克詳探如遇彼即行擊解如抗拒即行剿殺青海諸台吉亦應移文諭知從之○己巳喀爾喀格楚爾喀屯以屬裔來歸命隸察哈爾鑲黃旗○癸酉理藩院以效力年久撥什庫等引見 上曰伊等於事務何如侍郎文達奏曰伊等未為司官不曾辦事 上曰辦事在人何論曾為司官即如文達雖身為侍郎事情尚多未曉阿喇尼原係侍衛從未辦事自授理藩院尚書時即能通曉事務甚是勤勞原任都統紀爾他布擢授兵部尚書觀其辦事亦優朕臨御多年何事未歷部院諸臣欲寬人罪卻不務求允當而故擬過重直待駁回旋即改為

無罪或注意在此而飾詞在彼實欲為此而伴託為彼此等處最多大凡經理事務須以持平為當此引見諸人曾為撥什庫差遣年久熟知蒙古性情與地方形勢俟理藩院主事缺出將伊等一併選擇具奏○乙亥 上巡幸塞外啟鑾

八月癸未調王士正為戶部右侍郎由督調○乙酉刑部尚書陳廷敬丁父憂命回籍守制○壬辰以王國昌為督捕侍郎由內閣○

戊戌以翁叔元為刑部尚書原任工部尚書○辛丑以李應薦為內閣學士由太常寺少卿遷

九月丁未朔甘肅提督孫思克奏員外郎馬迪奉旨差往策妄阿喇布坦臣標下守備高天福千總馬惟恆及兵三十名護行今據肅州總兵官潘育龍報嚮導蒙古巴素歸報馬迪等行至哈密距城五六里許駐紮有噶爾丹屬下蒙古五百許殺馬迪等盡劫馬

東華錄 康熙五十

駝行李而去執原任郎中格什守備高天福千總馬惟恆並受傷未受傷兵共二十四人到哈密城據報以聞○庚戌 上駐蹕湯泉○湖廣巡撫吳璵丁母憂命回籍守制○乙卯 上還京師○

甲子詔停今年秋決○乙丑以李國亮為河南布政使原任江蘇布政使

○厄魯特噶爾丹遣使額爾德尼綽爾濟請安進貢奏言前為澤上尊丹巴士謝圖汗之故陳奏三言乞以一言為定初意即欲仰

請宏仁發回七旗於故土因地方既遠糧騎不足且未歸之前凡所留輜重俱被策妄阿喇布坦劫去諸物無存今惟恃達賴喇嘛之恩得以安集謹將從前遲久之處遣使陳奏請敕裁斷 上諭

大學士等覽噶爾丹奏詞語恭順詢諸來使亦無他故今備兵而無所用似乎徒勞士卒然噶爾丹非可信之人如不之備萬一事又貽後悔應備與否爾等與議政諸臣會議具奏大學士等議

覆鳴爾丹必無他故然備兵不過賂費錢糧並無所勞苦也儻有警報自此出兵不若自大同前行甚便此軍似仍豫備大同為宜自京城前所豫備之兵亦仍應豫備後增撥護軍二名應請停止得旨遣備大同每佐領護軍七名內減去一名留於京城豫備兵內後增撥護軍二名著停止尋敕諭鳴爾丹曰朕撫馭天下惟欲率土無事各享安樂原不欲興戎耀武荼毒生民今爾奏稱為澤上尊丹巴士謝圖汗之故上奏三言乞以一言為定並請發回七旗於故土前者爾喀爾喀厄魯特交惡相攻朕念兩國皆奉貢之邦不忍坐視黎民塗炭遣使於達賴喇嘛令屢諭爾等和好爾不奉朕旨及達賴喇嘛之言戕伐喀爾喀七旗喀爾喀人等紛紛離散各無衣食皆來歸朕求生然爾違朕之旨朕並未嘗介意乃爾復以追喀爾喀為名深入我邊徼直至烏闌布通地方及發兵問

東華錄

康熙五十

三

故爾兵輒先攘背我軍始與之戰爾大敗窘迫跪於威靈佛前誓不犯中華皇帝屬下喀爾喀及眾民印文誓書見在見證濟隆胡土克圖亦在及伊拉古克三胡土克圖往爾處爾頂禮達賴喇嘛所遺佛像而設誓曰我斷不違旨矣前者深入邊境已自知罪佛在此而敢不以我罪為罪乎聖上即佛天也乞姑宥我所奏亦甚明朕以爾誓言為信遂止各路軍馬不使窮追此亦爾所灼知也喀爾喀人等窘迫來歸若不收養則皆至死地是以朕親出閱安插近邊給糧米畜產以活之今尙窮困未甦死亡殆盡或一旗僅存數人喀爾喀並無糧畜如遣回故土誰養之乎且喀爾喀人等肯明知饑餓而歸死乎前以養喀爾喀之故曾敕達賴喇嘛遣諭爾等達賴喇嘛亦甚喜奏言喀爾喀如此窮餓博施惠養與佛慈悲同行聞知不勝懼怖博碩克圖原當從濟隆之言而竟不從大

君宜責而誅之乃俯憐眾生有如赤子復垂恩育今以其疏發汝汝其視之若達賴喇嘛致書於汝或有異言爾亦陳奏可也前聞策妄阿喇布坦與汝不睦流言未審虛實是以遣學士達祐等往問策妄阿喇布坦請朕加恩故遣員外郎馬迪等往頒恩賜並不欲敗爾事而遣之也所差馬迪既為爾之人所害敕書見在爾所爾視之自不謬也今嘉峪關報稱馬迪同行之人名巴素者歸告曰我等八月十一日行至哈密有厄魯特鳴爾丹屬下圖克齊哈什哈哈爾海達額爾喀兩人為首率兵五百許奪去員外郎馬迪等馬駝行李戕馬迪及筆帖式撥什庫等其他兵卒亦有被擒者亦有留於哈密者從來爭戰之國無害往來使人之理烏闌布通地方爾雖與我軍拒戰然前所遣使人察罕古英寨桑阿卜都賴額克寨桑等十有餘人俱遣大臣送出境外歸還於爾果宜加

東華錄

康熙五十

四

害則爾目下所遣使人朕即不許歸何不可乎爾前所奏言朕許以澤上尊丹巴士謝圖汗界爾此小人欲自脫其身而有此言耳果有此旨豈不早諭爾乎况執來降之人以畀爾人有是理乎前亦嘗以此諭爾矣今爾背棄誓言索我降人喀爾喀害我奉差策妄阿喇布坦使臣馬迪諸人以此觀之是爾陽奉達賴喇嘛之言而陰違達賴喇嘛之命全棄誓言生事起釁彰彰明矣達賴喇嘛曾令爾犯我使臣索我降人乎况喀爾喀人等朕已養之數年方且俟其生聚將擇可居之地安插之爾如此背誓生事本應不納爾使逐之歸去但念爾使皆係小人必至困迫是以放入仍使貢獻市易今將爾背誓及爾人害我使臣之事詳開敕中發爾使沙哈孫巴克綽爾般齋往其餘俟市易畢遣歸其即查明害我使臣之事及爾欲陳之言具奏與見在羈留之人一併奏遣朕當熟籌

一策焉以上事情已頒諭達賴喇嘛矣敕諭達賴喇嘛曰朕奉承天命統御萬邦惟以人民得所為至願是以率土有邦無不恪恭來享亦無不遵朕詔旨爾喇嘛領奉佛法濟度眾生西域蒙古亦尊奉爾喇嘛之教朕與往來通使爾歷年久是以喀爾喀厄魯特之事朕多與爾喇嘛聞之前聞厄魯特喀爾喀交惡相攻朕遣使於爾喇嘛欲與爾共息其爭使相和好爾即欣然發使同往噶爾丹所不啻三四矣噶爾丹竟不遵我諭和之旨而破喀爾喀以致喀爾喀窮極流亡無衣無食匍匐歸朕以求活然朕猶未嘗因拒命之故有惡於噶爾丹乃噶爾丹復借追喀爾喀為名深入我邊境直抵烏闌布通及發兵問故噶爾丹兵又先犯我顏行我軍始與之戰噶爾丹大敗不得已跪誓於威靈佛前謂永不犯中華皇帝屬下喀爾喀以及眾民誓書印文具在見證濟隆胡土克

東華錄 康熙五十五 五

圖亦在迨伊拉古克三胡土克圖前往噶爾丹頂禮爾喇嘛所遺佛像而誓曰我斷不復違旨矣深入邊界實我之罪佛在此敢不自服乎聖上即佛天也乞終宥我所奏甚明朕以噶爾丹誓言為信止各路軍馬不使窮追此亦噶爾丹之所明知也以敕諭爾喇嘛不啻數次矣喀爾喀人等困極來歸若不收養則皆死亡是以朕親出閱安插近邊給糧畜以養之今尙窮困未甦僅有七旗之名死亡殆盡有一旗僅存數人者喀爾喀並無旗無糧儻遺歸故土其誰養之豈有明知饑餓而肯就死地者乎前以賑濟喀爾喀之故曾敕諭爾喇嘛亦遣諭噶爾丹爾喇嘛亦甚喜言喀爾喀如彼窮餓全而活之真佛之慈悲也聞之不勝愧怍博碩克圖原應從濟隆之言而竟不從大君宜責而誅之乃俯憐眾生有如赤子仍加恩宥爾奏尙在噶爾丹違棄誓言云為澤卜尊丹巴士謝圖

汗之故上奏三言乞以一言為定發回七旗於故土又前聞策妄阿喇布坦與噶爾丹不睦流傳之言未審虛實故遣學士達祐等往問其故策妄阿喇布坦請朕加恩勿絕乃遣員外郎馬迪等往頒恩賜並非欲敗噶爾丹之事也今嘉峪關報有員外郎馬迪同行之人名巴素者歸告曰我等八月十一日至哈密有厄魯特噶爾丹屬下圖克齊哈什哈哈爾海達顏額爾克兩人為首率兵五百許奪員外郎馬迪之馬駝行李器械戕害員外郎馬迪及筆帖式撥什庫等其他入等亦有被擒者亦有留於哈密者從來戰爭之國無害往來使人之理烏闌布通地方噶爾丹雖與我軍拒戰而噶爾丹所遣使人察罕古英塞桑阿卜都賴額爾克塞桑等千有餘人俱命大臣送之出境遣歸噶爾丹且喀爾喀人等朕方欲養之數年待其生聚擇可居之地安插之噶爾丹背棄誓言奏索

東華錄 康熙五十五 六

我措置已畢之澤卜尊丹巴士謝圖汗又將遣往策妄阿喇布坦之使臣戕害以此觀之誠反覆奸頑之徒也已將彼罪備開救內付其貢使齎往令彼覆奏噶爾丹陽奉爾言肆為欺罔陰則不從爾言不奉爾教生事妄行彰彰明甚不知爾意以為何如今以噶爾丹生事朕秣馬厲兵治具已畢俟噶爾丹回奏以決一策特以此故命伊什格隆齎敕諭爾知之○丁卯 上御經筵○己巳以桑額為湖廣巡撫由江甯織造遷○壬申 上幸玉泉山大閱○乙亥 上還宮

冬十月丁丑和碩端靜公主下嫁喀喇沁杜楞郡王扎什之子噶爾臧○己卯諭戶部陝西西安等處連歲凶荒繼以疾疫因而閭閻失業洊致流移朕軫恤民艱焦勞宵旰自去歲冬月以來頒發帑金蠲免正賦輓輸積穀轉運漕糧屢次特遣大臣察勘多方賑

濟念國家所重惟在養民目今秦省雖薄有秋收但民間匱乏已極儻非格外加恩無以使積困盡甦轉徙盡復陝西巡撫所屬府州縣衛所康熙三十二年地丁銀米著通行免徵從前所有積欠亦著通行豁免務俾比屋均霑實惠小民咸慶更生用稱朕子愛元元撫育安全至意○陝西巡撫布喀奏甯夏等處米石臣親身催運查原撥糧十萬石內除甯糧虧短及原參成陽縣知縣顧梅糧道郝惟諤缺額外於九月十一日實運到西安糧九萬二千二百石得旨這欠缺米石責令布喀於限內運完如稍有遲誤即照前旨治罪屢旨甚明今已經限滿尚欠七千餘石乃支飾報完顯屬巧辭希圖卸罪著交部嚴察議處尋議覆布喀革巡撫任交刑部差官掌解來京從重治罪得旨布喀著革任遣一等侍衛佟昌嚴拏來京○庚辰 上謁 陵啟鑾○以李天馥為武英殿大學士
東華錄 康熙五十七
士向書選○四川陝西總督葛思泰以病乞休允之○壬午 上謁 暫安奉殿 孝陵至 仁孝皇后 孝昭皇后 孝懿皇后 陵奠酒○甲申諭刑部朕保父黎元務崇寬大每於刑獄之事輒慮矜恤之懷秦省西安等處地方比歲游饑閭閻困苦業已多方賑恤屢諭蠲租茲更大沛仁恩特加赦宥凡陝西巡撫所屬今年秋審情實緩決人犯內除十惡及軍機獲罪不赦外其餘自諭到日通著免死照例減等發落有見在審擬未經結案者亦如之嗣後務令革心向善副朕法外生全至意○以佛倫為四川陝西總督
由山東 由湖廣
督巡撫選○庚寅 上還京師○壬辰調桑額為山東巡撫
由湖廣 由山東
以高承爵為福建布政使
由江蘇 按察使 選
書部轉○轉思格色為戶部左侍郎以法爾哈為戶部右侍郎
由副都御史 由光祿寺卿 選
副都御史○以沈圖為左副都御史
由光祿寺卿 選
寺卿選年遐齡為湖廣巡撫
由副都御史 選

部左侍
郎選
○丁酉諭科道官言事○戊戌以張英為禮部尚書
由翰林院 掌院學士 選
○以王燕為江蘇按察使
由鎮江府 知府 選
○庚子諭大學士等近日光祿寺奏停薦新芽茶凡有類於此者俱宜停止其各省慶賀表箋每次遣官齎送不惟驛遞煩擾而齎送官員亦屬勞苦朕思凡物解京均於地方百姓有累有一件如去一病今將表箋停其每次遣官齎送或應照朝鮮國一年一次彙送凡事皆由督撫具奏或著督撫彙收一次彙送爾等會同該部議奏尋議覆各省慶賀表箋應按期交該督撫彙齎送停止遣官從之○轉李元振為兵部左侍郎以徐潮為工部右侍郎
由副都御史 選
○辛丑以安布祿為內閣學士
由內閣侍讀學士 選
○壬寅 上幸南苑行圍○甲辰調吳赫為陝西巡撫以嚴泰為甘肅巡撫杜喜為甘肅布政使
由中書 選
十一月丙午朔以嚴曾渠為左副都御史
由通政使 選
○予故原任四
東華錄 康熙五十八
川陝西總督葛思泰祭○甲寅河道總督靳輔奏准揚鳳徐所屬州縣地方各有開河築隄建造閘壩栽柳之處俱係民間納糧田地理應豁免錢糧至於兩河歸故道中河告成之後其黃水涸出及河湖低窪之處淤成膏腴熟地豪強占種而不納糧者亦復不少應查出升科請敕下江南督撫就近清查得旨這事遣地方官丈量踏勘恐借端擾民著遣部院堂官前往會同該督撫將應豁免應升科錢糧確查定議具奏尋命吏部尚書熊賜履前往確查○甲子河道總督靳輔引病乞休允之○乙丑工部議准河道總督靳輔奏高家堰加築小隄中河挑濬河溝增高遙隄添造閘口上曰中河甚為有益靳輔欲挑濬河溝加高遙隄又塞張莊運口修駱馬湖東西石閘水漲之時開之使流水落之時塞之使聚其言猶可至於高家堰隄外欲築一小隄此豈可乎且承受洪澤

湖大水全惟高家堰是賴將高家堰之隄築之使其益堅則可其
外築一小隄有何益哉儻高家堰之隄衝決則一小隄能禦之乎
此皆靳輔反其向時意見而行之也○丙寅諭大學士等靳輔修
治河工不爲無益但今年老有病已就昏耄未可定耳高家堰障
淮敵黃最爲緊要作何加修以期永遠堅固著大學士張玉書刑
部尚書圖訥前往查視○甘肅提督孫思克軍政自陳得旨孫思
克簡任提督克副委任著加授將軍彈壓地方以示獎勵勞臣之
意尋授振武將軍○丁卯噶爾丹之使厄爾德尼綽爾濟色卜登
額爾克白克等挾噶爾丹書札散布內屬蒙古 上聞之賜噶爾
丹敕令來使齎歸敕曰朕統馭萬邦惟願天下之民共享昇平無
生事無作亂兼容並包誠心撫恤殘刻之事素所不爲諸國遠人
誠能恭順職貢不改其常朕益加愛惜施恩不絕若陽奉陰違狡

東華錄

康熙五十

九

詐百出者朕未嘗不知亦不究竟每從寬教誠冀其改悔自新是
以中外之人無論歸誠向化雖極隱密之事必來奏聞無敢欺蔽
今爾所遣奉貢使人持爾書來與朕屬下蒙古告以爾語皆已奏
聞於朕朕盡知之矣此等誦詐止自欺取禍而已何能欺人且朕
屬下蒙古皆世受養厚恩豈能負朕墮汝計乎據爾書云爲宗
喀巴之法而行朕不得不將護持宗喀巴之法爲之宣布本朝興
隆之際延召達賴喇嘛至京此天下之所共知也康熙八年達賴
喇嘛奏稱前蒙皇上惠賜臣敕印仗一統大君之仁慈平治土伯
特國三部落而紅帽帕克木取兩族之人而去請將伊等還歸於
噶爾馬朕卽降旨特遣官取紅帽帕克木發還康熙十三年達賴
喇嘛奏稱巴忒馬三寶五巴克什之經請敕諭中國僧俗勿得誦
習朕卽將敕禁止僧俗概不准誦習康熙十八年達賴喇嘛奏稱

謹將平治漢人土伯特蒙古之要略奏請睿覽其奏尙在蓋達賴
喇嘛深知朕護持宗喀巴之法故凡事直陳無隱歷年通使不絕
爾喀爾喀厄魯特之人陽則誑言爲宗喀巴之法達賴喇嘛之教
而行陰則違之率土皆知爾前者敗於烏闌布通之時汝屬下人
皆驚懼而爾爾俱請降朕朕素無離間害人之處是以准爾誓書
訓爾等以依常安處勿懷異心此伊拉古克三胡土克圖所深知
也至於策妄阿喇布坦雖聞與爾不協朕但恤其貧苦加之以恩
而已未嘗使與爾交惡也此皆至實之情朕思爾斷無此誦詐之
事必爾下人及爾使人欺爾而離間之耳然若輩如此行事豈使
爾善全之意乎爾當熟計之朕凡有所聞見卽與宣說向無隱諱
特開示始末降敕諭爾知之○戊辰諭禮部朕因陝西西安鳳翔
之民困於饑荒時時軫念來歲元日行禮筵宴似宜停止著問九

東華錄

康熙五十

十

卿尋九卿覆奏天下之大一隅偶爾被災自古所不能無去歲西
鳳二府荒歉屢經賑濟今歲又稍有秋元日行禮筵宴仍請舉行
得旨照常行禮停止筵宴○己巳先是噶爾丹於烏闌布通之地
爲我軍所敗內大臣蘇爾達與土謝圖親王沙津達爾漢親王班
第等共商遣阿喇善屬下人鄂漆爾等令止噶爾丹於時眾皆疑
科爾沁已附噶爾丹將軍薩布素聞郭爾羅斯吳爾圖納蘇圖台
吉之言亦疑科爾沁密奏其有異心 上以科爾沁臣服已久必
無此意全不疑之至是烏喇佐領必立克圖往厄魯特館中遇噶
爾丹使人濟爾哈郎格隆語之曰吾乃科爾沁台吉濟爾哈郎格
隆問曰爾土謝圖汗之屬人否必立克圖曰我係土謝圖王親信
之人濟爾哈郎格隆遂延必立克圖入其廬飲之酒使誓於佛前
出書一封授之令致土謝圖王贈必立克圖貂皮一張猩猩氈一

件必立克圖以其事密首 上畱中尋遣內閣學士西拉召科爾沁土謝圖親王沙津來京○庚午諭大學士等朕思所參才力不及官員仍補授部院衙門殊未允當每有被參復用者仍復被參既因才力不及議處若仍補授錄用有何裨益著照伊等所降之級隨旗行走則旗下官員增多且伊等在部院辦事自能稱旗下之任至因公註誤降級之員復用若仍算前俸則不久即升應俟復用三年後無過稱職始准算前俸則官員方知鼓勵有過者得少分別矣可將此旨明諭九卿○九卿議覆河道總督靳輔奏於黃河兩岸栽柳種草設立涵洞應如所請其挑濬河溝引水淤墊隄下積水之處又引水淤墊邳州低窪之處應令該督詳議具奏上曰引黃河內灌使淤平窪地雖云有益朕斷不肯輕信黃河水勢危險倏而彼處深此處淺倏而船被阻淤水勢變遷無定不獨黃河為然即如渾河之水數十年前其流向出南苑中未幾漸徙而南在縣村落間猶去南苑未遠今則分為二支一支出新安一支出霸州其流愈遠矣朕曾問土人云元朝欲引運河之水通京師而未果想亦有所難行耳黃河水勢湍迅欲引黃河內灌使淤平窪地事屬危險難保萬全不准行○辛未禮部左侍郎王鳳昌以病乞休允之○壬申吏部等衙門議覆河道總督靳輔奏河官之賢否得失惟總河知之最確嗣後大計如係管理河務兼有錢糧之責者總河督撫各行考覈其專係河官令總河自行考覈具題從之

十二月戊寅轉王澤宏為禮部左侍郎以王封深為禮部右侍郎原任吏部右侍郎○壬午 上幸南苑行圍○以于成龍為河道總督左都御史○戊子 上還宮○己丑差往貴州審事吏部尚書庫勒納等奏貴州巡撫衛既齊身為封疆大臣未經查出苗子實情即行用兵後又妄報陣殺多人應革職 上諭大學士等衛既齊既將苗子實情詳查明白輕信屬員報稱苗人反叛遽發兵往剿及兵到彼地寨內並無一人乃搜獲苗人逃避山間者僅十四人衛既齊竟奏稱與苗子對敵陣殺一千一百一十八人欺誑如此遍地全賴督撫提鎮彈壓今巡撫以軍事如此謊奏豈不啟釁邊疆衛既齊以忠誠道學自任今言行全不相符欺朕之人若不正法何以治天下衛既齊應以軍法從事庫勒納等曾問彼為何發兵衛既齊云我一聞殺人驚惶之至遂爾發兵忠誠道學之人如此輕舉妄動耶以此觀之衛既齊不過自為粉飾所行皆虛全無誠實爾等可將此旨傳諭九卿集議尋九卿議覆衛既齊啟釁邊疆深負 皇上委任至意應立斬得旨衛既齊當封疆重任乃於地

東華錄 康熙五十年 十一

東華錄 康熙五十年 十二

方生事謊奏欺朕深為可惡著差刑部司官一員提拏到日再奏○辛卯以董訥為左都御史由漕運總督遷○甲午調閩興邦為貴州巡撫由南河○乙未調興永朝為漕運總督以朱宏祚為浙江福建總督由廣東○丙申以顧汧為河南巡撫由原任禮部調江有良為廣東巡撫由安徽○予故河道總督靳輔祭葬諡文襄○予故原任禮部侍郎富鴻基祭葬○辛丑以西安米價仍貴遣內閣學士德珠等運襄陽米二十萬石於西安平糶○壬寅命都統希福為建威將軍帥師戍右衛○甲辰科爾沁土謝圖親王沙津奉命來京上召入諭曰昔烏爾布通之役內大臣蘇爾達及爾等共商遣爾屬下人鄂漆爾等於噶爾丹眾皆疑爾等已附噶爾丹矣將軍薩布素等亦曾密奏以為爾等有異心今又有烏喇佐領必立克圖以噶爾丹遺爾之書密首朕思爾科爾沁自 太祖 太宗時

歸附世世職貢相為媿親歷有年所爾必無此意朕略無所疑沙
津奏明臣世受隆恩斷無依附噶爾丹之理本欲引誘噶爾丹曾
遣鄂漆爾是實 上密諭曰爾仍遣鄂漆爾誘噶爾丹至近地可
也○是月免江南鹽城六合等十二州縣旱災額賦有差○是歲
朝鮮來貢○人丁戶口二千三十六萬五千七百八十三田地山
蕩畦地五百九十七萬三千四百五十六頃三十四畝有奇徵銀
二千七百三十八萬五千六百三十一兩有奇米豆麥六百九十
五萬八千三百六十四石有奇草二百八萬三千四百六十五束
茶十五萬七千四百五十三引行鹽四百三十三萬三千四百三
十引徵課銀二百六十九萬七千一百六十三兩有奇鑄錢二萬
八千九百九十二萬五千四百有奇

東華錄

康熙五十一

七

東華錄

康熙五十一

臣王先謙敬編

臣周澗蕃恭校

康熙三十二年癸酉春正月丙午諭大學士等聞厄魯特噶爾丹
無所得食困迫已極仰食於其所屬番人又有來哈密之信哈密
於我邊塞相去最近可發甯夏駐防滿兵令往甘肅提督孫思克
處為之豫備孫思克所轄官兵亦當令其整頓豫備此外本省附
近地方官兵有宜調發豫備者令孫思克一面調發一面奏聞又
貝子察汗巴爾之弟班第自青海來時由大草灘於邊內行來遇
伊拉古克三胡土克圖亦由邊內而往如此潛行來往邊塞官員
何以不復稽察耶此亦當移檄孫思克邊塞官員令其嚴加戒飭
爾等會兵部密議以聞○乙卯復設陝西西安驛傳道○甲子差
東華錄 康熙五十一
閱河工大學士張玉書刑部尚書圖訥還以河圖進呈 上問曰
高家堰水勢如何另築小隄果有益否張玉書等奏曰去歲黃水
大淮水被偏故洪澤湖水較高於往年今欲築小隄之處距高家
堰甚近若遇洪澤湖水漲高家堰大隄衝決小隄斷難保護前諭
旨所云小隄無益極是 上曰朕前揆之事理以為無益爾等所
議甚當詳閱河圖問曰近來宿遷縣民生如何張玉書等奏曰宿
遷縣民間生計較勝從前自蒙 聖主指授河道順利又南巡之
後官吏奉公豪強畏法小民得所○禮部奏朝鮮國進貢禮物交
該衙門查收得旨朝鮮國世篤懃忱進貢方物克殫恭順頃復輸
應軍需捐進烏槍三千桿可嘉年貢內黃金百兩及藍青紅木棉
嗣後永著停止○丙寅以高承爵為安徽巡撫由福建布政使遷
二月乙亥胡諭大學士等西安米價尚爾翔貴戶部可招募身家

殷實各省富商給以正項錢糧並照驗文據聽其於各省地方購買糧米運至西安發糶所得利息聽商人自取之如此往來運販待西安米價得平之日但收所給原銀於地方大有裨益○丙子

上命內大臣公坡爾益等詣歸化城等三處督耕諭曰種地惟勤爲善北地風寒宜高其田隴尋常之穀斷不能收必藝早熟之麥與油麥大麥糜黍方爲有益去歲往彼墾種之人朕曾以此命之因違朕旨多種蕎麥以致田禾失收爾等須問土人宜種何穀易得收穫朕曾問老農皆云將雪拌種可以耐旱爾等試爲之朕前帶南方稻穀菱角種於京師雖以水泉灌溉因無南方池塘蓄養之水且又霜早難於成熟以此觀之若將此地穀種帶往北地亦難收成惟將麥與大麥油麥糜黍及早播種度可收穫爾等謹識朕言克勤無怠○九卿議准差閱河工大學士張玉書等奏高

東華錄

康熙五十一

二

家堰隄工惟史家胡至周橋最爲緊要若此隄失於隄防雖多築土隄數層俱屬無益自史家胡至周橋止一萬四百餘丈隄工應令總河等作速加築三官廟等六口俟竹絡朽壞時改用石工其見在石工應築土培護之處加土培護至高堰之隄應於每年歲修務令總河親身詳察勒明題報從之○辛巳以董延祚爲福建布政使由按察使遷○壬午理藩院奏員外郎馬迪等中途爲噶爾丹人所害策妄阿喇布坦立遣沙克海喇圖等來奏 上賜策妄阿喇布坦敕曰朕統御寰區撫綏萬國中外一體果能始終效順則寵賚頻加爾策妄阿喇布坦僻處窮荒立心誠懇貢獻方物問安之使不絕於道是以屢遣達虎馬迪等加爾恩賜馬迪等中途被害爾即遣使奏聞朕深嘉之今全受爾所貢物因爾使沙克海喇圖等歸賜爾以御用彩段十端爾所密奏諸情事朕已悉之矣○

巴圖爾額爾克濟農以前因逃遁人民失散奏請查歸得旨巴圖爾額爾克濟農失散之人可令所司查歸之○癸未 上御經筵

○吏部兵部議准直隸巡撫郭世隆奏宣府所屬六廳俱係佐貳十衛俱係武弁予以臨民似爲未協宜裁六廳十衛改設一府八縣應設知府一同知一通判一知縣入敘職九縣丞二典史八驛丞七經歷一司獄一巡檢一又東城等六驛地處偏僻差使無多宜裁從之○甲申諭大學士等宗族之始皆一祖所生當力敦親睦共相愛恤扶持以爲生也今見諸王以下畧無親睦之誼或者同爲宗室以他祖父之名名其子若孫者有之今不定爲共相愛恤扶持之道長此安窮朕意此後入八分公以上諸吉凶事會集之禮依向所定者行之如未入八分公以下至於閒散宗室其吉凶之事亦宜定會集儀式若皆令入旗會集則不勝其繁矣其令

東華錄

康熙五十一

三

本翼會集馬喪事則一旗之中爲之服別旗惟去其纓又閒散宗室中有極貧者一有吉凶之事諸王以下閒散宗室以上各以其意量爲資助在出者既不以爲難而得之者亦良有所益其會集時自其身之品級以下者而會集之閒散宗室無品級者則視其父之品級會集凡會集不至者有司察參如此則皆相識而相親不惟是也有爲不善者遇之亦可教以正若貧宗室亦不困於爲生此欲我宗室和協優游以安處之意也又宗室中見在名字有犯者宗人府悉察改馬自茲以往歲所送名亦即詳察其有犯者較之令改朕此旨汝等同滿洲尚書侍郎宣示諸王及閒散宗室令其會同定議以聞○丙戌以汪楫爲福建按察使由河南府知府遷○戊子諭大學士伊桑阿戶部尚書馬齊等聞噶爾丹艱於食窮困已極來就食於哈密哈密近在塞下若不豫爲設備乘隙生事其

時不及防矣今雖於甘肅令滿洲綠旗兵豫備而兵力尙單可自京師每佐領出兵二人由邊外往甯夏就提督孫思克處豫備更接陝西總督標下火器營兵出二千人馬兵出千人亦遣往孫思克處令其豫備爾等與議政諸臣會同領侍衛內大臣索額圖郎談副都統阿南達議奏尋授郎談昭武將軍印以將軍博壽提督孫思克爲參贊○己丑諭大學士等往年山東旱會遺尙書蘇赫禱於泰山今歲陝西郡縣雨澤雖布而往者數罹旱災矣夫華山關中名山也宜遣大臣祀之爾等會同禮部議以聞○達賴喇嘛奏彭素克格隆達木奔爾囊素等齋到恩賜不勝懼悚上諭之意臣已明曉屢欲使喀爾喀厄魯特修好而生靈合有災眚弗能和協濟隆胡土克圖不克盡力雖有小愆仍求大君寬宥巴圖爾額爾克濟農儻許安插於西海可以保無盜賊而教之遵行法度

東華錄 康熙五十一 四

皇上各項差員遇舊時駐牧之人忽生亂端皆難辨晰伏祈鑒宥蒙遣濟隆胡土克圖於噶爾丹諭彼遵誓但厄魯特大半附策妄阿喇布坦雖諭以修好若厄魯特不從而生亂端則西海大小土伯特力有不支伏祈鑒而察之至打箭鑪等處地方在漢人與土伯特之間奉 皇上敕旨云土伯特行商者無用其止之是以土伯特仍照前行漢人地方雖有妄爲之事如蒙古前往恐不當聖心是以未經遣發以上情事俱已口陳於彭素克喇嘛乞仍前頒賜溫諭奏至敕諭達賴喇嘛曰朕統御宇內撫綏萬邦好惡不偏凡出令行政務本公誠以爲懲勸前者濟隆胡土克圖違旨債事已發敕諭爾喇嘛知之今爾喇嘛奏言濟隆胡土克圖不能盡力雖有小愆仍望大君寬宥向爲喀爾喀厄魯特之事爾喇嘛節次遣使皆不能體爾喇嘛之意後又遣濟隆胡土克圖亦不能體

爾喇嘛之意反與噶爾丹偕行殺掠喀爾喀入汎界劫取牲畜所行兇悖以致厄魯特喀爾喀殘破人多死亡窮苦已極凡奉使行人不悖旨而成事則賞以勸之違旨而敗事則罰以懲之國家一定之大法也如或不然則善人何以爲勸惡人何以爲懲乎至巴圖爾額爾克濟農以困窮而來歸朕朕優恤之使居賀蘭山俾得其所乃忘朕養之恩妄生猜貳四處奔竄今窮而復歸朕又有其前愆安插之矣並無欲得其力欲用其力之心也今爾言巴圖爾額爾克濟農安插西海卽可以無盜賊亦可教之遵行法度爾喇嘛何不卽撥人夫乘便遷巴圖爾額爾克濟農種類盡至西海安插之乎爾喇嘛又言 皇上各項差員遇舊時駐牧之人忽生亂端皆難辨晰伏乞鑒宥又言厄魯特大半附策妄阿喇布坦雖諭以修好若厄魯特不從而生亂端則西海大小土伯特力有不

東華錄 康熙五十一 五

支伏祈鑒而察之朕遣使於爾喇嘛往來不絕途中無一舛錯爾喇嘛屬下人近邊而居歷年已久亦從未嘗啟釁生事況策妄阿喇布坦目下並無妄爲之事何所見而懸擬之乎苟有此等事端其時自有從公裁度之處爾喇嘛又奏打箭鑪交市之事殆欲屯戍之意也今天下太平並無一事爾喇嘛與我朝往來通使歷有年所何嫌何疑爾喇嘛如設立駐防我內地必量增戍守中外俱勞況我內地兵丁約束甚嚴非奉朕旨何敢私出邊境爾喇嘛但須嚴禁屬下不使妄行有何費之可開戍兵之設似無用也特此遣大喇嘛垂喇克格隆根敦林辰格隆往諭○庚寅 上巡幸綏甸啟鑿○山西巡撫葉穆濟以病乞休允之○乙未 上自十里鋪乘舟往苑家口中途登河隄覽閱隄工召直隸巡撫郭世隆諭曰朕觀霸州所屬苑家口迤西舊隄傾圮處甚多今渾河泛溢西

偏眾流出水之處又復窄狹其勢必至直衝南隄儻有潰決則大
城文安等處必受水災殊為可虞爾可詳加估計動正項錢糧加
增固築以防水患○調噶爾圖為山西巡撫以于養志為四川巡
撫○庚子 上還京師○辛丑諭大學士等衛既齊係降級調用
一州判耳以其素有虛名特復其原官以檢討用又超擢為布政
使未幾內升府尹累加遷擢至副都御史遂又授為貴州巡撫身
受國恩可謂至矣為府尹時其條奏疏中自謂比之召伯君陳假
若其所行者一二符其所言猶有可恕乃初至貴州時遂私動兵
革妄生邊事殺無罪苗民詐報軍功種種欺誑凡此惡行雖常人
所不為而彼以古人自況反不知忌憚而為之蓋於彼所言畧不
相顧而大負國恩矣彼平昔但務虛名妄稱道學委之以事毫無
實濟若不將此等人重懲則無以儆後之欺世盜名者爾等同九
東華錄 康熙五十一 六
卿召衛既齊問之○壬寅大學士等奏臣等遵旨詰問衛既齊據
供從前年少無知曾經狂妄陳奏任府尹時條陳職掌又妄引古
人以召伯君陳為比罪當死及為巡撫不能仰體 皇上愛民之
心安撫地方輕率用兵致令無罪苗民被戮罪當死發兵之後又
不能詳察虛實竟憑報文妄行奏捷罪又當死更有何辨等語衛
既齊應照九卿原議擬立斬得旨衛既齊著從寬免死發往黑龍
江○是月免江南沐陽縣去年水災額賦
三月丙午以秦省旱荒遣 皇子允禩祭華山 御製祭文○丁
未移江西饒州府同知駐景德鎮○予故原任禮部侍郎王颺昌
祭葬○己酉內閣以選取蒙古官學生八名充衙門貼寫奏聞
上曰朕於包衣佐領下幼童特派專官教習文義騎射多有成就
即微賤之子亦皆可觀由此言之幼童惟在訓迪苟加意教誨未

有不成者騎射與文義原宜並重不可偏廢滿洲通文義官員即
用之行間未嘗不可近見國子監教習官學生甚屬委靡大不及
前及八旗教習幼童亦皆懈怠幼時勤於教諭及長方得其用養
育人材最為緊要見在八旗幼童務宜選擇良師勤加訓誨爾等
傳諭該都統知之茲所取蒙古官學生依奏選用○乙卯吏部議
准巡視兩廣鹽課太常寺少卿沙拜奏兩廣鹽政向屬撫臣兼理
課餉引目係驛鹽道提舉司經管臣蒙 皇上特簡所屬之員自
應照例改設將驛鹽道改為運司潮州一府離省寫遠行鹽亦多
必得專員管理應將提舉裁去改設運同使駐紮潮州催徵課餉
府吏目裁去改設運司知事提舉司廣盈庫大使改為運司庫大
使批驗所大使改為運司批驗所大使廣州府有歸德等場惠州
府有淡水等場為鹽斤出產之所課餉之源必須設立分司催徵
東華錄 康熙五十一 七
巡緝從之○癸亥以王道熙為江西按察使由湖北○庚午諭大
學士等各省解送物料其中有無用者亦有此間購買易得者下
戶部詳議其當解不當解者以聞○兵部奏甯夏鎮標騎兵二千
四百步卒一千六百防守地方所關甚要今總兵官馮德昌將軍
郎談等同赴甘肅軍中則其標兵當酌量留守應作何領兵總兵
官印務應畀才能者代理令與總督將軍提督商確奏聞得旨甘
州有孫思克兵可令馮德昌獨往其甯夏鎮兵趙良棟身係舊臣
可暫行管領
夏四月丙戌理藩院奏喀爾喀台吉車陵扎卜呈稱我父達什台
吉本土謝圖汗六扎薩克中之一扎薩克也我向與族中弟姪六
人及土謝圖汗叔父戴青諾顏之孫瓦齊賴恒喇胡土克圖之弟
滾濟扎卜遇噶爾丹亂俱往投鄂羅斯今謹集眾來歸我願得與

西卜退哈灘巴圖爾同在克魯倫巴顏烏闐遊牧應如所請仍照喀爾喀初來之例賞以袍服布幣從之○丁亥諭大學士等昨日皇子允禔奏往祭華山每日行一百七十八里逼近潼關連兩三日泥濘難行一日止行百里至陝西見麥田甚好問總督佛倫云雨水甚調麥田頗好故流民回籍者甚多將播種銀兩發與州縣百姓時內有兩縣百姓云田已種完不用庫帑將銀繳回有自甘肅及秦嶺來者問之皆云雨水均調麥田甚好向日西安鳳翔饑民逃竄者眾今雖各回籍必秋禾有收方得安業若秋禾不登將如之何朕實憂之見今畿甸稍旱著禮部虔誠祈雨○壬辰諭兵部武鄉會試舊例射的以八十步為則太遠善射者不能多中人材或致遺棄嗣後改為五十步以中二箭為合式○諭大學士等翰林官以文章為職業今人好講理學者輒謂文章非關急務朱東華錄 康熙五十一 八

之周程張朱何嘗無文章其言如是其行亦如是今人果能如朱儒言行相顧朕必嘉之即天下萬世亦皆心服之矣傳諭翰林官知之○癸巳戶部遵諭議覆各省解送物料共九十九項京中無貨買之物應令照舊解送外查所解印書紙張庫內見有存貯白銅無應用之處應將此二項停其解送至於外解青粉等三十八項價值並腳價合算比在京師價貴相應停其外解如有應用此等物料之處在京照時價採買應用或遇時價騰貴辦買不得者具奏行令出產省分解送從之○丁酉轉諭不為理藩院左侍郎以西拉為理藩院右侍郎由內閣學士遷○辛丑兵部議准直隸巡撫郭世隆奏真定府路當孔道地方遼闊請將紫荊關副將移駐真定改為真定協即於各關營內酌量繁簡共抽調兵丁一千四百名並真定原有兵六百名足二千名歸之副將統轄應設左右二營

守備除真定營守備留用再以龍泉關守備移駐應設千總四節以真定營千總二員留用再以紫荊關千總一員移駐外另行添設千總一應設把總八節以真定營把總四員留用外另行添設把總四龍泉關參將移駐紫荊改為紫荊關參將真定營遊擊移駐龍泉改為龍泉關遊擊從之

五月庚戌兵部奏歸化城乃總要之地增戍之兵甚多應專設將軍一員總管歸化城都統副都統訓練官兵凡當行事務協同右衛將軍而行得旨歸化城初設將軍總管官兵整飭訓練關繫甚重著領侍衛內大臣伯費揚古為安北將軍管理○壬子頒 御書萬世師表額於國學○丁巳先是戕害員外郎馬迪事降敕詰問噶爾丹至是噶爾丹遣使齎奏陳情 上命發敕令彼使人齎回敕曰朕躬膺 天命撫綏萬邦凡恭順之國無不加恩以示獎勵其有未孚者亦必曲加優容以匡正其非使歸於善前者朕遣員外郎馬迪等於策妄阿喇布坦為爾屬下土克齊哈什哈哈爾海達顏額爾克所害敕爾查奏今爾奏言非但皇帝之使臣不宜爾也向來小國使臣亦無殺害之事敕使因遇羅卜藏林辰愁都滾布札卜是以見殺其名土克齊哈什哈哈爾海達顏額爾克之人雖在其內但原遣與哈密通問非自我教之行劫也齊使臣者乃羅卜藏林辰等見在塔爾納齊納爾地方伊等情由想皇上早已洞鑒之矣諸凡大小罪過總祈皇帝如天之度兼容並包爾於朕敕未到之前護送使臣同行之格什等至嘉峪關奏其情事朕甚嘉許但爾既已立盟修好則害我使臣之土克齊哈什哈哈爾海達顏額爾克等常即擒拏治罪以戒後來橫行之人爾奏又言烏爾會地方兩尚書擊我儻其事有成將欲置我等於不堪我

等亦知非皇帝之旨其時已顧奏矣爾前者借追喀爾喀爲名犯我汛界掠我人民尙書阿喇尼等因巡汛界遇之彼凜遵國法率汛界蒙古兵與戰並非內地所遣之兵然此乃爾未誓以前事爾既誓以後不得復執此以爲言又前者爾於烏闌布通地方前頂達賴喇嘛之佛誓不再違聖旨又跪於威靈佛之前誓不再犯中華皇帝屬下之喀爾喀以及眾民爾今奏言昔當濟隆胡土克圖丙大臣吳丹塞爾濟之前跪告曰請將澤卜尊丹巴土謝圖汗兩人於所奏三言中以一言爲定逐出七旗歸於故土則皇帝覆育之蒙古再不爲非矣今亦不敢異於從前有所誑奏爾誓書印文猶在並無此等語爾奏此言與誓書原詞自相悖謬且朕安集喀爾喀之事已檄知達賴喇嘛並敕諭爾矣達賴喇嘛甚喜奏喀爾喀如彼饑困全加愛養同佛慈悲聞之不勝懽懽誠撫恤眾生如東華錄 康熙五十一

坦又與爾不睦從來諸國之人窮迫歸朕者養育皆如一體如爾窮迫來降前敕諭中已許活爾可即徙至近邊當加厚恩撫養毋疑毋畏至喀爾喀扎木巴拉城布胡土克圖乃此地敗壞釋教之罪人逃在爾所如果有用則留之不爾可即發回今頒段十疋付爾使沙哈孫白克綽爾奔下齋往六月乙亥頒 御書學達性天額於紫陽書院○禮部議覆國子監祭酒吳苑奏八旗學習制藝者日多而中額太少請增加名數查鄉試滿洲蒙古原取中十名今取中十六名漢軍原取中五名今取中八名會試滿洲蒙古原取中四名今取中六名漢軍原取中二名今取中三名從之○己丑大學士李天馥丁母憂命回籍守制○庚寅九卿議覆河南巡撫顧汧奏河南漕米俱向直隸小灘採買於民未便請改折停運應毋庸議得旨覽該撫奏河南漕糧不出於本省百姓遠至直隸大名府小灘採買將漕米改折有益民生嗣後停止百姓採買但解京米石所關匪輕令該撫將改折銀兩親至大名府所屬地方照數採辦驗看起運儻有遲誤將該撫從重治罪○庚子論大學士等朕每見各省往來及請安之人必問地方情形雨水霑足與否前問自江浙來者俱言今歲甚旱五月二十日尙未得雨朕幸江南深知彼處民生家無二日之儲所食之粟每日糴買若五月以後仍不得雨則米價騰貴貧民必至困苦此不可不豫籌者著遣戶部才能司官二員一往江南一往浙江詳問督撫觀雨水形勢來奏江浙地方雨水雖大若不沒禾穗則水消後禾即復舊故澇不足慮旱則所蓄之水盡涸直無計可施朕又曾見舟中滿載猪毛雞毛問其故則曰福建稻田以山泉灌之泉水寒涼用猪毛雞毛則田苗茂盛亦得早熟朕記

此言將玉泉山泉水所灌稻田亦照此法果早熟豐收江浙稻田俱池中蓄水灌之池水不寒所以不用此也○是月免山西臨晉縣雹災額賦

東華錄

康熙五十一

十一

東華錄

康熙五十二

臣王先謙敬編

臣周潤蕃恭校

秋七月癸丑予故理藩院左侍郎文達原任山西巡撫葉穆濟祭葬○丙寅以常書為倉場侍郎由內閣學士遷○是月免山西忻介休等十三州縣水災額賦有差

八月甲戌諭戶部廣西四川貴州雲南俱屬邊地土壤瘠瘠民生艱苦歷歲以來屢施恩恤茲念育民之道無如寬賦矧邊省地方非再沛優恤之恩則閭閻無由充裕所有康熙三十三年四省應徵地丁銀米著通行蠲免以稱朕加惠遠省民生至意○己卯以常綬為內閣學士由中郎遷○辛巳內閣學士王尹方奏請終養允之○癸未 上巡幸塞外啟鑾○丁酉以顧藻為內閣學士由兵部督捕右

東華錄

康熙五十二

理事

○己亥 上次席北畢喇賜喀爾喀科爾沁等諸王以下及內大臣侍衛都統部院大臣及八旗官兵宴賜隨圍喀喇沁塔布囊以下及官兵冠服銀幣○免山西忻介休等八州縣水災額賦有差

九月丁未分四川陝西督標火器營兵二千名為左右二營添守備一分轄每營各設千總二把總四○命修盛京城○己酉昭武將軍郎談奏見擒哈密回子云噶爾丹屬裔牛羊已盡捕魚為生噶爾丹在烏郎塢耕種臣意將馬秣肥來春直臨和卜多索其同哈密國人戕害使臣之土克齊哈什哈爾海達顏爾克等彼既起釁當乘機而行噶爾丹如不迎敵遁入深林則窮追之即不獲其身而散其族屬誤其農田大兵回經哈密殺散噶爾丹供賦之回子刈其禾苗毀噶爾丹所恃以為常產者彼自窮困矣奏至

命議政王大臣會議尋議前噶爾丹戰於烏闌布通退回之時誓不復擾我邊境近以欽差頒賞員外郎馬迪等被害噶爾丹不及與知乃其種類所爲已遣使請罪蒙 上寬宥賜以敕書目下噶爾丹並無偏近邊塞之釁將軍郎談所奏應無庸議但檄將軍郎談孫思克遣才能者遠行偵探如獲噶爾丹實音具奏請旨其見擒哈密八人令將軍給以糗糧遣歸得旨此事所關甚大郎談等身在行間必有所見進則易於奏功亦未可定儻有可乘之便此機亦不可失茲軍行之期尙早當遣護軍統領蘇丹侍郎席爾達會同總督佛倫往與郎談博齊孫思克等將可進不可進與當進當守之事詳議回奏尋蘇丹等往以郎談等所議回奏命王大臣會議尋議聞噶爾丹有離和卜多之信且目下噶爾丹人力單薄馬畜鮮少斷不與大兵抗拒今率兵征勦糧餉關繫重大噶爾丹

東華錄

康熙五十二

二

麥黍豌豆而已甘州所屬雖畧種稻而不甚多大兵在甘州糧草不足乞令自京撥駐甘涼之大兵暫駐甯夏駐紮蘭州之西安兵暫駐蘭州其西安調自督標官兵發回省城西安官兵既皆在蘭州則西安將軍博齊應遣往蘭州從之○庚申 上次巴達噶喇賜翁牛特協理旗務台吉以下及隨圍官兵弓矢冠服銀幣○丙寅琉球國中山王尙貞貢方物並請入監讀書官生梁成楫等歸國宴賚如例○丁卯 上還京師○盛京刑部侍郎明額禮以老病乞休允之○己巳諭大學士等願入代因在內廷供奉多年屢次擢用以至尙書今觀其人不宜留任部院著革去尙書以伊世職隨旗行走○庚午發蒙古兵三千駐右衛○是月免山西太原文水等四縣水災湖廣蕪黃岡等十州縣衛江西甯州上饒縣旱災額賦有差

東華錄

康熙五十二

三

冬十月辛未朔調楊廷耀爲福建布政使以喻成龍爲山東布政使由按察使遷○壬申諭大學士等給事中彭鵬參今科順天鄉試疏內有請朕親審將主考官同考官並舉人一一窮究之語是謂諸大臣皆不可信矣若倚任之大臣既不可信雖彭鵬亦可信乎況治天下不在拘執小節當敦崇大體以和平御之如大小事皆朕一人親審則庶務何由畢理且自古以來亦無此體即依彭鵬所奏將徐倬等親問必將刑具取入宮內刑具乃不得已而用者朕亦何忍見之彭鵬既係言官當勸朕寬大和平乃請親行刑訊朕實不解也著九卿議奏○諭前尙書科爾坤諳練事務在戶部時著有勤勞被參之事殊不明晰以其年邁不復任用可復尙書銜○以佛葆爲盛京刑部侍郎由左副都御史遷○甲戌調沙穆哈爲禮部尙書由工部調○乙亥 上御經筵○丙子 上以闕里 聖廟落成命

皇三子允祉 皇四子前往致祭 御製重修闕里孔子廟碑
曰朕惟大道昭垂堯舜啟中天之聖禹湯文武紹危微精一之傳
治功以成道法斯著至孔子雖不得位而贊修刪定闡精義於六
經祖述憲章會眾理於一貫為往聖繼絕學為萬世正人心使堯
舜禹湯文武之道燦然丕著於宇宙與天地無終極焉誠哉先賢
所稱自生民以來未有盛於孔子者也往歲甲子朕巡省東方躬
詣闕里登聖人之堂祇將祀事觀其車服禮器金石絃歌蓋徘徊
久之不能去焉願聖廟多歷年所丹雘改色榑楠漸圯用是怒然
於心特發內帑專官往董其役鳩工庀材重加葺治經始於辛未
之夏事竣於壬申之秋廟貌一新觀瞻以肅蓋深惟孔子之道垂
範古今朕願學之志時切於懷每考天人性道之原修齊治平之
要思以遠紹前緒牖迪生民凡所以尊崇賢顯者靡不隆禮竭誠

東華錄 康熙五十二 四

以將景行仰止至意而況廟庭之地尤為聖人神明所憑依者哉
今者登堂而陳俎豆入室而習禮儀營構既堅采章彌煥庶幾於
朕心深有慰焉用是特遣皇子允祉 敬展禋祀以告落成凡
我臣民瞻仰宮牆倍增嚴翼尚益思敦崇德義砥礪倫常以不負
朕尊師重道之意豈不休歟因勒貞石繫以辭曰麟書啟瑞素王
挺生上律下襲玉振金聲範圍百代陶甄萬類道備春秋德參天
地立型垂訓師道昭宣象懸七曜海納百川曩巡東魯臨河登岱
峩峩尼山夔牆斯在虔恭展謁至德是欽宗風溥博教澤闕深洙
泗之陽殿寢翼翼上棟下宇神靈安宅冬官特飭締造維新宏規
大啟肅奉明禋聖人之居永以觀德千載傳心四方式則○丁丑
予故倉場侍郎伊圖祭葬○己卯以薩穆哈為工部尚書由步軍總尉選
○諭大學士等聞山東今年田收之後九月中蝗螟叢生必已遺

種於田今歲雨水連綿來春少旱蝗則復生未可知也先事豫圖
可不為之計歟宜命戶部速檄直隸山東河南山西陝西郡縣於
今歲來春勉力耕耨田畝蝗螟之災務令消滅若郡縣有不能盡
其田者蝗或更生必力為捕滅毋使為吾民患○以張勅為山東
按察使原任福建按察使○庚辰諭大學士等陝西西安鳳翔二府連被
災傷朕多方賑救然後化離之民漸還鄉井今歲雖雨澤霑足百
穀阜成而人民甫脫飢寒未饒生計若明歲應徵錢糧即令輸納
慮閭閻儲蓄終難充裕西鳳二府屬被災州縣衛所康熙二十三
年糧米照舊徵收外其地丁銀兩著通與蠲免稱朕愛養休息至
意○辛巳諭大學士等甯夏地方最為緊要總兵官馮德昌趙良
棟劾其扣剋軍糧馬匹倒斃馮德昌著解任此員缺以登州總兵
官王化行調補○壬午以沙哈里為左副都御史由盛京刑部理庫官選○

東華錄 康熙五十二 五

丁亥設高家堰通判一中河通判一移揚河通判於高郵州瓜州
儀真河道開座事務歸江防同知專管鎮江府屬丹徒丹陽二縣
河道以各該縣縣丞專管令該府通判兼理○庚寅九卿遵旨議
覆給事中彭鵬參順天鄉試主考徐倬等奏內語涉狂妄不敬應
革職 上諭大學士等是科鄉試若有弊事無顯露若言無弊
物論紛紛徐倬學問素優開列試官奏內並無其名朕令通行開
列將伊點出本日即入貢院似乎無暇縱難言全無一二通關節
者若云皆係屬託作弊則所取百有餘人屬託者必須數百人頃
刻間何暇徧通關節作弊也彭鵬有在朕前講論文章之語既係
言職使盡其意可耳彭鵬又請照原卷刊刻頒行朕意亦以為是
凡試官豈有不顧名節之理照原卷刊刻頒行天下則文章之優
劣自不掩試官亦知儆戒矣向日徐乾學高士奇王鴻緒為言官

參奏朕令休致回籍彭鵬係言官從寬免其革職○壬辰 上大閱於玉泉山○甲午 上還宮○丙申命彰德府同知專管彰德府河務廟灣同知兼管鹽城海州河務以直隸清河故城江南沛縣河道歸併東省道員兼轄德州河南河道歸上河通判管轄○丁酉鄂羅斯察漢汗遣使進貢大學士等將鄂羅斯進貢奏章翻譯進呈 上曰鄂羅斯國人材頗健但其性偏執論理亦多膠滯從古未通中國其國距京師甚遠然從陸路可直達彼處自嘉峪關行十一二日至哈密自哈密行十二三日至吐魯番吐魯番有五種部落過吐魯番即鄂羅斯之境聞其國遼闊有二萬餘里漢時張騫曾出使西域或即彼處地方明永樂曾經出塞彼時以爲甚遠按其所至之地離此亦不過千餘里史書所載霍去病曾出塞五千里想或有之今塞外尙有碑記可考至外藩朝貢雖屬盛事恐傳至後世未必不因此反生事端總之中國安甯則外費不作故當以培養元氣爲根本要務耳○是月免直隸順天保定等四府屬江南海州全椒等十州縣衛山西蒲州定襄等四州縣被災額賦有差

十一月庚子朔諭大學士等朕每日聽政必於辰刻中御門聞部院奏事大臣每日於黎明時齊集午門外久候方始入奏奏畢復各歸署理事無乃過勞朕觀大臣內有年及六旬者亦有六旬以上者此後於家中各進糜粥按時來奏亦不至遲誤大臣節勞養體亦可多爲朕效力數年爾等可將朕旨傳與部院大臣知之○辛丑 上奉 皇太后謁 陵啟鑿○贈故天津總兵官劉國軒太子少保子祭葬○乙巳 上奉 皇太后謁 暫安奉殿 孝陵至 仁孝皇后 孝昭皇后 孝懿皇后陵奠酒○癸丑雲南

貴州總督范承勳陛見 上諭爾係盛京舊人爾父兄累朝效力爾兄又爲國盡節朕因見思及爾兄心爲慘切不見爾八九年矣爾鬚髮遂皓白如此今因郊外寒冷將朕貂帽貂鞋白狐腋袍賜爾此時更換恐受風寒可明日服之來謝恩○丁巳停今年決囚○庚申 上奉 皇太后還京師○以郭渾爲甘肅布政使山西布政○甲子諭戶部頃者展謁 山陵沿途察訪民隱今歲雨水過溢田禾歉收米價翔貴又聞順天河間保定永平四府所屬皆然目前米價既貴將來春夏之際時值益昂小民必艱粒食順天河間保定永平四府康熙三十三年應徵地丁銀米著通行蠲免所有歷年舊欠悉與豁除務令人需實惠以副朕子育黎元至意○丙寅諭大學士等朕前謁 陵兵部侍郎舒恕隨從往往躲避朕未常見且人材甚屬不及著解侍郎任前保舉司官時各部止舉二三人督捕衙門司官甚少侍郎博際保舉幾及十員中有定見之人豈如是乎觀博際舉止猥瑣全無大臣之體著降三級調用○丁卯 皇子允禩生○戊辰以趙山爲督捕侍郎由副都統遷○己巳撤蘭州兵駐西安○命河道總督于成龍來京○庚午以安布祿爲兵部右侍郎由內閣學士遷調沈圖爲內閣學士由左副都御史遷○是月免江南高郵等四州縣水災額賦有差

十二月辛未諭大學士伊桑阿等適都察院議處吏部誤議知府盧騰龍等革職一事將堂官降三級司官降四級俱調用所議甚當朕觀人之識見精神有限不能過其本來分量烏得無錯但自知其錯即宜承認若既知其錯而不承認希圖文飾則其錯彌甚必致壞事前朕十三四歲輔政大臣理事時有誤行一事朕至今猶憶之彼時遇頒恩赦釋放罪犯曾赦一不應赦之罪人該部以

不應赦而赦應否釋放請旨大學士李蔚奏欲將錯就錯朕問爾此言於此事尚可如遇不應正法之人誤行正法則人死豈能復生此言亦可乎李蔚不能對大學士圖海奏此事實臣等之錯有何辯處天下事惟人命至重朕察之又察然已行之事其中能保無誤耶○達賴喇嘛奏為喀爾喀厄魯特事奉到敕旨並伊錫格隆所傳口諭聞之不勝歡欣諸凡蒙古奉貢 天朝之國而厄魯特不聽訓誠近害敕使又囑爾丹博碩克圖汗以三事陳奏其見責於 聖明極當但臣已年邁國事大半第巴主之已在睿照中即第巴向亦仰體 聖意實心任事目前見遵旨而行儻臣意有所未及力有所未到伏祈時頒訓諭又令伊錫格隆口奏云吾國之事皆第巴為主乞 皇上給印封之以為光寵又第巴令口奏云願繳玉印乞給以金印得旨此事頗大著議政王大臣會議以

東華錄

康熙五十二

八

聞尋議達賴喇嘛自領給冊印受封以來恭順職貢有年今以其身已老國事皆第巴主之乞封第巴授之印信以光寵之為之懇請而第巴又戴 皇上恩眷誠心乞請金印應如所請又按此玉印乃明朝給闡化王之印今第巴既已繳還應付所司從之○壬申諭大學士等朕觀近日政務簡少每日啟奏部院大臣中有年邁者甚屬勞苦自後年六旬以外大臣令其量力間二三日一來啟奏至折本內遇緊要事朕有旨傳進爾等方來請旨若無朕旨爾等將折本彙齊亦間二三日一來啟奏○癸酉諭掌院學士傅繼祖等翰林院衙門甚屬緊要凡翰林官每日作文寫字誦習講究是其分內之事各宜勤勉以盡職掌若有結交不肖牽引妄行遇學差缺出恣為奔競營求者不時訪參○先是廣東巡撫江有良巡視兩廣鹽課太常寺少卿沙拜彼此互參奉旨著江南江西

總督傅拉塔福建浙江總督朱宏祚會審具奏至是傅拉塔等查審巡視兩廣鹽課沙拜誣參布政使張績得解費銀一萬四千餘兩應革職巡撫江有良阻壞鹽法亦應革職得旨吏刑二部會同覈議具奏○丁亥 上幸南苑行圍○戊子山西巡撫噶爾圖奏輓運湖灘河朔米石應否暫行停止得旨今陝西米石充足此米若仍輓運必致勞民朕問總督佛倫亦云輓運湖灘河朔米石百姓勞苦此所運之米令其停止將船隻送至歸化城等處加意收管○諭兵部本朝滿洲官兵從來精銳驍勇遇寇必克所向無敵前厄魯特噶爾丹之役官兵不能悉體朕意即行勦滅致失機會罔奏膚功朕心為之不憚故比年以來簡閱官兵歲凡兩舉朕躬臨指示訓誨頃閱武時見諸士卒行列整齊隊伍明晰進退嫻熟嚴肅無諱所有軍令無不遵守該管官員號令約束既嚴且善此

東華錄

康熙五十二

九

皆官兵協志同心各加奮勵所致朕心深為嘉悅八旗前鋒護軍撥什庫驍騎兵等各賞給一月錢糧無職掌官照護軍給一月錢糧火器驍騎兵等亦照護軍賞給有管轄職掌官悉賞給內庫段疋其賞賜段疋戶部會同總管內務府衙門議奏這次閱武時官員內有降級罰俸者俱准開復以示朕體恤將士申明賞罰之至意至八旗步軍官兵有察緝盜賊巡理道路等役甚多極為勞苦步軍亦各賞給一月錢糧管步軍官亦各賞給段疋獎勵恤勞用稱朕意○己丑吏部刑部議覆江南江西總督傅拉塔等審廣東巡撫江有良巡鹽少卿沙拜互參一案均擬革職應如所奏得旨江有良巡撫安徽居官不善調補廣東聲名又劣沙拜為人輕佻狂妄俱革職○以田雯為刑部右侍郎原任貴州巡撫○先是 上諭理藩院聞喀爾喀公西卜退哈坦巴圖爾納木扎爾陀音扎薩克台

吉阿里雅阿爾薩蘭衛寨桑等自克魯倫前徙已至俄爾渾圖喇
矣其和托輝特之根敦戴青不與眾喀爾喀同來在巴稜額地方
今厄魯特未必不動而若輩不知遊行牧放恐猝遇厄魯特可著
尙書班迪往諭根敦戴青並西卜退哈坦巴圖爾等俱令內移不
得越克魯倫巴顏烏闌遊牧未行根敦戴青使至得旨根敦戴青
既有使來應發檄付來使攜歸著理藩院議奏尋議喀爾喀和托
輝特根敦戴青奏未年扎爾布柰扎薩克圖汗等使臣繼臣伯之
缺置之右翼寅年噶爾丹西勒圖澤卜尊丹巴胡土克圖理藩院
尙書喀爾喀兩汗授臣爲扎薩克卯年與濟喇克衛徵哈什哈交
戰敗之已年與車臣諾顏交戰敗之往禦噶爾丹雖不之值會殺
察罕台吉以及眾兵與厄魯坤交戰擊斬諾木齊台吉以及眾兵
與厄魯坤陀音之子扎郎阿伊爾扎海台吉等叛還復擊而取之
東華錄 康熙五十二 十
其他族類及我屬裔併眾饑人俱已收集我部落叛入鄂羅斯者
亦擒取以歸緣歷年征伐是以有誤請安查庫倫白爾齊爾之地
原任尙書阿哈尼等前此會閱會授根敦戴青爲扎薩克今根敦
戴青未來其扎薩克之處姑不議俟彼親至應授何秩安插何地
另議奏聞來使達爾漢諾顏塔布囊言根敦戴青在杭愛今既誠
心遣使請安進貢當移文諭之其文畧曰前者眾喀爾喀窮困來
降 皇帝受之俱依品級加封編爲旗分佐領撥給地方使各得
其所矣惟爾根敦戴青獨留在後 聖上聞之常念爾近厄魯特
遊牧恐爲彼所侵害特將此故遣大臣諭爾已皆點出今達爾漢
諾顏塔布囊至以爾疏陳奏 聖主方知爾與車臣諾顏交戰堵
禦噶爾丹擊殺察罕台吉巴爾坤等征討諾木齊台吉等之事大
加獎許今爾仍在杭愛遊牧不知有厄魯特侵害可慮之事否是

以檄爾或爾仍在杭愛並無可虞或即欲內遷可速備文來報且
爾既誠心奉貢似宜親來請 皇上起居我等職在所司特檄諭
爾此文應用臣衙門印信令來使齎往又聞公西卜退哈坦巴圖
爾等在土喇等地方土喇乃厄魯特行路若無妨礙宜各於遊牧
之地遠設偵探加意防禦臣等亦備印文諭之奏入從之○辛卯
卹贈死事理藩院員外郎馬迪世職○甲午 上還宮○是月免
湖廣興國等四州縣旱災江南清河等三州縣浙江餘姚等三縣
山西河津等二縣水災額賦○是歲朝鮮琉球來貢○人丁戶口
二千三十六萬五千七百八十三田地山蕩畦地五百九十七萬
三千四百五十六頃三十四畝有奇徵銀二千七百三十八萬五
千六百三十一兩有奇草二百八萬一千八百七十三束茶十五
萬七千四百五十三引行鹽四百三十三萬三千四百三十引徵
東華錄 康熙五十二 十一
課銀二百六十九萬七千一百六十三兩有奇鑄錢二萬八千九
百九十五萬八千六百七十有奇

東華錄

康熙五十三

臣王先謙敬編

臣周倫蕃恭校

康熙三十三年甲戌春正月乙卯 上以盛京年歲歉收命戶部
尚書馬齊馳驛前往以倉穀支給兵丁○丙辰九卿議覆河道總
督于成龍條奏修築黃運兩河應增設河道官員豁免民夫等事
俱不准行于成龍明知難行之事故為條奏非大臣實心任事之
義應革職 上諭大學士等凡為臣者須行實事不當沽取虛名
于成龍奏稱豁免民夫夫河道工程浩繁能不用民夫而可以集
事乎且河道增設一官則民間多一事見在所設官員歷年以來
料理工程並無違誤之處總之河工經理唯在得人不在增設官
員也隨召于成龍問曰爾向日議河工事曾面奏減水壩宜塞不
東華錄 康熙五十三

宜開汝今觀減水壩果可塞乎于成龍奏曰臣彼時妄言減水壩
宜塞於今觀之實不可塞 上曰爾前言斬輔糜費錢糧並未盡
心修築河工爾今觀之何如于成龍奏曰臣今亦照斬輔所修而
行如果修築不善去年大水安能不致潰壞臣見去年大水不勝
畏懼故請增修 上曰既如此則爾所奏之非斬輔所行之是何
以不明白陳奏爾排陷他人則易身任總河則難此非明驗耶又
諭大學士等曰于成龍曾奏河道兩岸未見斬輔栽有柳樹朕巡
歷南方指河干之柳問之無辭以對又奏斬輔放水以淹民田百
姓苦累朕問從何處放水所淹者何處之田奏曰臣未曾親見原
是侍郎開音布管理下河工程時曾奏參開官開高郵州南減水
閘放水衝淹民間麥田朕後至其地觀之開閘洩水斷不致淹害
麥田及問開音布所開何閘致淹麥田亦無辭以對此不過附會

于成龍之說耳且未見栽柳董訥亦曾言之王隲董訥李應薦係
山東人皆畏懼于成龍于成龍任直隸巡撫時居官好亦曾效力
但為人膽大凡事必欲取勝其所奏之事止徇人情面欲令人感
彼私恩夫擢用人材乃朝廷之大權非為臣者市恩沽名所可擅
行之事也至于成龍條奏內修理通州天津一帶河道及培修高
家堰隄亦有當酌議處高堰保淮敵黃甚為緊要此處稍有疏虞
則淮安一帶州縣居民田廬皆受水害此本再詳議具奏○命發
山東穀石海運至盛京以濟軍民○己未九卿議覆河道總督于
成龍奏高家堰等工程作何修築之處應令該督察明具奏 上
召于成龍問曰如爾所奏興工修築今年六月內能完工否于成
龍奏曰即今准行備辦物料亦需時日六月內斷不能完工 上
曰是已過發水時矣有何益乎諭大學士等曰于成龍面奏雲梯

東華錄

康熙五十三

二

關以下至海口因水勢散漫以致沙漸淤長朕思海口為黃河入
海之路海口水勢迅急方能刷沙河水乃得順流此為緊要所當
急濬者也至於河南黃河隄岸單薄低矮處宜加培修此等處再
詳議具奏○庚申振武將軍甘肅提督孫思克奏蒙古頭目博濟
聞伊兄巴圖爾額爾克濟農投降蒙恩安插甯夏賀蘭山今亦率
其屬下男婦一百一十餘人來降求與伊兄同居 上命理藩院
遣官一員送博濟等至巴圖爾額爾克濟農所令其完聚○辛酉
諭大學士等學政關係人材甚屬緊要朕觀原任御史陸隴其學
問優長操守甚善直隸守道邵嗣堯於煩劇之事未見其長而操
守學問俱優若以此等有操守之人補授必能秉公校士革除積
弊有裨學政○壬戌子故盛京戶部侍郎莽色祭葬○甲子九卿
議覆河道總督于成龍於河工事宜妄行陳奏前後互異革職

加責其河南黃河險工應令接任總督察明具奏得旨此事應照九卿所議行但于成龍修河之事未完著革職留任帶罪圖功○調高承爵為廣東巡撫由安○乙丑諭大學士等四川陝西總督佛倫請修黃城爾舊城朕覽其所進地圖黃城爾地方實屬緊要自甘州至西甯道里遙遠若自黃城爾至西甯其路甚近三日可達令官兵駐防甚為有益青海居住台吉等曾以為此地乃伊等地方懇請給還朕親政時諭輔政諸臣此係大草灘地方於我朝最為要地斷不可給故至今隸我版圖凡遣往西邊官員復命者朕常詢問地方情勢亦嘗詳閱輿圖故於邊疆要地無不記憶此處駐防兵丁事屬緊要著該督會同提督確議具奏○九卿議覆四川陝西總督佛倫奏臣奉旨查閱三邊查陝西自肅鎮嘉峪關北邊以至甯夏賀蘭山起處俱係土築邊牆自賀蘭山之勝金關東華錄康熙五十三起至賀蘭山盡之平羅營原無邊牆以山為界自平羅營以至延綏汎地之黃甫川亦係土築邊牆至於甘肅涼莊一帶南山原無邊牆俱係剗山掘壕為陡崖作界其間陡崖壕塹甚多殘缺又肅甘涼等處南山及甯夏之賀蘭山隘口原有石壘木柵堵塞年久倒廢人可越度又西甯鎮汎之西石硤鎮海西川一帶原有邊牆其南山直抵河州北山直抵莊浪原無邊牆皆係剗山為界亦有年久倒頽可以越度者或平坦無迹者三邊牆垣歷年久遠坍塌已多若不亟為修理必致倒廢但三邊遙遠不能剗期修理勒限完工請於明年漸次修補令提鎮及專城之副將參將遊擊等量給步戰守兵工食督其修理各隘口應堵石壘木柵之處亦令提鎮等酌量堵塞其倒壞邊牆沙淤壕塹應令兵丁修完從之

請補 上曰王年幼左右宜用老成此散騎郎擬正之人與今日引見補授護衛之人皆童穉耳少年相聚何以導王為善都統希福恩官已久係所屬大臣可召來切責其補授散騎郎護衛二本俱發回另行揀選具奏○辛未 上御經筵○壬申諭大學士等設立科道官員特為條奏政事今觀都御史以至科道條奏者甚少閒有條奏者每存私意或將不睦之人欲行傾陷則託辭參奏此等情弊朕豈不知嗣後科道官員各宜端其心術以有益國家之事條奏爾等可將此旨傳諭○以佟國佐為安徽巡撫由布政使○甲戌以興永朝為副都統王樑為漕運總督由湖南○以李煒為安徽布政使原任湖北○庚辰 上巡幸畿甸啟鑾○甲申諭大學士等朕巡視所至見運河及渾河決口民田淹沒甚為可憫著直隸巡撫郭世隆天津總兵李鎮鼎會同倉場侍郎常書自通東華錄康熙五十三州至西沽兩邊隄岸再自西沽至霸州決口宜修之處閱視明白速行修築○丁亥諭大學士等通州倉米平價發糶米價頓減於民大有裨益又沿河一帶州縣已截留山東漕運糶與百姓誠恐不肖地方官員或增價發糶或糶與販賣之人以致百姓不霑實惠著巡撫郭世隆不時巡察○以董安國為湖南巡撫石文晟為貴州布政使由山西平陽○移山西大同府同知駐右衛管駐防兵餉增倉庫大使各一

三月壬辰諭大學士等朕前諭于成龍條奏河工事曾言王隲董訥李應薦畏懼于成龍伊等奉如此嚴旨至今不行具奏引罪辭職俯首戀位全無廉恥爾等可召集九卿將此宣示王隲董訥李應薦等○丙午戶部尚書王隲內閣學士李應薦各具奏引罪祈賜罷斥下部察議○丁未諭大學士等禮部奏祭 奉先殿儀注

將皇太子拜褥設置檻內朕諭尚書沙穆哈曰皇太子拜褥應設檻外沙穆哈即奏請朕旨記於檔案是何意見著交該部嚴加議處尋議尚書沙穆哈應革職交刑部侍郎席爾達多奇均應革職得旨沙穆哈著革職免交刑部席爾達多奇俱從寬免革職○左都御史董訥具奏引罪得旨大臣引咎自陳應據實明白具奏若支飾含糊即非臣誼董訥署理河道總督事時極言靳輔虛糜錢糧治河不善明係附和于成龍排陷靳輔今修築河工成效已著是非公罪定論昭然前會議河工事務時朕已面加嚴責董訥不即具奏引罪頃傳諭詰問始行陳奏乃復不將依附于成龍之處從實直陳虛詞粉飾冀掩眾人耳目殊乖大臣之體該部察議具奏○兵部奏鑲黃旗佐領阿喇尼以老病乞休應令其照佐領品級解任得旨阿喇尼自任用以來勉效力奉差往察汛界時所

東華錄 康熙五十三 五

統原非滿兵皆係喀爾喀人湊成隊伍以致失事今年已老邁著復還原尚書品級解任○甲寅諭大學士等進士選取庶吉士教習讀書所以造育人材備他日之用司教習者理宜嚴加督課使之勤勉嚮學今考試庶吉士觀其所學甚劣較曩時庶吉士迥然不及此皆傳繼祖等教習怠弛不專心致志之所致也傳繼祖等交吏部嚴察具奏尋議覆傳繼祖張英教習不嚴均應革職得旨傳繼祖降三級調用張英降三級留任○左副都御史碩羅以老病乞休得旨碩羅升授副都御史之後並無建白著以郎中品級休致○乙卯以佛倫為禮部尚書仍理四川陝西總督事○戊午吏部議覆戶部尚書王隲左都御史董訥內閣學士李應薦俱附和于成龍董訥自行陳奏又巧為掩飾應將王隲董訥李應薦俱革職得旨王隲從寬免革職著以原品休致董訥李應薦俱著革

職○庚申 上御乾清宮親定殿試貢士甲第諭大學士等通曉政事甚屬不易即如賑濟一事朕親訪聞被災地方百姓一遇賑濟則盈千萬人聚而就食若不得其人不得其法反致生事諸貢士策中論吏治皆言當實心任事大法小廉今言官建白甚少聞有上奏者皆懷私心或所言似公實則假公濟私耳至督撫赴任時在京官員有親友門生在屬下者必相請託即欲參劾不得不顧情面如果外而督撫內而言官皆從公據實參奏則不肖之吏自無所容今諸生對策雖能言之若身當其任恐亦能言不能行也○辛酉賜胡任輿等一百六十八人進士及第出身有差○諭戶部山西平陽府澤州沁州所屬地方前因蝗旱災傷已經蠲免額賦並加賑濟其康熙三十年三十一年未完地丁錢糧及借賑銀米若仍令帶徵剋期完納誠恐閭閻力絀益致艱難著將所欠

東華錄 康熙五十三 六

錢糧五十八萬一千六百餘兩米豆二萬八千五百八十餘石通行蠲豁用紓民力○癸亥以傅德為左副都御史由翰林院侍講學士遷○乙丑以范承勳為左都御史由雲南貴州總督遷○丙寅以田喜霖為內閣學士任○丁卯諭大學士等山東巡撫桑額奏所屬積貯米穀並無虧空此前任撫臣佛倫奉行之善也朕巡幸霸州時聞大城縣知縣祖延泰散穀賑濟或有富戶冒稱饑民者查出即將其家所積之穀散給貧民因此並無假冒貧民得需實惠是則奉行之善存乎其人從前總督張長庚屢盡美巡撫白苞純韓世琦等居官不善不數年間子孫窮困由此觀之徒貽惡名此輩貪取者今安在哉且居官果善其光榮自不待言如江南將軍博羅調西安將軍起程之日兵民泣送屈盡美居官不善離任之時地方百姓皆為切齒居官善否舉朝之人及地方百姓自有公論豈能掩飾哉

夏四月己巳盛京禮部侍郎單璧以年老乞休允之○庚午理藩院奏今歲編審外藩蒙古四十九旗人丁共二十二萬六千七百有奇內除隸公主郡王貝勒貝子公額駙台吉等三萬一千五百九十六丁外餘十九萬四千六百七十餘丁三丁內著一丁披甲應披六萬四千八百九十一甲下所司知之○壬申以艾肅為盛京禮部侍郎由光祿寺卿遷○戊寅調丁思孔為雲南貴州總督由湖廣調○己卯遣班迪等招撫和托輝特根敦戴青並偵噶爾丹○庚寅刑部等衙門議覆民人高宏擢毆死伊兄高宏先應正法上諭大學士等此案原供內有高宏擢之父高昇因伊子高宏先暴惡先行砍害之語今悉刪去但希旨苟且定議人命關係重大即使旨意未當亦宜據理執奏况議此案者止滿州官一員漢軍官一員似此關係人命事情不多令司官詳察會議苟且結案可乎將

東華錄

康熙五十三

七

刑部官員嚴加申飭嗣後儻仍蹈前轍決不輕恕○辛卯以吳璵為湖廣總督原任湖廣巡撫○癸巳諭吏部前因靳輔年老遣順天府府丞徐廷璽佐理河務今于成龍奏稱徐廷璽於河務未諳在彼無事著徐廷璽來京○甲午以劉暄為安徽按察使由直隸守道遷○丁酉予故原任內閣學士王尹方祭葬五月戊寅朔工部以天壇一帶挑沙鋪路給過工價繕摺呈覽步軍統領凱音布奏曰新修之路聽人照常行走不久又壞應派綠旗兵看守令來往之人止走兩旁勿行中路上曰如此禁約殊於朕意不合蓋修葺道路者專以便民也派兵看守不許行走則修之何用若云禁行中路則看守之人必並禁及兩旁殊於行人不便仍聽人照常行走後若毀壞令步兵稍稍葺治○安北將軍伯費揚古奏噶爾丹使人納木喀喇克巴喇木扎木巴喇嘛等

率二千餘人稱請安進貢臣即遣發官兵迎問實情據噶爾丹使人言我等實來請皇上萬安查其人數則有男子五百餘婦女僮僕千餘上曰噶爾丹使人著止歸化城遣滿不往諭之曰爾等陽為修好潛留人為細作各處窺探是以止爾等於歸化城問爾來意視爾奏章再議其前此流寓歸化城有納泰和碩齊等皆橫行不法著交與來使○九卿議覆給事中彭鵬奏參提督順天學政兵部右侍郎李光地母故貪戀視位不請終制應將李光地解任不准回籍在京守制從之○癸卯諭大學士等國家以用人為要或有知其人可用而避嫌不舉者或有明知其人不善而引為黨援者自今九卿當各將所知居官賢能者敬慎公舉科道官職司耳目誠能於所知賢者從公推薦不肖者立行參劾則賢者勸而不肖者懲治道豈不美乎可將此旨傳諭九卿科道○甲辰

東華錄

康熙五十三

八

諭禮部尚書兼管翰林院掌院學士事張英翰林院係文學親近之臣向因日講時時進見可以察其言語舉止近日進見稀少講官侍班不過頃刻豈能深悉著將翰林院詹事府國子監官員每日輪四員入直南書房朕不時諮詢可以知其人之能否以備擢用○丁未以王燕為湖北布政使趙世顯為江蘇按察使由兩淮鹽運使遷○辛亥以張集為兵部左侍郎管右侍郎事原任吏部左侍郎○子故原任吏部尚書張士甄祭葬○癸丑戶部議覆江南江西總督傅拉塔奏鹽城高郵等處水涸田地求免徵糧應不准行上曰糧從地出此地尚為水侵若徵錢糧則於民甚苦致治之道民為最要凡事於民生有益即宜行之此水浸之田皆令免徵錢糧○甲寅諭翰林院朕流覽載籍見分類諸書雖各有所長尚多未備唐類函可謂詳贍然唐以後典故藝文亦未採錄可依唐類函體例

自唐迄明輯成完書以資觀覽○丁巳 上巡幸畿甸閱視河隄
啟鑿○諭內大臣等扈從衛士魚貫而行無得踐踏民田著派侍
衛等嚴查○以常綬為工部右侍郎嵩祝為內閣學士由護軍參領選○

戊午 上閱龍潭口新隄○已未 上閱化家口新隄倉場侍郎

常書奏曰新隄凡十二處緊要者不過四五處 皇上若必加徧

閱時當溽暑恐勞 聖躬 上曰朕軫念小民每罹水患特為閱

隄觀稼而來雖屬煩勞朕固忘倦 上閱黃須口等處詳視良久

諭常書等曰此處決口水勢湍悍隄雖堅固中間猶覺稍低可令

增修於前面另築一小隄以弱水勢大隄方保無虞耳其八百戶

口王家甫口筐兒港口白駒廠口等薄弱之處咸令增修○庚申

上閱桃花口永安口李家口信艾口柳灘口等處新隄諭常書

等曰頃閱新隄一二處爾等以前途新隄與此相同請即回鑾朕

東華錄 康熙五十三 九

以此處百姓困於水災惻然憫恤所築新隄若不徧閱朕心終未

釋然故必周歷覽觀方令回棹今觀新築隄甚屬堅固此地百姓

可免數年水災矣○壬戌 上還京師

閏五月戊辰諭大學士等古聖先賢所著訓詞於學者礪行之道

讀書之法居官治民之事無不該備果能孳孳行之自有無窮之

益又諭朕先慮翰林官壅滯故用數人於部院衙門所用數人學

問皆優如有翰林缺出仍著開列升補○庚午 上御瀛臺試翰

林官於豐澤園○辛未左都御史薩海以年老乞休允之○吏部

議覆提督學政許汝霖奏教職訓迪士子責任甚重請將由監生

授教職者改授州縣佐貳官應如所請教諭改縣丞用訓導改主

簿用從之○癸酉諭大學士等初四日召試翰林官於豐澤園出

理學真偽論此亦書籍所有成語能賜瓊見此輒大拂其意應擢

之字竟不擡寫不應用之語輒行妄用原任刑部尚書魏象樞亦

係講道學之人先年吳逆叛時著議政王大臣議奏發兵魏象樞

云此烏合之眾何須發兵昔舜誕敷文德舞干羽而有苗格今不

煩用兵撫之自定與索額圖爭論成隙後十八年地震時魏象樞

密奏速殺大學士索額圖則於 皇上無干矣朕曰凡事皆朕聽

理與索額圖何關輕重道學之人果如是挾仇懷恨乎又李光地

湯斌能賜履皆講道學之人然而各不相合李光地曾授德格勒

易經李光地請假回籍時朕召德格勒進內講易德格勒奏言李

光地熟精兵務其意欲為將軍提督 皇上若將李光地授一武

職必能勝任反復為李光地奏請爾時朕即疑之德格勒又奏能

賜瓊所學甚劣非可用之人朕欲辨其真偽將德格勒能賜瓊等

考試湯斌見德格勒所作之文不禁大笑手持文章墮地向朕奏

東華錄 康熙五十三 十

云德格勒文甚不堪臣一時不能忍笑以致失儀既而湯斌出又

向眾言我自生以來未曾見有似此一番造謊者頃乃不得已

而笑也使果係道學之人惟當以忠誠為本豈有在人主之前作

一等語退後又別作一等語者乎今湯斌雖故李光地德格勒見

在也又能賜履所著道統一書王鴻緒奏請刊刻頒行學宮高士

奇亦為作序乞將此書刊布朕覽此書內過當處甚多凡書果好

雖不刻自然流布否則雖刻何益道學之人又如此務虛名而事

干瀆乎今將此等處不過諭爾等聞知朕惟以治天下國家之道

存之於心此等人議論又何足較也○乙亥理藩院奏喀爾喀台

吉車陵扎卜之父達本什士謝圖汗六扎薩克中之一扎薩克也

因與滾濟斯扎卜遇噶爾丹之亂投入鄂羅斯今車陵扎卜收集

其屬下六百餘人自鄂羅斯來歸應授為扎薩克一等台吉其屬

下六百餘丁按例編爲四佐領從之○丁丑差諭噶爾丹侍郎滿不以噶爾丹疏回奏 上賜噶爾丹敕曰朕承天命統御萬邦凡恭順者獎勵以示優恤若謫詐者亦必匡正其非使歸於善而止爾噶爾丹於烏蘭布通之地爲我兵所擊潰敗而走於時即可破爾矣朕軫念爾向來通貢不忍速滅不使窮迫停止各路進剿之兵遣內大臣吳丹等出使於爾爾在威靈佛前堅誓永不敵犯印文誓書猶在也朕謂爾不背盟許爾使照常往來待爾無異意此情已屢經敕諭不必一一悉數今閱爾奏欲依達賴喇嘛使人前所定之議請將澤卜尊丹巴胡土克圖土謝圖汗昇爾按爾前奏內有素澤卜尊丹巴胡土克圖土謝圖汗三言內以一言爲定將七旗發回故土已蒙許昇以澤卜尊丹巴胡土克圖土謝圖汗之語想此乃小人欲脫其身而爲此言爾果有此旨豈有不授爾敕

東華錄

康熙五十三

十一

者乎執來歸之人以昇其儲可乎敕諭甚明何嘗不解爾奏內之言爾亦未嘗不解敕內之言然皆烏蘭布通戰前之事誓後不得復引以爲辭况爾違朕前旨及達賴喇嘛之令伐喀爾喀致喀爾喀等窮迫來降朕賜之銀米牲畜以爲養贍達賴喇嘛聞之甚喜奏言惠濟喀爾喀真如我佛慈悲噶爾丹者大君所當責而誅之者也而俯恤眾生有如赤子復加寬宥達賴喇嘛此奏前已並敕諭發爾矣即安插喀爾喀之事亦敕爾知之矣儻爾噶爾丹爲喀爾喀所敗而來歸命朕亦當受而養之斷不擒以昇喀爾喀也此即朕萬邦一體之意朕從來降敕與爾俱布至誠今爾不將馬迪被害之故回奏覆旨又將跪頂威靈佛之誓付之不論徒以使臣喇嘛爲辭又將達賴喇嘛與朕處置已畢之事屢屢翻覆包藏禍心以圖搆覺道回子於內地爲奸宄偵探以此觀之則爾外奉宗

東華錄

康熙五十三

十一

喀巴之法而實入回回之教不欲朕扶助宗喀巴並達賴喇嘛之法彰彰明矣爾所行之事蒙古皆知之反側如是朕已秣馬厲兵但視爾舉動耳爾又請沛如海之仁賜五六萬兩原諒謂近朕之前來請則加恩賚且許之互市爾皆不副朕旨豈有賜銀之理爾奏內又云扎木巴兒藏布言欲往西方我向不攔阻往西方之人夫扎木巴兒藏布者壞達賴喇嘛之教行事悖亂爾知而故留不即發回是亦已矣至爾所遣回子奸細未識爾知而遣之抑爾種類中潛爲之也今已將爾使人所留奸細內顧爾馬哈穆特即於爾地正法雖然爾厄魯特喀爾喀之事朕與達賴喇嘛始終教誨發敕遣使不少矣爾不依誓書索喀爾喀不已且又以不解我言語爲辭是雖發敕遣使終無了期朕反復思維不得不會閱以定之此會也遣他人亦終無用必須爾親來與朕面議方可定也且

御試日所作文字內用

宗廟二字不擡寫又妄用不應用之語顯係不敬應將熊賜瓚革職等語得旨熊賜瓚係朕從優擢用乃不思圖報頃 御試時見理學真偽論題即大拂其意於文內

應擡寫之字竟不擡寫不應用之語輒行妄用本當嚴加治罪姑念其愚蠢無知從寬免處分○庚辰內閣學士田喜霽以病乞休允之○刑部等衙門奏太監錢文才毆死民人徐二應絞監候

上諭大學士等凡太監犯罪斷不可宥尤宜加等治罪朕觀古來太監良者少要在人主防微杜漸慎之於始苟其縱容姑息假假事權迫其勢既張雖欲制之亦無如何如漢之十常侍唐之北司竊弄威權甚至人主起居服食皆為所制此非一朝一夕之故由積漸使然也太監原屬陰類其性情與常人不同有年已衰老而言動尚若嬰兒外似謹厚中實叵測必人主英明此輩始無由弄權朕聞明代諸君將本章批答委之司禮監司禮監委之名下內監此輩素無學問不知義理委之以事其能免於舛謬耶錢文才此案爾等記之至秋審時勿令倖免○壬午以傅臘塔為左都

東華錄

康熙五十三

三

御史由吏部左○已丑調常書為吏部右侍郎以德珠為倉場侍郎由內閣

學士遷

六月丁酉朔以陶岱為內閣學士由內閣侍○工部侍郎星安緣

事革職○戊戌諭大學士等江南江西總督居官善者自于成龍

以來惟傅拉塔一人傅拉塔和而不流不畏權勢仰體朝廷委用

之意愛恤軍民甚屬可嘉茲聞溘逝深為憫惻著從優賜卹○辛

丑以傅德為盛京工部侍郎由吏部○授湖廣提督徐治都為

鎮平將軍仍管提督事○丙午以阿山為左副都御史原任戶陸

榮為內閣學士由左贊○丙辰大學士等奏江南江西總督員缺

九卿保舉吏部左侍郎布彥圖等十二人 上曰布彥圖先在理

藩院內閣時猶能效力自任吏部所行甚穢聲名不堪朕以江南

地方緊要欲得一端方之人命爾等大臣保舉似此等人亦皆舉

出爾大臣等意欲欺朕耶是誰所舉著問明具奏原任雲貴總督

今升左都御史范承勳行事堅定為人平易著補授江南江西總

督令馳驛速赴新任○甲子添設山西右衛同知一○丙寅大學

士等覆奏侍郎布彥圖係吏部尚書熊賜履保舉 上問吏部尚

書庫勒納曰布彥圖與爾同旗同部其人果可保舉耶庫勒納奏

曰布彥圖品行穢惡非可保舉之人 上曰如是爾何不阻之爾

為尚書當矢志忠誠勉圖效力如布彥圖之貪婪穢惡舉國共知

何得聽人妄行保舉庫勒納免冠謝罪 上曰自古漢人結為黨

類各援引同黨之人以欺其上習以為常滿洲素樸誠忠實今觀

旗員亦各自結黨其中子成龍最為強勝此中惟尚書索諾和並

無黨類亦不往來大臣之家愿慙安分此外孰無黨者焉能欺朕

朕因布彥圖在理藩院時塞外效力漸升至侍郎不思圖報朕恩

東華錄 康熙五十三 四

所行貪婪穢惡朕甚惡之布彥圖著革去侍郎仍授為理藩院員

外主事之職服勞以愧之爾侍郎等不奮勉以副朕任用之恩如

布彥圖者朕亦必加處分斷不寬貸也

臣王先謙
臣周濟蕃恭校

秋七月丁卯朔以蔣宏道為左都御史轉王士正為戶部左侍郎以王揆為戶部右侍郎由內閣○己巳轉常書為吏部左侍郎調安布祿為吏部右侍郎由兵部○壬申諭大學士等文選司甚屬緊要近聞文選司郎中劉始恢聲名頗劣可令休致先年文選司郎中宋文運才雖平常而操守聲名甚好朕不次擢用洵至刑部侍郎今文選司無一能及之者將朕旨傳諭吏部○予殉難福建巡海道加贈工部侍郎陳啟泰浙江溫處道加贈通政使陳丹赤俱追諡忠毅○巴圖爾額爾克濟農奏報那齊克逃遁遣莽禁哈什哈等追及之於耨爾格山諭之降不從莽禁哈什哈等與戰殺那齊克及同逃巴雅克海桑等報聞○甲戌以馬爾漢為兵部右侍郎由翰林院侍徐嘉炎為內閣學士由翰林院侍○壬午兵部奏建威將軍希福請將大同綠旗兵三千令總兵官率之與臣等同行又鑲藍旗蒙古旗分察哈爾兵近殺虎口居住其八旗察哈爾俱接壤而居丁壯整齊秋高馬肥請將伊等前鋒護軍驍騎酌量派發附各旗遣至臣等軍前 上諭大學士等綠旗兵若多發往則其馬少且邊外地方米糧何能運到朕前巡察邊外時曾帶古北口綠旗兵往沿途常賞資食物贍養然去時猶可及觀其回時情形甚億隨朕行走尙有苦累之處今希福亦能如此賞給乎希福每遇一事必生疑阻此番發往滿洲之兵已有八千有此兵力所向無敵將軍費揚古勳舊大臣今駐防歸化城眾皆稱贊軍士亦皆心服都統郎談邊外行走熟練於此無不能辦者若又遣希

福往或至疑阻大事亦未可定此處關係甚大希福著停其前往右衛新駐兵丁令希福料理大同綠旗兵丁不必多發著大同總兵官康調元親選五百名與將軍費揚古一同前往至京城兵亦已豫備察哈爾兵尙有緊要差遣即與所備之兵一同調遣不必發往○甲申 上幸湯泉○丙戌 上還宮○丁亥 上命大學士等於翰林官員內知有長於文章學問超卓者具奏大學士等奏曰徐乾學王鴻緒高士奇韓奕文章詩賦頗為優長又進士唐孫華長於詩賦文章不佳 上召唐孫華考試諭大學士等觀唐孫華文學實優但字不甚佳著額外授為禮部主事令於翰林院行走大學士等奏曰 三朝國史典訓一統志明史尙未成書徐乾學王鴻緒高士奇韓奕等在籍皆文章素優之人若召令各纂一書書可速成 上曰徐乾學等著來京修書徐乾學之弟徐秉

東華錄 康熙五十四

義學問亦優並著來京韓奕原係內閣學士告假回籍不便與曾經處分之人一體取來修書著以原官召取來京○己丑贈故江南江西總督傅拉塔太子太保給拜他喇布勒哈番世職祭葬加祭一次諡清端○庚寅 上巡幸邊塞啟鑿

八月己亥諭領侍衛內大臣等前聞噶爾丹來侵根敦戴青是以調郎談等兵右衛兵歸化城兵令費揚古統之防備土喇乃尙書班迪等至今無報似乎無事今時漸寒兵士前進殊為勞苦又聞噶爾丹有趨歸化城之意雖未實回師防歸化城為是可令右衛兵回右衛歸化城兵即談兵俱回歸化城各秣馬設備大同總兵官康調元亦率其兵回大同趙良棟之來已近京城且令人觀而歸阿喇尼滿不暫在歸化城偵探此事令喇嘛商南多爾濟郎中奔墾自此地馳驛前去伊等未到之前如土喇有警將軍等仍便

宜行事亦令商南多爾濟等為之探聽○甲辰兵部議覆四川陝西總督佛倫奏臣前奏請復黃城爾舊城安設弁兵控扼雪山稽察往來奸宄奉旨會同提督確議具奏今據甘肅提督孫思克等咨云黃城爾地方偏近雪山天氣寒冷難於耕種糧草無出修築城垣工程浩大應請停止至於大黃山大草灘之要路在大馬營地方原設守備兵力單薄應將守備裁去改設遊擊千總把總各一馬步兵五百名駐守大馬營仍令永固城副將兼轄肅州總兵官統轄並於大阿博敦東西築墩臺撥兵瞭望其唐家沙溝應令永昌副將派千把總各一統領馬步兵輪流駐防至北邊峽口等處亦應添設把總一馬步三千名駐紮定羌廟令峽口守備管轄俱應如所請從之○喀爾喀台吉恭額薩木頻等率眾來歸○丁未設雲南省曲靖廣西元江開化順甯武定景東八府學尋

東華錄 康熙五十四 三

甸建水新興趙州劍州昆明宜良楚雄定遠保山和曲祿勸雲州姚州河陽南甯新平十七州縣學訓導各一○己未 上駐蹕拜巴哈昂阿賜喀爾喀澤卜尊丹巴胡土克圖等冠服蟒段等物有差

九月己巳撤郎談等兵還京師○廣八旗入學額○癸酉 上駐蹕喇嘛洞賜喀喇沁多羅杜楞郡王扎什等纓冠銀幣○尚書班迪等奏臣等遵旨遣筆帖式巴查爾撥什庫丹巴同澤卜尊丹巴胡土克圖土謝圖汗之使人並西卜退哈離巴圖爾納木扎爾陀音等十人往覓和托輝特根敦戴青所在至色梭額之英格特布哈地方見之告以臣等前去之故根敦戴青隨即內徙而來至俄爾洪圖喇之白爾齊爾與臣等相見臣等傳旨諭之根敦戴青曰我等為厄特兵閒阻屬下之人離散者多不能赴闕請 皇上萬

安今蒙四大臣宣示 恩綸不勝懼忭願即與諸大臣入覲屬下之人賴採捕野獸為生惟伊魯諸處頗有野獸請安插伊魯諸處臣等允其所請將伊所屬七百餘戶四台吉及千餘弓箭手共三千餘口遷至伊魯等處安插隨令俄齊爾杜喇爾同根敦戴青起行赴京尋根敦戴青入覲 上加恩賜授為扎薩克多羅貝勒○己卯 上還京師○辛巳以黨愛為陝西布政使由甘肅按察使遷○壬午停雲南鼓鑄從巡撫王繼文請也○癸未戶部奏盛京戶部侍郎阿喇彌將山東運去之米不行均給兵丁又將岫巖地方應料理支給之米不親行料理應降五級調用 上曰阿喇彌自簡任侍郎以來並不勤勞效力凡事瞻徇情面枝梧塞責甚屬庸懦盛京官員兵丁無一人稱其好者革職同伊家口發往黑龍江披甲效力○以王繼文為雲南貴州總督石文晟為雲南巡撫由貴州布政使

東華錄 康熙五十四 四

○甲申遣大臣察賑直隸災民並八旗貧戶○乙酉九卿議奏革職陝西巡撫布喀身任封疆於甘肅巡撫任內並不遵旨運糧以濟兵民將甯夏等處見運之糧停止擅動西安所屬長武等州縣之糧私行輓運又以遲誤之罪卸諉他人罔恤軍民乏食貽誤邊疆重事應將布喀議斬立決其布喀所參巡撫吳赫將伊誣陷係吳赫參後布喀仇參應無庸議得旨布喀著改為應斬監候秋後處決餘依議○巴圖爾額爾克濟農奏前者鄂齊爾圖汗時臣曾進貢往來自鳴爾丹執鄂齊爾圖汗臣率族眾居青海數年後歸 聖化蒙恩不可勝計曾兩次遣使中途遇害俱不得達臣之族類困窮已極臣今願往指授地方編為參領佐領馳驅效力得旨巴圖爾額爾克濟農甚為可憫但達賴喇嘛奏請安插於彼青海地方姑允其說見今達賴喇嘛有使人至俟使至日當另有

旨○丁亥 上御經筵○戊子以囊吉里為甘肅按察使由郎中遷○庚寅以帕海為盛京戶部侍郎由盛京工部理事官遷○是月免山東邱縣水災額賦

冬十月丙申以吳赫為四川陝西總督黨愛為陝西巡撫由布政使遷

○以達禮為貴州布政使由按察使遷○己亥復設江南淮安清江廠

船政同知改江甯廠船政歸江甯管糧同知兼理○庚子諭大學

士等天下武舉會試者或其人材可用騎射亦優而以不合式之

故遺而不錄者有之朕意殊為憫惜令兵部宣示有願效力者與

再試者具呈候該部請旨再行考試遴選交火器營令其服習戎

事於會試時照常考校既晰知其人亦便於拔取有超羣者即予

錄用如此則人材不至遺棄於考試良有裨益矣○諭朕聞奉旨

遣往各省大臣官員沿途文官朝服武官介冑以迎之此皆未當

東華錄 康熙五十四 五

於理著禁止○辛丑賜曹日璋等九十六人武進士及第出身有

差○癸卯 上幸南苑行圍○以王維珍為浙江巡撫轉張集為

兵部左侍郎以張鵬翮為兵部右侍郎由浙江巡撫遷○以禪上為陝西

布政使由御史遷○丙午 上大閱於玉泉山○戊申 上還宮○庚

戌以任鳳厚為貴州按察使由福建道遷○甲寅九卿議覆河道總督

于成龍奏高家堰等處隄工所關甚鉅土隄易為水勢衝壞請改

建石隄以為永久之計並請於近隄開一小河運送工料臣等公

議准行 上曰修此隄工所需之石從何處取辦應用此隄關繫

緊要必須修築堅固方可無虞朕聞洪澤湖昔日俱民田因高家

堰築隄淮水泛溢遂爾成湖彼時之民未必不怨今高家堰隄理

應修固但需用石料浩繁若運辦不得法恐致累民雖動正項錢

糧給價募雇然地遠工繁或仍派於民減給工價亦未可定朕前

南巡親覽此隄極為緊要惟恐擾民故爾躊躇必詳悉籌畫方可

舉行至開運料小河九卿所議殊未明白河道關繫甚大朕從十

五歲即為河道憂慮今欲開小河必指高家堰相近之處往年靳

輔在時亦欲於高家堰另築一隄於中濬小河令從兩隄間通流

運送工料以兩隄之間浚河則舊隄兩面為水衝盪議不准行今

于成龍請開運料小河即靳輔欲開小河之處若將此開濬勢必

引入洪澤湖之水浸潤衝刷兼之湖水泛溢河水盈漲高家堰斷

不能保况修隄土石並非高郵等處所出與其於小河以小船載

運何如即由洪澤湖以商賈大船載運此本著另議具奏尋九卿

議覆高家堰等處改建石隄為永久計應如所請速行建造其開

運料小河必致引入洪澤湖之水衝激高家堰隄工應不准行從

之○丙辰命通州坐糧廳監督以三年為滿從倉場侍郎德珠等

東華錄 康熙五十四 六

請也○丁巳內閣學士達虎以病乞休允之○癸亥子故雲南貴

州總督丁思孔祭葬

十一月丁卯 貴妃鈕祜盧氏薨諡溫僖○癸酉侍郎安祿布常

綬等奏臣等遵旨查直隸安州等十一州縣貧民十萬餘口應賑

米四萬餘石 上諭大學士等朕思直隸米價騰貴小民艱苦若

僅照數給米仍恐無益著將此米一半散給百姓一半照目前米

價折銀給與貧民所餘之米著視時價減糶則百姓既得銀兩而

糶米又易庶民霑實惠其安州等十一州縣康熙三十四年地丁

錢糧盡行蠲免又諭密雲順義附近地方今年米穀未收除常平

倉米穀平價照常糶賣外並將前轉運積貯之米每月發千石平

價糶之遣戶部賢能司官各一員監視糶賣○丙子以勒德為內

閣學士由郎中遷○戊寅以陳廷敬為戶部尚書原任刑部尚書○溫僖貴妃

喪事停殯於朝陽門外鑲黃旗滿洲都統公阿靈阿舉家男婦守
孝而阿靈阿與其妻長兄法喀素不相睦必欲致之死地乃造言
其兄法喀與其三兄福保之妻踰垣調誘欲行姦污以此播揚於
眾法喀奏聞 上洞悉阿靈阿之奸偽面加誠飭阿靈阿兇毒益
甚堅執前說 上震怒將阿靈阿革去都統並所襲一等公○癸
未 上謁 陵啟鑿○移江南鳳陽關監督駐正陽關○丁亥
上謁 暫安奉殿 孝陵至 仁孝皇后 孝昭皇后 孝懿皇
后陵奠酒

十二月己亥 上復謁 暫安奉殿 孝陵○甲辰 上還宮○
丁未理藩院奏前鄂爾多斯貝勒達爾札故其子應不准承襲貝
勒 上諭大學士等達爾札凡事誠心效力奮勇行間病篤時將
伊旗人齊集於朕差往御醫之前強起望闕叩首徧屬眾人曰朝

東華錄

康熙五十四

七

廷憐惜我等甚深汝等毋違我意善報 皇上宏恩忠義可嘉伊
子旺束克著仍襲多羅貝勒○轉田雯為刑部左侍郎以陳汝器
為刑部右侍郎由大理寺卿遷○庚戌諭大學士等朕覽福建浙江總督
朱宏祚大計疏內有閩省地瘠民飢之語豈福建全省之人盡皆
佻薄乎原任四川巡撫張德地署理延綏巡撫時曾奏延安邊地
並無可舉博學宏詞之人原任少詹事邵遠平奏南方之人皆輕
浮不可用朕思賢才不擇地而生雖深山僻地豈無人才至於南
方之人豈盡皆輕浮不可用者二人所言甚不愜於朕心因皆罷
斥今朱宏祚又以此等謬言陳奏殊屬不合著該部察議具奏尋
部議朱宏祚應降四級調用從之○壬子諭大學士等武官品級
比文官品級甚大武官於行間效力果有功績品級自宜從優今
武官品級太過宜作何裁定爾等查議具奏○吏部奏阿靈阿緣

事革退都統併公爵其一等公應令阿靈阿子朝昆襲替得旨阿
靈阿著留一等公○乙卯 上幸南苑行圍○庚申 上還宮○
是歲朝鮮來貢○人丁戶口二千三十七萬六百五十四田地山
蕩畦地五百九十七萬五千二百六十八頃五十四畝有奇徵銀
二千七百三十九萬五百六十二兩有奇米豆麥六百九十六萬
五千三十二石有奇草二百八萬一千五百四十二束茶十五萬
七千四百五十三引行鹽四百三十一萬九千三百四十引徵課
銀二百六十九萬五千二百八十二兩有奇鑄錢二萬三千六百
五十三萬六千五百五十有奇

東華錄

康熙五十四

八

臣王先謙敬編

臣周瀚蕃恭校

康熙三十四年乙亥春正月戊寅諭大學士等與永朝前請丈量湖南田地有累於民否治國之道莫要於安民或有不肖州縣官將田地竟未行文量而輒稱餘田加賦者亦未可定安有加增田賦而全不累民之理此事著湖廣總督吳瑣詳察具奏○乙酉諭兵部朕巡視京畿見綠旗兵沿途奔走無頃刻之暇甚屬勞苦深為可憫問之則云兵部內私用印信文移護送家口等事甚多除已往之事不復察究自後爾部移文各處總兵官將派出兵丁護送大臣官員事件數目年終詳明造冊送爾部察奏○諭直隸山東河南山西陝西江南巡撫導民及時耕田令土瘠蝗種毋致成患○幸卯 上幸湯泉

二月丁酉 上還宮○戊戌諭大學士等近觀言官奏事或受人屬託或懷私賣本所奏之事俱非無故如原任侍郎鄭重有門生曾任陝西縣令為總督佛倫奏參遂轉屬彭鵬將陝西全省官員俱行參奏豈有因一人之仇遂參全省官員之理凡任言官者但宜將關繫國家得失生民休戚之事從直陳奏豈可受人屬託懷私挾仇賄賣本章而條奏乎如有此等之人必盡察出正法斷斷不恕○己亥以郭世隆為浙江福建總督由直隸○癸卯予故原任文華殿大學士李之芳祭葬諡文襄○甲辰大學士等以翰林院撰原任福建巡海道殉難追贈工部右侍郎陳啟泰碑文呈覽上曰陳啟泰殉節與他人不同觀其闔家之人逐一自盡畢伊然後自縊而死甚屬慘傷海賊進城見其家棺槨如許亦為垂淚

伊子陳汝器被海賊擊獲後方得出應將此等事俱行撰入觀此碑文詞意尚未詳盡爾等可查明另撰○丁未以沈朝聘為直隸巡撫由守王國泰為廣東按察使由山西河○乙卯厄魯特噶爾丹遣使他西蘭和卓請安入貢奏言 皇帝敕諭賜物不勝權忤文內深意雖不盡曉奉有是則加恩非亦曲宥之旨始敢以後先情事歷為上陳使臣馬迪被害之事不獲詳知難於覆奏扎木巴爾賊布胡土克圖早已遁去所云約地會盟之事未便擅定俟後再行奏聞欲遣丹津俄木布丹濟拉往覲所需費力多則倉卒難辦少則為路甚遙是以陳情上奏回子所行之事實不知情伏念 皇帝恩養四十九旗蒙古及四厄魯特不啻赤子是以咸享安樂奈澤卜尊丹巴及土謝圖汗二人背 皇帝之旨親宗喀巴之法與達賴喇嘛之教以致諸蒙古盡皆敗壞請將喀爾喀七旗發

回故土澤卜尊丹巴及土謝圖汗二人亦仍照前奏奏上 上賜敕諭噶爾丹曰去歲諭爾敕內諸凡開示甚晰朕俯念中外咸在懷抱爾厄魯特與喀爾喀警殺相尋日無甯息心實傷之且思爾等皆職貢之國朕一概秉公舉無偏庇後喀爾喀窮迫來歸朕乃收撫以全其生命此亦朕矜恤羣生之至意也爾噶爾丹不遵朕言亦自失其生理而已於我四十九旗蒙古何敗壞之有今爾縱戕害使臣馬迪之人不正法請罪乃巧飾誑奏是爾違朕之旨迷惑回子之教壞宗喀巴與達賴喇嘛之法明甚朕是以遣回爾使不令進邊嗣後若仍怙非不悛蔑視前諭爾永勿上奏遣使貿易特諭○丁巳興太和殿工○庚申以舒樹為甘肅巡撫由山西布○兵部等衙門議覆更定武職官員品級除參將遊擊大員品級仍照舊例不改外其掌印都司管屯都司僉書都司僉書署都司

僉書四項俱升遊擊應皆改授正四品守備改正五品守禦所千總改正五品衛千總改正六品營千總改從六品其見任者仍照原品從之

三月癸亥諭大學士等翰林院撰擬文章是其專任善與不善皆應有鼓勵懲戒之處自是以後凡碑文祭文其撰擬人姓名及所撰之文或經俞允或被申飭一一記名有三次善有三次不善俱行奏聞○予故刑部左侍郎噶世圖祭葬○丁卯以席密圖為左副都御史由光祿寺卿遷○辛未諭大學士等趙良棟奏訴其效力行間為同時出征將軍章泰賴塔穆占郎談等黨同隱蔽其勞績且自言各處立功甚多並未議敘與趙良棟同時出兵將軍等俱已物故此皆無證之言又稱明珠前差往鄂爾多斯過甯夏時伊曾將效力之處求為轉奏亦被隱蔽明珠同時曾將趙良棟之言悉行東華錄

東華錄

康熙五十五

三

陳奏可曉諭趙良棟知之彼又將佛倫非毀因加張勇侯爵亦行忌嫉觀此趙良棟乃暴戾褊隘之人也當時大兵自湖廣中路進克岳州又攻取陝西平涼恢復廣東福建等省皆與趙良棟絲毫無涉朕惟欲保全功臣但從寬大此本可發還趙良棟止將彼效力陳奏處該部議敘可也○癸酉以甘度為山西布政使由中選○庚辰 上幸南苑行圍○己丑 上還宮○予故左副都御史沙哈禮祭葬○是月免山西河津榮河二縣水災額賦福建閩清等三縣上年水災額賦有差

夏四月庚子理藩院奏達賴喇嘛及第巴皆遣使奏請勿革噶爾丹策妄阿喇布坦汗號並加恩賜敕印其西海等處一帶地方所置戍兵請撤回 上諭大學士等第巴乃外藩人何敢奏請撤我朝兵戍此特為噶爾丹計耳我之守戍乃以噶爾丹闖入吾土之

故向者噶爾丹敗已將就擒因彼之濟隆胡土克圖來言噶爾丹乞降始得亡命今噶爾丹仍索喀爾喀未已則我朝既不當罷戍亦且當備師如噶爾丹來即行剿滅儻悔過乞降亦無有不撫之理爾等可會同理藩院侍郎滿丕備檄曉諭達賴喇嘛及第巴知之○癸卯理藩院奏喀爾喀台吉車臣吳爾占以噶爾丹情形來報曰去年噶爾丹居於孔圭濟達渾耕於烏蘭昆收歛各半其弓箭手千餘人稍有駝馬絕無牛羊掘土中所產物以食杜噶爾阿喇布坦居於察罕色渾耕於扎巴罕哈薩克圖亦收成一半其生計稍勝噶爾丹策妄阿喇布坦尚未與噶爾丹通使伊拉古克三胡土克圖仍在噶爾丹處並無舉動聲息去歲八月間聞京師發兵往赴根敦戴青彼以為率之來討故集民為備置哨偵探迨後無聲信始撤回哨卒報聞○甲辰遣御史鍾申保內齊陀音胡

東華錄

康熙五十五

四

土克圖齋敕往召班禪胡土克圖○己酉兵部議敘勇略將軍趙良棟應給與三等精奇尼哈番趙良棟具疏辭 上曰趙良棟以所給職小故爾控辭昔大兵恢復雲南時大將軍賴塔等領兵從廣西進大敗黃草壩石門坎之賊直抵雲南省城大將軍章泰領兵從貴州入沿途殺敗賊眾亦抵雲南省城中之寇出戰於歸化寺大敗之遂圍雲南趙良棟雖後至其首先倡議大兵進川及取得勝橋有功著該部一併再議具奏尋部議應授為二等精奇尼哈番得旨趙良棟授為一等精奇尼哈番○乙卯諭大學士等河南巡撫顧汧居官平常著降二級調用○丙辰諭戶部頃山西巡撫噶爾圖等奏報四月初六日平陽府地震房舍倒塌人民損傷隨經特遣司官星馳前往察勘情形比復傳問往來經過及本籍人員俱述屋宇盡皆傾毀人口多被傷斃受災甚重朕心深切

軫惻應作何恩卹著速議奏諭大學士等平陽府如此災沴或政
事有應行應革者可傳集九卿問之其平陽府屬見任京官之人
欲歸視家室者不行開缺給假往視○丁巳 上幸南苑行圍○
己未以李輝祖爲河南巡撫由大理寺卿遷○諭大學士等聞外藩扎薩
克人等或有私隨我朝遣赴達賴喇嘛處之使臣而去者或有同
達賴喇嘛使人前來不返故土竟自留於歸化城各扎薩克處者
噶爾丹乃狡詐之人其各處安插奸細偵探聲息之事顯然敗露
猶自不服巧飾上奏或令其屬下喇嘛潛隨達賴喇嘛之使人前
來偵探反間亦未可定嗣後宜嚴加禁止○理藩院議覆達賴喇
嘛來使所帶之人宜永行禁止不許存留 上諭侍郎滿不等達
賴喇嘛來使所帶之人若概行禁止則外藩蒙古不得私行貿易
其心不服達賴喇嘛之人往來已久不必限定來使所帶人數但

東華錄

康熙五十五

五

來人有達賴喇嘛印信者納之如無印信則非係達賴喇嘛之人
卽不納如此議定則不禁而自絕蒙古亦皆心服矣尋理藩院議
覆達賴喇嘛及諸扎薩克之往來使人令其各給與符驗從之○
辛酉予故原任甘肅巡撫嚴泰祭葬

五月壬戌朔奉差賑濟山西平陽等處尙書馬齊請訓 上諭爾
傳諭巡撫噶爾圖平陽等處地震房舍倒塌人民壓斃伊應親身
於彼處設廠居住將被災百姓救護候朕諭旨乃速回省城殊屬
不合除噶爾圖所奏外有地震重處爾可詳察閱視加恩賑給本
年應徵錢糧停其徵收爾到彼處卽曉諭眾民皇上爲爾百姓深
切軫念特遣大臣賑救爾眾民毋妄遷徙離散且恐因地震地方
不良之人及鎮標兵丁借端搶奪擾害生民傳諭總兵官周復興
親身率領官兵將此一帶地方善爲防護其平陽府洪洞縣被災

百姓爾會同巡撫噶爾圖親身往彼處賑濟務令均霑實惠○乙
丑諭大學士等朕一聞平陽地震深切軫念卽遣官馳驛察勘被
災情形隨頒諭旨令該部速議恩恤又特遣大臣前往賑濟停徵
錢糧噶爾圖身爲地方大吏與百姓誼同休戚乃目擊災傷不候
賑濟大臣會同詳加籌畫親行賑濟竟遽爾回省殊屬溺職著嚴
察議處具奏尋吏部議噶爾圖應革職交刑部得旨噶爾圖著革
職免交刑部○辛未諭大學士等覽八旗都統所察無房舍者七
千有餘人未爲甚多京師內城之地大臣庶官富家每造房舍輒
兼數十貧人之產是以地漸狹隘若復斂取房舍以給無者譬如
剝肉補瘡其何益之有貧乏兵丁僦屋以居節省所食錢糧以償
房租度日必致艱難今可按各旗方位每旗各造屋二千間無屋
兵丁每名給以二間於生計良有所益此屋令毋得擅鬻兵丁亡

東華錄

康熙五十五

六

退者則收入官大略計之約費三十餘萬金譬之國家建一大宮
室耳敕下欽天監相視汝等及八旗都統身往驗看宜建造之處
奏聞○壬申 上巡視新河及海口運道啟鑿至通州崔家樓登
舟○乙亥 上閱寶家口隄岸以應加增築處指示巡撫沈朝聘
總兵李鎮鼎等○戊寅 上閱視海口命於其處立海神廟○戊
子 上還宮○己丑添設盛京刑部蒙古員外郎一○以山東布
政使喻成龍爲太常寺卿○庚寅以盛京早遣侍郎朱都納等發
倉平糶並給兵食○以李柟爲工部右侍郎由內閣學士遷
六月乙未以溫保爲山西巡撫由內閣學士遷張霖爲安徽按察使由陝西
太子允祜妃○己亥免歸化城土默特歲貢石青等物○庚子以
京師久雨詔廷臣言事○辛丑以王道熙爲山東布政使由江西按察使

○壬寅以額赫禮齊稽俱為內閣學士額赫禮由內閣侍讀學士齊稽由兵部督捕理
 事官 ○癸卯命禮部祈晴 ○甲辰以張榕端為內閣學士由祭酒遷
 戊申 皇子允祿生 ○辛亥盛京刑部侍郎佛葆緣事降調 ○乙卯以孫居湜為江西按察使由河南府知府遷 ○丙辰內閣學士陸萊以病乞休允之 ○己未以額赫禮為盛京刑部侍郎由內閣學士遷 ○庚申漕運總督王樑奏參贛州衛千總楊奉等於漕船裝帶商人貨物上曰王樑將漕船所載貨盡行搜出棄置沿河兩岸所行甚暴從來總漕未嘗禁漕船帶貨而漕運並未遲誤今王樑禁止帶貨而漕運遲誤至今尚未到裝帶些微貨物於事何妨王樑不但暴戾凡事執拗宜令解任 ○諭大學士等茲後世職若以罪革斥其子勿准承襲令同父昆弟襲之無同父昆弟者則宜削其職其下吏部定例以聞尋吏部遵旨議覆凡獲罪革職者不准其子孫承襲應與其親兄弟及親兄弟之子孫承襲如無親兄弟及親兄弟之子孫將其職銷去從之

東華錄

康熙五十五

七

東華錄

康熙五十六

臣王先謙敬編

臣周倫楷恭校

秋七月癸亥以毫濟為內閣學士由祭酒遷 ○乙丑以韓奕為內閣學士原任董安國為漕運總督由湖南巡撫遷 ○先是御史龔翔麟奏參趙良棟矜功冒奏已蒙 皇上隆恩給以一等精奇尼哈番今越例求賜田房乞嚴議定罪得旨著趙良棟明白回奏至是趙良棟遵旨回奏臣願在京居住因請田房實因戀 主心切今臺臣謂臣驕縱矜功何不矜功於十六載之前而乃矜功於十六載之後耶為眾排陷不得不備敘陳奏得旨趙良棟於康熙二十七年來京朕召至宮中趙良棟歷奏四川功績未敘實為屈抑言之至於流涕又明珠過甯夏時趙良棟又言功績未敘今謂十有六載從未矜功想年老遺忘朕念其首倡建議進取四川俱從寬宥又趙良棟奏入京將及一載借貸銀二千餘兩著賞銀二千兩趙良棟年已衰老著回原籍調養 ○壬午諭吏部兵部各省督撫提鎮官員聞令來京陛見原欲以地方情形及兵民生計面加諮詢具有深意近見來京各官輒以進川馬等物為辭多所置辦雖經卻還但恐其在任購買致貽地方官員兵民之累朕本欲詢兵民生計召令前來若反致累兵民殊失朕之初意且川馬如果需用朕自頒特旨令出產地方辦解何須進獻著通行嚴禁 ○噶爾丹遣使梅塞桑布拉特和卓等上奏曰使臣馬迪被害之故前經屢次覆奏無可另行陳奏之處至於會盟難自定奪奏聞 皇帝若遣丹濟拉丹津俄木布往覲固所願也但正在貧乏難以遣行至澤卜尊丹巴胡土克圖土謝圖汗七旗喀爾喀之事前經奏請乞准行前內

大臣吳丹存日曾與濟隆胡土克圖議定乞如議行行商回子使人向常來往請安是以使往貿易又達賴喇嘛之事漸次與隆使四十九旗蒙古四厄魯特各在其地同享安樂乞照前行奏入命議政大臣議尋據噶爾丹使人梅察桑等言噶爾丹今歲未嘗耕種馬匹烙印收集獵戶遊牧塔米兒之地意欲掠取根敦戴青順克魯倫下流侵車臣汗科爾沁之西此言雖不足深信亦不可竟以為虛應檄黑龍江將軍薩布素加意哨探歸化城將軍費揚古處前已有侍郎滿丕前往應令相機行事目下遣尙書班迪探聽聲息俟到後令根敦戴青等入內遊牧使其遠設汛哨探信奏報噶爾丹使人梅察桑應仍遣歸不必降敕將原奏發回奏上得旨著仍撰敕交來使齎回敕曰今春諭爾敕書實為明顯茲覽爾奏仍以不曉文義巧為飾說是爾故違朕旨也且爾歷來陳奏皆

東華錄 康熙五十六年 二

云行達賴喇嘛之教今春遣爾使歸後達賴喇嘛及第巴有奏以寬爾罪仍留汗號為請且云遵諭和之旨特遣賴楞堪卜達爾漢温卜前赴爾處等語今爾來使梅察桑等言爾遊牧於塔米兒之地東向以行爾之所為必欲異於達賴喇嘛第巴之言者是為違其教乎是為不遵乎以此觀之爾口雖云不悖達賴喇嘛之教而竟不遵行明矣今爾既東向前來應仍會閱庶於事有定不然縱復遣官布告終屬無成其奏請會閱可令丹濟拉丹津俄木布二人齋來儻執故見不遵朕言嗣後永勿上奏通使○子故原任內閣學士田喜霖祭葬○丙戌以阿爾拜為戶部右侍郎由內閣學士遷○戊子江南江西總督范承勳奏江西有漕糧之四十八州縣除南昌新建二縣外餘皆地處山僻必須小船裝載至省城水次方可交兌糧艘向年俱係民貼腳價官為解運止因州縣官恐涉私

派之嫌將此載入全書康熙二十六年漕臣奏參以各省並無支給腳價之處無一處報完者此項銀兩若責賠於官官已數更責賠於民又原係民間貼出之價豈可再令賠補且以後若將此腳價停給則僻處州縣之漕不免遲誤更為可慮懇恩此後仍聽支給以前免其追賠部議不准行得旨江西所屬州縣多處山陬百姓自願貼費將漕米運至水次著聽民貼運從前已經支給者俱免追賠○福建巡撫卞永譽奏原任福建總督范承勳巡海道陳啟泰已蒙贈諡今士民請立祠致祀從之○己丑勇畧將軍趙良棟奏 皇上念臣年老足疾令回籍調養但甯夏無明醫臣欲江南就醫得旨著給與船隻前往○以楊鳳起為湖南巡撫由布政使遷○辛卯諭大學士等于成龍向經緣事革職今在河工殫極勤勞其總督原銜可復

東華錄 康熙五十六年 三

還之○以喇錫為內閣學士由內閣侍讀學士遷○壬辰 上巡幸塞外啟鑾○癸巳 上駐蹕密雲縣諭大學士等去歲朕見此處高粱結實者少批者多米價騰貴高粱一斗幾三百錢故將通倉米令運一萬石至此處五千石至順義縣減時價發糶米價稍平一斗百錢民以不因此地寒冷米穀多至失收今河水方盛著將通倉米運至密雲順義各一萬石令貯倉備用○辛丑工部奏請遣大臣閱視河工得旨閱視河工原欲查覈有無浮冒情弊及隄工堅固與否侍郎趙山等往閱河工將總河並未修理之處反稱工程堅固如此則閱視何益今雖再遣大臣不諳水性亦照前人所行而已趙山等著嚴處議罪此後閱河著永行停止尋部議趙山應革職交刑部得旨趙山著為章京效力○西安將軍博齊奏噶爾丹屬下回子塔什蘭和卓等五百許人過我三岔河汎界肅州總兵

官潘育龍擒解前來請皆拘留肅州邊內俟得噶爾丹確信再行遣回從之○癸卯河道總督于成龍丁父憂命回旗守制○丙午

上駐蹕克勒和洛命都統公宗室蘇努都統阿席坦護巴等分

統大軍備噶爾丹期以癸丑日師行○以傅繼祖為內閣學士祭

酒蘇昌臣為山東按察使由江蘇准○己酉先是 上密諭科爾

沁土謝圖親王沙津曰噶爾丹為人極其狡猾朕欲發大兵往征

恐彼聞風遠遁及至撤兵彼又復來擾爾蒙古今必立圖克復噶

爾丹遺爾書內既有乞爾遣人於彼之語爾可藉此遣人語噶爾

丹云我科爾沁十旗俱已附爾矣爾可前來我等當從此地接應

以此說之誘至近地於時朕親統大軍風馳電掣彼不及遠遁斷

可滅矣爾可仍遣前所差鄂齊爾再往誘噶爾丹至近地至是沙

津來朝 上遣侍郎西拉與沙津同往密授鄂齊爾說噶爾丹之

東華錄 康熙五十六 四

計視其起行即以遺鄂齊爾之故密諭達爾漢親王班第及諸台

吉○調董安國為河道總督以桑額為漕運總督由山東○辛亥

賜喀喇沁多羅杜楞郡王扎什等冠服段匹○遣使齎敕往諭噶

爾丹曰尚書班迪於八月二十二日奏報爾擁兵來西卜退哈灘

巴圖爾及納木扎爾陀音等所居近地肆行掠害前爾自烏闌布

通敗竄時於內大臣吳丹前跪禮威靈佛像誓不再侵中華皇帝

之喀爾喀與眾生靈爾之印文誓書昭昭具在且爾每有奏疏自

謂遵行達賴喇嘛之教乃於朕與達賴喇嘛議結之事屢生齟齬

蔑棄誓言是爾於其教名奉實違爾今來必有意應備奏陳朕自

有裁奪此兵果爾親帥與否差五品官阿爾必特帖前往確詢特

諭○乙卯賜喀爾喀澤卜尊丹巴胡土克圖土謝圖汗多羅郡王

敦多布多爾濟等衣幣○己未以楊廷耀為山東巡撫由福建布

政使遷

孟世泰為河南按察使由湖廣武○子故原任戶部尚書王騰刑

部侍郎李迥內閣學士沈圖祭葬

九月己巳 上駐蹕森濟圖哈達諭議政大臣舅舅佟國維等將

軍伯費揚古報稱噶爾丹將喀爾喀西卜退哈灘巴圖爾及納木

扎爾陀音等恣行劫掠即竄往土喇河順流而下西向庫黑納塔

爾納以去以此揆之彼實無意內來京師所發大兵可暫還秣馬

以待並檄盛京烏喇黑龍江將軍及科爾沁等諸扎薩克其豫備

兵且止仍檄將軍伯費揚古所領兵眾亦權回本汛將馬匹加意

喂養若令喀爾喀等入汛界內遊牧恐有互相竊奪之事可檄尚

書班迪令在彼汛界外附近處暫居○庚午以汪楫為福建布政

使由按察○丁丑改雲南平彝衛為縣○己卯以李成林為福建

按察使由廣西左○癸未諭戶部直隸順天保定河間永平四府

東華錄 康熙五十六 五

水潦傷稼三農歉收雖經勸災賑賑不致此離失所而額辦錢糧

若仍行徵取則民力匱乏難以輸將朕心深切不忍著將四府康

熙三十五年地丁銀米全與蠲免其霸州雄縣香河寶坻四處皆

有水道可以轉輸每處著發米一萬石各差司官一員齎往照彼

地時價減值發糶以資民食著行文該撫通行曉諭俾均霑實惠

副朕軫念災黎至意○乙酉以線一信為安徽巡撫由湖北布○

己丑先是 上諭大學士及部院各衙門堂官等各將屬員賢能

者揀選保舉其才力不及年老有疾者亦甄別引見至是大學士

九卿等以保舉郎中員外等官四十七員及甄別者四十二員引

見 上曰此次參革官員甚多伊等皆由部院年久升任原無罪

過老病者著解任餘皆以旗缺補用此保舉官員朕未盡識郎中

係朕親用之員朕皆知之其員外主事之中有年少堪任用者爾

一第 270 册 續修四庫全書 史部 編年類

等可再行揀選尋大學士等又保舉九十五員引見得旨此次參革郎中員缺以揀選員外郎開列員外郎缺以揀選主事開列俱視其出缺之先後歷俸之淺深以次補升其主事員缺著將筆帖式揀選補用再各省有操守清廉愛養百姓練達吏事之官亦著該督撫各舉二員或三員咨送到日奏聞引見○湖廣總督吳璥奏臣遵旨詳察湖南丈量田地自康熙三十年俱聽民間自報州縣官履畝丈勘完糧實無累於民下所司知之

冬十月癸巳諭大學士等右衛地方甚要將軍責任甚重惟伯費揚古堪任是職著授為右衛將軍仍兼攝歸化城將軍事務○丙午納木扎爾陀音以不遵諭內移致為噶爾丹所掠又縱噶爾丹致書之人來京面縛請死特旨宥之○丁未添設墨爾根城防守尉四齊齊哈爾城防守尉一○諭議政大臣等聞噶爾丹部落不

東華錄

康熙五十六

六

過五六千人我大兵皆踊躍願戰而大臣官員逡巡退縮無意效力近噶爾丹於巴顏烏蘭屯聚彼縱不敢深入或潛來邊徼掠我外藩亦未可定聞警後始遣大兵勢不能朝發夕至我進彼退我還彼來再三若此凡蒙古諸部亦大遭其蹂躪矣爾諸王大臣可與八旗都統前鋒統領護軍統領副都統等公同籌畫作何進止其詳議之尋議覆宜遣發師徒攜兩月糧赴巴顏烏蘭進剿上曰方今冬令噶爾丹雖不能親率其妻孥輜重前來或以遊騎潛掠汛界近地亦未可定然諒其人無多京師大兵不便輕發即遣往亦未必與彼相值莫若以蒙古兵應之見今墨爾根濟農善巴戴青各備兵一千歸化城有將軍伯費揚古駐紮西路事柄應全付與右翼察哈爾兵歸化城兵及四子部落以西所有扎薩克兵俱令酌量徵調其東路兵宜另派大臣管領兩蘇尼特兩阿霸垓

兩阿霸垓哈納旗兵著索額圖前往收集鄂克濟哈喇克圖見赴汛界索額圖可借去喀爾喀土謝圖汗等及兩箭齊忒爾烏朱穆秦兵著明珠偕阿喇尼恩額森前往收集俱令各駐要地探聽聲息都統噶爾瑪副都統碩岱朕已令於察哈爾左翼駐紮毋容遺動設有必不可已機務再行調取會同索額圖明珠等以行其理藩院官或別部院官聽其酌量奏請帶往茲遣伊等非取其奮勇一試惟期一應聲息得其真實耳尚書班迪雖見在彼偵探猶恐京師大兵難遽定行止故復有此遣師之進退俟伊等報聞定奪○壬子以戴通為督捕侍郎綬色為內閣學士由郎中遷○丁巳調張勛為山東布政使王道熙為湖南布政使

十一月己未朔日有食之○庚申以高拱乾為浙江按察使由福建遷○壬戌安北將軍伯費揚古奏噶爾丹在巴顏烏蘭之地宜分軍進剿上諭議政大臣等我大軍進剿噶爾丹宜分為三路東一路仍派盛京兵二千甯古塔兵一千黑龍江兵將軍薩布素酌派再派科爾沁兵四千令定期會合沿克魯倫進剿西一路徵調各處官兵總轄於費揚古由歸化城進剿中一路以京城每佐領下所餘豫備兵六名及火器營兵與費揚古所請宣化府綠旗兵俾其發往西路皆定為中路進剿此三路官兵俱令裹八十日口糧中路隨運米石著諸王大臣官員急公之駝馬馱運備不足即動支正項錢糧雇車裝載西路軍糧應隨運幾日費揚古明白具奏至師行惟馬最要東光吳橋景州三處戶部見貯有芻豆每佐領下發馬十匹交地方官飼養遣侍郎陳汝器往督之是師來年何月何日啟行著費揚古定議以聞○甲子盛京禮部侍郎艾肅以病乞休命以原品解任○乙丑原任河道總督于成龍條奏

東華錄

康熙五十六

七

河工事宜 上諭大學士等朕於河務留心日久曾屢經閱視河道並詳察河圖今觀于成龍奏言龍王閘閘底漸虛應於五空橋等處建閘又高家堰運料甚難應開壩行運所言皆當先靳輔亦曾請濬小河運料此仍依靳輔所奏行方善此本可發見任總河如於運道民生實有神益則一面估計興工一面具奏儻有不可行處亦著逐一確議具奏大約清水勢盛足以蕩刷黃河積沙始得通流不至壅遏若淮弱黃強黃水倒灌則河口往往淤滯朕先閱河時親至高家堰徧察情形故悉其要領○丙寅停今年秋決○戊辰子故原任禮部尚書介山祭葬○厄魯特阿穆呼朗等四人自巴顏烏蘭來降言噶爾丹向踞和卜多本年二月至八月於克魯倫河源處屯聚掠得納木扎爾陀音牲畜於巴顏烏蘭作度冬計兵有六千策妄阿喇布坦見駐厄輪哈必爾哈之地與噶爾丹仍前不睦絕不通使再噶爾丹竟欲舉兵內入因伊拉古克三胡土克圖以路遠勸止 上嘉其來歸授阿穆呼朗等三品官歸併上三旗給田產衣食○庚午以庸愛為盛京禮部侍郎由大理寺卿遷

○命原任武英殿大學士李天馥入閣辦事○乙亥先是 上命副都統阿南達將伊拉古克三胡土克圖僧徒衛徵喇嘛等交將軍伯費揚古查明具奏至是陸續解至京師理藩院同三法司會審伊拉古克三胡土克圖所遣羅卜藏端魯卜等往衛徵喇嘛家探信來為奸細煽惑蒙古之心衛徵喇嘛等與伊拉古克三胡土克圖交通信息意欲迎噶爾丹之兵是實皆應立斬其衛徵喇嘛徒眾皆應鞭責交與盛京大喇嘛安插得旨此奏暫存之○安北將軍伯費揚古奏巴顏烏蘭距歸化城約二千里西路進剿官兵除自齋糧八十日外應復隨運兩月行糧所調各路兵俱令明歲

齊集歸化城二月二十日前後啟行 上諭議政大臣等可俱如費揚古所請其隨運之米可定為五十日見今大同附近諸處未經積貯草豆著戶部派才能官一員往同該撫約計馬二萬匹四十日芻秣之需速行購備京城每佐領下添撥西路之護軍三名烏槍兵一名於今歲十二月望後起程至大同養馬四十日如期赴歸化城進發再宣化府見喂馬匹亦著帶往西路備用其中路進兵之期俟遣往費揚古處人回定奪○命丁憂河道總督于成龍以左都御史原銜督運中路軍糧○予故安徽巡撫佟國佐祭葬○戊寅郎中殷扎納奏臣等往諭喀爾喀公懲都等內移懲都竟執劫臣等四十餘人北徙行至五站外始釋臣等自行北徙臣等南歸至懲都親兄台吉車卜登所告之以故車卜登言我不與我弟同叛今將率兵往追懲都 上曰台吉車卜登不與偕往殊為可嘉著將懲都鎮國公與車卜登襲封授為扎薩克○庚辰上大閱於南苑○癸未以李鈞為督捕侍郎由大理寺卿遷趙良璧為浙江布政使由四川按察使遷○丙戌 上還駐暢春園○戊子命安北將軍伯費揚古為撫遠大將軍○先是遣五品官阿爾必特祜齋往訊噶爾丹至是阿爾必特祜歸以噶爾丹奏章至其奏曰蒙降敕書不勝懼悚辛未年來草美獸蕃乘便有行想 皇上亦鑒悉之矣念與蒙古疆界相近恐有妄行故為之禁止遣人一隊遺書道意而納木扎爾陀音等反以為往攻棄其牲畜而去至所云掠喀爾喀之事乃我界上行人所劫我不知之至達賴喇嘛所差濟隆胡土克圖與內大臣吳丹等所定之議前經節次上奏伏乞仍照前奏加恩雖有罪愆亦乞寬宥果若有理降溫旨不勝忻悅奏入得旨此奏暫存之勿與敕諭○是月免直隸宣化霜災今明

年額賦

十二月甲午大學士伊桑阿等奏 聖躬灼艾未愈時際嚴寒乞
暫停御乾清門聽政應奏事俱交內閣轉奏 上曰朕每日聽政
從無閒斷開坐宮中反覺懷抱不適爾諸大臣面奏政事朕意甚
快體中亦佳今灼艾視前已愈國政緊要朕仍照常御門聽理或
遇大風甚寒之日自另有旨○乙未以祖文明為四川按察使由
南開歸○丁酉命都統伊勒慎護軍統領宗室費揚固瓦爾達副
都統碩岱將軍舒恕參贊大將軍費揚古軍事○己亥命西安將
軍博壽振武將軍孫思克副都統西爾哈達祖夏璧馬自德巴麟
帥師由陝西出鎮彝討噶爾丹○庚子命費揚古以大將軍事暫
授參贊甯夏將軍舒恕乘驛赴京師○癸卯盛京兵部侍郎舜拜
以病乞休允之○乙巳以山西平陽府地震頒詔天下詔曰邇者

東華錄

康熙五十六

十

畿輔郡縣災傷疊告而山西平陽府屬復有地震之異雖賴所在
倉廩素有積貯及時周賑幸免此離而朕心祗惕不敢以水旱災
沴視為氣數適然謂必政事之失宜方致陰陽之有忒反躬循省
深儆予辜夫圖治之道莫先於養民逮下之仁莫重於寬恤茲特
誕沛恩膏肆宏赦宥其免平陽所屬今年額賦山西陝西江南浙
江江西湖廣廣東福建等省三十三年以前逋賦亦盡蠲之察貪
殘卹兵弁赦殊死以下政令有不便於民者督撫察覈以聞○丁
未戶部奏烏喇打貂鼠不足額該管官應議罪 上曰數年來因
常捕故貂少但得如數而已以此議處是無辜獲罪若不得佳者
朕但少御一裘何關緊要且貂價甚貴而又非必用之物朕亦不
甚需之該部行文烏喇將軍議定到日再奏○己酉以傅繼祖為
盛京兵部侍郎覺羅三寶為內閣學士由翰林院侍○壬子原任

東華錄 康熙五六

郎中阿必達奏臣聞熬都叛去即會同喀爾喀王納木扎爾台吉
丹津陶賴等往追時熬都屬下台吉占巴喇綽諾色楞等始為熬
都偏往隨牧至海魯爾河入據林中不隨遊牧熬都率兵來擊占
巴喇等逆戰奔還自訴貝子益楚克亦率兵來會臣軍共追熬都
戰於呼拉濟地方熬都敗走欲遣人追躡台吉旺扎兒屬下胡進
不付驛馬以致稽誤 上諭理藩院曰占巴喇等力戰歸來殊屬
可嘉著賜與蟒服段布以示獎勵王納木扎爾貝子益楚克等追
逐熬都具見報效忠忱著將陣亡被傷姓名人數查明議敘後有
用兵之處免其徵調胡進交該扎薩克鞭一百嗣後凡有馳驛情
事立行應付勿得遲誤再檄知阿必達當嚴查盜竊橫行仍不時
哨探聲息○丙辰以降調尚書熊一瀟為太常寺卿○是月免江
西新淦等三縣廣東保昌等四縣所旱災額賦有差○是歲朝鮮

東華錄

康熙五十六

十一

琉球入貢○人丁戶口二千三十七萬六百五十四田地山蕩畦
地五百九十七萬五千二百六十八頃五十四畝有奇徵銀二千
七百三十九萬一千八百八十四兩有奇米豆麥六百九十六萬四千
七百五十八石有奇草二百八十八萬一千八百五十六束茶十五萬
七千四百五十三引行鹽四百三十一萬九千三百七十引徵課
銀二百六十九萬五千二百八十二兩有奇鑄錢二萬三千六百
九十四萬六百七十有奇

三二一

東華錄

康熙五十七

臣王先謙敬編

臣周潤蕃恭校

康熙三十五年丙子春正月壬戌諭議政大臣等出征馬匹所關甚要著將兵士行李稱驗斤兩毋得過重以疲馬力爾等會議具奏尋議原定兵士每人所給馬四匹四人為一伍每人廝役各一名一伍合計軍器糗糧以及一應用物共重九百七十五斤零一伍馬十六匹本身與僕從騎坐八匹外餘八匹每馱應載一百一十一斤又每伍增給贏子一匹每馱應以一百七斤合算從之○甲子京師地震○己巳諭督運都察院左都御史于成龍等中路米車所載過重遠輸沙漠恐馬力難勝可再增造五百輛均分裝載○辛未 上御太和門宴賚出征大臣官兵○甲戌漢大學士九卿科道等奏噶爾丹小醜反覆 皇上赫然震怒命加天討西路大兵已 特敕撫遠大將軍伯費揚古為帥而將軍舒恕博齊孫思克等又率三秦滿漢大兵協剿惟中路將軍未蒙 簡命竊意 睿謨深遠將欲 親統貔貅掃清朔漠臣等竊以 皇上為百神之所憑依四海蒼生之所倚賴似不必以此稽誅小寇躬臨壁壘伏冀 皇上特簡中路大將軍一人令統大兵與諸路並剿如慮道里遠隔一切進止機宜調度為難或駐蹕近邊指授方畧則諸路大軍自可祇奉 成命立奏膚功得旨朕臨御以來日以愛養兵民為念未嘗輕於用兵遠事征討方今宇內無事惟厄魯特噶爾丹違背約誓恣行狂逞侵掠我臣服之喀爾喀恐漸致邊民不得休息故特遣各路大兵分道並進務期剿蕩為塞外生民除患向年烏闌布通之役朕以策誘噶爾丹入距京師僅七百

里許大兵已經擊敗乃竟中賊計致噶爾丹遁走彼時因朕躬違和未得親至其地失此機會至今猶以為憾噶爾丹竄伏巴顏烏闌地方相距未甚遠是以不憚勤勞親蒞邊外相機行事此賊既滅則中外甯謐可無他虞假使及今不除日後設防兵民益多擾累所奏已知之○辛巳諭領侍衛內大臣等官軍之廝役人等有能踰鹿角營而進擊者作何給還本主身價令其出戶以示勸勵爾等集議尋議覆官軍家下兵丁廝役或囊駝營或鹿角營或於曠野賊兵對敵之處有能首先躍入眾人接踵繼進以致殺敗賊寇其首先躍入之家下兵丁廝役及其父母妻子俱撥在佐領立為另戶照例計其人口給還伊主身價得旨依議其第二三前進者亦著照此例行○癸未調線一信為浙江巡撫以陳汝器為安徽巡撫由刑部右侍郎遷○甲申諭兵部等衙門大兵至巴顏烏闌備噶爾丹不敢迎敵從此遁去可豫選察哈爾兵一千六百名喀喇沁翁牛特兵一千四百名再於大兵內及新滿洲諸王護衛喀爾喀兵內共選精兵一萬備足駝馬糗糧務將噶爾丹窮追剿滅○命都統公彭春參贊西路軍務○乙酉 上以親征噶爾丹謁陵啟鑾○諭輓運步兵於常給外各加行糧才堪拔擢者所司彙請錄用

二月丁亥朔 上謁 暫安奉殿 孝陵至 仁孝皇后 孝昭皇后 孝懿皇后陵奠酒○辛卯 上還京師○甲午命費揚古自京赴歸化城 上剋期四月下旬令會中路大軍於土喇若噶爾丹從克魯倫河而下與中路兵近西路兵遠則中路待西路之兵若噶爾丹在土喇與西路兵近中路兵遠則西路待中路之兵○以喻成龍為刑部右侍郎由大理寺卿遷○己亥厄魯特策妄阿喇布

坦遣使囊素等請安進貢又奏噶爾丹奸惡乞遣還回子歸己
上賜以敕書曰朕爲萬國元后惟以率土又安咸享樂利爲心其
能體覆載之懷敬慎自持者朕必愛恤教育之其或不循分誼包
藏禍心恃安和之理者朕必懲創匡正之此朕統御寰區爲人君
之大道也今爾策妄阿喇布坦遣使請安貢獻方物又以噶爾丹
奸詐爲所侵陵與爾有不共戴天之讐披瀝情實齎奏入口誠心
求恤朕爲一統萬邦之主有不眷爾誠心效順之人乎查爾所奏
回子之事今噶爾丹雖無回子前來貿易此後或來朕必交該部
查明如爾所請發往爾尙永懷敬順朕將沛加恩賜焉前噶爾丹
猖獗橫行闖入烏闌布通之時朕遣偏師大敗之欲卽窮追將盡
殲矣而噶爾丹乃長跪於達賴喇嘛所遣威靈佛前而誓曰不敢
復侵中華皇帝之喀爾喀與眾人民載書加印始免其誅滅而縱
東華錄 康熙五十七 三
之朕殊不喜征誅今噶爾丹悖棄誓言戕我賚爾之使劫喀爾喀
之人阻止班禪胡土克圖之來今又至巴顏烏闌動搖我人民內
懷詭詐欲行禍亂其迹顯然朕爲一統萬邦之主何得不加創艾
是以發三路大軍誅討凡罪皆在噶爾丹他無與也但三路大軍
甚眾聲靈赫濯恐邊外之民不無震驚爾其徧諭爾之屬眾以至
吐魯番諸處各令照常安居勿致驚潰特遣內閣侍讀常明理藩
院司務英武爲使賜爾花段二十匹銀茶桶茶盆各一具狐腋蟒
袍一襲貂帽一頂玲瓏鞵帶一圍皮鞵蟒襪各一對爾如有所欲
言其遣人偕使臣來奏○丙午諭領侍衛內大臣等火器營軍士
旣派在頭隊二隊其火器營大臣卽率之接戰至於都統護軍統
領副都統等俱係特簡大臣人材偉岸並無庸懦者頭隊二隊及
兩脇可照各翼派定昔 太宗文皇帝時公彭春之祖和碩圖於

南苑交戰橫衝而入奮勇破賊故封以公爵今有能越眾效力者
朕自不靳爵賞若退縮不前者治罪無赦○改江南裏河同知爲
江南通省管河道高家堰同知爲山盱同知○甲寅諭大學士等
此次各部院衙門本章停其馳奏凡事俱著皇太子聽理若重大
緊要著諸大臣會同議定啟奏皇太子○丙辰先是科爾沁土謝
圖親王沙津遵奉 皇上前降密諭遣鄂漆爾往約噶爾丹噶爾
丹果沿克魯倫河而下掠喀爾喀納木扎爾陀音遂踞巴顏烏闌
上調度各路兵馬旣畢於是日率諸王貝勒貝子公文武大臣
詣 堂子行禮祭旗纛 親領六軍啟行
三月丁卯先是戶部侍郎思格色奉差往口外掘井至是復命
上問一井供飲人馬幾何思格色不能對 上諭議政大臣等思
格色爲人昏憤居官亦不端著革職充卒伍從軍效力○戊辰諭
東華錄 康熙五十七 四
領侍衛內大臣等侍衛官員人等前令各領行李而行今未見有
隨行者嗣後著各領行李至駐紮處各相助安營朕每日常於野
次暫坐若於朕前過者俱勿下馬是日 上出行宮令喀爾喀貝
子益楚克等射畢 上親率 諸皇子並侍衛等射 上連發
五矢俱中兩翼侍立蒙古諸王台吉及貝子益楚克等皆驚異讚
美曰射之神奇有如此耶 皇上英武誠邁世矣於是眾皆跪請
視 皇上之弓 上笑以所持弓授親近侍衛吳什傳示眾皆遞
相控引竟不能張乃復相顧驚歎曰如此勁弓如何引滿耶○辛
未 上駐蹕滾諾爾地方雨雪交作 上以軍士未卽安營雨服
露立俟眾軍士結營畢始入行宮營中皆炊飯然後進膳又遣御
前侍衛海青以橐駝載帳房及食物柴炭賜輓車未至之人舉舉
○庚辰子故巡撫王維珍祭葬諡敏愨

夏四月丙戌朔 上次察罕布喇克○己丑先是遣侍衛克什圖主事保住使噶爾丹所至是坐臺員外郎席保住奏克什圖等攜噶爾丹奏章步行而回 上問議政大臣料噶爾丹待我兵否諸臣奏曰前噶爾丹遣回阿爾必特祜等時一面作往工噶勞圖地方遊牧之狀卻仍駐紮如故今觀其駐於土喇而遣回克什圖等或不待我兵而竟遁未可知也使克什圖等步行而回者是正欲其遲到雖出兵不能追及之意 上曰朕熟計噶爾丹情形久矣噶爾丹之心必以為今當春令馬匹羸瘦此路既無水草沙磧瀚海又甚難行大兵勢不能到至朕親來彼萬難料及故奪我使之馬駝令步行而回不過欲堅彼部下蒙古之心示以不懼耳非欲使我兵遲延彼得遠遁也朕先傳諭大將軍費揚古與約師期今費揚古奏本月二十四日可至土喇若依期而至兩路夾攻則噶爾丹在我掌握安能復脫若我兵先到彼必連夜逃遁費揚古兵縱少遲緩必至土喇地方噶爾丹以疲敝乍到之兵費揚古迎擊可盡行殲滅觀彼在我使者之前舉動噶爾丹早已入我計中矣

○壬辰 上駐蹕塔爾奇喇先是遣官於塔爾奇喇掘井無水駕至清泉忽涌導成巨流人馬資用不絕眾皆謂 皇上洪福所致無不大悅○甲午諭內大臣等茲已抵邊界自明日始著列環營○乙未扈從大臣佟國維索額圖伊桑阿等奏傳聞噶爾丹之去已遠 皇上當徐還使西路兵前進 上召諸臣諭曰朕以噶爾丹侵擾喀爾喀及外藩蒙古故秣馬厲兵整軍運餉分路進剿曲盡籌畫告祭 天地 宗廟 社稷務期剿滅噶爾丹而還自兵丁以至廝役無不思滅噶爾丹者況爾大臣俱係情願效力告請從軍之人乃不奮勇前往遠巡退後朕必誅之不知爾等視朕

為何如人我 太祖高皇帝 太宗文皇帝親行仗劍以建丕基朕不法 祖行事可乎我師既至此地噶爾丹可擒可滅而肯怯懦退縮且大將軍伯費揚古兵與朕軍約期夾擊今朕軍失約即還則西路之兵不可問矣還至京城何以昭告 天地 宗廟 社稷乎佟國維等叩首謝罪頃之前遣往哨探護軍參領車克楚至言噶爾丹未遁仍在克魯倫眾始曉悟○禮部議覆福建巡撫卞永譽奏耿逆叛亂時福甯總兵官吳萬福福州府知府王之儀邵武府知府張瑞武江西建昌府知府高天爵建甯府同知喻三畏邵武府同知高舉侯官縣知縣劉嘉猷尤溪縣知縣李墳福州城守營千總廖有功等守節殉難請建公祠致祭從之○以兵部送至軍中馬匹羸瘦革兵部左侍郎朱都納職○戊戌諭撫遠大將軍伯費揚古朕所統軍將至汎界時即差護軍參領車克楚前

東華錄 康熙五十七 六

鋒侍衛祁薩木往克魯倫左側躡探聲息今車克楚等還奏云臣等初九日到伊扎爾地方見有寇蹤於是轉回初十日遇沙津王所差鄂漆爾等言噶爾丹於本月初間自土喇向克魯倫移營第三日我等歸時噶爾丹在達爾漢敖拉山以此揆之噶爾丹已近朕所統大軍矣此寇乃極狡猾之人如敢遁斷不趨土喇必渡克魯倫或從俄儂巴爾濟赴塞梭格或繞巴顏烏闌之後設伏爾等兩隊兵見彼下克魯倫若隨蹤而往未必不入其伏兵之中朕甚慮之特遣藍翎侍衛殷納等諭爾可詳詢地里及彼脫逃之路小心堵禦不可以彼向下流行而輕之特諭○壬寅以齊禧為盛京工部侍郎由內閣學士遷○丁未撫遠大將軍伯費揚古奏臣於四月初八日至翁金口東進兵駐紮烏闌厄爾幾地方若甯夏兵於初九日至烏闌厄爾幾地方臣等或一路進兵或兩路進兵會同定議

具奏若仍不至據正月二十八日奔來喀爾喀逃人曾有噶爾丹今在土喇上流之語臣等亦不便久待即於初十日啟行進趨土喇矣其甯夏兵到時即隨後進發鄉導等約畧計云初十日自烏關厄爾幾起程行二十二宿於次月初三日可至土喇阿喇克山之西克勒河朔地方 上諭諸王大臣日前因大將軍伯費揚古奏言四月二十四日可到土喇二十七日可到巴顏烏蘭是以中路大兵整旅安行已來至近敵之地矣伯費揚古沿途耽誤許久不見奏聞今忽奏稱改期目前我軍既偏近噶爾丹應不必待伯費揚古軍當即前行爾等議奏尋信郡王鄂扎貝子蘇爾發等議臣等竊思噶爾丹若果有待我軍之意則亦可俟西路之兵矣若不能禦我軍威欲行逃竄則其地方寬闊聞信豫遁必相隔遼遠今量西路兵所到之期緩行以待兩路夾進似爲有益領侍衛內

東華錄

康熙五十七

七

子允禔營內侍讀學士喇錫往五旗營內商之○遣侍衛額林辰齋敕諭撫遠大將軍伯費揚古曰爾初七日奏言五月初三日可到土喇爾原奏言四月二十四日可到土喇二十七日可到巴顏烏蘭是以朕軍因水草無誤定於二十五日閒到克魯倫河今差前鋒視其行蹤亦已獲其生口矣噶爾丹有沿克魯倫河而下之勢與我相隔五日程此際爾等理應遣奏數次則朕軍易於迎待而爾等久不來奏不知已到何地恐稽時日催趨而行遂先於爾等今或待或行係在兩可情事重大爾等如何行路當速來報因原議兩路兵孰先到數日有務須等候之約是以朕且待且行如必不得已則當相機行事耳特諭○辛亥諭議政諸臣俟至拖陵地方再遣使於噶爾丹度伯費揚古等兵亦將到噶爾丹若遣使來我亦遣使頻往以待伯費揚古等兵彼若乘此逃竄必生內變

東華錄

康熙五十七

八

大臣蘇爾達馬思喀等議臣等前因伯費揚古原奏內有二十四日至土喇之語度等待之期不甚久遠故請俟伯費揚古兵至然後進發今伯費揚古奏五月初三方至土喇阿喇克山之克勒河朔臣等詢問鄉導言自阿喇克山之克勒河朔前行八宿第九日始至巴顏烏蘭地方噶爾丹若由巴顏烏蘭北逃竄亦有去路如此則等候日期太遠若我軍不進噶爾丹不戰而走一時難於追獲今我軍似應前進酌量而行宗室公吞珠領侍衛內大臣公舅舅佟國維等議中路大軍前進宜近抵克魯倫河前奉諭有欲遣使往噶爾丹之語若伯費揚古之兵可待即往來遣使延緩日期以待伯費揚古之兵若有可行事宜我軍勢大可即行剿滅噶爾丹極其狡猾如大軍不近抵克魯倫河而噶爾丹順克魯倫河下流而去則我大軍似難追及矣得旨遣乾清門侍衛馬武往皇長

必遇費揚古兵朕於此賊慮已久此次噶爾丹必然殄滅拒則糜爛竄則逃亡但于成龍所運之米恐不能應期而至耳伊桑阿等可撰救呈覽俟少近遣往旋即進兵○王子奏 皇太后書曰臣違 慈顏日久所以未敢請安者軍中人來往頻數則語言滯雜於事機無益且臣意若仰荷 天佑迅成大功將同捷音並奏也但瞻仰之懷形於夢寐茲特恭請 萬安此間水泉清而地氣涼臣體中甚佳諸皇子諸王大小諸臣以至軍士俱好臣所統兵無有滯誤咸整肅畢至糧車亦接續而來但以待伯費揚古之兵遂多需時日耳噶爾丹所在距我師甚近彼聞臣親率兵來必爾竄逃今但臣一路進兵則恐其途徑既多彼將從他處奔突總之此行 天心眷顧似有可憑伏望 聖慈寬舒以待之五月初旬若得事竣約六月初十日可以還京為此特具奏章自瀚海內察

東華錄 康熙五十七 九

罕布喇克地方馳聞○商南多爾濟齋大將軍伯費揚古奏至言臣等於初十日自烏蘭厄爾幾起程至察罕和朔地方將軍孫思克等亦於十一日至察罕河朔臣等會議將軍孫思克博霖各選精兵二千與臣等一路前進計程本月三十日可至土喇之阿喇克山克勒和朔地方來月初七日可至巴顏烏闌 上命議政大臣等會議尋議應照 皇上前諭至拖陵時頻行遣使以候伯費揚古之兵兩路夾剿得旨大兵或應即行前進或應候大將軍兵至夾剿仍著前後營諸王大臣公同議奏前營仍著馬武後營仍著喇錫前去○癸丑乾清門一等侍衛馬武回奏前營皇子大臣等議 皇上親統大兵特為剿滅噶爾丹而出又思遏賊歸路調發西來二路兵俱至正合 皇上神謨今兵力甚盛正宜協力夾擊剿滅噶爾丹其遣使噶爾丹及計大將軍伯費揚古等兵近逼

賊營夾攻剿滅之處俱候 皇上乾斷侍讀學士喇錫回奏後營皇子王大臣等議與議政大臣同 上諭議政諸臣朕所統大軍不勞而至人逸馬肥以此精銳人思敵愾寇雖十萬朕將用策親御以擊之一面遣使往說儻敵人力有餘則聽與我戰力不能及則聽其走但此寇若走恐在我有追悔之意議政諸臣奏曰噶爾丹若走則吾事已畢當遣使往說眾意合一 上遂定遣使之議五月丙辰朔 上駐蹕拖陵布喇克○己未 上以敕書賜物及所獲厄魯特俄齊爾等四人交公主長史多禪中書阿必達令一等侍衛喀瓦爾達一等台吉阿喇卜坦以兵衛之送至燕圖庫列圖 上諭喀瓦爾達阿喇卜坦曰爾等不必到克魯倫度其地形古爾班圖爾罕巴爾代哈當有敵戍守爾等若往克魯倫則畧迂繞彼必截爾等之後爾等勿得過燕圖庫列圖即從彼地遣多禪

東華錄 康熙五十七 十

等前去未遣伊等之前縱所擒四厄魯特往致聲息可也儻遇厄魯特勿與之戰但令敕書使臣到彼則已敕諭噶爾丹曰朕統御萬邦惟以民命為重不喜殺伐爾厄魯特喀爾喀向奉職貢爾等交惡構兵以來朕未嘗偏徇而於爾有異視喀爾喀為爾所敗投朕乞命如朕不救之則皆饑斃矣朕之濟人非特於喀爾喀如此也凡諸國窘迫來歸者朕亦一體救之已明諭爾數次爾奏章來索喀爾喀澤卜尊丹巴胡土克圖土謝圖汗言之不已朕始終不以喀爾喀為直會諭爾此事非懸議所能結當會盟以講之爾又以生計窘乏不能前來又以誓書所無之言屢向我使臣喇嘛枝梧回奏阿喇尼巡行邊塞猝遇爾兵不待朕旨遂與爾戰因特遣王與皇子與爾會議爾屬下人又先抗拒以致交兵其時所發他路之兵朕即遣人止之勿與爾戰爾前年至巴顏烏闌遂掠喀爾

喀之納木扎爾陀音朕又特遣使問故約與議盟今朕與爾若不
覲面定議不但爾國難存我邊民亦不得甯居因爾來既近故秣
馬繕備朕於三月初旬起行西路兵於二月十八日起行黑龍江
兵於四月初六日起行盛京甯古塔兵於三月起行今朕大軍已
出汎界與爾偏近西路兵俱已到土喇東路兵俱已溯克魯倫河
而來朕向崇禮義順天理而行不恃勢力戕滅他人朕果恃勢力
則竟不遣使統各路之兵而剿滅爾無所不可朕乃不忍生靈橫
被鋒鏑是以抒誠遣使朕與爾等覲面定議指示地界爾照舊貢
獻貿易則爾國安生而我邊民亦安乃協朕保列國如赤子之意
豈不休歟朕斷不以計誘人切勿疑畏朕來欲與各處將帥閱兵
已傳令伊等勿戰非虛言也爾如不信可留朕所遣使臣內一人
在爾地儻各處兵進而攻爾爾可差所留人止之一面遣爾前會

東華錄

康熙五十七

十一

奉使爲朕所識之人來奏朕統御萬邦豈肯誘人而破滅之爾或
妄動而去則虛朕美意而生靈有不利矣朕茲開誠特賜爾煖帽
蟒袍粧段袿純金鉤並巾纓帶一條及幣十端銀二百兩以公主
長史多禪中書阿必達爲使爾其籌之自古敵國無害使臣之理
況朕與爾向無隙乎五日內遣爾使偕我使來覆特諭○辛酉奉
差護送多禪等一等侍衛喀瓦爾達等還奏臣等五月初五日到
克魯倫河不見敵人蹤迹初六日黎明有厄魯特丹濟拉率千許
人來截取馬羣遂令侍讀學士殷扎納帶厄魯特名俄齊爾者前
去殷扎納與言我等係 聖朝使臣不得無禮又厄魯特俄齊爾
告以 聖上親來將軍費揚古亦下俄爾洪土喇而來丹濟拉大
駭失聲遂領敕書收兵急去○壬戌偵知噶爾丹所在 上躬率
前鋒兵在前諸軍鱗次翼張而進兵威之盛彌山遍野不見涯際

整齊嚴密肅然無聲在途次一等侍衛喀第由遣人來奏臣等奉
旨前往阿思哈圖山探視遇厄魯特數人潛窺我軍營壘遙見我
等倉皇逃遁迨至阿思哈圖山之東遇巴克什古爾貝勒等共追
逐之 上笑曰何必追逐任其往報亦足以破噶爾丹之膽也
駕至燕圖庫列圖地方將駐蹕地乏水侍衛吳什率鄉導等過一
平山忽見泉源涌出水極甘美且充用有餘 上大喜亟往視閱
立營掘壕遂駐蹕於西巴爾台○中書阿必達還奏臣等進覲噶
爾丹蹤迹遇厄魯特二十餘人謂臣等曰聞 聖上親統大兵而
來乞暫緩師噶爾丹在土喇往返須數日 聖上敕書已連夜送
往矣請留一使於此俟覆本到以便齎回並發哈什哈二人護送
至燕圖庫列圖地方 上復遣扎薩克喇嘛彭素克格隆偕阿必
達往諭厄魯特汝等欲我緩兵我師在此地乏水明日到克魯倫

東華錄

康熙五十七

十二

河後當再緩行是日密諭各營安紮營壘如故而營內悉撤去帳
房卽 御營行帷幔城亦俱不設伏兵空壁以待抵暮 上親巡
視營伍○以楊舒爲內閣學士由太僕寺卿遷佟國勳爲江西按察使由
江溫處○癸亥 上以克魯倫河爲噶爾丹必爭之地乃分布隊
伍躬在前鋒前行於途次率數人登高執圓鏡遠望見東有額爾
德尼拖洛海山西有山麓一帶從巴爾代哈迤邐接河岸隱見不
甚明晰 上諭科爾沁土謝圖親王沙津達爾漢親王班第喀爾
喀車臣汗納木扎爾王西第里貝勒益楚克貝子曰爾等各率
爾屬下蒙古十許人往據西方巴爾代哈山麓高處伴作全軍從
此經行之狀敵人來犯勿與之戰誘之前來敵若有備則大兵爭
先據河○中書阿必達遣撥什庫諾爾布還奏臣等至克魯倫河
厄魯特皆已去視馬矢似遁已二日阿必達仍追蹤前去 駕抵

克魯倫河諭各隊領軍大臣曰噶爾丹若據克魯倫河我兵奪河交戰猶稍費力今觀其不於此拒戰而竟逃竄是自開門戶以與我也除此地外他處斷不能拒我軍審其情形必連夜逃遁矣當輕騎急追之是日 上駐蹕額爾德尼拖洛海○前鋒統領碩鼐擒厄魯特至言噶爾丹得釋回四厄魯特問及黃幄布城網城進止方信 聖駕親來今日親至北方孟納爾山遙望大兵隊伍行列規模大驚曰是兵從天而降耶遂傳令眾人盡棄其廬帳器械逃去 上命賜所擒厄魯特衣服使撥什庫諾爾布追送與兩使臣又遣喀瓦爾達往額爾德尼拖洛海探視有無賊寇○甲子遣大學士伊桑阿祭克魯倫之神 上親率前鋒兵窮追噶爾丹噶爾丹倉皇遁走是後數日沿途大獲所遺器械帳房食用等物是日距克魯倫布隆十八里地方駐蹕○諭領侍衛內大臣等今日

東華錄

康熙五十七

三

據厄魯特降人言聞朕親率大兵四路並進噶爾丹即行逃竄朕若率綠旗步兵前進則牽綴遲誤今可揀選綠旗馬兵會合大將軍費揚古向巴顏烏蘭追剿噶爾丹其綠旗步兵應留大臣管轄著隨後緩行前來滿洲兵每旗留二十名應派章京護軍校管轄宣化府取來礮二十四門亦著留下漢軍礮十六門能帶則盡帶往若不能帶著留礮一二門所留之兵應派大臣一員統轄克魯倫之克勒河朔地方去此一百二十里朕作二日程前行到彼所留兵丁著作四日程前行到彼擡鹿角兵有不能到者著漢軍大臣等酌量調撥帶往前去○阿必達等還奏臣等循克魯倫而上擒厄魯特庫濟詢知噶爾丹往克勒河朔去 上諭阿必達等爾以所擒庫濟為鄉導齎敕前往諭噶爾丹言朕欲與爾約會而來爾若不懼親身來議否則於丹濟拉丹津鄂木布杜噶爾喇布

坦內遣一二人前來定議爾勿遁走如或遁走則事不能了而爾與屬下俱至困斃朕塞上居人亦不得安矣爾等追三日如不能及即回可也敕文曰朕以仁御宇內養育羣生惟禮義是尚以祈天眷是以昔會發敕諭盟爾又以生計極艱極窘不能前赴為辭於是朕一切待備來至克魯倫河欲與爾會盟使之永安度日抒我誠心朕與爾觀面定議爾仍照舊職貢貿易則爾下人得以甯居而朕邊民亦得休息朕斷不愚誑他人爾勿疑懼避去則事無了期而朕種種美意皆虛矣近遣我使借爾向日充使朕所識認之人前往令五日內遣回特使齎賜爾銀幣以公主長史多禪及中書阿必達為使不知爾國人受我使否得至爾所否朕使又不獲聞爾之言是以又特遣扎薩克喇嘛彭素克格隆仍以中書阿必達為使朕今已到克魯倫河爾其反復熟籌之或會盟或另議

東華錄

康熙五十七

四

作速遣使來告否則爾下人未必盡如爾心爾未必安枕也爾當細思隨遣使來覆朕用是抒撫恤之心賞賚爾馬疲落後之人使之引導遣至爾所特諭○乙丑阿必達使撥什庫諾爾布還報臣等到克勒河朔見厄魯特下營處盡毀其廬帳棄其什物而走 上復遣垂喇克扎木素格隆齎敕往諭噶爾丹曰朕惟治道原期有益羣生朕親統大兵欲與爾共議俾羣生享其利益故至此與爾相近處兩次遣使其到否未知爾何竟無一次遣人來也朕為天下大一統之主不肯罔人而行已經屢頒諭旨爾仍不信逃遁而去兵仗器皿盡皆拋棄爾所屬之人乞降而來者甚多爾生計迫蹙朕所甚悉爾前此無禮於朕使臣朕皆置不問將爾遺棄疾病之人與來歸之人盡皆收養朕若存嗜殺之心豈肯收養爾所屬之人爾仍不信遁去今西路大兵已至巴顏烏蘭朕親統大

兵至克魯倫河黑龍江盛京甯古塔等處大兵皆會集於克魯倫河又斷爾歸路之大兵亦已至厄嫩巴爾濟地方爾即欲遁去安可得乎朕不忍生靈之塗炭故復遣使前來並不欲將爾剿滅出自至誠賜爾段十疋著大喇嘛垂喇克扎木素格隆爲使前去爾試反復思之若仍照舊職貢而來歸順可於丹濟拉丹津鄂木布杜噶爾阿喇布坦三人中速遣一人來爲此特諭○丁卯 上駐蹕拖訥阿林諭議政大臣等噶爾丹逃竄已遠沿途潰散今應選兵裹糧躡迹窮追官軍米糧所關甚重兵丁所帶八十日口糧日期將滿于成龍所運米尙未到若大兵前進則距所運米太遠回時糧餉必至窘隘應使大兵迎糧而還朕備有牛羊斷然不至缺乏西路大兵亦由中路來料理糧務甚要著議政大臣等議奏又諭噶爾丹亡命奔逃量已至巴顏烏闌矣若我全軍追趕似不能東華錄 康熙五十七 五

及應選派輕騎追逐喀瓦爾達所領前鋒二百外其餘前鋒盡行派出滿洲火器營兵及親隨護軍亦盡派出著追至巴顏烏闌過巴顏烏闌以北不必前往諸王等所屬之人若自有二十日口糧不用官糧者亦令同往其同回之兵但留其至拖陵所需五日之糧將餘糧著各旗大臣親驗給與前進兵丁議政大臣等議噶爾丹震懾 天威內自潰亂亡命逃竄應選兵追討之處 上諭極爲詳至自應祇遵得旨依議○命領侍衛內大臣馬思喀爲平北大將軍領兵追剿噶爾丹○戊辰奏 皇太后書曰臣自出京畿軍行在道日惟訓習軍士愛惜戰馬周防哨瞭申明賞罰計程行四十日可抵其處因待伯費揚古斯會之兵沿途駐師不能如期而至至於 上天仁愛事事默垂眷佑水泉乏絕之地俟爾清流沸涌前克魯倫地旱甚草枯如冬噶爾丹馬畜瘦斃我兵甫至

而雨草遂茂生來降之厄魯特問我軍云此地數日前青草會無一莖今何以忽然而生汝軍中誠有善於求雨者乎又見我軍於河中捕魚彼云汝軍捕之輒爾多獲我等捕之一無所得於此見我等口祿絕矣我軍追逐厄魯特凡五日見其所遺佛經帳房所自殺婦人稚子及疾病之人釜鬻釀具網罟甲冑鞍轡衣服食用木器並在釜之羹在革之酪盡其所有貧窮度日之物率皆委棄其垂首鼠竄之狀殊不堪觀矣比問蒙古及喀爾喀等如此捐棄逃竄爾等視之以爲何如皆云此不但棄其重物雖輕物亦棄之度日之資咸盡矣惟倉皇求生並其所屬之人皆不暇顧又喀爾喀言此卽我等當日情形我等叨蒙 聖主恩養得以有生否則盡委溝壑矣今噶爾丹已逃遁遁料其斷不能復來因灼見其情形蹤觀之果然噶爾丹已經逃遁料其斷不能復來因灼見其情形蹤東華錄 康熙五十七 六

迹如此遂酌遣將士窮追往迎伯費揚古之軍此行臣統大兵深入賊望風逃遁全師凱旋者誠大慶幸至蒙古之性情地方之水草兵法之宜守宜戰宜招徠宜遣使宜焚燎及斷其道路防禦堵截難易機宜目所洞悉身所經歷咸已知之自茲以後亦甚易矣臣於六月初十日內可至京師臣此行乃國家福祉 上天眷佑爲此不勝欣喜愧切具奏以聞 上班師駐蹕克勒河朔是日清晨五色雲見○己巳侍衛額林辰齋撫遠大將軍伯費揚古奏至言臣等欽遵諭旨當卽率大兵星夜前進但行程遙遠馬匹少疲而噶爾丹自布爾察克地方以前十餘站盡焚有草之地因另覓草地趨行仍亟於初三日至土喇以擣噶爾丹之後但祈 御駕稍緩使臣得會師合剿 上於途次閱之喜諭眾大臣曰朕統大兵窮追噶爾丹五日若再前進噶爾丹必成擒矣因不得伯費

揚古兵消息于成龍所運米又不至故遣馬思喀率兵往追今伯費揚古於初三日至土喇則與朕本意相合噶爾丹諒必不能鼠去矣○庚午平北大將軍馬思喀奏臣等十四日至巴顏烏蘭南十五里遇往哨之喀瓦爾達攜厄魯特降人奔第來言噶爾丹於特勒爾濟地方遇大將軍費揚古兵交戰噶爾丹敗回復列陣拒敵我軍步戰而前對壘之際見噶爾丹散亂奔竄之狀我遂逃去來降臣等率兵次於額格木爾地方次日倍道前進謹將投降奔第解送得旨著作速檄知京城○予故盛京工部侍郎傅德祭葬○癸酉 上駐蹕中拖陵先是十三日 上諭近御侍衛等適朕心中似有先機西路官兵今日必成功矣至是捷報至果於是日破噶爾丹諸臣皆驚服以爲如神○撫遠大將軍伯費揚古遣副都統阿南達奏捷言五月十三日臣軍正向昭莫多前遣驪探

東華錄

康熙五十七

七

之布達等至特勒爾濟口見厄魯特蹤迹遣人來報臣等即令署前鋒統領碩代副都統阿南達阿迪等率前鋒挑之因厄魯特勢眾碩代等且射且卻誘至大軍將及昭莫多臣等令將軍孫思克率綠旗官兵居中京城西安滿洲漢軍官兵察哈爾諸扎薩克蒙古就東方山之高處右衛滿洲漢軍官兵大同總兵官康調元綠旗官兵喀爾喀扎薩克就西方沿河布陣謹遵 聖上豫授之策令官兵皆步行噶爾丹率賊萬許向前逆戰官兵奮勇自未至西擊噶爾丹而大敗之分行追逐至特勒爾濟口剿殺三十餘里斬首二千餘級生擒百餘人俘獲子女駝馬牛羊兵器什物無算得旨嘉獎下部從優議敘 上問阿南達交戰情形阿南達奏曰伯費揚古恐涉誇張故奏內皆約畧言之其實交戰處斬賊三千餘級其餘被創逃竄死於山谷中者屍骸枕藉生獲數百人殺噶爾

丹之妻阿奴及賊之渠首甚眾惟噶爾丹引數騎逃出其零星逃散之賊投降大將軍馬思喀者千餘人據降人言噶爾丹遁時部眾多出怨言噶爾丹云我初不欲來克魯倫地方爲達賴喇嘛煽惑而來是達賴喇嘛陷我我又陷爾眾人矣 上問曰西路大兵若如前約於四月二十四日至土喇二十七日至巴顏烏蘭則更當何如阿南達奏曰誠若是則賊無一得脫矣 上願諸大臣曰師行絕域即奏膚功皆 上天眷佑應先行叩謝乃於行宮南門外設香案親率諸皇子王大臣官員及外藩王行禮大學士伊桑阿張玉書恭捧諸王大臣文武官員慶賀表入奏 上曰朕爲中外生民之主綏輯海宇愛養元元惟以率土又安爲念厄魯特噶爾丹擾亂邊塞心懷狡謀逆天虐民不容不行剿滅朕親率大軍遠出塞外聲討有罪噶爾丹聞風遁走希圖倖脫適與西路大兵

東華錄

康熙五十七

七

相遇大將軍伯費揚古等奮勇力戰大敗賊眾擒斬無算盡獲其人口牲畜從此邊境甯謐不煩遠事征討四海蒼生可共享昇平之福朕心深切喜悅於是諸皇子在幔城內諸王及文武大小官員外藩王台吉在幔城外行慶賀禮○奏 皇太后書曰臣君臨萬邦撫御天下於茲三十餘年數經擾亂俱已削平惟噶爾丹自烏闌布通遁逃以來悖棄誓言搖動外藩此賊一日不滅則邊陲一日不甯是以前後周悉思維不憚一身勞苦大漠沙磧多方跋涉自古迄今軍旅未行之路冒遠徂征出其不意以此強寇肝膽爲之破裂不戰而逃臣窮追五日見其沿途將所用器物盡皆委棄已經遠去更欲前追以軍糧漸至短少再四籌度徒勞師眾故度量敵人蹤迹遣兵進追於所遣兵補給二十日口糧班師而還業經馳奏以聞荷蒙 上天垂眷俯協人心大將軍伯費揚古之

兵適至戰於特勒爾濟地方剿殺噶爾丹賊眾子女駝馬牛羊盡皆俘獲厄魯特今已殄滅矣臣不獲定省 慈安奉侍左右者凡八十日盡剿賊眾奏凱而還於六月初十內可以抵京此皆上天默佑凡在師中人等罔不踊躍歡欣臣之福慶駢集所向有成臣誠不自知也不勝懇切屏營之至謹具奏聞○丙子留牧汎界蒙古王等行慶賀禮 上諭爾等意中會料朕此行可直抵克魯倫立奏大功而還如是之速乎朕尊為天子富有四海此番出征朕日食一餐夙興夜寐櫛風沐雨每至一處朕皆步行及聞噶爾丹確信朕親率前鋒窮追凡此特欲速滅兇寇使爾等咸得安生故耳今噶爾丹已滅不但爾等永無侵擾之虞得享昇平之樂朕亦不復為爾憂勞矣諸蒙古王等跪奏云 皇上念我外藩蒙古不辭勞苦七旬之內立奏膚功誠世所罕有功德誰不傾心歸服

東華錄

康熙五十七

九

迎獻酒漿沿途環擁歡聲徧野 六月乙酉朔命理藩院檄青海薩楚墨爾根台吉等諭以噶爾丹敗逃及達賴喇嘛已死九年第巴匿之假其言誑誘噶爾丹作亂之故令探聽噶爾丹聲息儻彼西走即行擒解至噶爾丹女嫁於博碩克圖濟農之子並噶爾丹之人在青海者悉令執送○癸巳上還京師○甲午羣臣行慶賀禮○諭領侍衛內大臣等喀爾喀郡王善巴會奏噶爾丹不可使久據克魯倫地方應速征剿此次用師善巴盡所有馬匹供我軍騎乘甚著勞績殊可嘉獎貝子益楚克聞愍都逃遁即遣人追捕此次用兵凡擒活口偵賊信亦懋著勤勞應將伊等敘功以示激勸議政諸臣會議具奏尋議覆郡王善巴應授為親王貝子益楚克應授為郡王從之○乙未諭大學士等此番出征地方形勢守亦可戰亦可但得天時甚難兵

東華錄

康熙五十七

十

上曰爾等於引路探信牧馬掘井諸事甚為效力誠屬可嘉朕必重加賞賚朕昔以汎界之內視為一家今土喇克魯倫以內皆為一家矣○庚辰 上駐蹕塔爾奇喇賜留牧蒙古諸王貝勒貝子台吉等宴及白金喀爾喀等子老幼齊集行宮東門叩謝再造之恩 上諭朕君臨天下統御萬邦本無分於內外即絕域荒陬皆吾赤子一體眷念厄魯特噶爾丹逆天肆虐恃強陵弱擄掠喀爾喀等國朕不辭勞瘁親統大兵征伐剿滅今厄魯特之禍靖則朔方永清矣爾七旗喀爾喀自今以後各自樂業圖報國恩以副朕家視天下至意隨命原封貝子伊爾登濟農達禮等以次入幔城進見眾皆叩頭歡呼萬歲復賜茶及宴賞銀幣衣服有差自是以後至獨石口皆依此例每日王貝勒貝子台吉等來行宮外慶賀朝謁貢獻駝馬牛羊不可數計 駕行時男婦老幼拜跪路旁

兵明吾特布喇特兩處干許人正當噶爾丹敗亂之時見丹津阿
 拉布坦屬下人婦子從特勒爾濟口向博羅河而走此干許人追
 及之奪其畜產婦子中之佳者往投喀爾喀和托輝特之根敦戴
 青而去 上以示議政諸大臣○己亥轉阿爾拜為戶部左侍郎
 以陶岱為戶部右侍郎由內閣學士遷○左都御史蔣宏道以目疾乞解
 任允之○停本年秋審○癸卯轉馬爾漢為兵部左侍郎以嵩祝
 為兵部右侍郎朱都納為內閣學士原任兵部左侍郎○以吏部左侍郎
 常書為翰林院掌院學士刑部右侍郎尹泰為詹事俱仍帶侍郎
 品級○壬子轉安布祿為吏部左侍郎調阿爾拜為吏部左侍郎
 管右侍郎事轉陶岱為戶部左侍郎調庸愛為戶部右侍郎以阿
 山為盛京禮部侍郎由左副都御史遷○以吳瑛為左都御史由湖廣總督遷○
 癸丑達賴喇嘛使人戈尼爾羅卜臧帕克巴格隆等奉諭自西甯
 東華錄 康熙五十七年 主

至京 上命領侍衛內大臣索額圖大學士伊桑阿傳諭曰噶爾
 丹敗於烏闌布通遁走之時首頂威靈佛像設誓云不但聖上屬
 下人民即喀爾喀降人以外再不敢復犯矣去年又背誓至克魯
 倫地方殘害喀爾喀掠我降人納木扎爾陀音於是朕親統大軍
 往討噶爾丹懼而奔遁適遇我防禦之兵誅殺過當噶爾丹率數
 人逃竄餘者盡降厄魯特遂滅厄魯特降人告曰達賴喇嘛久已
 脫緇矣天下蒙古皆遵奉達賴喇嘛如達賴喇嘛身故理宜報聞
 諸護法主以班禪主喇嘛之教繼宗喀巴之道法乃匿達賴喇嘛
 之喪指達賴喇嘛之名唆誘噶爾丹朕屢遣使問之第巴皆不使
 與達賴喇嘛相見偽居高樓之上以示之第巴原係達賴喇嘛下
 管事人朕優擢之封為土伯特國王乃陽奉宗喀巴之道法陰與
 噶爾丹比欺達賴喇嘛班禪而壞宗喀巴之法前遣濟隆胡土克

圖至噶爾丹所為噶爾丹誦經選擇戰日朕為眾生往召班禪沮
 而不遣朕無責達賴喇嘛達賴汗青海諸台吉之意朕今遣使於
 達賴喇嘛果達賴喇嘛尚在則面見朕使臣曉諭噶爾丹遵朕旨
 行朕凡事俱畧無介意若仍誑我使人不令相見斷不輕止至噶
 爾丹之誓濟隆胡土克圖等見在其地問之豈有謬乎今將遣使
 往彼其來人或欲全歸或欲數人先歸爾等可詢明隨其意遣之

東華錄

康熙五十七年

主

臣王先謙敬編

臣周翰蕃恭校

秋七月乙卯朔以綏色為刑部右侍郎由內閣學士遷○丁巳以哈山為

內閣學士由內閣學士遷○戊午命修平定朔漠方畧○侍郎西拉奏

臣遵旨問降人丹巴哈什哈噶爾丹當往何處丹巴哈什哈等曰

我等以為噶爾丹必往投達賴喇嘛所以不他往者昔鄂齊爾圖

車臣汗之子噶爾旦木巴之女阿海原與策妄阿喇布坦議婚噶

爾丹自取之又殺策妄阿喇布坦之弟索諾木喇布坦策妄阿喇

布坦因率兵五千而逃後噶爾丹往烏蘭布通策妄阿喇布坦盡

收噶爾丹之妻子人民而去是策妄阿喇布坦所不可往也若圖

爾胡特之阿玉奇所有仇人鄂齊爾圖車臣汗之弟在道既遙遠

東華錄 康熙五十八

而阿玉奇之女又嫁策妄阿喇布坦是阿玉奇所亦不可往也噶

爾丹與鄂羅斯差人貿易而已原不相好往鄂羅斯之路有洪郭

壘及罕二道罕之路有明安特忒梭古特諸人在俱係仇人是鄂

羅斯亦不可往也噶爾丹向達賴喇嘛之去路哈密雖係仇人有

噶爾丹屬下回子在青海左側有番子二千家在青海諸台吉亦

不沮之如得到達賴喇嘛地方則噶爾丹與第巴甚好且噶爾丹

於為喇嘛時居班禪胡土克圖所謂唐古特國之托卜察一城人

乃噶爾丹前生尹咱胡土克圖時之徒也故使為屬下有征賦之

人在沿途可得馬匹糗糧而無沮之之人丹濟拉丹津鄂木布如

與噶爾丹同在一處斷不相離必借往投達賴喇嘛處 皇上今

遣人率兵追討噶爾丹但收離散者問之自得噶爾丹去向實音

報聞○以李輝祖為湖廣總督由河南巡撫遷○以席密圖為督捕侍郎

貝和諾為左副都御史由大理寺卿遷○庚申以龍門赤城蔚州供應軍

需詔免來年額賦○癸亥廣天下鄉試解額○以哈雅爾圖為內

閣學士由大理寺少卿遷李國亮為河南巡撫由布政使遷○戊辰以努赫為

左副都御史由少詹事遷○己巳以平定朔漠功成勒石太學○甲戌

以佟世雍為河南布政使由雲南按察使遷○彭素克格隆齋敕往諭噶

爾丹回奏臣與中書阿必達於五月初九日往尋噶爾丹蹤迹十

二日至滾噶罕臺見無厄魯特形影臣令阿必達攜疲馬先回以

此情事奏聞 皇上臣獨追噶爾丹至特勒爾濟地方遇厄魯特

千許人擒臣至俄爾坤河臣夜間乘隙逃向內而行於六月初

七日到特勒爾濟河遇喀爾喀阿里雅扎薩克阿爾薩蘭衛寨桑

彼言我等奉大將軍令至熬山昭莫多地方收集逃潰之賊擒得

厄魯特男婦一百六十餘口今於其中擇三十人解送京師爾可

東華錄 康熙五十八

率之同行二十九日到克勒河朔見侍讀學士喇錫言 皇上命

我等率七台吉兵往追噶爾丹並探爾信息臣以行事告之喇錫

使人送臣及厄魯特被俘三十人入汛界見大將軍伯費揚古大

將軍言如許人同行則程途耽誤當擇數人帶去遂使厄魯特卓

禮克圖達爾漢巴什克津巴卓禮克圖等六人與臣偕來 上命

卓禮克圖津巴等歸諭噶爾丹遣理藩院官一員帶至汛界在附

近旗分酌湊坐馬口糧撥鄉導指路前往 上諭議政大臣等大

將軍伯費揚古應令自科圖移駐善巴王汛界因出侍讀學士喇

錫大將軍伯費揚古疏命議政大臣集議尋議侍讀學士喇錫奏

厄魯特額圖格來降云噶爾丹戰敗奔竄到他米爾之台庫勒地

方遣人收集丹津阿拉布坦丹濟拉丹津鄂木布等伊拉古克三

胡土克圖亦往與之合大畧兵有五千餘牛羊甚少無廬帳者多

議欲往翁金一路或瀚海四圍有居人掠得牲畜如根敦戴青逸去暫且偷生或往哈密如哈密仍前和好則資其糗糧以度今冬如哈密與之反顏即攻而取之以為根基議既定六月二十八日自他米爾向翁金起程閱三日我等逃出又六月二十日達賴喇嘛使人鄂木布來亦隨噶爾丹而行又因住他米爾地方二十餘日馬已漸肥聞根敦戴青在塞稜格云又大將軍伯費揚古等奏黑龍江將軍薩布素於七月十六日已率兵到科圖臣等遵旨正擬領兵回京得侍讀學士喇錫之報如噶爾丹欲往翁金一路已自他米爾起行是以臣等率官兵往科圖候旨今應令大將軍伯費揚古親身沿邊而往酌調善巴王及附近旗分兵駐紮邊汛噶爾丹前來即迎勦之其與大將軍同處之兵將軍孫思克博爾濟俱令來京餘總兵等官俱令率兵回汛 上曰此乃大將軍伯費揚

東華錄 康熙五十八年 三

古未完之事著率薩布素兵五百酌取蒙古兵往善巴王邊汛諸地方偵探聲息噶爾丹或在翁金或有過去之信相機迎勦著將軍薩布素率所餘兵五百駐紮科圖如有厄魯特來降令其收納○子故兵部侍郎戴通祭葬○己卯以倭倫為內閣學士由內閣侍讀學

遷士 八月甲申朔 上命員外二郎保齋敕往諭青海諸台吉至是二郎保奏臣至青海之察罕托羅海地方以部發印文示達賴喇嘛所遣管理青海事善巴陵堪布又告以擊敗噶爾丹之事堪布言此事大我不得獨主其議俟青海諸台吉同來會盟定議再覆七月初八日扎什巴圖爾等三十一台吉俱到盟所以檄文授之扎什巴圖爾言噶爾丹殺我鄂齊爾圖汗取我屬裔與我亦有讎但噶爾丹之女嫁博碩克圖濟農之子乃告之於達賴喇嘛而結姻

者我等俱達賴喇嘛之徒俟啟聞達賴喇嘛視其言何如遵依而行非可任我等之意覆奏 上命議政大臣等會議尋議應令扎什巴圖爾等將達賴喇嘛作何定奪之處備文覆部並將此等情由增入達賴喇嘛敕諭內從之○乙酉以崔俊為雲南按察使由東寧高廉○癸巳諭吏部山東巡撫楊廷耀居官甚劣著革職○議政大臣等議奏郎中滿都密報降人回國王阿卜都里什特言昔年為噶爾丹所誘被執十四年今噶爾丹敗始得脫身來歸近聞噶爾丹在古爾班塔米爾臺庫魯地方度其窮困不能久居必往青海往青海有哈密吐魯番葉爾欽三路而哈密與嘉峪關相近有 天朝大兵葉爾欽有我回回兵二萬許在彼皆未必敢往恐當往吐魯番我願留子於此親往吐魯番以 聖上威德宣諭屬下眾回子又策妄阿喇布坦所居博羅塔喇與吐魯番相近

東華錄 康熙五十八年 四

往與合謀擒噶爾丹以報受辱之讎應令理藩院遣官往召阿卜都里什特至京加之恩賜再遣官送出嘉峪關得旨著遣官召阿卜都里什特及其子額爾克蘇爾唐赴京可傳諭云來京之後俱一同遣歸○甲午復遣官齎敕諭達賴喇嘛達賴汗班禪第巴及策妄阿喇布坦○丁酉吏部奏兵部尚書索諾和辦理兵丁需用馬匹疲瘦應革職 上諭大學士等朕以索諾和才優洵擢尚書自任尚書後並不勤勉效力此番軍務彼全然不知凡事惟圖塞責不實心料理如此則任彼尚書亦有何益况彼身任中樞於邊疆官兵情弊不加詳察一任意玩以致兵部事務極其曠壞著照所議革職○癸卯侍讀學士喇錫奏臣等在慈山據厄魯特降人祁齊克墨爾根薩圖等言噶爾丹到塔米爾後集眾共議將見無兵之地掠瀚海四圍居人取其糗糧以往哈密丹津鄂木布言哈

密皆村落我不慣居其地於七月初四日叛而西去噶爾丹率兵追之阿喇布坦亦自覓生路去矣若丹濟拉斷不背噶爾丹也我等明知大軍早還向汛界大路而來固近然不識其路土喇克魯倫乃我等所知之地故從此路而來據此恐後降者或從土喇而來地方相去甚遠無人收集且噶爾丹丹津鄂木布交惡相攻其潰散之人亦未必不至土喇噶爾丹地方捕獸取魚以度生命是以臣等率車陵扎卜兵二百名阿里雅扎薩克兵五十名暫留噶爾山四圍守候聲息遣人躡探報聞○甲辰以開音布為兵部尚書由軍統○丁未以李煒為山東巡撫由安徽布○辛亥諭大學士阿蘭泰近日部中各官凡事不行速結惟務偷閒入署未久即散歸家偃息如此則政事有不壅積者乎朕聽政三十年夙興夜寐有奏即答或有緊要事輒秉燭裁決此爾等所共知也各官果能勤

東華錄 康熙五十八年 五

敏諸事何至遲誤可傳諭各該衙門將應結之事速行察奏○是月免福建閩縣等五縣旱災額賦有差

九月甲寅朔回國王阿卜都里什特奏仗 聖上天威滅噶爾丹臣得出降今又使送臣歸國臣到吐魯番探信或誅噶爾丹或擒解噶爾丹俟得實音歸臣舊居葉爾欽地方再來進貢請安但往葉爾欽必過策妄阿喇布坦地方恐厄魯特之心無常伏乞皇上敕旨開明臣已歸降勿得虐害 上命大學士與議政大臣集議尋議覆應敕該部檄知策妄阿喇布坦阿卜都里什特等已歸降本朝今送歸故土勿致虐害嗣後厄魯特與回子當永相和好從之○以淮黃秋漲發粟賑邳州等州縣衛○乙卯先是理藩院奏陸續來降之厄魯特大小人口共一千五百餘人向暫在張家口安插應令伊等赴京 上諭領侍衛內大臣等著取丹巴哈

什哈等來京令副都統吳達禪乘驛而往同納拉善滿都遷來備厄魯特有不願來內地者即送赴大將軍伯費揚古軍前著各給馬一匹遣回令彼往諭噶爾丹言彼若來降亦待以顯榮其看守厄魯特等之察哈爾兵各歸本地至解厄魯特降人到京著邊關官兵綠旗官兵轉遞押解並令戶部理藩院賢能官各一員前往沿途給口糧食物既取伊等到京應令議政諸臣會議編入旗分佐領至是議厄魯特降人應編入鑲黃正黃正白三旗滿洲佐領其內有父子兄弟不可離者如編入一佐領為數浮多則扣算一佐領人口其編餘入本參領內之佐領內有年老孤身附入人口少者之家給米贍養從之○丙辰 上憐阿卜都里什特等拘久困阨特賜銀幣遣候補主事回子楊國琳馳驛送還伊本處命領侍衛內大臣索額圖尚書馬齊一等侍衛馬武送至盧溝橋○哈

東華錄 康熙五十八年 六

密回子頭目額貝杜拉達爾漢白克遣人進貢來降○丁巳以張四教為安徽布政使由廣西按察使遷○辛酉先是以淮黃交漲遭戶部員外郎綽奇閱黃河水勢至是回奏中河北岸之隄未遭水患其水已減六尺 上諭大學士伊桑阿等向朕逆料中河北岸之隄最為緊要定須堅固因命靳輔于成龍加意修治是以雖遇大水得無妨害若此隄一決不可言矣歷年之水無有大於今歲者此番無害則似可永固黃河之水從雲梯關入海雲梯關沙漲壅塞水每為其所阻以致退流河隄不能捍禦因而衝決今將淤泥挑濬河道加深所以水得通洩其利普矣○癸亥理藩院議覆四川巡撫于養志奏臣遵旨會同烏思藏喇嘛營官等查勘打箭爐地界自明季至今原係內土司所轄之地宜入版圖但番人藉營生居處年久且達賴喇嘛曾經啟奏 皇恩准行應仍使貿易番人

之事應行文達賴喇嘛使曉諭營官遵行管理關繫土司之事著土司管理勿致生事至打箭爐四交界之地該撫詳查報部編入一統志從之○乙丑侍讀學士喇錫奏據厄魯特降人吳默赫墨爾根寨桑等言我向為丹津鄂木布護衛丹津鄂木布為噶爾丹所追料力不能敵遂分散其眾往投策妄阿喇布坦策妄阿喇布坦往空奎扎巴喀居住不預噶爾丹之事目下噶爾丹人止千餘馬駝亦甚少今天時漸寒大半無居無食噶爾丹必不能保有其下人殆必散盡矣報聞○丙寅先是 上命撫遠大將軍伯費揚古帶黑龍江兵五百名駐紮善巴王汛界偵探眾皆不喻其故至是丹濟拉果以大兵奏凱回京喀爾喀善巴王等必出塞游牧可乘隙取糧率兵一千五百南來既到阿濟爾布都納地方適遇所遣卓禮克圖達爾漢巴克什津巴等告以大兵堵禦邊汛丹濟拉東華錄 康熙五十八年 七

聞之大驚遣察哈代以書請降伯費揚古據書奏報而丹濟拉已遁去矣眾乃服 睿算之神○議敘厄魯特降人丹巴哈什哈察罕西達爾哈什哈俱授二品官為散秩大臣梅寨桑熬都俱授三品官俄欽為一等侍衛餘授職有差○戊辰刑部尚書圖訥等奏噶爾丹納貢之西賴古爾黃番黑番人等及噶爾丹所遣督催番人貢物之厄魯特達爾漢寨桑卜爾奇等共七千四百餘名俱傾心投順但督催貢物者係噶爾丹所屬之人不便令居原地已委官解京其西賴古爾黃番黑番人口眾多難以遷移應將邊外住居者俱令遷移邊內下所司知之○己巳以魯超為廣西按察使由廣東惠 湖道遷 ○庚午厄魯特格壘沽英寨桑等遣察罕哈什哈來請降 上諭大學士等格壘沽英乃噶爾丹信任大臣遣使請降言噶爾丹困窮已極糧糧廬帳俱無四向已無去路目下掘草根為

食八月初四日大雪深數尺向謂蒙古之地不論經由何方皆可以行難以尋覓由今觀之皆有一定行路一定住處欲覓噶爾丹亦無所難草木非人所食惟厄魯特乃能延至此時然亦安能久也○壬申 上啟鑾巡幸北塞經理軍務○乙亥以哈雅爾圖為兵部右侍郎羅察為內閣學士由內閣侍讀學士遷○丁丑撫遠大將軍伯費揚古奏副都統祖良璧等敗厄魯特丹濟拉於翁金 上諭議政大臣等噶爾丹為我軍所敗但存馬匹衣服奔逃而去食盡衣單漸及寒凍勢在必亡前據侍讀學士喇錫報稱噶爾丹由翁金之路而去朕即料其必將劫米故豫遣人諭祖良璧將米燒毀丹濟拉不知米已燒毀果至翁金今為祖良璧擊敗朕甚喜悅噶爾丹似此困極雖不進討亦必滅亡今但以招撫為要故朕諭大將軍頻遣噶爾丹降人往招之噶爾丹今雖不降其部落既散之後東華錄 康熙五十八年 八

自來歸順矣○庚辰喀爾喀貝勒根敦戴青遣使進貢請安並奏言聞 皇上親統大軍滅噶爾丹已自率兵從塞稜格向內而來願擒噶爾丹自效 上諭議政大臣等根敦戴青久無音耗朕甚念之今遣使來奏勤撫噶爾丹之餘黨則噶爾丹之滅速矣朕心大慰卿等亦必喜悅也可著諭來使如擒獲噶爾丹不必獻俘即在本處立決尋命給根敦戴青俸並賜冠裘等物○辛巳奏祝皇太后聖壽書曰臣自離紫閣數隔晨昏瞻企形闕日依左右頃當小春應律 聖誕欣逢臣自歷關山未獲捧觴介壽神馳禁籟唯思作頌呼嵩謹遙拜行禮所有年例進祝儀品呈上仰希俯鑒茲偶得野物附使申獻一味旨甘用達微誠於鷹塞 千秋有慶正昭景福於鑾階伏願 聖母壽麻靡涯與歲華而並永嘉禧茂集比山岳以增崇臣不勝懼忭翹切之至○京師地微震○是月

一第... 冊... 卷... 第... 2... 版... 頁...

免江南山陽縣大河衛水災額賦十之三

冬十月甲申朔 上駐蹕鄂羅音布拉克以衣裘牛羊齋赴大將軍伯費揚古軍前資從征軍士○命喀爾喀郡王色冷阿海台吉阿里雅等及厄魯特降人射畢 上率諸皇子射連中十矢諸皇子皆屢中喀爾喀及蒙古諸王台吉與厄魯特降人無不驚服

上問色冷阿海等喀爾喀厄魯特構兵之由願諸王大臣曰今日喀爾喀厄魯特皆在朕直論其事彼皆向來貢獻本朝之國兩國交惡其曲不在厄魯特而在喀爾喀喀爾喀先犯厄魯特喀爾喀理由是以其國為厄魯特所破但厄魯特假伐喀爾喀為名進我境內烏闌布通之地為我師所敗已誓不復侵喀爾喀矣今又背誓入犯我邊汛屯於克魯倫之地則厄魯特理曲是以朕親統六師滅之天道昭然毫髮不爽朕為天下萬國之主甯有偏徇之

東華錄

康熙五十八

九

理乎喀爾喀王及厄魯特降人皆跪奏曰 皇上申明大義方知兩國致敗之由實我等所自取也賜扈從大臣蘇爾達阿蘭泰馬齊蘇丹等馬駒各一匹○丁亥 上駐蹕昭哈賜沿途蒙古貧戶及進牛羊人等金○庚寅先是撫遠大將軍伯費揚古大破噶爾丹於昭莫多生擒男婦三千許各給擒獲之主至是 上皆賜銀贖出使其父子夫婦兄弟完聚○丁酉給右衛陣亡官兵白金大同綠旗官兵亦如之○子故內閣學士毫濟祭葬○壬寅副都統阿南達奏奉諭令臣各路備兵臣自布隆吉爾地方使噶爾賈多爾濟來使齋文諭哈密回子達爾漢白克日聞逃來人言丹津鄂木布叛噶爾丹而出丹津阿喇布坦亦往投策妄阿喇布坦噶爾丹自身不及千人在額河無口糧牛羊僅往投爾地可速遣人至噶爾賈多爾濟處令彼出兵助汝噶爾賈多爾濟乃我同朝之人

汝其勿疑此外又傳語噶爾賈多爾濟曰哈密若有噶爾丹聲息報汝汝即遣人來報一面往助哈密協力而行灘納泰都爾白兒濟各口撥人小心駐防哨探臣於十月十二日親至肅州同提督李林隆會商備綠旗兵二千在額濟內昆都倫等處仍坐哨探聽並令李林隆防守邊疆各自整備訖 上以示議政諸臣曰阿南達處處備兵朕甚為之喜○甲辰先是昭莫多之捷有厄魯特曼濟受傷被擒至是曼濟以其妻子在噶爾丹所求歸 上命遣之至大將軍處借阿旺丹津齋救文諭噶爾丹丹濟拉等救曰 皇帝敕諭噶爾丹丹濟拉等朕統御天下要以中外一體為務往者烏闌布通之役爾等雖經敗北朕尚欲與爾等會約以定喀爾喀之事故使命屢頒爾等乃違棄誓言搶掠納木扎爾陀音竟至克魯倫地方朕親率師欲與爾會同定議遣使申諭爾復狐疑不信

東華錄

康熙五十八

十

不親見朕使及朕至克魯倫爾遂望風奔潰遇朕西路之兵爾先犯我顏行遂至喪兵敗衄盡棄駝馬牛羊子女廬帳什物爾眾棄桑台吉等接踵來降丹濟拉格墨沽英車陵奔等寨桑十五人亦願歸服遣察罕哈什哈來陳奏悃誠朕已面諭遣還今朕又親率六師遠莅於此且各處調兵邀截爾等妻子馬畜諸物俱已散亡衣食已盡勢迫無歸况時漸嚴寒朕不忍爾屬下厄魯特妻子相失窮困凍餓而死特遣諭招撫今重復降敕爾等若悔前愆俯首向化朕一體加恩撫恤俾各得所爾部下厄魯特亦得妻子完聚咸獲生全朕斷不念爾舊惡况爾部落人內有被我軍所俘其父母妻子尚在爾處不忍分離願歸故土者朕皆恩賚賜之坐騎糧糧即令遣歸使其骨肉完聚其欲內附不願歸者朕皆富貴之各得生養爾部人曼濟重傷為我軍所擒今曼濟言其妻子尚在爾

處因欲告歸朕是以給之恩賞賜以坐騎糧糧使齋敕遣回爾地爾等思尚能自存有能收養爾等之人否其熟籌之今已無所歸爾等可速領餘眾扞誠歸順朕必令爾等家富身榮各遂生養惜此厄魯特如許生靈被爾驅迫至於此極今若不覺悟聽信匪言則後悔莫追矣爾其勿疑勿懼特諭○丙午諭內大臣等歸化城當留一大臣受厄魯特降人完其夫婦給以衣食著散秩大臣宗室永吉侍衛漢楚翰等隨駕至湖灘河朔仍回住歸化城○丁未以郭洪為甘肅巡撫由布政使遷○戊申右衛兵既到 上親視賜食命內大臣索額圖等傳諭曰戎行效力我朝之常朕欲勦滅噶爾丹親統大軍進討噶爾丹望風逃竄遇爾西路之兵遂大敗之爾等乏糧步行而能奮勇敗敵殊為可嘉是以朕親臨賜食盡免爾等所借官庫銀加恩於得傷病故之人眾官兵叩首謝恩歡聲

東華錄

康熙五十八

七

動地○已酉遣使齋敕招撫厄魯特丹津阿拉布坦丹津鄂木布

○庚戌 上駐蹕麗蘇奏 皇太后書曰十月二十七日頒示

慈旨齋到裘服外衣不勝歡欣但此閒河向未凍帳房中不須置火天無風雲時尚暖燠閒或一日思就清涼之處與 皇太后違離遙遠意者念如前此之征行過為榮慮也茲時此衣且不服俟再加嚴寒即歡怵而服之二十八日至黃河此即鄂爾多斯部落謹奏○是月免山西獲鹿等二十七州縣水災額賦有差

十一月甲寅朔厄魯特布達里來降奏稱噶爾丹見存千餘之兵數日來食用困乏天時寒冽潰散逃亡及凍餓而死者甚多又火藥軍器遺亡殆盡其寨桑諾爾布亦即日率眾來降 上命遣布達里赴京○已未 上自喀林拖會渡黃河駐蹕東斯垓時天氣溫暖自喀林拖會東西數里外河水疾流獨我軍濟渡之處冰堅

盈尺 上命軍士等分三路墊土輜重渡河如履平地眾蒙古等咸驚訝云從來黃河自北方寒處凍起如此溫暖河皆不凍獨在中閒結成厚冰不但未見亦所未聞也○庚申以能泰為甘肅布政使由給事中遷○甲子厄魯特諾爾布寨桑來降授以散秩大臣並賜 御用冠服○戊辰京師地震○以甘肅按察使囊吉里所運翁金糧餉遲誤命革職○庚午撫遠大將軍伯費揚古奏王善巴差長史伊伯根來報噶爾丹使所屬格壘沽英等二十人來請納款已知會侍郎滿丕等令親身至厄魯特來人處或有奏章取來驗視如無奏章問明速報 上命議政大臣等速檄大將軍伯費揚古將格壘沽英本身及一僕人撥官一員星速乘驛押來本朝所差厄魯特津巴等如與伊等同至則俱令前來其餘厄魯特暫留枯卜地方如有奏章即著齋至格壘沽英寨桑等如未到伯

東華錄

康熙五十八

七

費揚古處著遣從別路而來毋使窺見營壘亦不得令見伯費揚古○副都統阿南達奏十一月初七日哨卒來報見有飛塵臣率兵往邀其來路因彼已過追至百有餘里於素爾河邊皆拘之係達賴喇嘛使人達爾漢鄂木布青海博碩克圖濟農使人阿爾達爾寨桑彭素克台吉使人寨桑和碩齊又問其所往言我等通問於噶爾丹今自噶爾丹所歸去見有噶爾丹使人與我等同歸查噶爾丹使人喇克巴彭楚克格隆等男婦子女五十餘人噶爾丹族姪顧孟多爾濟及男婦子女三十餘人又卓里克圖等男婦子女十餘人臣親率兵為殿悉押至肅州交鴻臚寺綏黑圖遣達爾漢鄂木布前往外餘俱拘禁肅州候旨其噶爾丹屬託達賴喇嘛照看伊子塞卜騰巴爾珠爾書一併呈奏 上以示議政諸臣○癸酉噶爾丹多爾濟遣使請安 上諭尚書馬齊曰聞厄魯特之

噶爾直多爾濟近日窘乏著於甘肅藩庫內支銀千兩賜之並給來使銀兩○甲戌命撫遠大將軍伯費揚古減從乘驛星速前來商議軍中機務將軍著舒恕暫理○戊寅 上駐蹕東斯垓噶爾丹使人格壘沽英至 上命領侍衛內大臣索額圖尙書馬齊詢之格壘沽英曰我從前貿易來京歸時噶爾丹問 天朝兵勢何如我言進口時見城池甚多各有兵鎮守人皆富足兵之強否雖不得而知但我等在寓時有 聖上親近侍衛名蘇達者來買皮張年甚少而所執之弓甚勁我等俱不能開以我度之斷不宜輕動噶爾丹從此疑我至丹濟拉乃我至親我既投降彼亦必來歸順矣奏入 上召格壘沽英諭曰朕爲天下元后萬國一家喀爾喀厄魯特向皆職貢本朝之國朕初無偏徇喀爾喀土謝圖汗執喀爾喀扎薩克圖汗而殺之又殺爾主噶爾丹之弟其曲實東華錄 康熙五十八 十三

之毋隱格壘沽英叩首奏曰 皇上仁育無私孰不傾心悅服噶爾丹若迷而不悟不歸仁化徒自取滅亡而已○己卯諭議政大臣等天下當以仁感不可徒以威服今朕原無征噶爾丹之意皆噶爾丹所自取且噶爾丹兇暴朕惟待以寬仁噶爾丹奸狡朕惟示以誠信嘗覽經史云惟仁者無敵今噶爾丹窮迫已極遣格壘沽英前來乞憐朕意仍欲撫之諸臣奏曰此真天地好生之心實從古所未有也 上曰古之將帥雖善用兵多戮已降或其身不得善終或子孫不昌此皆好殺之明戒也又古之人主或窮兵黷武好大喜功朕意不然惟願宇宙雍熙四海昇平家給人足各得其生而已格壘沽英可仍遣回○遣噶爾丹使人格壘沽英還命員外郎博什希筆帖式閻壽齋敕偕往敕曰 皇帝敕諭噶爾丹丹濟拉等前者遣察哈代又遣曼濟敕諭爾等如引罪來降則朕並無異視概爲矜恤務使得所爾屬下厄魯特亦得見其妻子朕斷不念爾等過惡當詳計之有能收養爾等之人否今已無所歸矣爾等率其所餘厄魯特作速來降朕必使爾等富貴各得其所今若仍不悔悟聽信匪人之言後悔難追毋疑毋懼亦已明白開諭汝等矣今爾噶爾丹丹濟拉又遣格壘沽英來奏曰蒙大沛恩綸不勝懼悚意必大加恩恤故遣格壘沽英覆奏朕以諸事詳諭格壘沽英遣之歸去前二次遣諭汝等敕內開載甚明但遵前旨速降之外更無別旨爲此特差員外博什希筆帖式閻壽齋敕前往特諭 上又諭格壘沽英曰爾還語噶爾丹令其親身來降否則朕必往討朕在此地行獵待爾限七十日內還報如過此期朕即進兵矣正立限遣發之時包衣大達都虎奏曰 御用米糧將盡矣 上怒曰達都虎搖惑眾心可斬也如糧盡則取湖灘河朔

之米何慮之有糧雖盡朕必嚼雪窮追斷不回師宣諭後又將往幸邁達禮廟遣鄉導修路於時諸軍皆不喻既遣格墨沽英復使人隨之出二十里外上遂傳令班師眾皆大悅○辛巳以熊一瀟為左副都御史由大理寺卿遷格爾特為甘肅按察使由御史遷○壬午封厄魯特巴圖爾額爾克濟農為多羅貝勒

十二月甲申撫遠大將軍伯費揚古來自軍中上命入行宮與語良久續召議政諸臣前諭曰朕謂噶爾丹乃熟於戰陣之狡寇滅之必需時日孰意一戰立至敗亡前者伯費揚古曾奏西路兵四月二十四日可至土喇二十七日可至巴顏烏蘭故朕即統軍前進後杳無聲息在察罕布拉克待之數日若果西路兵如期而至兩路夾攻則噶爾丹之兵一人亦不能脫矣其時諸臣尚欲待之於拖陵朕計西路兵將到土喇朕軍不可不前遂統軍疾進雖

東華錄

康熙五十八

五

噶爾丹懾我軍威潰遁而西路以疲困之眾遇敵戰勝勢如破竹實為可嘉伯費揚古奏曰臣軍中機務皆謹遵皇上指授手書密諭而行並未別出意見有所效力况西路兵已糧匱馬乏不能前進及聞駕至克魯倫官兵無不奮發齊言皇上出自深宮尚且先至敵境我等敢不冒死前進故不俟督催奮勇克敵噶爾丹之破敗皆聖謨神武之所致奈臣庸劣以皇上窮追困蹙之寇不能生擒以獻實臣罪也上顧伯費揚古曰噶爾丹被我軍擊敗後散者散降者降故朕復親臨塞外欲相機而行今觀陸續降人及格墨沽英之言噶爾丹窮蹙是實朕意不忍悉加屠戮不如撫而活之故於爾未至之前朕即降旨招降伯費揚古奏曰聖意迥出非常真天地好生之仁也○厄魯特車陵伊拉古克三胡土克圖遣使投誠命理藩院檄諭招撫之○乙酉上駐

蹕湖灘河朔之南以御佩囊韃弓矢等物賜大將軍伯費揚古遣赴大軍○己丑諭戶部朕惟治天下之要惟以安民生為急願欲安民生必除寇虐欲除寇虐必事師旅方今寰宇昇平人咸樂業獨厄魯特噶爾丹狂逞邊塞荼毒生靈朕統軍出邊相機剿撫茲回蹕雲中深軫民力之艱用沛特恩以示寬恤康熙三十六年大同府屬州縣衛所應徵地丁銀米著全與蠲免俟噶爾丹殄滅之後朕自誕布德音渙敷庶澤爾部即行文該撫通行曉諭俾咸悉朕惠愛黎元至意○辛卯諭大學士阿蘭泰山西巡撫溫保丁憂員缺著將內閣學士倭倫升補溫保居官不善可傳諭倭倫毋效伊所為著即赴任○哈密回子額貝都拉達爾漢白克遣使奏若噶爾丹來臣等相機竭力擒之若聞聲息陸續奏聞上以其誠心內附特賜蟒袍貂帽金帶等物○戊戌以蕭永藻為廣東

東華錄

康熙五十八

六

巡撫由順天府尹遷○己亥青海額爾德尼台吉納木扎爾奏請給黃草灘地方捕獵遊牧上以黃草灘已屬內地不准給○辛丑詔五城粥廠展限兩月○壬寅上還京師○以席爾登為內閣學士由翰林院侍讀學士遷○癸卯諭領侍衛內大臣大學士等朕此次出師察獲回國王阿卜都里什特子孫及阿爾虎里白克等妻子今即速遣還之可馳諭川陝總督令回國王阿卜都里什特暫止還國俟伊等眷屬到時令其完聚偕往○庚戌諭戶部頃因有事西陲不得已而煩民力甘肅所屬沿邊州縣衛所適當師行要道供億繁多間閭勞苦朕心深用軫念其明年地丁銀米悉予蠲免○是月免江南上元等三縣水災額賦有差○是歲朝鮮來貢○人丁戶口二千四十一萬三百八十二田地山蕩畦地五百九十八萬六千四百五十四頃六十七畝有奇徵銀二千七百三十九

萬七千四百二十四兩有奇米豆麥六百九十六萬八千一百三十二石有奇草二百八萬一千六百一十二束茶十五萬七千四百五十三引行鹽四百三十一萬九千三百七十引徵課銀二百六十九萬五千二百八十二兩有奇鑄錢二萬三千七百六萬三千五百有奇

東華錄

康熙五十八

七

東華錄

康熙五十九

臣王先謙敬編

臣周澗蕃恭校

康熙三十六年丁丑春正月乙卯諭理藩院尚書班迪等今觀噶爾丹勢甚窮蹙天與不取坐失事機應撥兵豫備令次出兵亦分爲兩路兵各三千名此兩路兵不必豫定期約令相機而行綠旗營派兵從少馬則從多方可與滿兵同行米則照常隨行外沿邊有牛羊可買者動支正項錢糧每路各買牛羊二萬發去於軍資大有裨益至運米以馬駝爲要亦當多備須選能員往甘州甯夏採買○丙辰 上幸南苑行圍○丁巳 上還宮○戊辰副都統阿南達奏臣欽遵 皇上密旨傳諭哈密額貝杜拉達爾漢白克遣其子郭帕白克率兵於巴爾思庫爾地方擒逆賊噶爾丹之子東華錄 康熙五十九 十 塞卜騰巴爾珠爾及徽特和碩齊等解至臣軍前○己巳諭原任勇略將軍趙良棟頃尙書馬齊自甯夏回奏卿臥病不能動履用是深軫朕懷特賜人蔭鹿尾馳示存問尙其善加調攝俾夙疾頓痊副朕眷注至意○甲戌諭大學士等觀九卿凡保舉人員非係師友卽屬親戚是皆漢人相沿惡習天下官員朕一人何能周知惟左右大臣是賴誠善者善而惡者惡據實敷陳則善者勸而惡者懲矣國家事安有不理者乎況科道乃耳目之官如總兵卓策柯彩許盛居官最爲貪鄙朕聞其軍民皆怨乃爲懲治前此科道官曾有奏參者否爾等以朕旨宣諭儻後仍蹈前轍必不寬貸又諭朕向會諭近侍曰溫保改行矣及巡歷山西觀通省無一好官巡撫溫保迎至邊外觀其動作無一善狀卽保舉之員亦無一人可用似此則人皆不可信矣○諭大學士等觀明史洪武永樂所

行之事遠邁前王我朝見行事例因之而行者甚多且明代無女
后豫政以臣陵君等事但其末季壞於宦官耳且元人譏宋明復
譏元朕並不似前人輒譏亡國也惟從公論耳今編纂明史著將
此諭增入修明史敕書內○調安布祿為理藩院右侍郎由吏○
丙子命領侍衛內大臣馬思喀為昭武將軍往甯夏○轉阿爾拜
為吏部左侍郎調陶岱為吏部右侍郎轉庸愛為戶部左侍郎以
貝和諾為戶部右侍郎由吏○子故左副都御史黃裴祭葬
○是月免江南淮揚徐三府州去年水災額賦

二月壬午朔欽天監豫奏日食分數 上諭大學士等日食雖人
可豫算然自古帝王皆因此而戒懼蓋所以做天變修人事也若
庸主則委諸氣數矣去年水潦地震今又日食意必陰盛所致豈
可謂無與於人事乎可諭九卿如有人事應修改者悉以奏聞○
東華錄 康熙五十九

以王毓賢為貴州布政使由湖北按察使遷 ○癸未調哈山為左副都御
史由內閣學士遷以黃茂為內閣學士由通政使遷 ○甲申召督運左都御史
于成龍等問曰爾等何日起程于成龍奏俟效力運米官齊集同
行 上曰爾此意即謬矣人臣宜以國事為重勤勉自效豈可援
引朋類當此軍務緊急爾宜率先啟行餘令陸續隨往若必俟同
行豈不誤事爾自任巡撫及為總河惟知援引私人其後運米亦
仍如此爾在河工會帶二百餘人前往迄今未用一人欲任意援
引得乎爾又云甯殺于成龍至效力人等不可不用此語豈非沽
名干譽之意乎朕已屢加嚴飭爾竟不悛何也朕於國家之事未
嘗膠執己見惟虛己以視機宜即用兵之道亦復如是一日之中
千變萬化朕統大兵至克魯倫時亦視賊之形勢隨機而應並不
豫立己見論語云毋意毋必毋固毋我聖人之言至當不易爾惟

執己見前此運米已因待眾誤事今又欲俟眾同行此意不過欲
扶助黨類令其感激耳用人之權豈人臣所得專擅朕今用人若
有保舉官員亦必就中論俸升補即素所深知者亦視其效力之
處酌量用之否則俱使論俸朕乃天下之主用人之際尚不肯任
意為人臣者乃妄意自擅可乎大抵欲援助人者後必自己獲罪
爾其戒之○乙酉諭吏部都察院國家設立都御史及科道官員
以建白為專責所以達下情而祛壅蔽職任至重使言官果能奉
法秉公實心盡職則閭閻疾苦咸得上聞官吏貪邪皆可釐剔故
廣開言路為圖治第一要務近時言官條奏參劾章奏寥寥雖聞
有人告而深切時政從實直陳者甚少此豈委任言路之初旨乎
自今以後凡事關國計民生及吏治臧否但有確見即應指陳其
所言可行與否裁酌自在朝廷雖言有不當言官亦不坐罪自皇

東華錄 康熙五十九 三
子諸王及內外大臣官員有所為貪虐不法並交相比附傾軋黨
援理應糾舉之事務必大破情面據實指參勿得畏怯貴要瞻徇
容隱即朕躬有失亦宜進言朕決不加責其有懷挾偏私借端傾
陷者朕因言察情隱微自能洞悉凡屬言官尚各精白乃心力矢
忠諫以無負朕殷切責望至意○吏部遵旨將起復原任科道蘇
俊等五員職名開列啟奏 上曰科道職司耳目年來並無一人
陳奏故朕將見任言官嚴飭又將伊等起復言路必大開矣此後
條奏內如果可行即批准行否則俱批知道了若一概交部議覆
必多更張成例之弊况朕令其陳言原欲聞軍國要務如但以浮
詞細故塞責陳奏殊非朕求言本意○丁亥 上親征噶爾丹啟
鑾是日師次昌平州○副都統阿南達奏自哈密擒獲厄魯特土
克齊哈什哈並其妻子女共四口由驛遞解京命議政大臣議奏

尋議土克齊哈什哈係害使臣馬迪之首犯相應將土克齊哈什哈並其子扎卜立決其妻女給馬迪之家爲奴得旨土克齊哈什哈之子扎卜著免死亦給馬迪之家爲奴餘依議○諭大學士伊桑阿據員外郎阿爾必特粘奏達賴喇嘛另有一疏並口奏三語據來使尼麻唐胡土克圖云達賴喇嘛第巴會屬不得妄與他人俟見聖上方許呈覽今朕親臨邊境著阿爾必特粘將尼麻唐胡土克圖及卓爾磨隆堪布減其從役馳驛帶來○己丑奉差達賴喇嘛理藩院主事保住回至莊浪奏臣於十一月二十二日到烏斯藏奉 聖旨一一曉諭第巴第巴奏言臣庸流末品蒙 皇上俯念達賴喇嘛優封臣爲土伯特國王臣正思仰答 皇恩焉敢違 聖旨而附逆賊噶爾丹乎況臣之榮顯安樂皆 皇上所賜臣苟背 皇上而向他人必當壽數夭折總之謹遵 聖旨而外更無異詞至 上諭四事第巴回奏云 皇上聖明先知達賴喇嘛明歲出定遣兩喇嘛前來議認臣心甚喜溫春喇嘛向與達賴喇嘛同居十年令伊識認自能立辨此兩喇嘛俟至達賴喇嘛出定驗明回奏其時眾疑自釋至前者 皇上遣內齊陀音胡土克圖等召班禪胡土克圖時自達賴喇嘛及臣等皆遣使勸令赴京彼初亦願往後因來使口出恫喝過激之言遂云不往迨使臣歸後噶爾丹之使始至並不借噶爾丹巧辯即班禪胡土克圖亦豈肯聽噶爾丹之言乎 皇上必欲班禪赴京臣焉敢違旨當啟聞達賴喇嘛必諭令班禪約定赴京之年交後去之喇嘛晉巴扎木素奏明其時作何加恩遣使總祈 睿鑒至濟隆胡土克圖於烏闌布通之役不遵 聖旨致事未成反在噶爾丹處與尙書阿喇尼交戰後憊懣噶爾丹賀之以白首帕故臣籍沒其家產遷之於

東華錄

康熙五十九

四

東華錄

康熙五十九

五

喀木地方今欲遣之與欽差赴京所在遠遠往返須兩三月恐爲日遲久在 皇上好生之心於濟隆胡土克圖必不加誅罰臣當委婉引來與晉巴扎木素同往以副 聖意至博碩克圖濟農與噶爾丹結姻之事在喀爾喀厄魯特未交惡之前阿奴尙在策妄阿喇布坦之際即已結姻其餘臣雖不敢保而青海八台吉俱達賴喇嘛弟子但願爲 皇上效力並無二心可保其不背 皇上也 皇上仁愛天下黎民有如赤子噶爾丹之女已嫁博碩克圖濟農之子免送京師不至夫婦離散此臣所禱而求之者也我土伯特人不諳禮法止以無知獲罪臣未嘗知而故犯也即有無知之罪乞欽差奏明 皇上伏祈寬宥仍賜溫旨等語遂於十二月初十日以覆奏本章交臣起程而歸臣今至莊浪先將第巴奏答情由具本由驛遞馳奏外其第巴覆奏並賀滅噶爾丹表使人囊素禁柰臣親身隨後帶來京喇嘛晉巴扎木素等奏言前者奉旨謂臣等二人素識達賴喇嘛著驗明回奏而第巴又謂達賴喇嘛前身見在是實爾等可看明回奏竊思 皇上遣委之事尙未明晰如何可棄之而去是以臣公議將給達賴喇嘛敕書賞資諸物不會頒給俟達賴喇嘛出定時驗明再歸復命故特留此 上報聞且以示議政諸臣○癸巳諭議政大臣等前旣陣斬噶爾丹之妻阿奴喀屯今又生擒其子賊之本根已斬噶爾丹雖各處偷生其年老邁能延幾何其子爲我所獲是乃天之所賜也凡用兵之道要在乘機噶爾丹窮迫已極宜乘此際速行勦滅斷不可緩朕今親臨甯夏相度機宜調遣軍士賊聞之必魂魄俱喪其部屬亦必張皇而別部蒙古聞朕親臨甯夏各欲建功扼噶爾丹而圖之彼若不自盡亦必爲人擒獻克成大事正在此舉又諭朕親歷

行間塞外情形知之甚悉自古以來所謂難以用兵者是也其地不毛間或無水至瀚海等砂磧地方運糧尤苦而雨水之際樵爨頗難區畫不周豈可妄動朕今親臨甯夏凡有可用兵之地必詳察行道水草全備馬駝糧糗等物然後起程稍有可疑雖諸臣勸行朕亦不允也○丁酉諭大臣等著傳旨與貝勒松阿喇布今噶爾丹已將成擒其子塞卜騰巴爾珠爾已被獲近聞噶爾丹在薩克薩特呼里克之南格隔特哈朗古特地方眾僅四五百人又青海諸台吉俱降見有人來請安朕今親臨甯夏著將右翼三旗貝勒公台吉等兵共派二千以備調遣爾蒙古裝載橐駝監管收放素能習練可豫備以待俟朕到甯夏應從何路前進俟旨行著侍衛綽克圖前去傳諭左翼王貝勒貝子公台吉毋以朕往甯夏問道前來請安爾等有能效力者往貝勒松阿喇布處伺候以聽指

東華錄 康熙五十九 六

揮○戊戌 上駐蹕大同詔祭所過帝王陵寢先賢墳墓名山大川○辛丑以高緝齋為湖北按察使由山東登萊道遷○壬寅奉差達賴喇嘛理藩院主事保住回至 御營以第巴疏陳奏 上以示議政大臣等曰第巴之疏爾等意以為何如議政大臣等奏曰第巴差尼麻唐胡土克圖回奏今尚未到應俟伊到日再行議奏 上曰朕意與爾等之意不同朕閱經史塞外蒙古多與中國抗衡溯自漢唐宋至明歷代俱被其害而克宣威蒙古並令歸心如我朝者未之有也夫兵者凶器聖人不得已而用之譬之人身瘡瘍方用鍼灸若肌膚無恙而妄尋苦楚可乎治天下之道亦然亂則聲討治則撫綏理之自然也自古以來好勤遠略者國家元氣罔不虧損是以朕意惟以不生事為貴達賴喇嘛蒙古等尊之如佛第巴者即達賴喇嘛理事之人噶爾丹叛逆皆第巴之故因朕遣主

事保住嚴頒諭旨第巴悚懼悉遵朕諭奏辭甚恭自陳乞憐畏罪矢誓此亦敬謹之至矣至達賴喇嘛身故朕已悉知今第巴云遣尼麻唐胡土克圖前來代彼密陳其情想尼麻唐胡土克圖到後必奏明達賴喇嘛已經身故懇朕為伊等掩飾達賴喇嘛與我朝交往六十餘年並未有隙第巴既如此奏懇事亦可行即此可以寬宥其罪允其所請第巴必感恩而眾蒙古亦歡悅矣諸臣奏曰聖算至神非臣等所及○丁未 上駐蹕李家溝先是鄉導官言李家溝無水及行至河曲縣界見渠中有水問之鄉人云水至兩三日矣 上既駐蹕水忽從山溝湧出頃刻長至二三尺而城河人馬資用不竭鄉人聚觀咸敬異云此地無大水今因 聖主臨幸所以山川效靈百神助順從此可為永遠之利矣○戊申 上駐蹕輦駟村是日途次山嶺險峻從人輻重難行 上親督

東華錄 康熙五十九 七

近侍協助俟其過盡然後啟行先是尚書馬齊設驛派程奏輦駟村僅二井水少從人皆以乏水為慮 上甫至行宮南山之下見有水痕眾趨視之地中各處湧泉頃刻流溢眾咸歡呼曰昨言水少水即驟至今言水少甘泉又復湧出如此神異誠 天之所以佑 聖主也○諭山西巡撫倭倫朕撫御區宇念切民依故不憚勤勞親歷邊境惟孳孳以靖寇安民為急茲簡約扈從人員從大同一路緣邊地方進指甯夏因徧察閭閻生聚及土壤肥瘠收穫豐歉之狀邊民生計維艱朕心深用軫惻雖一切供御之物纖毫不以累民而乘輿臨幸宜特敷麻澤以示恩恤除大同額賦已有諭旨豁免外其經過岢嵐州河曲縣保德州所屬地方並各衛所康熙三十六年應徵地丁銀米通予蠲免爾即行令該管官吏張示徧諭務俾窮鄉僻壤均霑實惠以稱朕撫育黎民至意○己酉

諭山西巡撫倭倫爾居官好家計亦貧特賜爾御用貂服一襲
朕理政事日以民生爲念爾能以朕如保赤子之心保民卽所以
報朕也爾其識之

三月癸丑 皇子允禮生○甲寅 上駐蹕卞家水口撫遠大將
軍伯費揚古奏厄魯特多爾濟等挈妻子駝馬來降○乙卯副都
統阿南達遣護軍校阿奇納等解噶爾丹之子塞卜騰巴爾珠爾
至 上命侍衛引之入見塞卜騰巴爾珠爾伏地不敢仰視 上
問曰爾父噶爾丹窮困已極降乎否耶塞卜騰巴爾珠爾惶恐奏
曰臣穉子無知想 皇上天威自必降也問以他事皆戰慄不能
對隨遣送塞卜騰巴爾珠爾等至京師命 皇太子傳諭諸王內
大臣及八旗大小官員兵民人等閱視交理藩院拘禁○丙辰

上渡屈野河駐蹕○賜哈密額貝杜拉達爾漢白克及伊子郭帕
東華錄 康熙五十九 八

白克等金幣衣服○丁巳議政大臣等議覆哈密額貝杜拉達爾
漢白克奏臣遣子郭帕白克擒噶爾丹子塞卜騰巴爾珠爾必爲
四部厄魯特所仇其中左翼之怨尤深臣哈密微弱所尤懼者策
妄阿喇布坦也請敕理藩院移文青海諸台吉及策妄阿喇布坦
諭以哈密旣已歸誠勿得侵擾應如所請從之○廣東巡撫高承
爵丁憂命回旗守制○昭武將軍馬思喀奏原任勇略將軍趙良
棟病卒 上召隨駕總兵官白斌等諭曰趙良棟偉男子也行間
著有勞績但性躁心窄每與人不合有時奏事朕前亦言語粗率
朕保全功臣始終容之後有疾朕嘗遣賜藥食彼所奏無不准行
此特欲有疾者喜悅而速愈耳今聞奄逝朕殊爲惻然聞趙良棟
存日與總兵官王化行不相能朕至甯夏務爲其妻子區處使之
安生斷不使受害於其仇也○厄魯特達喇什等率眾來降○辛

酉 上駐蹕榆林○壬戌 上出邊駐蹕他喇布拉克○諭議政

大臣等凡調遣外藩兵馬之事俱已交大將軍伯費揚古如皆請
旨而行則有倉卒軍機必致遲誤嗣後俱聽大將軍便宜調遣○
飭沿邊衛堡如州縣例備積貯○甲子阿南達奏據噶爾丹多爾
濟遣其寨桑阿好來報云我舊屬多爾濟阿兒達爾哈什哈等六
口於去年十二月內來言我等貧不能存去歲八月辭噶爾丹欲
往舊主噶爾丹多爾濟處噶爾丹云汝去吾不汝阻卽在吾左右
不能養汝汝到彼可語噶爾丹多爾濟曰汝姐阿奴在日言我必
以女鍾齊海嫁噶爾丹多爾濟我已允之矣今汝姐已歿此女或
娶或不娶唯汝裁之其言如是我非欲娶此女但以其爲噶爾丹
屬我屬下人之言故今相告耳爲此奏聞 上以示議政諸臣○
戊辰恭奏 皇太后書曰本月十六日駐營鄂爾多斯之境同噶

東華錄 康熙五十九 九

拉克水泊 皇太后慈旨以臣生日賜金銀茶壺二執齋到臣權
忭拜受仰惟 母后於二千里之外常爲思念寄以如許之物臣
非不知榮懷之切也去年出塞自春中之月至夏之中自秋杪之
月至冬之末今復春將盡矣遠在原野不克侍左右而問安者亦
止爲此一噶爾丹耳今賊子就擒其下離散乘此之時不可不盡
去其根株臣至甯夏相機會而行爲此謝恩謹奏○甯夏總兵官
王化行迎 駕並奏請 皇上行圍花馬池以觀軍容 上曰朕
行軍二次深悉軍情今噶爾丹未滅馬匹關繫緊要甯夏兵來花
馬池往來須七八日馬必疲乏夫獵細事耳以擒獲噶爾丹爲急
今罷獵而休養馬匹以獵噶爾丹何如爾速遣人傳諭所屬官兵
勿來花馬池俟朕至甯夏閒暇之日閱爾軍容○庚午尼麻唐胡
土克圖等至行在以第巴奏章密奏 上隨將彼奏章及所獻達

賴喇嘛之像於原封之外面同伊等加封押以鈐記而諭之曰朕數年來久知達賴喇嘛已故若達賴喇嘛尚存則僧巴陳布胡土克圖噶爾丹西勒圖齊七克達賴堪布濟隆胡土克圖等斷不如此妄行喀爾喀厄魯特亦不至破壞故朕降旨切責之今第巴輸誠吐實密以奏朕朕亦為之密藏也○辛未 上駐蹕花馬池○諭領侍衛內大臣索額圖內大臣明珠大學士伊桑阿前者朕以達賴喇嘛身故已久第巴隱之附和噶爾丹行事故差保住嚴詰第巴豫料第巴必自陳達賴喇嘛已故乞為彼隱諱向亦曾與爾等言之今彼差尼麻唐胡土克圖至果密奏達賴喇嘛身故已十六年再生之小達賴喇嘛已十五年乞皇上暫隱之勿聞於眾與朕昔語爾等之言略無少異又諭保住尚有未完之事著與尼麻唐胡土克圖同往○壬申理藩院奏尼麻唐胡土克圖羅卜臧凱東華錄 康熙五十九 十 尊囊素等齋到達賴汗慶賀擊敗噶爾丹一疏及第巴二疏並所獻禮物請旨 上以第巴二疏命議政大臣等議奏尋議覆第巴奏達賴喇嘛避忌坐禪丑年出定今尼麻唐胡土克圖密奏已奉 聖諭應不議外又奏言蒙召班禪胡土克圖今當遵旨問明班禪胡土克圖或即令赴京或另日前往定議再奏應令將班禪胡土克圖赴京年月徐徐定議具奏又言請嗣後拘解濟隆胡土克圖伏乞 皇上留其身命但濟隆胡土克圖係達賴喇嘛遣和喀爾喀厄魯特之人乃竟不知勸解反導噶爾丹入境與我軍交戰情罪可惡前已有旨不誅濟隆胡土克圖然務必解送來京又言噶爾丹女或令離異與否伏候 聖裁噶爾丹抗 君逆賊其女斷不得留於青海務令解送來京又言臣以無知或有違 聖意之事伏乞寬宥今當謹遵 聖旨竭力自效祈俯念達賴喇嘛錫

以溫綸應如所請遣使頒諭從之○癸酉 上駐蹕興武營救振武將軍孫思克速自甘州進剿○丙子 上自橫城渡河○諭大學士等趙良棟乃為國宣力建功之人不必以其躁急性褊為意今已身故來朝經過其門欲遣皇長子及部院諸臣往視致祭一次陳福曾為國效力適至此地亦致祭一次○丁丑 上駐蹕甯夏察卹昭莫多翁金陣亡弁兵○庚辰 上閱練旗兵率諸皇子及侍衛等射賜總兵官以下及官兵等宴遣近侍以 御用之物均賜戰士○撫遠大將軍伯費揚古奏報出使噶爾丹之員外郎博什希筆帖式闡壽同噶爾丹使人喇木扎卜丹濟拉使人羅卜臧等並格壘沽英及其妻子十三口俱到邊哨先以博什希奏摺驛送進呈博什希等奏摺云正月二十九日距噶爾丹所居薩克薩特呼里克以內二日之程抵台吉吳思塔處止臣等母前次日東華錄 康熙五十九 十一 格壘沽英往告噶爾丹二月初二日噶爾丹使綽什希巴圖爾來先領 敕書十四日綽什希巴圖爾來請相見次日日落時噶爾丹至野外坐巖上令臣等遠坐使二人夾臣膝坐兩旁不令近前迭相傳語噶爾丹曰我聞 皇上沛此恩綸不勝欣藉自今 聖上凡有所諭惟遵 旨以行而已我之言已在奏內我之意已語我使人使人到日當口奏也語畢乘馬而去丹濟拉遣其下常達里來言蒙 聖恩口授格壘沽英以諭臣之 旨奈噶爾丹疑臣不復差遣臣是以將中心欲奏之言俱告之格壘沽英矣今不便請欽差相見是日綽什希巴圖爾率拉木扎卜來云昨派格壘沽英為使彼挈其妻子潛逃是以另派拉木扎卜代之奏疏及一應言語俱在使人臣博什希等於二十五日自薩克薩特呼里克起程途遇自京前去之察哈代言我與吳爾占扎卜之母達爾扎哈

什哈之妻子同行至中途被劫將吳爾占扎卜之母等劫去我奉
敕書步行已授噶爾丹吳爾占扎卜之母等遇噶爾丹屬下阿
爾拜家人送噶爾丹處已交還吳爾占扎卜矣其達爾扎哈什哈
之妻子家人亦交吳爾占扎卜暫養又途遇自京前去之曼濟言
我於正月初二日見噶爾丹授以 敕書噶爾丹問 聖上之兵
如何我對曰不知其數兵甚多並言丹巴哈什察罕什達爾哈
什哈已授職爲內大臣在京沙克珠木亦爲內大臣隨 駕而行
眾厄魯特俱加愛養有離散之人各處尋覓 皇上親視配合噶
爾丹默然無言一日噶爾丹至諾顏格隆家丹濟拉阿巴吳爾占
扎卜俱在坐飲酒吳爾占扎卜謂噶爾丹曰我輩自去年冬以薩
克薩特呼里克獸多故居於此今獸已駭散矣如往降 聖上則
往近之如不降當另圖一策首鼠兩端而待斃乎且爾欲扶法門
東華錄 康熙五十九 五
之教致四厄魯特七旗喀爾喀已略盡矣爾國已破父子夫妻離
散究無補於法門之教反造罪孽而已噶爾丹默無一言所有人
丁共三百餘其他俱各捕獵遠去馬甚少膳甚瘦視噶爾丹情狀
大約不降丹濟拉有欲降之意又吳爾占扎卜之母歸謂噶爾丹
彼國大兵多富而且盛 中華皇帝乃活佛也敵人母子遣使完
聚爾等從前亦曾聞有是否其餘非常之舉言之不盡阿旺丹津
言奉 旨差我使於伊拉古克三胡土克圖故不往噶爾丹所居
地方又不知伊拉古克三胡土克圖所在是以與曼濟同歸於是
帶諸人同行三月初九日至哈密圖布拉克地方遇格壘沽英言
我見噶爾丹述 中華皇帝口傳之旨云爾以追喀爾喀之故而
來犯我爾之理曲我之理直故天祐我而擊敗爾爾雖爲我敵而
朕不以擊敗爾爲喜爾今無所往矣此天下之君無大於朕者如

倚朕爲生必得生路爾果來歸朕則寬爾之罪寵榮養育爾雖欲
不降朕豈於爾漫然而已乎宣諭畢噶爾丹默然無語問我曰
中華皇帝大略何如我對曰爾降則不奪爾汗號待以寵榮使眾
人咸得生路丹濟拉引我於無人之地問曰 中華皇帝亦道及
我乎我言 中華皇帝不時向我言爾丹濟拉貌偉材長丹濟拉
言我曾謂噶爾丹當降已一二次而不聽吾言其狀亦疑我爾試
言之如降則我爲使而往視丹濟拉情狀有欲降之意我在噶爾
丹處六日亦自竭力勸諭而噶爾丹實無降意仍遣我同使我思
噶爾丹一無實意而我又充使來詎可乎是以攜我妻子六十餘
口馬百餘匹橐駝四十餘頭來歸 聖上及到什魯特地方伊拉
古克三胡土克圖親率百餘人猝然掩至我身及妻三子一幼孫
共十三口帶馬三匹橐駝一頭而出我媳及其餘人馬駝什物俱
東華錄 康熙五十九 五
被劫去我右肩背下洞中烏槍傷臣今帶格壘沽英及其子吳巴
什察哈代曼濟等分作二起星馳前來爲此謹奏 上諭議政大
臣等博什希等已歸至邊哨先具本奏言格壘沽英攜其妻子來
降噶爾丹亦遣使來俟伊等到時問明噶爾丹或降或他去方可
進兵今速檄孫思克博齊止其進兵俟事明檄知而行○遣理藩
院主事保住署主事薩哈連齋敕往諭第巴偕尼麻唐胡土克圖
同行敕曰朕臨御天下統理萬邦溥播仁恩懲創亂逆其誠心恭
順者必加獎賚馬爾布特達阿卜地前與噶爾丹同謀凡事必徇
厄魯特而行濟隆胡土克圖敗乃公事爾堅留不遣其時朕謂達
賴喇嘛若在斷不至此故嚴詰責茲爾奏言 聖上嚴旨下頒心
甚憂懼今惟欽遵 聖諭隨力報效儻軫念達賴喇嘛乞降溫綸
諄切奏請爾既知過引罪朕豈不念達賴喇嘛通使修禮歷有年

所乎且朕若不加眷恤爾土伯特國豈得安其生耶其濟隆胡土克圖乃達賴喇嘛所特遣以結喀爾喀厄魯特之好者也彼竟不使喀爾喀厄魯特和好反導厄魯特入我境內與我軍交戰情罪甚爲可惡務必擒解彼之身命朕俱准爾所請寬而宥之其班禪胡土克圖應於何年月日來朝爾從容定期具奏至噶爾丹與朕抗我師大克之兇惡逆賊情罪重大其女斷不許留於青海爾必解來若不解送則罪歸於爾矣如噶爾丹果悔罪來歸其時另有處分今尼麻唐胡土克圖至將爾奏請之言俱已密奏朕前朕亦密有諭旨朕之素懷惟願率土之人咸躋雍和共享安樂斷不容摘發陰私傾人家國嗣後爾宜益加恭順勿違朕旨朕盡貸爾前罪嘉惠如初如此則爾土人民大蒙利賴爾之榮貴可獲長享矣爲此特遣正使理藩院主事保住副使署主事薩哈連以降敕例

東華錄

康熙五十九

五

賜幣六端保住等請訓 上諭爾等到後待第巴勿如從前舉動宜加和婉授救畢爾等仍前作禮進幣但謂第巴曰 皇上統領大兵已臨甯夏因前事四款爾皆遵旨 皇上下悅故不進兵至爾尼麻唐胡土克圖來密陳達賴喇嘛出定之事 上皆知之矣亦有密旨諭尼麻唐胡土克圖矣此事除 皇上與尼麻唐胡土克圖卓爾磨隆堪布及御前侍衛拉錫四人外餘皆不知也自此以後 皇上一應諭旨爾惟敬奉而行則 皇上愈眷顧爾矣況達賴喇嘛講信修禮已歷六十年有不念及者乎且謂爾務使諦穆胡土克圖與我等同赴京 上將使之誦經如服水土則令駐錫如不相宜亦即遣還較尼麻唐胡土克圖更加優待再口宣旨云噶爾丹之子及其屬下大臣以至部伍 皇上俱收而納之矣至爾等前往可於扎什巴圖爾台吉處取詣地里之鄉導而去既

到西方歸來之時可於第巴處取驛馬乘歸上項事情爾等備文用部印帶往至喇嘛津巴扎木素等爾等即攜之而歸

閏三月辛巳朔日有食之○先是尼麻唐胡土克圖以第巴語密奏達賴喇嘛沒已十六年小達賴喇嘛生今年十五因欲俟相合年歲始聞之 天朝皇帝及眾施主故定於今年十月二十五日方出定放參若於他處俱令以達賴喇嘛出定相告未嘗明悉其故 上以第巴既輸誠密奏亦暫爲祕之欲俟十月初旬宣示內外四十九旗及喀爾喀諸處至是奉使策妄阿喇布坦處司務英古歸奏云臣齋部文至策妄阿喇布坦所彼大喜即遵旨領兵來勦噶爾丹行二十程至薩克薩特呼里克有達賴喇嘛使人達爾濟厄木齊來言達賴喇嘛身故已十有六年小達賴喇嘛已十五歲爾等各居其地不得興兵策妄阿喇布坦遂按兵而退臣知其不能復行亦還達賴喇嘛已故西北諸人皆已聞之又副都統阿南達奏噶爾丹多爾濟遣人來告達賴喇嘛第巴遣人致書於我云諭青海諸首領俱於正月二十八日在察罕托落海地方會盟繕修器械可令爾屬下人亦繕修器械務如期必到盟會之地我以向不與彼盟會是以不往 上命議政大臣等集議尋議覆第巴無故令青海諸台吉繕修器械又約從來未與盟會之噶爾丹多爾濟其意叵測且策妄阿喇布坦親領兵往勦噶爾丹之時第巴遣人撤回以此觀之第巴仍黨噶爾丹而誑我其迹顯然恐第巴以彼所居遠遠謂我不知其詭計應令所司詳列此情令尼麻唐胡土克圖及主事保住等詢明第巴來奏從之○乙酉召回奉使第巴主事保住等至 上諭之曰朕遣爾等傳致第巴敕文及口諭俱無庸更改但以第巴致書於噶爾丹多爾濟及差人阻止

東華錄

康熙五十九

五

策妄阿喇布坦之兵又英古歸奏達賴喇嘛身故之事俱已傳播是以追回爾等問之尼麻唐又第巴所獻達賴喇嘛像及奏章朕於原封上在伊等前加封今著此地諸喇嘛同尼麻唐拆視乃泥塑達賴喇嘛之像其頭已斷此項情由爾等可宣問第巴並將轉生之小達賴喇嘛看明回奏達賴喇嘛身故策妄阿喇布坦諸人已悉聞之可將此項始末凡途中所遇之人皆曉諭之○以劉標為雲南布政使由湖南按察使遷○己丑 上召四川陝西總督吳赫西安副都統阿蘭台甯夏總兵官王化行原任總兵官王潮海馮德昌及副將道員等諭曰朕往者未嘗臨邊不獲目覩邊地之苦今巡行至此視沿邊地方土瘠民貧但兵丁甚精銳黃河以西榆林一帶比他處實勝然兵即良如不善撫綏而困苦之則兵雖良無用也善撫綏者但將其應得錢糧如數支給即是養兵之道若不用也善撫綏者但將其應得錢糧如數支給即是養兵之道若不用也

東華錄 **康熙五十九** **六**
知撫恤雖多給國帑兵丁斷不能需實惠爾等武臣多出身行伍一旦居官頓忘在昔為兵之苦而扣剋糧餉於心何忍今雖末員當計日後漸臻大任可不存心愛惜兵丁乎朕又聞營中虛懸兵數冒食錢糧各處皆然陝西尤甚且或聞朕來見招丁壯以補足原額者亦有之總之督撫提鎮當盡心體恤下寮免其餽獻則下寮不至貧苦下寮既貧苦則斷不剝兵以自肥矣爾大小官員各有俸祿養廉衣食並無所缺儻扣剋虛冒即罹於罪關繫利害匪輕即今總兵官柯彩練兵甚精前亦曾經效力後以操守不好致人疾怨朕撤彼回京大都武臣之中勇敢果毅出力效勞者多操守潔清者少有慎於履任之初而淪於後者趙良棟操守頗好恢復雲南秋毫無犯在武臣中可謂良將矣爾等居官俱當法之但不可效其驕矜耳又聞總兵官師帝寶操守甚清雖身後而軍

士尚愛戴之凡有功而居官好者朕皆擢用矣其一時聲名甚佳日久改節者皆年齒漸增貪貨賄計身家而坐此失也爾等其遵此訓旨通行曉諭○庚寅康親王傑書薨于祭壇墳立碑諡曰良○辛卯理藩院侍郎滿丕奏厄魯特扎木素等來降言我等三月初三日在薩克薩特呼里克時忽一日晚似有礮聲霧瀾瀚海噶爾丹營中擾亂俱言滿洲兵近逼矣遂遷至哈薩克圖哈喇阿濟爾罕地方正擾亂之時我等逃出又丹濟拉離噶爾丹另遷於什爾哈戈地方噶爾丹遣人兩次召之丹濟拉不至又遣人於杜哈爾阿喇布坦處杜哈爾阿喇布坦奪取其馬畜所去之人步行而歸又噶爾丹聞西路有阿南達兵防守根敦戴青滿兵已圍取洪郭羅口不知所往在阿爾臺四圍遊行欲往阿爾臺之陽則山險而無野獸欲往額黑阿喇爾則畏杜哈爾阿喇布坦據此將扎木素同格壘沽英曼濟及其妻子並馬駝什物俱交驛站遞送至歸化城發副都統阿迪安插奏至 上命示議政諸臣○壬辰奉差噶爾丹博什希及其使人喇木扎卜至齋到噶爾丹奏言奉到敕書及使人格壘沽英口傳諭旨不勝懼怖但屬下人為大兵所敗四處離散正欲遣格壘沽英前往密奏而彼忽逃亡是以遣喇木扎卜前往口奏喇木扎卜奏曰噶爾丹言 聖旨云汝不能自活則率眾來降我居無廬出無騎食無糧我屬下丹津阿喇布坦杜爾伯特之車陵滾占之子車陵多爾濟俱不能自活散去捕獸不及招集伊等諮問其意俟集問之後再行另奏緣 皇上有恤臣之旨是以臣屬下人歸投 皇上者甚多伏乞發還臣所並乞聖上加恩賜於失所之人以活其命 上曰汝欲歸乎抑留此地乎喇木扎卜奏曰臣有心告請而來今臣之妻子俱在此地臣他

東華錄 **康熙五十九** **七**

無所往 上諭內大臣等大兵起行之前當遣人招撫噶爾丹丹濟拉此差不必遣本朝之人前與塞卜騰巴爾珠爾同擒者有噶爾丹乳母之子丹濟扎卜再撥願往之厄魯特人齎敕而往一面遣使一面進兵達賴喇嘛身故已十有六年矣第巴指達賴喇嘛之語以誑噶爾丹彼信其誑自言爲達賴喇嘛之教而恣肆橫行以此等事明開敕內照樣刊刻多印付丹濟扎卜等徧行傳示並遣使諭策妄阿喇布坦令乘此機會亦興兵勦滅之敕諭噶爾丹曰去冬命爾早降則予以富貴給以貨產眷顧煦育之卽爾屬厄魯特之眾亦各得見其妻子遂其生業故遣使借格壘沽英往宣敕旨今使者喇木扎卜至覽爾所奏謂未明朕旨觀爾辭意一無真實而請給還來奔之厄魯特豈惟厄魯特之眾雖爾子塞卜騰巴爾珠爾及爾乳母俱已被獲今皆象養與徽特和碩齊同居爾東華錄 康熙五十九 六

身歸順亦能不失富貴況爾以下之人先降者皆釋其罪顯榮優養爾應悉聞已往之過概不介意爾會密奏若有臣罪臣請投降故特專賜敕旨盡宥前罪敕到其速降朕爲大君豈改成命特諭敕諭厄魯特之台吉察桑哈什哈並其眾人曰朕無分中外皆欲其各安生理樂育昇平至於誅戮征伐原非本懷爾厄魯特等附從噶爾丹所在侵掠雖有所得於人而已之祖父戰死妻孥被掠者亦云眾矣今所餘之人不被創受傷者甚鮮死亡之餘其存幾何因從噶爾丹之故以致窮迫無歸困苦已極屢頒諭旨命噶爾丹前來歸順則凡爾厄魯特之眾朕必俱加養育使之各得其所乃噶爾丹怙惡不悛並不以爾眾爲念不思歸順他日兵臨則爾眾難免俘戮故特諭厄魯特之眾爾若能各攜族屬妻子來降者朕皆養育使得其所前所降者已加象養爾眾亦當聞之矣特諭東華錄 康熙五十九 九

○遣侍郎常綬等齎敕諭策妄阿喇布坦○遣厄魯特恩克歸招撫滾占之妻奴渾達喇及其子車陵多爾濟又命理藩院行文諭之曰爾之恩克自哈密城擒解前來今遣往爾所爾等如欲降者卽前來斷不可與噶爾丹和好毋以爾夫會與我軍交鋒被創爲懼朕非欲得爾之人眾也若欲奔策妄阿喇布坦可卽前往朕不治罪若欲奔青海則我軍見在西路朕賜爾文持往令彼放行○癸巳命厄魯特降人格壘沽英爲散秩大臣其子吳巴什爲一等侍衛○甲午甯夏紳衿兵民人等聞 駕起行齊集行宮前叩懇留數日以慰羣情 上曰朕欲掃蕩寇氛以安黎庶特幸甯夏經理軍務駐蹕十有餘日曩者南巡凡所巡幸之處未有駐蹕至三日者且邊地磽瘠民生艱苦朕甚憫之朕扈從人眾恐多騷一日卽滋百姓一日之擾朕已定十五日起行爾等誠懇之意朕已悉

知又向者曾欲使禁軍駐防此地恐民間居處狹隘已命將房舍查明給還原主爾等即回故居可也紳衿兵民等懼呼叩謝奏請御製聖訓勒之貞珉光垂奕世 上曰朕巡幸原欲安民今製文頒賜則百姓運碑雇匠轉致煩苦不必行紳衿兵民等復懇請上諭大學士等議奏大學士伊桑阿等奏曰人民叩請 皇上親製聖訓勒石垂久洵為盛事應如所請從之 御製碑文曰諭甯夏文武官員兵民人等朕體天育物日以治安為念雖身在宮庭而心恆周四海頃因指畫軍務不憚勤勞遠洩甯夏無非為蕩滌寇氛綏又生靈計也緣邊千餘里土壤瘠瘠惟甯夏洪流灌輸諸渠環布巡覽所至甚愜朕懷夫農桑者衣食之本積貯者殷阜之原爾官吏宜董勸父老子弟三時力田以盡地利比屋勤殖以裕蓋藏縱使歲偶不登亦可無憂匱乏若夫秦風健勇自昔為然

東華錄 康熙五十九年 辛

其在朔方尤勝他郡爾等或職居將領或籍隸戎行尚各厲精銳以效干城禦侮之用斯國家有厚賴焉至於忠信慈惠服官之良軌孝弟齒讓生人之大經法紀不可不明禮教不可不肅勿以地處邊陲而不治以經術勿以習尚氣力而不澤以詩書總期上率下從庶幾馴臻雅化茲乘輿返蹕距靈朔雖遠而瞻念塞垣如在几席爾等誠能敬體朕言將吏協恭兵民咸理生聚日益厚風俗日益醇則疆宇實有大裨朕心亦用深慰慎勿視為具文孤朝廷倦倦屬導之意欽哉○諭大學士伊桑阿著將所議兩路進兵追剿噶爾丹撥置馬匹糧米及設站之事俱查奏朕將覆覈之大學士等查呈 御覽 上曰各項事務議論區畫俱已詳盡今噶爾丹無所逃矣噶爾丹或降或自盡否必為我所擒朕將親至船站視兵馬起行暫駐彼地聽其聲息儻有朕當親行之事則行之○

諭昭武將軍馬思喀著都統侯巴渾德齊世將軍薩布素都統兼前鋒統領碩爾都護軍統領嵩祝總兵官王化行俱為參贊既與大將軍伯費揚古會將軍馬思喀亦為參贊至總兵官王化行去歲出征噶爾丹之役見其人材矯健隊伍整齊尤著勞績大將軍伯費揚古來亦奏其功緣旗總兵官向無授為參贊之例著王化行於此役軍中為參贊賜孔雀翎○乙未 上自甯夏城往白塔是日啟行○丙申諭大學士伊桑阿陝西巡撫黨愛按察使納壘俱已衰老今用兵之時伊等不能勝任俱著解任黨愛速赴行在山西按察使巴錫著授為陝西巡撫其納壘員缺著以郎中鄂海升補○庚子子故理藩院侍郎西拉祭葬○癸卯撫遠大將軍伯費揚古以去歲未能勦滅噶爾丹請解大將軍任 上不允○福建巡撫下永譽丁父憂命回旗守制○子故靖海將軍靖海侯太子東華錄 康熙五十九年 壬

少保施琅祭葬加祭二次謚襄壯○子故原任雲南貴州總督卞三元祭葬謚恪敏○丙午 上駐蹕黃河西岸白塔○己酉 上駐蹕黃河西船站親視八旗前鋒黑龍江兵起程遇馬駝中稍有疲蹇者皆以內廐馬駝易之

夏四月庚戌朔 上駐蹕狼居胥山 駕出行宮親臨大路閱視八旗槍手綠旗兵起行○壬子命留領侍衛內大臣索額圖於船站管理水路設站事務○甲寅諭大學士伊桑阿四川總兵官馬子雲欲率回子襲噶爾丹之後回子生性無義曾三擒其主以獻噶爾丹其兵豈可用乎本朝之兵所向無敵若有事時已不可勝用矣安用外國之兵古來用外國兵鮮有善者宋用金兵滅遼復用元兵滅金金既滅元遂滅宋此其明驗也初噶爾丹併吞吐魯番葉爾欽薩馬爾漢哈薩克等十餘部落本朝並不之問當厄魯

特與喀爾喀戰時本朝若助厄魯特今如何能破噶爾丹乎噶爾丹既克喀爾喀直侵內地朕始領兵勦滅前定海總兵官蓋理曾請率所屬藤牌兵進剿沙漠地寒冰凍與南方迥別藤牌兵雖強夏尚可用自八月以至三月豈但交戰即藤牌亦不能執此皆人地不相宜所謂紙上談兵者也馬子雲粗鄙不識大義可曉示之○諭議政大臣等今諸事俱畢惟噶爾丹僅存各處逃竄大兵前進按剿不久旋師路必由此當逐站置米師回乏糧者以米給之來降之厄魯特青海來朝之台吉等俱由此來米糧馬匹已留於此則駐此而理事者尤為緊要朕本欲駐此親理其事但天下事大是以回鑾著留領侍衛內大臣索額圖並都統阿席坦噶爾瑪王永譽護軍統領蘇曷副都統巴賽等於此○丙辰 上登舟起行○工部右侍郎李棟丁母憂命回籍守制○庚申以戴納為山東華錄
 西按察使由御史選○命直隸各省選拔文行兼優之士府學起送二名州縣學各起送一名
 蒙古各起送二名漢軍起送一名為拔貢生赴國子監○甲子 御舟泊布古圖撫遠大將軍伯費揚古奏康熙三十六年四月初九日臣等至薩奇爾巴爾哈孫地方厄魯特丹濟拉等遣齊奇爾寨桑等九人來告曰閏三月十三日噶爾丹至阿察阿穆塔台地方飲藥自盡丹濟拉諾顏格隆丹濟拉之婿拉思綸攜噶爾丹屍骸及噶爾丹之女鍾齊海共率三百戶來歸丹濟拉因馬疲瘠又無糧糗是以住於巴雅恩都爾地方候旨其吳爾占扎卜色梭阿巴塔爾喇爾拜額爾德尼吳爾扎忒喇嘛等帶二百戶投策妄阿喇布坦而去額爾德尼寨桑吳思塔台吉博羅齊寨桑和碩齊車林奔寨桑等帶二百戶投丹津鄂木布而去除將奇齊爾寨桑等九人馳送行在外臣等於十三日

統領大軍前往丹濟拉所住巴雅恩都爾地方即押丹濟拉等前來如其心懷反覆即行勦滅 上諭今噶爾丹已死其屬下三百餘戶帶噶爾丹之屍噶爾丹之女來降著大將軍伯費揚古精選帶去之兵往覓丹濟拉所在押護前來餘兵遣回黑龍江兵路遠亦遣回伯費揚古所統之兵既足阿南達一路兵亦令撤回徧檄商南多爾濟杜思噶爾及眾札薩克俱令知悉于成龍等所運之米亦令停止○議政大臣等奏噶爾丹乃狡猾巨寇獲罪於天皇上不憚勤勞三次出討噶爾丹勢盡途窮今果自盡悉符 聖算臣等請行慶賀禮 上曰噶爾丹之死乃 天之所助宜先謝天遂設香案於行宮外 上率文武官員行拜 天禮畢 上還行宮文武官員行慶賀禮是日甘霖大沛○丁卯丹濟拉使人奇齊爾寨桑至奏曰噶爾丹閏三月十三日身死即於是日焚其屍攜噶爾丹之女鍾齊海及諾顏格隆拉思綸程貝臧布尼爾巴噶卜楚陳奔自阿察阿穆塔台起程宿十站到巴雅恩都爾候旨而行見在右翼壯丁四百共人口千餘每丁各有馬一匹共囊駝一百五十頭此外並無他物 上曰據奏噶爾丹屍已焚著大將軍驛遞其骨速來齊奇爾寨桑應令乘驛發至大將軍軍前或先遣彼即赴丹濟拉所或同大兵帶往大將軍身臨邊地聽其酌行賜厄魯特齊奇爾寨桑蟒袍袷帶○己巳以宮夢仁為福建巡撫由通政使選○辛未議政大臣等議奏塞卜騰巴爾珠爾乃獲罪於天逆賊之子今噶爾丹既死其子當即梟示傳首於四十九旗喀爾喀眾扎薩克噶爾丹骸骨到日粉骨揚灰其微特和碩齊乃塞卜騰巴爾珠爾乳父亦應斬首免其梟示得旨俟朕回鑾後再奏○甲戌厄魯特降人諾爾布寨桑等以勦滅噶爾丹奏請行慶賀禮

上諭往者噶爾丹以追逐喀爾喀爲名直入我扎薩克烏闐布通地方故朕命裕親王及皇長子率師往勦之噶爾丹大敗使濟隆胡土克圖往復陳說自今以往不敢再犯邊陲噶爾丹頭頂威靈佛以誓此爾眾所共聞者也嗣後無故過土喇潛處巴顏烏闐地方掠我臣服之納木扎爾陀音故朕親率六師聲罪致討然猶不忍遂加誅滅再四遣使諭以和好而噶爾丹怙惡不悛朕故整師進勦噶爾丹不能當我軍威驚潰奔逃遇我西路大兵奮擊大敗之此皆噶爾丹違天背盟以致禍患及身國隨以亡朕但思埽除殘暴拯救羣生誠惻懇求符天理故大軍所向無水之方靈泉鸞沸不毛之地庶草蕃滋山川效靈百神顯佑聞噶爾丹所至之處必有烈風暴雨災異頻逢驚聞我軍之來寢食俱廢反復思維無計能逃窮急仰藥而亡由此觀之天可違乎其助順惡逆亦

東華錄

康熙五十九

五

顯然矣夫與朕爲敵者惟噶爾丹而已與眾何涉不惟噶爾丹在日爾等降必加恩撫恤卽今噶爾丹已死凡有降者朕亦如爾輩恩育豈忍異視耶然噶爾丹之滅朕之大小官員當奏請慶賀爾輩素皆受恩於噶爾丹之人不必奏請○諭大學士伊桑阿前山西巡撫倭倫以去歲山西數州縣歉收今米價甚貴奏聞頃噶爾丹殲滅天下悉已無事惟愛養兵民爲要務山西米價騰貴民生困苦朕聞之中懷軫惻扈從前來大臣侍衛官員執事人自船站坐來之船見有水手若至湖灘河朔後將此船逆流牽挽回至甯夏甚難前亦曾諭總督吳赫就此船將湖灘河朔積貯米或五十石或再加多量行裝載交巡撫倭倫派賢能屬員轉運順流而下至保德州比時價減糶於民大有裨益著學士黃茂率同部院司官二員前往侍郎安布祿雷此監發米石○乙亥革侍郎席密圖

職以採買牛羊事畢不趨赴行在也○丙子厄魯特車陵台吉率部眾來降○丁丑厄魯特滾布察罕等率屬來降○以李光地爲工部右侍郎原任兵部右侍郎

五月壬午副都統阿南達奏臣等率兵於四月十八日至巴爾庫爾哨探者報云丹濟拉已起行不在屯紮之處乃問逃來之杜喇爾據稱我未出逃之前丹濟拉與眾議時皆言我等或暫棲巴爾庫爾否則往投 聖上丹濟拉言我等不便久居巴爾庫爾當乘人未覺之先急從噶斯渡瀚海將噶爾丹骸骨及鍾齊海送至達賴喇嘛所吾心盡矣是以臣等至彼營地視之行迹似向布克達額冷哈巴爾罕而去臣等急向瀚海南竟趣噶斯口以禦之十九日自巴爾庫爾起行矣 上命議政大臣等議尋議覆前者大將軍伯費揚古遣散秩大臣丹巴哈什哈至丹濟拉所令其來降已

東華錄

康熙五十九

五

作蒙古書用印發去矣又齊奇爾寨桑來奏曰丹濟拉言爾往投聖上此處四圍皆我仇人如久住巴雅恩都爾儻人知之未必不來侵犯故我瀚海四圍處處畱蹤如我離巴雅恩都爾而他往我必埋書於此而去爾往奏 聖上歸來我若不在此則覓得我埋之書便知我所在矣曾以此言密語我人無知者又問厄魯特降人格壘沽英言噶爾丹身存之日曾集眾寨桑商其所往一無可去而止今丹濟拉以寡弱之眾游行數月欲往達賴喇嘛所料其必無是事此正合奇齊爾寨桑處處畱蹤之言逃人杜喇爾不知故言欲向達賴喇嘛而去應將目下大將軍伯費揚古疏鈔發阿南達等知悉從之○諭議政大臣等著將戴罪圖功之趙山思格色遣一人於丹津鄂木布遣一人於丹津阿拉布坦副以蒙古將領筆帖式曉諭噶爾丹已死招撫其眾伊等若招得丹津阿拉

布坦丹津鄂木布即與俱來如事不成或未至其地半途而回著大將軍即於軍前正法○丙戌子故刑部尚書圖訥祭葬諡文恪○庚寅撫遠大將軍伯費揚古奏都統碩爾送到厄魯特吳蘭等三人稟稱我等係伊拉古克三胡土克圖下逃出之人去年九月伊拉古克三胡土克圖已離噶爾丹探和為食至伊克敖拉等處度冬今年三月自納默黑圖雅蘇圖向西游牧其下人口共有三百許向薩克薩特呼里克而去是以臣等率領大兵照常前進一面撥兵交昭武將軍馬思喀同參贊都統侯巴渾德都統齊世都統前鋒統領碩爾都統石文英往追伊拉古克三胡土克圖務期勦滅即遣降人吳蘭在馬思喀軍中引路 上以示議政大臣○辛卯諭議政大臣等溫保居官甚劣苛虐百姓至於已極前乃自奏其居官甚善萬民頌美欲為樹碑由今觀之沿途眾庶無不願食其肉而讒怨之者况溫保不比他人彼嘗為學士朕愛惜斯民之意豈不知之甘度居官亦最庸劣今蒲州民變逃入山口若輩如能素勤撫恤百姓豈遂抗匿至此巡撫倭倫往彼招撫尚不順從欲將溫保甘度擊赴彼處正法然後用兵今思其服官汗濁朕削小民殊為可恨此等貪官不加誅戮眾不知儆著議政大臣部院堂官會同議奏尋議覆溫保甘度革職嚴擊赴京交與刑部從之○癸巳以朱都納為督捕侍郎由內閣學士遷○乙未 上還京師○丙申諭大學士及九卿等朕前巡行直隸山東江南浙江見地方人民皆各安生業大小官員恐朕不時臨幸咸兢兢守法奉職以為他省類皆如此頃由大同歷山西陝西邊境以至甯夏觀山陝民生甚是艱難交納錢糧其火耗有每兩加至二三錢不等者前曾面問總督吳赫據言西安府距省甚近收耗尚輕若沿邊所在

地方火耗不免加重矣至於山西特一小省聞科派竟至百萬民何以堪科道官因朕已經訪聞始行參劾並未言於未發覺之前者亦屬何益又諭塞外情形不可臆度必身歷其境乃有確見昔朕欲親征噶爾丹眾皆勸阻惟伯費揚古言其當討後兩次出師皆朕獨斷若非朕親統大軍追襲噶爾丹使少留餘息彼必復聚難以遠滅矣明時為恢復河套議論紛紜至大臣夏言曾銑受戮自朕觀之此地無甚關係若控馭蒙古有道則河套雖為所據安能為患控馭無道則何地不可為亂蒙古游行之地防之不可勝防專言收復河套亦何益乎至行師之道調軍轉餉必一人兼綜其成事乃易濟前西路進兵時將軍博齊孫思克等專管軍務不與輓運專責地方巡撫等官轉餉迨後糧餉稽遲兵丁因餒致有道確頃朕自白塔至船站猶見有遺骸皆遺鄉導沿途掩埋朕東華錄 康熙五十九 老統大兵由中路進時多方籌畫催督糧餉比及旋師無一人受餒且支給西路之兵俱獲全還又令沿途各站多貯米糧雖隨營貿易之人皆不乏食此次甯夏之行料理糧餉悉有次第然後進兵所以直至回軍供應皆足無或稍誤以此觀之兵食兩事斷宜一手區畫此後儻邁行師當永以為法朕又觀塞外運糧最難昔唐宋及明嘉靖時皆用兵西陲不知當日作何轉運之法朕此次甯夏之行不用車輛所需駝馬贏驢悉自京城發往恐有不敷復給公帑採買豫備一切什物皆由官運畧不累民○丁酉諭吏部國家舉行大計原期黜幽陟明使大法小廉以為安民生之本所關甚重比年以來督撫等官視為具文每將微員細事填註塞責至真正貪酷官員有害地方者反多瞻徇庇護不行糾參以致吏治不清民生莫遂重負朕愛養元元之意殊可痛恨今當舉行大

典各督撫等官應洗心滌慮力改前轍矢公矢慎整肅官方務期
薦舉一人俾眾皆知勸糾劾一人俾眾皆知儆仍敢苟且因循
徇私溺職國法具存必不輕恕○以傳臘塔為刑部尚書由左都
努赫為禮部右侍郎由左副都○戊戌諭吏部等衙門朕頃以狡
寇噶爾丹木滅調度軍務親蒞塞外因念切民依巡歷邊境所至
咨訪目擊山西陝西緣邊一路地接沙磧難事耕耘人多穴居類
鮮恒業其土壤磽瘠固已生計維艱而地方遼遠疾苦無由上聞
大小官吏不能子愛小民更恣橫索遂使里井日漸虛耗比年用
兵以來一應軍需芻糗俱動支正項錢糧儲峙供應從不取辦閭
閻乃各府州縣官員借端私徵重收火耗督撫布政使等官又不
仰體朝廷恤民至意糾參貪污禁革加派反多瞻徇曲庇又或該
督撫庸懦懈弛因而筆帖式及衙門人役無所忌憚擅作奸弊以
東華錄 康熙五十九年 天
致民生滋蹙朕心深切軫惻今外寇已經蕩平惟以綏乂地方拊
循百姓為急務山陝兩省關繫緊要應作何撫恤休養著九卿詹
事科道詳悉以聞尋議覆山陝里井艱難皆緣督撫有司不能仰
體 聖上軫恤黎民之意橫徵私派之所致也應請敕下山陝督
撫務期洗心滌慮正己率屬嚴飭所屬官員屏絕苞苴嚴禁私徵
重耗其貪污虐民者立行糾參至筆帖式衙門人役擅作奸弊滋
擾地方者亦必嚴加懲處凡有不利於民應革事宜督撫即為確
查革除或遇水旱災傷當即奏聞如督撫仍前因循徇庇屬員不
能撫綏百姓將督撫革職從重治罪從之○辛丑以席爾達為左
都御史由禮部左布泰為內閣學士由內閣侍○刑部尚書翁叔
元以病乞休命原品休致○王寅以吳璵為刑部尚書張鵬翮為
左都御史由兵部右○諭大學士等今噶爾丹已平天下無事惟

以察吏安民為要務然官吏之賢否民生之休戚所關朕一人端
居深宮何能徧知此番巡行山陝或先聞其有聲名而居官實善
者有之此皆上下相隔不能通達之故也雖古聖君以知人為難
朕豈料溫保行事一至於此往者江浙山東等處地方官以朕不
時巡幸各加勉勵操守皆優山陝官員則劣甚朕恨貪污之吏更
過於噶爾丹此後激清吏治如圖平噶爾丹則善矣○給事中鄭
煜奏平定噶爾丹慶賀大禮頒詔款項 上曰凡頒詔敕皆人主
之事非人臣所宜言自古不以頻赦為善政者以其便於惡人而
無益於善人也鄭煜妄以詔款陳奏念係言官特從寬宥著大學
士嚴飭之○癸卯禮部奏平定噶爾丹武功告成應遣官告祭並
加上 徽號命史館諸臣編輯平定北寇方略昭示無極 上曰
喀爾喀厄魯特原皆納貢之國因其交相不睦屢諭和好乃仍構
東華錄 康熙五十九年 完
釁致起兵爭噶爾丹曾破回子中之薩馬拉罕布哈爾哈薩克布
魯特葉爾欽哈思哈爾賽拉木吐魯番哈密諸國其所攻取降服
者一千二百餘城乃習於戰鬪之國也喀爾喀馬能抵敵是以七
旗數十萬眾一歲之中喪亡暑盡喀爾喀之汗諾顏台吉等知朕
養蒙古夙有厚恩悉皆款塞來歸其時若不允其歸附恩養得
所必皆淪入於厄魯特則噶爾丹之勢力不啻可知矣允其內附
而恩養之噶爾丹必假此釁端與我朝構難凡此情事皆經熟籌
受納喀爾喀非漫然而為之也噶爾丹假索取喀爾喀為名遂犯
我邊境尚書阿喇尼率蒙古兵逆戰於烏爾會之地我師大北噶
爾丹乘勢遂直抵烏闡布通距京師未及七百里斯時諸王大臣
及國家諳悉軍務之人不在行間者少矣適朕躬以違和還京左
翼軍雖能勝敵而右翼軍不能制勝大臣而下以至軍士陣亡被

創者甚眾噶爾丹亦自知其無濟歸路遭罹瘟疫得還科卜多者不過數千人耳當是時即豫知其勢雖大損必復稱兵報怨六年以來烏闌布通之役時塵朕懷因是訓練軍旅咨訪形勢正經理武備之時噶爾丹果復舉兵寇掠喀爾喀之納木扎爾陀音於克魯倫之地朕思此賊不可以尋常寇盜視之詔武臣三品以上咸陳滅賊方畧會同詳議舉朝皆以為難其言賊當討滅者不過數人朕以為此賊斷難亟圖遂昭宣大義祭告於天地宗廟社稷之靈克成厥勳備事或未成則受喀爾喀之內附致厄魯特之兵爭糜中國之脂膏事朔荒之邊塞窮兵黷武其名恐未能免矣今我師所至上天佑助無水之地靈泉湧出不毛之地庶草蕃蕪事悉稱意者此皆國家之福將士之勞所致也今西北永遠甯謐其不至蒙咎即幸矣自今以往務益殫誠勵精始終如一治

東華錄 康熙五十九年

安之後愈求治安其祭告諸典禮俱依議行徽號不必上○乙巳以齊式武為山西布政使由郎中遷○丙午轉努赫為禮部左侍郎以楊舒為禮部右侍郎由內閣學士遷○丁未以嚴曾架為兵部右侍郎由副都御史遷

六月己酉朔以戴都里為左副都御史由盛京戶部理事官遷○庚戌諸王貝勒貝子公滿漢文武官員及遠近士民赴暢春園恭請皇上充受神聖文武大德廣運尊號上諭朕御極三十六年自始至終孜孜不倦而吏治尚未激清民生尚未豐裕士卒尚未休息風俗尚未醇樸且旱潦災異亦復相仍方今外寇既靖正宜休息生養徒加尊號何益於治朕蕩平噶爾丹機宜未嘗有失苟天下共能知之朕願足矣崇上尊號不必行毋復再奏○命盛京禮部侍郎阿山以禮部侍郎銜管翰林院掌院學士事○裁江南京口水

師總兵官改設副將屬京口將軍轄標下三營裁右營歸併中左二營○甲寅禮部奏聖駕親征朔漠所過名山及勦賊戰地請磨崖勒石俾塞外億萬載臣民咸知今日豐功峻烈為開闢所未有從之○國子監奏請將親征朔漠一切訂謨勝算纂集大綱同祭告先師文勒碑國學更將碑文摹捐頒發天下學宮從之○以喀拜為內閣學士由通政使遷○丁巳以哈山為盛京禮部侍郎由左副都御史遷○辛酉諭刑部尚書傅臘塔爾部事關人命甚屬緊要自圖納任刑部以來勤勉供職事甚修舉屬員至今稱善今乃簡爾以任此職綬色亦素稱賢能司官如邁塗則辦事庸常所賴者惟汝二人○諭大學士等河工事重朕常留心察訪聞董安國於河工不親巡歷凡事俱委馮佑馮佑為人朕深知之向以諳練河務為靳輔所任用靳輔役之如奴隸今董安國目為正人信任倚

東華錄 康熙五十九年

用不知若輩惟解營私決不肯秉公盡職也○癸亥以劉元慧噶禮俱為左副都御史劉元慧由宗人府府丞噶禮由通政使遷○甲子副都統阿南達奏臣等遣台吉雲楚木西安前鋒署總尉吳通保遊擊楊奇張當知等率兵五百名前往堵噶斯口臣等因俟散秩大臣丹巴聲息緩行至色爾騰地方遇噶爾齊多爾濟使人俄濟通問於策妄阿喇布坦而還言丹濟拉已遣人往策妄阿喇布坦處通好見住吉木色地方待其使回觀此丹濟拉往附策妄阿喇布坦是實臣等在此俟丹濟拉無益欲撤噶斯口兵起行而回上諭丹濟拉往投策妄阿喇布坦是實著阿南達等軍俱回阿南達量率兵馬暫住布隆吉爾等處探聽聲息再檄阿南達遣人同噶爾齊多爾濟之人哈密回子之人往策妄阿喇布坦處宣諭朕旨再將阿南達疏及遣使之故檄內大臣索額圖大將軍伯費揚古將軍馬思喀

等從鄂爾多斯驛路而回侍郎滿丕亦著回來著侍郎安布祿率察哈爾兵每旗十名將領二員至滿丕所居駐紮將軍舒恕亦著回來今大兵既撤前所帶四月糧又令備兩月糧米多餘畱令于成龍等同大兵運至船站收囤鄂爾多斯達賴布喇克地方交鄂爾多斯王貝勒等撥兵看守支給畱駐船站之大臣台吉等官兵○已巳予故原任勇略將軍雲南貴州總督兼一等精奇尼哈番趙良棟祭葬加祭一次諡襄忠○戊寅山西巡撫倭倫奏請建萬壽龍亭恭勒 聖諭永戴 皇仁 上諭大學士等何事建立龍亭若果善民自感頌其建立龍亭著停止至大同田薄民窮倭倫奏稱大同地方飼馬萬匹全不費民力自朕觀之前此大同養馬不過六千未始不用民力朕因民勞苦故將康熙三十六年錢糧盡免朕凡事俱務實行不尙虛譽爾等可曉示之○先是撫遠

東華錄

康熙五十九

三

布坦丹津鄂木布已將四十日矣今軍食尙足且察罕諾爾等爾處水草又佳是以臣等共商將官兵移進察罕諾爾住三十日以養馬畜而候趙山等聲息此間若招致厄魯特則收之押護而來若二十日內無聲息則臣等率領官兵起程而回至達爾漢親王諾內喀爾喀親王善巴及貝勒公台吉等因無事故皆遣回前以察哈爾八旗官兵馬疲奉旨留於守米之地伊等請效力前來今無事亦遣回報聞

東華錄

康熙五十九

三

東華錄

康熙六十

臣王先謙敬編

臣周澗蕃恭校

秋七月辛巳理藩院奏臣等會同大學士阿蘭泰尙書馬齊遵旨往旃檀寺召集默爾根綽爾濟各寺喇嘛一一取供查丹巴色爾濟阿齊圖格隆巴咱爾喇嘛木扎木巴俱係大喇嘛奉 皇上差遣往達賴喇嘛處乃知其已故而謂之尙在通同第巴誑奏殊爲可惡應將丹巴色爾濟阿齊圖格隆巴咱爾喇嘛木扎木巴擬絞監候秋後處決家產人口入官以丹巴色爾濟巴咱爾喇嘛木扎木巴之徒交默爾根綽爾濟安置京城各寺廟以阿齊圖格隆之徒交歸化城彭蘇克喇嘛安置彼處寺廟得旨丹巴色爾濟從寬免死革去住持大喇嘛鈔沒家產單身發往盛京任棲一廟阿齊圖格

東華錄

康熙六十

隆各處差遣效力從寬免死並鈔沒革去住持大喇嘛准住其本廟巴咱爾喇嘛木扎木巴亦從寬免死並鈔沒革去大喇嘛餘如議○壬午少詹事高士奇奏請終養命加詹事銜回籍終養○癸未大學士等擬尊上 皇太后壽康顯甯徽號 上命滿大學士等往奏 皇太后 皇太后不允大學士等回奏 上復令奏請奉 皇太后旨皇帝懋建宏勳予不勝忻悅際此昌期予心慰矣尊加徽號向雖有例並非斷不可已者著停止我心始安大學士等回奏 上命大學士等集議○甲申大學士等復奏請 皇太后奉 皇太后旨皇帝既不受尊號這加徽號不必行大學士等議奏 皇太后不受徽號懿旨已經三頒相應謹遵 懿旨 上曰三次力請 皇太后既不允應謹遵 懿旨○丙戌先是撫遠大將軍伯費揚古奏臣感冒傷寒更兼體弱不能率兵前行得旨伯

費揚古不必候大兵著卽歸馬思喀既見嵩祝後率大兵養馬徐行而歸尋論撫遠大將軍伯費揚古覽奏朕衷不勝隱惻今噶爾丹既死諸事俱畢兵亦當撤所遣丹濟拉吳爾占扎卜伊拉古克三胡土克圖數人所往何處有確聞之時發檄取之當卽解來目下爾所到察罕諾爾距邊哨有幾許遠朕卽撥醫人食物給驛遣往朕此諭到速將爾病勢如何來奏至是疏奏謝恩並言臣於六月二十三日以官兵交馬思喀臣仗 皇上福澤病已少愈身命可以無礙但腰股猶痛不能起立養病前行量力圖歸瞻仰 天顏可冀臣病全痊報聞○戊子以康良親王傑書子椿泰襲和碩康親王○壬辰朝鮮遣使來賀○封朝鮮國王李焯子昀爲世子○甲午 上諭殿試讀卷諸臣曰作文者無不論理然徒能言而不能行亦奚益哉朕觀性理一書大指止一誠字人可不以誠自勉乎○乙未以朔漠平定遣官告祭 郊廟 社稷 陵寢及先師孔子○丙申太和殿告成○卹贈從征昭莫多前鋒侍衛奇達世職○丁酉 上御太和殿羣臣上表行慶賀禮加恩中外赦殊死以下○加撫遠大將軍伯費揚古一等公西路出征參贊以下官各給拖沙喇哈番襲一次○辛丑吏部遵諭議覆 皇上親統六師駐蹕甯夏甘肅巡撫郭洪係封疆大臣離甯夏止一二程竟不赴行在朝見今 聖駕還宮始塞責具奏請安殊屬不合應革職鞫問得旨郭洪著革職餘依議尋刑部問擬枷責命發黑龍江當差○免從征八旗兵所借帑金○癸卯命吏部尙書庫勒納等資外藩四十九旗○丁未 上巡幸塞外啟鑾○以喀拜爲甘肅巡撫由內閣○刑部左侍郎邁塗以病免由內閣○轉綬色爲刑部左侍郎

東華錄

康熙六十

八月丙辰以壽寧爲內閣學士由內閣○轉綬色爲刑部左侍郎

郎以覺羅三寶爲刑部右侍郎由內閣學士遷○卹贈死事長史多禪世職○己未諭大學士阿蘭泰山陝兩省最爲要地以後文職缺人俱令奏聞朕酌量選用○副都統阿南達奏臣差護軍校阿奇納自色爾騰前去令從布隆吉爾重整所設驛站將留貯之米運至長馬爾地方六月二十六日阿奇納至噶爾賚多爾濟所居西欣木地方驛站噶爾賚多爾濟親率二三十人至阿奇納所奪馬駝殺從僕二人執阿奇納行三日布隆吉爾方遣回臣卽率兵追噶爾賚多爾濟至布隆吉爾哈喇烏蘇地方又據坐塘撥什庫邊代報稱噶爾賚多爾濟逃去時其屬下人經過本驛奪五驛之馬乘駝而去又因丹濟拉來降先遣齊奇爾寨桑前來噶爾賚多爾濟遇之亦執之而行留於者爾渾台地方而去臣因丹濟拉來恐彼恰遇噶爾賚多爾濟故遣齊爾寨桑大衛赫納等選滿洲綠旗兵共

東華錄

康熙六十

三

四百名以追噶爾賚多爾濟迎丹濟拉至噶爾賚多爾濟屬下見在招降人內有應取來者與我軍一齊帶至肅州交孫思克博齊解往招降吳能巴圖爾等共一百九口輝特台吉羅卜賊屬人共八百口其喇嘛喇木扎木巴阿喇木班共三百口交台吉俄木布額爾德尼等由邊外徐行致之賀蘭山等處候旨 上諭噶爾賚多爾濟乃誠心降附之人去歲使人來重加恩賜斷不逃遁但伊等以耕爲業今棄其田禾忽然逃去必有不得已之情著理藩院行文將軍孫思克博齊等務必詳察明白具奏驛站關繫重大應行文將軍孫思克等將被劫驛站作速添補馬匹不得誤事至策妄阿喇布坦處亦應將噶爾賚多爾濟逃去之事發救諭之諭策妄阿喇布坦曰噶爾賚多爾濟率其屬眾誠心來降安插耕種今忽留其下人盡棄田苗逃去其去必有不得已之情朕於噶爾

賚多爾濟畧無責備之意伊係鄂齊爾圖車臣汗之孫儻往爾地欲居於彼可收之好加撫養如欲歸來卽行遣回朕於此降旨令收噶爾賚多爾濟遺留人等特諭○乙丑以噶禮爲內閣學士由副都統○丙寅以內閣侍讀學士扎賴爲內閣學士尋調爲左副都御史○乙亥 上駐蹕巴圖舍里賜喀喇沁翁牛特喀爾喀王以下至台吉等銀幣

九月辛巳浙江巡撫線一信奏原任溫處道陳丹赤永嘉知縣馬琿當耿逆叛時殉難請立祠致祀從之○癸未副都統阿南達奏據回子額貝杜拉達爾漢白克報稱厄魯特丹濟拉率家屬七十人來降於六月十五日至哈密城求請面 聖隨遣長子郭帕白克送丹濟拉已於六月二十八日啟行 上以丹濟拉向係名族授爲散秩大臣其子多爾濟塞卜騰授一等侍衛俱安插張家口外編入察哈爾旗分佐領其屬下人酌可用者披甲給以錢糧

東華錄

康熙六十

四

○調王澤宏爲吏部右侍郎轉王封滌爲禮部左侍郎以韓葵爲禮部右侍郎由內閣學士遷○甲申 上駐蹕汗特木爾達巴漢地方厄魯特台吉丹濟拉至 御營 上命之進見大學士阿蘭泰及郎中阿爾法引丹濟拉入 上獨坐氈帷內遠屏左右並令阿蘭泰阿爾法出獨留丹濟拉語良久丹濟拉出驚謂諸大臣曰我乃叛逆罪人窮困始來歸命乃 皇上畧不致疑盡屏左右召我入見且蒙 恩授我顯爵乃知 聖主至勇至仁如此令我誠心感戴永不敢有異心矣 上隨召阿蘭泰入諭曰爾等偕丹濟拉入者蓋以防不測也爾等所見雖是朕思凡人無不可以誠感丹濟拉雖來降其心不無疑畏朕推誠如此伊必感激喜出望外斷無妄動之事且伊儻妄動數百人朕亦不以爲意況一人乎朕令爾等

俱出不留也惟內者欲使丹濟拉之不疑也○壬辰 上諭內務府總管海喇孫等膳房人花喇額楚哈哈珠子德住茶房人雅頭伊等私在皇太子處行走甚屬悖亂著將花喇德住雅頭處死額楚交與伊父英赫紫圍禁家中○甲午 上還京師○己亥以李錄予為內閣學士由少詹事遷○轉李光地為工部左侍郎以熊一瀟為工部右侍郎由左副都御史遷○乙巳發廩賑黑龍江濱河被水居民○以席爾達為兵部尚書哈雅爾圖為左都御史由兵部侍郎遷○贈鎮平將軍湖廣提督徐治都太子少保子祭葬諡襄毅○丙午以錢三錫為左副都御史由宗人府府丞遷○丁未理藩院奏請將巴圖爾額爾克濟農所有壯丁編為佐領另為一扎薩克鑄給印信明年令移至烏喇忒附近之地居住 上曰若將巴圖爾額爾克濟農移住近地則沿邊別部蒙古甚多豈可盡移乎蒙古事在治之得其道不在地之遠近著停其遷移其編佐領為扎薩克給印信俱依議

東華錄

康熙六十

五

冬十月己酉諭宗人府禮部國家樂育人材振興文教將使海內英雋之士靡不蒸蒸日上宗室子弟系託天潢豈無卓越之姿足稱令器允宜甄陶獎勵俾克有成考諸前史以公族應制舉入仕者代不乏人今屬籍所載日益繁衍除已授爵秩人員外閒散子姪素無職業誠恐進取之途未闢致嚮學之意漸墮嗣後八旗宗室子弟有能力學屬文奮志科目應令與滿洲諸生一體應試編號取中如此則賦質英異者咸服習於詩書而學業成就者不阻抑於仕進凡屬宗支人人得以自效而於朕興賢睦族之至意亦用是以允恆焉爾等衙門即遵諭行○飭諭督撫提鎮慎軍政舉劾○哈密額貝杜拉達爾漢白克奏臣既擒塞卜騰巴爾珠爾

並噶爾丹屬下諸人厄魯特必不悅臣而哈密又素弱用是危懼伏乞庇而安之且臣所畏者策妄阿喇布坦也祈 皇上降敕使勿害臣給臣敕印俾有恃以無恐以保我疆土且使葉爾欽吐魯番等聞之必共欣羨各思嚮往更懇移回子屯於肅州凡朝覲往來俱自肅州乘驛使臣地聲息得時至 聖上之前下議政大臣等議尋議額貝杜拉誠心向化殊為可嘉應議敘以示鼓勵額貝杜拉援為一等部長伊子郭帕白克奇白克授二等部長分編旗隊並令伊子郭帕白克率一百人往紫肅州應給額貝杜拉管轄哈密國印遣理藩院郎中布爾賽奔聖前往分編旗隊又請給肅及請安進貢使人俱自肅州乘驛應如所請得旨依議肅用紅有應報聞之事准十五人乘驛○壬子兵部理藩院會同三法司奏思格色趙山前奉旨差一人於丹津鄂木布差二人於丹津阿

東華錄

康熙六十

六

拉布坦告以噶爾丹之死且招與俱來乃思格色竟不到丹津鄂木布所但同趙山至丹津阿拉布坦處前行七日即借稱糧騎告乏而歸明係違旨應立斬示眾得旨趙山至所指之地其事已竣著令歸家思格色竟不到所指之地著立斬○癸丑 上御瀛臺紫光閣閱武舉騎步射技勇擇繳燭章等十一人復令步射四次騎射二次 上又率善射侍衛等射 上發五矢皆中諭大學士等今科落卷武舉人內安知無騎射俱佳而被遺斥者乎如其回籍則已若有留此者令兵部察明復試○甲寅賜繳燭章等一百一人武進士及第出身有差○乙卯理藩院奏厄魯特丹津鄂木布使彭楚克車臣白克阿兒達爾鄂木布奏稱欲往策妄阿喇布坦處但丹津鄂木布向與策妄阿喇布坦不合應遣人招之使來此奏未可憑信 上允之差羅卜臧丹巴齋敕前往敕曰朕前聞

爾與噶爾丹分拆游行故差合色馬尼圖捧敕諭以來降必使富貴優加恩養爾如同丹津阿拉布坦往歸策妄阿喇布坦朕不究著明白覆奏如雨無所歸欲於額黑阿喇爾洪郭羅等處據險鼠伏朕斷不容必剋期破之爾使人諾顏格隆臧布額爾克俄木布阿旺達什等來奏云儻噶爾丹至我近地我必擒而殺之歸降聖朝又以敕書使諾顏格隆臧布齋去諭爾雖不能擒殺噶爾丹而身率屬下來降亦必使之富貴優養之毋疑毋阻今爾竟不往歸策妄阿喇布坦仍另自游行豈因爾向與策妄阿喇布坦不睦有歸噶爾丹之事故不便復歸策妄阿喇布坦乎今噶爾丹身死國亡生擒其子塞卜騰巴爾珠爾又擒伊拉古克三胡土克圖今爾不速來漸至日久則爾生計亦漸迫若爾率屬下星速來降朕必加以厚恩優待愛養目下丹濟拉車陵等來降俱使得所而愛

東華錄

康熙六十

七

格隆臧布達什俄布齋敕往諭○左副都御史扎賴以病乞休允之○庚申調覺羅三寶為兵部右侍郎以孟額為刑部右侍郎由○辛酉諭大學士等翰林院詹事府內滿洲官有自各部院院滿洲漢軍進士出身者所學俱優若有差遺時可除正差之外於伊等內著一員同往練習○壬戌諭戶部比年出師討寇總為中外生民永圖休息故不憚勞苦遠歷邊塞其一切飛芻輓粟皆動支正供額賦不使累及閭閻獨是大兵牧養馬匹及三次師行出入皆經山西地方緣邊州縣衛所固屬勉力急公其餘郡縣雖非師旅所經亦有協辦轉輸行齋居送之事且該省歲屢不登穀價翔貴民間生計甚屬艱難朕乘輿頻臨目所親覩者軫念殷切未嘗一日釋懷昨歲曾有諭旨俟噶爾丹殄滅之後誕敷德澤今

東華錄

康熙六十

八

養之爾亦當聞之詳矣今軫念爾無所歸生計窘迫欲使得所之意爾當籌之速來歸降毋貽後悔為此特遣爾幼時服役識認之人羅卜臧丹巴齋敕往諭○丁巳理藩院奏厄魯特巴圖爾額爾克濟農應授何職於何處住牧得旨巴圖爾額爾克濟農授以貝勒另為一扎薩克給與印信約束其屬下人丁編佐領住賀蘭山○戊午理藩院奏丹津阿拉布坦奏合色等奉差齋到敕書內令臣當兄弟同居臣原欲即往與之游牧因臣妻大病今年不能親身往覲不論所居何地總之請 聖安進貢者也查丹津阿拉布坦原與策妄阿喇布坦不睦下人無食窮無所歸應遣使招來上允行仍命其使人諾顏格隆臧布達什俄木布齋敕而往敕曰朕前降敕諭爾來降今觀爾奏言尚在首鼠兩端凡來降人員盡皆恩養使得其所爾當深思之作速來降為此即遣爾使人諾顏

寇氛蕩滌邊境牧甯是宜格外加恩用綏黎庶康熙三十七年山西通省地丁銀米一概蠲免爾部移文該撫令徧飭所屬實心奉行○賜三次從軍官一級晉鎮國公蘇努固山貝子○以倫額特為左副都御史由通政使遷○癸亥先是差工部侍郎常綬等齋敕往諭策妄阿喇布坦至是還奏言六月十五日臣等至策妄阿喇布坦所授以敕書賜物謂之曰爾昔有擒斬噶爾丹之奏今噶爾丹雖死而丹濟拉乃同逆之人近至爾地爾當擒之並噶爾丹男女及體骨昇我伊拉古克三胡土克圖乃本朝人得罪逃歸噶爾丹凡百禍端皆此人興之亦當執之與我策妄阿喇布坦言丹濟拉已遁至中國不必言矣鍾齊海無知之女噶爾丹已灰之骨不便相付臣等再三索取竟不之與續執伊拉古克三胡土克圖其弟孟克里托博克噶爾丹之子車陵三魯卜其母察罕及程貝臧布

等交付臣等又達爾扎納親哈什哈之妻色梭達什訴於臣等曰
 聖上使我與丈夫完聚故與吳爾占扎卜之母一齊發放今聞
 丈夫自哈密擒解 御前乞帶我去與丈夫完聚臣等亦攜之而
 來車陵三魯布在途出痘而死問伊拉古克三胡土克圖供曰負
 皇恩罹此大罪我復何辭等語謹此奏明 上命議政大臣會
 議尋議覆伊拉古克三胡土克圖孟克里托博克應凌遲處死程
 貝臧布伊拉古克三胡土克圖之徒羅卜臧多爾濟應斬婦人布
 林察罕交該部安置得旨伊拉古克三胡土克圖孟克里托博克
 俱凌遲處死程貝臧布暫緩決有要言問之令取來羅卜臧多爾
 濟隨其師行與彼無涉著免死餘如議議政大臣又奏先是侍衛
 巴布希津木巴遇伊拉古克三胡土克圖劫掠之時托博克與皮
 裘馬匹使巴布希等歸得旨問托博克果實則宥之尋解伊拉古
 克三胡土克圖等到京集諸王以下蒙古王文武大臣官員喇嘛
 等於黃寺磔誅伊拉古克三胡土克圖孟克里托博克給巴布希
 等裘馬是實免其死○卹征厄魯特陣歿護軍騎兵予其子七品
 以下官無子者贍其家口終身單丁者給祭葬○戊辰 上謁
 陵啟鑾○庚午 上謁 暫安奉殿 孝陵至 仁孝皇后 孝
 昭皇后 孝懿皇后陵奠酒○甲戌刑部以太監劉進朝逃出訛
 詐議罪奏聞 上曰劉進朝乃禁中役使之人逃出已屬可惡况
 又於所逃處嚇詐有司宜照光棍例議罪嗣後太監有與同罪者
 以此爲例○乙亥理藩院奏喀爾喀故貝子阿南大之妻雖欲將
 貝子與其第三子丹金承襲但其長子滾楮克又經具呈相應請
 旨 上曰蒙古人欲各爲扎薩克不相統屬朕意伊弟若各自管
 轄愈善昔 太祖 太宗時招徠蒙古隨得隨卽分旗分佐領封

爲扎薩克各有所統是以至今安輯宜如阿南大之妻所請令其
 第三子承襲貝子其長子滾楮克儻欲另爲扎薩克亦可封之○
 是月免江南海州等二十一州縣衛水災額賦
 十一月辛巳 上還京師○甲申兵部議敘督運大臣于成龍等
 加四級三路運米墊道官員分四等議敘得旨于成龍授拜他喇
 布勒哈番塞赫復副都統職布雅努以侍郎用餘依議○丙戌諭
 戶部朕頃謁 陵時見用小錢者甚眾所換之數亦多舊錢及兩
 局之錢使用者少此實非益民之事也今歲田禾大有而米價仍
 貴詢之土人皆云錢賤所以米貴又問小錢從何而來皆云山東
 來者多由此觀之自古以錢法爲難誠然先年科爾坤佛倫管錢
 法時奏請將錢式改小朕每謂錢改小易改大難錢價若賤則諸
 物騰貴後因奏請再三方始准行今果如朕言爾等卽同九卿將
 東華錄 康熙六十 十
 錢法如何方能盡善確議具奏○諭大學士等嗣後凡遇行兵以
 武官委署戶部兵部總尉之例著永行停止可將二部司官特行
 派遣戰勝敘功之時伊等不得與如此則伊等卽可作明證諸事
 自從公料理將此交與該部著爲定例爾等亦記之○封下嫁喀
 爾喀多羅郡王敦多布多爾濟之公主爲和碩恪靖公主○戊子
 諭大學士等凡關人命事朕再三詳閱務期平允昨見高陽縣盜
 案情有可疑特差司官覆審今據奏張三等果非真盜嚴刑誣坐
 希圖銷案沈朝聘竟不詳察草率完結定罪具奏殊屬不合著三
 法司會同吏部議處○癸巳京師地震○甲午諭大學士九卿
 等朕自臨御以來早夜孜孜以敬 天勤民爲念不敢少有逸豫
 偶遇災變則尤悚然靡甯今次地震朕心不勝兢惕方今外寇初
 平海宇無事而災變示儆不可不加修省朕披覽前史如漢之文

景宋之仁宗亦有此異因其克修人事遂獲長享太平其他遇災不做視為適然卒致衰替可為炯戒每見內外大小官員多圖暇逸怠於職業能實體朕懷留心民事者甚少茲宜加殫乃忱共勤實政以為修弭之道一切政事有應興應革者爾等可悉心講求集議具奏○安南國王黎維正奏臣國牛羊蝴蝶普園等三處為鄰界土司侵占請敕地方官給還時雲南巡撫石文晟來京陛見上問以安南邊境事石文晟奏曰牛羊蝴蝶普園等三處明時內屬自我朝開闢雲南即在蒙自縣徵糧至康熙五年改歸開化府屬已三十餘年並非安南之地伊輕聽妄言擅行具奏而又遣兵到邊是時臣同督臣仰體 皇上柔遠至意令防守人等不得輕動臣思此地久入版圖且在內境斷不宜給還 上命大學士等詳議尋議安南國王黎維正不察本末輕聽妄言遣兵於邊疆

東華錄 康熙六十 十一

駐紮生事妄行應行文申飭從之○戊戌禮部議覆朝鮮國王李焯奏請於中江地方貿易米糧應不准行得旨朕撫馭天下內外視同一體並無區別朝鮮國王世守東藩盡職奉貢克效敬慎今聞連歲荒歉百姓艱食朕心深為憫惻彼既請耀以救凶荒見今盛京積貯甚多著照該國王所請於中江地方令其貿易○諭大學士等浙江巡撫線一信居官甚劣著革職○辛丑以張勳為浙江巡撫由山東布政使遷○刑部右侍郎孟額以病乞休允之○以囊吉里為山西按察使原任甘肅按察使○癸卯 上御保和殿青海扎什巴圖爾台吉謝圖戴青那木扎爾額爾德尼台吉益楚克台吉等來朝行禮畢命喇嘛商南多爾濟引近 御座前 上諭扎什巴圖爾曰爾父顧實汗自 太宗文皇帝至今進貢請安輸誠已久今至爾身往來不絕朕至甯夏時遣大臣等至爾處爾等即欲來

陛見朕又恐天暑爾等未便故云俟秋涼時來朝爾已年高遠涉至此殊可嘉尚又諭朕並非威懾爾等前來不過欲令天下生靈各得其所朕之尊不在爾等之來否所望爾等各遂安全克副朕好生之至意耳隨賜數珠袍袪銀幣鞍馬有差○甲辰諭大學士等各省被災地方巡撫先行奏聞俟部覆之後始行察勘被災分數直隸山東近地猶可若遠省則往返奏請為時既久雖議蠲賑於民無及嗣後有被災宜報者即將分數一併察報該部亦一併議覆○丙午以戴都里為刑部右侍郎調壽爾為副都御史由內閣學士○是月免安徽泗州等四州縣水災額賦有差

十二月己酉諭大學士等近見學士甚不逮前席爾登黃茂啟奏折本不能明晰俱解任著隨旗對品調用○辛亥以劉暉為山東布政使由候補按察使遷○甲寅諭大學士等朕屢次出兵看來為將誠難一應軍務惟在相機而行固不可急亦不可緩如阿喇尼紀爾他布過於急而為賊所敗馬思喀等又過於緩而致伊拉古克三胡土克圖逃脫去年中路出兵時雖以眾論俟大將軍公費揚古然以此為至論亦屬不可彼時公費揚古於五月十三日若不到昭莫多則噶爾丹豈不逃脫乎故為將者必相機調遣方能濟事其餘庸流則多有失策矣○乙卯論追伊拉古克三胡土克圖將士違律罪將軍馬思喀以下貶謫有差○丙辰以辛寶錢齊保溫達俱為內閣學士辛寶由光祿寺卿錢齊保由內閣侍讀學士溫保由督捕右理事官遷○辛酉 上幸南苑行圍○乙丑甘肅巡撫喀拜奏甘肅五學士子自設科以來從未中式一人請將涼甘等十學另編字號取中從之○兵部遵諭再行議敘湖灘河朔等三路設站人員 上曰噶爾圖等俱係廢官伊等尚令復職而見任官員情願效力設站自去冬以

至於今尙未更換勞苦殊甚部議僅爲加級未當又諭朕凡事惟從公耳彼西路武官將伊等功勞訴於大將軍咨部于成龍亦爲運米之人言至此輩並無有爲之言者朕若不言誰復爲此輩言也誠以效力而論則此輩亦甚效力矣准其以應升之缺先用今軍務已竣著將諸人俱撤回○庚午 上大閱於玉泉山○辛未 上還宮○是月免直隸霸州江南山陽江西星子等三十四州縣被災額賦有差○是歲朝鮮琉球安南入貢○人丁戶口二千二百四十一萬六千八百八十二田地山蕩畦地五百九十八萬六千六十八頃三十四畝有奇徵銀二千七百三十九萬七千六百三十八兩有奇米豆麥六百九十六萬八千四百五十二石有奇草鹽四百三十一萬九千三百八十引徵課銀二百六十九萬三千八百八十二兩有奇鑄錢二萬三千八百六萬三千六十有奇

東華錄

康熙六十

十一

上

東華錄

康熙六十

十一

上

康熙三十七年戊寅春正月辛巳議政大臣等奏厄魯特扎什巴圖爾台吉乃青海台吉之統領與土謝圖戴青納木扎爾額爾德尼台吉彭楚克台吉等率其所屬誠心歸化當封何爵伏候 上裁得旨封扎什巴圖爾爲親王土謝圖戴青納木扎爾額爾德尼爲貝勒彭楚克爲貝子○庚寅策妄阿喇布坦遣彭蘇克喇木扎木巴多爾濟寨桑等進貢奏言第巴將達賴喇嘛圓寂之事匿而不宣斥正傳之聖徒班禪自尊其身有玷道法詐稱達賴喇嘛之言以混亂七旗喀爾喀四厄魯特好事樂禍正未有已祈 皇上睿鑒俾法門之教無玷使眾生爭自濯磨 上召彭蘇克喇木扎木巴多爾濟寨桑至前問以奏參第巴之故奏曰 聖主曾諭云凡有表情不必疑忌悉皆奏聞今者第巴監禁班禪不使人見奉事紅帽喇嘛名德爾端多爾濟扎卜者詭稱即見世達賴喇嘛化身其行不端有乖道法台吉是以參奏 上諭之曰休息兵戎令宇內昇平始云道法若以護法爲辭必生弊端如爾等雖招撫回子曾滅其教亦能令其皈依佛法跪拜喇嘛否今天下太平之時惟令各行其道若強之使合斷不可行四十九旗扎薩克蒙古等迄今六十餘年朕視如一家初喀爾喀厄魯特構兵時朕曾諭達賴喇嘛令從彼處往解朕亦於此處命大臣等前往諭之使其相和不意達賴喇嘛之使竟偏向厄魯特彼時朕即知達賴喇嘛當已物故矣若彼尙存決不爲此第巴之構毀噶爾丹人盡知之又假託達賴喇嘛之言請將澤卜尊丹克巴胡土克圖土謝圖汗

執之以昇噶爾丹今者澤卜尊丹巴胡土克圖土謝圖汗親身皆在此處前土謝圖汗於鄂羅海諾爾地方為噶爾丹所敗彼時曾遣一寨桑來奏云臣等係歷來進貢請安之國若蒙主上憐恤收育我等即投順前來等語今不但澤卜尊丹巴胡土克圖土謝圖汗等即七旗之喀爾喀數萬蒙古歸順前來朕皆收養離散者使之完聚待斃者使之生全令其各得恆業至於澤卜尊丹巴胡土克圖土謝圖汗朕皆待以優禮未嘗有替眾蒙古以第巴為達賴喇嘛傳戒之人皆緘口不敢議朕曾以敕諭往責第巴彼甚心服具奏認罪朕因宥之嗣後第巴若改前行敬奉班禪達賴喇嘛則已若仍怙終不悛朕不但不寬貸第巴即其親密之青海台吉等朕亦不輕恕也前者青海台吉等聞朕出師甯夏之語盡皆震動遊牧移營而去今者青海台吉等以噶爾丹平定親來慶賀伊等東華錄 康熙六十一年

並無過端朕豈肯加兵朕統馭天下總願宇內羣生成獲安堵豈有使爾兩國生釁之理凡事惟期安靜而已○壬寅諭大學士等運往朝鮮國米石著侍郎陶岱共運至三萬石以一萬石賞資朝鮮國以二萬石平糶○癸卯 上巡幸五臺山啟變○甲辰 上駐蹕涿州長溝二里橋命 皇長子允禔大學士伊桑阿祭金太祖世宗陵

二月辛亥諭戶部山西平定等十一州縣連年歉收民間乏食朕心深為軫念所欠康熙三十六年錢糧悉行蠲免仍發倉賑濟毋致流離有妨耕種○壬子以征噶爾丹功封厄魯特貝勒巴圖爾額爾克濟農子雲木春為輔國公○癸丑 上駐蹕菩薩頂○丙辰 上回鑾○乙丑遣官賑濟南兗州青州三府○以張仲信為廣東按察使由雲南糧道遷○戊辰 上還京師○諭大學士等山東巡

撫李焯居官不善地方饑饉百姓乏食竟不奏聞及至言官參奏始行具奏朕為人君於國計民生日切存心詳加審慮李焯身任巡撫不知撫恤百姓著革職○命原任河道總督于成龍閱渾河王新命閱保定南河○工部議覆漕運總督桑額等奏會勘開漕下河一高郵之水勢宜分一車兒埠入海之口宜開一丁溪入海之口宜通一小海場入海之口宜開一草堰場洩水之開宜增一運河之水勢宜分應令將各項工程估計具奏從之○壬申直隸巡撫沈朝聘以老病乞休允之○命原任河道總督于成龍以總督管直隸巡撫事○以李綱為山東巡撫由督捕侍郎遷○乙亥以征噶爾丹功封鄂爾多斯貝勒松阿喇布為郡王公杜楞為貝子○以囊吉里為甘肅布政使覺羅巴哈布為山西按察使由御史遷○是月免浙江宣平江南泗州上年被災額賦

東華錄 康熙六十一年 三月丙子朔 上御經筵○丁丑冊封 皇長子允禔為直郡王 皇三子允祉為誠郡王 皇四子 皇五子允禩 皇七子允祐 皇八子允禩俱為貝勒○于成龍王新命奉旨查勘渾河清河請訓 上諭清河發源太行山脈會漳河子牙河滹沱河易水諸流其勢雖盛但堅築隄岸以遏之即歲潦亦可無虞又漳河支流經大城縣入子牙河其勢湍悍數年以來文安大城諸處屢遭水患皆此河之故也爾等宜詳悉察勘至渾河發自馬邑其源甚微每遇大水之年則橫流汎濫致洧民田詳審其故蓋由渾河淤沙既多或遇春時水乏保安以下居民又引河水灌田沙礫壅墊河身積高淫雨水發則避高就卑水勢瀾漫遂致民田衝沒爾等惟挑濬淤沙河之兩岸掘五六尺深闊令水得暢流當不至於漲溢矣爾等須詳視具奏築隄濬河工竣設立河夫委官監視及時

豫為挑浚遇旱歲力去淤沙庶無水患矣○戊寅以王國昌為督捕侍郎原任王燕為貴州巡撫由湖廣布政使遷○命內閣學士伊道等齎敕往諭策妄阿喇布坦曰覽爾奏言第巴掩匿達賴喇嘛圖寂之事斥班禪而自尊有玷道法好事如此恐禍正無已又爾所遣彭蘇克喇木扎木巴多爾濟桑桑等口奏爾之言云第巴監禁班禪不使人見奉事紅帽喇嘛名德爾端多爾濟扎卜者即見世達賴喇嘛化身亦以是兩喇嘛之言謂之達賴喇嘛而已並非班禪之言是以可疑第巴壞法門之教罪不可容本朝與達賴喇嘛交往七十餘年第巴原係達賴喇嘛執事下人因軫念達賴喇嘛欲使扶持道法是以優封為土伯特國王乃以久故之達賴喇嘛詐稱尚存以欺眾唆噶爾丹與戎所行不軌今又奏稱俟班禪胡土克圖往觀之時奏明而又不遣班禪且致書求爾勿遣觀此其情已極昭著矣爾所奏良是爾抒實情思為法門之教班禪胡土克圖之事而劾奏第巴朕深許之為此特差內閣侍讀學士伊道近御侍衛拉錫二等侍衛克什圖內閣侍讀常明三等侍衛津巴為使以伴敕例賜御用綵段十端○甯夏總兵官王化行以本姓殷具奏請復允之○乙酉山東巡撫李鈞以病乞解任調理允之○丁亥以任風厚為湖廣布政使由貴州按察使遷○戊子諭大學士等聞湖廣江西江南浙江廣東廣西福建陝西山西米價騰貴是必糜費於無益之事湖廣江西地方糧米素豐江南浙江咸賴此二省之米今此二省米價騰貴誠為可虞酒乃無益之物耗米甚多朕巡幸直隸等處見雖有禁造燒酒之名地方官不甚加意未曾少止著令嚴禁以裨民食○己丑以王國昌為山東巡撫由督撫遷○辛卯直隸巡撫于成龍以渾河圖形呈覽奏曰臣同西洋安多等

自霸州至郎城履舊河形細加丈量由永清固安至張協有舊隄一道約有七十里尚可幫修水溜亦在此處可以挑濬 上曰朕經行水災地方見百姓以水藻為食朕曾嘗之百姓艱苦朕時在念是以命爾於雨水之前速行濬河築隄使田畝得耕百姓生計得遂不知六月內可告成否于成龍奏曰臣董率分修各官作速辦理六月內可以完工○丙申調喻成龍為督捕侍郎以徐潮為刑部右侍郎原任工部右侍郎○壬寅以彭鵬為貴州按察使由給事中遷夏四月甲寅理藩院議覆烏朱穆秦親王色登敦多卜奏懇將克勒河朔等地給伊屬下就食人耕種應如所請得旨理藩院事每多稽滯此耕種關繫蒙古諸人生計若不速遣必致經霜失時著速派司官即日行○工部左侍郎圖爾宸以年老乞休允之○戊午轉常綬為工部左侍郎以羅察為工部右侍郎由內閣學士遷○己未東華錄 康熙六十一 五 敘征噶爾丹功授西安將軍參贊博爾濟等世職有差○壬戌諭大學士等廣東海關收稅人員按檢商船貨物概行徵稅以致商船稀少關稅缺額且海船亦有自外國來者如此瑣屑甚覺非體著減額稅銀三萬二百八十五兩著為令○策妄阿喇布坦奏臣之與哈薩克構兵非得已也昔噶爾丹擒哈薩克頭克汗之子以畀達賴喇嘛故頭克使人乞臣關說求還其子與彼完聚臣乃使人於達賴喇嘛索得頭克之子撥五百人護送歸之頭克反盡殺臣五百人後又殺臣屬下吳爾赫德巴圖爾台吉掠取其人民續又掠我吳梁海百餘戶人臣妻父阿毓奇以其女歸臣使妻兄三濟扎布送臣之妻彼又要截於路去歲秋臣商人自鄂羅斯歸彼又掠之哈薩克屢來犯臣有如許過惡臣是以興兵而往恐 聖上謂臣喜事好兵故陳此自白又丹津鄂木布聽讒與噶爾丹同殺

其兄索諾布阿拉布坦後臣與噶爾丹分散各自遊行丹津鄂木布又偕阿奴喀屯往就噶爾丹今窮迫而後來歸臣若使彼逸居恐又聽讒害臣是以拘而禁之為此遣使阿布都拉厄爾克察桑薩木坦達爾漢鄂毋布等奏聞 上命示議政大臣○甲子以恩不為內閣學士由內閣侍讀學士遷○予故貴州巡撫閻興邦祭葬○己巳諭宗人府溫郡王延壽行止不端並不思效力行走甚屬負恩此王原非承襲之爵乃增封之王伊父為人原亦平常著將延壽革去王爵授為貝勒又固山貝子袁端各處俱不行走但與在外漢人交往飲酒妄恣亂行著黜革鎮國公明瑞為人庸劣懶惰亦著黜革向來王貝子公等時常上朝近不上朝再右翼公等內亦有懶惰不行走者著宗人府會同領侍衛內大臣等將懶惰不行走者奏參革退尋議鎮國公劉永門度懶惰應革退普貴原有瘋疾今雖痊愈不便令其行走亦應革退得旨劉永門度依議黜革鎮國公根度為人甚屬乖張肆無忌憚亦著黜革普貴向來行走尚優既稱瘋疾已痊著照常行走○辛未增置雲南府州縣學生員○癸酉 上啟鑾閱漕河及要兒渡等隄岸

五月甲戌朔 上登陸巡視武清縣隄岸眾民跪叩奏曰要兒渡地方自蒙 皇上修築迄今永無水患此處隄岸正當水勢衝射請於隄岸之外另築一隄 上曰此隄岸之外若另作一隄爾等田畝豈不多致占廢眾民奏曰原非一家田畝即稍入隄內於小民亦無大損儻河水一決其患更甚 上曰轉盼間雨潦將屆今歲不及修築暫立木椿堅護隄岸另開小河以洩水勢今歲田畝可以無虞俟明春雨水前另築重隄爾等田慮俱得安固矣○癸未 上還京師○諭大學士等門度根度乃貝勒尚善之子今兩

公爵俱革尚善別無公爵之子孫則其爵遂絕矣著交宗人府議奏尋宗人府奏門度之祖費賜武係輔國公門度應襲公爵得旨門度著襲封輔國公○庚寅諭大學士等覽科道衙門月終註銷案件但奏稱無違限之事而事務若干件於幾日完結並未開載此後應將事件數目並完結日期於疏內詳列具奏○己亥以廣東錢價日輕停鼓鑄○辛丑兵部等衙門議覆雲南貴州總督王繼文奏魯魁山賊首擦捏等劫掠夷村傷新岷營守備張廷柱臣會同臨元總兵官王洪仁遣兵剿撫斬賊首擦捏查山林小賊無議敘之例應將在事人員無庸議敘得旨魯魁山賊眾盤踞總督范承勳巡撫石文晟俱會面奏官兵剿殺擦捏等賊可嘉在事有功人員俱著議敘以示鼓勵○壬寅裁上林苑衙門其監丞及良牧蕃育二署署丞俱裁去

東華錄 康熙六十一 七

六月乙卯以魯超為廣東布政使由廣東按察使遷○丁巳改四川梁萬營參將為化林營參將移駐化林化林營原設守備改為中軍守備撥梁萬營千總二把總三馬步兵三百七十五名歸併化林營梁萬營存守備一把總一馬步兵二百名○戊午議政大臣等奏第巴奏言濟隆胡土克圖向日通使因初到厄魯特地方不能成功實出無可奈何今濟隆胡土克圖有疾是以略至遲延此時前去心殊憂慮所如 諭旨勿致傷其生命鑒宥遣回等語查第巴以久故之達賴喇嘛詐稱尚在差濟隆胡土克圖於噶爾丹所烏關布通之役濟隆胡土克圖為噶爾丹誦經擇日交戰又噶爾丹與尚書阿喇尼交兵之時濟隆胡土克圖獻噶爾丹手帕濟隆胡土克圖情罪甚大理應立斬但康熙三十六年三月諭第巴旨內有寬宥其身命之語請將濟隆胡土克圖並其弟子發正陽門東

城下龍泉庵交步軍統領及近廟官兵看守該部酌量支給飲食第巴請遣回濟隆胡土克圖之語無庸議又班禪胡土克圖奏言前差內齊陀音宣 皇上敕旨召臣入京達賴喇嘛第巴亦曾遣使相促但臣所學者淺不能為功於道法且未出痘疹是以不往並非第巴阻止等語查員外郎保住已齎敕往使於班禪胡土克圖此所奏亦無庸議從之○己未戶部等衙門議准雲南巡撫石文晟奏吳三桂等三逆及孫延齡屬下脫逃人員或潛匿山谷或在土司地方藏形改姓或逃入魯魁山內緝之愈嚴畏罪思脫相聚為匪請將此內情罪可惡法不容恕者指明姓名徧行嚴拏其餘悉令免緝至於諸逆下士卒係各省之人其在逃者已奉旨免其查拏其歸順者內有閒散之人令其開墾荒地輸納錢糧子弟准其一體應試從之○戶部等衙門議奏河南任城等八衛運丁

東華錄

康熙六十一

八

張文安等叩閭呈告河南漕糧原在直隸大名府小灘鎮兌運原任巡撫李輝祖奏准改遷河南衛輝府水次路途遙遠山谷崎嶇輓運甚難請仍改歸小灘鎮應將河南漕糧改於小灘兌運從之○庚申設直隸保定府理事同知一○戊辰大學士張玉書丁母憂命回籍守制○盛京工部侍郎齊穡以病乞解任允之○以盧崇義為廣西按察使由江南廬鳳道遷○壬申以金璽為左副都御史由人府府丞遷

東華錄

康熙六十二

臣王先謙敬編

臣周澗蕃恭校

秋七月癸酉朔以吳瑛為保和殿大學士由刑部尚書遷○以蘇赫納為盛京工部侍郎由內閣侍讀學士遷○己卯京師地震○庚辰以張鵬翮為刑部尚書由左都御史遷○朝鮮國王李焯奏 皇上勅開海道運米拯救東國以甦海濱之民飢者以飽流者以還目前二麥熟稔可以接濟八路生靈全活無算下所司知之 御製海運賑濟朝鮮記曰朕聞救災拯患王政所亟是以夙夜求莫雖在遐方絕域猶若痾瘵乃身矧屬在藩維苟有疾苦何忍一日置之康熙三十六年冬朝鮮國王李焯以比歲薦饑廩庾告匱公私困窮八路流殍相續於道願懇中江開市貿穀以甦溝瘠俾無殍國祀朕深為惻

東華錄

康熙六十二

一

然立允其請遂於次年二月派大臣往天津截留河南漕米用商船出大沽海口至山東登州更用雞頭船撥運引路又頒發帑金廣給運值緩徵鹽課以鼓勵商人將盛京所存海運米平價貿易共水陸運米三萬石內加賚者一萬石朝鮮舉國臣庶方黎藿不飽獲此太倉玉粒如坻如京人賜之食莫不忻舞忻悅凋瘵盡起該王具表陳謝感激殊恩備言民命續於既絕邦祚延於垂亡蓋轉運之速賑貸之周亦古所未有也朕念朝鮮自 皇祖撫定以來莫其社稷綏其疆宇俾世守東藩奉職修貢恩至渥矣茲者告饑不憚轉輸數千里之勞不惜糜費數萬石之粟環國土而戶給之非獨一時救災拯患實所以普澤藩封而光昭 先德也是烏可以無記○乙酉以王士正為左都御史由戶部左侍郎遷○丙戌添設齊齊哈爾城倉官一筆帖式二○庚寅轉王揆為戶部左侍郎以

錢三錫爲戶部右侍郎由左副都御史遷○辛卯命吏部月選同知通判

州縣官俱引見○癸巳直隸巡撫于成龍奏霸州等處挑濬新河

已竣乞賜河名並敕建河神廟得旨照該撫所請賜名永定河建

廟立碑○乙未工部議覆漕運總督桑額等估計開濬下河應准

行 上諭大學士等下河入海之處朕雖未及親覽嘗聞人云鹽

城一帶地極窪下海水反高建閘無益儻河高海低水性趨下雖

不疏濬勢必決開一道以歸於海明代於海口設閘遇河水高則

啟閘以注諸海海水平則閉閘以禦海水前雖特令于成龍凱音

布修治毫無裨益今桑額居官雖優但此事非身親閱歷者難以

懸擬必深悉水性洞徹地形之人方可定議爾等問九卿並准揚

等處人在朝者確議具奏○丙申以吳涵爲左副都御史由太僕寺卿遷

○添設直隸贊皇縣守備一千總一把總二馬兵四百名○己亥

東華錄 康熙六十二

論大學士等今叛逆噶爾丹骸骨已經搜獲不日解至而遺孽就

俘亦拘繫在此應如何處置爾等會同議政王大臣滿漢九卿詰

朝集議以聞○大學士等奏開濬下河問之九卿及在朝准揚人

等九卿云淮揚人俱言開濬下河有益然此事關繫甚重應令漕

運總督桑額會同總督巡撫確議具奏 上顧于成龍曰爾意若

何于成龍奏曰姚二沼船廠蘆壩等河若行挑濬於民有益 上

曰朕幸五臺山回欲觀渾河清河因由霸州而來朕意渾河清河

俱匯流霸州城南原欲沿河修築隄岸不意至霸州詢地方百姓

據云渾河原經固安縣後因遷徙匯合清河流至霸州二河水勢

浩大以致泛溢爲災朕遂更初見一從民言於固安縣開河事乃

有成朕並不固執己意爾等爲總督巡撫者能如朕之不固執乎

然此河道甚短易於修治南省地形窪下水勢浩瀚難於修築不

比此河今若挑濬姚二沼等河爾果能保於民有益否于成龍奏

曰水性年年變異無有一定臣何敢永保其無虞 上曰河工緊

要必熟諳地形水勢之人能確知其利害方於民有益于成龍奏

曰桑額爲人遇事尙能斟酌今九卿議令桑額與總督巡撫會同

確勘定議具奏 上曰著依九卿議○以于準爲浙江按察使由

道遷○吏部議覆御史劉珩奏秦晉兩省道府州縣暨各省布政

使按察使缺出九卿詹事科道保舉賢能官員請卽於會議班次

各書保舉之員實事數端確有憑據者不得以空言舉薦其保舉

升用人員如日後貪婪事發將原保舉之官照督撫徇情薦舉例

議處從之○庚子議政王大臣等議奏噶爾丹逆天負恩俟侍讀

學士喇錫取其骸骨到京後應照吳三桂粉骨揚灰例擣爲細末

拋散通衢塞卜騰巴爾珠爾不當存留應立斬梟示差理藩院司

東華錄 康熙六十二

官將首級往示四十九旗喀爾喀各扎薩克至色卜騰巴爾珠爾

乳母之夫徵特和碩齊亦應處斬程貝臧布前因有要言質訊奉

旨暫且停決茲事已畢亦應處斬得旨徵特和碩齊當免程貝臧

布當誅此事俟朕回鑾可也喇錫到日著單身乘驛趨赴行在○

直隸巡撫于成龍奏贊皇縣地處重山界連三省爲山賊賊奸之

藪 皇上憫伊等無知命候補參議道李毓柱等招撫今賊首李

斗等就撫下部知之○辛丑 上奉 皇太后詣盛京謁 陵啟

鑾以山海關秋禾未穫命取道口外○增直隸保定河間二府屬

管河同知各一州判一縣丞三主簿四○是月免江南海州鹽城

縣大河衛水災額賦有差

八月壬寅朔 上駐蹕密雲縣先是 上遣內閣侍讀學士喇錫

等齋敕往諭策妄阿喇布坦曰爾與爾叔噶爾丹分離以來誠心

恭順聘賈不絕朕亦不時加恩遣問噶爾丹逆天違背朕旨今永滅矣其屬下大寨桑諸喇嘛俱已來降止丹濟拉吳爾克扎卜數人茫無所歸流行而已近者副都統阿南達報稱丹濟拉攜其子多爾濟塞卜騰拉思倫等來降噶爾丹之屍噶爾丹之女鍾齊海程貝臧布之妻及其穉子諾顏格隆俱被爾所遺堪都等截留伊拉古克三胡土克圖往投爾所吳爾占扎卜色稜阿巴等爾已擒之阿喇爾拜自縊死車陵布木往投丹津鄂木巴布此項人等皆黨惡之人不可一日容者也若在爾地亦不利於爾故特遣敕諭爾朕旨一到爾立刻一併查拏及噶爾丹之屍與其女鍾齊海同朕使臣差人護解如此則爾始終恭順之心確著亦得長沐朕之恩寵於無窮矣儻若隱匿不行擒解不但爾歷年之恭順皆虛即爾貿易之人亦永不許通行矣以上情事亦已明諭恐爾使人不

東華錄 康熙六十二 四

能全記告爾特遣內閣學士喇錫理藩院司務英古齋敕往諭以伴敕例賜綵段十端至是策妄阿喇布坦以雲端格隆充使同喇錫等來獻噶爾丹骸骨喇錫等奏聞 上命喇錫等帶噶爾丹骸骨置京城外懸挂示眾○理藩院奏策妄阿喇布坦奏噶爾丹多爾濟逃來往回子所居庫察城被輝特人等所殺其下人俱四散噶爾丹多爾濟之母率寨桑數人向西而去矣噶爾丹之屍鍾齊海吳爾占扎卜等之事前已曾奏請今奉 聖旨特遣使臣來是以將噶爾丹骸骨遺發至鍾齊海及吳爾占扎卜等寨桑請以昇我厄魯特降人在中國者仍請鑿恤 上命議政王大臣等議奏尋議厄魯特降人俱係噶爾丹屬下噶爾丹逆天違旨 皇上討而滅之俘其屬眾招之使來者有之陸續來降者亦有之並非策妄阿喇布坦之人其奏請仍加眷恤之處無庸議噶爾丹多爾濟

被殺亦無庸議至策妄阿喇布坦雖獻噶爾丹骸骨而鍾齊海乃噶爾丹之女吳爾占扎卜等助噶爾丹作惡此輩不便容留策妄阿喇布坦處應令將鍾齊海吳爾占扎卜色稜阿巴車陵布木諾顏格隆等人仍遵前旨擒拏差人起解從之○戊申諭兵部嗣後巡捕營官員降級調用者仍著以巡捕營員缺用著為令○癸丑上幸喀喇沁和碩端靜公主第○甲寅賜端靜公主和碩額駙噶爾臧金幣○己未吏部議覆湖廣總督李輝祖奏湖南田種不均奉旨均丈改正偏沅巡撫楊鳳起因此案係彼藩司任內承丈造冊出過印結專怙己私罔恤民隱欲取齊各屬並無不均印結混結此案殊屬溺職應將楊鳳起照例革職從之○甲子諭領侍衛內大臣索額圖等 皇太后父母所葬之地在發庫山相去二百里應於道路附近處擇潔淨之地 皇太后遙為祭奠○己巳

東華錄 康熙六十二 五

賜和碩端敏公主和碩達爾漢親王額駙班第金幣○辛未以金璽為偏沅巡撫由左副都御史遷○湖廣總督李輝祖奏湖南界連黔粵苗徭雜處本年七月十五日賊首黃明率黨吳旦先等百餘人突至靖州城外傷把總李成功等靖五協副將楊雄追擊賊眾旋潰又茶陵州與鄱縣萬陽山連界本年七月二十四日有萬陽山賊首陳丹書率眾擁入州城署州事永州府同知史在鏞等被傷劫印得旨賊徒倡亂傷官劫印該管文武各官著嚴加察議具奏並敕湖廣貴州廣西等三省督撫提鎮速行勦滅務淨根株毋致滋蔓仍嚴束弁兵不得借端擾害地方○是月免江南壽州鳳陽等十二州縣及福建同安縣水災額賦有差 九月壬申朔 上駐蹕克爾蘇臨科爾沁和碩達爾漢巴圖爾親王滿朱習禮墓奠酒○甲戌 上幸和碩純禧公主第○丙子

上臨科爾沁端貞長公主墓奠酒○丁丑 上駐蹕能諾黑席北
地方賜純禧公主和碩額駙般迪金幣○己卯 上駐蹕烏楚滾
賜來朝翁牛特敖漢奈曼阿祿科爾沁郭爾羅斯喀爾喀科爾沁
喀喇沁土默特諸王貝勒貝子公台吉等金幣○癸未先是 上
遣內閣侍讀學士伊道等齎敕往諭策妄阿喇布坦至是策妄阿
喇布坦以諾顏格隆厄爾巴噶卜楚付伊道等遣使滾楚克等覆
奏 上命議政大臣議奏尋議厄魯特來降之人原皆噶爾丹屬
下之人並非策妄阿喇布坦之人所奏加眷恤之處仍無庸議策
妄阿喇布坦懇切請留吳爾占扎卜阿巴色稜等人應停解吳爾
占扎卜等留給策妄阿喇布坦至鍾齊海乃噶爾丹之女務令解
來又策妄阿喇布坦奏第巴凡事越理而行前經具奏今仍不改
查第巴欽遵 上諭擬於來年三月遣發班禪來京策妄阿喇布
坦所奏無庸議從之諭策妄阿喇布坦曰朕撫養億兆凡恭順
竭誠者必厚待加恩前以吳爾占扎卜阿巴色稜等輩皆助噶爾
丹之人恐留於爾地又復作亂亦未可定故命爾解來今爾奏言
吳爾占扎卜阿巴色稜等非臣所應分之人但臣人力甚少而哈
薩克等人又皆與臣為難臣得伊等可以助力據實陳情朕矜爾
諄懇之意許停解吳爾占扎卜阿巴色稜矣至鍾齊海乃噶爾丹
親女不得與他人為比比此斷不許留於爾地務必差人解來如此
則許爾照常通使行商爾若仍不肯解來爾不得復通使矣至厄
魯特來降朕者原皆噶爾丹屬下人噶爾丹違朕之旨毒害生靈
朕親率兵勦滅其屬眾有伴獲而來者有陸續歸降者並非爾之
人所奏不准行又爾奏言第巴自臣前次奏後聞其凡事背理而
行中國亦常洞鑒之矣朕已嚴敕第巴使遣班禪第巴欽遵朕旨

奏覆於來年三月遣班禪來爾之所奏朕已知之特諭○以梅錕
為左副都御史由宗人府○設直隸永定河南岸北岸分司各一
○己丑工部議覆浙江巡撫張勅奏本年七月十三十四兩日颶
風大作海潮越隄而入衝決海甯縣塘千六百餘丈海鹽縣塘三
百餘丈應令該撫作速修築從之○乙未湖廣總督李輝祖奏茶
陵州叛賊陳丹書等於本年八月初六日被官兵擊敗奔安仁縣
至衡州府城外放火攻門被衡州協官兵追殺至常甯縣城擒獲
陳丹書等下部知之○丙申以張霖為福建布政使由安徽按察使遷○
庚子停盛京烏喇本年決囚
冬十月癸卯 上行圍射殪二虎其一虎臥於山下驚鳥槍聲而
起 上隔澗發矢穿其脇虎應弦倒斃新滿洲等俱大駭奏曰從
未聞隔澗望影能射倒猛虎者也是日駐蹕奇爾賽畢喇○甲辰
東華錄 康熙六十二 七
皇太后聖壽節 上詣 皇太后行宮前行禮敕封 皇太后
駐蹕之山為壽山○先是 上蕩平噶爾丹諸王大臣等請立碑
太學至是 御製碑文曰惟 天盡所覆海內外日月所出入之
區悉以畀予一人自踐阼迄今早夜殫思休養生息冀臻熙皞以
克副維皇大德好生之意庶幾疆域無事得以偃兵息民迺厄魯
特噶爾丹阻險北陸因此一方人既荼毒塞外輒狡焉肆其兇逆
犯我邊鄙虐我臣服人用弗甯夫蕩寇所以息民攘外所以安內
邊寇不除則吾民不安此神人所共憤天討所必加豈憚一人之
勞弗貽天下之逸於是斷自朕心躬臨朔漠欲使悔而革心故每
許以不殺彼怙終不悛我師三出絕塞朕皆親御以行深入不毛
屢涉寒暑勞苦艱難與偏裨士卒共之迨彼狂授首脅從歸誠荒
裔之長來享闕下西北萬里灌燧銷烽中外又謐惟朕不得已用

兵以安民既告厥成事乃獨釋膏災潔事禮望為億兆祈昇平之福而廷臣請紀功太學垂示來茲朕勞心於邦本嘗欲以文德化成天下顧茲武畧廷臣僉謂所以建威消萌宜昭斯績於有永也朕不獲辭考之禮王制有曰天子將出征受成於學出征執有罪反釋奠於學以訊誠告而泮宮之詩亦曰矯矯虎臣在泮獻馘又禮王師大獻則奏凱樂大司樂長其事則是古者文事武事為一折衝之用具在樽俎之間故受成獻馘一歸於學此文武之盛制也朕嚮意於三代故斯舉也出則告於神祇歸而遣祀闕里茲允廷臣之請猶禮先師以告克之遺意而於六經之指為相符合也爰取思樂泮水之義為詩以銘之以見取亂侮亡之師在朕有不得已而用之之實或者不戾於古帝王伐罪安民之意云爾銘曰

巍巍先聖萬世之師敬信愛人治平所基煌煌聖言文武道一禮
東華錄 康熙六十二 八

樂征伐自天子出朕臨域中逾茲三紀嘗見羹牆寤寐永矢下念民瘼上承帝謂四海無外盡隸候尉維彼兇醜瀆亂典常既梗聲教遂窺我疆譬之於農患在螟螣秉畀不施將害稼穡度彼游魂險遠是怙震以德威可往而取朕志先定龜筮其依屬車萬乘建以龍旂祝融駉鸞風伯戒途宜賜而賜利我樵蘇大野水涸川瀆效靈泉忽自涌其甘如醴設為犄角一出其西一出其東中自將之絕域無人獸羣受掩五日窮追彼狂走險大殲於路波血其孽翦其黨孽俘彼卒徒眾烏晝號單馬宵遁恐久駐師重為民困慎固戍守還轅於京自夏徂冬雨雪其零載馳載驅我行再至蠢茲窮寇昏惑不悔我邊我氓以休以助爰甯其居爰復其賦藩落老穉斯恬斯嬉歲晏來歸春與之期春風飄揚我旌旆我今于邁如涉我郊言秣我馬狼居胥山登高以眺閱彼彈丸天降兇罰孤

雖就羈三駕三捷封狼與尸既腊梟獍既獮豺羆大漠西北解甲棄及振旅凱入澤沛郊卜明禋肆赦用迓景福昔我往矣在泮飲酒陳師鞠旅誓屈羣醜今我來思在泮獻功有赫頌聲文軌來同采芹采藻頌興東魯車攻馬同亦鐫石鼓師在安民出非得已古人有作昭示此旨緬維虞廷誕敷文德聖如先師戰慎必克惟兵宜戢惟德乃綏億萬斯年視此銘詞○命勒察罕七羅碑文曰康熙三十五年歲次丙子四月丙戌朔十三日戊戌 大清皇帝征討厄魯特噶爾丹將六軍過此 御筆勒銘惟 天所覆皆吾赤子綏靖邊陲殄滅蛇豕山澤效靈草蕃泉旨羽衛斯經貞石用紀

○命勒拖諾山碑文曰康熙三十五年歲次丙子五月丙辰朔十二日丁卯 大清皇帝征討厄魯特噶爾丹駐蹕拖諾山 御筆勒銘瀚海蕩蕩臚胸泱泱親御六師我武維揚震雷霆威誓日月

東華錄 康熙六十二 九

光前厥兇醜安定遐荒○命勒昭莫多碑文曰康熙三十五年歲次丙子五月丙辰朔十三日戊辰 大清皇帝征討厄魯特噶爾丹大兵邀擊於昭莫多之地盡殲賊眾 御筆勒銘 天心洪佑翦逆摧兇困獸西竄膏我軍鋒一鼓而殲漠庭遂空磨崖刻石丕振武功○命勒狼居胥山碑文曰康熙三十六年歲次丁丑四月庚戌朔 大清皇帝討滅厄魯特噶爾丹駐蹕狼居胥山 御筆勒銘登狼居胥遡大河曲遐播德威以綏荒服殄寇甯人義正仁育絕域來同敷天永福○以鄂海為陝西布政使赫碩為陝西按察使由郎中遷○丁未 上行圍槍殪二大熊是日駐蹕輝發○已酉吏部等衙門議准雲南巡撫石文晟等奏雲南北勝州偏近蒙番與永甯府接壤查永甯府並無城郭市廛止設掌印同知一未立衙署該地土司無人管攝請裁永甯府以北勝州改永北府裁知

州吏目另設知府一經歷一永甯府掌印同知改永北府同知北勝州原設學正一今改永北府學教授又順州向係州治久經裁缺屬鶴慶府但去鶴慶府遠而與北勝州近亦歸併新改永北府轄從之○癸丑 上閱興京城駐蹕 永陵西○甲寅 上謁

永陵○遣官奠武功郡王禮敦巴圖魯恪恭貝勒塔察墓○賜守陵官兵銀幣○江南江西總督范承勳丁母憂命回旗守制○

以孟世泰為貴州布政使由河南按察使遷○兵部議准雲南貴州總督

王繼文奏貴州水西宣慰使安勝祖病故承襲無人請將宣慰使停襲其水西土司所屬地方改歸大定平遠黔西三州流官轄從

之○丙辰諭內大臣等開國佐運動臣揚古利費英東額亦都三人效力甚可嘉尚此三人墓祭 昭陵日親臨奠酒其餘諸臣

效力亦屬可嘉康熙二十一年曾經祭奠者照前舉行親親王薩

東華錄 康熙六十二年 十 哈廉克勤郡王岳託等墓各遣大臣致祭尋揚古利費英東額亦

都之子孫公福善等奏曰 皇上欲親臨臣等之祖墓奠酒臣等

不勝惶懼伏祈 皇上停止 上諭 太祖 太宗開國定鼎爾

祖輔佐勤勞即爾等亦不能詳悉朕時閱 實錄知爾等之祖於

開創時功績懋著深屬可嘉朕既親來謁 陵必當臨爾祖墓奠

酒爾等毋庸再奏○丁巳 上謁 福陵 昭陵 車駕至盛京

○戊午賑海州鹽城等九州縣饑○己未 上臨奠武功王揚古

諭戶部盛京係 列祖勅興之地朕謁祭 陵寢咨詢民生承德等州縣今歲田禾未獲全登宜加恩恤應徵米豆概行蠲免爾部即移文該府尹徧示閭閻家喻戶曉務俾均霑實惠以副朕愛民至意○是月免直隸豐潤縣旱災額賦十之三

十一月癸酉吏部議覆直隸巡撫于成龍奏永定河流湍迅多致淤淺必需多員因時制宜以收成效應照黃運兩河例於候選候補人員內擇諳練河務者赴工效力從之○戊寅 上謁 暫安

奉殿 孝陵○以吳國柱為河南按察使由江西道遷○辛巳 上

復謁 暫安奉殿 孝陵至 仁孝皇后 孝昭皇后 孝懿皇

后陵奠酒○癸未 上奉 皇太后還京師○甲申諭大學士等

朕初親政時滿洲無有關毆持刀殺人之事以後漸有犯者及今

此風日甚可見習俗浸薄必使還醇歸厚斯為善耳先時滿洲往

東華錄 康熙六十二年 十一 往輕斃其家人朕乃立為差等之罰今此風則少息矣○乙酉諭

大學士等開濬下河民生攸繫朕為閭閻疾苦深切軫念會命開

音布孫在豐于成龍王新命等專司開濬伊等俱奏工程告竣民

生大蒙利益載在冊籍存部可考人亦具在可以質詢也由今觀

之止是虛糜國帑水勢並未消滅田畝並未涸出所謂有益民生

者果何在耶今桑額又奏當行開濬而九卿並不詳詰從前開濬

諸人亦不稽考冊籍遠議准行如果此次開濬巨浸全消疆理盡

復民業得濟朕於錢糧絕無吝惜即動發帑金令其興工而已至

捐助事例並不宜允行即今山陝所捐銀米其事尚未明晰也若

下河果如其所請疏鑿開濬而桑額等能保水即消田即出有神

於民以身家保奏則即令開濬之御史吳甫生亦以此事條奏所

言甚是可將其奏並發九卿詢前此督濬者復稽考諸冊籍然後

確議以聞○丙戌諭大學士等朕君臨天下無分內外視同一體夙夜勤勞政事凡有益於民者務求必濟至於絕域荒陬之蒙古等無不撫育使各安其業咸遂其生近者巡幸所經敖漢奈曼阿祿科爾沁扎魯特等處見其水草甚佳為孳生蕃息之地而蒙古等漸至窘迫者由其牲畜被盜不敢夜牧故耳朕察知其情會著原任郎中李學聖往翁牛特員外郎喇都渾往策妄扎卜主事奢洽往敦多布多爾吉等處以教育之此處盜賊屏息漸得生理以此觀之其他處蒙古亦應照此例差才能之人教養一二年則蒙古得遂其生矣如其不然雖賞賜頻仍而蒙古不善營生有何裨益況蒙古王等各私其所屬諸凡問罪盡不得其當必遣內地官員教導一切事務始得就理爾等將朕此諭曉示八旗宗室覺羅滿洲蒙古漢軍內或見任官或革職之人或平人有願往教養蒙東華錄 康熙六十二年 主

古者著伊等往彼教育消弭賊盜若遇彼處盜案即與該旗王等會同審理使伊等住一二年即便撤回誠能副朕諭旨效力勤謹朕當加不次之恩○辛卯以李基和為山東按察使由山西雁平道遷○盛京工部侍郎蘇赫綠事降調○壬辰諭大學士等朕觀部院官員自論俸補授以來久未察劾以至年齒衰邁才力不及者甚多可令各部院衙門察其年老才劣並行止乖亂者參奏將所參之人引見○以張鵬翮為江南江西總督由刑部尚書遷白爾克為盛京工部侍郎由盛京禮部理事官遷○甲午大學士伊桑阿阿蘭泰奏曰臣等年老凡請旨事件每有遺忘伏祈 皇上別簡大學士共理政務上曰大學士最為重任必平坦雍和辦事敬慎者方為稱職至於記事學士可分任之爾二人著照舊供職○轉楊舒為禮部左侍郎調戴都里為禮部右侍郎以辛寶為刑部右侍郎由內閣學士遷○乙

未諭大學士等福建巡撫宮夢仁安徽巡撫陳汝器居官俱劣著解任○諭戶部淮安揚州鳳陽比年水患頻仍百姓艱於粒食朕時加軫恤屢賑屢蠲但念久歉之餘恐致資生匱乏開春東作農事艱難若不大沛恩施安能令小民各得其所著將海州山陽等二十州縣衛明年地丁銀米漕糧盡行蠲免○丙申調李振裕為刑部尚書以熊一瀟為工部尚書由工部右侍郎遷○丁酉諭大學士等今時際隆冬正當水涸而董安國乃奏水長朕觀其所奏諸事皆於河道水性罔協其宜殊不稱職著革任于成龍原任河道總督今河上工程皆其未完之事其下效力之人亦眾此缺著將于成龍補授速召來京陛見詳議河務令其馳驛赴任董安國未完各項錢糧及修築工程皆逐一交明于成龍又諭修治下河必將上流會赴下流宣洩徧加詳悉勘明始可酌定如果應行修治來年東華錄 康熙六十二年 主

仲春舉行亦未遲誤照修永定河多派京師官員分委興工庶可速竣○庚子以張志棟為福建巡撫由江蘇布政使遷李鈞為安徽巡撫原任山東巡撫○是月免江南高郵等五州縣水災額賦有差十二月辛丑朔河道總督于成龍陛辭 上諭聞淮揚河水泛漲清江浦百姓所居之地皆已被水夫洪澤湖實黃河之障淮水強盛力可敵黃則黃水不得灌入運河今淮水勢弱不能制黃全注運河黃水又復灌入且兩河相距甚近清江浦地處其中其一帶地方受泛溢之害勢所必然惟淮水三分入運七分歸黃運道始安顧大學士等論曰朕昔年巡視河工會至大墩隄步行十五里詳加閱看今寰宇昇平海內甯謐惟河工關繫運道民生朕數十年來夙夜縈懷留心研究故河道情形熟悉已久總之上流既理則下流自治矣桑額所奏開濬下河一事朕不即允行正是有益

於彼桑額固居心平和爲人誠實然遇事不免遲鈍易被人欺如此紛繁事務何以責其成功于成龍屢委以事向克勉效河工事情緊急與于成龍敕書內須入各部不得掣肘之語使得相機料理庶不誤事河務浩繁于成龍年已漸老且一身難以兼顧奉天府府尹徐廷璽曾任河工尚諳練著即令前往協理河務又諭河務緊要董安國修築工程繁多恐致與于成龍等彼此推諉可遣部院堂官並率賢能司官前往會同漕運總督桑額將已完未完之工並所用錢糧數目逐一詳明察丈細造清冊齎來尋命戶部尚書馬齊督捕侍郎喻成龍工部侍郎常綬前往○以李光地爲直隸巡撫由工部左侍郎遷○壬寅以李枏爲工部右侍郎原任○甲辰雲南貴州總督王繼文來京陛見 上諭大學士等督撫乃封疆大臣陛見之時應將有司賢否小民疾苦詳明陳奏以裨治理夫民東華錄 康熙六十二 古 之苦樂皆係於官之賢否官賢則民安否則民之困苦無所底止矣是以考察官吏以獎勵廉潔爲要今雲南貴州總督王繼文入覲並不陳奏及此如廣西提督李林盛居官甚優前者陛見所奏絕無隱諱問及廣西武弁賢否皆從公敷陳其言朕皆書而誌之矣○丙午裁滿洲少詹事諭德各一中允贊善正字錄事各二○丁未諭大學士等運河一帶惟黃水清水交匯之處甚屬緊要此處得宜則他處易治前日子成龍亦謂大墩地方緊要此處修築堅固始可無慮此言極是夫河務深微不訪土著之人不可而全聽其言亦不可如向日天妃閣以板阻水啟板行船須五六百人捧挽方得過聞今已平緩船隻不需捧挽坦然而行以此觀之乃時候之不同也○轉李枏爲工部左侍郎以顧藻爲工部右侍郎由內閣學士遷○以劉殿衡爲江蘇布政使由陝西道遷○戊申增保定府

理事通判一○庚戌諭宗人府近日朕傳集諸王及閒散宗室於景山校射者將以勸懲賢否也及試以射善射者頗多朕心甚悅其有品秩之宗室俱爲王府護衛官職有遷轉之階惟閒散宗室雖有幹濟之才亦無路上進兆姓中凡有材者尙選擇錄用而朕宗室中之有材幹者不獲登用良可惜也爾衙門將宗室中材力壯健長於騎射者詳查奏聞朕將授爲闕廷侍衛職官視其效力若材力果優勤於供職即授以副都統參領職任安於庸劣者方罷斥之家貧無力者一併查奏朕將籌其生計○諭大學士等緣事婦人拘喚至部院衙門對簿鞫問於理未協朕因此故會屢次頒發諭旨今見因事牽連之婦人仍有拘至公庭質訊者嗣後除親身犯罪外無論官民人之妻有事屬牽連應行質訊之處可遣司官筆帖式往其家問取口詞其拘至公庭永行停止○辛亥理東華錄 康熙六十二 五 藩院奏蒙古賓客供給應行裁減 上諭大學士等滿不意見庸劣所議殊屬不合凡扎薩克皆有額設都統副都統等官其諸王則有長史護衛典儀及各項雜職非謂按其品秩賜以食物爲妄費也伊等供給豈可概議裁汰所宜覈查者實授職官之外又妄開寨桑頭目及部下數百人指名冒取供給議裁蓋謂此耳觀其所議必理藩院官員通同蒙古捏造虛名瓜分肥己是以不顧朕之研究此等情事朕洞知之伊等不改前非竟議裁減俟蒙古叩關之時仍復欲准行耳至喀爾喀前者未附我朝故私設有寨桑頭目之名今俱來降已設扎薩克授以護衛職官又安得有寨桑之稱乎若按其見授秩銜賜之食物彼亦知中國官爵之尊願效力而服官矣滿不爲人朕素知之其材力雖有可取品行則甚不端也爾等其召而責之○添設光祿寺大官署等四署滿署丞各

一○吏部等衙門議准四川巡撫于養志等奏東川土府應改爲東川軍民府設知府一經歷一屬永甯道設遊擊一守備一千總二把總四屬永甯協其駐防兵丁一千於雲南貴州四川三省就近東川地方兵內抽調從之○癸丑以胡會恩爲內閣學士由大理寺○甲寅雲南貴州總督王繼文以老病乞休允之○丙辰御史朱廷銓奏服滿候補人員內有特簡者有卓異者應不論班次即行錄用 上諭大學士等覽朱廷銓所奏未必無故但所言之事有當於理夫治國家者以人才爲要朕親簡之官如丁憂服滿起補與降級及一概丁憂者校年補授何時得錄用乎凡條奏合宜即爲准行其間有私與否朕不問也○丁巳原任內閣學士黃茂等前往教養蒙古請訓 上曰蒙古之性懶惰田土播種後即各處遊牧穀雖熟不事刈穫時至霜隕穗落亦不收斂反謂歲歉東華錄 康熙六十二 六

又因盜賊眾多將馬畜皆置之近側夜則圈之宿處以致馬畜瘦斃生計窘乏且蒙古王貝勒貝子公等俱各承襲父爵年在童穉率皆不能教養所屬安輯民人兼之族類性貪見所屬有馬牛刀帶諸物亦必索取遂致困苦難存四散餬口不能禁止亦不能收集是以人皆窮乏爾等至彼查明實無生計者賑給之至於勸善懲惡尤爲要務應會同蒙古王扎薩克等嚴禁盜賊拏獲係兩旗下者爾等即會同取供情實立刻正法示懲又必加意鞫訊勿得枉殺無辜蒙古地方多旱少雨宜教之引河水灌田朕巡幸所至見張家口保安古北口及甯夏等地方皆鑿溝洫引水入田水旱無虞朕於甯夏等地方取能引水者數人遣至爾所朕適北巡見敖漢柰曼等處田地甚佳百穀可種如種穀多稔則興安等處不能耕之人就近貿易販糶均有裨益不須入邊買內地糧米而米

價不至騰貴也且蒙古地方既已耕種不可牧馬非數十年草不復茂爾等酌量耕種其草佳者應多留之蒙古牲口惟賴牧地而已且敖漢柰曼等處地方多魚伊等捕魚爲食兼以貨賣儘足度日此故宜知之凡有利益朕不時指示爾等當盡心勉勵以副朕意其王貝勒等爾等宜與和協凡事相商而行有訓誨之處須服其心馴致協睦蒙古性情怠玩愚蠢者固多然亦樸直但董理教導得宜此輩亦易從也○戊午諭大學士等興起教化鼓舞品行必以孝道爲先節婦應加旌表孝子尤宜褒獎八旗豈無孝子其居官殷實者行孝乃分內事耳貧人克盡孝道誠爲非易如有身處貧寒能盡孝於父母者察明奏聞○己未左副都御史吳涵奏編修檢討等員升轉壅滯請酌復變通編修檢討照李鴻柱棍之例外補一二人少詹事侍讀學士侍講學士等官照王士正徐潮東華錄 康熙六十二 七

顧藻王九齡等之例以京堂各衙門調補一二人 上諭大學士等覽吳涵奏翰林官壅滯所奏極是翰林官員係進士內選拔者教習三年又行考試擇其善者始留衙門不但伊等應升缺少以致壅滯即滿洲漢軍翰林官亦皆壅滯其應升缺出俱與筆帖式較俸升補是以伊等升轉甚遲近見滿洲漢軍翰林所學皆好亦不減漢人此奏朕已知之不必令部議也○以巴錫爲雲南貴州總督貝和諾爲陝西巡撫由戶部右侍郎○庚申以魯伯赫爲戶部右侍郎由副都○辛酉 上幸南苑行圍○丙寅 上還宮○是月免浙江歸安湖廣鍾祥等十一州縣旱災額賦有差○是歲朝鮮策妄阿喇布坦入貢○人丁戶口二千四十一萬六百九十三田地山蕩畦地五百九十八萬六千七百七十五頃三十四畝有奇徵銀二千七百三十九萬八千五百三十八兩有奇米豆麥六百

九十六萬八千四百七十二石有奇草二百八萬一千六百五十三束茶十五萬七千四百五十三引行鹽四百三十一萬九千三百八十引徵課銀二百六十九萬五百八十二兩有奇鑄錢二萬三千八百六萬五千四百有奇

東華錄

康熙六十二

大

東華錄

康熙六十三

臣王先謙敬編
臣周瀚蕃恭校

康熙三十八年己卯春正月辛卯諭吏部戶部兵部工部朕撫馭寰區乂安中外孜孜圖治宵旰勤民期於天下咸遂生成無物不得其所今邊烽永靖四方無事獨是黃淮爲患衝決時聞下河地方田廬漂沒朕軫念民艱曩曾屢遣大臣督修不惜數百萬帑金務期早綏黎庶乃歷年已久迄無成功今水勢仍復橫溢浸漫城閭沈沒隴畝以致民多失業董其役者未有上策可以宜民時廩朕懷未嘗少釋在內諸臣咸請朕親臨指示爲一勞永逸之圖方今春時雨水減少正宜講求疏濬以遂安瀾爰諭吉南巡親加勘閱更以吳地襟帶江湖乃東南輿壤勵俗省耕兼行臨視凡一切往返供億已皆備辦於京師即途次日用所需亦令各衙門照本地時值採買總於民間一無所累仍恐沿途官吏藉名科派致累閭閻故特頒諭嚴行申飭如有悖旨假託派索者察實即以軍法從事該地方大小文武官員不許與扈從官員藉稱親舊擅相餽遺違者與受人員並以軍法從事其扈從大小官員隨行儉從人等如有橫行生事者一併從重治罪凡經過地方百姓各安生業皆如常時務令塵無廢市隴不輟耕毋得惶遽引避其軍民人等懷挾私怨受人指使擅於駐蹕處所輒行告訐者一概嚴禁不准仍照衝突儀仗例嚴加治罪爾部即傳諭扈從大小官員人等並行各該督撫於各府州縣城市鄉村徧張告示備行曉諭務令億兆通知以副朕體恤惠愛至意○壬辰順承郡王寵寶薨以其兄布穆巴襲○丁酉定武選官引見例

二月辛丑朔工部尚書熊一瀟以病乞休允之○壬寅諭大學士等詹事府詹事尹泰不到衙門故其屬官任意懈弛不知禮節著以原品解任仍令纂修書籍○癸卯 上南巡奉 皇太后啟變○甲辰予故原任吏部尚書科爾坤祭葬○丁未扈從大臣等會議商南多爾濟等奏請禁止第巴遣人貿易應如所請 上諭前扎海保住等來奏第巴與達賴汗曾會同商議以為今年乃班禪胡土克圖本命之歲不便前去請俟來歲三月遣之而阿南達等以為此係推諉之言欲遣二郎保戶木德同彼前去催令速來並駁其奏章朕思阿南達之謀亦失之輕率即使二郎保等前去能令班禪胡土克圖速來耶第巴以匿其奏章禁其貿易藉為口實彼所屬之人皆賴貿易為生朕為天下主何必以班禪胡土克圖之故泥於小見禁其貿易絕其生計乎第巴既稱來歲使班禪胡

東華錄 康熙六十三 二

土克圖前來且待至三月如仍不遣來則曲在彼矣我朝惟圖理直凡事豫為斟酌然後行之亦不為遲朕已遣扎薩海等作速回京傳諭尚書班迪令其移文阿南達等儻第巴有奏章前來即行轉奏毋得攔阻商南多爾濟等並不計此即請禁止第巴貿易之人殊為未當爾等准其議亦失之矣尋班禪胡土克圖以未出痘疹不敢赴京奏請鑒恤從之○諭領侍衛內大臣等朕念切民依往閱河工凡隨駕官兵執事人員量供使用減少攜帶酌其人數分給官船仍恐沿途或有紛擾爾等再詳議裁減以副朕愛民至意○戊申以總兵官潘育龍訓練有方賜 御服貂褂○內閣學士徐嘉炎以老病乞休允之○廣西巡撫王起元奏生擒茶陵州叛案內賊首黃明○壬子諭直隸巡撫李光地等漳河與溇沱故道原各自入海今兩水合流所以其勢氾濫爾等往視如漳河故

道可尋即可開通引入運河如慮運河難容即於運道之東別挑一河使之赴海其可否修浚情形爾等閱後再奏○丙辰理藩院奏翁牛特貝勒厄爾德布鄂齊爾公奇塔特等隱匿盜馬賊犯應照例正法左都御史哈雅爾圖察審不實應革職得旨厄爾德布鄂齊爾奇塔特俱從寬免死仍留貝勒公爵爵俸五年哈雅爾圖降五級調用○戊午以顧祖榮為內閣學士由詹事府○設貴州清浪衛學教授一開州廣順永甯獨山麻哈五州學學正各一普安餘慶安化普定平越都勻鎮遠銅仁龍泉永從十縣學訓導各一取進文武生員各八名○辛酉尚書馬齊等勘視河工事竣回奏臣等查勘漕運總督桑額所奏邵伯鎮南金灣小海場鮑家莊等處地方挑濬引河建造草壩俱屬無益應無庸議惟蝦鬚沙溝及興文開草堰等處開濬淤塞稍可洩水應酌量挑濬下工部議尋工

東華錄 康熙六十三 三

部議覆應如馬齊等所奏從之○諭領侍衛內大臣等朕閱視河工巡幸南方奉侍 皇太后而來自此前行俱是順流並無留滯或明日晚後日早朕當分行止乘所御一舟減少扈從晝夜前進往閱黃河以南高家堰歸仁隄等處隄防回至清口候 皇太后船至朕親奉渡河之後相視下河以北隄防則日期與程途庶不相誤矣○予故原任工部侍郎席特納祭葬○戊辰 上閱視黃河以南高家堰歸仁隄等工回至清口奉迎 皇太后舟泊清河縣開口○諭大學士等原任總河董安國原任河道馮佑將河工做壞本應治罪姑令於運口並陶家莊王家營等處挑濬引河築挑水壩緘隄戗隄等工贖罪○是月免福建臺灣府屬及陝西南鄭等十二州縣上年水災額賦有差

三月庚午朔 上奉 皇太后渡河泊清河口 上閱視高家堰

歸仁隄等工諭大學士等朕畱心河務體訪已久此來沿途坐於船外審視黃河之水見河身漸高登隄用水平測量見河較高於田行視清口高家堰則洪澤湖水低黃河水高以致河水逆流入湖湖水無從出泛溢於興化鹽城等七州縣此災所由生也治河上策惟以深濬河身為要諸臣並無言及此者誠能深濬河底則洪澤湖水直達黃河七州縣無泛溢之患民間田產自然涸出不治其源徒治下流終無益也今朕親閱下河通海之口及射陽湖一帶填淤之處于成龍所帶效力人員甚多可作速分委併力開濬蓄積之水僅能稍洩庶幾有益至於黃淮二河交會之口過於徑直所以黃水常逆流而入今宜將黃水南岸近淮之隄更迤東長二三里築令堅固准水近河之隄亦迤東灣曲拓築使之斜行會流則黃河之水不至倒灌入淮矣再河流不迅急無以刷去河

東華錄

康熙六十三

四

底之沙朕詳加詰訪河直則溜自急溜急則沙自刷而河自深宜於清口西數曲灣處試行濬直如濬直有益漸將上深曲處漸加直濬庶幾黃河之險自除而河底漸深洪澤湖之水漸出七州縣之水患可漸息矣清口應修之處著于成龍等繪圖呈覽○諭漕運總督桑額河道總督于成龍協理河務徐廷璽等朕念河道國計民生攸關親行巡幸由運河一帶以至徐州迤南細加看閱見黃河底高灣多以致各處受險至歸仁隄高家堰運口等處見各隄岸愈高而水愈大此非水大之故皆因黃河淤墊甚高以致節年漫溢若治河僅築隄防不將黃河刷深終屬無益且運口太直黃河倒灌兼之湖口淤墊以致清水不能暢流各河與洪澤湖之水如何能敵黃水若將清河至惠濟祠埽灣由北岸挑引從惠濟祠後入河而運河再向東斜流入惠濟祠交匯黃水自然不倒灌

朕欲將黃河各險工頂濬灣處開直使水直行刷沙若黃河刷深一尺則各河之水淺一尺深一丈則各河之水淺一丈如此刷去則水由地中而行各壩亦可不用不但運河無泛溢之虞而下河淹沒之患似可永除矣且攔黃壩灣曲馬家港窄狹雖將時家馬頭之口堵築而淮水不能暢流山陽南岸韓家莊等處險工甚屬可虞今應將清口之西壩臺添挑水壩比東壩臺加長包裹清口在內擇洪澤湖水深之處開直成河使湖水流黃河灣曲之處直挑引河使各險處不得受衝其攔黃壩應行拆毀時家馬頭決口俟黃水流定汰黃隄築成之日再行堵塞至歸仁隄之建專為毛城鋪等處水漲衝決於此攔回仍歸黃河之意此隄亦應酌量修築爾等係河臣河務是爾等專責務必將各州縣水災盡除方不負朕南巡救民之至意若挑挖引河原有工程仍照舊令各官

東華錄

康熙六十三

五

作速修防不可怠忽下河見有積水不可不引出歸海俟引河工竣黃水歸入故道後再將下河串場河射陽湖蝦鬚沙溝一帶挑通引積水流歸海庶河道永無衝決之患矣○辛未 上御小舟閱視爛泥淺等處○諭戶部朕君臨天下期於黎民樂業各獲其所凡興利除害之事靡不舉行蠲免賑濟之恩靡不下逮比年以來因淮揚所屬地方疊罹水患業已歲蠲額賦賑恤頻施又動支數百萬帑金責令在河諸臣於應挑應築之處酌量修理欲使泛溢之水匯歸入海被淹之田廬涸出庶底幹甯乃糜費錢糧卒不能使積潦有歸田廬未涸民生未遂朕聞之惻然軫懷茲值四海無事之時欲將一切修舉事宜詳閱指示用是躬親臨幸沿途審視黃河水勢咨訪地方父老比至歸仁隄高家堰量度地形高下應挑應築一一明示河臣惟是被淹地方米價騰涌生計維艱

朕目擊民依深用廩念著將漕糧截留十萬石於高郵寶應興化秦州鹽城山陽江都受災七州縣各留一萬石悉較時價減值發糶此各州縣發糶之米著就近交與漕運總督邳州著遣司官一員前往監視再截留米十萬石於揚州淮安各收貯五萬石此應留漕糧不論何處米石著就近截留○壬申 上閱視黃河隄岸駐蹕淮安府○諭河道總督于成龍王公隄甚屬險要須加幫高寬修築堅固○乙亥 御舟泊高郵州諭河道總督于成龍朕昨駐蹕界首用水平測量河水比湖水高四尺八寸湖水似不能越此隄而入運河但當湖石隄被水汕壞工程甚屬緊要著差賢能官員作速查驗修築○丙子 上駐蹕揚州府諭河道總督于成龍朕在清水潭九里地方用水平測量河水高湖水二尺三寸九分此一帶當湖之石隄甚為緊要可速行修造至高郵州地方見

東華錄

康熙六十三

六

河水向湖內流河水似高一尺有餘趁黃河水未深之時急宜修理○庚辰諭領侍衛內大臣等此地麥田茂盛朕心深喜此來原為民生凡駐蹕處勿使踐踏田畝至於隨駕兵丁已足守衛此處之兵盡著發回其將軍副都統及各官員等既係該管地方著乘舟隨行可徧行曉諭凡有踐踏麥禾者察出決不輕貸○諭河道總督于成龍朕自淮南一路詳閱河道測量高郵以上河水比湖水高四尺八寸自高郵至邵伯河水湖水始見平等應將高郵以上當湖隄岸高郵以下河之東隄俱修築堅固有月隄處照舊存留應修隄岸仍照舊隄堅築至於邵伯地方因無當湖隄岸河湖合而為一不必修築隄岸聽其流行高郵東岸之滾水壩涵洞俱不必用將湖水河水俱由芒稻河人字河引出歸江入江之河口如有淺處責令挑深如此修治則湖水河水俱歸大江各河之

水既不歸下河自可不必挑濬矣○壬午詔山東江南辦夫船官有革職留任以下公罪俱原之免前三歲遺賦赦死罪以下○癸未 上駐蹕蘇州○甲申諭大學士等朕巡閱河道將高郵州之湖與河水比量河水高四尺餘夫湖水既低四尺有餘縱水長一丈亦不至泛越且湖水亦斷不至高長丈許朕意欲暫留毛城高家堰等處減水壩將高郵州以北減水閘壩盡行堵塞築高東岸隄防使在西之水不得泛越則下河之水歸海而河道湖身皆出其時作何導濬再行定奪至於邵伯以南河湖合流奔江歸海想不至衝決其他處河道朕亦可保無虞獨黃河工程尚難決定相其形勢當緩圖之○乙酉諭兵部前者京口江甯接駕官兵亦曾扈送朕恐踐損麥田盡行遣還今往浙江塘路甚狹隘可傳諭該管官員不必令官兵扈從○戊子 上幸浙江詔曰朕以黃淮衝

東華錄

康熙六十三

七

決兼欲周知東南風俗特行巡省比以治河方略指授河臣隨涉江表徧察民依頃至蘇州而浙江文武官民僉赴行在言望幸之心至切朕俯順輿情揚旌前發一切供億皆出內帑儲備無擾於民凡經過地方百姓各安生業務令塵無廢市隴不輟耕副朕體恤惠愛至意○辛卯 上駐蹕杭州○癸巳改山西太原府通判為理事通判○乙未詔浙江辦夫船官有革職留任以下公罪俱原之免前三年遺賦赦死罪以下○丙申 上幸演武場閱兵親率諸皇子射 上親射二次發矢皆中又命十五善射硬弓侍衛等射次命官兵分班校馬步射既畢 上復率諸皇子及善射侍衛騎射 上初騎射中的的躍又騎射縱轡近的馬忽左逸 上既調執弓矢左射中的的躍眾環跪云 皇上神武洵天縱也 上諭大學士等朕今觀杭州滿洲漢軍官兵皆善騎射嫻熟滿話

此皆將軍查木揚訓練所致今查木揚已故殊為可惜大學士伊桑阿等奏曰 皇上今日騎射馬忽斜馳臣等以為不及發矢矣 皇上輒轉弓矢以左手射之且中的眾無不歎異 上曰朕以馬逸而轉射何足稱奇耶○賜浙江湖州府知府陳一夔父故溫處道陳丹赤 御書名垂青史額諭曰爾父為國殉難朕至今憫之賜此特表爾父之忠○戊戌 上奉 皇太后回鑾○是月免江南海州山陽等九州縣及淮安大河二衛去年逋賦

夏四月庚子朔 上駐蹕蘇州○辛丑諭戶部禮部朕子育黎元勤求治理日夜孜孜以施德澤厚民生為急務而江浙二省尤東南要地朕時切軫念比歲以來蠲豁田賦賑濟凶荒有請必行無災不恤雖漕項錢糧向未蠲免者亦曾特旨蠲免愛養之道備極周詳庶幾民生日益康阜用是乘輿時邁於視河事竣巡歷江浙

東華錄 康熙六十三 八
咨訪民間情形見淮揚一路既因潦災而他所過州縣察其耕穫之盈虛市廛之贏絀視十年以前實為不及此皆由地方有司奉行不善不能使實惠及民所以小民雖懷愛戴之誠而朝廷恩澤卒未下究朕目擊塵懷亟思拯恤截留漕糧寬免積欠另有諭旨惟各鹽差官差向因軍需繁費於正額外令在差官員以所私得贏餘交納充用今思各官孰肯自捐私橐必仍行苛取商瘠民困職此之由著將加增銀兩一概停罷以紓商民之累其兩淮鹽課康熙十六年曾加增銀四十萬兩今恐商人辦課維艱有漸至匱乏者著減去二十萬兩此外有應行應革事宜朕還都以後仍加商榷次第舉行該督撫藩臬皆地方大吏亦著悉心體訪凡有可為民興利除害者作速勘實陳奏嚴革雜派禁止刁訟俾胥吏不能作奸良民得以安業儻官吏有悖旨妄行許商民首告該督撫

察出即行參奏朕視民如傷惟恐一夫不獲其所茲值海宇昇平兵革不事正當與民休息之時故特渙沛德音減徵寬稅以為閭閻留餘之力至於江南浙江人文稱盛入學名數前已酌定增額今著於府學大學中學小學各增五名舉行一次以示獎勵人才至意○丙午吏部議覆廣西巡撫王起元身任巡撫應遵定例將南甯太平慶遠思恩四府調補道府以下三年俸滿之員保奏升用今十餘年來並不保奏一人及僉都御史王紳奏參奉旨明白回奏該撫又蒙混掩飾具奏應降四級調用從之○戶部議覆浙江巡撫張劬奏浙省開局鼓鑄已經兩載今錢價日平應行停止從之○己酉 上駐蹕江甯○裁江南通省管河道一復設山清裏河同知安清通判各一添設盱眙通判宿桃通判各一○庚戌諭大學士等明代洪武乃勅業之君朕兩次南巡俱舉祀典親

東華錄 康熙六十三 九
往奠醴今朕臨幸當再親祭大學士等奏曰 皇上兩次南巡業蒙親往奠醴今應遣大臣致奠 上曰洪武乃英武偉烈之主非尋常帝王可比著兵部尚書席爾達致祭行禮朕親往奠○壬子 上至明太祖陵奠爵閱視陵寢諭大學士等朕今日往明太祖陵寢致奠見其圯毀已甚皆由專司無人朕意欲訪察明代後裔授以職銜俾其世守祀事古者夏殷之後周封之於杞宋即今本朝四十八旗蒙古亦皆元之子孫朕仍沛恩施依然撫育明之後世應酌授一官俾司陵寢俟回都日爾等與九卿會議具奏○上幸演武場閱兵○甲寅命修明太祖陵懸挂 御書治隆唐宋額○江甯左翼副都統朔色以年老乞休得旨副都統朔色為人甚劣著革職○乙卯詔免鳳陽府屬去年逋賦○庚申 上駐蹕揚州○辛酉諭河道總督于成龍等運河東岸石工殘缺者仍令

照舊補修其土工隄內積水之處下埽幫築減水壩俱堵塞堅固
 用心防護越壩更屬緊要亦著加幫防護淮安府涇澗兩河必須
 挑濬深通毋任淤墊至於人字河若有窄狹處亦當相機挑挖凡
 有洩水舊口修砌涵洞令民灌田隄岸單薄處亦酌量加幫河身
 戲隄務行修築朕業已指示止高五尺底寬二丈頂寬七八尺以
 遏水勢足矣至河員不畱心防範者須嚴加懲處切不可姑容致
 誤河工○以彭鵬為廣西巡撫由貴州按察使遷○丙寅 上渡黃河御
 小舟閱新埽諭河道總督于成龍曰黃河灣曲之處俱應挑挖引
 河乘勢取直高郵等處運河越隄灣曲亦著取直 上登清口南
 岸召郎中朱成格等諭曰此南岸若不修挑水壩新挑引河必不
 能暢流當從朕所釘椿處修挑水壩二三十丈挑出水頭大溜向
 北俾引河流暢尾隄在陳家莊旱地築高五尺水長時從陳家莊
 東華錄 康熙六十三 十
 南任其流去無礙此事關緊要爾等即遵諭行○以修毓秀為
 貴州按察使由江西鳳道遷○戊辰直隸巡撫李光地等奏臣等遵旨
 查看漳河見在分而為三支自廣平縣經魏縣元城縣至山東
 館陶縣入衛水歸運一支俗名老漳河自山東邱縣東北經南宮
 等縣與完固口合至鮑家嘴而歸運一支俗名小漳河自邱縣西
 北經廣宗鉅鹿三縣合於滏河又經束鹿縣冀州合於滹沱河由
 衡水至獻縣完固口復分為兩支其小支與老漳河合流至鮑家
 嘴其大支復經河間大城靜海三縣總入子牙河而歸淀查此三
 支兩支入運其一支又復分流入運則入運之水已多子牙河之
 水自減可以無慮但歸衛之河與老漳河皆有散漫淺平之處應
 酌量挑濬其完固口小支河應築雞嘴壩及攔河壩偏水入河至
 於靜海縣田地淹沒因向年開廣福樓及閘畱二莊口之故若竟

堵諸口又有礙西隄請俟水落之後暫行堵塞至來春水涸於閘
 畱二莊出水處挑成河道兩岸築隄束水歸淀則靜海縣地方不
 致淹漫而大城等州縣隄岸均無妨礙矣得旨著照該撫所奏速
 行
 五月庚午命張鵬翮扈從入京以陶岱署江南浙江總督由吏部
右侍郎
 署○辛未 御舟泊仲家閘 御書聖門之哲縣子路廟額○甲
 戌諭戶部朕返蹕行經山東沿途延見父老咨詢農事幸今歲雨
 暘時若二麥繼登小民可以無憂粒食但前年被災泰安等二十
 七州縣生計尚未豐盈宜更加恩休養所有康熙三十六年未完
 地丁銀米俱著免徵其康熙三十七年應徵錢糧原因災傷令於
 康熙三十八年完納今念一歲之內並輸二歲之租恐物力艱難
 未能兼辦著分作三年帶徵以示寬恤○乙亥諭大學士等黑龍
 東華錄 康熙六十三 十
 江將軍薩布素辦事雖明敏然器局卑瑣朕巡幸至烏喇每見其
 逢迎近侍朕聽政多年何事未歷僉王端良夫豈不辨彼近臣何
 能為也今黑龍江副都統關良等私動驛站一案其事俱實著該
 將軍查審具奏尋薩布素遵旨審覆副都統關良疲勞驛站應革
 職枷責得旨著從寬免降五級調用○癸未改山清盱眙河營守
 備為裏河守備添設高家堰河營中河河營守備各一○乙酉
 上奉 皇太后還京師○丙戌諭大學士九卿詹事科道等朕南
 巡至浙江見百姓生計大不如前年來已將舊欠錢糧盡行豁免
 其被災地方概行賑濟恩澤屢加在百姓應比往年豐足今反不
 及從前者皆因府州縣官私派侵取餽送上司或有沽名不受而
 因事借端索取更甚者至微小易結案件牽連多人遲延索詐者
 甚多此等情弊督撫無有不知乃不釐剔察參反將行賄官員薦

舉廉正官員糾劾以致民生失所殊失朕愛養元元至意且畿輔近地因朕不時巡察故無私派侵取等弊若各省督撫俱體朕愛民至意實力奉行自然吏治澄清萬民樂業科道不畏人不徇情能將不肖劣員察訪糾參則有司亦知忌憚今作何永革橫派嚴禁賄賂以察吏安民爾等會同確議具奏尋大學士等遵旨會議請飭各該督撫洗心滌慮正己率屬凡有貪污害民官員不時查參地方應革積弊盡行革除如該督撫仍照前因循專事虛文塞責徇庇屬員或被科道糾參或被受害人首告將該督撫等一併從重治罪從之○諭大學士伊桑阿等朕茲南巡見地方官員誠心爲民者甚寡一切務虛名而無實效甚無取焉朕觀河工亦非難事任事者果皆竭誠效力加意奉公何難告厥成功耶若刷河底極深徑趨入海諸水仍出清口歸海則高郵等處不告水災而東華錄 康熙六十三 十一

下河亦可無虞矣又見沿途鈔關已極頹敝皆由關差監督未經簡選但較俸差往其中貧窮卑猥者或將親戚家僕或傭雇人役挈之而往任此輩恣意妄行自有害於商賈且盤結關津亦有害於百姓嗣有關差俱令本衙門堂官保舉始行差遣○丁亥以馬爾漢爲左都御史由兵部轉王澤宏爲吏部左侍郎調王拔爲吏部左侍郎管右侍郎事由戶部○四川巡撫于養志奏參四川提督岳昇龍欺罔各款一受革職天全土司高一柱賄屬令帶罪護理今高一柱借稱謀逆重情專殺土民高于岳等八人以致官民互訐臣行司提審提臣岳昇龍密拘犯證自行審理以圖掩蓋前愆一霸引行鹽驅逐小販以致商販失所一各鎮協營每歲勒索空糧百餘石一借陛見爲名將馬二百餘匹分發各鎮協勒索重價一因兵部職方司失火行令備造卷案借端扣剋兵糧一四川

營內馬匹動支朋銀購買岳昇龍乃借端科派於通省遊守千把每員扣銀三十五兩通省馬兵每名扣銀二兩得旨此本內事情著工部侍郎羅察內閣學士布泰前往察審具奏于養志又奏打箭鑪原係內地土司邊界自康熙三十五年勘明地界以來甚屬相安今因化林坪接壤西域設汛添兵乃擦道等處蠻番忽生狡變事關邊情理應文武會商而提臣岳昇龍剛愎自用並不使臣與聞遽行調遣官兵阻遏商旅禁絕茶米以致軍民惶惑得旨此本內事情亦著羅察等一併察審具奏○癸巳大學士伊桑阿以老疾乞休 上謂大學士阿蘭泰曰伊桑阿爲人厚重老成辦事年久爾二人自任大學士以來不生事端凡事推誠從公料理不獨朕知之天下無不知者非尸位素餐者可比伊桑阿雖以老疾求罷不忍令去也○以王鴻緒爲工部尚書原任左都御史○甲午九卿東華錄 康熙六十三 十二

議覆山西巡撫倭倫遵旨回奏布政使齊世武揭報原任太原府知府孫毓璘原任大同府知府鄭潤中虧空兩案齊世武將臣批駁之處一概隱匿惟存心傾害以捏報等款誣臣臣謹將齊世武欺罔蒙蔽之實迹陳明臣等查齊世武揭文及倭倫回奏疏內各項參差言詞互異又齊世武呈稱證見按察使巴哈布糧驛道李茲知府王輔等見在山西不便懸擬應遣大臣往山西察審定擬具奏得旨此本內事情著戶部尚書馬齊前往察審具奏○乙未轉覺羅三寶爲兵部左侍郎以布雅努爲兵部右侍郎原任陝西巡撫六月戊戌朔諭大學士等當今凡事俱可緩圖惟吏治民生最難刻緩諺云湖廣熟天下足江浙百姓全賴湖廣米粟朕南巡江浙詢問地方米貴之由百姓皆謂數年來湖廣米不至以致價值騰貴然楚省官吏並未奏報水旱又聞湖南百姓甚苦皆由興永朝

王樑楊鳳起三人相繼擾害所致見任總督李輝祖為人誠實辦事頗優但俱係于成龍薦舉欲其不徇情面將從前廢弛整理斷不能李輝祖可召進京以侍郎用原任左都御史郭琇前為吳江縣知縣居官甚善百姓至今感頌其人亦有膽量無朋比郭琇著補授湖廣總督令馳驛赴任○轉錢三錫為戶部左侍郎調田雯為戶部左侍郎管右侍郎事轉徐潮為刑部左侍郎以李輝祖為刑部右侍郎由湖廣總督遷○辛丑九卿議覆山西巡撫倭倫奏被參汾陽縣知縣李聯虧空庫銀一萬九千餘兩並無分釐民欠署縣事汾州府通判韓開藩代李聯科派里民私徵完銀四千兩有餘布政使齊世武揭報巡撫倭倫一案見遣大臣往審此案亦應交與所差大臣一併審明究擬從之○戊申予故吏部左侍郎趙士麟祭葬○辛酉九卿遵旨議覆刑部尚書傅臘塔等察審原任陝

東華錄

康熙六十三

西

西巡撫布喀控告四川陝西總督吳赫等侵蝕籽粒一案應將原任總督今升尚書佛倫降四級調用總督吳赫等革職其籽粒銀兩應免追徵百姓令在事官員賠償 上諭大學士等朕詳閱此案甚不明晰以布喀控告而處分吳赫若吳赫控告又將處分布喀乎况此案每奉批駁但擬加重有是理耶籽粒事及吳秉謙叩闕一案並倉米事仍著傅臘塔張鵬翮赴陝西詳審

東華錄

康熙六十四

臣王先謙敬編

臣周澐著恭校

秋七月庚午諭河道總督于成龍朕觀河圖要緊應修者兩處前在南方會面諭爾將人字河芒稻河急挑空聞至今尚未動工甚屬遲誤又河內歸仁隄便民閘等口俱已堵塞毛城鋪迤下各口尚未堵塞既將便民閘口堵塞則毛城鋪等口所出之水由何處洩出必致散漫各處民大受害此處關緊要宜速議奏○甲戌裁廣州將軍標左營遊擊一設中軍副將一兼管左營事○庚辰以席爾達署四川陝西總督由兵部尚書署○四川提督岳昇龍奏打箭鑪原係本朝版圖竟被烏斯藏強人侵占康熙三十五年欽差兵部郎中金圖等會同四川巡撫于養志查勘後仍霸踞如初吞占蠻地數千里侵奪番民數萬戶又在木鴉私造銃礮屯聚糧草臣因化林營兵單汎廣移參將駐防不意彼處喋吧昌側集烈等擅發蠻兵數千占住河東擦道若儀等堡不放客商來往臣一面禁阻茶煙米布一面密遣臣標中營守備李成瑛帶領官兵五百名前往化林營貼防臣已備咨督撫會商乃撫臣于養志私遣筆帖式額爾濟圖等往來調停不使臣與聞並擅止臣所遣防兵益見私通外番情迹得旨此所奏事情亦著羅察等一併察審具奏

東華錄

康熙六十四

○甲申河道總督于成龍奏邵伯更樓高郵九里等處被水衝決屢諭于成龍作速挑濬芒稻人字兩河今竟未挑濬卒如朕言著速行文巡撫宋學令親赴揚州淮安收養被水百姓江西巡撫馬如龍前奏江西地方連年大熟今歲亦有秋著行文馬如龍速運

米十萬石至揚州淮安交與宋學或煮粥或賑濟相機行事○乙酉裁宗人府滿員外郎二漢經歷一內閣滿侍讀三滿撰文中書五滿辦事中書八蒙古撰文中書一蒙古辦事中書二漢軍撰文中書一辦事中書四漢撰文中書二漢辦事中書六吏部漢軍員外郎四戶部蒙古郎中四蒙古員外郎五漢軍郎中二漢軍員外郎六漢主事四禮部漢軍員外郎二兵部蒙古郎中一滿員外郎一蒙古員外郎一漢軍員外郎四督捕滿員外郎二漢軍員外郎二漢主事二刑部漢軍員外郎八工部滿員外郎一理藩院判一漢軍員外郎四漢員外郎二理藩院漢院判一漢知事一漢副使一滿司務一蒙古司務一都察院漢軍御史三漢軍都事一通政使司漢參議一大理寺漢寺丞一漢寺副一漢軍評事一起居注滿字主事一漢字主事一詹事府漢中允一漢贊善一司經局漢

東華錄 康熙六十四年 二

正字一漢錄事一太常寺漢協律郎一漢贊禮郎二漢司樂二光祿寺漢少卿一漢司丞一鴻臚寺漢序班四行人司漢行人四○九卿議准戶部尚書馬齊奏臣遵旨察審山西布政使齊世武與巡撫倭倫互訐一案革職太原府知府孫毓璘原任大同府知府鄭潤中虧空庫銀倉米等項俱實倭倫並不查明奏參將齊世武詳文駁回反令知府李成龍代孫毓璘捐補虧空又原任汾陽縣李聯虧空案內有民欠銀兩經汾州府通判韓開藩將民欠徵解倭倫反指為科派以齊世武等隱諱不報擅行奏參應將倭倫降三級調用齊世武詳報孫毓璘等虧空經巡撫駁回後並不再報又於李聯虧空案內並未聲明民欠應將齊世武降一級調用從之○免兩淮白駒等十四場竈戶課兩年○己丑以噶禮為山西巡撫

由內閣學士遷

閏七月丁酉朔以特默德為內閣學士由詹事遷○戊戌諭禮部妃張佳氏性行溫良克嫺內則久侍宮闈敬慎素著今以疾逝深為軫悼其諡為敏妃應行禮儀爾部察例行○壬寅山西巡撫噶禮陛辭 上諭凡巡撫赴任朕俱有訓旨然遵諭而行者甚少山西地方被溫保科派迄今百姓受困倭倫居官雖無甚劣處而於科派不肯之員不行奏參是以大失民心爾到任後務要勤勞愛民居官若好朕即超擢否則即行罷斥惟爾自取朕斷無所瞻徇也○內閣學士恩丕緣事革職○甲辰以滿都為山西布政使由郎中遷○己酉以白碩色為內閣學士由御史遷○壬子諭禮部乳母瓜爾佳氏久侍宮掖保護朕躬殫竭悃忱恭勤素著黽勉夙夜咸合將奉之宜閱歷寒暑克盡調育之道每念曠昔未嘗暫忘比來嬰疾彌留竟爾溘焉長逝深為軫悼宜加恩封爾部議奏尋禮部議應封為

東華錄 康熙六十四年 三

保聖夫人從之○癸丑 上巡幸塞外啟鑾○刑部等衙門會議戶部郎中剛五達等審擬湖廣茶陵州叛賊黃明陳丹書吳旦先等一案查黃明係叛逆吳三桂下偽將軍康熙十九年大兵取柳州時遁入苗峒後經查擊苗子韋朝相假獻首級黃明因潛住苗峒多年於康熙三十七年七月間糾結陳丹書吳旦先等侵擾湖廣茶陵州攻圍衡州府俱被官兵殺敗黃明陳丹書吳旦先等一百三十四名先後擊獲俱應照律不分首從擬斬立決原任茶陵州知州趙國瑄因私派激變應照律擬斬監候失察總督李輝祖應降三級調用巡撫楊鳳起已經別案革職無庸議得旨黃明陳丹書吳旦先等三十八名俱著即處斬華皮臣等九十六名從寬免死照例減等發與黑龍江新滿洲披甲之人為奴趙國瑄私派激變之處著行文湖廣總督郭琇查明再議李輝祖等處分尚輕

著一併再議具奏○乙卯 上駐蹕遙亭諭所過莊屯捕蝗○戊午以溫達為戶部右侍郎由內閣學士遷○乙丑以滿篤為內閣學士由內閣學士遷

八月己巳遣官賑巴林饑仍遣官撫養如敖漢例○甲申 上駐蹕齊老圖昂阿賜喀喇沁等王貝勒貝子公額駙台吉等銀幣衣

帽鞍馬○乙酉 上駐蹕瑚爾希勒畢喇賜隨圍蒙古官兵銀幣

○丁亥以祖文明為福建布政使由四川按察使遷○諭吏部淮安揚州

所屬被災地方甚為緊要府州縣員缺俱著奏聞選擇補授○是月免江南天長浙江西安江西建昌湖廣華容等十縣水災額賦有差

九月丙申朔以李興祖為四川按察使由雲南永昌道遷○戊戌裁四川

陝西督標火器左右二營守備一千總二把總四兵八百名歸併

東華錄 康熙六十四 四 一營仍名為火器營參將一停止陝西廣元成防官兵裁督標

五營兵丁一千名每營額定八百名○癸卯以王然為山東按察使由江南驛鹽道遷○乙巳 上還京師○丙午諭宗人府敏妃喪未滿

百日誠郡王允祉並不請旨即行剃頭殊屬無禮著收禁宗人府嚴加議罪辦理王府事務官王府長史等不行規諫甚屬可惡將

伊等鎖拏從重治罪尋宗人府議奏誠郡王允祉應革去郡王爵辦理王府事務侍郎綬色辛保王府長史馬克篤一等侍衛哈爾

薩等俱應革職枷號三箇月鞭一百不准折贖得旨允祉從寬革去郡王授為貝勒辛保馬克篤哈爾薩俱著革職鞭一百准其收贖綬色自任侍郎以來實心效力著從寬免罪革去管理王府事

務○戊申諭大學士等各省採買物件科派累民不若折色解京官買總之累民之事雖纖毫亦不可行向日口外蒙古窮困人不

聊生朕近年來遣人經理多方撫育培植之今已家給人足樂業安生可見治民之道全在休養也 上以于成龍所繪河圖示大

學士等諭曰今四海太平最重者治河一事朕前巡視知水之不治由洪澤湖水勢甚大既不能洩又加黃運兩河合併勢愈浩瀚

以致泛溢昔時原有歸仁隄遙為捍禦此法最善今已淹沒不可考斬輔則築減水壩名為減水而四處奔瀉漂決甚多彼但顧上

河而不顧下河水何以治朕意惟有導河稍北使彼不得侵入清

水而疏洩洪澤湖使之下流全用清水以刷沙淤如此則水自無不治矣今歲南巡見黃河逼近清口黃水倒灌以致淤墊洪澤湖

水不出自高家堰減水壩流入高寶諸湖自高寶諸湖流入運河以致下河田地盡被淹沒淮揚所屬錢糧雖頻年蠲免賑濟動帑

修理隄岸羣黎尚在水中朕深為軫念遂諭于成龍將洪澤湖出東華錄 康熙六十四 五

水隄岸令速完工近差工部官員往看清口仍然淤墊洪澤湖水仍未出口隄岸尚未告竣清口甚為緊要如不將清口挑濬湖水

不出高家堰併運河隄工雖加高厚均屬無益爾等會同九卿詹事科道詳閱河圖速議具奏尋大學士等奏曰 聖諭河工事宜

已極周詳應遵旨移文河道總督于成龍令速行修濬 上曰靳輔董安國于成龍但知築隄禦水至於改河身使北俾清水通流

並未言及若不令清水通流雖修築隄岸黃水終致倒灌焉能禦之○諭吏部比年內升官員少京堂懸缺者多翰林官甚眾升遷

壅滯爾等將見出京堂之缺及翰林官職名一併開列○癸丑以吳赫為刑部右侍郎由原任四川陝西總督遷○丙辰 上御經筵○戊午諭大學士等大學士阿蘭泰效力年久品行清純辦事敬謹朕頃聞其病篤先遣皇長子允禔往視朕尚欲親臨其第及允禔回奏業

已昏迷隨聞流逝狀深用震悼即遣皇子允禔等往視含殮大臣病故雖無輟朝之例朕心不忍可特停辦事一日著馬武同內大臣一員侍衛十員往奠茶酒賜鞍馬四匹銀二千兩至發引時皇子允禔允祐乾清門侍衛十員並五班侍衛往送尋子祭葬加祭一次諡文清○諭理藩院他旗蒙古朕遣官養育俱各得所惟蘇尼特四子部落吳喇忒毛明安等旗分尚有貧人爲盜其速爲撫養之○庚申轉田雯爲戶部左侍郎調李枏爲戶部左侍郎管右侍郎事轉顧藻爲工部左侍郎以吳涵爲工部右侍郎由左副都御史遷○癸亥大學士等奏臣等遵旨會議行查明代後裔俾守祀事但明亡已久子孫湮沒無聞今雖查訪亦難得實臣等愚見即委該地方佐貳官一員專司祀典以時致祭從之○是月免直隸安州湖廣安鄉等五州縣水災額賦有差

東華錄 康熙六十四 六

冬十月丙寅以王紳爲左副都御史由大理寺卿遷○己巳諭大學士等凡上司居官有聲者其所舉之人必佳上司不善則所舉者亦屬庸劣然有所居官先優後劣者亦有居小吏善而升遷後改變者若始終如一行止不改者不多得也○壬申以努赫爲禮部右侍郎由光祿寺卿遷○癸酉諭大學士等江蘇巡撫宋犛奏請蠲免高郵等被水州縣雜項錢糧此必前次蠲免時遺漏未奏依該撫所請全行蠲免朕見他處被災者尙好惟下河附近之地連年水淹俱由清口之清水不得出黃河之濁水逆流入洪澤湖之故朕憫念民田晝夜勤思必使清口之水得出黃河從別道流出則民生始獲利益也○命原任河道總督王新命管理永定河工○甲戌 上巡視永定河啟鑾○乙亥 上閱北蔡村夏莊村南蔡村等處諭王新命等曰於此三處從上流作挑水壩不必過長長則大溜爲

其所偏對岸淤處畧加挑潛水即瀉入直流矣著俟明春興工又諭官不清則爲民害水不清亦無利於民天下之濁者皆如此也不清之官朕有法以正之不清之水朕有策以治之○丙子 上巡視霸州河隄居民跪迎道左 上顧百姓曰朕不辭寒冷來巡河隄特欲拯救爾等耳居民叩頭謝恩歡聲動地 上閱南格驛曹家務郭家務等處舊河口諭王新命等曰此舊河口著修一長釘頭壩堵塞之若留此口水得灌入則河即爲其所奪矣舊河近隄汕塌者著加幫增築 上至郭家務村南大隄以豹尾槍立表於冰上親用儀器測驗諭王新命等曰測驗此處河內淤墊較隄外畧高是以冰凍直至隄邊以此觀之下流出口之處其淤高必甚於此如此壅滯安能暢流此等隄工卑矮可虞若不豫行修築明春水發難以堵禦必自今冬下埽加幫增高不可取近隄之土

東華錄 康熙六十四 七

若取土成溝水流溝內有傷隄根○諭直隸巡撫李光地等永定河自郭家務以下河身淤高若挑淤作河恐虛費錢糧無益於事且隄內之地較河身最窪若將南岸之隄作北岸之隄前挑窄河築高大之隄偏河南移方屬有益這挑河築隄或修石隄之處李光地王新命同分司朝琦估計仍將挑濬舊河之處一併估計尋直隸巡撫李光地等奏臣等遵旨會查自郭家務至隄盡處共長七千七百四十丈應挑河面寬十三丈底寬八丈深一丈築南岸新隄底寬六丈頂寬二丈高一丈二尺從之○丁丑 上回鑾閱張家莊北格驛石佛寺等處隄工諭王新命等曰攔截淤灘下埽時必斟酌恰當儻稍有參差則水不入而功徒費矣○戊寅 上閱莊戶村求賢莊等處隄工諭王新命等曰此河儻有坍塌淤刷之處俱須下埽至南岸夏莊水溢之處與舊河相近關緊要令

豫備物料於桃汛未發之前敬慎堅修 上閱趙村新開河諭王
 新命等曰此處圍裝礙石稍低著再增加使高 上駐蹕南苑○
 己卯武英殿大學士李天馥卒遣大臣侍衛奠茶酒予祭葬諡文
 定○庚辰 上還宮○辛巳直隸巡撫李光地原任河道總督王
 新命等將修永定河摺子呈覽 上曰爾等意欲如何王新命奏
 曰欲於南面遙隄之內修治若向外面修治恐有礙居民村莊
 上曰若遙隄之內修治俱是沙地儻更壅淤則低窪村莊盡在沙
 中矣今永定河郭家務以下壅淤已高出七八尺若掘畢方清河
 身不但多需工力必致歲歲壅淤南隄之南地最窪下若隨其窪
 下濬治於掘出之土即行釘樁築隄堅固則修理最易抑且北隄
 三層於河更屬有益爾等修理時可將河口修窄漸次放寬於兩
 邊築隄使高大則水勢迅急沙自不至於停住矣若遇村莊相近
 東華錄 康熙六十四 八
 處宜詳視妥當委曲遠移或砌之以石與村居無礙始行修理俟
 新修河工告竣朕親臨視開放河水○癸未諭大學士等原任河
 道總督董安國所濬引河及挑水壩著發正項錢糧修理給事中
 張睿條奏中河之水由仲家閘口流出直射湖口故不但清河之
 水難出而黃河之水反易流入所言甚是今于成龍但以修築隄
 工為務不以決出清河之水為要爾等再議著于成龍親至仲家
 閘詳視議奏尋大學士會同九卿等議覆張睿所奏應令于成龍
 等將仲家閘以下挑濬出水或將董安國所挑引河以下酌量挑
 挖建閘詳看具奏從之○諭大學士等朕撫御寰區愛養兆民務
 期人各得所比年淮揚所屬地方罹於水患百姓田廬俱被淹沒
 生業蕩然深切軫念屢經蠲租賑濟乃黃河墊高清口低下淮水
 不能流出百姓仍被水災念此淮揚數州縣生靈豈可不急為拯

救乎今或堅修高家堰隄岸以束淮水使之刷黃或移清口於清
 江浦之左右或另濬河道以通舟楫俱宜一一講求此事關係甚
 鉅爾等會同九卿詹事科道細閱河圖詳議具奏○丁亥九卿遵
 諭議覆河道總督于成龍等奏運河乃糧艘經由要津為下河七
 邑上游更兼高家堰六壩流出之水盡入於此水勢浩大河窄難
 容前河道總督靳輔於高郵南北建設大小減水壩五座雖隄岸
 保固無虞而下河諸邑均受水患 皇上南巡閱視令臣等大修
 隄岸堅閉減水壩下河麥禾幸得收穫茲遇伏汛水發致高郵邵
 伯等處皆被漫決臣等酌開減水壩二座上下隄岸方得保全總
 緣高郵河身與山陽寶應河身相等驟乘高郵寶應諸湖之水開
 壩則有礙於民田閉壩則有傷於隄岸請將高郵減水壩改為滾
 水石壩水長聽其自漫而保隄工水小資其涵蓄以濟運道又茆
 東華錄 康熙六十四 九
 家園等六壩亦請改為滾水壩其式與歸仁隄五堡滾水壩相同
 至高家堰一帶石工年久坍塌請通行加高五尺以免歲修均應
 如所請從之○是月免直隸宣化電災霸州保定及江南高郵湖
 廣沔陽等十三州縣水災額賦有差
 十一月丁酉御史鹿祐奏參順天鄉試正副考官修撰李蟠編修
 姜宸英等以寶輿論秀之典為縱恣行私之地實為有玷清班請
 立賜罷斥 上諭大學士等順天鄉試中式者童稚甚多物論騰
 沸大殊往昔考試係國家大典所當嚴飭以示儆戒御史鹿祐奏
 參可嘉著九卿詹事科道會同將李蟠等嚴加議處○己亥諭戶
 部淮揚仍歲水災百姓沾於死亡朕愍然傷之河患不除夙夜不
 能暫釋被水之後存者必至流移田多不耕賦安從出其海州山
 陽等十州縣衛明年稅糧可悉行蠲免以副朕拯恤災黎至意○

以馬濟為武英殿大學士由戶部尚書遷佛倫為文淵閣大學士由禮部尚書遷熊賜履為東閣大學士由吏部尚書遷張英為文華殿大學士由禮部尚書遷調席爾達為禮部尚書仍署四川陝西總督以馬爾漢為兵部尚書哈雅爾圖為左都御史由內務府總管遷○調陳廷敬為吏部尚書李振裕為戶部尚書以王士正為刑部尚書王澤宏為左都御史由吏部左侍郎遷○調杜臻為禮部尚書以范承勳為兵部尚書原任江西南西總督○庚子裁兵部督捕衙門督捕事務歸併刑部管理以裁缺督捕侍郎朱都納為兵部額外侍郎喻成龍為刑部額外侍郎○壬寅諭大學士等御史等官啟奏會議事常隨班奏對給事中等官無常啟奏之事有經年不見者嗣後著滿漢給事中各四員在起居注官下侍班又諭各部院設蒙古司官並無所辦之事俱著解任候補理藩院員缺○諭戶部湖南地方素稱魚米之鄉比年雖年東華錄 康熙六十四 十

缺臣已令該管官先將高郵九里缺口堵築其邵伯更樓缺口舊有涵洞隄內原有河形請疏挑寬深於河東築成土隄束水南下入江可洩運河驟漲之水以固東西兩岸隄根再查運河一帶河身墊高皆因高家堰隄工未完黃流倒灌清口淤塞湖水不出之故今先挑挖爛泥淺等處引水敵黃以濟運河如高家堰一帶工程告成則清水自出矣均應如所奏作速挑濬修築完工至上諭或堅修高家堰隄岸以束淮水使之刷黃或移清口於清江浦之左右或另濬河道以通舟楫之處應令該督等親勘速議具奏得旨河工關繫重大高家堰隄岸縱多方堅築清水亦不能出今惟當議移清口於他處兩岸俱用石工堅砌使清水流通朕南巡時會以另開清口面諭于成龍彼亦奏稱淮水可從武家墩向清江浦移改此事著于成龍及徐廷璽會同河道各官親看清口當東華錄 康熙六十四 十一

穀順成而民間猶未盡充裕是用格外加恩所有康熙二十九年湖南所屬地丁雜稅等項錢糧著一概蠲免該督撫飭所屬實心奉行以副朕愛民如子至意○除浙江鄞縣沿海衝決田地額賦○乙巳諭大學士等于成龍奏稱清江浦西界黃水高於淮水一尺淮水高於運河之水七尺運河之水高於平地七尺合而觀之淮水高於運河西隄外平地共一丈四尺今惟以清口自河之下流沿武家墩由清江浦之北另行改移中間河身量留八九十丈空地兩旁堅築石隄俾清水暢達此所當急議者夫清水建飯迅下則易出黃水不致倒灌其石隄之間已為河身不煩挑濬即水漲之時其高下不過等於運河安能泛越高家堰哉但如是改移朕恐別有所礙不能永遠故少為躊躇耳爾等確議具奏○九卿遵諭議覆河道總督于成龍等奏邵伯更樓高郵九里等處漫

移於何處即行詳議於歲前具奏○河道總督于成龍以病乞假調理得旨于成龍准給假兩月調治河工事務著徐廷璽暫行署理其緊要事宜仍與于成龍商酌而行○令寶源局收民間廢銅充鼓鑄○丁未諭大學士等河圖繪於紙上平漫難辨高下朕欲改清口刻木製成一圖觀看易明著侍郎常綬前往河工會同于成龍將清口應否改移詳加看閱歲內著速回具奏○九卿遵旨磨勘順天鄉試中式舉人試卷並議覆御史鹿祐奏參考試不公一案擬將順天正副考官李蟠姜宸英等革職 上諭大學士等此科考試不公已極且聞代倩之人亦復混入科場大典豈宜如此此案若照議完結仍不知做著將所取舉人通行齊集內廷覆試如有託故不到者即行黜革其考官等處分俟覆試後具奏○戊申 上謁 陵啟鑾○壬子調佟毓秀為江蘇按察使以何顯

祖為貴州按察使由福建驛 ○癸丑 上調 暫安奉殿 孝陵

至 仁孝皇后 孝昭皇后 孝懿皇后陵奠酒 ○是月免直隸

王田江南邳州等十八州縣水災額賦有差

十二月乙丑朔予故原任禮部左侍郎嚴我斯祭葬 ○戊辰 上

還京師 ○刑部奏湖廣總督郭琇遵旨查參審理茶陵州叛案郎

中剛五達等忒肆橫行擾害地方俱實請旨定罪 上諭大學士

等剛五達陛辭朕會論云爾係部院保舉賢能他日乃上進之人

此行須從公審理斷不可顛倒是非儻仍行妄亂決不輕恕今肆

行無忌不加重治何以懲儆著將剛五達等交刑部等衙門嚴加

議處尋刑部等衙門遵旨察審剛五達應擬絞監候秋後處決

上曰若輩即當正法以示懲戒何待秋後也著再議 ○庚午轉王

揆為吏部左侍郎調韓葵為吏部右侍郎以李錄予為禮部右侍

東華錄 康熙六十四 三

郎由內閣 ○辛未諭大學士等每年所買皮張儘足供用多買亦

奚用耶即如朕內用沈香每年二百斤用尚有餘今辦解者已過

數倍此等物件俱令察明量用採買其餘無用者悉停之 ○調常

綬為刑部左侍郎管右侍郎事轉羅察為工部左侍郎調倭赫為

工部右侍郎由刑 ○癸酉諭吏部凡奉差官員理宜恪慎潔己辦

理公務事竣即行覆命庶不負委任之意嗣後如巡鹽權稅審事

一應差遣各官儻有沿途騷擾繞道妄行或公務已畢仍逗留地

方借端生事或將所帶筆帖式撥什庫等私自遣往他處督撫即

指名參奏以憑究治如督撫瞻徇容隱不行糾參事發一併議處

○乙亥諭大學士等比年未經京察是以各部院衙門官員行止

雜亂才力不及怠惰偷安者甚多著傳諭部院衙門令各察明五

日內即行參革 ○以范承烈為內閣學士由內閣侍 ○己卯兵部

議准湖廣總督郭琇奏鎮守協紅苗跳梁截陷弁兵臣等見在設

策勦撫謹酌善後之計莫若移鎮防險查沅州鎮標兵一千九百

五十名此地往來大路無甚險僻請將沅州鎮總兵官改為鎮守

總兵官帶本標將弁及兵一千名移駐鎮守協合鎮守協原存兵一

千一百名共二千一百名即將鎮守協副將改為沅州協副將亦

帶標員移駐沅州統領沅州存兵九百五十名酌分汛防從之 ○

庚辰御史廖騰燧奏參安徽巡撫李鈞以久病殘軀曠職守應

令休致得旨著李鈞明白回奏 ○辛巳查勘河工侍郎常綬等回

奏 上曰爾等帶去改移清口河圖伊等云何常綬奏曰于成龍

等云遵旨改移清口則清口自是易出但水泛時兩邊隄岸儻致

衝決保護為難將高家堰減水壩堵塞加幫修築似有裨益 上

諭大學士等于成龍等之意以為改移清口清水固宜洩遇水

東華錄 康熙六十四 三

泛時新修隄岸難保無虞必將高家堰減水壩盡行堵塞而加築

之始有裨益洪澤湖原係陸地前人於此築隄蓄水與山東嶧山

湖南旺湖相同大水之年納之以蓄水大旱之歲出之以助運彼

時河身窪下故洪澤湖水一則敵黃一則濟運今歲久沙壅黃河

底墊不但黃水反高於清水清水勢不能出而黃水復致倒灌於

是洪澤湖底亦漸淤墊高地丈餘水面上浮矣此清口所以淤塞

也爾等會同九卿確議各陳己見直言無隱 ○壬午諭大學士等

元旦祫祭 奉先殿捧請 四祖神牌往來朕心不安爾等會同

內務府禮部太常寺考明代典禮議奏尋大學士等議奏臣等查

考明代典禮並無捧請牌位之儀我朝建立 奉先殿於大內奉

太祖 太宗 世祖神主者蓋欲於朔望薦新及隨時祫祭故

也 四祖神主舊奉於 太廟後殿每時享致祭且歲暮又有祫

祭元旦復請神牌至 奉先殿合祀未免重複嗣後遇元旦 皇太后聖壽節 萬壽節於 奉先殿行禮時停其請 太廟後殿四祖神牌即於 太廟後殿照 奉先殿典例遣官致祭則 是○大學士等會議河工事務入奏 上問曰爾等作何會議伊桑阿奏曰將清口改移武家墩甚善但新築隄岸水泛時似難保無虞今給事中陳詵以深濬河身為要繕寫摺子呈覽 上曰河身宜加深濬人所共知但難得法耳朕亦留心於此今永定河雖小彷彿黃水欲以水力刷濬之法試之使河底得深十月間往視之時曾諭李光地等令將河身束之使狹堅築兩邊隄岸若永定河行之有效即將此法用之黃河否則另當設法安可輕舉九卿內如有淮安揚州人令各抒所見奏聞侍郎李杲奏曰 皇上欲東華錄 康熙六十四 西 改移清口誠為善策但不加修高家堰隄恐高家堰之隄一決則淮安揚州一帶難保無虞請將高家堰隄工速加增修 上問曰高家堰若行修築水漲時泗州一帶得無虞乎李杲奏曰高家堰一行加修水漲時泗州一帶必稍有水患但淮安等處地方所關最要 上曰洪澤湖之水長勢不得不將高家堰增築待加築高家堰後試觀清水由清口出否至於邵伯衝決之口若不豫行修築則明春更可慮矣又諭大學士等曰若將高家堰減水壩堵閉建造滾水壩土隄加幫高厚則湖水必高黃水又大湖水不出之時高家堰隄工危險而泗州等處必致水淹爾等會同九卿詹事科道確議具奏○乙酉 上幸南苑行圍○九卿議覆左副都御史梅鋈奏會試定例分南北中卷後又於南北中卷之內各分左右以致閱卷者不盡衡文止算卷數以定中額請仍照定例止分

南北中卷概去左右名色應如所請並將江南廬州等府滁州等州舊係中卷者俱歸南卷其雲南貴州四川廣西四省去其中卷名色每科雲南定為雲字號額中二名四川定為川字號額中二名廣西定為廣字號額中一名貴州定為貴字號額中一名康熙三十九年會試恩詔加額應將雲南四川各加中二名廣西貴州各加中一名從之○九卿遵諭議覆侍郎常綬等奏臣等遵旨前往河工詳勘擬將清口改移於武家墩但見今物料未備明年雨水前不能完工漕運甚屬緊要雖改移清口其高家堰亦必須加幫應如所請將高家堰速行加幫高厚並挑挖引河二道道部院堂官督催至邵伯更樓高郵九里等處決口至今尚未堵塞完工此亦關繫運道亦應差部院堂官督催作速完工得旨依議這督催工程著范承勳王鴻緒王綬田雯布雅努哈成龍顧藻壽鼎王東華錄 康熙六十四 五 紳高裔去分修工程董訥王樑朱宏祚江有良王起元宮夢仁線一信陳汝器王日藻衛既齊李應薦馬世濟高承爵金錫楊雍建去○庚寅 上還宮○是月免浙江餘姚等四縣水災額賦○是歲朝鮮琉球入貢○人丁戶口二千四十一萬八百九十六田地山蕩畦地五百九十八萬六千八百八十五頃三十四畝有奇徵銀二千七百三十九萬九千五百五十八兩有奇米豆麥六百九十六萬八千五百六十三石有奇草二百八萬一千六百六十六束茶十五萬七千四百五十四引行鹽四百三十一萬九千三百八十五引徵課銀二百六十九萬五千九百九十三兩有奇鑄錢二萬三千八百六萬五千四百有奇

東華錄

康熙六十五

臣王先謙敬編

臣周瀚蕃恭校

康熙三十九年庚辰春正月壬子四川提督岳昇龍密奏巡撫于
養志凶殘檢刻暴戾乖方交結藏番賄棄疆土剝削商旅苛虐土
司私收雜派勒索屬員規禮各種婪贓計十六款得旨四川巡撫
提督已經補授于養志岳昇龍即離任赴西安其本內事情著該
督審明具奏岳昇龍將不應密之事密陳殊屬不合著一併察議
具奏○丙辰工部議覆御史廖騰燧奏原任河道總督董安國糜
費歲修及各案大工帑金不下四五百萬于成龍任內又幾及二
三百萬河工無一案報竣追賠各款亦無一案還項請嚴定考成
酌立期限應將管河各官俱革職勒限半年賠修其分管道官各

東華錄

康熙六十五

降四級督賠工完開復如限內不完將承修官革職分管道官降
四級調用總河降一級留任未完工程仍令賠修追賠銀兩亦勒
限半年如限內不完分管道官不行揭報總河不行奏參照例庇
例議處又奏稱修工人員雖有一定丈數然地名繁雜必盡一定
界表以石椿庶免推諉應如所請令總河將見今所修隄岸於接
連交界之處各立石椿上鐫號數下鐫修理人員姓名其舊隄岸
鐫舊隄字樣亦立石編號從之○丁巳 上以巴林淑慧長公主
薨諭曰公主係朕之姑 太皇太后在時公主特蒙眷愛因此託
朕朕亦面允公主待姑年邁時迎至京師凡一切應用之物朕皆
承理以終天年及公主病篤見朕親臨視疾含笑而逝病篤之人
朕見者亦多矣如此含笑而逝者從未一觀公主生逢泰運居蒙
古地方五十餘載毫不生事躬享高年子孫繁盛含笑長逝諸福

備矣朕歎悼之懷因少解焉○禮部議准御史李先復奏科場內
廉宜復設滿漢御史各一員糾察從之○戊午以湖北湖南錢多
壅滯價低命暫停鼓鑄○禮部奏朝鮮國王李焯奏本國薩厄等
船隻被風漂至琉球琉球國將薩厄等解京師奉旨發回本國今
遣使進謝恩禮物應送內務府查收得旨朝鮮人民被風飄流朕
一體軫恤令回本國這謝恩貢物不必收嗣後因此等奏謝著停
其進貢禮物○辛酉差往陝西審事尚書傅臘塔江南江西總督
張鵬翮回京入奏 上曰爾等所審之事著交九卿議奏問張鵬
翮曰署總督事席爾達居官如何張鵬翮奏曰居官頗優 上又
問巡撫貝和諾較巴錫何如張鵬翮奏曰巴錫為人鄭重貝和諾
臨事精詳 上謂大學士等曰張鵬翮前往陝西朕留心察訪果
一介不取天下廉吏無出張鵬翮右者○覆試順天中式舉人○

東華錄

康熙六十五

壬戌論大學士等昨覽覆試之卷今科鄉試誠不允當派出監試
閱卷諸臣亦甚懦弱諸臣不擬題改奏反強請朕命題又謂所學
疏淺其試卷亦屢請朕定其優劣朕不允行仍令諸臣較閱諸臣
尚懷顧忌不分滿洲漢軍及南北卷總合一處定其次序朕以為
宜按項定其差等況諸臣俱係制藝出身之人而寥寥數卷反不
能較閱耶朕於諸事惟期合宜耳雖宗室大臣之子豈肯徇情諸
臣有何畏忌即今鄉會科場俱遣官考試朕何嘗主事此試卷朕
亦大畧閱過爾等持出傳諭九卿科道齊集詳閱具奏○癸亥
上以巡視永定河啟鑾

二月乙丑朔奏事主事存柱捧出康熙三十八年中式舉人覆試
文卷傳諭大學士等曰此科中式舉人因有情弊為人指參朕亦
聞外議紛紜故行覆試以驗其實朕親命題特命皇子重臣侍備

嚴加監試朕初謂必有不能終卷者及閱各卷俱能成文尚屬可矜至於落第者在外怨謗勢所必有焉能杜絕諸生試卷著學士布素齋回將朕此意傳諭九卿即於九卿前啟封照所定等第繕寫進呈又命中書班第傳諭曰朕棄時文已久覽今文體較前稍變諸生試卷朕一一觀其大畧諸臣所擬等第俱當三等以上者皆可觀有在三等朕拔置二等者亦有在四等朕拔置在三等者四等果屬不堪著令黜革三等以上者仍令其會試○是日 上閱化家口攔河壩諭監修內閣學士范承烈曰化家口攔河壩之南築一月牙壩壩基須用排椿蘆席於舊隄有益至於舊河下流之口亦須堵塞若不堵塞則水漲之時必致倒灌有損河道○丙寅 御舟泊武清縣蔡村諭工部尚書薩穆哈曰觀要兒渡之東被水衝刷深為可虞若不豫築挑水壩必致潰決著備椿埽等東華錄 康熙六十五 三

二莊之間另開一河分流導入三角淀則偏運河愈近儻水勢泛溢致損運河隄岸深為可虞朕視王家口出水之處並無壅塞於見開河處或應建閘或應築壩之處爾等繪圖進覽○甲戌諭巡撫李光地等曰閘留二莊之間可建一石閘水大時酌量開閘減洩水小時閉閘仍由王家口舊河令直流出則水勢不至盡行旁瀉漕運民田皆有裨益矣諭畢往閱永定河修築之處又問李光地等曰開此河水盡向東流恐有妨於運道李光地等奏曰 聖諭建閘甚是此閘即令巡道劉德芳監築多用石板務期堅固上逐一指示河工畢諭曰修築方畧朕親行指授若事有參差俱在朕躬爾其盡心修理勿懷疑懼以朕觀之永定河下流自三聖口開至柳岔無有善於此者 上減扈從王大臣侍衛乘小舟往閱郎城柳岔等處遇水淺舟不能進 上即改御小艇盡留諸東華錄 康熙六十五 四

又聞郭家務以下被淤卑矮隄工諭曰水長則新開之河可虞爾等會同王新命作何酌量再行加幫增高著公閱議奏○辛巳

上還次南苑○吏部議覆湖廣總督郭琇奏臣生父郭景昌係即

墨縣學庠生郭爾標並無妻室何有子嗣伊投充黃宗昌家為僕

闔邑共知臣伯父郭爾印無子以臣承嗣於康熙十五年正月病

故有丁艱呈詞可查不知佛倫何所聞而無影無稽誣臣欺君

冒認祖父濫膺封典擬以革職追奪誥命部臣不俟行查遂立時

追繳伏乞 皇上敕問佛倫據大學士佛倫供訪聞郭琇是郭爾

標之子又郭爾標造反總兵柯永昇拏獲正法我因郭琇伯父名

郭爾印與郭爾標名相類據訪聞具奏今郭琇既稱伊父是郭景

昌並非郭爾標外錯是實查佛倫前奏止據訪聞奏參並無實據

應將從前所追郭琇誥命給還其佛倫等事在赦前應免議從之

東華錄 康熙六十五年 五

○壬午 上還宮○乙西湖廣總督郭琇陸辭奏曰 皇上命臣

選奏丈量地畝官員有武昌道莊摺衡永柳道董廷恩長沙府知

府王益增三人才堪委任但湖南民稀地廣所以民或不能完課

遂致逃避者有之清丈之後則錢糧似較前差減矣 上曰約減

幾何郭琇奏曰大約減十分之二 上曰果於民有益所減雖倍

於此亦所不惜若不清丈以荒田著落他人徵收錢糧有累窮黎

斷不可也此事甚重保奏丈量官員爾具奏來照所請行○江蘇

巡撫宋學以賑濟淮揚饑民米石奏聞得旨朕發內帑修理各處

隄岸總為下河民生起見河工一日不竣下河之民一日不得樂

業朕甚惻然今歲漕運可截留二十萬石交付宋學備賑○壬辰

貴州省城地震○九卿議奏差往湖廣審事之郎中剛五達宋超

故違 聖訓在地方貪取財賄剛五達宋超應革職擬絞立決筆

帖式舒里渾應革去筆帖式擬絞立決編修喀爾喀雖係差去學辦事之官但受地方官盤費銀兩馬匹等物應革職至陳丹書等各犯謀叛侵犯城池傷及官兵劫奪印信倉庫總督李輝祖不據實奏參應將原任湖廣總督調補刑部侍郎李輝祖革職原任茶陵州知州趙國瑄私派等項應移咨該督查查明到日再議得旨剛五達宋超舒里渾俱改為應絞著監候秋後處決喀爾喀李輝祖俱著革職餘如議

三月甲午朔 上御經筵○原任河道總督王新命以修理永定

河繪圖呈覽 上披閱指問良久願王新命曰此圖曲折闊狹與

河形不符如一百八十丈為一里則一尺為丈或以寸為丈更或

以分釐為丈尺量其遠近按尺寸繪之方與河形相符一覽了然

今爾此圖皆意度為之未見明確著另繪圖呈覽○左通政張格

東華錄 康熙六十五年 六

等以差往審理蒿齊忒等旗盜案並教養蒙古請訓 上曰蒙古

性情怠惰愚蠢貪得無厭不可以內地之法治之順其性以漸導

方能有益初到時亦不可即行給助始若過優恐後不繼宜視其

困乏漸行補助且蒙古惟信喇嘛一切不顧此風亟宜變易儻喇

嘛等有犯法者爾等即按律治罪令知懲戒○吏部奏御史廖騰

燧奏參安徽巡撫李鈞病不能辦事今李鈞回奏自稱病愈應交

江南將軍提督查明具奏 上諭大學士等各省將軍提督向不

與民事敕書開載甚明從無行查總督巡撫之例今議令將軍等

查明殊屬不合爾等嚴飭該部其李鈞事著江南江西總督張鵬

翻查奏○禮部議准御史鄭惟孜奏奉差審事官員宜給印信應

准行得旨凡差遣審事官員若另給與印信甚滋煩擾不必鑄給

嗣後審事官員定擬審結即於疏內寫明具奏日期鈐本用督撫

印事關督撫則鈐藩臬印事關督撫藩臬則鈐提鎮印○乙未命截漕米二十萬石賑淮揚○丙申九卿等會議傳臘塔張鵬副察審陝西散給籽種等案查籽粒銀兩共計五十餘萬此內給發民間三十九萬餘兩百姓已於三年內完過二十六萬兩餘銀限二年內陸續完結其原任同州知州蘭佳選蒲城縣知縣關琇韓城縣知縣王宗旦俱侵扣籽粒銀入己應擬斬監候朝邑縣知縣姚士塾華州知州王建中已病故無庸議其侵扣之銀俱應照數追還原項至布喀控告總督吳赫等侵蝕籽粒銀兩三四十萬今合計實給眾百姓銀及各州縣衛侵扣那用銀已與五十餘萬之數相符布喀所告是虛但吳赫及原任巡撫黨愛不將屬員侵扣情弊確查奏參均應擬罪查黨愛已經革職吳赫於吳秉謙叩閣案內另議罪應無庸議原任川陝總督佛倫不將各官侵扣那用等項確查即列名會奏不合應降四級調用原任西安知府彭騰翊卞永甯隴州知州王鶴應降三級鳳翔知府許嗣國應降二級俱調用原任西安知府升神木道李杰降一級留任罰俸一年原任陝西驛傳道升福建布政使解任張霖補官日降一級罰俸一年原任布政使戴吞禪布俱身故無庸議前任巡撫布喀擅用庫銀支給運米腳價查係緊要公務非私自那用免其追取得旨蔭佳選關琇王宗旦俱依議應斬著監候秋後處決佛倫從寬免降級調用著以原官致仕餘如議又會議傳臘塔等察審吳秉謙叩閣一案查吳赫所參吳秉謙剋扣軍需銀兩勒索稅規倉規俱係風聞不確惟屬官情願送禮收受是實虧空庫銀俱係軍需緊急因公那用並非侵蝕其用過銀兩交與總督陝甘二撫令闔省文武官員均賠無著銀一千五十七兩吳秉謙供稱修理文廟及倉廩

渠壩等處但無用正項錢糧之例吳秉謙先經三法司擬斬監候無庸再議其那用銀兩及所得餽送禮銀照數追出入官補項吳赫懷挾私仇捏款誣參吳秉謙有玷官箴應革職依誣告例枷責丁憂布政使能泰按察使鄂海神木道李杰不能審出實情應各降一級調用其餘諸款及吳秉謙所扳吳赫浮開草料價值等事俱虛均無庸議得旨吳赫著革職從寬免枷責餘依議○己亥刑部尚書傳臘塔等入奏 上顧侍郎常綬曰爾自任刑部以來甚為效力各司所辦案件靡不得當較爾在工部時聲望更佳爾惟當堅持此心勤勉不二方善次工部尚書薩穆哈等入奏 上曰淮揚一帶百姓久罹水患亟宜拯救此係爾等專責宜各盡力今觀河工諸臣一有衝決但思獲利遲至數年徒費錢糧河上毫無裨益此弊之根皆在爾部即今河工凡有啟奏惟恐爾部不准行東華錄 康熙六十五 八

隨即遣人營求爾部鮮不受其請託者若此弊不除河工何由奏績薩穆哈等曰臣等自當遵旨竭力嚴禁 上曰豈止嚴禁他人即爾等亦宜改悔 上諭大學士等曰前者于成龍雖屢陳河務及問自河上來者皆云邵伯決口尚未堵塞朕所指芒稻河人字河等處亦總未修于成龍人尚可用亦有勞績但比年以來徇情為人大有錯謬朕去年南巡時遣侍衛海青召于成龍至江天寺諄諄訓諭以留心河工為要務詎意彼竟不言及如何治河如何救民惟以捐納執奏朕以此知于成龍之不能有成於河工也斬輔任總督時河務常治雖下河之人不能無微怨然不可謂於運河無益朕三幸江南初次河道尚未廢壞去年至彼見水勢較前更險聞今歲愈加湧漲直至高郵矣先是桑額疏奏清口之水已向流朕會批諭云黃水不久倒灌矣今詢來人果如朕言去冬

朕巡永定河命修挑水壩彼等遵旨修築水得通流于成龍不遵指示故迄今尚未告成爾等將朕所諭修築之處工程完否查明具奏○刑部等衙門會奏侍郎羅察等察審原任四川提督岳昇龍揭參原任巡撫于養志一案查于養志係邊疆大臣私將驛馬撥給裏藏餽送禮物之人又打箭鑪土司蛇蜡渣吧地方破營官占居不行奏明因岳昇龍揭參始將岳昇龍所行事件揭奏殊玷職任應革職其營官霸占作何措置之處應請敕第巴嚴飭互相貿易毋致生事得旨于養志著革職俟岳昇龍所奏二疏川陝總督審結時解送來京將打箭鑪等處被營官占據並不奏明緣由審明具奏其營官占據打箭鑪事情亦著俟該督將營官毆死蛇蜡渣吧之案察明到日一併議奏餘依議又奏羅察等奏審原任四川巡撫于養志奏參提督岳昇龍一案查岳昇龍係邊疆大臣東華錄 康熙六十五年 九

乃向革職土司高一柱面言我用摺子啟奏令爾戴罪護理希圖酬謝又給銀與閆國耀等建州販鹽又因茶馬之事指稱部內使用令屬員議湊銀兩四月初十日發兵至十四十五日始移咨督撫將伊瘦馬交屬員勒取價值又取各營官隨身兵糧多寡不等俱玷職任應革職所取兵糧馬價及家人一百五十名不當差遊擊韋元鼎等家下不當差之糧俱交該部照數追入官閆國耀等違禁販鹽應擬杖其餘諸款俱虛應毋庸議至打箭鑪係版圖內地達賴喇嘛妄求鑪河東嘉慶地方殊為不合但已於岳昇龍參于養志案內請敕第巴亦無庸議得旨岳昇龍著革職餘依議○壬寅大學士九卿等會議河工將摺子呈覽 上曰爾等會議以堵堵塞黃水入清口之處如此則漕艘從何處行伊桑阿奏曰漕艘到時拆堵為口以行船過仍堵之 上曰水力蓄聚一去其堵

衝刷必甚衝刷數次水必愈深堵難堅立矣爾等此議未必可行也伊桑阿奏曰臣等未嘗以此為必可行但無計可施以為如此僥倖清水可出 上曰如此清江閘亦須堵塞方好又召刑部侍郎常授理藩院員外郎赫碩滋工部員外郎費養古近前問赫碩滋曰爾等前議高家堰可修及觀王鴻緒所奏又云不可修爾今云何赫碩滋奏曰臣等會同于成龍徐廷璽齊集府廳官員定議乘冬月水退堅築高家堰具奏彼時若即興工必有成矣今水勢浩大實不可修 上曰去年朕親立河隄諭爾於挑濬引河處定椿汝能有成否赫碩滋奏曰 皇上所示臣已傳諭董安國之子至臣來後不知其作何遵行 上曰朕所遣諸大臣皆以高家堰為不可修爾尚執以為可惟以府廳微員為辭是誠何意朕親指示著爾定椿爾又轉委他人爾所司何事復顧大學士等曰赫碩滋朕巡視河道會命隨行雖言辭清爽口齒利然於正務毫無所濟惟兩可其說卸過於人且自恃利口上司與大臣之權任其擅弄不可令復往河工矣又曰前靳輔任總河十有餘年河務整理但自修歸仁隄之後清水勢弱黃河之身漸高清水不得流出渾水益倒灌清河河工廢壞亦由於此朕此次南巡會諭于成龍邵伯更樓等隄尺寸皆當堅固彼不堅修以致更樓隄岸衝決今漕臣桑額奏稱漕艘被水損壞二十餘隻究如朕諭常緩費養古速行馳驛前去會同河上諸臣將黃水入清口之處可否用堵堵塞及清江閘口應否閉絕引河作何挑濬更樓決口作何修治詳議速奏毋得稽遲常緩奏曰 皇上指示黃河應挑引河築挑水壩此工程於高家堰管工大臣內交何人修造恭請 欽點得旨著差出之范承勳王鴻緒監修令揀選十人帶領修造爾等將邵

伯決口月河芒稻河人字河亦俱閱奏或堵塞黃水入湖之清口或閉塞清江閘之處會同徐廷璽議定即交徐廷璽修造九卿出上顧大學士等曰赫碩滋惟恃利口大失朕望今於眾前申諭令之自愧耳○癸卯諭大學士等河工錢糧甚不清楚于成龍病故江南江西總督張鵬翮操守好著調補河道總督○丁未諭宗人府簡親王雅布曰宗室覺羅等女有願與朕養者朕可養而嫁之有女年長父母不能遣嫁者朕亦代為嫁之著查明奏聞○河道總督張鵬翮請訓並奏撤回河工效力人員保請原任河道總督王新命同往 上曰靳輔治河時河道甚好自任王新命後僅守靳輔成績並無別行效力之處于成龍初任總河已將靳輔所修之處改治一二次及至董安國則事盡廢壞不堪矣王新命於河務不甚諳練且見今修理清河四五月間可成待完工日再行東華錄 康熙六十五 十一

廷璽將伊任內錢糧事件交代明白回京又請撤河工效力人員應令該督將各官所管工程有無完竣錢糧有無清楚之處逐一查明即令發回又稱部臣每事掣肘乞諭部臣寬其文法責以成功嗣後凡估修奏銷與例不符者具奏駁查若將不應行查不應駁回之事任意混駁該督具奏到日將本內有名堂司官交與該部嚴加議處從之○辛亥以覺羅華顯為內閣學士由翰林院侍讀學士遷○丙辰賜汪繹等三百一人進士及第出身有差○丁巳陝西巡撫貝和諾奏漢興道所轄地方界連楚蜀幅員遼闊今缺員將議裁神木道李杰就近調補漢興道即將神木道歸併榆林道兼理得旨神木地方朕前統領大兵經過親見田畝瘠薄人民稀少最為寒苦然偏近蒙古實屬要地該撫具奏請裁神木道缺今又將李杰奏補漢興道明係專為李杰規避見缺希調善地且李杰向東華錄 康熙六十五 十二

夏四月丙寅吏部議陝西巡撫員和諾徇情奏請將神木道李杰調補漢興道應降三級調用李杰規避應革職得旨員和諾著降三級從寬留任李杰著革職○辛未頒 御製臺省箴以儆言事諸臣箴曰臺省之設言責斯專寄以耳目甯取具員通明無滯公正無偏黨援宜化畛域宜捐洞達政體斯曰能賢古昔爭臣風規凜然訐謫論垂光簡編朕每覽繹如鑑在懸居是官者表裏方直精白乃心克廣其識國計民生臧否黜陟凡所敷陳敬將悃愾風霜之任以懲奸慝搏擊之威以儆貪墨毋撫細務苟塞言職毋紛成憲妄逞臆書思入告當寧對揚沾名匪正營私孔傷或藏嫌怨謬為雌黃受人指屬尤為不臧形諸奏牘有玷卑囊職司獻替亟宜審詳敬爾在公風紀嚴廊詞箴用勸誼告聯常○命部院官舉劾屬員○丙子閱河刑部侍郎常綬工部員外郎費養古差東華錄 康熙六十五 三

回將河工情形摺奏 上問曰爾等所看如何常綬等奏曰董安國所挑引河已經淤塞臣等遵 皇上指授交與范承勳董訥等令其寬三十丈挑濬極深廣築挑水壩令水循北岸導入引河甚有裨益 上問曰清口如何常綬等奏曰據徐廷璽等云遵 皇上指授暫塞清口將引河挑濬寬深使湖水灌入運河漕船過則啟之過畢仍閉之俟湖水盈溢時開洩以敵黃河之水甚有裨益 上問曰芒稻河人字河如何常綬奏曰芒稻河人字河見在通流○己卯 上巡視永定河啟鑾○諭扈從諸大臣此番行李若仍似冬月按旗分隊伍一處攢行斷乎不可方今天氣漸熱行裝著從容緩進以次隨行慎勿催促不然馬匹必致有損矣行裝可早行朕進膳後啟行有由小路行走者聽其自便毋得嚴禁但曉諭勿得蹂躪禾苗有在後飲水飲馬者亦從其便此時馬匹飲水

並無所忌母似冬月禁止朕巡行每歷寒暑此等事知之甚悉其儀仗侍衛執事人等因馬匹不足騎贏者聽廝役等騎驢者亦聽母恐朕見而不乘騎也近京師天氣炎熱既不行獵乘騎何妨朕不過偶來閱隄耳如此不時巡視監修之人亦自謹慎且悉知河隄諸事其護衛人等雖少懈怠亦不必究其曉諭之○庚辰 上徧視永定河隄駐蹕永清縣北閣驛召大學士馬齊入行宮諭曰朕前者到此曾指示挑濬河灣令其下椿今觀河水已涸乘此水涸之時易於成功其徑直挑濬處須令寬闊即以所挑之土培築隄岸甚為有益見無雨水二十日可以告竣目今東作方興夫役難於驟雇八旗並包衣屬下每佐領派護軍各二名驍騎各二名步軍共一千令其挑濬著直郡王允禔總領之並帶世子雅爾江阿偕郡王岳希貝勒延壽公齊克塔哈普奇偕往宗室公內有年青願效力者亦著帶往都統副都統酌量派往此派遣之事著允禔會同內大臣公費揚古派遣管轄兵丁酌派章京工部司官派二員令記工程檔案其章京兵丁須派四十歲以內之人有年老殘疾者毋得派遣諸凡人員及廢官有願濬河效力者亦令前往爾明日同允禔赴京師會同大學士伊桑阿部院堂官入旗都統等會議數日即帶領夫役前來挑濬其夫役所食二十日口糧及需鐵樞筐籠等物俱著各佐領備給○辛巳 上徧視永定河隄諭王新命等曰觀新築大隄裏邊太斗應使稍斜又至郭家務舊隄新開河口之處用儀器測驗論曰此處地面較舊河水面高六尺六寸新開河底較舊河水面深六尺八寸水之入新河也易矣三聖口至柳岔口地甚卑下見今俱已乾燥此天假機會不可失也宜乘此時作速完工今若不修以致稽誤日後不得以難修為

辭至柳岔口又諭曰舊隄大有關繫甚為緊要稍有所失則誤大事矣此不得委之分司著與來修河之督撫大臣公同看守○壬午 上至王家口登小舟往視子牙河諭直隸巡撫李光地曰此一帶隄岸修築最好朕甚喜悅其流水聞暫停修築於閘之左右濬口洩水視今歲何如明年再定奪○乙酉 上登陸往視 陵寢龍口駐蹕寶坻縣○丙戌諭內大臣等是行特為修理 陵寢龍口流水之處而來應恭謁 陵寢著公福善率領不隨行之大臣侍衛章京護軍等於龍口聽朕指示修理其行裝令暫留此地俟朕旨再往清池○甘肅巡撫喀拜丁母憂命回旗守制○丁亥 上謁 暫安奉殿 孝陵還至龍口將應行修理挑濬各工程逐一詳加指示令侍衛各官等督率人夫加工並作頃刻告成是日駐蹕薊州清池○戊子倉場侍郎德珠緣事解任○壬辰 上東華錄 康熙六十五 五 還京師○調覺羅三寶為禮部左侍郎以朱都納為兵部左侍郎領外 侍郎

計黃河水面寬八十三丈餘攔黃壩亦應照丈尺拆挑一律寬深方足宣洩查未拆之壩尚有二十七丈三尺應盡拆去挑空深通悉與黃河之八十三丈水面相符亟堵馬家港於月內合龍使水勢不至旁洩盡由正河而行俟黃水長大時將新挑之河始行開放資其暢流之勢衝刷淤墊則黃水入海自然暢達應如所奏速行從之又會議張鵬翮奏人字河自金灣開至孔家壩宜開廣豁芒稻河兩岸亦狹又有土嶺二處前河臣尚未完目今湖水方盛宜盡行挖去水口下又有芒稻閘年久塌壞宜更修因時啟閉又鳳凰橋引河從橋口至胡家樓宜加濬深通引水入運鹽河匯入芒稻河又雙橋灣頭二河底亦有淺處應俟冬時挑深其灣頭閘座雁翅塌陷宜及時修砌惟高郵自撫軍樓起至東海灣止因高家堰洪澤湖之水滔滔東下西隄淹沒浸入運河東隄一望汪洋當伏秋水漲恐東隄單薄難以捍禦宜將見閉三壩相機酌開以保城池隄岸應如所奏速行從之又會議張鵬翮奏清口為淮黃交界之處目今糧艘北上最為緊要河身淤墊竟成平陸獨有黃河入運河臣相度形勢博採輿論謂黃河比裴家場引河身高爛泥淺係流沙裴家場與帥家場相隔不遠即開濬深通當黃水長大之時清水不能相敵應於張福口挑引河一道身長一千五十丈面寬十丈深一丈餘或八九尺不等引清水於黃河口相近處入運河使之暢達庶可敵黃並開閘以時啟閉均應如所請從之○甲辰內閣學士錢齊保錄事革職○吏部議覆河道總督張鵬翮奏臣閱視人字河工程安徽巡撫李鈞亦到工所面色黃瘦口角歪斜精力亦未強健不能疾走有病未痊是實李鈞應解任來京調理從之○丙午以法良為內閣學士由內閣侍讀學士遷○丁未

以陶岱為倉場侍郎阿山為江南江西總督轉默德為吏部右侍郎由工右遷○己酉調華顯為陝西巡撫命原任甘肅巡撫喀拜在任守制○予故河道總督于成龍祭葬諡襄勤○湖廣總督郭琇奏楚省陋弊一闔邑攤費各里輪當之弊宜除一陋規雜派之多宜除一徵糧之滾單宜行一訟棍包攬詞訟宜禁一酷刑濫刑宜禁一誣盜及捕役私行吊拷宜嚴飭一屍親率眾鈔搶之風宜禁一強族阻葬之風宜禁請旨勒石永為定例得旨本內事情前任督撫並未陳奏郭琇莅任實心除弊詳明具奏可嘉著照所請行○庚戌以高承爵為安徽巡撫原任廣東巡撫○壬子以白碩色為工部右侍郎由內閣學士遷○甲寅以邵穆布為內閣學士由祭酒遷○己未以巢可托為內閣學士由詹事遷

六月癸亥禮部尚書杜臻以病乞休命原官致仕○甲子河道總督張鵬翮奏臣遵旨看視海口將攔黃壩盡行拆去河身開濬深通於四月二十一日動工至五月初九日完工開放水勢暢流衝刷淤沙旬日之間深至三丈寬及百丈有餘滔滔入海沛然莫禦且自動工之後即長水二尺以資開放暢達入海此皆 皇上留心國計軫念民生至誠上孚天心海神效靈之所致應將攔黃壩之名改稱大通口乞 欽定以垂永久建海神廟以答神庥 上准奏賜名大通口○乙丑禮部奏御史鄭維孜奏冒籍舉人令其自首議准行貢監回籍考試議不准行 上曰此二事俱著依部議主試惟在得人耳若謂貢監在京必生情弊豈令回籍即不生弊乎部議不准所奏深為得宜○諭大學士等前張鵬翮赴任時朕即指示以必毀攔黃壩挑濬芒稻河人字河大抵河工事務非身履其地詳察形勢無由悉知初張鵬翮奏請欲按書上之言試

行修築朕諭云爾身至其地親加詳閱則應修之處便可知矣今毀去攔黃壩而清水遂出濬通海口而河勢亦稍減觀此則河工大可望也當于成龍赴任時朕亦曾諭以宜毀攔黃壩誠於彼時毀去早有效矣觀張鵬翮奏章詞簡而易明其辦事精詳已可知朕昔與彼閒論時彼曾言在浙八年每歲錢糧並無缺欠今蒙朝廷擢用之恩無可仰報惟勉令江南錢糧每歲必期完結朕尚止之云爾勿輕出此言萬一不應後則難矣迄今思之彼固有成見也○己巳以王澤宏為禮部尚書李耆為左都御史由戶部左侍郎遷○辛未署四川陝西總督席爾達奏明正長河西土官蛇蝎啗吧被喇嘛營官喋吧昌側集烈打死應敕第巴拏解並將化林營移駐打箭爐以資彈壓部議如所請從之○乙亥以王紳為戶部右侍郎由左副都御史遷○丙子工部議覆河道總督張鵬翮奏請發帑銀一百萬兩為辦料釐工之用應移咨戶部就近撥給五十萬兩如果不敷用再將五十萬兩撥給又稱運料必須船隻請先借京口崇明杪船一百隻應准借用又稱請交江蘇江西巡撫動正項錢糧照河工船式共造四百隻發與河工運料查河工額設濬柳船共有六百三十二隻今又借用杪船一百隻將造船之處暫停又稱清江浦見有效力旗員擬將船政同知裁去改設理事同知一員揀選滿洲賢能官補授以之審理旗人詞訟捕緝盜賊兼管船政仍屬總漕巡撫管轄應照該督所奏將滿洲應升官員保舉開列引見補授 上諭大學士等今清口已經淤塞來歲糧船難必無誤由海運直抵天津道遠且險若以糧載杪船自江入海行至黃河入海之口運入中河則海運之路不遠按此行可乎伊桑阿奏曰明季清口運艘一過即行堵塞官船商旅俱於天妃閣更船似

東華錄

康熙六十五

七

東華錄

康熙六十五

六

此行之不知可否 上曰清口一塞則南北阻絕矣可遣人問張鵬翮明年運般果否有誤自江南而下運入黃河口果否可行著詳議具奏朕去歲南巡見杪船有未經修理棄置江濱者可遣戶上二部司官馳勘作速修理俟到時將借用杪船之處再議具奏餘依部議速行○工部等衙門議覆河道總督張鵬翮奏修工應用材料轉運維艱舊有運料小河一道年久淤塞應加挑濬深通使於運料武家墩至小黃莊一帶臨河舊有石隄僅出水面二三尺不等必須加砌高郵寶應江都一帶西岸土石隄工宜修高郵城南石壩於秋盡水落照前河臣所估將五壩改爲四滾水壩辦料興修於壩下開引河使水有去路桃源縣黃河南岸隄工臣親看近長湖一帶土隄長四千二百餘丈應動帑加幫高厚以資捍禦歸仁隄臨河石工尚有罅隙樁朽之處飭其補砌古溝至六壩東華錄 康熙六十五年 九

禦之此間近因金門下窄上寬不能下板到底應改修合式挑挖引河深通然後議堵中河引水入黃王家堂缺口已修月隄係浮沙單薄應培修高厚作爲正隄徐城對岸沙嘴應挑挖引河資其衝刷河嘴以殺大溜水勢郭家嘴舊有石工至北門迤西而止臣率河官量度自北門石工頭起至段家莊止長六百五十餘丈加砌石工與舊石工一律平整不惟可保城池且可省歲修之費蘇家山石嘴挑出河心以致韓家山一帶衝潰應自楊家樓起至段家莊月隄止築月隄長四百丈以爲重門之障黃運中三河隄岸見在勒限修築徐州邳州睢甯宿遷桃源清河山陽安東各州縣黃河險工臣逐一勘明應動支歲修錢糧進埽防護仍飭該管官當伏秋二汛晝夜防守務期保固均應如所請從之○丁亥諭大學士九卿等考取舉人進士特爲得人耳若或行賄夤緣而得之東華錄 康熙六十五年 十

究一平常工程概用龍尾埽稀釘排椿一遇風濤即行塌卸虛糜帑金應行停止一修砌石工宜得法馬牙梅花等椿皆須用堅木密釘務極堅深面裏丁頭等石務極平整石灰須用重篩篩過多
用米汁調和擣杵極其膠黏以之灌入令其無縫不到又用鐵錠鐵銅連絡上下合為一片如或物料不堪短少灰米以及修砌草率立即指名揭報以憑據實參究一歲郝各工用埽最多而工程以平報險用料以少報多不無虛冒之弊本年修理次年估銷新陳相因易於牽混嗣後呈報險工一面估計數目申詳如係假捏即以謊報奏參處分一挑河工程務將挑挖之土盡堆於原估隄上層夯碾成隄使之高寬以資捍禦挖河人員務須照估挑挖寬深不許將散土堆積儻仍蹈前轍以及引水淹漫虛報淤塞者除挑過土方用過錢糧一概不准銷算外仍以侵冒誤工嚴參擊問

東華錄

康熙六十五

三

一臣查閱河工見頂衝大溜之處對岸必有沙嘴挺出此河曲之故也從此曲岸挑挖引河以殺水勢則對岸險工可平誠有如聖諭所示者因詢河官何以不即遵行據稱挑挖引河須費錢糧甚多挖後引水大溜始能成河若逢緩水必致沙淤例應追賠是以人心懼縮臣思河工虛應故事挑挖不如式者理應賠修若實心任事挑挖之後偶致淤墊者應請 聖恩免其賠修庶幾人無畏縮我 皇上挑直之諭可以實見之奉行而河工有底績之期矣一河工官員有實心任事不避勞怨不侵帑金修防堅固者工成之日優敘即用其怠玩推諉虛冒錢糧工程不堅固者宜即糾參嚴加治罪一挑河築隄雇夫動至數千寒暑風雨極其勞苦工成之日應給印票該地方查驗免雜項差徭以酬其勞以上各條仰請 天語申飭勒石河上永遠遵守得旨覽奏條陳河工弊端

詳悉切要極其周備著九卿詹事科道會同確議具奏○敕諭第巴等曰邊境向有定處爾縱放營官喋吧昌側集烈將四川打箭鎗內土司蛇蜡渣吧居住地方恃強盡行霸占漸次侵踞河東烏泥若泥九州三處漸有窺伺嘉慶擦道之意又因內土司蛇蜡渣吧漏言遂致於死種種妄悖實難寬假川陝總督席爾達已經具奏據此豈非爾私示所屬人等侵犯邊境生事邊境地方豈可讓與寸地此等事情爾俱違悖妄行敕旨一到將漸次侵占打箭鎗及版圖內土司地方俱著退還打死內土司蛇蜡渣吧之營官即行解送不然生事之罪歸於爾身彼時悔之不及矣

東華錄

康熙六十五

三

臣王先謙敬編

臣周翰蕃恭校

秋七月壬辰朔以布泰為盛京刑部侍郎由內閣學士遷○甲午諭河道

總督張鵬翮歸仁隄便民閘等口俱已堵塞其毛城鋪迤下等口

尚未堵塞將便民閘等口堵塞則毛城鋪等口所出之水由何處

洩去必致散漫各處民受大害此關繫緊要宜速籌一策○乙未

上召刑部侍郎常綬並員外郎費養古諭曰張鵬翮深悉河務

條奏詳明但任事伊始即如此嚴切後將難繼其所奏下樞處朕

南巡時亦曾面諭于成龍今張鵬翮所奏如此方見朕言之當治

河石料拋置水次以致衝沒者頗多于成龍監修河務當身立淤

泥中竭力督催故人皆奮勉但彼偶離其地則屬員安逸是圖無

東華錄 康熙六十六

所顧恤矣且聞或於河岸斗峻處略加削直即冒稱隄工者有之

張鵬翮見奏事宜固為詳明但彼所轄地方遼闊不得不分委屬

員從來功效難以豫必爾等視河屢矣今觀此奏以為何如常綬

奏曰後效難於逆料誠如 聖諭○理藩院奏商南多爾濟等所

奏策妄阿喇布坦遣人往青海台吉處等事無庸議 上曰此事

目前觀之雖屬甚小將來大有關係該部擬以無庸議儻青海台

吉等遣人以所奏聞事問商南多爾濟則商南多爾濟何以答之

策妄阿喇布坦人甚狡猾其口稱往征第巴或因力不及而虛張

聲勢或欲往征以此問會往彼處侍郎常綬等再行具奏○九卿

等議覆河道總督張鵬翮奏修河工事宜應准行 上曰張鵬翮

所奏黃河曲處挑挖使直則對岸險工可平此說良是所謂曲處

挑挖使直非謂取直於隄外乃兩隄之間自四五里至十里廣狹

不一於此內曲者使直耳朕亦曾以此面諭于成龍于成龍之意

甚忽視之朕不過暫往巡視于成龍乃久居河上之人母論朕不

能盡知即所深知者亦不能強令所司曲從朕意今張鵬翮所奏

與朕向時所見甚合朕凡事知者言之不知者不輕言即今邳州

呂梁諸處形勢如何並未親見若強以為知必致辭窮伊桑阿馬

齊爾等曾親到河工故能知之若未知者概以為知可乎張鵬翮

遇事精勤從此久任河務必能有益著照所議速行 上又顧大

學士等曰觀翰林官及庶吉士內有極貧者衣服乘騎皆不能備

將此等查出何以施恩有益供職其丁憂告假回籍之翰林官庶

吉士有生計艱難無力至京者著該督撫酌量資助令其來京又

翰林官員專司文翰更無他事各省學道員缺應與郎中並差任

滿之日仍各回衙門或掣籤或作何差遣爾等會同翰林院議奏

東華錄 康熙六十六

○己亥以胡會恩為兵部右侍郎由內閣學士遷○河道總督張鵬翮奏

清口已照式築壩下埽僅留口門今糧船盡數過淮指日出口即

可煞壩且張福口引河挑成引出清水已至壩口止待煞壩便可

開放入運其一應進貢以及差使官兵船隻不得擅自開放俟回

空之時啟壩過完仍行堵塞從之○庚子大學士等遵旨以商南

多爾濟等所奏青海事宜問侍郎常綬侍讀學士伊道郎中常明

等回奏 上曰此事稍覺遲延方奏到日即為行文甚好青海台

吉亦屬失算何以先將己意洩漏但將來使照常款待禮遣使不

敢構毀今以朕計之亦尚無妨朕巡幸蒙古之地頗多凡事朕皆

熟悉策妄阿喇布坦人雖狡猾但由博羅塔拉至土伯特必經哈

拉烏蘇等艱險之處路徑甚惡斷不能往伐何也策妄阿喇布坦

素行奸惡故其附近哈薩克布魯特諸部皆相仇讐欲悉軍大舉

則路既難行且無留護其妻孥者若兵單力薄斷難成事惟有奮激而行妻孥與俱幸而有濟則已無濟則有歸附土伯特之謀而已然策妄阿喇布坦奏書之意特張聲勢欲觀青海之動靜耳亦未必果欲爭戰也觀古趙充國所議各事良是應宜留意○以舒輅為內閣學士由內閣侍讀學士遷○壬寅河道總督張鵬翮奏臣恭奉聖訓指授方略堵塞邵伯決口糧船即便通行此時運河各決口盡堵清水又引出乘時將運河淤墊處再加疏濬來歲糧船自可通行不至遲誤至於改載抄船雇募水手人夫恐糜費錢糧且由江入海從黃河海口進中河之處潮汐消長水勢不一風濤不測實屬難行下所司知之○乙巳翰林院掌院學士法良韓奕遵旨議此後各省學道缺出翰林官內自侍讀侍講以下開列職名仰候 欽點及翰林官內貧者月給銀三兩具奏 上曰翰林官所

東華錄 康熙六十六 三
學優長朕悉知之但其為人尚未深悉難以簡擇此後學道缺出除告假在籍月期不論外較俸派出翰林貧者給銀之處著依議○丙午以李成林為河南布政使由福建按察使遷○壬子故振武將軍甘肅提督孫思克視回京師命皇長子允禔奠酒賜鞍馬二匹銀一千兩○癸丑賑淮揚所屬十五州縣○甲寅諭大學士等頃者問護孫思克喪之章京云孫思克之喪自甘州至潼關沿途軍民無不號泣相送孫思克在西陲時朕甚賴之因思甘肅地方緊要特命都統雷繼遵前往雷繼遵朕所素知騎射甚精人材優長將軍博齋莽依圖俱善前博齋自江甯赴西安時軍民哭送直至浦口彼若不善何能如此誠可謂將軍矣提督李林盛軍民亦無不稱善○乙卯諭大學士等觀九卿所議考試一事科道亦無不心服况今年會試所中大臣子弟俱多孤寒士子未能入彀如此欲

令人心服得乎張鵬翮李光地任學院時居官皆善彭鵬郭琇居官好著將鄭維孜滿晉慕琛等所奏及九卿會議事件盡行錄出差保舉筆帖式送示四人果否得當如何方能除去弊端永遠可守務令各抒己意詳議具奏四人居官優善持行清廉若徇大臣及科道情面不盡心審度據事直言則彼等一生讀書立行亦屬虛偽爾錄此旨令前往之人帶去李光地處往返限六日張鵬翮處往返限二十日郭琇彭鵬處爾等可計程限日○諭鄂羅斯地方遙遠僻處西北海隅然甚誠敬噶爾丹窘迫求彼曾拒而不答曩者遣人分畫邊界即獻尼布潮地以東為界尼布潮等處原係布拉忒吳梁海諸部落之地彼皆林居以捕貂為業人稱為樹中人後鄂羅斯強盛遂併吞之已五六十年矣即此允當軫念也○御史呂崑奏秋審罪案宜分兩議具奏 上曰此事斷不可行若

東華錄 康熙六十六 四
分兩議誰肯附於議斬者惡人不除則法既不行善類何以得安朕凡遇難決之事必與諸大臣商酌行之即如昨日刑部奏毆死伯父毆死叔父之人擬即正法朕著問九卿等亦謂此等人必當處斬但其中或有他人毆死而歸罪於彼亦未可知故令詳議也彼等果係情實豈可寬宥此本著發還呂崑給事中御史各任言責各以聞見入奏甚是朕此發還非阻言路之意因於事不合故發還耳可將朕旨曉諭○以徐秉義孫岳頌俱為禮部侍郎徐秉義由詹事府遷 孫岳頌由詹事府遷○丙辰諭戶部國家要務莫如貴粟重農朕宵旰圖治念切民生惟期年穀順成積貯饒裕於以休養黎元咸登樂利今聞直隸各省雨澤以時秋成大熟當此豐收之時正當以饑饉為念誠恐歲豐穀賤小民罔知愛惜粒米狼戾以致家無儲蓄一遇歲歉遂致飢離著該督撫嚴飭

地方有司曉諭民間博節煩費加意積貯務使蓋藏有餘閭閻充裕以副朕重農敦本愛養元元至意○丁巳 上巡幸塞外啟鑿○以張霖爲雲南布政使原任福建○是月免安徽泗州盱眙水災額賦

八月戊辰裁涼州鎮標守備一○辛未 上駐蹕齊老圖○癸酉教養敦漢蒙古黃茂等來請 聖安並將耕種穀石數目摺奏命奏事主事存柱等傳諭曰此所穫之米不可不交人看守否則盡爲蒙古所盜矣著諭大學士馬齊至京即派人前往更代所需人員亦不必多每旗止派一二章京足矣俟更代人到後爾等逐一交清方可回京並諭黃茂等此番年穀豐稔皆係爾等之福爾等回京亦有榮也既而教養蒙古各部落人員相繼請安 上逐一詳問蒙古生計及耕種穀石數目並雨水會否均調等事○己卯

東華錄 康熙六十六 五

論兵部將軍孫思克謀勇素裕居官甚優效力行間克奏膚功久鎮巖疆勤勞素著允稱良將其從前所革世職著給還以示優眷○己丑予故兵部侍郎嚴曾渠祭葬○工部議覆河道總督張鵬翮奏科臣張睿奏中河應開陶莊閘放水從仲莊閘出口建瓴之勢偏滯使南部議行令詳勘具奏臣率淮揚道王謙等詳視若將中河改由陶莊閘而行至董安國所挑引河引入黃河勢必遷移縣治又多繁費且糧艘難以進口不若仍舊至陳家莊渡河直進仲莊閘草壩毫無阻滯應如所請從之又議覆張鵬翮奏臣率河員親往沂河查看沂河水勢直衝盧口面寬濶急且係沙底不能開開應於盧口兩旁隄岸殘缺之處概爲修補束水入徐塘口運河既可濟運又使民生得所應如所請從之

九月乙未工部等衙門奏高家堰工程關繫緊要凡在河工大員

理應和衷協同辦理使工程速竣今尙書范承勳等具奏王日藻等所遺工程應令河員常維楨等幫築而河道總督張鵬翮又稱常維楨等有賠修工程恐顧此失彼不惟工程兩誤且帑銀不無牽混且各疏題互異俱屬不合嗣後務須公同商酌具奏如仍前互異交該部察議得旨總河職任宜專此遣往督修高家堰范承勳等九臣俱著撤回其督修工程著交與總河張鵬翮餘依議○王寅原任河道總督王新命工部侍郎白碩色自承定河來奏事上問曰河工事若何王新命奏曰河水一股從冰窖村北流向西去一股從三聖口南流向西去一股從舊隄徑出柳汊近日三聖口冰窖村百姓正欲議立馬頭見有商船來往又奏隄工上曰朕不問爾所修之隄止問爾所釘之樁王新命奏曰樁已釘過三千丈尙有餘贖 上曰既有餘贖可於河口密釘之○以曹鑑

東華錄 康熙六十六 六

倫爲內閣學士由少詹事遷○癸卯吏部議河南巡撫李國亮將衰庸有病之盧氏縣知縣保舉行取及回奏不據實認罪乃摭虛詞掩飾應以溺職論革職得旨李國亮著以原品休致○乙巳諭大學等給事中穆和倫條奏服用奢侈本章爾等擬稟申飭朕意言官專任耳目之職若因言而罪之誰復敢言但此本內言順治以來至康熙十年尙爲儉樸嗣後漸至奢僭等語殊屬錯謬朕知之甚悉自輔臣攝政十年以前時凡器用服食等物甚爲奢侈自朕聽政以來一應服食俱從節儉諸王大臣亦皆效法不用金銀器皿金銀等物此時服用較從前十分之內已減九分矣馬齊奏曰十年前祭葬多焚化皮衣其風今已息 上曰諸王大臣服用雖甚節儉筆帖式護軍庶人等服用未必不少有奢侈朕歲歲賞賚更給官馬而生計尙未充裕謂非奢侈之故乎朕閱載籍歷代以來

皆由樸而漸至於奢未有由奢而漸至於樸者然不可以不禁也今惟以大開言路為要務況設立科道專為求言所言當則行之不當但將原本發還如此則內外臣僚亦俱知做戒矣朕聽政四十餘年言官有為人而言者有受賄陳奏者有報私讐而顛倒是非者此等條奏朕無不知至於喪祭時恐其僭用朕屢經傳諭族長著不時查察今日久漸弛容或有之亦當禁止此本著不必申飭○丙午工部奏銷算雜項修理錢糧 上曰一月內雜項修理即至銀三四萬兩殊覺浮多明季宮中一日用萬金有餘今朕交內務府總管凡一應所需之銀一月止五六百兩併合一應賞賜之物不過千金從前光祿寺一年所用銀兩亦甚浮多朕節減大半工部情弊甚多嗣後凡有修理之處將司官筆帖式俱奏請派出每月支用錢糧分晰詳細造冊具奏若三年內有塌壞者著賠東華錄 康熙六十六 七

修如此則工程堅固而錢糧亦不至妄費矣○諭大學士等旗下大臣子弟當令為侍衛執事勤勞效力今皆令入部院衙門大臣交相顧庇一應升遷出差全不論俸之淺深人之優劣擅徇情面選擇保奏其間攬事恣行者亦有之此輩在部院衙門大臣等彼此相託不無掣肘見今寫本辦事坐臺馳驛者勞苦之處大臣子弟誰肯派遣況漢人見任三品以上堂官子弟不授科道之職若大臣子弟人材果優何處不可效力必在部院衙門方為美耶今入旗滿洲漢軍除同族不論外其子孫兄弟叔伯兄弟之子在部院衙門為司官筆帖式者著查明寫摺子呈覽朕擇其可留者畱之可去者去之上三旗以侍衛執事選用餘著隨旗行走俟伊等父兄不在見任時再行補用部院衙門爾等可問九卿會同具奏○丁未大學士等奏遵旨以大臣子弟解退部院衙門酌量或任

侍衛或隨旗行走之處問九卿九卿云 聖諭極是但未知查何品以上大臣相應請旨 上曰著將入旗滿洲漢軍在京及外省文官三品以上武官二品以上大臣等子孫叔伯兄弟之子在部院之司官筆帖式並進士舉人概行查明具摺奏聞此內有曾經軍前效力及曾當苦差之處皆於名下開註○戊申諭工部尚書薩穆哈爾部之事弊端甚多修築河工隄岸錢糧及給發諸工銀兩爾部官員筆帖式侵蝕一半入己爾在部年久諸弊得諉為不知乎爾當自為身計○己酉刑部以龍巖知縣趙光榮誣良為盜一案兩議具奏一議前雖錯審後審出實情應免議一議誣良為盜盜雖審出實情已經致死人命仍應革職 上諭大學士等將覆審得情之官仍因初審錯誤議處則人皆懼罪不肯露其實情朕意欲定一例凡部駁應審事件不交原問官審理儻仍令原問官東華錄 康熙六十六 八

審理彼必固執前議致令銜冤者多矣著九卿詹事科道一併詳議具奏尋議嗣後部內駁回覆審事件應另委官審理將原審不明之官另行定例處分從之○以徐潮為河南巡撫由刑部左○工部尚書薩穆哈以老乞休得旨薩穆哈在部辦事四十餘年事務豈有不知弊端豈有不悉乃歷年碌碌河工積弊至於敝壞各項工程錢糧皆致虛糜今奉嚴旨遂欲卸責離任虛偽巧詐已極薩穆哈著革職仍令將工部事務弊端明白查察若仍前執謬將弊端不行舉出決不寬宥○庚戌御史劉珩奏直隸永平真定等處田地應令巡撫李光地視其近河之處引水入田耕種 上諭大學士等水田之地朕所洞悉已交李光地見令引水耕種水利一興田苗不憂旱潦歲必有秋其利無窮但不可太驟耳今若竟定一例諸處剋期齊舉該部覆行催查則事必至於難行矣亦惟

興作之後百姓知其有益自然鼓勵各相效法於是因地制宜設法行之事必有成觀今此處亦不必開池惟如甯夏水田開濬溝渠潦則撤田中之水自渠出之旱則放渠之水入於田中災荒總可無虞矣策妄阿喇布坦處盡是水田所以全無水旱之災惟或一年穀米變蚊而飛或穀熟時穗內全然成血此則彼處之災也此事太僕寺喇錫侍郎常綬知之朕亦見之書籍又盛京有一種馬札名曰沔蟲更甚於蝗蟲此處蝗蟲食苗後尚飛去盛京田內一有沔蟲必將田禾之穗連根及葉罄食無遺方止此皆朕所親見非得之傳聞也○封下嫁順安顏之公主爲和碩溫憲公主授順安顏爲和碩額駙○辛亥 上御經筵○癸丑河道總督張鵬翮奏前河臣于成龍查勘於四堡空引河由胡家溝出黃河臣相度形勢胡家溝迤東地勢頗高恐引水不暢且地係沙土難以開東華錄 康熙六十六 九 開查勘挑挖引河之處在於涵洞口處至老隄頭迤東出黃河地勢低窪打量水平湖水比黃水高七寸六分自涵洞起至九龍廟止見有舊河一道長一千二十七丈九尺河身深窪不必挑浚自舊河起至黃河邊止應挑引河長三千八百二十三丈五尺估挑面寬十丈底寬十丈深八九尺一丈不等應於黃河縷隄之處建造石閘於臨河之處建築草壩隨時啟閉以防黃水倒灌再於歸仁隄五堡建石閘若黃水倒灌則閉黃河縷隄之閘將此五堡之閘開放以洩湖水不至漲裂隄身於引河南北兩岸築束水隄並補築九龍廟舊隄決口七處砌石工使水不至旁溢如此引河修成則洩歸仁隄之水出黃河可以衝刷河身可以保護民間廬舍不至淹漫得旨歸仁隄修築事宜屢經面諭于成龍最爲緊要乃于成龍性偏未能詳看遷延時日以至於今觀張鵬翮所奏甚爲

合理此事所關最要著九卿詹事科道會同速行詳議具奏及今年黃河水小之時興工毋誤尋九卿等議如所奏不拘動支何項錢糧作速興工一面將需用錢糧細數確估具奏命依議速行○丙辰轉諭成龍爲刑部左侍郎以下永譽爲刑部右侍郎原任福○丁巳以哈雅爾圖爲理藩院尚書由左都御史遷○是月免直隸永清江南高郵浙江西安等十七州縣被災額賦冬十月辛酉先是 上以 皇太后六秩聖壽命 皇四子整備進獻禮物恭進佛三尊 御製萬壽無疆賦圍屏一架 御製萬壽如意太平花一枝 御製龜鶴遐齡花一對珊瑚進貢一千四百四十分自鳴鐘一架壽山石羣仙拱壽一堂千秋洋鏡一架百花洋鏡一架東珠珊瑚金珀禦風石等念珠一九皮裘一九羽段一九哆囉呢一九璧機段一九沈香一九白檀一九降香一九芸香一九通天犀珍珠漢玉瑪瑙雕漆官窰等古玩九九朱元明畫冊卷九九攢香九九大號手帕九九小號手帕九九金九九銀九九段九九連鞍馬六匹並令膳房數米一萬粒作萬國玉粒飯及肴饌果品等物進獻○乙丑 上御紫光閣率諸王子及宗室侍衛等射 上發五矢皆中的試中式武舉等步射技勇親簡善射武舉馬會伯等三十餘人復令步射擇其尤者八人 上還宮御西暖閣讀卷官馬齊等以試卷呈覽 上曰朕親試武舉已經十
二三次矣從無及此科者不但步騎射俱善人材亦優此內朕又特簡八人步騎射俱善頗無優劣惟視其文爲次第耳隨命諸臣拆卷定其次第○以安布祿爲左都御史由理藩院○丙寅賜馬會伯等一百八人武進士及第出身有差○諭大學士等九卿諸臣但以朕可者可之否者否之無一人有直言者伊等皆係讀書

之人豈不知忠為事君之大義頃者朕以九卿不足信將行取知縣及科場事宜遣問張鵬翮郭琇李光地彭鵬九卿獨不抱愧乎四人居官之善朕何以知之蓋以彭鵬任三河知縣朕謁陵往返稔聞其賢張鵬翮曾任兗州知府居官甚善郭琇曾任吳江知縣朕南巡時百姓俱稱其賢李光地為學院時官聲最優凡居官賢否惟輿論不爽果其賢也問之於民民必極口頌之如其不賢問之於民民必含糊應之官之賢否於此立辨矣若張鵬翮等偶有他過朕尚可曲宥如九卿不肯直言朕必重懲一二人彼時勿謂朕不寬也朝廷設九卿所司何事其以朕旨曉諭之○河道總督張鵬翮奏武家墩起至小黃莊加砌石工舊椿石敲朽勢必折砌方可堅固經久今於舊殘石工之上疊柴壓土以為越壩於內建砌則省費而工速此工除撥銀四十萬兩外內有不足銀一十

東華錄 康熙六十六年 十一

八萬六千二百四十八兩零應請飭該部速行撥給乘此冬令水涸修築速完勿致遲誤諭大學士等張鵬翮每事奏請詳明實能宣力若張鵬翮等朕不之信將誰信耶伊若果為利計歷任知府運使巡撫皆可得利既不取於彼豈肯於河工錢糧侵蝕肥己乎其操守廉潔誠不可及惟有時偏執已見然朕亦即時戒飭並不寬假也又奏臣率河員查勘新中河必須全身挑挖兩岸子隄全身幫築所需錢糧頗繁而河頭灣曲糧艘行走不便且三義壩以上三十一里零河身狹淺遇湖水大漲恐不能容納舊中河自三義壩以下至仲莊間二十五里零河身甚深南岸湖水散漫難保子隄且距黃河甚近今議在三義壩將舊中河築攔河隄一道改入新中河則舊中河之上段與新中河之下段合為一河糧艘可以通行無滯得旨前于成龍奏稱將中河改移朕屢經諭其恐有

未便今張鵬翮所議中河事宜甚當著照所奏行○以郎廷極為福建按察使由山東登萊道遷○丁卯諭大學士等臣下之賢否朕處深宮何由得知緣朕不時巡行凡經歷之地必咨詢百姓以是知之今張鵬翮居官之優豈朕目擊其行事亦不過得之傳聞耳因此朕欲開風聞言事之例科道官以風聞奏參即行察該督撫賢者留之不賢者去之如此則貪暴斂迹循良競勸於民大有裨益嗣後各省督撫將軍提鎮以下教官典史千把總以上官吏賢否若有關繫民生者許科道官以風聞入奏儻懷私怨互相朋比受屬託者國法自在著傳諭滿漢掌印與不掌印科道官員知之○己巳河南巡撫徐潮陛辭 上諭聞河南火耗甚重爾去當嚴行禁止又聞彼處虧空甚多爾去當如何籌畫如何令無虧空河南連歲有秋未知積貯如何爾亦當細心查覈徐潮奏曰臣聞河南有

東華錄 康熙六十六年 十二

幾州縣火耗最重此外尚有私派臣當嚴行禁革又州縣虧空錢糧臣到河南惟有潔己率屬寬養其力使彼逐漸自補再不改悔定行奏參 上曰今天下雖太平然武備不可有懈爾有撫標兵卒爾從翰林出身武事恐未必留心宜嚴飭將弁不時操練爾撫標操練精強則兩總兵官有不凜然操練者乎總之爾去亦如張鵬翮郭琇李光地彭鵬所行則不但為當今名臣亦取重於後世矣○給事中慕琛奏安東縣楊家馬頭一案經前任河臣于成龍奏報於康熙三十八年六月內浸漫三十餘丈不即勸修延至一載有餘而所謂三十丈者遂變為一千二百丈之多請嚴定處分又馬家港漫缺據河臣張鵬翮題奏本年四月合龍旋即於六月初旬衝開承修之馮大奇等始則草塞完工隨修隨壞既壞復抗延不即辦料請敕將馮大奇等議處抑臣更有請者近見河臣

金糜費一疏止參賠修未完而並未及承追之官嗣後當年衝決者勒承修官速賠不准請帑如限內不完將承催不力之官一併列參照例處分又各工完日該總督即委道員踏看出具甘結儘隨修隨壞及三年內衝決者請將出結之官照例重處得旨著張鵬翮明白回奏○以滿篤為理藩院右侍郎由內閣○兵部議覆四川陝西總督禮部尚書席爾達奏臣等遵旨將化林營移駐打箭鑪據該營詳稱官兵渡瀘河之西不意鑪番甚為狂悖將修路之官兵打死拆毀偏橋阻截官兵又探得在五鴉等處抽兵有欲搶奪沿河一帶之信隨咨商四川提督唐希順暫為巡防以取進止查鑪番阻踞應行文商南多爾濟副都統阿南達令其轉行第巴將殺死兵丁拆毀偏橋之番蠻速行查拏解送並令提督唐希順親領兵丁巡查固守三渡口勿致截斷我兵後尾如不將

東華錄

康熙六十六

七

罪犯解送仍前妄行及侵犯沿河地方即行奏聞俟命下進勦得旨依議速行○癸酉 上巡視永定河啟鑿○甲戌自葛房村徧視永定河隄 駕至麻格莊河灣諭分司敦拜曰此處宜從上流下挑水埽用以盪刷淤墊 上閱新修河隄諭敦拜曰此坍塌之隄宜速完工又閱新莊求賢莊石佛寺等處河灣諭敦拜曰此處當下挑水埽又閱雅地里河灣諭敦拜曰觀此岸地勢崇高斷乎無害南岸地卑不可不加意堅築○乙亥 上自葛家屯徧視永定河隄閱至北閣驛河灣諭分司敦拜曰此處宜築挑水埽隨至清涼寺閱衝決隄口召原任河道總督王新命工部侍郎白碩色巡撫李光地分司朝琦等諭曰爾等可會議開濬新河放水其清涼寺缺口不必塞隨行幸雙營見視隄工畢回駐蹕葛家塢命吳達善等於李光地王新命白碩色前傳諭赫碩滋曰自葛家塢至

清涼寺一帶朕閱視尚皆加意修築此外所築隄下椿俱淺又截去長者其束葦極鬆復亂拋置之此隄仍著原築之人修築即交與赫碩滋親身看守晝夜巡察儻椿木衝壞或別有他故即速行奏聞不然即臬示爾於隄上朕巡視南河時指令下椿修築之處竟不行修築避往他處其時即應誅之今更以此隄委爾慎之○諭大學士馬齊分司敦拜護守河隄甚善在部院年久人亦老成著額外補授內閣學士仍管理分司事○丙子分司敦拜齊蘇勒奏曰 皇上自去歲指授一切工程俱有功效隄岸克保無虞但南岸尤為緊要伏乞 皇上指示 上曰兩岸須釘排椿使水永不外溢則爾防守甚易矣又諭自郭家務以上南岸舊隄甚薄著交與原任河南巡撫李國亮務將排椿作速於隄外深釘此隄卑狹處亦交與彼加寬增高酌量補築隄內田中浮土可剗取用之

東華錄

康熙六十六

七

隄邊柳樹不可輕伐所塞之口令先動工其地勢高阜處水既不漫溢可酌量節減不必修築所用排椿葦草向原任總河王新命取之 上自葛家塢徧閱永定河南岸查驗椿木俱短小不如式命近御侍衛海青傳諭原任河道總督王新命工部侍郎白碩色等曰自委爾等河工以來並未陳奏一事即椿木丈尺亦未如式深下爾等果實心修築自正月至今親身監修即每日里許亦修築竣工矣密邇京師相去僅一日之程其能欺朕耶若再三年無成朕豈肯輕恕必將誅之又諭巡撫李光地曰永定河工程及物料爾等不時稽查其椿木合式者收貯於葛家塢之東蘆葦務收貯於乾燥之地毋致朽爛其看守不謹者即令賠償其河工未完處仍交王新命等修築令保三年爾所查工程物料需用錢糧奏銷時毋致浮冒河工效力人員內諸色潤雜爾亦務確查奏參○

丁丑 上駐蹕南苑○以席哈納為內閣學士由太常寺卿遷○戊寅

上還宮○已卯諭大學士等今年內升科道官仍管原任事外轉

又停科道官暫時無缺候補之人不能即補今歲行取以科道用

者著補額外御史俾隨九卿議事則伊等苟有一得可以陳奏爾

等將此傳諭吏部○庚辰兵部議覆湖廣總督郭琇等奏鎮守紅

苗遠化參將朱紱已經勤撫事竣其善後事宜應分設汛守建立

哨臺煙墩並嚴禁奸民私販火藥軍械娶苗人婦女等事每月三

日聽苗民互市限時集散仰請敕旨勒石應如所奏永為遵守從

之○辛巳張勳原品休致調張志棟為浙江巡撫由福建調○贈振武

將軍甘肅提督孫思克太子太保子祭葬加祭二次諡襄武○壬

午諭大學士等吏部尚書庫勒納左侍郎阿爾拜居官不職俱著

解任於佐領處行走○工部議邵伯更樓隄決致壞漕艘應將協

東華錄 康熙六十六 五

理河務府尹徐廷璽降三級留任得旨徐廷璽著降三級調用○

癸未兵部尚書范承勳等至自河工入奏 上問曰陶莊引河挑

水壩工程俱完否河漕何如范承勳奏曰河工已竣今秋水小故

未放水其挑水壩七月中旬已告竣河漕已漸循北岸而流 上

曰此後淮水能出否范承勳奏曰淮水長至五六尺可出引河之

口 上又問曰淮水積積過高可無虞否范承勳奏曰高家堰加

高之隄高出水面一丈二三尺不等淮水縱高尙足捍禦布雅努

奏曰臣等今所築之隄闊八尺高二丈有餘沿湖皆用葦束加椿

似可無虞王揆奏曰將來石工告竣可以禦水即見築之隄亦屬

高厚總之築壩幫隄為今冬急務 上曰洪澤湖波浪石隄且被

衝壞萬一黃淮交漲為之奈何喻成龍奏曰 聖慮極當幸已發

帑金將隄加幫高厚今張鵬翮估計建立滾水壩宣洩水勢且晷

家壩一帶可令洩水以殺其汎漲之勢 上曰爾等所奏雖如此

恐未可易視也○丙戌召原任刑部員外郎趙申喬來京○丁亥

調席爾達為吏部尚書仍署四川陝西總督事由禮部調轉特默德為

吏部左侍郎調傅繼祖為吏部右侍郎由盛京兵部調○以梅錫為福

建巡撫由左副都御史遷○是月免江南清河浙江江山等九縣被災額

賦有差

十一月庚寅理藩院奏鄂爾齊圖哈灘巴圖爾自青海移至甯夏

議給人口糧糧牛馬芻豆 上諭大學士等著照所議行數年以

來宇內昇平惟西陲陝南甘肅常有差遣之事出邊人員地方官

皆協助供應陝西甘肅官吏駐站甚為艱苦著差戶部右侍郎溫

達前往將沿途驛站查視若有做壞者會同地方官增添撥給其

供應出邊人員等物議定額數以聞○辛卯修理永定河河工員

東華錄 康熙六十六 六

外郎赫碩滋奏參原任河道總督王新命工部侍郎白碩色河工

草率及條奏應修等處 上諭大學士等赫碩滋人甚輕浮永定

河應修事宜朕總責成伊等共理今赫碩滋因事難成又見朕有

嚴旨遂妄參奏至伊條奏有云見今地面雖凍而水中地尙未凍

應及時修築等語尤為悖謬今時令漸寒若待行文河上鳩聚夫

役則時已嚴寒地皆堅凍何以興工爾等可傳王新命等至內閣

以此二事令對質○壬辰大學士伊桑阿等奏曰臣等遵旨傳集

王新命白碩色與赫碩滋對質王新命云今天氣正寒將挑濬之

土置岸即凍若行堆積又不可用歲內斷難興工明春雨水前必

當趨修告竣赫碩滋時向臣等建論是實如彼言果當臣等即照

伊行之否則亦相商酌而行其云夫役小錢及用爛麻亦實臣等

皆已驗過更換 上曰朕曾命赫碩滋確查具奏故赫碩滋將伊

等奏參彼向在河南意此河可照黃河一例興工殊不知南方地
暖尚可修築此河如何可比今已漸寒興工得乎然王新命赫碩
滋等皆同事之人此河明歲告竣則已否則朕自有處分○以額
倫特為盛京兵部侍郎由左副都御史遷○甲午調喻成龍為工部左侍
郎管右侍郎事轉下永譽為刑部左侍郎調吳涵為刑部右侍郎
由工部調○丙申 上幸南苑行圍○以札賴為左副都御史原任○戊
戌 上還宮○辛丑 上謁 陵啟鑾○以勵杜訥為左副都御
史由宗人府丞遷○大學士馬齊遵旨會同都察院議奏禮部尚書王
澤宏侍郎覺羅三寶等將索倫總管覺羅阿圖應在館喂養之馬
匹違例給與草料在阿圖家喂養又挾私奏參監督薩拉倡壽應
將尚書王澤宏侍郎覺羅三寶王封傑李錄子俱各降二級調用
查王澤宏覺羅三寶王封傑各有加級紀錄應抵銷得旨王澤宏
東華錄 康熙六十六 七
著以原品休致三寶著革職李錄予著降二級從寬免調用餘如
議○乙巳 上謁 暫安奉殿 孝陵至 仁孝皇后 孝昭皇
后 孝懿皇后陵奠酒○賑巴林旗○丙午以韓莢為禮部尚書
由吏部右侍郎遷 凱音布為禮部左侍郎由副都統遷○九卿等議覆湖廣總
督郭琇遵旨詳議科場事宜四疏嗣後直隸各省鄉試在京三品
以上及大小京堂翰林科道吏禮二部司官在外督撫提鎮及藩
臬等官子弟俱編入官字號另入號房考試各照定額每十卷民
卷取中九卷官卷取中一卷不必分經其副榜亦照此算取若各
省鄉試官員子弟或止數人者不必另編官字號雲南貴州四川
廣西四省在監鄉試亦編入南監內俱一體分別編官字號照額
取中會試滿合字號南北字號亦編官字號每二十卷取一卷雲
南等四省中額仍照見例行不另編官字號各項監生有願在監

入場者俱由國子監錄取責令祭酒等力行考課之法考課不缺
者准其入場照例分別南北官民卷其願在本地鄉試者與生員
一體分別官民卷取中童生內有將經書小學真能精熟及能成
誦三經五經者該學臣酌量優敘論題將性理中太極圖說通書
西銘正蒙等書一併命題從之○九卿等議覆河道總督張鵬翮
奏臣於十月十九日親往高家堰六壩催工見水勢驟長三滾水
壩尚未修成恐西風鼓浪無處宣洩公議於翟家壩原有天然滾
水壩用埽裹住兩頭平槽之水蓄以濟運溢槽之水聽其滾出塘
槽河入白馬河若伏秋水長再於蔣家壩盡頭處原有之清水溝
河以及涵洞酌量開放若水小仍然閉塞再查六壩口寬二百八
十丈今清口引河僅寬三十餘丈不足以暢洩全湖之水應再開
寬閘使水暢流敵黃至於運河伏秋水漲應由涇河澗河洩出射
東華錄 康熙六十六 七
陽湖入於海此二河見在挑竣應將涇澗二閘修補以資啟閉均
應如所請從之○己酉工部議准河道總督張鵬翮奏嵇家閘未
堵恐來年重運經由有掣漕稽遲之患必須實閉另於閘南昭關
廟地方改建滾水石壩一座水大則啟以宣洩水小則蓄以利運
從之○辛亥 上巡幸邊外啟鑾○癸丑轉徐秉義為吏部右侍
由禮部侍郎轉○命卓異官如行取例引見○戊午署四川陝西總督席
爾達奏准四川提臣唐希順咨稱京壩已被鑪蠻侵占輒敢渡河
不但侵犯擦道意在斷我官兵歸路又准四川撫臣貝和諾咨據
化林營參將李麟等詳稱將來取鑪非三路進兵不可三路齊進
之外更宜另撥官兵一路由甯番一路由魚通一路由甯越則渠
魁亦可擒獻臣思鑪蠻如此狂悖提臣唐希順已經親至化林營
汛抽調各鎮營官兵應否直前勦逐擒拿渠魁密奏請旨得旨著

將荊州滿洲兵二千發往四川將軍莽奕祿年老著鎮守地方副都統一員領兵前去再著理藩院侍郎滿丕自京馳驛前往統領與提督唐希順商酌行事這所發之兵每名賞銀二十兩整理器械到成都之日其口糧酌量路程支給勿致遲誤其糧餉著巡撫貝和諾料理見應作何行事之處著唐希順相機而行勿致失機十二月己未朔河道總督張鵬翮奏臣懷遵 聖授治河方畧次第舉行先疏海口水有歸路今黃水不出岸矣繼挑芒稻河引湖水入江高郵寶應一帶水由地中行再開清口開張福口裴家場等引河淮水有去路矣加修高家堰堵塞六壩偪清水復歸故道引張福口等河會入裴家引河開放清水流入運河又將湖頭加濬深闊以迎洪澤湖漚將張福口引水入裴家場再挑寬深水大勢旺直敵黃水暢流入黃河矣運河之中純係清水已無黃水灌

東華錄

康熙六十六

九

入臣自下河回至清口見水大半入黃少半入運一水兩分若有神助官民快靚淮黃交會歡聲如雷皆我 皇上宵旰憂勤精誠上格天心河神效靈之所致也下所可知之○庚申吏部議覆給事中慕琛奏參雲南布政使張霖出身鹽商官方有玷輿論不孚應將張霖革職從之○甲子河道總督張鵬翮遵旨回奏給事中慕琛各款臣查安東縣楊家馬頭經河臣于成龍奏明俟時家馬頭工程合龍即可補築此從相機修治慎重錢糧起見並非敢於坐視也馬家港漫缺臣奏明發帑委員興修並將馮大奇等奏參部議革職此係遵舊例而行並非今日始也至河工賠修俱係從前舊案甚屬繁多若將承追之官勅行定例處分則新任道員不能久任恐致廢弛河務此斷斷不可行者也又奏稱工程完日委道員踏勘出結儘衝決照徇庇例重處查修築黃運兩河限內

衝決無論出結與否俱有處分今若將出結者處分則不出結者反得倖免應仍照定例行且自臣履任以來銳意節省皆歸實用而科臣反謂帑金糜費日甚臣懷遵 皇上指授方畧疏通海口黃淮交會萬民歡頌功成而科臣獨謂河工貽誤日多臣不知其何心也下所可知之○乙丑 上謁 暫安奉殿 孝陵遣 皇子詣 仁孝皇后 孝昭皇后 孝懿皇后陵奠酒○丁卯河道總督張鵬翮奏淮黃交會宜思善後之計見在諸引河之水勢聚而力強故足以敵黃而直出運口但大半出黃少半濟運一水兩分伏秋黃長恐清水之力稍微應於張福口裴家場二引河空地中間迎湖大溜之處挑引河一道寬二十丈底深一丈會入一河俾清水之勢常強而禦黃有力將爛泥淺會入三汊河從七里河出文華寺運河專以濟運下部議行○戊辰 上還宮○庚午命

東華錄

康熙六十六

十

行取候補主事梁浩之等四十三員即以五部主事額外補授○刑部等衙門會奏署四川陝西總督席爾達覆審原任巡撫于養志提督岳昇龍互相揭參一案奏稱于養志將岳昇龍咨移任私刪改不據實具奏以致營官踞鎰狂悖侵占河東芳泥等處應擬斬岳昇龍仍照前議革職查于養志已發往軍前效力俟回日監候餘應如所奏得旨依議前所遣兩侍郎並未審明席爾達方行審結何故不問其罪三部諸臣未免徇情若不問擬嗣後審事諸臣俱任意橫行三部大臣著行申飭尋議侍郎羅察布奏應各降三級留任得旨羅察布奏著照所降之級隨旗行走○壬申宗人府奏已革貝勒諾尼以從前擬罪情屈控告得旨諾尼無罪著仍授為多羅貝勒安親王岳樂從前管理宗人府汚蠱諾尼枉擬治罪著交宗人府議處○癸酉調蕭永藻為廣西巡撫彭鵬為廣東

巡撫○乙亥冊封佟氏為 貴妃瓜爾佳氏為 和嬪衛氏為
 良嬪○丙子禮部左侍郎凱音布內閣學士邵穆布差往廣東察
 審黎人王鎮邦侵犯及起釁文武官員請訓 上諭爾等至彼鞠
 審時如官員有苛酷處即行拏問其內有升調者亦行調審總
 督有應取供之處亦行勘問今彭鵬調補廣東巡撫爾等會同總
 督石琳巡撫彭鵬赴瓊州鞫審凱音布邵穆布奏曰總督巡撫提
 督等已經差人往招黎首王鎮邦若出降則已如不降臣等請但
 審見在人犯 上曰於爾等未到之先想已出降矣如果不降爾
 等即審見在人犯趁暑前速還○以敦拜為工部右侍郎由內閣
待讀學
 士○署四川陝西總督席爾達奏鑪蠻在悖屢率醜類攻突我官
 兵營盤署四川提督中軍參將馬爾值右營遊擊張自成相機奮
 勇擊敗蠻兵乘勝追逐復得河東末威處壩二處下兵部知之○
 東華錄 康熙六十六 三
 丁丑直隸巡撫李光地奏原任河道總督王新命等諸事俱不效
 力惟徇情面無益河工部議王新命等應撤回將河工錢糧交李
 光地 上諭大學士等李光地奏稱王新命赫碩滋宜撤回京最
 為允當今河上事務李光地一身任之王新命在彼奚為將此輩
 撤回京中拘禁候河工告竣之日一併議奏○諭大學士等張鵬
 副奏修築下河事宜深為得當誠如此修築錢糧節省底積亦易
 于成龍為修下河會屢疏具奏未得其宜朕俱不允此非可徇情
 面之事朕於奏章必是非昭然毫無可疑者方允舉行雖日後有
 失朕直受之斷不委之他人此等事諒記注官必備載之于成龍
 在日最有聲勢交與亦廣即爾諸臣誰與抗衡凡于成龍所奏於
 理不符者朕皆窮詰不行今張鵬副所奏事俱合理朕皆照所請
 行朕並非偏向張鵬副也初張鵬副會奏請改流白馬湖事毫無

裨益朕不允行今所奏事實為有益因皆允之朕觀河工之弗成
 者一應弊端起於工部凡河工錢糧皆取之該部每事行賄貪圖
 肥己以致工程總無成效張鵬副亦會面奏云武弁藉空糧文官
 賴火耗河工官員別無所獲惟侵漁河工錢糧所以河務無成今
 張鵬副所用錢糧俱非部支並無掣肘自到任以來一文不肥己
 正項河銀俱實用於河工此河事所以得成效也○給事中湯右
 會奏臣辦事垣中閱視揭帖見兩廣總督石琳奏參雷瓊道成泰
 慎瓊州府同知何斌瓊州右營遊擊詹伯多等遣人進黎擾害致
 生黎王鎮邦等攻犯寶停等營似此貪婪不法之員總督石琳巡
 撫蕭永藻提督殷化行何以平時毫無覺察恣其貪毒事起於三
 十八年十二月內並不具奏迨王鎮邦不就招撫勢須用兵然後
 奏報徇庇容奸希圖欺隱若不嚴加處分恐後無所戒必致貽
 東華錄 康熙六十六 三
 誤地方得旨所參事情著石琳蕭永藻殷化行各明白回奏○戊
 寅河道總督張鵬副奏黃河下流最窄之處無如安東便益門以
 及對岸韓家莊臣率道應等官探量兩岸相距僅六十餘丈又兼
 時家馬頭至伊家莊河身過曲對岸沙洲偏潤直衝南岸韓家莊
 而韓家莊以下又突出沙嘴偏潤直射北岸便益門且隄高於城
 勢甚危險應將兩處沙洲於中開挑引河二道使黃流直下以固
 城池以保險工從之又奏臣查勘下河見水勢漸消惟興化積水
 一時不能全退較泰州鹽城水患尤甚臣相度形勢博採輿論高
 郵寶應山陽鹽城一帶之水由射陽湖之蝦鬚二溝入廟灣以達
 於海今蝦鬚二溝因童營漫溢淤為平地雖有夏梁河出水但河
 身淺狹不足宣洩是以泛濫今宜將蝦鬚二溝淤塞之處約計四
 十餘里挑挖口寬十丈深九尺一丈不等引水入膠隴河以達於

海鮑家莊至白駒口八十餘里地高水壅宜挑口寬八丈深六七尺不等引水由白駒場入海撈魚港淤塞八十餘里應挑口寬八丈深六七尺不等引水入海老河口一帶淤淺三里餘應挑口寬十丈深六七尺不等引水入河滔子河三十二里淤塞不通應開口寬八丈深六七尺不等引水由苦水洋入海如此則水有去路而積水可以漸消矣從之○己卯 上幸南苑行圍○兵部奏先是同馬承蔭在柳州復叛之黃明署廣西巡撫麻勒吉奏稱已死乃於康熙三十七年復謀叛在湖廣地方擊獲黃明供認逃匿十有餘年則麻勒吉捏報不合雖已身故應追革官職從之○廣東廣西總督石琳奏黎首王鎮邦蠢動攻營不即出降臣照會鎮臣唐光堯統兵前去始於十一月初一日親赴投誠下所司知之○壬午宗人府議已故安親王岳樂管理宗人府理宜從公審事乃東華錄

康熙六十六年

聽信畢喇什之妻縣主之言徇情將貝勒諾尼母子枉法擬罪殊屬不合應將岳樂追革親王岳樂之子安郡王馬爾渾偕郡王岳希固山貝子吳爾占輔國將軍副都統塞布禮孫奉國將軍色痕圖等盡革爵職為閒散宗室得旨岳樂著追降親王為郡王馬爾渾著從寬免革郡王岳希革去郡王吳爾占革去貝子俱授為鎮國公其塞布禮之輔國將軍副都統色痕圖之奉國將軍悉從寬免革○甲申 上還宮○是月免直隸高陽江南徐州浙江金華陝西南鄭等二十九州縣衛被災額賦有差○是歲朝鮮來貢○人丁戶口二千四十一萬九百六十三田地山蕩畦地五百九十八萬六千九百八十五頃五十四畝有奇徵銀二千七百三十九萬五百六十八兩有奇米豆麥六百九十六萬八千五百六十九石有奇草二百八萬一千六百七十七束茶十五萬七千四百五

十五引行鹽四百三十一萬九千四百八十三引徵課銀二百六十九萬六百九十五兩有奇鑄錢二萬三千八百六萬五千八百有奇

東華錄

康熙六十六年

五

一〇〇〇 冊 續修四庫全書 6 頁三

臣王先謙敬編

臣周瀚蕃恭校

康熙四十年辛巳春正月己酉以巢可托為盛京刑部侍郎由內閣學士

○辛亥以辛保為左副都御史由右庶子○甲寅解白碩色侍郎

任專理永定河工轉敦拜為工部左侍郎以舒輅為工部右侍郎

由內閣學士○努赫緣事革職以席哈納為禮部侍郎由內閣學士○鑲白

旗漢軍副都統興永朝以病乞休得旨與永朝前任督撫並無裨

益兵民之事乃稱硜硜自守等語不合著解退副都統○禮部議

覆河道總督張鵬翮奏見今海口疏通黃淮二水交會濟運神速

皆河伯效靈所致請加賜河神封號應如所請得旨著封為顯佑

通濟昭靈效順金龍四大王○乙卯諭大學士等張鵬翮任浙江

東華錄 康熙六十七

巡撫七載歷年錢糧俱照數清完並無虧欠今浙江錢糧甚無頭

緒故先將巡撫張勳更換今亦欲易其藩司頃召來原任刑部員

外郎趙申喬人甚敬慎委以錢糧斷無苟且著補授浙江布政使

○諭大學士等各省錢糧前會以次蠲免過二年朕今欲蠲免江

南明歲錢糧江南係大省錢糧繁多爾等會同戶部定議將各項

應蠲錢糧逐一查明具奏今年十月即頒上諭則江南全省之民

庶可普霑實惠也○以辛保希福納傅紳俱為內閣學士辛保由

御史希福納由大理寺卿傅紳由翰林院侍讀學士○戊午青海厄魯特台吉戴青和碩

齊察罕丹津率屬歸附封多羅貝勒○是月免江南宿州衛上年

水災額賦有差

二月己未朔 上巡幸畿甸啟鑾○以岳蘭為左副都御史由中

○給事中馬士芳奏參山東省大計巡撫王國昌舉薦歷城縣知

縣管承寵係其私人又徇庇溺職之長清縣知縣崔錫榮不行參

奏湖廣省大計巡撫年遐齡徇庇湖北布政使任風厚老病不行

參奏得旨著王國昌年遐齡各行明白回奏任風厚可著來京引

見○辛酉 上閱視永定河至清涼寺決口諭直隸巡撫李光地

曰此河今歲務必完工爾等可勉力為之○乙丑督師侍郎滿丕

四川提督唐希順奏報康熙三十九年十二月二十日臣等分兵

三路攻打箭鏢殺蠻兵五千餘人斬磨西營官喋吧昌側集烈及

大岡營官籠送等得旨嘉獎下部議敘○丁卯河道總督張鵬翮

奏臣按南河志清口至淮安建有五閘遞相啟閉以防黃河之淤

又慮水發湍急難於啟閉則築壩以遏之每歲糧艘過盡即於閘

外築壩以遏橫流一應船隻俱暫行盤壩則是伏秋水發黃水倒

灌自古已然故建閘築壩以防淤墊之患今運河初濬俟清水衝

東華錄 康熙六十七

刷使深河底尺寸既定方可建閘茲清水雖已出黃轉盼桃伏秋

汛繼至節宣之道豫防之法不可不急為籌也今於張福口裴家

場中間開大引河一道併力敵黃但黃水會合眾流來自萬里頻

年河身墊高勢大而力強淮水止發源桐柏迄今方出清口一半

敵黃又一半濟運終慮力分而勢弱故蓄高家堰之水以助其勢

幸而黃水不大發尙足以敵之若遇黃水大發在糧船正行之際

將裴家場引河口門暫閉引清水由三汊河至文華寺入運河以

濟漕運儻運河水大山陽一帶由涇湖二河洩水實應一帶由子

嬰溝洩水俱歸射陽湖入海高郵一帶仍由城南柏家墩二大壩

洩水江都一帶由人字河鳳凰橋等河洩水入江若遇黃淮並漲

清水由翟家壩天然滾水壩洩水黃水由王家營減水壩洩入鹽

河至平旺河入海若糧艘過完黃水大發則閉攔黃壩使不得倒

灌且可以刷深黃河若黃水不大發將運河頭壩堵塞令清水全入黃河以資衝刷之功官民船隻照例盤壩俟回空糧船到日方啟止留三汊河清水仍由文華寺入運河即古人設天妃閘於糧船過後閉閘築壩之意也得旨所奏已得河工祕要著九卿詹事科道會同速議具奏○庚午工部議覆給事中陳詵條奏自天妃閘至淮安共有五閘必復天妃閘然後淮水可出又請新舊中河應多建閘座重運來時節次啟閉重運過後勿令常開遵旨行文河道總督張鵬翮議奏今張鵬翮回奏臣查五閘之中惟當酌復天妃閘以防黃水內灌龍王寶應二閘拆修下板蓄水濟運又中河煞壩啟壩需費頗多不若於河頭尾各建石閘一座以時啟閉又於新中河孫家集以上修石閘一座如遇大水洩入鹽河應如所請從之○癸酉諭直隸巡撫李光地朕歷年省耕畿甸咨詢民

東華錄

康熙六十七

王

隱屢行謁賑近見霸州大城文安地居窪下被水最甚雖遇豐年民猶艱食其三州縣累年積逋及本年應徵地丁正項應蠲米穀錢糧爾即察明豁免務使各處窮民咸霑實惠○以甘國基為河南按察使由福建巡海道遷○甲戌 上閱子牙河○丙子 上閱柳岔口登新築隄諭直隸巡撫李光地等永定河每年當水涸之時河道既枯必至淤平此甚難治朕思得一善策儘得引入清水以衝刷濁水之河底則水自深矣朕回鑾之時另頒諭旨○丁丑先是直隸巡撫李光地奏參王新命等修河錢糧並無著落 上命內閣學士法良吏部侍郎徐秉義會同察覈至是法良等覆奏察勘永定河挑挖新河工程錢糧不清王新命蒙混虧空得旨王新命白碩色等著拏付吏刑工三部嚴加議處○庚辰 上還京師○九卿等遵旨議覆河道總督張鵬翮奏節宣運河水勢應於張家

口裴家場中間開引河一道併力敵黃再蓄高家堰之水以助衝刷若黃水大發在糧艘正行之時將裴家場引河口門暫閉引清水由三汊河至文華寺入運河以濟運若在糧艘過完之後即堵塞攔黃壩使不得倒灌應如所請 上諭大學士等前者朕曾以此事諭于成龍于成龍並未遵旨挑濬今觀張鵬翮所奏甚是悉與前旨相符著照所請行○丙戌轉諭成龍為工部左侍郎以許汝霖為工部右侍郎由翰林院侍讀學士遷○江西巡撫馬如龍以老病乞休 上諭大學士等馬如龍雖年老居官尚好著行文總督阿山問彼病勢如何及能否辦事具奏無事之時督撫之任仍宜漢人若漢軍費用太多於民無益惟有緊要事辦理敏速則漢軍所優也然如張鵬翮李光地居官更有何議張鵬翮自到河工在署之日甚少每日乘馬巡視隄岸不憚勞苦彭鵬人材亦甚壯健任三

東華錄

康熙六十七

四

河縣時但聞有賊即帶刀乘馬親往擒拏毫無畏懼朕深知之○四川提督唐希順奏正月十三日臣抵打箭鑪有商民喇嘛番民等歸順又有木鴉頭目錯王端柱等首先歸順今來附者共一萬二千餘戶賞給銀幣鞍馬令其各回安業下部知之唐希順又奏參化林營參將李麟進兵打箭鑪之時規避畏縮違誤軍機又前於昭莫多與噶爾丹對敵時以無甲推諉不戰 上諭大學士等李麟人材壯健馬步射俱優係朕簡用之人打箭鑪未復之前李麟呈報總督席爾達云應分兵三路進取打箭鑪席爾達據以具奏今唐希順奏參李麟於進攻打箭鑪時規避誤機又追言康熙三十五年在昭莫多對敵時李麟以無甲自諉不前向與公費揚古同往出兵者其內並未聞有無甲不戰之人豈有已經遇敵以無甲自諉而不戰之理原任提督李鎮鼎與唐希順素不相能李

麟或係李鎮鼎提拔之人或與有關親誼以是挾仇奏參亦未可
定李麟不必拏問著交與總督席爾達察議具奏○以修國勳爲
雲南布政使由江西按察使遷

三月戊子朔 上御經筵○壬辰以高緝睿爲福建布政使由北按察使遷
○丁酉禮部議覆河道總督張鵬翮請將 上諭治河事宜

敕下史館纂集成書永遠遵守應如所請 上諭大學士等朕以
河工緊要凡前代有關河務之書無不披閱大約泛論則易而實
行則難河性無定豈可執一法以治之惟委任得人相其機宜而
變通行之方有益耳今不計所言所行後果有效與否卽編輯成
書欲令後人遵守不但後人難以倣行揆之己心亦難自信且今
之河工雖漸有成緒尙未底績果如撲滅三逆蕩平噶爾丹之灼
有成功允宜勒之於書垂示後世今河工尙未告竣遽纂成書可

東華錄

康熙六十七

五

乎纂書之務且不必交翰林院卽著張鵬翮編輯呈覽○諭朕聽
政四十餘年凡條奏之事稍有私意斷不能欺朕馬士芳特不喜
漢軍居督撫之任故將王國昌等俱行參奏朕所知之漢人數員
已盡置外任今郭琇病甚欲選一人代之尙患不得果如張鵬翮
李光地郭琇者能有幾人若云漢人內人人皆優此亦不可原任
福建巡撫官夢仁居官無狀朕問李光地鄰省河南山東巡撫居
官如何爾等有文移往來之事必能知之李光地言河南巡撫徐
潮居官甚優山東巡撫王國昌雖無過人之才心性和平地方尙
受其益果在地方安靜卽百姓之福矣○戊戌以常名揚爲安徽
布政使由湖南按察使遷○己亥工部議覆河道總督張鵬翮奏唐埂六
壩堵閉全完惟洪澤湖水勢盛出繞流武家墩此一帶至運口隄
工必須作速加幫高厚又新大墩至裴家場向無隄工應勅築攔

湖壩一道方可束水敵黃濟運應如所請得旨依議速行○壬寅
諭大學士等督撫奏銷錢糧疏內因銀數有一兩不符及四兩不
符者該部輒議駁回事甚微細必待往來申奏然後改正殊覺多
事嗣後錯誤十兩以內者部內行文改正不必議駁○戊申廣西
巡撫蕭永藻陛辭 上諭彭鵬在廣西居官甚好爾可效彼所行
爾前任廣東巡撫時通省盜案甚多每一案內牽連數百人俱罹
法網頃黎人之地又復有事如此爾居官果善豈致有此等事乎
爾所薦人員亦無當者嗣後薦人其辦事優長等語皆不必言但
當擇清廉者舉之居官既廉辦事自善卽錢糧稍有未完百姓自
爲彼勉力急供也爾其識之○命郎中馬爾漢等往喀爾喀教養
諸蒙古等 上諭喀爾喀蒙古其性無常且不知足爾等至彼慎
勿多與之物取悅彼等速冀朕知爾等豈有多物滿其願欲日後
不繼反招其怨故始應節其施與酌量行之至於教彼耕種亦甚
緊要前此任事之人朕悉指訓爾等一一問明加意遵行可也○
諭大學士近見督撫內張鵬翮李光地郭琇彭鵬華顯等居官最
優阿山到任雖不久居官亦甚善徐潮自到河南聲名卽爾茂著
頃彭鵬薦知縣三人彭鵬所舉定皆良吏張鵬翮李光地皆不輕
於薦人惟恐薦後或有不法故甚鄭重之若于成龍則樂於薦人
故常失之○河道總督張鵬翮以河工情形遣郎中王進楫奏聞
上召問良久諭大學士等今天下無事惟治河最要唐埂六壩
俱已堵塞去年夏秋時黃河水溢加之毛城鋪之水復入洪澤湖
湖水較黃河畧高目下清水通洩雖於運艘有益今歲桃花水發
洪澤湖水已高三尺至夏秋時若水高至丈許則高家堰隄深可
危慮儻高家堰一有衝決淮揚一帶地方俱不可保其爲患甚大

東華錄

康熙六十七

六

且所修如許工程亦皆付之無用矣昔于成龍任總河時不塞唐
 埧六壩非無所見蓋慮此而不行今斷不可不慎加防護也復顧
 王進楫曰爾往諭張鵬翮高家堰隄須加意防守不可即謂工竣
 必歷夏秋至冬清水照常流通高家堰無事斯可云河工有濟耳
 ○己酉諭大學士等莽牛河之水著引入永定河可交分司等照
 此修治將此修治之處傳諭巡撫李光地前來視之○癸丑刑部
 等衙門議覆直隸巡撫李光地奏參王新命白碩色修築永定河
 誤工擬王新命枷號鞭責白碩色擬革職 上諭大學士等議者
 輕矣此事並非科道糾參及諸臣察奏俱朕親行目覩者儻嚴訊
 白碩色及赫碩滋等王新命實情白露王新命係革職之人朕復
 舉用所行尚猶如此於聲名職分俱為有玷其罪豈可輕擬乎白
 碩色雖無濟於事尚有建言之處王新命赫碩滋若不置之重典
 東華錄 康熙六十七 七
 嗣後誰勸誰懲諸臣甚屬徇庇本著發回再議○右衛將軍宗室
 費揚固奏請於右衛地方積貯米穀並請獻石青 上諭大學士
 等積貯米穀如所請行其石青不必進獻○先是九卿遵旨議覆
 河道總督張鵬翮奏河工官員三年保固請照臺灣例以應升之
 缺即用應不准行得旨令張鵬翮將河官工程險易分別具奏至
 是張鵬翮分別工程險易仍請河官照臺灣例升用 上諭大學
 士等據張鵬翮奏稱上險次險等工程但水性靡常倏爾變遷歲
 修工程或變為險要淤塞即變為歲修各官有實心效力者
 亦有隨眾塞責者豈可俱照臺灣之例一體敘用又言河員冒涉
 風濤與臺灣官員無異不知臺灣官員三年即升之例並非僅為
 風濤起見且河員見今俱係保奏從優補授之人若照臺灣例敘
 用必致吏兵工三部條例俱要更改況河工練員同時升去獨存

新任之員於河工有無裨益之處未經議及今河員已歷二載其
 限三年自從到任之日扣算儻自今歲明歲扣算再過三年張鵬
 翮能保尚在河工否接任河臣焉知從前官員賢否乃欲將河員
 遽為升用乎其不可行之故可一一論令張鵬翮知之○以李鴻
 為廣西布政使由浙江鹽運使遷 ○丙辰先是給事中馬士芳奏參湖廣
 巡撫年遐齡徇庇布政使任風厚老病不入大計至是年遐齡遵
 旨明白回奏 上諭大學士等任風厚調來引見其年尚未衰老
 可以辦事如爾諸臣俱係年老坐而辦事必得老成歷練者方能
 得當州縣官則不可若道員以上必以年長者為佳不惟此也凡
 一省易一大吏一方百姓不能無累外官惟以清廉為要而辦事
 和平如任風厚果係不堪郭琇豈肯徇庇任風厚仍赴原任至於
 言官參奏不實若皆交部議處嗣後誰復敢言原參官馬士芳著
 東華錄 康熙六十七 八
 免議年遐齡奏疏知道了
 夏四月己未兵部議覆廣西巡撫彭鵬奏粵西歷年武科應試人
 少前撫臣請暫行停止今武生眾多請於壬午科仍開武科鄉試
 從之○甲子命內閣學士錢齊保等往土默特教養諸蒙古○戶
 部議覆廣西巡撫彭鵬奏舊例廣西採買熟鐵生銅解送京師康
 熙三十九年奉旨熟鐵已停解送今生銅亦請停解應不准行
 上諭大學士等廣西路遙地險若令解送必至累民可如其所請
 折銀解部○諭頃聞甘肅提督雷繼祖病故朕深為悼惜彼雖在
 任不久居官不下於孫思克今甘肅地方緊要固原提督李林盛
 雖已年邁居官甚優其人材亦與孫思克相等著調補雷繼祖缺
 李林盛缺著天津總兵官潘育龍升補潘育龍缺著將浙江定海
 總兵官藍理調補○庚午刑部等衙門議覆王新命在永定河監

修誤工浮冒銀一萬六千餘兩應擬斬監候赫碩滋係特差河工效力之人乃並不實意效力心口相違行事乖張應擬絞監候白碩色係監修部臣不思剔除弊端應革去佐領柳號鞭責從之○工部議覆河道總督張鵬翮奏遵旨堵閉六壩大關清口引清水會黃入海今三月清水盛出敵黃有餘但六壩閉後全湖蓄水隄岸危險應再加幫其天然滾水壩尚未開放欲其蓄水敵黃若湖水再長相機開放以保隄工清口水勢相連寬數百丈直繞大墩大墩一帶隄工關繫緊要令河工作速下埽加幫馬家港口門寬二十丈且留以洩溢槽之水俱應如所請從之○乙亥工部議覆河道總督張鵬翮奏自棠梨樹迤南至秦家高岡一帶隄工前河臣于成龍等因六壩未閉水勢東注此處地勢稍高未經估計加幫今六壩全堵湖水驟長通隄既經加高此處反覺卑矮必須照

東華錄

康熙六十七

九

岔口亦順河岸較前甚高而河亦深此皆被莽牛河水衝刷之故聞其地勢南岸最為緊要故將應行堅修諸處詳行指示爾等勿謂已成而遂忽之○己卯 上閱子牙河○甲申以張聖猷為雲南按察使由山東青○乙酉 上還京師五月戊子諭大學士等自古帝王用人行政皆賴大臣薦舉賢良盡事君之大義雖或薦舉偶有未當若為所舉者因有賢吏之名遂力改所為不負所舉斯即良吏也若始以賢而舉之乃改行而為不肖既玷祖父之名復絕功名之路以致貽累於所舉斯則國家之大罪人也天下至大為人君者焉能人人而識別之且官方賢否或操守清正或貪污不肖必難逃於眾論其居官即此可知儻所舉之人居官皆善此乃實心為國無私之賢臣也所舉有善有不善此其心雖為國特識鑒未到之故耳若所舉皆貪污行私

東華錄

康熙六十七

十

黃水漲發由王家營減水壩洩入鹽河至平旺河入海今鹽河淤塞作速乘時挑築俱從之○壬辰河道總督張鵬翮奏遵諭挑清下河引積水入海蝦鬚二溝為疏通要道先行挑挖於四月二十六日開放完工下部知之○癸巳兵部奏黑龍江管水手執事官員缺以原任道員周昌等擬用 上諭大學士等黑龍江係罪人發配之所周昌等既因罪革職又補烏喇地方終身不還似獲罪後復行遣發冤抑殊甚著該部查八旗見任官內有情願效力者具奏定限五年內如無過犯而又效力之處議敘優升始為允當○甲午工部議准河道總督張鵬翮奏請加築高家堰清水潭月隄從之○戊戌工部議覆直隸巡撫李光地奏永定河南北兩岸設河兵二千名原備險工搶修防護乃兵遇緊急率多逃竄及水緩工停則又坐食糜餉今應揀選八百名其餘一千二百名裁去

東華錄 康熙六十七

十一

餘餉一萬六千四百餘兩於工程緊時雇募附近民夫充用從之○甲辰以于嗣昌為浙江按察使原任山東按察使○裁陝西興安州城守副將一守備一馬步兵三千名改設都司一把總二馬步兵三百名○丁未安徽巡撫高承爵奏泗州等處水災 上諭大學士等六壩堵塞其水必然注彼治東則西即被災兩方之民俱同一體朕閱河工時見高家堰之水較隄旁平地高三尺淮安之水較地高九尺今高家堰之水較地已高五尺總而計之水高於地已至一丈六七尺豈不可危今之所恃者隄耳隄雖極堅安保無意外之虞若將高家堰之水稍有宣洩則清口之水如何能出今此隄儻能一二年不遇水潦得以堅固清口之水將浮湧之沙刷淨日久河底漸深方可無礙泗州盱眙被水之地令河道總督張鵬翮會同江南江西總督阿山親往詳勘前者堵塞高家堰六壩時

朕慮堵之後泗州盱眙等處必被水災會諭九卿今六壩方閉洪澤湖水泛溢泗州盱眙等處城郭田畝果被水災高家堰隄益覺危險朕為此時慮於懷萬一有異常風暴之事高家堰至於危險則揚州淮安等處皆被災矣朕日夜念此甚切憂懼高家堰隄作何保守堅固或另有修治善策著張鵬翮陳奏著遣中書一員齎諭前往○戊申御史張瑗奏西山碧雲寺後有前明太監魏忠賢墓並碑二座乞仆毀從之○己酉以劉廷璣為江西按察使由溫處道○辛亥諭大學士等御史杜之昂魏壽期所奏六本俱極允長奏章字俱有定額此本逾格凡言事但期明晰如將無用文章闕入何益李光地張鵬翮凡有奏章俱極簡當其節畧大指甚善今杜之昂欲將邵雍後裔授為博士但數言可了若必將邵雍之賢一一舉出即十疏豈能盡之魏壽期所奏漢中府地方民生本

東華錄 康熙六十七

十一

極富庶自吳三桂反叛以來戶口逃散此言尤為悖謬彼處自明朝末年為流賊張獻忠屠戮殆盡自順治十七年至康熙十三年用兵始定歷年無幾則人民豈遽能生聚所奏俱著發還漢中府田糧之事魏壽期前任知縣時為何不報督撫至於奏請州縣官初任後止許到省一次謁見總督巡撫若不時往來必致送禮及勒取之弊大約治道亦不在此內而大學士九卿外而督撫屬下之人豈俱不相往來若大臣無欲則屬下必廉豈關往來謁見之故也○壬子直隸巡撫李光地奏承修永定河自郭家務至柳岔山開河築隄釘樁下埽七十餘里大城縣西隄樁埽工七十餘里又子牙河廣福樓新河至賈口等處兩岸隄工五十餘里雄縣水占民隄未完工程二十餘里今俱已完工又接修永定河石隄之下樁工一百餘丈及大城南隄並河間獻縣之工俱可告竣下部

知之○乙卯諭大學士等朕聞索岳爾濟山係名勝之山最為高
大今巡幸塞外朕欲乘便一往視之○丙辰 上巡幸塞外啟鑾
六月甲子諭喀爾喀台吉等與安境內爾等數旗窮困已極自噶
爾丹之事以來爾諸蒙古朕皆一體豢養爾台吉內向有無馬徒
步者身係台吉何至如此爾蒙古等度日甚無成算今將台吉內
有馬一騎者給牝馬九有二騎者給牝馬八有三騎者給牝馬七
有四騎者給牝馬六有無騎者給牝馬五無馬貧窮台吉皆給牝
馬十其乳既可取食所生馬駒又可各立生業八年後將所給原
數仍交牧廠其孳生之馬爾等善為畜養令其蕃息甚為有益朕
令爾等立業如此儻仍難度日雖彼蒼亦不能救爾也○丙寅賜
喀爾喀四子部落阿霸垓阿霸哈納蘇尼特王台吉等衣幣沿途
各藩來朝悉如之○庚辰授宋儒邵雍後裔世襲五經博士○癸

東華錄

康熙六十七

三

未吏部奏兵部尚書馬爾漢等不擇肥馬撥給驛站止將羸瘦馬
匹撥給應將尚書馬爾漢等俱革職 上諭大學士等兵部堂官
不盡心辦事互相推諉殊屬無恥馬爾漢布雅努俱著革職留任
效力朱都納行止不端不堪任用著革職

東華錄

康熙六十八

臣王先謙敬編

臣周倫著恭校

秋七月丁亥領侍衛內大臣公費揚古途間患病 上停鑾一日
親往視疾賜御帳一又命大臣侍衛等時往視之費揚古尋病篤
賜鞍馬三匹散馬四匹銀五千兩蟒段等物遣內大臣侍衛等護
送還家○己丑諭大學士等前總河于成龍具奏欲將高家堰六
壩堵塞蓄湖水以敵黃水疏通清口因遣尚書范承勳等堵塞六
壩此非張鵬翻到任之後始行堵塞頃因巡撫高承爵奏報泗州
盱眙水災朕救張鵬翻會同江南總督阿山踏勘情形將泗州盱
眙泛溢之水設法修治作何賑濟獨租令其奏聞又以洪澤湖水
泛漲高家堰隄工恐致危險若高家堰至於危險淮安揚州等處
皆被淹沒高家堰隄作何保守堅固更有何修治善策著張鵬翻
陳奏乃張鵬翻託病未往泗州盱眙復奏稱泗州盱眙水災自古
已然即六壩全開泗州等處亦被水災且六壩既閉之後水不東
注高郵寶應興化泰州山陽鹽城江都等州縣田地涸出民得耕
種皆河伯效靈所致等語朕著張鵬翻會同阿山將泗州盱眙泛
漲之水作何設法築隄幫修或賑或蠲俱有益於災黎並非欲開
高家堰六壩救泗州盱眙之民而令淮揚百姓罹於水災也朕念
黃河運河關繫國計民生三次看閱河工屢次簡任河臣修築隄
岸每歲不惜數百萬帑金夏間雨水時晝夜憂慮不時遣人看視
凡被水之處截雷漕米盡出倉糧賑濟總為拯救災黎豈止救泗
州盱眙之災而淮安揚州等處百姓聽其罹災乎朕念四海一家
淮揚盱泗之民一也今歲自正月至六月滴雨未降黃河水消二

丈有餘張鵬翮與眾河官乃謂清口水出皆賴河伯效靈伊等效力所致此實因黃河水小清口之水幸而得出並非伊等效力之所致也統一天下之主坐視災黎不為拯救有是理耶覽張鵬翮奏章昏聩已極著將朕諭旨及張鵬翮所奏一併刻示於淮安揚州泗州盱眙等處令眾人觀看○己亥工部議覆御史張瑗奏京畿墊道大興宛平兩縣每年原有工價銀一萬餘兩支銷至五城所派夫役並無分毫工食乞將五城應墊之道統歸兩縣經理從之○庚子 上駐蹕巴林和碩榮憲公主第

八月癸亥 皇子允祜生○乙丑 上幸索岳爾濟山諭大學士等此山形勢崇隆允稱名勝嗣後此山禁止行圍○丁卯 上自喀爾喀畢喇回鑾○辛未平郡王納爾福薨予祭二次造墳立碑諡曰悼○戊寅諭大學士等張鵬翮奏稱陶莊開濬引河黃河水東華錄

康熙六十八

二

向北岸黃河既流向北岸則距清口甚遠乘此時自挑水壩起加長增寬修築隄岸令過清口使黃河清口之水儘向下流再匯合為一處則黃河之水可永無倒灌之患朕前曾面諭于成龍今河工官員內想亦有知之者令張鵬翮將此故問明詳確定議奏聞其修隄所需錢糧即為估計所修之處速繪圖呈覽毋忽○甲申 上駐蹕綽諾木畢喇之馬尼圖 上行圍發矢穿兩黃羊並射斷拉哈里木時近御巴林台吉阿喇布坦科爾沁台吉吳爾圖訥素圖等無不驚異手持斷木奏曰即鳥槍亦不能穿兩羊並拉哈里木我等自幼從未經見如此射法 上曰此亦借黃羊跳躍之勢故射穿耳

九月乙酉朔子故領侍衛內大臣一等公費揚古祭葬加祭三次諡襄壯○庚寅左僉都御史王材任奏參安徽巡撫高承爵前任

廣東巡撫親母病故希圖戀職經科道公本奏參派修高良澗大壩侵扣銀八千兩見經河臣張鵬翮奏參到安慶任每縣派鋪設銀二百零五兩節禮加倍又聲言不時參官州縣那帑餽送以致虧空藩司詳充典吏每名索銀一千兩府州縣署印必滿其欲始允委署又索詐各屬俱令將驛馬調赴安慶驗看得旨著高承爵明白回奏○庚子以佟毓秀為廣東布政使由江蘇按察使遷○辛丑和碩簡親王雅布在喇嘛洞薨命內務府郎中佛葆監造棺槨料理喪事遣領侍衛內大臣公福善散秩大臣阿席坦送還京師至日遣 皇長子允禔 皇三子允祉出迎賜銀四千兩建造墳塋又諭 皇長子允禔 皇三子允祉合助銀三千兩發引時遣 皇長子允禔 皇三子允祉侍衛海青五格往送尋子祭葬立碑諡曰修○乙巳 上還京師○丁未以法良為兵部左侍郎由內閣學士遷

東華錄

康熙六十八

三

○庚戌 上御經筵○保和殿大學士王熙以衰病乞休溫旨慰諭命原官致任○辛亥子故原任工部侍郎顧藻祭葬○壬子諭大學士等朕凡用人皆咨詢諸大臣而後用於諸大臣不信將誰信耶朕聽政四十餘年觀爾諸臣保奏皆各為其黨爾等致位宰輔皆有可貴人材之責朕凡咨訪人材當以實對若惟恐結怨不行陳奏何以責人耶○癸丑諭大學士等原任大學士王熙係世祖章皇帝舊臣效力年久著加少傅故大學士阿蘭泰亦加優卹追贈少保○以李華之為湖北按察使由廣東肇高廉羅道遷○厄魯特策安阿喇布坦遵旨解噶爾丹之女鍾齊海到京命與噶爾丹之子色卜騰巴爾珠爾同居授色卜騰巴爾珠爾一等侍衛以鍾齊海婚配二等侍衛沙克都爾咸令得所○是月免陝西隴西江南桃源廣東南海等二十七州縣衛所被災額賦有差

冬十月吏部奏本部司官內升外轉 上諭大學士等科道條陳諸事及知縣行取者補授科道官引見時朕得以知悉若吏部司官朕並不識認亦不知其辦事何如憑何升轉此例可停止○己未命服闋大學士張玉書來京供職○諭戶部甘肅切近邊陲土田瘠薄今年雨澤愆期田禾多有未獲閭閻饑困朕心深用憫惻已敕督撫等官通行蠲賑更念來歲青黃不接小民輸納維艱著將甘肅所屬明年額賦通行蠲免以副朕軫恤災黎至意○庚申大學士等遵旨查奏江南錢糧數目甚多宜先蠲一半 上諭蠲免錢糧本欲令小民均霑實惠儻止蠲其半其半仍用催科恐地方官員借此苛徵仍致累民若盡行蠲免官員何由苛取於明年先蠲江蘇後一年再蠲安徽爲當○辛酉九卿等議覆河道總督張鵬翮遵旨請將挑水壩加長修築令急溜趨向北岸以絕倒灌東華錄 康熙六十八 四

之患應如所請 上諭大學士等河流難以豫料今歲黃水甚小所以清水流出甚易明年黃水能仍保其如此乎大約河工已漸次告成但須過明年夏秋二汛便可無虞矣○壬戌諭大學士等李光地自授巡撫以來居官甚好但所參屬員每多漢軍不知人才優劣實不分漢軍漢人若以漢軍盡劣則見有一錢不取如沈朝聘者近見漢人惟護漢人漢軍惟庇漢軍皆非公道深爲不取今春科臣馬士芳奏參山東巡撫王國昌人甚不服近御史王材任參安徽巡撫高承爵則當日高承爵任廣東巡撫時甚不堪今浙江布政使趙申喬居官甚清赴任時所有家人僅十三人幕賓亦無每日辦事皆係親筆錢糧悉自己監收火耗分釐不取趙申喬陛辭時奏云到任不作好官請無以常例治罪竟置重典等語今觀其居官果優誠能踐其言矣○癸亥諭戶部朕宵旰憂勤咨

求民瘼四方利病未嘗少釋於懷江蘇尤財賦重地朕比年巡幸東南目擊民艱多方軫恤猶恐有司奉行不力德未下究民生罕遂茲將江蘇所屬明年錢糧盡行蠲免地方有司務實意奉行使窮黎均霑實惠○甲子諭大學士等議政大臣內向不用侍郎及前鋒統領護軍統領等員今將伊等職名一併開列具奏朕將酌量簡用尋大學士等開列職名具奏得旨前鋒統領吳達禪護軍統領達佳吏部左侍郎傅繼祖戶部右侍郎溫達兵部左侍郎法良工部左侍郎敦拜俱著爲議政大臣○戊辰署四川陝西總督席爾達甘肅巡撫喀拜奏報被災地方自西和至隴西等州縣臣等已遵旨賑濟請緩徵明年額賦 上諭大學士等地方被災應即奏報豫籌救賑之策甘肅被災百姓流散喀拜竟不奏報朕巡幸邊外賀蘭山後公雲木春來朝逐一詳詢雲木春陳奏朕方得悉儻朕不詢雲木春即遣人採訪彼亦隱匿不奏矣喀拜著交九卿嚴察議處具奏甘肅所屬康熙四十一年地丁錢糧盡行豁免已有旨了尋九卿議覆喀拜應降三級調用得旨喀拜著革職○諭兵部四川地方緊要提督唐希順患病難以供職此員缺著原任四川提督岳昇龍補授○己巳大學士等以湖南按察使員缺將九卿保舉道員施世綸等摺入奏 上諭漢大學士等施世綸朕深知之其操守果廉但遇事偏執百姓與生員訟彼必庇護百姓生員與緝紳訟彼必庇護生員夫處事唯求得中豈可偏私如施世綸者委以錢穀之事則相宜耳○以王縉爲江蘇按察使由松道 董廷恩爲湖南按察使由衡道 辛未御史靳讓奏凡爲州縣者須令百姓家給人足野無荒畝方爲良吏 上諭大學士等朕御極四十年惟冀天下黎庶盡獲安全邊疆無事果如靳讓所

言必令海宇生民家給人足不致一人饑餓此非朕所可必者今李光地張鵬翮趙申喬等皆以居官優長見用之人誠如所言此輩皆不足為良吏矣靳讓亦不過徒為空言耳曩者錢珪衛既齊亦曾為此大言及後用至大吏皆不能自踐其語品亦不端大言又何益哉靳讓曾為縣令其在任所行能如是乎通州驛馬事繁著調靳讓為通州知州彼果能如其所言朕即超用之其通州知州祖應世著巡撫李光祖調用別地○壬申以凱音布為戶部尚書邵穆布為禮部左侍郎由內閣學士遷席哈納為禮部尚書羅察為禮部右侍郎原在工部○命席爾達回部辦事以覺羅華顯為四川陝西總督齊世武為陝西巡撫由原任山西布政使遷○癸酉大學士張英以衰病乞休溫旨慰諭命以原官致任○戊寅諭大學士等直省地方料理事務必須簡任賢能可移文總督郭琇張鵬翮桑額華

東華錄 康熙六十八 六

顯巡撫彭鵬李光地徐潮凡伊等所屬道員以下知縣以上官員有實心惠愛生民居官清廉者雖有結誤降罰俱不必論著各具摺開送內閣其別省官員內有伊等所灼知者即越省亦著列名奏聞○安徽巡撫高承爵遵旨回奏臣向曾參藩司張四教今會都御史王材任劾臣之奏皆張四教藩司時文卷內所有之事其日月亦絲毫不爽明係通同排陷難逃 聖鑒奏入下部察議尋部議應交河道總督張鵬翮漕運總督桑額會勘得旨高承爵著解任該督等審明具奏○庚辰以常授為內閣學士由少詹事遷賴都為額外內閣學士由御史遷○癸未以故平悼郡王訥爾福子訥爾素襲多羅平郡王○以鄭煜為廣西按察使由江西糧道遷○是月免江南泗州河南永城陝西伏羌廣東東安等八州縣衛被災額賦有差十一月甲申朔左副都御史壽鼎岳蘭俱以年老乞休允之○戊

子 上幸南苑○辛卯直隸巡撫李光地奏奉旨漳河之水須令永遠分流若併歸運河則於漕道有妨併歸子牙河則民田受害臣查漳河見分為四支三支歸運河一支歸淀其三支頗弱歸淀一支獨強約其三支水勢僅可敵一支如遇水大時當仍用挑水壩等法使水分流北不至挾漳沁以侵田南不至合衛河以害運得旨如所請行○壬辰大閱於南苑○甲午 上還宮○諭大學士等歲內秋審重案朕皆一一詳閱其字句錯誤處甚多此皆人命案件關係最重即一字一句不可錯誤乃九卿等自七月至今閱視數月其字句錯誤處並未看出一二何也此屬伊等專任似此怠忽不加詳慎可乎刑部刊此檔案先不詳審殊屬不合著交都察院嚴察議奏近部院事件亦多錯誤朕凡事詳閱即一字之謬亦為改正嗣後爾等宜加敬慎毋忽○丁酉刑部等衙門會議

東華錄 康熙六十八 七

倉場侍郎陶岱石文柱於遲誤漕糧一案不將經紀勒索旗丁銀錢緣由一併詳審具奏應各降五級罰俸一年 上諭大學士等陶岱向署江南總督聲名甚劣既授倉場仍不改前轍非可任用之人將陶岱降五級隨旗行走餘依議○戊戌調齊世武為甘肅巡撫以鄂海為陝西巡撫由布政使遷○以柴廷望為貴州按察使由中○辛丑大學士等以情實人犯六十三人請旨 上諭此冊朕在宮中閱之已數過情罪無不周知遂按冊一一言各犯姓名或官或民或兵某處人某旗佐領下人緣某事與閣臣商酌者四十七人○癸卯厄魯特策妄阿喇布坦遣使入貢○丁未 上謁陵啟鑾○以能泰為陝西布政使原任甘肅○刑部尚書傅臘塔以審理漕船遲誤一案疏略不明革職○庚戌 上謁 暫安奉殿 孝陵至 仁孝皇后 孝昭皇后 孝懿皇后陵奠酒○

辛亥以安布祿為刑部尚書由左都御史遷辛保為倉場侍郎由內閣學士遷○

是月免陝西蘭州直隸廣平等六州縣衛被災額賦有差

十二月戊午以喻成龍為安徽巡撫由工部左侍郎遷○甲子廣東巡撫

彭鵬因雲南御史王度昭奏參遵旨明白回奏得旨朕於科道官員

員許其風聞入告者專為廣開言路使自督撫以下各官有一切

事務任意妄為及貪劣害民者皆知所顧忌而儆戒也科道官員

糾參不實例有處分又或言不合理及生事妄奏者外轉有之罷

職者亦有之至於被參之人具疏回奏止應辨晰是非不應支離

牽引因彼一身被參而舉原參之父子兄弟親戚皆受指摘以逞

報復則自此以後孰敢更糾一人頃僉都御史王材任奏參安徽

巡撫高承爵高承爵回奏疏內將王材任之父與其親戚妄意牽

連又如御史錢瑑曾參原任巡撫穆爾賽在任貪婪及後錢瑑授

東華錄 康熙六十八年 八

山東巡撫其居官並無勝於穆爾賽之處他若此類者甚多彭鵬

為言官時亦曾參人茲為王度昭所劾理應止以切己之事剖晰

奏明乃今許奏王度昭謂其曲庇親戚而其間所有夙怨又未指

出實據彭鵬雖操守清廉居官亦善這回奏反復瀆陳辭氣不勝

忿激凡在君上之前不應陳奏之言輒形於章奏粗戾已極著嚴

飭行○丁卯轉許汝霖為工部左侍郎以李元振為工部右侍郎

原○以施世綸為湖南布政使由江南淮揚道遷○大學士等遵旨問吏

部尚書席爾達前署四川陝西總督審提督唐希順參化林營參

將李麟之事據席爾達云李麟以無甲推諉不戰被參係昭莫多

年遠之事是以無庸議 上曰李麟人材矯健係趙良棟信用之

人亦曾隨朕出師著行文滿不會同提督岳昇龍巡撫貝和諾再

議具奏○以鄂齊為甘肅按察使由郎中遷○己巳 上還京師○庚

午河道總督張鵬翮奏治河事宜蒙 皇上指授疏通海口水有

歸路黃河刷深堅築高家堰廣開清口乃得引淮暢流築歸仁隄

導泗州上源之水入於河疏人字芒稻等河引運河之水注之江

築挑水壩疏陶莊引河通黃水而暢清流使永無倒灌之虞挑蝦

鬚等河引下河積水入於海其餘各處工程指授周悉但河工甫

就保固為要恭請 聖駕於來春二月桃汛未發之前親臨河工

指授 上諭大學士等高家堰等處隄工雖竣然未遇大水俟來

年經過大汛之後方可驗其成功若爛泥淺一帶水出不暢則高

家堰究屬可憂向意欲從武家墩出水此事尚須斟酌前日問張

玉書奏稱淮水向大高家堰舊隄俱為湖水所浸據此則泗州盱

眙安得不被水災河身之淺深以洪澤湖水之高下為驗湖水低

得一尺河身方深得一尺今洪澤湖之水比甲子年高有數尺可

東華錄 康熙六十八年 九

見河身未曾刷深高家堰之隄恐過此以往尚未可知也○辛未

以敦拜為左都御史由工部左侍郎遷蘇赫納為刑部右侍郎由內閣學士遷

時崇為貴州按察使由直隸天津道遷○子故原任左都御史董訥祭葬

○壬申諭大學士等廣東提督殷化行前奏言連山猺人常出擾

害百姓請親率軍進剿今又奏稱率兵進剿之韶州副將林芳為

猺人所殺官兵亦被傷殘因回省城與總督會勦等語觀此殷化

行明係怯敵奔回副將亦係管兵大員既為猺人所殺若不行征

剿則附近人民不獲安處爾等將原奏與九卿共閱確議具奏尋

九卿等議應調湖廣廣西附近官兵遣大臣一員為將軍率兵進

剿得旨著都統嵩祝副都統達爾占侍郎傅繼祖帶入旗前鋒四

十名子母礮八位前去著都統嵩祝為將軍總理事務達爾占傅

繼祖及總督石琳俱為參贊湖廣提督林本植廣東提督殷化行

廣西提督張旺等各派本省總兵官一員帶綠旗兵四五千廣州亦派旗下兵一千前去廣東將軍盧崇耀見著來京嵩祝可即用廣東將軍印兼理廣東將軍事○甲戌 上幸南苑行圍○丁丑

上還宮○辛巳諭內閣禮部太常寺朕自御極以來一切祀典必敬謹齋戒躬親展祭以盡昭事之誠四十餘年於茲矣每當臨祭之時朕無一事不敬此禮部太常寺起居注官所共知從來祭祀登降起立莫不如常這次行禮將畢微覺頭眩朕之身體稍遜於前於此可見祀典關繫重大朕恐精力偶有不周致敬心少間可以此諭諸大臣等著議奏○是歲朝鮮琉球來貢○人丁戶口二千四十一萬一千一百六十三田地山蕩畦地五百九十八萬六千九百八十五頃六十五畝有奇徵銀二千七百三十九萬六千六百六十五兩有奇米豆麥六百九十六萬八千六百六十九石有奇
東華錄 一 康熙六十八 十
奇草二百八萬一千六百八十七束茶十五萬七千四百六十五引行鹽四百三十一萬九千四百八十六引徵課銀二百六十九萬六百九十八兩有奇鑄錢二萬三千八百六萬五千八百有奇

東華錄

康熙六十九

臣王先謙敬編
臣周翰蕃恭校

康熙四十一年壬午春正月壬寅詔修國子監○癸卯諭大學士等朕觀諸臣任科道時多有敢言沽直聲以得升遷者及為大僚輒不敢言問以小吏皆云不知前後頓不相符因顧起居注官等曰朕言可詳記之○戶部左侍郎田雯以疾乞休允之○丙午諭刑部朕欽恤民命念切好生每於法司奏上爰書必披覽再三詳求可生之理其或情罪允符不忍立置之法者則令監候緩決以俟來歲之再讞顧罪犯一經緩決即皆冀望生全而長困桁楊淹留歲月自新無路朕甚憐之今方春始和萬物暢遂憫茲沈繫之獄用沛矜釋之仁見在爾部及直隸各省監禁人犯凡經康熙四十年秋審奉旨監候緩決者著察明通行減等發落仍開具人數奏聞○以簡修親王雅布世子雅爾江阿襲封○命喇嘛達木巴色爾濟郎中舒圖員外鐵圖等往打箭鑪地方監督貿易諭曰爾等至彼即將奉差情由移文第巴須文辭明悉令彼速遣大喇嘛來監督貿易儻若遲滯將我等撤回永遠不得貿易矣侍郎滿丕督師彼處與爾等事各不同務各勤爾事其番人最貪見小利便喜稅銀不取於彼就我國商人征之不可專以稅額為事若立意取盈商賈不至與禁止何異此項錢糧不多勿以此注念須圖好名稍有優處人即稱頌至彼處當熟諳地方情形有應奏之事即行具奏又諭達木巴色爾濟曰爾移文第巴其辭須云爾等務遵旨行事不得有違不但於爾等有益即我喇嘛亦受福庇儻若有違不但無益爾等即我喇嘛亦無益處達木巴色爾濟奏曰臣職

東華錄

康熙六十九

十年秋審奉旨監候緩決者著察明通行減等發落仍開具人數奏聞○以簡修親王雅布世子雅爾江阿襲封○命喇嘛達木巴色爾濟郎中舒圖員外鐵圖等往打箭鑪地方監督貿易諭曰爾等至彼即將奉差情由移文第巴須文辭明悉令彼速遣大喇嘛來監督貿易儻若遲滯將我等撤回永遠不得貿易矣侍郎滿丕督師彼處與爾等事各不同務各勤爾事其番人最貪見小利便喜稅銀不取於彼就我國商人征之不可專以稅額為事若立意取盈商賈不至與禁止何異此項錢糧不多勿以此注念須圖好名稍有優處人即稱頌至彼處當熟諳地方情形有應奏之事即行具奏又諭達木巴色爾濟曰爾移文第巴其辭須云爾等務遵旨行事不得有違不但於爾等有益即我喇嘛亦受福庇儻若有違不但無益爾等即我喇嘛亦無益處達木巴色爾濟奏曰臣職

係副教習喇嘛彼土人不知若有扎薩克字樣彼方知率教上諭郎中舒圖等曰喇嘛可賜以扎薩克名達木巴色爾濟又奏曰儻第巴不將厄爾德尼濟農解至則臣不令其人貿易濟隆胡土克圖與青海人眾係我朝之人令其照常貿易上曰俱令照常貿易○理藩院奏青海貝勒納木扎爾厄爾德尼請於大草灘等處遊牧議不准行上曰貝勒所請亦是彼處誠難居住該部應議賀蘭山等處水草茂盛准其遊牧竟不准行亦屬不合但其奏請大草灘地方遊牧此係內地人民雜處豈可令伊等居住雖四十九旗蒙古從未有令內地遊牧者該部若如此議伊等亦難於再請矣○丁未工部議覆河道總督張鵬翮奏運料河工程係前河臣董安國等奏請挑築迄今未竣臣相度形勢運料河頭起於檀度寺開久已築壩堵閉更訪問土人云運河高於運料河數尺東華錄 康熙六十九 二

恐其開放建瓴之勢直洩無餘是以久經堵閉是此河無益於運河且河身在汰黃縷隄二隄之中從前因開此河將草灣並小茨陵二處汰黃隄穿斷有礙河工况歷來運料由黃河射陽湖轉運以濟工需其挑挖運料河之工應行停止並將穿斷汰黃二處填築堅實以作黃河重門之障應如所請從之○己酉調張志棟為江西巡撫以趙申喬為浙江巡撫由布政使○庚戌上幸五臺山啟鑾○轉王紳為戶部左侍郎以范承烈為戶部右侍郎由內閣學士遷○以張建績為貴州布政使原任廣東布政使

二月庚申上駐蹕射虎川是日山西百姓伏行宮前奏曰晉省饑饉蒙恩蠲免錢糧又動支倉粟普行賑濟愚民無以報答高厚願於菩薩頂建萬壽亭一座叩懇諭旨又獻各種果品上命召取果品少許其建造萬壽亭著停止○辛酉上駐蹕菩薩

頂○甲子諭大學士等吏部侍郎特默德任學士時頗為稱職及授以侍郎便爾乖謬著革職○乙丑上回鑾○以郎廷極為浙江布政使由福建按察使遷○己巳上駐蹕真定府諭大學士馬齊侍郎法良曰此城十餘里外有原任大學士梁清標墓凡朕巡行所及有已故大臣墓俱遣大臣致奠爾等其往奠之○癸酉轉傳繼祖為吏部左侍郎調溫達為吏部右侍郎由戶部調○子故原任刑部尚書翁叔元祭葬○丁丑上巡視子牙河○庚辰上駐蹕南苑○是月免甘肅安定會甯二縣上年旱災額賦有差三月壬午朔上還宮○癸未以賴都為戶部右侍郎由內閣轉學士遷舒輅為工部左侍郎以常舒為工部右侍郎由左副都御史遷○丁亥上御經筵○戊子以劉光美鐵圖俱為內閣學士劉光美由內閣學士遷杜喀禪為左副都御史由大理寺卿遷○調范時崇為福建東華錄 康熙六十九 三

按察使以李基和為貴州按察使原任山東按察使○辛卯諭戶部朕躬理幾務年久深知稼穡之事念阜民之道期於有備去冬北地少雪今春雨澤微降尚未霑足誠恐蝗蝻易生有傷農事所在官吏亟宜先時豫防直隸山東山西河南陝西江北地方歷年積貯倉糧果否足額該督撫宜確加稽覈務使廩有餘儲一切豫備事宜須悉心講求料理至各省見今雨澤有無多寡著該督撫即行奏聞以紓朕宵旰勤民之意○壬辰以紀爾他渾為內閣學士由中書○乙未河道總督張鵬翮奏臣前議修築天妃閣以防黃水今詳閱開塘舊基年久深窪積水難乾又松椿碎石積於其下有礙立椿築基請於運口草壩北建造大石閘一座東西各築緯隄一道挽運漕艘再於閘之上下舊隄穿開之處各建草壩一座以固隄束水又清河縣黃河南岸卞家汪險工長八十餘丈當黃淮二水

交衝之區內臨積水深潭中僅一綫土隄卑薄危險又天妃壩石工修砌年久坍塌者四十餘丈每年下埽修防徒費錢糧不足以禦湍激之勢均應償砌石工始得鞏固下部議行○辛丑諭大學士等舊歲稔收今雖稍旱似未為害然為人主不隨時為計可乎往者朕以旱潦為災令各陳奏事宜時因人自為奏故辭多粉飾於國家政要莫之言及其令九卿詹事掌印不掌印科道集議有益於時政事宜者具以聞○庚戌諭大學士等廣東徭人盤踞深山恃其險峻素未歸化今忽突出搶奪村民殺害官兵已遣都統嵩祝等前往調集廣東廣西湖南三省師旅直抵其穴觀嵩祝等遣郎中尤冷額所進圖形云徭人為數無多棲身之地雖不寬廣但山險路狹地接廣東廣西湖南三省錢糧轉輸甚易今三省之師已歷彼境若徭人就撫則已否則令嵩祝等公議於徭人居處

東華錄 四
 康熙六十九 四
 要隘立營圍之不過稍費錢糧不勞兵力彼自窮迫矣其令兵部速移文嵩祝等遵諭而行○諭大學士等連年稔收今春無雨雖知百姓未至艱食然朕心甚屬未安今雨澤既降朕心始能釋然伊桑阿奏曰前者臣等遵旨以應行陳奏之事問九卿僉云近今所行政事並無應行更改者况奉 上諭時雨澤隨至此天心相應也○辛亥轉滿篤為理藩院左侍郎以伊道為理藩院右侍郎

由內閣侍讀學士遷
 夏四月戊午轉胡會恩為兵部左侍郎以屠粹忠為兵部右侍郎

由大理寺少卿遷
 ○壬戌以李基和為湖北布政使由貴州按察使遷 ○丙寅禮部右侍郎李錄子丁母憂命回籍守制○癸酉御史張瑗奏 本朝會典宜刊刻頒行從之○甲戌諭子告大學士王熙卿耆年舊德歷官最久自去歲告病在家朕無日不注念老臣也近日九卿

皆求匾額字對想卿身雖在告心未嘗一時不在朝中故特書匾對各一並臨米芾書一幅賜卿卿其勉強養食輔以醫藥慰朕不忘舊臣之至意

五月丁亥諭大學士等從前科道內升之員有仍令兼管科道者條奏盡職並無一人言官極屬緊要此後科道內升可即出缺不必更令兼管○轉許汝霖為禮部左侍郎管右侍郎事由工部奏供給喇嘛商南多爾濟銀兩令地方官捐助 上曰商南多爾濟食用之物若令捐助重為地方之累著動支正項錢糧不必捐助○禮部議覆五經博士程衍祀請給程子祭田應不准行上曰程子宋之大儒祀典不可有缺其令該巡撫藩司善為酌處務令程氏子孫世世奉祀永遠無缺尋河南巡撫徐潮請每歲春秋給銀四十兩奉祀事從之○己丑予故江西巡撫馬如龍祭葬

東華錄 五
 康熙六十九 五
 ○辛卯以希福為盛京戶部侍郎由內閣學士遷 ○壬辰戶部奏江南賑濟肝貽等三縣水災饑民米數 上曰前議加築高家堰堵塞唐埂六壩時朕曾言如此修築雖有濟於下流其上流州邑必致衝決今信如朕言觀此散糧之事肝貽等三縣大被災害若昔議築高家堰之日於此處亦築一隄束其水勢不令泛溢豈不甚善該督斯時慮不及此卒令此等地方悉受泛溢之水今欲修築難矣其令張鵬翮往勘以聞○癸巳刑部議准順天府府尹錢晉錫奏各省民人有在京定罪發配及免死減等入犯舊例於順天府發遣因其中僉妻流徙必俟該犯之妻從本省押解至京始行發遣曠日稽遲且單身女流長途押解易受解役之陵辱殊為可憫請嗣後將各省民人在京發配者先發回本省照各省發遣之例僉妻解往又流犯死於配所妻子流離異鄉無所依賴除不願回籍

者聽從其便外餘令地方官查明移咨各該省州縣聽本犯親戚領回故土請著為令從之○丙申諭大學士等御史劉子章條奏蒞外任者毋令多帶家口所奏良是漢人所帶有限漢軍有多至數百人者亦有令旗下閒散人隨去者允宜禁飭其令九卿確議以聞又諭御史劉子章條奏各省應設恤刑官夫地方督撫皆簡任之臣儻不堪任用則諸事無一可委者况督撫尚不可委任豈恤刑小吏反能雪其冤抑乎若置恤刑官是徒增地方供應以累小民矣添設官吏全無裨益著還其奏○戊戌以色德里為內閣學士由內閣侍讀學士遷○辛丑和碩顯親王丹臻薨遣大臣一員侍衛十員奠茶酒命 皇五子允祺 皇七子允祐及領侍衛內大臣侯巴渾德內務府總管都統馬思喀料理喪事賜鞍馬二匹弓矢撒袋一副銀一萬兩○壬寅差往廣東勦撫搖人都統嵩祝等奏臣等奉命勦撫搖人於二月二十一日抵廉州府勘視搖人所居山寨即於要地設立營壘挑築濠塹將三省官兵分營羅布臣等仰體 皇上好生之意先為招撫慶衡祥尤等三排搖人知官兵據其要地無不震恐一聞招撫即踊躍來降又四月初十日軍略馬薦洞大張嶺和邵平黎巴洞等五排搖人聞衡慶等三排受撫亦皆率眾將前殺傷官兵之黎貴等九人縛獻投降臣等審得黎貴等九人殺傷官兵是實遂於眾搖人前將黎貴等九人即行正法其受降大小各排戶口共一萬九千餘名將伊等作何安插及此等地方設立州縣之處俱交與總督石琳等料理下部知之○丙午傳大學士九卿翰林詹事科道官一百四十餘員至保和殿頒賜 御書有差諭曰尋章摘句華麗詞藻非帝王之本務朕四十餘年惟日兢兢未嘗晷刻稍釋萬幾自儆有始無終之誚念茲

東華錄 康熙六十九 六

在茲也政事稍暇頗好書射歷年以來所積臨摹字幅以賜卿等○庚戌大學士等以直隸巡撫李光地摺奏修永定河石隄進呈上曰朕令永定河修理石隄特欲於此處試之如有成效再於南河興工若此工無成則大工亦不能興間者運送工料銀兩所費不過二十萬即已底績今戶部之帑見存五千萬朕意欲於黃河自徐州至清口兩岸悉築石隄度其費不過千萬若獲成功則永遠無患但運石稍難耳馬齊奏曰此誠一勞永逸之計然必待聖駕親臨乃可定議

六月辛亥朔轉李元振為工部左侍郎以甘國樞為工部右侍郎由左副都御史遷○九卿議吏部右侍郎徐秉義刑部左侍郎綏色差審陝西糧鹽道黃明得商人財賄一案失實不公均應革職得旨綏色著革職徐秉義革去吏部右侍郎從寬仍留為翰林官○壬子東華錄 康熙六十九 七

貴州葛彝寨苗人為亂官兵討平之○乙卯予故和碩顯親王丹臻祭葬立碑諡曰密○戊午 御製訓飭士子文頒發禮部命勒石太學其文曰國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棫樸作人之意乃比來士習未端儒教罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加儆飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮牆朝夕誦讀甯無講究必也躬行實踐砥礪廉隅敦孝順以事親秉忠貞以立志窮經考義勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行已

東華錄 康熙六十九 七

多愆或蜚語流言脅制官長或隱糧包訟出入公門或唆撥奸猾欺孤陵弱或招呼朋類結社要盟乃如之人名教不容鄉黨弗齒縱倖逃穢升濫竊章縫返之於衷能無愧乎况乎鄉會科名乃掄才大典關繫尤鉅士子果有真才實學何患困不逢年願乃標榜虛名暗通聲氣夤緣詭遇罔顧身家又或改竄鄉貫希圖進取龔陵騰沸網利營私種種情弊深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正為國家宣猷樹績膺後先疏附之選哉朕因嘉惠爾等故不禁反復倦倦茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮即爾祖父亦增光寵矣逢時得志甯自他求哉若仍視為具文玩愒勿做毀方躍冶暴棄自甘則是爾

東華錄 康熙六十九

八

等冥頑無知終不能率教也既負栽培復干咎戾王章具在朕亦不能為爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難追勿謂朕言之不豫也爾多士尚敬聽之哉○己未 上奉 皇太后避暑塞外啟鑿○轉蘇赫納為刑部左侍郎調舒輅為刑部右侍郎由工部調○調吳涵為吏部右侍郎由刑部調以張泰交為左副都御史由大理寺卿遷○癸亥 御書道德仁義額賜翰林院德業仁義額賜詹事府都兪吁佛額賜都察院○轉常舒為工部左侍郎以恩特為工部右侍郎由大理寺卿遷○乙丑兵部議准四川提督岳昇龍奏四川大涼山小涼山野獍向來梗化今獍目馬比必等率眾歸誠請授為土千戶頒給印信從之○己卯以張泰交為刑部右侍郎張睿為左副都御史由大理寺卿遷○以張仲信為江西

布政使由廣東按察使遷

閏六月壬午子故左都御史薩海祭葬○癸未戶部議覆山西巡撫噶禮奏左衛駐防官兵浮給康熙三十六年分草束折色銀兩請交各該旗追還得旨此浮給官兵草束折色銀兩復行追賠殊為可憫若向誤給官吏賄補必致派累小民其免之○辛卯宗人府以副都統覺羅修吉等查牧場馬匹不實請革職議罪 上諭大學士等修吉品行不端其父勒德洪曾任大學士素行謹厚今聲名俱為其子玷辱矣朕聞公福善往查時其牧馬諸人本以藏匿馬匹自首修吉等逐回不允著革職治罪又顧馬齊曰為人謹慎循分猶恐人伺其隙而攻之况多事妄行豈能守其成業乎凡人彼此挾讐陰行誣陷甚屬可畏急躁之徒不過陷人於一時能陷則陷之不能則已陰險之人一時不能陷後必曲為設計害之

東華錄 康熙六十九

九

其行事尤為狠毒若此等人不特不能榮其身且殃及其後朕聽政四十餘年凡若此者斷不能欺朕也又諭曰人有言部中定例不一不知應遵何例此皆不諳事務之論國家諸務恃有成例苟無成例何所遵行曩者部中常有欲為人寬免而故從重論者朕以所議太過駁回彼即從中寬釋朕灼知其弊概不允行此風今已息矣○吏部議覆御史劉子章奏各省官員赴任攜帶奴婢多至數百人衣食之費皆取給於所屬官民為累不少請嚴加裁汰制為定數應如所請凡外任官員所帶奴婢督撫限五十人藩臬限四十人道府限三十人同知通判州縣限二十人州同縣丞以下限十人所帶僕婦女婢亦不得過此數至旗員任邊疆之事非漢官可比旗下督撫家口不得過五百名其司道以下等官視漢官所帶家口准加一倍如違定數多帶者降一級調用請著為令

其見在各省官員或多帶家口者文到日限三月內發回原籍從之○兵部議准奉差打箭鑪都統滿丕等奏鴉隴江瞻對地方策冷滾布等及喇滾地方喇嘛布木等各帶領所屬人口投誠繳明代印信請授爲五品安撫使之職換給印信仍令管轄瞻對喇滾之地從之○戊戌吏部議覆御史王度昭奏參戶部尚書李振裕勒取屬員禮物查李振裕收屬員賀壽圍屏是實應革職 上諭大學士等吏部此議甚謬李振裕果如王度昭所參勒取屬員禮物其罪甯止革職若止收一圍屏豈宜以細故輕黜大臣凡堂官受屬吏圍屏亦常事耳卽彭鵬李光地趙申喬皆稱清吏豈皆一物不受孟子謂伊尹一介不以取諸人此誠罕有頃嵩祝等自粵東來奏總督石琳巡撫彭鵬張志棟所餽皆受因此亦將伊等議處可乎席爾達自陝西來時曾奏藩庫羨餘每歲分受萬金今見東華錄 康熙六十九 十

許保舉身係何省之人其見任本省之官亦不許保舉廖騰燧與龔燦本同鄉曲伊一人何得獨保龔燦將此傳諭九卿嗣後凡舉薦官員宜虛誠秉公毋得徇私請託保舉同鄉及見任本省官員○以許嗣興爲廣東按察使由湖廣下○增浙江鄉試中額十二名照江南例共八十三名並增同考官三員

東華錄

康熙六十九

七

東華錄

康熙七十

臣王先謙敬編

臣周潤蕃恭校

秋七月庚戌朔 上駐蹕熱河聞和碩溫憲公主薨日晡未進膳
扈從諸大臣奏曰 皇上聞公主訃過哀此時尙不進膳恐 聖
躬太爲勞瘁 上傳諭曰公主係已嫁之女朕尙可寬釋但 皇
太后自幼撫養忽值此變 皇太后傷悼弗勝膳尙未進朕亦何
心進食乎諸大臣復固請 上乃詣 皇太后官視食畢然後進
膳隨諭領侍衛內大臣等左右兩翼各派大臣一員侍衛十人送
公主柩還京○丙辰九卿議山西巡撫噶禮劾左都御史李柟致
書太原府知府趙鳳詔照拂進士武承謨一案請將李柟革職
上諭大學士等內外官員如此書信往來者甚多李柟從寬免革

東華錄

康熙七十

職著降五級留任又諭曰今之科道糾參一官舉國皆聞方始入
告或有先以奏稿示欲參之人然後奏參或有先告以奏參之意
其人不懼然後奏參者若果貪汙理宜參處儻因私怨以此微細
故卽行奏參事必滋擾矣○庚申工部議覆河道總督張鵬翮奏
伏秋水漲自徐州邳州桃源宿遷清河山陽安東一帶至海口搶
修各工多有衝陷危險之勢臣率領河員晝夜修防俱獲平穩惟
山安汛臧家溝水口漫溢東省戴村壩土隄被衝高家堰及六壩
水勢積長石工間被衝卸桃源煙墩張家莊埽工因黃水積長一
月不消又值暴風大作張家莊下顏家莊隄工漫開見在相機堵
築查徐州等處河工平穩均無庸議其漫開被衝隄工應令該督
速飭河員加謹搶護堵築完固並將疏防各官查明奏參從之○
乙丑河道總督張鵬翮奏覆徐州至清口請停築石隄 上諭大

學士等朕巡甯夏時於黃河舟行二十餘日觀其水勢毫無定所
今舊河故道俱被漫溢若一遷流難復故處築隄防之偏其水性
易致衝決甚無益也可停築石隄又張鵬翮奏稱黃河之水長至
一丈未退朕爲高家堰日夜焦思洪澤湖之水較運河高八尺運
河之水較淮安高一丈二尺今閉唐埂六壩目前雖有裨益設高
家堰一決揚州淮安宿遷等處百姓俱不可問矣惟俟入秋水過
之時隄岸依然堅固方可無虞耳○丙子增湖廣鄉試中額十三
名照江南例共八十三名

八月庚辰朔增順天鄉試中額八旗滿洲蒙古三名漢軍一名順
天府八府十名國子監貢監生八名奉天一名宣化一名○丁亥
以顯密親王丹臻子衍潢襲封○乙未兵部議覆廣東廣西總督
石琳等奏廣東連陽等處排搖投誠宜籌善後伏查連州所轄油
嶺大小等排周圍四百餘里俱係崇山深谷難以建設州縣請仍
舊歸連州連山縣轄惟於附近排搖適中之地三江口建立寨城
安設官兵統率控馭應如所請改廣東廉州府海防同知爲理搖
同知管領把總一員帶兵一百名駐紮三江口不時入排巡察並
將連州陽山連山三州縣海防捕務仍歸該同知就近管理又三
江口添設副將一裁去廣東韶協副將一其都司一守備一千總
二把總四及始興營守備一千總一把總一俱歸新協管轄外添
設千總一把總三分左右二營其韶協額兵九百二十三名始興
營額兵一百七十五名共兵一千九十八名俱改歸三江口管轄
再於廣東將軍督撫提鎮各協營兵之內均派出一千二名共二
千一百名內將二十名歸於新協一百名歸同知管束並將連州
之三大排以及各小排連山之五大排以及各小排丁口地畝各

東華錄

康熙七十

續大小等排周圍四百餘里俱係崇山深谷難以建設州縣請仍
舊歸連州連山縣轄惟於附近排搖適中之地三江口建立寨城
安設官兵統率控馭應如所請改廣東廉州府海防同知爲理搖
同知管領把總一員帶兵一百名駐紮三江口不時入排巡察並
將連州陽山連山三州縣海防捕務仍歸該同知就近管理又三
江口添設副將一裁去廣東韶協副將一其都司一守備一千總
二把總四及始興營守備一千總一把總一俱歸新協管轄外添
設千總一把總三分左右二營其韶協額兵九百二十三名始興
營額兵一百七十五名共兵一千九十八名俱改歸三江口管轄
再於廣東將軍督撫提鎮各協營兵之內均派出一千二名共二
千一百名內將二十名歸於新協一百名歸同知管束並將連州
之三大排以及各小排連山之五大排以及各小排丁口地畝各

頃稅餉作何徵收之處令該督查明冊報戶部從之○戊戌增江南文閣同考官為十六員○癸卯以李興祖為江西布政使由四川按察使○戊申上奉皇太后還京師○以趙世顯為安徽布政使由原任按察使遷

九月壬子禮部議覆外簾監試御史節什等奏監生莊令與俞長策試卷作五經文字與例不合但事關崇文雅化理合奏聞應無庸議上曰所作五經文字若俱浮泛不切自不當取中若能切題旨文理明順一日書寫二萬餘字實為難得莊令與俞長策著俱授為舉人准其會試嗣後作五經文字不必禁止作何定例著九卿詹事科道議奏○以管竭忠為貴州按察使由陝西甯夏道遷○九卿等遵旨議覆御史王度昭奏參戶部尚書李振裕勒索屬員禮物一案查李振裕收屬員圍屏一座此外並無餘物亦非勒索應東華錄

康熙七十

無庸議定例載言官糾參有一二指實者准其免議李振裕收受圍屏是實王度昭亦請免議從之○癸丑皇子生三歲而薨未命名○詔停今年秋決○甲寅上御經筵○乙卯以鄂羅為陝西布政使由御史遷劉德芳為四川按察使由直隸遷○己未信嬪何舍里氏薨上輟朝二日○甲子諭吏部戶部兵部工部朕念黃淮兩河為運道民生所繫屢次南巡親臨閱視以疏濬修築之法指授河臣閉六壩以束淮敵黃通海口以引黃歸海比歲以來工程次第告竣修防漸有成效昨年冬月河臣張鵬翮曾以河工善後之策及應修之處請朕親閱指示茲當農事之隙減約從員輕裝南下自徐州一路循視堤堰沿途皆設營幄不御屋廬日用所需悉已儲備經過地方一切供帳宜通行禁止儻有官吏藉名科派累及小民或指稱豫辦擅動庫帑察出定嚴加治罪地方大小

東華錄 康熙七〇

文武官員與扈從官員託言親舊私相餽遺及隨從人等有妄行生事者俱以軍法從事閭閻百姓各事本業不須引避有懷挾私怨於駐蹕處所告訐者一概不准仍照律治罪該部即傳諭扈從人員並行各該督撫於所屬府州縣徧張告示務令通知以副朕體恤民生至意○河道總督張鵬翮奏桃源縣煙墩一工因對岸沙灘挺出河心偏溜南行恐被衝刷請於北岸邵家莊開挑引河建築草壩以分水勢又顧家莊水勢偏射北岸亦請開引河一道則水流順下而險工不受衝激上諭大學士等此本若敕部議必致遲延著即照所奏行朕觀永定河修築之法甚善河身直河底深所以淤沙盡皆衝刷今治黃河亦用此法方為有益此工多費不過十萬兩試照永定河法修治之○丁卯河道總督張鵬翮奏報秋水情形上曰覽奏挑水壩築成偏子河大溜直趨陶莊引河循北岸而行黃河從大通口暢出海口極其深通淮水從清口暢流敵黃絕無黃水倒灌之患高家堰隄工完固加謹防守經伏秋大漲俱獲無虞運河水由涇河澗河人字芒稻等河分洩各處工程亦皆保固觀此河工大有望矣又諭曰今所開陶莊引河甚善朕前巡視南河時曾令員外郎赫碩滋將引河之椿加意深築其疏濬人字芒稻二河亦佳得此二河運河甚為有益朕親明朝治河俱自徐州以上在河南地方修築我朝自康熙元年以來俱在徐州以下修築然治下流須豫防上流若上流潰決下流必致壅滯嗣後徐州以上地方河臣亦當留意再黃河之水遷徙無定朕前在甯夏時見黃河大溜每年更移今年行在此來年又移他處其性如此况九河故道原在河間地方後漸移向南歷代以來果能每年防禦相機修理則河道何至如此大壞皆因時當多

康熙七十

東華錄

事或十年或五年不修築不開濬所以漸難治矣明朝三百年間嘗講求河工治法彼時措置亦得其宜如山東微山湖將水蓄聚山中澇則蓄之旱則洩之皆深有益於治河者也○裁松江鹽務分司一歸併嘉興分司兼理裁下沙三場大使一歸併二場大使兼理裁杭州織染局大使一歸併杭州府知事兼理裁蘭谿縣激水驛驛丞一歸併蘭谿縣兼理○己巳以席哈納為文淵閣大學士調席爾達為禮部尚書以敦拜為吏部尚書溫達為左都御史由吏部右侍郎遷○辛未兵部議覆湖廣鎮守生員李豐等叩關稱鎮守紅苗肆行擄殺地方官不究不報謹進輿圖一紙及被擄之地開列進呈查督撫提督統轄全省理宜痛癢相關乃以朝廷赤子任紅苗殺害置之膜外殊屬不合請將叩關呈詞鈔發荊州將軍令其據實查覆得旨此事著吏部左侍郎傅繼祖工部右侍郎甘國

東華錄

康熙七十

五

樞浙江巡撫趙申喬馳驛前往湖南詳察具奏其浙江巡撫印務著總督郭世隆代理○壬申調常舒為吏部左侍郎轉恩特為工部左侍郎以哈爾為工部右侍郎由大理寺卿遷○癸酉 上巡視南河啟鑾○是月免江南沛縣水災額賦十之三
冬十月己卯以王然為廣西布政使由山東按察使遷○壬午 上以皇太子允禩患病駐蹕德州諭扈從領侍衛內大臣等皇太子允禩患病可召索額圖前來奉侍○召翰林院侍讀學士陳元龍侍講學士揆敘侍讀宋大業諭德查昇編修汪士鋐陳壯履庶吉士勵廷儀等入行宮各書綾字一幅進呈 上諭曰學書須臨古人法帖其用筆時輕重疏密或疾或徐各有體勢宮中古法帖甚多朕皆臨閱有李北海書華山寺碑字極大臨摹雖朕不憚勞必臨摹而後已朕素性好此久歷年所毫無間斷也諸臣請瞻仰

御書 上親書大字聯對以示之諸臣奏曰 御書洵如龍飛鳳舞岳峙淵渟贊殿難罄又令內侍引諸臣至行宮左廂恭視皇四子 皇十三子書聯諸臣環立諦視無不歡躍欽服○乙酉京師地震○以傅紳為盛京兵部侍郎由內閣學士遷○九卿等遵旨議覆嗣後鄉會試作五經文字者應於額外取中三名若佳卷果多另行奏明酌奪五經文字草稿不全免其貼出二場於論表判外添詔誥各一道頭場備多葉長卷有願作五經者許本生稟明給發從之○戊子以趙宏燮為山東按察使由直隸天津道遷○辛卯論山東省官員曰爾等為官以清廉為第一為清官甚樂不但一時百姓感仰即離任之後百姓追思建祠尸祝豈非盛事從來百姓最愚而實難欺官員是非賢不肖人人有口不能強之使加毀譽爾等各宜自勉○丁酉諭直隸山東巡撫等凡御前奉差之人及

東華錄

康熙七十

六

皇子諸王公主經過之處地方官理宜迎接請安至於部院衙門差去審事司官及筆帖式回京之日豈盡人人面奏地方官於彼經過時跪請朕安無謂甚矣此乃不知禮之人勦為此例眾人請安則一人不敢獨異且遠省陛見之官經過而近省之官反行迎接請安尤為非禮督撫等欲請朕安具摺奏聞有何不可又或有假充御前之人在外生事許地方官即行擊解此後如有部院衙門差去審事司官及筆帖式或織造往來或文武官員進京陛見者迎接請安之禮其永行禁止著直隸山東巡撫通行各省遵諭行○戊戌諭扈從諸臣朕因閱河南巡今以皇太子允禩患病朕駐蹕此地為時已久應即還鑾明歲再閱視河工允禩病體雖稍愈尚須調理著暫留此俟大愈後還京○癸卯 上還京師○乙巳大學士等奏九卿等會議制錢改鑄大式停止鼓鑄小錢 上

曰私鑄之弊朕知之甚悉欲禁止何難但必洞徹錢法利弊始可
行之爾等可會同九卿再加詳議務使永遠遵行無弊可也尋議
鑄錢每文重一錢四分停止舊式小錢鼓鑄三年內許大小互用
大錢足用則小錢可漸次銷毀從之○以滿闕為內閣學士由內閣
讀學○丙午石琳以年老乞休允之調郭世隆為廣東廣西總督
以金世榮為浙江福建總督由福州
將軍遷○丁未諭大學士等國家承
平之日武備不可一日少弛昔直隸兵甚庸弱其後武弁缺出朕
親簡閱人材壯健者補用自是人知盡職勤於教練今直隸兵已
大振作矣湖廣陝西福建之兵俱強惟江南浙江江西廣西之兵
俱懦弱西地壯健者咸欲投軍南方則不然本身衰老子弟代充
所以懦弱者眾四川之兵西人為多故兵力亦強此番打箭鑪交
戰並無滿軍僅彼處萬人直搗其巢打箭鑪賊兵強悍肆行抗拒
東華錄 康熙七十 七
是以被殺甚眾詢之俘獲喇嘛三人云彼處僅存女子丁壯殆盡
此皆負固不服之所致也然川兵以萬人克此勁敵議功時宜加
優敘
十一月乙卯諭大學士等蠲賦為愛民要務徵收錢糧原為國用
不足國用若足多取奚為比年以來附近省分俱行寬免惟雲南
貴州四川廣西等處未得常邀蠲恤今戶部庫帑有四千五百萬
兩每年並無糜費國帑大有贏餘朕欲將此四省四十二年錢糧
悉行蠲免儻更寬裕並及廣東省亦令蠲免其蠲免四省諭旨明
春即行曉示庶經費易為措置也○丙辰諭戶部今歲山東河南
俱報豐稔惟被災州縣民多匱乏頃巡幸至德州見有一二災民
流移者詢問疾苦深為軫念雖據山東巡撫稱已發粟散賑但自
冬徂夏青黃不接之際頒賑不繼無以資生應行文山東河南巡

撫凡被災地方令有司加意賑濟至明歲麥收方止其災傷田糧
雖已照數蠲免猶恐被災之後民力艱難宜更沛特恩用加休養
山東萊蕪新泰東平沂州蒙陰沂水河南永城虞城夏邑被災州
縣康熙四十二年地丁錢糧除漕項外著察明通行蠲免○諭朕
臨御以來咨求民瘼蠲賑頻施誠恐小民疾苦未蘇生業未遂用
是宵旰靡甯江北土田瘠薄生計尤艱朕心彌切軫念著將安徽
巡撫所屬府州縣衛等處康熙四十二年地丁錢糧除漕項外通
行蠲免○諭朕撫御寰區四十餘年無一刻不以民生為念天下
至大兆民至眾惟恐窮鄉僻壤百姓疾苦不能上達所以孜孜勤
求未嘗少懈天時水旱自古有之備荒之法全賴督撫得人儻以
諱災為事一遇歉薄莫知所措何以為民父母况秦省不通水運
若不能謹於蓋藏儉歲難於賑恤河西一帶地方素稱貧瘠雖免
東華錄 康熙七十 八
康熙四十一年錢糧民生未裕再將康熙四十二年地丁錢糧通
行蠲免○以劉凡為陝西按察使由郎中
遷○丁巳諭大學士等近見
各部院衙門所辦事件有錯誤者惟恐事情覺露專務隱匿不行
檢舉朕總理萬幾亦止詳議緊要事務安能逐事一一記之各部
院檔案繁多勢不能無舛錯遺漏或有舛錯遺漏而即自行檢舉
則其過猶為可恕若懼罪隱匿不行檢舉則事必終於舛錯貽誤
甚大爾等將此旨傳諭各部院滿漢大臣知之○甲子 上幸南
苑行圍○丙寅 上還宮○ 皇太子允禩病愈還京○大學士
伊桑阿以老病乞休溫旨慰諭命以原官致仕○裁貴州普安州
土州同其版圖賦稅歸併普安州知州管理○壬申廣西巡撫蕭
永藻奏參廣西原任布政使教化新虧空米穀應令照數追賠
上諭大學士等虧空米穀若照銀兩之例追賠則為官者甚難矣

各省倉廩所貯米穀苟覈其實監收官員盡被牽累必有收貯之地乃為可久若並無倉廩惟積於空野能免朽爛乎况南方之地無一乾土米穀積於空野朽爛必矣爾等酌議嗣後虧空米穀另行定例於事方有裨益○命修禹陵○是月免湖北沔陽州衛被災額賦十之三

十二月丙戌 上幸南苑行圍○壬辰諸王貝勒貝子公大學士九卿文武諸臣及生監小民等以 皇上五十萬壽請上 尊號得旨朕即位四十餘年未嘗一刻不以民生休戚為念遠邇安甯為本雖或慶雲景星嘉禾瑞草天書麟鳳之奇總無關於黔黎亦無繫於朕心侈言祥瑞貽譏史冊朕以實心為民天視天聽視乎我民後人自有公論若誇耀功德取一時之虛名大非朕意不必數陳諸王大臣等再三奏請終不允○乙未以金璽為刑部右侍

東華錄

康熙七十

九

郎調趙申喬為偏沅巡撫以張泰交為浙江巡撫由刑部右○丙

申兵部等衙門議覆兵部尚書范承勳察審廣東徭人劫殺一案右翼總兵官劉虎及副將林芳等率兵進剿林芳被傷身故劉虎不顧首尾先行退回應照例擬斬提督殷化行平時不能安輯地方臨期復不行救應貽誤軍機應革職 上曰殷化行軍前勞績甚著若革職殊為可矜著以軍功所得官職原品休致劉虎著革職從寬免死○辛丑諭吏部兵部左侍郎兼管翰林院掌院學士事法良不能整飭翰林甚屬溺職著革職○壬寅厄魯特丹津阿拉布坦來朝 上御保和殿理藩院官引見行禮畢召入殿內寶座前 上諭曰昔厄魯特歸降我朝未有率人如爾之眾者爾既傾心歸嚮甚屬可嘉朕所用避風石數珠最利風疾今以賜爾又諭曰今爾厄魯特國雖破滅從公論之前喀爾喀與厄魯特互相

構難朕常以喀爾喀為非以爾為是但嗚爾丹乘喀爾喀之費來侵我境是以國破朕之滅嗚爾丹者以其侵犯我境非為征喀爾喀之故也丹津阿拉布坦叩首奏曰誠如 聖諭臣等厄魯特生於絕域如禽獸無知昔犯 天朝今每一思及心膽俱裂 上曰爾厄魯特為人多疑朕親率師至克魯倫屢遣諭嗚爾丹使歸降彼不肯從故致交戰失利其時設若歸款朕亦即已前厄魯特來歸朕有授以大臣之職者爾等尚未之信有言此必是計後定誅戮今厄魯特為大臣者見在已養至十年計耶非耶至於喀爾喀人材庸劣不及爾厄魯特厄魯特來歸者雖未遇從征立功其屬從巡哨亦甚盡力今觀爾體貌壯健他日得力可知念爾遠涉勞乏且善調攝暇日更與爾言也命賜宴並賜貂皮袍鞋銀幣鞍馬等物封為多羅郡王令於洪郭爾阿濟爾罕地方遊牧○甲辰以

東華錄

康熙七十

十

紀爾他渾為兵部左侍郎來道為工部右侍郎俱由內閣揆敘為翰林院掌院學士由侍讀穆和倫阿藍太俱為內閣學士俱由內閣○是月免河南永城浙江縉雲江南亳州等七州縣被災額賦有差○是歲朝鮮來貢○人丁戶口二千四十一萬一千三百八十田地山蕩畦地五百九十八萬六千九百九十三頃六十三畝有奇徵銀二千七百三十九萬六千六百六十九兩有奇米豆麥六百九十六萬八千六百七十三石有奇草二百八萬一千六百八十八束茶十五萬七千四百七十六引行鹽四百三十一萬九千四百八十六引徵課銀二百六十九萬六千九百九十八兩有奇鑄錢二萬三千八百六萬五千八百有奇

臣王先謙敬編
臣周澗壽恭校

康熙四十二年癸未春正月壬子諸王貝勒貝子公文武諸臣奏
今年三月十八日 皇上萬壽節正值五旬大慶茲 聖駕巡閱
南河臣等請於駕發之前豫行慶賀禮恭進鞍馬段疋等物 上
諭朕之誕辰爾等如此進獻在外督撫亦必效之朕必不受朕素
嗜文學爾諸臣有以詩文獻者朕當畱覽焉既而大學士等及部
院諸臣恭進慶祝 萬壽無疆屏 上復卻之於是大學士等及
部院諸臣復以慶祝 萬壽屏文繕寫冊葉進呈奏曰臣等恭製
此屏皆敷陳我 皇上功德實事乞賜畱覽得旨屏內所書之詞
俱已載在冊葉朕畱冊葉即與收屏無異此屏朕必不受也○壬
東華錄 康熙七十一

戊 上巡視南河啟鑾○丙寅諭大學士等齊世武自授甘肅巡
撫所屬各官多被參劾署事竟至乏人其中有初任者亦有他省
調補者果有不法自當參處若止小過則懲戒可耳○庚午 上
過濟南府幸巡撫署中觀珍珠泉 御書三渡齊河即事詩令縣
署門示臣民出觀趵突泉○辛未 上駐蹕長清以近村居民火
遣侍衛海青等賑之○壬申 上駐蹕泰安州登泰山○諭戶部
朕兩次南巡路經東省見民生豐裕近再行齊魯存問民生似不
及於前朕深憮怛今特加蠲恤用宏愛養車駕所過地方及東省
歉收被水各屬去年錢糧通行蠲免其今年額賦仍分三年帶徵
以稱朕殷阜黎元至意

尙屬無益徒有賑濟之名倉粟諒已盡竭又觀黎民顏面衣服朕
心不勝惻惻更爲盡心籌畫以養蒙古之例施於山左庶幾青黃
不接之際猶可度日命在京滿漢大學士九卿會議無論官民有
情願效力者作速遣往山東不拘銀米同地方官分界賑濟以及
降級革職人等有情願贖罪者亦准其贖罪俟秋成後視其果有
裨益酌量議敘至該撫尤宜董率屬員善爲撫綏勿致流離務期
副朕視民如子之至意○丁丑命運漕米四萬石賑濟甯兗州是
日 上由宿遷縣渡中河閱隄工至宿遷縣渡黃河○戊寅 上
徧閱徐家灣隄祥符等閘復細閱新河口登舟徧閱隄工至煙墩
登岸諭河道總督張鵬翮觀黃河磯背壩太短不能偪溜今欲照
永定河修長挑水壩何如張鵬翮奏曰永定河與黃河形勢不同
黃河萬里而來勢大水深磯背加長一遇水發易致衝壞河官惟
東華錄 康熙七十一

恐賠修不敢接長 上曰試將一兩處作長挑水壩即有衝壞免
其賠補復徧視煙墩等處顧張鵬翮曰煙墩甚險雖有越隄必須
保守縷隄此處應建挑水壩○己卯 上自桃源縣登舟徧視河
隄顧河道總督張鵬翮曰桃源煙墩至龍窩一帶隄工甚平矮應
行加高○庚辰諭河道總督張鵬翮曰清水自仲莊閘出口入於
黃河偪溜使南其陶家莊以下楊家莊地方應挑濬引河令中河
之水從此而出則於運口有益著即相度形勢估計具奏其仲莊
石閘著暫停修築又諭張鵬翮曰歸仁隄引河用以分洩洪澤湖
之水勢若黃水加長則恐清口水弱著將祥符閘下板堵閉草壩
將五堡閘酌量開放以助清水之勢○諭扈從永定河分司齊蘇
勒曰朕觀黃河險要地方應下挑水壩壩見今永定河朕親指示
挑水壩俱有裨益爾遵照朕指示式樣前往煙墩九里岡龍窩三

處築挑水壩數座試看有無裨益雖被衝壞無妨工完之日令該地方官盡心防守如有蟄陷不時修葺可將此旨傳與河道總督張鵬翮速派賢能官員令其多備物料夫匠於朕回鑾之前完工需用錢糧與爾無涉不可經手工完將用過錢糧記明具奏如遇桃汛水發即行停止○壬午 御舟過邵伯更樓諭河道總督張鵬翮曰此地舊日被災形狀與今山東無異豈朕今日觀此地安居景象而忘山東之饑民乎朕念運糧賑濟事不可緩乘今日順風爾作速回清江浦料理轉運截留漕糧差官前往山東散賑至距揚州十五里沙壩橋河道情形朕自細閱回鑾時諭爾知之○甲申 御舟渡江登金山江天寺○丙戌 上臨幸蘇州資扈從大臣及侍衛護軍執事人等白金有差○陝西岷州衛崇隆寺等五寺番僧進貢○丁亥遣官奠原任大學士宋德宜墓○偏沅巡東華錄 康熙七十一 三

撫趙申喬來朝命大學士馬齊張玉書傳諭曰湖南地方介在邊遠之境聞向來官吏積習相仍無藝私徵種種不一計每歲科派有較正額賦增至數倍者有司徵收錢糧加取火耗又視別省為獨重百姓窮蹙不支多致流離轉徙非將宿弊逐一剔除無以砥礪官方大甦民困除從前已往諸事姑免察究外爾到地方嚴飭大小屬員痛改前非洗心奉職力減加耗盡革私徵務使流徙者復返鄉閭守業者獲安隴畝庶副朕軫念遠省民生至意如仍有藐法不遵重為民害者即據實糾參從重治罪決不輕宥○庚寅 上臨幸杭州閱駐防官兵等射○癸巳 上回鑾遣領侍衛內大臣阿靈阿等閱錢塘江隄○乙未諭大學士等趙申喬分文不取信然但朕臨幸杭州諮訪百姓言趙申喬好收詞訟民多受累大凡居官固貴清廉尤必和平始為盡善如果好受詞訟刁民與

訟者必多縱使即為審理其被訟之人一家產業已蕩然矣如此民何以堪聞阿山亦喜受民詞總之為總督者以安靜不生事為貴耳○丁酉召大學士等諭曰觀近日南方風景民間生殖較之康熙三十八年南巡時似覺豐裕大約地方督撫安靜而不生事即於民生有益儻徒恃才幹不體下情以此爭先出眾民必受其殃矣所以朕於扈從人等恐其生事時慮於懷諸事惟務謹慎不時嚴禁儻朕欲將州縣官員日加驅使未為不可所以不忍為者亦因體恤微員耳今總督巡撫能如此體恤者甚少又諭曰趙申喬居官誠清但性喜多事所以小民反致受累較之張鵬翮李光地徐潮則趙申喬甚為褊淺矣○辛丑 上臨幸江甯○壬寅遣大學士馬齊祭明太祖陵○賚扈從侍衛護軍及駐防官兵三月戊申 上徧閱高家堰翟家壩等隄工諭河道總督張鵬翮東華錄 康熙七十一 四

王家營對面鮑家營應開挑引河洩黃河汎漲之水以保清江淮安地方著即行興工仍兩岸築隄以衛民田○己酉 上閱黃河南岸龍窩煙墩等隄復渡黃河閱九里岡等隄○庚申 上還京師○辛酉 上召大學士九卿等諭曰朕此番南巡徧閱河工大約已成功矣曩者河道總督于成龍未曾遵朕指授修築故未能底績今張鵬翮一一遵諭而行向來黃河水高六尺淮河水低六尺不能敵黃所以常患淤墊今將六壩堵閉洪澤湖水高力能敵黃則運河不至有倒灌之患此河工所以能告成也又沿途諮詢地方官直隸巡撫李光地河南巡撫徐潮居官皆優山東巡撫王國昌江蘇巡撫宋犖俱安靜福建巡撫梅鋗江西巡撫張志棟亦優廣東巡撫彭鵬誠為有守浙江巡撫張泰交雖屬新任亦優趙申喬當其任布政使時朕尚信其不取及任巡撫好受詞訟則朕

難信矣甘肅巡撫齊世武賦性褊急好行參劾凡爲大吏者當寬大和平正己率屬宥其小過以漸訓勵使勉爲循良豈可恣意以參劾爲事乎又諭曰朕御極以來無時不以民生爲念雖纖微之事亦不肯稍有怠忽勤勞已四十餘年矣今海內奠安民生富庶而河工適又告成朕又頒詔天下大沛恩賚故星夜還鑾詔內款項爾等可會同詳閱○癸亥詔曰朕爲天下生民主宵旰勤勞勵精圖治凡國家之休戚閭閻之樂利晷刻閒無不注意於此天下之大兆民之眾朕誰欺欺天乎今四十餘載親歷饑饉者不知其幾南北用兵者不知其幾人心向背者不知其幾天變地震者不知其幾自維涼德不能撫育履冰臨淵兢業慎守仰賴 上天眷佑 祖宗德厚幸生勛業未久之際方免失墜今海寓昇平年歲稍和生民俱已樂業邇來諸王大小臣工士庶因朕五旬輿情肫切屢請加上尊號朕堅意固辭不允所請蓋朕不以名譽稱揚爲尙惟以海內富庶爲心屢獨賦役屢省刑罰總欲使老安少懷風俗淳厚漸幾於康乂隆平之治近因准黃告成乃東南要務再授方略望有善後朕不辭勞瘁親往閱視見畿輔山左浙江等省耆老人民俱中心愛戴雖童穉亦咸歡欣瞻仰是知民心皆一用是益深軫念視切如傷所以星夜還鑾茲特大沛洪恩普施遐邇庶幾民生咸登壽域和協徧滿寰區諸王以下文武官員俱加恩賜軍民年七十以下者免其子一人徭役八十以下者與絹一疋綿一斤米一石肉十斤九十以上者倍之雲南貴州四川廣西毋出明年賦察孝義恤困窮舉遺逸罪非常赦不原者皆赦除之○庚午宗人府奏信郡王鄂札薨查鄂札係承襲伊祖豫通郡王多鐸封爵請以多鐸次妃所生之子原任都統董額襲封從之○禮部

議准欽天監奏東至野索西至雅爾堅自北極高四十四度之巴爾庫爾河以至北極高六十八度之武地河等處皆宜增衍麻書照四十四度之表式推至六十八度進呈 御覽從之○辛未上御經筵是日 親視和碩裕親王福全疾○甲戌諭大學士等舉人汪灝何焯蔣廷錫學問優長今科未得中式著授爲進士一體殿試
夏四月辛巳賜王式丹等一百六十三人進士及第出身有差○丙戌四川巡撫貝和諾奏威州龍溪等十八寨生番歸化情願自康熙四十二年爲始赴威州交納麥糧下戶部知之○丁亥大學士熊賜履以年老乞休命以原官解任仍食俸畱京師備顧問○吏部兵部會議吏部侍郎傅繼祖等往湖廣察審紅苗搶掠一案地方官隱匿不報是實應將總督郭琇提督林本植巡撫金璽總兵官雷如俱革職得旨總督郭琇提督林本植著革職巡撫金璽著降四級調用總兵官雷如著革職畱任效力○癸巳予故致仕保和殿大學士王熙祭葬諡文靖○丙申以陳廷敬爲文淵閣大學士兼吏部尙書由吏部尙書遷○戊戌 上發出熊賜履呈覽明神宗熹宗以下史書四本諭大學士等朕自沖齡卽每事好問明時之太監朕皆及見之所以彼時之事朕知之甚悉太監魏忠賢惡迹史書僅記其大略而已猶未詳載也明末之君多有不識字者遇講書則垂幔聽之諸事皆任太監辦理所以生殺之權盡歸此輩也又諭此書所載楊漣左光斗死於北鎮撫司獄中聞此二人在午門前受御杖死太監等以布裹屍出之至於隨崇禎殉難者乃太監王承恩因此 世祖章皇帝作文致祭並立碑碣此書載太監王之心從死明係錯誤至於本朝興兵聲討之故書並未記載

可問熊賜履王鴻緒等尋大學士等覆奏熊賜履奉旨復行詳察崇禎死難太監果係王承恩非王之心應遵照諭旨改正至於左光斗楊漣察考諸書俱云死於北鎮撫司獄中故照彼書書之我太祖高皇帝與師之由詳載 太祖本紀是以明史內未曾載入 上曰 太祖興師之故雖不詳載明史記其大略未始不可

○諭大學士等朕頃往察河工原任侍郎任克溥於山東途次迎駕見其年將九十見在諸臣未有如其久者朕深為眷念著加刑部尚書銜以示優遇老臣至意○諭今吏部尚書缺尚未補人巡撫李光地徐潮原在內任歷年亦久早應擢用朕因地方起見所以暫留在任伊等居官誠優且得大臣體彭鵬趙申喬行事偏執惟務沽名所以事皆背謬李光地自任直隸巡撫以來每年雨水調順五穀豐登官吏兵民無不心服吏部尚書員缺以李光地徐東華錄 康熙七十一 七

潮問九卿尋大學士等問九卿言二人俱優覆奏 上命李光地為吏部尚書仍管直隸巡撫事○以喻成龍為湖廣總督由安徽巡撫遷

○己亥諭八旗都統前鋒統領護軍統領副都統參領佐領等朕為官民生計不時慮念前已屢施大澤今年詔款內復特沛鴻恩不惜數百萬帑金徧行賞賜嗣後軍卒人等應人人務立生計清償逋欠豐裕度日儻有不肖之輩不思樽節儉約惟知縱酒酣飲鮮衣肥馬過於費用則不數日閒仍如未沛恩澤時爾等俱有督率之責不當徒以督率為名亦當誘之向善使人人以孝弟為本各知自守愛惜產業則不特風俗可致淳樸而朕惜兵之心亦不至徒勞矣可將此旨刊刻徧示軍卒人等受朕重恩如此仍行賄博行止不端朕斷不輕貸必將為首者立正典刑朕念切兵民生計是以親書諭旨欽哉○壬寅以勵杜訥為刑部右侍郎由左副都御史

五月戊申諭禮部國子監文廟見敕官員動帑金修理順天府學尊經閣等處亦著一併督修用宏文教○己酉以陳論為左副都御史由少詹事○壬子 上親視裕親王福全疾○乙卯諭大學士等直隸各省總督巡撫提督總兵官於補用千總等官秉公者少除加級稍優長者俱已錄用外其餘年滿千總馬步射未必皆能馬步射尚且不能豈可令之管轄軍士著行文各省諭此項人員限於冬季前到京命大臣監試優者錄用不堪者革退限內不到者即令除名可諭兵部知之○己未 上再親視裕親王福全疾○壬戌領侍衛內大臣和碩額駙尚之隆等傳 上諭觀索額圖並無退悔之意背後怨尤議論國事伊之黨類朕皆訪知阿米達麻爾圖額庫禮溫待邵甘佟寶伊等結黨議論國事威嚇眾人且索額圖施威恐嚇舉國之人盡懼索額圖乎亦有不懼者乎即今索額圖家人已將伊告發索額圖能殺害乎至溫待額庫禮俱犯重罪流徙之人因其年老令還京師伊等應安靜以度餘年乃與索額圖結黨議論國事妄自怨尤伊等之黨俱屬利口愚昧無知之徒被伊等恐嚇遂極畏懼果至可殺之時索額圖能殺人或被入殺俱未可料雖口稱殺人殺者誰乎至索額圖之黨漢官亦多朕若盡指出俱至滅族朕不嗜殺人嗣後爾等若與索額圖絕交將所行之事舉出尚可不然被索額圖株連必如噶褚哈阿恩哈被滅族之禍索額圖之黨阿米達額庫禮溫待麻爾圖佟寶等甘之同祖子孫在部院者俱查明革退副都統佟寶不在家俟到時再傳諭此旨著曉諭門上大臣與眾侍衛等爾等若在索額圖處行走必被索額圖連累致死○先是 上以本科會試廣東舉

東華錄

康熙七十一

八

人未經取中命九卿議嗣後會試脫科之省作何補取之法至是九卿議嗣後會試揭曉後如有脫科之省將未中式試卷交正副主考檢閱揀選進呈取中一二名從之○癸亥諭刑部額庫禮溫待麻爾圖邵甘等俱係問罪充發之犯念其年老取還京師伊等至京並不善養餘年與索額圖結黨議論國事俱著鎖禁不可疏放阿米達姑念年老舊臣著寬恕命近御侍衛海青乾清門侍衛武格馬武傳諭索額圖爾家人告爾之事畱內三年朕有寬爾之意爾並無悔過之意背後仍怨尤議論國事結黨妄行爾背後怨尤之言不可宣說爾心內甚明舉國俱係受朕深恩之人若受恩者半不受恩者半即俱從爾矣去年皇太子在德州住時爾乘馬至皇太子中門方下即此是爾應死處爾自視爲何等此處問公福善即知爾任大學士時因貪惡革退後朕復起用爾並不思

東華錄

康熙七十一

九

念朕恩即如養犬尙知主恩若爾者極力加恩亦屬無益朕差人搜與爾行走之江潢家得書字甚多朕亦欲差人到爾家按看但被爾連累之人甚多舉國俱不得安所以中止朕若不先發爾必先之朕亦熟思之矣朕將爾行事指出一端可就此正法尙念爾原係大臣朕心不忍但著爾閒住又恐結黨生事背後怨尤議論著交宗人府與根度一處拘禁不可疏放諭領侍衛內大臣等索額圖之子並家內緊要人俱交與心裕發保加意拘禁候旨若其閒別生事端即將心裕發保等族誅○以劉光美爲安徽巡撫由內閣學士遷○乙丑奏事治儀正存住等傳 上諭索額圖施威嚇人議論國事伊之大黨盡已鎖禁江潢係應殺之人亦拏付刑部此事朕不追求自能完結此外朕亦不多提問候人告發時自有著落在索額圖處行走一二次者亦有人伊等不知每日疑慮爾等

可傳諭之至翁俄里佟寶斷不可寬恕伊等即如索額圖之子也○戊辰以趙世芳爲內閣學士由內閣侍讀學士遷○己巳 上巡幸塞外啟鑾○甲戌予故原任左都御史蔣宏道廣東廣西總督石琳祭葬○是月免江南徐州睢甯縣逋賦及邳州前年稅糧

六月丁丑轉許汝霖爲禮部左侍郎以王頊齡爲禮部右侍郎由人府府丞遷○以趙宏燮爲山東布政使由按察使遷○辛巳和碩恭親王常甯薨命諸王子經理其喪並諭諸皇子每日齊集喪次至發引後乃止給銀一萬兩命內務府郎中卓保監修墳塋立碑○壬辰

子故原任內閣學士顧一榮祭○甲午 御書闡道醇儒額懸景州董仲舒廟○辛丑扈從大臣以裕親王福全病篤奏 上即時命諸皇子星夜先赴京師隨傳諭還鑾○壬寅扈從大臣以和碩裕親王福全薨逝奏是日 上自喀喇和屯啟行駐蹕兩開房

東華錄

康熙七十一

十

東華錄

康熙七十二

臣王先謙敬編

臣周潤蕃恭校

秋七月乙巳朔 上自東直門入臨和碩裕親王福全喪哭之慟

不入乾清門自蒼震門入景仁宮諸王大臣齊集宮門奏請 駕

還乾清宮少息 聖體復幸塞外避暑 上傳諭曰朕但恐 皇

太后過哀朕心不安耳俟殯王後朕再啟程至於居便殿者非自

朕始乃 太祖 太宗之舊典也○諭宗人府裕親王之喪皇子

等理應穿孝爾等確議具奏宗人府議同旗之皇子應行穿孝得

旨裕親王朕之親兄豈可止令同旗皇子穿孝隨命皇長子允禔

皇三子允祉 皇四子皇五子允祺皇七子允祐皇八子允禩穿

孝○丙午 上居景仁宮不理政事諭次日復臨裕親王喪諸王

東華錄 康熙七十二 大臣齊集後左門叩首再四勸止 上傳諭曰 太宗時穎親王

之喪 太宗親臨數次載在 實錄此皆爾等所知穎親王係

太宗之姪况裕親王乃朕之親兄乎此朕效法 祖宗並非太過

朕昨因暑天勞頓今日未往明日必當再臨爾等不必懇奏○丁

未 上居景仁宮不理政事臨裕親王福全喪賜內殿馬二匹對

馬二匹散馬六匹駮駝十隻及蟒段銀兩○戊申 上居景仁宮

不理政事召大學士馬齊等至乾清門傳諭曰今歲山東雨水連

綿黎民被災若不豫為賑濟一經逃散難復安集今當照前養山

東饑民例多遣人員令其撫養爾等可會同九卿議奏○己酉

上奉 皇太后臨送裕親王福全喪○庚戌 上巡幸塞外啟鑾

○丙寅予故安祿巡撫李鈞祭○己未以何顯祖為湖廣按察使

原任貴州 按察使 ○壬戌予故致仕文華殿大學士伊桑阿祭葬諡文端

○己巳 上手書諭旨諭大學士九卿詹事掌印不掌印科道等

官曰今年六月因有二王之事朕心不勝悲痛至今猶未釋然又

兼災祲頻告愈加憂鬱身體不安頃往坐湯泉始得稍解仍未全

愈至饑民救養之計未嘗時刻不慮於懷近有蘇州織造李煦人

來詢知鄭城至泰安田穀稍有望由泰安至德州被災甚重今

歲口外田穀大收口內各處田禾俱屬平常合共計算所糶之穀

必不能多今應將漕糧多行截留於山東沿河州縣村鎮俱各存

貯以備賑濟平糶之用朕意八旗滿洲蒙古漢軍佐領一千有餘

每三佐領下共出一人可得三百人每三佐領交與銀三千兩分

派各州縣仍照前去人員養饑民至來年七月今八月內可以到

彼這情事爾等可確議至東省今歲錢糧漕米俱應速行停徵議

奏為此手書特諭扈從大學士諸臣閱畢奏曰 皇上恩綸極其

東華錄 康熙七十二 詳盡此外無可再議奏入諭曰爾等既以朕所處為當著於三佐

領公派之時將家計殷實部院官員旗下曾為大僚者及因公革

職降級者派出其旗下閒散官員及王貝勒八分公屬下之官員

護衛亦酌行派出派時須令三佐領公同保舉具奏朕所書上諭

此刻即行封固速送至京師既而復傳諭曰包衣佐領亦照此三

佐領內派遣一人○庚午山東巡撫王國昌奏報賑濟饑民米穀

數目 上曰朕先諭桑額截漕糧二萬石令扈從部院官員一同

運至散賑糶賣又命張鵬翮將漕糧二萬石交伊屬員運至散賑

糶賣此事扈從諸臣所共聞者其交桑額之米石已照朕諭散賑

糶賣具疏奏結今觀王國昌所奏將程兆麟等所運至之米及常

平倉收貯米石俱行糶賣散賑與朕原諭不符且王國昌又奏稱

捐康熙四十二年四十二年四十二年官員俸資衙役工食賠補此項米穀

似此何時方能完結此項米穀應令速行賠補貯倉蓄九卿詹事科道一併會議具奏○癸酉扈從大學士席哈納等奏在京大學士九卿詹事科道會議賑濟饑民一事應差戶部賢能司官令其馳驛速往截留漕運尾船米五十萬石交山東地方官並遵上諭派出八旗官員各支庫銀三千兩往山東會同地方官賑養饑民上曰賑濟山東饑民事關緊要應差大臣分爲三路每路差大臣一員將先派出人員一併往返巡察於事有益自泰安至郟城爲中路著穆和倫去自濟南至登州爲東路著辛保去自德州至濟甯爲西路著卞永譽去截留漕糧亦屬緊要總漕桑額見今無事著作速前來親看截留其賑濟饑民人員所領銀兩雖係公物而勉力自效有濟於民事回時一併議敘○是月免陝西蒲州被災額賦有差

東華錄

康熙七十二

三

八月甲戌朔諭吏部山東一省官員平日不知重積蓄備荒災所以一遇凶年束手無策致勞京師遣官賑濟今應將山東台省官員停其升轉俟民生復甦之日再行開復○于故禮部左侍郎王封滌祭葬○丙子以高必宏爲江蘇按察使由直隸○命致祭裕親王福全如鄭親王例於常祭二次外加祭一次命御史羅占監造墳塋建碑諡曰憲○庚辰子故原任雲南貴州總督王繼文祭葬○甲申刑部尚書王士正等因山左被災奉旨截留漕米並派八旗官員領帑往賑奏謝得旨朕四次經歷山東於民間生計無不深知東省與他省不同田野小民俱係與有身家之人耕種豐年則有身家之人所得者多而窮民所得之分甚少一遇凶年自身並無田地產業強壯者流離於四方老弱者即死於溝壑此等情由爾東省大臣庶僚及有產業之富人亦當深加體念似此荒

歉之歲雖不能大爲拯濟若能輕減其田租等項各贍養其佃戶不但深有益於窮民爾等田地日後亦不至荒蕪如果民受實惠豈不勝謝恩千百倍耶○癸巳停今年秋審○丁酉賜沿途外藩銀幣鞍馬及喀喇沁蒙古隨圍官兵銀幣○是月免河南商邱山東濟甯江南邳州湖廣沔陽等二十一州縣衛被災額賦有差九月壬子子故原任禮部侍郎高士奇祭葬○丙辰禮部奏刑部右侍郎勵杜訥病故奉旨勵杜訥簡侍內廷勤勞歲久應得卹典察例具奏尋給與全葬○丁巳諭大學士九卿等朕因山左災荒勞心殫思屢行諮訪山左歲歉非止今歲爲然地方官歷年隱匿不報今春朕因閱視河工親見災黎情形始行籌畫賑濟今歲田禾雖云失望尚有薄收之處巡撫布政使爲伊等素有欠缺欲巧圖完補故甚其詞以奏報又黃綠科道紛紛急奏言盜賊蜂起人民相食私糞或開事例或撥銀兩因於其中侵蝕託言賑濟而實欲完補虧空以施鬼域之謀也令京師遣往三路賑濟人員俱掣籤派撥州縣並不分成災與否一概散賑遣去人員未奉有稽察諭旨惟視巡撫布政使所指地方賑濟應將此事交與三路大臣加意稽察至於御史李發甲條奏盜賊蜂起人民相食亦當明白詢問如盜賊蜂起必有殺人放火搶奪財物糧米之處與失事之人如人民相食亦必有被傷之人與食人之人如有不實卽爲巡撫布政使起見不誠可愧乎○己未山東巡撫王國昌因御史顧素參其匿災不報又復同布政使劉暉欲開事例補其虧空具奏請賜罷斥上諭大學士等王國昌不過一老實人朕曾詢問李光地張鵬翮伊等亦言王國昌在地方並無苛索亦無劣迹惟劉暉在京時卽落拓無依初靳輔在河工時曾任用之後以中路出

東華錄

康熙七十二

四

圖完補故甚其詞以奏報又黃綠科道紛紛急奏言盜賊蜂起人民相食私糞或開事例或撥銀兩因於其中侵蝕託言賑濟而實欲完補虧空以施鬼域之謀也令京師遣往三路賑濟人員俱掣籤派撥州縣並不分成災與否一概散賑遣去人員未奉有稽察諭旨惟視巡撫布政使所指地方賑濟應將此事交與三路大臣加意稽察至於御史李發甲條奏盜賊蜂起人民相食亦當明白詢問如盜賊蜂起必有殺人放火搶奪財物糧米之處與失事之人如人民相食亦必有被傷之人與食人之人如有不實卽爲巡撫布政使起見不誠可愧乎○己未山東巡撫王國昌因御史顧素參其匿災不報又復同布政使劉暉欲開事例補其虧空具奏請賜罷斥上諭大學士等王國昌不過一老實人朕曾詢問李光地張鵬翮伊等亦言王國昌在地方並無苛索亦無劣迹惟劉暉在京時卽落拓無依初靳輔在河工時曾任用之後以中路出

兵運米升至布政使乃一弄巧匪人將王國昌任意驅使甚易事耳此事著同前日諭九卿之旨一併議奏○辛酉貴州巡撫王燕以病乞休允之○甲子 上還京師○丁卯九卿會議山東巡撫王國昌內升布政使劉暉及條奏山東災荒事御史李發甲俱應革職得旨王國昌等之事尚未清楚今命何人前往代彼辦事王國昌暫留任劉暉亦著留山東俟事明之日再行具奏布政使錢糧交新任布政使趙宏燮察明報部此係趙宏燮專責彼不詳慎可乎觀御史李發甲條奏其設心以為山東事務如此緊急遣人賑濟則願去者少不得已非動庫銀必開事例此為民乎抑為劉暉乎如此行私本應革職但身居言責從寬降三級留任至外轉時著外轉○湖廣提督俞益謨偏沅巡撫趙申喬奏報紅苗搶掠地方不靖 上諭大學士等紅苗事當籌一勞永逸之計苗人固東華錄 康熙七十二 五

慣行搶掠而因內地人勾通煽誘者亦有之今照招撫廣東八排瑤人事遣大臣一員前往領荆州兵再酌派廣西湖南貴州三省兵齊至苗地併力圍困令其畏懼就撫則百姓可永免侵掠之患矣爾等與九卿會議具奏○以陳論為刑部右侍郎由左副都御史遷○己巳大學士九卿遵旨議覆湖廣提督俞益謨等所奏紅苗一事仍照前招撫廣東八排瑤人之例派遣在京大臣率前鋒四十人前往調遣荆州及廣西貴州湖南三省兵酌量招撫期絕 上曰滿洲兵所向無敵頃廣東僅發前鋒四十名八排瑤人望風投降今苗人一聞特遣禁旅自必畏而就撫若輩不如此示以利害則地方百姓何能安居尚書席爾達原任川陝總督曾管轄兵丁紅苗之事著席爾達同副都統圖思海徐九如前往○吏部奏原任陝西臨洮道王永義母朱氏叩闕因其子為甘肅巡撫齊世武誣

參負屈並齊世武勒令地方立德政碑等款查事在赦前齊世武應免議處 上命齊世武降五級留任復諭大學士等此奏內有請禁督撫建德政碑等語凡居官果優縱欲禁止百姓立碑亦不能止如劣迹昭著雖強令建後必毀壞聞昔日屈盡美為廣西巡撫回京時百姓怨憾持鋏鏃其馬迹庶民之心豈能強致耶禁立石碑一段著刪去之○辛未內閣學士張榕端以病乞休允之○壬申以高起龍為貴州巡撫于準為四川布政使由浙江按察使遷○是月免直隸永清浙江遂安湖廣江陵等十七州縣被災額賦有差

冬十月甲戌諭大學士等江南督撫提督著公同造洋船二十隻俟來年春令山東水師營官兵前往江南取至山東候用目前山東海盜非確係積賊皆貿易之人賞本虧折因肆行搶奪可命學東華錄 康熙七十二 六

士常壽前往招撫再令筆帖式三人往山東三路問賑濟事並視民間情形朕自幼聽理政事極其敬謹時時惕厲於心今己年艾諸事更加戒懼不敢稍有懈惰忽畧也○丁丑諭吏部戶部兵部陝西省為嚴疆重地當出師塞外時曾經歷其邊境而西安一路未及親泣頃陝西督撫諸臣言秦民望幸之心至殷至切合詞陳奏河南山西巡撫等亦諄切具請乘冬令農隙之時觀覽民風詢察吏治簡閱禁旅整飭軍營實為要務用是輕裝約從諏吉西巡沿途一切供御皆內廷儲備纖毫不取辦於地方即偶有市易之物亦敕所司依時價給值不許錙銖抑勒所過大小官吏勿借詞供億私派閭閻地方官不許與扈從人員指稱交戚私相饋遺違者並以軍法從事其扈從人員宜約束僕役勿使妄行乘輿所至市廛隴畝宜各安生理米豆薪芻等物民間照常貿易不必禁止

惟懷私挾詐衝突告訐者所告事不准理仍嚴加治罪爾等即傳諭扈從官員人等並行各督撫令於經過府州縣城市村莊徧示曉諭俾咸悉朕懷○戊寅諭大學士等朕觀河道已治河道總督張鵬翮及河工官員俱甚效力黃河一切工程朕知之最悉先是永定河用埽甚有裨益是以朕諭張鵬翮黃河亦宜用埽張鵬翮回奏永定河水小可以用埽黃河甚大難以用埽朕諭姑試用之張鵬翮因而用埽河隄今果堅固至於洪澤湖水勢甚險而隄岸復高往來舟楫一遭漂沒人命輒難救援朕曾諭沿岸將長木椿斜釘於水中船雖漂沒人尚可攀援獲命自此釘椿木後果有裨益○諭吏部工部黃淮兩河關繫運道民生最為緊要朕念治河國家大事夙夜靡懷未嘗少釋披圖治水雖已悉其源流顧水勢變遷不常必確知洞悉方可實見施行是以不憚勤勞屢親巡閱東華錄 康熙七十二年 七

壩工築成黃溜遂直趨陶莊清水因以直出疊經伏秋大漲並無倒灌之事其後張福口等引河築歸仁隄疏人字芒稻涇澗等河開大通口皆遵朕旨一一告竣今年春朕閱河至桃源見龍窩等處頂衝危險命增築挑水壩比壩工烈日訖事河勢遂平中河仲莊開口以與清口相對特命改於楊家莊漕輓安流商民利濟時黃水漲泛或與岸平或漫溢四出今黃河深通河岸距水面丈餘縱遇大漲亦可無虞矣張鵬翮所修工程雖悉經朕裁斷而在河數載殫心直力不辭艱瘁又清潔自持一應錢糧俱實用於河工無纖毫浮耗朕心深為嘉悅所屬大小河員並皆黽勉赴工共襄河務亦屬可嘉自總河以下各官爾二部即議敘具奏○己卯賜曹維城等一百二人武進士及第出身有差○以姜椿為左副都御史由左會都御史遷○庚辰以徐秉義為內閣學士由詹事遷○辛巳裁東華錄 康熙七十二年 八

伊等賑濟論旨甚明張鵬翮等亦曾具摺奏明何故擅動常平倉米穀賑濟著將朕原諭並張鵬翮所奏摺子逐一查明具奏○理藩院議准扎薩克大喇嘛綽木珠爾喇卜扎木巴奏將伊所原居洮州衛卓奈克依特之廟伏懇開廣修造得旨取邊氓之地以修廣廟宇關繫民生嗣後凡有修廣廟宇與民間田廬有關者永行禁止○以周士賢為山東按察使由直隸口○癸巳 上自井陘縣至固關駐蹕柏井驛先是 上以柏井驛水少命隨行諸臣侍衛官兵執事人等分三隊陸續進發及駕至柏井驛井水早已盈滿且處處水泉溢涌令治儀正存住等傳諭鄉導官副都統肇賴曰始以柏井驛水少因分隊進發今至此觀之井水盈滿且水泉各處涌發著移文後隊諸臣不必以無水為憂也○予故原任刑部侍郎加尚書銜任克溥祭葬○丁酉 上幸太原○戊戌諭山東華錄

東華錄

九

西巡撫噶禮朕君臨天下四十餘年無一刻不以蒼生為念近因西省望幸甚切故於冬令農隙減從輕騎由晉及秦入境以來觀風問俗見民生畧有起色閭閻之間俗尚樸儉朕心少慰惟是晉省水運不通歲或不登即難籌畫雖有州縣存貯之米穀未必實數具在今歲山西收成頗佳爾等仰體朕愛民如子之至意曉諭民間若歲豐用奢則荒年必致匱乏教之以禮義導之以守法重農務本藏富於民則朕無西顧之憂矣凡朕所經之處必大沛恩澤因今歲東省災甚已蠲四十二年地丁錢糧又免雲貴廣西四川地丁錢糧所以但將四十二年以前山西所屬州縣未完銀兩米草盡行蠲免以示朕加惠黎元之意太原百姓聞 上將啟鑾齊集行宮前懇留 上為再留一日○庚子以裕憲親王福全世子保泰襲封○辛丑 上駐蹕祁縣閱太原城守官兵騎射分別

賜金劣者革退遣還京師閱射時有一兵丁乘馬驚逸漸近御仗散秩大臣公傅爾丹疾趨向前擒之使下並勒止其馬 上還行宮傳集內大臣等諭傅爾丹曰今日閱射時兵丁所乘之馬驚逸漸近御仗諸年少大臣俱效年老大臣旁觀不動惟爾直前勒止之可謂繼武前人矣特賜爾貂皮鞋一領嗣後益加勉力毋以身為大臣而不思奮力向前也○是月免直隸武清湖廣未陽等十二州縣被災額賦有差

十一月乙巳 上次洪洞遣官祭女媧氏陵○戊申 上駐蹕閩喜遣官奠大學士衛周祚墓○辛亥大學士馬齊等奏臣等以賑濟山東饑民原旨並張鵬翮所奏摺子啟奏奉旨著臣等問張鵬翮彼云 皇上曾面問彼彼已辭窮矣 上曰朕於眾人之前問張鵬翮爾嘗以經義奏對經義以本心為要爾河工人員動用常平倉穀賑濟掠取名譽今令抵償則云應令山東官員抵償揆之本心其能忍乎爾居官清廉河工效力告有成績是皆爾之善處朕甚嘉之至爾之所保舉者十之七八皆徇情面如索額圖家人爾曾保舉可云無此事乎時張鵬翮不能對惟垂涕而已此動用倉穀著張鵬翮王國昌等均攤賠償今歲山東無收令於康熙四

東華錄

十

十三年四十四年內賠完○調甘國基為雲南按察使以高啟桂為河南按察使由山西冀甯道遷○壬子 上至黃河岸由閻處渡河未渡之先眾皆以為河寬風大隨駕人眾恐一二日內未必能全渡及 上至河岸天氣晴朗風波不興且傳諭渡河時勿得攔阻各隨其便不終朝而渡畢眾皆神異之 上次潼關遣官祭西嶽○甲寅 上駐蹕渭南閱固原提標官兵射畢 上諭大學士馬齊朕巡歷諸省觀綠旗兵丁無如提督潘育龍之兵者射既熟嫻人

復勁健此皆統率將領之訓練有方也自提督以下官員可俱加一級○乙卯 上駐蹕臨潼遣官祭漢文帝陵○丙辰 上幸西安外藩蒙古諸王貝勒台吉等來朝○丁巳 上閱西安駐防官兵射○翰林院以撰擬周文王武王祭文進呈 上諭文王武王皆古之聖君非他帝王可比且向以孔子聖人已書朕名致祭矣此祭文內亦須書名○戊午諭四川陝西總督覺羅華顯等朕撫有區夏宵旰勤勞秦省天下要地時虞朕懷曩者連歲荒旱所司未經奏報朕訪聞多方籌畫運米拯救蠲正賦免夙逋安集流離秦民始得少蘇但秦省不通水運撫綏尤宜加意故不憚隆冬遠臨斯土見百姓歡迎載道且知今歲有秋地方文武官吏更能恪勤奉職滿漢軍士亦皆訓練有方朕心甚悅凡巡幸所至必大沛恩膏今將陝西巡撫及甘肅巡撫所屬地方康熙四十二年以前東華錄 康熙七十二 十一

各項積欠銀米草豆錢糧盡行蠲免俟四十二年直隸各省咸獲豐稔當將秦省四十四年正供亦行免徵該督撫即通行曉諭俾窮鄉僻壤小民均沾實惠以副朕愛養黎元至意○遣官祭周文王武王康王漢高祖宣帝唐高祖太宗宣宗陵○遣官奠提督張勇總兵梁化鳳墓○賜西安耆老白金○己未 上大閱於西安以將軍博壽訓練有方解所佩弓矢賜之仍賜總督覺羅華顯巡撫鄂海囊韃弓矢 上御箭亭賜官兵宴並宴蒙古諸王貝勒台吉等兼賜銀幣○庚申賜陝西官吏及外藩諸王宴於行殿前○辛酉子將軍督撫以下驍騎校把總以上各一級是日秦省軍民集行宮前攀留 聖駕 上曰民心如此殷朕當再留一日○命諭德查昇傳諭巡撫鄂海曰盤屋縣處士李容人好讀書明理學屢徵不出朕甚嘉之特手書操志清潔匾額賜之○癸亥 上

回鑾○戊辰李成林以衰老解任以甘國基為河南布政使由雲南按察使○己巳 上駐蹕陝州命皇三子允祉及侍衛等往閱三門底柱○是月免直隸南皮山東武定河南杞縣等二十二州縣被災額賦有差

十二月乙亥 上駐蹕修武諭兵部懷慶總兵官王應統標下兵丁射技不堪營伍不整即王應統本身射亦荒疏令其甲冑送駕官兵鎧介全無將王應統並伊標下千總陳起蛟把總聶廉王寶俱械繫帶往京師俟開印鞫審嚴加議處○庚辰 上駐蹕磁州杜村鋪 御書賢哲遺休額懸先賢子貢墓○壬午追賜廣西死事富川知縣劉欽鄰諡忠節○乙酉諭大學士等直隸學院楊名時考取生員以能背誦五經者即取之照例考取文字人心自服如考取背誦五經事繁亦不合例且楊名時秉性好異考取時但東華錄 康熙七十二 十二

係富室文字雖好斷斷不取儻貧寒內有粗知文意者即取之考校應論文學優劣豈得論其貧富耶○己丑禮部尚書韓英以病乞休得旨韓英以工於時文故屢經擢用至禮部尚書前管翰林院事務時於庶吉士並不勤加教習每日率領飲酒以致庶吉士亦皆疏於學習至於九卿會議之處不以國事直言惟事瞻徇所行甚為非體殊不逮其所學今自知其非稱病求罷殊屬不合著仍留任嚴飭行○庚寅 上還京師謂大學士等前南巡多由舟行官民羣集兩岸迎駕頃西巡皆由陸路凡臨幸郡邑官民無不扶老攜幼懽騰道左每清問及之又令在乘輿左右備諮地方之利弊彼皆抒誠陳奏是以風俗人情靡不洞悉朕巡幸七省畿輔秦晉民俗豐裕江浙則較三十八年時更勝山東近因水旱大異疇昔河南百姓生計甚艱此二省之民深廬朕懷又聞各省火耗

俱是加一錢糧最少者惟有甘肅通計正額共二十八萬有奇加耗亦止二萬八千州縣官錢糧既少加耗無幾不敷用者宜或有之其餘賦額皆多如一州縣正額有二三萬加耗即至二三千宜敷用矣而州縣官仍有以艱難告者其故安在朕隨地諮訪督撫雖有不愛餽遺者然餽藩臬者若干餽道府者若干豈可盡云廉吏乎○辛卯諭大學士等朕頃巡幸西省閱視汾渭二水俱屬大河直與黃河相通河南等處米穀似可由黃河轉運但聞三門底柱水勢極溜船不能上朕欲親往閱視因陝州知州奏無路徑斷難行走遂未果行特命三貝勒允祉同近御侍衛往視據回奏言伊等遣人乘騎涉河一道閱有神人鬼三門俱係鑿石開通水從三門流出其勢甚寬其流甚急古人於巖上鑿有曳船眼孔但未經以船試驗不知可否行走前總河靳輔亦曾奏黃河通於汴河

東華錄 康熙七十二年 三

但淤墊年久若行疏導即可運糧朕至河南閱河南府居各省之中水路四達最為緊要之地應於此處儲積米穀每年田畝豈能必皆豐收儻山陝等省閒或收成歉薄即可將此積貯米穀修造船隻由黃河挽運若到三門底柱船不能上亦可於三門底柱造船剝運以至山陝誠使河道疏通則商賈人民大有裨益所宜於無事之時豫為籌畫者也豫省每年解京漕糧二十萬石有奇若將豫省三年漕糧截留備用則陝西等省雖值歉收之年將此米穀運至彼處賑濟殊屬有益俟明歲遣大臣往視又諭朕今番西巡見直隸河南陝西山西四省接壤山西澤州人如授河南懷慶府地方官雖云隔省相去實不過百里得無徇庇伊宗族親戚之私意乎又直隸人在河南接壤處河南人在直隸接壤處居官者甚多嗣後補授外官時掣籤所得地方如隔伊原籍五百里外聽

伊赴任如五百里內雖隔省著回避○封恭親王常甯庶出子海善為多羅貝勒○壬辰御史劉若錦奏參山西巡撫噶禮貪婪無厭虐吏害民計贓數十餘萬太原府知府趙鳳詔為噶禮心腹專用酷刑以濟貪壑得旨著噶禮明白回奏○是月免直隸景州江南徐州浙江諸暨湖廣監利等十八州縣衛被災額賦有差○是歲朝鮮琉球安南來貢○人丁戶口二千四十一萬一千四百八十田地山蕩畦地五百九十八萬六千九百五頃六十五畝有奇徵銀二千六百八十九萬七千六百九十九兩有奇米豆麥六百九十六萬八千七百九十二石有奇草二百八萬一千六百八十五束茶十五萬七千四百七十八引行鹽四百三十一萬九千三百七十八引徵課銀二百六十九萬六千一百一十八兩有奇鑄錢二萬三千八百六萬六千八百有奇

東華錄 康熙七十二年 四

臣王先謙敬編

臣周倫蕃恭校

康熙四十三年甲申春正月辛酉諭大學士等朕數巡幸諮訪民生利弊知之甚詳小民力作艱難每歲耕三十畝者西成時除完租外約餘二十石其終歲衣食丁徭所恃惟此為民牧者若能愛養而少取之則民亦漸臻豐裕今乃苛索無藝將終年之力作而竭取之彼小民何以為生耶如朕前遣侍衛至鐵索橋挂匾還京回奏彼處督撫餽六千餘兩夫一侍衛而費至此則凡部院司官筆帖式等差遣往來者又不知煩費幾何去歲所遣祭告諸臣還都朕會問一二人彼雖飾辭以對然地方所費亦不少矣目今巡撫皆有廉聲而司道以下何嘗不受州縣餽遺總之此時清官或

分內不取而巧取別項或本地不取而取償他省更有督撫所欲扶持之人每歲暗中助銀敎彼掠取清名不踰二三年隨行薦舉似此互相粉飾釣譽沽名尤屬不肖之極至於蠲免錢糧原為加恩小民然田畝多歸指紳豪富之家小民所有幾何從前屢頒蠲詔無田窮民未必均沾惠澤約計小民有恆業者十之三四耳餘皆賃地出租所餘之糧僅能度日加之貪吏苛索蓋藏何自而積耶朕比年巡行七省惟秦晉兩地民稍充裕畿南四府及河南一路殊覺生計艱難山左初次巡幸民甚饒裕繼而少減今則大異往昔矣皆由在外大小官員不能實心體恤民隱為民除弊而復設立名色多方徵取以此民力不支日就貧困科道官職司風紀當一切不避見之數陳今惟挾仇報復者挂之彈章否則斷斷不言或專倚一人藉聲勢而聽其指使然後敢言甚有大言不慙妄

自矜誇者考其行事與言迥別子曰先行其言而後從之夫己之言己且不能行徒見之數陳何益之有○吏部奏補四川陝西總督著兼管四川陝西總督事○山西巡撫鳴禮以御史劉若鼎奏參其貪虐各款盡屬誣陷遵旨回奏報聞○戶部議覆山東巡撫王國昌擅收賑養餓民官員銀兩貯庫以致不得即行賑養應加議處得旨王國昌著解任○以趙世顯為山東巡撫由安徽布政使遷○王戊命四川陝西河南山西督撫會勘三門底柱○癸亥 上幸南苑大閱○江蘇巡撫宋學奏長洲縣生員嵇永仁康熙十二年為原任福建總督范承謨延聘入幕值耿逆變亂被繫三載迫脅不從從容就死妻楊氏艱辛守志孝養舅姑撫孤成立今年已五十有五照例請旌下部議從之○戊辰 上還暢春園○諭大學

士等近入旗漢軍根圖任外吏不思在京效力或一家兄弟子孫數人俱外任者有之可著各都統察出酌調還京任用若不察出調還罪即在伊等可傳諭知之○以朝琦為山西布政使由子牙河分司遷○奉差勦撫紅苗吏部尚書席爾達奏報招撫紅苗二百餘寨惟天星寨等十五寨紅苗不順臣同湖廣提督俞益謨等率兵於康熙四十二年十二月從報木營抵龍椒洞圍天星寨陸續接勦斬首千餘級餘盡納降其添設防汛官兵事宜俟會同督撫定議奏聞下部知之○己巳 上啟鑾謁 陵○內閣學士阿藍太以老病乞休允之○是月免直隸開州武清縣上年水災額賦有差二月癸酉 上謁 暫安奉殿 孝陵至 仁孝皇后 孝昭皇后 孝懿皇后陵奠酒○以殷特布為內閣學士由內閣侍讀學士遷○轉王項齡為禮部左侍郎以王九齡為禮部右侍郎由內閣轉布雅

努為兵部左侍郎以貝和諾為兵部右侍郎由四川巡撫遷○甲戌封淮神為長源佑順大准之神賜 御書靈瀆安瀾額又安東縣大通口海神廟宿遷等縣黃河金龍四大王廟清河縣清口淮神廟皆入春秋祀典○丙子禮部議覆准貴州學政張豫章奏貴州考試人才甚少請照滇省之例許同省隔府之人往試再府州衛等學請各添設訓導一縣學各添設教諭一從之○戊寅諭大學士等近日各省學臣其中不肖之徒惟利是圖總不知愛惜人才其根源在禮部科道督撫皆有規禮故無敢直言之人更有甚者取不通文理之寒士以博清名諸如此弊不可枚舉又聞提督浙江學政文志鯨將考試二三等生員內竟有加杖責者文志鯨身係翰林特簡之使提督學政乃如此暴戾可乎○辛巳贈故四川陝西總督覺羅華顯太子太保兵部尚書子祭葬加祭一次諡文襄○
東華錄 康熙七十三 三
 以能泰為四川巡撫由甘肅布政使遷○裁永定河筆帖式二十設同知一○壬午吏部議覆江南江西總督阿山奏參江西巡撫張志棟於大計前託臣薦舉參劾官員照彼稿具奏又袁州府知府馬斌居官平常張志棟竟行列薦南昌縣知縣王廷對虧空銀四萬餘兩張志棟不行參奏九江府知府朱儼清廉素著彭澤縣知縣吳士宏品行素優張志棟俱抑而不薦其布政使李興祖按察使劉廷璣及道府等員俱附和巡撫等語應將該撫及附和司道府等官俱行革職從之○乙酉子故原任內閣學士徐嘉炎祭葬○丁亥工部議覆淮安府山安同知革職佟世祿叩閭訴河道總督張鵬翮捏伊冒帑誤工擬以重杖又將他人應賠錢糧坐令伊名下賠補應令漕運總督行查得旨著江南江西總督阿山河南巡撫徐潮會審具奏○戊子湖廣巡撫年遐齡以疾乞休允之○癸巳

上還京師○以李基和為江西巡撫由湖北布政使遷黃明為江西按察使由陝西道遷○乙未以李鎧為內閣學士由通政使遷○丙申以京城米貴月發通倉米三萬石於五城平糶○丁酉刑部議覆原任河南總兵官王應統營伍不整送 駕不敬擬應立斬得旨王應統改斬監候
 三月庚子朔調朝琦為甘肅布政使以雍泰為山西布政使由蘇州府史遷○辛丑 上御經筵○壬寅以劉殿衡為湖廣巡撫由江蘇布政使遷○癸卯諭大學士等部院情弊朕知之甚悉凡部院駁回事件有應駁回者亦有有故而駁回者儻欲實指其事朕並其始末皆能細言之朕日聽萬幾惟據其理而處之以公平斷不瑣屑苛求但諸臣當自知之知足方不辱也○己酉諭刑部熱審謂之慎刑夫刑在平時亦宜加慎何必因熱而始慎也如謂熱審減等於犯人有益則於原審時即以減等議之豈不更有益乎且犯人苦熱猶可而苦寒更甚熱既宜審則寒亦宜審既多此一事不肖官員遂欲延至熱審故意遲玩其停之○都察院等衙門議奏內河外河分司塞可圖等侵欺錢糧擬斬工部尚書薩穆哈侍郎恩特來道甘國樞司員費仰椒等俱照侵蝕銀兩數目多少分別革職治罪尙書王鴻緒侍郎李元振雖未侵蝕但未經查出應革職得旨王鴻緒李元振從寬革職留任餘依議○庚戌詔賑山東河間饑民就食京城者○詔甄別教職○調石文晟為廣東巡撫由雲南調○辛酉內閣學士常授以往撫海寇請訓 上諭沿海諸省雖小有海賊聞俱嘯聚於廣東新會縣地方若不堵靖此處不能奏績爾可先至福建將已獲賊中有緊要之人不必帶去其餘量帶一二人前往廣東至新會縣時先遣一人偕彼同往招撫遣去之時爾可令

彼曉諭云爾等情事皇上皆已洞悉爾等歸順則已否則必加大兵盡行掃滅如此曉諭則新會賊寇盡可招撫招撫之後爾可自廣東而福建而浙江而山東沿海招撫而來自可奏績○諭大學士等朕因山東及直隸河間府等處饑民流至京城者甚多特命入旗諸王貝勒大臣總管內務府各官及漢大臣官員於數十處立飯廠日煮粥賑濟務使流移之人得所酌量賑給數月但此等饑民棄其家業聚集京城以餬其口實非長策應作何料理始復舊籍得安生計爾等會同九卿詹事科道等確議具奏尋大學士九卿等議奏山東饑民在京師者應選各部賢能司官分送回籍其直隸河間等處饑民應令巡撫李光地設法領回從之○壬戌上幸南苑行圍○乙丑四川陝西總督博爾濟等奏臣等會勘三門中流為神門水勢甚濶南為鬼門水更洶湧北為人門水勢稍緩三門之下百餘步為底柱再下二里有臥虎灘臣等用船載糧三十石從臥虎灘緯挽上過人門但濶急灘多行船艱難不如陸路撥運之便豫省漕糧截留於河南府備貯陸運至陝西西門外太陽渡上船計程三百餘里腳費比河路減省謹將三門河路繪圖進呈得旨九卿詹事科道等會議具奏○丙寅以溫達為工部尚書由左都御史遷色德里為工部左侍郎穆和倫為工部右侍郎俱由內閣學士遷姜櫛為工部右侍郎由左副都御史遷○丁卯上還宮○戊辰以佟毓秀為雲南巡撫由廣東布政使遷

以傳作楫為左副都御史由左副都御史遷○戊寅直隸巡撫李光地因河間水災饑民流入京師自陳不職請解任上諭大學士等李光地著留任其居官有何可議但彼專信門生常為所誑凡人口講道學彼即深信之夫道學豈易言哉孔子曰先行其言而後從之人之品行必始終不易朕始信之若徒託之空言而無實事則亦何益之有非特此也凡有職任者一有所為善惡立見更不宜輕言也○己卯上幸髻髻山啟鑾○以常授為刑部右侍郎由內閣學士遷○庚辰上駐蹕髻髻山○河南巡撫徐潮奏臣遵旨查勘汴河其故道惟賈魯河自中牟縣經祥符等縣至江南太和縣達淮今雖通流但不甚深廣應加挑濬再鄭州之北新莊地方有一支河可築壩建閘以通黃河下部知之○壬午上還宮○禮部尚書韓葵以病求罷命在任調理○乙酉調施世綸為安徽布政使由安徽按察使遷○戊子貴州巡撫高起龍以老病乞休允之○山西巡撫鳴禮奏遵旨查勘汾河自河津縣至洪洞縣船皆可行惟自趙城至省城石多灘淺非製造小船實難行走應做麻陽船式製造始可濟運下部知之○己丑上閱永定河啟鑾○以阿世坦為內閣學士由翰林院侍讀學士遷○庚寅上方於事有裨益再向原任分司齊蘇勒問分司余圖渾何如筆帖式內有諳練河務可用者否馬齊問明奏曰臣問李光地據云應仍用分司二員筆帖式四十員臣又問李光地爾前奏請裁分司一員筆帖式一半今何故又請補授據云臣一時昏瞶奏請裁汰伏祈皇上仍照前補設分司筆帖式始於河工有益問齊蘇勒

據云余圖渾任分司三載辦事勤慎筆帖式格渾卓保崔廷棟色
 白黑等辦事無誤 上曰齊蘇勒任分司已六年著停其赴分司
 之任余圖渾著再留三年卓保以主事補授永定河分司格渾崔
 廷棟色白黑並舊任筆帖式共補十人新筆帖式可補十人俱令
 速赴工所○壬辰 上閱子牙河○丙申 上還京師○陝西巡
 撫鄂海奏臣遵旨查勘渭河惟寶雞至郿縣百四十餘里水落之
 時重載難行郿縣以東河深水平重船無阻可以輓運下部知之
 五月壬寅諭滿洲尙書侍郎等天下之民所倚以爲生者守令也
 守令之賢否係於藩臬藩臬之賢否係於督撫督撫又視乎部院
 大臣而行部院大臣所行果正則外自督撫而下至於守令自爲
 良吏矣今工部弊端發露爾等亦知愧否工部之弊朕屢降嚴旨
 切責並不悛改以至於此郎中費仰報等俱九卿保舉之人仍爾
 東華錄 康熙七十三 七

作弊侵蝕河工帑金殊屬不堪堂司官上下扶同但利之所在罔
 顧身命此何謂也爾等身爲大臣誠能彼此箴規有所見聞卽爲
 剖示屬官有品行不端者卽罷斥之庶幾無玷厥職今部院諸弊
 爾等豈果不知但恐結怨於人隱忍不言科道官員亦因彼此掣
 肘不肯條奏舉劾耳嗣後如有不謹識朕諭仍循故轍經朕察出
 必不姑宥○甲辰以孟世泰爲江西布政使原任貴州○乙巳以
 鄭嘉琳爲安徽按察使由陝西漢○甲寅奉差山東賑濟工部侍
 郎穆和倫奏饑民已賑麥秋成熟請撤回賑濟官員 上諭大學
 士等觀穆和倫所奏山東麥秋大稔秋田播種往賑官員俱各勤
 勞賑濟殊爲可嘉穆和倫及往賑官員仍著暫留彼處此際尙當
 酌量資補俟至七月奏報秋收情形後再令還京○辛酉以于準
 爲貴州巡撫由四川布王毓賢爲湖北布政使原任貴州○是月

免濟南等府屬九十四州縣衛上年水災稅糧並緩征本年額賦
 六月甲戌禮部侍郎羅察緣事降調○乙亥 上巡幸塞外啟鑾
 ○己卯以宜思恭爲江蘇布政使由直隸○癸未以鐵圖爲禮部
 右侍郎由內閣○戊子先是 上諭大學士九卿等各省民間所
 用斗斛大小迥然各別此皆可僧平價之人牟利所致又升斗面
 寬底窄若少尖量卽致浮多稍平量卽致虧少弊端易生職此之
 故嗣後直隸各省斗斛大小應作何畫一其升斗式樣可否底面
 一律平準至盛京金石斗關東斗亦應否一併畫一爾等議奏
 至是大學士九卿等議覆查順治五年戶部將供用庫舊存紅斛
 與通州鐵斛較紅斛大鐵斛小將紅斛減改爲斛樣順治十二年
 鑄造鐵斛二十具一存戶部一貯倉場直隸各省皆發一具今應
 令工部照部中鐵斛鑄造七具分發盛京順天府五城外其升斗
 東華錄 康熙七十三 八

俱改底面一律平準各造三十具分發直隸各省等處永遠遵行
 盛京金石斗關東斗皆停其使用從之○諭大學士等觀山東
 巡撫所奏今歲春麥大穫又問自山東省來人咸云民生大有起
 色不似從前被災景象此甚非易致也山東百姓今始獲甦明歲
 錢糧不可急徵若秋田有收再當商酌爾等識之俟十月十一月
 間啟奏○己丑以拉都渾爲內閣學士由內閣侍董廷恩爲廣東
 布政使由湖南按察使由湖南按○丁酉諭起居注官揆敘等古今講道學者甚
 多而尤好非議人彼亦僅能言之耳而言行相符者蓋寡是以朕
 不尙空言斷不肯非議古人何以言之凡人各有短長棄短取長
 始能盡人之材若必求全責備稍有欠缺卽行指摘此非忠恕之
 道也故孔子當時惟節取人之善隱諱人之短凡事求諸己不非
 諸人是豈可少容私意於其間乎又人見講道學之人或不見用

輒爲太息以爲彼果見用必有可觀此亦徒見其空言而云然也
若果見用言行亦未必相符惟宋司馬光編輯資治通鑑論斷古
今盡得其當而後之論者反未嘗置諸講道學之列司馬光乃宋
朝名相言行相符由此以觀不在空言也故君子先行後言果如
周程張朱勉行道學之實者自當見諸議論若但以空言而講道
學斷乎不可朱子洵稱大儒非泛言道學者可比擬也

東華錄

康熙七十三

九

東華錄

康熙七十四

臣王先謙敬編

臣周翰蕃恭校

秋七月己亥朔以郎廷棟爲湖南按察使由直隸補○于故廣東

巡撫彭鵬祭葬○庚子傳諭在京大學士等近觀塞外雨水調和

百穀暢茂爾等可簡善馳賢能中書分遣直隸河南山東各一員

問明雨水多寡禾苗情形來奏其差往直隸巡撫處者並探永定

子牙二河水勢通州之河卽著倉場侍郎具摺回奏○辛亥以鄭

豈爲四川布政使由廣西按察使遷○乙卯扈從大學士翰林官等俱齊

集行宮前奏曰 皇上巡幸塞外於萬幾餘暇惟以書射爲事臣

等口見 皇上神射發無不中伏求 皇上御書之時亦賜臣等

瞻仰於是 上率諸皇子等出行宮門外大學士翰林官等俱侍

東華錄

康熙七十四

立 上坐書大字小字頃刻數十紙諸臣聚觀無不驚喜 上曰

朕自幼好臨池每日寫千餘字從無間斷凡古名人之墨蹟石刻

無不細心臨摹積今三十餘年實亦性之所好卽朕清字亦素敏

速從無錯誤凡批答督撫摺子及硃筆上諭皆朕親書並不起稿

其事之稍有關繫者雖歲月經久亦不遺忘故批發之旨俱存所

司朕處全無底稿也○乙丑以下永式爲廣西按察使由四川永

○丁卯以許嗣興爲河南布政使由廣東按察使遷

八月庚午 上召大學士及起居注官等論滿洲諸翰林官學問

優劣畢大學士等奏曰 皇上天縱之聖記識不忘古今莫及

上曰朕覽過之書雖日月間隔不甚遺忘今雖年歲稍增而記性

不減於前卽目前陳列諸書內欲稽考某卷某處但指令近侍取

之亦可卽得不至錯誤大約存心清虛不但事不遺忘於養生亦

為有益又諭曰臣下如有欺蒙朕斷不姑宥此外若為朕躬服食諸事從未咎責一人昨往釣魚處膳房所備止有肉肴竟忘攜帶飲食諸皇子及近御侍從俱欲咎之朕止之曰彼無心偶忘攜帶耳此乃小事可寬宥之○癸酉子故內閣學士李應薦祭○兵部議准雲南貴州總督巴錫奏紅苗新附銅仁協應添額兵一千二百名分為左右二營增遊擊二守備一千總二把總二領兵防汛再添設同知一巡檢一專理苗務從之○戊寅內閣學士徐秉義以老乞休允之○以黃國材為廣東按察使由雷瓊○甲午子故原任工部右侍郎哈爾祭葬

九月癸卯吏部議准御史田從典奏各督撫於州縣中往往破格請調沿習弊生請嗣後除舊例宜調之缺外其餘概不准濫調嚴定督撫違例處分從之○刑部右侍郎常授奏臣等往廣東招撫

東華錄 康熙七十四

海賊賊首阿保位等二百三十七名交納槍礮器械投誠願為民者安插原籍願為兵者編入各營下部知之○辛亥 上駐蹕汗特木爾達巴漢昂阿賜來朝諸藩銀幣鞍馬及喀喇沁隨圍官兵銀幣○戊午都察院遵旨察議刑部審訊光棍金眼王五吳謙等打死三人一案既已遲延又不審出實情又為解脫應將尚書安布祿等降級調用得旨刑部前審此事明係隱蔽尚書安布祿降三級留任尚書王士正侍郎陳論俱降三級調用餘依議○己未子故禮部尚書韓葵祭葬○辛酉緩徵山東上年今年額賦及貯德州臨清銀米亦令緩輸○癸亥 上還京師○丙寅吏部議覆江南江西總督阿山奏參給事中許志進為原任江西巡撫張志棟私人挾仇參臣受原任布政使李興祖等之賄代為奏留伏乞嚴究指使之入給事中許志進又奏參阿山徇庇原任布政使張

四致庶崇興等不法事到任四年濫收屬員節禮卸徐賑饑之時縱庇屬員盜買倉穀諸款查阿山被參當靜聽處分乃遽將言官許奏許志進既知阿山諸款不早奏參乃於阿山許參之後始行互許均屬不合阿山應解任許志進應革職得旨阿山已有旨革職留任許志進狂妄素行亦不端朕另降旨處分○以汪灝為內閣學士由翰林院○丁卯先是 上遣侍衛拉錫等探視河源論之曰黃河之源雖名古爾班索羅謨其實發源之處從來無人到過爾等務須直窮其源明白察視其河流至何處入雪山邊內凡經流等處宜詳閱之至是拉錫等回奏臣等遵旨於四月初四日自京起程五月十三日至青海十四日至呼呼布拉克貝勒色卜騰扎爾同臣等起程前行六月初七日至星宿海之東有澤名鄂陵周圍一百餘里初八日至鄂陵西又有澤名札陵周圍三百餘

里鄂陵之西札陵之東相隔三十里初九日至星宿海蒙古名鄂敦搭拉登山之至高者視之星宿海之源小泉萬億不可勝數周圍羣山蒙古名為庫爾滾即崑崙也南有山名古爾班吐爾哈西南有山名布胡珠爾黑西有山名巴爾布哈北有山名阿克塔因七奇東北有山名烏蘭杜石古爾班吐爾哈山下諸泉西番國名為噶爾馬塘巴爾布哈山下諸泉名為噶爾馬春穆朗阿克塔因七奇山下諸泉名為噶爾馬沁尼三山之泉流出三支河即古爾班索羅謨也三河東流入札陵澤自札陵澤一支流入鄂陵澤自鄂陵澤流出乃黃河也除此他山之泉與平地之泉流為小河者不可勝數盡歸黃河東下臣等自星宿海於六月十一日回程向東南行二日登哈爾吉山見黃河東流至呼呼托羅海山又南流繞撤除克山之南又北流至巴爾托羅海山之南次日至冰山之西

東華錄 康熙七十四

里鄂陵之西札陵之東相隔三十里初九日至星宿海蒙古名鄂敦搭拉登山之至高者視之星宿海之源小泉萬億不可勝數周圍羣山蒙古名為庫爾滾即崑崙也南有山名古爾班吐爾哈西南有山名布胡珠爾黑西有山名巴爾布哈北有山名阿克塔因七奇東北有山名烏蘭杜石古爾班吐爾哈山下諸泉西番國名為噶爾馬塘巴爾布哈山下諸泉名為噶爾馬春穆朗阿克塔因七奇山下諸泉名為噶爾馬沁尼三山之泉流出三支河即古爾班索羅謨也三河東流入札陵澤自札陵澤一支流入鄂陵澤自鄂陵澤流出乃黃河也除此他山之泉與平地之泉流為小河者不可勝數盡歸黃河東下臣等自星宿海於六月十一日回程向東南行二日登哈爾吉山見黃河東流至呼呼托羅海山又南流繞撤除克山之南又北流至巴爾托羅海山之南次日至冰山之西

其山最高雲霧蔽之蒙古言此山長三百餘里有九高峰自古至今未見冰消終日雲霧蔽之常雨雪一月中三四日晴而已自此回行十六日至席拉庫特爾之地又向南行過僧庫里高嶺行百餘里至黃河岸見黃河自巴爾托羅海山向東北流於歸德堡之北達喀山之南從兩山峽中流入蘭州自京至星宿海共七千六百餘里甯夏之西有松山至星宿海天氣漸低地勢漸高人氣閉塞故多喘息謹繪圖呈覽報聞○是月免江南清江等六縣水災額賦有差

冬十月戊辰朔諭內務府郎中齊蘇勒要兒渡東旺西旺等處運河兩邊向來皆沙其隄工係沙土築成故不堅固且又敵數處山水兼之海潮一日二次倒灌所以偪回運河之水不及流行常漲滿溢出於隄者因不能容受之故朕前閱楊村相近有舊河形迹

東華錄 康熙七十四 四

一道即於此間建減水石壩以分水勢甚為有益此處近海疏通甚易所分之水不可使通百靈港寶坻縣香河縣此三處地勢低窪難以抵敵至建造減水壩須口寬四五十丈以石鋪之使尾長而斜堅固修築若水長不至四尺不能越減水壩可將見存舊河形迹挑寬十丈將此土即築兩邊之隄爾會同直隸巡撫李光地前往驗看丈量具奏○己巳諭大學士等鑿者要兒渡等處隄岸常被衝決是以朕親臨徧視見楊村西有一引河去海尚近即欲疏此引河建滾水壩水長開閘使河水入海因需餉浩繁又恐無益故不輕舉朕今遣李光地等往估欲仍開此引河大都天津海潮至時一股向王慶坨一股向楊村逆流故河水漲時即相觸旁流以致隄岸衝決今將楊村舊引河挑濬建壩自必有益再于牙河廣福樓亦有引河昔開引河時文安大城百姓謂開河於彼有

益而青縣等處則稱開河於彼不便互相爭論皆集河干各控其情及朕諭以挑此引河不獨便於文安大城而青縣亦自無虞民始各退後果兩處皆便○辛未 上御經筵○左都御史李杻以病乞休允之○甲戌諭戶部今歲直隸地方雨暘應候禾稼有秋各郡民生皆獲安恆業惟是去歲山東被災之民自冬月以迄春夏流離轉徙入順天河間境內者甚多於時設廠煮糜所在賑救因而米價至今未減誠恐近畿一路閭井小民拙於生計是宜加恩寬恤用宏休養順天河間二府屬康熙四十四年應徵地丁銀米著通行蠲免該巡撫卽飭府州縣官張示徧諭務俾窮鄉僻壤均霑實惠以副朝廷優軫綏黎氓至意○諭戶部山東比年歉收民生饑饉朕焦勞宵旰未嘗晷刻少釋於懷康熙四十一年錢糧既分別減免帶徵又停四十二年徵收蠲四十二年額賦截漕

東華錄 康熙七十四 五

平糶發帑賑濟遺用多員分道贍養有就食京城者復設廠煮賑命滿漢官員資送回籍給以籽粒之需然後民間漸有起色今歲幸風雨和調二麥畢登秋禾稔穰流移者悉返里閭復業者咸安耕墾朕於往來山東人員備加詢問深慰於懷但念被災之餘甫離重困若非大敷恩澤終不能遽底盈甯著將康熙四十四年山東省應徵地丁銀米等項除漕糧外通行蠲免務俾通省均霑實惠仍屬導小民樽節蓋藏期於比戶皆有餘蓄則於朕倦倦為民經畫之意可以無負矣○諭戶部朕南巡浙江見其農桑徧野戶口蕃殖閭閻氣象較勝於康熙三十八年巡幸之時朕心甚慰前此屢經蠲貸而車駕臨臨應更敷恩寬恤俾民生益加充裕當回鑾以後即擬免康熙四十三年額賦因山東急賑災荒遂爾少緩茲直隸各省皆獲有秋康熙四十四年浙江通省應徵地丁銀米

者多用法豈可如是原任工部郎中費仰楨於內外河分司之事不但侵蝕帑金凡諸弊端皆專擅而行諸大臣既不肯以此人應正法之處公同奏請反謂之情罪可矜朕今斷不寬宥凡人出身爲筆帖式即思盡忠效力日後始可用爲大臣費仰楨各處差遣惟知貪賄竟不爲國家效力如留此等人將於何處用之費仰楨著改情實○己酉轉梅錫爲兵部左侍郎以曹鑑倫爲兵部右侍郎由內閣○辛亥吏部議覆四川巡撫能泰奏行取知縣請停其督撫保奏但將無錢糧盜案者一概行取引見候用應不准行上諭大學士等覽能泰此奏其中大有深意保奏行取知縣時不能無請託之弊且知縣等雖居官甚好若有錢糧盜案不使行取錢糧盜案之有無皆注在部冊可查嗣後督撫保奏之例著令停止即令該部於無錢糧盜案知縣內論俸每省行取三四員如此

東華錄

康熙七十四

八

比於江湖今知海戰之法者亦少矣此可不留意乎○戊午論大學士等凡人皆當立品筮仕之初即思干請於人其立意如是則他日將何所望哉儻自爲筆帖式之日即有急公盡力之心何憂其不終致大位或有未仕之先早已債負盈積至入官後若不脫民何以償之國家名器豈爲此輩償債設乎朕於滿洲蒙古漢軍漢人視同一體善者即稱之爲善若治罪一概不恕也○禮部議覆朝鮮國王李焯將其國越境殺人金禮進等擬立斬該管人員擬革職流徒具奏應如所請上諭大學士等覽朝鮮國王奏章其所議甚爲敬慎周詳越境殺人者依該國王所議正法固其宜也其餘罪犯內尙有當恕者爾等可再酌原宥議奏凡外國之事輕忽者多處置少有不當即不能以服其心所關甚大朕必慎之而又慎焉○天津總兵官監理奏請於天津等處開墾水田上

東華錄

康熙七十四

九

論大學士等昔李光地請於直隸地方開墾水田朕以爲水田不可輕舉者蓋北方之水難於積蓄初任之官但當雨水有餘時見水之大遂以爲可種水田不知驟長之水即濬溝引入其涸固甚易也觀琉璃河莽牛河易河之水入夏皆涸則可知矣北方水土之性迥不同於南方朕往者西巡見晉省太原以南引水自高處灌入田中甚爲得法陝西甯夏哈密等處亦皆如山西種水田此皆按地方之形隨水土之性而作者也天津沿海斥鹵地方又非民田今藍理請開水田著交部議奏○湖北巡撫劉殿衡以刷印御書並藏書樓圖呈覽上諭大學士等湖廣省捐工建樓殊屬糜費凡車駕巡幸之處一切需用從不取辦於民而各省不肖官員指稱修行宮供備器物並建造御書碑亭等項名色輒行動用正項錢糧借詞捐還究無償補及至虧空數多復加倍私派科

歛肥己以致重貽小民之累種種弊端不可勝指嗣後著嚴行禁止○以汪霖為內閣學士由詹事遷○禮部遵旨將朝鮮國越境殺人案內該管官員分別原宥具奏 上諭大學士等內地被殺之人皆偷採人獲者非良民也即為內地擒獲亦當從重治罪但朝鮮國人越境而來殺人行劫法所必不可宥應將金禮進等立斬其該管官員當寬以處之李有白等俱從寬免罪朴錫昌等俱革職從寬免其流徒○諭徐潮為河南巡撫居官實好平易得體民無不稱頌之者朕西巡時經河南見州縣司道官內有衰老者朕即酌量革退徐潮亦少過寬耳觀李光地近日聲名較前稍減彼每被人欺誑大凡為督撫者一被人欺誑則權必旁移張鵬翔向有清名在河工亦甚效力但被屬員王謙等欺誑耳身雖不要錢子姪親戚在外指名取錢可謂自己不取耶為大臣者約束不嚴自

東華錄

康熙七十四

十

朕四十餘年孜孜求治凡一事不妥即歸罪於朕未嘗一時不自責也清夜自問移風易俗未能也躬行實踐未能也知人安民未能也家給人足未能也柔遠能邇未能也治臻上理未能也言行相顧未能也自覺愧汗何暇論明史之是非乎況有明以來二百餘年流風善政豈能枚舉其中史官舞文杜撰顛倒是非者概難憑信元人修宋史明人修元史至今人心不服議論多歧者非前鑑耶朕實無學每讀朱子之書見相古先民學以為己今也不然為人而已之句罔不心悅誠服又讀孟子盡信皆則不如無書益見史官上古不免訛傳況今人乎班馬異同左國浮華古人以為定論孔子至聖作春秋有知我罪我之歎後世萬倍不及者輕浮淺陋妄自筆削自以為是朕觀凡天下讀書者皆能分辨古人之是非至問以時事人品不能一字相答非曰從來不與人往來即

東華錄

康熙七十四

十一

謂己不知之諉之他人可乎○諭朕嘗閱史書自古大臣得始終善全者少朕今御極四十餘年大學士衛周祚馮溥杜立德李蔚宋德宜王熙等俱得全功名而考終命者皆朕極力保全之所致也朕從不多生事但穆然清靜處之以和平故諸臣皆得享其福也○諭明史關繫極大必使後人心服乃佳宋史成於元元史成於明其中是非失實者多是以至今人心不服有明二百餘年其流風善政誠不可枚舉今之史官或執己見者宥之或據傳聞者亦有之或用稗史者亦有之任意妄作此書何能盡善孔子聖人也猶言知我者其惟春秋乎罪我者其惟春秋乎孟子又言盡信書則不如無書當今之世用人行政規模法度之是非朕當自任無容他諉若明史之中稍有一不當後人將歸責於朕不可輕忽也是以朕為明史作文一篇爾等可曉諭九卿大臣 御製文曰

災額賦有差
十二月丁卯朔調鄭昱為安徽布政使以何顯祖為四川布政使由湖北按察使遷○以侯居廣為福建按察使由四川道遷○壬申以布爾

賽赫申俱為左副都御史俱由郎中選 ○戊寅 上幸南苑行圍 ○己卯禮部議准湖廣學政潘宗洛奏湖廣各府州縣熟苗中有通文義者准與漢民一體應試從之 ○癸未予故原任禮部尚書杜臻祭葬 ○乙酉以徐櫬為湖北按察使由江西額南道選 ○戶部議准天津總兵官監理奏直隸沿海曠地豐潤寶坻天津等處窪地可做南方開為水田栽稻一二年後漸成肥沃臣願召募閩中農民二百餘人開墾一萬餘畝儻可施行召募江南等處無業之民安插天津給與牛種將沿海棄地盡行開墾限年起科又臣標兵皆依前朝屯衛之制入籍力田亦可以節省兵餉從之 ○丙戌以河工告成加河道總督張鵬翮太子太保餘加級給獎有差 ○予故吏部左侍郎姜櫛祭葬 ○戶部等部議准湖廣總督喻成龍奏紅苗歸化應將辰沅靖道移駐鎮筵添設同知通判巡檢吏目等員專理東華錄 康熙七十四 十一

苗務歸辰沅靖道轄嗣後武職不許干預苗犯輕罪者聽土官發落犯命盜重罪者土官拏解道廳審明擬罪五寨司土官應聽廳官管轄地方有逃盜之事土官一併處分將麻陽縣儒學訓導移駐五寨司就近訓導五寨司等處設立義學聽苗民肄業苗寨有互相仇殺視其聚眾多少並該管土官俱分別治罪從之 ○戊子 上還宮 ○甲午以 御製詩集賜羣臣 ○是歲朝鮮來貢 ○人丁戶口二千四十一萬二千三百八十田地山蕩畦地五百九十八萬七千一百九十六頃六十二畝有奇徵銀二千七百四十一萬六百六十八兩有奇米豆麥六百九十七萬一千一百二十二石有奇草二百八萬一千六百九十三束茶十五萬七千四百八十五引行鹽四百三十一萬九千四百七十六引徵課銀二百六十九萬七百二十九兩有奇鑄錢二萬三千八百六萬五千九百

有奇

東華錄

康熙七十四

十一

東華錄

康熙七十五

臣王先謙敬編

臣周瀚著恭校

康熙四十四年乙酉春正月戊午賜諸王大臣及官學古文淵鑑
 ○諭吏部戶部兵部工部前黃河之水往往倒灌清口者皆由仲
 莊開與清口相對駱馬湖水勢湍急遂偏黃流灌入清口朕視河
 時躬臨相度命河臣移仲莊開改建於楊家莊出口工竣之後河
 臣報稱黃水暢流入海絕無倒灌清口之患朕尚未經親閱今欲
 特洩其地察驗形勢用籌善後之規其中河黃河運河有應加修
 防者亦隨宜指示以圖經久至於山東省薦饑之民賴兩年來極
 力賑贍繼以有秋幸皆得所其民間生聚果否殷阜並於沿途親
 行周覽焉○庚申以常舒為理藩院尚書調希福納為吏部右侍
 東華錄 康熙七十五

二月乙丑朔 上還宮○丁卯河道總督張鵬翮奏請修理徐州
 城外隄岸得旨徐州逼近黃河城外石隄工程甚屬緊要著即行
 修理○以法特哈為盛京戶部侍郎由大理寺卿遷○王申諭大學士等
 昨御史黃秉中條奏行取知縣即以科道用似為太過此言頗當
 滿洲漢軍俱從郎中員外郎始升科道漢人則以行取知縣即升
 實屬不均爾等將黃秉中條陳交九卿議奏○癸酉 上南巡啟
 變○辛巳諭大學士等原任刑部右侍郎勵杜訥向在南書房效
 力二十餘年為人敬慎積有勤勞並無過譴其品級雖不及子諡
 之例曩者原任侍郎沈荃曾經子諡今勵杜訥亦著賜諡爾等會
 同禮部議奏尋子諡文恪○壬午 御舟泊靜海道官奠刑部侍

郎勵杜訥墓○丙戌 上入山東境山東紳衿軍民數十萬執香
 跪迎道左合奏山東連年饑饉蒙 皇上截留漕運分疆散賑動
 內帑數百萬兩遣官四五百員分派各州縣賑濟至地丁錢糧前
 後屢行蠲免通省億萬民命始得復生無不垂涕感激 御舟已
 過猶瞻仰不已焉○庚寅諭大學士等總河張鵬翮昨日來問以
 河工形勢河事已大治矣從前駱馬湖口設竹絡壩湖水大則從
 壩流入黃河河水大則溢流入壩內今竹絡壩止有湖水暢流黃
 水並無浸灌則黃水之深通可知初次到江南時船在黃河兩岸
 人煙樹木皆一一在望康熙三十八年則僅見河岸四十二年則
 河去岸甚低是河身日刷深矣自此日深一日豈不大治聞下河
 連年皆大熟亦從前所未有也又諭朕不意山東之民速能如此
 前者南巡見閭閻失所不堪屬目今服飾顏面大異往時聞各官

東華錄 康熙七十五
 賑養亦善此由承平日久國帑富饒故能蠲數年錢糧遣官贍養
 賑濟耳凡罹災荒儻豫行奏報無不可賑救者止因山東各官匿
 災不報故大致饑饉向日陝西饑荒亦由於匿不報聞朕曾以地
 方官匿災不報之故詢之於民皆言民一罹災朝廷即蠲歲賦賦
 一蠲則火耗無徵故地方官隱而不報也自古弊端匿災為甚誠
 豫為奏報即設法賑濟矣民豈遠至饑饉耶○命募民墾湖北荒
 地無力者官給牛種○壬辰子故原任左都御史李相祭葬○甲
 午 御舟泊濟甯浙江巡撫張泰交以浙民望幸奏 上允其請
 三月己亥諭山東巡撫趙世顯朕為兩河告成特來巡閱道經山
 左見民生自去歲休養之後漸有起色朕心甚慰夾岸黃童白叟
 懼呼載道感恩叩謝者日有數十萬今仲春之時麥苗未長未致
 妨農儻回鑾之際正值農忙麥秀恐妨稼穡爾即曉諭百姓概免

叩謝各務農事可也○庚子 上入江南境江南紳衿軍民夾道跪迎奏稱 皇上軫念萬民罹於水患屢臨河上指示修築黃淮方略故能不告成功永無衝決之虞今復謀及萬全務期善後不憚跋涉之勞為小民閱視河道亘古未有感恩叩謝歡聲雷動○壬寅 御舟渡黃河閱楊家莊隄閘○乙巳 上駐蹕揚州諭河道總督張鵬翮河工已經告成善後方略更為緊要朕今親臨閱視修建天妃閘甚當備黃水長至五六尺清水不長勢弱不敵黃水自然倒灌亦必至之理豈可因此即謂治河失策乎若遇倒灌即將天妃閘暫時下板蓄清水全力敵黃不過數日黃水即退過糧船過時即起板開放若黃水不灌入不必下板其惠濟祠一帶雖建有石工但運河與黃河止隔一綫之隄若黃溜衝刷石工恐不足恃著於上下適中之處相度形勢修建挑水壩三四處挑

東華錄 康熙七十五 三

溜開行其王公隄亦應相度形勢修建挑水壩運河東隄保守最為緊要隄岸應行加幫高郵迤南湖水勢相平界首迤南河水高於湖水東西兩岸卑薄應加幫修著量建石工淮安近城隄岸卑薄之處亦應相度形勢修建石工黃河南岸隄工關緊要應加謹修防至於直隸山東河道與總河相距甚遠應照河南例各交與該省巡撫就近易於料理其楊村通判並無經管之事應行裁去爾會同行在九卿速議以聞○丁未河道總督張鵬翮會同行在九卿遵旨議覆淮黃兩河形勢黃水漲時勢必倒灌彼時惟應遵旨暫下天妃閘板蓄清水之力以敵黃若黃水不倒灌則不必下板至糧艘過即當啟板開放其惠濟祠一帶隄岸准黃夾流之處所關甚鉅亦應遵旨於扼要處酌量建挑水壩三四處至王公隄亦應建挑水壩保守運河東岸之隄最屬緊要應遵旨加幫

界首迤南東西兩岸之隄及淮安近城隄岸卑薄處應建石工者量建石工至於直隸山東河道一應工程事務照河南例各交與該省巡撫就近料理其楊村通判並無經管事務應裁從之○以梁世勳為山東按察使巡道由直隸○辛亥 上駐蹕蘇州蘇民數萬人以恭逢 萬壽節羣跪行宮前奏進食品得旨朕因閱視河工巡訪風俗而來非為誕辰也且朕來時一切應用之物俱備自內府所過地方秋毫無犯今爾兆民中心篤至朕已知之即如朕受之矣爾等可攜去午時 上御行宮召河道總督張鵬翮及河工官員入諭曰今河工雖已告成不可不豫為修理防護以圖善後之策朕見淮揚一帶隄岸卑薄未甚堅固備不加保護以致衝決則淮揚地方百姓何以能堪爾等宜急籌之張鵬翮奏曰 皇上指示誠然臣當竭力以圖保守 上諭朕至清口見黃水倒灌因

東華錄 康熙七十五 四

以問爾爾報然不能答反稱不曾倒灌此即爾大臣毫不認錯處爾居官雖好卻為王謙張弼所欺王謙之劣迹河官及庶民盡皆知之爾獨特加信用李光地居官亦好但聽信楊名時虛飾道學之言往往誤事且惑於朝琦諸事聽從人皆稱朝琦為小巡撫凡督撫薦人初薦一二可用者後則不稱大約爾等用人皆多偏倚十室之邑必有忠信漢人內有優者則旗員內無一優者乎朕於旗下漢人視同一體善則用之不善則懲之爾等每有私心故多徇庇頃令河工應追錢糧著修世祿王謙張弼均賠部議甚明爾又奏請欲免其追賠開捐納以補原項此特因王謙亦在數中故希圖脫免賠補耳明係徇庇爾復何辭張鵬翮不能對又諭爾自謂居官清廉一介不取一介不與若謂一介不與爾則有一介不取則未必然取與不取惟爾自知之即司道官之耳目誰能盡

掩爾乃講道學之人道學以無私為本內有私則外行盡屬虛飾
曩者直隸年歲少歉原任巡撫沈朝聘曾奏民食粗糲故臣亦食
粗糲朕謂沈朝聘曰爾之食粗糲者不過在百姓面前耳若在署
中豈亦然耶即果食粗糲不能有濟民生亦何益哉往往有人動
輒告天自稱無私若果無私天自知之何告之有其告天者即私
也朕見爾標下兵丁並無勸賞久疏操演以致隊伍不齊軍容不
振兵可百年不用不可一日不備兵既如此備至用時何堪驅策
與其徒充虛目糜費錢糧不如即奏請裁汰王應統先任利民路
參將時鈐束兵丁尚有可觀及補授爾標下副將習成意既後升
懷慶總兵官軍務遂廢弛矣爾之兵丁經年不曾訓練無非為節
省計耳然有當節省者亦有不當節省者果當節省者朕亦嘗節
省至於應蠲應賑及應恩賞之處朕曾不惜數百萬金此天下人

東華錄 康熙七十五年 五
所共知也至目下河工不可即謂之成俟一二年後方知爾須盡
心籌畫為善○諭江南江西總督阿山等內廷供奉諸翰林雖皆
善書但朕勤心典籍卷帙繁多見在供奉人員繕寫不給爾等出
示傳諭安徽江蘇舉貢生監等有精於書法願赴內廷鈔寫者赴
爾等衙門報名至浙江亦照此傳諭朕親加考試○甲寅賜扈從
大學士馬齊等皇輿表○己未 上駐蹕松江○辛酉閱江甯松

江各標官兵射○壬戌諭提督江南學政張廷樞朕比臨幸松江
道經青浦據該邑貢監生員孫鉉等奏稱青浦之北地名孔宅自
漢時至聖苗裔避地至此奉至聖衣冠環壁葬焉懇請頒賜匾額
朕念孔子乃萬世之師既有遺迹亟宜表彰因於萬幾之暇親書
聖迹遺徽匾額以示尊崇先師之意可選良工摹刻懸挂○諭大
學士等原任禮部侍郎高士奇在內廷供奉有年其品級不應予

諡朕軫念舊臣原任刑部侍郎勵杜訥已照侍郎沈荃例子諡今
高士奇亦應予諡以示特恩爾等會同禮部議奏尋大學士等會
同禮部擬諡請旨得旨高士奇著諡文恪○諭江南江西總督阿
山江蘇巡撫宋犖朕為兩河告成楊家莊新河建閘特來閱視爾
等同地方士民再四懇請故渡江而南見百姓雖不能比戶豐饒
幸安居樂業無憔悴之色朕心少慰矣編氓皆朕赤子休息培養
已數十年民雖至愚亦所深悉所以扶老攜幼日計數萬隨舟擁
道歡聲洋溢者皆由中而發非假飾也但人多路隘菜蔬苗麥瀟
漫田野不能保其無損朕甚惜焉爾等即出示曉諭萬勿踏壞田
禾有負朕恤民之意

夏四月丙寅 上駐蹕杭州○戊辰閱杭州官兵射○己巳諭大
學士等原任翰林院侍讀徐倬年逾八十學問淵博可特授禮部
東華錄 康熙七十五年 六
侍郎銜以示優獎之意○庚午諭福建浙江總督金世榮浙江巡

撫張泰交福建巡撫李斯義朕車駕臨幸之地必大沛膏澤下逮
黎元而各省錢糧屢次遞蠲浙江本年地丁銀米又經全免無可
加恩惟是刑獄為民命攸關朕每當重罪奏讞之時常深矜恤今
乘輿所至父老子弟夾道歡迎而身陷囹圄之人自新無路朕甚
憫焉浙江福建兩省康熙四十四年四月初八日以前凡罪犯詔
款不應赦者不赦外其餘死罪以下已發覺未發覺俱著減等發
落康熙四十三年秋審奉旨監候緩決者一併減等發落仍開具
人數奏聞爾等其體朕為民巡省布德好生之意即詳慎察明遵
行○癸酉 上回鑾○甲戌以金培生為四川按察使由陝西潼
商道遷
○戊寅 御書至德無名額懸吳泰伯廟○己卯 御書濟時良
相額懸范仲淹祠堂讓德光前額懸吳季札廟坡仙遺範額懸蘇

軾廟○乙酉 上駐蹕江甯○丙戌遣尚書徐潮祭明太祖廟○
 己丑命安徽江蘇人犯照浙閩例康熙四十四年四月二十六日
 以前死罪以下俱減等發落○閱江甯官兵射○ 御書兩江道
 愛額懸原任江南江西總督傅拉塔祠堂諭江南江西總督阿山
 等朕昨往雨花臺見原任總督傅拉塔祠堂傅拉塔居官甚好其
 參劾之人雖多總無怨者大有氣節實心效力朕因是特書匾額
 賜之爾等刊畢可親懸其祠堂此匾額之字宜善加封裹給與其
 子○諭江南江西總督阿山曰江西巡撫李基和甚為粗鄙不知
 禮節帶往京師學習浙江布政使郎廷極人材優長可署江西巡
 撫卽作速行文郎廷極令其卽行赴任○庚寅 上自江甯府啟
 行至明太祖陵導引官引向中門 上命自東角門入曰此非爾
 等導引有失特朕之敬心耳既入率諸皇子及大臣侍衛等行禮
 東華錄 康熙七十五 七

○辛卯 上駐蹕金山江天寺○壬辰 上御行宮門外內大臣
 侍衛內閣部院大臣翰林及江南文武等官皆侍立諭河道總督
 張鵬翮爾前因衝決時家馬頭參修世祿一案於阿山徐潮勘奏
 後具奏強辨爾又請開河工捐納抵補事例明係脫卸屬員王謙
 等凡人既讀書先要辨明公私二字凡事從公起見方可以服人
 爾之名節關係固重修世祿之身家關係獨不重乎王謙為人刻
 薄人人怨憾爾卻偏信任其恣意妄行以致人心不服爾常云非
 堯舜之道不敢陳於主前如此行事豈得謂堯舜之道朕非不知
 爾在河工能任勞苦但聽信屬員流於刻薄從來大儒持身接物
 當如光風霽月爾平時亦講理學乃一味苛刻嚴厲豈所謂光風
 霽月乎况大臣受朝廷委任必須為國為民事事皆有責濟若徒
 飲食菲薄自表廉潔於國事何益耶○癸己 御書理明太極額

東華錄 康熙七五

懸周敦頤祠堂忠節不磨額懸陸秀夫祠堂寶晉遺蹤額懸米芾
 海嶽菴山高水長額懸焦先祠忠盡永昭額懸宗澤廟○乙未刑
 部奏原任吏部郎中陳汝弼原任溫處道黃鍾行賄作弊俱擬絞
 監候 上曰人有薦陳汝弼之賢能者故朕簡於眾郎中內特授
 選司郎中宜持身廉潔奉職敬慎而反侵偏堂官陵辱同輩凡事
 專擅率意恣行驕縱狂妄已極負朕眷待之恩有玷擢舉之意如
 受賄是實卽應置之於法以為眾戒若未經受賄則彼無罪亦應
 寬之著議政大臣九卿詹事科道會同再行嚴加確審定擬具奏
 閏四月乙未吉林烏喇將軍宗室楊福奏請吉林烏喇白都納等
 處動支庫銀買馬給兵丁牧養 上曰此事不准行朕屢以太僕
 寺之廠馬並茶馬賞給京師兵丁及各處駐防兵丁所以兵丁無
 賠馬之苦歷觀宋明之時議馬政者皆無善策牧馬惟口外為最
 東華錄 康熙七十五 八

善今口外馬廠孳生已及十萬牛有六萬羊至二十餘萬若將如
 許馬與牛羊驅至內地牧養卽日費萬金不足口外水草肥美不
 費餉而馬畜自然孳息前巡行塞外時見牲畜彌滿山谷間歷行
 八日猶絡繹不絕也○丙申 御書正誼明道額懸董仲舒祠經
 術造士額懸胡安國書院賢守清風額懸平山堂○癸卯 上登
 陸幸高家堰徧閱河隄諭河道總督張鵬翮曰康熙四十二年朕
 臨閱高家堰時爾奏石隄可於八九月間告成今已三年尙未完
 工萬一大水奄至恃此草埽詎能禦之張鵬翮奏曰必能保固斷
 然無害 上諭曰草埽俱經二三年矣腐爛沈塌者多猝遇大水
 事難豫料如不謹慎修築被水衝決枉費錢糧姑置勿論但去年
 已奏河工告成今年又奏衝決其謂之何爾須日夜謹守保護夫
 治河莫要於得人觀爾所用之人每多有失豈可倚任此輩分守

四五三

此隄耶爾等惟見清口之水流即以為功成不思防禦高家堰六壩之水泛溢則清水力弱而黃水必復致倒灌矣高家堰所關緊要宜謹誌之毋忽 上幸惠濟祠閱隄畢即坐於隄上諭大學士諸大臣及河臣等曰朕留心河道親閱者屢矣河之形勢必身歷其地始知成功之次第朕每至河上必到惠濟祠以觀水勢康熙三十八年以前黃水汎濫凡爾等所立之地皆黃水也彼時自舟中望之水與岸平岸之四圍皆可遙見其後水漸歸槽岸高於水今則岸之去水又高有丈餘清水暢流偏黃竟抵北岸黃流僅成一綫觀此形勢朕之河工大成矣朕心深為快然○乙巳諭河道總督張鵬翮惠濟祠前植標杆處可建挑水壩祠後埽灣處亦宜建挑水壩以保淤灘但此二處挑水壩俱不宜太長恐偏水盡向北岸有礙楊家莊口門至卞家汪舊壩修建甚佳再略加寬

東華錄 九
 康熙七十五
 長更善○丙午 上登陸閱視黃河九里岡諭河道總督張鵬翮河工積弊汎官利於隄岸有事修建大工得以假冒河帑又希圖修橋建閘興無益工程於中取利著嚴飭各官痛改前非加謹修防儻有故違定行正法以示懲戒其地方有司官員漠視河工致有貽誤者爾奏參到日將地方官亦行正法河官平時須豫備物料以為不時修防之需若物料不備遇工程險要倉皇無措雖將該管官重處亦屬無濟又諭九里岡隄工修理得法不似從前直埽不能挑溜今修魚鱗埽逐段挺出偏溜開行使窪處漸淤於此處甚善其埽工釘椿處可再建挑水壩二座若恐水淺則先建磯嘴壩形出水俟其壩下漸淤層次加修則料不加多而功易成○庚戌以穆丹為戶部右侍郎由詹事遷○癸丑命山東照江南浙閩例死罪以下囚俱減等發落○甲寅 御舟泊故城縣娘娘廟諭河道

總督張鵬翮山東運河轉漕入京師關緊要不可忽略朕來時閱視隄岸不堪今回鑿時計期兩三月而隄工修理甚屬堅固嗣後當照此加謹修理不可因朕已經閱過致有懈怠爾宜識之運河各閘照依漕規啟閉有官員經過不許徇情擅自開放洩水以致漕船稽遲違者朕決不宥○乙卯 御舟過景州之安林諭河道總督張鵬翮河工關緊要朕閱視已畢爾即自此回任至河標兵丁多而無用著畱一千名其餘一千六十一名俱裁去○丙辰以舒蘭為內閣學士由內閣侍讀學士遷○辛酉 上還京師○壬戌調侯居廣為四川按察使金培生為福建按察使

五月乙丑議政王大臣九卿遵旨覆審原任吏部郎中陳汝弼一案擬陳汝弼立絞黃鍾仍照前擬絞監候 上曰陳汝弼並不招得財即擬正法人心豈服聞此事左都御史舒輅獨擅行之又聞

東華錄 十
 康熙七十五
 陳汝弼曾出私書三封並不察訊此係何故召議政大臣領侍衛內大臣侯巴渾德等入問之巴渾德等奏曰陳汝弼雖出私書三封因無甚情弊故未寫入奏內鞫審時三法司官員取供舒輅復加改削 上曰朕所聞不爽其緣事者及審事大臣官員著於初六日早俱集暢春園朕將親鞫之○戶部奏茶馬差員應撥官更替得旨茶馬事務不必差官著甘肅巡撫兼管○丙寅諭大學士等李基和自江西紆道浙江又徑往蘇州不前進迎駕不敬殊甚且問以地方諸事一無所知大玷厥職著革職拏問嚴行擬罪具奏又諭戶部侍郎庸愛王紳居官貪墨著革職副都御史傅作楫為人狂妄聲名甚劣著革職安插奉天○丁卯召議政大臣大學士九卿入問曰爾等議陳汝弼之事擬以死罪以何為據禮部尚書席爾達奏曰陳汝弼雖未招認黃鍾親書口供及其家人口供

1. 270 冊 續修四庫全書 第 30 版 反內

甚明因坐之罪刑部尚書安布祿奏曰曾以黃鍾親書口供及其家人口供俱示陳汝弼陳汝弼不對因坐之罪左都御史舒略奏曰陳汝弼見黃鍾口供及其家人口供並無一言有招認形狀因坐死罪臣等意見不到不能明晰有何辨處 上曰朕所委者乃人命攸關之事爾云意見不到則必何事爾方見到耶召陳汝弼入問曰爾事若何一切俱應實奏陳汝弼奏曰臣無辜抱屈總不出 皇上睿鑒之中更復何言 上曰明係爾辦事有失豈可言無辜抱屈專主此事之堂官司官為誰陳汝弼奏曰三法司堂官司公同鞫審無專主者 上命陳汝弼出令侍衛吳什楚宗侍衛穆和倫等問黃鍾爾口供招認顯然今尙有何辨處黃鍾供稱一日之中夾訊六次兩足俱折因銜冤親書供招是實侍衛吳什等以黃鍾供詞回奏 上命刑部侍郎常授取黃鍾親書口供及陳汝弼出首王原等屬託私書三封閱畢謂常授曰陳汝弼並無口供即擬以罪而汝無一言何也又諭大學士等曰此事除前審三法司堂官外著交議政大臣及九卿再審具奏○庚午吏部奏原任大學士吳璵員缺開列請旨得旨舊例大臣病故必俟其靈柩回籍方請補授乃眷念大臣之意也今大學士吳璵身故尙未發引何亟亟乃爾本著發還○壬申諭大學士等朕頃者南巡見直隸山東兩省販私鹽鑄私錢者甚多此二事大不便於民傳諭該部嚴行禁止○癸酉轉穆丹為戶部左侍郎以巴錫為戶部右侍郎由雲貴
○以姚諧為安徽按察使由山東東
○乙亥轉范承烈為戶部左侍郎以汪霽為戶部右侍郎由內閣
○以汪晉徵為左副都御史由順天府
○戊寅議政大臣九卿遵旨再審原任郎中陳汝弼一案查陳汝弼雖未受賄但有錯用黃鍾之處應議處已

經革職無庸議將原審三法司堂司官分別議處具奏得旨舒略王原等著革職勞之辨李先復顧汧赫申馬希爵塔進泰著各降三級調用安布祿下永譽常授著各降三級敦拜傳繼祖常舒王揆吳涵著各降二級俱從寬留任餘依議○倉場侍郎辛保緣事革職○己卯諭官員薦舉卓異關繫激勸大典所列事蹟期有實濟於地方百姓開載虛文無益嗣後薦舉卓異務期無加派無濫刑無盜案無錢糧拖欠無虧空倉庫銀米境內民生得所地方日有起色方可膺卓異之選其他所開虛文俱不必入可會同九卿定議具奏○予故保和殿大學士吳璵祭葬諡文端○庚辰以貝和諾為雲南貴州總督由兵部右
○辛巳諭大學士等嗣後蠲免新年錢糧如並免積欠則帶徵俱免如止蠲本年錢糧無免積欠之旨則所有舊欠錢糧俱於次年徵收蠲免之年概不得開徵永
東華錄 康熙七十五
著為例○大學士等遵旨覆奏臣等將卓異官填注款項問九卿據云 聖諭誠然卓異官員原不應填注虛辭但應注不虧空倉庫錢糧地方無盜賊省刑罰數條 上曰著照此永遠為例○以張廷樞為內閣學士由翰林院侍
○乙酉以滿闢為兵部右侍郎由內閣
○丙戌 上巡幸塞外啟鑾○是月免江蘇吳縣臨湖坍地通賦
六月甲午以原任江西巡撫張志棟為大理寺卿○以管燭忠為浙江布政使由貴州按
○吏部議覆御史黃秉中奏漢人由知縣歷俸三年即准考選科道似覺太驟嗣後應將行取知縣到部引見後以各部主事挨班補用遇考選時方准考選至初任之中行評博亦俟伊等升任後始准考選科道考選時將正途出身之六部郎中員外郎主事中行評博及翰林院編修檢討一同開列聽

候簡用從之○戊戌以趙世芳為工部右侍郎由內閣學士遷魯湖為內閣學士由盛京禮部理事官遷○癸卯以阿琳為貴州按察使由福建巡海道遷○丙午以彭會淇為內閣學士由少詹事遷○停廣東開礦○癸丑子故工部右侍郎程文彝祭○刑部等衙門奏原任江西巡撫李基和詢以地方事務茫無知識溺職已甚恭逢 聖駕南巡不由正途迎駕紆道浙江又徑住蘇州不即前進殊屬不敬應將李基和照不敬律立決得旨李基和從寬免死著枷號三箇月鞭一百給與該管王為奴○丙辰 上駐蹕熱河○御書畫忱義烈額賜殉耿逆難原任建昌府知府高天爵從其子工部員外郎其佩請也○己未以安徽布政使施世綸為太僕寺卿

東華錄

康熙七十五

十一

東華錄

康熙七十六

臣王先謙敬編

臣周瀚蕃恭校

秋七月辛未以李法祖為安徽布政使由浙江按察使遷○壬申河道總督張鵬翮奏今夏淮黃並漲水勢洶湧以致古溝唐埂清水溝韓家莊四處隄岸漫缺得旨今春朕欲親閱高家堰張鵬翮奏稱隄岸工程俱完又時當炎暑蚊蚋正起求停止親閱懇奏再四朕以高家堰關繫甚大親往閱視見石隄尚有未完之處所下之埽已經二三年者朽爛亦多將此情形一一指示張鵬翮及河工諸臣朕又諭張鵬翮大水時發難以豫料爾務須晝夜防護至分守隄工人員委用不當朕亦諭及今古溝唐埂清水溝韓家莊四處隄岸衝決河工將有復壞之勢大小河員惟知清水暢流為己功而不知高家堰之六壩水洩太多則清水力微黃水必復倒灌也此事著九卿詹事科道速行會議具奏至田禾民舍有無淹沒之處著該督撫等各行速報 上問大學士馬齊曰此決口俟水一減即星速開工今年可以完否馬齊奏曰補築零星之處年內可完若築決口年內未必能完 上曰數日朕為茲事殊覺憂悶今春親巡南省山東運河之隄並未修築朕自江南還山東河隄已完以此揆之工作果勤所需日月亦無多也○丁丑以武國楹為浙江按察使由湖廣岳常道遷○乙酉刑部議覆湖廣總督喻成龍奏湖廣提標營兵王漢傑等聚眾搶劫應將王漢傑等擬斬監候其該管各官並不知情應免議查此案該督引律不合又不參劾該管各官應駁回得旨凡管理兵丁將弁必平素約束軍伍禁令嚴明兵丁始克遵法紀地方無事王漢傑等糾集三百餘人在城中搶掠

當鋪又於城外執旗蠶勒索府縣官印結該管將弁何得稱為不知伊等所司何事况因此案已將總督提督等俱行治罪今喻成龍不知各營武弁職審明白輒以並不知情徇庇具奏殊屬不合喻成龍著該部嚴加議處此案遣郎中吳進泰前往究審具奏○丙戌古北口提督馬進良奏請以昌平營參將吳開圻補授石匣副將王朝輔員缺 上諭大學士馬齊石匣副將之缺要職也參將吳開圻其人僅可而已不當授之張家口副將師懿德乃原任總兵官師帝賓之子人材健壯可用著調補又諭王朝輔甚可惜人材矯健所學亦佳遺奏皆其手書居官之善石匣兵民無有不稱之者至師懿德之父師帝賓人材亦矯健佛倫為總督時密奏彼騎射不堪請劾之朕諭曰師帝賓謂之營伍不整或不可料如言其騎射彼為三屯營副將時騎射之佳大臣侍衛皆知之不可

東華錄

康熙七十六

二

事失宜而不良之人又與之為黨事無不債矣 上諭曰李光地受朝琦楊名時之累張鵬翮受王謙等之累皆此故也今張鵬翮所用之人皆不可用河工甚要爾等宜留意馬齊奏曰張鵬翮所用之人並不諳河務緊要之事仍須殷實旗員始能倉卒立辦上諭曰凡人必試之而後知張鵬翮多疑今即遣旗員前去未嘗一試而張鵬翮早疑其不清人亦何心為彼效力夫高家堰之隄全當洪澤湖之水開六壩雖民田畧有衝沒淮揚地方斷無可虞如以為利益民田而閉六壩萬一大水驟漲而隄決淮揚大有可虞矣是以前總河靳輔開六壩以注水張鵬翮但知閉六壩則運河民田均有益而不知為淮揚之大患高家堰之所關甚為緊要也○辛卯九卿等遵旨議覆今年伏汛水漲衝決古溝等處隄工皆由河道總督張鵬翮平日徇庇延緩自執己見所致應交吏部嚴加議處從之

東華錄

康熙七十六

三

劾也佛倫終劾師帝賓而佛倫之名亦於此壞矣佛倫又密奏趙良棟不可使居甯夏乞召往京師居之後趙良棟來京朕命彼歸原籍趙良棟奏曰有人奏言不可令臣居甯夏臣不便歸故士因問何人所奏趙良棟言佛倫以其密奏告之索額圖而索額圖告臣以此觀之人之無信無恥未有如佛倫者矣凡督撫提鎮密奏之事皆朕親手密封發回朕躬之外即左右人亦不得見隻字此皆體密奏者之心而重其事之意且一概密奏之事朕但使作好官愛百姓就彼所奏之事加之訓諭而已並未嘗一次批云保此人劾此人也佛倫自行密奏而反妄以告人是忘禍而樹仇矣猶可比之人數乎朕觀古來為人臣者牽於黨類而僨事者多既屬同事不知規諫但相咬怨而為不良事何以濟馬齊奏曰 聖諭誠然 皇上至公無私是以處事皆當理大小臣工多私是以凡

諸蒙古皆列盧帳攜婦子捧羊酪等物跪於道側迎駕察哈爾蒙古奏曰累世受 皇上天高地厚之恩馬與牛羊皆得蕃息男女老少俱享安樂於盛世巴爾虎蒙古奏曰我等係絕域微末之人蒙 皇上收恤養育又無差徭今各得其所矣厄魯特蒙古奏曰我等原係負罪不赦之人蒙 皇上如天好生特為免死又沛洪恩編入旗伍安插牧地賜以牲口五六年閒牲口蕃息生計豐饒隆恩如此不能仰報於萬一也

九月乙丑賜從官馬及牧羣察哈爾巴爾虎厄魯特等銀幣○丙寅理藩院奏和托輝特旗下所屬穆庫爾等請以故貝勒根敦戴青養子博貝承襲父爵議不准行得旨根敦戴青貝勒之爵曾襲與伊親子松津僧額松津僧額病故已將其嗣子博貝從侍衛授扎薩克一等台吉管本旗事矣今屬下人員又叩請以博貝承襲

東華錄

康熙七十六

四

念根敦戴青向者征噶爾丹甚為效力著授博貝為輔國公○丁卯吏部奏河道總督張鵬翮於河工事務並不盡心豫為籌畫以致隄岸衝決殊屬溺職應革職得旨張鵬翮著革職留任○丙子上還京師○庚辰工部左侍郎色德禮以病乞休允之○壬午兵部議覆原任湖廣總督喻成龍奏湖廣南北各土司子弟中有讀書能文者注入民籍一同考試從之○癸未 上御經筵○甲申以希福納為左都御史由吏部右○以范時崇為廣東巡撫梁世勳為山東布政使葉九思為山東按察使由直隸○乙酉以杜敏為吏部右侍郎由一等○轉穆和倫為工部左侍郎調巢可托為工部右侍郎由盛京刑部侍郎調○是月免江南泰州湖廣沔陽等二十七州縣衛水災額賦有差

冬十月辛卯朔重修華陰西嶽廟成 御製碑文○甲午諭工部

東南要務莫重於河防自兩河衝決黃流淤墊繼以高堰唐堰六壩久決未塞而洪澤湖水從決口旁洩致淮水力弱黃水倒灌全河幾至潰壞於是分遣廷臣發帑金數百萬增築高堰並閉六壩俾淮水全注清口又特築挑水壩以偏黃溜趨向北岸仍開濬陶莊引河以導黃北流然後黃水無倒灌之患康熙四十二年以河工漸可底績躬親臨視時高堰石工尚多未竣飭令迅速修築又因仲莊開水勢湍急恐偏黃流倒灌清口遂命閉仲莊開改建楊家莊開閘工既成今年春復往巡閱比至高堰見石工仍有未完舊壩亦多朽塌諄諭河臣張鵬翮謂水勢無常修防宜豫一有疏忽則前功盡隳且甫奏安瀾旋報衝決天下其謂之何張鵬翮猶奏稱隄工捍禦可以無虞迨伏汛大水驟發果衝決古溝唐堰清水溝等處淮揚一路田畝被淹者甚眾今已嚴飭堵塞決口剋期

東華錄

康熙七十六

五

竣工朕屢親莅河干詳度形勢當水漲之時若高堰及運河減水壩宣洩則閘閘隴畝必致淹傷方春水涸民間盡皆播種一經夏水驟漲開壩放流而所播之種悉被淹沒朕心惻然殊為不忍使不設法導流俾水有所收束則瀕河及下河民田究不免於水患朕再三籌畫宜於高堰三壩之下挑濬一河兩旁築隄束水入高郵邵伯諸湖湖外亦量築土隄不使漫溢其高郵減水壩下亦挑濬一河兩旁築隄束水由串場河入白駒丁溪草堰等河白駒等河淤淺之處並開濬深通俾之入海如此則各壩所出之水不至有渙散衝流之害又洪澤湖水勢大漲泗州盱眙等州縣俱被水災應於泗州一帶受水之地亦酌量築隄束水毋令汎濫則所全於淮安揚州鳳陽三郡民生者多矣此事原於河道無涉在河官止知保護河道不復詳計民生朕惟民間田畝所繫甚重宜圖萬

全可久之策築隄束水行之北河業有成效則施之南河當亦有濟應從何地築隄延袤若干里需費幾何行令江南江西總督漕運總督河道總督江蘇巡撫會同確勘詳議具奏○丙申以布爾賽為盛京刑部侍郎由副都御史遷○丁酉刑部左侍郎蘇赫納兵部左侍郎布雅努俱以老病乞休允之○辛丑諭大學士等甘肅布政使胡琦山西按察使巴哈布聲名俱不佳著來京以旗員用○甲辰轉滿闕為兵部左侍郎以殷特布為兵部右侍郎魯瑚為刑部右侍郎俱由內閣學士遷○乙巳大學士等奏請決囚上曰今年情實罪犯少著停止處決情有可矜各犯著分別覈議照例減等發落再各省秋審尚無可議朝審則太寬書云罪疑惟輕以其罪之情由有可疑之處而輕之也若無可疑則以公平為貴見在殺人之人情罪顯然又何所疑而欲從寬乎執法之人但當詳情據理

東華錄 康熙七十六 六

以定罪一味從寬則惡人何所儆戒可以此諭刑部○戊申以鄂岱為甘肅布政使由御史遷○壬子以舒圖為內閣學士由內閣侍讀學士遷○甲寅以舒赫德為山西按察使由御史遷○丁巳以董國禮為左副都御史由盛京禮部理事官遷○是月免直隸保安江南壽州廣東高要偏沅岳州等十八州縣衛水災額賦有差十一月辛酉朔以二鬲為內閣學士由詹事遷○授散秩大臣丹濟拉為扎薩克輔國公往推河策零旺布所居地駐紮同內閣侍讀學士殷扎納探聽策妄阿喇布坦信息如有舉動調附近喀爾喀兵馬防禦之○己巳吏部奏補授大學士吳璵員缺上曰吏部尚書兼管直隸巡撫事李光地居官甚好才品俱優授尚書年久著升為文淵閣大學士江蘇巡撫宋學操守好不生事任巡撫年甚久著升為吏部尚書○調趙宏燮為直隸巡撫由河南調○壬申大學

士等以鄂羅斯貿易來使齋至原文及翻譯之文進呈上諭大學士等此乃喇提諾托多烏祖克鄂羅斯三種文也外國之文亦有三十六字母者亦有三十字五十字者朕交喇嘛詳考視之其來源與中國同但不分平聲上聲去聲而尚有入聲其兩字合音甚明中國平上去入四韻極精兩字合音不甚緊要是以學者少漸至棄之問翰林官四聲無不知者問兩字合音則不能知中國所有之字外國亦有之特不全耳○癸酉大學士等以蠲免湖廣錢糧上諭進呈上問曰曾查此數年蠲免錢糧數目否馬齊等奏曰自康熙四十二年以來蠲免錢糧數目一千六百餘萬上曰自吳三桂變亂之後民甚艱苦故朕累年蠲免錢糧民生優裕則國家太平矣爾等可查康熙元年以來所免錢糧總數來奏尋大學士等奏查自康熙元年以來所免錢糧數目共九千萬

東華錄 康熙七十六 七

有奇報聞○諭戶部朕宵旰勤民慮思恩養惟務簡徵寬賦以期實惠黎元聞有州縣水旱不登即詔所司亟議蠲賑其直隸各省各歲應輸額賦有以次遞蠲者有頻蠲數年者有將帶徵積欠暫令停徵者凡以蠲除額賦專為小民樂業遂生一歲以內足不踐長吏之庭耳不聞追呼之擾庶幾休養日久馴至家給戶足而民咸得所也曩者楚省錢糧雖屢行豁免今已歷數載未經特蠲應將該省額賦全免一年以示朕加恩優渥之至意湖北湖南康熙四十五年除漕糧漕項外其餘地丁銀米一概免徵舊欠未完者並停輸納爾部移文該督撫令各飭屬員張示徧諭窮鄉僻壤咸使周知儻有不肖官吏於額徵之外巧立名色別有科派私圖肥己者察出定治重罪○甲戌國子監落成御書彝倫堂額○丙子工部議准河道總督張鵬翮奏王公隄當全黃大溜急宜建壩

築隄以固河防從之○戊寅九卿議覆差往江南審事戶部尚書徐潮等審革職山安同知佟世祿復行叩聞告河道總督張鵬翮一案一議張鵬翮巧飾供詞失人臣禮應革職但係革職留任之員無庸議解任淮揚道王謙附會張鵬翮蒙混巧飾山安同知裘陳珮欺隱實賠銀兩俱應革職杖徒佟世祿任內並無誑支庫銀遲誤工程之處應復原職又一議工部右侍郎趙世芳議張鵬翮奏銷錢糧浮冒十三萬餘兩應革職交刑部密結餘如前議上曰此案依前議張鵬翮量甚窄斷不肯認錯河工錢糧原不限數或一年水大則所需錢糧多水小則所需錢糧少謂張鵬翮小有所取亦未可知謂以十三萬錢糧入己必無之事也張鵬翮自任總河以來未嘗一遇大水今年黃水雖長而淮水未嘗長儻准黃俱長豈能無慮乎河工恃乎用人用人善則何事不成張鵬翮所用之人皆不勝事始至此也王謙裘陳珮等擬徒俟伊等賠銀償完之日具奏治罪趙世芳奏事不公本發還聞趙世芳為人好事而剛愎如此等事不利於事○河道總督張鵬翮奏臣遵旨閱看隄岸衝決民舍田地淹沒之處因五六月雨水連綿故致淹沒入七月後天晴水消漫口堵完高地涸出二麥已種房舍修理安堵又丁溪迤下洩水入海甚速低田皆涸春耕有望下所司知之○己卯以工部右侍郎趙世芳為鑲紅旗漢軍副都統○庚辰上謁 陵啟鑾○以汪顥為河南巡撫由內閣調于準為江蘇巡撫以陳誥為貴州巡撫由左副都御史遷○御書程氏正宗額懸楊時祠與學清節額懸羅從彥祠中和氣象額懸李侗祠霜松雪柏額懸胡安國祠紫陽羽翼額懸蔡元定祠學闡圖疇額懸沈祠力明正學額懸真德秀祠○乙酉 上謁 暫安奉殿 孝陵至

仁孝皇后 孝昭皇后 孝懿皇后陵奠酒○丙戌 上巡幸近塞○戊子設雲南廣南麗江二府學官置生員許土人應試十二月甲午以王之樞為內閣學士由少詹事遷周清原為左副都御史由太常寺卿遷○辛丑 上復謁 暫安奉殿 孝陵○以裕親王福全親至黃花山道諸王子大臣侍衛等往迎奠酒○壬寅裕親王福全安葬 上親臨奠酒舉哀○以阿璽泰為盛京戶部侍郎由京兵部理○甲辰諭大學士馬齊理藩院尚書常舒奏對時舉止輕忽殊失大臣體著革退這員缺以領侍衛內大臣公阿靈阿兼管○己酉 上還京師○增四川重慶府同知一榮昌南川二縣典史各一裁夔州府同知一朝天白市二驛驛丞各一○命賚宗室貧乏者○辛亥諭大學士等今年順天鄉試聲名不佳人或怨其不公又聞試卷不加圈點者甚多應試者各執落卷以示人又作草人至試官家門砍之觀其舉動人怨殆不可言矣果不圈不點可謂之閱卷乎想汪霽等亦無詞以對也朕在避暑處點汪霽姚士藹為正副考官以為出人意料朕親手封發當不復生弊矣由此觀之亦不在此但存乎其人之所行而已科場之設以為選擇人材之地於此事而行之不正雖學問優長何益之有汪霽姚士藹著解任以其考試聲名問九卿詹事科道至科道官乃朕倚為耳目而用之者也專在言職考官不閱試卷考試不公何不參劾亦將此問科道官尋大學士等遵旨以汪霽姚士藹鄉試事問九卿詹事科道等據九卿等云汪霽等考試不公不閱卷人皆怨之是實據科道云聞怨汪霽之言但無實據是以未曾糾參 上曰科場之事關繫重大其弊不可不除朕於此事大加詳慎著將汪霽姚士藹交該部嚴加議處○以彭會淇為工部右侍郎由內閣學

○是歲朝鮮琉球來貢○人丁戶口二千四十一萬二千五百六十田地山蕩畦地五百九十八萬八千九百三頃五十二畝有奇徵銀二千七百四十一萬六千六百六十八兩有奇米豆麥六百九十七萬一千一百二十三石有奇草二百八萬一千六百九十三束茶十五萬七千四百三十二引行鹽四百三十一萬九千四百七十五引徵課銀一百六十九萬七百二十八兩有奇鑄錢二萬三千八百六萬五千九百有奇

東華錄

康熙七十六

十

東華錄

康熙七十七

王先謙敬編

周瀚蕃恭校

康熙四十五年丙戌春正月己巳九卿議覆江南江西總督阿山等奏 皇上軫念國計民生特頒訓旨於高家堰三壩下挑河兩岸築隄束水入高郵邵伯湖其高郵州減水壩下亦挑河束水由串場河入白駒等河入海泗州一帶被災地方亦築隄束水不使泛溢竊查高家堰三壩其中隄相近見有唐漕等河應於三壩下各開引河一道兩岸築隄引水至唐漕河入寶應湖又查高郵運河減水壩之水自車邏等壩由馬飲塘入運鹽河出頭關由興化之車路白塗海溝過串場河下丁溪草堰白駒關入海除海溝河見今深闊直達白駒關不必開濬外應將車路河白塗河淤淺之處開濬深通俾之入海但高郵減水壩三座口門計寬一百八十八丈丁溪草堰白駒等關口門僅寬十一丈九尺恐一時異漲宣洩不及應自馬飲塘頭關口分水使北入廣洋湖至射陽湖下海再於泗州之西溜淮套開河使淮水分流兩旁築隄至黃家堰與張福口水合使出清口此工開成則淮河之水勢既分不但泗州盱眙積水消滅而洪澤湖之水不致泛溢亦有利於高家堰而漕糧商民船隻可免洪澤湖風波之險矣又查運河水漲時清江浦及淮安隄工猶有可虞應於文華寺地方開引河至運河水長之際使之分流自楊家廟由白馬湖楊家溝入清蕩湖至淮安城南所有濶河原係引運之河今當挑深其濶河下所有清溝河於康熙三十五年被黃水淤墊濶河之水流去者少淮安城內外積水尙出不盡應挑通此處使由蝦溝口入海以上諸工約計需銀一

百八十八萬餘兩事關重大伏祈 皇上親臨指示等語伏惟河工重大需餉浩繁上下兩河之工相距數百里所稱枵與溜淮套一工其中情形尤難詳晰不但臣等愚昧不知即該督等亦見識淺鮮不能酌議恰當若非 皇上親閱指示實難成功臣等公同叩請應如該督等所奏祈 皇上親臨河上指授方畧 上曰朕屢經躬閱河道凡河工利病地方遠近應分應合應挑應築之處知之甚明邇者數次南巡瀕河官民不無勞擾因此朕不必親往閱視阿山桑額張鵬翮等所看已屬周晰但此項工程不應交與總河修築應多派大臣官員分工速修著再加詳議具奏○癸酉九卿會議高家堰三壩下挑河築隄應如該督所奏興工其督工開列文武大臣俟 皇上簡選派出遣往至分工各官聽督工大臣簡選引見帶往仍仰祈 聖躬親臨河上指授方畧 上曰九卿之議謬矣此河應開之處朕前已詳閱輿圖所見甚明既無所疑往閱何為但該督等料估錢糧數目太浮宜令嚴減爾等會議但言當照該督等所勘興工並未開明如何動工及需用人夫之處所議草率著再議具奏九卿等覆奏 上諭極是此工緊要非臣等所能灼知雖再議亦無端緒務求 皇上親行始於事有濟上不允九卿等又奏 皇上屢次親臨河上不避風雨閱視隄岸原為萬世生民計也今所議河工關繫甚鉅務求 皇上親臨指授方畧 上曰朕不往巡亦因灼知地利之故朕為河務再四思維其他處河道開濬尚易惟開溜淮套需餉浩繁若果有益於民見在帑金充裕用一二百萬兩非朕所惜爾等其即議結具奏○己卯諭大學士等朕昔親臨河上欲往閱下河因張鵬翮奏言斷不可往是以中止今即去仍然不能親莅其地則亦何事復往

但河工錢糧斷不可交地方官當照山東賑饑之例將八旗官及部院官內有行止端正者令該旗大臣及部院堂官多行保舉派出再將江甯鎮江杭州駐防旗員亦著該將軍副都統保舉派出或副都統或協領帶赴工上其京城派出官員領戶部錢糧帶往各省派出官員各就近地領錢糧帶往可派大臣督理工程所派官員每人各給三千兩務令照三千兩工價分地開工如此始得河務速成有利民生著九卿再議具奏至高家堰隄工若不豫行修治必有可虞已有旨諭張鵬翮而彼堅稱斷無慮若今年不修治高家堰儻有衝決即開河何用此兩事中高家堰尤為緊要爾等可將諭旨付挑河大臣轉交張鵬翮一併議奏○壬午九卿等覆奏挑河事宜 上曰爾等所議尚有未詳至將情願往河工效力者名為捐助及其後皆無實際所欠銀兩皆朕豁免况前去人員亦甚放縱今挑河之事俱有丈尺稍有不實即誤公務而前去人員若行放縱尤貽害於地方爾等於嚴行禁止之處並未議及著再議具奏○乙酉九卿議奏高家堰三壩下及文華寺地方挑河建閘築隄又澗河清溝蝦溝挑河等工約估銀五十八萬九百兩零保舉八旗部院官共一百四十四員俱令引見江甯鎮江杭州駐防官共四十九員各撥副都統一員協領二員帶往協同監工其督工部院堂官伏候簡用速往興工京城官員領戶部庫銀江甯等處官員各於本省藩庫領銀每員派定三千兩計工均估務照式樣節省修築若招搖生事怠緩遲誤督工大臣及該督撫參奏嚴加議處有徇情隱庇事發將原保大臣督工大臣總督巡撫一併嚴加議處其雇倩人夫採買物料派地方官一同料理工完之日交總河防守至溜淮套開河需銀一百三十九萬餘兩

約畧估計甚屬浮多應交該督等覈減具奏另行請旨得旨依議
著孫渣齊徐潮鐵圖赫甲達爾華蔡毓茂前往督工○己丑吏部
遵諭議覆順天鄉試正考官戶部右侍郎汪霽副考官贊善姚士
嵩取士不公應均照溺職例革職永不敘用從之○是月免江南
上元等二縣上年水災額賦有差

二月庚寅朔以楊瑄為內閣學士由少詹事遷○壬辰刑部議覆差往

湖廣郎中吳進泰等察審提標兵丁搶掠當舖一案為首之王貴
等應斬立決為從之王漢傑等俱應斬監候原任布政使今升太
僕寺卿施世綸原任按察使董廷恩見任布政使董昭祚按察使
郎廷棟等俱應革職提督俞益謨應降二級調用上曰湖廣兵
丁原多良善後因武臣不能約束流弊至此豈可不嚴加懲治且
地方官不將此案審明延捱推諉朦朧具奏殊為不合著將兵丁

東華錄 康熙七十七 四

首犯王貴等依擬立斬從犯王漢傑等俱依擬應斬監候秋後處
決施世綸董廷恩董昭祚郎廷棟等俱著革職提督俞益謨居官
好且在事發之後到任著降二級從寬留任○癸巳 上巡幸畿
甸啟鑾○戊戌浙江巡撫張泰交以病乞休允之○以汪晉徵為
戶部右侍郎由左副都御史遷○辛丑先是擒厄魯特噶爾丹之子塞卜
騰巴爾珠爾至京 上赦其罪授一等侍衛至是命阿達哈哈番
覺羅長泰之女照鎮國公女例授為鄉君妻之授塞卜騰巴爾珠
爾為鎮國公壻○丁未 上次靜海縣閱子牙河隄○辛亥諭大
學士等侍郎阿璽泰派修馬家口隄工竟不在工所又不候駕於
減水壩殊不稱職著革去侍郎仍在河上效力○壬子 上還駐
南苑○甲寅以江蘇為左副都御史由宗人府府丞遷王然為浙江巡撫
由廣西布政使遷○丙辰京師地微震○丁巳詔羣臣言事修省闕失○

刑部議覆江南江西總督阿山奏參江甯府知府陳鵬年不將
聖訓供設吉地大不敬應將陳鵬年立斬得旨陳鵬年著革職從
寬免死來京在修書處效力○戊午 上還宮○是月免江西新
建等四縣上年水災額賦有差

三月己未朔以董國禮為盛京戶部侍郎由左副都御史遷滿普為陝西
按察使由給事中遷○福建巡撫李斯義奏報臺灣鳳山諸羅三縣旱

災 上諭大學士等臺灣地方窪下一遇亢旱即至歉收著將臺
灣等三縣糯米全行免蠲朕莅政四十餘年留心諸務無所不悉
見窪下之地旱則不收水亦鮮穫不若蒙古田土高而且腴雨雪
常調無荒歉之年更兼土潔泉甘誠佳壤也○庚申 上御經筵
○壬戌大學士戶部議覆據直隸巡撫趙宏燮天津總兵官藍理
奏若將直隸所屬荒田及下窪地開墾為水田實萬世無窮之利

東華錄 康熙七十七 五

請以江南等省軍徒人犯安插天津照丁給田令其開墾應交與
該撫等將直隸可以墾作水田之地一概查明令其開墾江南等
省軍徒人犯無多應不分旗民南北之人有情願開墾者亦令照
丁給與如有用官員捐助牛種耕種者三年後升科如自備牛種
耕種者六年後升科其田給與開墾之人為業該撫等將每年所
墾田數查覈奏聞 上曰此事著暫存貯可令藍理於天津試開
水田俟冬後再以此事奏聞 上又曰此處水田不比江南與甯
夏澤州等處相似大都特開溝以引河水今直隸河道處處俱通
若開通三河縣河亦可直抵薊州今朕欲挑濬清河此河一開於
右翼人眾亦大有利益也○甲子九卿等遵諭議覆一切政務皆
經 聖心裁酌次第舉行至詳至當實無應行更改之事且目前
節候方屆春深 聖懷如此殷切自當上召天和天大獲甘澍臣等

奉職無狀愆過甚多自今惟有交相儆戒精白此心仰副 皇上
 諄諄訓迪至意 上諭朕總理幾務甚久茲年歲日益夙夜乾惕
 與日俱增自去冬無雪及今春深尚未得雨地氣燥燥不和又雲
 色多細縷狀朕知之既晰豈可不降諭旨此非僅無雨且恐別有
 異災與其有災異而後講求不如君臣於未事之先將政事得失
 引為己責竭誠據忠詳加計議之為當也但數語頌揚虛言省改
 未可即以塞責夫民為邦本食為民命朕自東作以至收穫靡念
 靡甯迨秋成以後豐歉既定然後此心少釋別為計畫爾等俱係
 大臣或司言職事有缺失各宜直陳這所議未詳盡著再行確議
 ○丙寅九卿等復遵旨回奏今春稍愆雨澤上廬 宸衷深加儆
 慮皆由臣工奉職無狀致陽春氣候失調惟有自今以後滌慮洗
 心交相砥礪為大臣者果見部院事例或有未當毋得因循憚改

東華錄

康熙七十七

六

務竭公忠體國之誠居言路者果見吏治民生或有未宜毋得緘
 默苟容務盡嘉謨獻納之實儻有營私玷職尸位素餐即立賜處
 分以為曠官之戒得旨所奏已悉○諭大學士等朕觀前史如漢
 朝有災異見即重處一宰相此大謬矣夫宰相者佐君理事之人
 儻有失誤君臣共之竟諉之宰相可乎或有為君者凡事俱付託
 宰相此乃其君之過不得獨咎宰相也康熙十八年地震魏象樞
 云有密本因獨留面奏言此非常之變惟重處索額圖明珠可以
 弭此災矣朕謂此朕身之過與伊等何預朕斷不以己之過移之
 他人也魏象樞惶遽不能對當吳三桂叛時索額圖奏云始言遷
 徙吳三桂之人可斬也朕謂欲遷徙者朕之意也與他人何涉索
 額圖悚惶不能對朕之生平豈有一事推諉臣下者乎至於巴圖
 魯公鰲拜過必隆為圍地事殺尚書蘇納海總督朱昌祚巡撫王

登聯冤抑殊甚此等事皆朕所不忍行者朱昌祚不但當殺並
 不當治罪也朕覽 世祖皇帝實錄陳名夏劉正宗魏裔介等展
 轉參劾此皆明代之流習互相攻訐此等惡風不可長也○九卿
 議雲南貴州廣西四川四省員缺若本省無應委署之員則委鄰
 省附近官暫令署事俟部選官到日仍回原任 上曰如此議則
 官員到任仍至遲延令鄰省官署事則鄰省官少又至懸缺當照
 年滿千總分發各省候缺著將此四省見出知府以下員缺俱行
 察明單月掣籤補用至候補官員論省之大小缺之多少一省或
 十五人或二三十人均勻配算六歸單月一年一次掣籤分遣俟
 有缺出著該督撫指名按次補授一面報部如未有缺出暫給俸
 候補如此則員缺不至久懸於事有濟矣○丁卯以郭璵為左副
 副都御史由太僕寺卿遷○戊辰 上致齋命禮部禱雨○庚午諭大學
 士九卿等雲南巡撫佟毓秀先任布政使時尚優簡授巡撫以來
 居官不善著調回京另用 上問戶部侍郎巴錫曰爾向不曾薦
 佟毓秀為賢耶巴錫奏曰臣昔在雲南與佟毓秀同事七閱月見
 其辦事甚勤是以臣奏稱其效力 上曰朕凡有所問必當諸臣
 之前爾在眾人前稱奏佟毓秀之賢今但言會奏其效力待君之
 體可如是乎豈效力不謂之賢將不效力者謂之為賢乎○辛未
 以席爾圖為盛京工部侍郎由通政使遷○乙亥以雨未霑足復致齋
 祈禱○庚辰 上御乾清宮西暖閣讀卷官等以殿試卷呈進
 上諭讀卷官等朕考試八旗舉人騎射僅八十餘人即取中進士
 十餘人未免太過漢人舉人數千人僅取中一二百名進士凡事
 當以均平為善而條陳者但言增額不言減額爾等定議具奏又
 諭朕往江南閱河擇彼處生監善書者令隨至京師赴鄉試而主

東華錄

康熙七十七

七

考汪燾有心將此輩試卷另設一處既不閱文而屢請展期此即存私也凡試官當論文之優劣違計其他耶又諭數科以來狀元俱不甚佳韓奕學問雖優而不自檢飭頗好飲酒為禮部尚書時司官筆帖式俱藐視之王式丹亦不檢飭而且懶惰但所學尚優耳 上親定一甲三名又閱不合式十一卷文理謝劣陶仁明馬芝秀兩卷諭曰陶仁明著黜革馬芝秀仍留舉人其十一人令再三年殿試著大學士等會同都察院並工部尚書溫達取陶仁明等硃墨卷校對並傳試官來問又諭此外尚有不堪者爾等再行察出諸臣隨又察出張勿我郭璜二卷進呈命皆黜革○辛巳賜施雲錦等二百八十九人進士及第出身有差○甲申以劉蔭樞為廣東布政使由雲南按察使遷○丙戌左都御史吳涵以病乞休允之○左副都御史周清原奏請直隸各省建立育嬰堂以廣 皇仁

東華錄

康熙七十七

八

額賦有差 夏四月戊子朔日有食之○辛卯諭兵部國家綏靖疆圉安輯軍民惟專問元戎是賴有實能久鎮邊境懋著勞績者則獎勵酬庸宜踰常格貴州提督李芳述自歷行閒二十餘載屢立戰功及黔省莅事以來御軍有法訓下知方威望蔚聞謀猷益殫矧年稱耆宿見今舊將閱歲之久罕與媿倫用沛殊恩特彰優異著加太子少保授為鎮遠將軍以示朕褒寵勞臣至意○癸巳以郭璜為雲南巡撫由左副都御史遷李濤為廣西布政使原任○乙未以梅錫為左都御史由兵部左○己亥大學士戶部議舊小制錢錢價甚賤不便於民奉有諭旨應暫動支戶部庫銀十萬兩由戶部差官會同五城御史收買舊制錢俟錢價既長奏聞 上曰欲平錢價此外更有良法否大學士等奏曰民間收買之說錢價即少昂以此揆之

東華錄

康熙七十七

九

從之○丁亥大學士都察院及工部尚書溫達等遵旨察議會試主考官李錄子彭會淇同考官李紳文謝藩閻中寬等以陶仁明等四人不堪試卷取中進士不可謂之無弊擬李錄子等離任李紳文等革職會同刑部嚴審 上諭朕觀會試正考官係北人則必取北人為首係南人則必取南人為首可謂之無私乎今年科場行賄者想亦無有但中所不當中故人心不服陳廷敬奏曰閱會元文章首篇一千二百餘字文亦不佳向來作文不得過六百五十字所作違例豈可取中乎不善衡文是以致此會元尚居易亦應黜革 上曰爾等察議甚當如所議行○偏沅巡撫趙申喬奏布政使董昭祚按察使郎廷棟俱於湖廣兵丁鼓譟案革職但伊等居官勤慎廉潔懇請留任俾圖後效得旨董昭祚郎廷棟俱革職從寬留任○是月免福建臺灣湖廣華容等五縣上年被災

此法甚善 上曰朕細思之此外更無良法今錢價賤者皆私錢多之故也果欲力禁私錢何難之有明代尙能行紙鈔豈有不能禁私錢之理但與其嚴行禁止毋甯和平處置在京收買准爾等所議至天津臨清地方亦當遣賢能官各一員即交該地方餉銀各一萬兩收買專差侍郎穆丹督買視錢價貴後不時奏聞又聞山陝兩省販去大制錢甚多著行文山陝直隸巡撫查察緊要關口嚴令擒拏如被獲時將販運之人從重治罪毋得輕恕○九卿等遵旨議覆雲南貴州廣西四川四省官員空缺甚多嗣後知府以下知縣以上員缺凡候選人員內有願往效力者遞呈之後令彼掣籤雲南廣西各二十二員貴州十五員四川四十員豫先遣往缺出則該督撫照名次補授如無情願效力者則令雙單月投供者掣籤遣往俱於每年五月初十日內掣籤 上曰此議未當

向因四省員缺規避者多故嚴立條例恐猶有規避之人爾等乃議定月分掣籤必生巧託規避俟五月四省員缺選完之後然後投供此事不可限定月分每年自正月起投供官員到齊後即來請旨俟朕命下使彼掣籤如此則不能規避矣○辛丑以慕成額為左副都御史由郎中遷李華之為貴州按察使原任湖北○雲南巡撫修毓秀奏參布政使修國勳貪劣命革職提問○甲辰禮部遵旨議減八旗進士額數仍照康熙二十六年舊例滿洲蒙古取中四名漢軍二名從之○丙午予故內閣學士南塔海祭○己酉以張聖猷為雲南按察使原任○辛亥湖廣總督石文晟奏容美土司田舜年私造宮殿暴虐姦淫不法各款 上諭大學士等頃湖廣總督石文晟劾奏土司田舜年縱恣不法昔吳三桂之亂田舜年畧無舉動即此一端甚為可嘉今石文晟有此劾奏或因田舜

東華錄

康熙七十七

十

年與地方官不協所致其中恐有虛誣此摺暫停批發○轉王九齡為吏部左侍郎以張廷樞為吏部右侍郎由內閣學士遷○以周清原為工部右侍郎由左副都御史遷○乙卯轉曹鑑倫為兵部左侍郎以蕭永藻為兵部右侍郎由廣西巡撫遷○丙辰湖廣總督石文晟奏容美土司田昞如乃貪庸惡劣被參革職拏問之人今據桑植宣慰司土司向長庚詳稱田昞如主僕二人逃在伊處及臣屢次檄行解審而土司向長庚竟不將田昞如起解反捏稱田昞如臥病不能前往至前任土司田舜年既將伊子田昞如奏參革職理應將伊子正妻所生長孫申詳襲職今該土司報稱康熙四十年已將長孫田宜男名字報部其時田宜男年方十二歲不久病故因田宜男名字乃祖父所命不忍改易故將次孫仍名田宜男今實七歲如開送確實年歲恐部駁查據此田舜年明有欺隱誑報之罪

上諭大學士等石文晟前劾土司田舜年何不同此摺一併具奏乃作兩次參劾又摺內不言兩巡撫專請交提督審問此必有故從前吳三桂自水西烏蒙土司地方進取雲南因其地產銀遂於康熙初年奏請進剿水西後得其地分為四府我軍於是役亦大有損傷今此事雖小斷不可生事爾等將前後奏摺及土司呈詞鈔發偏沅巡撫趙申喬湖廣提督俞益謨令其不必會同商議各出己見作速具奏○丁巳以高必宏為雲南布政使由江蘇按察使遷五月戊午朔工部議河道總督張鵬翮修理攔河壩不用葦蕩營蘆葦而用帑銀採買其奏銷之案應駁回 上諭大學士等前者總河靳輔等俱將河上所有蘆葦令葦蕩營兵割取運往備用今張鵬翮用人不當不能運致蘆葦朕每南巡見張鵬翮如有緊急工程即鼓舞旗員兩三日內運致物料完工許以事成定保奏後

東華錄

康熙七十七

十

仍保舉漢官是以人皆意沮夫人盡力辦事而薦揚不及誰復肯為效力朕去歲視南河時曾於眾人前言高家堰隄工不堅尙應增築張鵬翮對以河工已竣斷然無害朕謂爾雖言工竣朕不能信及後隄工潰決幸是唐埂六壩上流若在下流如何堵禦康熙七年九年二十二年七里溝清水潭龍窩等處衝決之時其水甚大去年水不甚大然而衝決者皆張鵬翮自以為河工已竣玩忽之所致也○己未以金世榮為兵部尚書由福建浙江總督遷○庚申以李旭升為左副都御史由太常寺卿遷○丙寅以梁世勳為廣西巡撫高啟桂為山東布政使蔣陳錫為河南按察使由直隸天津道遷○以張伯行為江蘇按察使由山東濟甯道遷○庚午以宋大業為內閣學士由詹事府遷○壬申原任容美土司田舜年奏臣暮年始生子田昞如愛惜太過不知其惡是以奏請承襲土司而田昞如襲職後惡迹盡露臣乃

摘田炳如土司之印拘禁之一面申詳督撫一面奏參革職後奉
聖旨准田宜男承襲有臣讎家桑植宣慰司宣慰使向長庚誘
田炳如逃往伊處又揚言送往容美爲土司恐嚇臣屬下人其子
又年幼不能鎮定人心猜疑屬下土司軍民俱恐田炳如報讎紛
紛告請將臣第三子田曜如爲土司臣赴省見總督申說情由總
督卽以臣爲與向長庚互訐違誤欽案交司道官將臣看守祈
皇上俯憐准以土司之職使臣第三子田曜如承襲審究向長庚
藏匿要犯之情以肅法紀得旨此事作速發往問趙申喬俞益謨
○甲戌諭大學士等閩省海疆與臺灣相近總督職任必得才兼
文武之人乃可原任總督金世榮爲人忠厚居官雖無惡處然無
才不能治事去年福建小有旱災金世榮並未舉奏其奏改海中
商船式樣雖奉准行亦不能改廣東之賊沿海直至山東金世榮
東華錄 康熙七十七 十一
恬然不知殊有忝總督之任矣順治十六年海賊犯江甯宜永貴
守瓜洲後鎮江已陷而宜永貴堅守瓜洲終能保全大都地方官
平時無不自矜及至有事茫然無知苟且塞責者多前福建提督
塞白禮尙似可用之人及耿精忠叛彼畏懼託病不出封疆大臣
可以如是舉動乎○諭戶部朕宵旰圖維勤求民隱每欲敷餉貸
之恩以爲閭閻留餘之力直隸山東地方康熙四十二年偶遇
災沴因特免山東康熙四十三年四十四年額賦並康熙四十一
年以前積欠錢糧直隸則順天河開兩府康熙四十四年額賦亦
俱行豁免今雖屢年收穫民氣漸舒而所有宿逋尙應輸納朕念
黎元方有起色辦賦猶艱若一時新舊並徵勢難兼應宜更加寬
恤以宏休養直隸自康熙四十一年至四十二年各府屬未完民
欠銀八萬二千七百兩有奇糧五千九百石有奇山東省康熙四

十二年各府屬未完民欠銀一百六十九萬一千七百兩有奇糧
五千九百石有奇或見在徵收或分年帶徵俱著通行蠲免俾小
民悉除逋負之累儻應徵舊欠有見完納在官者卽准抵本年正
賦諭旨到日各該撫速行所屬有司徧示曉諭有不肖官吏蒙混
徵收不與開除明白者該撫卽時參劾嚴加治罪○丁丑以梁鼎
爲福建浙江總督福建陸路提督○戊寅 上巡幸塞外啟鑾○癸未
予故兵部尙書屠粹忠祭葬
六月丁亥朔諭修國史諸臣開國功臣作傳當因其事蹟先後以
定次第若視功績分次第或有本人功績少而子孫功績多者反
置子孫於前列可乎今應分別 太祖 太宗 世祖三朝功臣
以何人居首請旨再定至逮事 三朝功臣各於本人傳內通行
開載事蹟其子孫有立功者附載於下俟作傳畢可錄出分給其
東華錄 康熙七十七 十二
子孫各一通令藏其家○辛卯諭大學士等工部侍郎穆和倫觀
其爲人一無知識而又執拗屢條奏山東地方多烏槍火器宜行
禁止並解入官復欲遷山東饑民於他省朕謂山東百姓撫養有
素儻或有變朕卽可傳檄而定烏槍等器收取何爲若遷饑民於
他省則山東虛無人矣穆和倫語塞然尙以不納所言爲憾察其
情狀竟似病狂之人昔給事中莫羅雅齊納並無緊要之事每託
辭密摺欲獨行進奏朕以向來起居注官從不回避密奏之事因
令近前侍立以聽所言自此伊等遂不奏一事此特欲外人不聞
所言何事則此一日之升降官員皆以爲伊等舉劾之力耳此種
人品行甚不堪問也○癸巳偏沅巡撫趙申喬湖廣提督俞益謨
遵旨覆奏容美土司田舜年不法各款請命大臣往審得旨著
都察院左都御史梅鋗內閣學士二員前往察審○壬寅諭戶部

工部戶工二部凡咨取錢糧事俱不奏聞所以二三十萬銀兩不過以一咨文取之而事已畢嗣後著戶工二部將不啟奏用咨文動支大小款項錢糧於月終明白彙奏則凡事知所做畏而錢糧大可節省矣○戊申湖廣總督石文晟奏原任容美司土司田舜年來省臣令藩臬二司暫行拘留隨因中暑病故又查田舜年降逆賊吳三桂時以其印繳吳三桂及投誠後於康熙二十年鑄印頒給今驗其印乃康熙元年所鑄其中情弊難逃 聖鑒得旨此兩事俱發梅鋗等一併察審具奏○辛亥子故浙江巡撫張泰交祭葬○工部議覆四川巡撫能泰奏瀘河安樂地方建鐵索橋告成請移化林營沈村防守千總一員兵一百名鎮守 上諭大學士等往達賴喇嘛地方途中鐵索橋甚多是以安樂地方亦如彼處建鐵索橋然此處之橋與雲南鐵索橋不同雲南地方於兩石

東華錄

康熙七十七

古

嚴貫鐵索建橋極其堅固今安樂地方立石柱貫鐵索為橋久之恐未必堅固耳其移兵防守之處著照該撫所請行

東華錄

康熙七十八

臣王先謙敬編
臣周澐蕃恭校

秋七月丁巳諭大學士馬齊朕自親政以來斷不許人懷挾私營互相陷害是以三四十年間無大臣互訐之事此一端朕心頗以為善凡誣陷人及攻城屠戮人者縱使其身倖免於禍子孫斷乎不昌近觀貪官受報亦復如是從前督撫如屈盡美等皆以貪故其子孫極貧困不能自存或有學道考試不公而所生之子凡書讀過即忘並有瘖啞者天道甚可畏也前次考試時朕有所素知之人與考朕恐使人知之則必取中故不以告人凡人功名所繫去取但欲其秉公耳朕尚以孤寒抱屈為念試官何不一計及於此乎○戊午封下嫁翁牛特多羅杜楞郡王蒼津公主為和碩溫

東華錄

康熙七十八

一

格公主授蒼津為和碩額駙○庚申 上駐蹕熱河○甲子禮部奏信郡王董額薨逝請加卹典 上諭大學士等董額補授都統襲封王爵以來並無感恩效力之處且原係軍政問罪之人不准

賜卹其王爵亦當論嫡長所生應以前信郡王鄂扎之子德昭襲封○癸酉御史袁橋奏參山西巡撫噶禮居官貪婪各款得旨著噶禮明白回奏○己卯諭大學士等侍郎穆和倫人不甚惡但其性執拗耳朕聽政四十餘年何人不知何事不歷似此執拗之人即如是而止猶可儻有大事必至貽誤而伊身亦罹禍矣昔經畧莫洛於事敏達騎射亦優人材壯健但偏執己見莫洛欲率伊所招綠旗兵丁進剿其時王輔臣諫云召募之人不可信用莫洛言我所用之人有負我者乎朕所遣納爾泰亦在彼力勸阻之莫洛謂納爾泰童穉何知不聽與莫洛同行之員外郎薩哈連馳報至

京朕謂之曰汝速往諭經畧斷不可輕率兵前進必有變莫洛
執意欲行至甯羌州地方王輔臣標下官兵鼓譟莫洛遂身被其
害于成龍亦妄帶人至河上自謂所帶之人斷不負彼而信用之
後皆貽誤故凡執拗輕信之人未有不誤厥事者也○庚辰 皇
子允禛生○壬午以黃明為浙江布政使由江西按察使遷調劉蔭樞為
雲南布政使由廣東調

八月壬辰督修上下兩河工程都統孫渣濟等奏臣等遵旨將高
家堰滾水壩高郵車邏中壩及文華寺澗河等工皆已分與京中
派出官員如式修理次第告竣業經會同督撫驗明交與河道總
督張鵬翮取具印領訖下所司知之○癸巳 上幸巴顏額爾追
翁牛特諸台吉及眾蒙古列跪道左奏言臣等翁牛特地方向來
謀生甚艱蒙 皇上遣官訓以謀生之道禁止盜賊加以養育又
東華錄 康熙七十八 二

賜牛羊使孳生蕃息臣等俱各得其所今公主下嫁多羅杜楞郡
王蒼津又蒙 聖駕親臨光榮無比合詞迎 駕歡呼動地是日
上駐蹕和碩温恪公主第○己亥先是提督山西學政鄒士璉
因巡撫噶禮為御史袁橋參劾代士民具奏保留至是御史蔡珍
奏參鄒士璉身係學臣職在衡文若黜陟大吏權由 天子乃借
此代奏結交撫臣將來朋比營私勢必無所不至請敕部議處以
肅官方下部察議○轉殷特布為兵部左侍郎以恩丕為兵部右
侍郎由內閣學士遷○壬寅以傅澤淵為江西按察使由陝西道遷○丙午吏
部奏廣東布政使劉蔭樞已留補雲南布政使其見升雲南布政
使高必宏應俟到部候缺另補至廣東布政使員缺見無合例之
人 上命以高必宏補授廣東布政使○辛亥 上回鑾
九月戊辰賜來朝外藩衣幣及隨圍喀喇沁官兵人等銀布○庚

午先是山西巡撫噶禮因御史袁橋奏參遵旨回奏得旨該部察
議具奏至是吏部議噶禮回奏疏內雖稱被參各款皆屬虛誣而
御史袁橋參奏內稱各款俱有證據事之虛實難以懸議請差大
臣察審 上諭大學士等此事或有私情奏參或據實奏參著九
卿詹事科道會同秉公議奏○己卯 上還京師○癸未先是湖
廣總督石文晟奏參容美司土司田舜年一案 上命左都御史
梅鋈內閣學士二高往審至是梅鋈奏原任容美司土司田晒如
酷虐事迹俱有證據應革職桑植宣慰土司向長庚抗匿田晒如
應降四級留任已故容美司土司田舜年出征苗子捏病規避各
款俱有證據應追革田舜年職至田舜年私造宮殿淫亂各款俱
無證據應毋庸議田晒如土司員缺應將田晒如子姪中擇一人
承襲湖廣總督石文晟等奏稱田舜年所屬之人唐世甲等控訴
東華錄 康熙七十八 三

田舜年父子俱不善我等情願納糧當差應否將其土地人民入
我版圖伏候 上裁學士二高奏案內有名容美土司二十餘人
俱未赴審故未經質審之處甚多田舜年治病醫生及檢屍知縣
洪國柱俱未到案田舜年身死尚未明白儻草率結案則土司之
心不服奏入下九卿詹事科道會議具奏○甲申以安達禮為甘
肅布政使由郎中遷
冬十月乙酉朔吏部尚書敦拜以老乞休 上諭大學士等敦拜
由司官擢用至尚書並無效力勤勞之處凡事不留心詳察聲名
亦不佳且廷議係國家大事前有事會議敦拜不諳事理恣意妄
言彼時即當黜退今既以年老乞休著解吏部尚書任凡為人臣
者雖當暮年宜更加意潔己勤勞王事如謂年老畧不留心諸務
黽勉自效豈任彼為大臣徒使之榮顯已耶尚書温達自任工部

以來聲名甚優凡事敬慎而寬厚著調補吏部尚書○己丑以希福納爲工部尚書由左都御史選○庚寅論武殿試讀卷官等今天下太平日久曾經戰陣大臣已少知海上用兵之法者益稀日久臺灣不無可慮朕甲子年南巡由江甯登舟而下至黃天蕩江風大作眾皆危懼朕獨令衝風而行朕佇立船頭射江豚畧不經意後又南巡乘船渡江微覺心動去歲之行見人渡江者卽爲心悸由此觀之皆年爲之也大約年少則血氣強年老則血氣衰嘗問之宿將皆云年力少壯故能登城陷險今則怯矣凡將軍提督總兵官當年少時冒鋒鏑越險阻所在效力及位至大僚家亦富饒而年齒漸高設一旦有事使之率兵而行欲其奮勇效命如前何可得耶又論凡人必耐得勞苦乃能有成不耐勞苦到處無用不但武臣爲然卽文臣若不勞苦學問如何成就今爾等二三老臣年雖

東華錄

康熙七十八

四

高而勤勞實甚觀部院官止圖安逸凡事俱不經心兵部前以會試人未到齊請展限數日此彼所親奏之事也昨問續到幾人堂官俱不知因令問司官筆帖式亦皆不知朕之使問司官筆帖式者原欲伊等知愧不知伊等亦知之否至於會議時九卿內但一二人立議餘皆隨班畫奏竟無一留心任事之人矣○辛卯賜楊謙等九十四人武進士及第出身有差○丁酉論大學士等九卿議士司事但欲使兩造平息總督石文晟原參田舜年建造宮殿行兇作惡是以羈留於武昌府今田舜年已故石文晟又具奏欲息其事如土司等果抗拒不法則當發兵征勦土司等若無罪則當反坐原參之人朕意以二高所奏爲是此事不便令督撫提督會同審理當再特遣大臣前往察審著以此諭九卿○戊戌以耿額爲左都御史由副都統選○己亥命歲選杭州江甯江安駐防官員

驍騎校等善騎射者每旗二人從熱河行圍駕還遣回汛○庚子刑部侍郎魯瑚緣事降調○辛丑詔河工奏水汛毋過三日○壬寅命大學士席哈納侍郎張廷樞蕭永藻往湖廣察審容美土司田舜年案○乙巳論戶部國家錢糧理當節省否則必致經費不敷每年有正項蠲免有河工費用必能大加節省方有裨益前光祿寺一年用銀一百萬兩今止用十萬兩工部一年用銀二百萬兩今止用二三十萬兩必如此然後可謂之節省也○諭大學士等前遣護軍統領席柱等往擒假達賴喇嘛及第巴妻子時諸皇子及諸大臣俱言一假達賴喇嘛擒之何爲朕意以眾蒙古俱傾心皈嚮達賴喇嘛此雖係假達賴喇嘛而有達賴喇嘛之名眾蒙古皆服之儻不以朝命遣人往擒若爲策妄阿喇布坦迎去則西域蒙古皆向策妄阿喇布坦矣故特遣席柱等前去席柱等方到

東華錄

康熙七十八

五

其地策妄阿喇布坦果令人來迎以此觀之若非遣人前往則假達賴喇嘛必已歸策妄阿喇布坦矣至西域回子及蒙古今衰弱已極欲取之亦甚易但并其地不足以耕種得其人不足以驅使且見今伊等已俱恪守法度是以不取此等情事漢大學士及九卿等想俱未深悉爾等可將朕諭示之○丙午論大學士等昔日達賴喇嘛存日六十年來塞外不生一事俱各安靜卽此可知其素行之不凡矣後達賴喇嘛身故第巴雖隱諱不言然觀其啟奏之辭非昔日達賴喇嘛語氣朕是以知其已故遣使細訪乃盡得欺詐之狀自達賴喇嘛故後第巴遂教噶爾丹各處妄行生事矣○以魏齊爲刑部左侍郎由光祿寺選○丁未論大學士等觀朝鮮國王凡事極其敬慎其國人亦皆感戴聞其國有八道北道與瓦爾喀地方土門江接界東道接倭子國西道接我鳳凰城南道接海

猶有數小島此等地方 太宗文皇帝定朝鮮之役我兵無處不到以已破之國我朝爲之重加營建俾安堵如故是以其國人於太宗文皇帝駐軍之地樹立石碑備書更生之德累世感戴以至於今且彼更有可取者明之末年彼始終未嘗叛之猶爲重禮義之邦也又諭翻譯之事大有關係向年纂修 實錄所譯朝鮮茂文滿漢文意不相符前大學士圖海杜立德呈朕親覽朕兩年苦心尋繹始得文義完美作史之事殊爲重大一字不可輕易增減也○己酉諭戶部朕子育黎元日求所以休養利濟之道念惟賜租減賦實有裨益於民生直隸各省錢糧次第全蠲一年者業經數舉獨是歷歲逋負積累加增舊稅新徵勢難兼辦縱使稍寬民力分年帶輸而督令續完仍多拮据朕嗟懷及此深切軫恤用是大沛恩膏俾閭閻獲免追呼官吏亦不罹參罰直隸山東積欠

東華錄

康熙七十八

六

錢糧今年俱已蠲免其山西陝西甘肅江蘇安徽浙江江西湖北湖南福建廣東各省自康熙四十三年以前未完地丁銀二百一十二萬二千七百兩有奇糧十萬五千七百石有奇著按數通行豁免或舊欠已完在官而見年錢糧未完足者亦准扣抵諭旨到日各該撫立行所屬張示徧諭如有不肖有可以完作欠蒙混銷算及開除不清者該督撫即時奏參嚴加治罪○辛亥諭大學士等山東長山縣周村一帶俱開鑄私鑄巡撫趙世顯不禁不捕乃奏請鼓鑄大錢若不禁私錢而鑄大錢則大錢重小錢輕小民必思射利毀大錢而鑄小錢是大不利於地方矣今山東奸民鑄小錢者甚多或地方官圖利與之同事亦未可知但未擊獲何可懸擬頃差侍郎恩丕等帶德州兵丁馳驛往長山縣周村等處捕鑄私錢之人已諭伊等於擊獲之後並私鑄之鑪帶往趙世顯處示

之問以地方見鑄私錢不禁不捕又欲請鑄大錢何故觀趙世顯更將何辭以對外省督撫執賢孰否朕俱知之清濁斷不能掩也○以伍實爲甘肅布政使由郎中遷○王子諭大學士等刑部之事重大常綬自任刑部侍郎以來錯審之事甚多著調常綬爲工部侍郎以工部侍郎巢可托爲刑部侍郎○是月免江南海州淮安等十六州縣衛水災額賦有差

十一月己未予故盛京工部侍郎白爾克祭葬○壬戌諭大學士等鳴爾丹遇我軍於克魯倫之地未嘗交戰乃往西路遇西師進擊盡被殺戮西路兵獲其牛羊二十餘萬甚爲得濟此乃天意也昔吳三桂兵圍永興城危在旦夕矣吳三桂一死其兵皆退此亦天意也長沙之戰吳三桂登城語其下曰滿兵向皆勇猛今衰弱矣言未畢我前鋒統領碩岱率諸前鋒軍奄薄城下吳三桂驚歎

東華錄

康熙七十八

七

日滿兵仍前驍勇耶自明代以來福建皆受海寇之患今已盡降矣其中有劉國軒者已授爲總兵官朕問彼滿兵如何彼奏云臣乃當誅之人蒙皇上寬恩不殺何敢誑言從前與滿兵交戰七十餘次雖爲滿兵所敗臣猶不心服意謂滿兵但恃力耳及詳視之既有謀畧更兼勇猛於是臣始心服矣以此觀之滿兵誠強而無敵也又諭往代之君不接見諸臣臣下之意無由上達政何以得理耶○癸亥以慕成額爲盛京刑部侍郎由左副都御史遷○丁卯大學士等以秋審情實罪犯七十人請旨 上將招冊逐一詳閱反復審定句決者二十五人諭大學士等四輔臣時每年句決動至百餘人朕親政後數十年來每遇句決凡有一錢可原者未嘗不從寬宥直至萬無可疑始予句決至於光棍及有關主僕之分者其罪斷不可寬也○戊辰大學士等奏九卿等議山東巡撫趙世顯

奏濟南臨清所屬開鑪鼓鑄一事奉旨俟差往山東緝拏私鑄大臣回日再奏今侍郎恩丕等已回謹以原案請旨 上曰數年以來私鑄甚多制錢甚賤屢諭九卿確議著該管官員嚴行緝拏乃山東奸民私鑄者愈多眾皆知之無一人舉奏參劾趙世顯身為地方大臣既不嚴拏反請暫停錢禁以便小民又奏請於濟南臨清地方開鑪鼓鑄九卿議照巡撫所奏以鼓鑄之事交知府管理朕訪察山東奸民私鑄巢穴確有所見差大臣緝拏俱已擒獲不知九卿附和趙世顯者何意著明白回奏○以張格為左副都御史由通政使遷○己巳諭大學士等因山東私鑄小錢故特差侍郎恩丕等緝拏今既禁私鑄又不收取則用私錢者無日可止矣朕意欲令來年徵收山東錢糧其銀一兩折錢二千俟錢盡時照二千錢之數折收諸樣銅器則不出一年私錢自盡矣彼地官員不能

東華錄

康熙七十八

八

緝拏私鑄俱係有罪之人即將所收錢及銅交付伊等運至京城以贖前罪運到之時即著增鑪作速鼓鑄制錢爾等可與九卿詹事科道會同詳覈議奏○禮部等衙門遵旨會議王以下公以上之女受聘後俱受封為郡主鄉君等品級不便令額駙帶往外任嗣後額駙等停止補放外任官如見今居外任官者撤回京城照伊品級補用如係特旨補授封疆大臣者其妻應否帶往任所令伊等自行具奏請旨從之○癸酉九卿等遵旨回奏山東奸民私鑄 皇上特差侍郎恩丕等拏獲以其人交趙世顯取到私錢與臣等觀之臣等始知山東私錢若是之多應將趙世顯所請開鑪鼓鑄之處無庸議至臣等愚昧前既不能察明會議又不加詳細罪亦何辭今遵旨將山東來年錢糧折收小錢銅器會議摺子呈覽 上曰著遣賢能司官一員即齎此摺往問趙世顯果否有意

於地方著具奏○戶部工部以開浚清河至通州開列督工官員請旨 上命尚書金世榮侍郎巴錫范承烈督工諭大學士等侍郎巴錫不諳部務著解侍郎任隨旗行走仍令往監河工○諭戶部朕念八旗禁旅為國家根本所繫時加恩愛養用俾生計充盈或動支帑帑數百萬代清積逋或設立官庫資濟匱絀所以為眾甲兵籌畫者甚切康熙四十二年又曾頒發帑金貸給八旗兵丁共六百五十五萬兩有奇至康熙四十五年冬除陸續扣完外尙未完銀三百九十五萬六千六百兩有奇若仍行按月扣取恐各兵營辦器用贈養室家必有不敷之慮朕每懷及此深切軫惻茲特大沛恩施式宏撫育將未經扣取銀兩通行豁免爾部即傳八旗都統等出示徧諭俾咸知朕優恤禁旅至意○甲戌 上謁陵啟鑿○漢水溢免南鄭等縣賦命所司賑之並緩明年以後徵

東華錄

康熙七十八

九

○安布祿以老病乞休允之以阿山為刑部尚書由江南江西總督遷○工部議覆河道總督張鵬翮奏仰遵 上諭開鮑家營引河黃河異漲之水藉此減洩再於中河橫隄建草壩二座於開鮑家營引河之處建草壩一座相機啟閉從之○庚辰 上謁 暫安奉殿 孝陵至 仁孝皇后 孝昭皇后 孝懿皇后陵奠酒○辛巳以邵穆布為江南江西總督由禮部左侍郎遷○癸未山東巡撫趙世顯遵旨回奏徵收小錢銅器有利於民且可以禁止私錢得旨著照九卿前議行○甲申 上巡幸塞外○是月免江南徐州水災額賦有差 十二月丁亥先是達賴喇嘛身故第巴匿其事搆使喀爾喀厄魯特互相仇殺擾害生靈又立假達賴喇嘛以惑眾人且曾擄拉藏因其未死後復逐之是以拉藏蓄憾與兵執第巴而殺之陳奏假

達賴喇嘛情由 上命護軍統領席柱學士舒蘭為使往封拉藏為翼法恭順汗令拘假達賴喇嘛赴京拉藏以為執送假達賴喇嘛則眾喇嘛必至離散不從席柱等奏聞 上諭諸大臣曰拉藏今雖不從後必自執之來獻至是駐紮西甯喇嘛商南多爾濟果報拉藏起解假達賴喇嘛赴京一如 聖算眾皆驚異○轉鐵圖為禮部左侍郎以赫壽為禮部右侍郎由內閣○以莫音代為工部右侍郎由通政○辛卯封下嫁喀爾喀台吉策凌之公主為和碩純愨公主授策凌為和碩額駙○壬寅 上還京師○甲辰刑部會同吏部等衙門覆奏侍郎常綬等審奏廣東海寇一案一議海寇蔡三十二等攔截泛海商船劫奪銀米俱應立斬總督郭世隆不將實情審出應降三級調用原任巡撫今升湖廣總督石文晟提督趙宏燦未經詳審列名具奏俱罰俸一年承審按察使今

東華錄 康熙七十八 十

升河南布政使許嗣興等分別降級調用又一議總督郭世隆不豫先嚴禁強暴之人及蔡三十二等事發又朦朧掩飾草率具奏殊為溺職應革職餘如前議得旨蔡三十二會贊伯黃士文賴亞客陳阿七俱立斬許嗣興著降一級調用郭世隆著革職餘依議

○乙巳調凱音布為禮部尚書由戶部以蘇克濟為陝西布政使由內閣○詔刑部罪囚緩決至三四年者減死一等直省亦如之

○內閣九卿等奏請 聖駕閱視溜淮套工程得旨朕年已漸增憚於臨幸且南方水土不比北地每渡大江河海及過關口亦甚加廬念不欲親往閱視著將興工之處再行定議具奏○庚戌理藩院奏駐紮西甯喇嘛商南多爾濟報稱拉藏送來假達賴喇嘛行至西甯口外病故假達賴喇嘛行事悖亂今既在途病故應行文商南多爾濟將其屍骸拋棄從之○辛亥內閣九卿等會議溜

淮套一工據升任江南江西總督阿山等及督修都統孫渣齊等各奏必得 皇上親歷河干面授方畧則億萬年奠定之功可以立成臣等所見亦與伊等相同伏冀俯允所請東南臣民不勝慶幸得旨內閣九卿等會同溜淮套工程非朕親臨指示不能斟酌盡善再三陳請朕以此奏聞 皇太后奉 皇太后懿旨事關重大故諸大臣合詞懇請予身體甚健皇帝躬臨指授於地方民生甚有裨益朕祇遵 懿旨親往閱視著該衙門擇日具奏○以趙宏燦為廣東廣西總督由廣東○是月免直隸武清江南潁州等四州縣衛水災額賦有差○是歲朝鮮來貢○人丁戶口二千四十一萬二千五百六十田地山蕩畦地五百九十八萬八千九百五十頃五十三畝有奇徵銀二千七百四十一萬六千八百八十八兩有奇米豆麥六百九十七萬一千三百五十三石有奇草二百八十八萬一千六百八十七束茶十五萬七千四百四十五引行鹽四百三十三萬九千四百九十五引徵課銀二百六十九萬七百二十八兩有奇鑄錢二萬三千八百七萬五千八百有奇

東華錄 康熙七十八 十一

東華錄

康熙七十九

臣王先謙敬編

臣周澐蕃恭校

康熙四十六年丁亥春正月丁卯諭吏部戶部工部兵部朕念淮黃兩河工程為東南要務屢次躬臨河上相度指示一切修防疏濬業已次第奏功昨歲河漕督撫諸臣詳勘地形請於濶淮套別開河道直達張福口以分淮勢朕欲即令動帑興築而督撫諸臣又以事關勦建合詞請朕親閱九卿等計議復再三陳請朕以諸臣之言奏聞 皇太后祇遵 慈命擇於本年正月二十二日啟行閱河舟楫往返不御室廬日用所需取辦內府經過府州縣毋得更以豫備行宮供設御用侵冒庫帑科歛閭閻儻有不遵事覺定嚴加治罪其文武大小官員私相餽贈隨從人役生事擾民及東華錄 康熙七十九

奸惡挾私告訐者俱如屢次諭旨重處不宥爾等即轉行各該督撫通飭所屬張示徧諭俾咸知悉○庚午調希福納為戶部尚書以赫碩咨為工部尚書由戶部右侍郎遷○乙亥革左都御史梅錫職以審湖廣土司田舜年一案回奏不實也○丙子 上南巡啟鑾○辛巳以蕭永藻為左都御史由兵部右侍郎遷 赫申為戶部右侍郎由左都御史遷○予故工部尚書熊一瀟祭葬

二月己丑調范承烈為兵部左侍郎管右侍郎事轉汪晉徵為戶部左侍郎以許汝霖為戶部右侍郎原在禮部○以牛祐納為左副都御史由通政使遷○乙未諭大學士馬齊等山東巡撫趙世顯向以條奏小錢一事革職畱任朕此行見其勤慎效力著削去加二級復還原品○增廣西義甯甯甯等二十三州縣及思明土府學官○准河南布政使許嗣興降級畱任從巡撫汪灝請也○戊戌

御舟次江南境臺莊士民數十萬人進獻食物跪請 聖主暫停龍舸少伸瞻仰微忱 上為之登岸御龍亭命耆老近前諭令停止進獻耆老等復再四叩懇收納命受食物一二種又問以農事生計良久登舟啟行○壬寅 上次清河閱武家墩○癸卯 上閱視濶淮套由清口登陸詳看地方形勢駐蹕曹家廟 上御行宮門外命扈從文武臣工及地方大小官員河道總督及河工官員等列跪於前 上問張鵬翮曰爾何所見奏開濶淮套張鵬翮奏曰我 皇上愛民如子不惜百萬帑金拯救羣生黎民皆頌聖恩 上曰爾所言皆無用聞文朕所問者乃河工事務文章與政事不同若作文字牽引故典便可敷衍成篇若論政事必實可行然後可言非虛文所能飾也凡事在大廷廣眾可言者方是至公無私今滿漢文武內外大小諸臣齊集爾可將此河當開與否一一明奏何必牽引聞文張鵬翮奏曰先因降調通判徐光啟呈開濶淮套圖樣臣與阿山桑額會同具奏奉旨命臣等閱看臣等因事關重大所以再四懇請 皇上躬臨閱視指授定奪上曰今日沿途閱看見所立標竿錯雜問爾時全然不知問河官亦皆不知河工係爾專責此事不畱心何事方畱心乎張鵬翮不能對免冠叩首 上問劉光美于準曰爾等何以亦奏此河應開劉光美等奏曰盱眙清口係臣等所屬地方故會同查勘至於應開河與否總河久在河工尚不能知臣等愚昧何以深悉但開河係臣等公同具奏冒昧之罪更有何辭亦免冠叩首 上又問張鵬翮曰水平是何人看驗張鵬翮奏云見任清河縣主簿方德宏同大計參革主簿郭維藩降調通判張調鼎徐光啟看驗 上問曰土方是何人料估張鵬翮奏云徐光啟料估 上曰徐光啟等

皆大計參處至不堪小人惟知亡命射利不得齒於人列此等重
大事情爾竟委任伊等是誠何心因顧諸臣曰前阿山等察勘泗
州水勢奏稱濶淮套地方另開一河出張福口可以分洩淮水免
洪澤湖之異漲保高家堰之危險繪圖進呈請朕親閱在廷諸臣
亦以河工事關重大再四懇請朕始親行昨日閱武家墩朕尚謂
果如阿山等所奏濶淮套可以開成今日乘騎從清口至曹家廟
地方詳看見地勢甚高雖開鑿成河亦不能直達清口與伊等進
呈圖樣迥乎不同且所立標竿開河不獨壞民田廬甚至毀民墳
冢朕惟恐一夫不獲其所時存己飢己溺之心何忍發此無數枯
骨朕爲人君凡頒發諭旨儻有差誤尙令人言張鵬翮身爲總河
至欲掘人骸骨所屬人員竟無一敢言者張鵬翮以讀書人而爲
此殘忍之事讀書何爲假令張鵬翮祖墳被人發掘伊肯默然耶

東華錄

康熙七十九

三

數年兩河平靜民生安樂何必多此一事先年靳輔所開中河凡
漕運商民船隻避黃河一百八十里之險此河確有成效至今往
來之人尙追念之但靳輔所開止因舊河身疏濬今欲開濶淮套
必至鑿山穿嶺不惟斷難成功即或成功將來汎水泛溢不漫入
洪澤湖必致衝決運河矣 上又問張鵬翮及眾河官曰此河若
開爾等能保無事乎張鵬翮等奏云臣等一無所知數年來皆仰
賴 皇上教訓指授此工如何敢保 上曰今奏濶淮套開河非
地方官希圖射利即河工官員妄冀升遷至河工效力人員無一
方正者何故畱置河上張鵬翮奏云臣誤用小人罪有何辨 上
諭大學士馬齊等曰朕看南旺湖水分南北實有大功用意迥
異常人朕每次臨閱深嘉其才馬齊奏云挑水壩人字河芒稻河
鮑家營諸工皆係 皇上指示超出南旺分水之上 上曰南旺

分水自高山引出事屬拗舉今所開之河皆由舊河形疏濬與拗
舉者不同大學士張玉書奏云引汶水分南北流是當日老人白
英所建之議其策原善今 皇上睿裁築御壩開引河俾淮水敵
黃黃水趨海此萬世之永利亦萬世之良法也 上曰明代黃水
勢強淮水勢弱故有倒灌之患朕自甲子年南巡閱視兩河形勢
記憶甚詳漸次修治今則淮強黃弱矣然善後之策尤宜亟講與
其開濶淮套無益之河不若將洪澤湖出水之處再行挑濬令其
寬深使清水愈加暢流至蔣家壩天然壩一帶舊有河形宜更加
挑濬使通運料小河俾商民船隻皆可通行即漕船亦可輓運爲
利不淺矣諭畢 上還行宮少頃命一等侍衛馬武等傳諭河道
總督張鵬翮曰河工效力人員內稍有可觀者猶可容爾河上如
同知南夢班降調通判徐光啟主簿方德宏俱屬不堪匪人著斥
革逐去又召大學士馬齊論曰濶淮套開河必至毀民田廬墳冢
且地形甚高雖開鑿成河亦不能直達清口朕將此等情由在扈
從諸臣地方大小官員前窮問總河巡撫河官伊等皆不能對惟
叩首認罪而已此河斷不可開即繕寫諭旨傳諭在京諸臣前任
總督阿山何所見亦奏此河當開著問阿山回奏○刑部議准雲
南貴州總督員和諾奏原任雲南巡撫佟毓秀糾參布政使佟國
勳暗勒火耗扣剋兵餉各款察審俱虛請復佟國勳所革之職從
之○甲辰 上自曹家廟還清口將沿途所立開河標竿盡行撤
去百姓見之踴躍歡欣咸曰 聖上深仁厚德不惟生者霑恩亦
且下及枯骨我等無以報答惟仰祝 聖壽無疆而已 上自清
口登舟諭大學士馬齊等曰凡天下事行之有益者自宜亟行如
無益斷不可輕舉譬如人之身有病方可用藥餌鍼砭如無病

東華錄

康熙七十九

四

之人或告以割肉可得延年斷無聽從之理開河事亦類此今欲於濶淮套開河是平靜無事之時多此一舉不惟無益而反有害矣又諭曰朕觀此地百姓可謂瀆樸彼見豎立標竿墳墓之上毫無怨色朕沿途訪問仍云皇上聖仁愛恤百姓不辭勞苦躬臨閱河特為小民起見我等何敢妄置一詞及聞朕諭濶淮套停止開河羣情歡悅不勝鼓舞感激可見伊等惟知尊上絕無他意可謂良民矣是日大江以南百姓各舉旗幟恭迎 聖駕叩請臨幸江南 上允所請百姓歡聲雷動○乙巳 上召扈從大小臣工及總督巡撫司道總河河官近 御舟前列跪於岸 上諭張鵬翮曰爾身任總河宜時時巡視河隄不避風雨以勉盡職守乃安居署中兩三月不一出惟以虛文為事何事不致耽誤若論文字朕亦嘗為之爾所作文字亦未必佳爾口中常稱朱子朱子之書朕東華錄 康熙七十九 五

不時披覽見置朕側爾能記憶一條乎宋儒所言光風霽月爾能稍似否爾惟任用一二不肖漢官偏聽其言河工事務漫不經心朕嘗謂天地風雷有不測之變異不可恃隄岸之堅須竭盡人力曲為綢繆曾經再三訓諭後洪澤湖水漲溢隄岸危險河官欲開浚水壩前土壩以洩水勢屢次申報爾置若罔聞以致古溝一帶地方咸被衝決爾行事刻薄不以禮待屬員口無忌憚使眾人皆畏懼爾朕雖加訓諭並不悛改且語多欺誑康熙四十四年朕南巡閱河問爾高家堰石工何時可以修竣爾奏云本年七月內工竣乃遲延至逾年不完今又以濶淮套地方可以開河請朕親臨更屬欺誑朕之言無不可向眾人言之者今大小臣工齊集於此爾有何說可於眾人前直陳張鵬翮免冠謝罪 上又諭曰加築高家堰隄岸閉塞減水六壩使淮水盡出清口非爾之功修治挑

水壩偏黃水流向北岸非爾之功堵塞仲莊開改建楊家閘令黃水不至倒灌清口非爾之功此數大工程皆與爾無涉更有何勤勞張鵬翮奏云臣實愚昧無知不能仰體 皇上訓旨夙夜恐懼上曰爾不巡視河工惟夙夜恐懼徒自苦耳於河工何益與其夙夜空懷恐懼何如盡此力於河工張鵬翮奏云臣罪戾實多惟仰懇 皇上寬宥保全 上曰賞罰者國家大權內而九卿外而督撫原為盡心於惠養斯民而設非徒使之榮顯宴安而已大吏廉潔則小吏自然效法苟不能勤慎致誤公事豈可因保全一人而廢國法乎凡事有可以保全者亦有當用剛斷者國家臣工甚多姑息一二人何以服眾又諭諸臣曰比年以來幸而水不甚大當年靳輔于成龍在任時水勢甚大若張鵬翮當此河工必致不堪張鵬翮惟有一長于成龍每不遵朕指示自立意見張鵬翮則東華錄 康熙七十九 六

不然朕前以河務一一指授皆能遵行所以年來河工漸次底績歸仁隄原為洪武祖陵建築靳輔以為無用廢去殊屬不合清水使之入黃則黃水未有不被刷者使靈芝湖等水由祥符閘入黃殊覺有益但水勢泛溢由歸仁隄三閘流入洪澤湖水勢既不能入黃雖開祥符閘亦覺無益若閉歸仁隄三閘以蓄水又恐水漲致淹上游民田亦非可行之事前靳輔慮高家堰隄岸危險開唐埂六壩以致洪澤湖水偏向六壩而流此靳輔誤處後黃河倒灌清口朕令閉塞六壩始能敵黃朕自甲子年至今六次南巡詳觀河形一年異於一年治河之道當看何處關緊緊要便保守何處不可執一自古治河皆順水性為今之計但當商酌使淮水稍洩其流乘水未長時豫為綢繆將來水大長必不至於危險天然壩一帶舊有河形當挑浚此河酌量可容糧艘建立閘座水小則閉

開蓄湖水以敵黃水大則開閘使之暢流一面由武家墩通至運河一面通至高郵湖則商民船隻皆得長行似為永久利益著張鵬翮率領在河能員確看定議具奏○丙午諭江南江西總督邵穆布安徽巡撫劉光美江蘇巡撫于準等前總督阿山總河張鵬翮總漕桑額等奏稱濶淮套地方開河朕循行周覽斷不可開今濶淮套工已降旨停止其湖水泛溢宜籌宣洩之道故諭張鵬翮親率能員於高家堰蔣家壩相度舊有河形之處建開蓄洩以期永利爾等可即張示徧諭各州縣人等咸悉朕慎重河務周恤民隱之至意○戊申杭州將軍宗室諾羅布等奏杭州兵民囑望聖駕臨幸伏祈俯賜俞允 上諭朕已允江南百姓懇請渡江巡省浙江當一體臨幸○庚戌河道總督張鵬翮以誤奏開濶淮套河具奏請罪得旨黃淮兩河關繫運道民生總河身任河務必勿東華錄 康熙七十九 七
憚煩勞時親勘閱將應修應築之處斟酌合宜又能任用得人斯為稱職張鵬翮聽信小人徐光啟議開濶淮套河竟不能親加審勘輒奏稱此河開濶有益所立開河標竿至毀壞民間墳冢田廬又地勢甚高雖開濶成河亦不能水出清口徒滋生事擾民張鵬翮輕舉妄動大負職掌九卿詹事科道將張鵬翮並前會奏請開濶淮套督撫等俱嚴加議處具奏○辛亥兵部等衙門議奏大學士席哈納等察審土司田舜年一案奏稱原參田舜年僭越淫縱等款俱虛應毋庸議其假捏幼孫年歲造冊報部希圖承襲又私將伊子田焜如冒原石梁土司田焜之名襲為土司及鑄錢擅殺等款俱實應治罪但已經身故亦毋庸議至向久忠等捏詞控告應枷責僉妻安插內地革職宣慰司土司向長庚隱匿田炳如不解聽審應降四級留任總督石文晟不行詳察草率具奏應降三

級調用巡撫劉殿衡趙申喬提督俞益謨將奉旨承審事件不行詳查具奏各降一級罰俸一年俱應如所奏其承襲容美司土司之職應將田舜年之子田旼如田曜如田暢如田暎如等開列伏候 上裁得旨石文晟著降三級從寬留任容美司土司著田旼如承襲餘依議
三月己未 上駐蹕江甯○庚申遣馬齊祭明太祖陵○辛酉閱江甯官兵射○壬戌 上謁明太祖陵○己巳 上駐蹕蘇州○丙子 上駐蹕松江○丁丑閱松江官兵射○戊寅 上召江蘇按察使張伯行近前謂大臣曰朕至江南訪問張伯行居官甚清此名最不易得張伯行由進士歷任按察使不可以書生待之張鵬翮保舉人員內惟張伯行蔣陳錫尚優 上又命地方官俱近前訓諭曰江南錢糧既多火耗雖輕斷無不足養廉者清乃居官之常清官每多殘酷清而能寬斯為盡善○諭吏部福建巡撫員缺甚為緊要張伯行為人篤實即在行間亦非退縮者著升為福建巡撫○己卯以馬逸姿為江蘇按察使由蘇松
夏四月甲申 上駐蹕杭州○丁亥閱杭州官兵射○癸巳諭福建浙江總督梁鼎勳等朕頃因視河駐蹕淮上江浙兩省官員及地方紳士軍民皆環道遠迎懇請臨幸朕勉順羣情涉江而南所至郡縣見雨暘應時麥苗蕃殖比閭樂業可冀盈甯方今二麥並熟正將刈穫之時誠恐百姓沿途迎送老穉扶攜動盈千萬越阡度陌不無踐傷朕心甚為軫惜凡所過地方悉令停止迎送且節候漸熱朕舟行乘夜迎涼亦未可定民雖遠來無由親見爾等督撫可張示徧加曉諭無負朕重農愛民之意○甲午 上自杭州回鑾○以王家棟為廣西按察使由雲南承○戊申以卞永式為四

川布政使由廣西按察使遷○庚戌諭大學士馬齊等甘肅提督員缺甚為緊要吳法為總兵官副都統時聲名俱佳今任提督患病是實觀西甯總兵官殷泰材健人優從軍十餘次身經二十餘戰被創數處口齒為鳥槍中傷馬步箭俱精而漢文亦通自任總兵官以來邊外蒙古內地人民無不稱頌且久居西土地方事情亦皆諳練著升為甘肅提督又諭朕召福建提督吳英入語良久見其為人篤實深得大體而心中明達朕語及海寇吳英奏云海寇斷不至延蔓苟至延蔓則任臣等何用然亦不能使不為小寇也海中與城郭不同城郭有里甲易查寇盜無所棲止海乃汪洋之水賊乘一小舟到處藏匿難以緝獲然而為賊者大都皆係商販本利虧折不得已而為之者多此即可謂之海寇乎所奏之言深中窾要且效力年久著加授將軍銜又提督中王世臣岳昇龍潘育龍

東華錄 康熙七十九年 九

五月壬子朔 御舟泊山陽縣論河道總督張鵬翮及河官等古今治河形勢不同舊時常患清水不足敵黃水每有黃水倒灌之虞今清水敵黃水有餘運河清水甚大反流入高郵湖設高郵湖水長溢入運河則運河東隄受險少有疏虞雖堵塞不難而生民田廬不可問矣應加謹防護以保無虞清口湖水七分敵黃三分濟運今應將大墩分水處西岸草壩再加寬大使清水多出黃河一分少入運河一分則運河東隄不至受險又於蔣家壩開河建開引水由人字河芒稻河下江由下河及廟灣等處入海不惟洪澤湖之水可以宣洩而盱眙泗州積水田地亦漸次涸出水小則下板蓄水敵黃水大則啟板洩水且便於商民舟楫往來其祥符關口門甚窄趁此黃水不甚高之時委幹員將歸仁安仁利仁三

關改寬洩水則徐州一帶民田可無淹沒之虞矣○河道總督張鵬翮奏臣遵旨親率河員於高家堰武家墩天然壩等處一一踏勘天然壩迤南清水溝及蔣家壩等處舊有河形俱應挑濬並於南北兩岸修築隄工建石閘一座草壩一座共需銀七萬六千兩有奇得旨見今濬淮套地方停止開河其武家墩天然壩等處工程著交與尚書徐潮侍郎鐵圖將原派帶來官員內揀選二十五員存留修河並將所帶帑銀分工修理餘員俱著回京○癸酉上還京師○丙子九卿等議張鵬翮阿山將濬淮套地勢並不確視以不可開濬者奏請開濬殊為溺職應將張鵬翮革職阿山革任桑額劉光美于準並不詳確定議各降五級調用上諭大學士等聞驗視濬淮套之時張鵬翮桑額俱以為不可開而阿山獨強以為可開公同奏請著將阿山革任張鵬翮革去所加宮保桑

東華錄 康熙七十九年 十

額降五級劉光美于準各降三級俱從寬留任○先是湖廣總督石文晟以病乞休疏未批發至是諭大學士等石文晟人極粗鄙若為土司而罷其職似未得體彼既自行引病請休可令解任○諭滿大學士學士九卿等部院筆帖式當其初任筆帖式時即應思黽勉以冀大用爾等皆從筆帖式升擢者也朕今見關差筆帖式多有從都統及護軍統領之筆帖式派出者問以事務茫然不知並其該管大人姓名亦不能記大約鑽營進身者多况 太祖皇帝 太宗皇帝之時都統護軍統領並未設筆帖式著將都統護軍統領之筆帖式盡行裁去候缺令都統取撥什庫披甲中知書者用之護軍統領取護軍中知書者用之令二三年一換又各衙門筆帖式亦皆裁去候缺其缺取護軍用之亦二三年一換此外再有應裁之筆帖式亦著裁去至中書內竟有年方童穉者此

皆徇情補用嗣後補授中書著引見○以李旭升為工部右侍郎
由左副都御史遷○丁丑宗人府奏參右宗人輔國公齊克塔哈伊祖阿
敏屢犯重罪 皇上宏恩將伊父瓦山優授公爵瓦山沒後將公
爵襲於齊克塔哈又補授右宗人應詎勉效力乃凡事推諉妄行
鑽營趨承諂媚應將齊克塔哈革去右宗人並公爵至閒散宗室
星尼係緣罪革去貝子繫禁家中之人 皇上寬恩赦出理宜悛
改守分今仍任意妄行鑽營應將星尼交伊族弟康親王椿泰嚴
加鎖禁從之○戊寅諭九卿等今年朕南巡閱河沿河百姓無不
稱頌靳輔所修工程極其堅固自明末流賊李自成決壞黃河之
後一經靳輔修築至今河隄畧不動搖皆其功也且開中河而糧
船免行一百八十里之險此可以尋常目之乎前後總河皆不能
及地方軍民俱有為靳輔立碑之意但畏張鵬翮耳靳輔歿已十
餘年無有為之舉奏者然功不可泯也○追贈江西殉難建昌府
知府高天爵為太僕寺卿諡忠烈從伊子浙江溫處道高其佩請
也○諭戶部朕屢次視河南巡凡所過地方遇有各省漕船務加
詢問備悉其長途輪輓之事每船額載糧米數百石全責成於旗
丁旗丁管領重運遠涉江河經行數千里始抵通州身家性命攸
關其責甚鉅及交納入倉時設有糧數不足則處分追賠定例極
嚴既有懲創處分之例則不可無獎賞激勵之典如各營兵丁內
有人材健壯勉力報效拔補將領者甚多旗丁中有歷運四五十
年者累歲積勞奉公若不定議敘之例則希榮無階眾丁何所鼓
勵嗣後凡有領運照數全完者應令總漕獎賞若於額定糧數之
外有多交者計算米數並領運次數議敘授以職銜庶各幫運丁
皆踊躍自效而不肖之徒侵蝕虧損之弊可以漸止此朕破格優

恤旗丁裨益漕務之至意爾部即遵旨會同兵部詳議定例具奏
○諭兵部國家綏輯兵民又安海嶠必資威望素重之臣以昇干
城之寄有能久鎮巖疆實彰勞績者則錫命酬庸宜加顯秩福建
水師提督吳英當王師初定八閩白偏裨以至大將敷歷四十餘
年比任提督以來益殫壯謀克修軍紀目前大將中明習水性訓
練舟師者罕與媿倫是用特沛殊恩俾膺異數著授為威畧將軍
仍管水師提督事務以示朕優眷勞臣至意○諭吏部朕廬念河
防屢行親閱凡自昔河道之源流及歷來治河之得失按圖考蹟
靡不周知粵從明季寇氛決黃灌汴而洪流橫溢歲久不治迄於
本朝在河諸臣皆未能殫心修築以致康熙十四五年間黃淮交
敵海口漸淤河事幾於大壞朕乃特命靳輔為河道總督靳輔自
受事以來斟酌時宜相度形勢興建隄壩廣疏引河排眾議而不
撓竭精勤以自效於是淮黃故道次第收復而漕運大通其一切
經理之法具在雖嗣後河臣互有損益而規模措置不能易也至
於剗開中河以避黃河一百八十里波濤之險因而漕輓安流商
民利濟其有功於運道民生至遠且大朕每莅河干徧加諮訪沿
淮一路軍民感頌靳輔治績者眾口如久而不衰夫人臣有大
建樹於國家者獎勵酬庸宜從優渥雖賜卹易名已循彝典尚應
特予褒敘賁以殊恩靳輔著加贈太子太保仍給世職拜他喇布
勒哈番用彰朝廷追美勞臣之典為矢忠宣力者勸
六月壬午朔以耿額為刑部尚書由左都御史遷王國安為兵部右侍郎
由奉天府府丞遷阮爾詢為左副都御史由宗人府府丞遷薦良為理藩院右侍
郎由內閣侍讀學士遷○丁亥 上巡幸塞外啟鑾○以巢可托為左都御
史由刑部右侍郎遷郭世隆為湖廣總督仍革職戴罪效力原任廣東廣西總督

辛卯刑部奏秋審事得旨今年各省重罪人犯甚少可停其秋審直隸著照常審鞫○諭大學士馬齊坐糧廳赫芍色聲名惡劣運丁欠糧苦累皆由於此聞伊每船取銀八兩一年約得四五萬金赫芍色任坐糧廳十年則已得四五十萬矣朕之用彼原欲其作好官非令其圖利也是斷不可恕著革職鎖禁於城門又赫芍色如此乖張而倉場總督及都察院堂官科道官員何以並不劾參著一併問明回奏○丁酉以牛祜納為刑部右侍郎溫察為左副都御史由通政使選○乙巳戶部等衙門遵諭議覆運丁運米三年多交米一百石者給九品頂帶交米一百石以上者遞加議敘上諭大學士等此事若照部議行則富人希圖官職多交餘米數次即可至一品矣朕命議敘運丁者並非欲多取其米也特使運丁知所勸勉交米不至缺欠之意今部議謬矣著將運丁內有運糧

東華錄 康熙七十九 三

而已

東華錄 康熙七十九 四

臣王先謙敬編

臣周瀚蕃恭校

秋七月壬子 上駐蹕熱河○丁卯 車駕發喀喇和屯巡幸諸
 蒙古地方沿途諸藩來朝各賜衣幣○己巳工部左侍郎李元振
 以衰病乞休允之○乙亥 上駐蹕和碩恪靖公主第○戊寅諭
 大學士等浙江巡撫王然報浙省旱災而近日江南總督邵穆布
 亦奏報江南全省俱旱以此揆之被旱之處甚廣朕屢幸南省其
 地方山川形勢及小民生業鮮有不知者南方溝洫最多水之出
 入固易然亦止可備平常小旱而已若至大旱河蕩盡涸惟近大
 河之處猶可薄收若田高河遠之處水不能到必至全荒且小民
 有田者少佃戶居多豐年則納糧之外與佃戶量其所入分之一

遇歲歉則佃戶竟無策可施矣南方卑溼民閒難以蓋藏故比戶
 而居有米者少凡飲食諸物每日見買此數年幸遇豐稔可以無
 慮今遇大旱所關匪細奏聞之後若能得雨不必言知未有雨不
 早加詳議殊非朕保民如赤子之心矣著九卿詹事科道會同速
 議具奏又諭浙江被旱災事王然於六月二十八日具奏邵穆布
 於七月初十日具奏伊等具奏之後有雨無雨著問江南浙江大
 小諸臣或有伊等家信或聞之南方來人著即陳奏雖有錯誤亦
 不較也至江西湖廣兩省雨水米穀何如亦著問明具奏若江西
 湖廣雨水調和米穀豐收尚無妨礙儻雨水不調關繫甚大不可
 不豫籌畫也又諭前年山東饑饉朕發帑金遣旗員賑濟民乃安
 堵如故今巡行邊外見各處皆有山東人或行商或力田至數十
 萬人之多而該撫並未嘗奏稱彼處納糧人少者於此可以知小

民生息之繁矣

八月庚辰朔轉李旭升為工部左侍郎以阮爾詢為工部右侍郎
由左副都御史遷○辛巳 上駐蹕和碩榮憲公主第○丙申雲南貴州
 總督貝和諾奏貴州普安州三江苗人黃柱漢等在菴章寨肆行
 劫掠遣官兵討平之○甲辰 上駐蹕洮爾畢喇賜索倫總管賽
 音察克杜拉圖及打牲人銀幣
 九月丙辰 上回鑾○詔部院督撫承辦事務已結未結者於年
 終分析奏聞○戊午 上駐蹕烏蘭輝海拉蘇台賜科爾沁達爾
 漢親王額駙班第多羅扎薩克圖郡王鄂齊爾等所屬官兵白金
 ○己未 上駐蹕阿拉達爾畢喇賜蒙古治道者白金○庚申吏
 部奏康熙四十四年浙省漕艘過淮遲延逾限除原任浙省巡撫
 張泰交已故不議外應將原任福建浙江總督今升兵部尚書金

世榮罰俸一年 上諭大學士馬齊等此雖前任之事而金世榮
 平日原極怠惰著降五級調用○癸亥 上駐蹕和爾博圖噶岔
 ○甲子閱察哈爾巴爾虎蒙古兵丁射○癸酉 上駐蹕和碩榮
 憲公主第○戊寅 上駐蹕宜納哈布拉克賜喀喇沁隨圍官兵
 銀布
 冬十月辛巳以江蘇旱發帑市米平糶○壬午 上駐蹕和碩端
 靜公主第○乙酉諭戶部江南自夏入秋雨澤愆期督撫先後奏
 至朕念小民驟罹荒旱所關甚鉅業經敕令停徵並發倉賑濟願
 倉儲數少未足徧給惟截留漕米可以實惠及民總漕桑額著會
 同總督邵穆布巡撫于準親歷被災地方備加察勘酌量賑濟之
 數分別存留截見收之糧以濟待哺之眾於民生大有裨益其康
 熙四十三年以前江蘇巡撫所屬未完民欠漕項銀兩六十八萬

七千兩有奇米麥三十一萬一千八百石有奇悉予豁免用紓閭閻之餘力俾辦額運之正供事切利民獨逾常格務使均沾實惠以稱朕深軫民依之意○外藩諸王貝勒貝子公台吉等各率所部進獻馬駝 上卻之眾皆叩首奏曰臣等祖父以來受 聖主隆恩撫恤豢養俾各得其所已數世矣逮及臣等遭噶爾丹之變父母妻子俱不能相保蒙我 皇上軫念特遣大臣官員將離散之人收養又頒賞銀米布帛牲畜等物使永立生業教之播種比年以來馬匹蕃滋衣食豐足高厚之恩萬難仰報今 聖駕遙臨邊塞巡視臣等生息進獻之物儻蒙收納則仰沐洪福嗣後馬匹愈加蕃盛矣諭曰朕今教養爾等人皆富庶物盡蕃滋爾等竭誠進獻朕心嘉悅即與收納無異嗣後爾等其益勤生計圖維滋息始副朕愛養至意○辛卯諭大學士馬齊聞內閣諸臣常將部院東華錄

康熙八十 三

題奏本章駁回刪改近為內閣侍讀奏補盛京員缺事屢次駁回果有不當則有票擬之例在題奏本章擅自駁回刪改殊為可駭俟進京時察奏又諭觀此時學士皆不及昔年阿蘭泰佛倫為學士時俱能強記又善於辦事伊桑阿下筆成文構詞頗順此時廷臣中能強記者誰耶馬齊奏曰溫達能強記又見馬爾漢引武弁入見人名俱不錯亦能強記者也 上又曰昔年批本皆乾清門諸學士手自批寫折爾肯所書尤速或諸人一二張未完而折爾肯已書成五葉草書更為敏捷其時皆稱折爾肯為書寫中飛手至原任學士布達禮向聞其善辦事後試用之並無所能徒空言而已○戊戌戶部議覆雲南貴州總督員和諾等奏雲南金銀銅錫等礦廠自康熙四十四年冬季起至四十五年秋季止一年之內共收稅額銀八萬一百五十二兩零金八十四兩零應駁回令

該督據實嚴查加增 上諭大學士等雲南礦稅一年徵銀八萬兩零用撥兵餉數亦不少若又令增加有不致累民乎此所得錢糧即敷所用矣本發還著照原奏議結○諭邊外地廣人稀自古以來從未開墾朕數年避暑塞外令開墾種殖見禾苗有高七尺穗長一尺五寸者今年南巡曾以此語張鵬翮未敢深信近值邊外收穫之時命特刈數本驛送總漕桑額轉示張鵬翮矣且內地之田雖在豐年每畝所收止一二石若邊外之田所穫更倍之可見地方不同然人力亦不可不盡也○庚子以蕭永藻為兵部尚書由左都御史遷宋駿業為左副都御史由宗人府丞遷○辛丑諭部院諸臣觀部院衙門司官甚是不及京察甄別既經停止若不得考察漸至廢弛爾等俱係大臣此次考察不可互相徇情或各部院官員有彼此遷轉任事未久者則本衙門堂官不能悉知其人著九卿東華錄

康熙八十 四

會同考察分別具奏○壬寅浙江巡撫王然奏杭州嘉興等處今歲少雨無收請截留漕糧五萬石以備駐防兵糧又奉命賑濟查常平倉積穀無多請照山東例於常平倉開例捐納 上諭大學士等浙江被災州縣亦照江南著總漕桑額親身會同該撫於被災各州縣截留漕糧賑濟饑民何必捐納爾等傳諭戶部○九卿等遵旨查參各部院衙門司官萬塔布等十二員得旨伊等俱著革退其各部院大小衙門筆帖式內有鑽營攬事行止乖亂狂妄庸劣不能舉筆者亦著革退○是月免浙江錢塘山東章邱等十二縣所被災額賦有差

十一月己酉朔諭戶部頃以江浙旱災隨命減稅蠲逋截漕散賑猶念民間素鮮儲積生計不充非格外滋培則荒歉之餘未能驟臻康阜茲特再施膏澤用宏休養康熙四十七年江南浙江通省

人丁共額徵銀六十九萬七千七百餘兩著悉予蠲免其今年被災安徽所屬七州縣三衛江蘇所屬二十五州縣三衛應徵康熙四十七年田畝銀共二百九十七萬五千二百餘兩糧三十九萬二千餘石浙江二十州縣一所應徵康熙四十七年田畝銀九十六萬一千五百餘兩糧九萬六千餘石亦俱蠲免徵所有舊欠帶徵銀米並暫停追取俟開徵時一併輸納務使小民一歲之內絕迹公庭安處隴畝俾得優游作息經理農桑庶幾閭閻氣象可以日加豐豫該督撫體朕孳孳惠愛黎元至意各飭有司實心奉行○庚戌以富甯安為漢缺左都御史由都統遷○乙卯以金培生為福建布政使宋致為福建按察使由巡海道遷○己未諭大學士等福建內地之民住居臺灣者甚多比來海濱災祲米穀不登在土著之人猶可採捕為生內地人民在彼者糧食缺少既難以自存欲歸

東華錄

康熙八十

五

不似北方專需麪食南方惟賴稻米北方則兼種黍稷粟有攜北方黍稷及蔬菜之類至南方種植者多不收穫此水土易宜不可強也且浙江地勢卑下不雨則蒸溼人不能堪有雨則涼快人皆爽豁雖地稱水鄉然水溢易洩澇歲為患尚淺旱歲為患甚劇若北方則經月不雨亦無礙南方夏秋閒經旬缺雨則田皆坼裂禾苗漸稿矣喜雨亭記云十日不雨則無禾蓋謂此也浙江農工全資灌溉今見其河渠港蕩比舊俱淺者皆由素無蓄蓄所致雨澤偶愆濱河低田猶可斛水濟用高燥之地力無所施往往三農坐困朕茲為民生再三籌畫經久之計無如興水利建閘座蓄水灌田之為善也江南之蘇松常鎮及浙江省之杭嘉湖諸郡所屬州縣或近太湖或通潮汐所有河渠水口宜酌建閘座平時閉閘蓄水遇旱則啟閘放水其支河港蕩淤淺者並加疏濬引水四

東華錄

康熙八十

六

故土又遠隔大洋誠為可憫著行文該地方官察明情願復歸本地者或遇兵丁換班之船或遇公務奉差之船令其附載帶回原籍○癸亥吏部議准偏沅巡撫趙申喬奏全楚延袤數千里中隔洞庭大湖路途既遙風波復險懇將候選候補教職之恩拔歲副貢生籍係湖北者選湖北之缺籍係湖南者選湖南之缺從之○甲戌賜步軍統領催甲士銀布○乙亥 上御乾清宮西暖閣召江南浙江兩省在京大學士以下翰林科道官以上齊集乾清門外又命大學士張玉書等入諭曰朕在宮中無刻不以民間疾苦為念恐遇旱澇必思豫防至巡幸各省於風俗民情無不諮訪即物性土宜皆親加詳考每至一方必取一方之士以試驗之今歲南巡江浙見天氣久晴所歷河渠港蕩之水比舊較淺即慮夏閒或有亢暘之患是時麥秋雖見豐稔然南方二麥用以為麪粳者多

達仍酌量建閘多蓄一二尺水即可灌高一二尺之田多蓄四五尺水即可灌高四五尺之田準此行之可俾高下田畝永遠無旱澇矣爾等其以朕意曉諭廷臣詳議以聞張玉書等隨出傳諭諸臣畢復入奏曰臣等恭傳 聖諭諸臣無不感頌請通行江浙兩省督撫查勘太湖水口酌建閘座或有支流去湖稍遠歲久淤塞者宜令挑濬深廣一體建閘以蓄水源又凡通潮之地每月朔望潮汛盛長二次若將支河濬深建置閘座於潮盛時下板蓄水儘足供灌溉之用矣 上曰今所議閘座原與運道無涉而關繫經費錢糧所以無人敢言朕特念江浙財賦重地小民粒食所資故欲講求經久之策諸臣所見既皆符合今總漕及各督撫俱為截漕散賑事見在彼地料理該部速行文伊等將各州縣河渠宜建閘蓄水之處並應建若干座通行確查明晰具奏以朕度之建閘

之費不過四五十萬兩且南方地畝見有定數而戶口漸增偶遇歲歉艱食可虞若發帑建閘使貧民得資備工度日餬口亦善策也○是月免直隸文安江南太倉浙江安吉等四十五州縣衛被災額賦有差

十二月甲申賞八旗護軍校前鋒護軍等白金○丙戌以溫達為文華殿大學士兼吏部尚書調馬爾漢為吏部尚書耿額為兵部尚書以巢可托為刑部尚書調漢缺左都御史富甯安為滿缺左都御史○丁亥督修上下兩河戶部尚書徐潮等奏臣遵旨將蔣家壩至高郵湖等處工程皆分與京中派出修河官員修築次第告竣會同河道總督張鵬翮驗明取具印領訖下部知之○辛卯

上幸南苑行圍○戊戌諭大學士溫達等頃因刑部彙奏事內有一字錯誤朕以硃筆改正發出內外各衙門奏章朕皆一一全覽外人謂朕未必通覽故朕於一應本章見有錯字必行改正其翻譯不堪者亦改削之當用兵時一日有三四百本章朕悉親覽無遺今一日中僅四五十本章而已覽之何難一切事務不可少有怠慢之心也○己亥以王九齡為左都御史由吏部左侍郎遷○辛丑

上還宮○丙午賜親王銀各八千兩郡王及受封貝勒諸子各七千兩貝勒各六千兩貝子公等各三千兩未受封 皇九子

皇十子 皇十三子 皇十四子各四千兩 皇十二子二千兩

內大臣侍衛等概賜銀百兩○是月免直隸霸州江南滁州浙江

新城江西新喻等二十九州縣衛所被災額賦有差○是歲朝鮮琉球來貢○人丁戶口二千四十一萬二千五百六十田地山蕩

畦地五百九十八萬九千二百三頃六十二畝有奇徵銀二千七百四十二萬五百六十八兩有奇米豆麥六百九十七萬三千二

十三石有奇草二百八萬二千六百九十五束茶十五萬七千五百十二引行鹽四百三十二萬一千四百七十五引徵課銀二百六十九萬八百二十八兩有奇鑄錢二萬三千八百八萬五千九百有奇

東華錄

康熙八十

八

臣王先謙敬編

臣周倫蕃恭校

康熙四十七年戊子春正月甲寅領侍衛內大臣滿漢大學士及九卿等奏 皇上御極以來凡祭祀大典俱親詣行禮 皇上虔誠 上天早已洞鑒今次祭 祈穀壇正值 聖體初愈臣等誠恐禮數繁多 聖躬過於勞頓恭懇暫停親祭 上諭朕從前入冬後微覺頭眩今叨 上天佑庇身體康健若果朕躬欠安不能行禮自當遣官致祭朕生平從不作欺人語欺人即自欺况祭祈穀壇乃為天下萬民粒食之計敬事 天地正朕之責豈可不親詣行禮耶朕志已決不必再奏○庚午浙江巡撫王然奏大嵐山賊眾於嶼縣慈谿上虞等縣行劫隨遣官兵往捕前後斬殺賊東華錄 康熙八十一

人四名擒獲十五名 上諭大學士等朕聞大嵐山不通舟楫糧運難到盜賊不能久棲自古以來必於宜戰之地而後戰不攻其所不可攻昔擊騰機思在昭莫多之地後擊噶爾丹亦在昭莫多之地以是觀之戰必於宜戰之地也大同渾源州左衛俱素稱難攻之城 太宗文皇帝時三攻大同而不拔後姜瓖反亦攻大同而不拔逮賊糧絕始克其城以是觀之自古及今難攻之城仍難攻也○辛未重修南嶽神祠工竣 御製碑文○癸酉大學士席哈納以老乞休得旨席哈納著在該管王門上行走○乙亥轉王國安為兵部左侍郎以鹿祐為兵部右侍郎由太常寺卿遷○詔留湖廣江西漕米四十萬石於江甯蘇州松江常州鎮江揚州平糶

二月庚寅 上御經筵○辛卯吏部遵旨察議御史袁橋奏參山西巡撫噶禮各款既經噶禮辯明應毋庸議袁橋以無憑據之事

參奏今又枝梧巧供應革職御史蔡珍參山西學臣鄒士璉受託奏留噶禮亦無憑據應降一級罰俸一年從之○遣官巡江浙海口察禁私糶○甲午 上巡幸畿甸啟鑾○丁酉奉差浙江察審大嵐山賊一案戶部侍郎穆丹湖廣察審紅苗一案內閣學士二高請訓 上諭穆丹曰此賊結隊橫行已二三年不比尋常小盜情罪可惡爾今速往會同將軍督撫會審務須決斷毋得柔弱一到即將賊首張念一所供朱三太子及其子等作速追拏並將見獲賊犯速行審結若俟眾犯全獲則曠日持久巡撫王然卸過武官委罪下屬身為封疆大臣地方有盜謂之不知可乎況干總被殺乃日墜馬身殞下屬欺蔽不報上官隱匿不奏釀成盜賊大玷官方爾其傳旨嚴飭諭二高曰湖廣紅苗前已設官管轄今何以彼此爭鬪以致殺戮此皆地方官怠忽所致况苗人所居之地纔東華錄 康熙八十一

百里一省之官何難鎮壓爾往會同總督郭世隆巡撫趙申喬明白詳審如官民多事則懲究官民果係苗人抗法則處治苗人不可姑息其以此旨傳諭該督撫等○丙午命暹羅使臣所帶貨物聽其隨便貿易並免徵稅○是月免福建臺灣等三縣上年旱災額賦有差

三月丙辰 上還京師○己巳諭議政大臣等朕自幼時讀書之餘常習騎射因見滿洲中挽硬弓者甚少常以騎射鼓舞眾人今見官員兵丁中挽十五力及十餘力弓者甚多矣且朕自幼常習畋獵身體強健中路出征時往來行走四月有餘日進一餐五更起行至晚始歇遇沙地則下馬步行殊覺耐勞至甯夏出征時往來兩月有餘並不會在途中歇養馬駝自往迄還馬駝俱無倒斃舊時將軍出於未到西安甯夏荊州等處之先必喂養馬匹二三

十日然後啟行尚不能無倒斃之累由是觀之凡領兵行走欲士卒精強馬匹壯健俱視率領之人措置何如耳且甯夏出兵之時朕帶領兵丁於鄂爾多斯花馬池定邊等處行圍每日殺兔數千一日所獲可作兵丁幾日乾糧朕於花馬池地方一日殺兔三百一十八隻自甯夏還時至黃河渡口因無大船朕量帶侍衛人等乘小舟順流而下以所帶乾糧甚少每日往山間收獵河中網魚而食二十餘日並未用及乾糧至湖灘河朔渡口朕日御小舟令新滿洲四人棹舟追射雁鴨等物一日可得數百隻彼時朕年方壯兼之熟習水性故毫不介意迄今思之轉覺自懼也然領大兵行走事必率先必能豫料始可服眾令其遵指授而行也朕於諸事閱歷已周行走已熟審其可成而後行似朕率領有方身先士卒嗣後將軍大臣等亦難做效蓋天下事無有過於領兵之難者也

東華錄

康熙八十一

三

閏三月戊寅朔重修北鎮神祠成 御製碑文○甲申以徐元正為內閣學士由翰林院侍讀學士遷○己丑遣大理寺卿塔進泰至湖廣按捕盜鑄錢及與為姦利者○庚子吏部尚書宋學以老病乞休命原官致仕○辛丑以吳進泰為山西布政使由中選○甲辰內閣學士舒蘭以病乞休允之○諭吏部傳繼祖著解吏部左侍郎任以原品辦理該管王府事

夏四月己酉調徐潮為吏部尚書由戶部調以音達禮為內閣學士由翰林院侍讀學士遷○以齊世武為四川陝西總督由甘肅巡撫遷○壬子調穆和倫為吏部左侍郎轉莫音代為工部左侍郎以揆敘為工部右侍郎由翰林院掌院學士遷○戊午 上諭大學士等山東巡撫趙世顯擊獲朱三父子解往浙江交穆丹處朱三者乃明代宗室今已七十六歲

伊父子遊行教書寄食人家若盡拏容留伊等之人恐株連太多可傳諭穆丹知之○辛酉湖廣提督俞益謨密摺奏請來秋發兵剿除紅苗 上以苗人無大罪命大學士詳議不許○丙寅大臣明珠故遣 皇三子允祉往奠茶酒賜馬四匹○丁卯以岳代為山西按察使由給事中遷○乙亥禮部尚書凱音布以年老乞休允之五月辛巳諭大學士等朕南巡閱河見洪澤湖風浪危險隄岸斗立商民船隻觸石損壞傷人甚多朕心時切軫念因特令河臣沿湖隄棚設救生木椿自設椿以來數年內並未損船傷人於商民大有裨益此椿應時加增修愈多愈善嗣後著江甯蘇州杭州三處織造每歲於節省銀內各捐五百兩解送總河衙門以備救生椿之用該省逐歲增修存案不必奏銷如不實行修理於別項支用者從重治罪○甲申調王鴻緒為戶部尚書由工部調以舒圖為甘肅巡撫由內閣學士遷○乙酉以富甯安為禮部尚書由左都御史遷○丙戌上巡幸塞外啟鑾○辛卯以穆和倫為左都御史由吏部左侍郎遷金寶為內閣學士由內閣侍讀學士遷○乙未增雲南解額○戊戌調穆丹為吏部左侍郎由戶部左侍郎遷○庚子諭九卿詹事科道昨侍郎穆丹等審訊案內有賊犯王昭駿受僞兵備道衙擬凌遲處死其嫡伯叔兄弟照例坐罪朕念太倉王氏大小官員甚眾今因一人不肖照例坐罪朕心殊覺不忍爾等會擬但坐王昭駿本身妻子其嫡伯叔兄弟俱著寬免○壬寅調赫壽為戶部左侍郎由禮部右侍郎遷○內閣學士音達禮以病乞休允之

東華錄

康熙八十一

四

六月丁未 上駐蹕熱河○癸丑以馬禮為內閣學士由內閣侍讀學士遷○丁巳九卿議覆侍郎穆丹等所審浙江賊犯朱三即王士元等二十九人俱擬凌遲處死朱生等三十三人俱擬立斬僧洞然擬

斬監候巡撫王然不豫行嚴察盜賊又不能盡行擊獲應降一級
調用提督王世臣以干總婁汝初被賊殺害捏報墜巖身死應革
職又江南賊犯錢保等五十人俱擬凌遲處死張世侯等四十二
人俱擬立斬 上諭大學士等擬正法之人太多但將首惡正法
其連坐人犯等從寬改爲流徒至朱三父子不可宥朱兆琦係旗
下人乃附從朱三亦不可宥俱著再議具奏王然降一級從寬留
任王世臣人材壯健從寬免革職降五級留任其捕賊受傷官兵
俱照例議敘○乙丑九卿遵旨再議浙江賊犯朱三卽王世元等
仍照前議立斬朱三卽等三十三人內董克昌等二十六人改發甯
古塔僧洞然仍監候秋後處決江南賊犯錢保等五十人仍照前
議其立斬張世侯等四十二人內張世侯徐四卽卽處斬王齊七
等四十人改發甯古塔得旨匪類稱朱三者甚多著將朱三卽王
東華錄 康熙八十一 五
士元伊子朱焯朱三朱在朱坤伊孫朱鈺寶等帶至京城問
明正法浙江賊犯案內董春園張念二等七人俱著卽凌遲處死
朱兆琦依擬立斬董綵奇等二十一人擬凌遲處死俱著改爲立
斬僧洞然依擬應斬監候秋後處決餘俱從寬免死並伊等妻子
發往甯古塔江南賊犯案內錢保王柏陸升王斌俱著卽凌遲處
死張世侯徐四依擬立斬施先等四十七人擬凌遲處死者俱著
改爲立斬餘俱從寬免死並伊妻子發往甯古塔○以江蘇久雨
米貴命發截存漕米平糶救江西湖廣毋過糶○丁卯清文鑑成
上親製序文曰朕惟自昔聖人易結繩以書契用使天下之義
理悉歸文字天下之文字悉歸六書六書備而義理無不畢具苟
不爲講習修明則形聲點畫之制雖存其義幾息矣我 太祖高
皇帝勅業垂訓至仁合於天地肇造清書大文炳如日月 太宗

文皇帝上聖之資開天之運繼志紹聞丕宣文治 世祖章皇帝
神靈首出智勇天授秉英斷之資持以恭儉擴寬仁之量濟以憂
勤朕以涼德膺 祖宗之鴻圖卽位多年未嘗曷刻不以法 祖
爲念兢兢自守宵旰靡遑萬幾之暇惟以讀書窮理盡吾之志凡
五經四書已經翻譯之外如綱目講義等有關於治道者靡不譯
盡近老成耆舊漸就凋謝因而微文奧旨久而弗彰承譌襲舛習
而不察字句偶有失落語音或有不正國書所關甚鉅政事文章
皆由此出非詳加釐定何所折衷非編輯成書何以取法爰詔儒
臣分類排纂日以繕藁進呈朕親御丹黃逐一審訂解詁之疑似
者必晰同異於毫芒引據之闕遺者必援經史以互證或博咨於
故老或參考於舊編大而天文地理小而名物象數十二字母五
聲切音具載集中名曰清文鑑用採音聲之本原究字畫之詳盡
東華錄 康熙八十一 六
爲部三十有六爲類二百八十爲書二十一卷清文得此而無餘
蘊凡以明 祖德之源流敬本之深意也易云觀乎人文以化成
天下朕仰承 列祖勅造之宏模深惟國家同文之盛典歲月數
周彙成全帙誦是編者尙其體朕歷載之勤劬因聲音以求字畫
因字畫以求文章繼自今詔令之出納章奏之敷陳以及達於遐
陬勒諸琬琰者大經大法咸有據依一話一言式循典則庶幾圖
書永貽於千百禩而與日星河漢長垂天壤也夫

東華錄

康熙八十二

臣王先謙敬編

臣周濟蕃恭校

秋七月丁丑諭刑部凡減等流徒者俱係死罪豁免之人理當在流所安靜守分若仍不改過逃回作惡情罪殊為可惡嗣後流所逃回不犯罪者仍照原定例完結外逃回後又復犯罪不論罪之輕重並將舊案查出立時正法庶匪類知所警戒著為令○庚辰工部議准江南江西總督邵穆布等奏臣等遵旨親勘各屬水道如蘇州府太倉州常熟縣為通江入海要道應建閘啟閉以資蓄洩灌溉田疇其劉河等舊閘亦損壞理應修葺常州府武進縣鎮江府丹陽丹徒兩縣共計舊閘六座年久坍塌俱當修葺至蘇松常鎮四府屬各支河小港關繫水利處率皆淤淺宜逐一疏浚共

東華錄

康熙八十二

計修建閘座並挑濬河工需銀一十七萬八千九百餘兩從之○

癸未 御製親征平定朔漠方略序其文曰朕祇承 天眷懋紹

祖宗丕基為億兆生民主薄海內外皆吾赤子雖越在邊徼荒服之地僅有一隅之弗甯一夫之弗獲不忍忽然視也西北塞外喀爾喀七旗與厄魯特四部落並號雄藩同奉職貢非一日矣不意有厄魯特噶爾丹者賦性兇殘中懷狡詐戕害其兄弟兼併四部蠶食鄰封其勢日張其志益侈朕初聞厄魯特與喀爾喀交惡隨遣親近大臣頒賞賚以和解之迨其後與兵構怨又命大臣曉譬利害諭令息爭乃噶爾丹抗旨狂逞致喀爾喀為所潰敗叩關乞援朕收撫之置諸邊內資給餼牽始皆得所而噶爾丹猶修怨如故所在侵陵忽闖入烏闌布通之地朕授鉞親王大臣問罪聲討大師克捷未卽殄除時賊倉皇宵遁深懼我軍之窮迫投牒指

誓因而釋之假使噶爾丹能自此悔禍改圖則雖至今存可也夫何轉瞬渝盟包藏不軌窺伺我斥堠搖惑我外藩潛奪我納木扎爾陀音肆虐不止朕念此寇斷宜速滅於是整飭士馬備峙糧糗決策親征而賊之蹤迹飄忽無常又慮其兵至遠颺兵退復入乃授密畫於科爾沁王沙津令其遣使誘賊約至近地旋調發盛京諸路軍禦東路分遣一軍截西路朕躬統六師從中路入比行近賊巢噶爾丹不敢抗我顏行聞風奔竄朕親率前鋒軍併日追擊賊窮蹙已極盡棄其子女輜重而遁會與我西路師遇大敗其軍噶爾丹僅以數人跳身走嗣是朕再駕而至鄂爾多斯三駕而至狼居胥山麓宣威布惠兼用互施招徠其黨羽退絕其歸路其寨桑等接踵嚮附其子復為我擒賊自料勢不能追遂爾仰藥授首所親信丹濟拉等亦相繼乞降二十餘年狡悍陸梁之勁寇曾不

東華錄

康熙八十二

二載悉皆草薶禽獮而大業克就矣夫烈焰弗戢必將燎原積寇

一日不除則疆圉一日不靖方親征之初舉也在朝諸臣多持異議狂於目前之計者謂兇鋒挫衄無足深憂憚於征繕之煩者謂大漠遊魂難以就縛不知除惡務盡制勝在謀歷觀漢唐宋之已事往往罷敝中國之力而不能成廓清邊塞之功良由經理失宜而殲之不早也朕既遠鑒前轍復追維烏闌布通之失故不避寒暑艱辛親泣窮邊三勤薄伐惟是逆形已著然後徂征怙惡不悛然後按討身先士卒則櫛風沐雨而人皆忘勞指畫軍儲則轉饑饋師而人爭用命茂草茁於荒磧流泉溢於沙陀萬里經行安如枕席非邀神佑曷繇臻此易曰天之所助者順也人之所助者信也朕仰憑天道俯愜人情以萬不得已而用兵之道乘刻不容緩而滅寇之機立拯邊境之毒痛永底中原於清晏昭告 郊 廟

適契成謀使非慮出萬全可輕言師旅茲前後用兵本末具載卷中覽是編者尙克喻朕心焉○己丑給事中王懿奏參提督九門步軍統領託合齊欺罔不法貪惡殃民等款得旨著託合齊明白回奏○工部議覆福建浙江總督梁鼎芬等奏臣等遵旨勘杭嘉湖三府水道惟湖州府偏近太湖有七十二港濶爲入湖要道應建閘六十四座以爲蓄洩之計其舊有閘座止須修理至嘉興府去太湖稍遠大流卽是運河支流環繞通連無可建閘惟水道淤淺處急宜疏浚杭州府去太湖益遠雖通錢塘江潮地高不能引水深入亦毋庸建閘所有西湖通水諸處各有舊閘以灌漑民田並爲鄰邑借潤亦宜修葺其三府支河港蕩內有淤淺者責令有司勸諭民間及時開浚不煩支帑至三府內應建閘座與應疏通處共需銀四萬一千八百餘兩俱應如所奏得旨去歲杭州等處

東華錄

康熙八十二

三

地方被災民生疲敝今動支帑建閘其支河港蕩內淤淺處若勸民自行開浚地方官員或藉此私派害民亦未可定亦著給發正項錢糧開浚○壬辰 上行圍發熱河○刑部等衙門會議學士二鬲審理紅苗一案內殺傷得勝營兵丁廖老宰等俱應立斬梟示餘俱枷責至於擅自遣兵前往苗寨革職守備王應瑞等俱應充發從之○辛丑給事中高遐昌奏提督九門步軍統領託合齊欺罔不法已經科臣王懿糾參臣又何敢置喙但舊例有宜復者三一巡捕三營請仍歸兵部管轄一民間詞訟請仍歸地方官審理一五城街道請仍歸工部司官管理得旨從前巡捕三營屬督捕管轄時營官侵蝕兵糧雖兵數具存而京城大臣官員家丁皆充兵冒餉全無實濟積弊沿流極其懈弛以致漢官員疏陳奏朕下九卿等會議歸併前任步軍統領令其清釐營伍選擇營弁

東華錄

康熙八十二

四

盡力投稽嚴緝攘劫然後盜賊漸滅官民獲安此眾所共知著有明效者也並非至託合齊任內方令統轄託合齊一人之用舍有何關繫但其人一經參劾則該部自據定例具奏絕不在於扶同附和相繼續參此風亦斷不可長且巡捕三營官員或於各省營弁或於旗下武職皆經朕親選壯健人才補用若果有一二驕悍不法之人言官卽當指名奏參乃將百餘員之營弁三千餘名之兵丁一概溷指以爲驕悍不法可乎著仍指名具奏況武職兵丁兵部皆可稽察步軍統領巡捕三營亦隸於兵部誠欲建言則將兵部奏參未爲不可高遐昌乃謂巡捕三營應歸併兵部所言大謬又街道事務司坊等官管理時畏懼顯要官職削削里巷小民止知勒索鋪戶銀錢而街道事務毫不置念因敝壞已極故亦歸併步軍統領管理今既商民受街道之累卽著高遐昌兼管一年

東華錄

康熙八十二

四

卽能行之人矣

八月甲辰朔日有食之○庚申奉差祭告南嶽內閣學士宋大業奏參偏沅巡撫趙申喬輕褻 御書及遏羅苛徵等款得旨著題申喬明白回奏○壬戌先是 皇十八子允祜抱病畱住永安拜昂阿調理至是病篤 上還鑾臨視駐蹕永安拜昂阿○辛未上命侍衛吳什暢壽治儀正存柱傳諭扈從諸大臣曰近日聞諸阿哥常撻辱諸大臣侍衛又每尋釁端加苦毒於諸王貝勒等諸阿哥見今俱未受封爵卽受封後除伊屬下人外凡有罪過亦當奏聞候朕處分伊等何得恣意妄行撻撻乎朕爲天下元后凡事但遵大義而行無罪之人未常枉法處治國家惟有一主朕日禱祝於天亦欲眾皆無事以享太平耳八議內三品以上官員雖犯

罪不遽擬斬擬絞而必奏聞者所以敦國體非為臣下也諸阿哥擅辱大小官員傷國家大體此風斷不可長伊等不遵國憲橫作威勢致令臣僕無以自存是欲分朕威柄以恣其行事也豈知大權所在何得分毫假人即如裕親王恭親王皆朕親兄弟也於朕之大臣侍衛中曾敢笞責何人耶縱臣僕有獲罪者朕亦斷不輕宥然從未有輕聽人言橫加侮辱之事且 太祖 太宗曾降訓旨戒勿濫行捶楚荼毒無辜煌煌 實錄紀載甚明不意今日竟流而漸下不法多端也去年朕幸洮爾河時喀喇沁之護衛莽欣管理圍場因科爾沁之人行列不整意欲撻之朕向遣人往諭莽欣云爾乃喀喇沁人而責科爾沁之人恐科爾沁人眾寒心喀喇沁之人尚不可責科爾沁之人諸阿哥何得妄將大臣侍衛等數捶撻加以苦毒嗣後諸阿哥如仍不改前轍許被撻之人面詰其

東華錄

康熙八十二

五

見撻之故稍有冤抑等情即赴朕前叩告朕且欣然聽理斷不罪其人也至於爾等有所聞見亦應據實上陳若一切隱諱後來漸至殺人亦將隱而不奏乎爾等隱而不奏即爾等之罪矣若吳什暢壽存柱三人將朕斯旨或隱一言不宣諭明白使朕咸知即將伊等正法

九月乙亥諭扈從諸大臣等自十八阿哥患病以來朕冀其痊愈晝夜療治今又變證諒已無濟朕躬所繫甚重上則恐貽高年皇太后之憂下則天下臣民咸賴予一人區區穉子有何關繫朕乃割愛即此就道至二十里許駐蹕特諭是日 上駐蹕布爾哈蘇台○予故四川陝西總督博壽祭葬○丁丑 上詔諸王大臣侍衛文武官員等齊集行宮前命皇太子允礽跪 上垂涕諭曰朕承 太祖 太宗 世祖宏業四十八年於茲兢兢業業軫恤

臣工惠養百姓惟以治安天下為務今觀允礽不法 祖德不遵朕訓惟肆惡虐眾戾淫亂難出諸口朕包容二十年矣乃其惡愈張侈辱在廷諸王貝勒大臣官員專擅威權鳩聚黨與窺伺朕躬起居動作無不探聽朕思國惟一主允礽何得將諸王貝勒大臣官員任意陵虐恣行捶撻耶如平郡王訥爾素貝勒海善公普奇俱被伊毆打大臣官員以至兵丁鮮不遭其荼毒朕深悉此情因諸臣有言及伊之行事者伊即讐視其人橫加鞭笞故朕未將伊之行事一詢及於諸臣朕巡幸陝西江南浙江等處或駐廬舍或御舟航未嘗跬步妄出未嘗一事擾民乃允礽同伊屬下人等恣行乖戾無所不至令朕報於啟齒又遣使邀截外藩入貢之人將進御馬匹任意擄取以致蒙古俱不心服種種惡端不可枚舉朕尚冀其悔過自新故隱忍優容至於今日又朕知允礽賦性奢

東華錄

康熙八十二

六

侈著伊乳母之夫凌普為內務府總管俾伊便於取用孰意凌普更為貪婪至使包衣下人無不怨憾朕自允礽幼時諄諄教訓凡所用物皆係庶民脂膏應從節儉乃不遵朕言窮奢極欲逞其兇惡今更滋甚有將朕諸子不遺噍類之勢十八阿哥患病眾皆以朕年高無不為朕憂慮伊係親兄毫無友愛之意因朕加責讓伊反忿然發怒更可異者伊每夜偪近布城裂縫向內竊視從前索額圖助伊潛謀大事朕悉知其情將索勒圖處死今允礽欲為索額圖復仇結成黨羽令朕未卜今日被鳩明日遇害晝夜戒慎不甯似此之人豈可付以 祖宗宏業且允礽生而剋母此等之人古稱不孝朕即位以來諸事節儉身御敝褥足用布靴允礽所用一切遠過於朕伊猶以為不足恣取國帑干預政事必至敗壞我國家戕賊我萬民而後已若以此不孝不仁之人為君其如 祖

業何諭畢 上復痛哭仆地諸大臣扶起 上又諭曰 太祖
太宗 世祖之締造勤勞與朕治平之天下斷不可以付此人俟
還京昭告於 天地 宗廟將允初廢斥朕前命直郡王允禔善
護朕躬並無欲立允禔爲皇太子之意允禔秉性躁急愚頑豈可
立爲皇太子其允初黨羽凡係畏威附和者皆從寬不究外將索
額圖之子格爾芬阿爾吉善暨二格蘇爾特哈什太薩爾邦阿俱
立行正法杜默臣阿進泰蘇赫陳倪雅漢著充發盛京此事關繫
天下萬民甚屬緊要乘朕身體康健定此大事著將允初即行拘
執爾諸王大臣官員兵民等以允初所行之事爲虛爲實可秉公
陳奏眾皆叩首流涕奏曰 皇上所見至聖至明諭旨所言皇太
子諸事一一皆確實臣等實無異辭可以陳奏○ 皇子允初薨
○庚辰 上駐蹕博洛和屯命近御侍衛吳什等傳諭諸大臣侍
衛及官兵人等允初爲皇太子時有所使令爾等敢不遵行但其
中豈無奔走逢迎之輩今見皇太子廢斥恐爲朕訪知或旁人首
告必至誅戮日夜危懼靡有甯時朕以允初兇戾勢不得已始行
廢斥斷不展轉按求旁及多人若將從前奔走之人必欲盡行究
處卽朕宮中宦侍將無一人得免者今事內干連人等應正法者
已經正法應充發者已經充發事皆清結餘眾不更推求嗣後雖
有人首告朕亦不問毋復疑懼至於三貝勒允祉平日與允初甚
相親睦所以召允祉來者因有所質問並非欲拘執之也伊雖與
允初相睦未嘗怨惡爲惡且屢曾諫止允初允初不聽此等情節
朕無不悉知其杜默臣等四人朕心疑之故充發盛京然伊等無
大惡款果有大惡已早在誅戮之列矣朕頃因悵憾不甯中心煩
悶故於眾人危懼不安之情未暇宣明諭旨今可徧諭本營及後

營人等○壬午諭領侍衛內大臣滿洲大學士前鋒統領護軍統
領副都統護軍參領侍衛滿洲侍郎學士起居注官等朕歷覽書
史時深儆戒從不令外間婦女出入宮掖亦從不令姣好少年隨
侍朕躬悉知朕之行事今皇太子所行若此朕實不勝憤懣至今
六日未嘗安寢 上涕泣不已諸臣皆嗚咽奏請曰天下臣民所
仰賴者惟我 皇上伏願 皇上以 祖宗宏業爲重暫釋痛憤
頤養 聖躬 上曰朕承繼大統數十年來擴從古未入版圖之
疆宇服從古未經歸附之喀爾喀厄魯特等今雖年齒漸增亦可
以縱橫天下非自矜伐也爾諸大臣官員軍民人等皆愛戴朕躬
出於至誠朕於大小臣工亦無不撫恤從未嘗妄行笞辱一人今
歲中外大臣病故者甚多朕皆爲之摧心墮淚爾諸臣未必知也
東華錄 康熙八十二 八
諸臣既以朕躬當頤養爲請朕豈有不加意頤養者耶又諭今歲
有事朕已豫知朕意中時若有一事將發者曾向允初言之今歲
未盡於此也彼時亦不知所發何事而不意竟有此事也又諭朕
閱 實錄 太宗皇帝統大軍抵北京擊敗明兵凱旋之時諸大
臣固請曰臣等隨從至此本圖建立功業今奈何薄城而不取
太宗皇帝曰今取此城甚易當觀天意何如嗣後北京爲流賊所
據我諸王佐 世祖皇帝直取北京統一區宇逮於朕躬歷二代
六十五年今天下治安率土人民咸享太平之福此亦朕恪守
祖業夙夜勤勞之所致也朕會因亢旱宮中齋戒三晝夜焚香懇
禱 上帝至祀 園丘之日立見感格大沛甘霖始知幽獨之誠
具在 上天昭鑒中也後又值旱災左右奏請朕仍前禱雨朕言

今天下豐裕朕心之誠恐不及前 上天皆已鑒知不宜輕禱此朕不敢稍有虛偽之意故以此心告之諸臣自今以後益當與爾等加意圖治耳○甲申諭內大臣大學士翰林官員等近觀允禛行事與人大有不同晝多沈睡夜半方食飲酒數十巨觥不醉每對越神明則驚懼不能成禮遇陰雷雨電則畏沮不知所措居處失常語言顛倒竟類狂易之疾似有鬼物憑之者○丁亥以蔣陳錫為山東布政使由河南按察使遷○子故原任貴州巡撫王燕祭葬○戊子諭大學士等允禛宮人所居擷芳殿其地陰黯不潔居者輒多病亡允禛時常往來其間致中鬼魅不自知覺以此觀之種種舉動皆有鬼物使然大是異事○己丑 上還京師○先是拘執廢皇太子允禛時沿途皆直郡王允禔看守至是抵京設壇帷居允禛於上駟院旁 上特命 皇四子同允禔看守○大學士等東華錄 康熙八十二 九

遵旨召集諸王貝勒等副都統以上大臣九卿詹事科道官等於午門內宣諭曰皇太子名分關繫重大朕熟觀史冊豈有輕舉之理當允禛幼時朕親教以讀書繼令大學士張英教之又令熊賜履教以性理諸書又令老成翰林官隨從朝夕納誨彼不可謂不知義理矣且其騎射言詞文學無不及人之處今忽為鬼魅所憑蔽其本性忽起忽坐言動失常時見鬼魅不安寢處屢遷其居啖飯七八碗尚不知飽飲酒二三十觥亦不見醉匪特此也細加訊問更有種種駭異之事至其近侍人員亦不為少其中豈無一二受伊恩遇者而竟不能得一二二人之心以此觀之非狂疾何以致是朕初意俟進京後告祭 奉先殿始行廢斥乃勢不可待故於行在拘執之爾諸王貝勒大臣官員眾意云何和碩康親王椿泰等諸王貝勒滿漢文武大臣官員齊跪奏曰 皇上之於皇太子

仁以育之義以訓之歷年已久不意數年來皇太子忽染狂疾為鬼物所憑種種行事不似平時 皇上深念 祖宗宏業國計民生如此施行允協於理臣等當公同具本上奏 上諭曰朕志已定當即告祭 天地 太廟 社稷廢斥皇太子著行幽禁○庚寅諭諸皇子及領侍衛內大臣滿洲大學士尚書侍郎學士等允禛乃皇后所生朕煦嫗愛惜親加訓諭告以 祖宗典型守成當若何又教之以經史凡往古成敗人心向背事事精詳指示允禛雖於他事不知甯不知人心之不可失耶乃幼承朕訓習知義理而反致人心盡失其為鬼魅所憑狂惑成疾彰彰明矣今允禛事已完結諸阿哥中儻有借此邀結人心樹黨相傾者朕斷不姑容也昔我 太祖高皇帝時因諸貝勒大臣訐告一案置阿爾哈圖土門貝勒褚燕於法 太宗文皇帝時因莽古爾泰德格類貝勒東華錄 康熙八十二 十

一案罪及哈達公主又因永平一案幽禁阿敏貝勒 世祖章皇帝時禮親王舉劾其子碩託貝子及其孫阿達禮王壞法亂國均正典刑睿親王輔政時錫翰貝子諸人因諂媚伏誅者甚多迨至朕躬鰲拜欲殺蘇克薩哈朕年尚幼屢經救諭而鰲拜卒將蘇克薩哈誅滅諸大臣多株連被殺者此等大案間常有之而宗室內互相傾陷者尤多此皆要結黨援所致也爾等可不戒乎朕今御極四十有八年矣歷覽史冊鮮有如朕在位之久者以此觀之上天之眷佑可知矣既承 天眷朕安得不為國為民竭盡心力乎○大學士等以翰林院撰擬廢斥皇太子告祭 天地 太廟社稷文呈奏得旨朕之所行無不可昭告 上帝者爾等所撰文未盡朕意朕親撰一文抒寫悃誠爾等不可改移一字即行翻譯呈覽尋大學士等以翻譯 御製告祭文呈奏 上召入諭曰

朕所撰文內有鞠躬盡瘁死而後已乃用諸葛亮出師表之語爾等殆謂此語惟人臣可用而人君則不可用是以變其文而譯之朕每謂諸葛亮乃純臣亮之此語非特人臣當如此人君益當如此朕常為諸臣言之為人臣者猶有可諉為人君者將安諉乎惟當敬天勤民鞠躬盡瘁而已朕為上天之子朕所仰賴者惟天所倚信者惟皇太子今皇太子所行若此欲行廢斥豈可不昭告上天定於明日告祭○癸巳大學士等遵旨齊集各部院衙門大臣問廢皇太子有將部院衙門事情私行更改處否如有著察明具奏據大臣等奏稱廢皇太子並無將部院衙門事情更改之處得旨朕殊批事情伊何敢私自更改但好攬事或將此作重或將彼作輕或將此寬免如此私行屬託之事甚多朕俱知之所以凡事少有可疑者朕俱不准行○丁酉以廢皇太子允禩頒

東華錄

康熙八十二

十一

詔天下詔曰朕承天眷命紹祖宗宏圖四十八年於茲宵旰孳孳不敢暇逸所敬惟天所重惟民每念天生民而立之君無非欲其愛養黎元俾無失所故於四方閭閻情形周咨博訪纖悉無遺凡有可以厚民生拯民困者不惜數千萬帑藏以博施濟累歲減免獄所全活者不下數千百人良以君道在於愛民此帝王之常經祖宗之家法亦用以垂示後人使知所則做也允禩自立為皇太子時勤教諭並簡名望大臣為之講明性理歷有年所願秉性乖戾罔體朕心違背朕訓雖愆尤日積尙冀其悔悟自新屢次南巡江浙西巡秦晉皆命允禩隨行原望其諳習地方風俗民間疾苦乃輒強勒督撫大吏及所在官司索取財賄所用宵小匪類尤恣意誅求肆行攘奪夫地方物力皆屬小民脂膏朕屢諭允禩宜加節儉乃窮奢縱欲逞惡不悛既已苛索外吏復奪取

外藩入貢馬匹等物私用內外庫帑為數甚多流毒臣民安所底極邇來暴虐滔淫過端彌著自諸王以及大臣官員悉被非禮陵辱橫加捶撻向因索額圖常泰交通設謀朕洞覺其情置索額圖於死而允禩時蓄忿於心近復有偏近幔城裂縫窺伺中懷叵測之狀凡此舉動類為鬼物所憑狂易成疾書曰天視自我民視天聽自我民聽人心所惡天必厭之宗社事重何以承祧朕圖維再三萬不獲已於康熙四十七年九月十八日奉皇太后慈命告祭天地太廟社稷特廢黜拘禁所以仰安宗祏俯慰臣民也茲歷指廢黜之由宣示中外又因允禩貪暴縱恣被累者多深切軫念爰敷寬恤之深仁並布普施之德意用宏懷保不被寰區於戲激清國本謹萬年久遠之圖誕沛恩膏渙九重悼大之詔布告天下咸使聞知詔內恩款凡三十三條○戊戌諭諸皇子

東華錄

康熙八十二

十一

日拘禁允禩時允禩奏允禩所行卑污大失人心相面人張明德會相允禩後必大貴今欲誅允禩不必出自皇父之手言至此朕為之驚異朕思允禩為人兇頑愚昧不知義理儻果同允禩聚集黨羽殺害允禩其時但知逞其兇惡豈暇計及於朕躬有礙否耶似此不諳君臣大義不念父子至情之人洵為亂臣賊子天理國法皆所不容者也○諭刑部尚書巢可托左都御史穆和倫等直郡王昨擊相面之人張明德交與爾等聞彼曾為允禩看相又散帖招聚人眾其情節朕知之甚明此案甚大干連多人爾等慎毋滋蔓但坐張明德一人審結可也爾等皆大臣此事不可蒙蔽朕躬大學士溫達侍郎穆丹皆熟於辦事之人可會同伊等速審具奏○辛丑諭諸皇子曰爾等應將各屬下人嚴行禁止勿令生事守分而行爾等護衛官員乳母之夫並隨從人等多係下賤無知

之人必有各為其主在外肆行者如允禔之太監三四人護衛一
 二人妄探消息恃強無忌朕悉知其姓名况允禔之人見殺於人
 及因罪充發者亦復不少宜自知分量速行更改且皇太子之人
 有干犯國憲者尚不寬宥爾等之人又何論焉前召爾等面諭時
 允禔奏伊弟兄等嗣後同心合意在皇父膝下安然度日似此亦
 非善言假使爾等內有不肖人行非禮事亦可眾人一心助之而
 行乎允禔既將人毀謗欲致之死地今又為和好之言誰其信之
 且允禔於朕之侍衛執事人等擅自責打者不少今被打之人尚
 存也其看守允禔時將允禔處所匠人盡行收去又加以苦刑以
 致匠人逃遁且有自縊者如此行事何以服眾今有十八阿哥之
 事又有允禔之事朕心傷不已爾等宜仰體朕心務存寬厚安靜
 守分勿與諸事兢兢業業各慎厥行經曰愛親者不敢惡於人敬
 東華錄 康熙八十二 三
 親者不敢慢於人爾等若不能謹身率下復生事端以傷朕心是
 於臣子之道兩失之矣爾等豈忍為之乎可將此旨徧諭爾等屬
 下人知之○署內務府總管事八貝勒允禔等以所查原任內務
 府總管凌普家產一案啟奏 上諭凌普貪婪巨富眾皆知之所
 查未盡如此欺罔朕必斬爾等之首入阿哥到處妄博虛名凡朕
 所寬宥及所施恩澤處俱歸功於己人皆稱之朕何為者是又出
 一皇太子矣如有一人稱道汝好朕即斬之此權豈肯假諸人乎
 ○壬寅 上召諸皇子入乾清宮諭曰當廢允禔之時朕已有旨
 諸阿哥中如有鑽營謀為皇太子者即國之賊法斷不容貸皇太
 子後允禔曾奏稱允禔好春秋之義人臣無將將則必誅大賈豈
 人可妄行窺伺者耶允禔柔奸性成妄蓄大志朕素所深知其黨
 羽早相要結謀害允禔今其事皆已敗露著將允禔鎖擊交與議

政處審理皇九子允禔語皇十四子允禔云爾我此時不言何待
 允禔奏云八阿哥無此心臣等願保之 上震怒出所佩刀欲誅
 允禔皇五子允禔跪抱勸止諸皇子叩首懇求 上怒乃少解命
 諸皇子撻允禔將允禔逐出○大學士溫達等遵旨審訊相
 面人張明德供由順承郡王長史阿祿薦於順承郡王及賴士公
 普奇公由順承郡王薦於直郡王我信口妄言皇太子暴戾若遇
 我當刺殺之又捏造大言云我有異能者十六人當招致兩人見
 王聳動王聽希圖多得銀兩又由普奇公薦於八貝勒看相時我
 曾言丰神清逸仁誼敦厚福壽綿長誠貴相也以上俱是實情等
 語應將張明德擬斬立決繕摺具奏畱中○是月免湖北江夏等
 十六州縣衛水災額賦有差
 冬十月癸卯朔諭諸皇子議政大臣大學士九卿學士侍衛等入
 東華錄 康熙八十二 西
 阿哥允禔向來奸詐爾等如以八阿哥係朕之子徇情出脫罪坐
 旁人朕斷不允 皇天在上朕凡事俱從公料理豈以朕子而偏
 愛乎允禔先聽信其乳母之夫雅齊布之言擅責御史雍泰奏朕
 云乃為修大高殿事責之朕云雍泰係言官如果有罪即朕亦必
 熟思再三始行治罪爾豈可擅責御史皇太子奏云入阿哥責雍
 泰皆其乳母之夫誣毀所致自此允禔與皇太子遂成仇隙後又
 因允禔伊乳母之夫愈加怨懣如索額圖長泰等子姪及迎合索
 額圖之人今雖鎖擊朕心猶有酌量不即行殺戮而允禔將人輒
 行責處可乎觀伊等以強陵弱將來兄弟內或互相爭鬪未可定
 也 世祖六歲御極朕八歲御極俱賴羣臣勸助今立皇太子之
 事朕心已有成算但不告知諸大臣亦不令眾人知到彼時爾等
 自遵朕旨而行○甲辰諭領侍衛內大臣大學士等張明德於皇

太子未廢之前謀欲行刺勢將漸及朕躬據彼言有飛賊十六人已招致兩人在此但好漢俱經皇上收錄若於其中不得一二人斷不能成事又云得新滿洲一半方可行事如此搖惑人心幸朕之左右持心堅正故不爲所搖惑耳此等情節直郡王早已詳悉密奏王布穆巴公賴士普奇等乃亂之首也允禩知而不奏爲臣子者當如是耶張明德爲允禩看相設無他言允禩何以轉語九阿哥十四阿哥九阿哥十四阿哥又何所見而奏聞於朕允禩見在鎖拏著將布穆巴賴士普奇阿祿一併鎖拏爾等會同議政大臣卽嚴加質訊具奏張明德所犯情罪極大不止於斬當凌遲處死○領侍衛內大臣大學士議政大臣等會審順承郡王布穆巴供張明德往普奇公家回至我府言普奇謂皇太子甚惡與彼謀刺之約我入其夥我不從故以語直郡王直郡王云爾勿先登此

東華錄

康熙八十二

五

事我當陳奏可覓此人送至我府因送往直郡王府阿祿口供無異公普奇供我無狂疾何敢尋死而向彼妄言此皆毫無影響之語公賴士供我於順承郡王府中見張明德因喚至我家中看相普奇屬使送往伊處故送往是實此外我皆不知九阿哥允禩十四阿哥允禩供入阿哥會語我等有看相人張姓者云皇太子行事兇惡已極彼有好漢可謀行刺我謂之曰此事甚大爾何等入乃輒敢出口爾有狂疾耶爾設此心斷乎不可因逐之去八阿哥允禩供我以此語告諸阿哥是實問張明德口供無異取供具奏上諭諸皇子議政大臣大學士九卿學士侍衛等曰貝勒允禩聞張明德如許妄言竟不奏聞允禩革去貝勒爲閒散宗室布穆巴以所聞情節商之長史阿祿告直郡王使之奏聞布穆巴阿祿俱無罪著釋放公普奇知情不首革去公爵爲閒散宗室公賴士

但令看相並無他故著釋放張明德情罪極爲可惡著凌遲處死行刑之時可令事內干連諸人往視之 上又親書諭旨示諸皇子大臣等諭旨曰昨日諸大臣侍衛等奏請調養朕念君臣一體有懷宜卽盡言故特舉朕素念及不遂朕意之處一一明諭朕每思自古帝王撫世承平歷年久遠未有如朕者朕無日不向皇太子允禩言治理天下愛育黎庶維繫人心之事又嘗慕宋孝宗之孝養高宗語允禩曰將以政事付汝朕當擇居水土佳處時聞汝之令名以優游養性迨後見其所行不善難託重器遂絕此望古來爲君甚難兢兢業業猶有錯誤今朕年已老愈加畏懼當念幸際眾心胥戴萬國咸甯之時得終天年於願足矣今允禩過端業已如此 宗廟社稷天下黎元皆繫朕躬朕豈可不自愛耶頃者告 天之文極爲明晰無俟復言卽使朕躬如有不諱朕甯敢不

東華錄

康熙八十二

六

慎重 祖宗宏業置諸磐石之安乎迨至彼時眾自知有所倚賴也此意極深卽朕亦不自喻豈可徧喻眾人乎爾諸臣知朕精誠無私深加體念各勤職業不妄生事則朕易於圖治而天下庶績亦咸理矣所謂各勤職業者卽文臣盡忠不愛錢武臣爲國不惜死之類爾諸臣誠能如是則朕懷自暢朕體自安矣若不敬慎所行而欲朕懷寬慰此非忠愛實心也特諭○河道總督張鵬翮奏報秋汛水勢情形一疏得旨今年秋汛工程平穩知道了張鵬翮自任總河以來克遵朕指示修築工程殫心盡力動用錢糧絕無糜費比年兩河安宴隄岸無虞深爲可嘉所帶革職著予開復應追賠銀兩俱著豁免○丙午諭諸皇子大臣侍衛等允禩自幼朕親爲教養冀其向善迨年長親近匪類薰染惡習每日惟聽信小人之言因而行止悖亂至極允禩乘間處處沽名欺誑眾人希冀

為皇太子朕惟據理毅然獨行以定國家大名正君臣大義耳允
 禩自幼性奸心妄其糾合黨類妄行作亂者有故伊乳母之夫雅
 齊布之叔廩長吳達理與御史雍泰同出關差因雍泰少與銀兩
 雅齊布訴之允禩允禩借端將雍泰痛責朕聞知將雅齊布發翁
 牛特公主處伊因此怨朕處處誑人以竊名譽邀結蘇努為黨與
 蘇努自其祖相繼以來即為不忠其祖阿爾哈圖土門貝勒褚燕
 在 太祖皇帝時曾得大罪置之於法伊欲為其祖報仇故如此
 結黨敗壞國事再允禩素受制於妻其妻係安郡王岳樂之女所
 出安郡王因諂媚輔政大臣遂得親王其妃係索額圖之妹 世
 祖皇帝時記名之女子其子馬爾渾景熙吳爾占等俱係允禩妻
 之母舅並不教訓允禩之妻任其嫉妬行惡是以允禩迄今尙未
 生子此皆眾阿哥所知者眾阿哥當思朕為君父朕如何降旨爾
 東華錄 康熙八十二年 七
 等即如何遵行始是為臣子之正理爾等若不如此存心日後朕
 躬考終必至將朕躬置乾清宮內爾等束甲相爭耳○丁未先是
 奉差察審大嵐山賊吏部侍郎穆丹押解賊犯朱三即王士元等
 父子六人至京下九卿詹事科道會審至是九卿等覆奏朱三供
 伊係崇禎第四子查崇禎第四子已於崇禎十四年前身故又遵
 旨傳喚明代老年太監俱不認識朱三明係假冒朱三父子應凌
 遲處死得旨朱三即王士元著凌遲處死伊子朱熒朱圭朱任朱
 在朱坤俱著立斬○己酉以二鬲為禮部侍郎由內閣學士遷國勳為
 湖南布政使原在雲南金世揚為河南按察使由直隸○辛亥偏
 沅巡撫趙申喬遵旨回奏康熙四十二年內閣學士宋大業奉齋
 碑額兩次至楚多方需索臣曾借司庫俸工銀九千兩餽伊此次
 來楚臣以南嶽廟工餘贖銀兩報部充餉彼不得染指又僅餽伊

銀五百兩以此蓄忿是以捏造輕藐 御書等款將臣參劾得旨
 此回奏情節著該部一併察議具奏○壬子諭吏部內閣學士阿
 世坦左副都御史江蘊行止不端俱著革職○癸丑以黃秉中色
 爾圖孫柱為內閣學士黃秉中由內閣侍讀學士色爾圖 勞之辨
 孫柱俱由翰林院侍講學士遷 為左副都御史由左僉都○乙卯調王掾為工部尚書以張鵬翮
 為刑部尚書由河道○丁巳貝勒允祉奏臣牧馬廠蒙古喇嘛巴
 漢格隆自幼習醫能為呪人之術大阿哥知之傳伊到彼同喇嘛
 明佳噶卜楚馬星噶卜楚時常行走 上命將明佳噶卜楚巴漢
 格隆並直郡王府護衛喬楞雅尖等鎖拏交侍郎滿都侍衛拉錫
 查審巴漢格隆等供直郡王欲呪詛廢皇太子令我等用術鎮壓
 是實隨差侍衛納拉善等掘出鎮壓物件十餘處命交顯親王衍
 璜等嚴擬具奏○戊午詔免江南浙江明年地丁額賦並停徵舊
 東華錄 康熙八十二年 六
 欠○辛酉 上幸南苑行圍○癸亥以徐欉為浙江布政使由湖
 察使 遷 ○乙丑 聖躬違和還宮諭領侍衛內大臣大學士等自有
 廢皇太子一事朕無日不流涕頃幸南苑憶昔皇太子及諸阿哥
 隨行之時不禁傷懷因是今日還宮已召見八阿哥並將召廢皇
 太子一見頃之內侍衛諭曰朕適召廢皇太子亦既見之矣自此
 以後不復再提往事廢皇太子見今安養咸安宮中朕憶之復可
 召見胸中亦不更有鬱結矣○庚午以浙江杭州湖州水災命內
 閣學士黃秉中會同督撫動庫帑倉穀速賑○壬申諭領侍衛內
 大臣侍衛等大阿哥允禩素行不端氣質暴戾朕嘗對眾屢加切
 責爾等俱悉聞之九月初四日諭旨內亦曾決絕言之今一查問
 其行事厭呪親弟及殺人之事盡皆顯露所遣殺人之人俱已自
 縊其母惠妃亦奏稱其不孝請置之於法朕固不忍殺之但此人

斷不肯安靜自守必有報復之事當派人將允禔嚴加看守略有舉動即令奏聞伊之身命猶可多延數載其行事比廢皇太子允禛更甚斷不可以輕縱也○是月免湖廣益陽山東濟甯等二十五州縣衛被災額賦有差

十一月癸酉朔諭領侍衛內大臣等允禔著革去王爵即幽禁於其府內凡上三旗所分佐領可盡撤回給與允禔將鑲藍旗所分佐領給與弘玉其包衣佐領及渾託和人口均分以一半給與允禔一半給與弘玉○丙子子故禮部侍郎孫岳頒祭葬○己卯子故致仕文華殿大學士張英祭葬加祭一次諡文端○庚辰諭領侍衛內大臣等近有為廢皇太子條陳保奏者朕前因灼見允禛行事顛倒以為鬼物所憑籌度周詳始行拘禁並非聽信人言而為此也今允禛之疾漸已清爽亦自知其罪謂理當拘執其隨從

東華錄

康熙八十二

九

之人亦以為允當朕以父子之情不能怒置召見兩次詢問前事允禛竟有全然不知者深自愧悔又言我幸心內略明猶懼父皇聞知治罪未至用刀刺人如或不然必有殺人之事矣觀彼雖稍清楚其語仍略帶瘋狂朕竭力調治果蒙天佑狂疾頓除不違朕命不報舊讐盡去其奢費虐眾種種悖謬之事改而為善朕自另有裁奪如狂疾不痊仍蹈前惡天亦不容也朕為君父凡事皆朕真知灼見當斬者斬之當罪者罪之並未嘗聽人言而為此也且一切暗中構煽悖亂行事俱係索額圖父子頃廢皇太子亦奏言其向時悖亂皆自伊等為之此等情節小人不知妄意朕召見廢皇太子似非無故欲致慙於廢皇太子而條陳保奏者甚非也凡事皆在朕裁奪其附廢皇太子之人不必喜其不附廢皇太子之人亦不必憂朕自有定見十月十七日查出魘魅廢皇太子之

物服侍廢皇太子之人奏稱是日廢皇太子忽似瘋顛備作異狀幾至自盡諸宮侍抱持環守過片刻遂復明白廢皇太子亦自驚異問諸宮侍我頃者作何舉動朕從前將其諸惡皆信為實以今觀之實被魘魅而然無疑也○辛巳左副都御史勞之辨奏保廢皇太子允禛得旨勞之辨將朕下旨已行之事作為己功行事甚為奸詭著革職交刑部責四十板逐回原籍○癸未以趙世顯為河道總督巡撫山東○丙戌 上召滿漢文武諸大臣齊集暢春園命先到之內大臣都統護軍統領入見面諭曰朕躬近來雖照常安適但漸覺虛弱人生難料付託無人儻有不虞朕此基業非朕所建立關係甚大因躊躇無代朕聽理之人遂致心氣不甯精神恍惚國家鴻業皆 祖宗所貽前者朕亦曾言務令安如磐石皇太子所關甚大爾等皆朕所信任存擢大臣行陣之間爾等尚

東華錄

康熙八十二

十

能效命今欲為朕效命此其事也達爾漢親王額駙班第雖蒙古人其心誠實朕深知之新滿洲婁徵額侍朕左右殆三十餘年其人亦極誠實今令伊等與滿漢大臣等會同詳議於諸阿哥中舉奏一人大阿哥所行甚謬虐戾不堪此外於諸阿哥中眾議誰屬朕即從之若議時互相瞻顧別有探聽俱屬不可爾等會同大學士部院大臣詳議具奏著漢大臣盡所欲言繼又諭曰議此事勿令馬齊預之於是達爾漢親王及文武大臣分班列坐滿漢大臣曰此事關係甚大非人臣所當言我等如何可以推舉內大臣阿靈阿等曰頃者面奉諭旨務令舉出毋得瀆奏阿靈阿鄂倫岱揆敘王鴻緒遂私相計議與諸大臣暗通消息書入阿哥二字於紙交內侍梁九功李玉轉奏頃之梁九功李玉出傳諭曰立皇太子之事關係甚大爾等各宜盡心詳議入阿哥未嘗更事近又罹罪

且其母家亦甚微賤爾等其再思之諸大臣奏曰此事甚大本非臣等所能定諸皇子天姿俱聰明過人臣等在外廷不能悉知臣等所仰賴者惟我 皇上 皇上如何指授臣等無不一意遵行梁九功李玉出傳諭曰爾等不必疑懼此事甚大非兩內侍口傳所能定俟眾論僉同召入爾等觀面一言即可決也爾等其各出所見各書一紙尾署姓名奏呈朕覽將裁定之梁九功李玉又傳諭大學士李光地曰前召爾入內曾有陳奏今日何無一言李光地奏曰前 皇上問臣廢皇太子病如何醫治方可痊好臣曾奏言徐徐調治天下之福臣未嘗以此告諸臣梁九功李玉又傳諭曰今日已暮爾等且退可再熟思之明日早來面有諭旨○丁亥

上召科爾沁達爾漢親王額駙班第領侍衛內大臣都統護軍統領大學士尙書等入諭曰 太皇太后在日愛朕殊深升遐以後朕常形諸夢寐奇異甚多烏闌布通出兵之前夢 太皇太后止朕曰爾慎毋出兵出恐無益後朕強行果至半途抱疾而還中路出兵之時亦夢 太皇太后謂朕曰爾此番出兵克奏大勳但非爾親獲其俘耳朕彼時不能深解後出兵聞噶爾丹遁去朕自拖諾山發兵往追噶爾丹遂西奔遇伯費揚古大敗之多所俘獲始知夢兆符合如此近日有皇太子事夢中見 太皇太后顏色殊不樂但隔遠默坐與平時不同皇后亦以皇太子被冤見夢且執皇太子之日天色忽昏朕於是轉念是日即移御饌賜之進京前一日大風旋繞駕前朕詳思其故皇太子前因魘魅以至本性汨沒耳因召至左右加意調治今已痊矣朕初謂魘魅之事雖見之於書亦未可全信今始知其竟可以轉移人之心志也諸臣奏曰 皇上灼見廢皇太子病源治療已痊誠國家之福天下之福

也伏祈 皇上即賜乾斷頒示諭旨諸臣出頌之召諸臣入問曰羣臣皆合一否諸臣齊奏曰臣等無不同心 上曰爾等既同一心可將此御筆殊書對眾宣讀咸使聞知諭旨曰前執允初時朕初未嘗謀之於人因理所應行遂執而拘繫之舉國皆以朕所行為是今每念前事不釋於心一一悉加體察有相符合者有全無風影者况所感心疾已有漸愈之象不但諸臣惜之朕亦惜之今得漸愈朕之福也亦諸臣之福也朕嘗令人護視仍時加訓誨俾不離朕躬今朕且不遽立允初為皇太子但令爾諸大臣知之而已允初斷不報復警朕可以力保之也○戊子 上召廢皇太子諸皇子及科爾沁達爾漢親王額駙班第領侍衛內大臣都統護軍統領等入諭曰朕初次中路出師留皇太子辦理朝事舉朝皆稱皇太子之善及朕出師甯夏後皇太子聽信匪人之言素行遂變自此朕心眷愛稍衰置數人於法因而外人竊議皇太子不孝及所行不善者遂自此始其廢皇太子不知改悔有類狂易朕特命拘繫之初未嘗謀之於人今觀廢皇太子雖曾有暴怒捶撻傷人事並未致人於死亦未干預國政若人果被殺豈無有姓名見證凡此等事皆由允初魘魅所致允初所播揚諸事其中多屬虛誣皇太子既執之後在途中行時若非朕委任親信侍衛加意防護廢皇太子必為允初害矣到京後令廢皇太子居咸安宮朕亦熟籌及此凡彼處宦侍俱責令小心守護今朕體違和每念皇太子被廢之事甚為痛惜因奏知 皇太后奉 皇太后懿旨云余意亦惜之朕聞之心始稍慰今是以當眾之前釋爾爾可將爾之意亦於眾前剖白之廢皇太子奏曰 皇父諭旨至聖至明凡事俱我不善人始從而陷之殺之若念人之仇不改諸惡天亦

不容今予亦不復有希冀爾等眾人若仍望予為皇太子斷斷不可 上又諭諸王大臣曰朕覽史冊古來太子既廢無得生存者過後人君莫不追悔自禁允初之後朕日日不能釋然於懷染疾以來召見一次胸中疏快一次朕之諸子多令人視養大阿哥養於內務府總管噶祿處三阿哥養於內大臣綽爾濟處惟四阿哥朕親撫育幼年時微覺喜怒不定至其能體朕意愛朕之心懇懇懇切可謂誠孝五阿哥養於 皇太后宮中心性甚善為人淳厚七阿哥心性舉止請然可親乃若八阿哥之為人諸臣奏稱其賢裕親王存日亦會奏言八阿哥心性好不務矜誇允初若親近伊等使之左右輔導則諸事皆有箴規矣又諭廢皇太子允初曰朕今釋汝汝當念朕恩人言汝惡者勿以為仇前執汝之時即汝宦侍亦有訐奏汝惡者此皆因朕有問而奏汝不得歸咎其人且凡

東華錄 **康熙八十二** **三**

規汝過之人即汝恩人順汝行事之人即陷汝之人 祖宗基業可惜古放太甲卒成令主有過何妨改之即是今此諸臣或為內大臣或為部院大臣皆朕所簡用允堪重任者汝當傾心信任之汝果遵諭而行固朕之福亦汝之福亦眾人之福朕惟冀汝洗心易行觀性理諸書以崇進德業若仍不悛改復蹈前愆是終甘暴棄而自趨死路矣朕泣涕宣諭其敬慎奉行自此以後朕不復再言前事矣儻有冀汝容悅為汝稱冤之人汝即執之奏聞於朕又諭諸王大臣曰今日朕意中之事俱已明白想明日為始朕體痊愈矣是日 皇四子奏臣侍 皇父左右時蒙訓誨頃者復降 褒綸實切感愧至於喜怒不定一語昔年曾蒙 皇父訓飭此十餘年以來 皇父未曾降旨飭臣有喜怒不定之處是臣省改微誠已荷 皇父洞鑒今臣年逾三十居心行事大概已定喜怒不

定四字關繫臣之生平仰懇 聖慈將諭旨內此四字恩免記載內侍梁九功李玉轉奏出復傳 諭曰十餘年來實未見四阿哥有喜怒不定之處頃朕降旨時偶然諭及無非益加勉勵之意此語不必記載○諭兵部八旗漢軍人員以文職用者多以武職用者少嗣後武科鄉會場當令八旗漢軍應試著為令○己丑科爾沁達爾漢親王額駙班第及文武諸臣為請復皇太子事具奏留中○庚寅先是 上體違和至十一月初旬日漸增加至是 上召 皇四子入內 皇四子泣奏曰 聖體違和為日已久應選太醫及臣兄弟中稍知藥性者允祺允祉允禩同臣檢視方藥上服藥後漸就痊愈○辛卯 上命內侍梁九功李玉傳諭諸皇子及王公大臣曰前拘禁允初時並無一人為之陳奏惟四阿哥性量過人深知大義屢在朕前為允初保奏似此居心行事洵是

東華錄 **康熙八十二** **五**

偉人 皇四子奏曰臣奉 皇父諭旨謂臣屢為廢皇太子允初保奏臣實無其事 皇父褒嘉之旨臣不敢仰承奏入復傳諭曰爾在朕前屢為允初保奏爾意以為無有證據故於朕前強辯耶且爾為諸阿哥陳奏之事甚多爾亦將強辯以為無其事乎 皇四子奏曰為諸阿哥陳奏臣誠有之至於為允初保奏臣實不敢任受也○庚子復封允禩為多羅貝勒○是月免山東德平等六州縣旱災額賦有差

十二月甲辰禮部議准廣東巡撫范時崇奏前耿逆之變隨臣父范承謨殉難者五十餘人內生員嵇永仁王龍光儒士沈天成及臣族叔范承譜俱借臣父幽囚三載殉難死節仰祈特沛恩綸予以一命陪祀臣父祠堂以慰忠魂生員嵇永仁王龍光應照例追贈國子監助教沈天成范承譜雖庶民無追贈例但殉難死節風

烈可嘉應酌量追贈國子監學正並准其入祠陪祀從之○乙卯

以遲所為湖北按察使由陝西○丁巳王然以病乞休允之以

黃秉中為浙江巡撫由內閣○調陳詵為湖廣巡撫以劉蔭樞為

貴州巡撫由雲南○以蔣陳錫為山東巡撫由布政○王戍以

仇兆鰲為內閣學士由翰林院張士爵為左副都御史由太常

葉九思為山東布政使由按察李華芝為雲南布政使由貴州

○賑蘇松常淮徐等五府並免蘇松常三府白糧耗米九萬七千

餘石○癸亥吏部等衙門察議原任內閣學士宋大業奏參偏沅

巡撫趙申喬輕褻 御書等款俱經趙申喬回奏辨明應無庸議

其趙申喬所奏宋大業兩次奉差湖南共得銀九千餘兩宋大業

已經自認應將宋大業革職杖流所得銀兩追取入官趙申喬於

回奏內首明餽銀應減罪二等將趙申喬革職擬徒得旨趙申喬

東華錄 康熙八十二 從寬免革職治罪著降五級留任宋大業從寬免杖流餘依議○

是歲朝鮮暹羅入貢○人丁戶口二千一百六十二萬一千三百

二十四田地山蕩畦地六百二十一萬一千三百二十一頃三十

二畝有奇徵銀二千七百八十八萬四千五百五十三兩有奇米豆

麥六百五十三萬一千三百五十二石有奇草二百九十五萬一

千六百八十七束茶十六萬二千四百五十五引行鹽四百三十二

萬九千五百九十七引徵課銀二百九十五萬七百二十八兩有

奇鑄錢二萬六千八百四十二萬二千六百有奇

東華錄

康熙八十三年

臣王先謙敬編

臣周倫蕃恭校

康熙四十八年己丑春正月癸巳 上召領侍衛內大臣滿漢大

學士尚書等問曰去年冬朕躬違和命爾等於諸阿哥中保奏可

為儲貳者爾等何以獨保允禩允禩獲罪於朕身櫻縲絏且其母

家微賤豈可使為皇太子况允禩乃允禔之黨允禔曾奏言請立

允禩為皇太子伊當輔之可見伊等結黨潛謀早定於平日矣其

日先舉允禩者為誰爾等各據實陳奏時阿靈阿鄂倫岱揆敘王

鴻緒私議保舉允禩情形廷臣不便舉出於是領侍衛內大臣巴

渾德奏曰其日宣旨之後臣等眾人奏稱立皇太子事關繫重大

臣等何敢保舉奉 上諭爾等在行間俱能效死今正為朕效死

東華錄 康熙八十三年 之日也不可稍有隱諱奉旨後臣等出文武分兩班序坐眾人欲

保允禩遂公同入奏並無首先發言之人 上曰爾等所舉皆同

即大可疑矣此必有倡首之人爾等作速詳查舉奏諸臣出復入

巴渾德奏曰臣等領侍衛內大臣是日集坐一處實係公同保奏

並無倡首之人 上問領侍衛內大臣坡爾益奏曰臣等內巴渾

德先發言 上又問領侍衛內大臣尚之隆尚之隆奏曰保奏允

禩巴渾德發言在先是實 上曰朕知之矣此事必舅舅佟國維

大學士馬齊以當舉允禩默喻於眾眾乃畏懼伊等依阿立議耳

馬齊奏曰是日議斯事奉旨命臣毋得干預是以臣即避去諸臣

所議臣實不知 上曰朕知馬齊謬亂是以不使之干預此事朕

但加究問必然發露爾等務行詳究舉奏諸臣出復入巴渾德等

奏曰是日奉 上諭此事著漢大臣盡所欲言是以臣等見漢大

臣等見漢大

一萬二千五百九十七引徵課銀二百九十五萬七百二十八兩有奇

臣舉出允禩遂公同保舉是實 上問大學士張玉書等張玉書奏曰是日列坐於後者俱舉出允禩是以臣等公保之並無倡首之人 上曰爾等再行查奏朕至晚朝務必究其根源諸臣出復入張玉書奏曰是日滿漢諸臣奉旨齊集馬齊溫達到在臣先臣問馬齊溫達何故召集諸臣馬齊曰命於諸阿哥中舉可爲皇太子者臣又問所舉爲誰馬齊云眾意欲舉允禩後眾人俱舉允禩臣等因亦同行保奏 上曰此事明係馬齊暗中喻眾馬齊向來謬亂如此大事馬齊尙懷私意伊等謀立允禩豈非欲結恩於允禩爲後日恣肆專行之計耶馬齊奏曰臣實庸劣無知但素無朋比懷私之事其日張玉書問臣何故召集諸臣臣答曰命於諸阿哥內舉可爲皇太子者爲此召集張玉書又問所舉爲誰臣答云尙未定聞眾人中有欲舉八阿哥者張玉書係臣等同僚辦事之東華錄 康熙八十三 二

內閣學士馬禮以年老解職○甲午諭滿漢諸臣曰朕自抱疾以來皇太子三阿哥四阿哥五阿哥七阿哥晝夜侍奉用藥調治今已愈矣並非諸臣醫療得痊也皇太子雖縲絏幽禁並不怨憾乃諄切以朕躬爲念故今釋之如彼又有不善仍可幽禁也所以拘執皇太子者因其獲戾於朕耳並非欲立允禩爲皇太子而拘執之也皇太子獲罪之處虛誣者甚多今馬齊佟國維與允禩爲黨倡言欲立允禩爲皇太子殊屬可恨朕不勝忿恚况允禩乃縲絏罪人其母又係賤族今爾諸臣扶同徇保奏允禩爲皇太子不知何意豈以允禩庸劣無有知識儻得立彼則在爾等掌握中可以多方簸弄乎如此則立皇太子之事皆由於爾諸臣不由於朕也且果立允禩則允禩必將大肆其志而不知作何行事矣朕悉觀其情形故命亟釋皇太子朕聽政四十九年包容之處甚多惟於此事忿恚殊甚朕原因氣忿成疾昨日一怒遂不御晚膳今日晨餐所食尙少如謂伊等作威可畏則好官如齊世武張鵬翹趙申喬彼何以俱不能殺之耶朕觀大小諸臣無不實心愛戴朕躬而伊等結爲朋黨故欲使朕氣忿情理可恨無如此者朕因馬齊效力年久初心俟其年老聽彼休致以保全之昨乃身作威勢拂袖而出眾人見之皆爲寒心如此不誅將誰誅乎著將伊族屬一併拘拏爾等傳問馬齊伊之作威可畏果何益哉馬齊奏曰臣原無威勢但因事務重大心中驚懼並不知作何舉動臣罪當死奏入諭曰馬齊原係藍旗貝勒德格類屬下之人陷害本旗貝勒投入上三旗問其族中有一人身歷戎行而陣亡者乎乃不念朕恩擅作威勢朕爲人主豈能容此馬齊之弟李榮保安自尊大虛張氣焰朕屢加做戒而怙惡不悛亦當治罪馬齊等著諸王大臣會

集連審擬奏是日康親王椿泰等遵旨審鞫馬齊等覆奏馬齊係正藍旗貝勒德格類屬下陷害本旗貝勒投入上三旗其族中並無一人行間效死者今馬齊圖謀專擅欲立允禩為皇太子且馬齊於 御前拂袖而出殊為可惡不可留於斯世者也李榮保安自尊大虛張氣焰亦甚可惡俱應立斬馬武與馬齊李榮係親兄弟亦應立絞馬齊馬武李榮保及馬齊之兄馬思喀等之子孫有職者革職概行枷責其妻子並發黑龍江馬齊之族護軍參領壯圖等有職者革職其護軍披甲及閒散人俱鞭一百奏入諭曰馬齊原不諳事此數年中起自微賤歷升至大學士其處心設慮無恥無情但務貪得朕知之已久早欲斥之乃潛窺朕意而蓄是心殊為可惡理應立斬以為眾戒朕因任用年久不忍即誅著即交允禩嚴行拘禁李榮保著免死照例枷責亦聽允禩差使馬武

東華錄 康熙八十三 四

著革職其族中職官及在部院人員俱革退世襲之職亦著除去不准承襲又諭馬思喀在日曾有效力之處著將伊子佐領三等侍衛納爾泰從寬釋放 上命將硃筆諭旨及舅舅佟國維回奏之語示眾大臣硃筆諭旨曰舅舅年老之人屢向朕所遣人云我夫妻每日祝天求佛願皇上萬歲朕思自五帝以來今日尚未及萬載朕何敢侈望及此此皆以荒誕不實之言欺朕朕不信也今舅舅既有祈望朕躬易於措處之言嗣後舅舅及大臣等唯篤念朕躬不於諸王阿哥中結為黨羽謂皆係吾君之子一體看視不有所依附而陷害其餘即俾朕躬易於措處之要務也又諭諸大臣原任內務府總管馬思喀事君極其肫懇凡有關君上之事皆實意奉行前鎖拏伊子故著釋放普奇楚宗斷非安靜之人俱係八阿哥相面案內株連之輩諸事無不悉知若將伊等寬容恐其

所識匪類既多復生事端爾諸大臣亦不獲安矣著將此二人拏交宗人府拘禁大阿哥朕亦不容其閒散俟朕將未完之事理畢即行嚴禁不然則必思報復矣○護軍統領趙賴以保皇太子時推病不到 上命將趙賴革職交該管王令入辛者庫當下賤差使○科爾沁達爾漢親王額駙班第及滿漢文武官員奏請復立皇太子得旨立皇太子事理應即行宣諭前因滿漢大臣有請立允禩之言朕深忿恚欲俟朕劇疾少愈將皇太子獲罪時乘隙紊亂國家首倡欲立允禩之情務期明晰今邀 天之佑朕躬漸加康豫事迹俱已昭著皇太子允初累月以來晝夜在朕前守視湯藥其被鎮魔詛咒以致迷惑之處已經痊愈是皆仰賴 天地祖宗眷朕眇躬歷年勤瘁以克有此著即查典禮具奏○乙未諭文武諸臣朕向待大臣不分滿漢體恤包容是以獲罪者甚少諸

東華錄 康熙八十三 五

臣當人人感戴自效乃九卿會議時但一二人發言眾俱唯唯其漢大臣則必有涉於彼之事方有所言若不涉於彼之事即默無一語方伊等居下位時亦似可取及授大職即僅圖自保以全其身熊賜履常講理學後為大學士亦惟緘默自容此皆為彼門生掣肘故也尤可異者漢官議事前人畫奏後人亦依樣畫奏不計事之是非但云自有公論又有至畫奏已畢始問為何事者如此甯不有愧於舉國之清議耶馬齊王鴻緒李振裕向在部院聲名俱劣朕早欲罷之因念若等效力年久是以遲至今日且張鵬翮乃一清官朕南巡時馬齊當眾前詈之曰殺材因不餽伊銀幣遂爾辱詈誰不畏死敢不餽之銀幣乎生人殺人乃朕之權彼焉得操之此後爾等皆當省改凡人既讀書知義理即當以其所學見之於事非僅作文已也平時讀書至臨大事竟歸無用則所讀何

書所學何事耶王鴻緒李振裕向來早應罷斥朕姑爲容忍今不可再容矣蔡升元輕浮無實楊瑄知交雜濫其人品亦皆不端俱著原品休致○理藩院奏阿祿科爾沁故固山額駙巴特瑪之妻縣君叩關稱我孀居無子將巴特瑪弟考南撫養不意考南成人竟懷異心及家下人等亦將我藐視今願以所屬人丁盡獻皇上止乞撥給六十人日後爲我夫婦二人看守墳墓 上曰此等人斷不可受縣君乃中朝下嫁者也所獻之人乃阿祿科爾沁之番兵豈可取乎爾等將朕諭旨明諭蒙古諸王照土默特蘇克圖爾之妻所獻入佐領一例暫遣官至彼處管理事務日後仍將此所獻之人安插彼旗內可也○吏部尚書馬爾漢以老乞休命原官致仕○丙申 上幸南苑諭八旗都統等朕此番抱病肌體瘦瘦自分難於調治朕承 祖宗宏業垂統萬世愛養生民勤勞宵旰理所宜然並未神奇之德乃聞舉國兵民男婦老幼俱以朕躬不豫竭誠祈禱仰蒙 上天垂慈今獲痊可已能挽弓乘馬矣爾等將此諭旨及朕躬痊愈之處明白曉諭務使比戶咸知以慰兵民祈禱懇切之意○丁酉刑部奏散給偽札之朱永祚附從一念和尚擅稱大明天德年號妄題詩句搖惑人心應立斬得旨朱永祚著卽凌遲處死○己亥先是拉藏立波克塔胡必爾汗爲達賴喇嘛青海眾台吉未辨虛實彼此爭論許奏 上命內閣學士拉都渾率青海眾台吉之使人赴西藏看驗至是拉都渾回奏臣遵旨會同青海眾台吉之使前往西藏至噶木地方見拉藏問以所立達賴喇嘛情由據云前將假達賴喇嘛解京時曾奉諭旨令尋真達賴喇嘛今訪聞得波克塔胡必爾汗係真達賴喇嘛亦不能信又問班禪胡土克圖據云波克塔胡必爾汗實係達賴喇嘛

我便爲之安置禪榻非敢專擅奏入命議政大臣等議尋議拉藏所立達賴喇嘛既問之班禪胡土克圖確知真實應毋庸議但達賴喇嘛例有封號今波克塔胡必爾汗年幼請再閱數年始議給封又青海眾台吉等與拉藏不睦西藏事務不必令拉藏獨理應遣官一員前往西藏協同拉藏辦理事務得旨依議其管理事務著侍郎赫壽去

二月壬寅朔諭大學士等觀今之部院司官殊不如昔或長於理事而人輕浮或優於學問而短於辦事欲得辦事優而又極謹慎者甚少禮部尚書富甯安爲人謹而信以今視之甚善但始終不易亦未可得而知也○癸卯以噶敏圖爲內閣學士由少詹事遷○己酉 上巡幸畿甸啟鑿○以年羹堯王思軾俱爲內閣學士年羹堯由翰林院侍講學士王

思軾由通政使遷○丁卯禮部奏多羅安和郡王側妃故得旨東華錄 康熙八十三 七

五旗諸王宗室等並不爲朕勤勞效力每將朕事敗壞這喪事不必令朕之諸阿哥及福金等會集惟著八阿哥與伊福金去○戊辰 上還京師○己巳諭舅舅佟國維曰爾曾奏皇上凡事斷無錯誤之處此事關繫重大日後易於措處則已儻日後難於措處似屬未便等語觀爾所言必是捨命陳奏爾乃國舅且爲大臣榮貴極矣年已老邁子孫甚多若欲捨命見朕之病勢漸增卽當親身入內奏云醫生等既可入內我又何不可入我親身領醫生診看晝夜侍奉湯藥使朕疾得痊方係實心方可稱爲舅舅乃漠不相關並未嘗念及朕躬朕仍賴皇太子及諸阿哥晝夜侍奉率領醫人診看進藥調理仰蒙 上天護佑今已痊愈由是觀之爾並非實心乃置身兩可意謂皇上若獲痊愈我仍霑祿食苟且度日儻有不測則皇太子將何所往必合我言矣此非爾之本意乎皇

太子允初前染瘋疾朕為國家而拘禁之後詳查被人鎮壓之處將鎮壓物俱令掘出其事乃明今調理痊愈始行釋放朕將此情由俱會味筆書出詳悉諭諸大臣今醫有人因染瘋狂持刀砍人安可不行拘執若已痊愈又安可不行釋放而必欲殺之乎朕拘執皇太子時並無他意殊不知舅舅之肆出大言激烈陳奏者係何心也諸大臣之情狀朕已知之不過碌碌素餐全無知識一聞舅舅所奏之言眾皆恐懼欲立八阿哥為皇太子而列名保奏矣且蘇努鄂飛普奇之祖俱曾正法故伊等邀結黨羽悚動人心不可謂之無意也皇太子立已三十餘年並無他故朕為人君臨御既久安享太平並無難處之事臣庶託賴朕躬亦各安逸得所今因有舅舅所有之言及羣下小人就肆行捏造言詞所以大臣侍衛官員等俱終日憂慮若無生路者此事關繫甚重今眾人之

東華錄

康熙八十三

八

心既如此憂慮不安朕躬及皇太子三阿哥四阿哥五阿哥七阿哥父子六人亦必至於志意不舒弗獲安適也諸小阿哥又無足論矣中心寬暢者惟大阿哥八阿哥耳鄂倫岱隆科多順安顏與大阿哥相善人皆知之爾等又欲立八阿哥為皇太子將置朕躬及皇太子諸阿哥於何地耶亂臣賊子自古有之今觀眾人情狀果中舅舅所奏日後難於措處之言矣爾為舅舅聞外邊匪類妄言理應禁止爾乃倡造大言驚駭眾心有是理乎爾既捨命陳奏必有確見之處其何以令朕躬及皇太子諸阿哥志意安舒不至殷憂之處亦可明白陳奏爾乃朕之舅舅特降此旨非欲誅爾也因眾皆憂慮須事明後眾心乃可定耳舅舅當體念朕心勉力為之若懷藏私意別有作為天必誅之佟國維奏曰臣從前啟奏之言俱載在檔案今並不推諉眾人因臣大言妄奏皆畏懼列名致

東華錄

康熙八十三

九

胎 聖體及皇太子諸阿哥之憂莫大之罪當即誅戮 皇上雖憐憫不誅臣何顏生斯世乎祈速誅臣示眾 上傳諭曰朕前拘執皇太子時並未召一人商議亦未有一人陳奏皆出自朕意朕之所行公正無私諸臣從前既未曾陳奏今又何畏懼但從前皇太子因瘋狂妄動之時諸大臣理應勸諫或奏聞於朕其並不諫勸又並不奏聞者即諸大臣之重罪也至於保奏列名時諸大臣皆不知其故糊塗書名伊等何用懷憂前拘執皇太子之日朕於眾人前已降諭旨斷不立大阿哥為皇太子此眾所知也大阿哥為人下賤無恥不堪之處大臣侍衛等無不知曉但不出諸口耳心實惡之朕今特為安撫羣下降旨申明非欲有所誅戮也舅舅前啟奏時外間匪類不知其故因盛讚爾云如此方謂之國舅大臣不懼死亡敢行陳奏今爾之情形畢露人將謂爾為何如人耶

○以許汝霖為禮部尚書

由戶部右侍郎遷

○是月免湖北蘄州鄖西等

五州縣上年旱災額賦有差

由直隸天津道遷

○戊寅轉曹鑑倫

為吏部左侍郎以徐元正為吏部右侍郎

由內閣學士遷

○以張世爵為戶部右侍郎

庚辰以復立皇太子允初遣官告祭 天地 宗廟 社稷告祭 天壇祭文曰臣仰荷 天庥撫臨海宇深維國本統緒攸關建

立嫡子允初爲皇太子歷有三十餘載不意忽染暴戾狂易之疾臣以祖宗所遺洪業及萬邦民生不敢姑息遂行退廢絕無纖毫私意前者告祭俱已悉陳嗣是漸次體勘當有此事之時生性奸惡之徒因而各庇邪黨借端構讐臣覺其日後必成亂階不時究察窮極始末後乃確得病源亟爲除治幸賴皇天眷佑平復如初臣比因此等情事常切慚恨心神耗損致成劇疾自維勢難必愈但深念祖宗垂貽丕基臣諸子中允初居貴雖被鎮壓已漸痊可遂召諸臣明諭而寬釋之自此以後見其夙夜祇事憂形於色藥餌躬親克盡子職臣復屢加省驗惟誠惟謹歷久弗渝嗣後信能敬慎修身常循茲軌則允堪主器矣謹於康熙四十八年三月初九日用申虔告之儀復正儲貳之位尙祈昭鑒永錫寵綏謹告其告祭地壇太廟社稷文略同○辛巳以大學士溫達李光地爲正使刑部尙書張廷樞左都御史穆和倫爲副使持節授皇太子允初冊寶復立爲皇太子以禮部尙書富甯安爲正使禮部侍郎鐵圖爲副使持節授皇太子妃冊寶復封爲皇太子妃上硃書諭旨示眾大臣曰朕觀五旗諸王並無一人念及朕躬竟以朕躬爲有何關係惟各飽煖是圖外面匪類有將朕諸子肆行訕議者朕諸子並不與之較以此觀之朕之諸子可謂厚重矣人情若此朕心深爲憤懣朕諸子坐次何故令在伊等之下今將諸阿哥之名書出惟八阿哥乃獲大罪身繫縲紲之人匪其貝勒足矣故未書名今日乃立皇太子吉日將此旨鈔錄速發宗人府召諸阿哥宣諭○諭宗人府自去年九月不幸事出多端朕深懷愧憤惟日增鬱結以致心神耗損形容憔悴勢難必愈於時概觀眾人不爲尋常虛語襲用空文此外別無良法惟貝勒

允祉貼黃特至朕前奏稱皇父聖容如此清減不令醫人診視進用藥餌徒自勉強延萬國何所依賴臣等雖不知醫理願冒死擇醫令其日加調治因痛哭陳請爰於十一月十八日始用醫藥時皇太子已經開釋亦同竭力趨侍晝夜不懈今朕之劇疾業已痊愈從前朕之諸子所以不封王爵者良恐幼年貴顯或致驕侈恣意而行故封爵不踰貝勒此亦朕子之以進勉之路也今見承襲諸王貝勒貝子日耽宴樂不善文學不善騎射一切不及朕之諸子又招致種種匪類於朕諸子間肆行讒譖機謀百出凡事端之生皆由五旗而起朕天性不嗜刑威不加窮究卽此輩之幸矣茲值復立皇子大慶之日允祉貼黃允祺俱著封爲親王允祐允祇俱著封爲郡王允禎允禔允禕俱著封爲貝子爾衙門卽傳諭旨察例具奏○壬午以復立皇太子允初詔告天下詔內恩款十東華錄 康熙八十三 十一

六條○甲申刑部等衙門議覆福建浙江總督梁鼎奏革職浙江布政使黃明詐財殃民賊盈八萬請按例論絞得旨黃明依擬應絞著監候秋後處決○乙酉以顧悅履爲內閣學士由翰林院侍李先復爲左副都御史由太常寺卿遷○丁亥封下嫁巴林吳爾滾額駙之和碩榮憲公主爲固倫公主○甲午賜趙熊詔等二百九十二人進士及第出身有差○己亥轉富甯安爲吏部尙書由禮部轉○以李錫爲貴州按察使由直隸口北道遷

夏四月壬寅朔贈故貴州提督太子少保鎮遠將軍李芳述太子少傅子祭葬諡壯敏○甲辰以穆和倫爲禮部尙書由左都○庚戌以穆丹爲左都御史由吏部左○丙辰諭王公及領侍衛內大臣八旗滿洲蒙古都統護軍統領滿洲大學士部院諸大臣等大臣阿哥鎮魔皇太子及諸阿哥之事從前侍郎滿篤與侍衛拉錫審

取供招俱與朕所指相同甚屬明白並無罅隙果有罅隙朕早已發露之矣並非欲將此事重行翻改但大阿哥行止甚屬暴戾無恥並不念及父母兄弟殺人害人毫無顧忌任意妄行朕在宮中伊何能為儻朕躬在外伊或挾一不堪太監指稱 皇太后懿旨或朕密旨肆行殺人猖狂妄動諸阿哥中皆兄弟也稱有旨意誰敢攔阻關繫甚大朕聽政年久何事不曾閱歷以託賴朕躬宵旰經畫安享太平之人設或一二見殺豈不可憫觀伊之黨羽俱係賊心惡棍平日鬪雞走狗學習拳勇不顧罪戾惟務誘取銀錢稍知禮義之人斷不為此即今三旗大臣侍衛為大阿哥所愚者不過一二人其五旗蠢然無知諸王幼子被愚者甚多大阿哥若出而妄動則此蠢然無知之輩又將附和之矣且相面張明德所相之人見俱欲死不得求生無路成何景况與伊所相之語合耶否

東華錄 康熙八十三 三

耶朕亦有用和尚喇嘛道士之處並不令伊等占驗所以不為所欺見今鎮壓之事發覺者如此或和尚道士等更有鎮壓之處亦未可定日後發覺始知之耳此等情節爾等但聞其大概將此供招閱過方知朕震怒憤懣為合理也朕意今欲將大阿哥安置一處令其安靜不致生事方好儻萬一事出朕在塞外須兩三日後始聞知必致遲誤此所發御書著諸王大臣一一詳閱定議具奏儻託病不行看閱斷乎不可尋議看守大阿哥允禔請於八旗派護軍參領八員護軍校八員護軍八十名仍於允禔家中輪班看守候 皇上還鑾之日撤去其看守官兵應另派員巡查○調赫壽為吏部左侍郎以噶禮為戶部左侍郎蘇克濟為山西巡撫由西布政使遷○庚申諭諸王大臣爾等議將大阿哥仍在伊府中看守府中門戶既多恐匪類仍行往來大阿哥慣會潛行即於伊旗分

地方令八旗官兵看守匪類仍行鑽刺行走斷乎不可惟別旗地方始可耳從前諸事凡鎮壓皇太子使之不善播揚惡名者俱係大阿哥皇太子雖有惡名並未殺人亦無黨羽大阿哥黨羽甚多前執皇太子時朕尚以為看守不嚴大阿哥豈容不嚴加看守裨色父子之房凌普之房圖樣曾經呈覽再所造諸王府內聞有小府一所與十四阿哥府相仿著領侍衛內大臣宗人府大學士往看何處牢固朕特派嚴加看守再聞大阿哥之席北駐紮烏拉白都納者一二百人此係何處席北又聞各處俱有大阿哥之人著問雅突齋楞又聞去年將天津鎮兵調至口上虛實未知著問兵部○辛酉顯親王衍潢等遵旨會議喇嘛巴漢格隆等呪魔皇太子情實應將巴漢格隆明佳噶卜楚馬星噶卜楚鄂克卓特巴俱凌遲處死查巴漢格隆已充發奉天其明佳噶卜楚等亦發往

東華錄 康熙八十三 三

杭州看守應行文該地方將軍巡撫委員監視即行正法至皇長子護衛齋楞雅突明知大逆之事乃敢同行又雅突將皇長子復行呪魔俱屬大逆亦應凌遲處死再此案內有察蘇齊引誘宗室格隆陶州胡土克圖行呪魔之事因布彥圖知情欲行出首即將布彥圖殺害身死察蘇齊雖經身故係大逆首惡應將察蘇齊之親兄弟子孫並齋楞雅突之親兄弟子孫俱即處斬伊等妻女媳婦俱發往打牲烏喇處貧人為奴其族人內有職者革職枷號三月鞭一百並妻子充發黑龍江當苦差查雅突係諾木插什佐領下人諾木插什不能覺察亦屬不合應將諾木插什革職枷號三月鞭一百並妻子充發黑龍江當苦差伊等內有世職者俱不准承襲呪魔諸物例有明禁太監楊得志違例應付亦應枷號三月鞭一百充發黑龍江當苦差其脫逃之喇嘛扎什益蘇克羅布臧

扎什等俟緝獲另結得旨此本交內閣收貯○甲子諭領侍衛內大臣朕已派八旗章京十七人令看守大阿哥矣若輩俱係朕所深知堪以信任之人意念肫誠惟知君上至每日用幾人看守之處著伊等會議再派貝勒延壽貝子蘇努公鄂飛都統辛泰護軍統領圖爾海陳泰每日二員不斷看守其護軍如何派出看守之處著伊等公議此內並無率領之人俱係一體看守不得以貝勒貝子公徇情分也所畱領侍衛內大臣著不時巡察前執皇太子時朕並未諭以作何嚴加看守之處大阿哥生性暴戾乃不安靜之人務須嚴加看守方好斷不可稍有疏忽也並傳諭看守章京等朕信任伊等故行派出務各遵照朕旨嚴加看守不得稍違設有罅隙朕必知之彼時將爾等俱行族誅矣斷不姑宥○丁卯上巡幸塞外啟鑾○是月免安徽和州潛山等十七州縣衛上年東華錄 康熙八十三 西

水災額賦有差

五月壬申以樂拜為陝西布政使

由郎中遷

○甲戌

上駐蹕熱河○

丁酉諭大學士等在部效用人員初為筆帖式之日必當念日後擢用可以為國家大臣自立品行今之尚書富爾安非從武員擢用者乎其辦事縱未必綽綽有餘而人皆稱其操守廉善是以授為尚書又原任石匣副將今授總兵官江琦壯健出眾居官亦甚優以此觀之不全在讀書也部院中欲求清官甚難岳飛云文官不受錢武官不惜死則天下太平矣今觀漢諸大臣凡事不發言但恣意滿大臣言之彼則從中自便而已或部院之人守身不謹結聯朋黨干預非分之事者亦有之欲知部院之善惡甚易或問之督撫或訪之他處可悉知之若云今部院官員之中無品行不端者朕不信也○己亥湖廣巡撫陳詵奏臣查湖北藩庫虧空銀

七萬七千餘兩請將布政使王毓賢解任候審得旨王毓賢著解任該督嚴審究擬具奏

六月戊午康親王椿泰薨于祭二次造墳立碑諡曰悼○戊辰山西巡撫鳴禮奏原任工部尚書楊義身故無嗣亦無同宗應繼之人承分家產請將楊義遺產照例入官內有田十七頃估價變賣部議應如所請其田畝估價之處恐遺漏短少應令該撫覈實增估得旨楊義曾為大臣並無過犯今因其無嗣即將家產入官又再行駁查竟與罪人無異非待大臣之道此事關繫體統從前無入官定例著九卿確查議奏尋九卿遵旨議覆凡戶絕無嗣者家產入官本有定例楊義家產應照例入官今臣等仰體 皇上篤念舊臣至意請將楊義應入官田產內撥田二百畝為楊義祭掃墳之用交伊家人管領並令地方官不時查覈務使得沾實惠其田畝估價之處准照原奏完結從之

東華錄

康熙八十三

五

東華錄

康熙八十四

臣王先謙敬編

臣周澐蕃恭校

秋七月辛巳轉鹿祐為兵部左侍郎以李先復為兵部右侍郎

○甲申以張聖猷為湖北布政使

世武為刑部尚書殷泰為四川陝西總督

工部左侍郎學士遷

○丙申以艾芳會為左副都御史

河○是月免河南虞城等六縣水災額賦有差

八月己亥朔日有食之○轉赫申為戶部左侍郎以能泰為戶部

右侍郎

思為四川巡撫

東華錄

著有勞績歷試重鎮克殫謀猷自擢任西秦以來馭兵飭伍有勇

知方邊境肅清閭閻安堵既威望之茂著亦年齒之日增茲特晉

加顯秩用彰異數著授為鎮綏將軍仍管陝西提督事務以示朕

隆眷老臣至意○戊申以黃國材為廣西布政使

為雲南按察使

申奇貴為廣東按察使

使

九月辛未河南巡撫汪灝以疾乞休允之○以侯居廣為山東布

政使

隨圍蒙古官兵銀布○丁丑劉光美以匿災降五級調用調葉九

思為安徽巡撫

侍郎遷

以年羹堯為四川巡撫

駿業為兵部右侍郎

度昭為左副都御史

年所用銀兩奏請豫為儲備赴戶部支領用完覆奏一年之中光

祿寺用二十萬餘兩工部用四五萬兩至百萬兩不等俱造黃

冊奏閱所用數目雖較前畧省而動工之處奉委官員於未估計

之先即已領銀備用以致浮支肥己之弊不絕嗣後工部光祿寺

著十五日一次將所委官姓名及支給銀數具摺奏聞如是則事

務清而奢用之端絕矣又凡督工人員於工竣後銷算延挨時日

至十年銷算者有之至二十年銷算者亦有之凡工作食料俱登

冊籍何故稽延若此此不過欲從中作弊耳工上錢糧朕常覈算

極其簡易數日可畢嗣後官員銷算如有踰年者立即奏聞罷斥

東華錄

○乙未河南巡撫鹿祐陛辭

理本無所難每因部費繁多以致不能潔己誠使實心任事專意

民生一切情面俱不宜瞻顧近來科道糾參皆受人指使並無從

公出於己見者督撫亦然明知某州縣居官不善必私計其人會

有權要相託與否如有屬託便不敢糾參賢否混淆不能辨別皆

此故耳河南俗樸民淳易於為治比年以來五穀豐收今年開歸

等處雖少被水已經蠲免錢糧令地方官賑濟矣嗣後一有災傷

爾即當據實奏聞不可隱匿亦不可過實積穀備荒最屬緊要但

各處積穀未必皆實推陳易新之說聽之雖美而行之甚難當青

黃不接時將倉穀散去儻值秋成款收便不能還倉若再如此一

年則倉穀必多虧缺雖遇災荒將何賑濟爾等漢官一見倉庫虧

空心中張皇因而有託人打點安排之事聲名便不能好巡撫乃

地方大吏不在徒務虛文宜實心籌畫思有益於民者爲之況清廉不專在一己必使布按以下一併爲廉吏始能有益於民所謂廉吏者亦非一文不取之謂若纖毫無所資給則居官日用及家人胥役何以爲生如州縣官止取一分火耗此外不取便稱好官其實係貪黷無忌者自當參處若一概從苛糾摘則屬吏不勝參矣至於刑獄關係民命凡錢糧等事有不合者部院可以駁查惟刑獄之事定案達部部院亦難更改爾於疑獄應詳慎駁審朕卽位五十年於刑名最加慎重凡督撫陞辭之時每以欽恤刑獄訓諭再三爾可加意詳究以仰體朕矜恤庶獄之心至地方文武共事每多不和總兵等官私扣月糧未足深罪文官雖極潔清尙足自給武職有何所入儻地方有事文臣可以坐鎮武官須有身臨鋒鏑之苦自唐以後文武始分從前文武相兼之時可云我非武

東華錄

康熙八十四

三

臣亦推諉他人耶爾蒞任後須文武和衷兵民一體爲要○諭九卿等江浙連年水旱湖廣江西米至安慶地方官輒遏止之不令南下又江蘇等處被災百姓甚苦地方官匿不奏報如安徽布政使李法祖四川布政使何顯祖皆年老龍鍾不能治民調取來京令爾等見之可知其不足任事也江浙水旱朕連免兩年錢糧聞有私徵不行豁免者科道官並未參劾一人卽有參劾皆受人指使並非出自己意督撫於屬官中亦計較某人門生某人保舉及某人所託之官分毫不爽其所舉劾亦非從公起見此等情弊朕已熟聞之矣○丙申以潘宗洛爲內閣學士由少詹事遷○吏部右侍郎杜敏以啟奏錯誤革職○是月免江南高郵等十一州縣水災額賦有差

冬十月辛丑以何士毅爲安徽按察使

由陝西漢興道遷

○予故原任左

都御史吳涵祭葬○壬寅諭大學士及兵部大臣等八旗漢軍以文職用者多以武職用者少嗣後武科鄉會試當令八旗漢軍應考卽增額無多而精壯技勇者可得矣○癸卯諭大學士兵部大臣等考試武舉進士乃國家大典視近科所取之人武藝勇力漸不如前此事所關甚大當擴考試之典以備錄用卽今在內部院司官筆帖式兼武職而歷升堂官者不少在外提督總兵官由行伍出身者甚多何地無才見今八旗監生爲護軍驍騎者俱有入文場考試之例直隸各省綠旗營兵千總把總及年滿千總不但人才壯健善騎步射其中有通曉文藝願入場就試者可分別令就武鄉會試卽於某人充伍爲弁之地就近鄉試不必令回原籍至雲南貴州廣西等遠省赴京會試者亦酌定中額不使虛費跋涉以示鼓勵如此則綠旗官兵內有才力者俱得入彀而武舉進

東華錄

康熙八十四

四

士亦得實有才力之人其於武鄉會試大有裨益矣至福建廣東兩省不拘舉人進士生員監生兵民內深諳水性熟習水師營務之人有願附巡哨船艦出洋效力擒斬盜賊建立功名者著該督撫查明保奏○甲辰賜田駿等一百一人武進士及第出身有差○丙午諭大學士等趙申喬爲人苛刻參劾武官甚多武官與文官不同卽爾等文官能一無所取乎己卽不取能禁家人一無所取乎故抑武人乃明代陋習武人粗鹵不宜抑之太甚大凡治天下之道當以和平爲貴也○諭近來科道言事必有所倚藉方始上奏至有關國計民生者全不念及如朕因江浙年歲歉收米價騰貴令江西湖廣米商報名不許積囤沿海一帶禁約不許出洋聞江浙米價皆平矣科道何不言及耶朕凡遇饑荒卽蠲本年錢糧及歷年逋欠又留漕賑濟但恐民未必得沾實惠聞江南有催

徵蠲免錢糧以償己之虧空者科道何以不行指參又諭曰人難求全責備即如翰林官有工詩賦者有工文章者亦有講理學者若一一責其全備則無地可容矣然人當以立品為主學問次之從前韓奕作時文甚佳而為人不稱所學有學問而無人品其所學亦何足道哉○庚戌以馬逸姿為安徽布政使由江蘇按察使遷○王子諭大學士九卿等江浙連歲災荒疾疫盛行人民傷斃者甚眾深用惻然比年因江浙盜案疊見凡犯盜劫者悉依律坐罪今閱秋審情實各案所議情罪俱屬允協但念災荒疾病之餘復將數十罪犯一時正法朕心殊為不忍江浙兩省應處決情實人犯俱著停止一年○癸丑以康悼親王椿泰子冲安襲封○甲寅以焦映漢為江蘇按察使由廣東雷瓊道遷○戊午冊封 皇三子允祉為和碩誠親王 皇四子為和碩雍親王 皇五子允禩為和碩恆親王

東華錄 康熙八十四 五

皇七子允祐為多羅瀋郡王 皇十子允祿為多羅敦郡王 皇九子允禵 皇十二子允禩 皇十四子允禴俱為固山貝子○辛酉諭戶部今歲入夏以來朕因南方二麥不登北地微潦宵旰軫念甚切焦勞繼而畿輔稔收三吳秋熟兼以四方奏報咸獲有年朕心始為稍慰夫水旱災傷雖事時有而小民皆如赤子一以疾苦見告即不忍忍置於懷今念江南淮安揚州徐州地卑水積秋禾未播種者甚多本年錢糧業經全免又遣官分賑而失業之民更宜加格外之恩以宏愛養康熙四十九年淮揚徐三屬二十二州縣衛額徵地丁銀五十九萬三千八百兩有奇著通行蠲免又河南省歸德府屬商邱等六縣山東省兗州府屬濟甯等四州縣咸被夏災雖已各依分數例免額賦並宜更施膏澤用厚民生康熙四十九年商邱等六縣應徵地丁銀二十萬二千四

百兩有奇濟甯等四州縣應徵地丁銀一十四萬六千六百兩有奇俱著通行蠲免舊欠未完錢糧亦著停徵一年各該督撫務嚴飭有司體朕殷殷恤災至意俾窮鄉僻壤均沾實惠○甲子以阿米達為甘肅布政使由御史遷○乙丑先是致仕大學士熊賜履遺本內有薦舉伊姪翰林院編修熊本清廉謹飭可用之語 上曰熊賜履學問既優人品亦端此遺奏內薦舉熊本等語必係虛偽著行文地方官確查至是查取熊賜履奏稿進呈 上諭大學士等熊賜履遺奏稿內並無薦舉熊本之言觀此明係被人將遺奏更改增入熊本一段著該部嚴審具奏尋部覆臣等審訊熊本串同熊賜履家人將遺奏私行添改是實應將熊本革職擬斬秋後處決從之○是月免直隸武清山東東平等十四州縣衛被災額賦有差

東華錄 康熙八十四 六

十一月丁卯朔賑浙江餘杭湖廣漢陽等二十一州縣衛饑○己巳諭大學士等故大學士熊賜履除另議賜卹外其令禮部派滿漢司官各一員前往臨視其喪並給卹銀一千兩○庚午內閣學士達壽以折本錯誤金寶以行止不端俱革職○賑浙江餘杭等六縣湖廣漢陽等十五州縣衛饑○壬申兵部遵旨議覆八旗漢軍包衣人等嫻習弓馬者多嗣後八旗漢軍包衣無品筆帖式烏林大及閒散人等有願考試武生者該旗移送順天府照例考取武生八十名鄉試時將所取武生並中書及部院衙門六品七品八品筆帖式廕生監生以及監生之披甲擺牙喇撥什庫拜唐阿有願應武鄉試者該旗移送順天府與武生一體鄉試取中武舉四十名如不中式者仍令當差會試時取中武進士八名照文場編合字號考取其直隸各省綠旗營兵有願應武鄉試者即於充

伍地方令該營將弁申送巡撫同武生一體鄉試於原額內取中不中者仍令歸伍其千總把總及年滿千總等官願應武會試者於任事地方令該督撫提鎮給咨送部年滿千總在京候選者自行赴部具呈同武舉一體會試亦於原額內取中不中者仍回原任原職如鄉會試中式之後有願歸職伍者亦令暫歸職伍照文會試定例雲南取中二名貴州取中一名廣西取中一名至福建廣東二省武進士武舉生監或兵民人等有熟諳水性練習水師事宜願隨官兵出洋巡哨效力者該督撫豫先列名咨部果能擒殺賊眾立有功績該督撫保奏引見以遊守千把用年滿千總中武進士者照例以營衛守備另班推選請著為令從之○丙子諭大學士等適科臣郝林條奏各省錢糧虧空郝林但知州縣錢糧有虧空之弊而所以虧空之根源未之知也凡言虧空者或謂官

東華錄

康熙八十四

七

吏侵蝕或謂餽送上官此固事時有然地方有清正之督撫而所屬官員虧空更多則又何說朕聽政日久歷事甚多於各州縣虧空根源知之最悉從前各省錢糧除地丁正項外雜項錢糧不解京者尚多自三逆變亂以後軍需浩繁遂將一切存留款項盡數解部其留地方者惟俸工等項必不可省之經費又經節次裁減為數甚少此外則一絲一粒無不陸續解送京師雖有尾欠部中亦必令起解州縣有司無纖毫餘積可以動支因而有那移正項之事此乃虧空之大根源也再如正項錢糧二千兩徵收未完五百兩者按分數議處其例甚輕若因公那用五百兩則處分甚重今但責令賠償足額其罪似乎可寬不必深究凡事不可深究者極多即如州縣一分火耗亦法所不應取尋常交際一二十金亦法所不應受若盡以此法一概繩人則人皆獲罪無所措手是

矣且如戶部庫中錢糧歷年存積數極難清前此庫貯一二千萬時曾令部中逐案盤查轉多二十餘萬即各倉糧米亦歷年堆積陳陳相因贏餘不少不肖官役侵盜銀米未嘗無人若行盤查數仍不缺總之定例所在有犯必懲其中細微不必深究諸事大抵如此見在戶部庫銀存貯五千餘萬兩時當承平無軍旅之費又無土木工程朕每年經費極其節省此存庫銀兩並無別用去年蠲免錢糧至八百餘萬兩而所存尚多因思從前恐內帑不足故將外省錢糧盡收入戶部以今觀之未為盡善天下財賦止有此數在內既贏則在外必絀凡事須豫為之備若各省庫中酌留帑銀似於地方有濟儻在外各省一旦倉卒需用反從京師解出得無有緩不及事之慮此亦當於無事之時從長商榷者也爾等可將朕此旨一一傳諭九卿○多羅安郡王馬爾渾薨 上報朝二

東華錄

康熙八十四

八

日子祭二次造墳立碑諡曰愨○以滿丕覺羅滿保俱為內閣學士滿丕由內閣侍讀學士滿保由祭酒遷○左副都御史溫察以病乞休允之○己卯諭吏部桑額自簡任治漕以來老成持重謹厚寬平彈力轉輸悉心經畫每歲身親饋運俾漕艘依期抵通十餘年間從無稽遲貽誤之事且馭眾有法恤下有恩所屬運官旗丁無不感頌愛戴不愧為地方大吏今年齒已長而精力未衰久任勤勞良可嘉尚著特授兵部尚書兼都察院右都御史仍加太子太保以示朝廷崇獎老臣酬庸褒勳至意○庚辰諭大學士等本朝自統一區宇以來於今六十七八年矣百姓俱享太平生育日以繁庶戶口雖增而土田並無所增分一人之產供數家之用其謀生焉能給足孟子曰無恆產則無恆心不可不為之籌也朕意欲將康熙四十九年應徵錢糧豫酌各省用度為之抵算至五十年將天下應徵

錢糧一概蠲免如近省有支用之事則以戶部庫銀給發應用戶部尚書希福納奏曰每年天下地丁錢糧及鹽課關稅雜項錢糧內除照常存留各省應用及解往別省協濟之外一年共起解銀一千三百萬兩有餘京城俸餉等項一年需用九百萬兩有餘每年所積不過一二百萬兩如將天下錢糧全免似乎國用不足上曰今年免江浙錢糧八百萬兩並未嘗有所不足希福納奏曰皇上蠲免江浙錢糧命下之後臣等催取各省缺解銀兩六百萬到部始能足用 上問張鵬翮曰爾意云何張鵬翮奏曰皇上加惠於民實出非常但通免天下錢糧其事甚大容臣等與大學士九卿覈查議奏 上曰爾等速議具奏○贈故原任大學士熊賜履太子太保子祭葬加祭一次諡文端○壬午江南江西總督噶禮奏參江蘇布政使宜思恭貪婪請革職審擬得旨宜思恭東華錄 康熙八十四 九

著革職此案著尚書張鵬翮學士噶敏圖前往會同總漕桑額嚴提究擬具奏其江蘇巡撫于準案內並有干連並將于準解任江蘇巡撫員缺緊要著福建巡撫張伯行調補江蘇布政司事著蘇州府知府陳鵬年署理○免直隸靜海永清二縣水災額賦有差○癸未大學士等以朝審情實罪犯應句決者四十二人請旨定奪 上詳閱刑部招冊反復研究求其中有一縵生路者寬免一十六人因論大學士等曰向來句決罪犯止開犯人姓名順治年間有兩犯同名者一句一留唱名時二人同應監斬御史不能辨別具本請旨其被句者亦留至次年正法今令開明承審各司及罪人籍貫年歲自無錯誤矣自順治初年至康熙八年滿洲內無殺人之罪犯後來殺人之罪漸多朕欲禁除之故交與該旗即行完結著為定例其時大臣或謂朕立法太嚴朕決意行之由是殺

人罪犯日少去年止有一案今年竟無矣又諭曰明季事蹟卿等所知往往皆紙上陳言萬歷以後所用內監曾有在御前服役者故朕知之獨詳正統間事史書所載不能明確其在沙漠會生子今有裔孫見在旗下天啟呼魏忠賢為老伴凡事委之己竟不與楊漣左光斗受杖老內監猶有目擊者能具言之陳新甲所議本受指於崇禎及科道交章彈劾崇禎反畏人言歸咎於陳新甲實非其罪也明季諸帝俱不甚諳經史崇禎頗讀書流賊將至京營官兵俱分遣至真定保定居庸關諸處堵禦其守城者惟內監數萬人而已賊兵破外羅城由西便門轉攻阜成門崇禎率內監數人微行至襄城伯家其家方閉門演戲不得入回登萬壽山四顧無策猶欲出奔太監王承恩止之曰出恐受辱於賊崇禎乃止以身殉國 世祖皇帝御製王承恩碑文極賞其忠以旌表之明東華錄 康熙八十四 十

胡費用甚奢興作亦廣一日之費可抵今一年之用其宮中脂粉錢四十萬兩供用銀數百萬兩至 世祖皇帝登極始悉除之紫禁城內砌地輒橫豎七層一切工作俱派民間令則器用樸素工役皆見錢雇覓明季宮女至九千人內監至十萬人飯食不能徧及日有餓死者今則宮中不過四五百人而已明季宮中用馬口柴紅螺炭以數千萬斤計俱取諸昌平等州縣今此柴僅天壇焚燎用之爾等亦知所謂馬口柴乎大學士等奏曰不但不知亦所未聞 上曰其柴約長三四尺淨白無點黑兩端刻兩口故謂之馬口柴又明季所行多迂闊可笑建極殿後階石高厚數丈方整一塊其費不貲採買搬運至京不能昇入午門運石太監參奏此石不肯入午門乃命將石細打六十御棍崇禎嘗學乘馬兩人執轡兩人捧鐙兩人扶鞦甫乘輒已墜馬乃責馬四十發苦驛當差

馬猶有知識石何所知如此舉動豈不發噓總由生於深宮之中長於阿保之手不知人情物理故也○甲申論大學士等朕聽政年久凡事無不留心昔朕西巡時嘗以戰地問於曾經行陣之提督總兵官等皆言自古戰陣之事必於舊戰地交戰從無戰於不可戰之地者朕觀韓信嶺上下凡七十里未嘗有一戰於此者以無水不可立營故也前我師往征漠北與噶爾丹戰於昭莫多之地明永樂出塞時亦嘗戰於昭莫多以此觀之皆於舊戰地交戰也行兵之道立營必視水草西北土厚掘至百丈有餘始能得泉一井之汲綆須一騎負之其地如此焉可屯兵是以用兵必以地理為要古人善用所長後人萬不能及一也○大學士九卿等以遵旨會議全免天下錢糧事覆奏 上問戶部諸臣曰爾等作何定議張鵬副奏曰 聖主施殊恩於天下頒發諭旨欲將康熙五十年天下地丁錢糧一概蠲免止存額徵鹽課關稅六百萬兩實浩蕩之隆恩但所存之數恐不足用勢必另發帑銀以濟之臣等會議自康熙五十年起視各省之大小斟酌配搭於三年內免完如此則萬民俱沾實惠而庫帑亦不至缺乏矣 上曰爾等所議良是至明年十月閒視各省秋收何如先免歉收之省張鵬副奏曰臣查戶部冊籍自康熙元年起以至於今所免錢糧共萬萬兩有餘是誠亘古所無也 上曰果至此數矣又諭曰凡地方水旱督撫即行奏聞豫為料理則被災百姓不至失所今年安慶府太平府屬俱被災荒而巡撫劉光美竟不奏聞其意以為災荒非盛世所宜言不知天時水旱之災乃所恒有生民關繫甚大匿不以聞殊為非理矣○湖廣提督俞益謨遵旨回奏巡撫趙申喬參臣抽取衛協兵丁三十五名以致營伍空缺此特言臣冒餉之意提

督衙門例有執事人役向無額設亦無工食臣做督撫衙門衙役工食取給各州縣之例分派各營令其呈送如各營將人餉並送者則臣各派職役若但將名糧呈送者臣即募充其餘贖之餉以為操演賞賚各公費之需並無分毫扣剋臣不能與趙申喬同省辦事乞賜罷斥得旨九卿詹事科道察議具奏○丁亥調恩丕為吏部右侍郎由兵部調以許嗣興為福建巡撫由河南布政使遷○庚寅諭大學士等今京城米價甚貴朕聞小米一石須銀一兩二錢麥子一石須銀一兩八錢爾等與九卿會議如何可以平價江浙前兩年無收今年大熟米價仍未平者必有故李光地奏曰今人口甚多即如臣故鄉福建一省戶口繁息較往年數倍米價之貴蓋因人民繁庶之故 上曰生齒雖繁必令各得其所始善今河南山東直隸之民往邊外開墾者大都京城之米自口外來者甚多東華錄 康熙八十四 三

口外米價雖極貴之時秣米一石不過值銀二錢小米一石不過值銀三錢京師亦常賴之又問大學士等曰汝等知山東碣石等山脈從何處來乎李光地奏曰大約從陝西河南來 上曰不然山東等山從關東長白山來即如山海關與山東登萊相對渡海不過二百里中係海套凡山東秦岱諸山來脈俱從長白山來來龍甚遠不知里數李光地奏曰 皇上博通典籍是以知之甚詳 上又曰沛水伏流三處其實不止沛水凡水發源處多是伏流常問蒙古人言之甚詳渠亦有書凡黑水弱水詳記明白黃河九曲其實不止九曲其大曲有九其小曲不知幾千黃河從崑崙來未到積石亦是伏流即如長江之水書云岷山導江似乎江源在岷山其實不在岷山亦從崑崙來也伏流到岷山更不伏流矣此等事土人知之書籍中未能詳載也○張鵬副等以往審宜思恭

案請訓 上曰審事但從公而已若豫存一意則不可也諭張鵬
 謂曰朕聞江甯盜案尙有八百件爾到江南述朕旨意諭噶禮作
 速審結總之罪疑惟輕功疑惟重與其殺不辜甯失不經凡爲督
 撫者俱當體此語以行事又諭河工雖奏績然不可一日不防備
 兩隄稍有疏忽則前功盡棄爾以朕此旨諭總河趙世顯時時防
 之始善蓋河源出於崑崙朕會遣官往視上流水長則陝西河南
 江南之水俱長知之甚詳爾可宣旨趙世顯令行文川陝總督甘
 肅巡撫儘選水大之年黃河水漲卽著星速報知總河豫爲修防
 始得保全也○辛卯以蘇爾德爲左副都御史由盛京工部調滿
理事官遷調滿
 篤爲兵部右侍郎以諾木齊岱爲理藩院左侍郎由內閣侍
讀學士遷○壬
 辰 上謁 陵啟變

十二月戊戌以王家棟爲河南布政使由廣西按
察使遷○己亥 上謁
 東華錄 康熙八十四

暫安奉殿 孝陵至 仁孝皇后 孝昭皇后 孝懿皇后陵
 奠酒○甲辰以王用霖爲廣西按察使由陝西督
糧道遷○乙巳遣吏部
 尙書蕭永藻副都御史王度昭按湖廣提督俞益謨等冒餉獄○
 壬子釋馬齊命管理鄂羅斯貿易事○甲寅刑部尙書巢可托免
 ○己未 上還京師○是歲朝鮮琉球來貢

東華錄

康熙八十五

臣王先謙敬編

臣周澐蕃恭校

康熙四十九年庚寅春正月庚辰諭理藩院喀爾喀扎薩克多羅
 貝勒額林陳人甚老成在昭莫多地方亦甚效力其父滾布原係
 郡王額林陳著封爲多羅郡王襲封時仍襲貝勒○壬午先是諭
 禮部蟒式舞者乃滿洲筵宴大禮至隆重歡慶之盛典向來皆諸
 王大臣行之今歲 皇太后七旬大慶朕亦五十有七欲親舞稱
 觴是日於 皇太后宮進宴 皇太后升座樂作 上近前起舞
 進爵○戊子江南江西總督噶禮奏臣前因江蘇布政使宜思恭
 貪婪曾經奏參今查江蘇藩庫錢糧宜思恭任內共虧空四十六
 萬一千兩有零應請審追得旨著差往審事尙書張鵬翮等一併

東華錄

康熙八十五

上

嚴察究擬具奏○庚寅諭八旗大臣及內閣部院大臣等朕總理
 國家大小事務必計久遠今見八旗忽於生計習爲奢侈此由該
 管之人不能約束及伊等族長平時不先訓誡所致也去冬因米
 價騰貴以二月應給之米於正月給發米價隨即稍減可見八旗
 官兵以所支之米不運至家惟圖微利一時卽行變賣及至此銀
 費去米價又貴勢必請將八月之米於六七月間給發且求將來
 年之米於今年豫支矣八旗官兵應互相告誡自是以後務將所
 支之米力加節省必用至支米之時庶不致墮富商囤米術中爾
 等大臣官員俱有教養之責當仰體朕心潔己奉行尋大臣等覆
 奏嗣後八旗支米之時請撥人監管務令到家不使變賣至兵丁
 先期典賣米石亦應禁止從之○諭大學士等滿字既有清文鑑
 蒙古字書亦應纂輯著交與教習唐古特書之官員阿爾必特祜

乾清門侍衛拉錫等翻譯會同蒙古侍讀學士中書等修成滿洲蒙古合璧清文鑑一部一邊寫滿洲字一邊寫蒙古字其引經處俱行裁去若有伊等不知之處若問八旗年老通曉蒙古書之人於朕起行之前酌量繕寫數篇呈覽○壬辰湖廣提督俞益謨奏偏沅巡撫趙申喬每事苛刻反直為曲今劾臣侵冒兵餉荷蒙皇上特命大臣察審祈將臣與撫臣趙申喬俱行解任聽審得旨巡撫趙申喬提督俞益謨互相參劾有乖大體巡撫有疆陲之責提督有彈壓地方之任伊等同在一省而不相睦必致貽誤地方著俱離任候審湖廣提督印務令鎮算總兵官張谷貞署理偏沅巡撫印務著差往審事侍郎王度昭署理○癸巳以徐元正為左都御史由吏部右侍郎艾芳曾為刑部右侍郎由吏部右侍郎○乙未諭八旗都統等八旗兵丁每人所得四十斛之米人口多者適足養贍東華錄 康熙八十五

二月丁酉 上幸五臺山啟鑾○以安肅郡王馬爾渾子華玘襲爵○吏部尚書兼翰林院掌院學士徐潮以老乞休命原官致仕○壬寅以祖允圖為左副都御史由宗人府○己酉 上駐蹕五臺山○壬子 上回鑾○癸丑子故左都御史王九齡祭葬○甲子兵部議准福建浙江總督梁鼎奏浙江處州府所屬十縣在深山之中地甚險要舊設副將一員額兵甚少稽察難周請將平陽總兵官移駐處州其金華衢州二副將俱歸處州總兵官統轄處州副將移駐平陽聽溫州總兵官統轄實於地方有益從之三月己巳 上還京師○欽天監奏京城及各省月食分數 上

東華錄 康熙八五

曰朕嘗習算法天文地理靡不詳究月食三分以上者例當入奏不及三分者不奏此奏言雲南四川兩省月不食因地之體圓月之所食被其所掩而人不見若以不見之故而即書不食則人不知之矣此所奏糊塗本發還著將雲南四川兩省月食被掩之故另行開明具奏尋欽天監奏雲南四川兩省月未出地平已復圓其初虧復圓俱地平遮掩不見月食下部知之○乙亥諭大學士陳廷敬等朕留意典籍編定羣書比年以來如朱子全書佩文韻府淵鑑類函羣芳譜並其餘各書悉加修纂次第告成至於字學並關切要允宜酌訂一書字彙失之簡畧正字通涉於汎濫兼之四方風土不同南北聲音各異司馬光之類篇分部或有未明沈約之聲韻人不無訾議洪武正韻雖多駁辨迄不能行仍依沈約之韻朕嘗參閱諸書究心考證凡蒙古西域外洋諸國多從字母東華錄 康熙八十五

而來音由地殊難以牽引大抵天地之元音發於人聲物類之象形寄於點畫今欲詳畧得中歸於至當增字彙之闕遺刪正字通之繁冗勒為成書垂示永久爾等酌議式例具奏○吏部開列提督四譯館太常寺員缺 上諭大學士等今觀漢大臣俱已年邁繼此可用者難得其人至於直隸見為大臣者無一人矣昔如魏裔介李蔚杜立德王熙梁清標等俱優李蔚任大學士時始終恪慎懋著勤勞伊孫曾引見主事在何部行走著查奏尋大學士等奏李蔚嫡孫李敏啟見任工部主事得旨李敏啟著越格升補提督四譯館太常寺少卿以示崇獎舊臣優錄後嗣至意○戊寅議政大臣等議拉藏及班禪胡土克圖西藏諸寺喇嘛等會同管理西藏事務侍郎赫壽奏請頒賜波克塔胡必爾汗以達賴喇嘛之封號查波克塔胡必爾汗因年幼奉旨俟數年後授封今既熟諳

五二五

經典為青海諸眾所重應如所請給以印冊封為六世達賴喇嘛從之○辛巳戶部議覆浙江巡撫黃秉中奏杭州湖州二府所屬仁和等八州縣康熙四十七年緩徵漕糧應於四十八年徵收帶運除見完之米已令起運外尚有未完米九萬二千石有零請於四十九年徵收帶運應如所請得旨漕糧例不蠲免念浙省被災之後民力艱難其未完漕米九萬二千餘石著免徵○工部議覆盛京工部侍郎席爾圖奏錦州採鉛請改於遼陽州採取應如所請得旨採鉛事情前因白爾克條奏自遼陽州改往錦州大碑嶺等處今又因席爾圖所奏議仍在遼陽州採取前所奏是則今所奏非今所奏是則前所奏非一切事務該部當據理剖斷分別是非定議乃止據見在條陳草率議准殊為不合凡部院及督撫官員更一人皆如此頻更舊例貽誤必多著嚴飭行此事著再行確

東華錄 康熙八十五 四

議具奏尋議自改在大碑嶺等處採鉛以來將近十年鉛斤足用今席爾圖不思事之有無裨益奏請更改甚屬不合應交吏部議處從之尋降二級調用○丁亥諭大學士等雲南四川等處俱係邊疆殊為緊要督撫以下官員謂去京遠朕不及聞之故違法妄行者多督撫為一省之表率職任極重用伊等者原為愛養生民安撫地方非使之富貴而已近聞四川官員惟學道陳瓊操守尚清廉其餘地方官橫行加派恣肆者甚多戶部侍郎能泰前為四川巡撫不能嚴加檢束訓誡屬員使民困苦屬下文武官員無一善者如此之人若仍留為侍郎何以明賞罰示勸懲著將能泰革去侍郎四川布政使下永式居官尤劣著解任江西按察使吳存禮著升為四川布政使至於甘肅乃要地也巡撫舒圖辦事無能極其糊塗著解任甘肅按察使鄂奇居官頗優著升為甘肅巡

撫○戊子諭吏部前以補授雲南貴州廣西四川四省官員不能如期到任懸缺甚多故豫發人員備用今觀此等官員但圖以邊俸速升居官無一善者地方關繫甚屬緊要嗣後四省著停其豫發仍照舊例歸選其月選得缺人員嚴限速催赴任如此則缺不致久懸而於地方亦有裨益其以前發往未經得缺人員俱著掣回各歸月分補用

夏四月壬寅兵部議覆浙江巡撫黃秉中奏衢州府龍游縣夥賊搶劫居民都司張朝臣等率兵緝捕張朝臣被賊殺死其所屬兵卒並未受傷隨經眾官兵合力進剿斬獲甚多查張朝臣被殺所屬官兵不能協力救助皆由該管官平日不嚴加訓練致失事其間或有隱諱之處應行文該督將此案隱諱情節及該管官職名一併查參其未獲餘賊著嚴緝務獲得旨此事著郎中察爾欽

東華錄 康熙八十五 五

前往會同該撫將軍副都統親至都司張朝臣被殺之處詳察情由明晰議奏○諭兵部朕觀天下綠旗兵惟直隸及西方沿邊一帶兵畧有可觀此外各省之兵俱屬不堪江浙之兵尤不足觀不耐勞苦該管官訓練稍嚴即出怨言甘汰所食之糧而不願操練此等人平時尚然儻至行陣之間安可用耶各省皆有食空糧者然不至已甚若浙省兵千名食空糧者則有五百名所存五百名亦僅充數而已俱非可用者近日處州協標都司張朝臣往追山賊其身當先而進眾兵棄之先退此皆平時訓練不善之故也若滿兵則不然戰陣間雖至死地亦皆願效死無離本伍退回一步之理江浙駐防滿洲兵朕帶往行獵之處以苦差試之畧無怨意交相勉勉是以朕心少慰以此觀之兵在訓練之善不善耳不關乎風土也○以塔進奏為戶部右侍郎由大理寺卿遷○乙巳都統蘇滿

等以差往蒙古會盟請訓 上曰會盟之事肇自 太宗文皇帝
三年一次遣大臣會盟朕遵行已久爾等前去不得生事蒙古漸
次皆已富饒亦無甚大事或有小事來訴汝等但從公審理而已
至蒙古餽汝等馬匹勿得收受亦不得買其馬匹○以仇兆鰲為
吏部右侍郎由內閣陳元龍為翰林院掌院學士兼禮部侍郎由原
任巴襲為甘肅按察使由御史○調蕭永藻為吏部尚書由兵部○
丙午諭大學士九卿等僉都御史屠沂條陳節儉事節儉固為美
德人但能言之而能行之者少屠沂條陳皆節儉細小之處其大
者未經指出古人未嘗無餽遺卽有餽遺亦不過羔豚等物而已
今人禮物多用金銀或取庫銀餽送以致國帑虧空至僧徒寺廟
各有田園甚或一僧住持一寺卽欲為開山始祖聚集徒眾以千
百計此皆糜費之大者也屠沂條陳內並未言及至所云永禁官
東華錄 康熙八十五 六
民奢糜僭妄之處爾等會同詳議具奏又諭凡事言之非艱行之
維艱昔江蘇巡撫湯斌好輯書刊刻其書朕俱見之當其任巡撫
時未嘗能行一事止奏毀五聖祠乃彼風采耳此外竟不能踐其
書中之言也○諭據欽天監奏立夏時巽方風起是日朕於宮中
占驗乃東北風起欽天監務取吉利者具奏不知此等事件應據
實啟奏何必避忌至各處風信不同或彼處東風亦未可定且春
秋誌災不言其應孔子書此之意所以示警今但取吉利可乎本
朝並未嘗有所避忌也爾等傳諭欽天監知之又諭人有喜言災
異遇風雨皆記之者彼幸身處太平而倖災樂禍誠為無知果使
其身遇災禍又豈能自免乎○子故刑部右侍郎張睿祭葬○丁
未以張聖佐為江西按察使由廣西右○庚戌調王揆為兵部尚
書由工部○丙辰以彭始博為內閣學士由少詹○辛酉諭大學士

東華錄 康熙八五

等適引見行取知縣人材俱佳令其候補殊覺可惜著留伊等於
京食俸遇主事缺出以主事用遇緊要知州缺出以知州用九卿
有知伊等者著問明具奏○九卿等遵旨議覆僉都御史屠沂條
陳節儉事 上諭大學士等禁止奢僭而崇尚節儉極當於理朕
近查宮中人數 皇太后宮及朕所居正宮不過數百人較之明
代宮人則減省多矣先是光祿寺供應宮中用度每年用銀七十
萬兩有餘朕漸次節省不使濫溢一年止需七萬兩矣理藩院每
年賞賜供應外藩賓客用銀八十萬兩今裁減浮費一年止需八
萬兩戶工兩部前此每年所用錢糧其數過多今日一次奏聞
用過數目所需錢糧已極少矣朕用錢糧節省如是因臣民僭用
妄費從前屢有禁約今若又行禁約徒有法令繁滋而已究無補
於事也今法令非不詳盡皆由臣下奉行不善而然步軍統領順
東華錄 康熙八十五 七
天府尹地方該管官員果實心遵行何至如此乎著將屠沂原奏
發還○以孫柱為盛京工部侍郎由內閣○癸亥大學士等奏臣
等遵旨以行取知縣問諸九卿等薦舉廖之諒鄒汝魯二人著以
科道員缺用餘著給知縣俸分與六部候主事缺出挨次銓補如
有別項應用處著候旨行○禮部侍郎鐵圖綠事解任○甲子以
瓦爾答為內閣學士由內閣侍
五月乙丑朔 上巡幸塞外啟鑾○己巳領侍衛內大臣大學士
等奏護軍人喀爾處渾告稱願當苦差妄行叩關應枷責發往黑
龍江當差 上曰喀爾處渾極其狂妄將伊妻子兄弟一併發往
並行文將軍嚴加防範昔 世祖皇帝時以巴龍之祖愛寶狂妄
不堪充發烏喇在充發處怙惡不悛擊回正法此所謂懲惡也今
喀爾處渾之族噶什圖噶爾圖等原係內府佐領下人出旗受職

五一七

家已極富乃交結部院人員恃其饋營將子弟三十餘人俱用部院今已將噶什圖噶爾圖之族取回內府仍歸原佐領矣又和素常書將喀爾喀渾具保咨部授為署丞必有黃緣情弊觀其保喀爾處渾則凡屬伊等保送之人皆不可用著查伊等從前保送者盡行斥革且常書生性不孝不義行事不端言語繁多和素為人亦極庸劣學問雖優其他皆無足觀也○庚午調恩丕為禮部左侍郎由吏部調○辛未刑部等衙門議准奉差江南審事戶部尚書張鵬翮奏原任江蘇布政使宜思恭於兌收錢糧時勒索加耗又受各屬餽送應擬絞監候巡撫于準同城居住並不糾劾擬革職從之○癸酉 上次花峪溝閱吉林烏喇黑龍江官兵射○刑部議覆奉差江南審事戶部尚書張鵬翮奏宜思恭任江蘇布政使時因地方有賑濟平糶等事與巡撫于準商議先將司庫銀墊用俟

東華錄 康熙八十五 八

扣各屬每年俸工等銀還庫今補還二十九萬七千餘兩尚欠一十六萬四千餘兩並無可以扣抵之項請在宜思恭于準名下勒限嚴追補完從之○丙子諭大學士等自趙申喬參俞益謨以來武弁始知做畏今天下兵丁額數缺少而空名食糧者甚多所關者大卿等皆國家大臣當於此留心○兵部議覆福州將軍祖良壁奏康熙二十二年撥取精忠藩下兵一千名分入上三旗因閩省從來未有正黃旗兵駐防故將應入正黃旗人等分入正藍鑲白二旗查別旗藩下人有缺將本旗人補授嗣後有正藍鑲白二旗缺出請將從前應入正黃旗兵丁數內補授應如所請得旨此事著如議行天下之人皆朕民庶今藩下之人均朕之人併入漢軍嗣後不得仍稱藩下○調哈山為吏部右侍郎由盛京禮部調○丁丑上駐蹕熱河○癸未以蘇爾德為盛京禮部侍郎由吏部調金

世揚為江蘇布政使由河南按察使遷○己丑以綽奇為左副都御史由理寺遷

六月乙未朔先是 上至熱河遣內侍及侍衛等恭請 皇太后駕避暑塞外至是 上命皇太子諸皇子恭迎 皇太后駕於王家營○于故浙江巡撫王然祭○戊戌以張伯琮為河南按察使由陝西補○己亥 皇太后駕至熱河 上跪迎親扶 皇太后送至行宮○辛丑諭刑部本年朝審秋審凡係可矜可疑罪犯著照例審奏其情實罪犯停止審理○戊子先是江南江西總督噶禮奏康熙四十六年閏荷蒙 皇上頒發帑金令江南督撫於蘇州松江常州鎮江等處建開河應用錢糧蘇州府知府陳鵬年於司庫支銀轉發蘇松糧道賈樸於督修時先扣留三萬四千餘兩於完工後詳司報銷止稱餘賸銀二千四百餘兩顯係侵蝕其

東華錄 康熙八十五 九

承修各官辦事草率甚屬瀆職相應一併奏參 上命差往江南審事尚書張鵬翮等一併嚴審具奏至是張鵬翮等覆奏糧道賈樸督修河開倡議扣留錢糧為將來保固之用遂行捏造印冊蒙混報銷革職布政使宜思恭革職巡撫于準不詳察具奏除宜思恭已於別案擬罪外賈樸于準均應按律杖流仍勒限追完承修官蘇州府同知張廷采等未照原估之處修治是實均應革職勒限補修知府陳鵬年所發所存銀兩皆由巡撫飭令遵行應無庸議得旨觀張鵬翮所審建開一案各官皆議處獨陳鵬年脫然事外陳鵬年本係重罪之人朕從寬免其死罪復授為知府理應激切圖報乃身在同城目見伊等侵扣不盡力勸止且此項錢糧出納俱經陳鵬年之手而任憑賈樸于準指使其公同作弊可知矣今若免議眾心不服大凡公事雖係師生同年朋友亦當從公審

理張鵬翮所審此案內有畏懼徇庇之處著交與九卿嚴察議處
其同審理此案之學士噶敏圖及總督噶禮禮總漕桑額著一併議
處具奏○吏部奏刑部察審偷盜富新倉米糧之檀張三等例應
擬斬監候乃尙書張廷樞另議充發甚屬不合應將張廷樞罰俸
一年得旨張廷樞諸事偏執素性好勝有忝大臣之任著革職○
己未以沙木哈爲四川按察使由陝西甘
山道遷

東華錄

康熙八十五

十

東華錄

康熙八十六

臣王先謙敬編

臣周澗蕃恭校

秋七月辛未予勦辦峯崖山生番死事守備韓國元千總洪章高
仲元官廕○庚辰調拉都渾爲理藩院左侍郎轉揆敘爲工部左
侍郎以張額爲工部右侍郎由左副都
御史遷○壬午兵部議覆奉差湖
南審事吏部尙書蕭永藻等奏巡撫趙申喬奏參提督俞益謨侵
冒兵餉遊擊唐之夔將銀換錢少與多取總兵官李如松不能約
束兵丁在任所開設典鋪提督俞益謨奏參巡撫趙申喬每事刻
意苛求故欲陷人今將伊等審訊所參俱實俞益謨應革職原任
總兵官今升杭州副都統李如松及唐之夔應各降三級調用趙
申喬亦應革職得旨俞益謨著休致趙申喬著革職留任李如松
東華錄 康熙八十六

著降三級從寬免調用雷副都統任餘依議○一等侍衛海青卒
加贈副都統銜並賜鞍馬二匹內廐馬一匹散馬一匹銀一千兩
及妝蟒段疋等物○丁亥刑部議覆左副都御史祖允圖奏參戶
部內倉虧空草豆一案審據書辦胡文思沈遵泗供稱每年買賣
人等所領銀兩有送堂司官公費其銀數帳目俱存買賣人金壁
處隨傳問金壁取出康熙四十五六七八等年送堂司官銀數帳
簿內開得銀之堂官希福納等司官根泰等共六十四員此等堂
司官員俱應革職擊問尙書張鵬翮等無入己之贓但伊等家人
有與買賣人要銀之處應否將伊等一併革職擊問請旨定奪得
旨國家錢糧關係重大見今俱已發露必從設立監督之年稽察
著此案內無名之九卿大臣官員公同秉公審理本身不會得銀
家人得銀者免其革職擊問餘如議○戊子諭大學士等據刑部

摺奏戶部虧空辦買草豆銀兩一案干連甚眾大臣官員等不能潔己革除積弊今事已敗露誠為可恥朕昨覽此事終夜不寐反復思維姑開以自新之路見在得贓人員於未審之前若將自身所得之銀即行賠完則免其革職拏問爾衙門即將此旨驛發刑部 上出行宮前諭扈從大臣官員等副都御史祖允圖為戶部內倉虧空買辦草豆銀兩事參劾希福納等共侵欺銀二十餘萬朕以為希福納年久能辦事故用之今已如此朕亦無如何也朕反復思之終夜不寐若將伊等審問獲罪之人甚多矣今觀戶部弊端始自尙書科爾坤佛倫後之諸臣皆循伊等所行以至於此今予以自新之路暫停革職拏問凡為大臣者理應廉潔自守甞勉從事方無忝厥職也○庚寅增陝西武鄉試中額二十名

閏七月戊戌先是下嫁喀喇沁郡王噶爾臧額駙之和碩端靜公東華錄 康熙八十六 二

主於本年三月薨逝 上命皇十三子允祥貝勒海善公鄂飛德甯振衡等致祭至是禮部奏請遣官造墳立碑從之○辛丑以雍泰為山西布政使任原○己酉江蘇巡撫張伯行以江南藩庫賄補虧空奏稿送江南江西總督噶禮會奏不俟噶禮咨覆即行具奏後噶禮發回奏稿並未畫奏於是張伯行具奏檢舉請罪 上諭大學士等覽張伯行奏疏則伊等不和可知為人臣者當以國事為重協心辦理今以不和之故於公事兩相矛盾可乎朕總理幾務垂五十年凡事無不經歷似此違例專擅者朕未嘗令一人得逞其私爾等將此本批知道了該部知道似此者但二三次置之不問彼自覺無味漸就消融矣○庚戌下嫁喀爾喀額駙策凌之和碩純愨公主薨逝造墳立碑如例○甲申 上行圍發熱河○子浙江大嵐山死事都司張朝臣官廕○庚申諭九卿等自趙申

喬參俞益謨之後為督撫者每每苛求武弁武弁非讀書之人但披堅執銳用命殺敵而已地方文武多有火耗銀兩武弁絕無所得然於兵丁能效力者必量加賞勸庶軍士盡皆鼓舞遇敵肯前若毫無賞勸何以使人樂為之用乎昔人云重賞之下必有勇夫今文官生當太平但知以成法苛求武弁總不為武弁一籌畫之昔三藩變時張勇王進寶趙良棟孫思克等勦力為國掃除逆寇亦因朕倚任恩深帑餉繁多犒賞無缺故士卒聽其指麾用命效死乃能成功武弁雖不可縱之使驕亦不可摧之使弱我朝武弁歷來並未驕縱若挫辱之使氣漸頹則所關甚大總督殷泰係窮兵出身歷加擢用至西甯總兵官朕諭陝西督撫等助以銀兩犒賞士卒是以殷泰得展舒其志今湖廣提督員缺爾等知悉總兵官內有才守兼長者即行舉出如總兵官內無人副將內設有之東華錄 康熙八十六 三

亦行舉出副將內無人即於文武官員內有確知其可用者亦行舉之

八月癸亥朔戶部議覆江蘇巡撫張伯行奏江蘇所屬州縣平糶賑濟等項錢糧數目未清查江蘇錢糧先經總督噶禮參原任布政使宜思恭虧空一案已經審明今何得又稱署布政使陳鵬年詳稱司庫尚有虧空一十六萬兩扣收無著應令該撫會同該督確查議奏得旨此事會令張鵬翻審結今張伯行又奏未清錢糧數目甚多不敢容隱即著原審大臣逐款審明定議具奏○乙亥諭戶部福建將軍祖良璧奏請福建泉州漳州等處被旱未收福建民多田少不可不急為拯救雖總督梁佩會奏請借銀買米平價糶賣但所買米數不多且一時不能運至曩昔山東江南等處被災朕一聞知即為拯救天下人民皆朕赤子應即遣部院大臣

會同江浙督撫截留本年起運鎮江漕糧十萬石松江湖州漕糧各十萬石鎮江之糧運至狼山松江湖州之糧運至乍浦著福建督撫提鎮不拘一人率領福建戰船將運往狼山乍浦三十萬漕米轉運至福建賑濟被災人民務期均霑實惠雖此米不能運至而被災之民聞朕此旨即歡悅而定矣其泉州漳州今年未完錢糧亦著暫行停徵○庚辰裁浙江驛傳道其驛站事務歸浙江鹽法道兼理復設金衢嚴道○辛巳諭大學士等朕自即位以來辦理軍務甚多向年平定三逆取臺灣降鄂羅斯討滅噶爾丹用兵之道朕知之甚明部院諸事朕尚與諸臣商酌之惟軍旅之事皆出自一心籌畫前於烏爾布通擊敗噶爾丹人言彼時天晚未獲全勦嗣後費揚古於昭莫多地方至傍晚時大敗噶爾丹殺賊竟夜以此觀之隨時遇見賊寇即當擊殺豈可以日夕推諉而不奮

東華錄

康熙八十六

四

擊乎朕巡行塞北至烏爾布通觀我軍排列陣勢俱甚合節但噶爾丹乃行陣積年之賊於沙岡之下排列所以我軍火器俱高未獲盡勦後費揚古遵朕指示奮力擊殺始能勦滅今海內承平邊疆無事選擇武弁但視其步射騎射才堪管轄者用之而已其於行陣如何則無由知之也或有軀幹短小步射平常而善於行陣者或有相貌魁偉且善騎射而不善於行陣者必遇敵時方能知之耳凡人誠知顧惜顏面能效命者即為勇士原任正白旗副都統色格印善射且相貌魁偉善於管轄兵馬烏爾布通之戰彼則大懼故推受暑下馬其家人俱憤曰身為一品大臣如此臨陣退怯歸去何顏見人耶扶之上馬色格印復下馬臥於草內及回營慄慄不已身披甲冑蒙被達旦因此伊所管兵丁無不恥笑內府員外郎喀青阿之父海西尼身小力微曾往福建隨征得本旗頭

等功牌八次雖身體數處被傷而攻城之時猶令人用木板昇之前往以觀攻城及城既拔謂眾曰我因殘疾未獲與汝等一同效力憤恨大哭又原任巡撫楊熙亦甚瘦小醜陋當尙之信反叛時彼與海澄公之弟黃芳世拜音達禮俱在廣東城內被賊圍困三人各率家人殺出重圍往赴大兵營內以此觀之人之勇怯斷不可以相貌定也且三逆叛時李之芳曾任浙閩總督伊雖不諳騎射執刀立於船首率眾突前大破敵人以立功績彼時同出征者回京俱稱李之芳之勇近征紅苗提督李芳述親冒礮銃鼓眾力戰連破數寨聞趙申喬亦甚強毅又將軍穆占孫思克等在平涼時與賊大戰孫思克之手被賊砍中馬進良曾為孫思克標下武弁聞之曰砍我總兵之手者吾必殺之遂突入萬軍中追殺砍孫思克手之賊馬進良數處中傷至今尚有傷痕可謂奇勇矣今承

東華錄

康熙八十六

五

平日久善於馬步射能管轄兵丁者尙不乏人若屢經行陣之人甚難得也野戰尙易水戰尤難蓋水戰必待迎風方出此特為易退之計也或我兵欲出之日賊兵不出或賊兵欲出之日我兵不出彼此相遇甚難必能識水性諳水陣之人始可隨機應變調度成功先是海寇偽將劉國軒投誠授天津總兵官朕行水圍時問彼戰陣之事彼云曾與我兵戰七十餘陣皆敗朕問本朝兵丁何如彼云滿洲兵實精銳無敵但皆以強勇勝並未有一次得戰之理據地之利勝我也窺其意實乃稱揚我兵至若將軍大臣彼雖不明言頗有不足之狀大學士溫達奏曰滿洲兵丁遇敵惟知效命死戰稍有退避人皆恥之故所向無敵 上又諭曰朕用福建廣東人甚多福建人性獨好勇文人亦能舞籐牌挑刀彭鵬任三河縣時聞某處有賊即跨刀親往擒賊今泉州歉收民皆困厄福

建之事爾諸臣最宜留心○甲申 上駐蹕博洛和屯賜來朝外藩銀幣鞍馬及隨圍蒙古官兵銀布○福建浙江總督梁爾丁母憂命回籍守制○丙戌 上還駐熱河○庚寅以范時崇為福建

浙江總督滿丕為廣東巡撫由內閣學士遷

九月甲午 上奉 皇太后自熱河回鑾○乙未諭大學士等吏

兵二部彙奏之事朕先屢經明諭應十日一次彙奏者即於十日

具奏應十五日一次彙奏者即於十五日具奏今觀彙奏之事每

遲延數月始行具奏彙奏事內有丁憂遷葬終養省親病老乞休

等事皆有官員缺不可遲延此等有留滯者著速行具奏○丙申

諭戶部直隸各省抽分監督嗣後有奏請展限者永行禁止○辛

丑 上奉 皇太后還京師○壬寅諭吏部福建巡撫許嗣興才

力不能任事著解任福建巡撫著浙江巡撫黃秉中調補○丙午

東華錄 康熙八十六 六 以王度昭為浙江巡撫由戶部右侍郎遷瓦爾答為內閣學士由內閣侍

○辛亥九卿等議奏臣等遵旨查自康熙三十四年戶部設立辦

買草豆監督起至康熙四十四年止據買賣人金璧等供稱得銀

之堂官共一百十二人共侵蝕銀四十四萬餘兩並前查出康熙

四十五六七八等年希福納等侵蝕二十萬餘兩均應勒限賠完

免其議處 上諭大學士等凡事有罪雖大而情可恕者有罪雖

小而情不可恕者即如督撫居官清廉則屬員交相效法皆為良

吏部院衙門實為本原之地希福納身為大臣操守不能清廉豈

可恕耶希福納即著革職餘如議○兵部議覆太原總兵官馬見

伯奏武經七書註解互異請選定一部頒行又祭 先師孔子時

自驛丞以上官員皆得陪祭武臣惟副將以上方准陪祭請將武

臣亦照文臣一體行禮俱不准行 上諭大學士等此本亦是武

經七書朕俱閱過其書甚雜未必皆合於正所言火攻水戰皆是

虛文若依其言行之斷無勝理且有符呪占驗風雲等說適足啟

小人邪心昔平三逆取臺灣平定蒙古朕料理軍務甚多亦曾親

身征討深知用兵之道七書之言豈可全用孟子云仁者無敵又

云天時不如地利地利不如人和今日若欲另纂一書而此時又

非修武書之時李光地奏曰令習武者讀左傳即佳 上曰左傳

浮夸昔人曾議之孟子有言可使制挺以撻秦楚之堅甲利兵矣

若知此意而用兵方是總之仁者無敵此是王道與其用權謀詐

偽無稽之言不若行王道則不戰而敵兵自敗王道二字即是極

妙兵法從古窮兵黷武皆非美事善戰者皆時至事迫不得已而

後用兵也昔吳三桂反時江南徽州所屬叛去一縣將軍額楚往

征之有人獻策於賊云滿洲不能步戰若令人誘至稻田中即可

東華錄 康熙八十六 七 勝之矣豈知滿洲兵強勇爭先未及稻田已將誘者盡殺之此獻

策之人亦為我兵所殺用武經七書之人皆是此類今於武經七

書內作何分別出題及論語孟子一併出題之處著九卿定議具

奏嗣後祭 先師孔子時令武臣與文臣一體行禮於理甚合著

照馬見伯所請行○諭大學士等奉天將軍嵩祝奏錦州邊海之

處有洋賊二百餘人上岸搶劫經防禦官兵殺死洋賊三十六人

擒獲一人詢知賊首鄭盡心係浙江甯波府人見今冬季遇北風

餘賊敗遁者必乘風自東南竄去一至山東江南又必行劫恐山

東江南兵不能追殺舟師出大洋中不遇南風即難回汛畧有疏

虞關繫非小此番之賊原欲劫糧因巡哨丁弁奮勇力殺故皆敗

走總之洋賊惟仗行劫地方官實心防禦使洋賊不得行劫則船

中無糧必自飢餓而死矣○丙辰子故理藩院右侍郎薦良祭葬

○已未諭戶部陝西州縣官有因地瘠民貧並不虧空錢糧故爲虧空被參解任後卽行填補希圖別處美缺者朕知之甚確著九卿議奏尋議嗣後直省州縣虧空錢糧被參離任後賠補已完開復者不准別省補用仍以原缺補用庶無規避之弊從之○辛酉轉穆和倫爲戶部尙書以貝和諾爲禮部尙書由雲南黃州總督遷冬十月甲子諭戶部朕恭膺 天眷祇承 列祖鴻庥統御萬方子育兆庶庶懷至治宵旰靡甯幸際海宇同風邊隅嚮化遐邇中外帖然衽席之安是皆仰荷 天地 祖宗福佑之所致也方朕入齡踐阼之初 太皇太后問朕何欲朕對臣無他欲惟願天下治安生民樂業共享太平之福而已迄今五十年矣惓惓此心未嘗一日少釋每思民爲邦本勤恤爲先政在養民蠲租爲急數十年以來除水旱災傷例應豁免外其直省錢糧次第通蠲一年屢經舉行更有一年蠲及數省一省連蠲數年者前後蠲除之數據戶部奏稱共計已逾萬萬朕一無所顧惜百姓足君孰與不足朝廷恩澤不施及於百姓將安施乎朕每歲供御所需概從儉約各項奏銷浮冒亦漸次清釐外無師旅餽饋之煩內無工役興作之費因以歷年節省之儲蓄爲頻歲渙解之恩膏朕之蠲免屢行而無國計不足之慮亦恃此經籌之有素也比來省方時邁已歷七省南北人民風俗及日用生計靡不周知而民生所以未盡殷阜者良由承平既久戶口日蕃地不加增產不加益食用不給理有必然朕洞矚此隱時深軫念爰不靳敷仁用甦民力明年爲康熙五十年思再沛大恩以及吾民將天下錢糧一概蠲免因眾大臣議奏恐各處需用兵餉撥解之際兵民驛遞益致煩苦朕因細加籌畫自明年始於三年以內通免一周俾遠近均霑德澤直隸奉

東華錄

康熙八十六

八

天浙江福建廣東廣西四川雲南貴州所屬除漕項錢糧外康熙五十年應徵地畝銀共七百二十二萬六千七百兩有奇應徵人丁銀共一百一十五萬一千兩有奇俱著察明全免並歷年舊欠共一百一十八萬五千四百兩有奇亦俱著免徵其五十一年五十二年應蠲省分至期候旨行民間舊欠既經豁免嗣後每年額徵錢糧務如數全完備完不及額或別有虧空託稱民欠則負國甚矣卽責令督撫以下官員償補仍從重治罪夫地方大吏以及監司守令皆與吾民誼均休戚者也誠克體朕孳孳保赤之懷實心愛養力杜侵牟朕則閭閻咸得衣食滋殖無有失所而爲官吏者亦身名俱泰豈非昇平樂利之盛事歟爾部移文各督撫諭旨到日卽刊刻頒布徧示窮簷令咸知悉特諭○丁卯諭理藩院每年蒙古王貝勒貝子公台吉等朝正來京向有成例但今年行圍處其已經來朝者念道里遙遠免其重至京師以稱朕格外優恤之意○戊辰以施世綸爲戶部右侍郎由左副都御史遷○庚午九卿等議覆太原總兵官馬見伯奏武經七書請揀選頒行查武經七書惟孫子吳子及司馬法議論近正嗣後考試武生武童論二篇一題出論語孟子一題出孫子吳子及司馬法舊例鄉會試論一篇策二篇今改出論題二策題一從之○癸酉戶部左侍郎赫申以病乞休允之○甲戌以李仲極爲內閣學士由內閣侍讀學士遷○丙子以郭璠爲雲南貴州總督吳存禮爲雲南巡撫由四川布政使遷○以郭世隆爲刑部尙書鄂海爲湖廣總督由陝西巡撫遷○以左必蕃爲左副都御史由宗人府丞遷○辛巳轉塔進泰爲戶部左侍郎以鄂奇爲戶部右侍郎由甘肅巡撫遷○癸未諭大學士九卿等江南虧空錢糧兩次命張鵬副察審朕意地方雖有不肖之官侵蝕錢糧未必多至數

東華錄

康熙八十六

九

十萬兩前朕南巡時曾有諭旨凡沿途所用之物悉出內帑豫備未嘗絲毫取諸官民督撫等官不遵朕旨肆意那用以致虧空朕若不言內外諸臣誰敢言者但彼任事之人離任者已多若將因公那用等項責之新任官賠補朕心實不忍也問張鵬翮曰爾往江南訊問此事地方官有言及南巡者乎張鵬翮奏曰地方官員願將俸工逐年扣除以補諸項虧空並未言及南巡之事 上曰俸工銀兩有限即逐年扣補亦難清理且官無俸祿役無工食必至私派以累民依爾所言能保地方官日後不累民乎朕為天下生民計豁免各省錢糧已逾萬萬矣免此四五萬之銀有何足惜爾等會議具奏○以雍泰為陝西巡撫由山西布政使遷樂拜為甘肅巡撫由陝西布政使遷○乙酉戶部議覆直隸巡撫趙宏燮等奏臣等遵旨查勘原任天津總兵官監理開墾水田一百五十頃令天津參將藍珠料理接種但水田一百五十頃內有窪地五十頃時被水浸不便耕種又有高地五十頃不宜種稻止種收雜糧供給農工其可作水田種稻者止五十頃康熙四十八年內藍珠所種稻穀據報收二千五百餘石至高窪不等之地旱澇難於蓄洩所以五十頃水田不便安設官屯查此項開墾水田前經差內務府總管黑碩子侍郎穆丹等往勘據奏監理開墾之田其洩水處淺而且狹見在田地俱被水浸應將洩水之處挑濬設閘使一百五十頃俱可耕種試種一二年果否有益令該巡撫查明具奏今一百五十頃內止種有五十頃稻田一年之內見經收穫二千五百餘石其餘田地並未會全種遠稱不便安設官屯難以定議應行文該巡撫照原勘黑碩子等所奏將洩水之處挑濬設閘使一百五十頃水田盡令種稻驗明收穫多寡具奏到日再議得旨此開墾

田地著交與趙宏燮有情願耕種人民撥與耕種○戊子諭大學士九卿等前命張鵬翮察審江南虧空曾諭爾等查議已查明否爾等主意若何大學士等奏曰臣等尚未商酌未有主見 上曰此項虧空據稱因公那用係何公事未經明晰張鵬翮奏曰大概如賑濟平糶以及修塘等事 上曰朕總理幾務垂五十年事無大小凡臣下隱情無不灼知洞鑒朕屢次南巡地方官豫備繕夫修理橋梁開濬河道想皆借用帑銀原冀陸續補足而三次南巡為期相隔不遠且值蠲免災荒所徵錢糧為數又少填補不足遂致虧空如此之多爾等皆知之而不敢言也張鵬翮奏曰 皇上屢次南巡必大沛恩膏於百姓所至之地小民無不歡欣鼓舞至於一切供億悉內府儲備從無絲毫累及民間 上曰即如繕夫一項需用既多伺候日久勢必給與口糧工價安得無費至於修造行宮亦然亦借用帑銀前者朕巡視漕運套工程至彼處見有舍宇三間此係取用何項張鵬翮奏曰係俸工銀兩所造 上曰雖云俸工銀兩所造然必先借用庫銀後方抵補爾等豈肯明言其故乎今合計江南虧空共有幾何張鵬翮奏曰約計共五十餘萬于準宜思恭應賠十六萬其餘將俸工抵補至康熙五十三年可補足矣 上曰三年之內地方官員或升遷或調用或革退或亡故以前各官那用虧空而將來之俸扣補於理不順朕心實為不忍至於胥吏賤役若不給與工食此輩何所資生必致累民今部中每遇一事輒議令地方官設法料理皆修飾美名實則加派於地方也張鵬翮奏曰 皇上聖明無微不照所以養育百姓者至深至渥 上曰朕非但為百姓亦為大小諸臣保全身家性命也朕南巡時聞龍潭地方建造行宮恐致累民曾諭總督阿山

東華錄

康熙八十六

十

東華錄

十

令其拆毀至他處建造行宮朕皆未之知也總之此不欲累民之念可以自信亦可見信於天下後世朕歷年蠲免天下錢糧至數萬萬兩有餘今此項虧空若令補墊亦不為多然豈忍以此累地方乎至於查明款項亦非難事錢糧冊籍皆有可考地方官借因公那用之名盈千累百餽送於人若加嚴訊隱情無不畢露也朕意概從寬典更不深求今海宇昇平國用充足朕躬行節儉宮中用度甚為節約計明朝一日之用足供朕一月之需今即因數次巡幸用錢糧四五十萬亦不為過明後年天下錢糧以次盡行蠲免若留此虧空之項以為官民之累甚非朕寬仁愛養嘉與維新之至意爾等可公同詳議具奏○乙丑以宋致為四川布政使由使按察使遷

十一月辛卯朔給事中高遐昌奏凡遇蠲免錢糧之年請將佃戶田租亦酌量蠲免著為例 上諭大學士等豁免錢糧但及業主而佃戶不得沾恩伊等田租亦應稍寬但山東江南田畝多令佃戶耕種牛種皆出白業主若免租過多又虧業主必均平無偏乃為有益此本著交部議尋戶部議覆嗣後凡遇豁免錢糧合計分數業主蠲免七分佃戶蠲免三分永著為例從之○甲午以查林布為山西布政使由郎中遷覺羅額倫布為陝西布政使由給事中遷○丙申諭大學士等朕觀滿洲蒙古人甚為淳樸易於豢養即如今歲遣大臣會盟蒙古竟無一事昔皆三年一會盟今五年始一會盟而尚無一事大學士等奏曰此皆 皇上盛德所感被也○禮部尚書許汝霖以老乞休允之○庚子 上問大學士九卿等曰張鵬翮所審江南虧空一案爾等所議若何大學士等奏曰臣等議行文督撫徹底清查 上曰行查誠是但虧空之由皆因南巡費

用所致若不聲明反屬不宜朕之巡幸原以為民無庸隱諱即用帑百萬亦所當然著將朕諭旨全行鈔錄行該督撫令查南巡時所用數目但舉其大畧而已至於俸工扣補三年之內雖可全完然必至派累百姓斷不允行○四川提督岳昇龍奏臣遵旨率領官兵進剿生番於閏七月內擒獲賊首羅都等交撫臣年羹堯審擬其瓦都月落口等處生番俱已投誠惟瓦尾白宿等處生番倚恃險阻潛匿不出臣徧行投探相機一併剿撫 上諭大學士等岳昇龍效力殊屬可嘉巡撫年羹堯係與提督岳昇龍同往剿撫之人乃畏避不行前往著明白回奏○大學士陳廷敬以老乞休溫旨慰諭命原官致仕○以董永茂為福建按察使由江西道遷○辛丑戶部議覆奉差江南審事戶部尚書張鵬翮奏江甯等府屬虧空銀兩已議扣康熙四十八年至康熙五十三年各屬俸工等銀抵補內有四萬七千五百餘兩原係有著之項蘇州知府陳鵬年署布政使時造入無著數內殊屬不合應將陳鵬年革任充發黑龍江但臣等見奉南巡時修理行宮豫備緯夫或動用帑銀不准俸工抵補之旨應俟該督撫查明南巡時實在動用數目具奏到日再議其議處陳鵬年之處亦俟奏到日再議從之○癸卯轉王揆為禮部尚書由兵部轉以徐元正為工部尚書由左都御史遷瓦爾谷為左副都御史由內閣學士遷○甲辰調施世綸為倉場侍郎石文桂為戶部右侍郎○乙巳 上謁 陵啟鑾○以蕭永藻為文華殿大學士由吏部遷○丙午以楊宗義為安徽按察使由山西雁平道遷○丁未以孫徵灝為兵部尚書由都統遷覺和托為內閣學士由內閣侍讀學士遷○壬子 上謁 暫安奉殿 孝陵至 仁孝皇后 孝昭皇后 孝懿皇后陵奠酒○命恆親王允祺瀋郡王允祐至裕親王純親王墓

奠酒○乙卯以桑額為吏部尚書由漕運總督遷

十二月戊辰兵部議覆海澄公黃應纘奏伊父黃芳泰以京口總兵官承襲公爵已故二十餘年尚未營葬懇賜卹典應行文該督查明奏到再議 上諭大學士等平定三逆之事朕知之甚明黃

應纘之祖黃梧 世祖章皇帝時會遣人令伊投降因海寇鄭芝龍遺書阻之故黃梧未降後鄭芝龍之子鄭成功寇鎮江瓜洲貝子羅託總兵官梁化鳳內外夾攻大破之餘賊敗北投黃梧黃梧

遂獻海澄縣歸順因封為海澄公黃梧故後公爵與伊子黃芳度承襲黃梧之弟有二子長子黃芳世次子黃芳泰黃芳世自一等侍衛授廣東總兵官耿精忠叛時黃芳度堅守漳州府舉家被害

黃芳泰逃至廣東請兵值尙之信叛黃芳泰同伊兄黃芳世巡撫楊熙力戰而出黃芳泰等實心效力所立功績部中亦有檔案不

東華錄 康熙八十六 西 必行查即著該部查明議奏尋兵部奏黃芳度於逆賊耿精忠叛時舉家殉難黃芳泰突圍請援引兵入閩恢復地方應將黃芳泰

賜卹之處交禮部從之尋贈太子少保子祭葬○庚午 上駐蹕熱河賜隨圍蒙古官兵銀布○癸酉以赫壽為漕運總督由吏部左侍郎

遷○戊寅 上還京師○庚辰河道總督趙世顯奏御壩西壩工程請修築加長繪圖進呈 上諭大學士等御壩西壩關繫緊要

甲子年朕南巡時清流不暢黃水倒灌以致洪澤湖上流淤墊朕指修御壩西壩清水遂暢然流出黃水不至倒灌准黃交會之區

始得安瀾但其地甚卑溼彼時朕步行閱視十餘里泥濘沒膝指授方畧總之治水如治天下得其道則治不可用巧妄行斬輔善

於治河惟用人力于成龍心計太過張鵬翮但遵舊守成而已張鵬翮係漢人豈能乘騎在在馳驅料理惟於朕諭遵行不違是以

鵬翮係漢人豈能乘騎在在馳驅料理惟於朕諭遵行不違是以

河工底績耳今御壩西壩加長工程俱如所請令及時興工修築

○辛巳諭吏部朕每因朝列舊臣漸次衰謝時切軫懷特命內閣查順治年間進士罷職在籍者已無多人其王士正江皋周敏政

葉矯然徐淑嘉宋慶遠皆以公事呈誤屏廢里居今年臻耄耄深可憫念著復還原職以示朕格外加恩至意○以趙申喬為左都御史由偏沅巡撫遷

○是月免直隸霸州大城等六州縣江南舒城縣被災額賦有差○是歲朝鮮安南來貢○人丁戶口二千三百三十

一萬一千二百三十六田地山蕩畦地六百六十三萬一千一百三十二頃二十四畝有奇徵銀二千九百二十萬二千五百四十

二兩有奇米豆麥六百九十一萬二千二百五十四石有奇草三

百五十二萬一千二百四十七束茶十八萬二千五百五十七引行鹽四百九十一萬五千八百七十五引徵課銀三百三十五萬一

東華錄 康熙八十六 五 千三百四十八兩有奇鑄錢二萬九千七百九十六萬三千四百

有奇

臣王先謙敬編
臣周倫蕃恭校

康熙五十年辛卯春正月庚子 皇子允禧生○己酉轉哈山為

吏部左侍郎調傅紳為吏部右侍郎由盛京調轉二高為禮部左侍

郎以馮忠為禮部右侍郎由副都統遷○庚戌以王朝恩為偏沅按察

使由湖南衡州遷○辛亥以潘宗洛為偏沅巡撫由內閣學士遷○癸丑上

巡視通州河隄啟鑿○以色爾圖為盛京兵部侍郎由內閣學士遷○丁

巳以博音岱為內閣學士由內閣侍讀學士遷○戊午以胡作梅為內閣學

士由少詹事遷○丁卯 上閱匡兒港減水壩諭監修河工主事牛鈕

曰引河前崖應建一挑水壩減水壩之前亦建一挑水壩或長三

丈或長四丈其高應與舊挑水壩相等○戊辰諭監修河工主事

牛鈕曰三里淺之二挑水壩偏在上流朕已釘椿處再添一挑水

壩或長三丈或長四丈高與隄相等 上自和韶屯乘舟閱河至

河西務登岸諭監修河工主事牛鈕曰河不礙村落方善若從

此窆去恐於村落有礙因步行二里許指示曰此沙地著窆河寬

十丈長四百七十餘丈平坦處深四五尺高阜處或七八九尺不

等其河灣處著建二小挑水壩一長二十丈一長十丈其高與岸

相等於是取儀器插地上令將豹尾槍縱橫豎立 上親視儀器

定方向命諸皇子大臣等分釘椿木以紀丈量之處又於尾處立

黃蓋以為標準取方形儀盤置於膝上以尺度量用鍼畫記硃筆

點之算畢令從尾處丈量至所插儀器處其丈尺與所算之數些

微不爽因諭諸皇子大臣等曰用此可以測量天地推算日月交

食至此等微事算之甚易因令大學士溫達等及直隸巡撫趙宏

燮至前諭趙宏燮曰爾為巡撫丈量田地不可不知朕將大概示

爾知之於是量繩二丈以五尺各為一面按定四角指示曰辟如

此一區四面各稱丈量之畝數俱與繩數相符但地有大牙相入

勢不能如此丈量者則丈量之人必任意折丈欺誑有破此弊之

法惟從中橫量一繩而畝數即出彼技無所施矣丈量田地關繫

甚大天下隱匿田地亦不少但不可按剔耳夫算法之理皆出自

易經即西洋算法亦善原係中國算法彼稱為阿爾朱巴爾阿爾

朱巴爾者傳自東方之謂也凡有推算七九之奇數不能盡悉十

二二十四之偶數方能盡之此皆體象十二時二十四氣也復取

矢畫地作數圈示諸皇子大臣曰此即定位之理雖千萬品類不

能出此今凡物若干幾人應得若干之數用此頃刻可得即推而

至於聲音之高下亦可測而知也○諭大學士等河務甚難朕昔

因窆子牙河親身往視有大城武清縣民跪於兩岸互相爭訴朕

慰之曰爾等勿得爭競朕自有處置之法因一一指授監修官員

而回後河工告成於兩處百姓皆有裨益前張鵬翮任總河時來

陛見朕訓之曰爾於河工不可任意從事但守成規遵奉朕訓而

行及修御壩之時朕親身指授釘椿張鵬翮遵朕指授修建自此

壩告成清黃二水始會流入海矣黃河水性善於更移朕幸甯夏

時由黃河行二十一日至湖灘河朔因邊外無修治之人故黃河

處處更移視水性每向南流北岸尚可南岸多被衝決古時黃水

由天津碣石而流此言載在書經禹貢後又移流在德州自後漸

移於南方矣治河固宜順水性亦在隨宜調度今使諸水入大海

者豈盡隨水性哉○庚午 上還京師○吏部右侍郎仇兆鰲以

病乞休允之○丁丑以陳元龍為吏部右侍郎由掌院學士遷○庚辰以

韋圍布為陝西布政使由宗人府理事官遷○辛巳 上御經筵諭大學士等曰從來經筵之設皆帝王留心學問勤求治理之意但當期有實益不可止飾虛文朕觀前代講筵人主惟端拱而聽默無一言如此則雖人主不諳文義臣下亦無由而知之若明萬曆天啟之時何嘗不舉行經筵特存其名耳何裨實用朕御極五十年聽政之暇勤覽書籍凡四書五經通鑑性理等書俱經研究每儒臣逐日進講朕輒先為講解一過過有一句可疑一字未協之處亦即與諸臣反復討論期於義理貫通而後已蓋經筵本係大典舉行之時不可以具文視也○癸未刑部左侍郎魏齊以老病乞休允之○乙酉以吳一蜚為戶部右侍郎由太常寺卿遷○是月免直隸慶雲縣上年水災額賦有差

三月庚寅朔諭大學士等內閣翻譯通本事甚緊要如一二語不符漢文則於事之輕重大有關繫內閣侍讀學士及侍讀官員俱係按俸補授之人恐所翻本章不甚妥當在內廷行走之和素徐元夢雖係革職之員見今學翻譯者無能過之將和素徐元夢補授額外侍讀學士翻譯本章○諭督撫大吏辦事當於大者體察不可刻意苛求寬則得眾信則民任焉治天下之道以寬為本若吹毛求疵天下人安得全無過失者趙申喬任浙江巡撫時民多怨之後任湖南巡撫大小官員無不被參豈一省之內無一好官耶總之為大臣者不可輕率參人明時臣工不能秉公顛倒是非挾讎彈劾此風不可不戒夫官之清廉止可論其大者今張鵬翮居官甚清在山東兗州為官時亦曾受人規例張伯行居官亦清但其刻書甚多刻一部書非千金不得此皆從何處來者此等處亦不必究兩淮鹽差官員送人禮物朕非不知亦不追求蓋惟愚

民為不可欺居官之善與不善到任不過數月人即知之故曰天視自我民視天聽自我民聽民意即天意也又諭漢人雖有師生之名仍好互相結讎若平日稍有不合必尋求其過失陷之如或不能即作為文章極論其非以抒其情而後快此漢人陋習至今尚未改也○諸王公大小官員及生監百姓等以 萬壽節請上尊號得旨朕自幼讀書歷觀經史持身務以誠敬為本治天下務以寬仁為尚此心此念恪守五十年夙夜無間即纖悉細務不敢稍有怠忽嘗觀古昔帝王君臨天下之久能持終者蓋鮮朕今春秋漸高血氣漸衰而朝乾夕惕實與日加增正當恪慎保終孜孜為萬姓圖治安之時也蓋朕之御極年久皆 祖宗厚德景福積累爾貽之所致至於請上尊號特虛文耳於朕躬毫無裨益史書所載加上尊號等事徒為先儒所譏有何善處而欲行之這所

東華錄 康熙八十七 四
奏知道了○壬辰諭兵部朕於水陸兵丁調用年久深悉其情事船出海洋必俟風候若不察風候而強行之必致兵船損壞官兵係朕歷年養育之人遇賊自應效死如無賊而徒以巡哨受傷實屬可惜凡提鎮等官當於此留意務加謹慎○乙未轉牛祜納為刑部左侍郎以覺羅法喇為刑部右侍郎由一等侍衛遷○丁酉以巴顏杜為內閣學士由內閣侍讀學士遷○戊戌以薩睦哈為陝西按察使由中憲○庚子羣臣請 上萬壽節御殿受賀從之○壬寅以殷特布為左都御史由兵部左侍郎遷○丁未 萬壽節 上朝 皇太后御殿受朝賀停止筵宴○乙卯偏沅巡撫潘宗洛請訓 上諭凡為督撫者操守甚為緊要爾宜潔己為下屬表率今天下太平無事以不生事為貴興一利即生一弊古人云多事不如少事職此意也馭下宜寬寬則得眾為大吏者若偏執己見過於苛求則下屬何以

東華錄 康熙八十七 四
奏知道了○壬辰諭兵部朕於水陸兵丁調用年久深悉其情事船出海洋必俟風候若不察風候而強行之必致兵船損壞官兵係朕歷年養育之人遇賊自應效死如無賊而徒以巡哨受傷實屬可惜凡提鎮等官當於此留意務加謹慎○乙未轉牛祜納為刑部左侍郎以覺羅法喇為刑部右侍郎由一等侍衛遷○丁酉以巴顏杜為內閣學士由內閣侍讀學士遷○戊戌以薩睦哈為陝西按察使由中憲○庚子羣臣請 上萬壽節御殿受賀從之○壬寅以殷特布為左都御史由兵部左侍郎遷○丁未 萬壽節 上朝 皇太后御殿受朝賀停止筵宴○乙卯偏沅巡撫潘宗洛請訓 上諭凡為督撫者操守甚為緊要爾宜潔己為下屬表率今天下太平無事以不生事為貴興一利即生一弊古人云多事不如少事職此意也馭下宜寬寬則得眾為大吏者若偏執己見過於苛求則下屬何以

克當至於紅苗處在荒隅不得與內地百姓同視宜善為撫綏朕
觀爾等漢官一遇難事便欲告退夫設官分職原欲令其甯謐地
方撫養百姓既為封疆大臣凡事宜一己擔當勉效力一遇難
事即圖脫卸可乎○以薩爾臺為內閣學士由內閣侍讀學士遷○工部尚
書徐元正乞請終養允之

夏四月庚申以節候漸炎諭刑部察絞罪繫獄者並議減等○以
陳詵為工部尚書由湖廣巡撫遷○轉陳元龍為吏部左侍郎調吳一蜚
為吏部右侍郎由戶部右侍郎調鄂奇為兵部右侍郎
鄂奇以噶敏圖為戶部右侍郎由內閣學士遷○癸亥諭大學士等李光地
病尚未平復大抵皆溼熱所成服溫補之藥所致朕從前歲病後
乃知溫補之藥大非平人所宜醫必深明乎此然後可無錯誤不
然徒增益其疾耳又諭張玉書曰朕所纂輯朱子書見在李光地

東華錄

康熙八十七

五

處校勘彼既有疾汝可閱之此是極切實緊要之書須隨得隨刻
亟令告成○甲子四川提督岳昇龍奏臣率官兵往剿瓦尾白宿
等處生番斬殺七十餘人擒獲男婦子女一百四十餘名諸蠻情
願投降下部知之○乙丑以李仲極為戶部右侍郎由內閣學士遷○戊
辰增直隸各省鄉試中額順天生員十八名南北監生十三名滿
洲蒙古四名漢軍二名江南浙江湖廣各十六名福建十四名江
西十五名山東河南各十二名山陝西各十名廣東四川各十
一名廣西八名雲南九名貴州六名著為令○庚午以宗紳保為
內閣學士由內閣侍讀學士遷○甲戌諭大學士等朱子全書凡天文地理
樂律麻數俱非泛論皆能確見其所以然之故朕常細加尋繹欲
求毫釐之差亦不可得即如徑一圍三崎零之數講論已自通徹
尚有爾待後人參考之語其虛心不自是如此黃鐘之管朕會試

過葭管飛灰未經候驗但南北地形高下不同一時難於定準今
如暢春園距京城觀星臺地形便微有不同至於各省或同此一
時未必同此一刻矣○以劉殿衡為湖廣巡撫原○乙亥贈四川
陣亡參將周玉麟官廕○戊寅吏部議覆四川巡撫年羹堯奉旨
勦撫番人並未前往今回奏稱因提臣岳昇龍將生番之首惡羅
都等三人已經擊獲臣故中道回署自行認罪應將年羹堯照規
避例革職得旨年羹堯著革職從寬畱任○己卯以鄒士璉為內
閣學士由左僉都御史遷○庚辰 上奉 皇太后避暑塞外啟鑾

五月己丑朔 上駐蹕熱河○癸巳吏部議覆甘肅巡撫樂拜奏
狄道縣知縣王鈞控告原任巡撫今升兵部右侍郎鄂奇及臨洮
道衛英等受伊節禮款項甚多請解任確審應將鄂奇等暫令解
任發往陝西質審 上曰鄂奇原係一無定之人因總督殷泰薦

東華錄

康熙八十七

六

舉朕試行擢用自任巡撫以來所奏之事俱不可信鄂奇著革職
鎖鑰遣司官一員解送陝西該督嚴行質審定擬具奏恐殷泰以
為己所薦之人瞻徇庇護亦未可定將朕旨明白發去令其從公
審理○諭大學士等天上度數俱與地之寬大脗合以周時之尺
算之天上一度即有地下二百五十里以今時之尺算之天上一
度即有地下二百里自古以來繪輿圖者俱不依照天上之度數
以推算地理之遠近故差誤者多朕前特差能算善畫之人將東
北一帶山川地理俱照天上度數推算詳加繪圖視之混同江自
長白山後流出由船廠打牲烏喇向東北流會於黑龍江入海此
皆係中國地方鴨綠江自長白山東南流出向西南而往由鳳凰
城朝鮮國義州兩開流入於海鴨綠江之西北係中國地方江之
東南係朝鮮地方以江為界土門江自長白山東邊流出向東南

流入於海土門江西南係朝鮮地方江之東北係中國地方亦以江為界此處俱已明白但鴨綠江土門江二江之間地方知之不明前遣部員二人往鳳凰城會審朝鮮人李玩枝事又派出打牲烏喇總管穆克登同往伊等請訓旨時朕曾密諭云爾等此去並可查看地方同朝鮮官沿江而上如中國所屬地方可行即同朝鮮官在中國所屬地方行或中國所屬地方有阻隔不通處爾等俱在朝鮮地方行乘此便至極盡處詳加閱視務將邊界查明來奏想伊等已由彼起程前往矣此番地方情形庶得明白○乙未以旱命禮部祈雨○丙申諭大學士等將朕手書諭旨發往京城令會集大學士九卿詹事科道官詳晰傳諭伊等有應陳奏之事各自親書奏摺即當九卿前交明具奏朕自京師抱恙而出今尚需人扶掖而行又兼天時亢旱早夜焦勞以致不安寢食自古君東華錄 康熙八十七 七

臣之義甚重必上下一德相成然後能感 上天之心召致和氣不在徒飾虛文務空名以從事也今當此亢旱之際我君臣應夙夜靡甯以為萬民籌畫生計大抵諸臣內實心以國家為念者固自不少而秉性奸惡亦不可謂無人惟爾諸臣宜仰體朕懷日存憂惕為羣黎竭誠祈禱庶幾甘霖可冀早沛也○丁酉諭大學士等朕觀比來亢旱漸甚雖朕躬尚未大安猶可勉強起行正值亢旱之際處此清涼之地於心不安朕欲急速還京著行在諸臣速議具奏○扈從大學士等奏自四月微旱以來 皇上即降諭旨清察刑獄減免罪人又訓飭大小臣僚竭誠齋戒祈禱雨澤出京以後猶復傳諭再三 皇上夙夜焦勞無一時一事不以羣生為念在京在外無異視也今 聖躬方覺少安寢食尚須調攝冒此酷暑遠行數百里所關甚重斷斷不可臣等激切懇求請留 聖

駕奏入留中○己亥雨○庚子大雨○辛丑以覺和托為兵部右侍郎學士遷○子故吏部左侍郎曹鑑倫祭葬致仕內閣學士徐秉義祭○丙午文華殿大學士張玉書卒 上命大學士溫達會同翰林部院官員內務府總管往弔料理照漢禮衣殮賜銀一千兩子祭葬加祭一次諡文貞○丁未諭大學士等朕自幼讀書見大臣多不能保其初終故立志待大臣如手足不論滿漢蒙古非大奸大惡法不可容者皆務保全之五十年來如大學士蔣赫德衛周祚李肅杜立德馮溥黃機吳正治王熙李之芳宋德宜梁清標李天馥張英熊賜履吳興璵陳廷敬皆以年老告辭林下怡養保全名節朕亦未嘗少忘常使人存問始終如此凡在朝諸臣朕待之甚厚伊等亦矢忠盡力歷數十年之久與朕同鬢髮皤然矣朕念宿學老臣辭世者辭世告退者告退每傷心痛哭今又有大東華錄 康熙八十七 八

學士張玉書之事朕悲悼不已故援筆作輓詩一首令爾等知之○己酉刑部等衙門奏福建海賊鄭盡心浙江海賊蔡元良山東海賊張景龍等俱擬即行正法奉旨此案正法人犯五十餘名人數甚多朕心殊屬不忍鄭盡心並未與官兵抗拒不過迫於飢寒搶奪財物聞鄭盡心等漢仗俱好且俱係熟諳水性之人今將伊等從寬免死或歸併旗下或發往盛京烏喇等處為水手當差著問九卿詹事科道以聞尋九卿等議奏鄭盡心等應免死發黑龍江甯古塔等處充水手當差得旨依議著問鄭盡心伊等人內有能遠視善水善舞藤牌挑刀者爾等揀選四五人遣一司官送至熱河○諭大學士等朕總理幾務年久閱本甚速凡一應奏摺及綠頭牌頃刻即能徧閱前尚書穆和倫數次奏事意朕未加詳閱復行奏請朕將事內緣由指明穆和倫乃默然無語而退且朕閱

事不止於速凡一經目者斷不遺忘一應奏章及彙奏案件皆無不詳閱有差謬字句朕必以硃筆更改發出○諭戶部江蘇巡撫張伯行奏江蘇等府州縣無著錢糧十萬八千兩有奇此項錢糧朕知之甚悉係地方官因公動用未敢申明之項若著落後任官員賠補必致科派擾害百姓朕殊不忍著將此項錢糧免其賠補以示朕軫恤官民至意○諭大學士等聞福建百姓聚集數千在泉州所屬地方搶奪食物奔入山中提督藍理三路率兵進剿一路兵少為折挫如果有所獲藍理必早已奏報矣此事督撫提督等俱未奏聞將軍祖良璧雖大畧奏聞亦不明白朕乃得之傳聞者其賊盜各處所貼揭帖朕亦得之揭帖內稱皇上以我等閩省老幼如同赤子恩養屢次豁免錢糧又截漕由海運而至欲令賑濟乏食之民闔省老幼子女無不感激歡躍但地方官員負皇上之恩不曾施及百姓故我等窮民窘於衣食不得已而為此若各處富戶不將屯積米石糶賣我等必搶奪等語去年朕一聞福建饑荒即命截漕三十萬石賑濟差去大臣及地方官以三十萬石太多十五萬石即足因止存留十五萬石想此米俱散給兵丁未必散給百姓所以無甚裨益若果截留三十萬石米運去民食充足於地方必有裨益也伊等原非賊盜因年歲歉收乏食不得已行之耳若即出官兵征勦未免又生一事朕意遣部院大臣侍衛往行招安即可平服如此則人民不傷亦不至有害地方著問九卿詹事科道具奏又諭藍理人材壯健而居官甚劣剋扣兵丁錢糧故地方官兵俱怨即伊同鄉人無有不言其貪者前任總督梁鼎來京朕言藍理人材壯健梁稱地方大吏必實心效力為國愛民方於事有益藍理人材雖壯健然負皇上擢用之恩剋扣

東華錄

康熙八十七

九

兵丁錢糧有害地方扼腕陳奏在朕前幾致失儀由此觀之藍理居官貪劣已極藍理為遊擊時因剋扣兵丁錢糧曾擊問革職因伊在朕前數次跪請進剿臺灣海賊贖罪始發往效力後累加擢用授為福建提督伊當思朕洪恩改悔前非乃仍然不改以致人含怨可見貪婪成性之人冀其改移誠難事也○增貴州黎平府屬西山汛守備一千總一把總二兵丁三百名○辛亥以巴格為內閣學士由內閣特○丙辰吏部以大學士張玉書員缺奏請補授得旨張玉書病故未久此本著暫收貯其大學士員缺俟回鑾後再奏大學士李光地見在患病原任大學士陳廷敬係年老告休令暫到衙門辦理事務○增鄉試五經中式額數順天二名各省俱一名會試二名

東華錄

康熙八十七

十

六月己未朔差戶部左侍郎張世爵侍衛巴亥賴希等前往福建招安泉州山寇○癸亥諭大學士等趙申喬奏請河南漿澤縣水衝地畝錢糧應行蠲免從來河流原無一定如河水遷流南岸則北岸地畝涸出河水遷流北岸則南岸地畝涸出地方官但將衝潰地畝錢糧奏請豁免其衝後涸出地畝並無一人奏聞者此等處朕非不知但未肯深究耳觀趙申喬此奏必係與河南巡撫鹿祐有隙藉之以辱鹿祐且欲使人皆懼彼之意不知人有懼彼者亦有不懼彼者苟係誠心為國之人又何他懼哉凡人於事貴於中正和平能合乎中即是合理朱子曰所謂中者在在皆有如房室有房室之中庭院有中庭之中牀有牀之中惟中為難得得中則諸德悉備矣○戊辰設廣西西隆州儒學撥武緣縣訓導一移駐西隆州專司督課○己卯諭大學士等據浙江福建總督范時崇等奏山寇盡皆平服著速行文差往招撫官員令其回京

東華錄 康熙八十八

臣王先謙敬編 臣周澗蕃恭校

秋七月庚戌諭大學士等張鵬翮趙世顯任總河以來河工底績今由水路行者不復聞有涉險之艱于成龍任總河時朕南巡自清口步行十餘里將應修築處皆釘椿標記朕回鑾後于成龍竟不修築故致河道大壞為此朕將于成龍帶去司官赫碩色擬成死罪後授張鵬翮為總河朕諭之曰爾但遵朕訓諭而行儻有差誤朕不汝咎張鵬翮照朕指授修築故今河工底績更無可虞之處○辛亥以葉九思為戶部左侍郎由安徽巡撫遷○移温州府城守副將駐防嘉興府嘉興府左營守備駐防海鹽縣改嘉興府遊擊為温州府城守遊擊温州府中軍都司為中軍守備○丙辰 上行

東華錄 康熙八十八 圍發熱河

八月辛酉調梁世勳為安徽巡撫以陳元龍為廣西巡撫由吏部遷○諭大學士等頃者梁世勳奏請復熱審減等例朕聽政多年惟日孜孜期又安萬姓故凡發政施令務以真誠為尚儻矜憫犯法之人博取虛名夏則遇熱而審冬則遇寒而審不時遣官恤刑將督撫審擬案件頻飭堂司官分行駁改則貽累於兵民官驛糜費於迎送饋遺互訐多端不知作何底止督撫之專責首在敦厚風俗導民於善不時訓飭有司簡清詞訟速結案件不因細事多繫無辜以致蕩析家貲逃匿流亡即為良吏雖不熱審亦無所害使不清本原不愛黎庶徒以熱審為言則各省刑獄之事未至熱時而審結者甚多是有熱審之名而無其實益滋煩擾矣梁世勳不諳事體輕重冒昧具奏殊屬不合理應從重治罪但念伊係無

知陳奏姑從寬免又諭曰太平之時不宜屢赦罪犯執法之人若將不應宥之人宥之則奸徒逞欲怙惡不悛矣○福建陸路提督藍理奏福建所屬永春德化二縣交界地方有盜首陳五顯等倡勸愚民二千餘人入夥搶奪百姓拒敵官兵臣令參將尚之璠統領官兵往緝兩次遇敵殺賊八十餘人中傷脫逃者不計其數盜黨張辰王富蘇標俱已投到其附近賊巢村民仍不廢耕織照常安業惟陳五顯脫逃俟拏獲正法得旨督撫提鎮等平日不能撫恤百姓訓練兵丁及有事又不能相機速行勦撫縱容盜賊滋蔓騷擾地方肆行搶奪且遲延日久不將其事奏聞乃稱百姓不廢耕織照常安業夫強盜竊盜多至三四十人百姓尚畏懼逃避况數千民人為盜搶奪豈得謂百姓不廢耕織安居樂業乎此係伊等掩飾已過希圖卸罪巧行誑奏著該部嚴察議奏○庚午 高

東華錄 康熙八十八 宗純皇帝生○癸酉轉吳一蜚為吏部左侍郎調胡會恩為吏部右侍郎由禮部右侍郎調○以王原祁為翰林院掌院學士兼禮部侍郎由詹事府

○庚辰 上駐蹕鄂爾楚克哈達是日獲大鹿十一隻船廠佐領那柳不勝驚異奏曰臣生長本地丁巳獲十一鹿者臣實未經見真神奇也 上曰朕從來哨鹿行圍多所殺獲何神奇之有○壬午以胡作梅為禮部右侍郎由內閣學士遷○予故戶部左侍郎張世爵祭葬○乙酉禮部議准江南學政張元臣奏子游在聖門十哲之列其後裔世居常熟縣請照閔子子貢例世襲五經博士從之九月己丑賜來朝外藩鞍馬銀幣及隨圍官兵銀布○辛卯 上還熱河○壬辰兵部議覆福建陸路提督藍理係封疆大臣縱容盜賊滋蔓搶奪擾民不能招撫又遲延日久不行奏聞反巧行粉飾誑奏應革職交刑部治罪總督范時崇巡撫黃秉中漳州總兵

一冊 270冊 續修四庫全書 4 庚午

官許鳳汀州總兵官陳有功照溺職例俱革職得旨監理前奏福建水師提督有吳英陸路提督有臣料理地方可保甯謐儻猶有盜賊之事臣無面目再覲天顏等語今盜賊竊發不能即行剿撫縱容迄今尚未盡獲且居官不端殊為溺職著革職從寬免交刑部范時崇黃秉中許鳳陳有功俱從寬免革職著各降五級戴罪圖功盜賊務令盡行拏獲如不能盡行拏獲再加議罪○戊戌設四川新撫土官宣慰使二宣撫使二安撫使七長官司五千戶二十一一百戶七十六○辛丑 上奉 皇太后回鑾○癸卯刑部議覆尚書蕭永藻察審四川加派一案原任布政使卞永式徵收錢糧每兩加派銀一錢二分除送原任四川巡撫能泰等銀二萬二百兩外共計入己銀二萬七千四百兩有奇應照律擬絞已經病故毋庸議能泰身為巡撫屬官私派不行覺察又身受贖銀應照東華錄 康熙八十八 三

行文各該將軍嚴加拘守勿致脫逃如有一二脫逃者即行奏聞上召三省原任督撫禮部尚書員和諾刑部尚書齊世武郭世隆工部尚書陳詵左都御史趙申喬詰問縱容滋蔓陳四等情由各免冠引罪下部察議尋部議陳四等在湖廣藏匿巡撫陳詵不即行緝拏縱往別省又在陝西行走巡撫齊世武並不查拏俱照溺職例革職湖廣總督郭世隆偏沅巡撫趙申喬照該管上司例各降四級調用雲南貴州總督員和諾不行奏聞照例降一級調用其陳四經過府州縣各官應行文該督撫查參得旨陳詵齊世武俱降五級留任郭世隆著革職趙申喬著降四級留任員和諾著降一級調用餘依議○丁巳以嵩祝為禮部尚書統選○戊午諭戶部前四十九年所頒諭旨原欲將五十年天下錢糧通行蠲免以諸臣集議恐需用兵餉撥解之際兵民驛遞益致煩苦故自東華錄 康熙八十八 四

例擬絞監候秋後處決從之○丙午停今年秋決○理藩院右侍郎拉都渾綠事降調○戊申 上奉 皇太后還京師○甲寅以博音岱為理藩院右侍郎由內閣學士遷凌紹雯為內閣學士由少詹事遷冬十月丙辰戶部議覆福建巡撫黃秉中奏臺灣府屬地畝向徵稻穀並無額編銀兩其應徵本色稻穀請應一體蠲免查此項錢糧該撫應於春夏開徵之前即行奏請遲至秋季方行具奏應不准行得旨臺灣府屬五十年應徵稻穀已經徵完在官雖蠲免於小民無益其應徵康熙五十一年稻穀著行蠲免○刑部等衙門奏太原府民陳四等鳩黨搶奪繞行陝西湖廣貴州等省一案應將為首陳四擬斬立決為從陳六等三十六名及婦女三十六口俱發往黑龍江給披甲人為奴得旨陳四著即處斬其餘犯及婦女人口分別發往白都納甯古塔墨爾根黑龍江給披甲人為奴

五十年為始三年之內全免一週除將直隸奉天等九省康熙五十年地丁錢糧一概蠲免及歷年舊欠錢糧一併免徵外山西河南陝西甘肅湖北湖南各屬除漕項外五十一年應徵地畝銀共八百四十萬四千兩有奇人丁銀共一百二十萬八千一百兩有奇著察明全免並歷年舊欠共五十四萬一千三百兩有奇亦俱著免徵其康熙五十二年應蠲省分至期候旨行民間舊欠既經豁免嗣後每年額徵錢糧務如數全完儻完不及額或有虧空託稱民欠即責令督撫以下官員償補仍從重治罪該督撫須實心力行期副朕惓惓愛民之意○辛酉卞永舉以病乞休允之調李旭升為刑部左侍郎由工部左調○癸亥以馬良為內閣學士由光祿寺卿遷○兵部奏福建臺灣總兵官崔相國調補三年任滿缺應另補上日臺灣總兵官殊屬緊要應補之人著問九卿及福建省官員亦

遣人往問大學士李光地並曉諭福建總督等該省武官內好者即行薦舉勿致隱漏如果伊等據實具奏則福建省官員知賢否皆能上達咸勉力相率為好官矣如藍理兇惡盈滿朕始聞而禱革之儻當伊罪惡未著之前先行罷黜於地方豈不更有裨益耶定海總兵官吳郡居官甚優實心效力今署理江南提督事務江南人亦皆稱道此人不可調補臺灣朕欲留俟緊要處提督用之著於列名應調補人內舉奏○江南正主考官副都御史左必蕃奏臣典試江南撤開後聞輿論喧傳有句容縣知縣王曰愈所薦之吳泌山陽縣知縣方名所薦之程光奎皆不通文理之人臣不勝駭愕或係傳遞代作文字或與房官打通關節亦未可定祈將新中舉人吳泌程光奎或提至京覆試或發督撫嚴訊以正國法而肅科場至臣不能查出罪亦難辭得旨該部嚴察議奏○丁卯左

東華錄 康熙八十八 五

都御史趙申喬奏參翰林院編修戴名世妄竊文名恃才放蕩前為諸生時私刻文集肆口游談倒置是非語多狂悖今身膺恩遇叨列巍科猶不追悔前非焚削書板似此狂誕之徒豈容濫廁清華祈敕部嚴加議處以為狂妄不謹之戒得旨這所參事情該部嚴察審明具奏○辛未諭大學士等天文厯法朕素留心西洋厯大端不誤但分刻度數之間久而不能無差今年夏至欽天監奏聞午正三刻朕細測日影是午初三刻九分此時稍有舛錯恐數十年後所差愈多猶之錢糧微塵抄忽雖屬無幾而總計之便積少成多此事實有證驗非比書生作文可以虛詞塞責也○轉阮爾詢為工部左侍郎以劉謙為工部右侍郎由通政使遷○乙亥以李必為廣西布政使由雲南按察使遷○九卿遵旨議奏直隸各省生員舉人額數屢增赴考士子較前倍眾因揭曉期迫考試官不能細心

徧閱草率錄取以致遺失佳卷嗣後會試揭曉寬於三月十五日內鄉試揭曉大省寬於九月十五日內中省寬於九月初十日內小省寬於九月初五日內直隸江南浙江鄉試人數倍於他省照會試例加用房官二員限期既寬主考官之薦卷亦令徧閱庶不至遺失佳卷從之○丙子貴州布政使張建績緣事革職○刑部等衙門議覆大理寺卿張志棟等察審浙江督糧道程鑾私改折漕一案應將程鑾照例革職未免平糶米銀著落程鑾及原任浙江巡撫今調福建巡撫黃秉中賠補運官李斌等欠平糶米腳價銀兩亦著落程鑾追還交倉儻有不敷仍在程鑾黃秉中名下追補至黃秉中照程鑾所詳批行不行奏參顯係通同作弊黃秉中亦照例革職從之○丁丑江蘇巡撫張伯行奏今歲江南文闈榜發後議論紛紛於九月二十四日有數百人擡擁財神直入學宮

東華錄 康熙八十八 六

口稱科場不公臣不敢隱匿相應奏明得旨該部嚴察議奏○戊寅諭禮部朝鮮國王李焯自襲爵以來慎守封圻恪遵儀度歲時貢獻方物克殫悃忱四十餘年未嘗少懈其國中之事稍有關係者必奏明仰請定奪罔敢隱諱每於欽差人員竭盡小心倍加敬禮且撫恤國人善於愛養所屬靡不悅服朕用是深為嘉美既嘗曲示恩誼值彼地饑饉又自海洋運米賑濟故舉國人眾至今猶深感戴朝鮮貢物朕屢次裁減以至甚輕但國小地隘其年例貢物內有白金一千兩紅豹皮一百三十二張猶恐艱於備辦嗣後將此二項永停貢獻又聞朝鮮國使沿途館舍盡皆傾圮難以止宿歷年進貢奏事人員甚為勞瘁著令各該地方官修葺堅固用副朕加惠遠人至意○庚辰諭八旗及部院衙門大臣各將灼知確見大臣以下閒散人以上篤行孝義者署名保奏雖本旗無有

別旗有之願保奏者亦著保奏如大學士溫達尙書穆和倫富甯安之孝不但眾人俱知卽朕亦深知之孝者百行之首果有篤行孝義之人爾等不可謂無由得知也○以綽奇爲福建巡撫

御史○辛巳諭大學士等今年秋審人犯較之往年大減自康熙

十三年以來奏章一日至二百餘件今亦大減於前矣○甘肅布政使阿米達丁母憂命回旗守制○壬午 上御暢春園召入諸王大臣等諭曰今諸大臣有爲皇太子而援結朋黨者諸大臣皆朕擢用之人受恩五十年矣其附皇太子意將何爲也此事惟鄂繕知之遂召出都統鄂繕及尙書耿額齊世武問之鄂繕叩首奏曰臣蒙 皇上養擢用厚恩若果知此豈敢隱諱耿額奏曰臣實不知知之敢不陳奏齊世武奏曰臣於各處並不行走此事誠不知也 上曰朕聞之久矣因訪詢未得其實故遣人追問都圖

東華錄

康熙八十八

七

云今有人首告供出爾黨爾據實奏聞不然將爾族誅所以都圖俱開寫陳奏矣遂出都圖所奏摺又將包衣達張伯良縛出令其在副都統內認看召出副都統悟禮問張伯良曰實有此人乎張伯良奏曰是實 上問張伯良曰有楊岱乎張伯良奏曰有一年老都統 上問都統迓圖曰爾知鄂繕行事否迓圖奏曰鄂繕在朕前常言感激 皇恩欲行效力其曖昧事臣不得知又問曰有汝否迓圖奏曰無 上顧鄂繕曰朕不得實據豈肯屈無辜之人爾等謂朕年高邀結黨與肆行無忌今在朕前爾等能行何事且有何顏面仰視天日諸臣等不入爾黨者甚多爾等視之甯不愧乎悟禮奏曰臣蒙 皇恩授爲副都統又身係宗室豈肯行此等事臣居宅與鄂繕宅近鄂繕曾具酒食延臣是實並無與伊等結黨之處齊世武奏曰臣性不能取悅於人素無朋友久在 皇上

洞鑒之中不知都圖爲何仇憾扳臣此等之事臣並不知惟有鄂繕延臣用飯一次臣亦延鄂繕用飯一次若果結朋黨自當族誅

上曰爾云各處俱不行走爲何又供出彼此延請之事齊世武奏曰鄂繕之母係佟氏以舅呼臣故有彼此延請之事 上曰齊世武乃最無用之人犬豕不如伊等將如此齷齪之人援入黨內有何益處又指耿額曰耿額乃索額圖家奴在烏喇時諂媚索額圖饋送禮物於索額圖案內卽應誅戮朕特宥之今乃負恩造謀結黨伊等所行皆由於耿額耿額叩首奏曰臣蒙 皇上隆恩苟

有此事卽當凌遲 上曰索額圖之黨竟不斷絕俱欲爲索額圖報復豈伊等祖父皆索額圖之奴僕乎此事正黃旗大臣無不知之又指鄂繕願諸王曰曩者鄂繕自謂爲郭爾羅氏欲入朕之旗分內朕不允允隱之至今未一明言伊並不思朕之恩德反結朋

東華錄

康熙八十八

八

黨妄行洵不肖之人也又諭曰凡人有所甚愛之子亦有所不甚愛之子奴僕中有親近用之者亦有不親近用之者爲人子爲人奴僕豈可不安分而妄行乎以酒食會友有何妨礙此不足言伊等所行者不在乎此夫效力者在行間用命方可謂之效力如都統能操練旗兵護軍統領能訓練護軍前鋒統領能訓練前鋒文臣能潔己辦事此可謂之效力伊等欲因皇太子而結黨者何也皇太子朕之子朕父子之間並無他故皆伊等在其間生事耳此等小人若不懲治將爲國之亂階矣伊等著監禁在宗人府都圖不久卽到俟其到時卽行質審鄂繕耿額齊世武悟禮著鎖繫○以遲斫爲貴州布政使由湖北按察使遷段志熙爲雲南按察使由江西遷○甲申福建巡撫綽奇未赴任丁父憂命仍留左副都御史原任○乙酉賜八旗步軍白金

十一月丙戌朔禮部議覆江南科場一案應行文該督撫將舉人吳泌等解京請旨覆試如果文義不通即將情弊嚴審究擬得旨這事情著張鵬翮會同江南江西總督江蘇安徽巡撫在揚州地方徹底詳察嚴加審明具奏左必蕃趙晉俱著解任發往質審○以殷特布為兵部尚書由吏部左○丁亥以牟欽元為湖北按察使由山東東○戊子以覺羅滿保為福建巡撫由內閣○壬辰以吳一蜚為刑部尚書由吏部左滿篤為左都御史由兵部左廖騰燧為左副都御史由奉天府二保為內閣學士由內閣調孫柱為吏部左侍郎由盛京○乙未諭大學士等天壇大祭朕親行禮曾有諭旨嗣因朕躬少有違和大臣等再行奏阻故下旨遣大臣恭代朕則照常齋戒兩日來朕躬安好如常必親祭方展誠心朕仍親詣行禮大臣等不知朕意或

東華錄 康熙八十八 九

又行奏請朕今年六十行禮時兩旁人少為扶助亦可爾等即傳諭該衙門知之○轉胡會恩為吏部左侍郎調李旭升為吏部右侍郎由刑部轉覺和托為兵部左侍郎以巴顏柱為兵部右侍郎由內閣○以貝和諾為盛京工部侍郎由內閣○庚子以傅爾芬納為內閣學士由內閣○辛丑 上謁 陵啟鑾○丁未 上詣 暫安奉殿 孝陵至 仁孝皇后 孝昭皇后 孝懿皇后陵奠酒○癸丑 上駐蹕熱河○福建浙江總督范時崇奏海賊陳五顯投誠○江南江西總督噶禮奏參江蘇按察使焦映漢貪黷性成蔑視民命巧詐欺飾命革職提問○乙卯禮部議准左都御史趙申喬奏直隸各省寺廟常窩藏來歷不明之人行不法之事嗣後請除原有寺廟之外不許新建將見在寺廟居住僧道查明來歷令按季呈報甘結不准容留外來可疑之人如事發將該管官

員照例處分得旨依議近見直隸各省新建寺廟者甚多建造寺廟則占踞百姓田廬既成之後愚民又為僧道日用湊集銀錢購買貧人田地給與以致民田漸少且游民充為僧道窩藏逃亡罪犯行事不法者甚多實擾亂地方大無益於民生者也著各省督撫及地方官除原有寺廟外其新建增修永行禁止○以折爾金為甘肅布政使由宗人府○丙辰 上命大學士等傳問九卿編修楊緒為人如何九卿等奏曰楊緒為人弊端 上諭曰楊緒著革職驛解回籍交與地方官嚴禁在家勿令擅出行走更生事端翰林官員內尚有如此等人亦著九卿舉出尋九卿等舉出侍講錢名世修撰王式丹編修賈國維賈兆鳳四人具奏得旨翰林官理當安靜守分錢名世王式丹賈國維賈兆鳳行止不端聲名不好俱著革職

東華錄 康熙八十八 十

十二月癸亥禮部奏康熙五十年湖廣鄉試少中舉人十名應將提調布政使張聖猷等一併發往以備質審得旨此案著交與張鵬翮審明具奏介孝琰劉儼亦著發往質審○庚午以李錫為湖北布政使由貴州按○癸酉 上還京師○甲戌以盧詢為江蘇按察使由四川建○是月免安徽六安壽州鳳陽等八州縣衛旱災額賦有差○是歲朝鮮琉球來貢○人丁戶口二千四百六十二萬一千三百二十四田地山蕩畦地六百九十三萬三千四百四十四頃三十四畝有奇徵銀二千九百九十萬四千六百五十二兩八錢有奇米豆麥六百九十一萬二千二百五十四石有奇草四百八十五萬五千四百六十一束茶二十一萬五千二百一十五引行鹽五百九萬一千六十九引徵課銀三百七十二萬九千二百二十八兩有奇鑄錢三萬七千四百九十三萬三千四百有奇

臣王先謙敬編

臣周瀚蕃恭校

康熙五十一年壬辰春正月丙午刑部等衙門奏察審戴名世所著南山集子遺錄內有大逆等語應即行凌遲已故方孝標所著滇黔紀聞內亦有大逆等語應剉其屍骸戴名世方孝標之祖父子孫兄弟及伯叔父兄弟之子年十六歲以上者俱查出解部即行立斬其母女妻妾姊妹子之妻妾十五歲以下子孫伯叔父兄弟之子亦俱查出給功臣家為奴方孝標歸順吳逆身受偽官迫其投誠又蒙恩免罪仍不改恃逆之心書大逆之言令該撫將方孝標同族人不論服之已盡未盡逐一嚴查有職銜者盡皆革退除已嫁女外子女一併即解到部發與烏喇爾古塔白都納等處

東華錄 康熙八十九

安插汪灝方苞為戴名世悖逆書作序俱應立斬方正玉尤雲鸞聞擊自首應將伊等妻子一併發甯古塔安插編修劉巖雖不曾作序然不將書出首亦應革職僉妻流三千里 上曰此事著問九卿具奏案內方姓人俱係惡亂之輩方光琛投順吳三桂曾為偽相方孝標亦曾為吳三桂大吏伊等族人不可留本處也○諭大學士等原任大學士張玉書久任機務小心恪慎懋著勤勞朕追念難忘伊惟一子張逸少見任編修著從優升為翰林院侍讀學士以示朕篤眷舊臣至意○戊申以李世仁為貴州按察使由西左江道遷○壬子諭大學士等今天下承平日久人多重文輕武殊不知天下雖太平武備斷不可廢朕補授武官必簡用曾經效力及弓馬嫻熟者以此人皆互相激勸學習弓馬勉效力如滿洲身歷行間隨圍行獵素習勤苦故能服勞若漢人則不能矣雖由

風土不同亦由平日好自安逸之所致也○諭領侍衛內大臣大學士都統尚書副都統侍郎學士副都御史等自古帝王統馭天下君臣一心無有異意故凡事無不就理儻上下睽隔各懷一心則凡事無不滋弊此理所必然也朕今春秋已高聽政年久眾亦謂朕事事經歷無不周知但不聞不見之事甚多雖有言官類多瞻顧緘默是以託合齊等輩小人常昂然張膽搆集黨羽今已顯露亂臣賊子歷代有之但為君者見於幾先則不露聲色自然滅除若漸使滋蔓其弊不可勝言矣朕為國為民宵旰勤勞亦屬分內常事此外所不得聞者常令各該將軍總督巡撫提督總兵官因請安摺內附陳密奏故各省之事不能欺隱此於國計民生大有裨益也爾等皆朕所信任位至大臣當如諸省將軍督撫提鎮一體於請安摺內將應奏之事各罄所見開列陳奏所言若是朕則擇而用之所言若非則朕心既明亦可手書訓諭而爾等存心之善惡誠偽亦昭然可見矣朕於諸事謹慎舉朝無不知之凡有密奏無或洩漏但大膽不肖醫不畏死之徒從中折視或原奏之人朋友眾多口不密而洩漏者亦有之至一概奏摺不遲時刻皆不畱稿朕親自手批發還凡奏事者皆有朕手書證據在彼處不在朕所也爾等果能凡事據實密陳則大貪大奸之輩不知誰人所奏自知畏懼或有宵小誑主竊竇恩威者亦自此願忌收斂矣為此特諭○癸丑 上巡幸畿甸啟鑾○諭大學士等右衛將軍宗室費揚固為人正直奏事朕前言語誠實凡伊所見所聞之事即行直奏並無欺隱且盡職年久聲名亦佳今已年邁又係王之子可授為公著宗人府議奏尋議費揚固應授為輔國公從之二月丁巳諭大學士等朕自沖齡篤好讀書諸書無不覽誦每見

東華錄 康熙八十九

風土不同亦由平日好自安逸之所致也○諭領侍衛內大臣大學士都統尚書副都統侍郎學士副都御史等自古帝王統馭天下君臣一心無有異意故凡事無不就理儻上下睽隔各懷一心則凡事無不滋弊此理所必然也朕今春秋已高聽政年久眾亦謂朕事事經歷無不周知但不聞不見之事甚多雖有言官類多瞻顧緘默是以託合齊等輩小人常昂然張膽搆集黨羽今已顯露亂臣賊子歷代有之但為君者見於幾先則不露聲色自然滅除若漸使滋蔓其弊不可勝言矣朕為國為民宵旰勤勞亦屬分內常事此外所不得聞者常令各該將軍總督巡撫提督總兵官因請安摺內附陳密奏故各省之事不能欺隱此於國計民生大有裨益也爾等皆朕所信任位至大臣當如諸省將軍督撫提鎮一體於請安摺內將應奏之事各罄所見開列陳奏所言若是朕則擇而用之所言若非則朕心既明亦可手書訓諭而爾等存心之善惡誠偽亦昭然可見矣朕於諸事謹慎舉朝無不知之凡有密奏無或洩漏但大膽不肖醫不畏死之徒從中折視或原奏之人朋友眾多口不密而洩漏者亦有之至一概奏摺不遲時刻皆不畱稿朕親自手批發還凡奏事者皆有朕手書證據在彼處不在朕所也爾等果能凡事據實密陳則大貪大奸之輩不知誰人所奏自知畏懼或有宵小誑主竊竇恩威者亦自此願忌收斂矣為此特諭○癸丑 上巡幸畿甸啟鑾○諭大學士等右衛將軍宗室費揚固為人正直奏事朕前言語誠實凡伊所見所聞之事即行直奏並無欺隱且盡職年久聲名亦佳今已年邁又係王之子可授為公著宗人府議奏尋議費揚固應授為輔國公從之二月丁巳諭大學士等朕自沖齡篤好讀書諸書無不覽誦每見

歷代文士著述卽一句一字於理義稍有未安者輒爲後人指摘
 惟宋儒朱子註釋羣經闡發道理凡所著作及編纂之書皆明白
 精確歸於大中至正經今五百餘年學者無敢疵議朕以爲孔孟
 之後有裨斯文者朱子之功最爲宏鉅應作何崇禮表彰爾等會
 同九卿詹事科道詳議具奏尋議宋儒朱子配享孔廟本在東廡
 先賢之列今應遵旨升於大成殿十哲之次以昭表彰至意從之
 ○江蘇巡撫張伯行奏參江南江西總督噶禮得銀五十萬兩徇
 私賄賣舉人程光奎吳泌等不肯審明請將噶禮解任嚴審得旨
 噶禮著解任此事著張鵬翮會同總漕赫壽確審具奏江南江西
 總督印務著江西巡撫卽廷極署理噶禮奏參張伯行誣臣私賣
 舉人得銀五十萬兩乞賜對質得旨張伯行著解任此事著張鵬
 翮會同總漕赫壽確審具奏江蘇巡撫印務著浙江巡撫王度昭
 東華錄 康熙八十九 三

署理○諭九卿等噶禮張伯行互參一案噶禮有辦事之才用心
 緝拏賊盜然其操守則不可保張伯行爲人老成操守廉潔然盜
 劫伊衙門附近人家尙不能查拏噶禮會參原任知府陳鵬年陳
 鵬年居官雖善乃一膽大強悍之人噶禮張伯行互相不睦者皆
 陳鵬年愆愆所致據張伯行參奏云噶禮得銀五十萬兩未必全
 實亦未必全虛卽噶禮所參張伯行之事亦必有兩三款是實至
 海賊一案命江南浙江福建三省督撫前往乃皆畏懼推諉惟噶
 禮至盡山花鳥緝拏賊盜因此各省督撫甚怨噶禮此案察審實
 難若命滿大臣審則以爲徇庇滿洲若命漢大臣審則以爲徇庇
 漢人至張伯行奏參疏內連及張鵬翮者意欲審理此事時使張
 鵬翮回避故朕仍令張鵬翮從公審理○吏部等衙門議准福建
 浙江總督苑時崇奏沿海捕魚船隻止許用雙桅不准越省行走

交與該州縣查明令沿海提鎮副協等營鈐束 上曰觀范時崇
 條奏之事於地方民生無益福建大洋內無賊盜內地沿海一帶
 俱係小賊文武各官果實心盡力撫綏緝獲自然無事今若照所
 奏將捕魚船戶併入水師營分轄則啟武弁兵丁侵剋之弊矣且
 賊盜竊發何地無之若欲將賊盜盡除亦斷不能凡事止應視有
 益於民者行之不當迫之以法此條奏不可行將原本發還○大
 學士等以吏部奏補各省學政請旨 上曰提督學政有教育士
 子選取人才之責關繫甚要從前學差聲名不善者多善者少或
 有取二三學問優者因而得名或有取二三寒士因而得名俱不
 可謂之善今大臣官員子弟內不無學問優者但提督學政之人
 伊身鄉會試時或僥倖而得故提督學政之日取士亦多未公科
 道官員知其情弊徇情不行指參此任甚要開列人員內有爾等
 東華錄 康熙八十九 四

所知者各從公舉出又諭曰川陝總督殷秦居官善不但操守好
 而人材亦優但知爲公效力毫不徇部院中人情面乃實心辦事
 之人浙江提督吳郡居官亦善福建武官內無有及之者福建提
 督楊琳人明白雲南提督張谷貞江南提督師懿德延綏總兵官
 李耀甯夏總兵官范時捷居官俱善福建提督藍理居官甚劣但
 其屬下額兵缺伍不補者較之愈益謨尙少耳直隸守道祁國祚
 前此居官尙善今改易其操爲人亦屬奔競鑽營巡撫趙宏燮至
 今仍隱忍不參又原任巡撫汪灝任山西學政時聲名甚佳後任
 河南巡撫時卽改易其操聲名掃地矣○庚申轉覺羅法喇爲刑
 部左侍郎以薩爾臺爲刑部右侍郎由內閣○壬戌以李苾爲河
 南布政使由雲南按察使遷○丙寅以阿爾筏爲內閣學士由太僕寺卿遷○戊
 寅命卓異武職照文職例引見○庚辰 上還京師○壬午諭大

學士九卿等朕覽各省督撫奏編審人丁數目並未將加增之數盡行開報今海宇承平已久戶口日繁若按見在人丁加徵錢糧實有不可人丁雖增地畝並未加廣應令直省督撫將見今錢糧冊內有名丁數勿增勿減永爲定額其自後所生人丁不必徵收錢糧編審時止將增出實數察明另造清冊奏報朕凡巡幸地方所至詢問一戶或有五六丁止一人交納錢糧或有九丁十丁亦止二三人交納錢糧詰以餘丁何事咸云蒙皇上宏恩並無差徭共享安樂優游閒居而已此朕之訪聞甚晰者前雲南貴州廣西四川等省遭叛逆之變地方殘壞田畝拋荒不堪見聞自平定以來人民漸增開墾無遺或沙石堆積難於耕種者亦間有之而山谷崎嶇之地已無棄土盡皆耕種矣由此觀之民之生齒實繁朕故欲知人丁之實數不在加徵錢糧也今國帑充裕歲蠲免輒

東華錄

康熙八十九

五

至千萬而國用所需並無貽誤不足之虞故將直隸各省見今徵收錢糧冊內有名人丁永爲定數嗣後所生人丁免其加增錢糧但將實數另造清冊具報豈特有益於民亦一盛事也直隸各省督撫及有司官編審人丁時不將所生實數開明具報者特恐加徵錢糧是以隱匿不據實奏聞豈知朕並不爲加賦止欲知其實數耳嗣後督撫等儻不奏明實數朕於就近直隸地方遣人逐戶挨查即可得實此時伊等亦復何詞耶此事毋庸速議俟典試諸臣出關後爾等會同詳加確議具奏

三月辛卯諭大學士等前諭事積十日彙奏一次者朕意原指部院衙門已結案件今各部將督撫等所奏事件亦入在彙奏案內啟奏此斷不可嗣後督撫等所奏事件另爲一本具奏著傳諭各部又翻譯本章關繫甚大昨見本內有假官二字翻作偽官舛錯

東華錄 康熙八九

殊甚昔 太宗皇帝時朝鮮國進表原無不恭之語翻譯官意欲啟覺故將表文翻錯以致問罪往往征後纂修 實錄見彼表內漢文與所翻滿文大不相同始知當時翻譯有弊且偽官與假冒不同何得錯誤此皆翻譯各官不熟習滿文所致嗣後其慎之○丁酉 上御經筵○戊戌諭大學士等中式進士內或有不能作文令人頂替者亦未可定著於二十日齊備試卷令赴暢春園朕親加覆試○庚子諭大學士等趙申喬奏請雲南貴州廣西三省中額量增數名今覆試中式進士可令趙申喬將所取三省備卷舉人亦帶來考邇來浙江江南人冒直隸等省北籍及代人考試者甚多十三省語音朕悉通曉觀人察言即可識辨著出示徧曉中式進士等其中有冒籍替代等項俱赴部首實覆試之日朕前亦許面奏儻隱蔽不發朕一查出悔之不及○癸卯禮部等衙門議

東華錄

康熙八十九

六

覆左都御史趙申喬請增雲南貴州廣西進士額數一疏 上曰朕先因此三省路遠人少每至脫科念邊陲窮士跋涉山川會諭該部酌量增額以示勸勵故今三省文風日盛士子俱各踴躍肄業考試者漸多但取中額數尙少宜更加增爾等會議具奏再此番覆試不到者作何區處亦著議奏試卷內有不通者若革去進士不另行補取則進士數缺矣於某省革去者即將某省未中卷內擇其佳者取補○乙巳諭大學士等今歲考取進士額數無多止一百六十一人揀拔庶吉士者不過四五十人其餘俱俟選授知縣縣令與民切近有刑名錢穀之責未登仕以前如不知事宜典禮則登仕之後於地方民生事務無裨益今歲考中進士除揀選庶吉士外其餘勿使回籍俱交與禮部選翰林內學優品端者數人派令教習文藝從事典禮如有修書處率同修書又考中

五三九

武進士皆以參將遊擊守備等項員缺補用此等俱有約束兵丁整飭營伍之責未補官以前不可不先令其學習嗣後考取武進士亦著勿回原籍見在年滿千總皆分撥入旗武進士等亦著分撥入旗隨園學習行走○戊申大學士九卿等遵旨會議雲南貴州廣西三省應各增進士一名即將趙申喬所薦三卷作新增之數又覆試不到中式舉人二十六名行文各該撫速行咨送到日請旨覆試又今科取中進士內文字不堪者已革退所缺額數伏乞 皇上將各省考試不中落卷內選擇取中從之○諭大學士等傳諭主考官趙申喬徐元夢於落卷中有可中者著選百卷呈覽又各館修書舉人落卷亦著查出一併呈覽殿試為期甚迫覆試卷不及再分等第俱准其殿試其不通五卷革去進士仍留舉人下科會試○壬子賜舉人王圖炳等十七人一體殿試

東華錄

康熙八十九

七

夏四月丁巳賜王世琛等一百七十七人進士及第出身有差○戊午轉薩爾臺為刑部左侍郎調博音岱為刑部右侍郎以二郎保為理藩院右侍郎由內閣學士遷○王戌刑部等衙門議覆戴名世等一案 上諭大學士等案內擬絞之汪灝在內廷纂修年久已經革職著從寬免死但令家口入旗方登嶧之父曾為吳逆偽學士吳三桂之叛係伊從中慫恿偽朱三太子一案亦有其名今又犯法妄行方氏族入若仍留在本處則為亂階矣將伊等或入八旗或即正法始為允當此事所關甚大本交內閣收貯另行啟奏○癸亥以馬進泰為內閣學士由太僕寺卿遷○子故近御一等侍衛授副都統品級海青祭葬諡果毅○甲子九卿等議戶部書辦沈天生等串通本部員外郎伊爾賽等包攬湖灘河朔事例額外多索銀兩沈天生伊爾賽應擬絞監候秋後處決並此案受賄之原任刑

部尚書齊世武原任步軍統領託合齊等應分別處分 上諭大學士等閱此本齊世武託合齊口供並未取入齊世武品行醜態無恥前曾奏云不與人往來不取一文今於湖灘河朔事例一案受賄矣託合齊行事悖亂又在鄂籍家行走不時請人會飲其中亦有懼彼而往者亦有結成黨羽以威嚇人者今伊等見拘禁宗人府著王雅爾江阿貝子蘇努公景熙大學士溫達蕭永藻會同刑部詳審事已發覺實供則已若或巧辯爾等即行刑訊○乙丑宗人府等衙門遵旨將託合齊等結黨會飲一案審訊各供具奏得旨此等事俱因允祈所致允祈行事天下之人無分貴賤莫不盡知若果以孝為本以仁為行天下之人皆知係朕之子必無異心何必求此等人保奏惟其行事不仁不孝難於掩蓋徒以言語貨財買屬此等貪濁諂媚之人潛通信息尤屬無恥之甚託合齊

東華錄

康熙八十九

八

最為下賤恣意貪婪事迹彰著鄂籍無知穉子巧語誘人止圖哺餒不惜顏面齊世武自幼與光棍結黨好為爭鬪行事粗鄙昏濁殊非人類取額居心暗昧臨事苛刻從前寶鼎修保索額圖長泰等皆知之迺圖係高麗之賤俘為安親王屬下辛者庫因王厚待之朕不次擢用授為都統與上三旗大臣一體加恩賞賚不意王喪事未畢即與人會飲藐視小王子妄自尊大負恩背義如此都圖阜保武拜張伯良俱係辛者庫貧窮下賤並非守分安靜之人朝奇素多惡謀醫不畏死刁險叵測允祈亦所深知曾欲致之死地者此輩之黨早應族誅以昭國法但朕自御極以來好生為德諸事詳慎將此輩從寬養贖其改悔乃猶有此等之事朕亦愧焉將此諭旨當眾犯宣讀令伊等竦聽託合齊取額齊世武朝奇等見在別案審擬即於各案完結鄂籍著革職拘禁迺圖仍入安

親王屬下辛者庫著看守王墓都圖等係辛者庫人著交與內務府總管請旨此外若犯別故即於所犯案內定擬其一應發審取供之人不可留於原任俱著革退○丁卯禮部等衙門奏嗣後會試不必豫定額數亦不必編南北字號並分官字號名色請按省編號印於卷面以便分別取中其滿洲蒙古漢軍卷面亦如各省例另編字號俱令知貢舉合算進場舉人實數臨期具奏恭請皇上酌量省分大小人數多寡定額取中從之○壬申諭吏部原任大學士熊賜履夙學老臣歷任多年朕初立講官熊賜履早夜惟謹未嘗不以内聖外王之道正心修身之本直言講論務得至理而後已况品行清正學問優長身歿以後朕屢加賜卹至今猶軫於懷原任大學士張英張玉書朕因眷念舊勞伊等之子俱已擢用優升熊賜履之子雖未中式但伊止有一子長成應照張英東華錄 康熙八十九 九

張玉書之子一例推恩著調取來京酌量錄用以示朕不忘耆舊至意○大學士等遵旨覆奏臣等再訊沈天生伊爾賽一案原任刑部尚書齊世武受賄三千兩原任步軍統領託合齊受賄二千四百兩原任兵部尚書耿額受賄一千兩俱取供得實應照律擬絞監候秋後處決戶部侍郎李仲極不能查拏本部包攬情弊反縱容家人受賄又為伊子從中捐納應降五級調用戶部尚書穆和倫侍郎塔進泰不能查拏本部包攬情弊反縱容家人受賄俱應降三級調用戶部侍郎噶敏圖雖不知情而本部包攬情弊失於覺察應降一級調用得旨齊世武託合齊耿額依擬應絞著監候秋後處決李仲極著革職穆和倫塔進泰著降三級從寬免調用噶敏圖著降一級從寬免調用○致仕文淵閣大學士陳廷敬卒命皇三子允祉及大臣侍衛等往奠茶酒各部院滿漢大臣往

甲 御製輓詩一首遣乾清門一等侍衛伍格南書房翰林勵廷儀張廷玉齋賜給治喪銀一千兩尋予祭葬加祭一次諡文貞○乙亥禮部奏直隸各省舉人貢監生員李長庚等呈稱康熙五十二年恭遇 皇上六旬萬壽普天胥慶率土同歡恭請特開 萬壽鄉會科以彰千載一時之盛應如所請照順治丙戌科特行鄉試已亥科特行會試例於二月內舉行鄉試八月內舉行會試以愜輿情以彰盛典得旨造就人材實為美事著如所議行○以嵩祝為文華殿大學士兼禮部尚書調黑碩咨為禮部尚書以滿篤為工部尚書由左都御史遷○以王揆為文淵閣大學士兼禮部尚書調陳詵為禮部尚書以張廷樞為工部尚書革職刑部尚書○丙子 上奉 皇太后避暑塞外啟鑾○調吳一蜚為吏部尚書以胡會恩為刑部尚書由吏部左侍郎遷○以王原祁為戶部右侍郎由學士遷○以廖騰燧為戶部右侍郎田從典為左副都御史由光祿寺卿遷○轉艾芳曾為刑部左侍郎以張志棟為刑部右侍郎由大理寺卿遷○已卯以湯右曾為翰林院掌院學士兼禮部侍郎由通政使遷○壬午 上駐蹕熱河

五月戊子刑部奏原任江蘇布政使宜思恭叩關控告總督噶禮等需索銀兩以致虧空應差部院滿漢堂官往江南審理得旨此案著張鵬翮審明具奏○己丑轉李旭升為吏部左侍郎調王瑣齡為吏部右侍郎以王思軾為禮部左侍郎由內閣學士遷○以王企塋為左副都御史由宗人府丞遷○癸巳諭刑部爾部事件甚屬緊要齊世武膽大狂妄法喇無識無恥將事務堆積遲延不能整理自補授哈山以來參革劣員剔除積弊辦理之事明而不煩一應案件漸次完結可謂效力但恐意在速完或致草率刑名關繫重大務

須加意詳慎以副朕委任至意○丙申諭大學士溫達曰朕年六旬凡朝政尚能記之看過之書今則不能記矣溫達奏曰臣伏見皇上記性較前更勝每發出折本臣等恐其遺忘再三翻閱及至御前不盡記憶 皇上一覽即洞悉始末處置得宜 皇上

聰明天縱實迥出尋常萬萬也○丁酉以王之樞為內閣學士原任

○庚子以王用霖為廣東布政使由廣西按察使遷○壬寅諭大學士等

山東民人往來口外墾地者多至十萬餘伊等皆朕黎庶既到口外種田生理若不容留令伊等何往但不互相對閱查明將來俱為蒙古矣嗣後山東人民有到口外種田者該撫查明年貌姓名籍貫造冊移送稽察由口外回山東去者亦查明造冊移送該撫對閱稽察則百姓不得任意往返而事亦得清釐矣○戊申諭吏部嗣後布政使按察使缺出將應升官員通行開列候朕選擇補

東華錄 康熙八十九 十一

授○刑部奏四川陝西總督殷泰奏參縱容游民連直等不行查拏地方文武官員應分別議處 上諭大學士等連直等俱以行醫小業為生各處餬口地方官員著從寬免其查參朕前諭各省督撫查拏越省游行者另有深意蓋謂奸惡之徒有為僧道而行者亦有市藥賣卦而行者若不防微杜漸嚴行禁止令其任意行走結成黨類漸致人多勢盛即行劫掠或致難圖凡多費錢糧索養兵丁者特欲翦除惡亂之輩耳明代李自成即其驗也不豫為之計可乎○以穆丹為左都御史原任申奇貴為雲南布政使由廣東按察使遷

六月癸丑朔日有食之○丁巳湖廣總督鄂海奏鎮守邊外紅苗素稱強悍臣於康熙五十年九月會同撫提二臣親入苗寨宣布皇上威德令悔過革心今紅苗頭目吳老化等率毛都塘等處

五十二寨三千餘人實心投順得旨紅苗盤踞深山秉性兇惡自古以來並未歸順今總督鄂海等身入苗寨設法招撫殊為可嘉該部將在事官兵一併議敘○差往江南審事尚書張鵬翮等回奏查審噶禮張伯行互參一案應將張伯行革職擬徒准贖噶禮降一級留任 上諭大學士等張伯行參噶禮索銀五十萬兩審屬情虛江南一省舉人能有幾何縱盡行賄買亦不能至此數噶禮若受賄即五萬亦當置之重典噶禮原非清廉之官但在地方亦有效力之處張鵬翮等審噶禮參張伯行並未審出一款張伯行原參噶禮內有干係國家之語亦未訊明審出似為兩邊掩飾和解瞻徇定議大臣互相參劾豈可不徹底審明乃兩面調停草率完結况督撫等凡遇事故初參之時率張大其事以極重之詞參奏及至審時務必開脫消釋者甚多此亦陋習斷不可行此案

東華錄 康熙八十九 十一

發回著大學士九卿等詳看會議具奏張鵬翮等又奏查察正考官左必蕃奏參吳泌等賄買舉人一案將吳泌等擬絞監候秋後處決副考官趙晉同考官王曰俞方名俱革職僉妻發煙瘴地方充軍正考官左必蕃所參雖實而取中舉人革退四名應將左必蕃革職 上諭大學士等考試舉人進士所以為國家遴選人才關係甚大 世祖章皇帝諭旨炳明即朕為此事屢有諭旨亦甚嚴切從前科場有此弊發俱議軍法從事今趙晉干犯國憲於考試時私受賄賂暗通關節張鵬翮等並未將伊等問嚴審且趙晉行止不端舉國無不知者左必蕃昏愚已甚被趙晉欺弄今但照革去舉人三四名之例僅以革職軍流草率完結可乎此案亦發回著大學士九卿等詳看會議繕摺具奏○戊午以武國楹為福建布政使由浙江按察使遷 武廷适為廣東按察使由山東按察使遷 ○甲子以

張文燦為浙江按察使由湖廣糧道遷○庚午大學士等遵旨議覆噶禮張伯行左必蕃趙晉等一案應交張鵬翮再審具奏得旨此案不可仍交與張鵬翮等審理著戶部尚書穆和倫工部尚書張廷樞前去再行嚴加審明具奏穆和倫等不必來請訓旨即帶滿洲司官速行

東華錄

康熙八十九

三

東華錄

康熙九十

臣王先謙敬編

臣周潤蕃恭校

秋七月壬辰諭吏部七八九月掣籤官員若俟朕回鑾引見缺必久懸著即行啟奏○丁酉戶部奏原任西安驍騎校正藍旗巴布叩開言伊兄薩爾布善曾撫養和碩安親王之子塞冷額田產家人等俱為塞冷額占據入在包衣佐領下審問皆虛應將巴布柳責以年老折贖 上諭大學士等此事所議不明 世祖皇帝時將裕親王恭親王付與殷實官員撫養及至分封宗人府議將撫養官員產業給與二王朕未允行大阿哥曾付與內務府總管噶祿三阿哥曾付與內大臣綽爾濟撫養分封時亦議將伊等產業給與朕俱不准行蓋凡將子孫付與屬下人員撫養者並非欲得其產業也撫養之人能自孩提時兢兢業業侍奉撫養即其功也及至長成又得產業籍其人口不但於理不合即為所撫養之人亦於心不安五旗多有此事此風斷不可長凡事但以理斷之始合大體前下嫁阿祿科爾沁巴特麻之縣君曾奏獻伊三佐領朕諭云朕乃天下大君在彼在此俱為朕之臣庶若取至京師反減損其旗分故不進行蒙古王等聞之無不感激流涕土默特有七佐領該台吉無後者至今朕恩養閒居彼處前曾奏請編在察哈爾旗下朕未允行後又奏請陪送公主朕亦未允此皆朕至公無私之意今薩爾布善將宗室塞冷額撫養成人反將其產業占據人口入在包衣佐領下為奴可乎此處並未明白陳奏原本著發還○丙午命張文燦以升銜畱原任以呂猶龍為浙江按察使由糧道遷

東華錄

康熙九十

八月癸丑 上行圍發熱河○戊寅諭禮部朝鮮國王李焯奏前往伊國境內海洋捕魚船隻請再行嚴禁見今內地海洋小寇雖飭地方官嚴行查拏但海面遼闊時或有之邇來浙省海洋賊寇潛行劫奪官兵追捕遊擊一員被傷身亡曩者附近朝鮮海洋潛行捕魚船隻曾經申飭盛京將軍及沿海地方官員嚴加巡察緝拏而今尚有八九船隻違禁潛出外洋竟至朝鮮邊界捕魚是即賊寇也嗣後如有此等捕魚船隻潛出朝鮮海面者許本國即行勦緝如有生擒作速解送毋因內地之人致有遲疑

九月庚寅 上駐蹕納木生札色賜來朝外藩鞍馬金幣及隨圍蒙古官兵銀布○癸巳 上還熱河○庚子湖廣總督鄂海奏鎮筸邊外紅苗除前招撫三千餘名外復差土百戶紅苗頭目深入大山再宣 皇上威德將盤塘高等八十三寨生苗盡行招撫

東華錄 康熙九十年

二

共計男婦大小二千一百八十餘名苗目龍天保等前赴武昌投誠得旨紅苗等居深山之中自古以來並未向化鄂海等宣示朝廷德澤盡行招撫殊屬可嘉今紅苗等已去邪輪誠削髮投順地方文武官員務仰體朕無分內外俾盡享昇平無不樂業之至意將紅苗等安插得所從容化導教之禮義儻有不肖官員將紅苗視爲度外侵蝕擾害者該督撫即行指名奏參○壬寅 上奉

皇太后自熱河回鑾○丙午以沈涵爲內閣學士由少詹事遷○庚戌

上奉 皇太后還京師○諭諸皇子等皇太子允禩自復位以來狂疾未除大失人心 祖宗宏業斷不可付託此人朕已奏聞皇太后著將允禩拘執看守朕明日再頒諭旨示諸王大臣 冬十月辛亥朔 御筆硃書諭諸王貝勒貝子大臣等前因允禩行事乖戾曾經禁錮繼而朕躬抱疾念父子之恩從寬免宥朕在

眾前曾言其似能悛改伊在 皇太后眾妃諸王大臣前亦曾堅持盟誓想伊自應痛改前非晝夜警惕乃自釋放之日乖戾之心即行顯露數年以來狂易之疾仍然未除是非莫辨大失人心朕久隱忍不即發露者因向有望其悛改之言耳今觀其行事即每日教訓斷非能改者朕今年已六旬知後日有幾況天下乃 太祖 太宗 世祖所勗之業傳至朕躬非朕所勗立恃 先聖垂貽景福守成五十餘載朝乾夕惕耗盡心血竭蹶從事尚不能詳盡如此狂易成疾不得眾心之人豈可付託乎故將允禩仍行廢黜禁錮爲此特諭又傳諭曰朕今雖六旬賴 祖父之福自幼嘗以英傑自許朕於允禩非不能制但今之人善者少而惡者多允禩秉性兇殘與惡劣小人結黨允禩因朕爲父雖無異心但小人輩懼日後被誅儻於朕躬有不測之事則鬪擊朕一世聲名彼有

東華錄 康熙九十年

三

一小太監善福如廁皆遣人伺察以此觀之當無處不留心伺察者矣昨質問彼隨侍二太監當面唾辱伊毫無愧色其不堪可知況前者釋放時曾有諭旨善則爲皇太子否則復行禁錮載在檔冊今毫無可望故有此諭諸王大臣奏曰皇太子乃 皇上之子皇上所知較臣等更切皇太子復立之後 皇上日加訓誨望其自新今 皇上洞鑒其未改重念 太祖 太宗 世祖皇帝勗立鴻業不得已籌畫備至出自乾斷願示諭旨臣等自應欽遵但 皇上聖躬關繫甚重祈寬釋頤養臣下庶可稍慰 上曰著傳諭諸臣自釋放皇太子以來數年之間隱忍實難朕乃能之即今皇太子飲食服御陳設等物較之於朕殆有倍之伊所奏欲責之人朕無不責欲處之人朕無不處欲逐之人朕無不逐惟所奏欲誅之人朕不曾誅以朕性不嗜殺故耳凡事如所欲行以感悅

伊心冀其遷善也乃朕如此俯從而仍怙惡不悛是以灰心毫無可望至於臣庶不安之處朕無不知今眾人有兩處總是一死之言何則或有身受朕恩傾心向主不肯從彼甯甘日後誅戮者亦有微賤小人但以目前爲計逢迎結黨被朕知覺朕即誅之者此豈非兩處俱死之勢乎此數年閒侍朕左右之人因朕有勿得責罰之命故伊不加荼毒至伊屬下內外人等種種捶楚不可勝計今即妻孥亦皆寒心俱以爲當廢無一墮淚者頃在熱河駐蹕時朕之侍衛每日射箭歡笑飽餐頌賜食物顏色豐潤無不愉樂伊處黃桂侍衛溽暑之時流汗執役肩擔損木手執鋤鋤手足胼胝哭泣怨望無有不知者伊處止有一門出入之人甚雜亦眾所知朕雖日遣大臣一員侍衛十員看守俱似無目者然今爾等奏請朕躬關繫甚重宜加頤養但自釋放皇太子以來數年之閒朕之東華錄 康熙九十 四 心思用盡容顏清減眾皆緘默曾無一人如此勸解者朕今處置已畢奏此勸解之言何用前次廢置朕實憤懣此次毫不介意談笑處之而已前廢皇太子之時朕所誅不過數人皆係皇太子惡劣所致今鎖拏之人雖多朕惟將一二愆愆皇太子爲惡者誅之其餘概不深究不忍令臣庶無辜受戮也嗣後眾等各當絕念傾心向主共享太平後若有奏請皇太子已經改過從善應當釋放者朕即誅之果爾初拏皇太子之時何無一人保奏今已頒諭旨完結之後奏亦無益日後朕若再行復立其何以示天下耶○壬子吏部議覆陝西巡撫雍泰奏四川陝西總督殷泰以患病不能理事應准其解任調理得旨殷泰自爲兵丁時朕灼知其義勇歷加簡用升授總督以來不負委任潔清自持約束屬下恩威並用陝西軍民無不感戴朕深愛惜之今聞病勢已減著在任調攝○

東華錄 康熙九〇

癸丑諭戶部朕宵旰孜孜勤求民瘼永惟惠下實政無如除賦蠲租將天下地丁錢糧自康熙五十年爲始三年之內全免一週使率土黎庶普被恩膏除將直隸奉天浙江福建廣東廣西四川雲南貴州及山西河南陝西甘肅湖北湖南康熙五十年五十一年地丁錢糧一概蠲免歷年舊欠錢糧一併免徵外所有江蘇安徽山東江西四省除漕項外康熙五十二年應徵地畝銀共八百八十二萬九千六百四十四兩有奇人丁銀共一百三萬五千三百二十五兩有奇俱著察明全免其歷年舊欠銀二百四十八萬三千八百二十八兩有奇亦併著免徵計三年之內總免天下地畝人丁新徵舊欠共銀三千二百六萬四千六百九十七兩有奇各該督撫務須實心奉行體朕軫念民生至意如有侵欺隱匿使惠不及民借端科派者該督撫嚴行察參督撫失察事發之日亦嚴東華錄 康熙九十 五 加究治諭旨到日立即徧示城郭鄉村咸使知悉○乙卯吏部議覆戶部尚書穆和倫等審噶禮張伯行互參一案張伯行所參噶禮各款既經穆和倫等審明皆虛張伯行畏縮不能出洋反誣陷張元隆通盜不審不結拖斃多人不能嚴拏賊盜遲延命案又妄行參奏有玷大臣之職應如所奏革職至噶禮所參張伯行各款既經穆和倫等審明俱係從前舊案不於彼時參奏亦應議處但所參張伯行不能出洋等處俱實應如所奏免議得旨張伯行居官清正天下之人無不盡知允稱廉吏但才不如守果係無能噶禮雖才具有餘辦事敏練而性喜生事並未聞有清正之名伊等互參之案皆起於私隙聽信人言所致誠爲可恥朕臨莅天下五十餘年徧諳諸事於滿洲蒙古漢軍漢人毫無異視一以公正處之且噶禮屢次具參張伯行朕以張伯行操守爲天下第一斷不

五四五

可參手批不准諭旨見在噶禮處此所議是非顛倒著九卿詹事科道會同矢公據實再議具奏又諭大學士等閱朕此旨是則是非則非面奏時即從直具奏朕不但不加責而且甚喜漢大臣不可又以皇上聖明承順覆旨朕聽政五十餘載凡滿漢大臣皆當知朕之居心滿漢皆係朕之臣子朕視同一體並不分別無知之輩且謂朕為何不護庇噶禮朕乃天下之主凡事惟順理而行豈可止護庇滿洲明日回奏時朕另有諭旨○丙辰九卿詹事科道面奏噶禮張伯行互參一案 上曰從古治天下者莫要於至公朕御極五十餘年凡內外大小之事皆以公心處之觀近日外官滿洲所參大抵多漢人漢人所參大抵多漢軍皆非從公起見朕悉據理處之並無偏向張伯行居官清廉人所共知其家亦殷實朕巡河工時彼適為按察使知之甚悉但才具略短耳噶禮辦事東華錄 康熙九十 六 歷練至其操守朕不能信若無張伯行則江南地方必受其賸削一半矣語云文官不愛錢武官不惜命然後天下又安又云清官不累民朕為天下主自幼學問研究性理等書如此等清官朕不為保全則讀書數十年何益而凡為清官者亦何所倚恃以自安乎左都御史趙申喬奏曰 上諭清官不累民極是張伯行居官果清 上曰爾等俱係大臣既知張伯行清官當會議時何無一言今朕既有諭旨爾等方贊其清亦晚矣又諭曰如蕭永藻富爾安張鵬翮趙申喬施世綸殷秦張伯行此數人皆清官朕皆愛惜保全昔日趙申喬任偏沅巡撫時居官甚清但有氣性人皆畏其議論伊與俞益謨互相訐參彼時亦有以趙申喬為非者朕細加察訪即俞益謨所轄武官及同鄉陝西人良心不昧俱言俞益謨之非無有以趙申喬為不是者清官固所當惜其言之不可行者

朕亦不行如趙申喬條奏黃河坍塌地免糧一事朕不准行雖所言未當而並無私見凡交與伊一應事件皆實心辦理朕是以護惜之至陳鵬年稍有聲譽學問亦優噶禮之欲害之也久矣張伯行聽信陳鵬年之言是以噶禮與之不和曾將陳鵬年虎邱詩二首奏稱內有悖謬語朕閱其詩並無干礙朕纂輯羣書甚多詩中所用典故朕皆知之即末句鳴盟二字不過託意漁樵陳鵬年詩見在非無據者今與爾等公看可知朕心之公矣又諭曰噶禮張伯行互參一案初次遣官往審為噶禮所制不能審出及再遣大臣往審與前無異爾等諸臣皆能體保全清官之意使為正人者無所疑懼則人俱欣悅海宇長享昇平之福矣諭大學士等滿洲大臣毋謂朕偏向漢人朕至公無私之心天下共見斷不肯讓美於古人自幼所學者此以所學見諸行事者即此也○丁巳諭大學士等今年浙江等處海賊沿途劫奪客商船隻殺傷官兵直至盛京殊屬可惡見今正當北風之時海賊俱焚燬船隻各回本省家中應趁此時嚴加查拏著派兵部刑部賢能滿漢司官各一員差往浙江福建廣東會同該督撫逐戶嚴行搜拏務期必獲方好這逐戶搜緝民雖略受辛苦盜賊一靖於民大有裨益○己未以李發甲為福建布政使蔡琦為山東按察使由四川永甯道遷○壬戌吏部等衙門遵旨再議噶禮張伯行俱係封疆大臣不思和衷協恭互相訐參殊玷大臣之職應將噶禮張伯行俱革職但地方得清正之員方不貽累百姓張伯行應否革職畱任伏候 聖裁得旨噶禮著革職張伯行著革職畱任○癸亥 上御暢春園內西廠閱試武舉騎射技勇畢諭武殿試讀卷官等曰今兵丁讀書考試誠一美事武職雖以騎射嫻熟人材壯健為要若不知讀書則不知

兵法今提鎮等官俱簡用學問優者該管兵丁令其教習故為兵者亦皆鼓舞而讀書者多矣○諭大學士李光地曰爾曾以易數與眾講論乎算法與易數膺合朕凡閱諸書必考其實曾將算法與朱子全書較過今人看正書者少宋儒講論性理亦未嘗不作詩賦但所作詩賦皆醇厚朱子以蘇軾所作文字偏於粉飾細閱之果然若看聖賢講論性理諸書雖賦性魯鈍及至日就月將定有裨益○甲子賜李顯光等九十九人武進士及第出身有差○乙丑宗人府奏貝勒海善違旨令太監李煥在各處妄行又不將實情陳奏應將伊貝勒革退得旨海善著革退貝勒令伊兄滿都護襲替○丙寅以揆敘為左都御史由工部左○以赫壽為江南江西總督郎廷極為漕運總督由江西○直隸巡撫趙宏燮奏真定府屬井陘縣秋被旱災請發倉賑濟得旨直隸各省督撫每奏報年穀收成朕必批令豫籌積貯以備小有災荒即行賑濟諭旨甚明井陘係小縣村落無幾偶遇小災便聞人民不得安堵如果能遵前旨於豐年豫為積貯何至艱食此皆因地方官奉行不實全無儲蓄所致自後須遵朕前旨實心奉行務期有濟民生○己巳命禁錮廢皇太子允禔於咸安宮○庚午禮部請議明年萬壽典禮得旨朕御極以來惟欲萬國乂安上則敬 天法 祖下則垂令名於後世孜孜然以至鬢髮盡白心血耗散歷盡憂勤蕩平險阻自古帝王在位不久享年不遐者論者往往歸於別故而未諒帝王實不勝其難實不堪其勞憂懼所迫以致享祚之不永也朕反復思維昔帝堯固辭華封之祝必似朕臨莅年久之君方能知聖人言之有實也餘則斷不能知矣朕本涼德惟賴 祖考得國之正積福之深在位五十餘年壽屆六十今憂勞倍增血

氣漸憊惟恐愈久而力不支願不遂以至不全終始一世勤瘁俱屬徒然朕惟兢兢惕厲並未畱心祈求甲子之週也覽禮部請旨之奏悉屬虛文無有實際朕惟願臣清子孝兄友弟愛人人皆讀正書勉盡職業國安民治盜賊甯息各以至誠實意為朕六秩慶祝朕即嘉納此外儀文朕無所嗜亦無所好這所奏不准行○轉張格為工部左侍郎以馬進泰為工部右侍郎由內閣○以修國勳為江西巡撫由湖南布○癸酉贈故原任威略將軍福建水師提督吳英太子少保子葬○甲戌以綽奇為內閣學士由左副都○丙子諭大學士等吏部引見八月分掣籤官員內有行止不端出身不正者著九卿各據見聞陳奏將所奏之員即令原品休致此等人員不於此時查明俟到任後被上司參劾致員缺久懸於地方甚屬無益嗣後月選官員掣籤後某人得某缺人品何如行止何如之處著問九卿具摺啟奏○以阿琳為湖南布政使由原州按察使○是月免山東魚臺江南山陽淮安等十八州縣衛水災額賦有差

兩之事見此二事即知能泰必貪爾等可傳能泰問之尋大學士等奏傳問能泰據云奏請二次 皇上皆硃筆批不准行算開礦所用工費價值亦無大益 上曰以此觀之一面奏請一面即行矣督撫提鎮奏摺一二次朕即可知其行事也○甲午戶部議覆左都御史趙申喬奏 皇上施恩天下將地丁銀兩俱皆蠲免請將陝西潼關衛山西大同府所屬徵收米豆草束一體蠲免應不准行得旨潼關衛大同府所屬康熙五十一年應徵米豆草束已經徵完今雖蠲免無益小民明年應徵米豆草束著蠲免○乙未以廢皇太子允禔遺官祭 天地 太廟 社稷告 天祭文曰嗣天子臣 貼黃 敢昭告於 皇天上帝曰臣繼承鴻業祗迓 天庥夙夜憂勤惟以社稷蒼生又安為務向以允禔狂惑成疾難以負荷丕基於康熙四十七年九月十八日特行廢黜嗣以臣體違東華錄 康熙九十

和因念父子之恩冀其悔悟自新遂從寬釋允禔亦自立誓痛改前非因而復行冊立詎意數年以來狂疾益增暴戾僭越迷惑轉甚臣念 太祖 太宗 世祖締造艱難付託不易如允禔者罪咎滋深斷難承祀爰行廢黜用加禁錮 昊天上帝俯鑒臣衷謹告其告祭 地壇 太廟 社稷文同○丙申大學士等以秋審情實罪犯五十人請旨 上將刑部重囚招冊逐一詳閱反復審定句者三十二人既畢諭大學士等曰明代決囚俱於西四牌樓其時秋決之囚亦甚多崇禎時偶遣內侍往覘有鳴冤者否俄有一人鳴冤即歸奏聞乃遣太監袁本清傳諭將此人暫停處決時禁城不許乘馬而袁本清習於安佚兩人扶掖逾時方至其人已正典刑矣袁本清不得已將應決人犯盡釋崇禎怒杖袁本清臂肉俱盡朕昔親見袁本清言之甚詳此皆不慎之於平時以致臨

期舛錯也故朕於招冊皆細加研勘此情實五十人即盡誅之並無冤枉而猶必反復詳究於無可生之中求一綫可生之路無非矜慎民命之意也○戊戌先是鎮國公景熙首告託合齊父子於該王府內宴會並貪婪不法各款 上命皇子大臣察審至是奏各款俱實應將託合齊即行凌遲處死伊子舒奇擬絞監候秋審處決奏入畱中○己亥羣臣以 萬壽六旬請上尊號得旨朕臨莅日久每於讀書鑒古之餘念君臨天下之道惟以實心為本以寶政為務若侈陳功德加上尊號以取虛名無益治道朕所不喜前諸王大臣等屢有奏請朕曾手書批示諭以斷不允行前旨甚明所奏知道了○庚子差往江南審事尚書張鵬翮奏原任江南布政使宜思恭叩闕案內原任江南江西總督阿山江蘇巡撫宋犖索取節禮查審是實應交該部議處得旨阿山宋犖俱係年老東華錄 康熙九十

張鵬翮疏奏福建水師甚要朕思臺灣澎湖之地關繫甚大海壇南澳二處不甚緊要李光地奏曰海壇實無緊要閩安是一要口海壇總兵官移駐閩安方善 上曰頃總兵官李雄率領舟師追趕海賊報稱至登州海面適遇風波幾至危殆今值冬季北風正多李雄入洋以來朕甚以為念又聞海中商船三日即可到盡山花鳥伊等用船勝於北人遠甚若言乘馬不但漢人遠不及滿洲即漢軍亦不足論乘船則南人為善皆由熟練之故耳江海中行甚險朕意欲令投誠海賊指引路徑乃有益也○丁未以廢皇太子允禔頒詔天下○己酉 上謁 暫安奉殿 孝陵至 仁孝皇后 孝昭皇后 孝懿皇后陵奠酒○以張聖佐為安徽布政使由江西按 子故左都御史穆丹祭葬○是月免江南沛縣浙

江安吉等四州縣水災額賦有差

十二月癸丑以蔡升元為內閣學士原任○庚申諭理藩院聞鄂爾

多斯地方連年大雪饑饉薦臻將人口賣與四十九旗並喀爾喀

者甚多可速差官查問送還本籍務使各遂生業以副朕體恤外

藩至意○辛酉戶部議覆正白旗滿洲副都統吳爾德黑奏請增

造通州中南大西倉廩座應不淮行 上諭大學士等增添廩座

乃一善事蓋廩座增設之後則入新收貯換陳放出廩座一空又

將新者收入不但米不至耗費而出入之數亦清每年放給米石

皆有一定之數如此一清則各倉之弊可絕矣爾等會同九卿詹

事科道詳議具奏尋會議中南大西二倉共添設倉廩一百座從

之○甲子諭大學士等朕辦事有年凡人命審擬事件要期悉當

平理今陳汝咸條陳應照宋時洗冤錄較定致命傷痕處所畫一

東華錄 康熙九十 士

除槍刀弓箭銅鐵等器械外木棍等俱不作兇器夫人命事件有

拳毆脚踢木棍毆打致死若酌兇器輕重定罪之輕重則事必

致舛錯如鍼乃最微之物將鍼刺人致死豈可因鍼非殺人兇器

而免其罪乎孟子云可使制梃以撻秦楚之堅甲利兵由此觀之

木棍亦兇器也○丙寅 上駐蹕熱河○先是 上命御史陳汝

咸出洋招撫海賊陳尚義等至是奏陳尚義等投順○賜來朝外

藩銀幣鞍馬及隨圍蒙古官兵銀布○戊辰以劉榮為江西按察

使由直隸天○甲戌 上還京師○是月免直隸井陘縣旱災額

賦有差○是歲朝鮮來貢○人丁戶口二千四百六十二萬三千

五百二十四田地山蕩畦地六百九十三萬四千四百四十四頃五十

五畝有奇徵銀一千九百五十萬八千三百五十三兩五錢有奇

米豆麥六百九十一萬三千六百七十五石有奇草四百八十五

萬八千六百七十二束茶二十三萬八千三百二十八引行鹽五

百九萬三千六百八引徵課銀三百七十二萬九千八百九十八

兩有奇鑄錢三萬七千四百九十三萬六千八百有奇

東華錄

康熙九十

三

東華錄

康熙九十一

臣王先謙敬編

臣周潤蕃恭校

康熙五十二年癸巳春正月癸卯諭大學士等鄉會試皆掄才大典關繫緊要今見考試官不遵取真才止圖賄賂黃緣作弊者漸多此等人若不加嚴處卽行正法斷乎不可正考官係考場統領之員副考官同考官等通同作弊嚴加覺察是其專責而謂不知情何也趙晉吳肇中二案處分正考官等互異應行嚴議著問九卿具奏又諭近閱部院衙門堂司官員俱各守分惟刑部侍郎張志棟前任三省巡撫時居官何如己必自知履經革職降級之後補小衙門堂官及授刑部以來辦事好勝把持衙門凡九卿會同揀選保舉時惟伊保薦者甚多猶以爲未足又在別人保薦處列

東華錄

康熙九十一

一

名自大吏降補小衙門理宜自愧乃復覲顏貪戀官職專以保舉爲事殊屬無恥著革職○甲辰以盧詢爲雲南布政使由江蘇按察使遷○九卿議覆江南科場賄通關節之副考官編修趙晉原擬斬監候但趙晉係副考官擅通關節大干法紀應照順治丁酉科場例改斬立決呈薦吳泌試卷之同考官句容縣知縣王曰俞原擬流三千里查王曰俞通同作弊亦應改斬立決黃緣中式之吳泌及說事通賄之俞繼祖等照原擬絞監候呈薦程光奎試卷之同考官山陽縣知縣方名原擬絞監候查方名平素與程光奎往來見過程光奎之文程光奎在場內鈔錄舊文方名明知其文卽行呈薦榜後又向程光奎索謝應改斬立決其場前在貢院內埋藏文字入場鈔寫中式之程光奎照原擬絞監候倩人代筆中式之徐宗軾及夾帶文字中式之席珩

並照原擬枷責正考官副都御史左必蕃係專任科場之官失於覺察應革職從之又議福建科場賄通關節之同考官吳肇中應擬斬立決黃緣中式之王湯三說事通賄之林英應擬絞監候正考官檢討介孝琛副考官工部主事劉儼失於覺察應革職從之○戊申諭理藩院班禪胡土克圖爲人安靜熟諳經典勤修貢職初終不倦甚屬可嘉著照封達賴喇嘛之例給以印冊封爲班禪額爾德尼○以王企靖爲刑部右侍郎由左副都御史遷舒蘭爲內閣學士原任

二月庚戌諭領侍衛內大臣大學士九卿等趙申喬奏皇太子爲國本應行冊立朕自幼讀書凡事留意纖悉無遺况建儲大事朕豈忘懷但關繫甚重有未可輕立者昔立允初爲皇太子時索額圖懷私倡議凡皇太子服御諸物俱用黃色所定一切儀注幾與朕相似驕縱之漸實由於此索額圖誠本朝第一罪人也宋仁宗三十年未立太子我太祖皇帝並未豫立皇太子太宗皇帝亦未豫立皇太子漢唐以來太子幼冲尙保無事若太子年長其左右羣小結黨營私鮮有能無事者人非聖人誰能無過安得有克盡子道如武王者今眾皇子學問見識不後於人但年俱長成已經分封其所屬人員未有不各庇護其主者卽使立之能保將來無事乎且爲君難爲臣不易古來人君窮兵黷武者有之崇尚佛老者有之任用名法者有之朕御極五十餘年朝乾夕惕上念祖宗遺緒之重下念臣民仰望之殷乾綱獨斷柔遠能邇體恤臣庶毫無私心當吳三桂叛亂時已失八省勢幾危矣朕灼知滿漢蒙古之心各加任用勵精圖治轉危爲安是以數十年來海寓甯靖今欲立皇太子必能以朕心爲心者方可立之豈可輕舉卽

東華錄

康熙九十一

二

朕相繼降補小衙門理宜自愧乃復覲顏貪戀官職專以保舉爲事殊屬無恥著革職○甲辰以盧詢爲雲南布政使由江蘇按察使遷○九卿議覆江南科場賄通關節之副考官編修趙晉原擬斬監候但趙晉係副考官擅通關節大干法紀應照順治丁酉科場例改斬立決呈薦吳泌試卷之同考官句容縣知縣王曰俞原擬流三千里查王曰俞通同作弊亦應改斬立決黃緣中式之吳泌及說事通賄之俞繼祖等照原擬絞監候呈薦程光奎試卷之同考官山陽縣知縣方名原擬絞監候查方名平素與程光奎往來見過程光奎之文程光奎在場內鈔錄舊文方名明知其文卽行呈薦榜後又向程光奎索謝應改斬立決其場前在貢院內埋藏文字入場鈔寫中式之程光奎照原擬絞監候倩人代筆中式之徐宗軾及夾帶文字中式之席珩

臣僚爲國爲民念茲在茲先憂後樂者實不易得太子之爲國本朕豈不知立非其人關繫匪輕朕將允祔從幼教訓迨後長成變爲暴虐無所不爲不知忠孝不識廉恥行事乖戾有不可言者推其故皆由瘋狂成疾迷惑所致此疾有二十餘載矣凡人醉後傷人醒時知悔伊似長醉不醒所爲過惡身不自知伊之儀表及學問才技俱有可觀今一至於此非瘋狂而何自廢而復立以來朕尤加教訓心血耗盡因伊狂疾終不痊愈故又行廢黜孟子云父子之閒不責善責善則離離則不祥莫大焉大學云人莫知其子之惡蓋父之於子嚴不可寬亦不可誠爲難事如朕方能處置得宜耳爾諸大臣俱各有子凡人幼時猶可教訓及其長成一誘於黨類便各有所爲不復能拘制矣立皇太子事未可輕定特召集爾眾大臣明示朕意趙申喬所奏摺著發還○辛亥福建巡撫覺

東華錄

康熙九十一

三

羅滿保請於九仙山建立萬壽碑亭上允○宗人府等衙門奏託合齊肆行悖逆罪惡重大今雖於監禁之處病故應將伊劉屍揚灰不許收葬伊子舒起仗父威勢恣意橫行應擬絞監候從之○甲寅諭大學士等朕昨問投誠海賊陳尙義伊等出洋行劫遇西洋船隻懼其火器不敢逼近惟遇東洋商船則掠取其銀米亦不盡取以此商船仍往不絕也中國與西洋地方俱在赤道北四十度內海洋行船中國人多論更次西洋人多論度數自彼國南行八十度至大狼山始復北行入廣東界常六閱月在海中不見一山又自西洋至中國有陸路可通因隔鄂羅斯諸國行人不便故皆從水路而行鄂羅斯距京師約萬二千里西洋及土兒虎特地方皆與鄂羅斯接界鄂羅斯倚土兒虎特馬匹土兒虎特用鄂羅斯皮張往年鄂羅斯與雪西洋戰士兒虎特助鄂羅斯大

敗雪西洋又回子温都斯坦布海兒夜兒根等處產棉製甲四十層可敵浙江棉八十層會以鳥槍試驗知之又過哈密六百里有吐魯番地方去雪山百餘里其人晝伏至夜始出耕種其地甚熱而多石若日出時耕種輒熱死又哈薩克即古陽關地其人性好鬪常結隊以殺擄爲事人心亦齊若婦女被人擄去其擄去之婦女必乘閒手刃其人而回此地亦熱草極肥盛馬皆汗血所產蘋果葡萄梨等物皆大而美又西北回子種類極多皆元太祖後裔又有一支在小西洋約十萬人皆住帳房惟北極下爲最寒往時曾有人築室而居明年人往視之其人已無復存者但見林閒雪深數丈而已昔人云北海有積冰數百丈向以爲荒誕以此觀之信不誣也總之西北地方極大其風土亦各不同朕會詳悉訪問是以周知也○以甘國壁爲江蘇按察使由山東登萊道遷張連登爲湖

東華錄

康熙九十一

四

北按察使由直隸通永道遷○乙卯上巡幸畿甸啟鑾○以崔徵璧爲左副都御史由通政使遷○大學士等以刑部等衙門審擬戴名世私造南山集照大逆例凌遲一案請旨上諭戴名世從寬免凌遲著即處斬方登嶧方雲旅方世標俱從寬免死並伊妻子充發黑龍江此案內干連人犯俱從寬免治罪著入旗○子故內閣學士凌紹雯祭○癸酉諭大學士等福建巡撫羅滿保奏閩縣等十六州縣員缺請於卓異人員內揀選補授部議不准督撫等爲得人地方起見懇切陳奏理所宜然其應否准行補授思出自朕近見督撫此等事奏請言官每從中阻撓邇來一御史奏稱閩屬十六州縣員缺滿保請揀選卓異薦舉官員補授可爲一時之計未可爲經久之例不如擇本省之員調補若揀選卓異薦舉官員補授必致懸缺以待於地方無益等語閱之似乎有理其實皆係卓

異薦舉官員逆料伊等應該升轉不願往海濱苦地希圖美缺因於未經部覆之先豫行條奏則部議自然不准所以特屬言官言之也如此則權盡歸都察院科道等官此是明末惡習斷不可長爾等到京問九卿詹事科道具奏朕回鑾時務將闕屬十六州縣員缺即行補授發往○刑部等衙門會議順天府鄉試中式第一名查為仁之父查日昌倩人為伊子代筆賄買書辦傳遞文章事發後又脫逃被獲應斬監候查為仁中式情弊雖由伊父主使而通同作弊又相隨脫逃希圖漏網其書役龔大業收受賄賂傳遞文章俱應絞監候代查為仁作文之舉人邵坡應革去舉人杖徒失察之監察御史常泰李宏文應罰俸一年從之○甲戌刑部等衙門會議順天鄉試中式之周啟係原任步軍統領託合齊家人周三之子倩人代筆串通賄錄受卷所吏役通同作弊應絞監候

東華錄 康熙九十一 五

周三於賄屬司獄周芝荃致死首告伊子之邵文卿希圖滅口案內已經論斬從重歸結至於說事通賄之談汝龍高岳受賂之賸錄所書吏何亮公受卷所書吏錢燦如亦應絞監候代周啟作文之王廷銓應杖徒失察受卷所官唐縣知縣李嶠瑞降一級罰俸一年監試御史楊篤生陳勳阿爾賽石芳柱各罰俸一年賸錄所官無極縣知縣陳明倫已經休致提調官順天府府丞李法祖已經別案革職俱無庸議得旨周三周啟身係奴僕肆行賄賂紊亂科場大典情罪可惡俱著處斬李嶠瑞楊篤生阿邇賽石芳柱陳勳等係專司科場事務官員怠玩疏忽不行嚴禁殊屬溺職著革職餘依議○乙亥 上還京師○子故吏部尚書桑額祭葬

三月戊寅朔諭諸王貝勒貝子公大學士九卿等朕昨進京見各處為朕六十壽誕慶賀保安祈福者不計其數朕實涼德自覺愧

汗從來帝王之治天下罔不以民生為念若為一己之私即不能擴而充之矣朕若先知必令止之今已成矣難違眾志夜來思之達旦朕為天下萬國之主萬國安即朕之安天下福即朕之福若能祈禱雨暘時若家給人足則朕安寢飽食可以卻病延年此朕之求福非有妄想也傳知各處凡有祝延萬壽者必以雨暘時若萬邦咸甯為先朕已老矣有若無實若虛夙夜匪懈履薄臨深之念與日俱增敢有滿假乎○諭大學士等內閣學士宗紳保為人糊塗著解退發伊該管王處行走○己卯兵部議准戶部尚書張鵬翮奏閩省沿海地方請將深知水性謀勇兼全之人委用凡各緊要之處添設兵丁營船及船中所用器械火藥豫備訓練及春秋二季令該總兵官親身巡查有海賊逃匿者即行文廣東江南浙江等處協力擒剿 上諭大學士等張鵬翮所奏海上事宜率皆空言無補不可施行賊船停泊必依據海島有淡水之處每日在山頂瞭望見官兵船來即遁去外洋官兵退後乃復卻回有謂商船宜改為平底止用一桅者不知商船重載入水數尺方能壓浪每造一船費至一二千金若勒令改造則不肖官員因此擾害商人將何以堪商船雖帶軍器火藥一遇賊船商人並不敢與敵船中所有隨其所取盛京泛海兩三日即可抵盡山花鳥利之所在人所必趨泛海往來既速又省路費商船豈有不往之理朕昨問投誠海賊陳尚義康熙三十八年閒伊等賊船尚多因與廣東提標官兵拒敵大敗而遁止存船四隻此後從未登岸沿海官兵防守甚嚴即海外諸小國亦不聽伊等停泊賊船缺少火藥無處購買俱託漁船往盛京旅順等處代買朕昨閱地圖山東水師住處未為扼要然設立已久不便議裁宜於盛京上游要地添設營

東華錄 康熙九十一 六

船二十隻此駐防之船即將各省水師營船及駕船水手酌量調取出洋巡哨並帶陳向義等前往海中盜賊伊悉知之自然漸次擒獲矣張鵬副並未熟悉情形其所條奏即令伊身任其事亦未有裨益也此本著發還○乙酉諭大學士等朕聞各省為祝萬壽來京者甚眾其中老人更多皆非本地人時居春開寒熱不均或有水土不服亦未可知爾等即傳諭漢官等備有一二有恙者即令太醫院看治務得實惠以示朕愛養耆老之至意○戊子諭南書房翰林等聞各省祝萬壽老人俱於十七日在西直門外本省龍棚下齊集接駕十八日在正陽門內聽禮部指地方行禮行禮後若再至龍棚恐城門擁擠年老之人實有未便況十七日朕進宮時經過各省龍棚諸老人已得從容瞻仰十八日行禮後老人不必再至龍棚下接駕爾等傳諭各省漢官備諭各省老人知悉

東華錄 康熙九十一 七

○己丑諭大學士等今歲直隸各省年老官員來京祝萬壽者甚多此內除本省犯罪官員外或有因公呈誤降級革職者俱酌量復還原品於十八日隨班行禮○甲午 上奉 皇太后自暢春園還宮直隸各省官員士庶夾道羅拜歡迎 御輦耆老等跪獻萬年壽觴 上停輦慰勞備賜老人壽桃及食品諸王貝勒貝子公宗室覺羅人等及文武大臣官員兵丁並於誦經處跪迎 上霽容俯視皆賜以食品○諭大學士等今歲天下老人為朕六旬大慶皆從數千里匍匐而來如何令其空歸欲賜伊等筵宴然後遣回著查八旗滿洲蒙古漢軍漢人大學士以下民人以上年逾六十五歲者奏聞在本月二十三兩日內擇定一日賜宴豫為奏聞便於備辦內有艱於動履不能前來者聽其能來者俱令之來即不能來者朕另行按分頒給詔內有恩賜老人一款凡恩賜

有名者於名下註明今時漸炎熱賜宴後即令回籍耕種其家奴勿入所查數內再查八旗滿洲蒙古漢軍以至包衣佐領下不論官員閒散人等年七十以上老婦亦著奏聞俟老人賜宴後再定一日送至 皇太后宮賜宴有艱於動履不能前來者聽之其能來者俱令之來若有貧乏不能來者著各屬協助車馬使之前來俱開真實年歲不可捏報再敕宗人府諸王以下宗室子孫內二十歲以下十歲以上選擇聰明堪供任使者六七十人令於耆老前執爵即朕子孫皆令之出宗室外不用他人也○乙未 萬壽節 上朝 甯壽宮御 太和殿受賀詔曰朕五十餘年上畏天命下懷民暑以敬以誠覃思上理且以一心對越 上帝未嘗瞬息稍懈賴 昊穹之孚祐 祖宗之蔭庇國家蓄積有餘民間年歲豐稔朕以涼德勉思 列聖體大順公操心慮患敷景運於休

東華錄 康熙九十一 八

明洪基業於光顯夙夜冰兢宵旰靡遑屈指春秋年居六旬矣覽自秦漢以下稱帝者一百九十有三享祚綿長無如朕之久者朕之虛薄良深歉仄何敢稍有倦怠以負孜孜圖治之初心況在位之久始勤終怠往往不能垂令名於後所以乾惕之懷彌殷憂勞之志愈切兼之承平歲久幅員日廣戶口漸增風俗日薄朕與臣鄰夙夜在茲以剛健中正悼大成裕謙尊有終持盈保泰猶恐未能豈自滿假少有逸豫朕以天下為心天下當亦體朕之衷各矢盡誠皆敦孝敬型仁講讓守己奉公務勤職業官僚胥勸人士奮興使遐邇之均被小大之咸周以享昇平之福此非朕之德乃天地 祖宗之賜今朕式慰中外臣民之情博考典禮大沛膏澤用稱躋世於仁壽之至意中外臣民俱加覃賜養高年舉遺逸旌孝義蠲逋負鰥寡孤獨無告者官為養之罪非常赦所不原者咸

救除焉○庚子諭大學士九卿等朕聞廣東米價騰貴每石賣至一兩八九錢至二兩不等將軍管源忠亦因米貴具摺奏聞朕軫念天下民生無閒遠邇雖邊徼之外視之猶輦轂之旁也粵地素號產米之區從無價高至一兩以上及二兩者茲米價驟增小民必致艱食督撫係封疆大吏凡有關地方事務隨所見聞即應據實陳奏今萬里情形朕已周悉而伊等漫無奏報殊屬懈忽前福建歲荒米貴朕特旨截漕數十萬由海道轉運賑濟諭旨方頒市價立平於地方大有裨益今廣東亦宜照截漕海運朕因詳詢投誠海賊陳尙義等目今截留江南漕糧可否由海轉運廣東據稱截江南漕糧由海轉運八九日可至福建自福建八九日可抵廣東但此事關係重大非微賤所敢身任見今風勢不順斷不可轉運必至八九月後北風漸利始可轉運等語朕意於八九月後將

東華錄 康熙九十一 九

水師營戰船裝載米石運送易於到廣而兵丁亦並可熟練水務其天下地丁錢糧前已於三年內全免一周今粵地米價翔涌若將本年地丁錢糧仍行催徵則民力維艱難免輸將之苦應將本年地丁錢糧停其催徵遣趙申喬等前往廣東會同督撫將朕軫念民生至意刊示宣布以慰輿情再恩詔內有賞資綠旗兵丁一款即令趙申喬乘便動支彼處庫帑親行覈實按名逐一散給俾各需實惠爾等會同確議具奏又諭國家幅員甚大水旱豐歉勢有不齊凡遇歉收之年督撫等但據實速報則或蠲賑或停徵先期酌行於百姓乃有裨益至所奏地方官員捐俸賑濟皆虛名而已何益之有州縣為親民之官科目出身之人亦多有迂疏不能辦事者惟張鵬副任浙江巡撫時閩省錢糧七年全完馬齊任山西巡撫時亦全完七年錢糧其餘各省報數年錢糧全完者未之

有也○壬寅宴直隸各省漢大臣官員士庶人等年九十以上者三十三人八十以上者五百三十八人七十以上者一千八百二十三人六十五以上者一千八百四十六人於暢春園正門前傳諭眾老人曰今日之宴朕遣子孫宗室執爵授飲分頒食品爾等與宴時勿得起立以示朕優待老人至意又諭曰書稱文王善養老孟子云七十者非帛不暖非肉不飽帝王之治天下發政施仁未嘗不以養老尊賢為首務近來士大夫止論居官之賢否而移風易俗之實政入孝出弟之本心未暇講究朕因今日之盛典特宣此意若孝弟之念少輕而求移風易俗是其所厚者薄而其所薄者厚矣爾等皆是老者比回鄉井之間各曉諭鄰里須先孝弟儻天下皆知孝弟為重此誠移風易俗之本禮樂道德之根非淺鮮也昨日甘霖大沛田野霑足朕心大悅爾等無誤農時速回本

東華錄 康熙九十一 十

地特諭是日 上升座命扶掖八十歲以上老人至 御前親視飲酒各賜老人白金有差○諭大學士等年老諸大臣內於 世祖章皇帝時居官者惟宋犖田種玉而已今年齒老邁雖閒居林下朕睹之不禁軫恤宋犖見有尚書品級在身田種玉著給與工部尚書銜俱准給誥封宋犖田種玉著酌加宮保以示朕不忘耆舊之至意尋議宋犖加太子少師田種玉加太子少傅從之○甲辰宴八旗滿洲蒙古漢軍大臣官員護軍兵丁閒散人等年九十以上者七人八十以上者一百九十二人七十以上者一千三百九十四人六十五以上者一千十二人於暢春園正門前諸皇子出視頒賜食品宗室子孫執爵授飲 上升座命扶掖八十歲以上老人至 御前親視飲酒各賜白金有差○乙巳八旗滿洲蒙古漢軍七十歲以上婦人齊集暢春園 皇太后宮門前隨召九

十歲以上者入宮門內八十歲以上者至丹墀下七十歲以上者集宮門外大臣妻年老亦皆召至宮門內賜坐 皇太后 皇上親視頒賜茶果酒食等物其餘令諸皇子率宗室子以次頒給又賜大臣妻衣飾綵段素珠銀兩

夏四月戊申朔諭諸王貝勒大臣等朕今日傳集爾等因憶及數事朕若不言無敢言之人非朕亦無言此事者藍旗兩貝勒及碩託貝勒皆緣事問罪撤帶革去宗室 世祖皇帝時恩卹藍旗貝勒之子薩哈連碩託之子岳塞布俱給以阿思哈尼哈番之俸伊等皆係 太祖皇帝之孫至朕僅歷四世凡宗室革退者不載玉牒 太祖皇帝有十五子緣事革退者亦未經載入似此革退者若不載入玉牒久後竟無人知矣宗室有罪僇之處之自有定法非欲復翻舊案也今若不查明而差別之則日久年遠漸致湮沒

東華錄

康熙九十一

十一

所關甚大應將此等查明俱續載於玉牒內酌量給帶以示差別再覺羅等其始亦由祖分支有緣罪撤帶革退者若不查明示以差別亦必致湮沒再宗室覺羅之棄子今雖記藍檔內以宗人府定例甚嚴懼而不報亦未可定原任內大臣覺羅他達爲上駟院大臣時因子眾多將棄其妾所生之子包衣佐領鄭特聞之乞與收養他達遂與之朕知其事會下旨於內務府總管儘遇來選之時切不可將伊女混入後鄭特欲將此子遣回此子以撫養之故云甯不得帶子必不忍離撫養之父母朕念其孝給以紅帶仍留伊養母處有似此等者亦應查明再我朝從征效力大臣中莫過於鰲拜巴圖魯者伊功勞冊大內見有念伊效力之處欲襲其官但其子那摩佛所生達里善達福俱譴劣行止不端句引蘇完之人在阿哥處行走不絕朕知之至今未授官職鰲拜功勞顯著應

給世職惟達里善兄弟斷不可襲應於伊兄弟中另擇承襲之人再五大臣內蘇完扎爾虎齊公彭春之祖鄂善之祖伊等見有世職鑲藍旗順科落巴圖魯安費揚古之功勞已經裁去今阿靈阿之祖額亦都巴圖魯之功勞載於 實錄甚明見在 太廟配享

此等有功之人身後子孫緣罪干連既去其官誥命敕書亦並無存此等皆係 太祖 太宗皇帝時輔佐開勦功勳大臣因其子孫自作之罪將伊等勞苦功績所得之官革去實爲不忍朕知之甚悉五大臣及十六員扎爾虎齊內緣罪革職者應查明給與官職又襲職子孫緣罪革去者亦應查明酌議具奏○己酉賜八旗滿洲蒙古漢軍年老婦人白金有差○甲寅大學士等以左都御史趙申喬奏農忙之時京城地方亦應遵例停訟奏請旨 上曰農忙停訟之言聽之似乎有理而細究之實無裨益趙申喬總未

東華錄

康熙九十一

十二

知事之本源耳天下之民非獨農人商賈涉訟即廢生理百工涉訟即廢手藝地方官不濫准詞狀於應准者准之即行結案則不失農時訟亦少矣若但四月至七月停訟而平日濫收民詞案牘堆積冬季詞訟遲至次年五六月而後審理雖停訟何益康熙元年閒去明代不遠明之官員太監尚有存者朕聞其君常處深宮不與臣下相見而惟與宦豎相處既不讀書亦不勤政所以上下之情壅蔽不通民間疾苦竟罔聞知朕理天下五十餘年周知民隱一切訟事皆有代告說合之人暗司其事地方官於此等人應嚴加懲治孔子云聽訟吾猶人也必也使無訟乎無訟之本並不在停訟爲大臣者當先憂後樂凡事周詳籌畫實心辦理乃能利益民生趙申喬爲農忙之時應行停訟儻四月至七月數月之間或有光棍詐害良善則冤向誰訴耶且自八月以後正當收穫並

非閒時果如伊言亦不應准詞狀至於南方四月收麥福建廣東十一月種麥二月收穫五月種稻十月收穫四季皆農時也如此等處豈終歲停訟乎趙申喬居官固清但性多疑所屬州縣每疑其貪詐書云用人勿疑朱子曰疑人即是自疑今朕所用大臣朕曷嘗疑之凡督撫有才者未必有守有守者未必有才然自恃清廉每事紛更民即受其害矣讀書之人務先明理當以克己為要

東華錄

康熙九十一

三

見閱文則人心不服上科京闈鄉試雖無交通賄賂之弊而所中之卷不佳且有少年稚子傲倖入彀即題目應出各種乃得佳文今歲京闈鄉試所出七題皆係理致士子偶有一二語合主司意者遂獲登錄其同考官選文薦閱又皆揣摩主司之意場中士子未能各展其長而實學之人多被擯不錄者職是故也○諭吏部川陝總督殷秦前會因病奏請解任調理朕念殷秦清潔自持約束屬下恩威並用陝省軍民罔不感戴朕甚愛惜令在任調攝已有諭旨今病勢未能即愈總督印務雖有巡撫署理但陝西地方遼闊最屬緊要總督員缺不可久懸殷秦著解任湖廣總督鄂海屢任陝西熟諳地方兵民情性俱所深悉且才具頗優將鄂海調補川陝總督○癸亥以鄂倫特為湖廣總督由湖廣○丁卯上問戶部尚書張鵬翮曰明末時張獻忠兵到四川殺戮甚慘四川人曾有記其事之書籍否張鵬翮奏曰彼時四川人屠戮殆盡無

有記其事者 上曰李自成與張獻忠在河南鄧州分兵張獻忠送至四川其間詳細未能悉知爾父今年八十有七以張獻忠入川時計約已十七八歲必有確然見聞之處爾問明繕摺進呈又諭大學士等曰明末去今為時尚不甚遠傳聞李自成兵到京師之人即以城獻又聞李自成麾下之將李定國在西便門援城而上由此觀之仍是攻取可云獻乎此等載入史書甚有關係必得其實方善張獻忠有養子三人耳鼻皆被割去朕會見之又明代行兵多用太監管領以致敗亡爾等纂修明史其萬歷天啟崇禎年間之事應詳加參考不可忽畧○遣官祭長白山醫無閭山五嶽四瀆歷代帝王陵寢孔子闕里○賚天下綠旗兵○戊辰四川提督岳昇龍遺奏請將伊家口改入四川民籍得旨武職官員不許在任所入籍置產會有諭旨今岳昇龍奏稱伊母年逾九旬不能遠涉著照所請准其家口入籍四川○乙亥和碩顯親王衍潢等請於宗人府衙門內建 上功德碑不允○丙子追賜故陝西涼州總兵官師帝賓諡曰恪僖

東華錄

康熙九十一

四

五月戊寅刑部尚書胡承恩乞假遷葬允之○己卯大學士等奏從前奉旨收貯審擬喇嘛巴漢格隆馬星噶卜楚護衛色楞雅圖及擬斬之查案內除喇嘛巴漢格隆馬星噶卜楚護衛色楞雅圖及擬斬之拜雅爾圖俱請照原議正法又擬發遣之太監楊得志等亦請照原議發遣得旨明佳噶卜楚從寬免死著發遣白都納楊得志從寬免發遣著交與內務府總管○庚辰諭大學士等提督康泰奏稱蜀省一碗水地方聚集萬餘人開礦隨逐隨聚見在差官力行驅逐等語朕念此等偷開礦廠之徒皆係無室可居無田可耕乏產貧民每日所得錙銖以為養生之計若將此等乏產貧民盡行

禁止則伊等何以爲生果如滇省礦廠所出頗多亦可資助兵餉
此處所出無多該地方文武官員作何設法使窮民獲有微利養
贍生命但不得聚眾生事妄行不法似屬可行爾等與九卿會同
速議具奏○辛巳大學士九卿等遵旨議覆開礦一事除雲南督
撫雇本地人開礦及商人王綱明等於湖廣山西地方各雇本地
人開礦不議外他省所有之礦向未經開採者仍嚴行禁止其本
地窮民見在開採者姑免禁止地方官查明姓名記冊聽其自開
若別省之人往開及本處殷實之民有霸占者卽行重處 上曰
有礦地方初開時卽行禁止乃可若久經開採貧民勉辦資本爭
趨覓利藉爲衣食之計而忽然禁止則已聚之民毫無所得恐生
事端總之天地間自然之利當與民共之不當以無用棄之要在
地方官處置得宜不致生事耳○甲申命外官推升題補及請留
東華錄 康熙九十一 五
任者俱引見○乙酉命留京教習進士以內閣中書缺補用○盛
京刑部侍郎慕成額以老乞休允之○丙戌 上奉 皇太后避
暑塞外啟鑿○轉張廷樞爲刑部尙書以王頊齡爲工部尙書由吏部右侍郎
○以田從典爲兵部右侍郎由左副都御史遷○予故吏部尙書
吳一蜚祭葬○辛卯以湯右會爲吏部右侍郎由掌院學士遷○壬辰
上奉 皇太后駐蹕熱河○戊戌遣官分賚喀爾喀等蒙古老人
○辛丑停今年秋決○禮部奏黃巖守備管遊擊事閻福玉與海
賊交戰陣亡業已蒙恩賜卹贈參將職銜又廕子弟一人以守備
用其給與祭葬相應停止 上曰閻福玉係登州人朕會召見人
材壯健戰時爲賊所傷血流滿面謂眾曰此卽報主之處也奮勇
前入手刃十餘人力戰而亡此係與伊交戰賊人所說宜優加恩
卹以示鼓勵著給與祭葬○以郝維諤爲左副都御史由通政使遷○

乙巳調阿爾袞爲左副都御史以常泰爲內閣學士由內閣侍讀學士遷
閏五月癸丑吏部議覆內閣中書奉旨用進士出身之人嗣後滿
中書缺出應論旗分於進士內挨次擬用如無進士將舉人挨次
擬用漢中書缺出用留京教習進士其從前進士舉人候選中書
者俾其選授改歸知縣教職等項用其候選中書不由進士舉人
出身者對品改選以鑿儀衛經歷詹事府主簿等缺用從之○裁
通政使司漢左參議一詹事府漢諭德一漢中允一漢贊善一漢
錄事一鴻臚寺漢寺丞一四譯館序班三國子監滿助教四漢博
士一漢學正二行人司行人四太醫院御醫二吏目六豫授吏目
四禮部司牲官二○乙卯兵部奏就撫海賊陳尙義等應作何安
插請旨定奪 上諭大學士等先經擊獲海賊俱已發遣甯古塔
等處見經陳尙義等一百餘人又來歸誠內有熱識水性之人將
東華錄 康熙九十一 六
伊等歸併盛京金州地方著設立水師營近據山東總兵李雄奏
請裁伊標下水師營戰船十隻卽將所裁數內截留數船分往金
州看守地方巡防海洋似有神益著滿漢九卿詹事科道會同確
議具奏又諭古大臣進言於君皆云墾荒積穀節用愛民明代萬
曆年間於養心殿後窖銀二百萬兩我朝大兵至京流寇挈金而
逃因追兵甚迫棄之黃河大抵明代帑金流寇之難三分已失其
一又於達賴喇嘛處費用無算凡製造器皿等物亦繁費不貲朕
自御極以來酌量撙節不敢濫費從古無如朕之節用者大學士
等奏曰不但如此節用爲從古未有 皇上愛民蠲免天下錢糧
亦古所未有 上曰若不蠲免錢糧則民間匱乏將何所賴耶又
諭曰人之喜怒不可有偏卽今內大臣侍衛等有歷事者亦有未
歷事者未歷事之人一聞殺人之事必勃然大怒設令閱刑部奏

章豈勝其忿耶又讀書人於觀書時見有不合其意者輒生憤怒古書所載皆屬往事其善惡特為後人法戒閱之但當自加儆省耳○賜熱河老人白金○辛未諭大學士等總督額倫特殷泰皆朕特用之人初用時人不知其善迨後乃稱皇上知人之明咸以為異殷泰居官雖甚優然未免過於嚴厲人有怨之者巡撫張伯行家計饒足居官甚清日用之物一切取給於其家但於所屬官員輒心疑之自古疑人勿用人勿疑方且欲推心置腹以示人陰刻何為若於所愛者故為怒容待之於所惡者故以喜色遇之是欺人即自欺也朕之喜怒無不即令人知者惟以誠實為尚耳天下凡事難以豫防惟歷事多見理明乃隨事之來措之合理朕於朱子全書序文內曾論及之又諭部院衙門辦事皆有成例憑例而行雖稍有未當其失猶輕若無例則無可憑矣如數十事一

東華錄

康熙九十一

七

六

例者自應畫一各任意見辦事可乎爾等辦事允宜遵守成例而行
六月丁丑諭和碩誠親王允祉律呂算法諸書應行修輯今將朕所製律呂算法之書發下爾率領庶吉士何國宗等於行宮內立館修輯○辛卯戶部奏廣東米價騰貴總督趙宏燦巡撫滿丕隱匿不報應交吏部議處 上諭大學士等趙宏燦滿丕居官不善於地方之事不思效力務為隱匿是實聞奉差大人至廣東時民人懼怖焚香迎接奉差係國家大臣督撫獨非大臣乎觀此可知民情所向矣廣東米價先增至三兩一石今止需一兩六錢矣朕留意民瘼悉心採訪諸凡地方之事此處不報他處必有奏報者即如盛京之事盛京不報但問烏喇往來之人即知之矣朕前巡幸江南時豫聞江南有賊後果有一念和尚叛案總之事貴豫防

東華錄

康熙九十一

六

朕聽政年久一聞地方荒歉等事皆先為籌畫措辦以消患於未萌乃督撫等不留心豫防及至地方有事謂皇上自能辦理豈可謂之大臣乎此事俟趙申喬到時再議○禮部奏兵部侍郎宋駿業詹事府詹事史夔故應照例賜卹 上諭大學士等漢人中史夔宋大業宋駿業張志棟皆甚無恥張志棟好保舉人不顧顏面與山東人結黨宋駿業以能畫在內廷行走乃一險人專事結黨學問不及朕知而遠之姑念其內廷效力給與半葬史夔為浙江考官聲名甚劣因在河工效力故復起用其祭葬俱著停止○大學士等以原任河道總督王新命之子王績緒因曹遠芳等誣伊父為開戶之人情急叩闕一案請旨 上曰王新命乃四川生員被曹姓人擄為養子事非虛誣但王新命會為大臣待曹姓甚厚前王新命富貴時並未言及今其子孫貧困索取不遂加以訐辱未免太刻入旗如此等人甚多此案事已年久且係國家大吏爾等與九卿會議似此等者當行禁止又諭曰連日之雨朕深恐致澇大學士等奏曰 皇上殷憂為民昨下旨祈晴今即晴明洵屬奇異 上曰朕記 太祖皇帝時壬辰年澇 世祖皇帝癸巳年大澇京城內房屋傾頽明成化時癸巳年澇城內水滿民皆避居於長安門前後水至長安門復移居端門若今霖雨不止雖無妨居人而田禾豈有不損耶今日天氣晴霽朕心藉以稍慰○乙未諭大學士等朕歷觀前史凡事皆壞於隱匿明代盜賊情形俱隱匿不報迨賊已及門尚然不知也豈知旱澇之災民生疾苦乃自古所有之事奏聞何傷若果督撫凡事皆據實奏聞豫為防備雖有事亦復何害且朕臨御年久凡事有應商酌之處朕必與大臣等商酌而行惟軍機河工事朕即批示恐與不知之人商酌反致

有誤也又諭曰甘肅巡撫樂拜奏陝西省免康熙五十一年錢糧甘肅衛所應徵之米未邀恩免請一併免徵朕令樂拜度兵餉之米足與不足再行奏請及彼詳計之果不足兵餉一如朕言彼但爲己之聲名計於兵餉緊要之處乃並不計及也○甲辰諭大學士等偏沉巡撫潘宗洛行事糊塗其所屬地方雨水田禾情形至今尙未奏報爲人行止何如著問九卿又諭人聞譽言如服補藥無益身心朕在位五十餘年聞人譽詞溢於耳矣實見其無益也又諭邵康節所言陽奇陰偶之數陽數少而陰數多是以凡物皆好者少惡者多亦從善難從惡易至於滿洲漢人之性迥然不同漢人以喜怒不形於色爲尙不知存心行事貴在誠實開誠示人自服之若懷詐挾術誰肯心服耶嘗見大奸大僞之人喜怒不形於色如吳三桂噶爾丹類皆如此此等人終必敗壞耳

東華錄

康熙九十一

九

東華錄

康熙九十二

臣王先謙敬編

周澗蕃恭校

秋七月庚戌宗人府奏三等待衛尼雅罕奏伊曾祖飛揚古於太宗文皇帝時曾革退宗室祈查明增載玉牒臣等查檔案內並無宗室飛揚古之名應否載入玉牒請旨定奪得旨尼雅罕曾祖飛揚古乃太祖皇帝之子朕知之甚確但不知爲第幾子太宗皇帝時飛揚古因獲大罪正法年久之事既無檔案朕亦不便遽定其尼雅罕著給以紅帶並伊祖父之名入黃檔內載入玉牒記載時即將此情由錄明於後○王子宗人府奏臣等遵奉諭旨將革退之宗室覺羅等子孫分別給紅紫帶續載玉牒查革退宗室內除原任和碩睿親王多爾袞無嗣無庸議外其原任貝勒莽古爾泰德格類和碩英親王阿濟格貝勒碩託鎮國公艾都立貝勒拜音圖貝子鞏阿岱西罕濟麻護多羅郡王阿達禮和碩莊親王舒爾哈齊等子孫共二百一十六人俱應給以紅帶記黃檔內纂修玉牒時一併載入又宗室阿爾通阿之子孫四人見入覺羅紅檔無庸另議應將阿爾通阿之名補入黃檔內增載玉牒其覺羅勒爾森昂阿拉吳丹等之子孫共二十九人俱應給以紫帶記紅檔內一俟纂修玉牒時一併載入又定例覺羅等所生之子設稽查幼子之員咨送宗人府惟宗室等所生之子各從本家咨送恐有遺漏嗣後請照覺羅例增設稽查幼子之員將宗室等所生幼子徧查咨送免致遺漏得旨依議此等宗室覺羅等載入玉牒黃檔時亦照尼雅罕例各書於後○乙卯諭大學士等部院官員內能辦事者有之但尙多疏畧之處朕當繁劇時日閱二百餘本

會無一字疏畧今閱二三十本更覺寬裕矣昔年少時步行四五十里今雖年高尚可步行十餘里可知凡事皆在留心歷練耳又諭朕於算法律呂等書探究本源今已明晰如黃鍾為最要凡數學以及斗斛尺度無不繫乎其中也○大學士九卿等遵旨覆奏偏沅巡撫潘宗洛行事糊塗材畧平常不稱厥任 上曰此事俟回鑾時再奏○庚申四川茂州及平番營地震賑之○辛酉諭大學士等朕十三歲親政時有援引恩詔誤赦一人者曾以此事問原任大學士李蔚李蔚奏云業已誤矣聽之便朕諭曰有人可聽其誤若殺人亦聽其誤可乎李蔚不勝懼悚奏云皇上此諭誠可昭垂萬世又輔政大臣共理政事時紅本已發科鈔有取回改批者馮溥為給事中奏云凡一切本章既批紅發鈔不便更改輔政大臣等欲罪馮溥朕以馮溥所言亦是因嘉獎之並諭輔政大臣東華錄 康熙九十二年 二

等此後當益加詳慎批發且昔聽政時每令讀本朕與輔政大臣共聽之或因一時言論往往忽畧朕諭伊等此內有關係民命者尤不可不慎伊等皆經行間效力不以殺人為意朕必慎焉但懲惡所以勸善亦有不可寬宥之處聖人法內有仁惟仁者能好人能惡人朕於此尤加詳審從無少忽也○乙丑予故原任四川提督岳昇龍祭葬○丙寅 上行圍發熱河

八月丁丑先是鄂爾多斯王松阿喇布奏請於察罕託灰之地暫行遊牧遣尙書穆和倫等往勘定以黃河西河之間柳墩等四臺為界並設理事官二員稽察遊牧蒙古禁止生事甯夏總兵官范時捷奏言察罕託灰係版圖內地今蒙古遊牧多致越界行走與甯夏居民蒙混樵採實屬不便請以黃河為界停止蒙古遊牧則民生有益即地方亦易防守 上諭理藩院曰前松阿喇布以察

罕託灰水草佳茂懇請暫行遊牧並未令永遠遊牧之旨此事著爾衙門員外郎莫禮布前往查明具奏至是莫禮布回京奏稱鄂爾多斯蒙古見在遊牧漸至賀蘭山下與原定之界實係踰越奏入下九卿會議一議察罕託灰本屬版圖內地因前遣尙書穆和倫等勘定以柳墩等四臺為界故將察罕託灰許令遊牧今蒙古等越界行走應行文地方官即查明越界蒙古逐出柳墩等四臺之外其察罕託灰遊牧之處應否照穆和倫等原議請旨定奪又兵部尙書殷特布等一議黃河西河之間草木極盛甯夏居民藉以樵採若令蒙古遊牧與居民混雜行走洵屬未便又察罕託灰與甯夏相近既許蒙古遊牧則地方汛防不無艱難之處應如范時捷所請改定黃河為界於民生地方均有裨益得旨從前原以黃河為界著照後議行○辛卯戶部議准御史李景迪奏京師東華錄 康熙九十二年 三

五城地方設立司坊官共十五員所居房屋各極宏敞每年租價約合計之幾至千有餘兩司坊官私派總甲總甲私派居民甚至供輸不給有追呼紛擾之弊請敕裁革嗣後司坊官等所居房屋皆令捐俸自租不得私派累民從之○庚子以雲南布政使李華之為太僕寺卿○是月免福建侯官縣水災額賦

九月己酉 上駐蹕博洛和屯賜來朝外藩冠服銀幣鞍馬及隨圍蒙古官兵銀幣○庚戌以李濤為左副都御史由宗人府府丞遷○辛亥 上還駐熱河○丁巳 上奉 皇太后自熱河回鑾○甲子 上奉 皇太后還京師○丁卯 上問尙書張鵬翮曰四川巡撫年羹堯居官何如張鵬翮奏曰聞年羹堯在地方實心理事上又問曰操守如何張鵬翮奏曰臣於本籍來京之人概不接見知之不確 上又問曰爾前往浙江審事巡撫王度昭居官如何

張鵬翮奏曰王度昭於地方事尙能留心 上諭九卿等曰王度昭初莅浙江時聲名甚佳後因保題屬員聲名頓減天下督撫內惟額倫特張伯行操守最優劉蔭樞亦佳爾等俱爲大臣天下督撫之賢否貪廉俱應平時留心細訪以備顧問秉公陳奏雖門生故舊不少徇庇庶督撫等皆知畏懼而勉勵矣乃往往朕有所諮詢或謂未經同署辦事或自謂平日不接見人知之不確以此推辭殊爲非理爾等知福建布政使李發甲居官如何大學士等奏曰李發甲居官聲名好 上曰潘宗洛任湖南巡撫後不及爲翰林時著革退福建布政使李發甲著升補湖南巡撫○庚午論大學士李光地朱子全書四書註解刊刻告竣可速頒行又論孟子云排淮泗而注之江朱子謂淮水不入江古今水道不同當時淮水或有入江之迹後湮塞亦未可知李光地奏云 皇上此論誠

東華錄

康熙九十二

四

發千古所未發也 上曰爾傳論九卿有明於性理實學之人令其各舉所知○辛未以江南漕米十萬石分運廣東福建平糶○甲戌大學士等以科道內升外轉請旨 上曰言路不可不開亦不可太雜明朝國事全爲言官所壞今之進言者輒云某爲上所喜某爲上所惡每揣摩朕意私心窺伺以圖迎合朕並無所愛憎之人其居官善者則愛之不善者則憎之耳卽如噶禮居官如此不善不但無一人劾奏反有從而舉之者後噶禮與張伯行互參差往審事滿漢大臣謂朕意有偏向故審理俱不公平朕亦不露意旨直至議定奏聞方向九卿明諭於是眾乃知朕無偏向之意大凡人臣事君之道公爾忘私乃爲正理且性理諸書中亦不過辨別公私二字事君者果能以公勝私於治天下何難若挾其私心則天下必不能治今科道於內外官亦有明知其不善者或其

人有所倚仗或其人素有聲勢不可搖動遂莫敢參劾亦由學淺膽小故爾爲清官者惟潔己不要錢猶是易事若論公爾忘私誠爲難得科道官員內朕無深知者今條奏亦稀將伊等照例按次升轉可也○定錦州水師營經制○先是隨從二阿哥允礽之得麟爲人狂妄奉旨鎖禁在家因伊父阿哈占補授 福陵關防時奏請將得麟帶往奉天既而得麟之叔佛保奏得麟怙惡不悛請交奉天將軍正法 上命交伊父阿哈占將得麟處死伊父阿哈占及伊子白通詭稱得麟自縊身死潛蹤逃匿 上察知其詐遣刑部員外郎納齊哈等至山東膠州拏獲得麟付法司會勘至是刑部等衙門覆奏得麟係屢犯重罪奉旨處死之人乃擅行悖旨假死逃匿情罪可惡應照大逆律將得麟凌遲處死其父阿哈占雖已身故應開棺戮屍得麟之子白通擬絞監候其逃匿地方文

東華錄

康熙九十二

五

武官失於覺察應行令該撫查參議處從之○是月免浙江臨海等七縣衛旱災廣東三水等五縣水災額賦有差 冬十月乙亥朔以段志熙爲浙江布政使由雲南按察使遷○丙子戶部議覆原任偏沅巡撫潘宗洛奏請墾荒展限應行文接任巡撫查明詳議 上曰凡督撫條陳地方事務應據實陳奏潘宗洛奏湖南荒田五百餘頃今天下戶口甚繁地無棄土湖南安得有如許未墾之田著差戶部司官一員會同湖廣總督額倫特就潘宗洛奏疏內所有州縣查勘詳明具奏又諭湖廣陝西人多地少故百姓皆往四川開墾聞陝西入川之人各自耕種安分營生湖廣入川之人每每與四川人爭訟所以四川人深怨湖廣之人或有田地開墾至三年後躲避納糧而又他往者今四川之荒田開墾甚多果按田起課則四川省一年內可得錢糧三十餘萬朕國用已

足不肯加徵且先年人少田多一畝之田其值銀不過數錢今因人多價貴一畝之值竟至數兩不得即如京師近地民舍市廛日以增多畧無空隙今歲不特田禾大收即芝麻棉花皆得收穫如此豐年而米粟尚貴皆由人多地少故耳朕巡幸時見直隸自苑家口以下向年永定河衝決之處今百姓皆築舍居住斥鹵變為膏腴不下數十百頃皆未嘗令起稅也又江南黃河隄岸至所隔遙隄有二三里者亦有六七丈者其空地先皆植柳以備河工取用今彼處百姓盡行耕種亦並未令起課昔河泛漲時水常灌入遙隄不得耕種自清水暢流以來河底刷深水必長至二丈方能及岸遙隄以內皆成沃壤矣大凡濁水與清水合流方可無壅決之患如直隸永定河一交冬令乃漸涸或有壅沙高出河身及夏秋水發不由故道而行遂至潰散淹沒田廬朕詳度河工情形東華錄 康熙九十二年 六

引莽牛河之清水入於永定河春冬之時雖水小不能行舟而仗此引流故道不至壅淤及水發時清水合流水力甚大故河底刷深無衝決之患矣又去年趙申喬條奏黃河近邊被衝田畝請查明數目蠲免錢糧不知黃河東岸刷則西岸之田出西岸刷則東岸之田出被衝之田應免錢糧則新出之田不應取錢糧乎今年浙江提督吳郡陛見時朕諭吳郡云聞浙江海中漁船甚多其船進海口時防汛官兵橫索錢財方能入口中有不聊生之窮人不得入海口遂為海賊觀此則海賊即內地漁人乃官兵迫而驅之海中為賊者也朕下此諭旨特欲使提鎮等知朕於各省事無不洞悉也今遣官勘驗湖南荒田亦此意耳總之督撫不可侵部院之權部院亦不宜刻求督撫之非凡事宜用中不可一偏也○轉張鵬翮為吏部尚書以趙申喬為戶部尚書劉謙為左都御史

部右侍 郎選 ○丁丑以沙木哈為福建布政使由四川按察使遷 年希堯為廣西按察使由直隸大 ○庚辰諭大學士等御史周祚顯條奏百姓保留地方官員督撫代為奏請應行禁止其言甚是頃口外青城地方有二百餘人叩闕保留察州知府朕未准行後又至熱河叩闕止五六百人朕疑之因令拏審果係見居口外之山東民人為知府家人雇覓指使而來耳凡有百姓糾黨保留地方官者若准留任則官必為民挾制實非美事且令民不畏官官不畏其上司關繫匪輕故宜留意清官或倚仗廉潔不畏上司而貪官被參之後亦謂我不能迎合上司所以被參學為清官之語自飾朱子畏大人註云大人理所當畏國家有上下貴賤之體雖清官可不畏上司乎○禁八旗舊有養子其子孫互相勒詐誣告者○先是御史董宏彪保舉山西冀甯道彭騰翮 上命大學士等傳問九卿東華錄 康熙九十二年 七

至是九卿覆奏彭騰翮聲名不佳 上曰朕知彭騰翮向來奉職不善九卿因朕問及不得已乃行舉出天下官員甚多朕不能盡識雖識之亦不能確知其為人然後問於九卿九卿宜一意秉公據實舉奏今觀九卿大臣率多苟且謂何必與人為仇不肯直言人臣居官一日則當盡一日之職若互徇情面不實心辦事事何由而得理殊非臣道所宜然也且科道者耳目之官九卿保舉不公即當糾參又科道有互參之例今伊等惟有所倚恃始行題參耳董宏彪彭騰翮俱著革職○癸未以荆山為禮部右侍郎由大 等遵例以試卷十本進呈 上閱至第二卷曰此卷必係南省人命拆視之果然 上一閱畢諭大學士等曰爾等大臣多係進士出身深知文字況文章書法各有所習一覽可知朕適閱第二

卷未及拆封早知為南省人昭然不爽聞來京應試之人將伊等所作文字各處投送其應開考試官悉令過目以博己之聲名以求人之採取爾等場中閱卷當一秉虛公畧無私意始稱厥職至五經四書俱係聖賢之言考試出題專意冠冕者則題目漸少士子易於揣摩甚有將不出題之書刪而不讀尚得言學問乎經書內有不可出之題試官自然不出其餘可出題之處須以各種題目試之則懷才實學之士自無遺棄矣○丙戌賜王敬銘等一百四十三名進士及第出身有差○丁亥以呂履恒為左副都御史

東華錄

康熙九十二

八

口不能辨錢糧也朕心惟以百姓為重蠲免之事不可遲延○諭大學士等翰林官員內多有不識字義不能作詩文者此皆教習不勤之故比年以來武英殿行走之人鄉會試中式甚多蓋以在武英殿行走每日不釋卷耳此後凡修書校書處著並派庶吉士又諭道學者聖賢相傳之理讀書人固當加意然詩文亦不可廢或有務取道學之名不留心於詩文者此皆欺人耳○庚子以劉曾為雲南按察使由驛鹽道遷王沛檀為四川按察使由建昌道遷○辛丑以拉都渾為理藩院右侍郎由內閣侍讀學士遷○癸卯諭大學士等朕覽朝鮮人所作文章佳者甚少彼所用者皆中國方域之名即如稱道路之至險者或井陘或棧道見今疏治悉成坦途何險之有彼但據舊時書籍所記未經身歷宜其不能工也朝鮮國王甚恭順知禮即我朝所遣使臣亦皆守分一切餽遺未嘗需索明代遺一

使至彼國費用動至數萬此尚可為撫遠之道乎○諭翰林官關繫緊要必讀書立品方稱厥職今翰林官甚多朕皆不識自講讀學士以下編檢以上滿洲漢軍由進士選入翰林者其中或有不修行檢日事飲博於詩文書法全不究心又或督學典試分校聲名不好者爾等會同九卿詳察舉出即行黜退各省皆有翰林九卿豈無聞見毋容徇隱其見散館庶吉士及教習進士內有此等人亦舉出革退

十一月乙巳朔 世祖章皇帝淑惠妃薨輟朝三日○己酉諭戶部朕勤求民瘼無間遠邇雖在邊徼偶有旱澇災傷無不訪察情形殫思賑救今直省俱獲收成惟廣東福建甘肅共有二十一州縣衛夏秋被收雖各省地丁錢糧新經全免然一方災歉悉廩朕心艱食之際重以追呼朕所不忍其被災各縣衛明年稅糧盡予

東華錄

康熙九十二

九

豁免俾民間無催徵之累肆力東作用稱朕撫恤災黎至意○癸丑諭大學士等近見直隸各省考取武進士額數或一省偏多或一省偏少皆因不知其弓馬武藝止憑文章取中以致騎射嫻熟諳習韜畧之人多有遺漏嗣後考取武進士不必拘定額數俟天下會試武舉齊集京師令該部將各省赴試到部武舉照例考試弓馬將合式武舉實數查明豫行奏聞朕計省之大小人之多寡照考取文進士例按省酌定取中武進士額數考取時就本省卷內擇進佳者照所定數取中如此則學習武藝弓馬優長者不致遺漏矣○甲寅諭大學士等文武考試雖曰兩途俱係選拔人才而習文之內亦有學習武畧善於騎射者習武之內亦有通曉制義學問優長者如或拘於成例以文武兩途不令通融應試則不能各展所長必致遺漏真才嗣後文章生員舉人內有情願改

就武場考試者武童生員舉人內有情願改就文場考試者應各聽其考試如此則各得展其所學文武兩途皆得真才矣著九卿詹事科道議奏○丙辰賜宋如柏等九十六人武進士及第出身有差○丁巳 上謁 陵啟鑾○調常泰為左副都御史由內閣學士○己未先是 上諭宗人府從前 淑惠妃發引朕之諸子俱步行恭送聞公普照等在後乘馬而行隨從之人皆曾共觀年老大臣內或因殘疾乘騎者有之普照等係年少之人如是僭妄爾衙門不行查參恐滋流弊爾等應將是日乘馬往送之人確查舉奏至是宗人府奏臣等查從前 淑惠妃發引時公普照貝子蘇努公星海登色額爾圖吞珠門度賴士等俱各乘馬往送甚屬不合請將伊等嚴加議處得旨普照星海著革職禁錮宗人府另擇襲封之人承襲其蘇努等六人皆已年邁著從寬免議○壬戌以東華錄

徐元夢為內閣學士由內閣學士遷○癸亥 上謁 暫安奉殿 孝陵至 仁孝皇后 孝昭皇后 孝懿皇后陵奠酒○子故原任吏部尚書宋榮祭葬○己巳四川陝西總督鄂海奏蜀省建昌至東川一帶盡係深山世居苗人今有苗目阿木咱率眾投誠共計三千一百二十五戶下所司知之○壬申 皇子允祁生

十二月己卯以赫奕為工部尚書由內務府總管遷 舒蘭為工部右侍郎巴濟納為內閣學士由大理寺卿遷○子故左副都御史郝惟諤祭葬○甲申 上駐蹕熱河○丁亥以鄂齊珥為內閣學士由內閣學士遷○辛卯禮部等衙門遵旨議覆文武生員舉人有願改考者准其改考 上曰改考實係佳事但恐武生記文數篇希圖僥倖者多學臣於文生員公取者或有之至武生全無公道矣此弊朕皆知之嗣後由武考文不中者若再令考試則弊生矣應許改考一次其

不中者應著停止○刑部尚書哈山侍郎王企培緣事革職○壬辰 上還京師○癸巳免甘肅會甯等四縣衛旱災額賦發粟賑之○甲午以劉榮為四川布政使由江西按察使遷 許兆麟為四川按察使由山東○轉舒蘭為工部左侍郎以常泰為工部右侍郎由左副都御史以巴濟納為盛京禮部侍郎由內閣學士遷李濤為刑部右侍郎由左副都御史○湖南巡撫李發甲丁母憂命回籍守制○追給巴圖魯額亦都一等精奇尼哈番世職以其孫尹德襲順科洛巴圖魯安費揚古三等阿達哈哈番世職以其曾孫明泰襲巴圖魯安等阿思哈尼哈番世職以其親弟之孫蘇褐襲○是月免福建甯海等三縣旱災額賦有差○是歲朝鮮琉球來貢○人丁戶口二千三百五十八萬七千二百二十四又永不加賦滋生人丁六萬四百五十五田地山蕩畦地六百九十三萬八千八百八十九頃六十九畝有奇徵銀二千一百八萬九千六百五十八兩五錢有奇米豆麥六百九十二萬五千七百七十五石有奇草四百八十七萬八千六百八十五束茶二十三萬九千五百三十六引徵課銀三百七十三萬九千九百五十六兩有奇鑄錢三萬七千五百六十二萬九千八百有奇

東華錄

一第 270 冊 續修四庫全書 第 16 版 正內

臣王先謙敬編

臣周瀚蕃恭校

康熙五十三年甲午春正月己未九卿議覆大學士等奏

皇上以天地生成之心為心每遇讞奏命案再三審詳曲加矜恤五十

餘年開仁恩寬宥者不可勝計是以太和洋溢祥瑞疊見今歲在

甲午乃皇上聖誕本命之年請以康熙五十三年立決重案緩

至五十四年行決軍流以下人犯除情由可惡外平常罪犯酌其

輕重量子減等等語應如所請今年重罪人犯停其正法暫行監

禁其平常罪犯酌量減等完結得旨此事關繫甚大所犯輕罪猶

可犯十大惡兇亂之人情實即宜正法又各省州縣拏獲強盜仍

有越獄逃脫者此等兇徒豈可監禁又待一年乎著再議具奏○

東華錄 康熙九十三年

命重修各壇 廟宮殿樂器○癸亥戶部奏禁用小錢限期已滿

見今大錢不敷用度請將小錢再展限三年與大錢兼用 上曰

爾等所見甚善自古錢法未有如本朝流行之廣者如宋時錢至

元末尚有元時錢至明末尚有惟本朝不但順治錢於今已少即

康熙初年之錢亦少前者湖廣總督額倫特來奏湖廣一省小錢

甚多若將大錢二百萬貫運去收買小錢則小錢可盡矣朕諭爾

但知一省之事未知天下之事以二百萬貫錢運至湖廣能保途

間無不測之事乎伊愕然奏稱上諭甚是臣實意料不及總之錢

法以期便民若不計便民而但期法之必行嚴加禁止亦有何益

凡事必酌量權變不失其宜方有濟耳○甲子文華殿大學士溫

達以年老乞休溫旨慰諭以原官致任○以賴都為刑部尚書○

以李錫為偏沅巡撫○戊辰 上巡幸畿甸啟鑾

二月甲戌九卿等遵旨議覆凡一應立決人犯俱係情罪重大之

人不便停決秋後處決人犯去歲朝審秋審暫停一年係奉特旨

軍流人犯雖係輕罪應否減等洪恩出自 皇上將大學士等所

奏之處毋庸議得旨今年秋審著停止情有可矜疑人犯著照常

審理具奏見審人犯內罪不至死者亦著減等發落○辛巳刑部

議覆江蘇巡撫張伯行奏江南鄉試副考官趙晉自縊身死一案

審無受賄情弊但不嚴行看守令重犯得以縊死應將揚州府知

府趙宏煜等分別議處具奏得旨各官自當議罪趙晉果否身死

之處著交巡撫張伯行徹底查明具奏○乙酉 上還京師○諭

大學士掌院學士等近見翰林等官告假者甚多三分中已去其

二又庶吉士等正當學習時遽回本籍至三年考試將近又來考

試似此任意告假焉得學習此後除丁憂終養外凡翰林庶吉士

東華錄 康熙九十三年

告假者應照致仕知縣例不准補用又見在教習進士內有告假

者亦應照此例行再科道官員職任甚重亦有任意告假回籍者

爾等會同九卿一併議奏尋議翰林院修撰編修檢討庶吉士教

習進士並科道官員有告病回籍者悉令休致從之○兵部議覆

四川陝西總督鄂海奏洮岷邊外大山內居住生番傾心歸順著

洮州土司楊如松管轄應如所請又請給楊如松印信應不准行

得旨楊如松管轄土司甚多新投順番人又令伊兼管非給予印

信何以管轄著俱照該督所請行○丙申以早命禮部祈雨詔廷

臣言事○庚子子故原任兵部尚書范承勳祭葬

三月乙巳賑甘肅所屬災給牛種流移者所在送還○癸丑差往

甘肅工部右侍郎常泰大理寺少卿陳汝成請訓 上諭朕曾至

甯夏其地方有似蒙古所種惟有青稞遇歲不收民即流散爾等

到彼應與總督鄂海巡撫樂拜計議教百姓牧養牛羊蓋甘肅地方不比直隸山東與蒙古同宜畜牛羊雖遇荒歲食乳亦可度日又地產肉菘蓉天門冬煮食之味似山藥又一種沙米亦可食被災諸處爾等親身往勘會同督撫酌議以聞○丁巳原任戶部尚書王鴻緒進所撰明史列傳二百八十卷命交明史館

夏四月癸酉諭吏部教官有教養士子之責員缺甚屬緊要嗣後掣選教官者應取至京師令大臣面試方可補授補授州同人內不堪者甚多亦應取至京師令九卿面試補用出身有不明者著革退○諭和碩親王允祉等古厯規模甚好但其數目歲久不合今修厯書宜依古之規模用今之數目為善○乙亥諭禮部朕惟治天下以人心風俗為本欲正人心厚風俗必崇尚經學而嚴絕非聖之書此不易之理也近見坊間多賣小說淫辭荒唐俚鄙殊東華錄 康熙九十三 三

非正理不但誘惑愚民即縉紳士子未免遊目而蠱心焉所關於風俗者非細應即通行嚴禁其書作何銷毀市賣者作何問罪著九卿詹事科道會議具奏尋議凡坊肆市賣一應小說淫辭在內交與八旗都統都察院順天府在外交與督撫轉行所屬文武官弁嚴查禁絕將板與書一併盡行銷毀如仍行造作刻印者係官革職軍民杖一百流三千里市賣者杖一百徒三年該管官不行查出者初次罰俸六箇月二次罰俸一年三次降一級調用從之○戶部左侍郎塔進泰以老病乞休允之○丁亥諭大學士等昔人有言正朝廷以正百官正百官以正萬民舉賢退不肖正百官也二者不可偏廢如但舉賢而不退不肖則賢者知所勉而不肖者不知所懲終非勸眾之道惟黜退不肖之員則眾人方知所戒俱勉為好官矣○庚寅刑部奏原任江南江西總督噶禮之母叩

閨內稱我親生子噶禮令廚下人下毒藥欲將我藥死此等兇惡皆係我少子色爾奇與噶禮之子干都合謀而行又噶禮以昌泰之子干太認為己子令妻私自撫養我丈夫普善在日將噶禮之妻並干太逐出昌泰聚集親戚拆毀我房屋幾至毆打又噶禮家巨富將妻子及親密人等俱住河西務不知何意噶禮奸詐兇惡已極請正典刑等語審據噶禮及噶禮之弟色爾奇子干都並首服噶禮身為大臣任意貪婪又謀殺親母不忠不孝已極應凌遲處死妻論絞弟色爾奇子干都立斬昌泰之子干太發黑龍江當苦差家產並入官得旨噶禮著自盡其妻亦令從死色爾奇干都俱改應斬監候秋後處決餘依議○辛卯 上奉 皇太后避暑塞外啟鑾○壬辰宗人府奏輔國公賴士不安靜守分令伊太監李壽串同內太監在各處探聽信息布散流言行事甚屬不端應東華錄 康熙九十三 四

將賴士公爵革退監禁撤去所屬佐領人員得旨賴士著革退監禁其公爵與應襲之人承襲所撤屬下佐領人員給與承襲公爵之人○己亥禮部等衙門議准署理偏沅巡撫布政使阿琳奏辰州府屬乾州鎮溪所雖處邊隅近蒙 皇上德教覃敷苗人向化比年以來民知向學請設立學校建於乾州自康熙五十四年為始歲科取文武生員各八名以瀘溪縣訓導就近兼攝從之五月辛丑朔 上駐蹕熱河○己酉以敦禱為內閣學士由內閣遷○辛酉子故左副都御史阿爾筏祭○甲子江蘇巡撫張伯行奏參布政使牟欽元將上海縣奸棍張元隆之兄張令濤潛匿署中似此豪棍抗官布政使不行緝解反為容納誠恐有誤地方不得不據實糾參得旨牟欽元著暫革職該督察審具奏六月乙亥諭領侍衛內大臣等朕想拉藏汗一子前往策妄阿喇

布坦處娶親一子在青海地方駐紮在策妄阿喇布坦處娶親之子策妄阿喇布坦若託辭愛塔爾留住數年不令之歸再如駐紮青海之子朕復憐愛留住伊處總無人矣豈不孤危况拉藏汗年近六十自當爲其身計伊之人少土伯特人甚多而又秉性兇惡可保常無事乎拉藏汗將兇惡第巴殺死朕加褒獎封爲扶教恭順汗伊真傾心內嚮不但朕知之即彼處人亦皆知之但厄魯特秉性猜疑又甚疏忽儻或事出不測朕雖憐伊伊雖倚朕此間地方甚遠相隔萬里救之不及事後徒貽悔耳即朕亦無法也朕此想甚屬遠大伊亦係曉事之人若不深謀防範斷乎不可朕爲拉藏汗時常留意也○丙子先是原任戶部尚書希福納叩關告伊家人長命兒等夥同惡棍桑格等訛詐伊家財物又強勒放出家人等款 上命領侍衛內大臣侯巴渾德同內務府總管查奏尋奏

東華錄

康熙九十三

五

干涉外事往來希福納之家殊屬兇惡亦應照爲從例擬絞監候秋後處決其明圖等與希福納質對並無訛詐實迹俱無庸議虎兒首告希福納侵盜庫銀一案查審情實應將希福納擬斬監候秋後處決其侵盜庫銀九萬七千兩應照數追取入官至希福納擅將庫銀私自入己前任戶部郎中今山西布政使查林布等隱匿不首俱應革職得旨希福納著從寬免死長命兒對秦二小子愷七禮俱著改爲秋後處斬桑格存住趙六李進忠鄧珍楊茂生王國柱陶國泰曹貴德陶進孝蘇國用俱著擬絞監候秋後處決查林布等俱著革職餘依議○諭大學士等太監等不可假以威權事發即殺之朕御極之年去明代不過二十年萬曆時太監以及官員朕俱曾任使伊等向朕奏明末時事謂流賊自南而來將兵盡發往保定後流賊從居庸關入跳越京師南關攻城城內無

東華錄

康熙九十三

六

希福納告誡親王允祉屬下人明圖屠巴海貝子允禔屬下人常有太監李進忠敦郡王允祜屬下太監鄧珍楊茂生貝子允禔屬下人雅代達爾布七十鄂羅皇十五子允禩屬下太監陶國泰王國柱皇十六子允祿屬下太監曹貴德陶進孝衣裳庫太監蘇國用等訛詐之處並無證據應無庸議其家人長命兒等因希福納居官貪婪希圖訛詐是實應交刑部審理再希福納叩關後伊家人虎兒首告希福納侵盜庫銀應將希福納並虎兒交刑部審理得旨依議案內太監等指稱小阿哥妄行甚屬可惡不可不嚴加審訊爾等仍會同刑部嚴行審理具奏至是奏長命兒等夥同桑格等訛詐希福納得銀一千餘兩應將長命兒對秦二小子愷七禮俱照惡棍爲首例擬斬立決桑格存住趙六照爲從例擬絞監候秋後處決太監李進忠等逐一夾訊雖訛詐皆虛而身爲太監

時朕由橫城坐船計二十一日至湖灘河朔已將馬匹發往陸路
此二十一日率兵步行圍獵打魚而回又諭曰朕自幼讀書聽政
已久治國之道莫要於寬舒今天下承平無事凡屬老幼無不歡
欣鼓舞以為得生斯世皆有福之人也又諭曰條奏官員每以墾
田積穀為言伊等俱不識時務今人民蕃庶食畝田寡山地盡行
耕種此外更有何應墾之田為積穀之計耶○己卯以綽奇為甘
肅巡撫由戶部右○壬午始推呼努呼河水稅○江蘇巡撫張伯
行奏臣查江南鄉試副考官趙晉進監後揚州府知府趙宏煜一
任典史金鎬縱容及報趙晉自縊又草率取供不親自相驗委高
郵州知州李之檀驗報屍圖與趙晉狀貌不符眾供互異據此趙
宏煜故行疏縱情弊顯然江都縣知縣王銑等既已疏玩於先復
不能確查於後不惟趙晉生死難明並在監與否亦不敢定請將

東華錄

康熙九十三

七

揚州府知府趙宏煜等革職一併嚴審得旨趙宏煜李之檀王銑
等俱著革職該撫嚴審定擬具奏○癸未以炎暑免從臣晚朝○
諭刑部寬恤獄囚○丙戌諭領侍衛內大臣等天氣甚熱貿易人
等多夜行者伊等但知為利不顧其身朕甚念之嗣後有緊要事
方許夜行朕視商民皆如赤子無論事之鉅細俱當代為熟籌也
至於一應隨行官員兵丁執事人等如有公事不必過亟緩緩前
行將此交與兵部自喀喇和屯以至口上俱徧張告示並於各該
管處通行曉諭○辛卯以呂猶龍為湖北布政使由浙江按李世
仁為江蘇布政使由貴州按

東華錄

康熙九十四

臣王先謙敬編

臣周瀚蕃恭校

秋七月辛亥諭大學士九卿等朕聽政年久深悉民生利弊頃聞
江南曠旱江浙米價亦昂山東河南田麥歉收交冬米必騰貴彼
時即急料理亦不能及朕詳細思維可截漕糧三十萬石分貯江
甯蘇州淮安揚州杭州開封諸府以備平糶○戊午刑部議覆江
蘇巡撫張伯行奏秋審大典臣應與督臣赴常州府會審但臣所
屬地方近海蘇松一帶五方雜處最易藏奸前有上海奸民張元
隆通賄肆行經臣特疏奏聞近又有奸民張令濤潛匿江蘇布政
使牟欽元署內屢提不出臣恐蘇州地方不無可慮請俟新任提
督穆廷斌到松後臣再往常州與督臣會審應不准行得旨張伯
東華錄

東華錄

康熙九十四

一

行居官清潔素所聞知清則眾心無有不服縱有一二匪類小人
國法具在蘇州府有何可慮張伯行疑惑恐懼殊為過甚這所奏
不准行著仍照舊例速赴常州府會審○己未諭大學士等朕理
事年久洞悉錢法錢價隨時不同銅價貴即毀小錢作銅賣銅價
賤即盜鑄小錢用小錢則私鑄之人有利用大錢則私鑄之人無
利然小錢又不可禁今大小錢兼用於民甚便錢法流行莫如我
朝南至雲南貴州北至蒙古皆用制錢從古所未有也治天下當
寬裕仁慈以因人性不可拂逆即如滿洲蒙古各方之人飲食日
用其性各殊必欲一之亦斷不可行也問學士關係曰爾曾居蒙
古一年用漢人之道可治蒙古否關係奏曰不可 上曰拂人之
性使之更改斷乎不可譬如陝西江南百姓令其易地而居則不
但彼處田土此不能耕此處器械彼不能用即水土亦多不服惟

天賦忠孝之性無有異同卽窮荒僻壤亦有至忠至孝之人不可
以地論也○辛酉以甘國璧爲山東布政使由浙江按察使遷楊宗仁爲
浙江按察使由陝西道遷○丙寅諭大學士等拉藏汗奏請打箭鑪
地方朕思打箭鑪原係本朝地方我朝之人實處其地於拉藏汗
大有裨益我朝之人若行撤回則茶市亦停大無益於伊等如必
要此地著伊親來與我諸王大臣等會議如此議行則伊斷不來
矣○是月免河南鄭州祥符等二十六州縣旱災額賦有差
八月庚午朔以祖業宏爲江蘇按察使由浙江金甌道遷○癸酉子故甘
肅巡撫樂拜祭葬○乙亥上行圍發熱河○己卯移甘肅慶陽
府捕盜同知駐靖遠衛與衛守備協同理事其慶陽捕務歸知府
兼管○辛巳都察院奏兩淮鹽差將原任管理江甯織造事通政
使曹寅之子曹容職名開列具奏得旨兩淮鹽課先欠一百八十
東華錄 康熙九十四 二

餘萬兩自將李陳常補授運使所欠銀兩俱已清完李陳常實能
效力鹽務將伊授爲御史巡視兩淮鹽課一年李陳常原係九卿
保舉之員此運使員缺著九卿必如李陳常之人揀選保舉具奏
○是月免浙江建德嚴州等五縣所水災額賦有差
九月庚戌戶部議覆湖廣總督額倫特奏臣奉命同戶部郎中瓦
渾泰查勘湖南荒田一案實在各州縣荒蕪田地四萬六千一百
頃有奇各屬士民無不踴躍爭先願爲開墾懇於六年後仍照下
則升科從之○壬子 上還熱河○乙卯賜來朝外藩銀幣鞍馬
及隨圍蒙古官兵銀布○戊午 上奉 皇太后自熱河回鑾○
乙丑罷臨清關監督命巡撫兼理之○丙寅 上奉 皇太后還
京師○是月免浙江山陰江南蒙城等六縣被災額賦有差
冬十月己巳朔諭和碩誠親王允祉等北極高度黃赤距度於麻
法最爲緊要著於澹甯居後每日測量尋奏測得暢春園北極高
三十九度五十九分三十秒比京城觀象臺高四分三十秒黃赤
距度比京城高二十三度二十九分三十秒報聞○刑部議覆江
南江西總督赫壽奏江蘇巡撫張伯行參布政使牟欽元藏匿海
賊黨羽張令濤一案查上海縣民顧協一因贖房控告張令濤與
賊合夥及審問顧協一並無證據又按查牟欽元署內亦並無張
令濤訊張令濤子張二稱伊父往湖廣福建應行文兩省巡撫拏
解送審得旨著尙書張鵬翮左副都御史阿錫爾前往審明具奏
○庚午以白潢爲貴州按察使由糧道遷○癸酉內閣學士管寶以
老病乞休允之○乙亥諭九卿九卿內各省人俱有凡翰林院中
會差正副主考及房考者其聲名賢否必皆知之著從公舉出優
者升用劣者革退九卿於本省出差人員不必與議蓋伊等子弟
東華錄 康熙九十四 三

諡清端○戊子刑部議准江蘇巡撫張伯行奏奸商張元隆廣置洋船海上行走審據夥黨吳良佐供係原任將軍馬三奇家人請飭部將馬三奇並船戶發至江南質審得旨著張鵬翮等詳審具奏張伯行與馬三奇不合乘機奏請發審馬三奇之父陣亡伊身又係大臣不必發往江南聽審著兵部取供咨送○己丑諭南書房翰林等向來升殿所奏中和樂章皆仍明代所撰句有短長體製不類嗣後因文體不雅命大學士陳廷敬等改撰其章法皆以四字為句而奏樂人未易聲調仍以長短句法湊合歌之是雖文法易而聲調未易也今考查舊調已得其宮商節奏甚為和平必得歌章字句亦隨詞調則章法明而宮調諧此事所關甚要著南書房翰林同大學士等詳考定議務使章法與聲調協和歸於允當○以噶什圖為山西布政使由御史遷○壬辰諭大學士等朕自幼東華錄康熙九十四四

讀書無一時不以民間疾苦為念巡撫乃專任封疆之大吏理應實心為民勤求樂利邇來浙省地方歉收民生艱難每觀巡撫王度昭所奏並無盡心利民之處再河南巡撫鹿祐所奏事宜亦未得當爾等傳問九卿○工部侍郎舒蘭緣事降調○丁酉大學士等奏臣等以王度昭鹿祐問九卿僉云王度昭前居官亦有才能今不盡心為民全無益於地方鹿祐向來居官謹慎此數年來精力衰邁處事不當誠如 聖諭報聞○免盛京旗人六年稅糧及逋欠○是月免甘肅靖甯等八州縣衛旱災額賦有

十一月戊申命賑甯夏災民其流移者所在發廩賑之○庚戌諭戶部甘肅靖邊衛等處年歲不登民艱粒食已多方賑濟本年錢糧或蠲或停而山地瘠瘠民鮮蓋藏若不大沛恩施目前已自艱難來歲更何倚恃此二十八州縣衛所明年額徵銀糧芻糞悉予

蠲免○辛亥分遣修理厯法何國棟等於廣東雲南四川陝西河南江西浙江測量北極高度及日景○乙卯諭戶部賑荒以速為貴必待奏報候命使小民嗷嗷待哺何如豫備於平時則所在有可恃之資糧而臨事免轉移之勞費今漕輓通行大倉充裕江浙頗有歉收郡縣已令留漕米二十三萬但恐米尚不敷可再留江甯蘇州安慶杭州漕糧三十餘萬石分貯各屬備賑○和碩誠親王允祉等以 御製律呂正義進呈得旨律呂厯法算法三書著共為一部名曰律厯淵源○丙辰 上巡幸塞外啟變○命纂修玉牒○辛酉裁山東兗道所屬州縣事務統歸兗州東昌兩府管理○甲子 上駐蹕東莊諭諸皇子允禩因伊母二周年往祭事畢理應趨赴行在乃允禩於朕駐蹕遙亭之次日以將斃鷹二架遣太監一名親隨人一名來請朕安言伊在湯泉等候回京東華錄康熙九十四五

並不請旨親視朕躬朕因憤怒心悸幾危允禩係辛者庫賤婦所生自幼陰險聽相面人張明德之言遂大背臣道覓人謀殺二阿哥舉國皆知伊殺害二阿哥未必念及朕躬也朕前患病諸大臣保奏入阿哥朕甚無奈將不可冊立之允禩放出數載之內極其鬱悶允禩仍望遂其初念與亂臣賊子等結成黨羽密行奸險謂朕年已老邁歲月無多及至不諱伊曾為人所保誰敢爭執遂自謂可保無虞矣朕深知其不孝不義情形即將所遣太監馮進朝等於朕所御帷幄前令眾環視逐一夾訊伊已將黨羽鄂倫岱阿靈阿盡皆供出自此朕與允禩父子之恩絕矣朕恐後日必有行同狗彘之阿哥仰賴其恩為之興兵構難偏朕遜位而立允禩者若果如此朕惟有含笑而歿已耳朕深為憤怒特諭爾等眾阿哥俱當念朕慈恩遵朕之旨始合子臣之理不然朕日後臨終時必

有將朕身置乾清宮內爾等執刃爭奪之事也允禩因不得立為皇太子恨朕切骨伊之黨羽亦皆如此二阿哥悖逆屢失人心允禩則屢結人心此人之險百倍於二阿哥也○乙丑 上駐蹕老牛河覽允禩奏摺諭諸皇子曰朕前命將雅齊布夫妻充發乃敢違旨潛匿在京朕已差官將雅齊布等正法此事與二阿哥釋放應正法之得麟相似豈非藐視朕躬而為此舉乎伊摺內奏稱冤抑試問伊所謂冤抑者在總之此人黨羽甚惡陰險已極即朕亦畏之將來必為雅齊布等報讎也○吏部議准四川陝西總督鄂海奏山西蒲州陝西朝邑疆界相連百姓每爭地相鬪且朝邑縣治在河以西所屬王家莊等處及大慶關皆在河東與山西接界請將同州同移駐大慶關撥潼關千總一員移駐王家莊以資防禦從之○丙寅 上駐蹕兩家寨諭諸皇子允禩甚是狂妄

東華錄

康熙九十四

六

竟不自揣伊為何等人於復廢二阿哥之時來朕前密奏云我今如何行走情願臥病不起朕云爾不過一員勒何得奏此越分之語以此試朕乎伊以貝勒存此越分之想探試朕躬妄行陳奏豈非大奸大邪乎○是月免浙江錢塘衢州等十四縣所旱災額賦有差

十二月己巳朔雲南巡撫吳存禮丁母憂命回旗守制○癸酉 上駐蹕特布克賜喀喇沁隨圍蒙古官兵銀幣○甲戌先是吏部以大學士溫達員缺開列尚書富甯安等請旨本留中至是諭吏部曰溫達補授大學士以來寬厚簡靜今雖年老告退尚自康健著仍在大學士任辦事○轉常泰為工部左侍郎以滿不為工部右侍郎由廣東巡撫遷以傅爾笏納為戶部右侍郎查克旦為內閣學士由內閣侍讀學士遷○乙亥以王度昭為工部右侍郎由浙江巡撫遷施世綸為雲

南巡撫由倉場遷○辛巳 上駐蹕熱河○以達禮虎為內閣學士由光祿寺卿遷○癸未以呂履恒為倉場侍郎由左副都御史遷徐元夢為浙江巡撫由內閣學士遷○乙酉鹿祐以病乞休允之調李錫為河南巡撫由內閣學士遷○戊子先是商人馬維屏等以願領大錢收買小錢叩關上命內務府同戶部會議戶部尚書趙申喬以其事不可行而郎中羅復晉將准行議稿送侍郎王原祁廖騰焯畫題具奏不曾送伊畫題奏請罷斥至是迎 駕 上命近前問爾欲告退何意趙申喬奏曰司官藐視無顏居職 上曰凡事有理不可向氣君子懲忿窒慾此語最宜詳思此一小事司官藐視即當參拏何必忿怒且寬則得眾爾性苛急不能容人向任巡撫時所參官員有身自知之而參者亦有因人言而參者果皆實耶天地之大德曰生所謂好生者非但不殺而已蓋於萬物皆養育而保全之之謂也爾

東華錄

康熙九十四

七

居官雖清豈可自恃其清而為矯激之行乎隨將原奏批發趙申喬身係大臣非微員可比此事若斷不可行理應具疏陳奏乃為無可控告之狀輒欲乞休殊屬不合著速入部辦事○諭大學士等布政使牟欽元居官好前巡撫張伯行奏參牟欽元交通海賊此皆伊多疑所致朕曾遣張鵬翮往審尋張鵬翮摺奏時朕批令張鵬翮同張伯行領兵於有海賊之處親行往拏總督赫壽聞此消息坐小船往黃天蕩探察方知張伯行所言皆虛妄耳張伯行又奏噶禮下人甚眾恐欲殺伊為噶禮報讎此亦無影響之事特因向牟欽元索幕賓不得遂起釁端總督巡撫皆有幕賓若為此生疑尋隙亦非為大臣之體清官多刻刻則下屬難堪清而寬方為盡善朱子云居官人清而不自以為清始為真清又如易云不家食為官之人凡所用之物若皆取諸其家其何以濟故朕於大

臣官員每多包容之處不察察於細故也人當作秀才時負笈徒步及登仕版從者數人乘馬肩輿而行豈得一一問其所從來耶

○諭直隸各省州縣官或革職或被參解任或身故者妻子尚能回籍其縣丞主簿典史驛丞等微員革職解任身故者無力回籍羈留異鄉不免凍餒甚至有死亡者即使犯罪至死亦與妻子無涉甚屬可憫且如各地方鰥寡孤獨不能度日尚設立養濟院以育養之此等微員理應撫恤嗣後將伊等作何令回原籍爾等與九卿會議以聞尋大學士等議行文直隸各省如有縣丞等微員革職解任身故無力回籍者該督撫設法令回籍毋致失所從之

○以董宏毅為左副都御史由宗人府勒什布為內閣學士由內閣

○己丑 上還京師○庚寅浙江巡撫徐元夢雲南巡撫施世綸陛辭 上諭徐元夢曰浙江有滿洲將軍駐紮凡滿洲兵爾東華錄 康熙九十四

當與將軍協同訓練浙江錢糧虧空不多即畧有之爾宜清理毋累百姓至於用人宜隨材器使不可求全謹遵朕諭無忽諭施世綸曰爾居官聲名甚好但過於偏執不度事理惟以己所知者為是天下凡事當中道而行今為封疆大臣理宜盡改前非不可拘執己性雲南年來米價騰貴地方甚遠儻遇災荒難於賑救爾宜留心料理至馭下屬務以寬恕為本○諭大學士等部院衙門不曉事人甚多若不革退則有才能之人安得升轉學士沈涵人甚不及著革退○辛卯兵部議准四川陝西總督鄂海奏洮岷所屬邊外生番喇子等一十九族頭目扎世咱等歸誠番地周圍約千餘里計一千二百九十二戶男婦大小共八千四十六口請令土司楊如松管轄從之○壬辰諭大學士等戶部尚書趙申喬保舉潮州知府張應詔為郎中時寓居寺院能耐貧苦投知府不製衣

服隨從數人果如此言殊為未當為官者並不繫於貧富張伯行家道甚饒任所日用之物皆取諸其家足迹所至防人謀害隨從四五十人今以為不清可乎且巡撫管理軍務一應兵丁宜鼓舞作興常加恩恤今以己為清官獨市餅餌而食兵丁賞賚不及豈合於理凡事皆有道理為官之人不取非義之財一心為國效力即為好官或操守雖清不能辦事無論諭旨批駁與部駁之事積年累月概不完結似此清官亦何裨於國事乎○以楊琳為廣東巡撫由福建陳瑣為偏沅巡撫由福建○是月免江南上元等五十一州縣衛所湖廣沔陽等十三州縣衛浙江山陰等三縣被災額賦有差○是歲朝鮮來貢○人丁戶口二千四百六十二萬二千五百二十四又永不加賦滋生人丁十一萬九千二百二十四田地山蕩畦地六百九十五萬七百六十四頃九十畝有奇徵銀東華錄 康熙九十四

二千九百八十九萬三千二百六十二兩五錢有奇米豆麥六百八十三萬一千六百六石有奇草四百四萬六千二百七十四束茶三十四萬一千四百二十四引行鹽五百九萬九千八百五引徵課銀三百七十四萬一千一百二十四兩有奇鑄錢三萬八千六百五十五萬九千九百有奇

臣王先謙
臣周倫蕃恭校

康熙五十四年乙未春正月甲子諭大學士九卿等科場出題關繫緊要鄉會經書題目不拘忌諱斷不可出熟習常擬之題朕常講易及修定天文律呂算法人人皆知必以此等書擬題爾等皆係應點考試之官雖未派定何人然斷不可以此諸書出題表題亦不可出修書賜書等類不然則人皆以擬題倖進實學何由而得張鵬翮為主考所出經書策論題皆主理學意義相同彼雖無情弊而所取之人甚多僥倖人殊怨之趙申喬所取解元係請人代作畏罪逃竄以致人皆不服趙申喬亦無言可以自解然彼不過觀其文章耳其中情弊何由得知故知出題乃大有關係之事

東華錄

康熙九十五年

再房官亦屬緊要若房官有弊主考無如之何今可將一房卷令不同省房官二人同閱如一人有情弊發覺後二人並坐則各知畏懼互相糾察矣部院司官凡進士舉人出身者皆例應分房之人若學問不堪不識文字何以衡文取士伊等宜加考試再五經中式甚屬無益十七八歲之幼穉皆能之不過手敏多寫字耳殊無實學著停止○諭朕前日考試翰林院竟有不能詩文之人詩中有用習坎等字者此因朕素講易經故皆濫用不計切題與否彼皆以荒疏已久為辭部院司官有辦理之事猶可云荒疏翰林理應讀書亦可云荒疏乎今之翰林迥不如昔昔如熊賜履張玉書張英陳廷敬徐乾學徐元文徐秉義王士正等學問俱佳又如內廷行走及武英殿修書翰林亦較在外翰林不同詩文皆大方總由每日纂修校對之故也○封阿爾喀台吉德木楚克為達爾

漢輔國公以隨征三次嚮導效力故也○丙寅諭宗人府貝勒允祺延壽行止卑污凡應行走處俱懶惰不赴著將伊等俸銀俸米及伊屬下護衛官員俸銀俸米俱著停止

二月戊辰朔奉差江南審事吏部尚書張鵬翮等奏參江蘇巡撫張伯行捏造無影之事屢以海中有賊誑奏請將張伯行暫行革職審理得旨張伯行著暫行革職審理伊奏內有不欺君並張元隆夥賊甚多將蘇州等糧買去等語巡撫係地方大吏管轄文武官員且有調兵責任若海中有賊即應率領官兵親身察拏况盛京山東浙江閩粵等處沿海地方設立將軍督撫提鎮水師官兵原為防海張元隆等銀兩雖多沿海一帶官兵豈能盡行賄賂鄭盡心陳尚義等本係海賊頭目朕久已招撫拏獲今張伯行將伊等枝梧搪塞希圖完事與伊不欺君之語殊為乖謬張伯行必深

東華錄

康熙九十五年

知賊巢務將此賊察拏審明具奏○己巳諭大學士等總漕所管皆窮苦運丁事最允雜即廷極為總漕盡心撫恤人皆感悅年年漕船抵通獨早糧米並無虧欠回空船隻亦不致凍阻由其實心辦事區處得宜也昔桑額任內尚因糧船遲誤不免議處以前總漕未有能及即廷極者昨聞病故甚為軫恤漕運總督職任重大可著雲南巡撫施世綸升補但其氣性有偏僻處朕前已誠諭之矣○廣西提督張朝午奏參新太營參將王啟雲擅自領兵與猺人交戰殊屬輕躁請敕部議處 上諭大學士等朕觀王啟雲不惟無過且似有功猺人劫掠村莊圍繞州署知州曉諭不解參將有防守地方之責若惟啓釁是懼設執縛有司劫奪倉庫亦坐視不救可乎猺性凶頑豈得任其恣行昔年陝西番人擅過邊界領兵官理諭不聽遂領標兵五百人深入番地勦之部議照例處分

朕從寬降級留任今王啟雲情事略同議處亦止降級罰俸而已尋兵部議覆王啟雲因搖賊猖狂始行剿殺非輕躁動兵之例可比且續經奏明傷亡應無庸議從之○以甘國壁為雲南巡撫由東布政使遷○癸酉 上巡幸畿甸啟鑿○以王之樞為內閣學士原任

○庚辰諭直隸巡撫趙宏燮朕嘗讀無逸留心稼穡久矣去歲臘前瑞雪盈尺時屆陽節細雨連綿輿情怡悅早得布種矣所慮者起發太盛則收穫之際恐有二疸之虞爾等徧示民間芸鋤時令苗稍疏豫防風蠶朕以民生為念勸農為本己有所知不得不示特諭○諭直隸巡撫趙宏燮朕每年春間行幸水淀近見民生雖不能家給人足比之往時似覺差勝但村莊之中誦讀尚少朕思移風易俗莫過讀書况畿輔之地乃王化所先宜於窮鄉僻野皆立義學延師教讀以勉勵孝弟可望成人矣爾即徧示村莊俾皆

東華錄

康熙九十五

主

知朕崇文好學之深意○辛卯 上至河西務閱隄○乙未 上

還京師○是月免江南江浦縣上年旱災額賦有差

三月己亥先是 上以蒙古地方大雪命理藩院遣官閱勘牲畜倒斃缺食窮困人等至是回奏得旨散賑之事勢難速達吳喇忒等旗居近黃河蒿齊忒阿霸垓阿霸哈蘇尼特等旗有達爾諾爾郭果蘇泰察漢諾爾諸水可先教其捕魚為食每處派新滿洲三十人並造船人等遣理藩院司官帶網前去教導蒙古人等其作何運給米糧及給與牲畜養贍之處理藩院速議具奏○庚子諭吏部趙宏燮簡任直隸巡撫已屆十年勤勞供職旗民輯睦京畿重地趙宏燮著加總督職銜仍管理巡撫事務○以李成龍為山東布政使由直隸巡道遷○辛亥奉差江南審事尚書張鵬翮等奏張伯行見任巡撫不肯實供其屬員又不敢質證請將張伯行革職審

究得旨張鵬翮等係特遣審理此案大臣欽交事件應盡心審明委員具奏海中如果有盜賊張鵬翮等應同張伯行親往賊巢查拏審明若海中無賊張伯行前奏不欺君之語乖謬顯然如此則事之是否自明其有應行請旨之處宜具奏候旨審理乃屢次前往未能徹底審明希圖苟且完事蒙混結案今又請將張伯行革職嚴審殊玷官箴此事仍著張鵬翮阿錫勳前往徹底審明具奏○壬子命戶部尚書穆和倫運米賑吳喇忒等十四旗及察哈爾八旗○癸亥諭大學士等自古帝王敬天勤政凡遇垂象必實修人事以答天戒今歲四月朔日蝕望又月蝕凡關繫國計民生或有應改應行之處爾等會同九卿詳議以聞尋議覆見在政事實無可更改之處 上諭朕有所見數事特諭爾等天下承平久矣自昔太平日久必生事端今內而各部院大臣外而各省督撫提

東華錄

康熙九十五

四

鎮漸耽逸豫於事稍涉疏忽夫治益求治安益求安制治於未亂保邦於未危朕之素志也爾等宜皆體朕慎終如始之意共勸久安長治之業至於一切頌揚之文俱屬無益朕見近來頌聖之語殊多悉應停止凡事皆宜務實何必崇尚虛文即如爾等師生之間一發議論即互相推贊書札來往亦大都獎譽過情此甚無謂也又如注書一事所繫匪輕必深識古人之意得其精要乃可注解若學力未到妄自注輯則意義反晦矣朱子所著諸書其義甚明迄今五百餘年人無訾議朕每見近今人所注書細探其旨大約皆私意為人如張伯行所作有一部書全為湯斌一人其他書亦有為明時數人者皆伊同鄉人也至於近思錄乃朱子之書義甚明晰何必更注且朱子亦言其中尚有數處未妥可見著書誠非易事朕所諭數者俱於世道人心大有關係爾等宜皆誠之○

乙丑諭領侍衛內大臣等朕常講論天文地理及算法聲律之學爾等聞之輒奏曰皇上由天授非人力可及如此稱譽朕躬轉掩卻朕之虛心勤學處矣爾等試思雖古聖人豈有生來即無所不能者凡事俱由學習而成務學必以敬慎為本朕之學業皆從敬慎中得來何得謂天授非人力也

夏四月丙寅朔日有食之○戊辰內閣學士達禮虎以年老乞休允之○庚午賜徐陶璋等一百九十人進士及第出身有差○甲戌內閣學士鄂齊瑀以病乞休允之○乙亥先是太常寺奏請將新定樂律載入訓典得旨此樂本明朝所作審定原好但因年久樂律舛錯聲音略有不同朕為正之並非出於造今此告成之事不可全歸於朕大學士同九卿等會議具奏至是禮部等衙門奏覆樂器相沿歲久制度漸差音律多舛 皇上深究元音釐定損

東華錄 康熙九十五 五

益制度悉協音韻合宜恭請 欽定樂章擬定樂名並將起造告成年月制度一併注明載入典訓昭垂萬世報聞○戊寅以星峨泰長壽俱為內閣學士星峨泰由內閣侍讀學士長○己卯甘肅提督師懿德奏四月初二日哈密扎薩克達爾漢白克額敏咨言厄魯特策妄阿喇布坦遣兵至北境侵掠五寨初三日又咨言賊兵於三月二十五日抵哈密城下臣檄肅州總兵官路振聲領兵先赴哈密臣俟出廠馬調到即親身往救得旨策妄阿喇布坦遣兵侵掠哈密肅州總兵官已領兵往救應再發西安滿洲兵三千總督標下營兵二千甘肅提督標下兵亦酌量派出星急前去救應再行文青海左翼及喀爾喀扎薩克等各令防備著議政大臣會同理藩院大臣速議具奏尋議覆西安滿洲兵令將軍席柱與副都統一員帶領總督標下兵令副將一員帶領甘肅提督亦令

帶領標下兵俱於文到三日內啟行兵馬錢糧令西安巡撫永泰沿途料理此三處兵應派大臣一員前往調遣厄魯特巴爾虎大臣侍衛官員等帶至軍前以備偵探賊蹤之用西甯嘉峪關兩路各設驛站派筆帖式坐臺西甯青海等處事務令侍衛阿齊圖等暫駐西甯料理青海左翼與哈密相近貝子阿拉布朱兒與噶斯路相近西甯及四川松潘俱與青海相近皆應行文各令整備見今甘肅兵丁俱調出口應調涼州兵一半至甘肅要路防守再策妄阿喇布坦見侵哈密未必不至喀爾喀地方應派大臣一員前往傳諭喀爾喀並厄魯特王策零旺布公多爾濟色卜騰茅海輝特公羅卜藏等各令豫備得旨依議今總兵路振聲見率標兵前往路振聲係諳練行間之人朕所稔知如策妄阿喇布坦兵少此兵足以制之彼若擁眾而來我兵似覺不足必須詳加籌畫相

東華錄 康熙九十五 六

機而行著速行文提督至爾等所議三處兵派一大臣總統調度此兵乃西安將軍所管之官將軍親往不便又令大臣管轄應派一能辦事大臣與將軍同商酌而行著吏部尚書富甯安馳驛前往派新滿洲侍衛十員前往效力見派法腦著隨富甯安前去祁里德原係大臣著授為散秩大臣馳驛前往推河亦派新滿洲侍衛前往著將呢牙韓楚婁徵額派出隨去厄魯特巴爾虎侍衛官員亦令挑選帶往○庚辰徵外藩兵集歸化城以右衛將軍費揚固總理軍務○壬午子故原任漕運總督卽廷極祭葬諡溫勤○甲申甘肅提督師懿德奏駐防哈密遊擊潘至善筆帖式常保住等於三月二十六日率領官兵二百餘人同哈密白克額敏擊敗策妄阿喇布坦於哈密賊退駐城南二十里外得旨官兵甚少輒奮往爭先殺退二千餘賊深為可嘉所有在事及受傷陣亡官

兵哈密兵應行賜卹之處該部速議具奏尋兵部議覆應遣臣部
 司官及理藩院司官各一員於甘肅巡撫處領帑銀一萬五千兩
 往哈密賞賜白克額敏遊擊潘至善以下及陣亡受傷兵丁等事
 定日其應議敘及加恩兵丁處一併議奏從之○予故原任吏部
 尚書徐潮祭葬○乙酉以荆山署倉場侍郎由禮部右侍郎署○丁亥命
 費揚固帥師駐推河○己丑諭議政大臣等朕經歷軍務年久且
 曾親統大兵出塞征討凡行兵機務靡不周知今欲用兵兵非不
 敷但慮路遠運餉殊難誠能輓輸無誤令全軍得至策妄阿喇布
 坦之地朕心始慰此兵多係從前在昭莫多烏蘭布通屢經對敵
 之兵且人人懷報效之志若策妄阿喇布坦來戰不論何地制勝
 有餘再若由噶斯路進兵一萬赴伊里河源抵彼巢穴由哈密吐
 魯番進兵一萬由喀爾喀進兵一萬前至博克達額倫哈必爾漢
 東華錄 康熙九十五年 七

赦前但肆意妄行有玷王爵應革退從之○甲辰諭理藩院聞被
 雪各蒙古因朕贍濟並未傷損一人朕甚喜悅蒙古等已知捕魚
 可將魚船及網給與伊等令其仍在澤捕魚而食將所給米糧節
 省留以度冬又所給牲畜不久蕃息即可漸致富饒矣○諭議政
 大臣等哈密為策妄阿喇布坦所侵恐不能生理著甘肅巡撫遣
 官運送米糧牛羊往賑○丙午 上手書諭諸大臣等聞黑龍江
 將軍楊福已故朕心軫惻伊人材壯健且係為君為國捨身效力
 之臣將軍之任甚屬緊要伊子三官保為人甚孝住彼已久熟悉
 地方情形目今雨水之時家口不可行著十月內來此時著三官
 保署理俟伊父喪回時奏明再行定奪寫此旨時不覺潸然淚下
 ○賜故黑龍江將軍鎮國公楊福銀一千兩命散秩大臣和碩額
 駙尚崇義乾清門侍衛傅森等馳驛往弔予祭葬諡襄毅○己酉
 東華錄 康熙九十五年 八

地方如此三路進剿料必成功但其間進止又在臨時相機而行
 未可豫定爾等雖未身歷軍旅既為國家大臣於議此等要事時
 當詳審籌度務合機宜非可視同泛常也○辛卯 上奉 皇太
 后避暑塞外啟鑾○甲午肅州總兵官路振聲奏策妄阿喇布坦
 遁去○乙未 上駐蹕遙亭 皇四子和碩雍親王入見 上籌
 及西邊用兵之計 皇四子和碩雍親王奏曰當日天兵誅殛噶
 爾丹時即應將策妄阿喇布坦一同剿滅但伊畏罪懾服備極恭
 順是以特賜生全今乃漸肆狂悖居心險詐背負 聖恩種種不
 恭至於侵擾我哈密干犯王章於國法難以寬貸自當用兵撲滅
 以彰天討 上深然之○命富甯安分兵戍噶斯口

命肅州總兵官路振聲駐防哈密○庚戌文華殿大學士溫達卒
 遣皇子允禔及大臣二員侍衛二十員奠茶酒予祭葬諡文簡○
 壬子議政大臣等奏遵旨訊被擒厄魯特滿濟據稱我本圖爾古
 特人我阿玉奇汗之子三濟扎布當年與父有隙率一萬人投策
 妄阿喇布坦策妄阿喇布坦擒三濟扎布送還圖爾古特盡留我
 等萬人分給伊屬下寨桑等其來侵哈密之故曾聞年老準噶爾
 人言去年喀爾喀擒我處阿爾泰打牲一人殺三人又我處貿易
 之人為哈密人阻截以此欲蹂躪哈密使之殘困其人眾每一部
 落有千五百戶約共三萬人其徵賦俱無定規凡有所需一切向
 屬下欽取人皆疲敝自和碩特圖爾古特輝特杜爾伯特台吉屬
 人外策妄阿喇布坦十四部落之人無不怨之去年雪深三尺餘
 其所居伊里等地方牲畜盡斃其子往攻安箭地方之布魯特被

殺者五百人同時又多染疾而死再我圖爾古特一萬餘人俱愁苦度日各有戀土之心常思乘變奔回本地或來歸 天朝其來侵哈密眾人皆言策妄阿喇布坦不知自量輕犯 天朝若大兵來討何以待之妖孽已見猶不耕食安生甚無謂也奏入得旨策妄阿喇布坦處著遣使分兩路齎諭旨前往將喀爾喀所獲之厄魯特著隨哈密路使臣去哈密所獲之厄魯特著隨喀爾喀路使臣去○乙卯遣原任員外郎保住藍翎克什圖各齎諭旨往策妄阿喇布坦處諭曰去年爾眾擅掠我喀爾喀之人故喀爾喀巡哨之兵追逐殺爾打牲一人擒一人而歸我哈密之往吐魯番貿易者因爾亦不令回故從吐魯番處行文與爾不知曾接到否今爾無故領兵二千侵我哈密爲我兵二百人所敗而遁今我兵已四路雲集斷難中止從前爾雖狂妄啟奏朕爲天下主無不寬容况

東華錄

康熙九十五年

九

爾曾奏云今我等喀爾喀厄魯特青海之眾皆復舊業以安人眾爾今可令和碩特圖爾古特輝特之人俱回原處與伊兄弟完聚其在我處之輝特朕亦令回原處完聚於阿拉克山居住拉藏汗之子爾可速送還拉藏爾止領準噶爾之眾僻在額爾齊斯居住則已再前給爾準噶爾之眾本我所應有之人彼等亦不願屬爾處爾之人心離異各爲身計不但眾人皆知即爾亦自知之爾果欲起兵此等人朕皆當收養誰不欲享太平乃肯爲爾冒死耶况我用兵並無掩襲爾常自以爲強可親身前來會盟定議不然恐爾又詭稱使臣不能盡達爾言也前爾屢奏所遣使人中途爲人阻隔朕因遣使約爾來會爾又懇奏戶口無幾原不足數且僻在一隅若相近邊境有可效力之處情願報效今何無端食言侵我哈密若不來會盟斷無了期兵興之際受傷生齒必多爾若畏懼

不來則爾向稱欲安人眾之言皆爲虛偽朕必親征或令王大臣等領兵直抵爾巢穴必不容爾信口枝梧也爾其定議即於所遣使臣同時具奏○戊午諭議政大臣等策妄阿喇布坦無故侵我哈密今大兵進討應行文曉諭鄂羅斯邊界地方楚庫拜姓城之頭目令其加意防守邊界如有策妄阿喇布坦之人投向爾處即宜收留授內閣侍讀品級圖禮琛從前往圖爾古特時路經鄂羅斯熟識彼處頭目可著前往○以李華之爲刑部右侍郎由左副都御史○辛酉以順承恭惠郡王勒克德渾庶出子杭州將軍諾羅布襲多羅順承郡王○壬戌以郝林爲左副都御史由宗人府○奉差江南審事尚書張鵬翮等奏參江蘇巡撫張伯行屢奏海中有賊令其回奏疏內假捏巧飾奸欺殊甚已故張元隆案內船戶余元亨等張伯行必欲陷爲海賊五年不結夾斃十二人破家者不

東華錄

康熙九十五年

十

知凡幾即監犯之存活者亦以拖累日久疾病冤號者甚多今已遵旨釋放其在赦後者俱於張元隆等案內分別定罪得旨張伯行著革職看守審理

六月壬申命都統圖思海侍郎艾芳曾等往湖灘河朔運糧○甲戌西安將軍席柱吏部尚書富甯安遵旨議奏吐魯番與哈密接壤且係策妄阿喇布坦咽喉要地不可不先取沿途安站運米之事應於布隆吉爾巴爾庫爾兩處各設兵五百名大兵喂養馬匹五十日於七月二十日起程八月十五日前後至巴爾庫爾地方休養馬匹數日從哈密北大山後烏蘭烏蘇路進兵九月初五六日間到吐魯番相機剿撫平定吐魯番後招安索爾通等處回子一面通知哈薩克布魯特即策妄阿喇布坦親來亦可剿滅吐魯番既平再相機近剿策妄阿喇布坦奏入 上諭議政大臣等覽

富甯安席柱所奏今年進兵取吐魯番等語若在甘肅等處將馬匹喂養肥壯於九月間方取吐魯番則時值冬令且伊地方太近不如仍照原議明年前進為當祁里德處信息亦應等候再策妄阿喇布坦曾有秋天兵至哈密之語總兵官路振聲之兵止有一千力量單弱西安之兵既在甘肅等處喂養馬匹著將甘肅提標營兵二千添發路振聲處○戊寅命富甯安席柱帥師駐巴爾庫爾○庚辰甘肅巡撫綽奇奏蘭州等十八處旱災 上諭大學士等甘肅地方被災之民應作何賑濟著九卿詹事科道會同速議具奏賑濟饑民之事較之征剿策妄阿喇布坦更為緊要爾等可速傳諭○乙酉諭大學士等甘肅巡撫綽奇上言固原等十八處今歲旱災未完額賦請分年帶徵朕思災民逋賦即帶徵亦力難完納其悉行蠲免○丁亥以噶什圖為西安巡撫由山東布政使遷○兵

東華錄

康熙九十五

十一

部尚書孫徵灝卒賜鞍馬二匹散馬二匹銀五百兩○壬辰遣副都御史明安往賑蘭州等十八州縣衛所饑

東華錄

康熙九十六

臣王先謙敬編

臣周澗蕃恭校

七月甲午朔諭議政大臣等近和托輝特公博貝奏請招撫吳梁海及策妄阿喇布坦所屬厄魯特杜爾伯特丹津一千戶人若伊等抗拒不服即行攻取等語似此動作以張聲勢甚是其間設有不睦致相仇敵聞博貝之兵前往以為大軍將至紛紛擾亂便可得彼真信雖策妄阿喇布坦兵來救援地方亦遠更有阿爾泰山之雪攔阻不能前進矣又據博貝奏臣有兵一千五百度已足用若聖意以為尚應添兵則有根敦扎薩克羅卜藏所屬翁科特兵扎薩克濟納米達兵扎薩克台吉阿里雅兵俱善於攻戰可以破敵將此三扎薩克兵添給足矣著照博貝所請將三扎薩克兵添給博貝帶領前去遣人往吳梁海處以好言招撫若不歸順逃入樹林深密處亦無關緊要相機行事可也至杜爾伯特丹津處應再探其情形或撫或剿博貝領兵前往時若有策妄阿喇布坦兵向我喀爾喀直衝前來即著尾其後以牽制之杜爾伯特丹津與厄魯特散秩大臣車領為兄弟可令車領遣一親信人寫給書信爾等見在所議之事發與博貝或派章京或筆帖式飛馳發往並帶車領人同去即隨博貝兵一齊進發○甲辰大學士李光地以老病乞解任葬親命給假二年營葬畢仍來京辦事○子故原任福建浙江總督梁爾鼎祭葬○兵部議准四川陝西總督鄂海奏四川建昌鎮屬涼山夷目祿應麟率部落歸順請授為土千戶准其世襲從之○戊午議政大臣等議准肅州總兵官路振聲奏兵部文令臣移駐哈密城後托河齊哲克得里等處查此地即哈密第

三堡西北之沙棗泉其地溼熱馬難肥壯沙棗泉西北九十里有山名爲無克嶺其山下卽巴爾庫爾地方山上遠瞭甚明臣領兵移營於此要路駐紮其餘山峽小徑俱撥兵防護俟額駙阿寶輝特公羅卜藏等兵到日於巴爾庫爾地方再議駐紮之處從之○辛酉以張伯琮爲河南布政使由按察使遷○議政大臣等議奏奉旨屯田事令右衛將軍宗室費揚固等確議今據費揚固等奏以屯田事詢喀爾喀土謝圖汗等據稱蘇勒圖哈拉烏蘇并達拉克河明愛察罕格爾庫爾奇勒扎布罕河察罕梭爾布拉克罕口烏蘭古木等處俱可種地再臣等所統兵丁見駐紮察罕托輝托布罕河特斯河一帶地方應派善種地之士默特兵一千名每旗派台吉塔布囊各一員前往耕種遣大臣一員監管應如所請再哈密地方亦可耕種應行文將軍席柱尙書富甯安將西吉木布隆吉東華錄康熙九十六爾等處勘明具奉得旨依議公傅爾丹情願前往效力卽交伊辦理再著原任都統宗室愛音圖護軍統領達米納侍郎能泰鐵圖同往

八月丁卯以王朝恩爲廣東布政使由湖南按察使遷蘇瞻爲山西布政使由郎中遷○辛未大學士李光地以予假葬親至行宮謝恩上親製詩以賜並敕諸王大臣各賦詩送之○癸酉上行圍發熱河○己卯右衛將軍宗室費揚固以病求解任得旨費揚固著帶右衛將軍印徐回右衛今年既不進兵將右衛等處兵交與散秩大臣祁里德喀喇沁塔布囊額駙格勒爾齊齊哈爾副都統白濟右衛副都統齊格公同管理著都統穆賽馳驛前往總理軍務俟進兵時另派大將軍給與印信○壬辰鑾儀使董大成奏臣於六月二十二日領兵從肅州出嘉峪關自嘉峪關至噶斯口三千餘里

行至常馬爾河因山水暴發所有運米牲口及兵丁所乘馬匹多致損傷倒斃於八月十二日抵噶斯口得旨自邊上至噶斯口一千七百里曾經阿南達奏過今董大成何以又稱有三千餘里噶斯口路徑甚窄策妄阿喇布坦斷不由彼行走今正寒冷之時著董大成將噶斯口迤內放火燒荒領兵回赴肅州

九月癸巳朔諭議政大臣等今年既不進兵令富甯安回至肅州料理一應軍務錢糧俟明年進兵時再令前去○丙午上駐蹕博洛和屯賜來朝外藩等銀幣鞍馬及隨圍喀喇沁官兵銀布○己酉刑部等衙門議覆吏部尙書張鵬翮奏原任江蘇巡撫張伯行以海上有賊欺君妄奏監斃良民數人之處皆實應照律將張伯行擬斬監候秋後處決應如所請得旨張鵬翮回京將張伯行帶來到日再奏○和托輝特公博貝奏招撫吳梁海已經歸順大東華錄康熙九十六學士等奏曰四年前吳梁海頭目和羅爾邁爲我哨兵擒獲皇上寬恩不殺又加重賞遣回以此感恩早欲投順但以妻子艱於攜帶恐爲厄魯特所追故遲延至今頃聞策妄阿喇布坦侵犯哈密之信已先遣子胡洛虎納等前來輸誠適博貝兵到吳梁海卽時歸順此皆由皇上之恩淪肌浹髓故不發一矢而遠人向化如此上日前吳三桂遣猓猓數萬到平涼助王輔臣與我軍對敵後來歸順諸大臣皆欲殺之朕謂何以殺爲歸順卽良民矣悉加恩宥發回原籍後進四川至保甯賊又欲率伊等與我軍對敵猓猓頭目陸道清去我等雖無知識前蒙聖主不殺之恩豈忍對敵卽登山去平賊之後伊等方下山引導我軍極其效力再攻取尼布潮雅克薩城之時鄂羅斯數千人諸大臣亦欲盡殺之朕從寬遣回西洋國聞之皆欲歸順攻其城而遣回其人亘古未有今

吳梁海歸順固自然之理也○庚戌 上還熱河○乙卯巡視南城御史任奕鑾奏參左都御史劉謙令家人柴敬臣等同伊婿侍衛王廷梅家人顧光祖等十餘人登臣門毀罵復親同其子編修劉自潔至臣寓令家人擊傷臣頭面手足諸處得旨著吏兵刑三部嚴察議奏○是月免湖南安鄉等五縣衛水災額賦有差

冬十月丙寅諭大學士等閱刑部秋審奏章繁複者甚多皆由府州縣司道各官審錄供招盡行全載所致該府司道果誠有別情自應敘入若無互異之處但註明該府司道與州縣各官歷審皆同一語止將州縣初招並督撫等大吏審擬之處敘明本內足矣此非為朕便於省覽案牘繁多則事務亦必致遲延矣又諭各處奏摺所批硃筆諭旨皆出朕手無代書之人此番出巡朕以右手病不能寫字用左手執筆批旨斷不假手於人故凡所奏事件惟

東華錄

康熙九十六

四

朕及原奏人知之若有漏洩亦係原奏者不密朕聽政年久未嘗輕以語人也又諭辦理事務固不可不知文理然亦須諳練政務之人方善若遇大事不可徒執虛文又如外省督撫但以不貪為盡善以朕觀之清乃居官一端之善苟於地方生事雖清亦無益也○戊辰鑾儀使董大成奏臣至噶斯口巡查並無來往人迹噶斯地方三面雪山中有一綫水草皆係蘆葦其大路在得布特里地方西南走藏東南走青海西甯大通河半月即到永固城西北走柴旦木吐魯番等處乃策妄阿喇布坦出入咽喉要路又據夸蘭大吳通保等各報兵丁兩月口糧已完運米官又不能全運至噶斯地方是以臣於九月十一日移駐得布特里地方得旨董大成已有旨著回肅州到後著勒限馳驛來京其官兵交尙書富甯安統轄○戶部尙書穆和倫以老病乞休允之○壬申 上奉

皇太后自熱河回鑾○子故原任刑部尙書胡會恩祭葬○辛巳 上奉 皇太后回京師○丁亥吏部等衙門議覆左都御史劉謙及子編修劉自潔縱僕毆傷御史任奕鑾是實劉謙劉自潔應革職其家人柴敬臣等照律治罪侍衛王廷梅身在熱河應無庸議得旨劉謙器量褊淺考試進士聲名亦甚不好率僕毆傷御史殊玷官箴劉謙劉自潔俱著革職餘依議○吏部議覆奉差江南審事尙書張鵬翮等奏原任江蘇布政使牟欽元前經巡撫張伯行以藏匿張令濤奏參革職今張伯行既自認誣參請罪應將牟欽元照例復職從之○戶部尙書趙申喬奏臣子山西太原府知府趙鳳詔居官不肯受贓三十餘萬兩撫臣列參臣不能教子求賜罷斥得旨朕禮遇諸大臣甚優自始至終無不期其保全凡官員才守及居官之處靡不詳察朕曩巡狩至龍泉關駐蹕之日曾

東華錄

康熙九十六

五

面詢趙鳳詔噶禮居官何如趙鳳詔奏稱噶禮為山西第一清廉官朕以趙鳳詔乃趙申喬之子斷不欺朕因擢噶禮為江南總督趙鳳詔又以居官受賄比之婦女失節朕諭爾言雖鄙誠如此存心甚佳逮噶禮事敗後朕以趙鳳詔居官處詢尙書張鵬翮而張鵬翮言其貪婪近晉撫蘇克濟參奏趙鳳詔受賄甚多今閱趙申喬所奏其詞意忿激殊非大臣之體著飭令在任供職○壬辰諭大學士等凡滿漢大臣遇事應同心辦理今每滿洲大臣一議漢大臣一議此處大有關係 世祖章皇帝時為此曾下嚴旨至今聖訓昭然可不恪遵耶如果兩議亦應滿漢相間豈可截然兩議從前未曾如此自趙申喬來始然凡事止有一理不可執拗今朕聽政五十餘年何者不曾經歷即小事必向大學士學士九卿問之大臣執拗猶之可也若為君者自行執拗則如之何著將滿

漢兩議者交與吏部都察院察出議罪○諭戶部朕早夜孜孜軫懷民瘼四方水旱時勤咨詢惟恐閭閻之蓋藏未裕一遇歉歲收穫失望窮黎即無以資生也直隸順天保定河間永平宣化五府所屬地方今歲雨水過溢田畝被淹者甚多穀耗不登民艱粒食見今緩徵賑貸雖惠澤頻施而來春應辦錢糧若仍行徵取恐匱乏之民輸將難繼著將五府州縣康熙五十五年地丁銀八十五萬五千八百兩零糧米豆穀一十一萬五千五百石零草九萬四千九百束零俱通行蠲免

十一月甲午以范時崇為左都御史由福建浙江總督遷○乙未賑陝西延

安府龍州堡等屬饑○戊戌諭大學士等刑部侍郎博音岱人才

不及凡事疏忽兵部侍郎巴顏柱年老人才不及俱著革職○庚

子兵部議覆偏沅巡撫陳瓚條奏請禁加耗一疏 上諭大學士

東華錄 康熙九十六 六

等朕御極五十餘年於誠偽公私之介詳加審辨萬幾之暇勤求古帝王先聖治理無不專務誠敬屏棄虛浮先行其言而後從之垂訓甚明是以朕孜孜圖治亦皆崇尚實政不貴空言督撫係地方大吏凡關繫民生興利除弊有裨風化鼓舞士子果有真知灼見者即應竭慮殫心見諸躬行以利地方若徒據拾浮辭沽名要譽不但無裨政治且恐有累民生即如張伯行初授巡撫時即稱移風易俗家給人足報效朝廷迨後繼於才力張弛失宜反致漸生事端擾累民生地方盈甯之狀迥不如前此非不能身體力行言過其實之故乎今覽陳瓚條奏皆伊分內應行事宜當於力見施行後再行具奏乃將空言妄陳殊屬無謂且督撫膺地方重任最重者年穀順成民生樂業陳瓚補授湖南巡撫眾災紛紛此必撫綏安輯未盡其道上千天和之所致也奏稱湖南徵收錢糧每

兩加至一錢二三錢不等並不指明加徵起自何年趙申喬昔任偏沅巡撫時居官甚清其於加耗一事禁止甚嚴今覽陳瓚所奏豈趙申喬亦未曾禁止耶陳瓚身係撫臣一切事務不圖躬行實踐將久經定例禁止之事故張大其言沽名條奏殊玷官方加耗起自何年何撫著陳瓚即行指參○宗人府奏臣等遵旨確審輔國公阿布蘭首告正紅旗滿洲都統公普奇縱徇醫生賀孟頰以礮水寫字通信二阿哥一案賀孟頰因醫治二阿哥福金病二阿哥令伊將緊要事密送信息遂用礮水寫字往來又屬託普奇保舉二阿哥為大將軍又稱從前澤卜尊丹巴胡土克圖曾言二阿哥災星未脫因復探聽澤卜尊丹巴胡土克圖來京之信又妄稱皇上有褒獎二阿哥之旨各處探聽冀有釋放信息普奇具悉其情不行奏聞普奇又有若齊世扎喇克圖為將軍我必告請出

東華錄 康熙九十六 七

兵之語應亂已極應將普奇擬絞立決賀孟頰擬斬立決得旨普奇著照前拘禁賀孟頰著改擬斬監候○戶部右侍郎廖騰燧以老乞休允之○設貴州安順府南籠廳學○辛丑諭大學士等張伯行為巡撫時每苛刻富民如富民家堆積米粟張伯行必勒行賤賣否則治罪此事雖窮民一時感激要非正道亦止為米價翔貴欲自掩飾耳地方多殷實之家是最好事彼家貨皆從貿易積聚並非為官貪婪所致何必刻剝之以取悅窮民乎況小民無知貪得無厭近聞陝西有方耕種即挾制州縣報荒者此等刁風亦不可長又賑荒一事苟非地方官實心奉行往往生事蓋聚飢寒之人於一鄉勢必爭奪明時流賊亦以散糧而起此不可不慎也書云明四目達四聰朕於天下事無不洞悉然知之而即發亦非大體總之為政以中正誠敬為本中正則能公誠敬則能去私朕

日讀性理諸書見得道理如此○以宋儒范仲淹從祀孔廟○癸卯諭吏部翰林何焯為人狂妄眾所共知朕欽賜以舉人進士伊當終身感激乃生性不識恩義將今時文章比之萬曆末年文章將伊女與允禩撫養又為潘耒之子夤緣罪應正法但念其稍能記誦從寬免死著將伊官銜並進士舉人革去在修書處行走如不悛改著該管官員即行參奏○以覺羅滿保為福建浙江總督由福建黨阿賴為兵部右侍郎由光祿寺卿遷○戊申賜塞都等一百七人武進士及第出身有差○己酉諭大學士九卿等部院司員見在官職雖卑日後亦可致大寮伊等朕多不認識必數數問諸大臣而用之亦不勝其煩今觀部院司官等劣者甚多前考校武進士馬步射時侍郎覺和託舉止粗鄙向背不知何以辦事又有一司官因劣革退舊例滿洲不分文武兩途出征時則令於夸蘭大

東華錄 康熙九十六 人

章京等處行走此後部院衙門滿洲司官著輪班佩刀在侍衛裏行如此賢否始見部院漢司官等朕亦未盡認識應照見今翰林官分班行走例令伊等分班引見○諭今科道官員雖有條陳多出私意簡任言職不可任結納聲氣之人若使互相標榜援引附和其勢漸成朋黨矣又如理學之書為立身根本不可不學不可不行朕嘗潛心玩味若以理學自任必致執滯己見所累者多宋明季世人好講理學有流入於刑名者有流入於佛老者昔熊賜履自謂得道統之傳其歿未久即有人從而議其後矣今又有自謂得道統之傳者彼此紛爭與市井之人何異凡人讀書宜身體力行空言無益也○以明安為刑部右侍郎由左副都御史遷○辛亥諭議政大臣大學士九卿等天下承平日久漢官但能作無實之文說見成話至軍務大事並不能盡職平日嘗謂旗員赴任多挈人

口騷擾地方漢官家口少所需無幾朕因此曾屢向漢大臣言漢官不能騎馬耐勞設有緊急之事邊塞地方必專用旗員方有裨益漢官或自謂清廉不取不與節用度日如解馬運糧等事督撫俱差州縣漢官漢人止一二僕從何濟於用遇勞苦之處旋亦逃亡縱令參處何益彼亦但願任咎卸事將所得官囊回籍自娛耳朕會親統大軍經歷軍務甚多用兵無謀略學問斷然不能朕閱宋明馬政兵書皆紙上空談全無用處朕安不忘危時勤訓練見在官兵俱各出口效力地方文官有何效力之處為督撫者明賞慎罰以鼓勵兵丁臨事時方能致命效死平日並無恩惠彼何所感而捨身效力耶漢人率以塞外遼闊地少水草行走艱難不能乘騎為辭如滿洲蒙古每歲塞外居住漢人何以不能此皆不習慣行走之故耳川陝督撫賴是滿洲如張伯行為之必致誤事張

東華錄 康熙九十六 九

伯行任江蘇巡撫時見漁船數隻疑為海賊遂致張皇如遇此等口外事情不知如何處置李之芳任浙閩總督時領兵親戰豈可謂漢人中無其人但如此等人甚少耳○乙卯江南江西總督赫壽丁母憂命在任守制○諭大學士等前會屢次議將張伯行等問朕念張伯行居官清廉不受餽送故不准拏問伊缺未經補授今調來引見甚屬糊塗實非堪任巡撫之人但能杜苞苴操守甚好可於錢糧無多處令其管守○諭吏部事務甚屬緊要張鵬翮雖丁艱著暫留辦事俟富甯安回日再令張鵬翮回籍守制

十二月癸亥朔子故原任刑部尚書安布祿祭葬○甲子以劉相為左副都御史由通政使遷○丁卯調陳瓊為福建巡撫以李發甲為偏沅巡撫原任雲南巡撫○辛未諭大學士等朕昨召陳瓊入見細察其舉動言語實係清官且陳瓊係

海濱務農之人非世家大族又無門生故舊而天下之人莫不知其清非有實行豈能如此朕面諭陳瓚云爾爲巡撫與爲司道等官不同若貪財好利誠爲非理但應得之物亦宜取爲賞兵之需身爲封疆大吏而室中蕭然無一物可以與人亦非大臣所宜夫第謂一介不以與人一介不以取諸人豈真一無所取不過不肯與人到後日仍是自肥耳陳瓚亦深心服至陳瓚之學問雖平常而其才尚能辦事凡爲地方官者但能持己以正不爲非法之事卽稱良吏如陳瓚者豈可多得國家得此等人實爲祥瑞允宜從優表異以鼓勵清操朕所以寬容張伯行者正愛其清耳○諭大學士等劉蔭樞屢奏稱貴州按察使白潢居官好內外官員無論滿漢大小有如陳瓚李陳常者爾等善爲留心昔年九卿保舉兩淮鹽運使張應詔操守好如此等人俱屬難得江南學院余正健

東華錄

康熙九十六

十

操守甚好但不知其辦事之才何如爾可傳諭九卿有如陳瓚之清操爲人所共知者著奏聞○甲戌諭大學士等武官不論大小朕俱親驗補投各於營伍事務勉效力部院滿洲司官令人侍衛班次行走漢官亦時常引見所以俱各勤謹惟外省州縣官員雖調來引見仍未能周知九卿大臣俱有言責伊等亦當留心可傳諭之○丙子以張聖弼爲湖廣按察使由直隸巡道遷○癸未諭大學士等方春祭 祈穀壇原用上辛日明年正月初十乃上辛日尙未立春前亦有用次辛下辛祭者此處大學士會同太常寺議奏尋大學士等議覆應擇明年正月三十日下辛日祭 祈穀壇從之○甲申諭大學士等倉場侍郎呂履恒爲人甚懦著調補戶部右侍郎張伯行係革職之員著授爲總督倉場侍郎於倉廩工上戴罪效力○以顧悅履爲內閣學士原任○予故戶部侍郎王原祁

東華錄 康熙九十六

祭○乙酉諭戶部前因甘肅靖遠衛等處年歲歉收既已多方籌畫蠲賑頻施復將甘肅被災二十八州縣衛所康熙五十四年額徵銀糧草束通行蠲免但被災之餘民鮮蓋藏若非再沛德施恐來歲辦賦猶艱除甯州隴西渭源狄道臨洮五州縣衛康熙五十五年額徵銀糧草束已經蠲免外其靖遠等二十八州縣衛所康熙五十五年額徵銀九萬七千八百七十兩零糧二十三萬九千四百石草二百五十三萬七千八百八十束零亦盡與蠲免○是月免安徽邳州等十八州縣水災額賦有差○是歲朝鮮琉球來貢○人丁戶口二千四百六十二萬二千五百二十四又永不加賦滋生人丁十七萬三千五百六十三田地山蕩畦地六百五十九萬七百六十四頃九十畝有奇徵銀二千九百七十九萬五千三百九十兩有奇米豆麥六百五十九萬二千石有奇草一百五十萬

東華錄

康熙九十六

十一

八千四百七十四束茶三十四萬一千四百二十四引行鹽五百九萬九千八百五引徵課銀三百七十四萬一千一百二十四兩有奇鑄錢三萬八千六百五十五萬九千九百有奇

五八三

東華錄

康熙九十七

臣王先謙敬編

臣周瀚蕃恭校

康熙五十五年丙申春正月壬子 上幸湯泉○癸丑以王之麟

為浙江按察使原任廣西 毛文銓為江南按察使原任貴州 張孟

球為河南按察使由糧道遷

二月壬戌朔諭議政大臣等運送糧餉安設臺站牧養馬匹等項

俱係領兵將軍職任今米糧不能運至皆由水草不足之故朕昔

親統大兵中路出征時沿途必留水草之處以牧運米牲畜爾

等所親知者身為領兵將軍此等事不能深曉領兵直前致沿途

水草如火燒赤地後隊兵馬及運米人役牲畜有不致困乏者乎

朕曾屢諭眾大臣云領兵將軍甚難凡事不可不周到今歲停止

東華錄 康熙九十七

進兵候種地及一應事物豫備完畢審察兩下軍情再行定奪者

為此故也且去年駐防哈密兵二百名戰敗策妄阿喇布坦時眾

大臣俱欲進兵路途遙遠米糧馬能接濟見在駐紮食用米糧尚

不能接續若彼時即行進剿不知作何景況矣如喀爾喀一路都

統穆賽等所統之兵俱係滿洲蒙古熟練之人並無糧餉不足等

事將軍席柱等所統之兵尚未熟練所以如此儻運糧不至所關

甚大行令將軍席柱提督師懿德等酌留足用汛守調遣之兵其

庸懦不堪者著會議撤回○癸亥宗人府奏原任黑龍江將軍鎮

國公楊福子三官保應照例降一等承襲得旨楊福任將軍以來

甚屬效力三官保著仍襲封鎮國公○乙丑命副都統蘇爾德經

理圖呼魯克等處屯田○戊辰以朱作鼎為安徽按察使由江南

遷○己巳禮部奏御史董之燧奏參會試同考官儲在文等作弊

之處請將原任左都御史劉謙等提至京城質審 上諭大學士

等漢大臣等有好干預科場之事者看來不待臨期往往前一年

先為之計或選刻文章或刊行窗稿令人誦習揣摩場中一見即

可知為何人矣故選文刻稿皆應懲戒總之科場事當秉至公不

可稍參私意去歲考試官聲名不好朕亦聞之但劉謙已於別案

革職若又提審牽連甚多著從寬免將董之燧參本發還○諭趙

晉果否身死之處前令張伯行確查今究竟如何著問張伯行具

奏尋大學士等奏臣等詢問張伯行據云趙晉未死之處實係傳

言尚未有確證 上曰此案甚大牽連人亦多且府縣官皆因此

誣誤若趙晉果不死便當查拏若已死便當結案將此交與刑部

速行完結○庚午刑部左侍郎薩爾臺以年老乞休允之○癸酉

上還駐暢春園○乙亥以陝西蘭州等處連歲被災命散給饑

東華錄 康熙九十七

民口糧外每畝再給籽粒五升○丙子以白潢為湖北布政使王

沛慎為貴州按察使由四川建昌道遷 ○禮部奏安南進貢禮物請交內

務府察收 上諭大學士等安南國年例進貢犀角象牙物既沈

重道復遙遠運送勞苦非所以柔遠之意嗣後著將犀角象牙免

其進貢○己卯 上巡幸畿甸啟鑾○甲申予故兵部左侍郎阮

爾詢陝西巡撫雍泰祭葬○庚寅戶部議准御史董之燧奏直隸

各省內有丁從地起者其法最善但愚民每急欲售地而去而丁

存貽累無窮嗣後請民間買賣地畝其丁隨地輸課從之

三月丁酉原任廣西新太營參將王啟雲子武舉王士懷奏右江

猺人猖獗臣父王啟雲率官兵往剿中傷身亡提臣以輕躁指參

蒙 皇上不加議處匍匐來京謝恩得旨武職官員皆係朕簡用

之人故俱實心效力以盡厥職無有退縮者王啟雲人材壯健曾

有效力處朕深知之授為參將人圍萬承州時王啟雲領兵奮力勇戰以致傷亡甚為可嘉著該部議卹具奏尋議王啟雲應贈為副將得旨依議王士懷著照難歷例錄用○庚子 上還京師○辛丑諭議政大臣等差往策安阿喇布坦處之克什圖保住並澤卜尊丹巴胡土克圖之使人楚楊託音及策安阿喇布坦差至喇布坦情形皆已悉知策安阿喇布坦乃巨猾奸詭之人甚屬無恥以朕之使臣非係使臣旨意非係諭旨是部文等語今爾諸大臣等向克什圖保住等詳詢策安阿喇布坦情形將克什圖保住及楚楊託音潘提忠內等一同遣往其作何遣往之處爾等會同副都統以上並九卿大臣各陳所見詳議再傳諭漢大臣等從前但以兵糧牲畜路遠難到為念今祁里德處糧米見積有二千餘

東華錄

康熙九十七

三

石而西路之米亦皆陸續運到兩處之米委屬充裕無容計慮朕從前中路出兵時曾於沿途按站留米令煮粥以養贍營中困乏之步行跟役並貿易人等大有裨益今兩路進兵之站亦應照此行將軍席柱曾中毫無主見一應軍務糧餉俱將軍之責伊云我但統領兵丁運米之事與我無涉糧到我即行等語可見席柱無將軍之才此處亦著確議再總兵官路振聲一聞侵犯哈密即領兵往救且聞伊愛養標下兵丁甚屬出力路振聲著授為參贊據策安阿喇布坦奏懇遣使一賢能大員等語克什圖保住出使策安阿喇布坦處所已經數次今加伊等大衙前去即係大員矣再凡為使臣者果能一體同心於事方克有濟若內有不睦互相掣肘彼此言語矛盾一有差失則無益於事伊等有不合處即當明言為是再派出在京一人偕克什圖保住前去此處亦著會議書

東華錄 康熙九十七

諭旨時令克什圖保住等面看繕寫伊等俱以為宜其再明示諸大臣我兩路兵馬牲畜糧米一應俱已齊備兩處軍中業已種地收穫可期此番使臣到策安阿喇布坦處得確實情形即將大兵逐漸進至伊地告以會講遣往並非進剿之兵亦無不可也○乙巳大學士等奏臣等遵旨問欽天監春分之日風候從何日起據監正明圖等云是日風從西北乾方來 上曰朕常立小旗占風並令直隸各省凡起風下雨之時一一奏報見有京師於是日內起西北風而山東於是日內起東南風者古人云隔里不同風此言最確又嘗考驗雷聲不出百里之外易云震驚百里若霹靂則不過七八里也至於礮聲竟可聞於二三百里從前蘆溝橋演礮天津皆聞之此其驗也書籍所載雖不可盡信然亦有鑿鑿可憑者書中云北方苦寒之處冰結十丈春夏不消今果有其地又淵

東華錄

康熙九十七

四

鑿類函有云磳鼠有重至萬斤者今亦有之其形如象牙亦似象牙但稍黃耳此皆與古書相符者也又論地理上應天上宋儒云天下至大不可執中國地方推算其言甚精而有理中國山脈皆由崑崙而來彼地四面有江土人呼崑崙為枯隴又云疆地推算天象中國與瀚海俱在赤道四十五度之內四十五度之南水皆向南而東流四十五度之北俱向北流此皆天文地理相合處也大學士等奏曰 皇上於天文地理逐一考驗精確實前人所未發也○召西安將軍席柱還以護軍統領晏布代之○癸丑圖爾胡特貝子阿喇布珠爾奏請軍前效力命協同青海台吉達顏貝勒益蘇克汪扎爾等率兵戍噶斯口○甲寅諭宗人府自王貝勒以下至閒散宗室以上有年長未許配之女查明具奏俟朕親為擇配其中有情願不情願者亦著陳奏至於無力出嫁者朕給匾

五八五

具嫁之○丙辰諭大學士等朕觀今人皆能勤於讀書昨將各部院司員輪班引見出題考試完篇者居多即不能詩文之人所書出身履歷亦甚明順若不知文義如何居官辦事今讀書之人甚多大是好事○戊午九卿等議覆貴州巡撫劉蔭樞奏請緩圖北征一疏查劉蔭樞本不知兵且遠在天末未悉邊界情形妄為陳奏交與該部議處得旨策安阿喇布坦無知蠢動侵擾我哈密應發大兵即行殄滅但朕好生為念不忍驟加剿除因備兵邊地遣使宣諭俟其悔罪自新為中外生靈計其萬全措置之際必籌其前後慮及久遠防微杜漸始合機宜自策安阿喇布坦侵擾哈密以來朕從容與大小臣工公同商酌辦理軍務並未嘗有逞一己之怒形諸聲色及統兵親剿之處劉蔭樞聽信謠傳邸鈔妄行具奏以為分清邊界便可畢事如策安阿喇布坦乘間竊發邊民能保不受害乎劉蔭樞尙未衰邁著乘驛前赴軍前盡心周閱矢公詳議具奏

東華錄

康熙九十七

五

閏三月辛酉朔吏部奏雲南布政使盧詢前任江蘇按察使時失察得麟家人多大潛往上海應於按察使任內降二級調用從之○壬戌兵部奏前阿南達奏稱自邊界至噶斯口一千七百里今變儀使董大成奏稱自嘉峪關至噶斯口三千餘里董大成誤信協領吳通寶導引不由阿南達所行之路繞道紆行以致兵丁勞苦馬匹損傷應將董大成革退變儀使從之○癸亥諭吏部湖廣總督額倫特著署理西安將軍事務並協同川陝總督辦理軍餉湖廣地方緊要總督事務著工部右侍郎滿丕前往署理○甲子以薩睦哈為西安布政使由盛京工部使○戊辰以馬晉台為盛京刑部侍郎由盛京工部使白潢為貴州巡撫由湖北布政使○壬申諭吏部行

東華錄

康熙九十七

六

取直隸各省知縣覃岱等四十二員俱著授額外主事不拘月分過缺即行題補○以永泰為西安按察使由郎中選○戊寅以金世揚為雲南布政使原任江蘇布政使宋致為湖南布政使原任四川布政使為湖北布政使原任江蘇布政使○己卯議政大臣等議覆侍衛阿齊圖奏青海台吉等初言將胡必爾汗送往紅山寺繼又請將胡必爾汗送往宗喀巴寺始終推諉不令起程自奉旨令護軍統領彥布統兵駐紮西甯四川提督康泰松潘總兵官程正李等整兵豫備復屢次曉諭青海台吉等伊等果爾恐懼於三月十五日將胡必爾汗送至宗喀巴寺居住但青海二翼台吉今雖和睦恐不能久請將羅卜藏丹津察哈丹津達顏管理右翼事務額爾德尼厄爾克托克托奈阿喇布坦鄂木布管左翼事務再派大臣同郎中長受主事巴特麻至青海會盟令其永遠和睦應如所請得旨依議

著公策旺諾爾布侍衛布達里前往○壬午諭大學士等直隸巡撫趙宏燮因順天永平兩府所屬地方米價騰貴民多乏食奏請借帑銀差官貴賈賤賣再借莊頭積貯之米減價糶賣朕思治天下之道以養民為本當此太平之際而使民乏食可乎如從前福建廣東遠處偶遇災荒猶海運賑濟況京師畿輔之地乎去年順天永平保定河間宣化五府因雨水過多米穀歉收已將錢糧盡行蠲免積貯之米減價糶賣見今閭閻積貯無多若又以銀買穀則米價益加騰貴今京倉通倉之米甚多將倉內所貯之陳米發二十萬石差堂司官運至各處地方不論旗民確查賑濟窮民始得均霑實惠且直隸北四府地方有水路可通即由旱路運去亦不甚遠不過在人區畫而已至於運米腳價以米給之亦可煮粥之柴以米易之亦可果如是更為有益當青黃不接之時發通倉

米於近京之地減價糶賣今又以陳米賑濟則小民斷無乏食之虞矣又諭朕聞今年直隸南四府地方麥苗甚好但麥收時亦止有地之人得食而已未種麥之人何由而得朕意此番賑濟須至九月民方不致乏食每歲五城煮粥賑濟至三月即止今尚未停止於民大有裨益古之人君居深宮之中不知民間疾苦者甚多朕巡行各處曾目擊之故知之甚確又於直隸各省年穀豐歉時訪問地方大吏所以不敢隱瞞朕凡事但求實濟不務虛名即如積貯之事聞之似善而行之甚難從前連歲豐收朕曾諭地方官令民間節省積貯但窮民一年所得餬口之外別有費用何得餘贖至於社倉一事李光地任直隸巡撫時曾以此為有益卒不能行今太平已久生齒甚繁而田土未增且士商僧道等不耕而食者甚多或有言開墾者不知內地實無閒處今在口外種地度日者甚多朕意養民之道亦在相地區處而已陝西臨洮鞏昌等地方雖不可耕種若於有水草之地效蒙古牧養則民儘可度日而百姓但狃於種地不能行此昔年去山東賑濟人員曾云或有人在牛旁不知取乳而食竟坐以待斃此皆不習之故耳爾等將趙宏燮所奏之事會同九卿確議具奏尋大學士九卿等議覆將京倉通倉米發二十萬石於大州縣先運三千石小州縣先運二千石揀選各部院賢能官員親往散賑俟九月秋收時停止得旨依議速行○刑部等衙門議覆奉差山西審事湖廣總督額倫特等奏原任山西太原府知府趙鳳詔巧立稅規勒索銀兩應照枉法受贓例擬絞但趙鳳詔受恩甚重不便照比例議罪應將趙鳳詔擬斬監候秋後處決其贓銀十七萬四千六百餘兩照數追取入官應如所擬得旨著九卿等會同確議具奏尋九卿等議覆趙鳳

詔應即行正法 上諭大學士等趙鳳詔前者自謂清廉一文不取取錢無異婦人失節又奏鳴禮為第一清官甚屬欺妄伊父趙申喬居官尚廉趙鳳詔如此貪濫不忠不孝極矣似此不忠不孝之人應當正法九卿議立決甚是但伊贓銀甚多不可不追著照數追比此本著暫收貯○癸未以黃炳為山東按察使由浙江鹽
○甲申命五城粥廠展期於秋後停止
夏四月辛丑轉黨阿賴為兵部左侍郎以查弼納為兵部右侍郎由內閣
○癸卯 上奉 皇太后避暑塞外啟鑾○戊申 上駐蹕遙亭諭大學士嵩祝近問外省奏摺人等僉云麥苗甚好但路上未曾遇雨據此則曠旱不但京北地方矣見今麥穗秀齊若不再雨豈能生發結實朕望雨心切爾將此旨錄出發往京師令大學士九卿等再虔行祈禱○以順天永平二府災歉弛山海關米禁○以薩哈布為內閣學士由光祿寺卿遷
○予故刑部侍郎明安祭葬
○乙卯 上駐蹕熱河
五月庚申朔諭大學士嵩祝自密雲縣至邊北雖雨水霑足無煩再禱但京城左右仍然曠旱朕心不安不知眾大臣亦念及否自前端午節恐互相宴會應行嚴禁並令各官竭誠祈禱將此旨速發京師傳諭九卿○辛酉諭扈從諸臣朕因祈雨屢降諭旨在京諸臣遲延日久並不奏聞今始奏稱熱河得雨臣等不勝忻幸之語止於此處得雨有何忻幸部院諸臣但知營求財賄在家安逸而已求雨之處未必親到朕兩降諭旨命嵩祝鈔發京師乃並不直書申飭又不嚴查奏參伊平日但務趨奉李光地趙申喬令於朕前稱伊之善今漢大臣輕視滿大臣咸習以為常矣朕幾次令科道陳奏伊令科道緘口不言皆入李光地趙申喬之黨瞻徇情

面唯唯諾諾而已伊乃大學士也是非所在豈特當與眾言之即於朕前亦當懇切言之朕所用大學士三十四人矣未見有如嵩祝者伊自謂能自守之人乃趨奉二阿哥隱匿德麟逃走之事與噶禮結親自守者果如是乎且索額圖噶禮朕皆誅之嵩祝豈更甚於索額圖噶禮朕不能誅之乎抑畏伊鑲藍旗之黨乎今滿洲大臣內無能令漢大臣心服者朕因仍用馬齊為武英殿大學士兼戶部尚書穆和倫為戶部尚書著嵩祝即馳驛前往京城問用不勝忻幸之語者為誰祈雨不到者為誰嚴查奏參若仍徇情面一經覺察必將嵩祝並誅之陳名夏即伊榜樣也○諭大學士嵩祝近觀部院諸臣並不以朝廷事務緊要民生關繫重大為念惟圖恩威由己多方設法極力結黨而已今部院諸臣越次升用者多而一切禮儀尚且不諳況其他乎今值曠旱之際朕心憂慮兩

東華錄

康熙九十七

九

發諭旨始見臣等不勝忻幸之語朕心深為失望由此觀之九卿並未會集或止聽一人之言如此難免欺君之罪矣總之伊等結黨甚眾若非伊等援引之人科道言官何以不行糾參恐此風漸長故將原任大學士馬齊原任尚書穆和倫亟行補授爾齋此旨切責在京諸臣○壬戌諭大學士等京畿地方至今雨水未霑足朕心不勝焦勞自密雲至口外田禾甚佳及問各處來人俱云倘有雨水不足之處念京城人民輻輳就食者多且太平日久人口滋生多至數倍以此平素聞諄諄以此事面諭眾大臣今值曠旱之際若再不亟為籌畫為君為臣者所理何事乎閱此次報內米價又長八旗官兵糧米定例於八月內支放今若候至八月米價必愈加騰貴著於五月初十日起即行支放至京城米石若仍行減糶甚為有益著再發米三萬石交與原派賣米官員減價糶賣

爾等傳諭戶部○諭署內務府總管散秩大臣觀寶去年直隸所屬地方水澇未得豐收目今京師又旱朕心深為憂慮自明日為始朕於宮中每日止進膳一次先人而憂後人而樂庶可感召天和也○癸亥轉傳爾笏納為戶部左侍郎以敦稗為戶部右侍郎由內閣○以阿錫爾為刑部左侍郎劉相為刑部右侍郎俱由左學士選○甲子大學士嵩祝奏京師下雨日期得旨宋儒有言求雨得雨旱豈無因此意甚深今雖下雨但雨勢未必遠及有何可喜之處求雨斷不可止必處處霑足方可停止也○丁卯署內務府總管馬齊以復授大學士赴熱河謝恩得旨馬齊著留此處辦事嵩祝著在京辦事○己巳京師遠近雨足 上始復常膳○以尼雅達為內閣學士由內閣侍讀學士選○庚午大學士嵩祝奏參尚書趙申喬王項齡左都御史范時崇侍郎傅紳李華之學士蔡升元王之樞

東華錄

康熙九十七

十

彭始摺詹事王奕清於祈雨處俱不親到殊屬溺職應交吏部都察院嚴加議處大學士王掞副都御史郝林以患病為辭於祈雨處親到一二次亦屬不合應交吏部察議近因雨澤未足重煩皇上廬念乃九卿等不虔心祈禱反於奏摺內妄稱忻幸甚屬不合應將會題此事之九卿諸臣交與未預此事之九卿諸臣嚴加議處至於奏報雨澤霑足與否及浸地幾許之處實係禮部專責不行明白具奏甚屬溺職應將禮部堂官等交與吏部都察院嚴加議處臣既奉明旨不即奏參實係庸劣愚昧應將臣一併交部嚴加議處從之○乙亥 皇子允祕生○丙子福建浙江總督覺羅滿保奏臺灣遠屬海外民番雜處南北兩路生番自古聲教未通今據臺灣鎮道詳報南北生番四千七百餘口傾心向化願同熟番內附得旨生番遠居界外從未投順今募義輸誠請入版籍

著地方官加意撫恤儻有侵沒擾害者該督撫卽行指名奏參從重治罪○丁丑諭大學士等禮部已將大雨霑足停止祈雨之處具奏今內務府總管赫奕復將祈雨之處請旨奏事如此疏忽殊屬不合著將赫奕革去工部尚書並內務府總管其恩詔所得廢生亦著革退○乙酉以孫渣齊爲工部尚書由都統選楊柱爲左副都御史由通政使選

六月己丑朔九卿等遵旨察議尚書趙申喬王瑱齡左都御史范時崇侍郎傅紳李華之學士蔡升元王之樞彭始搏詹事王奕清奏摺妄書不勝忻幸之語祈雨處又不親到殊屬不合俱應革職禮部尚書赫碩咨陳詵侍郎二鬲王思軾胡作梅祈雨乃其專責並不虔心祈禱雨澤曾否霑足之處又不明白具奏殊屬不合俱應革職大學士蕭永藻王揆學士星峨泰長壽吏部尚書張鵬翮

東華錄

康熙九十七

上

侍郎孫柱李旭生湯右曾戶部尚書傅爾芴納呂履恒兵部尚書殷特布侍郎黨阿賴田從典刑部尚書賴都張廷樞工部侍郎王度昭左副都御史董宏毅郝林通政使周道新祈雨處雖曾親到奏摺妄稱不勝忻幸之語亦屬不合俱應革職留任大學士不將在京諸臣不虔誠祈雨奏報遲延之處卽行指名參奏亦屬不合應革職留任得旨趙申喬王瑱齡范時崇傅紳李華之蔡升元王之樞彭始搏王奕清俱著降三級留任恩詔所得廢生俱著革退陳詵二鬲王思軾胡作梅俱著降五級留任恩詔所得廢生俱著革退蕭永藻星峨泰長壽張鵬翮孫柱李旭升湯右曾傅爾芴納呂履恒殷特布黨阿賴田從典賴都張廷樞王度昭董宏毅郝林周道新俱著降二級留任恩詔所得廢生俱著革退四月內朕起身前一日曾面諭大學士王揆爾氣色不好仍似有病今歲爾宜

在家調養王揆將此緣由並未聲明今若同眾議處與朕從前面諭不符王揆著寬免○壬辰以大暑詔寬恤獄囚○丁酉以荆山爲禮部尚書由禮部右侍郎選○辛丑諭大學士等熱河地方雖日日布雲時有雷電而雨未大沛問各處來人言京城四圍亦覺稍旱此處自十五日起齋戒祈雨京城亦從十五日起一體祈雨將此旨速行傳諭禮部○丙辰 上幸湯泉

東華錄

康熙九十七

上

東華錄

康熙九十八

臣王先謙敬編

臣周倫蕃校

秋七月辛酉 上還熱河○辛未侍衛阿齊圖奏臣於六月初六日到察罕烏蘇地方據台吉達賴等言察罕烏蘇水草既好地亦寬闊宜於駐兵若策妄阿喇布坦使人到青海必由此路若往西藏必由察罕托灰之路此兩路設兵防守則噶斯口以內更無可行之路再自噶斯口過打布孫瀚海有地名噶順可進色爾騰地方此處亦當設兵防守臣遣人往視噶斯口果無可以駐兵之處今將兵分爲四營駐紮察罕烏蘇令護軍參領欽第由等領兵駐紮噶順設汛防守報聞○戊寅領侍衛內大臣侯巴渾德等參奏鑾儀使護軍統領宗室納音圖冠軍使副都統欽拜遲誤 御轎

東華錄

康熙九十八

一

應交部議處得旨訥音圖賦性昏愚人亦庸懦著革職交該管王處行走欽拜著革職 上諭領侍衛內大臣等本朝舊制王大臣及眾執事人等凡係辦理御用之物各極謹慎不至遲誤今漸染漢人習氣惟尚虛浮遲誤御轎之事無大關繫但該管官於御用之物怠忽從事情屬可惡朕今將伊等拏問觀鄂倫岱之意大以爲不然朕洞察其情必欲懲治以彰國法特諭爾等知之○癸未上行圍發熱河○是月免浙江蘭谿嚴州等八縣水災額賦有差

八月壬寅以長胤爲內閣學士由內閣侍讀學士遷○乙卯吏部遵旨察議

原任奉天府尹今升左副都御史董宏毅將承德等九州縣應徵米豆奏請改徵銀兩以致存倉米豆缺乏應降三級調用從之○是月免湖廣安鄉岳州等八縣衛江西甯州武甯等三州縣水

災額賦有差

九月己未 上駐蹕博洛河屯賜來朝外藩銀幣鞍馬及隨圍蒙古官兵銀布○壬戌 上還熱河○戊辰 上聞貝勒允禩染患傷寒降旨十四阿哥允禵向來與八阿哥允禩相好著伊同太醫商酌調治○庚午以蔣陳錫爲雲南貴州總督李樹德爲山東巡撫由登州總撫兵官遷○壬申 上奉 皇太后自熱河回鑾○癸酉兵部議覆江南蘇松水師總兵官胡駿奏臣不諳水性請調極邊效力應行文該總督將胡駿果否諳練水性之處查明到日再議 上諭大學士等朕聞蘇松兵丁習俗甚惡自胡駿到任因其約束嚴峻兵丁幾起釁端總督巡撫提督等欲潛行消弭故未奏聞至於給餉俱係知縣等微員不能彈壓兵丁胡駿征剿海島勤勞素著今爲兵丁惡習所迫故爾奏請改調部臣未悉此情議將胡駿果

東華錄

康熙九十八

二

否諳練水性之處行查該督誤矣儻因胡駿不諳水性另行改調則兵丁惡習愈長此斷不可況崇明遠在海島民稠地廣應將江南事簡地方道員移駐於彼以資彈壓著九卿議奏尋九卿等議胡駿不准改調請將江南江常鎮道移駐崇明監放官兵俸餉從之○甲戌 上駐蹕兩間房間 皇四子和碩雍親王曰八阿哥病汝曾使人往看否回奏云尙未使人往看 上曰汝當使人往看○戊寅貴州巡撫劉蔭樞奏臣遵旨親赴巴爾庫爾前閱視滿漢官兵共立二十三營周圍二百餘里軍勢雄壯首尾相應但巴爾庫爾地方居雪山之後闖入冬大雪動深數尺儻道路壅阻糧何以運草皆覆壓馬駝何以收放臣不勝憂懼謹密奏聞 上諭大學士等軍機事務關繫重大一言可以鼓勵士氣一事可以退縮人心本朝自 太祖高皇帝 太宗文皇帝 世祖章皇帝迄

今百有餘年所向成功事事上應 天心以正討逆巡撫劉蔭樞乃讀書之人年已六十非屬無知初以朕爲不能忍怒及至軍前無可奏對又稱嗣後雪至三四尺糧何以運馬駝何食於此愈知其無能矣外藩蒙古共有百餘扎薩克人無一分糧餉馬無一束草乾自古及今極寒之地何以各安生業觀其一經雪後驚惶失措忘其身爲巡撫管轄文武之責如敵稍強必致效曹申吉羅森方光琛輩所爲也朕三統大兵曾當嚴寒盛暑久行沙漠不毛乏水之地於軍機事務以至調養駝馬無不熟悉後知古人論兵不得其道多無成功每致敗事深爲太息朕中路統兵至上都博洛河屯於三月十六等日遇雨雪風霰自京師運米出口馬匹肥者倒斃反多兵丁馬匹不甚傷損蒙古馬匹如常於此愈知古人乘春以圖蒙古之失策也朕近訓兵校獵至烏里雅蘇台八月十六

東華錄

康熙九十八

三

日嶺頭雪深尺許至行營中惟深七寸駐蹕二日雪已全消此去京師七百里卽如此矣設劉蔭樞見黑龍江東海北海等處冰結八尺之處必致奏請毀城郭棄地方盡行移徙矣古人云雪盈尺表瑞過尺成災劉蔭樞今奏稱巴爾庫爾地方雪深三四尺或係伊親見或係何人告伊之處並未聲明仍著劉蔭樞前去雪深三四尺果屬親見著據實奏聞儻聽信他人妄誕恐嚇之語亦著據實奏聞○己卯 上駐蹕密雲縣 皇四子和碩雍親王奏云臣使人往看八阿哥允禩病勢甚篤今欲先回看視 上允之後發來 上諭云四阿哥隨駕在外惟伊一人乃置扈駕之事奏請先回看視允禩觀此關切之意亦似黨庇允禩允禩醫藥之事卽著四阿哥料理○辛巳 上駐蹕湯泉因允禩卧病在暢春園路旁園內降旨將允禩移回家中之處著諸皇子議奏 皇四子欲移

允禩回家問及諸皇子俱說應當移回惟允禩憤怒云八阿哥今如此病重若移駐家中萬一不測誰爲承當激切攔阻將欲移允禩之事奏聞 上又降旨云八阿哥病極其沈重不省人事若欲移回斷不可推諉朕躬令其回京諸皇子議云八阿哥允禩見今病勢雖未至於十分沈重然已甚篤儻有不測允禩見駐之處乃 皇父經由之御路所關非細理應移回一面奏聞一面卽將允禩移回家中○癸未 上命貝子蘇努舅舅佟國維大學士馬齊領侍衛內大臣公阿靈阿鄂倫岱侯巴渾德同往看視允禩病同四阿哥多方延醫竭力調治 皇四子和碩雍親王因至湯泉奏云向在途次 皇父問及曾使人往看八阿哥否及使人往看回稱病篤故爾奏請看視臣未審輕重實屬錯誤罪所難追況臣素不諳醫藥今既送允禩到家臣無可料理之事奏知前後始末

東華錄

康熙九十八

四

上方釋然得旨所奏已悉○甲申 上奉 皇太后還京師○諭大學士九卿詹事科道等國家設立科道寄以耳目重任建言參劾乃其專責原任將軍席柱任都統時補授官員及披甲撥什庫等混索賄賂爲西安將軍時尤貪婪不堪頃交議政大臣審訊真情盡露人無不知而科道等官竟不糾參昔年所用武大臣邇來漸少所以補授都統副都統等官止視其效力處漸次升用但伊等多不諳事體亦不能約束兵丁兵丁全無畏懼法度大爲廢弛如原任右衛副都統赫遜圖人皆稱爲胡打鐵卒以殺人獲罪宗室內朕亦嘗試用皆少不更事無勝任者至於總督巡撫但於地方不生事年穀豐登錢糧清楚卽爲稱職或有人自謂清官縱妻子女僕暗受賄賂以此爲清朕斷不許如此清官何益之有且九卿及督撫提鎮內居官貪婪行止不端者亦或有之科道官員卽

當從嚴參劾乃或因係某大臣保舉或因係某大臣門生故舊彼此瞻徇情面並不奏參間有條奏彈章亦止受人請託或欲使人畏懼自立威名耳至於會同保舉時或有欲舉之人指使他人舉出而已佯為不知朕為人君特從寬不深求而已非不知也爾等皆讀書之人性理一書公私甚明凡事一出於公斯為善矣科道內有招搖生事索詐取財代人陳奏者九卿即行參奏○諭聞山西陝西今歲收穫較往年甚豐但西邊見有軍務沿邊一帶地方錢糧及舊欠錢糧應予蠲免其在軍前綠旗兵丁所借錢糧免其坐扣今歲湖廣收成亦好湖南大熟湖北微不及江西雖覺稍旱究亦無妨江浙素稱豐富朕前巡幸南方時米價每石不過六七錢近聞竟貴至一兩二三錢如此民何以堪今江浙兩省被災地方錢糧作何蠲免之處爾等會同詳議具奏前張伯行會奏江南

東華錄

康熙九十八

五

之米出海船隻帶去者甚多若果如此亦有關繫洋船必由乍浦松江等口出海稽察亦易聞臺灣之米向運至福建糶賣由此觀之海上無甚用米之處朕理事五十餘年無日不以民生為念直隸今年米價稍昂朕發倉糧二十萬石分遣大臣巡視散賑米價即平小民均霑實惠若內而九卿科道外而督撫提鎮悉體朕軫念蒼生至意則天下無不理之事矣○是月免江南宣城山東泰安湖廣江夏等二十九州縣衛水災額賦有差
冬十月丁亥朔諭大學士等張伯行條奏宜立社倉前李光地為直隸巡撫時亦會請立社倉朕諭此事言之甚易行之甚難爾姑試行後試行之果無成效倉糧庫帑設官專理尚且虧空社倉所收穀石交百姓收貯寺廟虧空又何待言耶其果否可行之處爾等會同九卿詳議具奏○諭朕前會諭九卿科道等文武大臣內

有聲名不好者科道即行奏參科道內有行止不端者九卿亦行參奏今部院司官內有辦事雖勤而操守平常者亦著查參可傳諭九卿○諭聞富甯安駐紮肅州地方秋毫無犯彼處兵民無不歡悅誠無愧於大臣之道矣○諭見今緩決人犯長繫囹圄殊屬可憫爾等會同九卿查其年分久遠情屬可矜者即分別奏明發落○辛卯允禩患傷寒病愈後屬內侍魏珠奏聞 上命將所停允禩之俸銀俸米俱照前支給○壬辰以趙宏燦為兵部尚書廣

東華錄

康熙九十八

六

東廣西梁世勳為戶部左侍郎由安徽○以郝林為工部左侍郎由順天府○以薩哈布為禮部右侍郎由開學羅瞻為左副都御史○癸巳諭戶部策妄阿喇布坦侵擾哈密已經偏置佐領即與內地無異若不遣發師旅置之不問斷乎不可故特徵兵備邊一切飛芻輓粟悉支正項毫無累及閭閻然而行軍置驛及諸凡輓運皆由邊境今歲山陝二省雖年歲豐收喜登大有但邊民效力轉輸在所宜恤茲特大沛恩膏將山西屬前衛右衛大同懷仁馬邑朔州保德等州縣衛陝西屬府谷神木安塞綏德米脂安定吳堡保安榆林保甯常樂雙山魚河歸德響水波羅懷遠威武清平山丹高臺古浪莊浪西甯鎮甯夏左屯中屯平羅中衛靈甯平涼固原鎮戎西安慶陽阜城甜水河州蘭州洮州等州縣衛所堡康熙五十六年額徵銀八萬六千一百兩零糧米豆穀三十一萬七千七百二十五石零草二百七十六萬五千九百束零通行蠲免並將從前積年逋欠亦悉與蠲除○免山陝綠旗兵所借帑金○乙未予故兵部尚書公孫徵灝祭葬諡清端○丁酉議政大臣等議准吏部尚書富甯安奏巡撫綽奇前往勘閱肅州迤北地方可以開墾之地甚多酌量河

水灌溉金塔寺地方可種二百石籽種自嘉峪關至西吉水地方可種一百三十石籽種達里圖地方可種一千一百餘石籽種方城子等處地方可種五百餘石籽種臣查今歲西吉木地方達里圖布隆吉爾三處耕種共收糧一萬四千餘石布隆吉爾係沙土之地明年應停其耕種至西吉木達里圖及金塔寺等處地方請動正項錢糧派官招民耕種從之○戊戌吏部議准河道總督趙世顯奏管河官員必得在工年久諳練工程者方克勝任請將丁憂人員仍留河工效力 上諭大學士等河工告成二十餘年善後之方不可不講在工之人必年久諳練方能辦理譬於行軍務須曾經出征者始於營務熟諳況黃河之水遷徙不常最難疏治如下埽築隄建挑水壩非久於其地之人不能熟悉著照所議行但築隄亦有不同黃水難於修築而易於保固清水易於修築而

東華錄

康熙九十八

七

難於保固此又不可不知再清水暢流可以刷沙使河水深通水無倒灌之虞然欲使清水暢流必全閉六壩使盡由清口而出方能敵黃朕昔南巡乘船閱河隄內居民歷歷可見今於隄內望黃河行舟帆檣皆不可見可知近日河水之深矣○大學士九卿等遵旨議覆張伯行奏請直隸等地方建立社倉應不准行 上諭此議甚是設立社倉殊無裨益豐年猶可若遇饑饉之年開倉賑濟百姓幾至毆官明代李自成之亂亦由賑濟而起為督撫者遇地方有此等事須善為消弭張伯行任江蘇巡撫時地方有一二小賊恐為所害甚至不敢赴常州會審如此張皇失措平日學問安在哉○諭人命案件關係重大不可稍有疏忽朕御極以來於奏讞刑獄之事必極其慎重細察情罪反復披閱幾可成誦如此詳勘毫無疑竇方分別輕重批發施行閱今年朝審情實人犯止

七十餘名迨三次覆奏後句決者不過二三十名除緩決人犯已有諭旨今將年久者分別減等發落外其朝審情實人犯今年處決著停止○以穆爾吉為內閣學士由翰林院侍讀學士遷周道新為左副都御史由通政使遷○以楊琳為廣東廣西總督由廣東巡撫遷李成龍為安徽巡撫由山東布政使遷○甲辰貴州巡撫劉蔭樞奏臣妄奏軍前雪深奉旨令臣前往閱視但臣年老患病不能親往謹在甘州候旨得旨劉蔭樞前奉旨親赴軍前並未周閱營壘即稱患病不候諭旨回至甘州且云入冬後雪深數尺恐懼陳奏今令伊親閱彼處積雪情形據實陳奏又不遵旨往閱仍託病求回原籍若伊意欲乞休久當奏請乃未奉旨之前願戀官職不請休致及至軍前稍經寒雪即舉動失措違旨退縮奏請回籍理應從重治罪但伊年老居官以來操守尚清覽伊奏摺情辭甚屬可憫諭旨到時著即回

東華錄

康熙九十八

八

貴州辦事從寬免其議處○丙午侍衛阿齊圖奏策妄阿拉布坦賊徒來馬廠偷盜馬匹官兵擊敗賊徒遁去臣隨遣官兵會同駐紮噶順汎界之護軍參領欽第由追緝蹤跡始知賊由山後過沙喇於欲來盜馬之時先執青海台吉羅卜臧丹濟布而去報聞○丁未諭吏部嗣後應引見教官俱不必來京著該督撫考試可用者補用年老不堪者革退○命署西安將軍額倫特駐師西甯協守噶順口○辛亥諭大學士等朕訪聞海外有呂宋噶喇吧兩處地方噶喇吧乃紅毛國泊船之所呂宋乃西洋泊船之所彼處藏匿盜賊甚多內地之民希圖獲利往往放船帶米載去並賣船而回甚至有留在彼處之人不可不豫為措置也○太常寺奏冬至祀 天請遣官行禮得旨朕自御極以來大祀俱親詣行禮諸大臣以朕年高恐致煩勞請遣大臣恭代朕雖年高凡大祀每思親

詣行禮今朕躬康健仍親詣行禮○壬子諭大學士九卿等天下事未有不小而大小者猶不可忽大者益宜留心爾等在衙門或能辦理事務或以清白自持亦止為身計耳其關繫封疆大事未必深思遠慮也即如海防乃今日之要務朕時加訪問故具知原委地方督撫提鎮亦或未能盡悉也朕南巡過蘇州時見船廠問及咸云每年造船出海貿易者多至千餘回來者不過十之五六其餘悉賣在海外齎銀而歸官造海船十隻尚須數萬金民間造船何如許之多且有人條奏海船龍骨必用鐵梨笏木此種不產於外國惟廣東有之故商人射利偷賣即加查訊俱捏稱遭風打壞此中情弊速宜禁絕海外有呂宋噶喇吧等處常有漢人自明代以來有之此即海賊之藪也官兵出哨或遇賊船四五隻兵船止一二隻勢不能敵舵工又不奮力向前將領亦無可如何不

東華錄 康熙九十八 九

過尾追而已何能剿滅耶張伯行會奏浙江之米多出海販賣斯言未可盡信然不可不為豫防出海貿易海路或七八更遠亦不過二十更所帶之米適用而止不應令其多帶再東洋可使貿易若南洋商船不可令往第當如紅毛等船聽其自來耳且出南洋必從海壇經過此處截留不放豈能飛渡乎又沿海砲臺足資防守明代即有之應令各地方設立往年由福建運米廣東所雇民船三四百隻每隻約用三四十人通計及數千人聚集海上不可不加意防範臺灣之人時與呂宋地方人互相往來亦須豫為措置凡福建廣東及江南浙江等沿海地方之人在京師者爾等可加細詢朕令廣州將軍管源忠閩浙總督滿保兩廣總督楊琳來京陛見亦欲以此面諭之海外如西洋等國千百年後中國恐受其累此朕逆料之言又漢人人心不齊如滿洲蒙古數千萬人皆

一心朕臨御多年每以漢人為難治以其不能一心之故國家承平日久務須安不忘危爾等俟官源忠等到京後會同詳議具奏○以法海為廣東巡撫由革退翰林院侍讀學士遷○癸丑工部右侍郎王度昭丁母憂准回籍守制○乙卯命散秩大臣阿喇衲赴巴爾庫爾參贊軍務○是月免直隸隆平等六縣水災額賦有差

十一月丁巳朔以李錫為工部右侍郎由河南巡撫遷王用霖為山東布政使原任廣東布政使○辛酉諭議政大臣等朕綜理軍務年久經歷甚多且會親統大兵安定邊塞眾議欲於明歲進兵又慮路遠糧米難運其見不可謂非但大兵進剿策妄阿拉布坦勢不能當必致逃避明年著暫停進兵加意耕種將糧餉馬匹豫備整齊後年再行進兵其盛京甯古塔兵丁照舊發往京城之兵著暫停止策妄

阿喇布坦詞雖卑遜竟遣人盜我噶斯口兵丁之馬我兵豈可坐
東華錄 康熙九十八 十

守著將孔格扎布罕兵內揀選精騎由阿爾泰作三四路襲擊巴爾庫爾兵內揀選精騎作兩路襲擊此襲擊之兵遇可擊之處即行襲擊可取則取應退則退相機而行襲擊後仍回駐兵之處策妄阿喇布坦地方必然震動其餘黨或有變端以致逃亡亦未可定我兵如此一舉其道路地勢皆可悉知將此詢滿漢大臣若仍欲明歲進剿爾等將原議具奏尋議明年應暫停進剿令孔格扎布罕之兵移近汎界駐紮加意耕種然我兵與其暫守不如兩路派兵襲擊至所派兵丁數目由何路襲擊及派領兵官員應令軍中大臣酌議奏聞從之○戊辰 上謁 陵啟鑿○癸酉予故理藩院尚書公阿靈阿祭葬○乙亥 上謁 暫安奉殿○丙子 上謁 孝陵至 仁孝皇后 孝昭皇后 孝懿皇后陵奠酒○乙酉刑部奏盜犯韓七等偷掘明朝陵寢為首之韓七見在脫逃

獲日另結為從之王五等擬絞監候秋後處決得旨偷掘先朝陵寢即與掘伊祖父墳墓相同韓七著該管官嚴緝務獲到日著即處斬王五等著立絞○是月免安徽邳州等十一州縣水災額賦有差

十二月戊子內閣學士彭始摺請回籍葬親允之○乙未以張聖佐為河南巡撫由安徽布政使遷張文燦為湖廣布政使由按察使遷○戊戌

派兵戍布隆吉爾○庚子 上駐蹕熱河○乙巳轉薩哈布為禮部左侍郎以羅瞻為禮部右侍郎由左副都御史遷○以張廷玉為內閣學士由翰林院侍讀學士遷○戊申以年希堯為安徽布政使由廣西布政使遷○

己酉 上還京師○壬子諭戶部朕巡行塞外車駕所過見今歲秋成豐稔米價稱平惟是去年雨水過多田畝閒被淹沒朕獨賦平糶轉漕分賑使民不至流離今者雖復有秋僅足支一歲之用

東華錄 康熙九十八年 十一
恐來年輸將尚多難繼是必再沛恩膏始可大培民力其順天永平所屬兩府三十五州縣衛所明年地丁稅糧通行蠲免積年逋賦亦並除之○乙卯諭理藩院青海已故親王扎什巴圖爾自效

順以來一心向化伊子羅卜藏丹津人材亦優著封為親王其台吉達顏係達賴巴圖爾之孫為人誠實感朕深恩實心辦事甚屬

勤勞著封為貝勒台吉巴爾珠爾喇布坦拉扎卜喇布坦俱著封為貝子台吉丹津著封為一等台吉○是歲朝鮮安南來貢

東華錄 康熙九十九年 臣王先謙敬編 臣周澗蕃恭校

康熙五十六年丁酉春正月乙丑諭內閣學士星賡泰等爾等曾出江南海差海船一年造若干應令報明監督於出洋時將前報

過造船人名與船隻字號逐一查對方不至隱匿凡大船指稱貿易領票出洋每另泊一處用小船於各處偷買米石載入大船不知運往何所乍浦地方有隄一應貨物必於此遞運他處大船不能出入惟上海崇明等口甚屬緊要爾等傳諭九卿著議奏○丁

卯以 御纂周易折中頒賜羣臣○壬申增兵戍噶斯路○甲戌上幸湯泉○己卯諭諸皇子及領侍衛內大臣等 世祖章皇帝曾以禮殯葬崇禎念太監王承恩盡忠並命大學士為之殯葬

東華錄 康熙九十九年 十一
諸帝陵寢皆躬親奠酌命人看守歲時祭祀垂為定例近日拏獲偷掘明代陵寢之賊部議將為從者擬以充發朕思今日之百姓

皆明代所遺之百姓也此與掘伊祖父之墓何異是以降旨將首從諸賊俱行處死但明代諸陵年久或看守之人不謹亦未可定

爾等往各陵祭奠詳細查明具奏○以海壽為左副都御史由通政使遷○庚辰兵部等衙門遵旨會同陸見來京之廣東將軍管源忠

福建浙江總督覺羅滿保廣東廣西總督楊琳議覆凡商船照舊東洋貿易外其南洋呂宋噶囉吧等處不許商船前往貿易於南

澳等地方截住令廣東福建沿海一帶水師各營巡查違禁者嚴拏治罪其外國夾板船照舊准來貿易令地方文武官嚴加防範

嗣後洋船初造時報明海關監督地方官親驗印烙取船戶甘結

並將船隻丈尺客商姓名貨物往某處貿易填給船單令沿海口

岸文武官照單嚴查按月冊報督撫存案每日各人准帶食米一升並餘米一升以防風阻如有越額之米查出入官船戶商人一併治罪至於小船偷載米糧剽運大船者嚴拏治罪如將船賣與外國者造船與賣船之人皆立斬所去之人畱在外國將知情同去之人枷號三月該督行文外國將畱下之人令其解回立斬治海文武官如遇私賣船隻多帶米糧偷越禁地等事隱匿不報從重治罪並行文山東江南浙江將軍督撫提鎮各嚴行禁止從之

○辛巳 上還駐暢春園○以孔毓珣為廣西按察使由湖廣上

○壬午以徐元夢為左都御史由浙江巡撫遷○甲申 上因皇八子允禩病愈遣人傳諭曰爾疾初愈思食何物可奏朕知朕此處無物不有但不知於爾相宜否故不敢送去允禩至門上跪求奏稱諭旨內不敢二字承受不起 上悵然諭諸皇子曰允禩往往多疑

東華錄 康熙九十九 二

每用心於無用之地朕因伊病初起遣人傳諭云爾想何食物可奏朕知朕此處無物不有但不知於爾相宜否故不敢送去伊反以朕旨內不敢二字懷疑奏稱承受不起來門上跪求於無事中故生事端眾人觀之成何體統

二月丙戌朔 上巡幸畿甸啟鑾○以楊朝麟為江蘇布政使由西按察使遷○貴州巡撫劉蔭樞遵旨自軍前回黔行至西安以病奏請解任得旨劉蔭樞著仍速赴任所○庚寅多羅順承郡王諾羅布薨賜銀二千兩發引時遣皇五子恒親王允禩往送予祭二次造墳立碑諡曰忠○辛卯以朱軾為浙江巡撫由通政使遷○予故左都御史兼翰林院掌院學士揆敘祭葬諡文端○欽天監奏正月二十一日奉有麻日內所列男女九宮以上元為中元傳誤已久宜悉依朕所定星麻考原更改之旨今以康熙二十三年甲子為

上元男起一宮嗣後中元甲子起四宮下元甲子起七宮三度花甲循環一百八十年周而復始謹將康熙五十七年更改三元九宮民麻式樣繕寫進呈下所司知之○乙未命副都統丁壽圖拉率盛京船廠兵赴祁里德軍○丁酉刑部議覆直隸巡撫趙宏燮奏假稱誠親王允祉遊行山西各省之惡棍等查拏治罪等語應行文山西等五省將假稱妄行之惡棍嚴拏並將經過地方失察文武官員交部議處得旨著選賢能司官分往山西陝西四川湖廣廣西諸省會同巡撫將光棍嚴拏務獲並將初次接受展轉遞報沿途地方文武各官奏參○己亥以祁國祚為江西按察使由道遷○癸卯 上還駐暢春園○丁未諭大學士等嗣後各省大盜案件爾等會同三法司將此內有造意為首傷殺人者一二入正法餘俱減等發往黑龍江等處著為令○辛亥諭吏部左副

東華錄 康熙九十九 三

都御史管順天府府尹事余正健居官雖清全不能辦事伊原由祭酒擢用今仍以祭酒銜在修書處行走○癸丑兵部議覆四川巡撫年羹堯奏越嵩衛阿羊蠻加巴貫子等擾害地方殺死官員臣調兵於十一月初八日抵越嵩差員曉諭仍前抗違臣即撥將弁堵截自十三日至二十七日攻克巴沽白石巖寨殺傷賊蠻數百加巴貫子遠竄臣於二十八日撤兵回省查加巴貫子等二逆應令該撫速行設法擒獲從之

三月丙辰朔諭大學士等免江南逋賦一事似有情弊前總督赫壽奏請求免舊欠錢糧部議不准行伊又以特恩或出自上摺奏求免朕批令繕疏具奏今赫壽復行奏請戶部滿大臣力主不行甚是夫既經部議不准而赫壽以已完之事復奏謂無情弊可乎此必京中大臣札託赫壽商議已定方如此奏耳爾等即同九卿

一書... 8 三三

在午門前嚴詰赫壽將屬託之人舉出如有隱諱斷不寬宥○丁巳 上御經筵○戊午以祭酒銜余正健提督雲南學政○庚申諭大學士九卿等總督巡撫提督總兵官皆可密奏地方有事即當據實奏聞前者四川之民流往貴州地方者甚多貴州巡撫密奏可知四川巡撫能泰之無能江南三江口地方朕曾駐蹕此處鹽賊藏於蘆葦之處甚多地方官並不查拏至於山東地方鹽賊於沿村買賣之處散鹽於百姓公然勒取重價以致官鹽壅塞不行商旅受害地方官並不查拏亦不據實申報此中賊首旗下逃人甚多朕差兵百人往拏矣此等事必待朕親聞差人往拏地方官職守何事皆係不實心效力以至於此曹寅李煦曾有密摺啟奏其江南山東之督撫提督總兵官內並無一人據實奏聞適拏獲之盜甚多竊 福陵金鑪之賊亦在其內此賊曾經報死今復

東華錄

康熙九十九

四

被獲如此重犯脫逃仍復作賊者不少即如假稱誠親王允祉巡視五省招搖一事年羹堯雖經奏聞不即行緝拏亦屬不合朕已差人各省查拏必獲方已不然則狂妄書生將風聞為實事遂以誠親王允祉於各省嚇詐取贖筆之於書此處關繫聲名非小地方官不行查訪報明乃為之豫備驛遞謂無干法紀可乎不但王所差之人即朕所差密訪之人爾等諸臣亦當察問虛實密奏有關國體不可輕忽前于來鳳私自出京於各省生事朕已查拏問罪此等不畏王法假冒王差膽大生事者不可謂無其人凡有旗人見在各省或已經回京該旗逐一查明具奏若隱瞞不奏朕一經查出或被旁人舉首定照軍法治罪決不寬恕朕嘗觀書見唐明皇遊月宮宋真宗得天書此皆好事狂妄書生偽造豈可以為實而信之乎又宋太祖明太祖皆有易服微行之事此開劫帝王

恐人作弊昌言於外耳此等事朕斷不行舉國臣民以及僕隸未有不識朕者非徒無益亦且有妨大體况欲知天下事亦不繫於此也○諭大學士等趙申喬奏錢局鼓鑄一摺內有鉛將朽爛之語若鉛至朽爛金銀亦必至蟲蛀矣著趙申喬明白具奏○甲子戶部議覆長蘆巡鹽御史田文鏡奏請將山東所裁鹽引補足辦課應准行 上諭大學士等鹽務朕所深悉加引雖可增課然於商人無益如兩廣鹽課累年虧空至一百八十餘萬職是故也戶部大臣往往錙銖必較而有關百餘萬之國帑反置之不問殊覺失宜辦理鹽務必得廉能素著實心辦事之人庶正課不至有虧商人亦不受累著問九卿具奏○河道總督趙世顯奏請就近撥請撥銀四十萬收貯河庫見今正值軍需之時一應錢糧必須明晰一年河工所用數目何項支銷著查覈具奏河工乃極險之處看守亦難今具呈願往河工效力之人甚多伊等若無所利何故踊躍前往著問九卿○吏部尚書富甯安奏巴爾庫爾一路兵揀選八千五百名分為兩路前往襲擊策妄阿喇布坦邊界烏魯木齊吐魯番等處得旨軍務關繫緊要著將尚書富甯安授為將軍給與印信其署理西安將軍事務總督額倫特見在西甯駐紮彼處事件無多著額倫特前往駐兵之處與富甯安會同商議料理總兵官王以謙係旗人曾歷任西安副都統彼處又有郎中長受將駐紮西甯之西安滿洲兵綠旗兵令王以謙長受管轄肅州地方甚屬緊要延綏總兵官李耀停其前往穆賽等處令將伊新帶之兵前赴肅州駐紮看守今既遣兵前往襲擊策妄阿喇布坦之汛界地方其畱後接應及緊要形勢之地安營看守接運糧餉等

東華錄

康熙九十九

五

恐人作弊昌言於外耳此等事朕斷不行舉國臣民以及僕隸未有不識朕者非徒無益亦且有妨大體况欲知天下事亦不繫於此也○諭大學士等趙申喬奏錢局鼓鑄一摺內有鉛將朽爛之語若鉛至朽爛金銀亦必至蟲蛀矣著趙申喬明白具奏○甲子戶部議覆長蘆巡鹽御史田文鏡奏請將山東所裁鹽引補足辦課應准行 上諭大學士等鹽務朕所深悉加引雖可增課然於商人無益如兩廣鹽課累年虧空至一百八十餘萬職是故也戶部大臣往往錙銖必較而有關百餘萬之國帑反置之不問殊覺失宜辦理鹽務必得廉能素著實心辦事之人庶正課不至有虧商人亦不受累著問九卿具奏○河道總督趙世顯奏請就近撥請撥銀四十萬收貯河庫見今正值軍需之時一應錢糧必須明晰一年河工所用數目何項支銷著查覈具奏河工乃極險之處看守亦難今具呈願往河工效力之人甚多伊等若無所利何故踊躍前往著問九卿○吏部尚書富甯安奏巴爾庫爾一路兵揀選八千五百名分為兩路前往襲擊策妄阿喇布坦邊界烏魯木齊吐魯番等處得旨軍務關繫緊要著將尚書富甯安授為將軍給與印信其署理西安將軍事務總督額倫特見在西甯駐紮彼處事件無多著額倫特前往駐兵之處與富甯安會同商議料理總兵官王以謙係旗人曾歷任西安副都統彼處又有郎中長受將駐紮西甯之西安滿洲兵綠旗兵令王以謙長受管轄肅州地方甚屬緊要延綏總兵官李耀停其前往穆賽等處令將伊新帶之兵前赴肅州駐紮看守今既遣兵前往襲擊策妄阿喇布坦之汛界地方其畱後接應及緊要形勢之地安營看守接運糧餉等

事關緊重大富甯安額倫特二人內著一人帶領襲擊之兵前去
畱一人料理事務若吐魯番地方可取則取將伊處米石充作口
糧食用遂以彼力協同看守儻力稍單弱有由厄倫哈畢爾漢一
路所進五千之兵即將此兵酌量調往併力看守過冬之時運送
米糧牧放馬匹及防敵人之潛劫襲後等處務須詳加籌畫看守
吐魯番之兵不可撤回別路襲擊之兵作何張大軍勢著兩路大
臣公同確議在於要緊適中之處暫行駐紮若易取而難守則仍
照前議令其襲擊而回烏魯木齊布婁兒布喇罕厄倫哈畢爾漢
四路之兵亦令襲擊而回此等軍務萬里之外不便請旨遵行此
處亦難遙度指示令軍中大臣等酌量詳議作速遣人知會阿爾
泰路之大臣等互相約定日期相機而行著議政大臣都統滿漢
大臣等各抒己見詳議具奏○乙丑福建巡撫陳瓊以巡撫衙門

東華錄

康熙九十九

六

一年支用賞兵給役並各項費用銀兩奏聞得旨前陳瓊奏稱將
此項公用銀兩撥充餉銀會諭以督撫等將此項銀兩充餉具奏
者朕俱批知道了並未准其撥充緣此項係伊等應用之銀並非
正項錢糧若撥充餉銀嗣後不肖之徒必將此項銀兩充餉為正
項此外又行侵蝕索取諭旨甚明且此項銀兩滿保亦曾在朕前
陳奏凡係動用正項錢糧例應奏銷此並非正項陳瓊將伊等所
用銀兩數目瑣屑具奏殊屬不合著嚴飭行○丙寅以王景曾為
左副都御史由太僕寺卿遷○辛未諭大學士等記注官陳璋於今年三
月內查閱檔案鈔朕去年十二月所諭江南錢糧之旨與趙熊詔
伊等皆屬有心特以朕於去年有欲免江南舊欠錢糧之意偶爾
諭及今年未行蠲免伊等欲將朕前後互異之處指出書寫耳去
年兩江總督赫壽摺奏請蠲前項錢糧朕批令繕本具奏及繕本

具奏後朕知赫壽受人屬託又彼此私同商定具奏欺朕朕以西
邊正值軍需之時故舊欠未准蠲免照部議分年帶徵朕御極以
來蠲免天下錢糧數千萬豈有惜此些微舊欠之理江南官員眾
多赫壽惟欲沽取美譽而民殊不感戴聲名甚劣朕於事無不經
歷人亦焉能欺朕朕豈肯以大權授人乎若不將此故曉諭諸臣
皆謂朕從前諭旨不符所繫非輕且漢人著作文集內有將未題
之稿云欲行具奏以事已完結未獲具奏等語似此並未入告者
尙且書寫况其他乎起居注衙門自古未有久遠設立者亦有旋
立旋止者或因所記不實故耳朕聽政之日記注官入侍伊等踞
踏無措豈能備記諭旨侍班漢官歸寓後纂寫數日方攜至署與
滿官校看又每爭競是非則其遺漏舛謬可知諭旨皆有關係惟
朕殊書諭旨及批本發科者始為的確其起居注所記難於憑信

東華錄

康熙九十九

七

也陳璋趙熊詔鈔寫記注之處著問九卿具奏至大臣所辦之事
功則歸己過則諉之年老糊塗為人臣者在官一日當盡一日之
心豈可以年老糊塗推諉耶今國家大臣俱係年高髮白之人朕
亦年高今爾等以年老糊塗推諉若朕亦以年老推諉或致事理
失宜諸臣能堪此乎○禮部尚書署倉場總督事荆山卒遣大臣
侍衛往奠于祭葬諡端簡○戊寅議政大臣等議尚書富甯安進
兵之處如吐魯番易於攻取看守即令其攻取若有難於攻取看
守之處仍照前諭襲擊而回得旨依議軍前革職效力之人甚多
伊等俱係小人如偽造浮言搖動眾心應加嚴禁總兵官李耀帶
領駐紮肅州之兵令富甯安酌量調遣巴爾庫爾一路授富甯安
為將軍給與靖逆將軍印阿爾泰一路授公傅爾丹為將軍給與
振武將軍印祁里德授為協理將軍令都統穆賽率阿爾泰兵三

千出汛界於三路要緊適中地方以備應援其襲擊之兵兩路應
互相約會路遠者先行路近者接續起程俱於七月前進兵乘秋
季而回馬匹方可過冬著郎泰滿泰克什圖保住等將朕旨傳示
兩路將軍○己卯諭議政大臣等布婁爾一路常關保委署副都
統偕公博貝前往常關保員缺令軍前將軍大臣另行題補由厄
倫哈畢爾漢一路前往 上諭大學士等曰今地方官總不實心
辦事如每年修治道路開銷錢糧多至三萬餘兩小民不霑實惠
朕今見發官帑差工部堂官前往料理所費不過二三千兩用夫
不過數千人此皆由上司不能留心查察故被屬下欺隱又山東
鹽賊余大麻子本係偷盜 陵上金鑪案內人犯逃在山東爲偷
販私鹽賊首千百成羣公然開店買賣人多畏懼不敢與抗其行
劫之事亦甚多巡撫總兵亦未奏報朕問往來之人皆云山東地
東華錄 康熙九十九 八
方鹽賊多有害行旅朕差人密拏悉已擒獲山東人無不驚悅即
賊犯亦自首報云若非欽差嚴緝地方官斷不能拏獲我等也○
壬午 上巡視河隄啟鑿○戶部尚書趙申喬遵旨回奏臣管理
錢法事務上年十二月見寶泉局報稱有庫鉛二百二十六萬餘
斤止存銅三十八萬斤臣恐無銅配鉛有誤鼓鑄是以繕摺具奏
又臣居家時見鐵器物件安放地上年久即有銹壞竊揣鉛與鐵
相同堆積多時或有壞爛亦未可定冒行附奏原非確有實見今
蒙 聖慈批示臣愚昧之罪誠有難追總由臣年衰智短致滋咎
戾伏祈 聖慈寬宥得旨趙申喬從前奏稱鉛斤壞爛今又云鉛
斤壞爛之處原非確有實見諉稱年老衰邁所致鉛斤之不壞天
下通知趙申喬自幼讀書身登進士歷升尚書今年逾七秩無書
不覽鉛斤壞爛之處見於何書趙申喬於所辦之事功則歸己過

東華錄 康熙九十九

則諉之年老衰邁可以糊塗了事國家事務作何處置耶且於緊
要事情並不留心稽覈錢糧出入漫無覺察惟於一二兩之細務
膠執己見刻責苛求以鉛斤壞爛等語率意妄奏殊屬不合該部
察議具奏○癸未 上至要兒渡等處徧閱隄岸駐蹕河西務○
甲申以阿錫勳署倉場侍郎由刑左署
夏四月丙戌 上還京師○丁亥福建巡撫陳瑣奏惠安縣知縣
田廣運等十二員徵收錢糧有方居官聲名俱好懇恩破格鼓舞
於吏治民生大有裨益 上諭大學士等此奏甚善徵收錢糧惟
少加火耗百姓易於輸納從前馬齊任山西巡撫張鵬翮任浙江
巡撫錢糧俱清楚蔣陳錫任山東巡撫時錢糧亦清楚外省總督
巡撫居官好少加火耗錢糧斷不至缺欠也田廣運等俱著該部
議敘○大學士等遵旨以陳璋趙熊詔鈔寫記注之事問九卿九
東華錄 康熙九十九 九
卿稱起居注事關機務陳璋等將去歲十二月所下之旨至今年
三月復行鈔閱斷非無故應交與刑部嚴加治罪得旨陳璋趙熊
詔從寬免交刑部著革職仍在原行走處效力行走○九卿遵旨
查河道總督趙世顯河工動用錢糧數目繕摺呈覽並議見在河
工效力陳思佑等八十九人及原在河工效力之人應行該督查
有無用人員盡行發回嗣後情願河工效力人等俱停其發往從
之○戊子命禮部祈雨○乙未諭大學士九卿倉場總督等邇年
以來通倉積米甚多著分運直隸各府州縣存貯豫備於民甚有
裨益每府或貯萬石每州縣或貯數千石附近通州河道者交與
倉場總督運送其餘府州縣所運米石速行文直隸總督派地方
官乘未雨之先輓運值此青黃不接之時於各府州縣平糶亦大
有益於百姓其江南浙江如有應行截留漕糧若干之處爾等一

五九九

併速議具奏又諭陰晴雨雪地方時候各有不同如雲南貴州四
川廣西等處從未以旱潦報荒朕御極以來每年北地之雪不過
三四寸許從未見有盈尺者昔年南巡在浙江曾見有尺許之雪
此外從未之有也朕每讀書至風不鳴條雨不破塊二語不能無
疑所謂雨暘時若是矣若雨竟不能破塊可乎點綴文章無所不
可如講到實際不能無議也即如東南西北之風朕細加體驗俱
帶偏旁下雨亦有時候每月十八二十二二十四等日朕留
心占驗往往有雨惟京師雨澤每年至四月或略愆期耳○丙申
以赫壽為理藩院尚書由江南江蘇總督遷范時崇為兵部尚書由吏部左○
調殷特布為禮部尚書以孫柱為兵部尚書由吏部左○丁酉諭
大學士九卿等近來米價必不能如往年之賤昔大學士張英曾
奏桐城縣米價銀一兩可得三石見今四川米價亦復如此雲南
東華錄 康熙九十九 十
廣西貴州米價亦不甚貴大抵戶口稀少則米價自賤今太平日
久生齒蕃息安能比數十年前之米價乎戶口殷繁固是美事然
當豫籌安養之策今將米石運送各處或平糶或賑濟不過僅可
餬口未必即能充裕張伯行曾奏於永平府設立社倉永平知府
近日行之甚苦社倉之法既屬難行通倉米石有餘不如運送各
州縣為便又諭從前工部及光祿寺每年動用錢糧數十餘萬近
俱節省減至數萬但節用之事有益於此即無益於彼近來鋪戶
招買頗有難於辦理者以此故耳如欲禁止浙江養蠶織帛亦屬
甚易然衣布者多則布價更昂於帛亦未可知朕記從前曾禁貂
鼠而諸項皮張竟與貂皮同價總之天下事託諸空言則易見諸
實事則難行文與辦事固不同也○戊戌轉喇多渾為理藩院左
侍郎以特古忒為理藩院右侍郎由郎中遷○兵部議覆廣東碣石總

兵官陳昂奏天主一教設自西洋今各省設堂招集匪類此輩居
心叵測目下廣州城設立教堂內外布滿加以同類洋船叢集安
知不交通生事乞飭早為禁絕毋使滋蔓查康熙八年會議天主
教一事奉旨天主教除南懷仁等照常自行外其直隸各省立堂
入教著嚴行曉諭禁止但年久法弛應令八旗直隸各省並奉天
等處再行嚴禁從之○庚子大雨○諭九卿詹事科道等見在倉
廩陳米甚多此時尚屬可用若再日久必致浥爛著於八旗放米
之時除應領正數外將此陳米酌量每石加給或一斗或五升兩
年間可以全完如此不但陳米可清而官兵亦有裨益矣又諭目
下雨澤愆期今早雖得小雨未能霑足但從來月望時雨極難得
昨十二十三等日朕固知未必有雨嗣後十八二十二二十二等日
或可望其大霑也今歲少雨處甚多聞江南大麥收有十分小麥
東華錄 康熙九十九 十
猶望雨山東巡撫未曾奏報得雨想亦未霑足昨河南巡撫有摺
云今歲雨澤頗調窪地有十分收成朕心差慰又諭天時地氣亦
有轉移朕記康熙十年以前四月初八日已有新麥前幸江南時
三月十八日亦有新麥麵食今四月中旬麥尚未收又黑龍江地
方從前冰凍有厚至八尺者今卻和暖不似從前又聞福建地方
向來無雪自本朝大兵到彼然後有雪雲南貴州廣東廣西舊有
瘴氣從前將軍賴塔進征雲南畱八百人在廣西俱為瘴氣所傷
今聞雲南惟元江微有瘴氣餘俱清和與內地無異矣○辛丑
上奉 皇太后巡幸塞外啟鑾○戶部右侍郎呂履恒以保舉非
人降調○癸卯諭大學士等今日覽刑部審取孟光祖口供摺內
有架鷹牽犬侍衛太監往各省等語由此觀之各省肆行詐騙之
人甚多若論放鷹應在口外豈有差往南省之理前差李秉中等

往畫輿圖俱給有憑據朕差人員如此嚴密而干來鳳一案刑部
徐元夢書籍亦有憑據朕差人員如此嚴密而干來鳳一案刑部
尚且恐爲朕所差遣之人審理時兩相瞻顧此皆督撫猶豫不奏
餽送盤纏但圖苟且令其出境故至如此之極光天化日之下容
此魑魅魍魎任意橫行如果王阿哥差人賞賜外省大臣官員衣
服等物理應將差人畱住叩稟王阿哥等如果採買物件亦應將
差去之人畱住一面將情由聲明各該管王等並將物件呈送則
虛實立辨矣不應令差人遊蕩各省以壞該管王之聲名且如朕
凡有恩賜即將送去之人所賞之人俱登記檔案公賴士向太監
鄒海要求取御用紅京米鄒海因不能得在街市採買誑哄賴士
送去此事發覺已將鄒海正法朕稽察之嚴如此見今拏獲孟光
祖在各省指稱阿哥名色誑騙行走殊屬可惡雖凌遲處死不足
東華錄 康熙九十九 三
以蔽其辜將審出之處著卽行文各省通行曉諭巡撫年羹堯曾
餽送過馬匹銀兩修國勳亦餽送過銀兩段疋將此等俱隱匿不
奏著明白回奏孟光祖在各處誑騙數年並無一人奏聞若趙宏
變不奏朕尙不得洞悉此事若不發覺外省漢人卽認作實事編
書記載誣枉之事尙有甚於此者耶爾等會同九卿議奏○甲辰
以長蘄爲江南江西總督由內閣○調色爾圖爲吏部左侍郎由盛
京兵部○丙午諭大學士等昔有一人將小魚十尾齎賜信郡王詐
稱此魚奉旨賜王不必謝恩如王給什物卽收領王覺其謊言挽
留之暗使護衛看守欲往謝恩伊懼曰奉旨不令王謝恩豈可違
旨王曰上賜物何敢在家靜坐卽入謝恩啟奏伊謊言盡露卽行
拏問擬斬監候三載後遇恩詔乃免又有一人誑永平府知府指
稱二阿哥許以委署學院印務索銀一萬兩知府卽詳上司報部

部中奏明正法地方官員果皆若此孟光祖之徒何能妄行乎又
諭外省總督巡撫提督總兵官俱有繕摺請安之例伊等請安摺
子朕俱硃筆批發其在外大臣於朕所差人員前請安理所應當
今聞凡由京出外及各省引見官員前亦俱請朕安甚屬不合伊
等既欲請安卽可繕摺具奏乃以督撫提鎮大臣在微員前跪請
朕安殊不合理且雖行請安伊等亦不能轉奏嗣後在此等往來
人員之前奏請朕安者永行停止○丁未雨○壬子 上駐蹕熱
河
五月丙辰京師雨○戊午諭大學士等覽禮部所奏據欽天監咨
稱自本月初三日亥時微雨至初四日寅時止雨之大小霑足與
否並未聲明欽天監若不行文禮部卽不奏聞矣寅時止雨應卽
具奏如何未時方奏各處報雨皆未有如此之糊塗者此又欲效
東華錄 康熙九十九 三
去年之事耶將朕此旨發問回奏時著殷特布兩日內星夜到此
回奏○己未 上幸湯泉○庚申九卿遵旨議覆凡王阿哥差人
賜屬下外任官物件該督撫卽行奏聞如無勘合而擅索取船馬
者卽行參究係妄行詐騙者正法地方官私自供應革職治罪督
撫隱匿不奏降二級調用從之○壬戌禮部尙書殷特布以報雨
遲延避旨赴熱河回奏 上命大學士等取供尋大學士等議應
將殷特布等革職交刑部嚴加治罪得旨都察院見議此事此奏
著暫存貯○甲子 上還熱河○戊辰諭左都御史徐元夢等近
看科場之事盡爲大臣主持朕思內閣九卿大臣不立門戶不豫
科場之事弊端自除大臣遇考期將至不惟爲子弟鑽營甚且爲
他人圖謀如劉謙平素猶講道學及爲會試主考官聲名甚是不堪
又同考官儲在文看閱試卷皆專執己見同房閱卷之楊萬春不

得參酌此等陋習不可不知做戒諭眾知之

六月乙酉予故內閣學士顧悅履祭○戊子江西布政使傅澤淵

丁繼母憂命回旗守制○癸巳命刑部寬恤獄囚○乙未以白潢

為江西布政使護理○都察院遵旨察議祈雨事關民生甚屬

緊要今五月初三日亥時下雨至初四日寅時止禮部遲至未時

具奏報雨乃禮部之專責俟欽天監知會後始行具奏殊屬溺職

應將尚書殷特布陳說侍郎薩哈布王思軾羅瞻等革職得旨殷

特布著革職陳說薩哈布王思軾羅瞻著革職留任○己亥大學

士九卿等遵旨議覆民間私毀小制錢作銅變賣當嚴行禁止

上曰毀壞制錢原有明禁特因銅少價昂部內鑄錢不敷採買廢

銅以致小民射利毀小制錢作廢銅變賣朕辦事五十餘年屢次

更定錢法皆視民之形勢從未嚴行禁止銷毀小制錢亦屢為寬

東華錄 康熙九十九 西

限前李光地請將小制錢嚴禁朕曾下旨斷不能行伊後知其不

可始以朕所見為是總督額倫特請於湖廣省發大制錢二百萬

貫通用將小制錢銷毀朕以不可之故分晰下旨伊始曉然小制

錢私毀如何禁止之處九卿詹事科道會同確議具奏○己酉予

故兵部尚書趙宏燦祭葬諡敏恪

東華錄

康熙一百 臣王先謙敬編

臣周澐蕃恭校

秋七月辛酉刑部等衙門會議江南巡撫佟國勳四川巡撫年羹

堯不將逃人孟光祖拏獲奏聞反接受物件答拜餽送禮物應將

佟國勳年羹堯俱革職得旨佟國勳著革職年羹堯著從寬革職

留任效力○戊辰諭大學士等朕前閱 太宗文皇帝實錄所載

戰敗明朝滿貴何雲龍馬登雲孫祖壽四總兵時天正大霧人覲

而不相見敵營火礮烏槍施放不絕樹木枝葉皆毀 太宗文皇

帝恐我兵受傷遣副都統覺羅艾塔往視艾塔回奏曰敵之火礮

烏槍止損樹木我兵並無傷者可見上天佑護非人力所能至也

夫天象最難揣測而機之所動亦可豫知朕少年時在興安嶺上

東華錄 康熙一百 行茂林中迅雷忽作乃避出茂林雷止遣人往視樹木皆為迅雷

所擊此皆朕親歷之事也大學士等奏曰 太宗文皇帝實是神

奇凡用兵事宜先期指示事後無不允合 皇上所行事事相符

是以眾人莫不驚異 上因諭左都御史徐元夢曰朕常留心格

物之學如雷擊木必於畧無瑕疵枝葉整齊者方擊之如擊馬已

割耳鼻之馬亦不擊再書冊所載有所謂雷斧雷楔者大約得自

深林者皆石得自平原者皆銅朕所得甚多將小石一塊置於泉

水攪之即可祈雨蒙古人謂之查達齊書冊則曰查達也○庚午

諭大學士等戶部尚書趙申喬奏摺內有一念愚誠誓不欺君但

精力既衰救過不逮惟皇上終始矜全等語如不欺君伊子趙鳳

詔居官甚屬貪婪侵欺數十萬銀兩伊何不陳奏為人臣者居官

一日當盡一日之心屢以衰老推諉糊塗辦事其如國家之事何

凡事不平心靜氣以求合宜有意固執迨至勢不能行則云我衰老救過不逮將以此爲錯誤乎抑知而不改乎若如此行事爲君者安能始終矜全耶○辛未靖逆將軍富甯安奏臣等將兵分爲三隊於六月二十六日由巴爾庫爾進發令散秩大臣阿喇衲等領兵一千三百有餘爲頭隊往擊厄魯特邊境擒其生口臣統大兵尾其後於十月初四日將至阿克他斯地方據阿喇衲報稱我等領兵前進夜行晝伏初三日至烏爾烏蘇地方拏獲策妄阿喇布坦哨兵二人一名阿籌拉克一名推扎布此二人理應解京但伊等所識路徑甚多臣等見率兵前往襲擊暫用爲嚮導俟前途更有拏獲之人將此二人齎 聖訓遣回本處宣諭或用後獲者齎 聖訓遣回本處宣諭此二人解京之處俟臣等至烏魯木齊擒賊後酌量而行得旨朕年日增血氣漸衰故此事遲疑至今如

東華錄

康熙一百

二

深亦降四川巡撫羅森降而提督鄭蛟麟亦降王師至篋食壺漿迎之賊兵至亦單食壺漿迎之誠可恥也又諭吳三桂叛時朕方二十歲朕理兵事吳三桂聞之曰年方幼穉何能如此乎吳三桂在長沙時伊坐於城上笑曰看我婿敗滿洲之兵著夏國相領兵與我兵交戰碩爾率數百人奮然敗之殺至城下夏國相背負三箭而逃吳三桂見之謂滿洲兵仍如此之勇也此等事皆在伊左右之人歸降後所奏聞者又諭蒙古等感戴本國之恩忘身以奉事者甚眾當索約爾濟河地方與噶爾丹交戰時阿祿科爾沁之董牛忒台吉自戰場出謂眾曰我等受皇恩甚深若稍退縮有何面目以見聖顏乎率伊屬兵三百名復進皆歿此內祁里德族中數人亦戰歿朕甚憫之近日綠旗武官亦好遊擊潘至善駐防哈密策妄阿喇布坦二千兵來侵潘至善率伊屬兵二百名即行擊

東華錄

康熙一百

三

當朕少壯時早已成功矣然朕以年老之人籌畫調遣無不符合者此即軍機之吉兆也初兆既吉終無不吉矣此奏著示諸皇子及眾大臣○壬申大學士馬齊奏觀將軍富甯安所奏襲擊之兵前進直至策妄阿喇布坦邊境擒其哨兵不出 皇上睿算之中今伊等必共相驚恐此後捷音自應相繼而至矣 上諭策妄阿喇布坦之人皆烏台之眾其心不一我大兵一到即或降或散朕經理軍務已久勞事慎重所以用襲擊之兵劉蔭樞並不知此意聽傳聞之言即勸朕息怒休兵用兵之事如此妄奏可乎伊不過用此空言作文章而已無知之徒即由此互相傳播從古遇賊迎降者即此等空言作文之輩流賊李自成進京之際明文臣迎降稱頌李自成奏表云適湯武而無慚德比堯舜而多武功本朝兵至復降本朝逆賊吳三桂叛時貴州巡撫曹申吉降而提督李本

子探問準噶爾消息隨於十一日整兵前進至通俄巴錫地方分
 派隊伍搜查山林拏獲回子男婦幼童共一百六十九名並獲駝
 馬牛羊等物甚多將烏魯木齊賽音他拉毛他拉等處耕種地畝
 俱行踐踏將兵撤回得旨著議政大臣議奏○己卯諭大學士等
 前河南巡撫張聖佐奏摺內止稱宜陽縣賊亢珽等拒捕搶奪派
 出官兵攻破神後寨殺賊數十生擒二十二入闕鄉縣賊尹喬王
 更一等令知府李廷臣領兵往拏等語所奏殊未明晰頃奏報米
 價摺內闕鄉縣獲賊與否亦未申奏看來張聖佐無能宜陽闕鄉
 澠池等縣與懷慶府甚近不過三百餘里皆朕所經歷此間並無
 高山不可攻戰之處河北總兵官馮君洗並未將賊情奏聞此案
 朕留心久矣朕交山西巡撫蘇克濟總兵官金國正從實訪問今
 蘇克濟奏稱賊王更一等拏獲亢珽仍未拏獲此盜案根源因宜
 東華錄 康熙一百四

陽縣丁憂知縣指稱軍需科派豫徵明歲錢糧又以官道瘦馬分
 給勒養情由激變亢珽等將知縣拏去官兵往戰攻破賊寨始將
 知縣取回擒賊兵丁貽累於民又將村房放火此皆原任巡撫李
 錫任內之事聞賊亢珽等言皇上因李錫居官甚劣已取進京若
 李錫伏誅我等情願引頸受刑李錫居官固屬不堪但此賊不盡
 拏獲斷乎不可著刑部尚書張廷樞內閣學士勒什布乘驛前往
 嚴加查獲詳審一面於彼處正法一面奏聞○辛巳河南巡撫張
 聖佐奏賊徒王更一等拏獲 上諭學士勒什布曰爾等往審此
 事將本帶去前蘇克濟奏摺內事爾已聞之到彼處將賊潛住地
 方與河北總兵官馮君洗住處相近伊為何並不奏聞又不將賊
 黨拏獲之處察問此事起端情由如何漸致滋蔓於何處行掠於
 何處潛藏及放火殺傷民命等情盡行詳察指稱軍需科派豫徵

來年錢糧之知縣若果情實即行拏問丁憂知縣被賊拏去伊等
 為何隱瞞不奏被賊拏去今復得回之知縣見在彼處須一併詳
 察爾等到時此賊悉行拏獲則已若仍拒捕逃避爾等即領兵追
 拏○刑部奏鑲黃旗蒙古佐領色楞五十二佐領下護軍校拉布
 達孫等告伊佐領叩關一案奉旨查從前被告有額德勒呼者是
 否即係此二佐領下人今查額德勒呼之子常保見與被告之佐
 領色楞五十二皆係喀喇沁一族兄弟 上諭大學士等朕記得
 告額德勒呼者乃一弓匠馬齊奏曰刑部所查之處皆與 皇上
 所記相符此係三四十年前事人名皆不遺忘誠為神奇 上曰
 朕一生所賴者惟在記性縱有極冗長之本朕俱能全記因辦事
 年久所以事到即知始末也

八月壬午朔 上行圍發熱河○先是靖逆將軍富甯安奏拏獲
 東華錄 康熙一百五

回子阿都呼里供稱策妄阿喇布坦令伊寨桑都噶爾參都克策
 零敦多布托布齊等帶領六千兵於去年十一月由阿里克路往
 西進發或前去征拉藏或幫駐拉藏之處我知得不甚明白等語
 得旨策妄阿喇布坦由阿里克地方發兵一事雖虛實未知朕意
 料之甚屬可惡策妄阿喇布坦先曾向澤卜尊丹巴胡土克圖之
 使者云拉藏汗係嗜酒無用之人不足介意羈留其子並留達賴
 喇嘛班禪之使不令前去今此兵或取拉藏收取西邊地方或幫
 助拉藏侵犯青海俱未可定若係征取拉藏其兵於去年十一月
 前往今已成讐我兵欲救援拉藏恐地方遙遠策妄阿喇布坦之
 兵若幫助拉藏同來侵犯青海則不可不備兵協助迎勦見今巴
 爾庫爾有富甯安阿喇納等一應軍務俱已諳練行兵甚易應將
 額倫特撤回仍駐紮西甯將協助兵丁與青海之人一同豫備著

議政大臣等議奏至是議覆 聖諭甚是周詳應令署理將軍總督額倫特速往西甯料理軍務糧餉西甯總兵官王以謙侍讀學士查禮渾等在松潘豫備提督康泰主事巴特麻等時密遣人往青海地方偵探信息若得實信一面速行奏聞一面彼此知會各相機而行駐紮噶斯之侍衛阿齊圖霍善等加意固防探其蹤迹從之○乙酉諭大學士等朕徧覽明代實錄未錄實事即如永樂修京城之處未記一事史臣但看野史記錄錯誤甚多朕又覽史記漢書亦僅文詞之工記事亦有不實處即如所記項羽坑秦卒二十萬夫二十萬卒豈有束手待斃之理○振武將軍公傅爾丹奏臣等派襲擊之兵分隊前進公博貝統兵於六月二十九日至博羅布爾哈蘇地方見有賊蹤隨即追斬厄魯特五人生擒四人投順者十六人額駙吳爾袞都統穆賽令喀爾喀台吉益楚克及東華錄 康熙一百 六

婁徽額等分路尋探並無賊蹤隨於七月十七日回兵報聞○丙戌以許兆麟為江西布政使由四川按察使遷○乙巳裁偏沅所屬湘陰縣等營田巡檢八○河南河北總兵馮君洗奏河南宜陽閿鄉澗池等處奸民聚眾拒捕官兵攻破逆寨宜陽賊首亢珽逃匿見在嚴緝閿鄉黨惡王更一等見在擒獲交有司收審餘眾俱散又宜陽縣申報亢珽等一十八人藏匿澗池縣李一甯山中隨令遊擊楊奉等並各營官兵移赴澗池緝拏臣先未經摺奏罪屬難逃得旨凡總兵官平素應嚴督防守一有賊盜隨聞隨即查拏處治安靖地方利益民生馮君洗身任總兵官於宜陽等處盜犯亢珽等雖發遣官兵聊以塞責謂非伊事若為不知並未奏聞一次伊所司何事似此盜犯不豫為緝拏以至延蔓又墮於上聞苟且希圖了事殊玷官箴著張廷樞等嚴審議奏○丁未議政大臣等議覆

西甯駐紮侍讀學士查禮渾等奏據西邊拉藏汗咨文云策安阿喇布坦遣兵於七月初四日掠其納克禪邊內木寶一部人眾且言又令策零敦多卜領兵萬人前往征取拉藏等語我兵不可不豫為防備應令松潘西甯兵丁出口安營得旨依議但地方遼遠俟信息到時始行調兵恐或不及可派荊州滿洲兵二千名發往成都派太原滿洲兵五百名發往西安

九月壬戌吏部奏貴州巡撫劉蔭樞屢次奏本俱不繕寫貼黃年老昏憤不便仍留巡撫之任應照例休致得旨劉蔭樞著解任仍令來京○癸亥 上駐蹕西爾哈烏里雅蘇台賜來朝外藩銀幣鞍馬及隨圍蒙古官兵銀布○己巳 上還駐熱河○禮部奏朝鮮國王李焯因目告甚劇遣人來購空青應准其採買 上諭翰林院侍讀學士阿克敦鑿儀衛治儀正張廷枚曰朝鮮國王李焯安靜奉法人民愛戴四十餘年伊國中享太平之福未有如此之久者朕甚嘉之覽禮部奏王因病目來購空青朕聞王疾深為軫念即於行在特簡爾等齋空青往賜此係格外之恩凡一應禮節爾等到時令王不必拘於成例隨處可以相見並傳諭之○庚午裁通政使司漢軍知事一○辛未諭大學士等從前會諭九卿各省官員內有居官不好聲名不堪者隨聞隨即繕摺具奏今李錫居官甚劣何竟無一人奏朕各省官員賢否九卿豈無所聞凡大臣啟奏苟所聞不確於奏摺內云臣所聞如此不甚詳確一併聲明未嘗不可朕亦止欲知之耳並非不加訪實即行治罪也況奏摺又不發出隨聞隨奏各省官員亦知懲戒後改近閱九卿保舉以為好官而薦引者有之以為劣員而糾參者何並無一人善傳諭九卿○諭大學士馬齊左都御史徐元夢朕料理軍務年久屢

次親統大軍綠旗兵丁較滿洲蒙古相去甚遠滿洲兵止用二千
 蒙古兵止用五千朕親統時任意所向綽然可以成功若綠旗兵
 丁任伊眾多朕心亦難倚任適於議政大臣處亦下此旨今扎薩
 克蒙古等雖不給錢糧於伊等該管王台吉等皆實心效力推而
 至於苗蠻盡知各為其長若綠旗兵丁糧餉必以時給發稍不如
 意即至相怨昨提督康泰所領一千餘人至黃勝關柏木橋鼓噪
 竟棄提督而去提督前並無一兵止餘僕從總兵官路振揚駐紮
 松潘相距七十里聞信即往前迎因眾兵不可止遏給銀撫慰令
 回成都此兵至成都巡撫年羹堯曲加安戢交提標中軍參將管
 束年羹堯復奏此參將甚好常諫阻康泰將此兵交與斷然無妨
 隨將總督鄂海奏聞一摺年羹堯所奏二摺並康泰路振揚移咨
 總督巡撫文書交馬齊觀之因命康泰馳驛來京路振揚署提督
 東華錄 康熙一百 八

事○癸酉諭大學士馬齊旅順口脫逃陳君元等賊黨不過八人
 昨廣東巡撫法海奏稱此夥已獲七人止有一名未獲朕前以海
 中各島皆可為賊藪及詢投誠海賊云島內樹木不生地皆礫石
 不可耕種亦無好水故難棲止即如澳門地方所居不過萬人因
 無田耕種米無所出俱自廣東運米而食今海中潛藏賊蹤皆沿
 海所居奸民春時覓小船捕魚遇商船即行劫奪商船既得便拒
 敵官兵至嚴冬時水米既無伊等焚船上岸藏匿大勢不過如此
 斷不能於海島棲止也明代金門廈門海壇澳門普陀巖崇明盡
 山花鳥等處俱有海賊從前海賊鄭芝龍投順本朝用為內大臣
 令伊作字招降伊子鄭成功若果投順皇上即以海澄公見授伊
 竟不從順治十六年領海賊三十萬侵犯江南攻鎮江城宜思恭
 之父宜永貴時為巡撫坐鎮瓜州因未從賊城得不陷及賊進圍

江甯時滿兵甚少值貴州回軍之副都統噶褚哈等至同江甯將
 軍喀喀穆合軍出東門於明太祖陵南誘賊進三十里大敗之殲
 其眾朕幸江南會親閱其戰地我朝所殲敵眾松山杏山敗洪承
 疇兵十三萬山海關敗敵兵二十萬安親王於永興地方敗吳三
 桂兵並此番所敗海賊共計四處海賊既潰敗於江南而福建地
 方施琅等又攻取金門廈門賊無棲止之處始取臺灣為巢今臺
 灣一帶又皆入版圖矣又諭古時有一二美事即以奇互相傳
 說朕於邊疆處處巡幸閱歷之事甚多往甯夏時豫州無水地方
 官豫貯水三百甕以待朕見有涸河故道意春水方長之時或值
 水發亦未可知因遣馬武海青往看伊等去猶未遠即回奏云河
 水發矣朕乘騎往觀見軍民僕隸擁視水漲因汲用此水三百甕
 之水竟無所用中途往征噶爾丹時至察漢託灰見泉流甚細朕
 東華錄 康熙一百 九

令八旗所禁八營每營各掘一井八井之水泛溢而出人馬俱賴
 以濟後皇七子送四公主經過此泉已無涓滴矣馬齊奏曰噶爾
 丹之惡已盈 皇上又安中外之意甚切所以上天默佑如此
 ○以李育德為四川按察使由直隸大 ○奉差河南審事刑部尚
 書張廷樞等奏審據河南府知府李廷臣供去年河南府屬十四
 處每地一畝派銀四釐係原任巡撫李錫傳入府知府面諭照派
 又李錫發河南府瘦馬二百九十七匹每年支銀十二兩糧驛道
 戴錦轉發馬八十四匹每匹支銀十二兩五錢除提問布政使張
 伯琮糧驛道戴錦外請敕吏部問李錫確供發臣以便與張伯琮
 等所供覈對定議得旨李錫著革職速行發往質對○己卯以黃
 國材為貴州巡撫由廣西布
 冬十月乙酉以海壽為盛京兵部侍郎由左副都 ○命戶部左侍

郎梁世勳盛京兵部侍郎海壽督理巴爾庫爾屯田○己丑上

奉 皇太后回鑾○壬辰以覺羅蘇庫爲左副都御史由通政使遷○

甲午以李馥爲江蘇按察使由江南蘇州府道遷○丙申 上駐蹕密雲縣

觀新城及河隄○己亥諭大學士等凡地方有綠旗兵丁處不可

無滿兵滿兵縱至糧缺艱難困迫至死斷無二心若綠旗兵丁至

糧絕時少或窘迫卽至怨憤作亂康泰之事未起以前朕竟若豫

知調荆州駐防滿兵二千名往成都駐紮意此時已到彼矣○以

武廷适爲廣西布政使由廣東按察使遷 金啟復爲雲南按察使由驛鹽道遷

○庚子 上奉 皇太后還京師○癸卯浙江巡撫朱軾奏武舉

吳之杞生員胡起率領眾生員告稱新科舉人陳鳳墀倩人作文

中式有弊請將吳之杞胡起陳鳳墀俱暫行褫革嚴審 上諭大

學士九卿等今年浙江科場聲名不好再各省主考提學等官內

東華錄

康熙一百

十

有聲名不好者九卿當有聞卽參雖己所舉之人亦當參出九卿

所保之人止知其見在行事而保之能保無改節乎又論今天下

承平日久民生疾苦事無大小爾等皆當留意勿謂太平之時區

區小事無妨礙也凡事皆由小滋大爾等凡有見聞之處當卽奏

聞斷勿隱匿隋煬帝時處處起兵尙未之知此非皆臣下隱匿不

以上聞之故乎昔三藩叛逆將自京發兵原任尙書魏象樞力言

不可聖人舞干羽而有苗格何必勞師於遠賊至我以逸待勞卽

可息弭矣滿大臣面嗤之曰賊偏城下始出兵禦敵有是理乎自

古以來無不以蒙蔽債事者今河南盜亢珽之神後寨卽李自成

據以作亂之地礮槍兵器皆在焉朕巡幸西安由河南陝州而行

凡形勢緊要之處必留心登覽是以知之亢珽一無能小賊緝拏

並無難處此皆總兵官馮君洗不以奏聞巡撫張聖佐又庇護前

撫李錫不肯奏聞以致擁奪縣令殺害平民仍蒙蔽不奏朕聞之

密諭太原總兵官明白查奏知地方官不能緝拏亢珽殺害良民

蹂躪地方故速遣在京大臣前往擒獲不然幾成大事此事總由

李錫知府李廷臣知縣白澂等居官不善行止不端逼迫人民以

致此也李錫原係劉蔭樞所保問九卿亦云可用及用爲布政使

到京引見時察其言辭明白舉動尚好因卽擢用巡撫聞其到任

後加派橫斂居官不堪朕卽行撤回張聖佐亦係九卿所保由此

觀之保舉人實難今聞諸臣保舉人時前班大臣每無所舉侍郎

以下官員保舉者多或自己不便保舉暗令他人保之保舉人關

繫甚大必至公無私始爲善耳又論朕理事五十餘年無時不以

民生爲念凡巡行所至之地卽加訪問故於民之疾苦無有不知

各省奏事之人伊所過地方年歲豐歉米價貴賤無不詳悉問之

東華錄

康熙一百

十一

故總督巡撫提督總兵官等一切事皆無敢隱匿者如有隱匿朕

卽知之今年各處皆豐收河南連年大熟石米價銀五錢朕念切

民生爾諸臣當體朕恤民之意凡有聞見之處卽當奏聞不可佯

爲不知也○乙巳諭議政大臣等見在西邊用兵之處與雲南及

打箭鏞地方道路相通應豫爲防備著都統和禮前往雲南護軍

統領溫普前往打箭鏞各帶護軍參領及侍衛部員二人卽行馳

驛前往○青海親王羅卜藏丹津奏策妄阿喇布坦屬下策零敦

多卜等領兵三千來西藏欲滅拉藏汗拉藏整兵迎敵交戰數次

兩無勝負策零敦多卜等之兵自遠路衝雪前來士卒凍餒馬駝

倒斃沿途俱徒步而行三千兵內厄魯特之兵少吳梁海之兵多

到者止二千五百其餘五百兵丁皆疲極不能同到 上諭議政

大臣等西藏之地遠賴喇嘛所蓄糧餉頗多器械亦備且西藏人

眾守法今策妄阿喇布坦無故欲毀教占藏眾人豈肯容伊且策
零敦多卜等之兵疲敝已極除陣亡病死外未必滿二千又安能
取得拉藏城池但策零敦多卜等自分攻取則兵力不支撤兵而
回亦無生路或因情急恣行侵掠亦未可定不可不加意防備爾
等其確議具奏尋議著青海台吉等速行領兵前往令內大臣公
策旺諾爾布將軍額倫特侍衛阿齊圖等統兵駐紮青海形勝之
地松潘之兵亦令駐紮形勝之地以便哨探萬一有事彼此相助
相機而行並速行文著將軍富甯安等知悉從之○丙午兵部左
侍郎李先復通政使司右通政魏方泰自西路運米回京入奏
上曰運米事難易如何李先復奏曰臣等從未在口外行走初時
甚畏其難今二年運米往回六次始知容易到處俱有水草 上
諭九卿等曰口外路徑未經者輒畏其難伊等運米兩年便知其

東華錄

康熙一百

十一

易明年若再運米益不啻輕車熟路矣口外有一定當行之路水
草足用若不諳路徑則難於前進所以行路先須酌量形勢策妄
阿喇布坦所住之地即古陽關哈密以西即古瓜州沙州所通之
地甚廣前有以守邊界之說進者勢必將邊牆之外棄去斷斷不
可即如臺灣南澳人以為孤懸海外無關緊要自得其地福建廣
東之賊便無容身之地所繫匪輕然海中之路亦有一定福建至
盛京沿海一路曾令詳細繪圖島嶼停泊皆有定所口外亦是如
此彼處行路宜於秋冬不宜於春夏昔人用兵以為春間口外馬
瘦內地馬肥殊不知春間馬一出口肥者先壞受累不小凡人平
時易出大言臨事多畏縮遂巡口外行走遇大雨大雪即驚惶無
措趙宏燦曾在川陝地方屢經行陣後廣東苗蠻竊發伊率綠旗
兵四百往勦俱畏怯退縮伊亦甚倉皇可見用兵須主意堅定若

主將倉皇人心皆為搖惑矣趙申喬前在偏沅征紅苗挺身前進
新滿洲令其在後以避烏槍伊云即有不測我後人尚可得陰襲
與我身在何異趙中喬並不憚軍旅但立定主意便無畏怯從前
耿逆變亂李之芳守衢州亦是身先士卒也當初西路用兵滿兵
已先進綠旗兵畏死欲退將軍孫思克諭云滿兵前發並未傷損
一人汝等且看滿兵若有死傷再退未遲眾始前進因成大功○
丁未命順承忠郡王諾羅布子錫保襲多羅順承郡王○以吞珠
為禮部尚書鎮圖 蔡升元為左都御史由內閣王景曾為戶部右
侍郎由左副都 王懿為工部右侍郎由大理尼雅達蔣廷錫俱為
內閣學士錫由少詹事遷 ○庚申諭大學士九卿等朕於各省
錢糧分年豁免無不周徧今年各處豐收亦無可免止有帶徵一
項或十三四年或十五六年久不清結通計各省帶徵亦不過一

東華錄

康熙一百

十一

二百萬爾等會同戶部將款項查明具奏可免則免之但豁免之
事恩出自上則可前趙申喬欲以己意行之可乎又諭朕近日精
神漸不如前凡事易忘向有怔忡之疾每一舉發愈覺昏暈天下
至大一念不謹即貽四海之憂一日不謹即貽數千百年之患爾
等大臣又多年老鬚髮盡白有奏事畢不能起者辦事有誤或推
耳聾年邁者如此則事必致貽誤古人雖云無為而治人主不過
總其大綱然一日二日萬幾豈皆大綱乎書中之言多不可憑二
十一史朕皆曾披閱悉屬筆底描摹無足徵信所以讀書與行事
截然不同爾等以為我讀書報皇上亦是虛文務在各盡心勉力
庶不至有誤天下之事

十一月壬子命停決○癸丑 上幸湯泉○以王之樞為偏沅巡
撫由內閣梁文科為廣東按察使由福建臺 ○戊午以江球為左

副都御史由宗人府 ○己未河南巡撫張聖佐奏蘭陽縣奸民李

雪臣子李興邦在生員李山義家以白蓮教為名聚徒惑眾今已

拏獲得旨交審事刑部尚書張廷樞等嚴審定擬具奏○乙丑

上還駐暢春園○丙寅酉刻 上聞 皇太后違和不待警蹕止

領近侍人員急從西直門進神武門詣 皇太后宮問安自是日

始有疾無間○辛未 上御乾清宮東暖閣召諸皇子及滿漢大

學士學士九卿詹事科道等入諭曰朕少時天稟甚壯從未知有

疾病今春始患頭暈漸覺消瘦至秋月塞外行圍蒙古地方水土

甚佳精神日健顏貌加豐每日騎射亦不覺疲倦回京之後因

皇太后違和心神憂瘁頭暈頻發有朕平日所欲言者今特召爾

等面諭從來帝王之治天下未嘗不以敬 天法 祖為首務敬

天法 祖之實在柔遠能邇休養蒼生公四海之利為利一天

東華錄 康熙一百 五

下之心為心體羣臣子庶民保邦於未危致治於未亂夙夜孜孜

寤寐不違寬嚴相濟經權互用以圖國家久遠之計而已自古得

天下之正莫如我朝 太祖 太宗初無取天下之心嘗兵及京

城諸大臣咸奏云當取 太宗皇帝曰明與我國素非和好今取

之甚易但念中國之主不忍取也後流賊李自成攻破京城崇禎

自縊臣民相率來迎乃剪滅闖寇入承大統昔項羽起兵攻秦後

天下卒歸於漢其初漢高祖一泗上亭長耳元末陳友諒等並起

後天下卒歸於明其初明太祖一皇覺寺僧耳我朝承席 先烈

應 天順人撫有區宇以此見亂臣賊子無非為真主驅除也朕

年將七旬在位五十餘年者實賴 天地 宗社之默佑非予涼

德之所致也朕自幼讀書於古今道理粗能通曉凡帝王自有天

命應享壽考者不能使之不享壽考應享太平者不能使之不享

太平自黃帝甲子至今四千三百五十餘年稱帝者三百有餘但

秦史以前三代之事不可全信始皇元年至今一千九百六十餘

年稱帝而有年號者二百一十有一朕何人斯自秦漢以下在位

久者朕為之首古人以不矜不伐知足知止者為能保始終覽三

代而後帝王踐阼久者不能始令聞於後世壽命不長者罔知四

海之疾苦朕已老矣在位久矣未卜後人之議論如何而且以目

前之事不得不痛哭流涕豫先隨筆自記而猶恐天下不知吾之

苦衷也自古帝王多以死為忌諱每觀其遺詔殊非帝王語氣並

非中心之所欲言此皆昏瞶之際覓文臣任意撰擬者朕則不然

今豫使爾等知朕之血誠耳當日臨御至二十年不敢逆料至三

十年三十年不敢逆料至四十年今已五十七年矣尚書洪範所

載一曰壽二曰富三曰康甯四曰攸好德五曰考終命五福以考

東華錄 康熙一百 五

終命列於第五者誠以其難得故也今朕年將七十子孫曾孫百

五十餘人天下粗安四海承平雖不能移風易俗家給人足但孜

孜汲汲小心敬慎夙夜不遑未嘗少懈數十年來殫心竭力有如

一日此豈僅勞苦二字所能該括耶前代帝王或享年不永史論

概以為侈然自放耽於酒色所致此皆書生好為譏評雖純全盡

美之君亦必抉摘瑕疵朕為前代帝王剖白蓋由天下事繁不勝

勞憊之所致也諸葛亮云鞠躬盡瘁死而後已為人臣者惟諸葛

亮一人耳若帝王仔肩甚重無可旁諉豈臣下所可比擬臣下可

仕則仕可止則止年老致政而歸抱子弄孫猶得優游自適為君

者勤劬一生了無休息如舜雖稱無為而治然身歿於蒼梧禹乘

四載胼手胝足終於會稽似此皆勤勞政事巡行周歷不遑甯處

豈可謂之崇尚無為清靜自持乎易遊卦六爻未嘗言及人主之

事可見人主原無宴息之地可以退藏鞠躬盡瘁誠謂此也昔人每云帝王當舉大綱不必兼綜細務朕心竊謂不然一事不謹即貽四海之憂一時不謹即貽千百世之患不矜細行終累大德故朕每事必加詳慎即如今日留一二事未理明日即多一二事矣若明日再務安閒則後日愈多壅積萬幾至重誠難稽延故朕莅政無論鉅細即奏章內有一字之譌必爲改定發出蓋事不敢忽天性然也五十餘年每多先事綢繆四海兆人亦皆載朕德意豈可執不兼綜細務之言乎朕自幼強健筋力頗佳能挽十五力弓發十三握箭用兵臨戎之事皆所優爲然平生未嘗妄殺一人平定三藩掃清漠北皆出一心運籌戶部帑金非用師賑饑未敢妄費謂此皆小民脂膏故也所有巡狩行宮不施采績每處所費不過一二萬金較之河工歲費三百餘萬尙不及百分之一幼齡讀

東華錄

康熙一百

七

書卽知酒色之可戒小人之宜防所以至老無恙自康熙四十七年大病之後過傷心神漸不及往時況日有萬幾皆由裁奪每覺精神日逐於外心血時耗於內恐前途儻有一時不諱不能一言則吾之衷曲未吐豈不可惜故豫於明爽之際一言之可以盡一生之事豈不快哉人之有生必有死如朱子之言天地循環之理如晝如夜孔子云居易以俟命皆聖賢之大道何足懼乎近日多病心神恍惚身體虛憊動轉非人扶掖步履難行當年立心以天下爲己任許死而後已之志今朕躬抱病怔忡健忘故深懼顛倒是非萬幾錯亂心爲天下盡其血神爲四海散其形既神不守舍心失怡養目不辨遠近耳不分是非食少事多豈能久存況承平日久人心懈怠福盡禍至泰去否來元首叢脞而股肱墮至於萬事隳壞而後天災人害雜然並至雖心有餘而精神不逮悔過

無及振作不起呻吟牀榻死不瞑目豈不痛恨於未死昔梁武帝亦勦業英雄後至髦年爲侯景所僞遂有臺城之禍隋文帝亦開勦之主不能豫知其子煬帝之惡卒致不克令終又如丹毒自殺服食吞餅宋祖之遙見燭影之類種種所載疑案豈非前轍皆由辦之不早而且無益於國計民生漢高祖傳遺命於呂后唐太宗定儲位於長孫無忌朕每覽此深爲恥之或有小人希圖倉卒之際廢立可以自專推戴一人以期後福朕一息尙存豈肯容此輩乎朕之生也並無靈異及其長也亦無非常八齡踐阼迄今五十七年從不許人言禎符瑞應如史冊所載景星慶雲麟鳳芝草之賀及焚珠玉於殿前天書降於承天此皆虛文朕所不取惟日用平常以實心行實政而已今臣鄰奏請立儲分理此乃慮朕有猝然之變耳死生常理朕所不諱惟是天下大權當統於一十年以

東華錄

康熙一百

七

來朕將所行之事所存之心俱書寫封固仍未告竣立儲大事朕豈忘耶天下神器至重儻得釋此負荷優游安適無一事攪心便可望加增年歲諸臣受朕深恩何道俾朕得此息肩之日也朕今血氣耗減勉強支持脫有誤萬幾則從前五十七年之憂勤豈不可惜朕之苦衷血誠一至於此每覽老臣奏疏乞休未嘗不爲流涕爾等有退休之時朕何地可休息耶但得數旬之頤養保全考終之死生朕之欣喜豈可言罄從此歲月悠久或得如宋高宗之年未可知也朕年五十七歲方有白鬚數莖有以烏鬚藥進者朕笑卻之曰古來白鬚皇帝有幾朕若鬚鬢皓然豈不爲萬世之美談乎初年同朕共事者今並無一人後進新升者同寅協恭奉公守法皓首滿朝可謂久矣亦知足矣朕享天下之尊四海之富物無不有事無不經至於垂老之際不能寬懷瞬息故視棄天下猶

敝屣視富貴如泥沙也儻得終於無事朕願已足願爾等大小臣鄰念朕五十餘年太平天子倦倦丁甯反復之苦衷則吾之有生考終之事畢矣此諭已備十年若有遺詔無非此言披肝露膽罄盡五內朕言不再○癸酉諭皇子及諸大臣等京師初夏每少雨澤朕臨御五十七年約有五十年祈雨每至秋成悉皆豐稔昔年曾因曠旱朕於宮中設壇祈禱長跪三晝夜日惟淡食不御鹽醬至第四日步詣天壇虔禱油雲忽作大雨如注步行還宮水滿兩靴衣盡霑溼後各省人至始知是日雨徧天下朕自謂精誠所感可以上邀天鑒後太皇太后不豫朕以保育恩深益復虔誠步禱請減己算爲聖祖母延年詎意竟不可回朕以此抱痛於心知天道幽遠難可期必朕爲聖祖母不能祈求永年而爲民請命即使天心有感能不負慚於中乎自此以後每遇求雨朕但於宮中齋戒不復躬親祈禱此意從未告人諸臣所未知者也上言及此流涕嗚咽不能自止諸臣莫不感動頃之又諭曰禮部於各寺廟祈雨所用僧人道士但務虛文殊無實意大約每月十八二十二二十四等日往往有雨人多言宜及此數日祈禱朕以爲既知有雨何用禱爲若知有雨而後禱此心便已不誠矣總之天行不齊多賴人事補救朕倉有餘粟帑有餘金隨時隨地皆可賑濟故雖逢旱歲亦不能爲災也○甲戌上以甘肅提督師懿德議不可進兵一摺示滿漢大學士學士九卿詹事科道等論曰此事彼處督撫不奏師懿德獨奏亦是做劉蔭樞之意且令師懿德等留京用兵之事原要機謀非拘執不通者所能辦理當中路出兵時人云地寒馬瘦到彼處馬匹必致凍死又包衣大力言糧餉未到難以前進朕卽止之云此中機謀非爾等所知

東華錄

康熙一百

夫

東華錄

康熙一百

九

如再妄言卽律以軍法朕來時祭告天地宗廟必見噶爾丹方回又與伯費揚古約兩路合兵今不前進如何先回朕親率大兵深入敵境算在必勝也噶爾丹使人來朕留營中七日諭來使云不見噶爾丹必不輕回鼓兵前進差人往視噶爾丹已遁去二日再差人往視已盡棄廬帳器械遠遁矣朕乃回兵今策安阿喇布坦本屬小醜不足爲慮但怙惡不悛侵陵哈密前曾以二百人敗其二千餘人矣今因其移兵到藏道路甚遠又無接應自去年十月起行今年七月方到過三層冰山噶斯等處實爲難行然彼既可以到藏我兵卽可以到彼處兵亦不用多二百餘人便可破之矣又奏彼處雪深八尺兵不可住今李先復係漢人自阿爾泰口外來氣色甚好云途中並不見有病人是邊外水土原可居住故復議明歲三四月出兵用兵惟以安甯百姓保護地方爲先故

因材器使未嘗求全責備也今日朕身安和故召諸臣來將朕閱
歷之事諭爾等知之○諭戶部朕統御寰區撫綏萬國無分中外
凡兵民生計未嘗一日不為勤求也自勦滅三逆以後為八旗甲
兵詳加籌畫會頒發帑金數百萬兩代清積逋又資其匱絀復賞
銀數百萬兩凡隨圍出征雖給行月錢糧官駝馬匹猶恐用度不
繼設立八旗官庫以濟官兵四十五年復施恩將官庫未經扣完
銀三百九十五萬六千六百餘兩盡與除免嗣後官庫事務漸至
紛擾故停止八旗之庫設立總庫自此以來官兵有益庫內案件
亦甚清楚但每月扣取錢糧朕深為慮念曾有無恥積惡撥什庫
侵欺兵餉朕故交與戶部將兩月錢糧一次支放俱令給與本人
近聞領取銀兩兵丁甫出部門即被人持去公庫既行扣除又復
償還私債兵丁所賸甚少以此養贍室家奉行差務斷然不足朕
東華錄 康熙一百 三
每懷及此深切軫惻茲特大沛恩施式宏撫育停止公庫將見今
未行扣完銀一百九十六萬八千兩有奇通行豁免自五十七年
正月為始著給與兵丁全分銀兩兩部即傳諭八旗都統等出示
通曉俾咸知朕優恤禁旅至意○乙亥八旗都統等因奉特恩豁
免公庫扣除銀兩率領兵丁謝恩得旨小人得財則喜用盡則怨
見今八旗得見舊日風景者已無其人而能記憶祖父之遺訓者
亦少以致風俗日奢人心不古嗣後務期悔改以副朕諄諄訓誡
至意○吏部議准差往河南審事刑部尚書張廷樞等奏新安縣
知縣錢汝駢前於澠池山中搜獲賊首亢珽之屍又節次搜獲亢
珽亢珽母妻女媳子孫並賊犯李一甯等請將該縣議敘從之○
丙子諭大學士等凡外吏居官雖清廉然地方些微火耗其勢不
能不取即如大學士蕭永藻之清廉中外皆知前任廣東廣西巡

撫時果一塵不染乎假令蕭永藻自謂清官亦效人布衣蔬食朕
亦將薄其為人矣○諭前大學士王揆密奏及御史陳嘉猷等八
人公奏俱為請立皇太子事伊等以朕為忘之矣此等大事朕豈
有遺忘之理且伊等奏請分理天下之事豈可分理乎又願王揆
曰凡密奏條陳之人皆為名起見以為吾曾陳奏遂刊刻傳播或
有未經陳奏即行刊刻者夫所謂密奏者惟所奏之人知之朕獨
知之方可言密今爾等所奏摺稿或尚存乎王揆奏曰臣安敢如
此 上曰朕非專指爾而言即如李光地為此事亦曾口奏朕謂
之摺奏可乎大臣乃朕股肱耳目所聞所見即應上聞若不可用
露章者應當密奏天下大矣朕一人聞見豈能周知若不令密奏
何由洞悉即如人家奴僕甚屬微賤蒙混捐納為官者有之朕所
知亦有一二人此等事爾等有所聞不行陳奏即如有股肱而不
東華錄 康熙一百 三
能運動有耳目而不能聞見矣焉用股肱耳目為哉令人密奏亦
非易事偶有忽畧即為所欺朕聽政有年稍有曖昧之處皆洞悉
之人不能欺朕亦不敢欺朕密奏之事惟朕能行之耳前朝皆用
左右近侍分行探聽此輩顛倒是非妄行稱引債事者甚多朕曾
遣人往五臺武當等處皆於兵部起票馳驛前往並將差遣緣由
聲明光明正大伊等亦不能假借也孟光祖假誠親王允祉之名
遊行各省趙宏燮陳奏甚屬可嘉一經發覺天下皆知矣又原任
黃巖總兵官仇機是大惡妄行之人朕訪聞其私鑄九鼎會令步
軍統領查拏如此舉動意欲何為漢人膽大無所不為於此可見
又諭為君之道要在安靜不必矜奇立異亦不可徒為誇大之言
程子曰人不學為聖人皆自棄也此語亦屬太過堯舜之後豈復
有堯舜乎昔人有言孟子不足學須學顏子此皆務大言不務實

踐者朕自幼喜讀性理書中千言萬語不外一敬字人君治天下但能居敬終身行之足矣又諭柔遠能邇之道漢人全不理會本朝不設邊防以蒙古部落為之屏藩耳蒙古終年無殺傷人命之事即此可見風俗醇厚若直隸各省人命案件不止千百固緣人多亦習尚澆漓使然也○諭戶部朕撫御寰宇五十餘年夜寐夙興為小民勤求生計近者民力雖已稍紓然念分年帶徵銀兩若不格外優免則小民一歲之所獲分納二年之賦以其贏餘養贍室家斷難充足朕每念及此軫惻良深宜更加殊恩通行豁免今將直隸安徽江蘇浙江江西湖廣西安甘肅等八處帶徵地丁屯衛銀二百三十九萬八千三百八十兩有奇概免徵收其漕項雖例不准免亦著破格施恩將安徽江蘇所屬帶徵漕項銀四十九萬五千一百九十餘兩米麥豆一百十四萬六千六百一十餘

東華錄 康熙一百 三
石內免徵各半爾部即行文該督撫嚴飭所屬實心奉行俾民間均霑實惠用稱朕撫恤羣黎至意○己卯以高其倬勵廷儀俱為內閣學士俱由翰林院侍讀學士遷○庚辰 上自 皇太后違豫晝夜焦勞以致 聖體違和頭暈足痛艱於動履猶親詣 甯壽宮問安御東暖閣辦事諸王大臣官員等奏云 皇太后較前稍安 聖躬關繫甚重伏乞往湯泉調攝 上不允

十二月辛巳朔 皇太后病勢漸篤 聖心憂勞以致 聖體日就羸瘦且足痛加劇於是諸王大臣等合詞公奏 皇上孝事兩宮超越萬古問寢視膳晨昏定省未嘗稍間即如 皇太后賓天已經三十年 皇上前日與廷臣言及輒涕下如雨哀不自勝今 皇太后慈體違和惟恐或不虞不能行禮惓惓以此為憂禮記論居喪之制五十不致毀六十不毀七十飲酒食肉處於

內凡尋常無疾之人尚宜如此況 皇上聖壽將近七旬今又抱病斷宜遵循禮制且 皇太后受 皇上六十餘年孝養玉食萬方壽近八旬亦古來母后中所僅見者脫有不虞一切禮儀令諸王大臣恪恭將事 皇上一循禮記定制即聖經無過不及之中道也伏祈 皇上加意調養以慰中外臣民之望奏入留中○甲申辰刻命諸皇子傳諭旨曰 皇太后病勢漸增朕承歡奉養歷數十年不幸值此朕躬雖抱病此心未能稍釋頃親往請安朕體甚覺委頓 皇太后儻有不諱朕自當竭力以盡禮節惟慮病體難於支持此事著諸皇子領侍衛內大臣大學士禮部滿漢大臣滿九卿會同議奏其割辦之禮亦著議奏未刻諸王滿漢文武大臣等奏臣等先因 皇上聖體違和懇求暫停詣 甯壽宮今因 皇太后病勢漸增 皇上即親詣問安 聖躬關繫重大不可

東華錄 康熙一百 三
稍冒風寒叩請停詣 甯壽宮奏入得旨朕今日親往體中不能支持是以問安後即回 皇太后之事關繫重大朕當竭力行之耳○禮部奏臣等查例 皇上孝服用白紡絲儻遇 皇太后大事照例豫備白紡絲孝服 妃嬪亦豫備白紡絲孝服又查 慈和皇太后大行時 皇上未經割辦儻遇 皇太后之事 皇上亦斷不可割辦奏入得旨儻 皇太后不諱孝服用布為是朕必行割辦此事著領侍衛內大臣滿漢大學士禮部滿漢大臣滿九卿會議具奏其諸皇子割辦之處亦著議奏尋內大臣等奏遵旨孝服用用布為是應豫備孝布查禮記喪禮六十不毀七十飲酒食肉處於內再滿洲舊例年老疾者皆以孝服為忌今 皇上聖壽將近七旬 聖體違和設有 皇太后大事 皇上服孝服不必行割辦之禮諸皇子皆係孫枝亦停其割辦奏入得旨朕前旨

甚明當遵朕言為是諸皇子停其割辨○是日 上足背浮腫不能轉移因 皇太后病勢漸增用手帕纏足乘輿詣 甯壽宮請安捧 皇太后手慘切倍常以 聖體不能支持出在蒼震門內設帷幄以居○乙酉命諸皇子傳諭諸大臣 皇太后病勢大增朕若居於素所寢處之地心甚不安因於蒼震門內設立帷幄以居衣不解帶朕數日足疾更劇兼之徧身沈重中心煩燥不能成寐三鼓時稍寢即醒醒時頭暈隨又起坐至五鼓始寢半刻朕欲竭力盡禮似此形勢甚恐不能支持益滋不安耳又諭諸大臣昨日朕足背浮腫不能轉移因 皇太后病勢愈增用手帕纏足乘輿詣 甯壽宮朕捧 皇太后手奏云 母后臣在此 皇太后張目畏明以手障光視朕執朕手朕心悲慟欲在 甯壽宮守視因病體萬不能支而出從前自謂猶能勉強昨勞瘁後頭甚東華錄 康熙一百 五

迷暈難支五阿哥允祺奏云臣自幼蒙 皇太后祖母養育 皇父聖體違和一應事務臣可料理朕云我在爾何可代理朕務期躬盡典禮耳○丙戌滿漢文武大臣官員等奏 皇上至孝純誠 皇太后脫有不虞必欲力疾盡情盡禮仰惟 皇上春秋已高又適抱恙 皇太后聿躋上壽受備物之奉者垂六十年是 皇太后之福 皇上之孝皆極古今之所稀有至一切禮儀臣等雖愚豈不知 皇上孝思維則然考之於古漢儒鄭康成最精於禮其論國有大憂而君有疾者使子執事即朱子謹禮終身及暮年有疾遇家有祭祀坐視子孫跪拜而已此皆典禮明證伏乞 皇上深抑 聖情俯衷古制如 皇太后有不虞之事命諸皇子悉心經理凡拜跪行走一切勞力禮節 聖躬切未可身親萬分保攝仰承 宗社之重上以慰 皇太后之心下以愜朝野臣民之

望奏入得旨 皇太后儻有不虞朕當力疾盡禮爾等各有父母勿過為勸阻朕益傷悼愈增疾矣○是日酉刻 皇太后崩於甯壽宮 上拊膺哀號即行割辨孝服用布哭泣弗輟視 梓宮安設畢奠酒慟哭不已諸皇子及近侍人員屢次叩請始回蒼震門○丁亥 上居蒼震門內以 大行皇太后遺誥頒示天下○癸巳命諸皇子傳諭旨曰十五日 甯壽宮致祭朕可親往十七日發引朕身體甚弱難以行走若乘輿先行此心不安途中風冷萬一冒寒疾頓增尤為可慮今以不能去之故明諭爾等十七日朕往 甯壽宮親視 梓宮發引○丁酉奉移 大行皇太后梓宮安設於朝陽門外殯宮發引時 上詣 甯壽宮親奠慟哭近侍人員不忍仰視亦皆慟哭 梓宮啟行後 上猶慟哭不已諸皇子再四跪勸良久始回蒼震門內○己亥大學士等奏查康熙東華錄 康熙一百 五

二年上 慈和皇太后尊諡大學士等會同翰林院擇二十四字分為兩條奉旨尊為 孝康慈和莊懿恭惠崇天育聖皇后今上大行皇太后尊諡臣等會同翰林院亦照例揀擇具奏得旨此奏甚屬錯誤爾等查 太廟 奉先殿二位 文皇后神主便知其誤矣○庚子大學士等奏臣等遵旨恭詣 太廟謹瞻 神位見 孝端 孝莊兩太皇太后並從 太宗文皇帝廟號俱有文字臣等愚昧查康熙二年 慈和皇太后尊諡舊檔僅擬 尊諡字樣具奏未將康熙九年奉旨 慈和皇太后從 世祖章皇帝廟號升祔 太廟之例不以 章皇后字樣一併寫出甚屬錯誤因將所擬字內填寫 章皇后字樣具奏得旨此事不比尋常但聲明錯誤則已該部嚴察具奏所擬 尊諡亦未明晰朕記 太皇太后徽號字樣甚多即就原有徽號字內刪減擬定並未改換

今通行改擬恐於例有不合○甲辰大學士等奏前所降 皇上
手書諭旨臣等應照原旨繕寫於本月二十八日交吏部傳集滿
漢九卿詹事翰林科道等官於午門前宣示內閣起居注各寫一
通加謹收貯此外有何應存之處恭候 皇上指示奏入留中○
乙巳諭大學士等朕所下諭旨乃朕一生至苦之事今爾等奏稱
內閣起居注各寫一通加謹收貯此外有何應存之處恭候指示
等語無一語言及朕躬之事若欲朦朧完結其如朕垂老之身何
據此則諸臣竟無忠愛之心為朕籌畫俾稍得休息也且朕繕寫
一生之事已備十年朕言不再之語已盡之矣爾等奏稱此外有
何應存之處恭候指示等語若更有指示爾等之處朕豈不寫出
乎申刻大學士等奏 皇上一生所行之事所存之心俱已手書
發出臣等不能詳加議奏以致 聖心憂慮臣等萬死不足蔽辜
東華錄 康熙一百 美

章字 大行皇太后徽號原有 仁憲恪順誠惠純淑端禧十字
今欽遵 上諭照追上 太皇太后尊諡將原字內留五字添擬
七字尊為 孝惠仁憲端懿純德順天翊聖章皇后又將原字內
留四字添擬八字尊為 孝惠仁憲莊定端純順天翊聖章皇后
恭候 皇上指示其應行典禮交禮部查明議奏得旨前一條所
議是○是日申刻 上詣 大行皇太后梓宮前親奠上食哭泣
盡哀畢駐蹕行宮○丁未 上於 大行皇太后梓宮前行大祭
禮讀文致祭親奠哭泣盡哀釋服仍還居蒼震門內○諭兵部四
川提標兵至松潘未久鼓噪回省俱係康泰平素不能撫恤不加
整飭訓練信用原任守備汪文藻任意扣剋驕悍妄行所致法喇
等已遵旨將汪文藻及為首兵丁皮登雲等五人正法張玉林等
九人解往陝西安插其餘眾兵俱無干涉俱照舊留營給餉效力
東華錄 康熙一百 美

想 皇上從重議處奏入得旨吏部都察院會同嚴察議奏○丙
午諸王貝勒貝子公滿漢文武大臣官員奏明日 大行皇太后
殯宮行大祭禮 聖躬近日方稍愈請今晚不必親詣梓宮前哭
奠得旨二十一日二十二日朕本欲親詣致祭因二十七日欲親往
釋服是以未去自二十三日二十四日以後朕躬比前較愈儘可
往矣諸皇子大臣屢次勸止儻朕今可以去而不去他日回想豈
非遺憾乎今朕親去將此諭眾知之○大學士等奏臣等恭查舊
檔 太皇太后徽號原有昭聖慈壽恭簡安懿章慶敦惠溫莊康
和仁宣宏靖二十字賓天之後追上 尊諡將原字減去十五字
留五字又添擬七字尊為 孝莊仁宣誠憲恭懿翊天啟聖文皇
后升祔 太廟 慈和皇太后徽號原慈和二字後尊為 孝康
慈和莊懿恭惠崇天育聖皇后康熙九年升祔 太廟時添寫

西 上還宮○是歲朝鮮來貢○人丁戶口二千四百七十二萬
二千四百二十四又永不加賦滋生人丁二十一萬二十五田地
山蕩畦地七百二十五萬七百五十四頃九十畝有奇徵銀二千
九百七十二萬三千五百六十兩有奇米豆麥六百八十五萬三
千五百五十五石有奇草三百八十五萬八千二百七十四束茶三十
五萬三千四百二十五引行鹽五百十萬三千五百三引徵課銀
三百七十八萬一百二十四兩有奇鑄錢三萬九千九百一十六
萬七千三百有奇

東華錄

康熙一百一

臣王先謙敬編

臣周倫蕃恭校

康熙五十七年戊戌春正月辛亥 上居蒼震門內○壬子 上

詣 大行皇太后梓宮前行月祭禮○癸丑 上還宮諭諸王大

臣等諸王大臣往往羣集請安云望朕躬速愈朕身罹大憂因致

獲疾動履甚艱寢臥幾及五旬一切喪事未得盡心何暇調治今

右足較左足消瘦容顏亦殊憔悴或有冒昧之人不詳瞻朕容第

謂聖躬如天行至健雖暫染痾疾有何妨礙不知天行無時止息

而世運屢有變遷人豈得以天比乎或又粉飾殷勤套語謂宜節

憂勞簡幾務以養聖躬及至問其憂勞之宜節者何在幾務之宜

簡者何事彼仍不能舉以對也朕於此等空言惡之殊切厭於聽

東華錄 康熙一百一 一

聞故特降諭宣示○乙卯 上幸湯泉○兵部議准原任貴州巡

撫劉蔭樞奏定番州屬大華司土官狄守亨因挾仇射死麻嚮司

土官得君佐已經奏參革職狄守亨之子狄世雄仍習兇頑難以

約束部苗別無應襲之人請將大華土官永行裁革地方錢糧歸

併定番州轄從之○辛酉諭大學士等諸臣陳奏國家之事輒用

稱頌套語於朕躬並無裨益朕歷年夏月避暑九月回鑾所積四

月內口外不能辦理之事日夜料理必在歲內完結至次年開印

又復速為辦理無致壅積今自五十六年四月至今所積事務應

作何辦理之處諸臣當切實指陳國家事務所關甚大豈可潦草

完結若朕置事務不理諸臣又誰能擔任朕每念及中心惕然嗣

後當盡刪除稱頌套語將有益於朕躬之處速為指陳使事務不

至壅積可以知諸臣之實心報效而朕之病體亦得調護矣○己

已翰林院檢討朱天保奏請復立允初為皇太子 上御行宮正

門召朱天保問曰爾奏摺內云二阿哥仁孝爾由何而知朱天保

供云臣父朱都納語及聞之 上問曰爾父行走之時二阿哥尚

無疾病其學問弓馬及一切技能皆有可觀後得瘋疾病發時即

諸事不省舉動乖張曾背立朕前辱罵徐元夢即伊伯父及伯叔

之子等往往以不可道之言肆詈此非瘋疾所致乎爾知之否耶

朱天保供云臣實不知冒昧陳奏理應萬死 上問曰爾奏摺內

云今二阿哥聖而益聖賢而益賢爾何從而知朱天保供云皆臣

父聞之看守之人 上問曰看守之人何名朱天保辭窮但云該

死 上問曰朕以爾陳奏此等大事若遣人傳問或將爾有理之

言遺漏故親加研訊爾一無知稚子數語即窮必有同謀通信之

人可據實供明朱天保奏云此皆臣父朱都納同戴保商議繕本

東華錄 康熙一百一 二

令臣來奏 上命大臣等將朱都納戴保鎖拏並朱天保俱交與

皇子大臣等嚴審又諭曰自 太祖 太宗以來宗室中患瘋疾

者不止一人英郡王臨陣甚勇效力甚著但瘋疾一發即便妄行

大阿哥允禔公景熙亦皆有瘋疾普奇為人總無定準不可聽信

三官保為人閃爍不常楚宗為人亦多反覆朕當面責伊云爾甚

是反覆不常必至於爾被殺而後已朕宗室中漢仗皆好臨陣奮

往不肯讓入但心無定準不可信者甚多再旗人內如齊世為人

心性閃爍巴渾德會奏齊世聰敏異常其心思所至立即轉變非

臣等所能測即齊世亦奏稱臣之心性臣亦不能自信伊且不能

自信又豈有信伊之人耶又諭貝子蘇努曰齊世狂悖之言爾盡

知之齊世當康熙十年時以為如何能至十五年及至康熙十五

年以為如何能至二十年因將伊祖墳移至盛京可見伊居心行

事狂悖極矣。將朱都納戴保擊至供連副都統常賚原任內閣學士金寶因將常賚金寶亦擊至。○庚午大學士會同九卿等繕摺具奏皇太子係天下根本近奉 上諭建儲大事朕豈忘之臣等仰見 聖心注念國本匪朝伊夕伏願 皇上遂行乾斷四海臣民莫不懽慰見今題奏之事即可命皇太子在 皇上左右稟承 皇上指示贊襄辦理俟 聖躬大安再親幾務至於今年應補各官及旗下官員請停其引見陸續補授伏候 皇上諭旨再行引見 上召入諭曰自去年春夏之交朕體不安畱心調養漸就痊愈意謂從此便可平復自熱河來京心中沈悶又值 皇太后大事總無暇調治以致身體不安者七十餘日朕自幼頗能耐病是以起居照常仍辦理幾務今至湯泉顏色稍復精神亦增特諭爾等知之爾等今日爲立皇太子之事來奏前允祔爲皇太子

東華錄

康熙一百一

三

舉爲大將軍有齊世扎拉克圖皆當爲將軍之語朕遣內監往詢伊直認誓水之書係其親筆此等處爾知之否耶朱都納供云臣所聞未明妄行陳奏該萬死 上問曰爾奏摺內引戾太子之事爲比戾太子父子閒隔不能覲面朕於二阿哥並無閒隔即拘禁處朕常遣內監往視賜物賜食見今二阿哥顏貌豐滿伊子七八人朕皆畱養宮中爾何得比如戾太子之事爾又稱費揚古將二阿哥陷害費揚古係功臣伊病篤時朕親臨視歿後遣二阿哥往奠爾何得任意妄言爾希圖僥倖取大富貴又以朕有疾必不親加詳訊故擅敢具奏今詰問之下乃始知當死乎且爾奏此等大

東華錄

康熙一百一

四

時一切禮儀皆索額圖所定服用儀仗等物踰越禮制竟與朕所用相等致二阿哥心性改移行事悖亂皆索額圖導之也自二阿哥近侍人員以至內監言及索額圖常泰無不切齒天無二日民無二王名不正則言不順今於未立皇太子之前當豫將禮儀議定爾等會同將明代會典及漢唐宋以來典禮查覈詳議具奏 上御行宮正門召朱都納問曰爾子朱天保供稱所奏皆出爾意朕問爾二阿哥仁孝且於拘禁處甚是安靜聖而益聖賢而益賢爾何以知之朱都納供云原聞二阿哥之賢意拘禁之後應亦賢矣所以具奏 上曰爾並不詳明亦無確見妄奏此等大事乎從前二阿哥原無不善之處後因病發諸事乖張是以拘禁然朕猶望其痊愈故復釋放五年以內朕父子每日相見凡事盡心教訓乃並不悛改始復拘禁伊於拘禁處以誓水作書致普奇屬其保

上曰令爾看殺爾子後始將爾凌遲又問戴保曰爾前往海關時曾奏趙姓之人族眾聚居皆趙太祖之裔或至作亂亦未可定遣爾至蒙古地方又奏扎賴特蒙古等修理器械訓練兵丁有謀叛之意何歷年來帖然安靜此非爾欺罔耶且爾因瘋疾拘禁如何朱都納所奏之事爾又與之商議同行戴保供云臣係朱都納之壻望伊父子富貴同副都統常賚商議而行伊所奏本章臣看過是實 上又問金寶曰左翼朝奇右翼金寶皆著名匪類朱都納所奏之事爾如何與之商議同行金寶供云既有臣名臣即應死但臣往軍前種地甫回曾見朱都納是實至伊所奏之事臣實全然不知臣見有老母在家年已八十並無兄弟子嗣求 聖主寬宥 上曰爾有八旬老母毫不爲念是以罹此案耳 上又問常賚曰爾如何與朱都納商議妄行陳奏常賚供云臣係朱都納

之塔此皆伊父子希圖富貴同伊愛塔戴保商議而行並未與臣相商 上曰爾係朱都納之婿朱都納平日與何人行走此事與何人商議爾必盡知之常資供云萃泰齊世兩人皆與朱都納來往萃泰行走甚密齊世行走器疏至此事同伊等相商與否臣實不知尋將齊世萃泰並擊至○壬申 上御行宮正門召齊世諭曰齊世秉性不肯安靜有似獼猴二阿哥甚惡之呼為獼猴都統朕以為與獵犬相似道旁鶉起則逐鶉蛙處則逐蛙人所射之野獸反不逐也凡人有過皆悔悟思改若齊世怙過遂非到老不知改悔每一蹙額即謀欲陷人至於騎射材力全無寸長屢次出兵並不向前效力及犯事之處未有無其名者二阿哥鑿水寫書之事亦有其名朕皆寬宥給以都統職銜朕施恩如此伊當守分安靜度日乃今朱都納之事又有其名豈非奸詭特甚乎今試問爾東華錄 康熙一百一 五

爾族中佐領員缺如何將增壽之名刪去但將爾名進呈增壽係爾兄之子襲公爵者伊名如何可刪爾以身為都統止將爾名進呈載入檔案傳至後日便與增壽子孫無涉爾之籌算竟及數世以後奸詭如此朕斷不使爾得遂其志究將增壽之名列於爾前爾之奸計何益齊世語塞不能對但云臣心地不堪之處皆 皇上洞照有何辨處 上又曰萃泰乃卑污無恥之人何足問也○乙亥議政大臣等議覆總督額倫特奏據拉藏使人胡喇奇云從前與策妄阿喇布坦之兵交戰曾獲伊眾二百餘人策零敦多卜及準噶爾等因不服水土徧身浮腫今拉藏見在布達拉地方固守達賴喇嘛班禪額爾德尼俱同在一處令我齋疏往奏 聖主又大喇嘛鄂爾齊木藏布拉木渣木巴奏稱我等自剛諦沙回至拉薩拉藏告云策妄阿喇布坦令策零敦多卜等率兵六千餘人

至淨科爾庭山內踞守險要來與我戰夜間越嶺而來復踞住達穆地方等語又侍衛阿齊圖等奏據拉藏使人胡喇奇云拉藏蘇爾扎前與策妄阿喇布坦之兵交戰殺獲甚眾今拉藏蘇爾扎俱自遠穆已至招中等語應行令侍衛阿齊圖總督額倫特等加謹設防作速豫備遠探賊情相機進剿得旨依議速行○丙子滿九卿等議奏朱都納應凌遲處死朱天保立斬朱都納二幼子立絞家產籍沒入官戴保常資俱應絞監候秋後處決金寶充發黑龍江營苦差萃泰柳號三個月鞭一百齊世革去都統職銜交該旗及族中人等在伊家永行拘禁 上將奏摺發還諭云所議尚未詳盡朕親御門窮詰朱都納之處亦未載入○丁丑吏部議覆大學士馬齊等議上 大行皇太后尊諡不將 章皇后字樣寫出甚屬錯誤應將大學士馬齊嵩祝李光地蕭永藻王揆各降三級東華錄 康熙一百一 六

調用其革職留任之大學士嵩祝無級可降應革任得旨馬齊李光地蕭永藻王揆俱從寬免降三級調用嵩祝從寬免革任○戊寅諭議政大臣等兩路軍兵駐紮邊塞二三年矣勞苦殊甚衣服亦將損敝朕深加軫念特令製衣二萬襲見今所有一萬襲派侍衛一員由驛站送至將軍富甯安軍前賞給軍兵再一萬襲俟製造完日送至將軍傅爾丹軍前命爾等大臣查驗裝載牢固發往如向有不敷計算軍兵數目照此衣服將庫貯布疋賞給令其自行製造○大學士九卿等遵旨將 皇太子儀仗冠服一切應用之物及應行禮儀俱查明裁減定議具奏得旨所議甚善

二月庚辰朔 皇子生卽於是日薨未命名○壬午轉李華之為刑部左侍郎以周道新為刑部右侍郎由左副都御史遷○乙酉滿漢九卿請安 上手書諭旨曰眾大臣官員時來請安朕甚難答若謂

身安則羸瘦已甚未覺全復足痛雖較前稍愈步履尚難近方閱
理政務一時難於清楚因慮壅積漸多心悸不安更痛 皇太后
大事適值朕躬抱病未盡朕心而一二不法匪類曾經治罪免死
之徒探知朕疾夥同結黨謀欲放出二阿哥觀此則亂臣賊子尚
不乏人每思此等事食且不能下咽何由萬安○丁亥兵部議覆
廣東廣西總督楊琳奏據原任碣石總兵官陳昂調奏臣詳察海
上日本暹羅廣南噶囉吧呂宋諸國形勢東海惟日本為大其次
則琉球西則暹羅為最東南番族最多如文萊等數十國盡皆小
邦惟噶囉吧呂宋最强噶囉吧為紅毛一種奸宄莫測其中有英
圭黎干絲蟻和蘭西荷蘭大小西洋各國名目雖殊氣類則一惟
有和蘭西一族兇狠異常且澳門一種是其同派熟習廣省情形
請敕督撫關差諸臣設法防備或於未入港之先查取其火礮方

東華錄

康熙一百一

七

許進口或另設一所關東夷人每年不許多船並集止許輪流貿
易臣查外國夷商利與中國貿易而夷商憎服有素數十年來沿
習相安應聽其照常貿易將該鎮所請查取火礮另設一所關東
輪流貿易之處無庸議請於夷船一到之時令沿海文武官弁晝
夜防衛使其惴服無致失所至於西洋人立堂設教仍照康熙五
十六年九卿原議禁止再行嚴飭均應如所請得旨依議○己丑
議政大臣等議准靖逆將軍富甯安奏西吉木設立赤斤衛達里
圖設立靖逆衛各添設衛守備一員錫拉谷爾設立柳溝所添守
禦所千總一員再添設同知通判各一員兼管二衛一所其駐防
兵丁武職官員令肅州鎮管轄衛所官員令肅州道員管轄從之
○庚寅議政大臣等議覆據拉藏奏稱臣受 聖主洪恩不意惡
逆策妄阿喇布坦發兵六千與我土伯特兵交戰兩月雖並無勝

負而敵兵復又入招臣見在率兵守護招地但土伯特兵少甚屬
可慮若將喀木危藏之地被伊踞去將使黃教殄滅懇求 皇上
速發救兵並青海之兵即來策應等語查拉藏係顧實汗後裔維
持黃教今懇求救援應令西甯松潘打箭鑪噶斯等處各豫備兵
馬並土司楊如松屬下兵丁一同前往見今青海王台吉等派兵
六千在正月初十起程但非有滿洲兵丁不可應令侍衛色楞侍
讀學士查禮渾在西甯滿洲兵內選二百名綠旗兵內選二百名
及土司之兵一千帶至青海地方會同青海王台吉等商酌行事
其青海王台吉等發兵去後伊等家口無人看守應行文公策旺
諾爾布總督額倫特與青海王台吉等妥議於屯兵形勝之處用
心守護從之○刑部等衙門會議據原任貴州巡撫劉蔭樞供稱
臣年老昏愚茫無知識伏見 皇上用兵西陲妄行摺奏及命臣

東華錄

康熙一百一

八

赴軍前周閱營盤謊稱適逢大雪馬上跌傷骹足病勢沉重不能
行走又不請旨竟回甘州蒙恩寬恕令臣仍往看雪又不遵行妄
求寬免蒙恩令臣赴任彼時病勢漸減遂爾前往種種乖謬罪應
萬死等語應將劉蔭樞革職擬絞立決但議政大臣等議將不肯
進兵之提督師懿德立絞奉旨暫停治罪劉蔭樞亦應暫行停決
發往侍郎海壽處種地俟大兵回日再行治罪得旨劉蔭樞豈可
復行發往陝西著發往傅爾丹等地方種地○辛卯九卿詹事科
道以建儲事繕摺請旨 上手書諭旨曰國家大臣凡事宜詳細
思維具奏豈可草率同於兒戲朕將何賴見今 皇太后之事未
滿百日 梓宮尚未安厝舉國素服未曾剃頭乃將大慶之事瀆
請朕實不解著即回奏九卿詹事科道回奏云臣等冒昧瀆請大
體所關全未見及今奉旨明示方豁然醒悟自知愚昧謹具摺請

罪 上又手書諭旨曰至愚極昧之處不止一二次矣如此何以辦事必至終日為人欺蔽儻至誤事不亦可恥耶○以景日昃為左副都御史由宗人府丞遷○壬辰議政大臣等議覆振武將軍公傅爾丹等奏請兩路大兵進剿之處得旨爾等議欲兩路進剿但聞策妄阿喇布坦遣策零敦多卜等前往西藏之時曾有令伊等剪滅拉藏即在藏駐紮彼復身至西藏再攻取危藏巴爾喀木之人等語雖其虛實未可懸定而傳聞拉藏有陣亡之信若策妄阿喇布坦果帶妻子前往西藏而去我國兩路大軍即至伊里地方恐屬徒然朕意今即令色楞額統率軍兵征剿西藏稍俟此軍消息本年暫停進剿此皆有闕軍機糧餉爾等再議具奏○壬寅九卿等議覆趙鳳詔由縣令越升太原府知府不思潔己共焚賊一十七萬四千六百兩零歷審情實應擬斬立決從之○乙巳議政大臣

東華錄

康熙一百一

九

等議奏四川提督康泰平時不能撫恤官兵賞賚之物又不全給以致官兵鼓譟應革職交刑部從重治罪廣東提督王文雄平時不能禁戢盜賊致賊聚眾擾鄉劫掠人口知巡撫法海具奏又思脫罪粉飾陳奏殊屬溺職應革職 上曰此二事暫存貯康泰王文雄原任宣化總兵官司九經伊等漢仗俱好經歷戰陣著自備鞍馬前赴色楞額軍前效力果能效力將伊等免罪如不效力加等治罪○大學士等以議處朱都納等一案請旨 上諭朱天保希圖僥倖違旨妄奏又首將伊父供出不忠不孝極矣著即正法令伊父朱都納視之戴保最為兇惡斷不可留亦著即正法朱都納常賚從寬免死金寶從寬免充發交與步軍統領永遠枷示伊等妻子俱入官朱都納二幼子亦免死入官達壽著革職枷號三箇月鞭一百去歲山東浙江正副主考官係何人保舉著查奏

大學士等又以齊世萃泰或照朱都納等枷示或照部議完結請旨 上曰齊世人甚不端著交宗人府照鄂繕等拘禁萃泰卑污無恥著照部議完結此旨不用批本令部院記檔○刑部等衙門議覆刑部尚書張廷樞察審河南閩鄉縣賊首王更一第一案原任巡撫李錫因科派激變應行立斬 上諭大學士等李錫據理應斬第官員與賊盜合為一本定擬難以批發此本發回著分晰兩本具奏又議覆張廷樞等察審蘭陽縣奸民李雪臣等一案將白蓮教賊首朱復業即袁進論凌遲案內袁進為子之郭英論斬秋後處決 上諭大學士等郭英係養朱復業之人即是伊父理應照謀叛人之祖父例即行處斬部議秋後處決誤矣發還再議並李錫等議罪之事過三月再奏○丙午以張連登為湖廣巡撫由通政○丁未 上還宮○子故刑部左侍郎艾芳曾祭○是

東華錄

康熙一百一

十

月免福建臺灣等三縣去年旱災額賦有差三月辛亥諭大學士等保舉山東浙江鄉試考官之人查出否馬齊奏曰保舉山東正考官呂謙恆係工部侍郎王懿保舉副考官朱天保係吏部侍郎色爾圖左副都御史海壽保舉浙江正考官索泰係工部侍郎常泰保舉副考官張懋能係通政使司參議張世祺 上曰王懿等俱著革職留任永停升轉不准開復又諭凡有保舉俱有王懿李先復之名科道內保舉人者甚多果屬賢員自當保舉但伊等竟以此射利王懿從前歷官尚勉強自愛自任府尹後甚屬平常○壬子諭大學士等歷觀從來帝王設立起居注多有更張亦閒有裁革者朕在位日久設立多年近見記注官內年少之員甚多皆非經歷事體之人伊等且自顧不暇又豈能詳記朕之諭旨耶且官職卑小不識事之輕重或有事關重大者

不能記憶致將朕之諭旨頗多遺漏不行備錄甚至如趙熊詔會私鈔諭旨攜出示人記注之事關繫甚鉅朕設立起居注甚爲久遠在位五十七年一切政事見有各衙門檔案何必另行記載其作何裁革之處爾等會同九卿議奏○癸丑減大興宛平各門廠房稅○丙辰以王沛慎爲廣西布政使由貴州按察使遷○辛酉上大行皇太后尊諡曰 孝惠仁憲端懿純德順天翊聖章皇后○壬戌 上詣 孝惠章皇后梓宮前行百日致祭禮○諭諸王大臣前諸大臣勸朕停止親送 皇太后梓宮時朕曾諭以目前不能去稍需時日再行定奪今朕身較前稍健似可勉強前去但此時尙未可信或至途間朕身又或不安不惟諸臣不能擔荷即朕亦追悔無及若不去從此朕身漸愈此心又大不安矣以此兩難朕下此旨非欲諸臣勸阻亦料諸臣必來諫止朕心實不能定故願

東華錄

康熙一百一

十一

臣官員合詞奏歷觀自古帝王及明朝會典未有親送梓宮之例况 聖躬尙未全愈斷難親往伏懇 皇上俯順輿情 上諭諸王大臣官員勸朕停止親送 梓宮再三叩請朕身亦不能往今不親送矣又諭朕不剃頭送 皇太后梓宮之諸王大臣官員亦著停止剃頭其在京之諸王大臣官員俱著剃頭○諭議政大臣等連年陝西適有軍務來往人等俱係巡撫綽奇與地方官應付今伊等之力有限原任河南巡撫李錫暫停正法並此案干連之府縣等官以及原任江西巡撫李錫俱發往西陲交與侍郎色爾圖令其捐辦如果效力即免其罪○丙寅吏部議覆翰林院掌院學士徐元夢奏參編修儲在文張起麟徐用錫沈敬宗宮鴻歷叢樹等有玷官箴均應照溺職例革職得旨儲在文張起麟徐用錫宮鴻歷叢樹俱著革職沈敬宗著從寬免革職在武英殿修書處行走永不准升轉○四川巡撫年羹堯奏打箭鑪地方外通西域內皆高山峻嶺實爲天設之險 皇上救援西藏今護軍統領溫普帶領滿兵五百赴鑪駐紮臣以鑪地素不產米山路險遠糧運爲難動支庫銀買米一萬石遴選人員先運六千石抵鑪餘米收貯雅州如有需用再行酌運所需草料亦委官採買運送支給自此源源買運必不遲誤軍需得旨據奏相機購買米石草料委官設法陸續運至打箭鑪年羹堯甚爲實心效力殊屬可嘉著復還原職○以申大成爲貴州按察使由山東清道遷○戊辰大學士九卿等遵旨會議 皇上手書諭旨及理事時所降之旨並轉傳之旨各處俱有記載檔案又如本章所批諭旨六科衙門既經記載發鈔各部院又存檔案稽查且記注官多年少微員或事關重大者不能全記以致將諭旨舛錯遺漏又妄行鈔寫與人儻伊等所

東華錄

康熙一百一

十一

記之旨少有互異關繫甚鉅應將起居注衙門裁去從之○吏部議覆翰林院掌院學士徐元夢奏學臣任滿之日宜分別賢否以昭勸懲今查聲名中平者五員陝西江南福建貴州廣東學臣王雲錦林之濬車鼎晉萬經鄭冕聲名不好者二員廣西江甯學臣叢澍魚鸞翔得旨王雲錦林之濬車鼎晉萬經鄭冕叢澍魚鸞翔俱著革職保舉叢澍之廖騰燧張德桂保舉魚鸞翔之耿愷劉士聰亦俱著革職○壬申 孝惠章皇后梓宮從花園發引 上親詣奠酒舉哀 梓宮啟行 上從東角門出於大路跪送慟哭諸皇子皇孫文武大臣跪勸節哀及 梓宮已過良久諸王子隨龍輓後回望 上猶慟哭不已復各趨回環跪敦勸 上始止哭還宮○丁丑命浙江南新北新兩關稅務交杭州府捕盜同知管理○戊寅工部議覆浙江巡撫朱軾奏海甯縣海塘俱屬浮沙塘東華錄 康熙一百一 七 腳空虛請用木櫃之法以木為櫃橫貼塘底實以碎石以固塘根又用大石高築塘身附塘另築坦水石以護塘脚毋使潮水侵入再查塘內向有小河名備塘河居民築壩遂淤為陸今應去壩疏河即以挑河之土培岸又石塘三十餘里均須防守不時修築東西土塘見在坍塌更宜及時堵禦應速行修築從之夏四月庚辰諭大學士等京畿一帶歷年以來二月內或大雪大雨故麥苗滋長田禾尚可耕種今歲二三月間天時亢旱麥苗漸黃且有妨耕種朕思國有大喪之年多遭水旱及今不可不豫為準備爾等會同九卿詹事科道詳議或政事尚有缺失宜盡心講求雨澤亦應祈禱朕躬雖尚未愈為天下憂更加兢惕爾等毋視為故事也○辛巳議政大臣等議覆侍衛阿齊圖奏臣統兵至柴巨木地方於正月初二日遇見伊打木扎布等帶領拉藏子蘇爾

扎之妻自招敗回告稱準噶爾兵來至達穆地方與我土伯特兵交戰數次彼此傷損甚多去年十月三十日厄魯特之噶隆沙克都爾扎布叛歸準噶爾將小招獻降我土伯特兵眾解散台吉那木扎爾等在布達拉北城開門投順準噶爾兵眾擁入十一月初一日蘇爾扎率兵三十人衝圍而出被其擒獲拉藏被圍身亡我等投奔而來等語今西藏已失蘇爾扎之妻等投懇垂救應行文總督額倫特郎中長受即給伊馬匹口糧仍令在波羅沖可克舊處暫為安插從之○乙酉 孝惠章皇后梓宮奉安 孝東陵○丁亥賜汪應銓等一百七十一人進士及第出身有差○子故偏沅巡撫李發甲祭葬○刑部等衙門議覆刑部尚書張廷樞等察審河南閩鄉等縣官員私行科派以致賊首亢珽等拒敵官兵一案閩鄉縣令白澂以火耗等項借端取銀五萬六千兩宜陽縣令東華錄 康熙一百一 八 張育徽以馬價等項借端取銀四千零五十兩俱應擬絞監候河南府知府李廷臣私派濫徵同武弁緝賊並傷良民應擬斬監候原任巡撫李錫激變地方應斬立決查李錫李廷臣白澂張育徽俱發往甘肅效力事完之日另行請旨布政使張伯琮迎合李錫私動庫銀又失察屬員科派見任巡撫張聖佐未將賊情奏聞又不嚴加緝捕總兵官馮君洗不盡力緝賊俱應革職所有拖沙喇哈番亦應革退得旨張伯琮張聖佐俱著革職馮君洗著革退總兵官雷伊拖沙喇哈番餘依議○辛卯 上幸熱河啟鑾○吏部議覆戶部尚書穆和倫將戶部收納錢糧隨平餘銀並未據實陳奏應降五級調用從之○子故原任吏部左侍郎仇兆鰲祭葬○甲午調孫渣齊為戶部尚書部調○以楊宗義為河南布政使原任安徽按察使○丁酉諭禮部王阿哥等之母備位宮闈俱年及六十五

十四十有餘宮中雖稱妃嬪尚未受封今封博爾濟錦氏和嬪瓜爾佳氏郡王允祐之母達甲氏為妃封貝子允禎之母瓦劉哈氏十五阿哥允禩十六阿哥允祿之母王氏十七阿哥允禮之母陳氏為嬪爾部察例具奏○戊戌刑部等衙門議覆刑部尚書張廷樞等察審河南蘭陽縣白蓮教賊首李雪臣等聚眾謀為不軌一案除李雪臣已經蘭陽縣拏獲杖斃外為首之袁進即朱復業應照謀反律凌遲處死郭英撫袁進為子應照謀反之祖父律擬斬立決為從之李興邦等二十二人俱照謀反律擬斬立決孫丙等十四人俱擬斬監候洪知所等俱發三姓等處給披甲人為奴其各處白蓮等邪教之人行令地方官嚴查治罪從之○己亥裁浙江分巡金衢嚴道○丁未諭大學士等近見八旗補授佐領及襲職官員俱有遲至數年未曾啟奏者此等事甚不宜遲今遲延至

東華錄

康熙一百一

十五

臣帶往熱河引見

五月己酉朔 上駐蹕熱河○庚戌以楊宗義為河南巡撫宜思恭為河南布政使原任江蘇布政使○癸丑以徐元夢為工部尚書由左○丁巳總督額倫特奏四月初五日拏獲策零敦多卜之使人羅卜臧等八人訊稱伊等自去年正月由特畿斯起程十月至布達拉地方本月二十八日夜攻取大招次日圍住布塔拉殺害拉藏將伊幼子及所屬寨桑等送往策妄阿喇布坦處伊子蘇爾扎遁走為土伯特擒獲拘達賴喇嘛於扎克布裏廟班禪仍住拉錫倫布等語將使人羅卜臧等交主事奈曼代沿途防護解往京城報聞○戊午侍衛阿齊圖奏蘇爾扎之妻與從前屬下人等見在一處若可以餬口聽其自為生理若不能餬口請令青海寨桑等

酌量養濟得旨據奏蘇爾扎妻既云我係婦人屬下人等不能養育且恐他人欺壓亦未可定著翰林院侍讀學士樺色領銀一千兩前往波羅克給與蘇爾扎之妻令其辦理生業且朕差官照看伊等必無有敢行欺壓之人矣○己未兵部議准福建浙江總督覺羅滿保奏臺灣一郡有極衝口岸九處應修築礮臺十一座內中路之鹿耳門為全臺咽喉出入要口安平鎮為臺灣水師三營駐紮之所舊有紅毛城一座見在補築城垣其餘等處亦見在修葺有次衝口岸十五處應修礮臺一十八座再查澎湖地方實為臺灣門戶金廈藩籬有極衝口岸四處內如媽祖澳原有新城一座見在修葺其餘等處應築礮臺七座有次衝口岸五處應築礮臺三座酌撥官兵巡守北路之淡水雞籠為取向要路又為臺郡後門向係臺郡水師左營汛地並未安兵屯駐請於臺灣各營額

東華錄

康熙一百一

十六

兵內酌量抽調兵五百名戰船六隻設立淡水營令北路營參將管轄並請移興化城守右營守備駐防淡水於臺鎮標中營撥千總一員臺協左營撥把總一員為淡水營千總每年輪流分防雞籠從之○乙丑增置河南開封府駐防滿洲兵○戊辰以黨阿賴為左都御史由兵部左○壬申議政大臣等議復都統法喇等奏打箭鑪之外地名裏塘向係拉藏所轄而裏塘之外為巴塘近聞策零敦多卜暗通密信與裏塘營官喇嘛誘伊歸藏臣等恐被其搖惑是以行咨員外郎巴特麻等速往宣布 聖主威德今已輯服續據裏塘之喇嘛格隆阿旺拉木喀云準噶爾五百人已至又木多見今裏塘有察罕丹津所遣之寨桑居住與準噶爾暗自通謀又據護軍統領溫普密信云窺探堪布之心尚在未定理應準備臣等酌議飛咨溫普在打箭鑪挑選滿兵一百名令前鋒參領

林伯帕等帶領再選綠旗馬兵一百名烏槍兵三百名令化林協副將趙宏基等率領一同前往裏塘彈壓相機擒剿又聞自裏塘以外直至西藏敬信胡必爾汗有如神明今胡必爾汗生長裏塘其父見在西甯之宗喀巴廟應傳諭其父令伊遣人傳諭營官喇嘛及居民人等使知駐兵裏塘乃 聖主保護胡必爾汗之本鄉不使賊人驚擾並無他故則裏塘巴塘便為川省邊隘等語查裏塘距打箭鑪甚近又木多距裏塘亦不甚遠應如所奏即派前鋒參領伍林帕等看守裏塘偵探信息並曉諭察罕丹津所遣之寨桑告以進噶爾之殘虐致干天討若又木多有準噶爾之兵前來令伍林帕等詳加計算酌量行事從之

六月庚辰命翰林院檢討海寶編修徐葆光諭祭琉球國故中山王尚貞尚益冊封世曾孫尚敬為中山王○癸未御史黃叔瓚奏

東華錄

康熙一百一

七

參河南學臣查嗣庭南陽鎮臣高成會奏保畱河南革職巡撫張聖佐捏稱八府一州士庶感戴應將查嗣庭高成敕部議處得旨朕聽政之餘每面諭九卿詹事科道朕自幼時讀性理諸書凡通套虛文及一應稱頌典故除文章詩賦外切不可用之於辦事今黃叔瓚所奏八府一州軍民之處即見成文章也前保奏噶禮張伯行之人皆云兩江人等翕然稱善即罷市三日籲奏請畱三日之內兩江何由盡知且高成素不識字或係微賤之人代筆高成亦未必解張聖佐為人謹慎到任即遇此事因無能罷斥原不以李錫之貪惡黃叔瓚或特參查嗣庭以及高成或特參高成以及查嗣庭俱不可知這所奏知道了○己丑 上覽原任大學士李光地遺疏諭大學士等曰李光地屢經求退其奏摺已呈覽數次因大學士王揆患病告假故暫止其奏俟王揆到閣時令其具本

奏請並非李光地貪戀官職而借以為名也前摺衷心畢露甚是詳明今覽遺本因斗染重疾辭不達意深可憫悼前摺既經朕覽即係奏明故將前摺自京取來與伊遺本一併批發隨命皇五子恆親王允祺內大臣公馬爾賽往奠茶酒賜銀一千兩又命尚書徐元夢等自熱河還京護其喪事尋子祭葬諡文貞○癸巳命刑部減釋獄囚○甲午議政大臣等議覆侍衛色楞密奏臣近接總督額倫特書信內云奉旨差渣布往察罕丹津處令伊遣人將準噶爾之兵誘來俟所遣之人回信然後進兵臣愚以為準噶爾殘害西藏彼處人民懸望我師如望雲霓豈能刻緩況聞準噶爾兵眾散處無紀伊等伎倆不過暮夜襲營偷盜馬匹而已臣所統兵丁二千有餘器械堅銳馬肥餉足今於五月十三日已至穆魯斯烏蘇值今河水淺涸策鞭可渡又探距此五百里見有準噶爾之

東華錄

康熙一百一

八

哨兵正當乘此機會剿滅賊人收復藏地若復駐畱以俟額倫特兵到恐需遲時日口糧告罄進退兩難臣故不能延待隨即陸續進兵觀此所奏甚是應令色楞密沿途小心相機行事再行文額倫特等作速進兵策應從之○戊戌以孔毓珣為四川布政使由廣西按察使○甲辰免漳河衝決田賦○吏部奏大學士李光地員缺請旨補授 上曰該部誤矣向來大學士病故必遲一兩旬然後奏補著過一月再列名具奏○丁未以焦映漢為廣西按察使原任江蘇按察使○賜哈密兵丁衣服四百襲

臣王先謙
臣周瀚蕃恭校

秋七月壬子諭大學士等二阿哥福金秉資淑孝賦性寬和作配
 二阿哥以來辛勤歷有年所今忽溘逝凡在內知其懿範者無不
 痛悼其祭文該部未敢奏請今爾等可同翰林院撰成祭文交與
 該部俟秋後致祭並將祭儀酌行○甲寅陝西平涼鞏昌府屬地
 震遣刑部侍郎李華之副都御史楊柱賑之○己未兵部等衙門
 議准四川巡撫年羹堯等奏喇嘛鄂穆布年扎卜向住墨裏廟係
 阿王滾住克之弟子原任提督岳昇龍勦撫打箭鑪之時阿王滾
 住克曾獻墨裏地方岳昇龍恐係拉藏所屬未准今拉藏已被準
 噶爾殺害鄂穆布年扎卜將所屬墨裏地方誠心投順應收納給
 東華錄 康熙一百二

印於建昌邊境地方有益從之○壬戌諭大學士等發往黑龍江
 三姓地方之人俱因兇惡發遣人亦日多若發在一處必致生事
 行兇此後停其發往著發喀爾喀和卜多烏闌古木地方彼處水
 土甚好著築城安插令其開墾耕種入旗每佐領派護軍披甲各
 一名於八月內馬匹肥壯時前去駐紮彼處看守二年一換其沿
 途驛站甚屬緊要每站應豫備車輛毋致犯人勞苦著交與議政
 大臣會同九卿議奏○總督額倫特奏臣先經與侍衛色楞額商議
 穆魯斯烏蘇河水方漲未易過渡探知多倫鄂羅木地方有七叉
 河可渡色楞額統兵先去臣於此間擇水草好處稍習兵馬隨後趨
 行六月十八日臣統兵自穆魯斯烏蘇起程至圖爾哈圖駐紮見
 河水雖深中流甚緩因製造皮船於三日內兵馬齊渡至七叉河
 處跟尋色楞額並無兵馬渡河蹤迹路遇運米回子達爾漢白克告

云迎米未到之先遣人尋向色楞額通知其人自七叉河過去六日
 杳無消息近聞色楞額自拜圖地方前往等語但自七叉河至拜圖
 山嶺險峻無路可通若將兵馬調回改趨拜圖之路往返須二十
 餘日勢難與色楞額同路臣於六月二十四日自七叉河向庫庫塞
 一路進兵沿途整肅行伍遠設哨探若與賊兵相遇則奮力勦滅
 若前至博克沙克遇見色楞額之兵則會同前進報聞○甲戌禮部
 等衙門議覆左都御史蔡升元奏 皇上親閱河隄指示方略准
 黃底定漕運無虞商民永賴至於 翠華時巡察吏治訪民俗諮
 問必周芻蕘必納 聖德神功洵可為萬世法恭請編纂省方盛
 典一書以光郵治應如所奏設局纂修從之○是月免安徽沛縣
 上年水災賦有差

東華錄 康熙一百二

八月辛巳諭大學士等覽廣東巡撫法海請安奏摺語意異常似
 病瘋顛去歲 皇太后升遐並不摺奏請安豈彼時未聞朕躬欠
 安耶又聞伊病噎膈總不出見一人九卿眾大臣以為何如著問
 明議奏○壬午索倫水災遣官賑之○刑部等衙門議奏鑲藍旗
 逃棍孟光祖捏稱誠親王差遣經歷各省誑騙財物應凌遲處死
 得旨孟光祖著改即處斬○戊子 上行圍發熱河○庚寅增置
 成都府四川駐防滿洲兵○壬辰以楊宗仁為廣西按察使原在
 按察○甲午禮部尚書宗室鎮國公吞珠卒賜鞍馬二匹散馬二
 匹銀二千兩發引時遣皇五子恆親王允祺往送尋予祭葬立碑
 諡恪敏○乙未吏部等衙門議覆左都御史蔡升元條奏五款一
 督撫參處郡縣之本章有可裁省者如交代遲延承緝不力承追
 不力俱不必具本奏參各照定例咨明各部處分該部彙奏完結
 一督撫審擬案件有宜駁正者如所引律例不符或前後情詞互

異經部院衙門駁回令其詳審該督撫恐承審各官有失入失出之罪伊等亦涉蒙混之愆遂始終徇庇不即改正嗣後部駁再審事件該督撫務虛心細按律例將舛錯處即行改正具奏其承審官從前錯擬免其議處若始終不行改正令該部院衙門提取全案覆覈改正將承審各官及該督撫並交部議處一六部侍郎開列之例有應盡一者查吏部侍郎有一兼學士銜者缺出開列禮部左右侍郎內閣學士翰林院掌院學士講讀學士正少詹祭酒共十七員有一不兼學士銜者缺出開列戶部兵部刑部工部侍郎副都御史共十員又禮部左右侍郎缺出開列內閣學士翰林院掌院學士講讀學士正少詹祭酒其戶部兵部刑部工部侍郎缺出開列副都御史宗人府府丞通政使大理寺卿是由翰林院出身者以十五員而升兩缺由京堂出身者以五員而升一缺不無稍偏嗣

東華錄

康熙一百二

三

後凡遇有六部侍郎缺出不論翰林京堂應升官員通行開列一刑部罪輕之犯有宜從寬者查拏送人犯到當月司官處即行收監因案內人犯提拏不齊遂致遲延時日直至審結擬罪方彙奏發落此等輕罪人犯久禁獄中似屬可憫嗣後部中監犯凡徒罪以下不必監禁獄中交與該佐領及地方官保出候審俟刑部審結具題後即行發落一五城兵馬司之奉行牌票有宜禁飭者查五城司坊官拘拏人犯差役紛繁究其所奉牌票衙門甚多嗣後五城司坊官奉行牌票除提督及部院堂官通政使司大理寺堂官順天府府尹本城御史批發事件外其各衙門不得擅行牌票交與司坊鎖禁人犯均應如所請從之○刑部等衙門會審革職浙江黃巖總兵官仇機潛住京師譎詐官民罪款昭著應將仇機照光棍為首例斬立決從之○福建浙江總督覺羅滿保奏參浙

江黜革舉人陳鳳輝科場作弊一案察審陳鳳輝供連正主考索泰請差部院堂官往浙江審理得旨著禮部左侍郎王思軾大理寺少卿金應璧前往會同該督嚴審定擬具奏○庚子諭大學士等聞今年安徽所屬地方出蛟發水甚是傷民前日曹頰家人來奏晴雨錄詢問是實總督巡撫雖未啟奏朕既聞知心切軫念京中有安徽地方官員著九卿速行問明

閏八月丙午朔總督額倫特奏七月十六日臣等自門贊西里克起程至齊諾郭爾安營十七日四更賊兵衝偏營盤臣即遣遊擊王汝載等率兵進擊賊眾大敗賊人又自東自南齊進臣親統弁兵與賊對敵槍礮並發自寅至巳賊敗下山坡臣等追擊十餘里見賊兵多而官兵少四面山溝俱有可通之路恐有埋伏未曾窮追所獲被傷一賊訊稱賊酋托布齊杜喀兒二人率兵四千由喀

東華錄

康熙一百二

四

喇烏蘇河西小路而來臣即移咨公策旺諾爾布統兵速來接應臣仍相度機宜渡過喀喇烏蘇前往狼臘嶺若與色楞相遇則會兵前進儻不相值再隨機而行得旨據奏大敗厄魯特賊兵傷殺甚多等語額倫特率領兵丁頗少直抵從古未到之絕域奮勇直前建立膚功殊非尋常軍功可比見今賞賚軍前人等家屬外事定後著從優議敘○侍衛色楞奏唐古特人等原係達賴喇嘛所屬之人自去年被厄魯特賊眾奪其牲畜擄其婦女擾害難堪是以晝夜懸望大兵救援一聞大軍前至莫不歡躍投誠為首台吉卓里克圖之子博音馬松台吉丹津綽音達克等率眾來降但臣未知額倫特由何路進兵因將新滿洲侍衛諾里爾達等派出令投誠之沙克扎寨桑為嚮導前往偵探額倫特信息今已得回文臣在喀喇烏蘇候伊來到合兵一處前進達穆地方下所司知之

○丁未侍衛色楞奏七月二十日臣等統兵至喀喇烏蘇安營二十一日隨據新降台吉博音馬松等報稱見在厄魯特賊人在伊地方勒索口糧謀擊我兵臣即率領滿洲綠旗兵丁分列三隊前往截殺賊眾衝抵我師分道夾擊連敗之奪其三處山梁賊兵竄走臣隨統兵追殺二十里斬戮賊兵三百餘人受傷者甚眾得旨該部從優議敘○戊辰諭戶部三年以來因策妄阿喇布坦狂逞跳梁發遣大兵屯駐西邊一切征繕皆用正賦不使累及閭閻而轉輸輓運秦民勞苦急公又莊浪等處地震實堪憫恤其陝西甘肅明年地丁稅糧俱行蠲免歷年逋賦亦盡除之

九月丙子朔添設蒙古旗分御史二六部郎中六員外郎八主事六○已卯令都統阿爾納總兵官李耀等帥師往噶斯柴旦木駐防○壬午 上還熱河○癸未以杜爾伯特被災遣官賑濟其逃

東華錄 康熙一百二 五

亡自鬻者發帑贖還之○丙戌以王瑣齡為武英殿大學士兼工部尚書陳元龍為工部尚書由廣西巡撫遷○以渣克旦為兵部左侍郎由內閣學士遷○己丑理藩院議奏青海貝勒戴青和碩齊察罕丹津等來朝請安應照例賞資鞍馬銀幣得旨察罕丹津當人心疑懼之際委身效順甚屬可嘉著封為多羅郡王○甲午 上自熱河回鑾○甲辰 上還京師○先是總督額倫特同侍衛色楞俱統兵至喀喇烏蘇與賊眾遇屢敗賊眾相持月餘至是復率兵進擊射死賊人甚眾矢盡額倫特猶力戰歿於陣○是月免甘肅涼州古浪等五衛所旱災額賦有差

冬十月乙巳朔諭大學士等今見管佐領一二世後即爭告以為原管佐領不知入旗內原管佐領甚少初起有帶來人丁賜給佐領者方可稱原管佐領若祖父傳至子孫所管佐領止可稱為世

管佐領豈可稱為原管佐領耶爾等會同該部查議具奏○丙午以貝和諾為禮部尚書由盛京工部侍郎遷王景曾為戶部左侍郎以李永紹為戶部右侍郎由宗人府丞遷○壬子以阿克敦德音額黑納俱為內閣學士阿克敦由詹事府詹事遷 額黑納由內閣侍讀學士遷○癸丑以覺羅蘇庫為盛京工部侍郎由內閣侍讀學士遷○甲寅諭吏部考試月官令作八股時文大都鈔錄舊文苟且塞責嗣後不必作八股時文止令寫履歷以三百字為限觀其書法妍醜文理工拙則人之優劣自可立見矣

○諭刑部凡人命事朕必各案詳看方肯完結此次朝審情實各案朕欲一一詳看覺精力不支若俟從容看過再行批出則該部必照例覆奏三次冬至以前總不能結前數年俱曾停決今年亦著停決○丙辰命皇十四子固山貝子允禩為撫遠大將軍○庚申先是議政大臣等奏請派出之兵由何路發往奉旨往西安一

東華錄 康熙一百二 六

路為第一起往甯夏一路為第二起往宣府大同神木榆林沿邊一路為第三起至是奏請出兵日期 上命護軍統領吳世巴委署護軍統領噶爾弼帶領第一起兵於十一月十五日起程駐紮莊浪副都統宗室赫石亨寶色帶領第二起兵於十一月二十九日起程駐紮甘州撫遠大將軍允禩帶領第三起兵於十二月十二日起程駐紮西甯各於駐紮處喂養馬匹○壬戌禮部議覆故雲南貴州總督甘文焜值吳逆之變不屈殉節故山西汾州府知府黃庭柏值逆賊姜瓖叛亂罵賊殉節應各建祠本處載入祀典從之○癸亥賜封榮九等一百十名武進士及第出身有差○甲子諭議政大臣等四川巡撫年羹堯自軍興以來辦事明敏又能度量西去進剿之兵會同青海公丹仲之人運食物米糧接濟殊屬可嘉從前四川地方亦曾設總督年羹堯係巡撫止理民事無

督兵責任見今軍機緊要將年羹堯授為四川總督如明年大兵前進則由松潘一路進發而在成都駐紮之滿洲兵止有二千為數甚少將荆州之滿洲兵再派一千前往成都駐紮豫備此滿洲兵俱令都統法喇管轄所派一千兵之缺著挑選餘丁一千名令其披甲充補○諭吏部部院衙門滿洲官員既在侍衛班行走漢官每遇奏事派六員引見科員及御史無論巡城與不巡城奏事日令派出滿洲三員漢人三員侍班翰林亦派出五員侍班此侍班人員內如有不得來者不妨聽其缺少其數不必補足如此朕於伊等皆可認識矣○乙丑發盛京倉糧賑扎賴特貝子特固斯旗○丁卯命四川總督年羹堯仍管四川巡撫事改陝西四川總督鄂海為陝西總督○戊辰 上幸湯泉○庚午諭議政大臣等十四阿哥既授為大將軍領兵前去其肅用正黃旗之肅照伊王

東華錄

康熙一百二

七

肅式樣簡親王之子永謙令其帶伊父之肅前往將上三旗侍衛添出三十員莊親王之護衛既於一切之處俱不行走如其護衛並親軍中有情願告往效力者爾等親加揀選奏聞宏昉屬下之人亦著照此凡有子弟出兵之王等外其不出兵之王等亦令各選護衛三員貝勒貝子各二員公等各一員隨十四阿哥前往效力步軍協領愛哈那行走熟諳令其統轄王等之護衛前去尋將王等護衛散騎郎典儀共三十六員親軍校四員親軍二十六名開列具奏報聞○轉李永紹為戶部左侍郎以王企靖為戶部右侍郎革職刑部○諭議政大臣等每旗都統副都統或有起家微賤專意徇庇一應補授官員並佐領等事恆有遲至數年或十年不奏者或一官病故已久數年尚仍給俸者一切事件漫不稽察甚是曠廢近聞都統石文英不出門戶亦不見人有事來奏每不

俟事畢止圖早歸亦不瞻仰朕容甚屬不堪見今正藍旗滿洲都統延信前往出兵其滿洲蒙古漢軍三旗之事著七阿哥辦理正黃旗滿洲都統巴賽著黑龍江將軍事務其滿洲蒙古漢軍三旗之事著十八阿哥辦理正白旗滿洲都統和禮差往雲南其滿洲蒙古漢軍三旗之事著十二阿哥辦理如此則別旗各相效法自必發憤勤事也○壬申戶部等衙門議准廣東巡撫法海奏廣東鹽務關係緊要不可無專轄之員請仍遣御史一員會同撫臣督徵從之○甲戌都統延信等奏八月二十一日土司楊如松率領兵丁五百名解送糧餉至穆魯斯烏蘇遇準噶爾賊人將千把總三名兵丁四十八名傷害楊如松等衝突而出今具呈情願效力行走又土司陸華齡祁顯邦率伊土兵前赴軍前經今數月求指示效力行走因令楊如松駐紮那蘭撤蘭陸華齡等駐紮古木查

東華錄

康熙一百二

八

和禮等奏據鶴麗總兵官趙坤稱閏八月初四日有碟巴達節屬下之彭蹶達幾及伊跟隨之人九名潛至中甸貿易碟巴達節係投順策妄阿喇布坦委為藏內副王之人是以將彭蹶達幾拘住看守請示作何發落等語特疏奏聞得旨彭蹶達幾著解來京十一月丙子 上還駐暢春園○丁丑九卿遵旨會議廣東巡撫法海患病噎膈不勝封疆重寄應將法海革任從之○戊寅以景日珍為禮部右侍郎由左副都御史遷○乙酉以楊宗仁為廣東巡撫由西按察使遷宜思恭為廣西巡撫由河南布政使遷○福建浙江總督覺羅滿保奏福建巡撫陳瓊病故得旨陳瓊居官甚優操守廉潔清官朕亦見之如伊者朕實未見恐古人中亦不多得也前在臺灣道任內所應得銀三萬兩並未入己俱於修理礮臺等公事動用署總

督山務時應得銀兩亦未沾染前來京陛見會奏稱貪官不在所取之多寡取一錢即與取千百萬金等必一錢不取方可謂之清廉人所以貪取錢財者皆因艱於用度臣曾任縣令便不至於窮苦即不取一錢衣食亦能充足等語今觀其居官實能踐所奏之言誠清廉中之卓絕者似此不加表揚賜卹何以示勸著追授禮部尚書凡祭葬立碑予諡之處皆照尚書銜給予並廕一子入監讀書以示朕優禮清廉大臣之意○丙戌以屠沂爲左副都御史由奉天府尹遷○己丑上以西征大兵起行詣堂子祭旗纛○癸巳禮部左侍郎王思軾等奏臣等遵旨會審浙江黜革舉人陳鳳輝科場作弊一案據陳鳳輝供翰林院侍講學士陳恂同伊子候選知府陳鈺在正考官索泰處通關節應將陳恂陳鈺革職嚴審從之○丙申諸皇子諸王大臣等議奏去歲大事時臣等親奉

東華錄

康熙一百二

九

聞朕即諭令審結此皆因朕聞知方傳旨遣人如無所聞何由降旨料理耶且各省兵丁空糧甚多康熙五十二年大賞天下兵丁時會諭散賞諸臣逐一按名散給其遣往諸臣因不認識兵丁不能清查頂冒以致所有空糧隱匿尚多不獨遠省爲然即直隸近處空糧亦不勝數豢養兵丁特爲備用而設平時將空缺之兵不行補足不行訓練及臨時欲用縱有募補之兵累萬亦何濟乎此事朕甚慮之前歲朕聞往呂宋噶囉吧之人甚多恐其生事會諭查明作何設法令回內地自從議奏之後聞於來船附回者頗眾此係外洋於內地毫無關涉而朕畱心訪詢者並無他故不過欲知地方情形人數多寡以便整理耳且各省文官私派加耗武官空糧等事朕頗得聞知則人皆畏懼可以峻改於事大有裨益此等有關地方事務及官員賢否諸臣何嘗不知即鄰省大吏亦未

東華錄

康熙一百二

十

諭旨大學士等恭上 皇太后尊諡將章字遺寫 皇太后係朕嫡母日後神牌升附 太廟 奉先殿應安奉於 慈和皇太后神牌之上伏惟 皇上至孝超邁千古凡典禮攸關無不敬謹周詳茲恭請 孝惠章皇后神牌應供在左 孝康章皇后神牌應供在右請交與禮部改正得旨是○戊戌諭大學士等朕從前屢諭諸臣及科道官員各省有應行奏聞事件隨聞隨即繕摺具奏非令其糾參不過欲知之早耳朕雖聞之亦不即聲明或未詳確亦不即治罪也即如去年河南兇犯亢珽等擾害地方妄行不法朕偶有所聞即特頒諭旨遣大臣拏獲審結今歲聞江南地方起蛟即傳諭詢問陝西地震即差大臣散賑彼處人民咸謂 皇上注念小民加意軫恤少有災異即便施恩不令失所近日湖廣地方有奸宄之徒捏造妖言煽惑愚民放火劫掠曾經總督滿丕奏

猶龍為福建巡撫由原任湖北布政使遷劉廷琛為廣西按察使由浙江禮道遷

是月免湖北鍾祥等十二州縣武昌等七衛旱災額賦有差

十二月丙午以平欽元為河南布政使原任湖北布政使○己酉撫遠大將軍允禔師行○丙辰 上謁 陵啟鑾○庚申 孝惠章皇后

神牌升附 太廟頒詔天下舉隱逸恤困窮罪非常所不原者咸赦除之遣官祭嶽瀆長白山醫巫閭山及歷代帝王陵寢先師闕

里○壬戌 上謁 孝東陵旋謁 暫安奉殿 孝陵○癸亥吏部議准雲南巡撫甘國璧奏撤甸苗人傾心歸順地方遼闊請將

武定府同知移駐撒甸分防治理從之○乙丑予故福建巡撫贈禮部尚書陳瓚祭葬諡清端○予故漢軍都統馮國相禮部右侍

郎胡作梅河南巡撫鹿祐祭葬○己巳 上還京師○辛未冊封博爾濟錦氏為 宣妃和嬪瓜爾嘉氏為 和妃達甲氏為 成

東華錄 康熙一百二 十一

妃瓦劉哈氏為 定嬪王氏為 密嬪陳氏為 勤嬪○是歲朝鮮琉球安南來貢○人丁戶口二千四百七十二萬二千四百二

十四又永不加賦滋生人丁二十五萬一千二十五田地山蕩畦地七百二十五萬九百一十一頃九十畝有奇徵銀二千九百九

十九萬四千五百六十二兩有奇米豆麥六百八十九萬三千五百五十五石有奇草四百四萬八千二百七十五束茶二十五萬三千

四百二十七引行鹽五百十萬二千三百七引徵課銀三百七十六萬一千二百五十五兩有奇鑄錢四萬一千三百二十六萬八

十八百有奇

東華錄 康熙一百三 臣王先謙敬編 臣周澐恭校

康熙五十八年己亥春正月甲戌朔日有食之○己卯諭大學士九卿等日食雖係一定交限可以推算且今歲元旦日食被陰雲

微雪未曾得見但別省無雲之處必有見者況日值三始人事不可不謹或有缺失之處諸臣應商酌確議向來京師地方閒有地

震今歲至夏秋時或稍地震亦未可定也○癸巳兵部奏河南南陽總兵官高成標下兵丁將知府沈淵帶至教場陵辱一案其差

往審理之部院堂官開列請旨伏候 欽點得旨著刑部尚書張廷樞內閣學士高其倬前往審理○乙未 上幸湯泉○庚子

上還駐暢春園○辛丑諭議政大臣等有本人立功授職後因年老或染病解任襲與兄弟子姪承襲之人若經病故即不准承襲

立功之人見在而遽謂承襲世次已完不准襲職殊屬可矜嗣後立功授職之人本身若在理宜再准承襲一次爾等會議具奏尋

議立功授職之人其承襲世次已完而本人見在者令將願與承襲之人准其承襲若無應承襲之人仍令本人支給全俸永著為

例從之○壬寅命截留江西湖廣漕米四十三萬石分貯蘇州鎮江江甯淮安安慶備荒

二月乙巳 上巡幸畿甸啟鑾○壬子命內閣中書鄂廷詰翰林院編修成文諭祭故安南國王黎維正並封嗣子黎維禔為安南

國王○甲寅諭內閣學士蔣廷錫皇輿全覽圖朕費三十餘年心力始得告成山脈水道俱與禹貢相合爾將此全圖並分省之圖

與九卿細看儻有不合之處九卿有知者即便指出看過後面奏

六三〇

尋九卿奏稱從來輿圖地記往往前後相沿傳聞傳會雖有成書終難考信或山川經絡不分或州縣方隅易位自古至今迄無定論我皇上以生知之聖殫格致之功分命使臣測量極度極高差一度爲地距二百里晝夜之長短節氣之先後日食之分杪時刻都邑之遠近方位皆於是乎定天道地道兼而有之從來輿圖所未有也南北兩大幹一幹自崑崙東北歷西番境至興安嶺達於盛京南折入朝鮮境入海一幹自崑崙東南歷雲貴廣西湖廣江西境或東或北折至閩浙入海凡兩幹以南以北之水大則名川靈瀆小則泉澗溪潭莫不順山脈以分流隨地形而轉下縈回盤帶刻鏤繡錯而尋源溯委條貫井然從來輿圖所未有也關門塞口海汎江防村堡戍臺驛亭津鎮其間扼衝據險環衛交通荒遠不遺纖悉畢載星羅碁布櫛比鱗次從來輿圖所未有也東南

東華錄

康熙一百三

二

東北皆際海爲界西南西北直達番回諸部以至瑤池阿耨絕域之國黃流黑水發源之地皆琛賚所寶貢版輿所隸屬舉其土壤驚爲初見之名湖厥道塗即可按程而至以六合爲疆索以八方爲門戶幅員該廣靡遠弗屆從來輿圖所未有也 皇上精求博考積三十年之心力數億萬里之山河收寰宇於尺寸之中畫形勝於几席之上臣等荷蒙 皇上教思不倦得以瞻仰披尋昔曾經過之區宛然阡陌素所未歷之境不啻鄉閭而於禹貢所書古今圖誌所傳平日有迷莫指有感莫祛者一旦豁然貫通渙然冰釋此誠開闢方員之至寶混一區夏之鉅觀昭揭日月而萬世不刊者也謹將原圖恭繳伏求頒賜得旨圖著頒發○丙辰予故原任吏部尚書馬爾漢祭葬○庚申 上還駐暢春園○壬戌靖逆將軍富甯安遵旨議覆烏闐烏蘇四面皆山地地方狹隘不便修城

多駐兵丁有庫庫車爾地方周圍遼闊離烏闐烏蘇不遠應在庫庫車爾左近有水草之處修築城池駐兵二千名派大臣二員管理鄂龍吉噶順喀桃等處俱修築堡子各駐兵一千名每處各派大臣一員管理約洛圖烏闐烏蘇爾渣圖二處離噶順喀桃不遠亦修築堡子各駐兵五百名庫爾麥圖地方亦修築堡子駐兵三百名俱令侍衛及副將等官管理以上諸處俱不產木料應修築土堡每堡相間之處修築烽墩酌量安兵令其瞭遠傳送信息其庫庫車爾等處與巴爾庫爾相間有三百里應酌量派兵在見設汛界之敖什希投濟等處安營以爲應兵大兵照常駐紮巴爾庫爾自吳爾圖海畢爾汗一路至庫庫車爾鄂龍吉共安設六站臣親身帶領大臣侍衛前往庫庫車爾等處將何處可以修築城堡烽墩如何展設汛界安設臺站並牧放牲畜之處逐一詳視後一

東華錄

康熙一百三

三

面修築城堡烽墩一面令兵駐紮下議政大臣知之○甲子禮部等衙門奏古來帝后有不合葬而自爲陵者俱就方位定名今孝惠章皇后陵即在 孝陵之東不必另立陵名臣等恭擬 孝東陵字樣仰候 欽定得旨是○乙丑予故原任領侍衛內大臣公舅舅佟國維祭葬○辛未議政大臣等議覆都統法喇等奏裏塘地方與打箭鑪甚近若遣官招撫自當歸順巴塘民心亦與裏塘相似遣官一員先至裏塘宣示威德彼若傾心向化即令開造地方戶口清冊繼至巴塘亦照此行若有觀望不前者於青草生時以兵臨之必不敢相抗應挑選成都滿兵五百名令協領等帶領綠旗提標兵一千名化林永甯兵五百名令永甯副將等帶領一同深入雖巴塘以外亦可傳檄而定若又木多地方亦來歸順則離藏甚近其會兵取藏之處一面知會西甯雲南領兵大臣仍

一面星夜請旨應如所奏令法喇領兵赴打箭鑪駐紮遣人招撫其護軍統領溫普應調取回京成都既有滿洲兵丁應自京城派大臣一員前往成都令其管領得旨軍前大臣甚多著派護軍統領噶爾弼就彼馳驛作速前赴四川與年羹堯一同辦理軍務法喇離打箭鑪切近即令領兵前往餘依議○癸酉議政大臣等議覆都統法喇奏蒙古地方及西藏人民皆藉茶養生賊人即踞藏地非茶斷難久居我皇上憫念青海與裏塘巴塘人眾非茶難以度日將作何定數分晰禁止之處令臣等詳議臣等思唐古忒之人亦皆為賊所迫脅難禁其養生之物但松潘一路茶價甚賤青海一帶積茶必多應暫行嚴禁俟其懇請時再酌定數目令其買運至打箭鑪外最近者為裏塘遣官招撫令營官造其所管番寨戶口清冊酌量定數許其買運巴塘以外亦照此例其打箭鑪

東華錄

康熙一百三

四

一路當視番情之向背分別通禁應如所奏從之

三月乙未議政大臣等議覆撫遠大將軍允禔奏參吏部侍郎色爾圖奉旨料理西甯兵餉並不實心辦事任意遲延推諉縱令家人與筆帖式戴通包攬運米之事通同扣剋銀兩將滿洲綠旗兵丁苛刻情殊可惡請將色爾圖等嚴審確擬再色爾圖虧空甚多糧餉事關緊要伏乞另派賢能大臣一員前來辦理應如所奏將色爾圖嚴審定擬見今巴爾庫爾有巡撫綽奇噶什圖二人應將噶什圖調赴西甯辦理糧餉事務噶什圖所辦之事令前往種地之侍郎海壽兼管從之又議覆允禔奏參都統胡錫圖領兵來時沿途索詐官吏騷擾百姓進藏之時兵無紀律糧米不行節省馬畜不行愛惜以致人馬傷損同時不親自率領兵丁先行進口請將胡錫圖革職嚴審應如所奏從之○庚子封青海貝勒察罕丹

津為多羅郡王

夏四月乙巳議政大臣等議覆撫遠大將軍允禔奏據都統延信等稱準噶爾與青海之人聯姻已經多年大將軍若領兵出口外我兵所出之多寡青海人等一知則準噶爾之人即得聞之矣今年暫且停兵不進則口外駐紮似可不必又據自喀喇烏蘇回來之參將述明等稱準噶爾賊眾雖與我兵交戰亦甚畏懼其土伯特之人為賊所迫雖與我兵對敵俱將鳥槍舉高放過當賊人背後則向我等營中放空槍揆此則可知土伯特之人實心感戴皇恩今既揚稱三十萬大兵進剿差使前往大事可成謹將伊等報明之處奏聞請旨查都統延信等既稱大兵不必出口應令在西甯駐紮至於作何料理駐紮以及留兵若干所留官兵馬匹於何處牧放等事俱令大將軍酌量而行從之○庚戌免甘肅所屬

東華錄

康熙一百三

五

歷年連賦○辛亥諭大學士九卿詹事科道朕臨御以來一切機務必皆躬親從不敢稍自暇逸但少壯時精力有餘不覺其勞今氣血漸衰精神漸減辦事殊覺疲憊寫字亦手漸顫仍欲如當年事事精詳則力有不能若草率辦理此心又所未安從來書生論歷代帝王多指摘過失謂其安享富貴耽於逸樂朕披閱史書歷觀古來帝王因深知為君之難即朕六十年宵旰勤勞雖金石為質亦應消耗況氣血之身乎又於詩文一事皆出朕心裁內書房翰林輩不過令其校對謄寫耳見今在位大臣年老者大約與朕年相仿衙門辦事不過一二時辰即可歸寓安息有疾亦可告假且有託病偷安者同列與司屬豈能強之入署乎如舊年考試武進士趙申喬在朕前睡去侍衛屢次喚醒朕前尚且如此在衙門辦事時可知矣今天下大小事務皆朕一身親理無可旁貸若將

要務分任於人則斷不可行所以無論鉅細朕心躬自斷制早夜
焦勞而心血因之日耗也但年力雖衰而志意始終如一仍未敢
少懈自朝至於日昃坐臥起居會無片晷餘閒勉強支持心勞力
竭爾諸臣會無一人為朕勉抒誠者或有不肖之徒見朕精神
氣血漸不如前因為奸亦未可定此諸臣俱應留心者也朕前
冬曾有諭旨爾諸臣未必記憶理應不時省閱今部中之事錯誤
亦有如恩詔援赦刑部逐件具奏殊非舊例部院衙門如此類頗
多朕欲不悉心詳閱得乎又如總督鄂海奏請蠲免甘肅米石草
束章奏甚長朕字字細覽所擬票籤錯誤朕會刪改批出總之諸
臣徒事虛文見朕躬煩勞不過云皇上理宜靜養似此皆如畫餅
有何實濟耶又凡有論說諸臣不過敷陳頌揚套語如勵精圖治
健行不息聖不自聖安愈求安之類若與不讀書者言之甚覺可
東華錄 康熙一百三 六
聽朕讀書明理凡事皆身體力行此等粉飾浮詞六十年中盈溢
於耳久已厭聞爾等務須實心任事盡去虛文於國家方有裨益
也○癸亥 上巡幸塞外啟鑾○以勒什布為吏部左侍郎由內
閣學士○丁卯 上駐蹕熱河○戊辰撫遠大將軍允禔奏遵旨不出
口外駐紮西甯相機而行遣師分駐索落木波羅和邵
五月戊寅以麥大稔諭直隸河南山東山西暨塞外民及時收貯
○丙戌以花部為內閣學士由祭酒傳繕署甘肅按察使由詹事○刑
部等議准差往浙江審事禮部侍郎王思軾等奏浙江正考官編
修索泰應允侍讀學士陳恂屬託將陳鳳墀中式陸續借陳恂銀
一千五百兩應擬斬監候秋後處決倩人作文黃緣中式之陳鳳
墀營謀關節之陳萃衡陳恂應擬絞監候秋後處決陳鳳墀之父
陳文熾往陳恂之子陳鈺家取回關節陳鈺接受銀兩轉付俱應

擬絞監候秋後處決費我功央伊岳父陳恂營謀關節未會中式
應擬杖徒代陳鳳墀作文之段志閣照例枷責索泰等所得銀兩
並費我功所許銀兩俱追取入官同考官知縣洪長紋照例革職
副考官檢討張懋能應降二級調用從之○壬辰刑部等衙門議
准差往河南審事刑部尚書張廷樞等奏南陽府淅川縣把總羅
士英營內效力之民楊四因賭博被知縣崔錫柳責兵丁王爵等
不平向知府沈淵告理知府不允遂聚眾將沈淵擡至教場圍辱
應將王爵等照光棍為首例擬斬立決為從之劉長子等擬絞監
候秋後處決遊擊王洪道素與知府不和縱令兵丁將知府圍繞
教場陵辱又違總兵官令箭不諭兵丁解散應擬斬監候秋後處
決把總羅士英應杖責發邊衛充軍總兵高成平素既不能嚴束
兵弁事後又不奏參應照溺職例革職從之

東華錄 康熙一百三 七

六月丁未四川總督年羹堯奏探得西海各部落近因貝勒達顏
病故各有吞併之意又聞策零敦多卜見令左哨頭目春木益爾
帶六百餘兵過喀喇烏蘇河前往青海又聞發兵八千來藏已至
業爾根克里野地方臣思自藏至打箭爐南路險遠北路平近裏
塘見有大兵南路可以無虞惟北路宜豫為之防臣等已調兵防
守中渡河口又酌調提標兵丁於打箭爐附近地方駐紮防守霍
耳一路報聞○工部左侍郎常泰以保舉非人革職○乙卯停本
年秋決○丁巳轉滿不為工部左侍郎以穆爾台為工部右侍郎
由內閣學士選○議政大臣等議覆都統法喇等奏臣等遵旨將綠旗兵
令副將岳鍾琪帶領先行臣親領滿洲兵至打箭爐據副將岳鍾
琪等稱一到裏塘即將達哇拉木渣巴第巴色布騰阿住等傳齊
安撫伊等出言抗拒不給人口數目因擒拿達哇拉木渣木巴第

巴色布騰阿住並跟隨之人臣等隨訊問伊等領兵前來竊視我兵形勢情由俱各承認理應奏請正法但伊等所調之蠻人眾多遲則恐生事端故將達哇拉木渣木巴等七人俱已正法隨安慰裏塘所屬地方並宣諭巴爾喀木等處又令副將岳鍾琪領綠旗兵一千名進取巴塘查都統法喇前進招撫巴塘招撫後即駐紮巴塘防守不可不發兵接應應行令護軍統領噶爾弼並總督年羹堯將見在打箭鑪之滿洲綠旗兵內酌量添發法喇處見在成都之滿洲綠旗兵內酌量派往打箭鑪駐紮至巴塘離雲南中甸不遠應行令都統武格偵探準噶爾之信酌量領兵應援從之○已未增河南開封府理事同知一○壬戌議政大臣等議覆四川總督年羹堯護軍統領噶爾弼奏據副將岳鍾琪等稱裏塘就撫後即遣人至巴塘招撫及領兵行至巴塘所屬立登三木巴前往

東華錄

康熙一百三

八

招撫之人帶領喀木布第巴所遣之人來迎情願歸順遂准其投誠並令喀木布第巴開明戶口數目俟大兵一至巴塘即來親遞查巴塘既稱已經招撫應行令都統法喇仍駐紮巴塘看守從之

東華錄

康熙一百四

臣王先謙敬編

臣周潤菴恭校

秋七月甲戌以格爾布為內閣學士由左通政遷○丙戌山東巡撫李樹德奏今歲二麥豐收恭進土產麥麩上諭大學士等據巡撫李樹德奏山東閩省雨暘時若二麥豐收貢獻麥麩此端一開各省必互相效法貢獻各色物件不惟事煩抑或有不肖有司借端科派苦累小民亦未可定所進麥麩善發還

八月乙巳賑貴州鎮遠施秉二縣饑○庚戌上行圍發熱河○已未諭近御侍衛等朕於騎射哨鹿行獵等事皆自幼學習稍有未合式處侍衛阿舒默爾根即直奏無隱朕於諸事諳練者皆阿舒默爾根之功迄今猶念其誠實忠直未嘗忘也朕自幼至老凡

東華錄

康熙一百四

用鳥槍弓矢獲虎一百三十五熊二十豹二十五狝獐獐十麋鹿十四狼九十六野豬一百三十二哨獲之鹿凡數百其餘圍場內隨便射獲諸獸不勝記矣朕於一日內射兔三百一十八若庸常人畢世亦不能及此一日之數也朕所以屢諭爾等者以爾等年少宜加勤學凡事未有不學而能者朕亦不過由學而能豈生而能者乎○庚申議政大臣等議覆振武將軍傅爾丹等奏莫代察罕接爾與鄂爾齋圖臬爾二處各築一城每城宜蓋房二千間自鄂爾齋圖臬爾至莫代察罕接爾宜設立十一站應如所奏其新設驛站派理藩院司官一員前往會同該將軍將夫馬車輛等項照從前古北口外安站例設立其充發之人俟築城蓋房完日陸續發往令其耕種俟耕種一年後再派官兵駐防得旨依議設立驛站之處甚屬緊要著兵部尚書范時崇前往料理

九月癸酉禮部議准浙江提督學政汪滙奏浙江衢州府西安縣之孔氏乃先師嫡裔查兗州府曲阜縣歲科兩試將孔氏進數十人鄉試另編耳字號將孔氏子孫及四氏子孫中式二人今衢州孔氏後裔繁衍仰請格外加恩於歲科兩試西安縣入學額數外將孔氏子孫另編字號每次額取二名從之○乙亥 上駐蹕克勒色欽賜來朝外藩銀幣鞍馬及隨圍蒙古官兵銀布○癸未上還熱河○己丑以李世仁為江蘇布政使原任傅澤淵為浙江布政使○甲午 上回鑾○乙未諭議政大臣等此次差往西邊胡畢圖等前來回稱策零敦多卜等及土伯特眾喇嘛民人俱言在西甯見有新胡必爾汗實係達賴喇嘛之胡必爾汗天朝聖主將新胡必爾汗安置在達賴喇嘛禪榻上座廣施法教實與眾人相望之意允協且土伯特處時有瘴氣厄魯特之子孫不能滋生多生疾病有何貪戀之處惟懇天朝聖主將法教速為廣施觀此情形似乎易解今將新胡必爾汗封為達賴喇嘛給與冊印於明年青草發時送往藏地令登達賴喇嘛之座送往時著大臣帶滿洲兵一千名蒙古兵一千名土番兵二千名綠旗馬兵一千名步兵一千名前去其行糧牲畜接續之處令大將軍辦理再由巴爾喀木帶四川滿洲兵一千名綠旗兵一千名土番兵酌量派往其行糧牲畜接續之處今年羹堯辦理青海王貝勒貝子公等亦帶領屬兵或一萬或五六千送往前去策零敦多卜等若實為法教自必俟達賴喇嘛登禪榻然後前去若不行等候遁走即為無恥之賊此行大將軍帶兵馬在梭羅木周圍水草佳處駐紮兼令其照管青海家屬四川兵二千名出口駐紮兼照管王察罕丹津行裝事關重大將此旨傳諭大將軍處令伊等公同確議具

東華錄

康熙一百四

二

東華錄

康熙一百四

三

奏又青海王台吉等令大將軍傳集一處曉諭唐古特國內達賴喇嘛班禪法教原係爾祖上設立今策妄阿喇布坦無故將拉藏殺害令寺廟喇嘛各自散去將眾鄂里格一路截斷令達賴喇嘛禪榻空虛從前爾將此新胡必爾汗稱為達賴喇嘛之胡必爾汗若安置在達賴喇嘛禪榻為法教廣施之事我等願捨命效力業經保奏土伯特之喇嘛民人及阿木島地方喇嘛等俱亦稱為達賴喇嘛之胡必爾汗皇上將此胡必爾汗特封為達賴喇嘛於明年一同送往藏地令登禪榻將法教廣施放開眾鄂里格一路令其販賣茶市此正宜效力之時爾等應各帶兵丁與送去之大臣會同一處前去爾等之意如何令伊等各陳己意會盟畫一具奏俟會盟完時令都統延信楚宗公策旺諾爾布侍讀學士常授等由固關前來京師具奏○戊戌多羅安郡王華玘薨子祭二次造墳立碑諡曰節○是月免安徽無為州水災額賦及歙縣等五縣上年水災額賦有差

冬十月丁未 上還京師○壬子諭內閣學士長壽朕覽邵子聲音圖於各國聲音有不能該括處朕於聲音之學究心二十餘年雖未親至鄉里而鄉里人之聲音無不悉知有如清字之音有漢字所無者漢字之音亦有清字所未備者朕將此聲音圖討論多日欲該括各國聲音斷乎不能朕以為性理精義內邵子聲音圖宜仍用漢字其清字圖可以不用蒙養齋修書舉人王蘭生諳曉音韻之學爾與之商酌觀其意見如何並將此旨令漢大臣同閱○甲寅吏部等衙門議覆差往貴州審事刑部員外郎齊克坦等奏查貴州巡撫黃國材進京陛見時布政使遲斫指責陽等十一府屬官役俸工借與藩庫銀二萬五千二百餘兩一案據黃國材

供司道各府聞知進京陛見共送盤費銀一萬四千兩總督亦幫盤費銀一千兩是實並無借藩庫銀兩之處巡撫黃國材將各官所送盤費即行收受不合應照例降三級調用其所受銀一萬五千兩追取入官布政使遲所係專管庫帑之員私將庫銀指俸工借給應照例降三級調用總督蔣陳錫係封疆大臣不據實陳奏應降一級調用俱應如所擬得旨黃國材著解任蔣陳錫著降一級免其調用遲所著降三級調用○贈故鎮毅將軍固原提督潘育龍為太子少保子祭葬諡襄勇○丙辰吏部奏甘肅巡撫掉奇已派辦理軍餉其巡撫印務請派官一員署理得旨著內閣學士花部前往署理○丙寅以楊名時為貴州布政使由直隸遷○刑部尚書張廷樞奏據關聖帝君五十六世孫關爵呈稱原籍解州遷洛守墓竊見宋儒邵子程子後裔俱恩賜世襲博士爵祖墳墓在東華錄康熙一百四十四

洛春秋致祭懇與宋儒後裔一體恩賜博士臣思邵子程子發明忠孝節義之理關聖帝君力行忠孝節義之事可否給與世襲博士出自 聖恩下部議行○戊辰以金世揚為貴州巡撫毛文銓為雲南布政使由湖北按察使遷

十一月辛未戶部左侍郎署副都統傅爾芬納以辦理旗務遲延革職○戶部議覆四川總督年羹堯奏裏塘巴塘地居荒服大兵一抵其地堪木布第巴率眾來歸請自康熙五十九年為始願輸納錢糧其錢糧即在軍前支用免入川省額賦俟西藏平定另行請旨定奪從之○乙亥諭大學士等敬 天尊 祖所關至重至大朕自御極以來凡壇廟祭祀朕俱親詣行禮年來因多病足痛不能親往每遣大臣恭代孔子云吾不與祭如不祭朕不能親詣念切欽承欲一瞻仰 郊壇而非祭祀之日則典儀未備又非盡

誠盡敬之理今朕躬稍愈如南苑湯泉乘肩輿俱可行走今冬至齋戒之時朕足雖不得力潔誠之念有餘擬於祭日朕躬親詣於祭祀之前升 壇瞻仰省視俎豆若可跪拜朕拜後退處更衣幄次俟恭代親王行禮畢然後還宮朕心始安已將此旨諭諸皇子爾大臣會同議奏此係冊行之禮如漢大臣以從無此典或引據書史為言朕年已老在位六十年矣豈易得此例乎目今朕躬安好可以前往儻此數日內朕躬稍覺不能親往再傳諭停止未晚也尋奏 皇上敬 天之心誠一無間凡遇祭祀必躬詣行禮六十年如一日今 聖壽將屆七旬足病稍愈即欲躬詣 天壇告虔行禮 聖心誠敬如此早為 天心昭鑒但時值嚴寒尤宜調攝 聖躬矧在宮齋戒與親詣祭所俱一體敬謹仰懇俯允眾情停止 親詣行禮 上命諸皇子傳諭曰 天壇朕必親往前者東華錄康熙一百四十五

朕躬欠安偶未親祭王以下公以上俱不齋戒此次著照常齋戒隨朕前往不必隨朕行禮朕行禮時不必贊禮作樂俟拜畢至更衣幄次派出親王偕眾行禮禮畢朕乃還宮朕躬親往之處亦著書於祝文內諸臣又奏本月十二日 皇上躬詣 天壇十一日御 太和殿視祝文香帛 聖躬未免太勞懇祈 皇上暫停親視令內閣恭捧送往得旨照常親視祝版○丙子革職留任禮部尚書陳誥以老病乞休命復還原職致仕○辛巳裁山東膠萊分司應管事務令濱樂分司兼轄○吏部議覆山東巡撫李樹德奏兗州府屬州縣及東昌府屬夏津等九州縣向隸東兗道管轄東兗道奉裁以後東兗兩府所屬州縣事務統歸兩知府管理至稽察該府之倉庫錢糧及一切地方事務竟無統轄之員請將兗州府屬州縣事務改歸濟甯道轄東昌府屬夏津等九州縣事務改

歸濟東道轄從之○庚寅增江西解額○轉敦稗為戶部左侍郎

以赫成額為戶部右侍郎由左副都御史遷○辛卯子故理藩院尚書赫

壽祭葬○丁酉以張安世為湖南按察使由直隸通○江南江西

總督長蘊奏鳳陽府屬壽州知州王承勳首告鳳陽府知府蔣國

正勒索銀一萬一千八百兩安徽布政使年希堯勒索銀五千八

百餘兩又康熙五十六七等年蠲免民欠錢糧司府句通捏造民

欠冒蠲銀四千餘兩請將布政使年希堯知府蔣國正知州王承

勳俱離任質審得旨著兵部右侍郎田從典左副都御史屠沂前

往審理○是月免江南高郵州山陽縣水災額賦有差

十二月庚子盛京戶部侍郎董國禮緣事革職○壬寅以蔡升元

為禮部尚書由左都御史遷○癸卯以伊特海為左副都御史由通政使遷○

戊申前西安將軍額倫特之喪回京命恒親王允祺貝子允禩迎

奠○己酉以田從典為左都御史由兵部右侍郎遷花都為盛京戶部侍

郎仍署甘肅巡撫由內閣學士遷○乙卯以王度昭為兵部右侍郎原任工部

右侍郎○丙辰議政大臣軍前召至大臣九卿等公同議奏進藏一

事得旨此議尚未周詳止議西地進兵並未議及阿爾泰巴爾庫

爾兩路之兵兩路兵會合取吐魯番若烏魯木齊難以堵塞看守

應將兩路之兵會合襲擊或各減騎進入從呼爾達拉之處襲擊

則彼必畏懼自然棄此牧放牲畜之處而去再聞知西地大兵進

剿並兩路兵襲擊不但驚惶無措亦且首尾不能相顧矣額駙阿

寶所屬厄魯特兵五百名察哈爾兵四百名今帶往取藏此柴且

木所有之兵亦令前往取藏大將軍留駐穆魯烏蘇三千兵內令

派兵一千前進大將軍處之兵若少將京師每佐領下派出護軍

二名馬兵一名於二月內起程前往西甯今新胡必爾汗奏稱各

處俱有禪牀皆可安設若為我興兵實關繫眾生此或是新胡必

爾汗之意或是青海台吉等畏懼策妄阿喇布坦密屬新胡必爾

汗奏亦難豫知儻新胡必爾汗與青海台吉等意同此新胡必爾

汗不可送往青海台吉等若無此意必將新胡必爾汗送往安設

禪牀廣施法教令土伯特之眾誠心歸向則策零敦多卜自畏勢

逃遁我師進藏定立法教之後或留兵一二千暫行看守或久住

則土伯特之眾即如我兵縱策妄阿喇布坦策零敦多卜發兵前

來伊係勞苦之兵我則安逸之兵即可剿滅朕意如此事關重大

不可急迫從容周詳定議為是今若照眾大臣議惟行看守自西

甯至四川雲南內外土番雜居一處西藏之人皆係土番伊等俱

是一類儻藏地被策零敦多卜占據則藏兵即是彼之兵丁而邊

疆土番豈能保全爾等暫且看守之議不合著另行周詳定議具

奏○己未以登德為內閣學士由祭酒遷○裁湖北驛鹽道歸糧道管

理○庚申命截留湖廣漕糧十萬石分貯所在府州縣備荒○辛

酉諭戶部比年興兵征期遠歷邊陲居送行齋民力勞瘁朕曾將

陝甘所屬今年地丁及通賦悉行蠲免而沿邊州縣衛所軍行既

多飛輓之勞辦賦復滋催科之擾若非格外加恩小民恐致失業

所有沿邊六十六州縣衛所堡明年額徵地丁銀盡行蠲免○議

政大臣軍前召至大臣九卿等遵旨議覆送往新必爾汗兵八千

為勢稍弱應再添兵四千令額駙阿寶親身帶厄魯特兵五百名

副都統常齡帶察哈爾兵四百名同往其柴且木錠防之都統阿

爾納處二千兵內派千五百名令侍衛阿齊圖等帶領前往大將

軍留駐穆魯烏蘇三千兵內撥派一千六百名此進藏之兵共

一萬二千名派大臣一員投為將軍給與印敕令其統理新胡必

爾汗封為達賴喇嘛應給印敕名號等項令各該處議奏都統延
 信楚宗公策旺諾爾布侍讀學士常授等同時令與大將軍商酌
 青海台吉等若實心送去即將新胡必爾汗與兵馬一同前往若
 俟事定之日送去令暫住滾穆布木廟內先遣大兵將藏地攻取
 令阿寶所領之五百兵並察哈爾四百兵滿漢二千兵青海二千
 兵俱駐紮看守再令都統法喇等酌量帶兵由巴爾喀木一路前
 進噶爾彌年羹堯亦派兵二千名發往法喇軍前都統武格帶往
 兵內挑選滿兵一千綠旗兵二千滿兵令都統武格副都統吳納
 哈統領綠旗兵令總兵官趙坤馬會伯統領前往與法喇之兵會
 合應於何日起程何地會合之處令大將軍咨行商酌約會一同
 前進再將阿爾泰二萬兵內挑選一萬五千令裏帶三月口糧於
 六月下旬自布喇罕布魯爾兩處前進若策妄阿喇布坦不行防
 東華錄 康熙一百四十八
 備即深入襲擊若知覺防備將兵速行帶回巴爾庫爾一萬三千
 兵內挑選一萬令三千兵輕騎襲擊吐魯番二千兵輕騎襲擊烏
 魯木齊所餘五千兵令其徐徐前進接濟襲擊烏魯木齊之後此
 襲擊之兵俱令裹帶兩月口糧於七月初旬與阿爾泰之兵約定
 前進其襲擊之兵及駐紮之兵令何人統領進藏之兵於軍前大
 臣內派何人為將軍及西甯等處提督總兵官內將何人派往之
 處伏候諭旨得旨此議甚詳事務關緊重大著行令大將軍等與
 青海台吉等公同定議具奏○是月免江南清河淮安等五縣衛
 水災額賦有差○是歲朝鮮琉球來貢○人丁戶口二千四百七
 十二萬二千四百二十四又永不加賦滋生人丁二十九萬八千
 五百四十五田地山蕩畦地七百二十六萬七千八百二十二頃
 五十畝有奇徵銀二千八百一十五萬四千五百五十二兩有奇

米豆麥六百九十萬二千二百三十五石有奇草四百五萬五千
 六百六十五束茶二十九萬五千五百二十引行鹽五百一十一
 萬五千七百二十五引徵課銀三百七十七萬三千六百五十五
 兩有奇鑄錢四萬三千七百四十五萬五千八百有奇

東華錄

康熙一百四十八

九

臣王先謙敬編

臣周瀚蕃恭校

康熙五十九年庚子春正月壬申諭議政大臣等 太祖 太宗
 時滿洲兵凡遇征戰馬匹口糧自備行走所向立功並無遲誤今
 官兵行走處馬匹口糧器械等俱給帑置辦且以為不足而怨咨
 生焉此皆由該管官不行嚴飭之故也朕辦理軍務閱歷甚多向
 時攻取岳州但從陸路抵禦許久不克朕諭令於洞庭湖豫備船
 隻以水路遏賊貝勒察尼奏湖中風浪甚大船不能行恐有礙於
 兵丁請撤戰船朕諭以岳州城已被困不久即下若將戰船撤回
 賊得由水道往來何能有得岳州之期哉於是不撤兵船嚴飭防
 守未幾而岳州下矣再征討雲南時滿漢官兵合計四十餘萬貝
 東華錄 康熙一百五
 子章泰等離雲南城四十里安營一面臨湖一面抵山並未設兵
 湖中斷其水路致賊寇米糧照舊運行城內並無危急後趙良棟
 率甯夏兵至云我等大兵連營四布不就近速戰迨至日久米糧
 不繼滿兵無妨綠旗兵何以存立耶章泰云皇上豢養之滿洲豈
 可輕進委之於敵且爾兵初來亦宜休養何可令其傷損趙良棟
 不從章泰之言自率標兵前往力戰奪取得勝橋而趙良棟之兵
 亦瘁甚矣章泰又向趙良棟云爾兵已瘁應暫撤回令總督蔡毓
 榮率兵看守趙良棟云我死戰所得之地肯交與他人看守乎因
 此章泰亦進軍圍城賊兵被偏而出在桂花寺地方與我兵接戰
 大敗之吳世璠等倉皇失措無所逃匿乃自殺餘賊獻城投降此
 亦由決於進戰乃得成功也再出征烏蘭布通時阿密達因天晚
 撤兵云皇上必不以撤兵故遂殺我等將兵撤退索額圖明珠選

勇士數百人近身防護勇士云挑選我輩原擬或戰或追詎意止
 令防護共生忿怨後中路出兵時令大臣官員等會議進兵之處
 眾皆謂不可獨朕與費揚古以兵為可進決意進兵及至科圖地
 方眾皆不欲前發大臣等勸朕撤兵朕諭以祭告 天地 太廟
 社稷親統兵前來不見賊蹤如何驟行撤去不允所請將兵前
 進噶爾丹聞我兵威甚是驚懼鼠竄而去朕選兵令馬思喀為將
 軍尾追噶爾丹又遇西路兵攻擊大敗之朕將中路初次運到之
 米遣明珠速送至費揚古軍前二次米亦即令續送三次米內朕
 但留十八日口糧餘俱送西路軍前是以西路兵丁未至飢餓得
 保全而回彼時若輕信大臣等言中道撤兵則兩路兵丁安得立
 功奏凱耶今觀領兵大臣官員等止為保身之計不以國事為重
 內存私意彼此爭論不和又向兵丁等沽名市恩多取口糧及不
 東華錄 康熙一百五
 能馱載至於拋棄全無珍惜之意如此居心行事可乎朕之滿洲
 兵俱極精練全在領兵者將國家之事專心辦理不圖安逸賞罰
 嚴明則斷無錯誤進兵西藏時色楞不候眾人獨自前往額倫特
 亦隨後追至為國家奮不顧身雖至失機豈可論伊等進兵太速
 乎今策妄諾爾布係差往策應之兵而遲延不前雖伊所統兵丁
 善全而歸伊屬下之兵固然感念於國事有何裨益惟西路陣亡
 兵丁朕甚為憐憫當分別加恩至大臣官員等在部院衙門亦能
 清廉自守若行軍大事又非僅清廉自守者所能勝任也朕年少
 時每於講武練兵等事違命者必懲以法內外大小悉知儆惕由
 此觀之訓練之事不可疏忽也茲眾喀爾喀及青海等俱服朕之
 風化而策妄阿喇布坦之人霸占藏地毀其寺廟散其番僧青海
 台吉理應棄命忘身奮勇致討乃伊等口稱維持黃教卻無實心

效力之人策零敦多卜領兵在藏以我兵隔遠不能往救朕思伊等兵步行一年忍飢帶餒尚能到藏我兵願不能至乎今滿漢大臣咸謂不必進兵朕意此時不進兵安藏賊寇無所忌憚或煽惑沿邊番部將作何處置耶故特諭爾等安藏大兵決宜前進○己卯諸王大臣等奏 皇上御極六十年請行慶賀典禮 上諭朕在位五十九年皆由 上蒼眷佑 先聖造福之所致也見在西陲用兵軍民勞苦去歲正月朔日食今年七月朔又值日食海洋颶風飄沒官兵船隻山左東三府水發被淹黎民饑饉淮黃水大僅能搶護人心風俗未盡醇官箴政事未盡理此正君臣孜孜求治之時慶賀之事著停止○壬辰戶部等衙門議覆廣東廣西巡鹽御史昌保奏兩廣鹽課有歷年積欠九十一萬餘兩康熙五十七年十月經督臣楊琳奏請先完新餉舊欠五年帶銷奉旨督臣兼理各屬慎遵臣於康熙五十八年三月到任查舊欠全未清完因截住舊鹽飭完新餉不但舊欠屢催罔應新餉又復拖欠且場鹽缺少私鹽橫行臣力不能任請將臣撤回交督撫管理庶新舊課餉得按年清完應如所奏將兩廣鹽務並新舊錢糧交與廣東廣西總督楊琳專理從之○丁酉命撫遠大將軍允禔率前鋒統領弘曙移駐穆魯斯烏蘇管理進藏軍務糧餉投都統宗室延信為平逆將軍率兵進藏以公策旺諾爾布副都統阿琳寶額阿寶隨印侍讀學士常授提督馬見伯總兵官李麟參贊軍務○調西安將軍宗室查布駐防西甯平郡王訥爾素駐防古木○調出征裕親王保泰子廣善簡親王雅爾江阿子永謙貝子魯賓護國將軍敬順回京從撫遠大將軍允禔請也

二月戊戌朔宗人府奏 皇上六十年來教養宗室屢次加恩自

親王以下至閒散宗室覺羅等俱賜以厚祿其貧苦者賜之田房奴僕年高者賜 御書匾額表揚吉凶等事特立官庫賜給銀兩乏嗣者特施洪恩為之立後所以宗室覺羅等各得自立恆產臣等請將康熙元年起 皇上蒙養教誨宗室等屢次所頒 上諭並恩賞之處逐一開載於宗人府衙門建碑刻文永垂萬世報聞

○甲辰 上巡幸畿甸啟鑿○癸丑諭大學士等總督年羹堯自軍興以來盡心效力訓練川兵甚是整齊可速行文與年羹堯令伊帶領兵丁進藏授為將軍如有能署理總督事務於地方不至生事者令年羹堯奏聞署理如地方緊要不得署理之人著該軍統領噶爾弼為將軍帶領雲南四川兩處兵馬前進定西將軍印速行送往尋年羹堯覆奏四川總督印務一時無可署理之人定西將軍之印請交與噶爾弼管理授為將軍率領兵丁進藏並調

東華錄 康熙一百五 四

都統法喇於打箭鑪地方駐紮防守從之○先是撫遠大將軍允禔覆奏臣遵旨傳集青海王台吉等會議進兵安藏及送新胡必爾汗往藏之事其青海王台吉等皆同心協力情願派兵隨征並請封新胡必爾汗掌持黃教至是命封新胡必爾汗為宏法覺羅第六世達賴喇嘛派滿漢官兵及青海之兵送往西藏其四十九旗扎薩克並喀爾喀澤卜尊丹巴胡土克圖等亦令遣使會送○辛酉 上還京師○甲子議政大臣等議覆雲南貴州總督蔣陳錫奏中甸地方原係雲南麗江土府所屬吳逆背叛時割歸西藏今巴塘裏塘雖經四川招撫而中甸一帶距蜀甚遠附滇最近尙有錢糧在麗江完納非四川舊屬也茲據麗江土知府木興詳報中甸等處番目及喇嘛營官到麗江投誠願仍歸雲南管轄應如所請將附近中甸地方及巴塘裏塘仍歸麗江土府管轄從之○

乙丑吏部議准廣西巡撫宜思恭奏土司承襲世職從無考覈請嗣後大計之期與流官一體考覈優劣其升賞降革之處仍照土司定例遵行如該管官有舉覈不實者一併議處從之

三月己丑命雲南巡撫張谷貞駐防麗江中甸○丙申靖逆將軍富甯安奏今歲議發大兵進剿西藏其阿爾泰巴爾庫爾兩路兵亦約會前進襲擊準噶爾邊境之地使賊人擾亂可以相機行事臣請率兵三千從烏魯木齊一路前往分兵四千由吐魯番一路前往其領兵大臣請旨派遣又兩路進兵之後另派兵三千隨後策應其餘存留之兵請暫交副都統雅圖侍郎海壽等管理得旨交與議政尋議政大臣等議覆將軍富甯安奏請派兵襲擊之處應如所奏其襲擊吐魯番一路兵令散秩大臣阿喇納統領前進從之○征西將軍祁里德奏阿爾泰一路官兵臣請領七千人從

東華錄

康熙一百五

五

布婁爾一路前進將軍傅爾丹領八千人從布喇罕一路前進襲擊準噶爾邊境之地其餘兵丁請另派大臣統領得旨交與議政尋議政大臣等議覆將軍祁里德奏請派兵襲擊之處應如所奏其存留之兵應令將軍顏壽都統穆賽等統領擇形勝地方駐紮防守從之

夏四月壬寅議政大臣等議覆四川總督年羹堯奏巴塘裏塘近經雲貴督臣奏請歸麗江土知府管轄臣查巴塘裏塘向為西藏侵占臣宣示 聖主恩威招撫投順雖歸蜀歸滇莫非王土但四川見在用兵一切運糧調遣之事道經巴塘裏塘關繫緊要撥歸土司則呼之不應移咨滇省則往返遲延請仍歸四川管轄有濟軍務又准都統武格咨稱雲南進藏兵丁須接運三月口糧雲南山高路狹艱於運送請以四川所運之米支給查滇蜀兩省俱各

東華錄 康熙一〇五

進兵而蜀省進兵七千滇省進兵三千多寡懸殊恐蜀省所運之糧不足供滇省之用應如年羹堯所奏行文雲南督撫將雲南進藏兵糧速行趨運如武格等所領之兵與噶爾弼兵會後或雲南運米未到仍暫撥四川餘糧支給即於雲南所運之米照數補還其巴塘裏塘應暫歸四川統轄俟事平日再照原議改隸雲南從之○癸卯以石文焯為江西按察使由饒九○戊申 上巡幸塞外啟鑾○辛亥命禮部祈雨○戊午戶部尚書趙申喬以衰疾乞休 上諭大學士等覽趙申喬奏疏朕深憐之念其操守清廉始終一轍性雖暴躁而為人樸直年近八旬病勢料難全愈儻一時不保亦未可定趙申喬乃革職留任之官可復還原職仍令在任調理其應賠之銀亦著從寬免追爾等將此旨速行發去使病人早知一日五內安甯便於調攝頤養也○壬戌 上駐蹕熱河○

東華錄

康熙一百五

六

是月免江南高郵江都等八州縣上年水災額賦有差五月壬申命副都統覺羅圖拉參贊傅爾丹軍務○己卯刑部左侍郎李華之以老乞休允之○刑部等衙門議覆左都御史田從典等察審鳳陽府潁州知州王承勳訐告安徽布政使年希堯鳳陽府知府蔣國正需索規禮徇空銀兩捏造民欠冒蠲錢糧等款除年希堯需索規禮徇空銀兩之處並無證據無庸議外其蔣國正於交代時雖未向王承勳徇空銀兩但曾收王承勳規禮銀八百餘兩又前任潁州知州王盛文虧空帑銀捏造民欠蔣國正不行查出迨王盛文病故後承認代賠並無完解復因康熙四十六七等年分蠲免民欠錢糧將伊應賠帑銀三千七百九十餘兩潤入民欠冊內希圖冒蠲情實蔣國正應照侵盜錢糧例擬斬監候其捏造民欠及收受規禮銀兩俱著落蔣國正照數

六四一

追完年希堯於蔣國正冒蠲錢糧不行查出應照失察例革職從之○辛巳諭大學士等今年為祈雨屢次降旨雖已得雨尙未霑足應虔誠祈禱至政事有可更改之處著九卿議奏○諭議政大臣等今歲稍旱應速行文與各路將軍或營中亢旱馬匹未肥或進兵之路甚旱水草不敷俱未可定勿謂既經議定進兵不敢復以亢旱為辭奏請停止朕念軍務所關甚大從前屢諭爾等及領兵大臣凡軍機之事有今日定議明日又改者未可拘執要在相其機變而行朕於用兵之事必熟思而後頒發旨意若無旨意又恐軍中之大臣難於奉行也然軍前或因亢旱而無水草馬匹倒斃則兵丁如何前進如何回旋明年又如何進兵耶總之雨水及時牧草果好前進自無艱阻應即行進兵儻或亢旱馬匹疲瘦雨水不調牧草不堪則即不宜進兵之處令軍中之大臣等定議

東華錄 康熙一百五 七

具奏斷不可以今歲若不進兵來年亦可再進作游移之語陳奏也路途遙遠恐發去文書遲延遺失亦未可定須於明日行文一次續後再行文一次有一處不可進兵即著將此一處奏請停止

○甲申大雨○戊子以張廷玉為刑部左侍郎由內閣學士遷

六月己亥陝西饑命發廩並運河南開封等府積穀賑之○癸卯靖逆將軍富甯安振武將軍傅爾丹征西將軍祁里德等奏巴爾庫爾阿爾泰兩路駐兵之處雨水調和馬匹肥壯又進擊策妄阿喇布坦邊界偵探沿途皆有水草應遵照原議巴爾庫爾兵於七月初一日起程阿爾泰兵於六月十六日起程前進報聞○直隸保安懷來山西蔚州地震是日京師地微震○丙辰諭大學士等朕聞保安懷來地震宜速遣大臣賑濟若俟部中啟奏恐致遲延署副都御史楊柱屠沂速自京城出居庸關往延慶保安懷來沙

城等處查閱一面奏聞加恩並查驗蔚州廣昌渾源等處如果被災著一併加恩○戊午禁商船以火礮軍器出洋

東華錄

康熙一百五

八

臣王先謙敬編

臣周倫蕃恭校

秋七月丙寅朔日有食之○丁卯免直隸保安等州縣額賦二年

○庚午以李馥為安徽布政使由江蘇按察使遷張聖弼為湖北布政使

由按察使遷○先是上諭戶部直隸各省錢糧虧空甚多作何立法

使虧空之弊永遠清理著行文各該督撫確議具奏至是戶部據

各該督撫等覆奏會覈定議查直隸各省督撫等所奏或與定例

相符或於錢糧無益者均無庸議外如陝西總督鄂海福建浙江

總督覺羅滿保廣東廣西總督楊琳浙江巡撫朱軾廣東巡撫楊

宗仁廣西巡撫宜思恭湖廣巡撫張連登偏沅巡撫王之樞福建

巡撫呂猶龍奏州縣錢糧令知府嚴加稽查隨徵隨解無許久存

東華錄

康熙一百六

州縣庫內以絕侵那之弊應如所請嗣後州縣徵收錢糧務令隨

徵隨解如遲延不解即令該府查報參處如州縣批解錢糧而布

政使抵充雜派扣批不發許州縣官申報督撫並報部院衙門奏

參四川總督年羹堯江南江西總督長甯奏州縣虧空錢糧或知

府有扶同徇隱情弊別經發覺者請將知府參革責令獨賠應如

所請令各該督撫確查虧空情由或因知府扶同徇隱以致虧空

者即行參革令知府獨賠江南江西總督長甯雲南貴州總督蔣

陳錫山西巡撫蘇克濟奏州縣官恃有上司分賠之例本無虧空

將庫銀藏匿假捏虧空應令督撫覈實奏參嚴加議處其虧空銀

兩仍在該州縣名下獨賠應如所請嗣後州縣官有捏報虧空審

明定擬即於本犯名下獨追還項河南巡撫楊宗義雲南巡撫甘

國璧江西巡撫白潢護理貴州巡撫布政使遲斫奏州縣因公那

用虧空錢糧請照霉爛倉穀之例革職留任限年賠完其霉爛倉

穀者不論在任解任以及分賠之知府能於限內全完准其開復

應如所請虧空錢糧果係因公那用者將該員革職留任勒限賠

補限內全完准其開復至霉爛倉穀見在參追者於一年限內如

數完補亦准開復再州縣虧空錢糧或有知府揭報而布政使不

即轉揭或已揭而督撫不即奏參者應令該知府申報部院將督

撫布政使等官俱照徇庇例議處仍令分賠其衛所官員虧空屯

衛等項錢糧亦照地丁之例處分著為定例以上徵解追賠各條

既經各該督撫等具奏定議即應責成督撫如虧空未發之先伊

等不盡心防範虧空已覺之後伊等不竭力補苴應將該督撫嚴

加議處責令分賠完項從之○工部等衙門議覆福建浙江總督

覺羅滿保奏浙江海塘事宜一海甯縣老鹽倉北岸東自蒲爾兜

東華錄

康熙一百六

起西至姚家堰止共一千三百四十丈砌築石塘可保護杭州嘉

興湖州三府民田其沿海要害處應築草壩以資抵禦一海甯縣

沿海地方俱係沙土今沿海新有漲沙乘此速將石塘砌築將來

沙土漸聚便可擁護塘根每塘一丈用大石砌作十層共高二丈

塘面之內培築土塘計高一丈寬二丈一開中小壘一帶淤沙以

復江海故道則海甯土塘石塘可免潮水衝決一築上虞縣夏葢

山石塘一千七百九十丈以防南岸潮患一調委經理各官以專

責成如有怠玩誤工侵冒滋弊者察出參處一請專員歲修以保

永固其南岸紹興府之上虞餘姚山陰會稽蕭山五縣石塘土塘

交紹興府同知管理北岸杭州府之海甯仁和錢塘三縣石塘土

塘將金華府同知裁去添設杭州府海防同知一員管理嘉興府

之海鹽平湖二縣石塘土塘交嘉興府同知管理一凡江海潮神

向登祀典者祈 皇上加贈封號廟額令有司春秋致祭從之○
 乙亥諭大學士等朕先巡幸陝西會問黃河水路由河南通至陝
 西之處地方官回奏不能行走朕思上古大禹鑿龍門通濬水道
 漢唐之時俱經輓運豈有不能行船之理故特遣皇子允祉往勘
 允祉乘騎渡黃河至砥柱龍門查看竟可行船由龍門至黃河直
 通渭河可至西安北門從絳州汾河可至山西太原彼時山西陝
 西河南將軍督撫等亦會令會看今總督施世綸居官素優歷年
 漕船俱催趨全完並無遲誤本年漕船已經過淮更無他事漕運
 印務著暫交與總河趙世顯署理施世綸速赴豫省將河南府至
 西安黃河輓運路徑勘明具奏陝西見存穀石數目亦著查奏今
 陝西正值軍需之際施世綸暫駐陝西令協同鄂海辦理糧餉事
 務○戊子以白潢為戶部右侍郎王企靖為江西巡撫由戶部左
侍郎遷

東華錄 康熙一百六 三
 ○是月免浙江錢塘等二十一縣上年旱災額賦有差

八月丁酉以森圖為山西按察使由郎中遷○戊戌 上行圍發熱河

○庚子琉球國中山王尚敬奏請伊國官生入監讀書允之○甲
 辰靖逆將軍富甯安奏臣於七月初一日率兵七千啟行初二日
 駐紮集選精兵一千輕騎前進至烏爾圖晝伏夜行初六日黎明
 進兵烏蘭烏蘇之口及托和穆圖等處並無賊哨四面搜捕亦無
 蹤迹初七日進兵烏蘭烏蘇口內是晚派一等侍衛哲爾德等領
 兵前赴阿克塔斯派二等侍衛克什圖一等侍衛阿玉錫等領兵
 前赴伊爾布爾和韶分擊賊哨瀕行時臣屬哲爾德等烏蘭烏蘇
 與阿克塔斯相距七十里與伊爾布爾和韶相距百餘里爾等至
 阿克塔斯相近處即行潛伏約計克什圖之兵至伊爾布爾和韶
 時爾等始行往擊慎勿急於進兵使伊爾布爾和韶之賊豫先知

覺又屬克什圖等爾等沿瀚海邊界前進於天未明時即抵伊爾
 布爾和韶圍擊賊哨臣率署前鋒統領法璠副都統常壽等隨後
 前進初八日侍衛哲爾德等擊阿克塔斯賊哨賊眾畏我兵勢望
 風而走我兵急往追捕擒獲一賊餘賊入深山中逃散侍衛克什
 圖等擊伊爾布爾和韶賊哨見賊之馬匹在谷內營邊牧放阿玉
 錫帶領十餘騎入谷奪賊馬百餘匹而回賊以我兵奄至據高絕
 險處藏身樹石中放槍拒敵克什圖等率兵奮勇追擊阿玉錫衝
 入賊中刺殺三人眾官兵等共殺賊三十餘人生擒二十四人所
 獲馬匹器械等物臣即分給效力官兵等其賊哨頭目杜爾伯特
 台吉垂木拍爾見被擒獲宜即解送京師因垂木拍爾身帶重傷
 暫送巴爾庫爾交付副都統雅圖俟回兵時解送其餘擒獲之賊
 應否全送京師請旨定奪得旨將軍富甯安圍擊賊哨生擒賊二

東華錄 康熙一百六 四
 十餘人著行文副都統雅圖派兵送來京師沿途嚴加看守勿致

逃亡其垂木拍爾暫解俟瘡痕愈後再行解京○丙午以裴
 率度為湖北按察使由浙江鹽運使遷葛繼孔為江蘇按察使由福建興
泉道遷
 ○增本裕倉漢監督一○癸丑征西將軍祁里德奏臣率領官兵
 前往襲擊恐厄魯特吳梁海等隨我兵之尾要截後路另派兵一
 千二百人留阿保喀布沁追尋厄魯特往來之人及山谷中之設
 伏吳梁海等蹤迹陸續擒厄魯特吳梁海等共四百餘人七月二
 十九日臣領兵自鏗額爾河前進探知厄魯特寨桑色布騰等率
 賊眾赴鏗額爾河據山守險臣遣人招降賊特險拒敵我師派分
 兩道奮勇夾擊之賊眾大敗奔駐山麓至次日復遣人往諭宣布
 聖主威德寨桑色布騰等率千餘人來降所獲馬駝牛羊共萬
 有餘隻其寨桑色布騰等俟回兵之日另派官兵護送京師得旨

此次擒獲之人及投降之寨桑色布騰等派官兵解送時著喀爾喀協濟先送至歸化城將其頭目數人驛送至京其餘吳梁海之人交與公博貝設法護送勿致逃竄○以高其倬為廣西巡撫由內閣○甲子靖逆將軍富甯安奏散秩大臣阿喇衲等於七月初八日進兵齊克塔木遇賊兵設立營寨擊破之擒殺二十餘人賊眾悉降初十日至皮禪城有回子兵守城拒敵官兵進擊擒回子一人復遣歸令曉諭眾回子等我師為征剿策妄阿喇布坦而來與伊等無涉若速行歸順即免屠戮否則進兵破城後悔無及是日皮禪城回子頭目率三百餘人來降十三日大兵至吐魯番吐魯番之阿克蘇爾坦及總管頭目沙克扎拍爾等俱率眾迎降共獲烏槍五百五十桿駝四十隻馬五百匹阿喇衲等於七月十六日帶沙克扎拍爾等及官兵凱旋得旨將軍富甯安所奏著鈔

東華錄 康熙一百六 五
發京城傳諸王滿漢大臣等公同看閱○是月免浙江會稽上虞二縣上年風災額賦有差

九月乙丑朔以李周望李紱俱為內閣學士李周望由詹事李紱由翰林院侍講學士○壬申靖逆將軍富甯安奏臣於七月十八日至烏魯木齊賊人並未設哨隨遣滿漢官兵徧搜亦無蹤迹有烏魯木齊及哈西哈等處地方逃出回子陸續投降臣詢以策妄阿喇布坦之信據稱伊等係哈密屬下人為賊兵擄掠而來本月十一日賊目徹格爾得自伊爾布爾和韶奔回通知信息云 皇上大兵已至伊爾布爾和韶將台吉吹木拍爾所領之兵盡行剿殺故烏魯木齊有吹木拍爾所屬之人及附近地方厄魯特之人俱各震驚奔竄伊等得乘閒逃出即來投順又稱烏魯木齊地方今年甚旱牲畜倒斃甚多臣遣人細加偵探與回子之言無異其阿喇衲襲擊吐魯

番兵先於七月二十四日回至烏蘭烏蘇臣所領兵於八月初二日亦回至烏蘭烏蘇初三日合兵凱旋初十日抵巴爾庫爾得旨交與議政○丙子 上駐蹕博洛和屯賜來朝外藩銀幣鞍馬及隨圍蒙古官兵銀布○丁丑吏部議覆署甘肅巡撫花部奏參平涼府知府蔣兆龍才力不及應照例降二級調用得旨西邊正值軍務之時地方不肖官員或有多有意規避情願降調及離任回籍又希圖效力復職者此輩不可不懲蔣兆龍著革職永不敘用自後凡有此等官員俱著照此例議處○戊寅 上還熱河○雲南貴州總督蔣陳錫雲南巡撫甘國璧以都統武格將軍噶爾弼從又木多起行撥用四川雲南二省糧餉具摺陳奏得旨蔣陳錫甘國璧皆係地方大臣雲南進藏之兵各項糧餉應豫先料理如期運送今蔣陳錫甘國璧於糧餉之事並不留心料理幾至遲誤及

東華錄 康熙一百六 六
大兵進藏之後伊等方以運送米糧之事繕摺奏聞四川之米若

不到雲南之兵從何就食蔣陳錫甘國璧顯然有誤軍機俱著革職令自備口糧運米進藏如遲誤不能抵藏即行正法其雲南貴州總督事務著貴州提督張文煥署理雲南巡撫事務著貴州布政使楊名時署理貴州提督事務著河南南陽總兵官張致署理南陽總兵官事務著河南巡撫楊宗義於本省副將內揀選一人奏請署理伊等俱著速行赴任○壬午振武將軍傅爾丹奏臣領兵至格爾厄爾格有厄魯特之人聞大兵即至委棄帳房等物四路逃散臣等分兵進剿於七月二十一日追及之共殺賊二百餘人擒寨桑貝肯等百餘人招降二百餘人並獲馬駝器械等物又探知烏蘭呼集爾為厄魯特屯集耕種之所臣親督官兵踐踏其地並將賊所積糧草焚毀一空整隊而回賊乘我師之尾潛來犯

我師截擊之賊復敗遁請將寨桑貝肯等解送京師得旨將軍傅爾丹所奏著鈔發京城傳諸王文武大臣同看閱○戊子以楊柱為盛京兵部侍郎由左副都御史遷○翁牛特多羅杜楞郡王和碩額駙蒼津喀喇沁多羅郡王和碩額駙伊達木扎卜土默特多羅達爾漢貝勒和碩額駙阿喇卜坦等奏臣等所屬旗分因亢旱歉收人口乏食請借支倉米賑濟於豐收之日如數交倉得旨各旗分設倉貯米原以備水旱賑濟之用從前蘇尼特阿霸垓等旗分荒旱之年朕曾令發帑賑濟其翁牛特等所屬之人朕視之均係一體該王貝勒等以此奏請極合朕心著即照所請行如尚有不便之處仍著再行陳奏○庚寅 上回鑾○辛卯以高其佩為四川按察使由永甯道遷○漕運總督施世綸奏臣遵旨查河南府孟津縣至陝州太陽渡大小數十餘灘雖有緯路高低不等或在河南或東華錄 康熙一百六 七

在河北惟圪把窩魚林添等處緯路年久閒有坍塌其灑池以下水道下水之船可載糧三百餘石上水之船載及其半灑池以上河高汎激船可載數十石由砥柱至三門神門本無緯路若小舟乘東南風猶或可上鬼門水勢洶湧土人從未行舟惟人門稍緩石崖鑿有緯路路旁鑿有方眼又有石鼻臣愚以為石鼻可穿鐵索方眼可裝木限援手助力亦未可知觀此則從前輓運之蹟猶存誠如 聖諭自陝州至西安府河水平穩俱有輓運路徑臣謹將河道水勢並緯路繪圖呈覽下部知之○是月免四川會甯等一十七州縣衛所上年旱災額賦有差

冬十月壬寅戶部等衙門議覆漕運總督施世綸遵旨查奏河南府至陝州之三門一帶河道輓運米穀見在無可覓之船請以河南府至陝州太陽渡二百餘里用車裝運計期五日可到每車可

裝穀八石計穀二十萬石需車價銀四萬三千七百五十兩自太陽渡至西安府黨家馬頭河水平穩船隻通行水運為便需運費銀二萬六千兩自黨家馬頭至西安府倉二十里又需車價銀四千兩其貯穀口袋二十萬餘條需價銀三萬兩共計銀十萬三千七百五十兩總於豫省支銷不令陝西接運但運穀二十萬石止得十萬之米請令豫省以二穀易一米起運則運價可省其半若慮米難久貯請照例出陳易新應如所請得旨依議今歲河南歉收又見往陝西齎送穀石次年穀價必致騰貴著於河南省來年運京漕糧內照數截留補還運往陝西穀石其餘漕糧亦停止運送京師留河南收貯○癸卯 上還京師○甲辰朝鮮國王李焯薨世子李昫遣使奏聞兼貢方物得旨朝鮮國王李焯薨封將五十載自來伊國從未有似此歷爵年久者且襲封以來奉藩至為東華錄 康熙一百六 八

敬謹進獻方物極盡誠款未嘗少懈又防禦伊國邊疆安靜克享太平伊舉國老幼靡不感戴具見事上恭順撫民慈愛深為可嘉忽聞患病溘逝朕心不勝痛惻除遣大臣往唁外其所貢禮物著即交使臣帶回以示軫念之意應得卹典該部察例具奏○己酉以牛紐為左副都御史由郎中遷○庚戌諭戶部邇年西陲用兵師行糧從雖芻粟悉支正供而轉輸必需民力勞苦宜恤會將康熙五十八年陝西甘肅所屬額徵地丁銀一百八十八萬兩零歷年舊欠銀四萬兩零康熙五十九年沿邊各州縣衛所額徵銀九萬八千一百兩零屢沛恩綸盡行蠲免近聞二年款收民有艱於粒食者辦賦急公力何能支著將陝西甘肅所屬各州縣衛所除應徵米豆草束外康熙六十年應徵地丁銀一百八十八萬三千七百四十兩零通行蠲免兩部速行文該督撫徧行曉諭實心奉行務

俾均霑實惠又署撫花鄯奏稱甘肅地方數年歉收糧草價值騰貴兵丁採買維艱朕念兵丁效力行間勞瘁堪憫准豫給半年兵餉著卽行文附近省分撥銀三十萬兩速解甘撫頒發以副朕篤念民勞優恤軍士至意○定西將軍噶爾弼奏臣等領兵至拉里探知吹穆品爾寨桑帶領賊兵二千六百人由章米爾戎一路來拒臣等議乘其不備先取墨朱工喀於八月初四日率滿漢官兵自拉里前進隨有朱貢之胡土克圖獻地來降次日進取墨朱工喀賞賚第巴頭目安輯民人臣遣千總趙儒等往諭第巴達克雜來降又喇嘛鍾科爾頭目亦陸續來降臣等隨令第巴達克雜聚集皮船於八月二十二日渡河復令侍衛訥秦等率領官兵分爲三隊二十三日五鼓時起程進取西藏傳西藏之大小第巴頭目並各寺廟喇嘛聚集一處宣示 聖主拯救西藏民人至意隨將

東華錄

康熙一百六

九

犯擊敗之奪其馬匹器械十九日自卜克河起程二十日駐紮齊嫩郭爾三更時有賊兵二千餘人來襲我師我師嚴整備禦賊眾久持不能抵敵遂奔北二十一日自齊嫩郭爾起程二十二日駐紮綽馬喇是夜五更又有賊兵千餘劫營因營中四面哨兵槍礮矢石齊發賊兵被傷身死者甚多餘賊望風而遁延信等隨領兵於九月初八日自達穆起程送新封達賴喇嘛進藏其從前達賴喇嘛博克達不便留住藏地應發回京師得旨前遣大兵進藏議政大臣及九卿等俱稱藏地遙遠路途險惡且有瘴氣不能遠至宜固守邊疆朕以準噶爾人等見今占取藏地騷擾土伯特唐古特人民再吐魯番之人皆近雲南四川一帶邊境居住若將吐魯番侵取又鼓動土伯特唐古特人眾侵犯青海彼時既難於應援亦且不能取藏朕決意獨斷著靖逆將軍富甯安振武將軍傅爾丹征西將軍那里德管領兩路官兵前往策妄阿喇布坦邊境驚擾襲擊又遣定西將軍噶爾弼領雲南四川滿漢官兵由拉里前進平逆將軍延信領西路官兵由青海前進又遣大將軍總領大兵駐紮穆魯斯烏蘇調遣官兵辦理糧餉伊等俱各加奮勵兩路襲擊之兵至策妄阿喇布坦邊境屢次大勝剿殺賊兵擒獲人畜招撫數千準噶爾人眾茲覽大將軍奏延信等三次將策零敦多卜殺敗賊兵逃竄殊屬可嘉在事將軍以下兵丁以上俱著從優議敘○丁巳靖逆將軍富甯安奏今歲阿爾泰巴爾庫爾兩路官兵襲擊策妄阿喇布坦邊境將軍延信等進兵安藏各遵 皇上指授大振軍威賊人聞之心膽俱碎或因窘迫之故遣使投降詐爲緩兵之計亦未可定臣愚以爲賊性奸詭即使投降不足爲信請乘勝於來年大舉進剿查見在巴爾庫爾之兵及固原甘肅等

東華錄

康熙一百六

十

處豫備駐紮之兵不下一萬七千請於此內派選精兵八千名由額倫哈必爾漢一路前進六千名由吐魯番阿爾會一路前進酌帶三月口糧其設驛站之事交巡撫綽奇豫行料理又巴爾庫爾之草廠勝於各處所有安臺運米駝馬及調遣兵丁駝馬若早至巴爾庫爾牧放三月則駝馬肥壯有益軍務其來年進兵之期作何策應之處臣再與阿爾泰一路大臣會議奏聞得旨交與議政尋議政大臣議應如富甯安所奏來年大兵進剿一切軍務宜豫籌齊備至進兵時或直搗賊巢或扼據形勝須臨期相機而行其大將軍所領兵內應再派三千名添發富甯安處並行文與阿爾泰一路將軍伊等之兵作何會合前進亦令詳議奏聞得旨此事著行文允禩及富甯安傅爾丹祁里德等將來年進兵之處互相商酌詳加定議具奏○戊午戶部等衙門遵旨議覆陝省歉收速東華錄 康熙一百六 十一

行賑濟之事應將西安延安蘭州為三路差大臣三員部院滿漢賢能司官十二員動戶部帑銀賑濟蘭州二十萬兩延安十五萬兩西安十五萬兩由驛遞運送散賑又會同督撫等率領地方官將陝屬常平倉存貯糧六十九萬二千石甘肅常平倉存貯糧六十七萬二千石酌量動用自散賑之日起至麥收之日銀糧兼賑至西安地方緊要米石應令多貯除見今施世綸具奏運送十萬石外將河南截留康熙六十年漕米內再撥十萬石令巡撫楊宗義運至西安存貯備用得旨此事不必差遣堂官著派出司官將銀兩交施世綸總管公同賑濟餘依議○辛酉議政大臣等議覆撫遠大將軍允禩奏八月二十三日官兵進藏後探知策零敦多卜等賊兵已自克里野一路遁去請將駐守噶斯布特爾之兵及駐防青海土兵均行撤回應如所請但策零敦多卜等性甚奸狡

雖已逃遁或乘隙侵擾青海亦未可定應令大將軍仍派兵二千駐紮於青海相近形勝之地偵探防守從之○癸亥諭大學士等科道官係從部員內揀選補授每年內升外轉並未論其原升品級一體開列今科道官內升有即超擢至堂官者果其卓然特出雖為布衣朕亦可不次任用況科道乎若本屬平常而不查原升品級竟一體內升超用未免越次著交與九卿將科道官由何銜升任應作何分別開列之處會議具奏尋九卿等議覆科道官內升外轉應查原升之官係郎中補授者歷俸二年員外郎補授者歷俸三年主事補授者歷俸四年然後准其開列從之○以白潢為兵部尚書出戶部右侍郎遷

十一月辛未遣散秩大臣渣克宜禮部右侍郎羅瞻致祭故朝鮮國王李焯諡僖順兼冊封世子李昫為朝鮮國王○丙子諭大學士等朕見九卿薦舉之人有初次列名至第二次又不列名者是必因缺有美惡任意趨避也嗣後一次薦舉之人即當每次薦舉凡某官薦舉某人著吏部註冊以備查覈○議政大臣等議覆四川總督年羹堯奏裏塘巴塘為蜀省出兵運道奉旨聽蜀省管轄乃雲南麗江土知府木興於巴塘所屬之喇皮等處節次遣人嚇令歸滇以致番人恐懼見在四川續運之米糧雇募人夫不敢前進八月二十日木興帶領蠻兵前至喇皮因番目巴桑以已歸四川為詞即被殺死又示威番蠻勒令歸己以致番蠻欲圖報復各思搆兵巴塘之運路遂阻木興狂悖生釁殺良阻運請革職禁雲南省城俟西藏既平嚴審究擬查平藏大兵尚未入口應將年羹堯所奏木興生釁阻運之處存案俟藏兵旋日差京城大臣一員前往審理從之○戊寅以田從典為戶部尚書朱軾為左都御

史屠沂爲浙江巡撫由左副都御史遷○辛巳諭大學士學士九卿等朕

於地理從幼留心凡古今山川名號無論邊徼遐荒必詳考圖籍
廣詢方言務得其正故遣使臣至崑崙西番諸處凡大江黃河黑
水金沙瀾滄諸水發源之地皆目擊詳求載入輿圖今大兵得藏
邊外諸番悉心歸化三藏阿里之地俱入版圖其山川名號番漢
異同當於此時考證明覈庶可傳信於後大概中國諸大水皆發
於東南諾莫渾烏巴西大幹內外其原委可得而縷晰也黃河之
源出西甯外枯爾坤山之東眾泉渙散不可勝數望之燦如列星
蒙古謂之敖敦他拉西番謂之梭羅木中華謂之星宿海是爲河
源匯爲薩陵鄂陵二澤東南行折北復東行由歸德堡積石關入
蘭州岷江之源出於黃河之西巴顏哈拉嶺七七喇哈納番名岷
尼雅克撮漢書所謂岷山在西徼外江水所出是也而禹貢導江

東華錄

康熙一百六

三

之處在今四川黃勝關外之乃稽山古人謂江源與河源相近禹
貢岷山導江乃引其流非源也斯言實有可據其水自黃勝關流
至灌縣分數十支至新津縣復合而爲一東南流至敘州府與金
沙江合流金沙江之源自達賴喇嘛東北烏尼尹烏蘇峯流出烏
尼尹烏蘇峯中華謂之乳牛山也其水名穆魯斯烏蘇東南流入
喀木地又經中甸入雲南塔城關名金沙江至麗江府又名麗江
至永北府會打衝河東流經武定府入四川界至敘州府流入岷
江經夔州府入湖廣界由荊州府至武昌府與漢江合漢江源出
陝西甯羌州北嶓冢山名漾東流至南鄭縣爲漢水入湖廣界東
南流至漢陽縣漢口合岷江此諸水在東南諾莫渾烏巴西大幹
之內源發於西番委入於中國也瀾滄江有二源一源於喀木之
格爾幾雜噶爾山名雜褚河一源於濟魯肯他拉名敖毋綽河二

水會於察木多廟之南名拉克褚河流入雲南境爲瀾滄江南流

至車里宣撫司名九龍江流入緬國瀾滄之西爲喀喇烏蘇卽禹
貢之黑水今雲南所謂潞江也其水自達賴喇嘛東北哈拉腦兒
流出東南流入喀木界又東南流入怒夷界爲怒江入雲南大塘
隘更名潞江南流經永昌府潞江安撫司境入緬國潞江之西爲
龍川江龍川江之源從喀木所屬春多嶺流出南流入雲南大塘
隘西流爲龍川江至漢龍關入緬國此諸水在東南諾莫渾烏巴
西大幹之外皆流入南海也又雲南邊境有檳榔江者其源發自
阿里之岡底斯東達木朱喀巴卜山譯言馬口也有泉流出爲雅
魯藏布江從南折東流經藏地過日噶公噶兒城旁合噶爾諾母
倫江又南流經公布部落地入雲南古勇州爲檳榔江出鐵壁關
入緬國而岡底斯之南有山名郎干喀巴卜譯言象口也有泉流

東華錄

康熙一百六

古

出入馬皮木達賴又流入郎噶腦兒兩河之水西流至桑南地岡
底斯之北有山名僧格喀巴卜譯言獅子口也有泉流出西行亦
至桑南地二水合而南行又折東行至那克拉蘇母多地與岡底
斯西馬卜家喀巴卜山所出之水會馬卜家喀巴卜者譯言孔雀
口也其水南行至那克拉蘇母多地會東行之水東南流至厄納
忒可克國爲岡噶母倫江卽佛法所謂恒河也佛國記載魏法顯
順恒河入南海至山東之渤海入口應卽此水矣梵書言四大水
出於阿耨達山下有阿耨達地以今考之意卽岡底斯是唐古特
稱岡底斯者猶云眾山水之根與釋典之言相合岡底斯之前有
二湖連接土人相傳爲西王母瑤池意卽阿耨達池又梵書言普
陀山有三一在厄納忒可克之正南海中上有石天宮觀自在
菩薩遊舍是云眞普陀一在浙江之定海縣海中爲善財第二十

入參觀音菩薩說法處一在土伯特今番名布塔拉山也亦謂觀音見身之地釋氏之書本自西域故於彼地山川亦可引以為據也禹貢導黑水至於三危舊註以三危為山名而不能知其所在朕今始考其實三危者猶中國之三省也打箭鑪西南達賴喇嘛所屬為危地拉里城東南為喀木地班禪額爾德尼所屬為藏地合三地為三危耳哈拉烏蘇由其地入海故曰導黑水至於三危入於南海也至於諸番名號雖與史傳不同而亦有可據者今之士伯特即唐之突厥唐太宗時以公主下降公主供佛像於廟今番人名招招者譯言如來也其地猶有唐時中國載去佛像明成化中烏斯藏大寶法王來朝辭歸時以半駕鹵簿送之遣內監護行內監至四川邊境即不能前進而返留其儀仗於佛廟至今往來之人多有見之此載於明實錄者爾等將山川地名詳細考明

東華錄 康熙一百六 五
具奏○壬午以楊名時為雲南巡撫由貴州布 ○庚寅以隆科多為理藩院尚書由步軍統領選 ○是月免陝西涇州雹災江南泰州江都等三州縣水災額賦有差

十二月癸巳朔以張伯行為戶部右侍郎仍兼管倉場侍郎事李紱為左副都御史仍兼內閣學士銜 ○壬寅以劉廷琛為貴州布政使由廣西按察使選 ○甲辰諸王貝勒貝子公滿漢文武大臣等奏

皇上御極六十年普天大慶恭請行慶賀典禮 上諭大學士等朕素性不喜行慶賀禮是以元旦日惟照例行禮停止筵宴雖萬壽日亦久不行慶賀禮今王大臣等為朕御極六十年奏請慶賀行禮欽惟 世祖章皇帝因朕幼年時未經出痘令保母護視於紫禁城 父母膝下未得一日承歡此朕六十年來抱歎之處正月初七日 世祖章皇帝忌辰二月十一日 孝康章皇后忌辰

朕何敢於正月初七日二月十一日以前行慶賀禮又見在西陲用兵地方官民運米送餉甚屬勞苦山陝二年歉收民有流離者去歲陝省地震兵民受傷今歲沙城地震即京城地亦微震正當君臣憂勤求治之時何喜之有此所奏不准行 ○以魏廷珍為內閣學士由詹事選 ○乙巳予故原任工部尚書徐元正祭葬 ○己酉諭大學士等翰林官員雖多能撰擬碑碣文章者原不過數人此內有人材不及不諳進退之禮者亦有一無所知飲酒遊戲者伊等俱候派考試之官如此等人豈堪備用爾等同吏部翰林院查明參革或人雖平常實有學問者不必革退或年老翰林見在修書行走者亦不必革退又部院衙門滿漢官員內有才力不及並懶惰者爾等亦會同部院堂官查明參革尋大學士等查翰林及各部院官員內人材不及者少詹事龔鐸等一十八人均請革退從

東華錄 康熙一百六 六
之 ○予先賢卜商後裔世襲五經博士 ○壬子以原任甘肅提督師懿德為鑾儀使 ○癸丑諭大學士等朕觀九卿詹事科道保舉人員並非矢公悉有所為或有視地方優劣而舉者或有自謂屏絕交游閉戶不出而緘口不舉一人者或有自己不舉轉令他人保舉者凡此等情弊伊等以朕為不知朕則知之甚悉也存是心者乃名教中罪人安得謂之讀書人乎如果矢志公忠則伊所舉之人一有改操之處即宜糾參矣少詹事龔鐸保舉之人甚多伊並未外任何所見而濫行保舉此風漸不可長宜加懲究使知儆畏爾等會同吏部都察院查從前保舉人甚多而無當者悉行參奏尋大學士等查濫行保舉之員大理寺少卿成文運等五人均請革退從之 ○甲寅封誠親王允祉子弘晟恒親王允祺子弘昇俱為世子 ○予故廣西巡撫宜思恭祭 ○庚申諭大學士等諸王

大臣爲朕在位六十年奏請慶賀而於典禮之大者並未議及朕在位六十年皆 祖宗積德廕佑所致幸而六十年來一無所失應先往盛京 三陵行大祭典禮但朕今年近七旬不能親謁三陵應遣阿哥等恭代告祭俟上元節後朕親往 孝陵恭行大祭典禮爾滿漢大臣會議具奏其祭 陵撰文卽將朕旨纂入○議政大臣等議覆振武將軍傅爾丹等奏明年大兵進剿請借支官兵一年俸餉銀共二十六萬三千四百餘兩於每季每月將所借之銀照數扣補還項應如所請得旨軍興時需用錢糧甚多爾等於傅爾丹奏請之處應相度機宜詳覈定議明年果否進兵及官兵之馬匹器械會否齊備糧餉作何運送將軍等並未奏聞爾等亦未議及止議借支餉銀儻明年不進兵至後年進兵將再借平否乎從前運到軍前之米及種地所收之糧果否足用又各官

東華錄 康熙一百六 七

自備牛種交收之糧或係空名亦未可定官兵惟以借餉爲事不思借無底止則錢糧易至匱乏矣如聽信兵丁之言豫期借餉又傲倖明年撤兵或謂功成之日必邀恩免此豈將兵之道乎爾等不加詳覈罷輒從議亦屬不合軍務本無年限必詳加籌度使糧無匱乏乃於軍務有益此本著再議具奏尋議傅爾丹奏請借支一年俸餉不便卽給應行文大將軍等會議明年應否進兵及傅爾丹一路官兵應否借支之處一併奏明再議從之○是月免直隸延慶宣化等五州縣地震額賦○是歲朝鮮琉球來貢○人丁戶口二千四百七十二萬四百四又永不加賦滋生人丁三十萬九千五百四十五田地山蕩畦地七百二十六萬八千一百二十二頃五十畝有奇徵銀二千九百八十三萬一千八百九十二兩有奇米豆麥六百九十萬二千三百五十三石有奇草四百五萬

東華錄 康熙一〇六

五千三百二十束茶二十九萬五千五百六十引行鹽五百一十一萬四千五百三十五引徵課銀三百七十七萬二千三百五十五兩有奇鑄錢四萬三千七百三十二萬五千八百有奇

東華錄 康熙一百六 大

（此處為表格或圖表，內容模糊，無法辨識）

六五一

東華錄

康熙一百七

臣王先謙敬編

臣周瀚蕃恭校

康熙六十年辛丑春正月乙亥 上以御極六十年大慶命 皇

四子和碩雍親王 皇十二子固山貝子允禩世子宏晟往祭

永陵 福陵 昭陵○癸未撫遠大將軍允禴奏據平逆將軍延

信呈報大兵送達賴喇嘛至藏地安置其所經過雷東噴多等處

居住喇嘛人等感激 聖主再造宏恩罔不踴躍懽欣男女老幼

襁負來迎見我大兵羣擁環繞鼓奏各種樂器合掌跪云自準噶

爾賊兵占據土伯特地方以來父子分散夫婦離別擄掠諸物以

致凍餒種種擾害難以盡述以為此生不能再見天日今 聖主

遣師擊敗賊兵拯救土伯特人眾我等得脫患難仍前永享昇平

東華錄

康熙一百七

樂業之福似此再造宏恩何以報答紛紛叩陳出於至誠報聞○

丁亥文武諸大臣等奏 皇上以御極六十年大慶欲 親詣

陵寢告祭誠 聖孝之至意第 皇上足疾初愈冒寒遠行恐勞

聖體且遣諸皇子等恭代 皇上詣 太廟行禮即如 親謁

陵寢懇祈 皇上停止謁 陵 上諭朕前兩次欲親祭 陵

寢皆因諸大臣勸阻未行至今猶自追悔爾等勸朕不去朕即不

去至三月時諸臣若勸朕升殿行慶賀禮朕亦借風寒不准所請

可也文武諸大臣再四懇求停止謁 陵 上手書諭曰諸大臣

俱有經國之任聞見甚博忠孝素著朕已深知諸大臣謂朕宜停

止謁 陵朕即停止不知至三月大慶時諸大臣亦愛朕請停止

否若亦請停止朕心甚安否則不但朕不受慶賀之禮爾諸大臣

必且有獲咎者 上因書不辨風塵色安知天地心二語以示諸

臣諸臣回奏云臣等原為雪大風寒懇請停止謁 陵今敬讀

聖諭不勝悚惶 上曰據奏大雪風寒明日難以起程原擇二月

初四日祭 孝陵已不及矣十一日 孝康章皇后忌辰不便祭

祀外擇十二日或十三日致祭朕於二月初旬起程已過初八日

驚蟄之後天即和暖朕必親往

二月壬辰朔山東鹽徒王美公等偽稱將軍聚眾行劫捕獲之命

都統托賴侍郎張廷玉學士登德往訊誅其魁七人餘戍科布多

烏蘭古木○乙未 上以御極六十年大慶遣官告祭 天地

太廟 社稷○丁酉 上謁 陵啟鑾○乙巳 上謁 暫安奉

殿 孝陵 孝東陵至 仁孝皇后 孝昭皇后 孝懿皇后陵

奠酒○丁未 上回鑾○乙卯 上還京師○丁巳撫遠大將軍

允禵奏西藏雖已平定駐防尤屬緊要見雷駐彼處者扎薩克蒙

東華錄

康熙一百七

古兵五百名額駙阿寶兵五百名察哈爾兵五百名雲南兵三百

名四川兵一千二百名以公策旺諾爾布總統管轄至空布地方

之第巴阿爾布巴首先效順同大兵前進取藏阿里地方之第巴

康濟爾與準噶爾為讎截奪準噶爾之人又截準噶爾兵回路第

巴隆布奈親身歸附應否授以職銜伏候諭旨得旨第巴阿爾布

巴第巴康濟爾著俱授為貝子第巴隆布奈著授為輔國公○是

月免湖廣沔陽陝西宜川等二十五州縣衛所上年被災額賦有

差

三月乙丑羣臣因萬壽節請上 尊號得旨諸臣奏請慶賀六十

年朕心深為不憚因將朕衷畧言大概從來所上 尊號不過將

字面上下轉換此乃歷代相沿陋習特以欺誑不學之人主以為

尊稱其實何尊之有當時為臣下者勸請舉行以致後人譏議往

往有之本朝受命以來惟以愛養萬民爲務如慶雲景星鳳凰麒麟靈芝甘露天書月宮諸事從不以爲祥瑞而行慶典亦絕無封泰山禪梁父改元貽誚之舉且見今西陲用兵外則官兵披堅執銳冒暑衝寒勞苦已久內則民人負重跋涉輓運遠道力亦疲困兼之被災之虛民多受累朕每念及此惟當修省圖治加惠黎元有何慶賀微賤無恥之徒謂舉行慶典必有殊恩邀望非分若奸詐輩得邀殊恩則軍前功罪輕重顛倒錢穀溷亂不明更有甚者人知六十年慶典必有殊恩故殺故犯者不少况值暮春清明時正風霾黃沙之候或遇有地震日晦幸災樂禍者將借此爲言煽惑人心恣行譏議私相紀載亦未可知今調 陵典禮已行凡詔赦恩賚等項概行停止這所奏慶賀無益不准行○諭大學士等今日出榜黃霧四塞霾沙蔽日如此大風榜必損壞或因學問優

東華錄

康熙一百七

三

長聲聞素著之人不得中式怨氣所致或此番中式之人將來有大奸大惡亂臣賊子亦未可知邵子於洛陽天津橋聞杜鵑即知南人有人相者而王安石果相此皆書冊所載信有明驗自古帝王因不學問任彼書生訾議朕自幼讀書凡此等處無不研究先儒中惟朱子之言最爲確當其他書冊所載有不可盡信者如云唐明皇焚珠玉於殿前珠可焚毀而玉亦可焚毀乎又云邳治之世風不鳴條雨不破塊天地抑鬱之氣賴風以散若不鳴條則風無力何以鼓盪萬物農人墾田尙欲深耕令土破碎若不破塊何以播種而歲必荒矣又云囊螢讀書朕曾於熱河取螢數百盛以大囊照書字畫竟不能辨此書之不可盡信者也然亦有似乎荒邈而竟實有其事者東方朔記北方有層冰千尺冬夏不消今年鄂羅斯來朝以彼國地圖呈覽問其人云其地去北極二十度以

上名爲冰海堅冰凝結人不能至始知東方朔所云不謬又從前有書吏三人徧傳西邊異獸形圖部議重罪具奏朕從寬免死令其往覓必得是獸方令回來後將軍那里德等來自軍前朕問伊等奏云果有是獸日在乳旁口在臍旁巡哨侍衛等曾親見之一侍衛欲以鳥槍擊之爲旁人勸止蒙古名其獸爲鄂布又有飛者名爲積布飛者未曾得見蒙古名惡人爲鄂布泰積布泰是即山海經所謂刑天爲首以乳爲目以臍爲口也故將發遣書吏等俱令放回又神異經云北方層冰之下有大鼠肉重千斤名爲鼯鼠穿地而行見日月之光即死今鄂羅斯近海北地有鼠如象穿地以行見風日即斃其骨類象牙土人以其骨製碗碟梳篦朕親見其器方信爲實又古人以天市垣爲中國分野朕始疑其說細玩天球合以地圖中國去赤道二十度在立夏穀雨小滿三節氣

東華錄

康熙一百七

四

上天市垣亦去赤道二十度恰與中國對照始知古人分野之說確有所據後人無闡發者朕細心推測方悟其理故向爾等言之此又書之不可信而可信者也總之讀書務在明理方不爲書所惑耳○己巳命磨勘會試中式原卷○庚午諭大學士等會試中式卷內勞必達等十二名文章俱劣今科著停殿試過三年仍准其殿試場內每房原派同考官二員今卷面上止有一人印記或係一人獨閱或係二人同閱是何情由該部嚴察以聞此番應試之人有學問優長不得中式以致抱屈者朕亦無從而知即有人奏聞亦難深信如舉人王蘭生學問南人或有勝彼者若直隸人則未能及之前周易折中性理精義朱子全書魏廷珍王蘭生等在朕前晝夜校對五年不遺一字讀書人少全讀性理者王蘭生甚爲精熟學問亦優屢試未中或文章不佳抑別有故耶再滿

洲舉人留保學問好蒙古滿洲漢軍中罕有及者即翰林中諒如彼者亦少今番滿洲內巡撫蘇克濟之親屬二人俱中張伯行幕中修書之人數年來皆相繼中式惟王蘭生留保俱未得中此在朕前行走之人朕深知其學問非屬偏向也王蘭生留保俱賜進士著一體殿試○甲戌御史陶彝任坪范長發鄒圖雲陳嘉猷王允晉李允符范允鎬高玠高怡趙成穠孫紹曾公奏 皇上深恩厚德浹於人心茲逢六十年景運方新普天率土歡欣鼓舞而建儲一事尤為鉅典懇 皇上獨斷宸衷早定儲位臣等非不知聖明必有定見非小臣所宜輕言但臣等忠愛愚誠不能自己謹合詞籲請伏祈 皇上睿鑒得旨著交內閣○丙子 上手書諭旨諭諸王大臣等六十年大慶大學士王揆等不悅以朕衰邁謂宜建儲欲放出二阿哥伊等借此邀榮萬一有事其視清朝之安

東華錄

康熙一百七

五

危休戚必且謂與我漢人何涉似此兇頑愚昧一無所知不顧身命宗族干犯叛逆之罪而行者亦不少王揆以伊祖王錫爵在明神宗時力奏建儲之事為榮常誇耀於人不知羞恥王錫爵極力奏請建立泰昌不久而神宗即崩崩時亦不甚明泰昌在位未及兩月明係神宗英靈奪其壽命天啟庸懦穉子承繼統緒客氏魏忠賢等專擅致使左光斗楊漣輩皆相繼而斃天下大亂至愍帝不能保守為陝西馬牌子李自成所偏自盡屍首暴露東華門橋上官員無尋收者太監慈有芳覓棺殮斂至 世祖章皇帝始行追封令眾漢大臣官員成服而明遂亡當時全不知孟子所云以天下與人易為天下得人難之義故立泰昌耳亡國之賊王錫爵不能辭其罪也應剖棺斬首以祭神宗之陵神宗有靈必為首肯王錫爵行事同時之人亦甚惡之故作詞曲極肆詆訾至我朝其

孫又入叛黨受偽劄付稱為總兵不久被擒朕宥其殄滅九族之罪止戮其身別無株連乃王揆不思圖報妄行陳奏其負恩可知矣二阿哥兩次冊立為皇太子教訓數十年不能成就朕為 宗社及朕身計故嚴行禁錮所以不殺者恐如漢武帝之後悔致後人滋其口舌也朕並無可悔之處見今時常遣人存問齋賜佳物其子朕為撫養凡此皆為父子之私情不能自己所謂姑息之愛也人何得因此生疑耶王錫爵已滅明朝王揆以朕為神宗意欲搖動清朝如此奸賊朕隱而不發可乎朕並無誅戮大臣之意大臣自取其死朕亦無如之何朕御極六十年慶賀典禮非不可受因深知此等事故堅辭不允朕衰老中心憤懣眾人虛誑請行慶典朕豈屑為此乎○諸王貝勒貝子公滿漢文武大臣等奏王揆身受 聖恩至重至厚屢加擢用至大學士前因伊姪身入叛黨

東華錄

康熙一百七

六

特寬其滅族之罪止將伊姪正法王揆乃背負 鴻恩結黨營私於康熙五十六年伊將國家最大之事應候 乾斷者妄行陳奏隨後有御史陳嘉猷等八人條奏今年二月十八日伊密奏後隨又有御史陶彝等十二人條奏王揆忌我朝之太平結成朋黨奸惡已極萬難姑容請將王揆及陶彝等俱革職鎖拏俟過十八日大慶之後臣等公同從重議處得旨將朕所降諭旨爾等特示王揆再行具奏隨將諭旨示王揆又奏臣等傳旨詢問王揆又不肯據實認罪巧飾虛辭情尤可惡請將王揆等即行鎖拏俟過十八日後從重嚴加治罪奏入簡中○御史舒庫等奏參本月初九初十兩日有不知姓名下第舉子擁至會試副主考左副都御史李紱門前喧鬧而散得旨刑禮二部會同嚴審具奏○丙戌 上將諸王大臣等參劾王揆等奏章發出諭大學士等曰王揆及御史

陶彝等妄行陳奏俱云爲國爲君見今西陲用兵之時爲人臣者正宜滅此朝食此係目前顯然效力之處滿洲八旗文官俱以章京派往惟在京漢官不與其內向年總督姚啟聖李之芳巡撫趙申喬等俱曾於軍前披堅立功伊等俱係漢官有何不可將伊等暫停議罪著於此番軍前照滿洲文官例委署額外章京遣往王揆年老著伊子王奕清代去俟立功回日再奏○己丑命平逆將軍延信都統武格副都統吳納哈帥師駐西藏○庚寅撫遠大將軍允禔奏據三路將軍報稱各路之馬駝糧餉俱甚充足器械俱已齊備官兵各思奮力進剿值策妄阿喇布坦人心惶惑恐懼震動之時乘此進兵可以直搗其巢穴掃蕩無遺得旨著議政大臣滿漢九卿詹事科道會同詳議具奏尋議將靖逆將軍富甯安之兵調在烏蘭烏蘇地方駐紮捍禦富甯安所領兵派七千名交散

東華錄

康熙一百七

七

秩大臣阿喇衲甘肅提督路振聲由烏蘭烏蘇一路前進取吐魯番既得之後令富甯安於阿喇衲所領兵酌量派出嚴加防守但進取吐魯番兵馬微少應於振武將軍傅爾丹處選兵三千撥過富甯安一路振武將軍傅爾丹征西將軍祁里德各於本處駐紮豫備再於祁里德所屬兵內派三千名前往以收取策妄阿喇布坦及吳梁海等逃竄之人儻若無人卽行撤回合兵一處設或此際策妄阿喇布坦內變起釁或有逃歸來順之人得策妄阿喇布坦確信三路將軍相機卽約大兵前進可以搗其巢穴矣得旨議政大臣等所議甚是朕意亦如此籌算將此文與大將軍合三路將軍各行定議具奏

夏四月甲午命禮部祈雨○乙未賜鄧鍾岳等一百六十三人進士及第出身有差○丙申諭大學士等朕披覽史冊於前代帝王

每加留意書生輩但知譏評往事前代帝王雖無過失亦必刻意指摘論列短長全無公是公非朕觀歷代帝王廟所崇祀者每朝不過一二位或廟享其子而不及其父或配享其臣而不及其君皆因書生妄論而定甚未允當况前代帝王曾爲天下主後世之人俱分屬臣子而可輕肆議論定其崇祀與不崇祀乎今宋明諸儒人尙以其宜附孔廟奏請前代帝王既無後裔後之君天下者繼其統緒卽當崇其祀典朕君臨宇內不得不爲前人言也朕意以爲凡曾在位除無道被弑亡國之主外應盡入廟崇祀爾等將朕此旨錄出公同從容詳議具奏○丁酉九卿等議覆山東巡撫李樹德奏汶河沙積水不盈尺應行開濬彭口一帶淤沙屢開屢塞應改挑新河一道此皆運道所關挑修難緩又太行隄爲克西之保障其坍塌之處亦應修築查運河所關甚要改挑新河錢糧

東華錄

康熙一百七

八

亦甚浩繁請差部院堂官會同河道總督山東巡撫詳勘應否挑修之處確估具奏得旨著吏部尙書張鵬翮前往會勘具奏○轉賴都爲禮部尙書以托賴爲刑部尙書由都○庚子諭大學士九卿等朕於河務留心最切經歷最深往年屢次閱河時精力尙強親乘小舟不避水險各處周覽凡水泉源委皆知之甚悉山東運河全賴眾泉灌注微山諸湖以濟漕運今山東多開稻田截湖水

帑金終歸無用且古人所置南北諸閘更將何以處之古人置閘其遠近疏密皆因地形高下水勢緩急以便啟閉或一處二閘或一二十里一閘確有一定丈尺不可更易分水龍王廟閘座尤關緊要當時宋禮用白英老人之策築戴村壩以過汶水導之出鵝河口入南旺湖然後分流南北以分水口為水脊蓋山東登萊諸山之脈自關東來結為泰山是為北幹分支之一在黃河之東而黃河之西山脈自終南太一南屆淮汝為中幹分支之一黃河行乎兩支之中故昔時河自天津入海以後漸徙而南至淮安入海而登州以上馬谷山以下從無黃河之迹者山脈限之也分水口之水脊又為泰山分支之分脊處白英積數十年精思確有所見定為此議宋禮從之因勢均導南得七分北得三分增修水閘以時啟閉漕運遂通此等膽識後人實所不及亦不能得水平如此

東華錄

康熙一百七

九

之準也今此二閘最宜斟酌啟閉若淺於南則當閉北閘使分北之水亦歸於南淺於北則當閉南閘使分南之水亦歸於北湖泉並注南北合流雖有旱暵亦無慮矣豈若徒事開濬勞費而無益乎往年山東百姓欲開新河朕恐其下流泛濫降旨弗許今巡撫請開彭口新河此地一面為微山湖一面為嶧縣諸山更從何處開鑿耶著張鵬翮到山東將朕此旨詳諭巡撫申飭地方官令其相度泉源蓄積湖水俾漕運無誤特易耳黃河關繫最大自元至明歲有衝決未有安瀾二十餘年如今日者然圖治於已治保安於已安河工雖已告成尤當時加巡視不可疏忽今春多風而少雨恐秋閒雨水必多地方官宜加意隄防張鵬翮去看山東運河由臨清起至韓莊開離邳州不遠並往視邳州低窪之水曾否洩出太行隄有坍塌之處亦當往看有賢能司官多帶幾員去地

方有用著之處即留料理武英殿纂修陳鵬年熟諳河務亦著同張鵬翮前往○丙午 上巡幸塞外啟鑾○己酉諭大學士等去冬雪大所以今春雨澤甚少大約冬雪多則春雨必少春雨少則秋霖必多此不必由占驗而後知也朕六十年來留心農事較量雨暘往往不爽且南方得雪有益於田土北方雖有大雪被風飄散於田土無益今歲山東得雨河南山西陝西未甚得雨備荒最為緊要不可不豫為籌畫若直隸山東河南已難料理至山西陝西其補救尤難古人云三年耕則有一年之蓄九年耕則有三三年之蓄言雖可聽行之不易如設立社倉原屬良法但從前李光地張伯行曾經舉行終無成效至於各省積貯穀石雖俱報稱數千百萬實在存倉者無幾即出陳易新之法亦不為不善第春閒僅有所出秋後並無所入州縣侵蝕入己急則即以折銀掩飾此等

東華錄

康熙一百七

十

積弊朕知之甚詳其報荒之真偽虛實朕亦無不洞悉如熱河所積穀石每年減價平糶秋後糶補還倉數目無多稽查頗易所以每有餘糧語云大兵之後必有凶年昔征勦三逆時豐收足以供給並無一州一縣貽誤及平定以後閒有歉收之年不可不綢繆於未雨也邇來稍覺旱暵或者政事有缺失應行改正之處亦未可定爾等會同詳議具奏○諭禮部朕恭謁 孝陵時 世祖皇帝保母葉黑勒氏之孫懷誠李嘉氏之子喀都禮叩請加恩朕念兩保母舊侍禁庭殫心夙夜爰從籲請特沛殊恩著贈葉黑勒氏為佐聖夫人李嘉氏為佑聖夫人○命給甘肅貧民穀種○丙辰以京師米貴命平糶○戊午 上駐蹕熱河○庚申命禮部祈雨○議政大臣等議覆據平逆將軍宗室延信奏臣遵旨辦完事務回至中途患病沉重不能再往藏內駐防應將延信調回京師令

署四川總督噶爾弼於年羹堯回任日仍帶定西將軍印敕統兵赴藏駐紮防守仍令都統武格參贊從之○是月免江南高郵州寶應縣上年水災額賦有差

五月壬戌議政大臣等議覆撫遠大將軍允禔奏駐紮巴爾庫爾之兵征取吐魯番其策妄阿喇布坦之人必然震恐逐漸投順來歸但甘州肅州等處之滿洲綠旗兵見俱撥往巴爾庫爾應將臣處所有之兵帶進甘州肅州駐紮為其聲援查肅州地方褊小甘州稍覺廣闊應令大將軍允禔帶領見在西甯所有之兵前赴甘州駐紮辦理調遣之事至西甯地方緊要應派大臣一員駐紮管理得旨依議著大將軍允禔派緊要大臣駐紮西甯管理○河工效力筆帖式聶文鎰叩關首告河道總督趙世顯侵蝕帑金縱僕受賄各款得旨張鵬翮見往江西審事著將此案交與張鵬翮確

東華錄

康熙一百七

十一

審具奏○癸酉以署參將管四川永甯副將岳鍾琪為四川提督○乙亥改思明土州歸廣西太平府○戊寅諭議政大臣等從前議欲於今年大兵進剿後經議政大臣等議進取吐魯番扼其要地再偵探策妄阿喇布坦實信相機而行已行文大將軍允禔及三路將軍近據大將軍允禔密奏以軍務重大欲俟明年進兵朕意亦如此今年大兵著暫停進剿其進取吐魯番扼住要地之處俱著停止行文各路將軍將器械馬匹口糧諸務俱令豫備整齊俟來年進兵其閒如有可乘之機富甯安駐兵之處相近著即酌量而行○辛巳發倉賑直隸山東貧民停新舊賦○運河南湖廣漕米各十萬石貯陝西備賑○甲申諭戶部朕御極六十年自沖齡時惟以黎庶為心宵旰圖維勤勞至今今春朕之子弟暨六世孫輩與舉國官兵人民請行大慶典禮在朕固所應受眾亦咸以

為宜朕意昔年辛丑係 皇考賓天之歲今歲又值辛丑况西陲川兵事尚未竣是以堅辭不受朕躬自四月違和五月初旬又復感寒遂覺甚病以致面色稍減或稍行動或多言語便不勝倦乏目今直隸山東河南山西陝西麥已無收民多飢餒屢令大學士九卿議奏茫無頭緒似此尙忍而不言將來不知何所底止也諸大臣皆受高爵厚祿應視萬民為一身一家各抒拯救之法若必俟朕降諭旨推諉於朕則大臣所任何事耶今朕躬甚弱心思過勞易倦善忘惟諸大臣是賴救民之策不可不急為籌畫著大學士九卿等速行詳議慎弗輕視儻再遲延時日被災之民不能待矣○撫遠大將軍允禔奏奉旨派大臣一員駐西甯辦事查西安將軍宗查布前曾調駐西甯侍讀學士常授辦青海事業已有年其可否派駐之處請旨定奪得旨常授著以理藩院額外侍郎駐

東華錄

康熙一百七

十一

紫西甯辦事宗查布著赴大將軍允禔處聽候調遣○乙酉諭大學士等陝西總督鄂海著辦理軍前糧餉四川總督年羹堯著兼理四川陝西總督事務原任侍郎革職色爾圖著署理四川巡撫事務皆馳驛速赴任○諭朕因陝西歉收雖將錢糧蠲免動支倉糧又發庫帑特差官員散賑百姓尙未安堵今施世綸亦束手無策此皆係地方官員不切實留心為民設法綏理以致百姓流離聞陝西山西富戶積藏米石甚多若有賢能官員勸諭糶賣可以多得著將內庫銀發十五萬兩令左都御史朱軾往山西光祿寺卿盧詢往陝西再派部院賢能官員隨往每處帶銀二十五萬兩勸諭富戶照時價糶賣米石庶乎易得將此旨傳示九卿○庚寅發倉賑河南山西貧民

六月辛卯朔四川陝西總督年羹堯陸辭賜弓矢等物○癸巳福

建浙江總督覺羅滿保等奏五月初六日臺灣奸民朱一貴等聚眾倡亂總兵官歐陽凱率兵往捕為賊殺害地方有司官俱奔赴澎湖惟淡水營守備陳策率領兵民堅守淡水營地方以待救援臣聞報即自福州前往廈門辦理軍務提督施世驃前赴澎湖臣隨令南澳總兵官藍廷珍參將林政等率領官兵赴澎聽候提督臣調遣下部知之 上發硃筆諭旨命兵部發往福建交總督滿保傳諭臺灣百姓曰據督臣滿保等所奏並伊等進摺家人所言臺灣百姓似有變動又奏稱滿保於五月初十日領兵起程等語朕思爾等均係內地之民非同賊寇或因飢寒所迫或因不肖官員刻剝遂致一二匪類倡誘眾人殺害官兵情知罪不能免乃妄行強抗其實與眾何涉今若遠行征剿朕心大有不忍故諭總督滿保令其暫停進兵爾等若即就撫自原諒爾等之罪儻執迷不誤

東華錄 康熙一百七 三

則遣大兵圍剿俱成灰燼矣臺灣止一海島四面貨物俱不能到本地所產不敷所用止賴閩省錢糧養贍耳前海賊占據六十餘年猶且勒服不遺餘孽今匪類數人亦何能為耶諭旨到時即將困迫情由訴明改惡歸正仍皆朕之赤子朕知此事非爾等本願必有不得已若情意謂與其坐以待斃不如苟且偷生因而肆行擄掠原其致此之罪俱在不肖官員爾等俱係朕歷年豢養良民朕不忍剿除故暫停進兵若總督提督總兵官統領大兵前往圍剿爾等安能支持此旨一到諒必就撫毋得執迷不悟妄自取死特諭○乙未諭九卿等滿漢大臣俱各守分惟吏部右侍郎湯右曾在九卿會議處頗多言所薦之人亦過多著解退吏部侍郎其學問尚優著專管翰林院掌院學士事○丙申諭宗人府平逆將軍延信朕親伯之孫朕之姪也此番統領滿洲蒙古綠旗兵丁過

自古未到之煙瘴惡水無人居住之絕域殲滅醜類平定藏地允稱不辱宗支克展勇畧深屬可嘉著封為輔國公○吏部議覆四川陝西總督年羹堯奏重慶府之合州請復設銅梁縣順慶府之廣安州請復設岳池縣各設知縣一典史一再成都府之德陽灌縣安縣什邡綿竹五縣潼川州之安岳縣請各設典史一從之○戊戌禮部等衙門議覆監察御史舒庫等參奏下第舉子在副主考李紱門首喧鬧一案李紱身為憲臣有參奏之責下第舉子羣到伊家喧鬧固不奏聞殊屬不合應將左副都御史李紱照溺職例革職嗣後鄉會試發榜後考試官有不公之處許下第舉人生員據實赴該管衙門具控如有竟往考試官家喧鬧者該地方官即嚴拏送刑部從重治罪得旨李紱著革職發往永定河工效力餘依議○甲辰禁商人販米出海發帑於浙江乍浦糴米三萬石

東華錄 康熙一百七 四

由海運貯廈門及漳泉諸府○丁未命截留漕糧二十萬石分貯大名廣平二府備荒○乙卯諭議政大臣等據富甯安奏稱策妄阿喇布坦將吐魯番回人拖克拖麻穆忒等遷往哈喇沙爾地方中途逃回在魯克齊穆地方駐紮等語見今歸順之回人與準噶爾之人爭鬪將準噶爾之人殺害取甲來獻觀此情形策妄阿喇布坦似畧無報復之意或伊同黨內有不睦亦未可定此機不可輕失朕意策妄阿喇布坦將伊等不能遷往哈喇沙爾又不能護衛準噶爾之人足見萬不能敵我兵今收復吐魯番若不看守則策妄阿喇布坦處歸順之人以及來使逃人有回人居中儻行殺掠此路必致阻隔爾等速議行文富甯安派綠旗兵一千名察哈爾厄魯特蒙古回兵一千名前赴吐魯番收納歸降回人照看駐紮將歸順之人及來使逃人往內解送之處牢設哨汛今回人歸

降於我與厄魯特世成仇敵即係我民其巴爾庫爾相距吐魯番
 止六百里為途不遠如果策妄阿喇布坦率眾侵擾我兵前去救
 援不遲著富甯安豫行轉飭回人萬勿隱匿侵犯即行解送著議
 奏尋議回人頭目拖克拖麻穆忒等來歸應遣兵防護行文富甯
 安等欽遵諭旨施行其蒙古回兵令輝特公巴濟察哈爾之兵將
 巴爾庫爾侍衛阿玉錫著為副都統侍衛克什圖一同帶領前往
 綠旗馬步兵令富甯安處所有總兵揀選一員帶領前往再令散
 秩大臣阿喇納統轄前往至所需米糧作何運送之處令富甯安
 等酌議料理從之○丁巳諭大學士等陝西地方已經得雨漕運
 總督施世綸在陝西料理之事將完漕運緊要著即將所理之事
 俱交與年羹堯伊可速回原任○調王景曾為刑部左侍郎由戶
 閏六月庚申朔日有食之○以孫柱兼吏部尚書
 東華錄 康熙一百七 五

道自無阻滯之虞矣再查邳州邱家樓一帶低窪之水從新開房
 停河洩瀉並無積滯太行隄延袤數百餘里其曹縣單縣及江南
 豐沛二縣坍塌之處交與河道總督修築其與直隸河南接壤者
 已行文該撫一體修築下部知之○福建浙江總督覺羅滿保奏
 臣調水陸各路官兵於六月初旬內陸續發往澎湖茲據提臣施
 世驃咨稱臺灣鹿耳門為賊首盤聚之所見在與總兵官藍廷珍
 議合兵攻鹿耳門六月十三日已自澎湖前進下部知之○丙寅
 諭大學士等每年暑熱時將犯人暫行釋放今年朕未降旨該衙
 門亦未陳奏著照前暫行釋放○庚午禮部尚書蔡升元請假遷
 葬允之○甲戌以長壽為工部右侍郎由內閣
 政使
 東華錄 康熙一百七 六

東華錄

康熙一百八

臣王先謙敬編

臣周倫蕃恭校

秋七月己亥以謝賜履為湖北按察使由直隸天津道遷○福建水師提

督施世驃奏臣聞臺灣地方匪類竊發即率領舟師出洋先抵澎

湖嗣於六月十六日抵臺灣鹿耳門官兵奮勇前進擊敗賊兵遂

乘勝進港克取安平二十二日進攻臺灣府治賊眾敗遁恢復臺

灣賊首朱一貴等為大軍所偏逃匿諸羅縣尾溝莊地方被鄉民

擒獻解送軍前餘賊聞風逃散臣等一面派遣官兵四路搜緝相

機剿撫一面安撫居民令各安生業得旨覽奏賊首朱一貴已被

擒獲餘賊或勦或撫居民各安生業海宇清甯知道了該部知道

○諭兵部臺灣變動時淡水營守備陳策擒殺亂民苑景文等防

東華錄 康熙一百八

護淡水營地方能鼓勵兵民協同堅守殊屬可嘉陳策著從優加

為左都督升授臺灣總兵官與陳策同事官兵俱著從優議敘○

庚子福建巡撫呂猶龍以福建浙江總督覺羅滿保丁母憂具奏

得旨臺灣新經恢復一切整頓地方及調補官員等事急需料理

滿保著在任守制○辛丑命副都統穆克登貝勒丹金多爾濟將

喀爾喀兵赴巴爾庫爾軍前參贊軍務○己酉 上行圍發熱河

○甲寅福建水師提督施世驃奏臺灣所屬南北兩路地方距府

治遙遠臣抵臺灣北路隨調參將林政等帶兵進剿南路遊擊林

秀等帶兵進征北路再遣遊擊朱文等直趨北路朱羅山後追捕

賊黨今據林政等報南路賊眾與臺灣耕種粵民構難於六月十

九日在漫莊地方被粵民殺敗迨官軍繼至乘勢追捕賊目鄭廷

瑞等已被千總阮欽把總李興盛等擒殺餘夥盡皆逃散據林秀

等報北路賊眾於六月二十八日在大木降地方被官兵截殺死

者甚多餘眾悉降報聞○諭兵部臺灣賊首朱一貴等俱已擒獲

著行文該督將朱一貴等押解來京審明之後正法示眾○是月

免河南鄭州祥符等四十五州縣旱災額賦有差

八月庚辰福建浙江總督覺羅滿保奏查臺灣起釁情由本年三

月內因賊首朱一貴在鳳山縣結黨聚眾知府王珍遣人往捕涸

將旁人株連需索朱一貴等乘機於四月十九日豎旗倡亂遊擊

周應龍帶領營兵及土番赴剿土番殺無辜數人焚毀道旁廬舍

賊遂偏脅莊民隨從拒敵至二十七日周應龍敗回賊陷臺灣府

治朱一貴等蓄謀為惡知府王珍匪情不報縱役生事遊擊周應

龍縱番妄殺又戰敗逃回罪俱重大臺廈道梁文宣同知王禮事

前通同隱匿臨時一無備禦退回澎湖罪俱難追臺灣縣知縣吳

東華錄 康熙一百八

觀械諸羅縣知縣朱夔水師遊擊張彥賢等俱請一併發審分別

定擬得旨臺灣府文職官員平日並不愛民但知圖利苛索及盜

賊一發又首先帶領家口棄城退回澎湖殊屬可惡道員以下文

職官員俱著提拏交總督滿保提督施世驃會同審明即發往臺

灣正法並查伊等家產給賞效力有功之人所參遊擊張彥賢等

亦俱著解任交該提督總督會同審明定擬具奏○丙戌直隸總

督趙宏燮奏長垣縣之甄家莊王家隄兩處隄工被水衝決下流

之東明縣滑縣開州俱被水淹查衝決之故因上流之河南武陟

縣等處隄工有決口三處又兼以沁河之水亦由胙城縣入滑流

至長垣東明甄家莊王家隄兩處隄外水面比隄內地高一丈有

源之水日漸加長故決口頗難堵築若上流之決口一日不堵則

長邑之水一日不退臣一面奏明一面移咨河南撫臣飭令道府

一五二〇冊 續修四庫全書 史部 編年類

等將決口相機堵築以防後患下所司知之○戊子 上駐蹕博
洛河屯賜來朝外藩銀幣鞍馬及隨圍蒙古官兵銀布○是月免
江南沛縣旱災甘肅靜甯州雹災額賦有差

九月辛卯 上還熱河○甲午諭大學士等黃河遷徙無常每有
衝決隄岸淹沒田廬之患昔黃河會九河從天津入海後漸遷徙
而南約計遷徙之地已千餘里矣漢武帝塞瓠子口嗣後代有衝
決朕畱心河務屢行親閱動數千萬帑金指示河臣將高家堰石
隄及凡應修築之處悉行修築奏安瀾者幾四十年於運道民生
均有裨益前巡幸至湖灘河朔保德州橫城潼關孟津徐州宿遷
邳州桃源清口等處俱曾渡河自橫城舟行順黃河下流歷人所
未經行之河套直達數千里所至之處無不詳視惟孟津渡河時
因淤沙不能直渡紆道而行彼時朕即慮沙淤則流滯隄岸必致
東華錄 康熙一百八 三

衝決今據報黃河衝決流入沁河泛溢至直隸長垣縣等處若今
冬將決口堵築堅固可保無虞否則自決處以下勢分沙壅河水
斗長隄岸之危非一所矣此事著問九卿具奏○四川陝西總督
年羹堯奏定西將軍噶爾弼領兵赴藏行至瀘定橋患病不能前
進得旨噶爾弼患病調養尙需時日其將軍印著齎付公策旺諾
爾布署理額駙阿寶都統武格俱著參贊軍務○丙申吏部等衙
門議覆給事中常岱等奏科道官有從編修檢討補授者應歷俸
幾年後開列內升外轉請敕下九卿定議查編修檢討俱屬七品
嗣後編修檢討改授科道之員應照由郎中補授科道內升外轉
之例歷俸二年准其開列從之○奉差山西賑濟左都御史朱軾
奏請於晉省建立社倉以備荒歉引泉溉田以興水利得旨建立
社倉之事李光地任巡撫時曾經具奏朕諭以言易而行難爾可

姑試李光地行之數年並無成效民多怨言張伯行亦奏言社倉
頗有裨益朕令伊行於永平地方其果有成效裨民之處至今未
奏且社倉之有益無益朕久已畱心採訪凡建立社倉務須選擇
地方殷實之人董率其事此人並非官吏無權無役所借出之米
欲還補時遣何人催納即豐收之年不肯還補亦莫可如何若遇
歉收更誰還補耶其初將眾人米穀扣出收貯無人看守及米石
缺空之時勢必令司其事者賠償是空將眾人之米棄於無用而
司事者無故爲人破產賠償矣社倉之設始於朱子其言具載文
集此法僅可行於小邑鄉村若奏爲定例屬於官吏施行於民無
益前朕巡幸西省山陝地方山川形勢俱悉知之其地山多水少
閒有水泉亦不能暢引溉田設果有灌注之水前人豈不知乎今
朱軾以建立社倉引水入田具奏此事不必令他人辦理即令伊
東華錄 康熙一百八 四

久住山西鼓勵試行若所言有效甚善該部知道○庚子先是
上諭議政大臣等阿喇衲看守吐魯番地方恐兵勢單弱應行文
將軍富甯安酌派官兵遣往吐魯番駐紮至是靖逆將軍富甯安
奏臣欽奉 上諭派兵二千名令副都統莊圖管領於八月十六
日起程前赴吐魯番今又續派兵二千名令副都統穆克登等管
領往吐魯番於九月初三日起程昨據散秩大臣阿喇衲報稱十
月內雨雪之際擬乘賊之不備進兵襲擊雖吐魯番兵勢並非單
薄但恐前往襲擊或有賊兵來乘我軍之後亦未可定臣請親率
兵四千進駐伊爾布爾和韶接應調遣其巴爾庫爾畱兵三千請
交與都統睦森管領得旨交與議政尋議政大臣等議覆富甯安
奏請派兵吐魯番移駐伊爾庫爾和韶之處俱應如所奏但今冬
雨雪之時可就近地襲擊不宜深入應行文富甯安令阿喇衲襲

擊之兵相機前進即行整旅而回從之○壬寅諭大學士九卿等直隸總督趙宏燮奏河南黃沁衝決隄岸水勢泛溢至長垣等處朕即遣郎中傅爾賽查視所決地方據奏河南武陟縣黃沁之水衝決隄岸由長垣流入山東張秋鎮又據山東巡撫李樹德奏河水泛溢自直隸開州流入山東張秋鎮等處由鹽河入海以致運河隄決漕船阻滯其衝決隄岸見在修築朕思此衝決之處止可畧為修防使漕船無阻如竟行堵塞水無歸洩之地他處又必衝決斷乎不可開州係古黃河故道今黃沁泛溢由開州至山東地方已成河道矣將來堵塞完工不使沁水入黃直引至山東或有裨益亦未可定朕畱心河務各處黃河渡口俱曾親歷適遣往看河之官所呈圖樣及李樹德所進河圖朕俱詳覽知之最明爾等繕寫諭旨發往張鵬副處伊所審事畢著即會同總漕施世綸至

東華錄

康熙一百八

五

張秋鎮等處詳行查勘料理使漕船往返不至遲誤如張鵬副已回即於接旨之處作速前往至修築決河甚屬緊要朕自京中另遣專官著總河趙世顯將熟練河務官員工役派出並將修築物料多行豫辦速發往河南衝決地方○癸卯 上回鑾○乙巳以吳爾台為內閣學士由詹事遷○丙午大學士等以九卿議覆黃河衝決一摺面奏 上出河圖諭曰朕畱心河務於直隸山東河南地方皆所親歷詳視水之源委洞悉於衷故指示繪畫此圖近因山東巡撫李樹德奏稱黃沁二水泛溢自開州流入張秋鎮等處曾諭爾等堵築河口之後不使沁水入黃引入山東漕河有裨運道而前詢問九卿之處則止及黃河衝決情形未及引沁入運之事今覽九卿摺奏堵築黃河決口引沁入運所議深合朕心爾等將此圖看畢發與九卿即令定議具奏其直隸山東河南被水之民

著該督撫查明賑濟至堵築黃河決口引沁入運事朕另遣大臣前往○辛亥諭近御侍衛等爾等日侍朕側於朕心憂勞之處差知大概若百官萬民何從而知朕日理萬幾其他姑置勿論即每年春時為雨水田禾時刻不忘畱心究問直至秋成始稍釋念至於冬月內地常恐雪少口外地方又恐雪大此等苦心惟身歷方能知之即爾等日侍左右者亦未必悉知也○癸丑議政大臣等議覆靖逆將軍富甯安奏據散秩大臣阿喇納報稱九月初八日探知策妄阿拉布坦遣人犯吐魯番城隨派侍衛克什圖等領兵迎戰阿喇納親率官兵尾後策應行至中途見有二千餘賊與克什圖之兵列陣對壘因將所領策應之兵分為三隊奮力衝殺賊眾不能抵敵敗入林中官兵追勦入林賊復棄騎步戰我師槍礮齊發擒殺賊兵百有餘人獲軍器馬匹甚多賊眾奔逃我師追捕

東華錄

康熙一百八

六

數十里因時已薄暮不便深入仍派公巴濟等率兵五百埋伏林中偵探防守餘兵撤回查吐魯番地方恐有賊兵窺伺先經奉旨添兵駐紮今果符 聖算克奏捷功臣請於闊舍圖駐兵之處再增派五百兵俄隆吉駐兵之處再增派三百兵防賊人由瀚海一路犯我哨汛又闊舍圖俄隆吉與阿爾泰一路甚近備遇有事亦便於接應調遣臣前因阿喇納報今冬雨雪之時欲進兵襲擊故奏請移駐伊爾布爾和韶為之聲援今賊人敗遁盡知我師在吐魯番等處則邊境地方必恐懼防備不宜襲擊阿喇納今冬進兵之處應暫令停止臣仍統兵駐防巴爾庫爾俟來年大舉進剿應如所奏從之○左都御史朱軾奏臣從前奏晉省請立社倉兼興水利奉旨令臣試行臣仰惟 皇上至聖至明於民間利弊及山川土地之宜無不洞悉一時冒昧陳言今細加籌畫實屬難行伏

祈 皇上俯鑒臣愚免令試行得旨朱軾親至山西深知地方情形既請立社倉興水利著仍留山西鼓勵試行○乙卯 上還京師○丙辰九卿等遵旨議覆堵築黃河決口引沁入運之處俟派出大臣令其會同總河及該督撫等詳勘議奏 上諭大學士等堵築黃河漫溢工程此第一緊要之事著左副都御史牛鈕侍講齊蘇勒員外郎馬泰前往監修其堵築時宜先於上流建挑水壩以減水勢俟沙淤後再漸次加築則漫溢之勢自平而堵塞不甚費力矣朕於清口建築挑水壩時曾經指示此事齊蘇勒馬泰等悉知之至於前項工程毋得吝惜錢糧河南地方河底不凍今冬宜作速興築其建挑水壩之時應挑引河黃河有曲折之處即成洲渚務詳勘酌量取直挑成引河俟黃河決口堵塞報竣後再引沁濟運分水龍王廟之中八閘北八閘春時水淺船行有阻應將

東華錄

康熙一百八

七

沁水即於此處引入運河如不能容納由鹽河瀉其水勢自於運道有益分水龍王廟南八閘水多不須濟以他水再徐州下流黃河無虞獨徐州上流黃河多有沙淤不可不防衝決將此旨宣諭該管各官豫先防備○丁巳授駐紮吐魯番散秩大臣阿喇衲爲協理將軍○蒙古王貝勒貝子公台吉及土伯特酋長等奏西藏平定請於招地建立豐碑以紀盛烈昭垂萬世 上允所請 御製碑文曰昔者 太宗文皇帝之崇德七年班禪額爾德尼達賴喇嘛願實汗謂東土有 聖人出特遣使自人迹不至之區經離敵之國閱數年始達盛京至今八十載同行善事俱爲施主頗極安甯後達賴喇嘛之歿第巴隱匿不奏者十有六年任意妄行拉藏滅之復興其法因而允從拉藏青海羣眾公同之請中間策妄阿喇布坦妄生事端動準噶爾之眾肆行奸詐滅壞達賴喇嘛並

廢第五輩達賴之塔辱嶼班禪毀壞寺廟殺戮喇嘛名爲興法而實滅之且欲竊據土伯特國朕以其所爲非法爰命皇子爲大將軍又遣朕子孫等調發滿洲蒙古綠旗兵各數萬歷烟瘴之地士馬安然而至賊眾三次乘夜盜營我兵奮力擊殺賊皆喪膽遠遁一矢不發平定西藏振興法教賜今胡必爾汗冊印封爲第六輩達賴喇嘛安置禪榻撫綏土伯特僧俗人眾各復生業於是文武臣工咸謂王師西討歷瘴癘險遠之區曾未半載輒建殊勳實從古所未有而諸蒙古部落及土伯特酋長亦合詞奏曰皇帝勇畧神武超越往代天兵所臨邪魔掃蕩復興蒙古向所尊奉法教坎麻藏衛等部人眾咸得拔離湯火樂土安居如此盛德大業非臣下頌揚所能宣罄請賜御製碑文鐫勒招地以垂永久朕何功焉而羣眾勤請不已爰紀斯文立石西藏俾中外知達賴喇嘛等三

東華錄

康熙一百八

八

朝恭順之誠諸部落累世崇奉法教之意朕之此舉所以除逆撫順綏眾興教云爾○議政大臣等議奏據駐紮西藏額駙阿寶移稱青海索羅木地方之西有郭羅克部落唐古特等肆行劫掠往來行人曾將駐紮索羅木兵馬盜竊而去查郭羅克地方與歸附我朝之多隆汗地方相近應行令多隆汗曉諭伊等嗣後宜遵守法度不得仍前肆行儻伊等不遵訓諭請即發兵前往將首惡之人懲治令多隆汗於伊屬下之人揀選有材幹者使爲郭羅克部落之首則西甯青海等處往來使人及商販之人俱獲安靜應如所請得旨額駙阿寶請將郭羅克部落懲治所言甚當郭羅克地方近四川松潘一路與多隆汗接壤應行文總督年羹堯提督岳鍾琪等著向多隆汗處詳詢郭羅克地方形勢若何發兵進剿用力幾何如易於攻取即令岳鍾琪帶領松潘兵進剿儻地險勢眾

應酌量派遣滿洲蒙古兵丁及附近之察罕丹津處亦令派兵協助前往進剿著大將軍允禩侍郎常綬總督年羹堯提督岳鍾琪會同定議而行○署甘肅巡撫盛京戶部侍郎花部綠事降調冬十月壬戌福建浙江總督滿保等奏臺灣等三縣相距遼遠又隔重洋防汛額兵未免單薄伏請添兵 上諭大學士等福建總督巡撫提督俱奏請臺灣添兵朕意添兵無用也臺灣地方水師營著副將一員兵二千名陸路營著副將一員兵二千名駐紮水師有事陸路可以照應陸路有事水師可以照應其臺灣總兵官移於澎湖亦著兵二千名駐紮令其管轄俾有裨益至駐紮之兵不可令臺灣人頂補俱將內地之人頂補兵之妻孥毋令帶往三年一換每年自京派出御史一員前往臺灣巡查此御史往來行走彼處一切信息可得速聞凡有應條奏事宜亦可條奏而彼處東華錄 康熙一百八 九

之人皆知畏懼至地方事務御史不必管理也將此旨傳示九卿○癸亥諭大學士等盛京戶部侍郎缺著戶部理事官保德升補盛京理事官事甚簡少嗣後俱不必再行補授○議政大臣議覆四川陝西總督年羹堯奏郭羅克各寨有隘口三處俱屬險峻利用步卒不宜騎兵若多調官兵恐口外傳聞使賊得潛為準備不如以番攻番量遣官兵帶領較為便易臣向知郭羅克附近之地如雜谷等處土司土目亦皆恨其肆惡願出兵助剿臣自陛辭回任即與提臣岳鍾琪商議遣官約會雜谷土司等據稱宜及時進剿恐冬天雨雪凍阻難行適據額駙阿寶移文奉旨命臣與岳鍾琪酌量進剿事宜臣遵即移咨提臣令速赴松潘選領鎮兵出口並督率土兵前進其西甯滿洲兵及青海蒙古等兵不必再行調遣應如所奏從之○甲子以湖廣布政使阿林為太僕寺卿○奉

差閱視河工原任知府陳鵬年奏河臣趙世顯委臣勘明河南武陟縣釘船幫決口臣查看黃河老隄衝開八九里見今大溜直趨決口者約五六分老河內止存四五分急應堵築臣愚以為對岸上流之廣武山下淤灘上另開引河一道使溜南趨再於決口稍東逢灣取直開一引河止長三里餘引溜東行仍歸正河方可漸次堵築得旨朕每留心河務黃河衝決之處一經奏聞即指示繪圖諭總河趙世顯派出熟練河務官員多備物料工役遣副都御史牛鈕等將堵築事宜詳晰指示其修補山東運河已交與尚書張鵬副等今覽陳鵬年所奏皆與朕前所頒諭旨相同該部知道○丙寅賑臺灣風災○議政大臣等議覆撫遠大將軍允禩奏賊厄魯特侵犯吐魯番為我兵所敗鼠竄而去來年不可不大舉進剿盡行剪滅但事關重大請容臣輕裝赴京恭請訓旨應如所請東華錄 康熙一百八 十

得旨大將軍允禩令其來京將印交與平郡王訥爾素此際若策妄阿喇布坦所屬有自相離潰率眾來歸者則大將軍停止來京可速赴肅州將軍祁里德亦令來京將印交與都統圖拉將軍傳爾丹軍前之前鋒統領丁壽護軍統領覺羅圖拉亦令將伊等事務交明來京將軍富甯安亦令於軍中派一可託大臣來京俱於年內到京以便指示來年大舉進剿方畧○辛未諭大學士等原任大學士熊賜履居官清正學問優贍朕每念舊勞不忘於心其長子素有風疾其孫亦故所存幼子二人朕每諭織造李煦曹頌周恤其家今其二子來京觀其氣質尚可讀書熊賜履屢為試官所取門生不下千人身後竟無一顧恤其家者朕於故舊大臣身歿之後不時存問蓋共事日久不忍忘懷待滿漢臣工皆然朕天性如此也當熊賜履居官時政事言論有不當者朕未嘗不加訓

傍卽凡大臣皆然及已去位身故則但念其好處如李壽王熙之孫勵杜訥之子俱見爲京職身居大位見在大學士王頊齡之子王國炳亦在內廷行走沈荃之子沈敬宗爲人參劾朕念伊父存日勤勞姑畱其職杜立德張玉書之家時時問其子孫如何至於讀書學問之事必思及李光地其子弟亦見爲官職此皆爾等所知也今熊賜履二子家甚清寒爾等亦應共相扶助令其讀書俾有成就○以盧詢署甘肅巡撫由光祿寺卿遷○丙子賜林德鏞等一百十人武進士及第出身有差○丙戌諭兵部施世驃效力年久勞績懋著沿海水師營務極爲諳練簡任提督整飭營伍實心盡職當臺灣海寇竊發卽調遣官兵親渡海洋屢次大敗賊眾七日內克復臺灣擒獲賊首朱一貴等俾地方甯謐克奏膚功殊屬可嘉海疆要地正資料理忽聞將星隕落臺灣朕心實爲悼念著給還東華錄 康熙一百八 十一

所降之級其加宮保賜卹之處著察例具奏伊所借藩庫銀一萬兩著賞給不必償還將伊安葬福建之處著照伊所請行此諭著徧諭督撫提鎮○免福建臺灣等三縣風災額賦有差

十一月辛卯諭吏部總河趙世顯見在河南著卽從河南來京其總河印務著陳鵬年署理○壬辰諭大學士等原任總督額倫特侍衛色楞副都統查禮渾皆陣亡伊等世職俱著承襲又陣亡提督康泰總兵官康海司九卿俱著議敘伊等有世職亦著承襲西安佐領扎木素漢仗好在軍中頗出力索倫之藍翎扎倫察漢仗好交戰時頗猛勇射死數賊身受重傷自盡俱著交部議敘○癸巳四川陝西總督年羹堯奏參革西安府知府徐容鳳翔府知府甘文煊虧空銀米一案據布政使塔林等詳稱徐容甘文煊供前任總督鄂海昂寶朱性本陳子和及原任布政使薩木哈慕寶嚴

堂等通同作弊以致虧空請 皇上遣大臣一員赴陝與臣會同研審得旨著朱軾前往會同總督年羹堯審明具奏○辛丑左都御史黨阿賴以疾乞休允之○己酉 上幸南苑○癸丑撫遠大將軍允禩至南苑陛見○是月免浙江錢塘衢嚴等二十五縣所旱災額賦有差

十二月乙丑吏部尙書張鵬翮等奏臣等遵旨由山東張秋循流而上一一查看黃河決口在武陟縣之釘船幫支河口由此衝入詹家店之魏家莊及馬營口今副都御史牛鈕會同河南巡撫楊宗義於支河口築攔水壩魏家莊已經堵塞馬營口之消落指日成功其引沁入運之處臣等至武陟縣相度地勢西北高而東南下沁隄內地較沁河涯低有一丈從此而東則地形愈低若引水從高直下恐牽動全沁灌入內地而黃河隨其後亦未可定山東東華錄 康熙一百八 十一

運道其在張秋一帶則有沙河等水分龍王廟一帶則有南旺等湖濟甯一帶則有馬場等湖又有諸山之泉本可濟運止因湖隄殘缺民間竊種湖旁之地未曾蓄水而諸泉壅塞又未盡疏以致漕艘時患淺阻臣已將各湖築隄蓄水及疏濬泉源之處交與山東巡撫李樹德料理則運道自可通利得旨前因運河水小引沁入運或有裨益是以下旨令張鵬翮等回奏甚屬明晰卽令照伊所奏不得稍有更改○丁卯命截留浙江漕米二十萬石分貯杭州各府備賑○辛未吏部刑部奏吏部尙書張鵬翮等察審河工效力革職筆帖式聶大煊叩關控告河道總督趙世顯侵欺歲修帑金及縱容家人受賄各款雖屬虛誣但趙世顯將丁憂未滿之張秋通判張鎬委署天津同知又於康熙五十四年將聶大煊委署海防同知續經總漕施世綸因聶大煊有玷官箴勒令卸事

乃趙世顯於康熙五十八年復委署印明係徇庇趙世顯應於此
 二案內每案降二級調用張秋通判張鎬應於補官日降三級聶
 大煊又有侵吞蘆課入己一事不便照誣告律治罪應將聶大煊
 解部質審從重治罪從之○工部議覆副都御史牛鈕等奏沁黃
 兩河交匯之處至詹家店共十八里原無隄工遇沁黃兩河之水
 齊發水勢彼此相激大溜退回每於此處泛溢且河岸高不過三
 尺兩河之水相激以致河底漸長河岸卑矮應自沁河隄岸接至
 蔡澤縣之大隄建築遙隄以護禦沁黃兩河之水方無退回之虞
 得旨依議速行○壬申四川提督岳鍾琪奏勦撫郭羅克番人俱
 已平定得旨據岳鍾琪奏番賊伏兵千餘突出對敵被我土兵連
 敗數陣逃奔過河復攻取下郭羅克之吉宜卡等二十一寨殺死
 賊番甚多連夜進兵直抵中郭羅克之納務等寨賊番猶復對敵

東華錄 康熙一百八 十三

我兵奮不顧身自卯至酉連克一十九寨斬殺三百餘級擒獲賊
 首酸他爾蚌索布六戈復親督官兵抵上郭羅克之押六等寨正
 欲攻取該寨頭目旦增等將首惡假磕並為從格羅羅等二十二名
 綁縛獻出率領闔寨男婦老幼叩頭求饒止將為從賊番盡行正
 法首惡酸他爾蚌索布六戈假磕解送等語殊屬可嘉著議敘具
 奏○丙子蘇克濟丁母憂解任以德晉著山西巡撫由內閣○丁
 丑 上還暢春園○轉陳元龍為禮部尚書由內閣○丁
 御史由都察院張大有為左副都御史由大理寺○以朱綱為河南按察
 使由直隸○癸未 上還宮○遣總督鄂海按察使永泰往吐魯
 番屯田○是月免浙江安吉於潛等十一州縣旱災額賦有差○
 是歲朝鮮安南琉球來貢○人丁戶口二千九百一十四萬八千
 三百五十九又永不加賦滋生人丁四十六萬七千八百五十四

地山蕩畦地七百三十五萬六千四百五十頃五十九畝有奇徵
 銀二千八百七十九萬七百五十二兩有奇米豆麥六百九十萬
 二千三百五十三石有奇草四百八十六萬四千四十九束茶五
 十九萬五千五百七十引行鹽五百一十一萬四千五百四十引
 徵課銀三百七十七萬二千三百六十三兩有奇鑄錢四萬三千
 七百三十二萬五千八百有奇

東華錄 康熙一百八 十四

臣王先謙敬編

臣周潤蕃恭校

康熙六十一年壬寅春正月戊子召八旗滿洲漢軍文武大臣官員及致仕退斥人員年六十五以上者六百八十人宴於乾清宮前命諸王貝勒貝子公及閒散宗室等授爵勅飲分頒食品○辛卯召漢文武大臣官員及致仕退斥人員年六十五以上者三百四十人宴於乾清宮前命諸王貝勒貝子公及閒散宗室等授爵勅飲分頒食品如前禮御製七言律詩一首命與宴滿漢文武大臣官員各作詩以紀其盛名曰干宴宴詩○庚子諭議政王大臣等策妄阿喇布坦之兵屢被我師擊敗死傷頗多策零敦多卜等賊眾亦大半死亡棄藏逃奔仍退回伊里地方固守三嶺

東華錄 康熙一百九

若我滿洲兵至則捨命交戰勢有不敵又思逃避他所希圖存活此等情形瞭然可睹朕數日來細加尋繹伊里山蹊險隘我天朝大兵雖欲今年進剿儻為山嶺阻隔遲延時日或策妄阿喇布坦戰敗帶領妻子逃遁則我師應否追剿不可不詳加定議今策妄阿喇布坦之伎倆悉已深知即策妄阿喇布坦亦稔知天朝兵威所加勢必不能自存但此時遠遣使往策妄阿喇布坦處招撫彼不知我寬仁之意反以為我兵不能取彼復生他心亦未可定爾等可議寫發往策妄阿喇布坦之書著澤卜尊丹巴胡土克圖選派好喇嘛為使作速差往其差往之人過阿濟嶺由土魯番一路前往不久可到彼處信息情形亦即得聞知如胡土克圖之使善為曉諭策妄阿喇布坦畏懼天討將拉藏妻子家屬並從前被擄之人送來請罪誠心投順永不敢侵犯邊隅如此可另行商酌儻

策妄阿喇布坦已死或伊處內變生亂除向天朝投誠外彼將馬往則我兵進發亦不可緩即一面進兵一面差使亦可今各路兵丁或向伊里前進或在吐魯番固守漸近烏魯木齊等處駐紮營寨相機而行或幾路往前襲擊以及大兵糧餉作何運到之處著議政大臣軍前調回將軍大臣會同覈議妥確具奏尋議上諭周詳深遠令澤卜尊丹巴胡土克圖差人向策妄阿喇布坦處說撫且可得彼處形勢確信謹將交與胡土克圖發往策妄阿喇布坦之書繕寫呈覽後令胡土克圖派好喇嘛齋往彼果誠心歸順即報明駐紮土魯番協理將軍阿喇納相機行事至於大兵向伊里前進事關重大未敢懸議似宜暫行停止其在土魯番駐兵固守或進烏魯木齊等處樹立營寨應行令將軍富爾安阿喇納等遵行外並將放牧牲口耕種地畝修造城池處所及巡防汛界接

東華錄 康熙一百九

運糧餉之事一併詳加覈議具奏但自吐魯番往哈拉沙爾地方共有兩路或係沙漠水少之地或係山巒險隘之區若前進襲擊所需兵丁幾何糧餉作何接運亦令富爾安阿喇納等查明定議具奏見今巴爾庫爾所有綠旗官兵五千名應令發往吐魯番築城種地駐防此五千兵即整理起程其一應軍需農器交與將軍富爾安總督年羹堯巡撫綽奇辦理發往得旨依議其向伊里進兵之事議令暫停俟有機會行事此議甚是其綠旗步兵五千名議令發往吐魯番亦甚是巴爾庫爾距吐魯番不遠催趨行走六七日可到但綠旗兵丁每二人共馱馬一匹所馱乾糧俱於此馬馱載若有倒斃勢必用他馬分馱惟恐負重以致馬匹多損漢人不能喂養馬匹著將此綠旗兵丁乾糧俱於官馬馱載另分隊伍派人管轄轉送再交與澤卜尊丹巴胡土克圖發往策妄阿喇布

坦之書詞句稍繁俟朕刪改發往○乙巳以李先復為工部尚書由兵部左侍郎遷○戊申 上巡幸畿甸啟鑿

二月己未直隸總督趙宏燮奏正月二十三日長垣縣常村集隄外有濁水從西北而來高二三尺不等臣隨飛飭大名道帶領河官加意防護外並委員星速前往查看發水源頭報聞○命副都御史牛鈕視長垣決河○轉特古忒為理藩院左侍郎以常投為理藩院右侍郎由領外侍郎遷○癸亥工部議覆河南巡撫楊宗義奏武陟縣所築釘船幫大壩南岸尾隄原在新淤灘上正月初六日被水衝陷臣隨赴工所查勘即於尾隄勸築月隄乃積凌隨瀆湧激南岸尾隄塌斷二十餘丈漫溢新築月隄加以雪消水漲十七日驟至李先鋒莊壩下由淤灘漫過十八口水凌排山而下直趨馬營口頃刻水與隄平至壩十餘丈見在帶領河官晝夜補築等語

東華錄 康熙一百九

三

見令該撫親督道府及河官不分晝夜補築堅固剋期完工得旨依議速行○乙丑以蔡珽為翰林院掌院學士兼禮部侍郎由少詹事遷○庚午諭大學士等署理雲貴總督事務提督張文煥著來京陛見總督事務著廣西巡撫高其倬馳驛速往署理○甲戌署河道總督陳鵬年奏河南武陟縣釘船幫及馬營口隄工俱經副都御史牛鈕等修築告竣奏報在案臣在清江浦飭催河南各處工程今據河南河道呈稱冰消水長黃河大溜泛溢將釘船幫南壩子隄及馬營口隄工塌陷臣於二月初十日親赴河南會同巡撫楊宗義查勘情形設法堵築下部知之○丙子 上還京師○庚辰朝鮮國王李昫奏臣不幸自幼多病氣甚痿弱嗣續絕望臣弟延成君李吟聰明孝友年又長成臣既無子請將李吟錫以世弟之號以續宗祧得旨該王以本身甚弱懇請將伊弟李吟封為世

弟著照所請○乙酉命禮部祈雨○左都御史朱軾乞假葬父省母允之○以孔毓珩為廣西巡撫由四川布政使遷

三月丙戌朔轉王度昭為兵部左侍郎以張大有為兵部右侍郎由左副都御史遷○乙未諭大學士都統副都統等前因兵丁蕃庶住房不敷朕特降諭旨多發庫帑於八旗教場蓋設房屋令伊等居住近看八旗兵丁愈多住房更覺難容朕因思鄭家莊已蓋設王府及兵丁住房欲阿哥一人往往今著八旗每佐領下派出一人令往駐防此所派滿洲兵丁編為八佐領漢軍編為二佐領朕往來此處即著伊等看守當差著八旗統領會同佐領等派往○丁酉以戴鐸為四川布政使由廣西按察使遷○己亥以金應璧為左副都御史由奉天府尹遷○戊申雨○庚戌工部議覆直隸總督趙宏燮奏長垣縣之王家隄口因豫省黃河復發衝開新隄經臣飭令速行堵

東華錄 康熙一百九

四

築今甄家莊新堤已補築堅固惟康家道口一帶老隄又經衝開十餘丈流注東明當下大埽以堵決處俟上流水勢稍定即與王家隄口一併修築應行該督嚴飭該管道道府河官速行辦理從之○壬子諭大學士九卿等用人行政朝廷之大權也文官銓選掌之吏部武官遷除掌之兵部吏部論班論俸兵部論俸論銜從來定例也其武官歷三年加銜調補之例甚善近來督撫提鎮題補太多始不過州縣官干把總之類今則司道副參亦皆題補矣值此用兵之際姑且行之此習若久大有關係且伊等題補官員內朕不知者甚多補用後即皆稱為奉旨補授之員諸臣皆讀書之人何可不慮及此所有在京大小職官皆朕所選用賢否易知若外省保奏之官非朕所素知豈能一一定其優劣乎爾等會同詳議具奏

夏四月庚申封翁牛特一等台吉鄂器爾為輔國公○辛酉禮部遵旨會議自伏義氏以逮有明應入廟崇祀帝王及從祀功臣詳開一摺偏據一方不入正統及不應崇祀者詳開一摺具疏陳奏上諭大學士等此所議應從祀處皆是但其中尚有宜詳細斟酌者從前所定從祀功臣大概開國元勳居多如明之徐達不過草莽武夫劉基係元之進士遭遇成功遂以元勳配享耳其有治安之世輔佐太平有功軍國者反不得與配享之列是皆未為允當也又如有明天下皆壞於萬曆泰昌天啟三朝愍帝即位未嘗不勵精圖治而所值事勢無可如何明之亡非愍帝之咎也朕年少時曾見故明舊甚多於明末事最切野史所載俱不足信愍帝不應與亡國之君並論萬曆泰昌天啟實不應入崇祀之內爾等會同九卿將此詳細分別確議具奏○癸亥以李繼謨為廣西東華錄 康熙一百九 五

按察使由直隸通 朝鮮國王李昫弟李吟為世弟○丁卯 上巡幸塞外啟鑿○己巳命撫遠大將軍允禩復往軍前○辛巳 上駐蹕熱河○暹羅國王森烈拍照廣拍噶陸坤司由提呀菩埃遣使進貢○癸未福州駐防兵譁將軍黃秉鉞不能輯 上命奪秉鉞職誅為首者五月壬辰禮部尚書賴都以揀選讀祝官不加詳慎降五級調用○漕運總督施世綸以病乞休得旨施世綸著在任調理辦事催趙漕船著侍郎張大有詹事顧爾泰去○戊戌施世綸卒以張大有署漕運總督○辛丑封青海故多羅貝勒罔楚克阿拉卜坦弟達錫策零為固山貝子

六月己未諭大學士等去歲黃河泛溢流至直隸山東等處朕念民生迺道關繫綦重特遣牛鈕齊蘇勒馬泰前往親為指示於年

東華錄 康熙一〇九

前俱已修完將見成完竣之工交與楊宗義楊宗義聽信上游居住小人無稽之言視為甚易延至數月不豫為幫築加謹看守以致衝決朕屢下嚴旨著令於雨水之前務必催修完竣若遇水大時便難堵築今竟至於此此河關數省之民生往來之糧艘朕日夜憂思望堵築完工之信楊宗義漫不經心既不多備料又不在工所監修但以銷算錢糧為辭多方託故躲避今值雨水甚大之際以致修築將成之壩工又被衝決此工程關繫緊要著九卿詹事科道會同速議具奏○壬戌諭大學士等盛京地方屢歲豐收米穀價值甚賤民間或致濫費著令盛京米糧不必禁糶聽其由海運販買可傳諭盛京將軍府尹知之又諭暹羅國人言其地米甚饒裕價值亦賤二三錢即可買稻米一石朕諭以爾等米既甚多可將米三十萬石分運至福建廣東甯波等處販賣彼若果能運至於地方甚有裨益此三十萬石係官運不必收稅○乙丑卹進藏陣亡查掄插達爾第喀奔祿吳勒並予世職有差○丙寅命趙宏燮察賑長垣等縣田廬被水者○辛未浙江巡撫屠沂以病乞休允之○命截留漕糧二十萬石分貯於天津霸州等處備荒○丙子諭大學士等直隸總督趙宏燮病故地方緊要著刑部郎中趙之垣加都察院右僉都御史銜署理直隸巡撫事務○辛巳調呂猶龍為浙江巡撫以石文焯署福建巡撫○是月免安徽休甯等十二州縣衛上年旱災額賦有差

六六九

東華錄

康熙一百十

臣王先謙敬編

臣周瀚蕃恭校

秋七月丁酉征西將軍祁里德奏屯田於烏蘭古木請益兵防守

上命都統圖拉率兵赴之○己亥子故漕運總督施世綸祭葬

○壬寅議政大臣等議覆四川陝西總督年羹堯奏據西茂駐紮

之喇嘛楚爾齊木賊布及西藏辦事之知府石如金等呈稱在藏

官兵不睦因公策旺諾爾布軟弱副都統常齡侍讀學士滿都員

外郎巴特麻等任意生事除將原文緘封呈覽外若大兵不可即

撤應令滿都巴特麻自備行糧由西甯口外撤回若大兵撤回應

將官員留藏偵探信息沿途仍安設驛站遞送公文並於又木多

設兵聲援以安達賴喇嘛等眾查西藏被賊擾害蒙 聖主獨斷

東華錄 康熙一百十

發兵往剿今藏地已定土伯特唐古特俱得拯救留兵防守乃年

羹堯聽信喇嘛及知府微員捏造之語阻撓毀謗將軍大臣官員

擅奏撤兵冒昧已極應將年羹堯嚴加議處得旨侍讀學士滿都

員外郎巴特麻與知府石如金喇嘛楚爾齊木賊布著由西甯一

路前來滿都員缺著署理西安布政使塔琳往藏跟隨將軍印務

效力其在藏駐紮之四川綠旗兵丁恐其生事著署理巡撫事務

色爾圖進藏管轄在彼駐紮色爾圖塔琳著年羹堯速行文令其

馳驛前往四川巡撫員缺朕另行補授至西安布政使事務著年

羹堯舉伊所知之人令其署理員外郎巴特麻員缺行文大將軍

將彼處章京撥派一員即令速行進藏與公策旺諾爾布一同辦

事○乙巳 御書協順靈川額懸尖山江海潮神廟○戊申以蔡

珽為四川巡撫由翰林院學士遷○子故直隸總督趙宏燮祭葬諡肅

敏○是月免甘肅固原州衛旱災額賦有差

八月丙辰 上行圍發熱河○丙寅停本年秋決○刑部奏已故

福建革職提督藍理貪虐案內應追銀兩甚多今該督撫奏稱變

賣藍理家產止得銀三萬八千二百餘兩明係隱匿應令地方官

嚴追得旨藍理出征效力之處甚多又在阿爾泰軍前效力回來

身故其家產著照督撫等察估完結其別項俱從寬免追藍理從

前會治罪入旗著將伊妻子俱放歸原籍○己卯 上駐蹕汗特

木爾達巴漢昂阿賜來朝外藩銀幣鞍馬及隨圍蒙古官兵銀布

○禮部奏正紅旗蒙古都統晏布在出兵處病故請照例給予祭

葬得旨晏布一介武夫朕擢用至都統往巴爾庫爾軍前並未效

力捏稱馬無牧廠幾誤軍機大事將伊都統並本身效力所得之

官俱著革退○庚辰諭大學士等據署理甘肅巡撫盧詢奏六七

東華錄 康熙一百十

月連次得雨又復概稱甘肅所屬地氣寒涼見今夏麥正在收穫

有五六分者有七八九分者米價尚未能平朕臨御寰區殷殷以

生民為念凡各省人至必詳詢雨澤及收穫分數今年聞甘肅肅

州田禾甚佳年羹堯摺奏朕已洞悉且雨澤雖數百里之內尚有

不同況甘肅肅州所屬地方遼闊有數千里乎盧詢並不詳察聽

信浮言以奏摺斷不發出將闔屬地方一概草率具奏盧詢於地

方事務漫不經心奏朕之事不加謹慎妄行陳奏甚屬狂妄浮躁

不堪殊玷署理之職著嚴飭行如再冒昧陳奏著拏解交送刑部

○是月免浙江蘭溪等五縣旱災額賦有差

九月甲申 上還熱河○乙酉諭議政王大臣等從前曾有以朕

每年出口行圍勞苦軍士條奏者不知國家承平雖久豈可遂忘

武備前噶爾丹攻破喀爾喀並侵擾我內地扎薩克至烏蘭布通

朕親統大兵征討噶爾丹敗走後又侵犯克魯倫朕統兵三路並進至昭莫多剿滅之今策妄阿喇布坦無端侵犯哈密地方朕徵發阿爾泰及巴爾庫爾兩路兵進剿策妄阿喇布坦聞之心膽俱碎乃遣策零敦多卜等潛往西藏劫掠毀壞寺廟土伯特地方已被殘盡朕又遣大兵前往擊敗策零敦多卜等復取西藏救土伯特於水火之中我兵直抵西藏立功絕域此皆因朕平時不忘武備勤於訓練之所致也若聽信從前條奏之言憚於勞苦不加訓練又何能遠至萬里之外而滅賊立功乎爾等諸臣咸宜知之○戊子諭扈從大學士尚書侍郎學士等據陝西巡撫噶什圖奏稱陝西虧空甚多若止於參革官員名下追補究竟不能速完查秦省州縣火耗每兩有加二三錢者有加四五錢者臣與督臣商議量留本官用度外其餘俱捐補合省虧空如此則虧空即可全完

東華錄

康熙一百十

三

等語朕謂此事大有關繫斷不可行定例私派之罪甚重火耗一項特以州縣官用度不敷故於正項之外量加些微原是私事朕曾諭陳瓚云加一火耗似尚可寬容陳瓚奏云此乃 聖恩寬大但不可明諭許其加添朕思其言深為有理今陝西參出虧空甚多不得已而為此舉彼雖密奏朕若批發竟視為奏准之事加派之名朕豈受乎特諭爾等滿漢諸臣共知之○甲午諭扈從大臣等總督年羹堯將虧空錢糧各官奏參革職其虧空錢糧至今不能賠補今又因辦理軍需陝西巡撫噶什圖總督年羹堯會商將民間火耗加徵墊補等情奏請第民間火耗止可議減豈可加增朕在位六十一年從未加徵民間火耗今安可照伊等所奏加增乎且虧空錢糧之數雖多見今未有實在墊補之處由此觀之西安庫內未必有存貯銀兩今值此軍機需用之際而伊等以有虧

空延捱不敢奏請或致有誤緊要軍需亦未可定著交議政大臣會議將戶部庫銀撥送西安即彼處庫內有銀亦令收貯如庫內無銀軍機需用之處一面動用一面奏聞○戊戌 上回鑾○甲辰 御書學道還瀆額懸蘇州紫陽書院○丁未 上駐蹕密雲縣閱視河隄○庚戌 上還京師

冬十月甲寅諭領侍衛內大臣侍衛等入旗都統前鋒統領護軍統領副都統參領等大學士九卿詹事科道直隸巡撫守道等朕臨御天下六十餘載年至古稀 太祖高皇帝時大臣官員幼時及見三分之一 太宗文皇帝時大臣官員猶見其半 世祖章皇帝時大臣官員俱會全見明萬曆泰昌天啟崇禎時大臣官員及舊太監亦會有及見者朕凡事留心詢問故於前朝諸事知之甚悉御極以來常思事多變易皆難豫定惟寬平公正因時制宜

東華錄

康熙一百十

四

一切未嘗豫執己見孔子云寬則得眾信則人任焉朕宵旰憂勤無刻不以民生為念凡政事利弊必推求其故近見天下錢糧各省皆有虧空陝西尤甚其所以致此者皆有根源蓋自用兵以來大兵經行之處督撫及地方官惟期過伊地方便可畢事因資助馬匹盤費衣服食物甚多倉卒開無可設法勢必那用庫帑及撤兵時又給各兵丁馬匹銀兩即如自藏回來之將軍以及兵丁沿途所得反多於正項是以各官費用動輒萬金入但知取用而已此等銀兩出自何項並無一人問及也官之虧空錢糧者俱已奏參離任其虧空銀兩追比不能即得新任官又不代完此項銀兩終無著落故用兵之地歷年錢糧奏銷朕悉從寬緩正為此也前蕩平三逆原任湖廣布政使徐惺所用兵餉至四十餘年尚不能清完朕念皆係軍需那用將未完銀兩俱從寬免蓋寬緩則州縣

力舒上可不誤國帑下可不病民力去年陝西督撫奏參虧空各官奏請將此虧空銀兩追出以充兵餉後追比不得伊等無可奈何巡撫噶什圖密奏欲加通省火耗以完虧空此摺朕若批發便謂朕令加徵若不批發又謂此事已會奏明竟自私派定例私派之罪尤重火耗一項特以州縣官供應甚多故於正項之外畧加些微以助常俸所不足原屬私事若公然如其所請聽其加派則必致與正項一例催徵將肆無忌憚矣所以將噶什圖奏摺申飭發出第陝西督撫既不能追比虧空又不敢請撥錢糧僅有緊要軍機焉能不致遲誤朕因交與議政大臣動戶部庫帑解送矣又如賑濟一事自應於夏麥無收之後散賑方於百姓有益今各省每於三四月間或遇有冰雹或雨澤愆期即借此以為青黃不接具奏請賑冒銷倉穀及五六月時民間乏食而倉中已顆粒無存

東華錄 康熙一百一十五

矣且今年陝省地震因言倉糧朽爛奏請蠲免夫地震何至糧朽此皆州縣官借端開銷耳今各省雖有虧空而陝省尤屬緊要特傳集爾等面諭其噶什圖所奏虧空錢糧一摺交與九卿詹事科道確議具奏○辛酉諭議政大臣等倉糧關繫甚要放米時理應一廩放畢再放一廩今聞此廩米石支領方半又向別廩支領所贖米少而所占之廩甚多又支領白米時諸王公主等屬下之人不按應放之廩領米而揀廩霸占支領者有之此等斷然不可理應按廩支領如廩內餘米一半者即是弊端應將此徹底清查若遺他人亦未能辦著和碩雍親王帶領宏昇延信孫渣齊隆科多查彌納吳爾台前往會同張大有查勘再從前倉內每日進廩之米至四萬石進米多則於回空糧船有益至於米色之變不在收貯即如昭五達地方所貯米石歷四十年米色照常並未霉爛今

倉廩有損漏者著即修理廩座如不敷用著即添造○甲子以納齊喀為山西布政使由郎○戊辰以左都御史安齡為杭州將軍○庚午 和碩雍親王奏臣等遵旨查勘通州西中南三倉共三百七十六廩除支放已空者七廩外其餘各廩所貯之米及露囤米四百六十一圍通共米五百一十三萬九千石有奇內未經支放好米二百七十六廩已經支放尚有餘贖米一半者四十八廩又變色之米得半者四十五廩因此變色之米占留廩內致新米不得歸廩而多入露囤被雨蒸潮易致霉爛請遣部院大臣一員同倉場總督張伯行先將此變色之米照減價例悉行糶賣則所占之廩既空而露囤之新米亦得歸入廩內至於放米領米之例誠不可不定嗣後諸王以下領米時務各按廩支領俟此廩既空再放別廩儻仍前揀廩占領遺贖半廩者該監督即報倉場總督

東華錄 康熙一百一十六

奏參將領米官員交部嚴加議處放此米時每旗派參領一員監視約束如該監督不將好米給與而攙雜變色之米勒令支領亦許領米官員呈告倉場總督將該監督奏參交部嚴加議處查定例支領米石限兩月領完若有無故延挨踰限者即停止給與如係該監督勒指遲延亦即將該監督奏參議處又據倉場總督阿錫胤張伯行云舊監督任內之米或米色霉變額數有虧新監督勢難接受若勒令接受則彼此互虧愈難究結是以將此等虧額之舊監督奏參仍令伊等留倉監放俟完日查明追賠治罪等語查康熙五十一年以前虧額留倉之舊監督穆欽等任內米石亦尚有餘贖半廩者應令新監督分別米色呈驗倉場總督其未經變色者歸併一色好米廩內以便支放其已經霉變七成以下者遷貯露囤即行糶賣並行文直隸巡撫派各屬州縣設法運去俟

來春糶賣於民間大有裨益此外又有抵給倉役工價之米堆積
廠外霉爛成灰原不在數內恐有不肖之徒將此攪雜充數鋪墊
廠底亦未可定請給與耕種之民聽其量力運去以肥田畝有益
若其中尚有成色之米仍行減價糶賣如此則倉無混占之廠地
無委棄之粟矣再查米色之剪變多由廠舍之損漏邇州各倉應
大修者五十廠應小修者一百三十二廠又三倉舊制各有一百
八十八廠若將新舊之米並貯似屬不敷應於各倉空地添造十
二廠以足二百之數請交與工部確估修理添造再查通倉惟支
放俸米所用少而存貯日久陳陳相因京倉米石所用甚多不若
於京師城垣下另建一倉收貯便於支放亦請交工部相度處所
確估建造至於糧艘到後按時將米催卸入倉每日可進五萬七
千六百石之數已嚴飭倉場坐糧廳等照此催卸自不致貽誤回

東華錄

康熙一百一

七

空糧艘矣得旨依議○辛未以查弼納為江南江西總督由兵部
○癸酉 上幸南苑行圍○以李樹德為福州將軍謝賜履為
山東巡撫由候補按察使○以黃國材為福建巡撫由鴻臚寺卿李馥為浙
江巡撫由安徽布政使○丁丑以阿克敦為兵部右侍郎由內閣學士○戊
寅大學士九卿詹事科道等以來年恭遇 萬壽七旬大慶請行
慶賀典禮 上諭大學士等覽所奏皆過於實事朕以沖齡卽位
賴 世祖章皇帝定鼎以來深仁厚澤建不拔之業至今八十年
四海昇平有自來矣朕自幼讀書每覽前代帝王忿懣憂患累其
內幾務紛紜勞其外年歲不久景祚不長者未嘗不拊髀長歎朕
涼德亦不過如此幸得麻逾花甲年登古稀鬢眉皓白總理萬幾
當此之際翼翼小心惟恐善後之策不能豫料保泰圖安夙夜冰
兢況今西陲用兵士卒暴露轉運罷做民生乏食物價騰貴正宜

東華錄 康熙一一〇

君臣同寅協恭又安萬姓永致太平自古慶賀多者後人不取況
亦何益乎朕御極六十餘年元旦之外未嘗受賀惟六十壽時三
月十八日進表行禮今卿等所請無庸多議

十一月乙酉以石文焯為安徽布政使由江西按察使趙宏運為湖北

按察使由湖廣岳州○丁亥 和碩雍親王奏查勘京城海運八倉

清河本裕一倉通共五百六十二廠又有院內露囤共十五圍此

內秋季支放已空者五十一廠見在滿貯未經支放者二百五十

九廠支放餘積一半者一百三十六廠俱屬好米共三百六十九

萬六千八百石有奇其變色之米七成亦已經支放餘積一半者

八十五廠並露囤之米共七十萬二千九百石有奇變色不等應

分別糶賣支放三十一廠並露囤之米共二十四萬九千一百石

有奇應將此米交該監督查造清冊報倉場總督驗明應糶賣者

東華錄

康熙一百一

八

糶賣應支放者支放其變色之米七成以下亦報倉場總督驗明
照通倉例糶賣如兵丁願代小米支放者准其支領若餘積半廠
之好米悉令歸併同色廠內則一轉運閒空廠不少可以悉貯新
米矣至京倉之米應給上三旗包衣佐領五旗王等包衣佐領及
八旗兵丁執事人等其放米領米之時亦令各旗派官一員監視
務令按廠支領嚴禁揀廠越占放此米時亦定限於兩月領完逾
限者停其給與該監督若將變色之米攪雜充數及有勒指遲延
等情各報倉場總督奏參嚴加治罪餘悉照通倉例一體遵行若
抵給倉役工價之米霉成灰者亦聽耕種之人領取運出內有成
色之米亦仍收貯糶賣又查本裕倉內每年例派進米二十萬石
按季支放俸糧止於十三萬石歷久餘積囤積廠舍不敷另貯露
囤致有霉變嗣後請令倉場總督停止例派之數酌有空廠可貯

六七三

然後運貯再查各倉修理損漏之處應大修者三十八廠小修者一百八十四廠應交工部速行確估修理查各倉應行增建之數海運等八倉俱有隙地可增建四十二廠太平倉迤南沿河一帶可增建二十五廠至於朝陽門至東直門另建一倉前曾奏請今經詳閱地勢可增建四十二廠亦應一併交工部速行確估建造得旨該部議奏又奏倉糧關繫甚要收貯之責全在監督米色攸殊即監督優劣所定也查原任監督穆欽彭象晉吳爾賽文桂王鳳孫卓洛郭疏麟謝載秩顏伯王國治達蘭泰各員任內收貯米石疏忽致多霉爛額數有虧遲延交代俱經該總督奏參應交與新任監督作速清查如尚有餘賸之米在廠該總督驗明米色速行支放糶賣俟完日照虧欠之數著落伊等家產賠補本身交部嚴加議處其原任監督張坦麟索柱張嵩年圖密善金南瑛等任

東華錄 康熙一百一十 九

內米石加謹收貯交代明白而索柱張嵩年及見在之新任監督禪齋布張登傑復捐貲修理廠舍應請交吏部議敘至於見任監督景古爾岱呂文櫻弼錫納陳守創吳隆元佛海劉公津哲爾金高輝等任內米石額數既足收貯亦謹俟伊等任滿交代令倉場總督查明具奏臣等查得米石霉變皆由新舊監督互相推諉不受交代遷延日久所致嗣後應令倉場總督於新舊監督交代之時查看明晰如可接受者即令新監督接受不得推諉遲延貽誤倉糧如米色霉變不可接受者即行聲明參奏將好米交新任監督收管其霉變虧少米石著舊任監督賠補仍交與該部嚴加議處得旨該部議奏○戊子 上不豫自南苑回駐暢春園○己丑 免山西平陽汾州二府澤沁二州所屬州縣衛所康熙六十年分旱災額賦有差○庚寅 上因聖躬不豫十五日 南郊大祀

命 皇四子和碩雍親王恭代 皇四子以 聖躬違和懇求侍奉左右 上諭郊祀 上帝朕躬不能親往特命爾恭代齋戒大典必須誠敬嚴恪爾為朕虔誠展祀可也 皇四子遵旨於齋所致齋

十二月甲子丑刻 上疾大漸命趨召 皇四子於齋所諭令速至 南郊祀典著派公吳爾占恭代寅刻召皇三子誠親王允祉皇七子溥郡王允祐皇八子貝勒允禩皇九子貝子允禔皇十子敦郡王允禛皇十二子貝子允禩皇十三子允禛理藩院尚書隆科多至 御榻前諭曰皇四子人品貴重深肖朕躬必能克承大統著繼朕登基即皇帝位 皇四子聞召馳至已刻趨進寢宮上告以病勢日臻之故是日 皇四子三次進見問 安戊刻上崩於寢宮○遺詔曰從來帝王之治天下未嘗不以敬 天法

東華錄 康熙一百一十 十

祖為首務敬 天法 祖之實在柔遠能邇休養蒼生共四海之利為利一天下之心為心保邦於未危致治於未亂夙夜孜孜寤寐不遑為久遠之國計庶乎近之今朕年居七旬在位六十一年實賴 天地 宗社之默佑非朕涼德之所致也歷觀史冊自黃帝甲子迄今四千三百五十餘年共三百一帝如朕在位之久者甚少朕臨御至二十年時不敢逆料至三十年三十年時不敢逆料至四十年今已六十一年矣尚書洪範所載一曰壽二曰富三曰康甯四曰攸好德五曰考終命五福以考終命列於第五者誠以其難得故也今朕年已登耆富有四海子孫百五十餘人天下安樂朕之福亦云厚矣即或有不虞心亦泰然念自御極以來雖不敢自謂能移風易俗家給人足上擬三代明聖之主而欲致海宇昇平人民樂業孜孜汲汲小心謹慎夙夜不遑未嘗少懈數

十年來殫心竭力有如一曰此豈僅勞苦二字所能該括耶前代帝王或享年不永史論概以爲酒色所致此皆書生好爲譏評雖純全盡美之君亦必抉摘瑕疪今爲前代帝王剖白言之蓋由天下事繁不勝勞憊之所致也諸葛亮曰鞠躬盡瘁死而後已爲人臣者惟諸葛亮能如此耳若帝王仔肩甚重無可旁諉豈臣下所可比擬臣下可仕則仕可止則止年老致政而歸抱子弄孫猶得優游自適爲君者勤劬一生了無休息之日如舜雖稱無爲而治然身歿於蒼梧禹乘四載胼手胝足終於會稽似此皆勤勞政事巡行周歷不遑甯處豈可謂之崇尚無爲清淨自持乎易遷卦六爻未嘗言及人主之事可見人主原無宴息之地可以退藏鞠躬盡瘁誠謂此也自古得天下之正莫如我朝 太祖 太宗初無取天下之心嘗兵及京城諸大臣咸云當取 太宗皇帝曰明東華錄 康熙一百一十一

與我國素非和好今欲取之甚易但念係中國之主不忍取也後流賊李自成攻破京城崇禎自縊臣民相率來迎乃剪滅闖寇入承大統稽查典禮安葬崇禎昔漢高祖係泗上亭長明太祖一皇覺寺僧項羽起兵攻秦而天下卒歸於漢元末陳友諒等蜂起而天下卒歸於明我朝承席 先烈應 天順人撫有區宇以此見亂臣賊子無非爲眞主驅除也凡帝王自有天命應享壽考者不能使之不享壽考應享太平者不能使之不享太平朕自幼讀書於古今道理粗能通曉又年力盛時能彎十五力弓發十三把箭用兵臨戎之事皆所優爲然平生未嘗妄殺一人平定三藩掃清漠北皆出一心運籌戶部帑金非用師賑饑未敢妄費謂此皆小民脂膏故也所有巡狩行宮不施采繪每處所費不過一二萬金較之河工歲費三百餘萬金尙不及百分之一昔梁武帝亦勦業

英雄後至耄年爲侯景所逼遂有臺城之禍隋文帝亦開勦之主不能豫知其子煬帝之惡卒致不克令終皆由辨之不早也朕之子孫百有餘人朕年已七十諸王大臣官員軍民以及蒙古人等無不愛惜朕年邁之人今雖以壽終朕亦愉悅至 太祖皇帝之子禮親王饒餘王之子孫見今俱各安全朕身後爾等若能協心保全朕亦欣然安逝雍親王皇四子人品貴重深肖朕躬必能克承大統著繼朕登基卽皇帝位卽遵典制持服二十七日釋服布告天下咸使聞知○己巳恭上 尊諡曰 合天弘運文武睿哲恭儉寬裕孝敬誠信功德大成仁皇帝 廟號 聖祖○雍正元年九月丁丑朔巳時葬 景陵○乾隆元年三月乙巳加上 尊諡曰 合天弘運文武睿哲恭儉寬裕孝敬誠信中和功德大成仁皇帝 上在位六十一年壽六十有九 上仁孝性成智勇天錫早承大統親奉 重闈尊養兼隆竭誠致愛敬 天法 祖對越維虔敷政甯人孜孜罔倦御門聽政日理萬幾講幄細書寒暑不輟當三逆背恩負嶠蠢動西南半壁所在震驚 上睿謨廣運命將專征指授方畧不動聲色而元兇巨孽以次削平遂下臺灣征羅刹喀爾喀鄂羅斯稽顙請附厄魯特噶爾丹奔亡授首 天威所暨西藏傾心疆宇之廣極於無外雖曰守成實同勦造焉暑雨祁寒惟以四海蒼生爲念小有災祲蠲租賜復動逾千萬寬大之詔史不絕書愷澤所流歲無虛月又復慎刑恤獄爰書覆奏必至再三好生之德洽於民心眷禮親賢保全勳舊辨材任官靡不稱職崇儒重道登闕里之堂升考亭之配萬幾餘暇 御纂經書性理集羣聖之大成以是廣厲士風故人材奮興道同風一又以河防務重屢勅 鑿略指示機宜遂得地平天成一勞永逸至



S
Z121.5
15a

續修四庫全書 史部 編年類

聖學高深含經味道染翰則光騰雲漢鳳翥翔摛文則祕扶圖
 書金聲玉振以至天文厯數樂律義圖莫不構思造微研幾入妙
 非臣下淺識所能窺測也史氏稱漢文景之際刑措不用幾至太
 平又稱唐貞觀中斗米三錢終歲斷刑止二十九人又云宋仁宗
 在位四十二年刑以不殺為威財以不蓄為富兵以不戰為功並
 書之典冊以為美談 上臨御日久超越往代六十一年中兵不
 觀而壯財不聚而豐政教不肅而成風俗不言而喻光天之下至
 於海隅蒼生鼓腹嬉遊熙熙皞皞樂其樂利其利民日遷善而不
 知豈漢唐而下所得同年而語者哉昔人謂貞元會合之運在唐
 虞宇宙開至成周而再見 上久道化成深仁厚澤無遠弗屆含
 生有識淪於骨髓浹於肌膚下至昆蟲草木並育於太和黃髮兒
 齒同臻於壽域信乎貞元會合之運兼唐虞成周而有之矣傳曰
 東華錄 康熙一百十 志

為人君止於仁於戲自生民以來未有盛於此者也